



Uc 7912

2°



SIGR0014946

Biblioteka Jagiellońska

Uc 7912



REINHOLDI  
HEIDENSTEINII  
SECRETARII  
REGII  
RERUM  
POLONICARUM  
AB EXCESSV  
SIGISMUNDI AUGUSTI  
LIBRI XII.

Cum Gratia & Privilegio Sacræ Regiæ  
Majestatis Poloniæ.



FRANCOFURTI  
AD MOENUM

Sumptibus Caspari VVächtleri, Civis  
& Bibliopolæ Francof.

Typis JOHANNIS ANDRÆ.

M. DC. LXXII.



REINHOLDI  
HABIDENSIS  
SECRETARI  
R. REGII  
RERUM  
POLONICARUM  
AB EXCESSU  
SIGISMUNDI AUGUSTI



**H**odie incipiam mittere terrorem atq; formidinem tuam in populos,  
qui habitant sub omni cœlo, ut audito nomine tuo paveant, & in  
morem parturientium contremiscant, & dolore teneantur, *Deuteron.*  
*Cap. 2.*

**O**mnium somnos Principis vigilantia defendit, omnium otium illius  
labor, omnium delicias illius industria, omnium vacationem illius  
occupatio. *Seneca Conf. ad Polyb.*

**R**ex constituitur ex idoneis aptisque, ob eminentiam Virtutis, aut acti-  
onem, quæ à virtute. *Aristot. V. Polit. Cap. X.*





SERENISSIMO  
AC  
POTENTISSIMO PRINCIPI  
ET DOMINO  
**MICHAELI**  
DEI GRATIA REGI POLONIÆ,  
MAGNO DVCI LITVANIÆ, RVSSIÆ, PRVSSIÆ,  
MASOVIÆ, SAMOGITIÆ, KIOVIÆ, VOLHYNIÆ, PODOLIÆ,  
PODLACHIÆ, LIVONIÆ, SMOLENSCIÆ,  
SEVERIÆ, CZERNICHOVIÆQUE.

Domino Suo Clementissimo

Joannes Heidensteinus Sollescius  
Castellanus Gedanensis

*Dedicat, Consecrat.*



Anta semper fuit Historiæ dignitas & utilitas Serenis-  
sime Rex, ut illam non tantum antiquis temporibus,  
verum etiam modernis Principes summo sint profe-  
cuti honore eamque semper ut magistram viræ secuti  
sint. Illa enim est, quæ instruit homines, & quid se-  
quendum fugiendumque sit, edocet, in illa velut in  
speculo quisque ornare & componere vitam ad ali-  
enas virtutes potest. Hæc lux veritatis & vita me-  
moriæ est L. Lucullus Mithridatem & Tigranem potentissimos reges su-  
peravit non alcâ imperandi, bellandique peritiâ, nisi illâ quam ab Histo-  
riis attulit. Nec immerito Alexander Magnus felix doctore, felix inge-  
nio Homerum maximè amavit, & ita quidem coluit, ut cum in Dariana  
præda scrinium gemmis & auro ornatissimum repertum fuisset, & alij alio  
destinarent, ipse Homeri carminibus reservari iussit, quod pulcherrimum  
opus pulcherrimo conditorio dignum existimaret. Cum scirem Maje-  
statem Tuam simili cultu Historias complecti Parentis mei piè defuncti  
reliæta opera rerum Polonicarum, à me nunc demum perfecta nemini  
præterquam Majestati Tuæ dedicanda & consecranda esse duxi. Cui  
enim convenientius? quàm qui stirpem & gentem suam in iis agnoscer?  
Æternâ memoriâ dignorum Regum & Civium Stephani, Sigismundi,  
Visnieviorum, Zamoiscij? Passim hic proferentur è majoribus Maje-  
statis Tuæ, qui opera hæc ut cælum stellæ illustrant. Ad illorum imitatio-  
nem



nem singulari Dei beneficio & favore totius Reipublicæ Polonæ, nec non suffragiis liberis electus, designatus, & coronatus Rex totum se Majestas Tua componit, hoc unum elaborat, ut Pietate, Clementiâ, Justitiâ, Prudentiâ, Regnum hoc tot calamitatibus debilitatum, tot bellis exhaustum corroboret, & tranquillitate exoptatâ beatum præstet. Et hic est verus & maximus fructus liberæ Electionis quæ optimum quemque invenit. *Nam nasci & generari à Principibus (ut Tacitus sentit) fortuitum, nec ultra æstimatur, cooptandi judicium integrum, & si eligere velis consensu monstratur.* Ergo ad Majestatem Tuam eo, hoc scilicet fine, ut splendorem Historiæ huic & tutelam conciliem. Insignia Principum ædibus Prætorii solent appendere, contra injuriam & proterviam hominum, sic nomina hæc sacra contra invidiam & malevolentiam. Non enim deerunt, qui aut sinistrè interpretabuntur, aut injuste coarguent, id quod ex officio Historici, veritatem rebus adstruentis procedit. Quod reliquum est Deum precor, ut prospera Majestati Tuæ nobisque omnibus Regni Majestatis Tuæ initia impertiat, & lætioribus indies successibus id cumulet, Tuamque Majestatem longævam nobis servet, & donet tandem sub Optimo Principe optimam & diu exoptatam Pacem. Datum Sollencini VI. Kalend. Martij Anno Domini M DC LXXI.



MICHA



## MICHAEL DEI GRATIA Rex Poloniarum, Magnus Dux Lithuaniae, Rus-

sia, Prussiae, Masoviae, Samogitiae, Kioviae, Wolhyniae, Podoliae,  
Podlachiae, Livoniae, Smolensciæ, Severiæ,  
Czernichoviaeque.

**S**ignificamus præsentibus Literis Nostris quorum interest universis & singulis, Cum Nobis expositum esset per certos Consiliarios Nostros ac Magnificum Joannem Heidenstein Castellatum Gedanensem suscepisse curam Spectabilem Gasparum Wachtlerum Civem & Bibliopolam Francofurtem ad Mœnum fluvium, manuscripta Opera seu Libros nimirum Historiam rerum in Polonia ab excessu Prædecessoris Nostri Serenissimi Sigismundi Augusti usque ad recentiores præterlapsos annos gestarum, labore & ingenio Eruditi Viri Generosi olim Reinholdi Heidenstein Secretarij Regij, Parentis prænominati Magnifici Castellani Gedanensis conditam; atque etiam Tractatum, de eligendo vitæ genere, per ipsummet Magnificum Castellatum Gedanensem ingeniose conscriptum, propriis sumptibus, typo eleganti, in lucem edere; Vereri autem, nè posteaquam hæc opera in lucem prodierint, æmuli Typographi recudendo in recenti eadem, prænominatum spectabilem Bibliopolam non solum sperato fructu, sed etiam sumptuum notabilium compensatione privent. Supplicatumque Nobis ut ejusdem Bibliopolæ libertati & indemnitati autoritate Nostrâ Regiâ providere dignaremur. Nos proinde prout laudabili instituto supra nominati Magnifici Castellani Gedanensis, ita etiam intercessionem, ex parte prædicti Bibliopolæ Francofurtensis factæ benigne annuentes, Eidem facultatem & libertatem cudendi seu imprimendi specificata supra Opera ac Libros (Censoris autoritate approbatos) ex speciali Gratia Nostra ad annorum Quindecim à data præsentis computandorum decursum concedendam &tribuendam esse duximus, concedimusve & damus hocce Privilegio Nostro; ita ut intra decursum præfixorum annorum, præter dictum Spectabilem Wachtlerum & ejus hæredes legitimos, nulli Typographorum, Bibliopolarum, seu negotiationem Librariam alio quovis modo in Regno, Provinciis & Civitatibus Regni Nostri, & Magni Ducatus Lithuaniae exercentium, licitum sit nominatos libros recudere, recussosve vendere tam in toto quam in parte, sub amissione Exemplarium omnium & pœna Ducentorum Hungaricorum aureorum fisco Nostro & accusanti Parti per mediū applicanda. Quod ad notitiam omnium quorum interest præsertim vero officiorum ac Magistratum Nostrorum quorumvis in Civitatibus Regni Nostri & Magni Duca-



(15) 0 (30)

Ducatus Lithuanie majoribus & minoribus omnibus Existentium deducentes mandamus, ut sæpe nominatum spectabilem Bibliopolam Francofurtensem circa expressam speciali hocce Privilegio libertatem ad expirium præfixorum annorum conservent, in invectione & venditione prænominatorum Librorum & aliorum in Dominiis Nostri ac Civitatibus quibuscunque non impediunt, nec à quibusvis Typographis Bibliopolis impedire eundem vel successores illius permittant. Pro Gratia & sub poenis in Convulsos Privilegiorum Nostrorum Regni legibus sancitis. In cuius rei fidem præsentis sigillo Regni muniri iussimus. Datum Varsoviæ Die XXI. Mensis Aprilis Anno Domini M DC LXXI. Regni Nostri Secundo.

Michael Rex.

(LS)

Concessio imprimendi Libros supra specificatos Spectabili Wächterlo Bibliopolæ Francofurtensi ad annos quindecim

Stanislaus Burbusky S. R. M.  
Regens Cancell.

IN Historia hoc præcipue salubre ac frugiferum, omnis te exempli documenta in Illustri posito intueri: ut inde tibi tuæ Reipub. quod imitare capias: inde sœdum inceptu, sœdum exitu, quod vites Livius.

Exequi sententias haud institui, nisi insignes per honestum, aut notabili dedecore, quod præcipuum munus Annalium reor: ne virtutes fileantur, atq; pravis dictis factisq; ex posteritate & infamia metus sit. Corn. Tacitus Annalium l. 3.

Per Historias veteres ire ne recusa. Ibi enim reperies sine labore, quæ alij cum labore collegerunt, atque illinc hauries & bonorum virtutes, & improborum vitia: vite humane varias mutationes: & rerum in ea conversiones: mundi huius instabilitatem, & imperiorum præcipientes casus: & ut verbo complectar, malorum facinorum poenas, & bonorum præmia: quorum illa fugies, ne in divina justitiæ manus incidas: hec amplecteris, ut præmiis, quæ ea comitantur, potiaris. Basilii pater jam Princeps, ad filium Leonem futurum Principem. Cap. LVI.

REIN-



# REINHOLDI HEIDENSTEINII SECRETARII REGII RERUM POLONICARUM AB EXCESSU SIGISMUNDI AUGUSTI LIBER PRIMVS.



**T**emporum nostrorum res an scriberem, diu gravis ancepsq; deliberatio me tenuit, quæ admodum enim à memoria nostra remotiora, certitudinis minus, ita odij etiam invidiæq; plena sunt, vicit tamen publicæ utilitatis cura, quam si præsens sæculum, ut plurimum erga optime etiam meritos, ingratum spernit: Sera fortassis posteritas, suo aliquando tempore probabit. Res autem ab excessu Sigismundi Augusti scripturo præfari licere videtur. Vix non plerasq; superiorum temporum rebus memorabiles res, scribendas incidere: interregna aliquot: in Moscovia præter opinionem complura gesta: aliquot provincias partim recuperatas, partim pacatas: ad extremum ipsam Moscoviam in triumpho ductam. Verum Sigismundus Augustus Jagelloniæ stirpis masculæ Regum ultimus, ut florentius fere, quam unquam antehac fuerat, regnum reliquit: ita desiderium sui, futurarum autem rerum expectationem, curamq; majorem fere, quam quisquam antea morte sua omnibus attulit. Ad Regni enim statum quod attinet, et si semper quidem clarum imprimis nomen

Sarmaticum fuerit, ut quod & Græca & Romana arma exercuerit: Postea etiam cum potentissimis gentibus vicinis, Germanis, Ungaris, Turcis, Moscis, de plerarumq; provinciarum imperio, vario eventu, semper certatit, Schytarum autem inundationes, per tot sæcula, suorum fere corporum objectu, ad hoc usq; tempus à reliqua Christianitate arcuerit: cum finium tamen amplitudine, tum magnitudine opum, ingeniorum cultu, atq; copia, aliisque diuturnæ pacis commodis, altius certe quam unquam antehac sub id tempus ascenderat. Cum enim ab initio, majore tantum fere ac minore Polonia contineretur, primo Russia partim armis, coloniisq; partim affinitatibus, iisq; extinctis, jure Regio adjuncta, multo maxima postea accessio Lithuania univèrsa, inde Prussia fuit, quæ cum multorum annorum continuis bellis tentata, in fide tamen cruciferorum, constanter permansisset, postea crudeliter & superbe imperantium, dominatum exosa, jugo cruciferorum excussio, ultro in societatem regni se contulerat belloque inde à cruciferis, qui Regiomonti, & in illa Prussiæ parte se recollegant, petita, cum per octodecim annos varia fortuna administratum utrinque bellum fuisset, ita tandem pacata fuerat, ut quæ Culmenis, Mariæburgensis, ac Pomeraniæ tractus nomine, in quo Laumburgensis tamen ac Bythoviensis præfectura Pomeraniæ Ducibus in feudum cessere, cætera pleno jure in potestate Regum Poloniæ permanerent:

A

reli-



reliqua Prussia Alberto Marchioni Brandeburgensi Ordinis Theutonici tum magistro, stirpiq; Brandenburgicæ Onolspacensi, beneficiario jure à Regibus Poloniæ tenenda permitteretur Prussiæ exemplum, postea Livonia etiam, seu maxima ejus pars secuta, aliquot ante mortem Sigismundi Augusti annis, ipsa quoq; in potestatem regni, Magniq; Ducatus Lithuanicæ venerat. Ita ut cum à finibus Ungariæ, Silesiæ, Marchiæ, Pomeraniæ, in Septentrionem, ultra Dunam flumen, seu quem paulo ante excessum Augusti Moschus occuparat, Polocensem Ducatum, quam latissime fines porrigerentur: ab ortu Tyra Borystheneq; fluminibus, & vastissimis, Ocakoviensibus campis, à Turcicis, Tartaricis, & Moschoviticis ditionibus separarentur, à Saxoniæ, Daniæ, & Suetiæ partibus longissimo maris Baltici amplexu ambiretur, amplitudine, & latitudine finium nulli fere Christiani orbis Imperio concederet. Quæ Imperij amplitudo, à Jagellonicis maxime temporibus cepta, ut maxime nomen Polonicum illustravit: Ita non minus res eæ, quæ post excessum Augusti memorabiles imprimis consecutæ fuere. Primum enim extincta, in Sigismundo Augusto stirpe muscula, Regum Jagelloniorum, & si jam ante etiam cum in superioribus, tum ejus etiam stirpis Regibus constituendis jus suffragiorum libertas publica usurpasset: Post hujus tamen mortem, cum aliquot interregna non magno intervallo consecuta fuissent, præcipue non modo jus suum tenuisse, verum novo etiam quodam modo in oculis quasi universæ Christianitatis administrasse id videtur. Præterquam enim quod modus in aliis electionibus orbi Christiano notis, minus frequentatus, quo ex tam diversis lateq; patentibus finibus ad regiam electionem universa nobilitas conveniret, viritumq; Reges eligeret, maxime tum inclauit: Ipsorum etiam Principum Christianorum tanquam ad præmium aliquod virtutis in publico Christiani orbis theatro propositum ambiendum certatim quasi concurrentium, studia & legationes rem per se in orbe Christiano celeberrimam, celebriorem etiam quodammodo fecere. Maxime autem in re nova, & quasi inusitata, eventus non minus fere novi, atq; inexpectati Reges aliquot partim ab exteris, partim longissime distitis regionibus petiti: nonnullorum ex iis inopinata cõsilia ac discessus, non minore fere studio desertum, quam antea Regnum appetitum, æmulationes, dissensionesq; non leviores inter suffragatores, quam competitores, ab iisque cum armorum aliqui motus, tum alij gravissimi casus profecti, innumera autem, cum domi tum foris, bello paceq; præclare gesta & administrata. Ceteroquin domi non satis firma inter omnes concordia, foris autem incerta cum plerisque vicinis pax, præter alia terculamenta, maxime animos hominum sollicitabant. Primum Lithuania paucis ante mortem Augusti annis, in comitiis Lublinen-

sibus perpetua formula regno, ab Augusto unita, & si æquissimis legibus in conjunctionem eam regni recepta fuerat, non modo tamen nondum satis in eam coaluisse: sed graviore fere animo requirere ea videbatur, quæ conjunctione illa decessisse sibi existimabat, quam iis, quæ ei accesserant latari. Ab initio enim ita cum Regno à Jagellone, qui summa cum potestate ei imperabat, tradita fuisset, ut juri Regio tota subjiceretur postea cum ipsius Regis fratribus, tum aliis Ducalis generis annitentibus, paulatim jus id partim detrectare, partim excutere cœperat: quare ut frementibus sæpe contra ordinibus Polonicis id consecuta fuerat, ut suo quasi juri tandem permitteretur: Ita onera etiam omnia, quæ ob bellum maxime Moschoviticum, gravissima eam premebant sola fere sustinere cogeatur: iniquum judicantibus ordinibus Polonicis, ut quæ ab omni juris communione se subtraheret, auxiliis suis, quæ alioquin ex Polonia præstari illis solebant, juvaretur. Post ea incumbente maxime in eam rem Sigismundo Augusto, privatis juribus integris ei relictis, ad publica consilia, eo quo qui ex Polonicis ordinibus optimo essent jure, in societatem regni recepta, atq; ex duabus una respub. effecta fuit: Ita ut consiliorum publicorum ratione communicata, & Senatus unus efficeretur, & in eum quot Polonici Senatores antea fuissent, totidem Lithuanici legerentur; cum antea dum suo jure uterentur, paucissimi omnino Senatores Lithuanici essent. Qua ratione & si accessit, & potius aliquid ad jus dignitatēq; eorum quam decessisset, cum alia tamen nonnulla non satis æquo animo ferebant: tum maxime Wolhinia, Kyowia, & Podlattia, quas eodem tempore regno Augustus adjudicarat, à Lithuania quemadmodum ipsi existimabant alienata, animos illorum stimulant. E quibus quidem Podlattia, quod incolæ fere omnes, & maxime nobilitas Moschovitici generis pleriq; esset, in jus etiam Regni non in vita concessisse. Kyowia Wolchiniaq; quod proceres ejus ex Ducum Lithuanicorum prolapia oriundi pleriq; essent, Lithuaniam magis adhuc spectare putabantur. Accedebant ad hæc nonnullorum privatæ offensiones. Maxime Romanus Sangusko militis Lithuanicæ tunc præfectus, aliquotq; expeditionibus clarus Dux, & cum ob virtutem atq; opes, tum generis nobilitatem, quod cum Jagellonicis commune illi erat, magnæ inter Lithuanos autoritatis, ob fratrem à Martino Zborow. in Boemia, & alterum à Zelecho aulico Regio in Volchinia casus, gravissime offensus, cum paulo ante Augustum obiisset, si illi supervixisset, privatas injurias publico in nomen Polonicum odio, vindicaturus fuisse existimabatur. Plerorumq; tamen animos, cum metu, à Moscho, tum illa ipsa de qua dictum est societas, seu unio, quam vocabant, in qua inferiores se existimabant, maxime sollicitos habebant. Atq; eadem quidem res ipsdem tem-

temporibus in Prussia etiam tentata, majoris partis animos eo magis etiam commoverat; quod Lithuani quidem, integris omnibus juribus suis ad communionem eam adducti fuerant: Prussi cum aliis rebus nonnullis non satis juribus suis fieri existimarent, tum quod executione legis Alexandrinæ, magnæ partis nobilitatis, possessiones non solum in incertum revocatæ, sed publicatæ omnino fuerant. Majoribus quas vocant civitatibus, cum eadem lex intentata fuisset, vi possessiones ad id tempus defenderant. Delegati vero aliquo ante mortem Regis tempore, cum Elbingam, tum Gedanum ad inspiciendas res missi non solum decretis, legibusq; aliquibus utrobique, latis, non sine motu aliquo animorum statum civitatis non nihil immutarent: Verum Gedanenses ad deprecationem etiam conditionesq; adegerant. Livonia præterquam, quod cum nuperrime ad societatem Regni accessisset, in novo imperio, nondum satis coalescere in unum corpus potuisset, in varios etiam possessores distracta erat. Primum Moschus jam antequam in potestatem regni se contulisset, Dorpatense & Felinense agro omni occupato ad extremum Narwa etiam potitus fuerat. Secundum eum Danus Osiliam & Wikam: Suecus Revaliam, vicinæq; castella tenebat. Curlandia & Semgallia, & si Gotardo Kettlero, qui cum novissime magister ordinis Livonici fuisset, in deditionem eam autoritatem suam præstiterat, sæudi jure præmium deditionis permissa à Sigismundo Augusto fuerat: & Kettlerus jus Imperij Germanici ipse etiam in eo sibi exceperat. Rigensis civitas, nullius quasi certum imperium agnoscere videbatur. Reliquæ partes regni, maxime major ac minor Polonia, non modo satis quietæ, sed privatis factionibus, disidiisq; exceptis, integriores, quàm unquam antea fuissent. Cum vicinis plerisque, partim incerta pax, aut suspecta amicitia; partim induciæ erant. Maximilianus Imperator repudio fororis Catharinæ, quæ post mortem Mantuæ Ducis, cui nupta fuerat, infelicibus auspiciis, Augusto fororis suæ mortuæ marito elocata, biennio fere ante mortem ejus missa ad fratrem ab illo fuerat, offensus: in ea tamen & ætate, & valetudine, & orbitate Augusti, suapte etiam ingenio magis spei suæ, domusq; suæ, quam injuriis dolorive obsequi videbatur. Qua de causa, ut putabatur, paulo post dimissam Catharinam, Wradislaviam conventus inter ipsum & Augustum indictus, postea alio quodam eventu interceptus fuerat. Reliqua Germania satis pacata. Apud Turcas Selymus Secundus rerum tum potiebatur. Cum quo fœdus antiquissimum inter Jagellones & Ottomanos ad Sigismundum Augustum usq; perductum, sub excessum fere Augusti, reductione in Moldaviam Bogdani, turbatum non nihil videbatur. Bogdanus hic filius Alexandri Principis Moldaviæ, consuetudine & moribus gentis Polonicæ captus, cum plerosq; Polonos circa se haberet, arctioresq; necessitudine,

conjugere se genti Polonicæ vellet, cum sororem suam Padniewio in Poloniam locarat, tum ipse etiam uxorem à Polonia Tarlownam petebat. Cujus rei causâ cum à Principatu suo in Polonia abesset, Turcæ cum ultro omnia externorum commercia in provinciis suis suspecta habeant, Moldavis ipsis etiam, ut qui partim natura, partim ob Græci ritus dissensionem, non minus ab externa consuetudine abhorreant autoribus, Irpniæ incerti generis hominem, cum alij Stephani Moldaviæ quondam Palatini illegitimum filium eum prodant, alij in Masovia natum, in Poloniæq; quorundam procerum aliquando in comitatu versatum, postea Constantinopolim profectum, superstitione Turcica imbutum affirmant, Bogdano absente sufficiunt. Dignus restitutione Augusto Bogdanus visus: sed ne si consilio publico restitutus videretur, cõtra fœdus factum interpretari Selymus posset, Georgio Jazlowiecio militis præfecto præterito, Nicolao Mieliecio, qui numero aliquo nobilitatis, tanquam Bogdani affinium & necessario eum reduceret: negotium datum. Hic justa manu quidem coacta, atq; militibus aliquot viris sibi adjunctis, non eo tamen apparatu provinciam ingressus, ut cum Turcis negocij aliquid futurum sibi suspicaretur, cum Valachos solos tumultuare persuasum ei fuisset, versus Jassos progressus, in majorem quam putarat exercitum incidit, cum quo finitimi aliqui etiam Turcæ ac Sendziakus se conjunxerant, quorum impetum, cum in re inopinata fortiter sustinisset, paulatim inde sub Chocim in ipsis finibus Polonicis præsidij, quod à Polonici nominis præfecto Dobrossolovio tenebatur, nullo ipse detrimento accepto, hostium autem aliquot casis, cum copiis suis se recepit. Ubi cum ex provocatione, singulati quoq; certamine, à nostris aliquot eum Turcis depugnatum fuisset, tandem inter ipsos exercitus per colloquia induciæ pactæ: totiusq; rei arbitrio ad Principes rejecto, interim chocimum etiam in ejusdem Dobrossolowy potestate relictum Bogdanus omni spe dejectus, neve Selymo ex fœdere eum repetenti dederetur veritus, cum paucis exilij comitibus in Moschoviam elapsus, extremum diem ibi clausit. Cum Tartaro ut semper infida pax, ita ob non soluta aliquot annorum donativa, tum quoque incerta. Cum Moscho nuper admodum induciæ, sed novo more constitutæ fuerant: Lithuania enim per induciæ pacata, in Livonia integris induciis Lithuanicis utrinque bellum exceptum fuerat. Hoc rerum statu die VII. Mensis Julij. Anno salutis humanæ M D LXXII. lenissimis rebus humanis Augustus eximitur. Post dimissam aliquot ante annis, post Comitiam nimirum Lublinensiam anni LXVI. Catharinam, ante etiam mulierosior habitus, maxime tamen ab eo tempore, mulierum aliquot amoribus illigatus, in consiliis de divortio cum Catharina autoritate summi Pontificis faciendo rotas versari ceperat, seu



prolis spe ac desiderio, seu liberius ea quam delegisset fruendi. Paulo ante mortem cogitationibus suis, vel maxime adhuc occupatus, dum Varavia Comitata habet, nuntium de morte Catharinae quae Lincij obierat allatum ei fuit. Quod satis constat cum ab oratore Casareo Joanne Cyro, Abbate Sancti Vincentij, Vratislaviense mors Reginae nuntiata primu ei fuisset, in effusissimas lachrymas erupit, stupefcentibus omnibus, rem quam ultro animo agitarer, cum sponte ei obvenisset, tam dolenter ab eo ferri. Ab eo tempore cum morori se dedisset, mox morbo etiam implicitus, semel tantum in Senatum venit; indeq; Comitibus solutis, quae pestis etiam vehementissima oborta inficiebat, & corpore & animo aeger, Knissinum se receperat. Priusquam Varavia discederet, praeficiens quasi animo propinquum exitum, mense Maio testamentum condidit, tribus exemplis ejus confectis, secretissimisque signo obfignatis, unum forori Annae tradidit, alterum ipse asservandum penes se habebat, tertium Tikoczini, quo jam ante alias res pretiosiores contulerat, deposuit. Omnium tam mobilium quam immobilium rerum sorores, Brunsvicensem, Regnam Sueciae, Regulamque Annam, a quo jure haeredes instituit. Ita tamen ut & Reginae Sueciae, quae dotem nondum accepisset, & Annae Virgini, eadem quae ante Isabellae Ungariae Reginae, & Zophiae Brunsvicensi, triginta duorum milliū aureorum dos praestita esset, ex haereditate repaerentaretur. Tria genera possessionum haereditatio jure in Lithuania maxime & Podlattia pertinere ad se demonstrat. Unum paternorum haereditariorum, pro arbitrio vivente adhuc patre sibi traditorum alterum maternorum, privatis diversis juribus, & obligationibus acquisitorum, tertium quas ipse, vel jure caduco, vel testamento, vel emptione acquisivisset. Cum vel alienis cōferre eas se potuisse disputaret, quemadmodum quidem nonnulli similes à se collatas possiderent, quanto magis optimo, omniumque gentium jure, sui istas arbitrij & potestatis esse? Ea igitur, quemadmodum & mobiles res, cum proprium suum, majorumque suorum patrimonium & quasi peculium sint, ut penes sanguinem suum manerent, æquum esse. Itaque quoad aliqua ex sororibus, aut posteris eorum reliqui essent, mutuo sibi succedere debere: Omnibus deficientibus, ad Regnum & M. D. Lithuaniae in publicos usus redire debere. Libertatis tamen, & securitatis publicae causa, ut res soli à sororibus justo tamen pretio & aestimatione redimantur permittit. Ita tamen ut non prius iis moveantur, quam quod in aliis etiam juris publici esset, vel post nuptias, si Anna etiam extra Regnum nuberet vel post mortem si obiisset. Sepulturam si in Regno moriatur Cracoviae, si in Lithuania Vilnō in aede Divae Annae inter uxores Elisabetham, & Barbaram sibi assignat. Fundationemque praepositurae aedis ejus, cum duodecim mansionariis, ornamentorumque curam,

sepulchrorum itidem tam sui, si ibi condere-tur, quam uxorum perficiendorum sororibus, maxime autem Annae, illis autem deficientibus ordinibus universis, commendat. Collegio Jesuitico Vilnensi Bibliothecam Tikocinensem ea conditione legat, ut ex collegio eorum, quot diebus Dominicis semper in ea quis concionetur. Edi autem ipsi Divae Annae argentum omne, mundumque suum omnem legat, tam qui in utroque thesauro aulico, quam quotidiano usu esset. Excepta cruce aurea, in qua saphyrus cum ligno sanctae Crucis esset, quam Cellae Cracoviensis, in qua Pater situs, legat. Ceteroquin Regulae Annae, ut quam in Regno mansuram praeflagiret, cuique rerum earum maxime curam commendabat, ex auro, argento, mundo, cum suppellectile pretiosiore, stabulo item, non pauca praeter aliis sororibus praecipua legat. In solutionem stipendiorum aulae, renumerationemque pro cuiusque meritis, ad infima usque culinaria Aurigarum, & stabulariorum, impensa operae, argentum mensae, quod apud Thesaurarium regni esset, deputat. Ita tamen ut si sorores parata pecunia satisfacere illis mallent, argenti inter se aequaliter partendi optio illis esset. Annae ordinibusque utriusque gentis mutuum amorem, concordiamque, unionemque à se perfectam multis verbis, magnaque cum obtestatione commendat, non sine imprecatione in eos, qui ab ea discederent. Tormenta cuiusque generis & instrumentum omne bellicum, quod in Regno reperiretur, regno: quae in Lithuania, Lithuaniae legat. quae Tikoczini, ut tanquam in propria haereditariaque arce sua, nam & illam, inter haereditarias possessiones adjunxerat, relinquerentur. Cum Successorem autem quicumque futurus esset, tum omnes utriusque gentis ordines, praeterea vero quos rerum earum haereditarium custodes praefectosque constituisset, non sine execratione in secus facientes obtestatur, illos quidem ne vel voluntati suae ultimae vim vel sororibus suis injuriam, quam sine dubio vindicaturus DEUS esset, facerent; hosce vero, ne cuiusquam vel minis, vel precibus adducti, ulli alij, quam ex voluntate ista sua quicquam rerum istarum traderent. Literas quaecumque post mortem suam in scriptis suis reperirentur, ut non lectas, mox exurerent, maxime quidem Annam, tum vero quemcumque qui in eas incidisset, dira omnia secus facientibus imprecatus, rogat. Executionem testamenti senatui univerno utriusque gentis committit; nominatim autem primoribus, tam saecularibus, quam ecclesiasticis. Dubitabundus autem, quasi jam tum de voluntate ordinum, praeter eos, Joannem Georgium Electorem, Georgium Fridericum Marchionem, Albertum Fridericum in Prussia Ducem, itidem Marchionem Brandenburgensem, tanquam propinquos, ut si domestici executores officio suo deesset, ipsi voluntatis ejus suae executionem in se susciperent, obsecrat. Senatoribus executoribus equos singulos, Marchionibus binos legat, qui super essent,

essent, quemadmodum vix ullus princeps Europae, seu numero equorum, seu bonitate praestantius stabulum habebat, in ministros familiamque aulicam distribui jubet; ita tamen ne greges vastarentur. Non sefellit eum opinio: non modo enim testamentum, sed vix quicquam eorum post mortem ejus ratu fuit. Paulo ante mortem, quascumque nam quae in usu erant à thesaurariis fere servabantur, magni precij res privatim habebat ipse congesserat, praeterque duo unicornia, aurum, argentum mundu, suppellectilemque omnem regiam, quam preciosissimam habebat, signati itidem auri ad ducenta millia Tikocini deposuerat: praesidioque ac praefecto ei imposito, ne cuiquam praeter forori Annae post mortem suam ea traderent, praefectos praesidiariosque obstrinxerat. Itaque cum nulla sub mortis ejus tempus suppellex, aut pecunia penes eum reperta fuisset, plerique etiam à morte ejus dilapsi essent, ita corpus ejus destitutu fuit, ut nullo fere curam ejus suscipiente, tandem Stanislaus Czarnkovius Referendarius, linthea atque alia quae ad pollincturam pertinebant, privato sumptu, ac cura compararet, administraretque. Obijt ætatis an. 52. regni 42. cum decem annorum puer novo exemplo, cooptatus à Patre in Regnum fuisset. Exitus ejus cum sermones hominum varios, tum multo magis, quemadmodum supra ostensum est, curas commovit, alij molliem ejus semper otium bello praeferebant, tum infelicia matrimonia, nonnulli etiam magicæ superstitionis studium commemorantes, inauspicato, & contra libertatem publicam, comitiis electionis non indigetis, à Patre privatis ordinum studiis comparatis, in regno confirmatum inauguratumque, non minus infelicitate regnasse, jactare. Diversi cum universae familiae Jagellonicae in rem publicasque privatas familias merita, tum ab ipso Augusto Lithuaniae societate regno devincta, Livoniam adjuncta & publicas possessiones, à privatis lege Alexandrina vindicatas, tum naturae benignitatem, qua omnes fere privatim sibi devinxerat, prudentiamque in administrandis rebus dignam magno Principe, maxime autem temporum ejus felicitatem laudat. Polonia enim una excepta quam paucis ante mortem ejus annis, Moschus coeperat, cum integre provinciae partim tentatae, partim adjunctae fuissent, per tam longu imperij ejus tempus, detrimentum aliud vix ullum acceptum fuerat. De Moscho autem aliquot victoriae relatae. Cum Imperatore christianorum etiam inter offensas istas, pacem, constantissime tamen retinuerat. Turcarum autem ita tractare noverat, ut non solum pacem cum eo firmam, sed addictissimu etiam ac reverentem sui haberet, qua ejus apud Turcas autoritate, cum Tartarorum etiam minus frequentes, quam cuiusquam alterius fere Regis imperio, in Podoliam Russiamque excursions fuissent, tractus earum regionu amplissimi fertilissimi, cum ob superiorum temporum frequentes vastationes, deserti plane fuissent, Colonis deductis, non solum rursum frequentati, sed ad eam etiam quae nunc est cultu-

ram perducere coeperunt. Ad alia pacis, quae per omne imperij ejus tempus per Regnum ejus ubique floruit, cum aula tum aliarum rerum omnium circa illum splendor & magnificentia ejus accedebant, quae ut apud suos admirationem, amoremque, ita apud externos inter alia etiam auctoritatem comparabant, non minore. Verum haec prout quisque vel gratia, vel odio movebatur, diversis jactantibus, publica cura & metus quidam omnium animos invaserat. Quod enim sine prole decessisset, primum ipsius rei insolentia, plerisque movebat. Superiorum enim inter regnorum, quorum proximum, atque adeo solu fere, in quo jus suffragij maxime emineret, post Ludovici, qui in Ungaria Polonia simul imperarat, mortem, fuerat, quis meminerat? quotus autem quisque à patribus memoriam acceperat? Consequentes Reges etiam suffragijs ad Regnum vocabatur. Quamvis ne Ludovicano quidem interregno, ad alienos plane pervenisse Regnu videri poterat: non magis enim Regno Rex, quam filiae Regis maritus, quæ sitis Jagello fuerat: neque sic tamen multarum rerum perturbatione vacavit. Sigismundo Augusto extincto, successionis jure omni sublato, neque etiam ratione eligendorum Regum certa aliqua constituta, partim incertis fluctibus comitioru, partim vicinorum potentiarum ac cupiditati expositum regnum videbatur. Ac tantu quidem cura haec valuerat, ut vivente adhuc Augusto, aliquo ante mortem ejus tempore, etiam in publicis Comitibus, vel de certo successore etiam vivo illo, designando, vel certa forma suffragiorum, comitiorumque publico consilio constituenda agitata fuerit. Verum cum & valetudine & morte Augusti, solenni cunctatione ejus dilata deliberatio ea fuisset, ut alia ita ea quoque mors ejus praevenit. Praeter domesticas curas, maxime Turca tam potes Barbarus proxime offensus, quodque foedus eum eodem nullu nisi Regibus esse soleret: eademque mors Regia inducias etiam Moschoviteas ruptura videbatur: ab altera vero parte cum domo Austriaca ob recentiores injurias, non satis etiam certa amicitia expectaretur, sollicitos homines habebant eoque magis, quod neque Ducem, neque militem fere certum respublicam haberet, à Nicolai enim Sieniavij, qui proxime magistratu eo functus fuerat morte, sive non necessarium, sive gravem Regibus magistratum eum ratus, nullum militiae Ducem Augustus nominarat. Itaque magistratu eo vacante, cura tamen finium Russicorum Georgio Jazloviecio pro militiae Duce demandata postea fuit. Jam vero multo ante vivente adhuc Augusto vaticinia quaedam, quae in omnium conversionum expectatione, tanquam legitima ac solennia decantari fere solent, eo terrore mentes hominum compleverant, ut cum Augusto regnum simul, atque omnia interitura plerique opinarentur. Non inutilis metus hic erat. Cum enim proximorum annorum, quasi justitio quodam quo ob valetudinem, multitudinemque causarum vacare judicijs Augustus non poterat, multorum licentia valde confirmata fuisset, atque ideo ne una cum Prin-



cipe legum metu sublato, in mutuas cades, ac rapinas rueretur, valde homines vererentur, facilius & communis salutis cura hæc plerosque in officio continebat: & ut majore etiam religione ad ipsam electionem accederetur, fecit: quam qualem vulgata omnia re & cura illa publici interitus remissa, in posterioribus interregnis versatam postea vidimus. Nuncio mortis Augusti vulgato, primi minores Poloni Cracoviam magno numero concurrere. Princeps in ea ordinis secularis, cum more majorum Castellanus Cracoviensis sit, illo tempore Sebastianus Mieliecius locum eum tenens, dignitate majore quam autoritate erat. Potissimum apud Joannem Fierleijum Palatinum eundemque Praefectum Cracoviensem, Marsalcumque Regni, & Petrum Zborovium Sendomiriensem. Palatinum autoritas erat. Palatinum Cracoviensem Fierleijum, post mortem Stanislai Barziz vacantem, in ipso fere articulo mortis Augusti, per Mniskonem cubiculi Augusti ministrum, non sine tacito pacto, & cum Augusto de matrimonio ejus quod agitabat, juvando, & cum Mniskone de sorore ejus duenda, Viduus enim tum erat, adeptus putabatur. Post mortem quidem demum Augusti literis publicatis eum adiit. Præter eos autem quos commemoravimus, non pauci alij etiam Senatores confluerant, Caspar Zebrzydovius Palatinus Califfiensis, Hieronymus Ossolinus Sendomiriensis, Christophorus Miskovius Ravensis, Nicolaus Fierleius Visliciensis, Stanislaus Saffraniecius Biecenensis, alijque complures Castellani, nobilitas præterea frequentissima. Imprimis Koreinensem confederationem, qua majorum temporibus pax publica diligentissime sancita fuit, renovant, eandemque denuo sanciunt. Maxime inde in Austriacos conatus intenti, Joanne Tarlone Radomienfem, & Nicolao Ligeza Zavichostenfem Castellanis præfectis, quadringentos equites, totidem pedites, ad Ungaricorum finium custodiam, stipendiumque in eosdem assignant: tantundem militum ad Silesiacorum: Hieronymo Ossolinio Sendomiriensem, Joanne Sieniczky Zarnovienfem Castellanis, Andrea Firleio Præfecto Sendomiriensem, aliisque nonnullis præfectis: Summa rei Stanislao Saffraniecio Castellano Biecenensi præpositis. Ad arcis ipsius Cracoviensis præsidium, sexcentorum peditum conscribendorum Palatino, magno ut vocant arcis procuratori, tormentaria rei reliquique instrumenti bellici cura demandata à quorum aliquo quicquid tam in militem, quam in alias res erogatum fuisset, de eo ex publico illis refundendo, publica conventus ejus autoritate illis cautum. Non parva inter alios cura Tartarus illos angebat. De eo in ultimis comitiis, paulo ante mortem Augusti constitutum fuerat, ut ex vestigilibus Volhiniae Podlasiensibus & Lithuanicis, unius anni donativum, demulcendi interim ejus causa illi mitteretur, quod ut mox exequerentur, ad Krassinium Episcopum Cracoviensem, eundemque Vice Cancellarium, aliosque Se-

natores, qui circa corpus Regium erant literas dant. Parnaviensibus itidem præsidariis ut ex eodem Senatusconsulto satisficeret, ut ex Arcis Augustianis tantum pecuniae in usum eum sumerent permittunt: ad Moschum ut legati quam primum mitterentur, qui majorum legatorum adventu nunciato, per eosque perpetuae pacis ac foederis spe illi injecta, impetum ejus si qua possent tardarent: alias res ut in communem omnium conventum integras sustinerent, quem ad diem X. mensis Augusti, ante loci & temporis electioni præfiniendi, aliarumque rerum ad rempub. pertinentium constituendarum causa indicendum existimarent, eaque de re ad majores Polonos, Lithuanos, Russos, Prussos, scripsissent. Itaque ut ipsi quoque ibi eos expectarent, petere. Ab altera parte non multo post circa medium mensis Julij, ad Jacobum Uchanfium Archiepiscopum Gnesnensem, ad quem more majorum prærogativaque Archiepiscopatus, regno vacante interregni jus rediisse plerique censabant, majores Poloniae, cum Senatores tum nobilitas frequens conveniunt. Ex Senatoribus quidem Stanislaus Karnkovius Vladislaviensis, Albertus Starozrzelsky Chelmenfem Episcopi, Lucas Gorakanus Polnaniensis, Albertus Lascius Siradiensis, Joannes Sirakowius Lanciciensis, Joannes de Sluzewo Brzeftenfem, Joannes Arnolphi Uchanfem Plocensis, Joannes de Krotosfino Vladislaviensis Palatini, Joannes Kostka Gedanensis, Joannes Wisocius Landensis, Stanislaus Krzeczus Raciazensis Castellani, alijque complures, cum Senatoris tum equestris ordinis. Præter sanctionem pacis publicae, modum etiam vis, injuriarumque si qua interregni tempore facta esset, aut fieret, persequende statuunt: ut ad proxima comitia electionis violator pacis publicae, citaretur, sexque ab initio comitorum dies peremptoria illi esset. Defendendorum finium, regnique causa publicam expeditionem decernunt, ut in suo quisque Palatinatu, eo loco, qui à Palatino assignatus illi esset se sisteret: in itinere vel quocunque loco, nihil ut vi, sed precio legitimo commeatum, aliasque res quibus opus haberet sumeret. Ne commercia etiam rerum creditarum interina cessarent, ut tabularia Castrensia non minus interregni tempore omnibus paterent, ad mutua tamen tantum, liberationesque ab iis, non vero ad perpetuas obligationes accipiendas constituunt. De Tartaro præsidariisque Parnaviensibus, in eam sententiam in quam jam vivo adhuc Augusto, quemadmodum supra ostendimus, Senatusconsultum factum fuerant, ipsi etiam decernunt. Ad omnes vicinos Principes item, ut literarum mortem Regis nunciantes, pristinorumque foederum eos admonentes, mitterentur. Simul de loco & tempore electionis, non tam certi aliquid constituunt: quam sententiam suam aliorum absentium arbitrio permittunt. Locus ob periculum à Moscho Knissinum commodissimum videri, ubi & corpus Regium esset, diem intra duas à Bartholomaei Septimanas, quod quo maturior dies constitue-

stitueretur eo rectius & quieti publicae consuleretur: & novarum rerum consilia artesque exterius excluderentur. Simul non minus ea de re deliberandum significabant, ut ordine electio administraretur, maximeque ne ex multitudine confusio aliqua existeret. Ante omnia constitutione emendationemque jurium, ac libertatū erroresque, qui contra eas irrepsissent, curam summam judicabant, neve prius novo Regi sacramento quisquam se addiceret, quam confirmata ea ab illo fuisset. Ad eam rem Palatinum Lanciciensem, Castellanos Gedanensem, & Inowladislaviensem proponunt, qui omnibus reipub. partibus inspectis, quae reperissent, publici conventus judicio postea submitterent. Dederant ad conventum cum Lithuanici etiam ordines literas, quibus studium quidem constantiamque suam communi consilio rempub. tuendi deferrebant: maxime tamen contra Moschum præsidij aliquid petebant. Legatio igitur ex conventu etiam illo ad eas missa, quae & studium eorum in communem rempub. gratū haberet: & quod more majorum post mortem Regum ad Archiepiscopum tanquam Principem Senatus, consilia in commune conferenda essent, optasse ostenderent, ipsos etiam conventui illi interfuisse: interim de omnibus quae constituta essent, certiores eos faceret: deque tempore & loco electionis. Cum illis communicaret, ad Moschum autem ut communem nomine, tam Polonico, quam Lithuanico, legationem mitterent, illis consuleret. Et si opem dubiis rebus suis contra Moschum implorantibus, ipsos sibi consilium capere debere, se in tam perturbato Regno Statu, nihil præter preces suas deferre illis posse, responsum eis nomine Archiepiscopi fuisse vulgo jactaretur. Quae res superiores offensas ipsarum auxit. Cum Episcopus Cujaviensis, & Castellanus Gedanensis, Gedanensium consilia & imprimis suspecta, & privatas etiam quasdam inimicitias cum illis haberent, Castellano Gedanensi in Prussia etiam militis alicujus habendi, eodē in conventu cura demandata. Obventu igitur motus alicujus à Rege Daniae, qui ob Classarios in mari Baltico ad navigationem Narvikam prohibendam temporibus Augusti instituti fuerant, non satis amico in regnum animo esse videbatur, Ernesto Vejero Veterano præfecto Duce, aliquot equitum peditumque Germanorum millia in Prussiam induxit, atque in adventum: deinde Henrici circa Gedanum habuit. Contendebat cum Archiepiscopo de jure comitorum habendorum, Regis eligendi adeoque autoritate interregni Marchalcus Firleijus, & tanquam in te supra hominum memoriā repetita, ac fere dubia, cum magnae uterque autoritatis esset, neutri, qui eum sequerentur, deerant. Archiepiscopum major Polonia fere universa Catholicique plerique Marchalcum cum alij nonnulli, tum diversae religionis omnes, quorum & ipse quasi caput erat, & quorum per indulgentiam seu negligentiam potius Augusti, valde & copiae, & vires confirmatae fuerant. Ne conventum igitur Lovicensem, autoritate Archiepiscopi habitum

agnoscere videretur, conventum quem in diem 10. mensis Aug. Knissinum autoritate ejus adducti, minores Poloni indixerant decretis conventus Lovicensis. cognitis literisque etiam ab Archiepiscopo acceptis, quibus institutum id illorum conventus istius Knissinensis improbat, quo spacium communicandi cum majoribus Polonis, si forte in sententiā adhuc pertrahere eos possent, tum cum Lithuanis etiam haberent, in 24. Aug. diem prorogant. Conveniunt Knissinum, imprimis quidem Marchalcus ipse, idemque Palatinus & præfectus Cracov. potissimus conventus ejus author: tum minores Poloniae Senatores plerique. Jam ante autem penes corpus Regium, Franciscus Krassinius, qui cum paulo ante mortem Augusti ad Episcopatum Cracov. morte Padnievy vacante, commendationem Vicecancellarius obtinuerat, sacris Roma ante mortem Augusti non allatis, una cum Vicecancellariatu Episcopatu Cracov. obtinebat, tum Eustachius Volovicius Trocensis Castellanus, alijque nonnulli Senatores erant. Ad Lithuanos quemadmodum supra ostensum fuit, ex Lovicensi conventu, Nicol. Macieioviū Palat. Lublincensem, & Hieronymum Sieniavium Castellatum Kameneccensem majores Poloni miserant, qui cum minoris Pol. ipsi Senatores, magis, minoris etiam Poloniae Senatorum autoritati studerent, Lithuanos qui circa 10. Aug. conventum Grodnæ ipsi etiam habebant, facile adduxerunt, ut cum singuli conventum Knissin. obire integrum sibi non existimarent, legatos ex corpore suo, principemque inter eos Joannem Cstodkieviciū præfectum Samogitiae, qui omnium nomine in commune consuleret, ad conventum eum mitterent. Ex minoris Poloniae Senator. nonnulli ut Zborovius Palat. Sendomir. Cancellarius Dembinus Episc. etiam Plocensis Miskovius quamvis majoris Poloniae Senator, alijque nonnulli, eū ipsi impediti obire eum non possent, sigilla sua miserant, quemcunque ibi locum diemque electioni qui convenerant præfinissent, ipsi etiam ratum habituri. Imprimis igitur ex communi quasi autoritate tam regni, quam M. Duc. Lith. ad Bistriciam infra Lublinum ad diem 13. mensis Octob. conventum electionis novi Regis indicunt. Præterquam quod Lithuan. commoditatis rationem eo loco habere videri volebant, necessitate etiam ad eum rejectos se causantes, quod cum per universum Regnum vehementissime pestis grassaretur solus is locus immunis ab ea tum esset. Literas inde cum ad Caesarem, tum Turcarum Imper. aliosque vicinos Principes dant, quibus morte regia illis significata, foedera quae a tot saeculis intercesserint non tam ad Regem qui caput esset, quam ad universum corpus regni pertinere demonstrant eumque ipsi & per tempus id interregni sanctis. ea colere parati sint, futurorum Regi quam primum ea renovandi, diligentissimeque tuendi autores esse, ut ipsi quoque ex sua parte non minus facta rectaque ea tueatur, petunt. Prussiae dux qui morte Reg. per oratores suos deplorata, studium suum Senatui deferrebat, maxime autem ne à suffragij jure excluderetur satagebat, ad ipsius electionis conventum rejectus. Miserat



& Iwonia Valachus ad conventum eum legatos. Jam ante quidem, Augusto jam mortuo, sed morte ejus suppressa, per Jaslovicium Palatinum Rusiæ, post receptum ex Valachia Mielicij cum Bogdano, autoritate quasi Regia receptus in fidem fuerat. Animum igitur propositumque fœderis ejus summa fide colendi per eosdem legatos contestatur. Simul Pocutiam tamen tanquam antiqui juris, possessionisque Valachicæ, tum Thesaurus quos Thomas ex Valachia in Regnum importarat, repetit: Pocutiam feudali jure se accepturum, fidemque obsequiumque ejus nomine regno præsticurum offerens. Sub ipsum fere excessum Augusti, non parvi precij mercium currus aliquot, Constantinopoli pro Augusto comparatarum, retenti ab eo in Valachia fuerant: mox literis Augusti allatis dimissi; cumque jam pars in regnum pervenisset, morte postea ejus cognita, pars Chocimum in finibus regni iterum detenta. Fœderis igitur studium quod ostendit gratum ordinibus accidere, mutuumque animi eorum quocumque vel secundo vel adverso tempore suo polliceri eum sibi posse responsum. De Pocutia Thesaurisque Thomæ ad frequentiore conventum dilatus. De mercibus postulatam, ut cum morte Augusti ad nullum alium, quam Regnum ipsum pertinere possent, quod reliquum in potestate ejus esset, quamprimum restitui juberet. Mox à morte Augusti frequentes ad Senatores querelas de difficultatibus suis per literas aulici detulerat: capita tum quasi eorum erant, Joannes Dulsky Castellanus Culmenis, Joannes Liesnovius Poculator Leopoliensis, Matthias Zalinius Præfectus Tucholiensis, Bobola, qui postea præsentis Sigismundi Regis tempore regni Succameratiatum administravit. Querebantur non solum ob pestem gravissimam grassantem magno in periculo, se ob non soluta stipendia, summa etiam in egestate tum annonæ quoque difficultate versari, ut quam præter alia incommoda Kosaci. Lithuanici per præfecturas silvarum ab Augusto in Lithuania instituti, quorum ab Ckstorossia ad Waskiloviam aliquot milia stativa habere, subvectionesque ad aulam impedire dicerentur, interciperent. Si peste fameque coacti consilium sibi capere cogenerentur, quid de corpore regio aulaque adeo ipsa consilij capiendum censerent, in tempore sibi præscriberent. Maxime magistratum, Marsalci, & Thesaurarii præsentia opus esse: neque solum ob ipsos aulicos, verum equos etiam regios, qui cum circa eos magni etiam defectus essent, nullam moram paterentur. Primum igitur stipendia ex paratissimis pecuniis & rebus, quæ in scriniis defuncti Regis circa illum reperta erant illis soluta. De corpore Regio ob pestem Knissini grassantem ut Tikoczium transferretur statutum. Viscera Knissini condita. Infantis seu Reginulæ Palatino Plocensi cura commandata, simulque aliquot Regij aulici Deputati, qui honoris causa circa illam essent: alimentorum in eam expediendorum Thesaurario Regni negotio dato. Præpositus

Czestochoviensis gaza ecclesiastica omni cõvalata, in Silesiam sub id tempus se contulerat: ut redire cum ea illum juberet ad Cæsarem literæ datæ. Quodque & in Cracoviense, & Lovicenses, aliisque nonnullis conventibus, jurium libertatumque publicarum, per occasionem hanc interregni, partim emendandarum, partim augendarum, vel imprimis mentio facta fuisset, cum quibuscumque videretur cõditionibus, obligare futurum Regem ordines possent, ut apud quemcumque vel publice vel privatim privilegia aliqua extarent, indices itidem Cromeri ac Zamoisij archivi regij Cracoviensis, utriusque præterea Cancellariæ tabularia, ad conventum eum electionis conferrentur, edicunt: quo quid libertati jurisque publice deesset, aut si qua emendatione alicubi opus haberet, ex his perspecto, quo ad suæ potestatis respub. esset, à novo postea Rege confirmandum constitueret. Operi illi Hieronymum Ossobenium Sendomiriensem, Nicolaum Fierleijum Visliciensem, Joannem Herburtum Sanocensem Castellanos, totidemque ex nobilitate præficiunt, qui omnibus iis diligenter examinatis, de quo scripto inter ipsos convenisset, futurorum comitorum electionis judicio submitterent. Aliæ res quemadmodum arcium limitaneorum munitione curaque stipendiorum in militem, ex Cracoviensis cõventus autoritate scriptis, ærisque alieni fide duorum Palatinatum in eas res facti solutio, similiter Podolicorum, Lithuan. & Livonientium militum stipendia, moneta itidem per interregni tempus cudenda in tanta publicæ rarioris inopia factæ magis quam constitutæ fuere. Quicquid tamen ultra aulicorum stipendia ex scrinio Regis superfluit, in Podolicum militem erogatum, literæque autoramenti futurum ex eodem conventu illis missæ, expeditionis etiam publicæ necessitate, qui stipendia publice mererent, quemadmodum aliis plerisque in conventibus, ita in hoc quoque milites omnes exempti. Decreta hæc cum per universum Regnum, tum Lithuaniam, Prussiamque, cum edictis publice propontis, tum legatis quaque veritate dimittis publicant. Imprimis ad Archiepiscopum, majoresque Polonos, Nicolaum Sienniscium, Succameratum Chelmeniem, Joannem Lesniowiam, poculatorem Leopoliensem, Laurentium Voinam teribam magni Ducatus Lithuanicæ, communem quasi Polonicorum & Lithuanorum Senatorum nomine mittunt: qui & causas conventus ejus à se haberi, neque arrogantia aliqua aut contemptu cujusquam, sed in tanto periculo publico, omniumque rerum confusione necessitate ipsa ad eum adductos illos, qui convenissent, ostenderent, utque diem locumque eum electionis, ut qui ex communi consilio rationibusque tam Polonicæ, quam Lithuanicæ gentis, constitutus esset, ipsi etiam acciperent, ab illis peterent: quod si etiā in septimanā unā prorogandam diē existimarent, minime se refragaturos; modo in tempore per alias regni partes, ut Russiam, Prussiam, Lithuaniam, ac Livoniam, publice de eo significarent; quo quamprimum certa dies omni-

bus innotesceret. Nisi in tempore sententiam suam eade re declararent, ita acceptum iri, ac si in diem, locumque eum à se constitutum consensissent. Quamprimum de decretis conventus Knissinens. inauditum fuit, mox majores Poloni, ad diem septimam mensis Septemb. Stedæ concurrunt, utriusque conventus, tam Lovicensis, quam Knissinensis scita abrogant. Lovicensis, quod quæ decreta in illo essent, non publico totius nobilitatis scitu consensuque; adhibito statuta in illo erant. Itaque quæ ex scitu ejus accipiunt, ut Confederationem seu sanctionem pacis publicæ receptionem itidem ad tabularia obligationum temporariarum, & si quæ ejus generis, tanquam à se ejus conventus autoritate, statuta accipiunt. Knissinensem vero, quod contra jus primatis, majorisque Poloniæ, minores Poloni, Lithuanique conventum electionis indicere ausi fuissent, omnino tollunt notare. Archiepiscopi primatum agnoscere quosdam nolle, cum quæ Archiepiscopo aliorum Senatorum consensu, consilioque; adhibito administranda respub. credidisset, ea ipsi privata autoritate sibi usurparent. Itaque ut Archiepiscopus novum Senatorum conventum haberet: ex communi omnium consilio, diem locumque electionis præfinit. Cardinalis legatus Pontificius, alijque externi legati, ne in Regno per tempus id interregni tolerarentur. Non obscuræ inter Zborovios, Fierleiosque similitates erant. Itaque ne Palatinus quidem Sendomirienensis Zborovius, & si in conventum Knissinensem ipse etiam consensisse videbatur, sigillumque; adeo suum ad eum miserat, vel invidia tamen obtreffationeque; Marsalci, Palatini Cracoviensis Furley, seu studio factionum, in sententia mansit; reque cum Cancellario Dembinio, nobilitateque aliqua Cracoviense, & Sendomirienfe communicata fratrem Andreæ Zborovium tum Entiferum, ad Archiepiscopum; Episcopum Cujaviensem, ac pluresque majoris Poloniæ Senatores mittunt nunciatum, quamvis sigilla subscriptionesque suas, ipsi absentes ad publicandum diem & locum electionis Knissinum misissent, non alio tamen animo id à se factum, quam ut omnium utriusque Poloniæ consensu id fieret. Itaque quominus quid illis videretur, diem locumque; Electioni, nullo Knissinensis decreti respectu habito, præfinit, se non obstare. Præter hos Lithuani etiam aliqui, maximeque inter illos præfectus Samogithiæ, Joannes Ckodikievicius, qui sororem Zboroviorum in matrimonio habebat, ipse quamvis nomine Lithuanicæ legatus conventui Knissinensi interfuisset, in eandem ferè sententiam literas ad Archiepiscopum, ceterosque majores Polonos dederant. Acta omnia Knissinensia in Marsalci referentes; maxime de Lublino, ut de quo contra sententiam Lithuanorum ipse maxime prævicisset, cum Lithuani alijs fere in locis plerisque circa Lublinum pestem grassari ostendentes, Lomzam voluissent. Legati igitur Knissinenses, cum Knissino

profecti Raciezy Masoviz in Plocensem Conventum, Kosobutiumque scribam; prærogativam primatus acerrime defendentem incidissent, eum mox Conventum Knissinensi adversum experti fuere. Non solum enim Archiepiscopi tanquam primatis in designando, ex coramuni Senatorum sententia loco, temporeque; Electionis autoritatem sequendam statuunt, sed Lovicensem conventum, sine exceptione accipiunt. Episcopus tamen Plocensis Miskovus, ad diem à Knissinense conventu Electioni præstitutum, etsi alij non convenirent ad futurum se professus, ab aliis Senatoribus quos ibi offenderant, ad communicationem cum aliis Senatoribus majoris Poloniæ rejecti. Vladislaviz apud Episcopum Cujaviensem, cum Palatinum Siradiensem Lascum, Andreæque Zborovium legatum, à nonnullis è minore Polonia, ut supra ostensum est offendissent, Episcopus in eandem sententiam mox respondit, si quid præter majorem Polonorum scitum Knissini constitutum fuisset, nolle eo se obligari, cum non alio animo absentes sigilla sua eo misissent. Ab aliis Senatoribus, quos in itinere convenere, ut Palatinum Lanciensem, & alios nonnullos, ad communicationem itidem cum aliis differunt. Nam & Cujavienles exitu conventus Knissinensis cognito, ad diem XXI. mensis Septemb. conventum sibi indixerant. Apud Archiepiscopum Cujaviensem Episcopus eos assequitur. Pro primatu acerrime depugnat, simul ab aliis Senatoribus majoris Poloniæ Palatinis, Brzestense, Vladislavienfe, Lancienfe, Castellano Gnesnense, ad extremum Episcopo Plocense, qui à Zborovio fortassis interim conventus, sententiam ipse etiam mutat, aliisque nonnullis in sententiam conventus Stedensis adducuntur, quibus rebus omnibus in sententia sua confirmati, actisque Knissinensibus rejectis, literas cum ad minores Polonos, tum Lithuanos, Prussios, perque universum Regnum, uterque; tam Archiepiscopus quam Cujavienfis mittunt, quibus ut in novum conventum vel campum Varlaviz subiectum ad nonam Octob. vel Lomzam ad vigesimam septimam Octobr. consentirent, petunt. Inde Lithuani Knissinensibus rescribunt. Ckodikievicius ob pestem ubique; fere grassantem non priusquam ad XV. mensis Septemb. Vilnam pervenire ad se potuisse. Intellexisse ex eo cum alium diem, & Locum vel Livam, vel Parczoviam, vel Lukoviam obtinere ab iis non potuisset, in diem locumque; ab iis præfinitum, ipsum etiam suo loco, non omnium nomine consensisse quod in tempore edicta Knissinensia ad se non pervenerint, minores conventus, temporibus Knissini præfinitis haberi non posse, sed in septimanam integram sibi proroganda, præterea nuncium Moscoviticum, de quo Knissinum illis significassent, non nisi in conventu Rudnienfe audiendum sibi visum, cujus causa præfectus etiam Samogithiæ ibi secum substitisset, ideoque ne Samogithiæ quidem conven-



conventum suo tempore habere posset. Itaque cum & pestis sævisime ubique grassans accederet, neque de majoribus Polonis certi quicquam adhuc haberent, ad diem locumque eum ad esse se non posse. Rogare ut in tempus commodius mensem Januarii: Vicinioremque aliquem locum vel seivam proferrent. Si non impetrent, ipsos se adesse non posse. Legatos certis circumscriptis cum mandatis missuros. Suspicionum interim plena ubique erant omnia. Majores Poloni, maxime Episcopus Cujaviensis, non temere factum disputare, quod minores Poloni idem cum aulicis sentientes Knisfini conventum sibi indixissent. Si ad corpus Regium, sensu id jam carere: rectius utriusque fuisse, ut ad vivum primatem Lovicium se contulissent. Verum ejus literas, cum morte majorum Archiepiscopus ad conventum, ut alios Senatores ita Marsalcum etiam invitasset, contemptim acceptas ab eo fuisse. Illud certe esse, quod multorum in ore, maxime autem aulæ universæ fuisset, ut re instructa, si frequens eo Senatus convenisset, Reginula advocata gubernatrix constitueretur, subque muliebri imperio pristini gratiosi rerum potirentur, suoque arbitrio omnia agerent, miscerentque. Inde esse quod Cancellarius in gratiam redisset, consentiretque cum illis, qui loco aliquo apud Reginulam essent. Minime ferendum Marsalcum cum certis minoris Poloniæ Palatinatibus conventuum indicendum, edictaque eade re per Regnum mittendorum potestatem sibi sumere, qui temporibus interregni, soli Archiepiscopo credita à majoribus esset, ut inquam affectati Regni suspicio minus quam in profanum cadere posset. Jam alias omnia fere ornamenta Regni minores Polonos occupasse. Illic sceptrum: Illic sigillum: Illic imperium militare esse. Majori Poloniæ solum primatum reliquum esse, qui omni studio illi retinendus ne alio transferretur. Quemadmodum quidem transferretur, si hujusmodi edicta reciperentur aut autoritas aliqua illis præstaretur ad minimum id verendum, ne conjunctione hujusmodi minorum Polonorum, Episcopus Cracoviensis, bicipitem quasi primatum faceret; ne scilicet majoribus Polonis Archiepiscopi auctoritatem sequentibus, minores Poloni ad Cracoviensem Episcopum interregni tempore convenire aliquando vellent. Qua distractione nihil cum perniciosius esse posset, omni ratione id cavendum: postea etiam operam dandam, ut in aliis etiam dignitatibus, matrem non novercam reipub. majores Poloni experirentur. Habendas contra ea conventus nobilitatis: dandam in illis operam, ut Marsalci potestas circumscriberetur: Doceret quo jure cum sceptro Palatinalem dignitatem retineret; quod neque jure publico, neque quemadmodum constanter confirmaretur, voluntate Regiæ usurpare se ostendere posset; nisi forte post mortem Regiæ literas aliquas editas, quemadmodum aliæ nonnullæ exissent, prolaturus esset. Si dignitas eripi ei non

posset illud certe cavendum; ut in potestate Senatus sit: ne custodiam circa se habebat nam illud ipsum periculo, aut suspicione non vacare, quod sexcentorum peditum præsidium Cracoviæ ei adjunctum esset. Renunciatio itidem, ut ex communi consilio senatorum penes Archiepiscopum esset; ne forte quemadmodum ante nonnunquam, instructis acclamationibus, præter voluntatem omnium, quis renunciaretur. Hæc majoribus Polonis in minores, maxime autem Marsalcum jactantibus. Minores Poloni vicissim, ne majores privato consilio ad Regem eligendum ipsos prævertere, diemque & locum Lovicij electioni præfinitum servare vellent, vereri videri volebant & tanquam armati illis occurrere se parabant. Maxime autem qui primatum non recipiebant, cum prærogativam illam primatus in invidiam vocabant; tum multo magis quod primi Principis titulo in edictis Archiepiscopus usus fuerat, tanquam rem novam, inque Regno hoc in auditam exagitabant. De Lithuanis etiam, & ipsis varia sparsa, maxime consilia, quæ partim cum Austriacis, partim cum Moscho communicasse dicebantur: & de Polonicis ordinibus varix illorum animis suspensiones inculcata. Supra ostensum est Archiepiscopum cum aliis senatoribus majoris Poloniæ, decretis Knisfinensibus repudiatis, alium conventum vel ad vigesimam septimam octob. Lomzam, vel ad Nonam ad Varisaviam, in quo ex communi consilio omnium de certo jam loco, & tempore electionis constitueretur, proposuisse: literasque eade re, cum per universum Regnum, Russiam, Prussiam, tum Lithuanos etiam dedisse. Inter alios ad minores Polonos Antelmum Strzizescium instigatorem ut vocant, ejusdem cum mandatis, literisque miserant. Quo de instituto illorum ut deliberarent, atque ad postulata illorum iis responderent, ad diem III. Mensis Octob. Officii minores Poloni conveniunt. Respondent ex conventu eo, sperasse se Knisfinensia instituta sua locum apud eos habitura fuisse; ut in quibus præter reipub. salutem & commodum nihil à se spectatum fuerit. Verum cum in felicitate quadam temporis suspicionum omnia inter ipsos plena sint, reipub. necessitatibus omnia ista se condonare: postulationi Archiepiscopi satis facturos, ad Varisaviamque venturos. Verum quod per IV. Octob. subsistendum ibi illis sit, ut nulla ratione ita iter accelerare possint, ut ad nonam in loco sint, quo ad XIV. ibi eos expectent petunt. De Lithuanis, Prussisque cæterisque, quemadmodum Archiepiscopus receperat, ipsos etiam ad futuros polliceri, quamvis ex Lithuanorum literis, quas ad se dederint, quarumque exemplum illis mitterent, ut divinare nollent, ita non obscure dubitare, tamen se ostendant. Tacite Archiepiscopum notantes, qui de re ob brevitate temporis difficilima, & vix non impossibili spem fecisset. Moram reipub. pericula nullam amplius pati; cum aliunde domi,

domi, forisque imminetia, tum non minus ab artibus externorum legatorum, imprimis Cæsareorum, quod ex ipsorum literis interceptis suo tempore demonstraturi essent: retentos fuisse hortatu nobilitatis à nonnullis senatoribus certis in locis: heri quemadmodum intellexissent clandestino adventu Gastaldi præter scitum Marsalci Regni fidemque datam, ad infantem Plockam versus movisse. In tanto Majestatis reipub. & suo contemptu, ut ipsi etiam auctoritatem suam apud illos interponerent, neque ullam legationem, sine scitu senatus, exponi apud aliquem sinerent, rogant. Eademque de causa ad infantem etiam Castellatum Lublinensem, & Sanocensem à se missos: idem ut ipsi facerent. In eandem sententiam ad Lithuanos literas dant Archiepiscopus die quem proposuerat servato, ad nonam nimirum Octob. paucisque majoribus senatoribus una cum eo, Episcopus nimirum Cujaviensis & Plocensis, soli. Unusque atque alter Castellani, inter Varisaviam & Villam Wolam se sistunt. Cum alios ibi non offendissent, nulla mora facta se recipiunt. Ad Officenses postredie ex itinere rescribunt, literas illorum eo ipso die, ad quem ad Varisaviam à se invitati essent, nono nimirum octob. sibi redditas, ut ad XIV. ibi illos expectarent fieri non potuisse, primum ob comitatus inopiam, qui cum ut in re improvisa præparatus, à se non fuisset, ob pestem etiam ubique grassantem, in vicinia expediri non posset. Deinde quod ad XV. mensis ejus Octob. Kolæ Senatores omnes, nobilitasque universa majoris Poloniæ conventum sibi condixerint, à quo abesse non possent, rogant cum in itinere jam eos esse oporteat, ipsi Kolam ut ad se veniant, modo certiores de adventu eorum in tempore fiant, triduum ibi illos expectaturos. De Lithuanis Prussisque Archiepiscopus illis reddit, nihil de certa scientia, sed spe tantum sua scripsisse, Cæsareos legatos, cum idem ipsi summo studio, frustra tamen ante eos tentassent, se quoque vix ab instituto abducturos: neque sane videre, quomodo prohibere eo illos possent. Verum eam etiam rem communi deliberatione opus habere. Sub Varavia existentibus, Lithuanis literas Magni Moscoviæ Ducis illis miserant. De ijs igitur etiam illis significant, ut quæ ipsæ etiam conventum communem postulent. Qui ex minoris Poloniæ Senatoribus, Varisaviam jam contendebant, à familiaribus suis, quos diversiorum causa præmiserant, de discessu Archiepiscopi, eorumque qui cum illo erant, certiores facti: plerique ipsi etiam diversi domos suas se convertunt. Inter quos Episcopus Cracoviensis. Verum literis Palatini Podoliæ, tum Cracoviensis, & Sandomiriensis revocati cum Episcopo, tum alij plerique circa decimam septimam Octob. Varisaviæ iterum conveniunt. Dum quid facto opus sit consultant, literas ex Kolenle conventu à majoribus Polonis accipiunt, Lenciciam se pergere, ibi ad XX. octob. eos expectaturos. Quod illis septem saltem

miliarium, ipsis Varisaviæ sedecim interesse, & dignitatis aliquid, & præter temporis angustiam, alias nonnullas etiam difficultates habere, eares visa. Post multas longasque deliberationes, ut Palatinus Sandomiriensis, Castellanusque Zarnovienfis ad illos irent, convenit: & vel ut Varisaviam ad se accederent eis persuaderent, vel si id impetrari non posset, saltem de alio certo communi omnium, tam utriusque Poloniæ quam Lithuanie Prussie conventu certi aliquid cum illis statuerent. Accurrit ab ijs XXIII. Octob. eum literis præter, de conventu in XXV. Kanaca cum majoribus Polonis se constituisse: spem concordie bonæ esse: melius animatos se illos reperisse, quam homines existimarint: suspensiones non paucas ex animis illorum, quibus laborarint eximisse: quamvis, ne nunc quidem omnes in animis illorum opiniones refederint. Quemadmodum ex ijs, quæ supra commemorata sunt, videre est, magna in suspitione apud homines externorum legatorum consilia, artesque erant. Primum Pontificius legatus Cardinalis Commendonius, cum paulo ante mortem Augusti ab eo dimissus, limites Regni, jam attigisset, nuncio mortis ejus accepto, retro mox iter convertit. Missi ad eum ex conventu Cracoviense, nomine Palatinatum Cracoviensis, Sandomiriensis, Lublinensis, totiusque minoris Poloniæ, Conventusve ejus Cracoviensis, Nicolaus Dulscius, cum aliis de legatione ea certiore factum, ob idque properantem, uno ultra Andrzejowiam miliari assecuti ne tam suspicioso tempore, Rege ad quem legatione fungebatur, jam mortuo, in Regno ex quo discessisset, manere ulterius vellet: cum ut ordines ab exterorum consiliis liberi, concordiam eo facilius inter se tuerentur: tum propriæ etiam dignitatis suæ causa, ne in dissolutione præsentis omnium rerum, tanto viro tantique Principis legato, à dignitate & ipsius & Principis ejus, alienum forte quid ab aliquo objiceretur. Respondet, ut legatum nihil aliud facere se posse quam quod à Principe suo mandatum sibi fuerit: una quidem legatione jam se defunctum, ad demortuum Regem ordinesque Regni: alteram habere literis sibi à summo Pontifice demandatam, priusquam responsum ad priorem accepisset, ut si quid Regi humani accidisset, in regno subsisteret, quæque mandata sibi missa essent Principis sui nomine administraret. Suspicionibus in se locum nullum esse posse. Quod & ante in Germania, & hic & ubique honeste semper, sineque ulla culpa se gessisset, quod nobilis Polonus ipse etiam factus esset, ac si quisquam alius, nomini Polonico addictissimus esset: quæ si non satis illum ab omni suspitione vindicarent, vel in angulo aliquo se habitaturum, neque quicquam donec accerferetur, negotij cum quoquam habiturum. Ad extremum si nihilominus aliquid à se vererentur, omnium ad se aditus literasque arcerent. At periculum enim suum quod pertineret, ne minimum quidem eo se moveri:



moveri: Scire enim se inter homines honestissimos versari: quorum fidei, ut vel inimicis sibi essent, virtute tamen & humanitate Polonica confusa, salutem vitamque suam committere non dubitaret. Urgentibus nihilominus illis, non ad certos Palatinatus, sed universam rempub. neque ad Regnum solum, sed ad Lithuaniam etiam legatum se esse ostendit: id utique certum esse imperium eorum, à quibus missi essent, non ulterius quam limites Palatinatum se excessurum, Petrikowiamque in monasterium aliquod se abditarum: privatimque ac quiete ibi versaturum: Interim Poloni, Lithuanique omnes convenirent: universae Reipublicae auctoritati, sive legationem exponere, sive manere, sive discedere se velent, obtemperaturum. Nam quod ostensum ab illis fuisset, non solum ab ordinibus Palatinatum eorum, sed magistratibus etiam regni, ut Marschalco, & Cancellario qui conventui illi interfuissent, mandata se pertulisse, scire se sine consensu omnium ordinum, non modo Marschalco ceterisque magistratibus, sed ne Regi quidem ipsi absolute huiusmodi aliquid statuere licere. Responso hoc legatione ista illorum illusa, in Regno non solum manet, sed ad infantem etiam postea profectus, quod maxime suspiciones hominum augebat, frequens apud eam esse. Potissima tamen invidia Caesarei legati erant. Primarios homines Caesar miserat. Wilhelmum Ursinum, Rosembergium, & Vratislaum Persteinium utrumque Boemum, ob cognationem utriusque gentis gratiores futuros ratus: splendidissimoque, cum septingentorum circiter hominum comitatu. Verum ut rerum hominumque nostrorum non satis gnari, & aperte nimis mox homines prehensile cepere, neque tamen qui maxime prehensandi essent satis dignoscere videbantur. Cum enim potiores honestioresque, vel suspitionis ipsius causa congressus eorum fere viderent, ut levissimus quisque, illis se vendicaret, mox non solum mensis, sed muneribus etiam, maioribus vero etiam promissis eum onerare: deoque eligendo filio Caesareo aliisque rebus, illis plane novis inauditisque, quae cum Principibus secreto tractandae fuissent, vix non palam communicare. Jamque adeo ad adventum eorum, Sigismundus Kurczbachius ex sorore Zboroviorum natus, ad Palatinum Sendomiriensem avunculum, aliosque nonnullos senatores minoris Poloniae, si quos conciliare posset, missus fuerat, cum apud Zborovium alios Senatores aliquot forte offendisset, ut literis traditis, legationem sibi exponendi facultas esset, postulat. Aliis literas quidem accipiendas, sed ad futurum conventum servandas censentibus: alij ne si contemptus nobilitas haberet, omnis invidia in illos, qui eas accepissent, verteret verentibus, cum literae non acceptae fuissent, Kurczbachius etiam legationem non exponendam censuit: privatim tamen postea avunculo, ac certis personis pro cuiuscunque opera promissis, suffragia eorum in Ernestum

peteret, in mandatis se habere, non sine invidia aliqua causae Caesareae credit. Inde ad legatos de quibus supra ostensum est, qui sub exitum mensis Augusti Cracoviam venerant, se convertit. Cum de Conventu Knissinense, qui sub id tempus habebatur intellexissent, comitatu non modo non impetrato, sed ne petito quidem, Cracovia Knissinum versus movet. Palatinus Sendomiriensis Zborovius, aliis minoris Poloniae Senatoribus in conventu Knissinense plerisque absentibus, quos in eabrevitate temporis poterat. Pokrzywnam Sendomiriensis agri opidum cogit. Ex conventu eo legatione à nobilitate ad eos missa: cum Conventum Knissinensem jam solutum ostentari essent, ne contra dignitatem & Principis & suam, tam suspiciosi temporibus, non sine periculo fortassis etiam aliquo, temere in Regno vagari vellent hortatur, sed Sendomiriæ, vel duobus alijs in locis, quae ita illis assignabantur, ut si pestis exiis etiam tribus locis illos pelleret, Martaleus alium illis assignaret, publicum potius conventum expectarent, in quo & mandata sua exponere, & certum responsum auferre possent. Interim vero adventu eorum cognito, qui Knissini Senatores erant, interque eos Martaleus, vel eam ipsam ob rem domum properant, ita se facturos, quemadmodum à se postularetur condicunt, Sendomiriæ se substitutos, neque sine comitatu moturos. Sub id ipsa deinde tempus, quo Osieci minoris Poloniae Senatores conventuri erant, comitatu non petito, infantem versus, quae Lomza tum erat, cuiusque invitendae consolandaeque, negotium sibi à Caesare datum ferebant, Dambrowicia possessione Firlicorum, quo quamvis inficis Firlicis non sine invidia tamen illorum aliquandiu substituerant, moveri nunciabantur. Quae verò maxime res hominum animos turbabat emissarios suos habebant, quos per universum Regnum Lithuaniamque, ad concilianda Caesari hominum studia missi tabant: e nostris quidem cum alios nonnullos, tum maxime Lucam Podolsium, Canonicum Cracoviensem, aule Caesareae Augusti quondam perpetuum legatum. E suis imprimis Alphonsum Gostaldum Neapolitanum Marchionem Kossam Caesariæ poculis, qui cum familiae Aragoniae propinquus esset, & ante ad Augusti familiaritatem aditum sibi patefecerat, & ob eandem propinquitatem infanti etiam frequens se ingerebat, secretoque matrimonium cum Ernesto tractare cum illa existimabatur, tum Joannem Cyrum Abbatem sancti Vincentij Vratislaviensem, qui ad Augustum aliquot annorum legatione functus fuerat, Martinumque Gerstmanum Jurisconsultum Decanum Vratislaviensem. Gostaldus jam ante Cracovia ad infantem excurrerat. Sub id ipsum vero tempus conventus Osiecensis, iterum ad infantem mittitur. Re intellecta, Stanislaus Slupiecium Lublinensem, Joannem Sienienium Zarnoviensem Castellanos, cum ad infantem tum Senatores aulamque

eius

eius penes infantem, tum Gastaldum ipsum, cum literis mandatisque mittunt. Ab infante petunt, ne contra & dignitatem suam, reipublicaeque rationes, colloquia tractatusve aliquos cum exteris admittere, sed in cura potestateque Senatus esse velit. Senatoribus ex quibus solus fere Episcopus Chelmenis, Alberto Starozielicio praefecto aulae, universaeque aulae, periculo, quod ab artibus consiliisque externorum tam dubio interregni tempore imminere, demonstrato, ut collegis suis, quos summa omnibus de rebus cum potestate ad infantem ipsosque mittunt, praesto sint hortantur: etiam si acrioribus aliquibus remedijs, quam verbis opus futurum esset. Periculum omne in se recipere, cum secus si facerent, sinistrique aliquid ex eo reipublicae eveniret, ipsis rerum earum ratio, redolenda foret. Cum Gastaldo primum expostulant, tam suspicioso interregni tempore, tam liberos, sine ullo comitatu in regnum ingressus, transitusque externos sibi usurpare, rogant inde, ut cum Infans quam primum cum responso ad literas legationemque Caesaream quam exposuisset, dimissuram eum se recepisset, ne ulteriore mora hominibus bene quidem de eo existimantibus, tali tamen tempore omnia suspecta habentibus, atque ad iura rationesque reipublicae, quae tali maxime tempore externos omnes excluderent, omnia vel subditis & ipsis suspitionis aliquid praerberet, & in tanta omnium licentia sibi quoque contra & Principis & suam dignitatem difficultatis aliquid contraheret: primo promptissime, quam primum responsum accepisset, profecturum se recepit, & si quod beneficiarius, familiarisque defuncti nuper Regis fuisset, exequijs eius interesse, supremumque hoc ei officium praestare cupere se ostenderet. Dein dignitate etiam, quae partim Caesari ipsi, partim legatis ejus afferetur, querebatur, legatis quod contra jus gentium retinerentur, non satisque digne haberentur: Caesari quod cum alia multa absurdissima de eo, universaeque domo Austriaca spargerentur, tum quasi filium etiam suum in comitatu legatorum pueris ne cognosceretur, immiscuisset, nunquam eo tantum Principem redactum, ut tam vili loco proprium sanguinem suum haberet, neque enim sua aliqua necessitate adductum, ut legationem hanc mitteret, quam benevolentia erga Regnum, ejusque testificandae animo, quae cum non satis grato animo acciperetur, existimare se non diutius etiam conventum eum laturum, legatosque revocaturum. Ostensum si quid earum rerum intercessisset, sibi quidem moleste accidere, sed Caesareos legatos ipsos causam eorum praestitisse, qui in alieno Regno, tam alienoque tempore, non secus quam si in proprijs ditionibus essent, versati fuissent. Ut ius gentium sit, inviolatos legatos praestare, ita non minus ejusdem iuris esse, ut intra suos fines legati se contineant, neque in aliena repub. curiosius suspiciosiusve aliquid quisquam susciperet. In nullam certe injuriam legatum Turcicum accipere qui à

praefecto militum regni ad publica regni comitia in Valachia retentus solere eos ad alias etiam nationes ire: recolerent secum animo, ulibine tam absoluta illis potestas permitteretur. Satisfactione hac ab illo accepta, ita tum discessum fuit, ut cum crastinus dies ad responsum accipiendum constitutus ei fuisset, se etiam mox iturum reciperet. Sub noctem praefectus aulae Regiae illis significat, colloquium rursum cum illis Gastaldum petere, quod de quibus necessario cum illis ageret, haberet. Ut Episcopus etiam Chelmenis ei interesset, in ipsius diversorio loco ei assignato, ostendit quod Castellanus Zarnovienis Poloniae cras cum responsum habiturum significasset, idque non satis tum intellexisset, donec post discessum eorum, puer Polonus primum id sibi explicasset, non satis etiam tum ad rem se respondisse. Nisi novis mandatis autem à Caesare prius acceptis, discedere se non posse: ita enim sibi mandatum, nomina praeterea senatorum eorum, à quibus mandata haec à se haberent, edicti sibi postulat: non omnium enim voluntatem eam esse se scire. Illi tam subitam mutationem ejus admirati, quae cum illo agerent, senatorum Regni nomine, ipsos collegas eorum agere se ostendunt, ut nomina singulorum ei edant, nullam ejus rei necessitatem sibi imponi. De Caesaris etiam mandato tam absoluto, non immerito se dubitare. Ubi enim quis facultatem imperandi non habeat, non credendum imperare eum velle. Quin invidia potius non parum huiusmodi rebus ei conciliaturum. In quam sententiam cum multa ultro citroque dicta fuissent, ille in sententia nihilominus persistit. Re cum Episcopo Chelmenis deliberata, nihil aliud consilij reperiunt, quam ut ad Senatores de eo referrent: Episcopus tamen operam daturum, ut quam primum ab aula se moveretur, recipit. Infans literis etiam ad Osieenses datis, non sine dolore in hac orbitate sua legationem eam sibi accidisse ostendit. Pro eo loco, quo nasci DEUS se voluerit, etiam sua sponte ne ulla rumoribus, vel suspitionibus causam praerberet, semper se cavisse. Mississe Caesarem se invisum in luctu isto, oratores nondum ipsos fuisse, per literas tantum sibi significasse, quae de re ad ipsam missi essent: si venissent, quomodo legatis à Caesare propinquo suo missis aditum negare posset, se nescire, qui praesertim non modo intra fines admissi, sed etiam literis comitatus à nonnullis Senatoribus, cum descriptione Diariorum deducti essent, nihil tamen adhuc se illis rescripisse, quemadmodum ne Reginae quidem Sueciae sorori suae, & si aliquot jam ab ea literas habuerit, quod memor officij conditionis suae, sine consilio Senatus, nihil sibi suscipiendum statueret. Post mortem Regiam praeter meritum expectationemque suam, nihil à quoquam adhuc solatij sibi allatum, alimentum certa nulla constituta: ob pestem maximo cum periculo suorum, de loco in locum sibi fugiendum: in summa omnium rerum indigen-

B

tia



tia versari, neque tantæ suspiciones hujusmodi effugere posse. Ab initio petiisse se, ut Senatores aliqui circa se manerent: quod nunc etiam cuperet: nullum præter Episcopum Chelmemensem & præfectum aulae suæ apud se esse: Legatos si qui sint optare ut ipsi potius audirent, dimitterentque. De alimentis ut memores beneficiorum paternorum, fratrumque, pro conditione sua sibi prospiciant, petit. Cum quemadmodum supra ostensum est, Oratores Cæsareos ad infantem recta ire nuntiatum esset, iisdem legatis Officiensisibus ad illos quoque mandata data erant. Verum cum Dziekanowy ad Warszawiam substituisse eos intellexissent, illos non convenere. Dziekanowio ad Archiepiscopum, qui cum eo ad IX. Octob. ad Variaviam convenerant Senatores, aliquotque dierum intervallo interjecti, rursus ad minoris Poloniae Senatores mittunt, cum aliis de injuriis questum, tum maxime de retentione sua, literarum interceptione, famosisque quibusdam libellis, quibus nonnulli Cæsarem, domumque Austriacam, in odium apud homines adducere conentur, ex quibus cum unum protulisset, criminationum maxime de injuriis in subiectos populos, in primisque Boemos, & quales vulgo autore esse solent, non valde certorum plenum protulissent, ad singula respondere: falsissimamque objecta refellere paratos se esse ostendunt. Ad communem conventum Kaniscensem qui jam instabat, dilati. Ad XXV. enim interim Octob. majoris minorisque Poloniae Senatores quemadmodum condixerant, magna frequentia conveniunt. Imprimis tot conventuum frustra hæcenus habitorum erroribus agitati, communem conventum omnium Senatorum, tam utriusque Poloniae, Russiae, Prussiae, Livoniae etiam ad VI. mensis Feb. Warszawiam indicunt: in quo secundum jus publicum, ex communi omnium sententia de certo loco dieque, electionis futuri Regis, constitueretur. Nobilitati vero per omnes Palatinatus, qui communem eum præcederent, ad diem Divæ Luciae sacrum privatos simul conventus indicunt, quo nobilitas etiam ex singulis Palatinatibus binos certæ rationis itineris, ad electionem constituendæ causa ad conventum eum mitteret. Ex eodemque conventu iis de rebus, atque ad conventum Warszawensem invitatum ad alios etiam mox mittunt. Ad Lithuanos quidem Petrum Zborovium Palatinum Sendomiriensem, Joannem Tomicium Castellatum Gnesnensem: ad Prussos Joannem de Sluzowo Brzestensem, Joannem Krotoscium Inowladislaviensem Palatinos: In Russiam Joannem Sienienium Zarnoviensem Castellatum: In Livoniam præpositum Zukoviensem: Ad Wolchinios, Kyowios ceterosque edicta missa. Cumque thesauri summa inopia esset, imprimis autem milites sine stipendio retineri diutius non posset, ut omnes præfecti, publicani, in universumque,

qui vel ex præfecturis quas possiderent, in ærarium inferre aliquid, tenerentur, vel publici aliquid aut etiam pecuniæ Regiæ, vel in vel extra aulam attigissent, administrassent, administrarentve, proventus quidem quos ad ærarium pertinentes in potestate haberent, ad summum intra quatuor septimanas; per regnum quidem Hieronymo Bazinscio regni Thesaurario, in Masovia autem Martino Falenscio œconomo Masoviae traderent, qui ad Thesaurarium, sine cujus autoritate nihil administrare deberet, ea referret. Ceteri die sexto conventus Warszawiae, ad rationes pecuniæ, quam aliquo modo tractassent, eidem regni Thesaurario reddendas se sisterent. In negligentes poena peculiatu privationis præfecturarum, publicationisque bonorum constituta. Præfectus militiæ limitaneæ Jaslowicius Palatinus Russiae, & prædas ex Turcis à finitimis actas significarat, & stativa ab iisdem recusari: utraq; igitur de re ad Palatinos Kyowiensem, Wolhiniam, Braclaviensem Senatus nomine ex conventu hoc dictatæ literæ. De Turca nominatim, ne alienissimo tempore vicinus tam potens cum periculo publico irritaretur, ut una cum Jaslowicio jus de prædatoribus ei administrarent, rebusque redditus, latrocinia in posterum coercerent. Similiter cum à Walacho Bogdanum copias, quibus Walachiam invadat cogere, in certo potius rumore, quam autore aliquo delatum esset, ne quisquam auxilio consiliove illi adesset, sedusque turbaret, sub poena in violatores pacis publicæ constituta, edictum. Miserat & infans ad conventum eum legationem. Postquam parentes, fratremque fato amisisset, ad nullum magis sibi confugiendum existimare, quam Senatum universum, illiusque, etiam propinquis ipsis suis, quos non paucos utique haberet posthabitis, ante omnes auctoritatem sequendam, verum præter expectationem suam non sine maximo dolore suo pleraque hæcenus secus sibi evenisse, negligentia Senatus ob pestem primo Plocka movere se coactam deinde varie, non sine summo periculo suo jactatam. Jam vero de rebus possessionibusque etiam suis hæreditariis, quæ & certissimo jure, & testamento post parentes, fratremque ad se pertinerent, in periculum venire. Quid ea in re à nonnullis sibi acciderit, satis ipsos scire, plura fortassis aucturos fuisse, si Bilinscius cohorti Tikocinensi præfectus, intra muros arcis, quemadmodum postulassent eos intromississet. Satisfecisse eum iurijurando, fideique defuncto Regi datæ, rogat ne fraudi id illi apud eos sit. Cum ex conventu enim Knissinense ad Tikoczinum, resque ab Augusto ibi depositas, in potestatem redigendas, delegati aliqui fuissent, non admissi à Bilinscio fuerant. Ne jus suum sororumque suarum silentio in dubium vocet, quemadmodum Louicy fecisset, ita nunc quoque id illis obnunciare. Exempla etiam jurium quæ penes se habeant

illis

illis mittere. Orare obtestarique, ut memores beneficiorum paternorum fratrumque, tum aliorum majorum suorum, partim publici in universum regnum, partim privatum in quemque profectorum, ita de iis statuunt, ut omnes intelligant eos DEI, iustitiaeque memores, ultimam hanc posteritatem Regum suorum, eo amore honoreque prosequi, quo majores eorum semper illos coluerint. Interim ut Warszawiam sub conventum futurum accedere sibi liceret, laborabat. Negatum, quod communicationes cum exteris, quorum major ibi facultas futura esset vitandas, altis disputarent: apud alios partim quod ad res quasdam Tikocino auferendas, quas tamen non magni precij fuisse postea constitit, Albertum Statozielscium misisset: partim quod Gastaldus, de quo supra commemoravimus, non ingratus apud eam fuisse, neque sine spe matrimonij Ernestani dimissus ab ea putabatur, invidiæ illi esset. Missi ad eam Stanislaus Karnkoviensis Episcopus Cujaviensis, & Joannes Sirakovius Palatinus Lanciciensis, ut vel Lancici, in vel Krainostawum habitationi locum deligeret, ex auctoritate Senatus ei persuaderent, cum neuter ei locus probaretur, Piasiecznam in vicinia Warszawienae sitam Lomza eam deducunt. Legibus iuribusque etiam partim ferendis, partim emendandis iterum in conventu hoc præfecti, Joannes Sirakovius Palatinus Lanciciensis, Hieronymus Ossoliemus Sendomiriensis, Joannes Tomicius Gnesnensis, Nicolaus Iulius Wislicensis, Joannes Herburtus Sanocensis, Simon Sobiescius Inowladislaviensis Castellani. Zborowio itidem Tomicioque quos ex conventu eo ad Livonos missos supra ostendimus, commissum, ut re cum Lithuanis communicata, exitinere Tikocinum descenderent, rebusque Præsidij ejus inspectis, constitutisque, privilegia diplomataque vetera, quorum non pauca ab Augusto ibi deposita instituto illi, vel maxime servitura deferrent: Verum Lithuanis in arcis quidem Præsidijque curam consentientibus, moveri autem aliquid inde, nulla ratione permittentibus, infectares fuit. Præter hæc in omnes casus expeditio publica in hoc quoque conventu decreta. Inde ad externos legatos cura conversa. Ad Cæsareos qui Dziekanowy quemadmodum ostensum est, non procul Warszawa substituerant, Adamum Konarscium Episcopum Poinaniensem, Nicolaum Maciejovium Palatinum, Stanislaum Slupceum Castellatum Lublinensem mittunt, ad querelas eorum, quorum supra mentio facta respondet: Si quid præter voluntatem & suam & illorum accidisset, præterquam quod populi in tanta præsertim libertate, ingenio condonandum id esset, non nihil certe ipsorum etiam culpa aliqua contractum esse: qui in alieno Regno libe-

rius quam decuerit, versando nonnihil, contra officium legatorum peccasse videntur. Utcunque esset, ipsos quidem ut viros primarios, quosque mandata Cæsarea perferre satis sibi constaret, pro oratoribus libenter ordines agnoscere, eoque studio & honore, quod tanti principis legatos par esset prosecuturos: rogare autem ut Urzendoviae Lublinensis Palatinus oppido interim subsisterent: dum conventu electionis publico omnium ordinum indicto, ab ordinibus ad eum accerferentur. Gastaldus vero Cyrus & Gerstmanus qui contra publicam libertatem, magnaque cum hominum offensione, per Poloniam Lithuaniamque homines præhensando, & cum Cæsarem seque ipsos tum ordines etiam Polonicos Lithuanicosque mutuis suspitionibus involventes cursitarent, ut mox regno excederent. Locum accipere, in eoque ad comitia usque electionis post ea mansere. De Gastaldo ceterisque, cum ad Cæsarem relatuos se recepissent, rescribit post ea Cæsar Gastaldum quidem & Cyrum se revocare, cum ob ea quæ ab oratoribus suis ad se scripta, tum variis etiam hominum rumoribus delata ad se fuerint. De Gerstmanno autem cum præter officium mandataque nihil eum admisisset appareat, opera autem ejus tanquam Latinorum Scriptorum Secretarij imprimis necessaria illis sit, ut eum ferant, liberumque ei transitum præstent, petit. Gallicus legatus Joannes Monlucius Episcopus Valentinus, cum sub ipsum Kolensis, Osiecensisque conventus tempus majoris Poloniae fines ingressus fuisset, à majoris Poloniae Senatoribus Konino oppido illi assignato, literas inde ad Kaniscensem conventum dat.

Malocium in Senatu Grationopolitano Senatorem integerrimum subito morbo interceptum, orbem legationem reliquisse. Se incredibili desiderio illos salutandi, plurimis maximisque difficultatibus superatis, jam tempus illud mandata sua exponendi adesse sperasse. Sed cum extracta comitia & res prolatae, sibique præscripto in loco continendum interim esse intellexisset, animadvertenter interim, quanti christianissimus Galliarum Rex eos faciat, rempublicamque eorum amet. Suavissimum enim & clarissimum fratrem suum Henricum, fortissimum & sapientissimum ducem optimum, & temperantissimum Principem, cui tanquam potentissimæ dextræ innitatur, cui pacis bellicaeque negocia committat, in Regem illis offerre. In laudes deinde ejus digressus, non secus ac si legationem jam exponeret, literis eum commendat, ad extremum eum ad defuncti Regis sororem à Rege suo literarum mandataque data sibi sint, & si quo se contineat loco præscripserint, ne tamen fraudi sibi sit, si ad eam accesserit velint jubeantque petit.



Judiciis ramen eorum sanctissimis religiosissime satisfacturus. Utrique tam Casareis, quam Gallicis per speciem honoris custodes positi. Pontificio legato nullo certo loco circumscripto, ad comitia in regno manere permixtum, supra ostensum est, Petrum Zborovium Palatinum Sendomiriensem, & Joannem Thomacium Gnesnensem Castellatum, ex conventu Kanicensi ad Lithuanos missos.

Ad Legationem igitur eam audiendam, sub initium mensis Decembris. Mrzibowam primores plerique conveniunt; Respondent, quod in legibus foederis Societatis, seu unionis, nullius alterius Conventus, quam ipsius electionis comitiorum mentio fiat, tantique momenti res, cum non solum tempori, & loco electionis constituendo, conventum eum indixerint, verum de modo etiam electionis, Praesidiis finium, militum stipendiis, aliisque nonnullis rebus deliberari in eo velint, non in convocatione minore numero, sed comitali modo, & consilio omnium consensu expediendas existiment, nolle se periculum id in se suscipere, ut tanta in re, ceteris vel collegis suis, vel inferioris ordinis municipibus suis praedjudicare velint, libenter tamen operam duros, ut quemadmodum illi, Kanskam, ita ipsi Wilnam quam primum convenirent, tam Senatoribus etiam, quam nobilitati persuaderent, ut vel septimana una post trium regum, ad conventum eum Warsaviensem se sisterent: ac si forte aliqua ex causa, maxime ob periculum hostile viritum adesse non possent, tam ex Senatu tamen quam nobilitate omnibus iis de rebus quae propositae sibi ab illis essent, summa cum potestate Legatos ad conventum eum Warsaviensem mitterent.

De Wolhinia, Kyowia, Podlattia, Bracławienaeque terra, pristinas querelas postulatque sua reperunt. Non modo affinitatibus & agnationibus, sed possessionibus etiam, tanquam unum corpus connexos inter se esse, cum pauci utrinque sint qui non utrobique possessiones suas habeant. Nullam certe de iis controversiam aliquid se habituros, aut constitutum aliquid iri, edictis, quibus Lublinum foederis constituendi, aut revocandi causa vocati fuissent mentionem factam fuisse; itaque praeter opinionem atque jus decretum id, quo abjudicatae terrae ab se essent, sibi occidisse, rogant efficiant, quo iis de rebus ex minoribus conventibus idonea mandata ad conventum Warsaviensem omnes conferant: quo injuria doloreque excluso eo constantior amor, amicitiaque utrinque stabiliretur. Edicta quibus reditus pensionesque debitas ex Volhinia, Podlattiaque in avarium Lithuanicum inferri jussissent, jure missa à se fuisse, nihilque ea re contra communis foederis juramentum à se admissum, cum in possessio-

ne eorum à majoribus avarium Lithuanicum fuerit, neque juramento unionis eas terras abjurarint. Infanti nihil juris apud se habere posse ostendunt: cum tanquam sui juris, liberi que homines, nullius praeterquam reipublicae jus agnoscant. Permutationem cum Moscho Livoniae; nam tentatum aliquid hujusmodi ab illis conventu Kanicensi jactatum fuerat, nunquam sibi in mentem venisse: quod Haraburdæ Scribae Magni Duc. Lithuaniae legatione, ipsiusque ad eam Mosci responso, facile doceri posset. E contra potius ostendi posse, ex Polonica Cancellaria defuncti Regis nomine literas profectas fuisse, quibus Praeside Livoniae, sequensque castris aliquot Regi Sueciae cedere jussi fuerint, quae tamen Praesides, ad hoc usque tempus adhuc sustinuerint. Praeterea praeerea suum factum, quod se praesideque inconsulto, ex conventu Kanicensi legati in Livoniam missi, per eosdemque non sine periculo fortassis aliquo publico, conventus Livonibus indicti fuerint. Ad extremum ut moneta Lithuanica quema modum jam ante vivente adhuc Rege constitutum fuerit, suo precio per Poloniam & ubique recipiatur, postulant. De commerciatibus consiliis cum exteris, cum privatim appellati ea de re fuissent, non negent, sed causam ejus rei à Polonicis consiliis sibi praebitam quos ab Electione se excludere velle, delatum ad se fuerit. Nihil tamen definite cum quoquam se constituisse, posteaque nihil nisi communi consilio suscepturos. Praeterea conventus hosce, qui à morte Regis complures haecenus commemorati sunt, non pauci alij etiam, & non in singulis Palatinatibus habiti.

Celebris imprimis inter eos maxime Joannis Zamoisicij Praefecti ingenio Belzensis Conventus fuit. Quod sub ducibus Masoviae, in quorum ditione Ducatus is antea fuerat, Praefectus pupillorum ducalium tutor, more temporum illorum plerumque fuisset, Conventus indicendi, primamque quasi in municipio suo auctoritatem regno vacante ad se pertinere Zamoisicius existimavit. Verum idem jus Andrea Thencinio Palatino, aliorum Palatinatum more sibi vindicante, cum concordiae causa cessisset. Praeterea tamen fere ipso autore ibi constituta, inter alia certis judiciis, in interregni tempus constitutis, id praeterea cautum, ut quae certis reipublicae temporibus ordinariae in violentos poenae essent, per omne interregni tempus duplices in eos ferrentur, ita ut quamvis aliis temporibus privati judicii esset, per interregni tempus publici judicii poena puniretur: quae autem ante publici judicii fuisset, duplicaretur. Decreta ea cum alij nonnulli conventus, tum maxime Volhinia, etiam Kyoviaque secuta, quae cum quemadmodum ante ostensum est, nondum satis cum Regno co-

coaluissent, decretis Polonicis accipiendis, eo arctius jam cum regno conjungi videbatur. In eadem Russia, Gliniani Podoliae, universaeque fere Russiae, sub exitum mensis Julij: iterum Russiae, cum ob pestem Vistulae haberi non posset, Dambrowiae hereditario in agro, Joannis Borazinsicij ad fluvium Rak XVI. Octobris in omnibus tamen vix non eadem agitata constitutaque. Inprimis quidem pax publica superiorum foederum sanctionibus & exemplo judiciorumque interregnorum sancita inde ad securitatem finium, externorumque periculorum metum cura conversa, in eas res partim miles, qui fines tueretur, partim castrorum limitaneorum munitio, in eumque usum sumptus vel ex avario proventusque publicis, reliquisque eorum, à nonnullis etiam tributum, super universum regnum id scisceretur, partim expeditio publica, pupillis, viduis, quique in necessario aliquo reipublicae ministerio essent, aut honestorum studiorum causa ante id tempus regno egressi essent, similibusque exceptis, viritum decreta. Demonstratio item idoneoque loco & tempore electionis futuri Regis, ratione itineris pacati ad comitia praesidiisque exteris omnibus intra certum tempus à regno dimittendis, commensus constituendis, corruptelis excludendis puniendisque, libertatibus, juribusque publicis, antequam novo Regi sacramento se addicerent, idonee constituendis, ad eamque rem & privilegiis omnibus conferendis & certis emendationi illi jurium praeficiendis, tum de Thesauris Tikočinsibus, infanteque adeo ipsa, in potestatem reipublicae redigendis agitatum. Praeterea ut pax expeditioque publica, tum si quis ob suffragium ferendum aliquid accepisset, aut cum exteris communicasset, aut per Secessionem Regem elegisset, capitis & infamiae poena sancita.

Russiae Conventus etiam habitus fuit, turbatum quoque nonnihil dedit. Cum aliis enim nonnullis rebus, quemadmodum supra ostensum est, tum maxime executione legis Alexandrinae Prussi offensi, indigneque ferentes, non modo adempta sibi praeterea esse, sed nonnulla ne in indigenas quidem collata. Kirsburgo quod Czemijs ademptum Alberto Pirschlinscio; Lopatka item, Rudno & Lignovy, quae tum Konopatorum juris fuissent, Stanislaus Przyemscio donata ab Augusto fuerant, publico consilio possessores pellunt. Initio anni LXXIII. quemadmodum in contra Kanicensi constitutum fuerat, circa sacros trium Regum dies, ex plerisque regni partibus, cum Senatus tum Conventus ante minoribus per singulos Palatinatus habitis, ex nobilitate etiam frequentissimi frequentes ad Warsaviam conveniunt. In conventibus qui praecesserant, vix non ea-

dem iterum quae in Superioribus agitata. Cracovienses Sendomiriensesque communem Visliciae sibi indixerant.

In eo ad majorum Polonorum exemplum priorem sanctionem Cracoviensem, ratione executionis, certorum nimirum judicium, judicijque constitutione adjecta revocant. Legatis ut cum Senatu expostulent, mandant, quod tam diu electionem tot Conventibus, iisque minus necessariis duxerint, ut nunc tandem postquam in viam aliquando juris publici redierint, quam primum certam diem, locumque electioni praefiniant, petant; ni faciant nobilitatem necessario ipsam consilium sibi capturam.

Ex Lublinese vero ad Archiepiscopi etiam potestatem in ordinem redigendam, mandata legatis data: tum ut sigilla Regia tam in Polonia quam Lithuania, ad futurum novi Regis Imperium clausa asservarentur. Ita cum plerique maximis de rebus inter se dissentientes convenissent, in tanta animorum dissensione, novo etiam fere more Conventus administratus.

Primum cum definitis alioquin numerus legatorum sit, qui ex singulis Palatinatibus ad publicum conventum mittuntur, ad hunc pro cuiusque Palatinatus arbitrio, sine certo, non paulo tamen majore numero missi. Ne Marsalcum quidem ad sententias rogandas, consiliaque dirigenda, more solito prodidere: Verum munere per vices inter se partito, in dies singulos singuli Palatinatus, ut ad quemque ordo pervenerat, eo fungebantur.

In ingressu mox de potestate Conventus disputatum, aliis omnium rerum auctoritatem ei deferentibus; aliis praeterquam de tempore, & loco electionis quicquam statui ibi posse negantibus; tum propter absentiam Lithuanorum, dum Legati eorum quos in itinere jam esse constabat; advenirent; ex instituto res sustinerentur, interim Prussorum ipsorum etiam à conventu absentium vis arrepta, Przyemscioque & Pirschlinscio, non solum gravissime intendentibus, sed arma etiam in eos comminantibus; ceterorum vero Poloniae Palatinatum legatis, communem quasi causam agentibus, graves nonnullae sententiae dictae. Aliis poenas confederationum urgentibus; aliis rigore executionis factum excusantibus; ideoque mitius agendum censentibus, nonnullis ut accerferentur, adventuque eorum expectato; coram cum illis ea de re disceptaretur, suadentibus. Obtrivit sententia eorum; qui restitutionem sub poenis sanctionum, ex auctoritate Conventus mandandam censerent; die ejus ultra electionem prolato; ne si forte maturior dies, praestituta fuisset; illique edicto non paruissem, tanquam hostes judicati deterritos se possent.



Lithuani ad conventum Varſavienſem, quemadmodum ſupra oſtenſum eſt, invitati, Conventum Vilnæ ipſi etiam habuerant. In eo cum Legatos tantum mittendos ſta- tuiſſent, mittunt, Euthachium Volovici- um Trocenſem, Paulum Pacium Witepſci- enſem Caſtellanos: equeſtris iridem ordi- nis aliquot, literis præmiſſis, quod ob iti- neris longinquitatem ad diem adeſſe non poſſent, quinque fortaliſſis diebus ſerius ven- turos legati, abſentiam ſuorum, cum loco- rum longinquitate, tum formula fœderis, qua ad electionis tantum Comitia aſtucti ſe diſputabant, tum etiam quod primas con- ventum eum indixiſſet excuſabant, eque- ſtris ordinis Legatos gravibus de cauſis ſibi adjunctos adeſſe non potuiſſe, nullis aliis autem cum mandatis miſſos ſe eſſe, quam ut de tempore & loco electionis, cum illis ſta- tuerent, locum nullum commodiorem Par- czowia ſe judicare, qui & in priſtino fœde- re nominaretur, & æque omnibus propin- quus eſſet. Idemque ad conatus hoſtiles obſervandos prohibendosque commodior, diem circa D. Alberti ſibi videri, quod & eorum qui longius abeſſent ratio habenda eſſet, maximeque ipſi, privatos etiam, ſeu minores conventus ante electionem haben- dos ſibi exiſtimarent: & vere ſeu ſub initi- um æſtatis, fluminibus paludibusque omni- bus ſolutis, hoſtis qui hyeme maxime rem gerere ſoleret, minus timendus illis eſſet. Revaliam jam eum obſidere dici: ipſum alio cum exercitu ad Polotiam ſubſiſtere: jamque incendia oſtentare, tentandum paratas ne copias haberent, jam dudum qui- dem commeatum legatis eum miſiſſe.

Itaque mittendos quamprimum exiſti- mare, ſi ratione aliqua ducere eum poſſent. Maxime tamen auxilium contra eum ſagi- tare: ærarium ſuum plane eſſe exhaustum: contra hoſtem autem ita paratum, & milite & pecunia opus illis eſſe. Queri inde im- primis de infante, ad Episcopum Vilnen- ſem literis ejusprolatis, quibus hæreditarios illos vocaret: ad præfectos item Sylvarum de conferendis ad eam redditibus: quod cum illi Warſaviam ipſa Lomzam conven- tum ſibi indixiſſet.

Formam itidem juramenti miſiſſet, pe- tunt, ut omnis illa controverſia cum infan- te, ad electionis comitia rejiceretur. Ti- kokinenſemque cauſam, conjunctim cum illis curæ ſibi fore offerunt. Veterem de Wol- hinia, Kyowia, Braclawia, Podlaſſia, in- dicta ut ipſi volebant cauſa, cum ex edicto nil præſcire ea de re potuiſſent, in conventu Lublineſe ſibi abjudicatis querelam adjun- gunt, ut in priſtinam cauſam ante electionem, adhuc iſta reſtituantur.

Similiter de Livonia, quod præſide ipſis- que præteritis, ſola ſua autoritate conventus ſibi indixiſſent, ut Marſalei terreſtris ſui inter

Caſtellanos, in communi Senatu locum ha- berent: moneta item Lithuanica, & quem- admodum jam ante conſtitutum fuerat, ſuo precio per Regnum etiam ubique recipe- retur, poſtulant.

De permutatione Livoniæ cum Moſcho de qua tractaſſe inſimulabantur, reſutabant, & ne cogitatum quidem ea de re à ſe oſten- debant, potiùs caſtra aliquot Livonica, literis ex Polonica Cancellaria editis, Sueco donata, ſeu oppignorata, Præſidem Livo- niæ hucusque ſuſtinuiſſe regimen. Jactata ea res inter Legatos etiam nobilitatis magnæ Kraſinſcio invidiæ fuit.

Verum hæc quidem in publicum à Lithu- anis acta: Secreto autem & Palatinus Sen- domirienſis, quæ in legatione illa Mrzibo- vienſe cognoverat, & Caſtellanus Trocen- ſis, quæ à Moſco pericula illis impende- rent, quæque cum eo interceſſiſſent, in Se- natu renunciavere. Maxime Cyrus cujus ſupra mentio facta, quique ad plerumque Lithuanos curſitaverat, vel ſuſpicionum vel diſſidii Lithuanæ cum Polonia autor in- culcatur, cujus cum orationem ad Lithua- nos, qua quomodo à noſtris opprimeren- tur, oſtendere conatus eiſ fuiſſet, Palati- nus Sendomirienſis commemoraviſſet, lachry- mas plarumque excuſſiſſe dicebat.

Deliberatum equeſtri ne etiam ordini iſta aperienda, cum ut quam cauſiſſime id fieret, neceſſarium viſum eſſet, Hieronymus Ot- ſolinus Sendomirienſis, & Euthachius Vo- lovicius Trocenſis Caſtellani ad eos allega- ti, cum aliis omnibus remotis, ipſis tantum nunciis ſecretiſſime plarumque expoſuiſſent, in publicum nihilominus poſtea erupere.

Verum maximam Lithuanis invidiam, alia ſecretior Georgij Slucenſis Ducis legatio faciebat. Cum quemadmodum ſupra o- ſtenſum eſt, mox poſt exceſſum Auguſti metu potentia Moſchovitæ, hujusmodi ad Moſchum Lithuani literas dediſſent, quibus ſpem Regni illi oſtendendo, cum in- terim demulcerent, conſilia literarumque æ, partim odio Chodkieviciorum, cum quo æmulationes ei intercedebant, partim ad de- merendos ordines regni, ad hunc conven- tum delatæ ab eo fuere. Poſſeſſiones præ- terea juris regij ab illis impignorari, conciliabula nobilitate inſcia haberi, quæ ſi à no- ſtris permitterentur, ad minimum ut legati à regno illis intereſſent operam dandam, ut imprimis ad obſervanda impediendaque conſilia ea in finibus Lithuanicis, electio ad- miniſtraretur ſuadebat.

Antiquiſſimi hic ejusdemque cum Jagel- lonibus generis in Lithuania Dux, quoad Jagellonium imperium duraviſſet. Lithua- niæ devinctum ſe fuiſſe, nunc eo exſtincto, cum ſui juris factus fuiſſet, ſe ditionemque ſuam in jus Regni dediturum addebat, quod mani-

manifeſte autem jam ſe Lithuani pararent, tormenta curribus imponerent, arma in- ſtruerent, periculi ſui ut ratio haberetur petebat, maxime locum in Senatu urge- bat.

Quibus de rebus cum in ſecreto conſilio ſententiæ dicerentur, inter alia, ut præſecto militæ regni, cura tutelæ ejus, ſi vis illi fieret, demandaretur, nonnulli cenſere. Wolini, Kyowij, Podlaſij, quos Lithu- ani repetebant, per Legatos, rumores, qui de ſe ſparſi eſſent, reſutabant, proque jurejurando ſuo, quod ſemel præſtuliſſent, conſtanter in fide regni ſe permanſuros ultro offerebant.

Inter alios imprimis domeſtici regij, inter quos præcipui Mniskones, tum ipſi etiam Cancellarij exagitabantur. In illos partim more hominum regia facta, miniſtrorum invidia, ut plurimum vel excuſantium, vel lenientium, cum amores parum honeſti, tum diſſidium cum ſore, magicarum ar- tium ludibria, & alia plarumque, quæ proxi- mis annis, vel in invidia, vel ſermone fue- rant, conferebantur: partim amotarum quorundam rerum, incertum ſuſpicioſius an verius accerſebantur.

E Cancellariis Kraſinio quidem Episco- po tum Cracoviænſi designato, literæ qua- rum ſupra mentio facta, quibus Joanni Sue- ciæ Regi, quatuor Caſtella Livonica in do- tem oppignoraverat paulo ante mortem Au- guſti à Kraſiwio editæ, utriusque partim honores partim poſſeſſiones etiam regis poſt mortem Regis, ſub titulo nomineque Re- gio privatis nonnullis condonata objectæ, quam quidem ob rem poſtulari etiam in Conventibus nonnullas, ut ad novi Regis Imperium ſub ſignis ſigilla regia eſſent, edita fuerant.

Omnium maxima animorum contentio- ne atque odio jus primatis, fœdusque inter diſſidentes de religione agitabantur. Ut quorum illud univerſum quaſi ordinem, ci- vilem cum eccleſiaſtico, majoremque Poloni- am cum minore, hoc vero Catholicos cum hæreticis, quorum major tum fere pars in Senatu committere viderentur; Qui jus e- jus oppugnabant, quorum non parvus nu- merus, maxime ex minore Polonia, non tam regni, aut Senatus, quam cleri prima- tem cum eſſe diſputabant, imprimisque Ca- ſimiri decretum jactabant, qua ne quiſquam Episcopus, ſine permiſſu Regio, aut Sena- tus, legationis Pontificiæ munus, aut digni- tatem Cardinalitiam acciperet cautum eſſet: non ſine magnis cauſis, à majoribus veti- tum id fuiſſe, ne in æquo omnium jure regi- am vel ſanctionem, majoremve regiapo- teſtatem quis uſurparet. Qui nunc pri- matem primumque Principem ſe appellaret, progreſſu temporis pro interrege ſe geſtu- rum, omneque jus regium per interregni

tempus ad ſe traducturum: quod ſi fieret re- gia autoritare Senatoribus ipſum imperatu- rum: non penes regni, ſed ipſius Marſal- cum magiſtratus imperium interim futu- rum: de poſiturum eum poſteſtatem, quan- do liberet: daturum Regem quæ vellet: multaque alia fortaliſſis abſurdiora, quæ mo- re ingenij humani, libido dominandi paula- tum irrepens, ſemelque admiſſa hominibus, permitteret. Archiepiſcopus neque in Sena- tu ſibi deerat, & publico etiam ſcripto edito, cauſam defendebat.

Inter alia diſſenſionum licentiæque argu- menta, non poſtremam hanc poſt mortem regiam, ab hominibus turbulentis, admi- ſcendas turbandasque res, controverſiam excitatam, qua morte regia poſteſtatem, autoritatemque magiſtratum ceſſare, ſeu ſublatoſ potius magiſtratus omnes per inter- regnum & republica vellent.

Primum quidem ſuum, merito extra in- vidiam eam eſſe debuiſſe: neque enim quem- admodum à malevolis in vulgus ſpargere- tur, regiam aliquam poſteſtatem, tanquam interregem ſe uſurpare: quamvis ne regia quidem poſteſtas certis legibus, & jure cir- cumſcripta, gravis cuiquam eſſe poſſit: mul- to minus primatum; cujus morte regia re- gno vacante, poſteſtas deſinum aliqua eſſet, neque tamen abſoluta vel ſumma, ipſius pri- matis, verum ex univerſi Senatus autoritate pendens, ut nihil in ea vel ſuſpectum, vel in- vidioſum eſſe poſſet. Verum ab eo oppu- gnando initium facere illis viſum; quo convulſo reliqui magiſtratus, ſimul omnes facilius, conciderent, ſummaque omni- um rerum diſſolutio in rempublicam inve- heretur.

Ante omnia & veteres res animo repeten- ti, & præſentem omnium regnorum Chri- ſtianorum Statum inſpicienti, nemini dubi- um eſſe poſſe, nullum unquam regnum aut rempublicam fuiſſe, in qua non princeps ali- quis Senatus, gentilibus quidem temporibus profanus, chriſtianis autem eccleſiaſtici plerumque ordinis fuerit, Caſaribus aut Re- gibus mortuis vel abſentibus, partim eorum munere fungeretur, partim ad conſilia publi- ca Senatui, reliquisque ordinibus dux autor- que eſſet.

Simili ratione apud nos, quamprimum re- ligio chriſtiana à Mieskone primum accepta fuiſſet, ab eodem duos ſimul Archiepiſcopa- tus, unum Gneſnenſem, alterum Cracovi- enſem inſtitutos, ita ut primus locus Gne- nenſi tribueretur, non multis ætatibus poſt magnum Caſimirum, in compoſitione de decimis, inter Archiepiſcopum & majoris Poloniæ nobilitatem, etiam primum Prin- cipem Archiepiſcopum appellare, majus id eſſe quam ſi primatem, cum non ſacræ ſed pro- fanæ reipublicæ titulus ſit, in qua Senatores, ut in aliis regnis tanquam Principes, Archi-



episcopus primus inter illos Princeps sit, neque vanum titulum eum esse, sed re ipsa, primam post Regem auctoritatem, potestatemque eum habere, privilegia quæ præ cæteris illi tributa sint, ostendere. Primo primus & dignitatis & sententiæ, in senatu locus non solum præ aliis, tam sacri quam profani ordinis Senatoribus, verum Principibus etiam feudalibus, quos ad hoc tempus regnum habuisset, aut haberet: anteferi illi Scipionem, neque cuiquam nisi ipsi Regi submitti, regni vel curiæ Marsalcis regiam tollentibus: quorum si nullus adsit, Archiepiscopi Marsalcum etiam ipsi Regi, quod non semel nostra ætate accidisset, Scipionem præferre, quod certe non levæ alicui cæremonia, sed juri dignitatis Archiepiscopi tributum esset, aut quod lege etiam publica Sacrosanctum esset: qua vel in contumeliose aliquid quamvis in alios, coram Archiepiscopo proferentes, vel gladium stringentes, certæ poenæ irrogarentur. Soli illi ut per procuratorem fidei tantum literis ei tributis, in quocunque jure stare, juramentum etiam præstare possit, tributum: Soli ut ipse tantum Reges Reginasque inauguraret: in cujus juris possessione ab ipso Boleslao, Chrabro ad proximè defunctum Sigismundum Augustum Archi-Episcopus Gnesnensis fuerit. Una sola Regina Granowia excepta quam cum contra auctoritatem Senatus, dignitatemque suam Jagello duxisset, Nicolao Tramba Archiepiscopo Gnesnense, in consilio Constantiense, tum absente, Leopoliensis Archiepiscopus, diadema ei imposuit, ita tamen ut decreto postea Casimirus sanciret, ne quisquam præter Archiepiscopum Gnesnensem, jus id usurparet: in eandemque rem similis Sigismundi Augusti lex, ita ut ne ab adversariis quidem jus id in dubium vocari possit, extet.

Quod si coronandi Reges potestatem habet, inquit, quanto magis una cum reliquo Senatu electionem indicendi, eandemque administrandi: quomodo enim coronaturus sit eum, de quo an rite electus sit, ei non constet? & annales nostri, & tabularia, maximeque recentiorum Regum electiones, quæ in tabulariis extant, cum indicta ab Archiepiscopis ex Senatus auctoritate comitia electionis, tum ex ejusdem Senatus consensu, ipsis quasi Ducibus, & Principibus Senatus administrata, nonne aperte loquuntur. Albertanæ electioni fratrem ejus Fridericum Cardinalem, cum Episcopus tum esset Cracoviensis, loco Zbignei Olesnicij Archiepiscopum Gnesnensem præfuisse videmus: Alexandrinæ eundem Fridericum jam Archiepiscopum, cujus electionis decretum, sub ejus imprimis titulo, nomineque aliorum itidem Senatorum, equestrique ordinis hominum, in archivo extat: Quemadmodum & Sigismundi Primi, sub

titulo Andreæ Rozæ Archiepiscopi Gnesnensis, inter alios suffragatores primi. Jam quæ res ne dubitationem quidem ullam aut unquam habuit, aut habere potest, non modo in dubium nonnulli vocare, sed transferre plane ab Archiepiscopo conantur, cujus multo majorem, tamen etiam potestatem, vetera nonnulla tabularia, quibus magistratuum munia descripta sunt præferunt, quodam in loco in potestate Archiepiscopi, tanquam primatis, & principis Senatus, absente Rege, comitiorum indictionem, Senatusque convocationem esse profitentur: idemque etiam præsentem Regem facere posse, alio loco Marschalci vel Regis vel Archiepiscopi mandato privatim vocare posse, Jus id consuetudo comprobavit. Multa enim quæ summi regijque juris sunt, ab Albertanis præsertim temporibus, ut vacantium dignitatum, collatio, res judicæ, earumque executio, militis in reipublica fides & usus auctoratio, damnatorum restitutio, aliaque ejus generis non pauca, sub solius Cardinalis Friderici tum Archiepiscopi titulo, cum generali saltem clausula. Nosque cæteri prælati Senatoresque, administrata, in tabulario regni reperiuntur, si Rex comitia intra legitimum tempus indicare cesset, ne quid negligentia regia respublica detrimenti capiat, Archiepiscopo aliorum Senatorum consilio consensuque adhibito ea indicare: eundem fide publica contra infestum Regem, ad sistendum se juri, in comitiisve cavere eam implorantibus posse quis vel ignorat, vel tam aversus à commodis, libertateque publica est, ut negare audeat? Quod si vivo præsentique Rege comitia indicare potest, quanto magis nullo Rege existente? At libertati publicæ periculum, à potestate ea illius esse potest. Quæ quæso affectati Regni suspicio in Archiepiscopum cadere potest? cui crux magis quæ illi præfertur quam regni insignia conveniunt: quique si honeste, salvaque republica ac dignitate ejus posset, vel hoc ipso onere verius, quam honore vacare mallet. Neque enim Archiepiscopus ullus eo æget, cui ut sacris rebus studiisque consecrato, nihil otio quieteque optabilius esse potest, sed respublica. Quod si respublica sine eo esse non potest, mortuoque Rege certo utique aliquo consilij publici autore opus illi est, facile quivis statuere secum potest. Sacrine an profani ordinis homo citius rempublicam opprimere, in potestatemque regnum redigere possit.

Ad me quod attinet, annorum jam satur, temporum etiam, in quæ perversissima incidimus, tædio ipsius vitæ, maxime autem pompæ omnis pertæsus, utinam honeste curis molestis iis quas munus hoc secum fert abdicare me possem. Sed cum jus à majoribus ad me trans-

transmissum, sine insigni ad posteros nota deferere non possum, quemadmodum hætenus, quantum in me fuit tutatus id fui, ita in posterum quoque tutandum mihi est, non ita tamen, ut ad vim ullam descendere ob id velum publico vestrum omnium iudicio rem permitto. Si reipublicæ Majestatisque, securitatis denique ejus interest, tum majoris etiam Poloniæ universæ, cui non minus dignitas hæc periret, quam Archiepiscopo, juvate me contra eos, qui non tam me, quam perçatus meam rempublicam dignitatemque ejus, atque omnium adeo magistratuum jura oppugnant. Quod si ab aliis quemadmodum hætenus factum fuit, oppugnabor: ab aliis à quibus minime debebam deferat, satis mihi erit, in me nihil reipublicæ defuisse publice testificatum fuisse, quemadmodum quidem, quod vestra omnium bona venia, & pace mihi liceat, attestationem hanc meam, in omnia tabularia publica referendam curabo. Res ita tandem composita, ut indicendi post mortem Regis conventus, Regis etiam ipsius ex ordinum sententia prodendi, & coronandi Archiepiscopo potestate confirmata, Marsalco publice ejus renunciandi, postquam ab Archiepiscopo ex publica auctoritate proditus jam esset, jus relinqueretur. De pace inter dissentientes de religione, majore etiam fere contentione certatum. Per indulgentiam enim Augusti, cum diversas sectas, vel contra leges paternas, in regnum primum irreperere passus fuisset, ita deinde confirmatæ fuerant, ut vix non major pars Senatus, maxima etiam equestris ordinis, non modo novas de religione sententias tum sequerentur, sed catholicam religionem ubicunque posset abrogare, nonnullis locis vi etiam oppugnant, etsi enim in diversas sectas ipsi scilicet essent, ad vitam tamen religionem oppugnandam licentiamque suam defendendam in hoc uno consentientes, unanimis comparabant. Maximeque quod Henricus Dux Andegavensis, cujus in Gallicis dissensionibus in diversæ religionis homines odium maxime insignis fuisse constabat non modo ambiret regnum, sed non obscura etiam hominum studia in illum perspicere, ideoque plerique esse. Ab altera parte ecclesiastici opes adversæ partis, longi temporis hæc enu corroboretas tum Spiritus illorum videntes, non magis suspecti illis erant, quam miliorum conatus progressusque ipsi formidabant.

Iheronymo igitur Ossolinio Sandemirense, Stanislae Saffranecio Biecenſe Castellani Jacobo Niemoiewio, aliisque nonnullis diversæ religionis hominibus auctoribus, de simili sanctione, qua in Germania pax religionis sancita esset, constituenda cum mentio illata fuisset, qui privatim de formula ejus agerent, ad universosque postea refer-

rent, à novatoribus cum nonnulli alij, tum Ossolinus, Niemoieviusque, ab ecclesiastico ordine, Stanislaus Karnkovius Episcopus tum Cujaviensis Princeps, cum aliis ex Senatu, & equestri ordine delegatus fuit: à quo ipso cum formula scripta fuisset, à Senatorij ordinis utriusque partis hominibus, publice vix non omnibus probata, à plerisque etiam qui legati tum à Palatinatibus erant subscripta fuit. Ancipitis fere antea de religione sententiæ Archiepiscopus habitus fuerat, tunc præfatus, cum diu in quam partem inclinaret, dubius hæssisset, nunc & officij, jurisjurandi loci denique sui memorem, nulla ratione sanctioni illi subscribere se posse proficitur. Pacem publicam omniaque quæ ejus causa constituerent, una cum aliis libenter tutaturum: ad res credendas fidemque Catholicam quod pertineret, extrema etiam omnia perferre ejus causa paratum esse. Similiter uno Krassinio excepto, qui leniendæ invidiæ, in qua ut supra ostensum est, erat, ut putabatur causa solus subscripsit, cæteri Episcopi omnes in iisque Karnkovius, quamvis scribendo antea præfuisset, partim publice contradixere, partim vim veriti se subduxere. Ita imperfecta quasi res relicta. Ab externis ad conventum hunc, non tam legationes quam literæ fuere: excepta Pruthiæ Ducis legatione, locum suffragiorumque in electione multis rationibus iuribusque commemoratis sibi asserentis, quemadmodum aliquoties ante, ad novum Regem rejectus fuit. Tartaricus legatus à Jasloviecio militiæ præfecto retentus in sinibus fuerat: literæ ejus per filium ad conventum à Jasloviecio militiæ, ne Moschum aut quem alium, suum Turcarumve Principis hostem Regem eligerent, amicitiamque ejus suæ Turcicæ longe utiliori futuræ anteferrent suadebant, Turcicæ binæ erant: unæ ad Augustum adhuc scriptæ quibus Bogdanum ex fœdere repetebat, clementiamque suam illi deferrebat, si fidei suæ se commisisset. Alteris ad Knissinensem conventum literis, quibus de morte Regia à Senatoribus certior factus erat, ad fœdusque nihilominus colendum invitatus, respondebat, fœdus quidem per interregnum confirmat, ita autem ratum futurum significat, si amicum regem quisque ipse id culturus esset, elegissent, isdem Bogdanum denuo repetit. De eodem Ivvoniam etiam per literas exposculabat, studio suo in regnum, quod tamen perpetuum conservaturus esset, ita ut de Pocutia etiam jam remitteret, Bogdano non reddendo non satisfieri. Responsum quemadmodum in sua repub. privato consilio omnia à Bogdano gesta essent, ita eadem ratione regno elapsum, in potestate sua non esse, transitum certe si quem tentare vellet, aut auxilia nulla ex regno ei permitturos. Legatorum Hispanicorum & Sueticorum, quorum hi Gedani substituerant literæ, adventum Legatorum significabant, locumque



locumq; & tempus legationes suas exponendi petebant: In comitia electionis dilati, Sophia Brunsvicensis nonnihil de adversis rumoribus, qui de morte fratris per regnum plerisque libentibus, aut certe non prohibentibus spargerentur quæsta, pro studio tamen eo, quod ordines erga se sororesq; ultimas Jagellonicæ stirpis reliquias, per literas sibi detulissent, gratias agebat. Sororem Annam diligentissime commendabat; maxime ne Varavia, quæ ob dignitatem, & cultum divinum maxime ei conveniens esset, de loco in locum transferretur, petebat, ad comitia ipsam se venturam significabat. Itaq; & ministrorum ejus quos præmissura esset, transitus & adventus ejus cura, majoris Poloniæ præfecto, quemadmodum petierat, commendata. Præter hæc cum finium cura, militum stipendia, Gaza Tikocinensis, fornices quidam ab infante obsignati, clavesq; averisæ, emendatio juris publici aliaq; complura, tum maxime futurorum comitiorum electionis, itinerisq; ad ea ratio, varie agitata fuere; alijs certum modum comitatum præfiniendum censentibus, stativis item à Marsalcis, per singulos Palatinatus dimetienda, tum commeatus precia, externos omnes excludendos, disciplinamq; certam constituendam quæ pluraq; in tanta varietate sententiarum, vel non constituta, vel constituta, maxime plerisque sequentibus conventibus, liberum plerarumque rerum arbitrium cuique permittentibus, non servata fuere. Ad alias dissensionum, ob quas minus hisce de rebus convenire poterat, causas de futuro etiam Rege studia accedebant; eo ut fieri solet acriora, quo occultiora adhuc, & in quibus omnis quasi suspicio vitaretur. In duas fere tum partes, regnum scissum erat, unam Zboroviorum, cum quibus Cistokievicius in Lithuania imprimis tum potens conjunctus erat: altera Fircisiorum, cujus Princeps Marsaleus, idemque Palatinus & Præfectus Cracoviensis; quæ Mielecium Podoliæ Palatinum, aliosq; non paucos secum trahebat. Idem igitur fere duces sententiæ de republica futuroq; Rege erant, in quos privata partes scissæ erant. Cum alijs autem rebus ei, cui quisque studebat quibuscunq; poterat, Viam jam hic quoque præstuebat. Tum inter cæteras suffragiorum etiam ferendorum ratio agitata: magis enim quemadmodum supra etiam ostensum, in re supra hominum memoriam repetita, jus liberæ electionis, quam administrandæ ejus modus, nata plerisque erat maxime igitur inter alia, quo jure suffragium etiam quisque in electionibus Regum iniret, & an tantum cujusvis de nobilitate, quantum Senatoris suffragium valere deberet, dubitabatur. Sed hoc à potentioribus quidem familiis, metu multitudinis, quæ valentior semper magis missitabatur, quam publice disputa-

batur, aut quicquam de eo referebatur. Extra ordinem à Jacobo Ponetowio, qui ipse & legatus tum erat, pertentandorum magis animum, quam definiendi quicquam, aut perficiendi spe, privato consilio mentio illata fuit.

Erat ex Palatinatu Belzense tum legatus Joannes Zamoiscius Gelito, cujus supra etiam mentio facta, qui postea summus Regni Cancellarius, copiarumque Dux fuit, obque ingenij rerumq; gestarum amplitudinem, magni nomen apud plerosque reperit, Præfectus Belzensis: ab eo sermo exceptus: in libera republ. atq; æquo omnium jure, nihil suffragiorum æquitate, vel æquius, vel receptius, omnibus temporibus fuisse; cum arma viritum pro patria ferant, merito etiam suffragia ferre debere: Ad rationem auctoritatem addit quod privilegio Sigismundi primi, post Augusti minus legitimam electionem, cautum postea nobilitati fuisset, nulli postea insignia regni imponenda, nisi qui votis unanimibus, paribus electus fuisset. Quæ quidem res multitudinis gratia ita excepta fuerat, ut referre controversiam, nemo posthac auderet. Clarus inde jam ante etiam ob prudentiæ, & doctrinæ existimationem, magnæ apud nobilitatem auctoritatis, Zamoiscius esse. Itaq; cum alia non pauca ex ejus potissimum consilio acta, tum de suffragiis etiam controversia ea quemadmodum supra ostensum, discussa. Tandem dies V. Mensis Aprilis ad Villam Kamieniam, quæ Varaviæ subjecta est, communi omnium consensu dictus, perq; universum Regnum, Lithuaniam, Prusiam, publicis edictis missis renunciatus. Adjectæ sanctiones nonnullæ, ne ulla provincia, ordo, magistratus, privatusve, privatim de Rege eligendo consilium caperet, vel cum alio, maxime exteris communicaret, munus, donum, promissum, ejus causa à quo quam acciperet, aut quacunque alia re, quo minus integre sustinere ferret, corrumpi se pateretur: ne aliter quisquam in Regem consentiret, quam si prius & vetera jura omnia confirmasset; & nominatim expeditionem quam vocant, publicam sine auctoritate comitiorum nunquam se indicturum: neque extra fines regni vel precario, vel precio, quod quinq; marcarum in equitem antiquitas fuerat, nec ullo quocunque alio modo unquam nobilitatem ducturum cavisset, qui secus fecissent vel etiam ab omnibus electura Regem non agnovissent, hostes publici declarati.

In rebus creditis ut partim per interregni tempus, eadem, quæ ante judicia observarentur, partim ne præscriptio interim ulla esset, statutum. Vis injuriæque cum comitatu aliquo ad electionem euntibus, vel ab ea redeuntibus, similiter gravissime interdicta. Expeditio itidem publica contra vim repentinam decreta, tributum quod

quod ad summum ad D. Alberti festum exigetur, certique Theaurario, tam Senatorij quam equestris ordinis collegæ additi, qui tam superiorum tributorum proventuumq; reliqua, quam novum tributum in militem, quem cum eo qui jam paratus erat, ad viginti millium supplendum, perque fines distribuendum decreverunt, exigent. De conventibus minoribus, an quemadmodum alijs comitijs, ita electionis quoque præmittendi essent, per superiores conventus varie disputatum fuerat. Minores Poloni, qui iidem Knissini postea convenerant, habendos putarant. Lovicenses, quod neque in jure mentio eorum ulla fieret, ut quo soli Senatores, ad edendum diem & locum electionis convenire juberentur, & quod nulla eorum causa esset, cum nullo potius præjudicio quisque de futuro Rege suffragium ferre deberet minus necessarios judicarent: Lithuani sine iis ad electionem non accessuros aperte profitebantur. Ita majore parte, maxime autem nobilitate ipsa conventus expetente, circa mediam quadragesimam, ex eodem conventu Varaviense Palatinatibus etiam conventus indicti. Quam suspectæ cursitationes Cyri Cæsarei ministri, per regnum, maximeque Lithuaniam fuerint supra ostensum. Joannes Kostka Castellanus tum Gedanensis, Mariæburgensisque in Prussia præfectus, ad conventum Varaviensem proficiscens, ex decreto Kasense ministris suis mandat, ut in eum intenti, si per Prusiam forte iter institueret, eum retinerent. Ex Lithuania per Prusiam, in qua ad Ducem etiam Gedanumque diverterat, proficiscens ab iis capitur, Mariæburgumque adducitur, ab eoque Kostka libere interim in custodia detinetur. In sermionibus, quæ ab iis, quibus ejus rei cura mandata, mox excussa fuere, complures maxime autem Lithuanorum obsignatæ literæ repertæ. Cyrus aliquot literis ad Kostkam datis, quod insinulatus sit, quasi præter voluntatem Cæsaris, se pro Oratore ejus in Lithuania gesserit, ordinesq; Lithuaniz à societate Polonica avertere studuerit, purgare se eo nomine vel coram ipso si copiam sui faceret, vel Archiepiscopo, vel quocunque, aut quibuscunque alijs, modo non hostes essent Cæsarei, aut sui, paratum se demonstrabat, ostendereq; à morte Regia jussu Cæsarei in regno substituisse: Postea ab oratoribus Cæsareis in Lithuaniam missum, ad concilianda honestis à concordiaque inter Polonos & Lithuanos non alienis rationibus, filio Cæsarei hominum studia nunc revocatum cum responso à Lithuanis accepto ad Cæsarem redire, in conducto hæc à se accipiatur, injuriam contra jus gentium sibi illatam, neque se neque principem suum dissimulaturum. Kostka & ad Senatores plerosque & conventus, de quibus dictum

est, quod sub id fere tempus habebantur, ne vel Rempub. in difficultates aliquas adduceret, vel officio suo in rempublicam aliqua in re deesset, tota de re referebat.

Ex majoris partis sententia, ad comitia retentus fuit. In plerisque conventibus, vix non Varaviense edictum acceptum, aut pauca ad id vel addita vel mutata. In Prossovicense Cracoviensis nobilitatis, turbarum aliquid fuit: autore potissimum Stanislao Saffranecio, Castellano Biecenise, qui cum ante omnia legatos Varavienses legationem renunciare debere censuisset, illique ob attestationem suam contra primum à Senatoribus nonnullis in vestum in se fuisse commemorassent, vix non motus aliquis exortus. Omni fere multitudine assentiente, contra tributum inde disputare: cum omnes proventus regij in potestate reipublicæ nunc esset, si tanquam ijs non sufficientibus, tributum nunc scisciteretur, multo æquiore ratione Reges in perpetuum id exacturos, ut quod ex iisdem proventibus se etiam aulamque tolerare præterea necesse habituri essent. Ut armati præterea ad comitia omnes irent, cum ipse, tum Stanislaus Cikovius Succamerarius Cracoviensis alijque plerique eos sequentes deferebant. De tributo nihilominus obtentum: de armato itinere dilatum, dum quo aliorum Palatinatum consilia hac de re tenderent, cognoscere. Lithuani etiam ante diem Vilnæ conventum habent, actis Varaviensibus ibi cognitis, ad Polonicos conventus literas dant, ut Liwam comitis propius versus Lithuaniam translatis, intervalli, quo remoti ab alijs essent ratio habeatur petunt. De suspicionibus, quæ in conventu Varaviense jactatæ de se essent, purgatos se ostendunt, nihil unquam nisi ex salute & dignitate communis reipublicæ consilij à se susceptum. Haraburdæ legationis rationes reddituros. Periculum à Moscho qui sub id tempus aliquot Sueco castella ademerat significant.

Volkiniam cæteraque à corpore suo ut putabant avulsæ urgent; ut quibus exuti minus quam antea sustinendo Moscho pares nunc essent. Anno salutis M LXXIII. die V. Mensis Aprilis, tanta frequentia, cum Senatus, tum equestris ordinis nobilitas, per stativa à Marsalco ante designata convenit, quanta vix unquam alias in uno loco regni hujus visa existimabatur. Imprimis securitas & pax publica maxime ne quis alio armorum genere ferro accinctus in comitia veniret, aliaque hujusmodi ad pacem publicam pertinentia, vi injuriæque omni prohibita, curaque rerum earum Marsalcis Ministrisque eorum demandata, nonnullisque capitis etiam pœna sancitis, tum consiliorum, & agendi ratio constituta.

Ita autem jam ante domi fere plerique comparant, ut singuli Palatini sui Palatinatus nobili-



nobilitati tentorium, in quo de communibus rebus inter se conferrent constituerent. Præter privata singulorum municipiorum tentoria, Firlejus in quo senatus conveniret, & cum ipse Senatus sententias diceret, tum legationes principum externorum audirentur, ex Augustanis hujusmodi suppellectilis, elegantissimi conquisitoris, splendidissimum magnificentissimumque fixerat. Itaque fiebat, ut cum Palatini splendore atque studio suæ quisque nobilitati operam probandi, ipsi etiam inter se certarent, ut non modo tentoriorum ipsorum, quæ splendidissima ornatissimaque pleraque erant, sed alij etiam apparatus, comitatusque quos plerique secum adduxerant, cum omnium tum imprimis exterorum oculos non parum perfringerent. Ante omnia igitur sacro Spiritus sancti per Archiepiscopum habito, auxilioque nominis Divini invocato, ut in illo de quo dictum est tentorio, cum Senatus conveniret, sententiasque diceret, tum externi legati legationes suas obirent, in eodemque à reliqua etiam nobilitate, ex singulis tentoriis sententiis comportatis, electio ipsa communi consilio perficeretur statutum. Ante omnia externi legati auditi: ac primo quidem Pontificius Cardinalis Commendonus. Quiliteris Gregorij XIII. redditus, quibus imprimis concordiam, deinde ut hujusmodi Regem eligerent precabatur, qui Catholica religione inbutus, DEO gratus tum reipub. utilis, in DEUM nimirum devotus, in homines justus, hostibus formidolosus, invictusque, futurus esset, earundem literarum sententiam, votis etiam suis ipse subsecutus fuit. Oratione sua eadem illa, ut pro quibus ad omnia pulvinaria Romæ, etiam supplicationes summus Pontifex edixisset, ipse illis optans, magnam ejus reipsem ex concordia hac, quæ regnum tam amplum, ac spaciosum, à morte Regis hætenus sustinuisset concepiisse se ostendit. In eandem deinde orationem ingressus, qua quantum DEO hoc nomine deberemus, ostendebat, quod non modo tam amplum regnum, quod duo latissime diffusa maria amplecterentur, nobis tribuisset. Verum cum aliis etiam libertatibus florens, tum non minus ea, quod Reges soli fere habere eligeremus, præcipuos libertatis publicæ cum auctores, tum custodes ecclesiasticum ordinem, & ab initio Regni semper fuisse, & nunc etiam esse demonstrabat. Quo magis omnem operam dandam, ut non nisi catholicum Regem eligerent, aliorum regnorum christianorum, quæ vix non eadem ratione constituta fuerint, minas satis ostendere, in quocunque cum religione ecclesiasticus ordo sublatus fuisset, simulque publicam nobilitatis libertatem concidisset. Optare illis, ut religionis Catholicæ fundamento, quemadmodum antiquitus ipsi quoque inædificati illi essent, ita firmissime in perpetuum eidem inhærent. Varietasque ista opinionum, quæ per universam christianitatem, maximos ubique, quo modo pedem intulisset, motus excitallet,

nullum unquam in Polonia locum reperiret. Mederi illi proximo conventu Varlavienſe confederatione quadam eos voluisse; Vereri ne in majus potius periculum se conjicerent. Qui enim unam solam veram ecclesiam catholicam crederet, quemadmodum non plures una esse possent, quomodo æquo is animo, contrarias illi tot alias synagogas ferre posset? quam istam pacem, aut concordiam futuram, quæ summæ licentiæ fenestram aperiat? Periculum ejus rei, alia jam Regna christiana fecisset. Sed dum extincturos se ignem sperassent, oleum verius ei addidisse, pacemque hujusmodi bello cruentiorem experto, multo eam sanguine profudisse, neque tamen unquam conquietere potuisse. Duas maxime res esse quibus nihil exitiosius pestilentiusque, omnibus rebusque sit: Tyrannidem, & licentiam, utranque religioni etiam infestam: Sed licentiæ cum prima specie hominibus plerumque blandiatur, exitus acerbissimos plerumque omnibus esse solere. Infutilem tunicam Salvatoris nostri fuisse: Itaque ne Judæos quidem quamvis & milites, & impios scindere eam ausos fuisse: Similiter infantem qui in Salonænis judicium venisset, falsa matre maxime anitente veram ne scindi eum permitteret nundam animum inducere potuisse: ne ipsi quidem puerum JESUM dividi sinerent: quemadmodum unus est DEUS, ita non nisi unam fidem esse posse: ne panno novo veterem: precioso vilem: Splendido sordidum assui paterentur. Satis se animadvertere, ægre & labenti quasi reipub. medicinam adferre eos conari: Vereri autem, ne loco medicinæ venenum ei offerant, quemadmodum ægram esse nemo negare posset; ita suæ potestati & quasi ægro, quoscunque ei videretur cibos ingerere ei permittere, desperantis potius de salute ejus esse, quam sanantis, quæ postea vel tunc remedium aliquibus, diarra ipsa, aut tot ore naturæ convalescere, recolligereque se posset. Sananda ejus, ex præscripto Divino unam solam rationem esse, ut Hierosolymam irent: Quemadmodum Divus Paulus, multique alij tenent. Hæc copiosa oratione, multisque aliis rationibus demonstratis, ad extremum Regem qualis esse deberet informabat, qualis electus fuisset, Senatores quorum id munus esset, adea sola quæ salutaria reipub. essent, eum hortaretur, plurisque salutem reipub. quam gratiam Regiam facerent: omnes vero quemadmodum æquum esset ei obedirent, honoremque debitum deferrent. Ipse vero secundum leges, juraque imperaret, quod utrumque cum fieret, & libertatem integram, & licentiæ locum nullum futurum: quæ ut plurimum sub umbra, specieque libertatis, in maximam miserrimamque servitutem verteret. Probata à plerisque oratio fuit: in media tamen oratione, à Petro Zborowio Sandomiriense Palatino interpellatus, oratorem non consiliarium se esse meminisset. Secundum Pontificis legatum sine controversia Cæsaris Vilhel-

mus

mus Rosembergius, & Vratislaus Pémsteinius auditi, Morte Regia nomine Principis sui deplorata, cum voluntate divina in eum statum res devenisset; ut novo Rege opus illis esset, qualis Rex circumspiciendus illis esset, breviter commemorant. Inde filium suum Ernestum omnibus iis dotibus, quæ commemoratæ à se essent egregie instructum, florentis ætatis, Viginti nimirum annorum adolescentem, Casimiri Tertij, Maximiliani Cæsaris, Ferdinandi Regis Catholici pronepotem Principem suum illis offerre, qui quamvis cum majore natu fratre Rudolpho in Hispania apud fratrem patrualem, avunculumque, ubi multarum rerum, hominumque usum nancisci potuerint, educatus fuerit, neque homines tamen, neque mores hosce deseruisse, cum semper Boemos Moravosque circa se habuerint; indeque linguæ etiam Boemicæ ejusdem fere cum Polonica, non exiguum usum habeant, antiquissima inter hæc gentes ab eadem origine necessitudinem esse: eandem Cæsarem quemadmodum & cætera quæ à tot sæculis utrinque intercesserint, non modo conservata, sed aucta etiam cupere, ijs virtutibus præditos, ut maximo cuique regno administrando idonei sint, itaque Ungarorum majorem natu Rudolphum in Regem jam elevisse; sola ætatis prærogativa Ernesto prælatum, maxime quemadmodum Cæsar ad hoc tempus pacem inter dissentientes de religione, sine cæde & armis, in ditionibus suis tutatus esset, non dubitandum moderatione artibusque paternis eandem ipsum quoque hic tutaturum. Vicinos partim hostes, partim non certos amicos complures regnum habere. Moschum, Tartarum, Turcam, Valachum non paucos alios sive pace sive bello opus sit, utrinque artibus instructum. Præterea ipsum Cæsarem consilio auxilioque; nunquam ei de futuram, quibus locis ditiones suas habeant videre. Ferdinandum, Carolum, fratres Cæsareos, Cæsarem ipsum, Regem Hispaniarum: tot Principes Germaniæ, Italiæque, necessitudinibus ac inseparabili fœdere domui Austriacæ conjunctos. Nullum alium competitorum æque opportunum illis esse posse, quorum vel nulla, vel per tot diffatarum regionum intervalla, longinqua auxilia futura essent. De Turcicis enim quorum spes fortassis aliqua illis fieret, tanquam à pietate & prudentia alienis abominari potius, quam contra ea disputandum existimare. Libertatem publicam non solum conservaturum, sed aucturum munia magistratusque præterquam indigenis, nulli daturum, quemadmodum in Boemia Ungariæque ipsa fieret, militaribus officiis exceptus, quæ ob penuriam virorum militarium, externis nonnunquam committerentur. Ex reliquis conditionibus præcipuè inde compositio controversiæ, quæ de Prussia & Livonia cum Romano Imperio intercederet. Narvicæ navigationis inhibitiō: Baënsis Ducatus ab Hispano; rerum itidem à Moscho ab-

latarum recuperatio: commerciorum melioratio: Vini Ungarici immunitas à fratre Rege Ungariæ impetranda, ad quæ omnia operam principem suam, cum apud Principes, civitatesque imperij, tum Regem Hispaniarum, Danum aliosque, ad quos res eæ pertinerent, interpositurum promittebant. Præter hæc ad centum adolescentes nobiles Polonos, vel in bonarum artium, vel militaris rei studiis, per Germaniam Italiamque suo sumptu habiturum, ad dignitates etiam officiaque, in Germania, Italia, Hispania, homines militares Polonos gratia sua Cæsarem provecturum. Cum Turca, vel in Ungaria octonales inducias jam eum habere, quanto facilius conjunctionis hujus metu, ut cum Polonia etiam, si pacem bello præferre maluerint, pristina pacta mancant impetraturum? Cum Boemica lingua legationem exponerent, populo non tam legatio ipsa quam legatus Rosembergius gratus esse, de quo ipso potius tanquam Slavicæ gentis homine, cum valde ab omnibus probaretur. Jam tum cum Urzedoviæ ageret, ad regnum provehendo à nonnullis cogitari ceptum. Post Cæsaris legatos, Gallis veterem Franciæ Regum locum, qui imperio Germanico excepto ante Carolum V. simul & Hispaniarum Regem & Imperatorem, reliquos omnes Reges præcessisset, Galli prælati, omen simul & prærogativam comitiorum tulisse visi. Oratio etiam à Joanne Monlucio Episcopo Valentino, homine docto, eloquentique & ad animos hominum tractandos fausto habita, magno hominum favore excepta, jam tum suffragia etiam fere eò casura, quo favor inclinaret, indicio plarisque esse. Exorsus à necessitudine, quæ inter omnes Reges Principesque, quamvis lingua, moribus locisque disjunctos, pro communis tamen fortunæ fastigio esset, suum etiā Regem in publico tanti regis ob mortem luctu voluntatis suæ significationem, dandam eis existimasse, tum si quid tali tempore à se opis, consilij, studij proficisci à se in eos posset, illis offerendum ostendit. Ad extremum si quid in fratre suo Germano Andegavensi Duce, quod ad deliberationem eam de novo Rege pertineret, esse animadverterent, ipsius quoque rationem non postremam habere vellent per se petere. Partim res gestas inde, Majestatemque veterum Gallicæ regum extollendo, partim ipsius Henrici virtutes, gentis Gallicæ humanitatem: moresque tum rerum bellicarum studia commemorando, eademque cum Polonicis comparando, partim quæ invidiæ ei esse viderent, ut eadem Parisiensem, amicitiam Turcicam, & si quæ ejus generis essent, cum elevando, tum in præsentem potius usum vertendo, opportunitates inde, quæ ex electione ejus existerent, cum magnas, tum non minus temotas proponendo cum intra decimum diem ex Gallia classem Gedani staturum promitteret. Maxime autem magna contra Moschum & quoscunque alios auxilia ostendendo, tum reditus Gallicarum ditionum amplissimos

C

regno



regno offerendo, animos in partes eas sua sponte iam ante inclinatos, tanto magis traherent. Cum inter alias condiciones, ut classis instaurationis, Academiae Cracov. similesque, in centum itidem adolescentes nobiles peregre educandos alimenta offerret, quasi à se primum illud profectum, ab Austriacis exceptum notabat. Hispano qui Gallo posthabitus esset, publice legationem exponere nolente Suecie Regis orator Joannes Lorchius auditus, officij causa ab omnibus usurpari solitis praemissis, ad foedus imprimis contra Moschum invitabat. Sibi aliquoties jam à Moscho pacem oblatam. Verum perfidiam, consiliaque ejus nosse, mutuum inde centum viginti millium thalerorum, dotemque nondum solutam repetebat, utrinque cum senore: successioneque rerum hereditariarum morte Augusti, inter alias sorores ad uxorem suam Reginam, filiumque devolutarum. Regni etsi liberam electionem haberent, non dubitare tamen, quin familiae optime de majoribus eorum meritis rationem habere vellent. Ex ea, si ita illis, videatur, filium se illis offerre: propter aetatem non habilem, quidem adhuc regno, sed cujus indoles omnium regiarum virtutum spem praeferebat. Si patrem mallet, laudem quidem ejus prudenter se praeterire. Quae cum plurimae maximaeque sint, tum non minimas variarum linguarum cognitionem: animum ut in adversis infractum, ita non elatum secundis. Reginam ut apud illos natam educatamque, sua sponte illis notam, nulliusque alterius testimonio egere, utrumque hujusmodi, à quibus adversi, sinistrae nihil, praecleara omnia expectanda sint. Non cupiditate aliqua regnum ambire, cum suum habeat, quo contentus sit, quodque ipsum sorte sua contentus non affectasset, nisi Tyrannis Erici fratris de uxore legitime sibi desponsata, sobole sororeque Regia, infestissimo Tyranno Moscho transmittenda consilia cepisset, necessaria ei arma induisset. Moscho viribus inter se conjunctis, terra marique DEO dante facile superiores se futuros, cum aliis regni vicinis, ut Turcis, Tartaris, aliisque, cum nulla inimicitarum causa ipsi intercedant, paratam facilitatemque pacem futuram, in hac vicinitate ditiorum, cum alia regni Sueciae, tum classem, qua Poloniae regnum adhuc careat, ad omnes res magno usui ei futuram: argenti fodinas praeterea ibi inexhaustas esse. Narvicam navigationem, communibus viribus facile prohibituos, quae ex successione controversiae essent quaeque ei deberentur, tanquam inter privatos parietes; partim cum infante, partim cum Principe suo facile hac ratione explicatuos: ad extremum pecuniam, qua nihil fugacius, non quidem se offerre, regnum perpetuo confederatum futurum offerre. Sophia Brunsvic. cum ipsa ad comitia venturam se denunciasset iter ingressa, in morbum incidit. Orator ejus & infantem, orbitemque hanc ejus commendabat, & ne qua in re ad successionem pertinebat injuria sibi sororibusque fieret, nomine

ejus petebat. Praeter hos cum Electorem imperij legati, pro Austriacis ipsi etiam se interponebant: tum peculiariter ordinum regni Boemiae, vel diligentissime eosdem commendabant; utque paternum indulgentissimumque domus Austriacae imperium, sine dubio suo exemplo ipsi etiam felicissimum experturi, aliis potius praeferebant suadebant. Albertus Fridericus Prussiae Dux, cujus jam quidem tum valetudo dubia, sed publice minus adhuc nota erat, penesque eum universa fere familia Brandenburgica, Austriacos ipsi quidem etiam per legatos suos, maxime autem de suffragij jure laborabant. Cum pater ejus Albertus primus ex magistro ordinis in Prussia Dux, cum Sigismundo avunculo bello composito, de feudo constituisset, in pactis deditionis de jure electionis Regum nihil nominatim caverat, re postea animadversa, quod tanquam Princeps regni Poloniae factus, usurpare potius debuisset, perendo ultro indubium vocarat. Controversia in eum usque diem nondum definita, cum morte Augusti comitia interim electionis ista intervenissent, cum ipse, tum universa familia Brandenburgica summo studio id urgere. Ostendere pactis feudalibus, & primum locum à Rege, & omnia regalia Duci Prussiae tributae inter quae sine dubio suffragium, & vel maxime essent, jam ante superiore foedere magistrum ordinis nominatim Principem & consiliarium regni Poloniae ascriptum fuisse: non minus in locum quam jura omnia magistri, ducem successisse. Non deerant Duci studia sua maxime in Senatu, nobilitas Joannis Zamoisij Praefecti Belzen. de quo supra ostensum est, auctoritatem hujusmodi in rebus ut plurimum sequebatur. Disputabatur ab eo, diversam rationem magistri ordinis, tanquam ecclesiastici fuisse, quemque ipsum tamen consiliarium quidem constitutum se videre, sed suo judicio Prussiae tantum Polonicarum eum rerum quem usum habere potuisse? itidem in universum periculum suffragium ejus, cum publico periculo, tum libertati futurum. Primum locum Duci tributum, non de regni sed terrarum conventibus, aut honoris causa de loco, non consilium intelligi debere: ut maxime vero juris aliquid vindicare sibi posset, non facto tamen illud usurpare debere, sed prius juxta praescriptum pactorum Mariaeburgi de eo transigi debuisset. Non parum causae Ducis rumores oberant. Cum & potens imprimis sit, & tum juvenis admodum, patrem Principem militarem relaturus putaretur, in armis esse, cumque copiis ipse adventurus, partesque Austriacas adiuturus dicebatur. Moschus praefatu & arrogantia legatum nullum miserat. Haraburda qui cum Lithuaniae nomine legatus apud eum fuisset, ea de re eum illo egerat. Lithuaniae mandantibus renunciabat, ob longinquitatem locorum cum ad diem praefinitum adesse non posuisset, literis ut in adventum suum electio sustineretur, petebant: Negata eis res fuit, potissimum ne contra jus ab absentibus in exemplis postea

res

tes traheretur. Cum tardius aut omnia procederent, satis nihilominus in tempore adfuere. Ab iis igitur Haraburda productus, quod Caesar aut Gallus legatis missis regnum peterent, minime mirum sibi videri disputasse ostendebat: quod barbarus & omnis antiquitatis ignarus, ac tumens, praeter se & Turcarum Imperatorem translatitios aut institutos reliquos omnes Principes esse diceret, sibi filiove suo non petendum regnum esse, sed ultro deferendum: neque dote aliqua illi opus esse, sed ipsi dote potius contribuendam, itaque legatos ipsi ordines ad eos mitterent: Livonia omniique ad Duxnam usque Poloniae ditione cederent. Quod si ipsum regem vellent, & titulis ejus priorem locum, & ob eodem titulos Kiovia quoque ei cederent. Reges postea nullos, nisi ex ejus posteris, quoad aliqui superstitibus vixissent haberent. Non minus arrogantiae Turcica postulata habebant. Literas ejus tum Machometis primi Bassae, alias Valachicus legatus reddidit, alias ejusdem fere argumenti Jaslovicius à finibus miserat. Ne ex hostibus suis, maxime autem Austriacis aliquem eligeret, barbarica arrogantia, non tam postulabat quam imperabat: de Gallo vix non mandabat, qui si minus videretur, ut tum ex indigenis potius aliquem; ex quibus ipse Palatinos Cracoviensis & Russiae, ignorantia autem rerum christianarum, primo loco ridicule Archiepiscopum nominabat. Cum literis iis cum ante jam ad conventum Varsoviensem. Czastum misisset, ne si imperium turcicum de Gallo intervenire visum fuisset, invidiae ea res apud nobilitatem Gallo esset, à Gallica factione retentus fuerat. Legatis ad sua singulis loca remissis, primum à Senatu sententiae dictae, inde nobilitas per suos quaeque Palatinatus diversa discessit. Priusquam ad electionem accederetur, cum alia nonnulla, tum emendatio jurium libertatumque iterum agitata, ad condicionesque futuro Regi praescribendas, tam ex Senatu quam equestri ordine delegati. Inter alia Alexandri privilegium prolatum, jactatumque. De gradibus in honoribus mandandis, crimineque laesae Majestatis praeterquam quod sigillo annulari Lithuanico obsignatum, non satis auctoritatis habere videretur, ne res quidem valde probata inter sanctiones non receptum. Apud eosdem Slucensis Dux de loco suffragioque controversiam referebat. Praeterquam quod stirpe Ducali se, majoresque suos ortos antiquitus in Senatu Lithuanico locum habuisse doceret, privilegium etiam in eam rem Augusti, sub Radoscensem expeditionem datum proferebat. Qui ei adversabantur, etsi tituli Ducales unione sublati non essent, dignitatem tamen ejusque omnium exequata fuisse contendebant: cujus rationis esse, ut in Regno in quo Rex ipse eligeretur, Senatores praeter omnium liberatum rerum publicum morem hereditarij essent. Jus si quod unquam habuissent, partim non usurpando, partim eo ipso amississe, quod cum post unionem judicia in Lithuania constituerentur, Palatinatusque descendi-

berentur, in Novogrod. Palatinat. Slucka etiam conjecta fuisset, ipsum in conventu Grodnen- se à Palatino Vilnense admissum non fuisse: quemadmodum ne in albo quidem Senatorum Lublin. censum. A Jagellonicis equidem temporibus praeter privilegium ejus, quod diversis ritus, & religionis homines à Senatu arcerentur, ipsos Graeci ritus locum in Senatu habere non potuisse. Si quid ab Augusto postea impetrasset, primo privatim impetratum, nullam auctoritatem habere: deinde ne in possessione quidem ejus fuisset, in Senatu pro cujusque studio, diversae de eo sententiae esse: ex Palat. ten- torijs plerisque in Novogrod. Palatinatu suffragium ferre jussus. Inter alias delegationis hujus actiones, Mniskones quoque à Zborovis odio, maxime Firlei qui sororem eorum sibi desponderat arrepti, exagitati, partim ut ministri privati Regij amotarum rerum insinulati, partim omnium actionum Augusti, quae in invidia aliqua essent postulati. Per omnes fere conventus à morte Regia, militum etiam Podolicorum maxime stipendia agitata. Cum aliter explicari non possent ipso Jaslovicio praefecto instantissime ea illa poscentibus, inter conditiones, ut à futuro Rege solverentur relata. Interim novo exemplo ceris possessionibus publicis seu Regijs, tum primum iis cautum. Tributum etiam tam per Livoniam quam Poloniam decretum. Ita rebus aliis in condiciones relatis, aliis indecise relictis, ad electionem deinceps accessum. In maxima frequentia nobilitatis, quae ad electionem convenerat, magno numero Moscovitica illa tenuior ut vicina convenerat, quae quos eligeret, neque nosset omnino, aut tando unquam audivisset, neque magno opere curaret; in eorum verba adducti, qui eos alerent, numerus magis ad acclamationes aptus quam consilia. Quibus cum impedire potius actiones omnes, & inter moras istas delegationum partim agerrime ipsi se sustentarent, partim alijs qui factionis causa eos alerent graves essent, sermones in Senatu maxime ab illorum Palatino ea de re habiti, quibus discessus illis permittebatur, tantam ad eos delati commotionem excitarunt, ut gregatim ad Senatum ad comitium irruentes, minacibus vocibus eos refutarent. Qui vel ipsi partes aliquas sibi adjunxerant, vel in quos studia hominum sua sponte tum propenderent, tres fere erant. Austriacus, Gallus, Moscus. Verum Austriacum nomen multitudini vel ob emulationes, ut inter gentes vicinas, vel Turcici belli adeoque ipsius potentiae Austriacae metum, libertati non satis gratum, ingratus etiam literarum quaedam à Zborovis confictae, & sublegati Austriaci nomine jam ante comitia sparsae fecerant, quae cum ut arte rumorum confingendorum tam adhuc nova, magis etiam animos nobilitatis ab illis alienassent, non parumque iis invidiae conflassent, qui Austriacis studebant quorum non pauci ex Senatu & primarij plerique erant, ita informatam rationem habebant, ut non statim ab initio omnes se aperirent: interim alijs potius studere

C 2

se li-



se simulabant, quos postquam partim iudicia ac voluntates hominum, partim res ipsa repudiasset, in Maximilianum tandem omnes convenirent, neque tam sponte eum elegisse, quam vel necessitate vel penuria aliorum, reiecti, quodammodo ad eum viderentur. Quæ Maximiliano obstant, ex altera parte pro Henrico omnia fere faciebant. Quod enim tot locorum intervallis remoti à Polonia Galli essent, & quemadmodum gratia, ita contentio etiam fere nulla unquam iis intercessisset, æquiore animo Gallum quam Germanum sibi imperantē laturos plerique videbantur: eandemque ob causam libertati etiam minus ab iis periculi metuentum, ut ad quam opprimendā per tot terrarū longe distitarum spacia, neque militem suum, neque aliorum hominum multitudinē, tanquam in Coloniam aliquam, quod inter vicinos aliquando fieri soleat, satis commode traducere posset. Quod autem Turcæ etiam vicino tam potenti, ac gravi fœderatus esset, non modo nulla cum ipsis offensione, sed integra potius gratia electum eum iri constabat. Accedebat ad ea legatorum ipsius cum industria summa, tum studium. Inter quos Princeps Joannes Monlocius Episcopus. Valentinus partim munibus, partim promissis, partim precibus, ac blanditiis, ut quemque maxime cuique rei idoneum repererat, quam plurimos sibi adiūxerat: Maxime autem ipsæ conditiones, quæ ab illis proponebantur, huiusmodi erant, ut & dignitate & utilitate, facile quosvis alliceret. Suecicæ Principem Sigismundum, tum fere adhuc infan- tē, cum avunculi memoria, tum matris lectissimæ Reginæ favor, tum præsentis etiam amicitie pietas, nonnullis commendabat. Sed quæ res, si cetera in eo fuissent, maximum momentum ad studia hominum ei concilianda adferre potuissent, ea partim contra maximas opes competitorum, partim contra incommodorum eorum, quæ ætas ea in vectura videbatur, metum parari poterant. Itaque vel pauci omnino ei studebant, vel qui eum commendarent, simulate potius id faciebant, cum tacite Austriaco favebant. De Piasto, quo nomine ex Piasto eo, ad quem oppidanum Krusvicensem, in maxima nobilitatis diffensione miraculo quodam regnum delatum antiquitas tradidit, cuiusque posteritas longa annorum serie ad Jagellones usque imperavit, omnes privato loco natos, quorum in electione ratio habeatur appellari usus obtinuit, magis disputabant nonnulli quā quod vel in tanta aliorum contentione consistere, vel in tot suffragatorum ambitione, partim aliis invidentium, partim sibi malentium, devenire ad eum regnum posse existimarent. Pauci admodum inter quos Joannes Thomicius Castellanus Gnesni. & aliqui ex nobilitate ex animo eum cupiebant, inter quos maxime aliqui dissidentes de religione, qui Rokos propositio, Stanislaus Saffraniecium Castellani tum Biecensem, factionisque Lutheranæ tum inter primos, ne ipsum quidem ut putabatur invitum, subito per tumultum arripere, Re-

gemque renunciare, constitutum habuisse dicebantur. Majoris partis nobilitates in Moscum fere propensa studia erant, quos partim imperij eius amplitudo, partim perpetuæ pacis commoda ducebant, nōdum obsoleta in animis hominum memoria Jagellonis, qui pariratione ex barbaro christianus ex hoste Rex factus, cum Lithuanicæ magnum ducatum regno adjunxerat, tum firmā in hunc usque diem pacem eidem pepererat. Verum hunc, quem admodum supra ostensum est, fastus ipsius ultro arcebat cum à quibus tantum regnum expectabat, ne legatione quidem dignandos existimasset, sed literis per coniecium, qui tabelarij vice, legatos nonnunquam præcedere solet missis, partim ineptas conditiones proposuisset, partim ut legati qui de Regno acceptando secum agerent, ad se potius mitterentur, postulasset. Cæteris competitoribus, vel quorum ratio haberi deberet, suicuique laudatores ex Senatu dati, qui nobilitate universa præsentē quo rectius iudicium de unoquoque ferre possent, quæ in cuiusque electione comoda vel incommoda essent ostenderent. Magna ac præclara res ut erat visa, summos Principes orbis christiani, de regno clarissimo certantes inter se videre, Piastus enim ab initio fere mox exclusus. Cum enim Joannes Thomicius Castell. Gnesnensis, qui nō simulate domesticum imper. suadebat, laudator ejus extitisset, verba Zamoiscius fecit, si indigenæ ratio haberi deberet, quemadmodum exterorum principum legationibus summis, sententiæ de iis diceretur, ita quo liberiora suffragia essent, qui ex indigenis idonei ad Regnum putarentur, ipsi quoque secederent, abientibusque eis in suffragium iretur, quare à plerisque comprobata, atque ut nova studiose potius arrepta, cum præsertim in omnium æqualitate, aliusque qui Principibus natus esset plerisque tum forderet, nemoque adeo existeret, qui profiteri auderet, ac quisque certus suffragator, quam dubius, partim etiā ridiculus candidatus esse mallet, omnis de Piasto deliberatio sua sponte conquievit, ut quam jam ante etiam qui diversum sentiebant partim ineptis, partim minus idoneis hominibus. Alij, maxime autem Marsalcus tum supremus Andreas Opaleniensis Slupscio Badura studiose nominando, in risum ac jocum fere verterat. Suecicæ Principem imprimis Nicol. Mielecius Palat. Podolicæ laudabat, qui quem admodum & Firleius, Marsalcus Palatinatusque Cracov. in Suecum aperte studium simulare, tacite Austriacis velle putabantur. Erat Mielecius ob ingenij, prudentiæ, atque integritatis opinionem, magnæ apud nobilitatem autoritatis, orationis autem quodam genere delectabatur, ut nō satis fere se explicaret, sed dubios plerumque animos hominum relinqueret: itaque ingrata oratio apud multitudinē fuit. Præterea cum sororem Augusti Suecicæ Rex Dux tum Finlandiæ duceret, offensus dicto quodam ejus in nuptiis illius fuerat Joannes Chokievicius præfectus Samogithiæ. Is igitur acerbe in Sue-

Suecum in vectus, Mielecio respondit, responso ejus Firleius occurrit, tandem nocti, ac tadio hominum utrinque cessum. Cum & Suecum & Piastum difficulter tamen esse posse appareret, qui alterutrum horum volebant, de Rotembergio communicare inter se coeperant, qui Urzedoviz, ubi tam legatus Cæsaris agebat, appellatus ipse recusabat, seu metu potentis Austriacæ difficultatesque fugiens: seu in fame sibi ratus, si legatus rem mandatam in sum commodum verteret. Ita omnis reliqua contentio inter Austriacum & Gallum erat. Austriaci laudatores Episcopus Plocensis Petrus Miskovius, Palat. Ravensis Anselmus Gostomscius, Stanislaus Slupiecky Castell. Lublinensis erant. Gallum Episcopus Cujav. Karnkovicus, Chodkievicius Capitaneus Samogithiæ, Joannes Kostka Castell. Gedan. laudavere. Non exiguae sanæ invidiæ apud Lutheranos, cæterosque hæreticos Henrico Parisiensis cædes erat, quæ in nuptiis Naverreni sororisque regis Casparis Colignij Amiralii Galliarum aliorumque Hugonotorum ipso potissimum autore, & antesignano facta jactabatur. Sed & ea res partim literis ab Henrico manu ad Monlucium ex Gallia scriptis, quæ passim omnibus ostensæ fuere tum ab ipso Monlucio publice etiam epistola quæ extat edita, ingeniosissime partim elevabatur, partim excubatur, & maxime promissis, iisque fere immentis cum Austriacos, cæterosque competitores omnes vincebat, tum animos plerorumque ad partes adjungebat. Cum vel publ. vel privatim nihil omnino postulare quisque auderet, quod non multo promptius ipse promitteret. Itaque celebre tum dictū in eum Mielecij ferebatur pontem Varlavientem, ut ex solido auro construeret, ab illo postulandum de genere auri, an Gallicum an Ungaricum adhibendum dubitationis fortassis aliquid futurum, de re nihil à Cæsare etiam legatis notata in oratione res fuit: cum alios omnia promittere posse dicerent, se ea tantum quæ à Principibus suis & posse præstari, & præstitum iri confirmare possent. Cum tamen elevare apud alios nimia promissa fidem soleat, animis partim credulitate, partim avaritia obcæcatis, nō quid præstari posset, sed quid promitteretur plerique spectabant. Principio Lithuani consilio inter se habito, in Henricum universi consentiunt, conditione adjecta de infante, ut more recepto vocabant, Anna nimirum quæ reliqua in regno ex sororibus Augusti virgo erat ducenda. Principes inter Lithuanos duæ tum factiones imprimis potentes erant, Radivilorum & Chodkieviorum, inter quos Princ. Joannes Chodkievicius. Is partim Zborovios quorum sororem in matrimonio habebat, partim propria promissa à Monlucio sibi facta secutus, sua sponte totus Gallicæ factionis erat Radivilij quoque eam acceperunt. Cum diu nihilominus res duceretur, Gallica factio tandem recommunicata, armata in comitium venit. Joan. Zborovius, qui in Lunatā formā aciem instruxerat, Archiepiscopus. qui ipse etiam Gallicarum partium jam ante erat, omniū

nomine accedit, ut Regem tandē renunciet, urgent. Archiepiscopus. parer, Henricumque publice Regem renunciat diversum sentientes, qui Austriacis plerique studebant Grochoviā villam Varlaviz ipsam etiam subjektā secedunt. Postquam & numerū & vires suas uno loco congregati cognoscere coepere, poenitere eos consilij quod in diversas sententias antea se distraxissent. Cum si unum sensissent, facile tot Senatorum & primariorum hominum autoritas, alios movere potuisset, tandē cum & à civilibus dissensionibus, magis tum adhuc animi abhorrent, iis qui primam electionem occupant, cedendum ratū, nonnulli etiam à Gallis ab instituto deducti, nō tam à Rege ipso dissentire, quam ut libertati idonee caveretur, laborare videri volebant, nominatim conditiones quasdam, quæ Henricanæ postea appellata, à delegatis conscriptas, formulam juramenti regij, & confederationem inter dissidentes de religione urgebant, quæ cum ab altera etiam parte accepta & obsignata fuissent, tandem utrinque in comitium rursus conveniunt. Accersiti legati Gallici, ut qui nihil penū haberent, quam ut quacunque ratione rem perficeret, expeditissime in conditiones jurant. Cum Monlucius ante non inspecta, aut perlecta, Abbate de Noailles, ut in verba sibi præiret, legere tantum juberet, promptiusque juramentum ipse subsequeretur. Conditiones in quas jurarunt hæc fere fuerunt, fœdus perpetuum inter regna Galliarum & Pol. promissum, ratio autē & conditiones ejus, ad ipsos Principes, in aliud tempus rejectæ, interim statutum, si quis hostis regni Poloniæ existeret, operam Galliarum Regem dandam, ut ad pacis conditiones eum perducatur, quod si nō efficeret, ut peditatu tum Vasconico, vel Germanico, vel etiam pecuniis pro arbitrio ordinum Pol. regnum juvaret. Polonia vicissim equitatum Gallicis tamen stipendiis Galliarum regno subministraret; contra Moscum 4000. Vasconum, stipendiis Gallicis in sex menses promissa: de aliis etiam sex mensibus, si opus esset spe facta. Classis ad tuendū dominium maris Narvicæque navigationem prohibendam, ipsam Narvam adjungendam sumptu privato Regis electi. Emporium aliquod nobile in portu Gallico in usus mercatorum, & mercimoniorum Polon. quod dum institueretur, liberā interim, æquamque cum ipsis Gallis, quam in Gallia quam Alexandria, terrisque novis commerciorum facultatem hominibus nostris permittunt. Ex provinciis Gallicis, quoad viveret, Rexque Polon. esset, 450000. fl. in Regnum Polon. inferre quotannis debere, inque ulius reip. impendere pro arbitrio suo. Æs alienum omne tam à Sigismundo Augusto quam post mortem ejus publico nomine factū duabus pensionibus dissoluturum. A cademiā Cracoviens. doctissimis viris, undecunq; conquisitis instauraturum: centum adolescentes nobiles Polonos, vel in Cracoviense, vel Parisiensi schola, quoad quantū opus sit, proficerent, suo ære atque stipendiis habituri: nisi forte dimidiam partem in literis, alteram in armis,



aut aulis exerceri ordinis ipsi mallent, ne ullos externos homines habitandi causa, præter paucos, quorum opera in ministerio domestico uteretur, quos tamen postea, stipendiis de suo solvere brevi remitteret, in regnum secum adduceret cautum: nullas iisdem possessiones, honores officia concederet, sed tantum indigenis Polonis, juxta jus publicum regni. Præter ista omnia alia, quæ oratione ad status regni initio conventus habita, typisq; publice edita, nomine Principum suorum promississent, rata fore confirmant. Confirmationem ad extremum omnium jurium privatorum publicorumque, tam pristinorum, quam quæ in electione hac ex unanimi & concordia omnium ordinum consensu, sancita fuissent. Conditiones ita ab illis jurata scripto comprehensæ, abiq; utraq; parte, tam nimirum nomine ordinum regni, quam ab ipsis oratoribus signata, subscriptaq; publice edita fuerunt, die XVII. mensis Maij. An. Domini 1573. jurejurando à legatis præstito, tum Martichalcus etiam regem renunciat: supplicationesq; decretæ & habitæ. Conventum deinde incuriam: primo decretum electionis ex communi sententia scriptum, exemplum Zamoisio suggerente, ea formula scriptum, qua Sigismundus primus declaratus fuerat, addita sanctio ex Jedlinense promissio Jagelloni facta, de altero ex filiis ejus in regem eligendo, ut pro hoste publico esset, qui Regis imperium non agnosceret. In scribendis rebus hisce, titulus primi Principis, quem Archiepiscopus sibi vindicavit iterum jactatus: cum convenire non posset, vacuus ad eum locus relictus: tributum Lithuanicum in bellum Moscoviticum; in cuius expectatione erant, Lithuanis permissum: præter istud, triginta milia ex Polonico tributo, à Joanne Kostka Castell. Gedan. in subsidium illis delegata: peculiariter vero ad Livoniæ fœdera exceptæ defensionem, ex Palat. Plocense, & Masoviarum alia 20000. arbitrio & consilio Chodkiev. præfecti Samogithiæ, ut provinciæ ejus tum gubernatoris, & Ducis administranda. Cõtra Tartaros in finibus Podoliæ 2000. equitum, unum gravioris armaturæ, alterum Kosacorum, quingentorum itidem peditum, quorum ducenti in Kyovienfæ arce haberentur, alij per finitima Castella distribuerentur, Georgio Jaslovecio Palat. Russiæ, militiæ campestris tum præfecto, scribendi habendiq; cura demandata. In Pedemontio, & finibus Silesianis, à quibus non minus tum dubia suspèctaq; amicitia videbatur, jam ante, decreto nobilitatis minoris Polon. scriptus miles fuerat. Ei igitur ut ex Cracov. Sandomir. & Syradiense Palatinat. tributo stipendia solverentur statutum, & quod Palatin. Cracov. qui præfectus simul erat, ab arce Cracov. periculo aliquo ingruente, non satis commode abesse posse videretur, ejus loco Petro Zborovio Palatino Sandomiriensi, Andrea Vapovio Castellano Przemisliensi, finium earum cura commissamajoris Poloniæ generali ejus præfecto Czarnkovio, & Marsalco curiæ Andrea Opalensio, Prussiæ Joanni Kostka

Castell. Gedan. commissum his, ut in omnes conatus vicinorum intenti essent, ac si quid aliunde objiceretur, quam primum alios certiores facerent, atq; ad vim propulsandam, parata omnia haberent, quam in rem militis etiam si opus esset, publicis stipendiis scribendi potestas eis permissa. Pax publica judiciisq; ex præscripto cuiusq; Palat. quod post mortem Sigismundi Augusti quisq; Palat. sibi constituerat, observari placuit. Locus coronationi novi Regis assignatus solenni, Cracov. dies 4. mensis Octob. conventuum autem minorum qui comitia inaugurationis more solito præcederent, 1. Sept. Legati ad decretum electionis novæ regi tradendum designati, ex Senatui ordine, Adamus Konarsky, Episc. Posnan. Albertus Lasky Palat. Siradien. Joannes à Thecin Castell. Vosnicensis, Capit. Lubln. Joannes Thomicky Gnesnen. Andreas à Gorka Miedzirencensis, Gnesn. Valcen. Javorovientisq; Præfectus, Joannes Herbalt de Fultin, Sanocentis Castell. Præfectus Przemislien. Ex equestri ordine Joannes Zamoisius Belzen. Nicolaus Fierleius Casimir. Joannes Zborovius Odalanov. præfecti, Nicol. Thomicius. Amagno autem Ducatu Lithuan. Nicol. Christoph. Radzivilus, in Olka & Nieswies M. Ducatus cum Lithuanis Marsalcus, & Alexander Pronsky Palatin. Kyovientis. His cum alia mandata data, maxime ad confirmationes conditionum, inter quas imprimis etiam matrimonium cum infante erat, juramentumq; in eas à novo Rege exigendum, ipsiusq; juramenti declarationem pertinentia tum ne præter morem externorum familiam numerosam secum ducerent, mandatum iis, ut ad Cal. Jul. Miedzirzecia omnes convenirent: inde conjunctim uno itinere ad Regem irent. Ad ipsum Regem ne quis separatim ab aliis adiret, sibi ve aut cuiquã alij privatim quid cõciliaret. Episcopo autem & Castell. Miedzirzec. ut tabellarios certos haberent, per quos si quid opus esset aut gravius incideret, ad Archiepisc. tanquam primatem regni quam celerrime referrent. Illi consilij causa adjuncti, ex minore Polon. Fierleius Cracovien. & Petrus Zborovius Sandomir. Palatini, ex majore Stanislaus Karnkovius Episc. Cujavienfis, Joannes Syrakovius, Lancicien. Joan. Sluzevius Brzestien. Palat. Ex Lithuania Nicolaus Radivilus Palatinus Vilnensis, Joannes Chodkiev. præfectus Samogithiæ, Eustachius Volovicus Castell. Throcen. cum quibus omnibus de rebus ad rempub. pertinentibus Archiepisc. communicaret, utq; ex tempore consilium reipub. caperet. Ad excipiendum etiã novum Regem Gedani, quo classe cum appulsum opinio tum erat, præter Episc. Cujav. Palat. Lancicien. & Brzestensem, Joannes Krotoscus Inowladislav. Anselmus Gostomscus Ravenfis, tum Prussici Palatini, Gedanense etiam Castellano iis adjuncto, designati. Funeri defuncti Regis Augusti, septimana una ante inaugurationem novi, dies 28. mensis Sept. constituta. Vexilliferiq; omnes ad id evocati, qui una cum aula Cracov. id deducerent, Petrus

trus Miskovius Plocen. itidem Victorinus Virbicius Luceorien. Episc. Smolecenf. Joannes Hornostaius Brzestienf. Nicolaus Kiska Podlascien. Palatini, Eustachius Volovicus Castell. Throcen. nominati. Sororis regiæ deducendæ, Alberto Starogrobicio Chelmenfi Episcopo, Casparo Zebrzydovio Palat. Calisiensf, Sigismundo Volscio Castell. Czernensf, cura demandata, quæ omnia inscriptum relata, literis per universum regnum dimissis publicata fuerent. Rebus hisce domi constitutis ad externos etiam Principes, aliquot legationes deceret. Cæsarei legati, mox ac declaratus Henricus Rex fuerat, non expectato responso discesserant. Orator tum ad Cæsarem transitus petendi causa, Stanislaus Slupiecicus Castell. Lublnen. laudator ejus missus. In Moscoviam petentibus Lithuanis, Andreas Tarnovius missus. Ad alios etiam nonnullos Principes, maxime Electores Imperij, Saxonem & Brandeb. literæ datæ, quibus commeatus peteretur. Quam primû declaratus Rex fuisset, nobiles aliquot juvenes, studio primum nuncium ejus rei ad Regem deferendi incitati, diversis itineribus præcurrunt inter quos Stanislaus Ciolek, Jacobus Ponetovius, cum literis à Senatu, privatim vero Martinus Lesnowolsky, Nicolaus Volsky Capit. Krzepicien. quos omnes tamen Zarnovien. præpositus Prussus prævertit. Etiam autem omnes jam in eandem electionem conveniant, tamen & legati Gallici ipsi, & qui ab initio partes Gallicas secuti fuerant, non sine cura erant. Maxime à Fierleio metuebant, qui & constanter electioni Gallicæ adversatus fuerat, & quamvis ex omnium autoritate Regem renunciasset, subscriptionem tamen in electionem vix currum jam conscendente Monlucius extorserat. Itaq; Andreas Zborovius cum presidio Cracoviam missus. Arcis Cracovien. rationes ita fere constitutæ sunt, ut præfectus jurisdictionem in nobilitatem, ac certam partem arcis habitandi tantum causa, presidium etiam si quod in arce sit, atq; portas arcis in potestate habeat ipsius arcis omniumq; ædificiorum, tum villarum ad arcem Cracov. pertinentium, ad magnum ut vocant procuratorem pertinent. Præter hos Burgrabij sex circiter sunt, quod ipsi etiã domos officiis iis assignatas in arce habent, presidioq; arcis proprie destinati, ab aliis expeditionibus omnibus publicis jure publico immunes sunt. Erat tum magnus procurator, homo origine Germanus Ludovicus Ketus à Sigismundo Augusto cui gratus fuerat, procuratore ea arce donatus. Cum hoc de tenenda aliquo modo arce consilia Zboroviorum communicare, cum delatum ad Fierleium fuisset, non levis inde tumultus inter Fierleianos, & Zborovianos, in ipso templo arcis exortus, vix sedatus fuit. Non parvam etiã in animis hominum quorundam imperij Principum Lutheranorum imprimis Palatini Rheni Hassi, aliorumq; nonnullorum ad Luther. Senatores in Henricum literæ alienationem attulerant. Inde penitentia facti, convicia item, & libelli famosi, mutuo in

vulgus jactati. Ex legatis ad Regem designatis Stanislaus Kriscius Castellani Raczaenenfis cum Landfaco legato Gallico mare ingressus, in freto à classe Danica retentus fuit. Piratas Gedan. à Sigismundo Augusto ad navigationem Narvicam prohibendam, magna cum invidia, & vicinorum omnium odio institutos Landf. armarat, omnes à Dano capite mulctati, vix in ipso Landfaco & Kriscia jus legationis valuit, aliquandiu tamē retenti, Landfacus inde in Galliam, Kriscius domum redijt. Thencinus etiam Castell. Voinicenf. cum brevissimo itinere per Silesiam ire constituisset, Nisla ad Cyrianam fortassis retentionem reddendā detentus, ipse etiam dimissus, non visa Gallia domum se recepit. Reliqui legati per electorum ditiones ituri, Cal. Julij, quæ dies ut Miedzirzeciam convenirent præstita fuerat, Posnaniæ aliqui prius ex illis conveniunt. Eo literæ ab Electoribus Saxonis ac Brandeb. illis allatæ, quibus ad ordinum literas de electione regia eis significantes, commeatumq; petentes, respondent. Marchio gratulari, quod per Janussum Latacium de studio suo ordinibus receptisset, libenter & jure pro mutua necessitudine facturum: itaq; nō esse quod gratias eo nomine sibi agerent, expostulare tamen, quod secus quam per Latacium ad se retulissent, patrueli suo Alberto Friderico in Prussia Ducis suffragium, locusq; in Senatu permissus non fuisset. Cæteroquin de studio suo iterum confirmare, si quid etiam hostile aliquem in imperio contra regnum moliri cognovisset, certiores facturum promittere. Legatis etiam si ne exceptione, transitum mox permittere, Saxo eventum electionis præter vota sua, quæ ex legatis suis, ad electionē à se missis cognovissent administratæ, immutabilibus regnorum fatis committere, optare ut quod cœptum esset, regno atq; universo orbi christiano, cuius tum is status esset, ut non modo quæ prima specie lata, tractu tamen dura, atq; exitu dubia saepe fiant, feliciter eveniat, Legatis usitato more per ditiones suas transitum permittere, annuente Cæsare. Priusquam Miedzirzeciam Posnania moveret, exemplum literarum à legatis Gallicis, & Petro Zborovio Palat. Sandomir. Joanneq; Kostka Castell. Gedanense, ad novum Regem missarum, perlatum ad illos fuit. Cum nuncij ad Principes imperij, transitus petendi causa missi, vix 4. aut 5. septimanis negotium id conficere, & vel etiam infesto eo redire possent, datum sibi à Senatu negotium esse, ut cum in celeri adventu ipsius, omnia posita essent, si oratores ante tertiã diem Augusti ad eum non venirent, iis amplius non expectatis profectionem susciperet, omniq; sublata mora in Poloniam contenderet. Cum ejus rei tum cum legatio eorum decerneretur, nulla in Senatu mentio facta fuisset, non parū illos movit: Progreffi tamē fuerit Miedzirzecia. Eo ad 5. Julij cubicularius cum literis à Slupecio Castell. Lubl. qui ad Cæsarem missus fuerat, venit, privatim humanis. & acceptum & tractatū se fuisse, publici negotij nihil confi-



cere potuisse, mittebat simul exemplum responsi Cæsarei. Quod ordines suum in Cæsarem domumq; Austriacam studium contestati per eum fuissent, eventumq; electionis excusassent, se quoq; prætermittere non potuisse, quin de sua quoq; voluntate nonnihil attingeret, testari DEUM nulla vel ambigione vel privato commodum ductum, pro filio Ernesto regnum per oratores petiisse: sed cum universæ reipub. christianæ, tum imprimis Poloniæ etiam salutem, atq; utriusq; imperij incolumitatem ac quietem, proposita habuisset, tantum enim abesse, ut libertates juraq; regni aliqua remanere in animum unquam induxisset, sed iisdem potius augendis amplificandisq; nunquam defuturus fuisset, longe aliter ab altera parte animo, ac voluntati huic suæ responsum, internuncios à morte Augusti cum literis, quibus dolorem ex morte ejus ceptum testaretur, simulq; adventum oratorum significaret, ad sororem regiam nonnullosq; proceres præmissos, contemptim plerisq; in locis exceptos: non secus fere ipsos oratores postea tractatos, in Sendomiriense Palatinatu subsistere coactos: non raro cum suas tum oratorum literas intetceptas: quasdam etiam resignatas, ac non modo in conventibus publice lectas, sed ad conflandam rebus suis eo majorem invidiam, quam odiosissime in vulgus sparsas, ad extremum Joannem Cyrum, qui per complures años oratoris sui munere apud Augustum functus fuisset, nulla sui, qui certe, ut orator maxime quid deliquisset, ipse tamen injuria hac non afficiendus, sed de oratoris potius delicto certior faciendus fuisset, nulla mutæ amicitiae, vicinitatisq; fœderumq; ac patrum inter utraq; regna, nulla deniq; juris gentium ratione habita, in via publica interceptum Marienburgumq; captivum abductum fuisse: ac ne literis quidem à se missis, quibus si quid præter rationem officij ab illo admisum esset, animadverturum promississet quicquam rescriptum, sed ipsius Cyri in tertium usq; mensem retenti, literas & scripta Varlavie in publicis regni comitiis extracto scrinio publice lecta, neq; quicquam tamen quod iusta reprehensione dignum, aut legitimam captivitatem causam præbere debuisset, repertum. Accessisse huc ut nonnulli Cæsari pepercint, sed ipsum, filios, fratres, universamq; domum Austriacam, varijs atq; inauditis rebus confectis, cum scriptis per universum regnum sparsis, tum in publicis conventibus, novissimèq; Varlavie traducere non sint veriti, quæ cum manifestissima essent, Senatūq; ordinesque ipsos ignotum ordinibus esset, qualem erga defunctum Regem regnumq; ipsum semper se præstitisset & quamvis aliquando alia etiam capiendi consilia, neq; graves causæ, neque opportuna occasiones defuissent, iis tamen posthabitis quantum amicitiae, bonæq; vicinitatis cum regno tuendæ curam semper habuisset atq; adeo quotiescunque regno aliquid periculi imminere vel strui animadvertisset, summo studio omnia avertisset. Nunc et-

iam quæ Augusto defuncto præter expectationem, atque meritum ullum suum evenissent, Deo ac temporum iniquitati committere, ea spe fore aliquando, ut quam bene Poloniæ consultum voluerit, atq; etiam nunc velit, re ipsa Senatus ordinesq; experiretur. Quodq; operam duros se polliceantur, ut si unquam alias inter Reges Poloniæ ac domum Austriacam firma amicitia culta, constitutaq; fuerit, ea nunc maxime colatur, grato animo accipere, mutuumq; animum promittere. Legatum ad funus Augusti ad quod simul invitabatur polliceri. De literis fidei publicæ oratoribus in Galliam designatis, si per sua tantum regna, ditionesq; iter illis faciendum esset, non difficulter fortassis explicaturum se fuisset. Nunc cum per complurimum imperij tam electorum, quæ aliorum Principum ditiones eundem illis esset, eos sua etiam regalia, ac jura, quibus non facile fortassis derogari passuri essent, ex ipsis investituris habeant, quod ne ipsi quidem ordinibus Polonicis ignotum esse, vel ex eo perspicere, quod ad nonnullos imperij Principes ab ipsis quoque literas hac de re datas esse cognovisset. Itaq; non integrum sibi esse, re si non cum omnibus, saltem Electoribus prius communicata quicquid statuere: eoq; magis quod quæ cum ordinibus nuper acta essent, communicatis cum iisdem Principibus Electoribus consilijs, atque opera acta fuissent, daturū autem operam, ut quam celerrime responsis illorum acceptis, sententiam ea de re suam ordinibus significaret, plane appellandis Electoribus intricata nonnihil res videbatur: cum Electores ad Cæsarem mox retulissent: Cæsar neq; suæ, neq; Electorum dignitatis esse existimaret, dum ultro citroq; nuncijs commean- tibus utrinque de eare inter eos convenisset quicquam definire. Cum ancipites deliberatio hæc, an responsum Cæsareum expectare, tum quo potius, itinere, an per Principum imperij ditiones, an per Austriacas ire deberent, in eam fere sententiam propenderunt, ut diverti quo quisq; posset itinere, in Galliam eaderent. Meritoq; ad ultimam diem Julij conveniret. Cum jam ante Palatinus Siradiensis Lascius, eumq; post subsecutus Radivilus separatim etiam præcurrisset. Obstabat consilio huic metus, ne Rex literis, de quibus supra ostensum fuit acceptis, non expectatis legatis, in iter se daret. Cui rei ut occurrerent, literas omnium legatorum nomine mittere ad Regē illis visum, quibus & de adventu studioq; iter quam primum perficiendi, expectationeq; responsi Cæsarei literarumque fidei publicæ significarent, neve priusquam ipsi venirent iter ingrederetur eum hortarentur, cum ex mandatis ijs quibuscum ad eum missi essent, equè legibus & institutis reipub. illis constaret, neq; è reipub. neq; è re ipsius Regis futurum, ut in Poloniam confirmantibus, & jurejurando prius non præstitis, pactisque conventis expletis proficisceretur. Literas istas de Noailles Abbas Insulæ, legatus Gallicus, qui literas fidei publicæ Cæsaris habebat perferre debebat. Tan-

Tandem post iteratam longamq; deliberationem, ut per Francof. ad Moenum irent, iterum constitutum. Itaq; ad 7. Julij Francof. ad Odetam, in Brandeburg. ditiones progressi, literas inde ad Sax. Electorem Augustum præmittunt, ut quam benevolentiam & propensionem ante per literas illis obtulisset, eadem in itinere nunc iis existentibus, & ditiones ejus propediem ingressuris præstaret. Cum tutum transitum per ditiones suas illis concedendo, tum alijs vicini & amici Principis officiis iter id illorum promovendo. Priusquam Francofurto moverent in Poloniam etiam ad Senatum ac ordines per Stradomscium literas mittunt. Convenisse se die dicto Miedzirzeciam, eos nimirum, qui propter dignitatem hujusmodi legationis nullum vel laborem, vel periculum, vel sumptum subterfugere maluerint. Quam per compendia viarum præcurrere, querunt inde minus sibi satisfieri, scripta legationis suæ quæ ad se missa essent, non ordine, neq; pro negotij magnitudine curata esse. Literas fidei, præterquam quod ad aliquot saltem capita legationis eorum referantur, quinq; etiam solis signis obsignata esse. Similiter præscriptū ipsi legationis, cujus tamen in decreti ipsius primario quodam capite mentio fieret, partim generalia saltem quædam habere, partim duobus etiam solis signis Episcopi Chelmenis & Thesaurarii regni obsignatum: jam vero in decreto ipso, unum ex collegis ipsorum communi sententia electum, & in alijs plerisq; scriptis commemoratum Nicolaum Thomicium ommissum: ita ut si summo jure agere quis cum iis vellet, maximè illis difficultates objici possent, ac vix non infecta re redeundum illis esset, quod tamen cum eo Principe negotium sibi fore considerent, qui magis rem ipsam, & publicam utilitatem quam clausulas aliquas aut captiones spectaturus esset, minoris illa se facere, alterum gravius esse, quod deferretur ad illos ex autoritate, ut præferretur Senatus ad novum Regem, literas datas esse, quarum exemplum, quale ex Polonia accepissent ad illos mitterent, quibus appellaretur, ut nisi ante tertiam Augusti legati pervenissent, ijs etiam non expectatis iter in Polon. acceleraret, quod si fieret, quanta in difficultate futuri esset, facile ipsos perspicere posse: cū si difficultate aliqua, in itinere illis objecta, uno atq; altero die minus cito pervenire possent, non modo sumptus, labores, pericula omnia reipub. causa à se suscepta, frustra fore, sed cum dedecore etiam aliquo & suo & publico sibi revertendum, foreq; ut non modo tanquam legati, verum qui inter eos essent ordinis Senatorij etiam tanquam Senatores, cum ad omnia consilia reip. æquo jure pertinerent, tanta de re celatos se esse, queri necesse haberent. Accedere quod cum commeatum neq; à Cæsare adhuc, neq; à Duce Sax. habere potuerint, cum præsertim communicata hac de re consilia cum alijs Principibus Imperij Cæsar habere se significaret, non sine causa verendum sibi esset, ne quid hu-

jusmodi sibi objiceretur, quod cum incommodo aut periculo ipsorum, aut etiam ignominia conjunctum esset, qua quidem ex re, & si quod tutissimum esset, facile in mentem iis veniret, ut re integra ulteriora ab ordinibus mandata expectarent, cum tamen, quantum in celeri adventu regio reipub. positum esset intelligerent, ne quisquam privato periculo publicum commodum ac necessitatem posthabitis se progredi, quemadmodū quidē jam ad Ducem Sax. hac de re literas dedissent, sperare se cum nihil contra se haberet, in gratiam alterius, causam inimicitiae non queriturum, ad extremum quemadmodū certi essent gratum hoc studium suū, tanto cum labore, sumptu, ac periculo nonnullo à se susceptum illis esse, ita sperare si quid in publico negotio proficiscentibus adversi objiceretur, illorum incommodum aut injuriam pro publica habituros curaq; & ope sua sibi non defuturos. Cum Francofurto quatuor dierum itinere, sine ullo cujusquam impedimento, Lipsiam Misnia caput pervenissent, qui ad Elect. Sax. cum literis missus erat, cum responso eodem rediit. De sua erga Regnum Pol. propensa voluntate, dubium illis esse, nec posse, nec debere, cum de ea proximis literis suis, satis testatus fuisset. Cum vero Cæsar exemplum responsi, legatis ordinum dati, ad se transmisisset, neq; interina de voluntate ipsius certi quicquam adhuc percipisset quid ea in re facere se oporteat, etiam tacente se illos intelligere, ne præjudicio quasi suo, Cæsaris sententiam, intervenerat, itaq; putasse se, fore, ut priusquam sententiā suā declarasset, ditiones suas non ingrederentur, facturosq; adeo ab humanitate prudentiaq; sua non alienum, si vel tam diu subsisterent, ut ad regni sui fines retrocederent, donec à Cæsare responsum accepisset, quod in horas expectaret, idq; eam etiam ob causam, ne Cæsarea auctoritas ab illis sprete, periculum aliquod illis crearet, atq; ita propriam potius, quam alienā culpam accusare cogeretur. Non multo post, tres à Duce delegati, in hospitio eos conveniunt, qui cū pridie familiares Ducis cum mandatis, magnis itineribus ad eos venisset, ea in eandem sententiam, & iisdem fere verbis exponunt, quibus literæ scriptæ erant, re inter se & cum Gallicis legatis deliberata statuunt, ut ex legatis ipsis aliquis ad Ducem mitteretur, qui coram omnium nomine, cum Duce ageret, negotium id Joanni Herburto Castellano Sanocensi datum. Qui cum ostendisset, non pro imperio, sed consilio denunciationem istam ipsius legatos accipere, & gratias ageret quod consilium suum illis impertisset: & sui consilij vicissim rationem illi redderet. Demonstraret deinde, quod ditiones ejus ingressi essent, non temeritate aliqua, aut contemptu se fecisse, sed fretos, cum publica amicitia & pactis cum Principibus plerisque Imperij, tum privatim ejus erga regnum Poloniæ benevolentia, tum regni necessitate ductos.



ductos. Cum antiquis denique & novis necessitudinibus commemorandis, periculoque in quod non modo regnum Poloniae, sed universa christianitas pervenire posset, si regni ejus, quod immanibus christiani nominis hostibus undique cinctum esset, rationes impedirentur, ne iter illorum moretur, peteret. Simul ad Caesarem per certum hominem literas mittunt. Priusquam de responso Caesareo ordinibus dato illis constitisset, iter ingressos: quod non modo nihil hostile intercederet: Romanum imperium, atque imprimis familiam Caesarem, & alias praecipuas familias Germaniae, amicitiae, foederum, affinitatem, ac mutuorum officiorum necessitudinibus, jam inde longo intervallo cum regno Poloniae conjunctas nosset, itaque multis necessitudinibus conjuncti regni oratoribus, non hostibus, & oratoribus ad amicos, consanguineos, affinesque Caesares, parvo cum comitatu, ac prope sine armis euntibus, patere sibi iter per imperium, ac ditiones Caesareas existimasse: facileque impetratos ordines sperasse, ut Principibus etiam ac subditis imperij, ditionumque suarum, quo commodius iter hoc, quod & jure gentium, & amicitiae permissum sibi esse compertum haberet, perficere possent, commendaret, quod ad Principes Electores, referendum ea de re existimasset, consiliumque ejus se non reprehendere, credereque illorum quoque favorem. Propter peculiare etiam familiarum Bavaricae, Saxonicae, & Brandenburgensis cum regno Poloniae necessitudines & conjunctiones sibi non defuturum, quod tamen res haec diutius dilata, rumoribus qui reipublicae universae christianae plurimum noceere possint, occasionem praebitura videatur: orate ut literas eas quam primum mittere velit, & quemadmodum aliis in rebus, ita hac quoque constans suum in reipublica Christianae tranquillitatem tuenda studium, omnibus declararet. Nam ut iter eorum moretur, cum ejus impedimenti nulla causa sit, propter perspectam, & universo orbi probatam prudentiam in animum inducere non potuisse, compertum se habere. Omnibus de rebus consilioque suo in Poloniam simul literas dant. Quas ad Electum Regem de expectandis se, & ante literas mittere decreverant, & nunc postquam retenti fuissent, eo etiam magis, Monitio autem intermittunt: qui ante adventum eorum Regem non moturum, jurejurando illis confirmabat. Dum Lipsiae reditum & eventum legationis Castellani Sanocensis expectant, Gnesnensis & Miedziariensis Castellani tardio more, cum extra portas equis exspaciari constitissent, in ipsis portis septum, a statione quae in porta erat mox demissum, illique regredi in hospitium coacti fuerunt. Cum graviter de injuria hac expostulatum ad Senatum Urbanum misissent, Senatus imprimis excusare, quemadmodum ante omnem illis benevolentiam ac studium, cum sua sponte, tum etiam mandato Principis sui illis detulissent, ita nunc etiam omni officio atque observantia prosequi eos paratos esse: tanquam

& primarios viros, & a primario regno missos, factum id illorum ipsorum dignitatis causa, cum diversa & ex variis generibus hominum plebs in civitate esset, neque civili jurisdictioni omnis subiecta, quae cum ipsa urbe, in oculis Senatus, non satis fortassis contineri posset, quin cultus habitusque illorum, quos nunquam antea vidisset, mirando aliquid molestiae illis afferet, tanto minus fortassis, extra moenia contineri possit. Denuo ad illos missum, si ea de re ageretur & se & Senatum molestia liberaturos, in aliquemque alium locum interim progressuros, ubi collegae sui adventum a Principe expectarent. Tum vero obsecrare & rogare ne id facerent, neve in sinistra partem acciperent, cum certae gravesque ejus rei causae essent, verum eo in loco responsum Principis collegamque expectarent, interim omnem humanitatem, studium, officia, securitatem illis polliceri. Rediit interim Castellani. Sanocensis, Ducem ipsum Mariaeburgi, in quo loco tum fuerat, non ostenderat. Apud consiliarios in eam rem delegatos legationem exposuerat, non modo per ipsius ditiones transitus permissus, sed ad eundem per Turingiam etiam patrum ipsius ditionem, illis conciliandum opera promissa: Verbo tamen tantum non scripto, cum id peteretur, transitus datus: propter invidiam apud Caesarem. Ita die 19. Julij cum prius in Poloniam de libero transitu obsecro significassent, post die Naumburgi a Magistratu urbano iterum retinentur, appellatus hac de re magistratus, cum honorificentissime alioquin eos exceperisset, literas Electoris ostendit, quae illis interdixit, ne quinquae gentis Polonicae, aut Gallicae per oppidum transire permitteret. Cum tamen ad administratores Episcopos, illius, certos consiliarios Electoris, qui Episcopatu illi praesunt retulissent, ad eosdem ipsi quoque legati literis datis, quid cum Electore actum esset significant. Qui nondum quicquam hac de re cognitum haberent, moram excusando, ad Electorem atque Lipsiam rem rejiciunt. Verum haud multo post ab ipso Electore literis ad magistratum allatis, non modo sine impedimento dimittitur, sed literas etiam publicas a magistratu auferunt; Jussu & voluntate Electoris, dimissos a se fuisse. Ex itinere priusquam fines Hassiacos attingerent, ad Guillelmum Landgr. itidem literas mittunt, quibus transitum petunt, rescriptum ab eo primarij simul ex aula missi, qui & exciperent eos & deducerent, Vacham eos comitantur, humanissimeque omnibus rebus traant. Vacha eadem de re ad Abbatem Fuldensensem etiam civitatem Francof. ac Palatinum Rheni literas datae a Francofurtens. etiam, ut diversa aliqua illis assignanda curarent, petunt. Praeter istas cum a legatis Gallicis admoniti essent, mittere cum literis in Galliam se decrevisse, cum ad Galliae regem Carolum, tum ad suum ejus Electum Poloniam, ipsi etiam literas dant. De studio suo itineris accelerandi, difficultatesque, quae remoratae illud adhuc fuissent, significant; ut ipsi ex sua quoque parte operam

dent, quo iter in Galliam illis pateat, petunt: ad Electum Regem addunt, non dubitare se, ita jam rationes itineris sui constitutas eum habere atque ita instructum esse, ut statim postquam venerint, & ea quae in mandatis haberent executi fuerint, ingredi illud possit. Cum quantum & reipublicae & ipsius interesset, ut quamprimum in Poloniam veniat, facile prudentia sua judicare possit. Quam primum Francofurtum, per ditiones Abbatis Fuldensis, & Comitum Hanoviensis comiter tractati ad Moenum venissent quo itidem missi obviam qui eos salutarent a magistratu oppidano excepti, priusquam inde proficiscerentur, literas in Poloniam dant, quibus quae in itinere ea haecenus illis obiecta fuissent, & quamvis aliqua pars itineris reliqua adhuc illis esset, non tamen tam de se, aut suo itinere, quam de novi Regis sollicitos esse, quos is quam primum in regnum venire posset, cum maritimam navigationem tempus ipsum fortassis exclusurum videretur. Ostendunt non dubijs rumoribus se intellexisse, conventum quendam Principum Germaniae ad decimam Augusti agitari, consiliorum impediendi itineris Regij causa, in quo Caesar ipse futurus diceretur, suadent ut si quid de eo ipsi certius cognovissent, legatos ad Conventum eum mitterent, expediendi itineris regij causa, quod quo rectius facere possent, exempla fuderunt, quae cum singulis Principibus imperij regno intercederent, a Zamoiscio, qui ex archivio illa exceperat iis mittunt. Praeter ista, ut publicis legationibus ad plerosque Principes missis, de electo Rege iis significet, ne ignorantiam praetendere quis posset, quam justam quis habere videatur, dum a confederatis certior non fiat, feudaliibus itidem Ducibus, ut diem petendae investiturae praesumant, suadent. Francofurtum die 30. Julij proficiscuntur, priusquam inde excederent, nominis exulum Gallorum quorum plena Helvetia & Germania erat, ut causam illorum ad Regem susciperent, appellati fuerunt. De quibus iisdem Palatinus etiam Rheni, a quo literas fidei publicae Drohoevius Kriekenakum 31. Julij attulit, ad eos qui cum illo in religione sentiebant, ut Castell. Mredzinc. Gnesnens. & Joann. Zboroviu, cum literis tum voce, per Maximilianum Skomonsky, qui in aula ejus versabatur retulit, partim publice causam illorum iis commendando, partim privatim: Moguntiae propter Sclopetos, in trajectu a Joanne Zborovio explosos, per unam atque alteram horam portae clausae, inde humane tamen ab Archiepiscopo admissi, exceptique fuerunt. Moguntia quinto itinere IV. nimirum Augusti Metim perveniunt. Ante urbem a Legato Joanne Hevalio, cum equitatu aliquo obvia illis profecto honorifice excepti, atque in Curia Cardinalis Lothar. ubi laetitia illis praebita deducti fuerunt. Advenit eodem die Secretarius Regis Alcisius Bosinus, qui de valetudine Regum, pacataque Gallia, maxime autem Roscellense compositione illis significat,

qua perfecta, cum hostile aut seditiosum nihil in Gallia reliquum esset, Electum Regem Ruscella jam movisse, Parisiisque esse: itaque res suas comparatas habere, ut ad Cal. Sept. sive mari sive terra, qua auctores illi futuri essent, in Poloniam cum illis se conferret. Post die ex oppidano etiam magistratu insigniores aliquot salutaturos eos venire, moreque civitatum illarum hospitibus vina, municipalia munera illis obulerunt. Legati ab ipso Rege Galliae, matremque regina ad excipiendos eos, deducendosque, Comes de Brume ex familia Luxemburg. propinquus Regis, ordinisque ejus eques, & Episc. Lingonensis ex Statibus Franciae secreti consilij. Morfine de Ligni designati fuerant. Verum Episc. tum Lingon. valetudine impedito, comes cum literis praecedens, gaudium ex adventu illorum, Regis reginaeque testatus, eos excepit. Posthunc altera die Caspar Schonbergius cum praefecto urbis, & Abbate Insulae eos conveniens, significat dolorem, quem ex nuncio de retentis iis a Duce Saxonicae rex cepisset, missum se sine mora fuisse, ut cum Duce hac de re expostularet, qui si difficilius in detinendis iis futurus fuisset, non secus id Regi suo curae futurum fuisse, quam si de capite ipsius Coronam illi detraxisset. Cum de adventu illorum cognovisset legatione intermissa studium ac voluntatem Regis testificandam, tamen illis existimasse: simul electum regem ad iter paratissimum, expectare eos ostendit. Post die aliae ab eodem Abbate tam a rege Galliae, quam electo Polon. literae illis redduntur, quibus ad testificandum studium suum, quam primum de impedito itinere eorum cognovissent, ad Palatinum Rheni, & Francof. de comitatu in Galliam illis praestando, diligentis se scripsisse nuntiatur. Cum per aliquot hosce dies Meti subsisterent, ab Episcopo Posnan. tanquam legationis Principis, ad consilium legatorum relatum fuit. Imprimis quibus orationibus, tam Galliae, quam electus rex, tum regina, & Alancsonius frater regum, caeterique salutandi essent, constitutum. Ad Galliae regem probata oratio, quae mandatis ordinum praescripta fuit. Ad Electum regem, cum ad ipsam salutationem decretum Electionis adjunctum fuisset, Zamoiscio potissimum suadente, ut exemplo Ungarorum Vladislaum Varnensem accersentium, prius confirmatio jurium, & juramentum exigere-tur, alia oratio adhibenda visa, tam ejus autem quam aliarum ad reginam matrem, & Alancsonium, Episc. Posnan. Castell. Sanocensem Herburtum, & Zamoiscio scribendarum negotium datum. Cumque separatimne a Senatu, separatim ab equestri ordine salutandi essent, etiam dubitaretur, statutum ut ab uno omnium ordinum nomine, cumque frequente omnium ordinum studij commemoratione id perficeretur, maxime de juramento difficultas esset, a quo regi id proponendum, propter clausulam de religione, contra voluntatem ordinis ecclesiastici extorta. Convenit tamen ut Episc. usque ad clausulam eam praeretur. Caetera Joannes Zboro-



Zborovius persequeretur: Episcopus protestaretur. Respondendi etiam gratulationibus, tam Regum, quam aliorum, cuique partes assignatae, ipsis Regibus Galliae, Electo & Reginae Episcopo Polnaniensi: Alanconius, & Rex Navarrae supremum item consilium Parisiense, Castellano Saanenfi: Senatus Parisiensis Praefecto Casimiriensi Nicolao Fierleio, Academici Zamoscio delegati. Munera itidem à Senatu, ut conjunctim redderentur, similiter non modo ne privatam audientiam sibi quis conciliaret, privatimve aliquid à novo Rege peteret, mutuo sibi interdixerunt. Verum ut communi etiam nomine, ne priusquam in Regnum veniret, ullo cuiusquam promisso, alicui se obstringeret, à Rege peterent. Cumque de loco etiam inter ipsos legatos, controversiae aliquid esset, statutum, ut qui Senatori ordinis essent, eo loco quo in Senatu censerentur, mutuo se subsequerentur, inter equestris itidem ordinis Legatos, praefecturae dignitas observaretur: tres autem inter eos praefecti erant, Zamoscus Belzensis cum jurisdictione: Fierleus Casimiriensis: Zborovius Odolanoviensis, quarum utraque sine jurisdictione praefectura est. In eodem consilio, ut in Poloniam etiam literas darent, quibus de collegis, qui eos Parisios antevertissent quererentur, tum ut cum ipsis etiam ea de re exposcularent, constitutum. Eodem tempore Basinus in Poloniam partim ad explorandum statum Poloniae, partim rumores, qui in Regem concitati ibi dicebantur, sedandos destinatus, cum ab illis etiam hisce de rebus ad ordines efflagitaret, quod in Gallia se jam praesentibus, re prius se cum non communicata, à Rege nondum confirmato, Legationes ad ordines mitterentur, non parum ea res illos movit, eoque magis, quod iis qui praecurrerant autoribus, id susceptum suspicarentur: itaque non modo cum Basino, sed Comite etiam Bruense, & Abbate Insulae ea de re exposculare illis visum. Cum Basinus non expectatis literis profectus jam fuisset. Priusquam Meti moverent, ad octavam Augusti Episcopus etiam Lingonensis superveniens, oratione imprimis elegante eos excepit: quae non multo post auctor etiam, atque cultior, quam pronunciata fuerat typis edita fuit. Eodem die ex ipso prandio Episcopus Lingonensis, per ditionem Lotharingicam profecti ad pontem Morisforij pernoctarunt. Ad trajectum à fratris filio Ducis Lotharingiae affinis Regis, honorificentissime excepti deductique à Duce ipso lautissima coena praebita. Ex eo loco literas de quibus Meti conveniant in Poloniam mittunt; quibus quae hactenus intervenissent, diligenter nunciant: de Lascio & Radivilo, qui Parisios eos praecurrissent, privatamque audientiam apud Regem habuissent, Basino item se praeteritis, privatim in Poloniam misso queruntur, ut ipsi etiam illi ita videatur hac de re Regem moneant, quo non satis bono exemplo in tempo-

re occurratur hortantur. Die XXIX. Augusti Parisios perveniunt, Decimo diario ex Ponte Morisforio, itinere cum à magistratibus oppidorum grante, honorificentissimeque ubique excepti, tum ab ipsis etiam Regibus, gratulationem ex adventu eorum susceptam, curamque ad liberandos eos postquam in Saxonia retentos audivissent, adhibitam contestantibus, cum per literas tum Palatinum cubicularium Regis denuo salutati. Melodum Palatinus Syradensis, Albertus Lasky, & Marsalcus curiae Lithuanicus, Christophorus Radivilus illis se conjungunt. Controversia hic à Radivilo de loco mora: mandata se à suis habere, quod quamvis in inferiore loco in Senatu esset, cum tamen universam Lithuaniam praesentaret, huiusmodi locum peteret, qui ex dignitate dimidiae partis reipublicae esset: suae etiam reipublicae nomine verba ad Regem electum faceret: quae nisi impetraret, ab aliis se se iungens, privatim reipublicae suae dignitatem tueretur: ab utraque re, partim precibus, partim ratione deducere eum reliqui conati, ut quae & contra unionem, ut ab omnibus ita ipso jurata esset, & novum Regem discordia huiusmodi, non parum turbatura videretur, interque ipsos etiam utriusque reipublicae ordines non parvam dissensionem parere postea posset, quod aliis non expectatis ad Regem praecurrissent, privatamque apud illum audientiam habuissent, cum exposculatum hac de re cum illis fuisset, causas ostenderunt, ut cum retentos eos cognovissent, ad liberandos eos Regem hortarentur, tum ne forte Rex literis ex Polonia allatis motus, illis non expectatis, in Poloniam festinaret: alterius rei, vel publicae vel privatae, nihil à se actum. Basinum etiam non modo insciis aut inconsultis se, sed jam ante adventum suum dimissum fuisse. Quemadmodum supra ostensum est, Thecinius Castellanus Voinicensis, unus ex legatis, cum per Carateas ditiones in Galliam evadere conatus fuisset, jussu Caesaris Nissa retentus fuerat. Hic cum in Poloniam redisset, & nuncium de aliis legatis huiusmodi retentis attulerat, & ita omnes aditus in Galliam obseptos esse, ut nullo modo pervasuros eo sperandum sit, quibus nunciis commoti minoris Poloniae Senatores aliqui & ex nobilitate Conventu habito, Carolum Soderinum negociatorem Cracovientem per dispositos equos cum literis in Galliam miserant, quibus ut sine mora literis acceptis in Poloniam properaret, denuo eum hortantur. Hic cum decimo octavo fere die ex quo Cracovia discesserat Catalunam quarto à Lutecia diario legatos assecutus fuisset, literas ab eo acceptas, suppressasque fuerunt. Ante portam urbis, primo à Marsalco & aula electi Regis salutati, deinde non magno intervallo satis splendido equitatu, inter quos Marchiones, Comites, aliique Principes, qui partim ab ipso Rege, tum Regina, Principibus sanguinis, aliisque ordinibus, salutatores obviam missi. Ab Academicis post

post aliquot dies in hospitio salutati. Ingressus autem cum ab initio per portam Martinianam destinatus fuisset, postea ad Antonianam rejectus fuit, demonstrante Senatu Parisiense, per illam solos Galliae Reges, per hanc externos ingredi solitos, deducti tamen ad hospitium per plateam Martinianam ad quam tantus concursus hominum spectaculi causa confluerat, quantus in urbe Europae fere maxima & populosissima, maximus fieri potest. Cum enim patrio habitu plerique uterentur, cum statura cultusque corporis, tum habitus ipse, miraculo plerisque Gallis esse. Quod cum in arcus triumphales, statuasque aliquot via qua ad hospitium eundem illis erat, magnificentissime positas. Auratus celebris tum Poeta, versus à se conscriptos ederet, in ipsa fronte Carminum illorum, huiusmodi etiam Epigrammate notatum reliquit.

*Miramur cultus, miramur corpora, Galli,  
Vestra Polonorum, qualia semideum.*

Quemadmodum jam ante inter Episcopum Lingonensem Comitemque de Bruere, legatosque constitutum fuerat, uno die quieti in hospitio dato, postea XXI. Augusti ab ipsis Principibus, qui Regis nomine in ingressu eos salutarent, Cymbis splendidissimis ornatis, per Sequanam in arcem traducti, primo apud ipsum Regem praesentibus Rege Navarreno & quatuor Cardinalibus, Estense, Lotharingico, Treverensi & Borbonio, legationem suam exposuerunt, eadem die utramque etiam Reginam, tam matrem, quam juniorem salutarent. Cum de ordine salutandorum Principum privatim antea, cum Episcopo Lingonense, & Comite de Bruere constitueretur, postulareturque à Gallis, ut Reginae prius salutarentur, quam electus, quod diademate nondum accepto, nondum quasi pleni juris Rex esset, assensum quidem à nostris fuit, sed ut dignitatis tamen Regis sui rationem haberent, ita ne eodem die, quo Reginae salutarent. Itaque post die, ab ipsis qui ad Galliae Regem eos deduxerant, equis primo in arcem, deinde in eandem curiam, in qua pridie Galliae rex eos audiverat & Rege Navarreno iisdemque Cardinalibus praesentibus, sub eodem tribunali, cum & ex una cum Principibus iis, obviam prius illis extra curiam progressus, humanissime eos excepisset, cum salutarent, mandataque sua exposuerunt: in eandem fere sententiam, qua apud regem Galliae, paratos se ostendunt, cum quae convenissent juramento confirmasset, ea quae decreto electionis committorum sancita sunt, exequi: ad transactionem autem earum rerum, religiosamque confirmationem, locum & tempus sibi assignari petebant. Respondit Rex ipse primum paucis verbis latine, quibus gratias pro studio ordinum agebat, reliqua ad Cancellarium rejectit, qui cum praefatus fuisset, Regem Electum Poloniae linguae latinae ab initio aetatis studiosum, quae ab illis dicta fuissent, probe intellexisse, sed more genus, ut ipse suo nomi-

ne illis responderet, injunxisse gratias & ipse egit: de confirmationibus prolixè pollicitus fuit: tempus legatorum arbitrio permisit, consulto tamen prius fratre Galliae. Inde humanissime, & ab ipso Electo Rege, & fratre ejus Rege Galliae, in cujus cubiculum privatim ab Electo Rege Principibusque deducti fuerunt, dimissi: cum insequentem etiam diem in salutandis Rege & Reginaque Navarrenis, quatuorque Cardinalibus insumpsisent, tandem XXIV. Augusti ad conditiones discipandas accessum fuit. Nihil aliud autem pensi Gallos habuisse, quam ut quacunque ratione rem perficerent, vel ex ea negligentia illorum apparebat, quod mirum videri possit, ut exemplum quidem conditionum à se juratarum secuta detulissent, neque Reges eas adhuc vidissent. Itaque missus ad nostros ab electo Rege Marsalcus & Cancellarius ejus non sine omnium admiratione, vel ipsas vel exemplum earum requirebant, quo re deliberata constituere cum illis ea de re Rex posset. Non visum nostris fuit, ut de huiusmodi rebus per interpretem cum Rege agerent partim propter ipsius rei gravitatem, partim quod occasionem hanc ad ipsa colloquia accedendi, quo citius expedire negotium possent, non negligendam sibi existimarent: partim etiam, ne per interpositas personas cum Senatoribus agendi, novum Regem assuefacerent. Itaque cum se ipsos regi reddituros respondissent, facultatemque ejus rei petissent, tertio circiter post die admissi, conditionibus ipsis diligenter prius inter se perlectis examinatisque. Primum eas quas Legati ipsi ordinibus proposuerant, quaeque jurata à legatis fuerant, regi obtulerunt: quas praeter istas ab ordinibus alias haberent, ipsos etiam suo tempore paratos esse proponere, ostendunt. Intermissa ex instituto in exemplo eo mentio de matrimonio, cum infante fuerat. Itaque cum praesente Rege perlectae fuissent, rex re cum suis deliberata, praefatus primum, ut veniam sibi darent, vernacula lingua, qua facilius uteretur, respondendi, et si duriusculae nonnullae inter eas conditiones essent tamen ut studium ordinum erga se tantum pari benevolentia renumeraretur, ab aliis neque ipsum alienum esse, & fratrem Regem Galliae ut ad eas adduceret, operam daturum, unam difficilem videri, de removendis à se omnibus Gallicae nationis ministris: quae & a conjunctione ea, seu fraternitate potius, quae ex hac electione, inter utramque nationem existeret deberet, aliena esset: & ab aequitate, cum Polonis ad Gallicas aulas & ditiones aditus non praeccluderetur: tum etiam a jure, & more superiorum Regum, inter quos vel novissimus Augustus, quos visum ei fuisset, ex diversis nationibus ministros habuisset. Petere si minus ipsis quicquam de hac mutare integrum esset, saltem postquam in regnum venisset, ut ad moderationem aliquam res perduceretur, se juvaret, responsum, se quidem ut legatos à mandatis suis



luis recedere non posse: quæ à se, promitti non possint, tempus fortassis quod prætermutet, atque ordinum assensum præstare possit: cui sua opera quantum in se esset, non defuturi essent. Cum Monlucius præfens se quoque in caput illud non consensisse attestatus fuisset, ab Episcopo Posnaniense, vel eo ipso quod subscripsisset refutatus fuit. Inde cum interim audientiam impetrassent, non modo reliquas conditiones, quas ordines requirebant, in formam privilegij, quale edi debebat, jam redactas Regi offerunt. Prima inter eas erat ne posthac quisquam rex se vivente successorum vel designaret, vel designare institueret, ideoque titulo etiam hæredis, Regibus Poloniæ ante hac solito, vel ipse, vel successorum ejus quisquam uteretur. Altera sanctio pacis inter dissidentes de religione. Negotia publica, ut legationes, aliaque, quæ cum externis intercederent, aut ad rempublicam pertinerent, ut nulla sine consilio ac consensu utriusque gentis Senatorum attingeret, administraretque. Expeditionem publicam, ut nullam sine omnium ordinum consensu posthac ediceret, neque vel precibus, vel precio antiquo quinque marcarum in hastam, copias ullas extra regnum duceret: si quando jussu ordinum expeditio publica indiceretur, ne diutius duabus septimanis, in loco expeditioni assignato detinerentur: si extra Regnum, eorundem ordinum jussu miles conducatur, priusquam finibus excederet, singulis tam pediti, quam equiti quinque marcarum stipendium numeretur, hujusmodi autem stipendio, non diutius trimestri militare tenerentur: instrumentum autem apparatusque omnem bellicum privatis sumptibus ac pecuniis præstaret: quemadmodum & in finibus regni, præsidia, omneque munitionis genus, quarta reddituum regni parte, juxta leges integra servata. In varietate sententiarum senatoriarum, nisi ad consensum revocare eos non posset, ut id sequeretur, quod legibus, libertatibus, ac commodis reipublice magis conveniret: Comitibus negotiis, quo minus ex omnium ordinum consensu pro more perficerentur, nihil hac de re derogando. Ut perpetuo in quibuslibet Comitibus generalibus regni, sedecim ex ordine Senatorio, tam regni Poloniæ, quam Magni Ducatus Lithuanicæ, aliarumque ditionum ad regnum pertinentium, ex communi omnium ordinum consensu eligerentur, aliisque magistratibus adjungerentur, dignitatem Regiam, communemque libertatem procuraturi absque quorum consilio, jure & negotiis comitialibus etiam exceptis, nihil a Regibus statuerent: ipsi etiam in sequentibus quibusque comitiis actionum suarum rationem, reipublice redderent, integra nihilominus facultate, aliis etiam Senatoribus relicta, pro suo arbitrio ad curiam veniendi, quamdiuque illis videatur, in ea versandi, consiliaque Regia cum aliis pro locis suis frequentandi, obeun-

diq: Siquid etiam hujusmodi accideret, quod cæteros etiam absentes consiliarios scire interesset, ut ad omnes per literas referretur. Delegati hi in comitiis in singulos sex menses quaterni, ex Episcopis nimirum & Palatinis singuli, ex Castellanis bini, ut secundum loca senatoria singulis comitiis designarentur, mutarenturque, si quis excularet, aut legitimo aliquo impedimento retineretur: In comitiis sortitionis suæ resignare debere, quo in locum ejus, alius ordinis ejus subrogaretur. Stipendium ex Fisco Regio Episcopis Russicæ & secularibus, quinquageni floreni in semestre. Episcopis regni, quod satis amplas facultates haberent nullum assignatum. Comitibus regni ad summum singulis biennii, ut indicerentur, reipublice tamen necessitate exigente, consensu Senatus accedente, etiam frequentius indicare licere: ne diutius autem sex septimanis habeantur. Conventus etiam ante Comitibus in regno, in locis more receptis, in Lithuania in Wolkomiska, secundum jus Lithuanicum, ut haberentur, ad quos omnia prius à Rege referrentur. Ut in negotiis reipublice nullis aliis sigillis tam intra quam extra regnum, præter sigilla Regni, Cancellario atque Vice-Cancellario regni, ac Magni Duc. Lithuan. concedita uteretur, Magistratus officiaque publica, tam regni quam curiæ, ne ulla supprimerentur, sed ut aliquod vacaret, hominibus utriusque gentis idoneis, de reipublice benemeritis, & non extraneis ut distribueret, metalla quæcunque, & inter alia nominatim, solis in bonis maxime nobilium atque ecclesiasticorum, ut sine ullo impedimento dominorum fundi sint. Ne ullis interpretationibus ex quocunque jure externo à laicis bona hæreditaria cujusque in dubium, aut jus feudi vocentur, præterquam ea quæ disertis verbis, in donationibus eorum feudalia nominentur. Ut præfecti tam finium, quam alij potiores, similiter etiam Civitatum primarum præfecti, Sacramento Regi regnoque obligentur, nullo se tempore inter regni concedita sibi loca tradituros, nisi qui ab omnibus Regni Poloniæ incolis, secundum jura liberae Electionis in Regem fuerit electus, & coronatus, sub amissione bonorum, honoris & vitæ. Coronati quoque regni insignia ut Thesaurarius regni Cracoviæ in archivo asservaret, sub signis clavibusque Castellanos Calisiensem & Throcent. qui non nisi ex consensu totius Senatus, atque omnium ordinum, concediti sibi diadematis, aliorumque insignium potestatem aliam facient. Aliqua juxta ex causa absens, ut ad collegas claves remitteret: morte vero alicujus, etiam ex hisce interveniente superstitibus integrum ut esset, ablato demortui signo, serracula aperire.

Forma judiciorum, exclusa jurisdictione Regia, quibusdam provinciis communi consensu sibi constituta, ut illis concederetur: Ita ut ad eadem aliis etiam posthac, si ita illis vide-

videretur accedere integrum esset. Emendatio itidem eorum, vel etiam translatio rursus in personam Regiam, ut omnium consensu accedente libera illis semper esset. Quod ordines Lithuanicæ, Volhinicæ, Kyovicæ, Braclovicæ ante coronationem, jus formamque judiciorum scripturi sibi essent, ut confirmaret, tributa ut sine omnium ordinum consensu, in quibuscunque vel bonis vel civitatibus, tam intra regnum, quam ad regnum pertinentibus, nulla indiceret. Monopolia etiam nulla institueret, vel institui permetteret, matrimonio ut nullum posthac Reges sine consilio totius Senatus contraherent tractarentque: nullas etiam alias causas præter eas quæ verbo DEI expressæ sunt, ad dissolvendum matrimonij sacramentum quærerent. Ultra has omnes conditiones, per legatos fratris Regis Gallicæ ejus nomine propositas, impleveret, observaret, tum si quid præterea per ordines Regni Poloniæ atque Mag. Duc. Lith. aliorumque dominorum ad regnum pertinentium, quod ad jura libertatesque eorum spectaret, in Comitibus coronationis exhiberetur, ea omnia & literis & sacramento confirmaret. Quod si quod abesset, contra leges, libertates, conditionesve hæc quid commissum esset, aut ex his aliquid non impletum, omnes regni incolæ utriusque gentis à debita obedientia & fide liberi essent. Warfaviæ ad Villam Kamien. die XII. Majj, simul ut literæ hæc sancirentur, in Polonicam linguam translata, sibi ederentur, perierunt. Cum inter recitandum ad secundam conditionem, de pace inter dissidentes de religione ventum esset, Episcopus Posnaniensis, impetrata facultate dicendi, protestatus contra eam est, notariisque publici potestatem petiit, qui cum demonstratus ei fuisset, exhibuit contra caput id protestationem Archiepiscopi aliorumque Episcoporum nomine totius Cleri, non paucorum etiam secularium Senatorum, & equestris ordinis, privatim apud publicum notarium factam: mandata item legatorum cum protestatione ab Archiepiscopo subscripta. Inde cum singuli sententias suas exponerent, Lascius & Radivilus pacis causa in conditionem eam assensos se testati fuerunt: ut sub prætextu omnium sectarum & blasphemiarum libertas confusioque ac perturbatio omnis religionis introduceretur, nullo modo assensuri se posse: in eandem sententiam Marsalcus Radivilus disputabat: qui diversæ religionis erant Castellani, Gnesnensis Tomicius, Miedzirzicensis Gorkanus, Præfectus Odolanoviensis Joannes Zborovius, Alexander Prunscius, conditionem urgebant, quæ in re ipsius Monlucij fidem appellabant, qui appellatus juramenta qualia sibi primum ab Episcopo Cracoviensi, aliisque Senatoribus, deinde Marsaleo regni, in comitio Senatus, equestris ordine omni præfente edita fuissent, et si ipse alia moderatiora proposuisset, metu tamen dissensionis, præstitisse confir-

mabat, neque quenquam tum præter Archiepiscopum protestatum fuisse, se audivisse confirmabat.

Reliqui qui inter Legatos Catholici erant Herburtus Castellanus Sanocensis, Zamoscius Belzensis, Firleius Casimiriensis præfecti, tum Thomicius filius, cum à catholica religione, ad extremum spiritum usque, ne latum quidem unguem, discessuros se protestati fuissent, à conditione tamen etiam hac, cum mandata hæc propter bonum pacis omnium consensu sibi sint data, non discedere etiam se posse testabantur. Firleius patrem etiam Marsalcum contra protestationem Archiepiscopi, ab Episcopo Posnaniense prolata, qua nominatim Marsalcus, quasi propria autoritate, conditionem eam intulisset petebatur, excusabat, ac quicquid ejus rei fecisset, tanquam magistratum omnium ordinum jussu, ac consensu, nullis tum contradicentibus fecisse, Monlucium testem invocabat. Dissensione hac inter ipsos legatos orta, re cum suis communicata, ad deliberandum spatium interposuit. Interim milit suos, inter quos Monlucium, ad eos qui conditionem eam urgebant, privatim ab illis petens, ut rem quæ ad communem inter ordines concordiam pertineret, ad comitia coronationis differri permitterent, cum mandatis suis, ulla ratione discedere se posse negarent, Monlucius primum, non teneri nunc Regem jurare ostendebat, partim quod in juramento, quod ipse præstitisset, non priusquam in inauguratione, juraturum Regem promississet: deinde quod absurdum, unum Regem plura juramenta suis præstare. Primum diversæ religionis ordinibus singula, deinde alterum hic: alterum rursus in coronatione. Demonstratum quod in pacem religionis præstaretur, non duplex sed unum juramentum fore: postquam enim Episcopus in primam partem juramenti ei præstasset, postquam ad conditionem de pace religionis pervenisset, in eodem juramento iisdem Legatis Castellani Gnesnensem præeundo ei succellurum, atque ita duos quidem id præsturos, unum tamen juramentum fore.

Quod etiam hic juramentum præstare deberet, deinde rursus in coronatione, minime pugnans inter se esse: hic enim more consuetudineque Regni Poloniæ, tanquam electum Regem juramentum præstaturum, cum decretum electionis non prius illi tradi posset, quam juramento conditiones confirmasset: in Coronatione autem, tanquam perfectum novum Regem & acceptum juraturum. Apertius inde agere cœpere: Ostendere, ut maxime Rex præstare id cuperet, non videre tamen quomodo posset. Cum in protestatione ea quæ ab Episcopo sibi exhibita esset, cum universum clerum, tum magnam partem Senatus, & equestris ordinis, non solum contra eam conditiones, sed contra omnes protestatum videret: rationesque graves ejus adjectas: unam quod



in Comitibus, quæ ad electionem solam jure designata esset, nihil novi statuere possent. Accedere huc quod ipsi etiam legati Regij, ignari omnino earum fuerint, nihilq; omnino de iis cum illis communicatum. Ad extremum ita Regi demonstrari, nullam omnino ex conditionibus iis esse, quæ non dignitati Regiæ detrahat. Cum qui appellati erant, jam non unam istam conditionem, sed universas in dubium vocari, atq; de summa quasi rerum agi animadvertent, responso dilato, ad alios collegas referunt. Episcopo Pothanienfi, Lacio, Radivilo, quid protestatione ista intrivissent, ostendunt. Episcopus lectam à se fuisse prius negat, qualis ab Archiepiscopo transmissa sibi fuisset, ipsius mandato Regi obtulisse: promittunt conjunctim cum aliis conditiones omnes seursuros, neq; ab iis discessuros: in causa tamen religionis, aliter se facere non posse Episcopus ostendere, quam ut protestationem interponat. Itaque cum Rege adito omnes in eandem sententiam Regi declarassent, Episcopo quidem uno, religionis causa excepta, ceteros autem de omnibus conditionibus convenire, utque eas confirmaret, communij sententia petivissent, & juramentum & confirmationem promissit. Actum inde de formulis, confirmationum scriptorumq; quæ per Herburtum, Radivilum, & Zamoisium ad Regem missæ. Cum de ipsis tamen formulis confirmationum, quæ aliæ à legatis, aliæ nomine Regis proponebantur, per aliquot adhuc dies disceptatum, tum maxime de quatuor capitibus declaratione imprimis conditionis ejus, quæ juramento Regio ascripta erat, siquod abesset, in aliquibus juramentum violasset, ne ullam illi incolæ Regni, ceterarumq; ditionum utriusq; gentis obedientiam præstarent: imo ipso facto ab omni fide obedientiaq; Regi debita, liberi essent. De hac assensum, tandem à Rege declarationi legatorum ex præscripto legationis, sub signis chirographisq; illorum editæ. Nimirum conditiones eas libertatesve publicas, non solum violatas existimari debere, si per humanum aliquem errorem, ut sit aliquid ei excidisset, aut obrepisset, in quo jus aut libertas communis lædi videretur: sed tum demum, si ita forte à volente, & sciente jura, libertatesq; regni, vel per vim opprimerentur, vel per contemptum & temeritatem in dubium vocarentur, ut ne admonitione quidem Senatus, reliquorumq; ordinum regni quicquam perfici posset. Petitum ut explicatio hæc conditionibus ipsis ascriberetur, juramento autem clausula illa eximeretur, de conditionibus assensum: de juramento negatum, ut cujus formulam ab ordinibus sibi editam mutare non in sua potestate esset. Non minor controversia de certæ pecuniæ in conditionibus promissæ, in regnum inferendæ erat, quæ de re et si in commentario legationis nihil diserte mandatum legatis erat, cum tamen decreto electionis ita

legati essent, ut omnia quæ ex re & usu reipublicæ essent exequerentur: interque alias illecebras, quibus maxime ad regem hunc eligendum illecti fuissent, commodum id pecuniarium, quo ærarium exhaustum, necessario reipubl. tempore, vel maxime jvari posset, non postremum fuisse recordarentur, nullum autem aut frustra id futurum, nisi certa dies pendendæ ejus, & Thesaurario regni tradendæ assignaretur, vel maxime eam urgebant. Rege è contra, partim nullo modo fieri id posse ostendente, quod præter alios casus, non uno etiam tempore reditus ij perventuri ad se essent: partim præter conditiones id à se postulari, cum administratione tamen pecuniæ ejus ex necessitate reipublicæ per ipsas conditiones promissa sibi esset: ad extremum pertinaciter negante, tandem cum aliquot dies disceptatione hac consumpti fuissent, temel etiam, tanquam omnibus rebus infectis è consilio à Rege legati discessissent, convenit ut ad proxima comitia coronationis compositionem, cum omnibus ordinibus tota res differretur, interim scripto Rex caveret, quo de diligentia etiam legatorum simul illis fidem faceret. Eadem fere ratione de matrimonio Annæ infantis compositum: cum ut maxime legati præstare in conditione ea voluissent, ut quæ & in ipso decreto, & conditionibus utriusq; acceptis, & inter mandata Legatorum diserte posita esset, tamen ipsius Regiæ consensus instrumenta secum non detulissent, elusa fuisset.

Tandem die decimo mensis Septemb. in templo divæ Mariæ, quod solenne Sacramenti Regiis esse solet, juramentum à Regibus prælitum. Mane à plerisque Principibus, Marchionibus, ceteraq; aula ipsi legati, in ædem deducti: non multo post ipsi Reges veniunt, eos quinquaginta circiter equestris ordinis, ex iis quoque centum viri inauratis securibus ad similitudinem balabardorum antecessere: ante ipsos Reges duo sceptriferi: hastarios vocant: ante hos Heraldici seu præcones quatuor, eos Cardinales, Borbonius, Lotharingius, Guisus, Estensis, tum quicquid Principum & Comitum ordinis Regij D. Michaelis erat, insecutum: Reges ipsos Regiæ tres cum Gynæceo frequentissimo & splendidissimo secutæ. Hoc ordine, cum in aditum templi venissent, mox sacrum cæptum quo perfectum, uterq; Rex ad altare cum accessisset, ex adverso in genua procumbunt.

Ad Henricum mox Episcopus Pothanienfis accessit, contraque clausulam illam juramentum ab illo præstandi, qua dissidentibus de religione cavebatur, nomine Cleri protestatus fuit. Inde Legati omnes Regem circumsteterunt, præeuntesq; Joanne Herbuto de Fulstin Castell. Sanocense, juramentum in eam formulam, quæ sub signis ordinum data legatis erat, præstitit. Non parva quidem

de

de hoc quoque dissensio fuerat. Nam & Episcopus non consentire se in juramentum id posse attentatus fuerat: & cum ita inter legatos antea convenisset, ut primam partem juramenti, usq; ad clausulam de libertate religionis Episcopus regi præiret, postea protestatione ab eo interposita, reliqua Castellanus Gnesnensis Thomicius exequeretur, neque ex dignitate sua, neque satis tutum id Rex existimabat, itaq; ut & ab Episcopo tantæ protestatio interponeretur, Rexq; scriptam eam illi ederet, convenerat, integrum autem juramentum Herburtus recitaret. Cum autem etiam in asciscendis Regibus, à majoribus electis, non semper per Episcopos, sed aliquando per sæcularis etiam ordinis Senatores, sacramentum ab illis exactum, exemplis nonnullis confirmassent. Proposuerat Rex, ut divisio ista evitaretur, ut ipse potius nullo præeunte ex præscripto juramentum præstaret. Sed cum in mandatis præscriptum illis esset, ut in verba legatorum juramentum Rex præstaret, ab illis discedere non satis tutum illis visum: itaq; ad eum qui demonstratus est modum res convenit, perfectaq; fuit. Juramento ad eum modum perfecto, assurrexit, conversusq; ad fratrem, primum pro opera curaque ejus ad assequendum regnum hoc, non sine lachrymis profusus gratias illi egit, tum ut reliqua maxime autem juramentum in conditiones à legatis ipsi propositas, non gravate perficeret, petiit. Carolus non minus amanter de regno illi gratulatus, studium amoremq; fraternum in omni varietate fortunæ suum, ad mortem usque duraturum. Omnibus permixto mœnore lætitiæ fraternum colloquium excipientibus, obtulit. Inde ingenua ad idem altare prostratus Birago Cancellario Gallico præeunte juramentum quemadmodum postulatam fuerat, ipse etiam præstitit. Gratias primum Carolo, deinde Henrico, in eodem mox loco à Castellano Sanocense actæ simul superiore loco Heraldici faustis proclamationibus ea prosecuti. Omnibus rebus ita peractis, Reges in curiam Episcopi templo vicinam legati deduxerunt, ubi splendidissimo prandio excepti ab iis fuerunt: Sub idem tempus confirmationes etiam tam pactorum cum legatis conventorum, quam conditionum seu legum ab ipsis ordinibus publicæ libertatis constituendæ causa conscriptarum, exemplar idem juramentorum præstitorum, à singulis Regibus singula, manu eorundem subscripta signataque, Legatis edita, adjecto promisso in confirmationibus Electi Regis, in comitiis inaugurationis eadem juramento, & sigillo Polonico denuo confirmatum: Instrumentis iis acceptis, ipsi etiam deinde die decima tertia mensis Septembr. in Curia Parlamenti Parisiense, quæ ex instituto ad eam rem delecta fuerat, & decretum electionis publice Regi tradiderunt, Regemque renunciarunt.

Hora prima meridie à Principibus Gallicis honorifice in Curiam deducti fuere: medius à nobilibus aliquot Polonis ductus fuit equus albus stragula argentea intectus, qui in pulvinari sellæ imposito, serinium totum argenteum, capsula sericea viridi inclusum, in eoque decretum electionis vehebat. Capsula ipsa itidem viridis, & albi coloris velamento operata erat. Equus ornamentaq; ea, jussu Regiæ matris ad Episcopum missa antea fuerant, non sine pudore indignationeque aliorum Legatorum, quod accepta ab Episcopo fuissent, seu potius, quod tanquam Princeps legationis, non ante ea providisset, parandaque curasset. In solio ad id præparato, primo loco Carolus Rex Gallicæ assedit, à dextris mater ejus Regina Catharina de Medicis, à sinistris Henricus Electus Poloniæ, à dextro itidem latere, transversi quatuor Cardinales sedere, Lotharingius, Borbonius, Guisus, Estensis, à sinistris altera Regina Elisabeth Austriaca, conjux Caroli, penes hanc Franciscus Alancónius alter frater, qui interim convalescerat, jamq; ante conventus à legatis fuerat, proximus huic Henricus rex Navarræ conjuxque ejus Margaretha soror regum, juxta hanc Navarreni regis soror, transversi inde à levilateris, reliqui Principes, Marchiones, & Comites sedere. Legatis ipsis etiam peculiaris locus assignatus fuerat, quo cum assedisent, serinium in quo decretum Electionis fuerat, nobiles aliquot Poloni in medium attulere, locoque jam ante ei præparato collocarunt. Assurrexit inde Episcopus Pothanienfis, & tanquam in alieno Regno potestate prius designationis ejus, perficiendæ à Rege petita, perque Cancellarium ei facta, ad ipsum deinde Electum Regem orationem convertit.

Tantum fuisse studium, eamque voluntatem Poloniæ, in familiam Valesiam, & novus cum Rex eligendus ei fuisset, tunc aliis summis Regibus ac Principibus, torque amplissimis promissis, ac conditionibus, tum tamen potissimum prætulere, ejus tam lætæ, atque salutari rei nuntium atque decretum per se deferre ad eum voluisse: orare summopere, ut quo animo ac studio, regium hunc honorem præ cæteris ad eum deferrent, eodem ad se delatum acciperet, & se ita ad amplissimum hoc munus accingeret, ut etiam memoriam ejus rei, perpetuo in animo suo retineret, & re ipsa omnibus, omnium gentium & nationum hominibus demonstraret, non magis studio ac voluntate ordinum quam egregijs in tempub. christianam meritis honorem eum se consecutum: Et quoniam postulationibus eorum assensus, quæ utriusq; convenissent jurejurando confirmasset, paratos ordines esse, quamprimum ad coronationem sive inaugurationem accedere. Cumq; præterea etiam regni rationes exposcant, ut quamprimum iter suum in

D 3

Polo-



Poloniam maturaret, ideo quod foelix faustum ac salutare esset, omnium ordinum nomine in Regem suum eum postulare, orareque ut quam primum in Regnum suum se conferret: Votis omnibus quam faustissimis, cum delationem hanc Regni, tum iter reliquasque actiones ejus ad extremum prosequens. Inde Castellanus Sanocensis publice omnibus praestitibus, alta voce decretum ipsum recitavit. In decreto, Senatorum plerorumque nomina juxta Album Senatorium praemissa erant. Testabantur ij post mortem Augusti DEO ita volente luctum ex morte ejus conceptum, Rege novo electo in laetitia versum, ad cuius Electionem more institutoque vetere, per se Senatores conventum omnibus ordinibus, ad diem sextam mensis Aprilis proxime praeteriti, ad Pagum Kamien sub Varavia indictum. Ad quem cum maxima frequentia omnium ordinum nobilissimi homines convenissent, omnibus ante rite constitutis peractisque, absentia aliorum quod in hujusmodi negotiis juris esset non obstante, tandem Archiepiscopo Gnesnense, velut primatui Regni, consilij ordinum, & Electionis modum proponente, invocatoque prius per publicum missae sacrificium, Spiritus Sancti auxilio ceremoniisque aliis, de more aut jure solitis praemissis, atque exquisitis, prius omnium regnicolarum per suas turmas, seu Palatinatus, se junctim distinctorum sententiis, eosdemque diligenter prius in Senatu, & consilio publico discussis, atque examinatis, Decretum tandem electionis de futuro Rege promulgasse, atque ita quidem, ut omnes fere christiani orbis partes colluctando, legationibus etiam ac conditionibus aliorum summorum Principum diligenter expensis, suo tamen unicuique honore servato, aptissimum atque utilissimum reipublicae censuerint, Henricum Andagavensem, filium fratremque Regium ex domo Valesiorum multis saeculis in Gallia feliciter imperantium descendentem, summis naturae ac fortunae, ac potius divinis dotibus ornatum, & satis etiam jam pro aetate de reipublicae christiana benemeritum: maxime quod ipse Galliarum Rex pro fratre per oratores suos interveniens, magna commoda, & firmissima praesidia ex opulentissimo Regno suo Gallico reipublicae obtulerit, ipseque Henricus omnes opes suas in Regnum illaturum se promiserit. Itaque non privati cuius commodi, solius Reipublicae causa Regem eum se eligere decernereque, omnibusque ordinibus Electionem eam denunciare promittentes pollicentesque illi omnem fidem, honorem, obedientiam, omniaque iusta & honesta obsequia, quemadmodum Sigismundo Augustulo decessoribusque ejus ea praestitissent: simul pollicentes tanquam verum Regem eum se coronaturos: ita tamen si prius jura tam publica quam privata omnia, cum pristina, tum quae circa hanc ipsam Electionem pro jure libertatis & statu reipublicae constitutissent, tum ea quae ipse cum fratre per oratores promississet,

juramento literisque confirmasset, observaret, reque ipsa adimpleret. Obligantes inde se mutuo sub fide & honore, pro hoste habituros, qui electioni huic quacunque in re contraveniret, aut turbare eam vellet. Ad extremum legatos designabant, eos qui supra nominati sunt, dantes eisdem summam potestatem Electionis ejus decretum, quae circa electionem constituta definitaque essent, vel negotium ipsum requireret, transigendi, statuendi, firmandique, aliquorum ad exequenda ea absentia non obstante. Ascripti testes fuerant, plerique cum majorum Collegiorum Senatores, Magistratus, Officialesve aulici, ut Referendarij Secretarij, pincernae gladiferi, atque alij, tum praefecti regij nuncij praeterea civitatum, Cracoviensis, Sandominicensis. Decreto lecto, Episcopus rursus oratione ad Henricum conversa. Quoniam inquit nomine Senatus, & ordinum regni Poloniae, & Mag. Duc. Lith. decretum electionis jam exhibuimus, nihil aliud cum reliquum jam sit, ipsius decreti, vi atque sufficiente mandato, ad id nobis dato, proclamamus, declaramus, & pronunciamus, Majestatem Vestram omnium assensu Electum esse in Regem Poloniae, & Magnum Ducis Lith. Russiae, Prussiae, Maeloviae, Samogitiae, Kyoviae, Volhiniae, Podlassiae, Livoniaeque, ut titulum Poloniae & Magni Ducatus Majestati Vestrae assignamus, & regimen ejusdem regni & Magni Ducatus Majestati Vestrae resignamus, regimenque ejusdem regni & Magni Ducatus & dominorum illis annexorum ipsi subijcimus fidem, observantiam, & debitam obedientiam eidem deferimus. Postulamus, invitamusque, atque rogamus, majorem in modum, ut quanto citius ac celerius, ad regendum & administrandum Regnum suum venire dignetur. Quo in itinere quemadmodum & hic debitam reverentiam, & quaecunque a nobis proficisci poterunt, studia & obsequia, diligenter ei offerimus. DEUM optimum Maximum suppliciter orantes, ut Majest. Vestram, salvam & incolumem, florentem nobis diu conservet. In eandem fere sententiam Marsalci curiae Lith. Radivilus paucis interfectus Lithuaniae etiam nomine obsequium ei detulit. Scripserat orationem, qua eum salutarer, Joannes Zamoiscius praefectus tum Belzenis, atque unus ex legatis, luculentam imprimis & elegantem, qua cum tria potissimum tractanda suscepisset, unum, quas ob causas aliis competitoribus praelatus fuisset, alterum quale Regnum habiturus esset, tum quid ordines ab eo expectarent, in re difficili & lubrica, ita versatus fuit, ut in comparatione ista, ita aliis Principibus eum praeferrer, ut omnes tamen laudaret, plerosque etiam cum illo aequaret, in omni autem oratione qualem eum Regem esse oporteret, partim laudes ejus exponendo, partim institutis regni commemorandis, vel moneret eum vel doceret.

Ne praesagio quidem carere postea visa fuit, cum

cum sub persona patriae, si spe de eo excideret, non modo miseram eam visum iri ostenderet: sed & stultam quod non tanta misericordia quam reprehensione, quos ei posthabuisset, dignam eam iudicaturi essent. Verum cum Episcopo, tanquam Principi legationis munus relinandi tum demandatum fuisset, recitata quidem publice ab eo non fuit, typis tamen in vulgus edita, magnam apud omnes laudem habuit. Post Episcopum & Radivilum Rex primum ipse paucis verbis, gratias legis egit, reliqua inde Cancellarium Andagavensem Philippum Huraltum Chevenium persequi iussit, qui brevi eleganterque oratione Latina, nuncij ejus demonstrata, laudare prudentiam gentis Poloniae, quod absentem praesentibus, remotum finitimis, externum suis praetulisset, exemplo Nervae, optimi sapientissimique Imperatoris, qui propinquis omnibus, quos plurimos habebat, Trajanum alienum Italici externum, novo exemplo praetulisset. Alexandri item, qui de imperio se interrogantibus, dignissimo id se relinquere respondisset, ornati deinde optima quaque morum tamen & institutorum similitudine, fratres videri pene possent, quod deinde familia Andagavensis jam olim etiam ad Regni Polonici administrationem vocata fuerit. Si populum multis cum lachrymis iter ejus impediens, audire velit, vix eundi facultatem habiturum: Sed exemplo Neoptolemi qui ut Trojam caperet Lycomedis lachrymas neglexisset, lachrymas & suspiria publicae utilitati postpositurum, dulcemque patriam, pios parentes, conjunctissimos fratres, sponte deferreturum, ipsorum causa. Etenim in patria vivere cum suis, sed reipublicae & honoris causa, pulcherrimum eum judicare, imperare patria jubent, nam si patria relinquenda sit, regnandi causa. Ad Ludovicum Andagavensem missos olim Florianum Cracoviensem Episcopum & Joannem Strzelsium Cancellarium, idem petentes, quod ipsi nunc peterent: cum Ludovico cunctandi & Poloni orando, & Ungari suadendo instarent respondisse, non satis intelligere, neque Polonos quid peterent, neque Ungaros quid suaderent, quod duobus Regnis unus Rex sufficere non posset, aliud longe responsum nunc Regem dare. Polonia inquit nunc mihi patria est: principatus domi plurimos: regnum apud vos habeo. Eamus quo nos Dei voluntas, & Christianae reipublicae amor vocat. Orationem hanc Heraldus, similibus quibus antea acclamationibus: Heraldum tibicines, tibicines symphonia ecclesiastica, laudem Deo concinens exceperunt. Hymno finito, imprimis Cardinales, tum ceteri principes, suo quisque loco ad Regem accedentes, gratulati ei fuere. Peti tum inde utriusque Regis nomine a legatis fuit, ne ad vicinum sacellum decretum id adhuc deferre gravarentur, itaque a Thomicio Gnesnense & Gorkano Miedzirzicense Ca-

stellanis, cum eo delatum fuisset, mox vespere ceptae quibus perfectis, equo in ipsam arcem, quemadmodum ante incuriam id praeferebat per urbem, passim populo laetis acclamationibus eos prosequente, Reges deduxerunt, ceteraque excepti ibi ab illis fuerunt. Quemadmodum vero Reges illis instrumenta jurium sacramentorumque suorum ediderant, ita legati ipsi quoque quod omnibus rebus rite perfectis, libere ac sponte decretum Electionis Regi tradidissent, scripto, manu, signisque suis testati fuerunt. Postridie Regia pompa urbem ingredi novo Regi visum. Itaque cum prius ipse in Monasterium Virginum D. Antonij, mille circiter ab urbe passus profectus fuisset, eodem legati accersiti. Rex cum Principibus aulaeque sua, e portu ex instituto ad id ornato spectante, primum peditatus Urbani ad duo milia circiter, equitatus autem circiter centum quinquaginta, sub porticum praecessere, eos mercatorum Parisiensium centum circiter equites, sed splendidissime ornati ita ut universae pompae ornamento essent subsecuti. Post hos praefecti urbis triginta, sericis togis omnes induti, cum ad porticum eum pervenissent, de equis descendere, novumque Regem Regi gratulati, omnium portarum urbis, claves illi derulerunt, praefectus cum birotis itidem longis togis induti, quadraginta circiter apparitores secuti, hos reliqua turba Urbana omnis numerosa sed incondita. Inde Senatores supremae Curiae Parisiensis centum, purpurati omnes: qui cum praeterissent, Rex ipse equum conscendit, cumque movere jam loco deberent, jussu Marsalci ejus, nobiles Poloni omnes, qui ex comitatu legatorum erant, proximi post Senatores praecessere. Secundum hos aulici Regij, Sericis omnes sagulis, centum circiter equi: post hos pari numero Comites, praecipuique magistratus aulici. Post hos equus stragula sericea caerulea, liliis ex auro ubique contexta tectus, a duobus equifonibus, vestibus auro contextis & ipsis indutis, ductus in equo scriniolum, aurea tela tectum, in quo sigillum regni Galliae, quo honoris scilicet & amoris causa, omnis potestas Regia ei delata a fratre ad tempus, vel credita demonstraretur: Sigillum Regium Cancellarius Galliae in veste aurea, Cancellarium legati Principum christianorum praesentes, Pontificius, Hispanus, aliorumque nonnullorum Principum ac Ducum secuti. Hosce Henricus Lothar. Dux Guisus, tanquam Marsalci Galliae supremus seu sceptrum Regi praeferebat. Post quem medius inter fratrem Alanczonium & Henricum Navarrenum Rex ipse incessit. Regem tres principes sanguinis primarij secuti, hosce legati nostri, quorum singulorum unus ex principibus Galliae latus tegebat. Cum ad primam portam D. Antonij Rex pervenisset, umbella sublata, per eam solus ingressus. Mox ex arce vicina portae propugnaculisque tormentis, per justum spatium temporis laetitiae sonitus datus. Inde per



vicum Antonianum innumerabili hominum multitudine undique circumfusa, circiter primam jam noctis horam, ad Aedem D. Mariae descendit, ubi hymno finito, ab Episcopo urbis ornamentis Episcopalis induto longa gratulatione exceptus, cum ipse ei respondisset, in curiam profectus, ibidem apud fratrem regem Galliae, matremque reginam, una cum legatis Polonicis cenavit. Cum ipsa autem porta urbis, tum aliquot porticus triumphales per universum vicum ad curiam usque instituti, partim picturis, atque in singulas picturas, carminibus & titulis, vel in laudes, vel gratulationes regum, reginarum, atque utriusque gentis confederatae inscriptis, magno sumptu ornatae, splendidissimum ingressum fecere. Maxime insignis in prima porta effigies, trium fratrum Caroli, Henrici, & Fracisci erant, qui uno nodoso & indissolubili fune cincti, trium fratrum indissolubilem amorem significarent: quem eundem Gerionis etiam effigies, ibidem constituta representabatur. Inter alia autem carmina, quae per universum Vicum diversa inscripta erant, ad pontem D. Mariae Deo coronam manu deferente; tertio etiam fratri Alanczonio, vel Angliae etiam regni, de cujus reginae matrimonio spes tum erat, vel Belgium, lequente aenigmatem promittere videbatur.

*Tres tria concordia, partem fovere Regna  
Fratres forte DEI, quorum regnabit ad ortum  
Et Polon Henricus, Franciscus ad Hesperon alta  
Rex erit Oceani: media sed Carolus arce  
Imperij medio, seu Iupster orbe sedebit.*

Inter alia navis etiam in eodem vico adornata, diversorum symphaniacorum vocibus perfonabat. Ingressus huius magnificentiam sequenti die Regina mater, splendidissima cœna, inter magnificentissima spectacula & choreas, in hortis suburbanis præbita, vix non superavit. Conviviis huiusmodi & spectaculis, biduo exacto, iter legati urgere coeperunt. Jam ante aliquot etiam dies, mox postquam iuramentum Reges præstitissent, de ratione itineris communicare, cum legatis coeperat, idemque fere iter, quo ipsi in Galliam venerant, per Palatinalem nimirum Moguntinensem, Hassiacam, Turingicam, & Saxoniam ditiones. Commeatum etiam ex conventu Cæsaris, & Principum Imperij, Legatorum Francofurtense, ex eorundem autoritate ad se missum, legatis demonstrat, quibus liber transitus per ditiones eas imperij, hisce tamen conditionibus ei per mittebatur. Primum ut prius sub ingressum tunc caveret, se suosque sine injuria, maleficioque, ac perfoluto ubique commeatu, pacifice & amice transuros, deinde ne præter famulicium suum & comitatum, quem ut quadringentorum, aut quingentorum hominum haberet, facile toleraturi essent, alium secum nullum militem ducat. Quod si præter suos alios sibi comi-

tes adungere vellēt, ne universus comitatus, octingentos tam homines quam equos excederet: ita tamen ut præter quadringentos aut ad summum quingentos equites, quos Rex secum habere vellet, cæteri turmatim, alteri alteros per binos dies, quo commeatus recte omnibus subministrari posset, subsequantur, itineribus ab eodem Senatu legatorum designatis irent. Cum Regi ipsi ea itinera maxime commoda viderentur, a legatis etiam non improbata fuerunt. Commeatum solummodo alium requirebant, quod is quasi ex Cancellaria Moguntina, sine ullo sigillo aut subscriptione editus fuerat. Verum ostendit Rex jam se misisse, qui alium signaturum postularent, qui cum Metis præsto sibi futuri essent. Simul de præmittendo aliquo ex collegis suis in Poloniam, qui & moram excusaret, & tempus inaugurationis proferret, & aliis incommodis, quæ ex mora hac Regis existeret posset occurreret, cum rege actum: maximeque Joannes Zborovius, ad eam legationem designatus, cui a rege Vidamus Rambletus adjunctus. Sub idem tempus cum in Curiam Parisiensem Reges omnes, tum minimus natus frater Regis Alanczonius, Cardinales & plerique Principes convenissent, Legatis etiam nostris inscns quid ageretur, uno Zamolscio tamen absente eodem pertractis Senatui frequentissimo, in omnem eventum, si quid præsentis Regi humani evenisset, Henricum successorem ei designant. Dum Zboroviana legatio expediretur, præmissus interim in Poloniam cum literis Præclavius Krupka ad Senatores quibus & quæ acta essent, breviter significant, & diligentiam in declarandis conditionibus, quæ dubie videbantur, confirmationeque declarationum earum impetranda testantur: ad extremum si Krupka Cracoviae eos assequeretur, ut Zborovium pleniora omnia, & pleraque alia necessaria allaturum Cracoviae expectent petunt. Zborovio imprimis confirmationes iurum, conditionum, declarationesque earum, quas ordinibus traderet, datae, non sine promisso, si quid præstare ordines commodi publici cula desideraturi essent, quam primum in regnum venisset perfecturum, præter studij regij testificationem mandatum. Præterea, ut cum propter tardiorum oratorum obiecta impedimenta adventum temporis, non nihil extractum fuisset, iter etiam iis mensibus obfrequentibus pluvias impediri futurum esset, ostenderet ante XV. Decemb. diem in finibus Regem sistere se non posse: itaque inaugurationis etiam diem ad XVIII. mensis Januarij differrent, postularer, quam & ex ratione itineris sui commodissimam futuram Rex arbitraretur, & de qua designanda ad ordines se retulisset, regibus Principibusque confederatis cum regno Poloniarum, quorum legationes ex consilio legatorum interesse coronationi vellet, significasset. Defensionem regni & Magni Duc, Lithuaniae juxta promissa

missa oratorum tam suorum quam Galliarum regis polliceretur: quæ interim necessario expectarentur soluturum. Simul literæ partim ad Confederatos Reges & Principes: partim beneficiarios datæ, ex arbitrio Senatus ex Polonia transmittendæ: Imprimis summum Pontificem, Regem Hispaniarum Philippum, Rudolphum Ungariæ, Fridericum Danicæ, Joannemque Suecorum, reges tum, Fridericum & Albertum Comites Palatinos Rheni, Augustum Saxoniarum, Joannem Georgium Brandenburgensem Electores, Albertum Ducem Prussiarum, Joannem Georgium Brandeburgensem Marchionem, Albertum Ducem Megalopolensem, Pomeraniæ Duces, Gotardum Kecklerum Curlandiæ, Stephanum Bartori, tum Transilvaniæ, Joannem Moldaviæ Palatinos, regnum publico ordinum consensu, & legatione ad se delatum: petiit, ut quo studio erga majores suos reges Poloniarum, ipsi majoresque eorum fuissent, idem erga se quoque, qui non minus operam daturus esset, ut pristinam necessitudinem atque benevolentiam ipse quoque non solum confirmaret, verum etiam augeret. Communicasse cum ordinibus de die XV. mensis Januarij Coronationi assignato, postulare ut sua etiam legatione illa honestando, benevolentiam suam tententur, in literis vero ad beneficiarios Principes commemoratio contractus qui hujusmodi inter ipsos & regnum intercederent, ut diem eum scire, magnopere illorum interesset. A Moldavo vero postulatum, ut cum post mortem Sigismundi Augusti merces regias, quæ ex Turcia advehebantur detinuisset, ministris Jaslovicij Palatini Russiæ tradi eas juberet. De his aliisque rebus ad adventum regum pertinentibus, Senatores etiam majores, Magistratusque regni scriptum. Ad Maximilianum Cæsarem ex initio, Martinus Lesnovolicus, cum ejusdem generis literis missus. Ad Turcarum item imperatorem Jacobus Ponetovius Pincerna Lanciciensis adjunctum in literis iis, quo magis de voluntate regia, in tenenda pristina amicitia ac foedere constare illi posset, quam primum in regnum venisset, ex præcipuis regni Consiliariis, renovandi & confirmandi foederis causa, aliquem missurum. Interim postulare, ut præfectis suis, imprimisque Czario Præcopiensis ipse etiam manderet, ne quid alienum ab amicitia committant. Eidem ad Venetiarum Ducem, partim in eandem sententiam, qua ad alios Principes christianos literæ datæ, tum petentes quo ut quam primum Constantinopolim perveniret, cum adjuvent.

Verum Ponetovius ex consilio legati Gallici, qui Venetiis erat, legatione Constantinopolitana intermissa, ad Torgam postea priusquam ad fines regni veniret, iterum regi occurrit. Inviictissimus Rex proficiscebatur: cum ob dubiam valetudinem fratris cui Successor

jam designatus erat, tum quod à matre, cui præ cæteris charus erat ægerrime divellebatur: non minus etiam, quod & promissis nimis in Polonia se obligatum, existimaret, & cum ab aliis conditionibus, tum maxime à matrimonio cum infante vehementer abhorreret. Urgentibus tamen legatis profectio nem, consulentibusque an præcurrere in Poloniam eos vellet, an in comitatu suo permanere, dimittendos quidem nullo modo censebat, profectio nem etiam quamprimum se maturaturum promittebat: interim quas posset moras necere. Cum tamen non levitumpru legati Parisiis exhiberentur, ut & sumptus vitaretur, & ceptum jam iter videretur, ut Fontenabilem vicinam Lutetiæ arcem discederetur, statutum.

Prius autem Galli Regis nomine munera singulis legatis missa, diversa quidem, cum aliis vel pelles, fundibulaque, tum pocula ex solido auro, vel inaurata, & aliis singula, aliis bina, aut terna, aliis item torques aureæ, omnibus autem, vel bina millia, vel mille quingentorum scutorum signati auri adjicerentur: sed ita tamen, ut singula munera ad quaternorum millium scutorum precium accederent, aut non multum excederent, adjunctum idem illis simul jus tribui, quo Principes nobilesque Galliarum optimo essent. Inde Zoorovius cum iis, de quibus supra ostensum est rebus in Poloniam præmissus, ei ultra munera, in viaticum peculiariter, quatuor millia florenorum data. Cum autem de sigillo etiam quo dum in Poloniam rex veniret, uteretur controversia esset, Andogavense interim delectum. Tandem pridie D. Michaelis, vicésimo octavo nimirum Septemb. & Reges ipsi, cum tota aula, & legati una cum illis Lutetiam movere: Regibus in arce Fontenablense diversantibus legatis vicina domus Venatoria, oppidumque assignata. Ex instituto autem Monlucius alique legati qui in Polonia fuerant relictis, quo absentibus sequentibus per quos promissa privatis præsertim facta erant, facilius cludi possent. Fontenablano Vilocastrum reges progressi, ibidem similiter vicino oppido Forta Melloni tum statione legatis assignata. Præcurrunt inde Metim Gorkanus Castellanus Miedzirzicensis, quod cum offensum aliquare in Poloniam eum redire interpretati Reges fuissent, non parum eos movit: reliquis autem legatis nunciantibus eum vel Metis expectaturum vel Nanteri rursus regi occurrurum, per Præsidem Metensem, nonne & literis regiis cum illo actum, ne sine rege in Poloniam irent; Comitatum tamen in Poloniam præmisit. Quod Episcopus etiam Poseniensis fecit. Verum huius comitatus, cui sororis filium Jaroslaum Chanseium Decanum Poseniensem præfecerat, duobus circiter milliariibus à Francofurto, omnibus rebus spoliati fuerunt. Villocastro rex Lutetiam itineri quasi necessaria paraturus, à reliquo comitatu rursum



sum excurrit, cum promisso ad diem XXVII. Octob. certo Chaloni se sistendi, quo interim Gallia Rex cum uxore & Regina matre, ceterisque Principibus se contulere, priusquam Villocastro moverent, litera ex Polonia cum ab Archiepiscopo, tum Andrea Zborovio & Basino, quem in Poloniam Rex miserat, allata omnia domi forisq; pacata, magis verbis quam re ipsa nunciabant. Nam & excursione in fines Turcicos à Kosacis facta, Turcam irritatum, gravissimas ea de re ad ordines literas dedisse significabant: & Gedanenses in armis adhuc esse: & cum ex vicinis, tum domi etiam non deesse, qui semina discordiarum jacerent, inq; omnem occasionem intenti essent. Ideoq; funus etiam Regium ex communi sententia dilatum. Præterea exemplum literarum Mosci miserant, quibus Lithuanos ultro, filium suum Regem postulasse significabat: exercitum & sibi munera pelles Cibellinas, ac Vulpinas cum illo petisse noluisse se nugis hujusmodi attendere: cum in nullo imperio christiano id fiat, ut non constitutis rite & ordinate rebus ad regnum accipiendum, ex Principibus christianis quis proficiscatur. Postea iterum missis Michaeli Haraburdam scribam juratum, magni Ducatus Lithuanie: qui ad magnum Ducatum eum invitaret, deq; observandis & confirmandis juribus, utriusq; gentis cum illo ageret. Constitutum cum eo fuisse, ut ad summum ad Trinitatis aut D. Petri huc de rebus legati ab ordinibus ad illum venirent: jam levi de re de damnis quibusdā in finibus Livoniae Andream Taranovium inter nuncium ad se missum: mirari se, quod tanta re intermissa, nunc de nugis ad se mittant: multo magis vero quod cum ipsi antea ad regnum eum invitassent, non communicata ulterius secum re, nunc alium Regem à se electum nuncient, commeatumq; in legatos ipsius atq; inducias ad adventum ipsius, vel donec utrumque aliquid inter eos constitutur petant. Qua de re cum Tarnovium interrogari iussisset, hanc causam attulisse, quod more aliorum Principum Christianorum, regnum vacuum ambientium, ipse etiam legatos ad Comititia Electionis non misisset: quod & ad se ultro missum fuisset, & cum Haraburda constituisset, ad se finiendi negotij hujus causa, quamprimum legationem missum iri expectasset. Cum tamen idem Tarnovius sibi significavit, in comitiis electionis diem D. Martini Regi novo præfixā, ad quam nisi in Regno se sisteret, nova Comititia ab ordinibus indictum iri, in quibus ipsius ratio habeatur, inducias ad Assumptionis D. Mariæ, observaturum se pollicebatur. Cum ad tricesimam usque Chaloni expectassent, monitu Regis Gallia, Thelam modicis itineribus, præter Palatinum Syradiensem Lascium & Tomicium filium, reliqui legati præcessere. Ipse etiam Gallia Rex, cum reginis Vitriacum usq; processit, rediit ad Regem Gallia Legatus ejus, quem

commeatus novi petendi causa ad Cæsarem miserat: Cum plenissimo commeatu, non solum in octingentos, sed mille ducentos equites: iisdem tamen conditionibus, tam transitus quam cautionis, quæ ex Francofurtiensi conventu, propositæ fuerant. Legatis Polonicis etiam, extra numerum cum peculiaris commeatus allatus. Simul cum illo à Cæsare Ludovicus, Comes à Leuenstein venit, qui Princeps, cum aliis legatis, per ditiones imperij & Cæsareas deducere Regem debebat, præmissus Metim fuit: Cautio autem secundum conditiones inconsultis legatis illi prius data, tam de numero, ac modo transitus, quam de indemnitate, quod si præter expectationem, damni aut detrimenti aliquid daretur, Regem damnum passio refarciturum, aut qui temere contra conditiones, eas deliquissent, ad præstandum damnum adacturos, per idoneos ac fide dignos arbitros, ex utraque parte electos: vel delegatorum Cæsareorum cognitioni & autoritati, aut imperij constitutionibus statutum. Omissis in cautione ea Prussiae titulus: & fideiussor cautionis constitutus, tanquam imperij Princeps, Carolus Lotharingia Dux, quæ utraq; res, non parum legatos offendit. Jam ante in itinere, cum Thulam irent, de in commoda valetudine Regis Gallia allatum ad eos fuerat, qui cum per totam noctem Vulpem in venatione secutus fuisset, in horrorem quendam incidisse dicebatur. Simul vero ante V. Novemb. Regem Lutetia non moturum illis nunciabatur, non parum ea res sollicitos legatos habebat. Itaq; Thula literas ad Regem danti, quantum & ipsius, & reipubl. interesset, ut quamprimum se in regno sistat, ostendunt. Post discessum ejus Lutetiam ad Episcopum Posnanensem, ex Polonia literas allatas, nobilitatem adventum ejus expectando, summo tandem affici: quod & ob iusticiam, pleriq; maxima damna perferant, & à finitimis etiam, indies hostile aliquid, vereantur. Præter ista, vel in iis literis, quæ Villocastrium à Basino missæ essent, nihil se videre, quod magno per se spem aliquam de tranquillitate facere iis debeat, aut non potius summam sollicitudinem illis adferat. Quemadmodum vero, nuncio quem de celeri adventu ipsius attulisset, & Poloniam valde recreatam Bosinus scribat, & multa consilia quorundam, qui nondum spem regni abjecerant, fracta, ita verendum nisi iter acceleret, ne diversum ex mora eveniat, ut & summo mœrore animi hominum afficiantur, & si qui sint, quorum cupiditas regnandi in Polonia nondum deferbuerit, ad sollicitandos nobilitatis animos eo maiore vi incumbant, alterutrumve persuadere nobilitati conentur, vel sperni ab illo regnum, vel ob difficultates, quas vel in Gallia habent, vel in Germania verentur, in perpetuum iter, in Regnum clausum ei esse, si qui forte diversum aliquid ex Polonia ei scripserint, quam recte ei suadeant, vel ex eo animadvertere illum posse quod

quod post discessum oratorum in Galliam ad eum omnium regni & Lithuaniae ordinum commune consilium habitum sit, quare si quid polliceantur, non modo ratum id ordines, & imprimis nobilitatem habituram, sed & illos offensum potius iri, si quod commune omnium esse debeat, pauci sibi arrogent, & ipsi invidiosum esse posse, quod cum paucis communicaret. Ad extremum decimam quintam Novemb. illi præfinitur: intra quam nisi in finibus Gallia se sistat, Metis recta in Poloniam se tutos denunciant. In eandem sententiam ad Lascium & Tomicium filium, qui remanserant scribunt, utque propinquo loco quam diligentissime Regem urgerent hortantur. Ad literas nihil rescriptum Schonbergius missus, qui valetudine Regis Gallia, moram electi Regis excusaret, utque profectionem ad vicissimam Novemb. proferrent peteret, illi die ea non accepta, assentiente tamen Schonbergio Metim præcedit. Cumq; Rex Gallia valetudine ad vitriacum retentus ulterius progredi non posset, missi ex legatis Herburtus Castellanus Sanocensis & Alexander Prunscius, omnium collegarum nomine ei valedicentes, alios ne sua frequentia, nondum ex morbo confirmato molesti essent veritos, excusarunt, mutuaq; utriusque gentis Polonicae ac Gallicae benevolentia, causisq; ejus commemoratis, atq; optima spe conjunctionem hanc utriusque gentis, & pace & armis plurimisque victoriis claros prosequentes, cum studia observantiamq; collegarum suorum, universaq; gentis ei detulerunt, tum pro familiari tractatione in omnibus rebus, munificentia autem in se tractandis & in dimittendis benignitate, gratias ei egerunt. Simul munera à Senatu Polonico missa reddidere Regi Gallia, quatuor quadragenas Cibellinarum, Reginae matri totidem, Alanczonio duas. Venerunt legati Metim XV. Novemb. Interim Henricus cum Regina matre ceteraq; aula Nanceium etiam Lotharingia ditionis progressus jam fuerat, visum legatis mittere ex collegio suo, qui ut inoras omnes mittere se non posse, petere æquo animo moram hanc quinque dierum ferrent. Ostendit postea à Palatino Rheini literas se accepisse, quibus oppidum Hesperlanter, per quod Metis eundem sibi fuisset, peste infectum significaret, itaq; alia nunc via quam Metente, Moguntiam sibi eundem. Conficta ex instituto à Gallis res fuerat, partim quod Cæsareos delegatos Metis expectare scirent, ut tanquam in Germanici non Gallici imperij

urbe Regem nomine imperij exciperent, partim quod ne tumultus aliquis plebis existeret, vererentur. Præterquam quod hac ipsa etiam mutatione itineris, non nihil moræ accessurum videbant, Legati & si quid rei esset jam subsensisset dummodo quacumq; tamen via tandem iret, non inviti assensu. Itaq; eodem Metis delegati etiam Cæsarei accersiti, Ludovicus Comes à Leuenstein, ejusdem nominis à Seyn in Wirtheim & Wolfgangus ab Eissenberk Comites, quibus conjunctim vel divisim Regis per Imperij ditiones deducendi demandata à Cæsare cura fuerat. Literis redditis, Rege Cæsaris sui nomine salutato, mandata sua exponendi, tempus facultatemq; sibi dari petierunt. Datum illis consilium, præsentibus præter legatos nostros, regina matre, Alanczonio quatuor Cardinalibus, & octo Principibus Gallicis. Cum paratos se esse ostendissent, juxta decretum Francofurtense, & commeatum Cæsareum, Regem deducere, gratia ab ipso Rege illis Cæsariq; actæ, sed cum iter quod antea præscriptum fuerat, ob contagionem non satis tutum jam esset, quaesitum qua via deducere in animo haberent, an quæ proxima in Poloniam duceret, an quæ præscripta antea fuisset. Præterea de curribus, & oneratis jumentis, quo loco ab illis haberentur, intrane, aut extra numerum ducentorum. Responsum, & si à præscripto Cæsareo, ne minima quidem in re discedere sibi integrum esset, cum tamen gravis causa pestis intercessisset, sumptuosum sibi hoc, ut intacta ea loca vitarent, alia via ducerent: dummodo postea ad Moguntinensem viam, & illam quæ assignata jam esset mox desisteretur, à qua discedere nulla ratione possent. Frustra contendendum cum illis videbatur, cum & ad mandata sua appellarent, & verendum esset, ne ad Cæsarem referre vellent, quæ res non parvam moram afferre itineri potuisset, id solum legatorum nostrorum monitu nomine Regis ab illis petum, ne forte fraudi Regi esset, quod extra viam sibi designatam desessisset, voluntate illorum id factum, scripto fidem facerent, negarunt cum vivos se ejus rei testes futuros promitterent. De curribus, & onerariis, ne numero permissio comprehenderentur, assensere: id solum postulantes, ut juxta decretum Francofurtense, in tria agmina comitatum partiretur: commeatus difficultatem causati, quod tamen alij aliter interpretabantur. Dum per aliquot hosce dies Nancei hærent, à Duce Lotharingia ad filia Baptismum, quæ sub id tempus nata ei fuerat, legati præter Episcopum Posnanensem reliqui omnes: invitati una cum reginis matre & Navarrina, Duceq; Alanczonio, Baptismo eam exceperunt, regis Ceremoniis & pompa à Duce adhibitis munera infanti à legatis data. Cum propter moras eas nulla ratione ad diem decimum quintum Decemb. in finibus quemadmodum literis in Poloniam scriptis promiserat Regem esse



esse posse cernerent. Monitu illorum, ad Marſalcum & Theſaurarium regni literas Nanceo dat; quibus moram cum valetudine fratris Regis, tum privatis negotiis ſuis, tum tractationibus, cum delegatis Imperij, ſeu Cæſarei excuſat: ne fruſtra commeatum paratum adhuc habeant: literas de certo Miedzirzeciam adventu ſuo expectent, quas biduo poſtquam de ratione tranſitus per Germaniam, cum de legatis Cæſareis omnino conſtituiſſet, certo miſſurus eſſet: interim Senatores etiam qui ad excipiendum illum designati eſſent, ea de re monerent. Eadem de re legati etiam ad Senatum ſcribunt: cum easdem cauſas moræ oſtendunt: tum privatas miſſitationes quorundam ex Polonia ad Regem pacata omnia & tranquilla pollicentium accuſant; ob quas minus etiam fortaiſſis efficaciſſe preces, rationeſq; eorum apud Regem fuerint. In expectatione illa, quo valetudo Regia evaſura eſſet, non parva deliberatio cum de Principe Condæo, tum Baſtardo, ut vocabant Gallia, ob ſtudia in illos Hugonotorum, vel ſecum in Poloniam ducendis, vel domi relinquendis, ducti tamen Olamorem uſq; fuerunt, itidem Lotharingicæ ditionis oppidum, quo viceſimo nono tandem Novemb. ab eodem comitatu reginis nimirum matre, & Navarrena, fratre Alanczanio, Carolo Duce Lotharingæ, tribus Cardinalibus Lotharingæ, Guiſio & Borbonio, frequentibusq; alijs Principibus & univerſa aula deductus fuit. Venit eodem die ad Regem filius Palatini Electoris Chriſtophorus, unaq; cum eo Comes Naſſavius, frater Wilhelmi Ducis Auranæ, gratus regi adventus Chriſtophori fuit, gratioſa oratio, qua remonens à Patre rumores de impediendo itinere, per ditionem paternam, à patre ſe ad illum miſſum ſignificabat, patremq; ipſum in itinere eum convenire, ſalutareq; in animo habere. Dum digreſſum à matre de die in diem ibi Rex ducit, interim civitatum etiam aliquot legati, per quas, auragrum earum, iter faciendum Regierat, maxime Argentoratenuſium, & Hanovienſium Regem ſalutant, adventum gratulantur: pretium commeatus, propter caritatem annonæ, ut vix ſe liberosq; ſuos tolerare poſſent, excuſant, ut ex præſcripto decreti Francofordienſis, omnes ſe gererent petunt.

Ex Polonia vero eodem Nicolaus Koſſobucius, ſcriba terreſtris Plocenſis cum privata legatione à Karnkovio Epifcopo Cujavienſe, Sluzevio Brzeſtenſe, Dziaſlinio Culmenſe, Palatinis, Stanislao Krisky Raciaznenſe Caſtellano, cum veniſſet, nullas autem à quocumque ad ipſos Legatos literas haberet, non mediocriter ea res legatos offendit. Auditus à Rege præſentibus legatis, longa oratione, cauſas ob quas præ cæteris ordines Regem eum elegentiſſe demonſtrare, oſtendere pericula regni: tumultus in teſtinos aliquos commemorare, ut iter quam maxime accelera-

ret, hortari. Ex conſilio legatorum gratia Senatoribus illis acta: oſtenſum ne legatos quidē iter quam maxime urgere intermiſſiſſe: Simulq; quæ cauſæ moræ fuerint. Motibus qui commemorarentur non adhibere fidem à legatis juſſus, ut quorum nulli quicquam ea de re ex Polonia nuntiatur eſſet: delegatōnibus etiam hujusmodi non rite fieri, quod quæ in communi republica ad omnes pertinerent, pauci ſibi uſurparent. Priuſquam Blamone moverent, ſingulis legatis, rema milia francorum ex munificentia Regis data. Uno die deinde legatis præcedentibus, Rex diem ſubſtitit, quam in valedicendo, matri, ſorori, fratri, cæterisq; amicis inſumeret, tandem multa nocte multis cum lachrymis digreſſi. Rexq; quarta Decemb. ad tabernas Hallaticas ditionis Epifcopi Argentoratenuſis progreſſus ab Epifcopo obviam illi progreſſo, honeſtiſſime exceptus, inque arcem deductus, alterum etiam diem ibi ſubſtitit. Inde Hanovium, liberam imperij urbem. Rediit eo ad Regem Chriſtophorus filius Electoris Palatini, cum ſexcentorum equitum comitatu, cum quo per ditionem paternam Regem deduceret, ad quem poſt die Weifenburgi, Hanovienſis etiam, & Naſſoviſis comites, cum centum circiter equitum comitatu regi itidem adventum gratulantes ſe adjunxere. Eodem vero à Lithuanicis Senatoribus, ex conventu Vilnenſe, familiaris quidam Chorkievicij præfecti Samogithiæ, cum literis ad Regem venit, quas legatis mox Rex propoſuit, gratias agebat pro benevolentia, per Baſinum ſibi delata, Studium fidemq; induciam conteſtabantur. Gentem Gallicam, & in ea Andegavenſem ſummis laudibus in cælum tollunt, decus illud peculiare, quod à primordiis religionis Chriſtianæ, non ſolum ſui generis, & ſanguinis Principes, ad hoc uſq; tempus ipſi habuerint, verum alijs etiam nobiliſſimis aliquot regnis Chriſtianis ut Poloniæ, Ungariæ, Boemiæ, eosdem communi-carint, poſtulare non dubitaverint domeſticorumq; Regum deſiderium Gallicæ virtutis admiratione & expectatione lenire. Finium diligentem à ſe curam habitam, mox enim poſt mortem Auguſti firmiſſima in finibus præſidia contra Moſcum à ſe collocata, quorum armis fines deſenſi, & hoſtis ad annuas inducias adductus fuerit, nullam alioquin occaſionem, invadendæ Lithuanie, ſi nudatam eam præſidio animadvertiſſet, intermiſſurus. De Kyovia, Podlaſſia, Volhinia, paulo ante mortem Auguſti à corpore ſuo abſtractis queruntur, deinceps in communi omnium ordinum conventu repetituros ſe oſtendunt, nunc propterea ejus rei mentionem facere, ut oſtendant, quamvis vires illorum ſeſſione ea non parum imminutæ fuerint, quod illorum municipiorum ſibi vicinorum virtute, ac viribus, & qui tum etiam ſine comitali ulla deliberatione parati ſemper erant, ſæpe hoſtes propulſare ſoliti fuerint, nihilo-

minus

minus nunc quoque contendiſſe, ac contendere, ut integram Lithuaniam Regi ſervarent, id unum vereri ne proxima legatio in Moſcoviam, quæ ſine juſſu ac mandato ſuo, certum tempus deſignare, auſa fuiſſet, quo niſi Rex ad eſſet, ſententiâ deinde denuo mutaturi eſſent, incommodi aliquid afferet, alteris literis omnia quidem ſe tentare, & vel fortunas ſanguinemq; pro ſalute patriæ dignitateq; regia, paratos eſſe oſtendunt: ſed ope ac præſente ejus auxilio celerrimèq; adventu opus eſſe: jam antea, cum integra omnia ſua tenerent, & fortiſſima tria municipia, conjuncta haberent, ægre tamen ſæpe numero Moſcorum vires ſuſtinuiſſe: & tum ſolum Lithuaniam defendendam habuiſſe: nunc debilitatis etiam Livoniam defendendam eſſe; itaq; conſuleret rebus eorum quam celerrimè adventu: interim ex pacto in ſtipendium militum quod promiſſum eſſet, numerari juberet, hæcenus enim promiſſa legatorum nondum apparere. Simul diploma mittunt à primoribus in Senatu & equeſtris ordinis, in conventu eo Vilnenſe ſubſcriptum & ſignatum, quo Gallicæ gentis laudibus ex antiquiſſima memoriarepetitis, Electionem Varlavienſem denuo confirmant, quiq; contra eam, quid ſuſcipere aut tentare auderet diris execrationibusq; devotent, & hoſtem publicum declarant. Reſcriptum à Rege humaniſſime gratiæ pro conſtantia illorum acta: in ſtudio eo confirmat: mora itineris excuſata, adventus quam celerrimè promiſſus, à Romuleto qui ex Gallia jam ante miſſus fuerat, quadraginta milia Francorum, in ſubſidium illis interim delegata, iisdem fere de rebus ad Senatum etiam Regni literæ datæ; tum diligentiffime mora iis excuſata, cauſæq; ejus demonſtrata. Tarnovius etiam accuſatus, qui præter voluntatem ordinum, de novis comitijs Moſco promiſſiſſet. Weifenburgo cum Landaviam Rex veniſſet conſilium tam Principum Gallorum quam legatorum noſtrorum, de Palatino Rheni Electore conveniendo habuit. Is cum ultro antea & ſtudio ſummum, & ipſe ſe ad Regem in itinere venturum per filium obtuliſſet, poſtea ſecretario ſine ullis literis miſſo, valetudine excuſabat. Rex Galli omnes ſummopere ut eum Rex conveniret, cupiebant: quod & Rex diſerte id fratrem à ſe contendendiſſe oſtenderet, plurimumq; univerſæ Gallie ob avertenda auxilia Germanica, quæ ipſo maxime autore Hugonotis frequenter ſubmittebantur, ut eum ipſe videret intereſſe exiſtimaret: alij etiam Principes Galli magnam rem patriæ ſuæ in eo agi demonſtrarent. Noſtri diſſuadebant, quod non ex dignitate Regis ſatis eſſe arbitrarentur, ut Principis alicujus viſendi cauſa ex via deſceſceret: & propter exules Gallos, qui frequenter apud Palatinum verſabantur, interq; alios Amiralij cæſi filius major natus, non ſatis eſſe tutum, itaque ut vel omnino conſilium id intermitterent, rogabant, vel quam cauſiſſimè o-

mnibusq; rebus prius exploratis eo progredereſſetur. Rex ſui Principumque Gallorum animi ſententiâ ſecutus, cum per Chriſtophorum filium ejus, adventum ſuum prius ei denunciaſſet, Spiram mox deſceſcit, ubi ab Epifcopo quidam urbis introductus, ab armata autem civitate, & cum tormentis, tum alijs omnibus rebus, quaſi ad pugnam inſtructa cum Plateas ferreis catenis clauſiſſent exceptus fuit.

Heidelbergam inde ingratus hoſpes venit, præter eum comitatum, qui cum filio Chriſtophoro eum deducebat, nullus ei obviam miſſus, & in arce nullus excipiendi ejus cauſa progreſſus. Itaque cænaculo ei demonſtrato, in quo Palatinus decumbebat, ibi & ipſum & conjugem, & Gynæceum ſalutavit. In quo Borbonia Monpenſierienſis, propinqua ipſius, ex monaſterio profuga imprimis inviſa. Colloquium ad effigiem Admiralij in Gallia cæſi illi datum, pungentibus paſſim verſibus, quibus ſævitia Gallica notaretur, inſcripti. Fuit tamen per duas noctes integrumq; fere diem, remotis arbitris, inter ſe collocti fuere; Caſu autem accidit, ut ipſo Rege præſente literæ ejus, quibus Palatinum ad Coronationem invitabat ex Polonia miſſæ Palatino redderentur. Immunitatem boum ex Polonia agendorum à Rege petens, quod ſigillum regni nondum in poteſtate Rex haberet, dilatus. Cæteroquin & ipſi, & conjugi, filiaq; & filio, munera à diſcedente data: Monpenſieria etiam illi, quæ monialis quondam fuerat; cui dotem etiam nupturæ promiſſiſſe ferebatur, miniſtris etiam ſeu concionatoribus Palatinalibus eum ſalutantibus, non modo manum non dedignatus fuit, ſed inter illos quoque munera aliqua juſſu ejus diſtributa. Moguntia ab Archiepiſcopo, & ſplendide & humaniſſime exceptus, dum per Rhenum comitatus traduceretur, per duas etiam noctes ſubſtitit. Inde Francofurtum ſummam ibi civium humanitatem expertus, eoq; majorem, quod civibus ſuis, qui in Polonia negotia haberent, quam maxime benignitatem Regiam conciliatam cuperent, ab exulibus Gallis, quorum plena tum civitas non extra periculum fuit, quorum cōſpiratio, cum ſub adventum Regium, non obſcuris indicijs ad magiſtratum delatis, uno atq; altero capto ſuppreſſa fuiſſet, præſente jam in urbe Rege denuo erupit.

Aulicis miniſtrisq; Gallicis immixti, aliquot locis urbem incendere conſpiſſe ferebantur, eo conſilio, ut multitudine Regios autores incendijs ejus exiſtimante, omnes ab irritato populo cæderentur, quæ res per quaſtiones certo à magiſtratu cognita, & ſi ex inſtituto celabatur, cum tamen non paucis in cuſtodiam conjeſtis, vulgata ad legatos etiam promanaſſet, illique de periculo Regio ſolliciti, ut nullam ibi moram faceret ab eo petiſſent, Rex omnium nihilominus rerū ſecurus, non modo per biduum adhuc ibi ſubſtitit,

E

ſed



ted amoenitate urbis, & varietate mercium captus, à prandio ut plurimum, cum uno atq; altero lectica clausa per urbem vehebatur, ad mercatores aliquot privatos, tum in Judæorum etiam oppidum, insignioris vel auri, aut argenti, aut aliorum rararum mercium spectandarum causa descendebat, ternis inde itineribus, XXIII. Decemb. Fuldā inde venit, ibiq; ab Abbate Fuldenſe liberalissime acceptus; natalitia Feſta ad diem XXVII. Decemb. usq; religioni opera data. Cum Fuldæ autem, tum ante etiam in itinere eo, aliquot ex Polonia nuntij ad eum pervenire, pleriq; quidem privati, maxime Karnkovij Episcopi Cujaviensis. Fuldæ vero, nobilis quidam Gallus minister Rambuleti legati in Polonia Regis, quem præſentibus legatis, quæ ex Polonia attulisset exponere Rex voluit. Narrabatq; cum Cracoviam venisset, sub idem tempus conventum plerorumq; Senatorum ibi fuisse. Venisse ad Conventum eum Chotkievicium præfectum Samogitiæ: ostendisse certis indicis ordines Lithuanie compertum habere, Moscov maximis copiis, & triplici adeo exercitu Lithuaniam petere, quorum cum uno ipſe Poloniam contenderet, alterum cum filio Vitepciam mitteret; Tertium Magno Regis Daniæ fratris, Duce in Livoniam. Quod hujusmodi literas Rambuletus à Rege attulisset, ut si quid gravius, quod ad rempub. pertineret incidisset, cum illo omnibus de rebus communicarent, in Senatum qui de auxilio, quod à Chotkievicio petebatur Lithuanis ferendo habitus fuisset, accersitum fuisse: præſens periculum & inopiam auxilij absente Rege ei demonstratum quod neque nobilitas sine Rege præter jus publicum libertatemq; suam moveri se patiura esset, neq; tributum sine omnium ordinum autoritate, qui neq; facile, neque cito absente præſentem Rege convenire possent induci, accusasse tam diuturnam absentiam Regiam: Ex promissis Varſaviensis oratorum Regiorum pecuniarium interim subsidium ab illo, quem mandata de hujusmodi rebus habere litteræ Regiæ indicarent, petiisse: Rambuletum, causis moræ Regiæ demonstratis, de promissis oratorum ne minimum quidem dubitare eos jussisse: Verum cum & de induciis annuis cum Moscho confirmatum Regi fuisset, ab aliis etiam finitimis, omnia pacata nunciata fuissent, neq; Regi in mentem venisse quicquam de hujusmodi subsidiis sibi mandare, neq; se sine mandato Regio quicquam recipere posse: Itaque ut potius id tributum, quod in Comitibus electionis ordines scivissent, in subsidium id converterent autorem fuisset: Verum cum id in alios usus reipublicæ jam expensum significassent, adduci passum se fuisse, ut decem millia florenorum Chotkievicio numeraret, ex quo miles, vel ad adventum usque Regis, in finibus aliquis haberetur.

Cæteroquin in maxima & expectatione & desiderio adventū Regium apud omnes esse, reliqua etiam omnia pacata. Gedanenses quam primum Koſtka Castellanus Gedanensis militem quem in vicinia habuerat dimississet, ipsos etiam quem ipsi scripserant, morā dimississe, causatos non seditionis alicujus, sed ob solum metum à Daniæ Rege, ut inter regni tempore, coactum à se fuisse, paratamq; legationem habere, qua advenienti Regi se fidem obsequiaq; sua deferant. Cum à Russiæ etiam, tum aliis omnibus finibus tranquilla pacataq; omnia nunciari. Vnum ut cum ad confirmandos hominum animos, tum nuntium de propinquo adventu regio, idem in Poloniam remitteretur.

Verum Vachanilegatio ea dilata, quo vicesimo octavo Decemb. Rex pervenit: à Wilhelmio Landgravio Hassiæ, cujus ditionis oppidum illud est, cum sexcentorum equitum latis ornato comitatu obviam illi progressio, necessitudinemq; decessorum ejus Regum Poloniæ maxime autem Casimiri, qui ex domo Hassiaca uxorem habuisset commemorante, studiumq; suum prolixè ei deferente, honorifice exceptus venit; lauteque habitus fuit. Inde igitur in Poloniam se remissus, simul nomina Principum & primariorum Gallorum, qui cum Rege venirent secum attulit. Primi quasi ex hisce erant, Dux Manius, & hic quidem ex instituto eo consilio, ut si matrimonium urgeretur, in Regis locum subderetur: Marchio de Bonfi, uterque Guisius: Gonzaga Dux Nivernensis: Marſcalcus de Keis. Albertus de Condi: tum à Galliæ Rege legatus Belleſſius Cancellarius Bibracius, priusquam Vacha moveret Sophia soror Augusti, qui Henrico Brunsvicensi Duci nupta fuerat, seu jus potius successionis ipsius cum Regi ipsi, tum legatis nostris, diligentissime à Landgravio commendatum fuit, tota res ad autoritatem omnium ordinum, jus publicum regni æquitatemq; rejecta. Vacha vicesimo sexto itinere ad fines regni seu Miedzireciam pervenit. Nam cum quod & Galliam subinde respectaret, & in Germania prætereaque suspecta haberet, non valde iter maturaret. Ratione itineris ea fere utebatur, ut in via carpento veheretur, oppida eques ingrederetur. Marſcalci loco per Germaniam Calpar Schonbergius aulæ præerat, quemadmodum autem comiteatu Francofurt. & postea Cæſareo præscriptum fuerat, equitatus Gallicus sparsim ibat. Itaq; cum præteriret, non satis magnus esse Germaniæ Principibus, quorum fines attingebantur instructo cum equitatu eum excipientibus minus speciosus videbatur, peditatum tamen ex Helvetiis eo præstantiorem habebat. Cum per ditionem Sax. Halam versus iret, Joan. Casimirus Palat. à heni qui à Marchione Brandenburg. Archiepiscopus Magdeburgensis administratore redibat, ei occurrit, regressusq; cum eo, Halam eum deducit,

deducit, in itinere de familia Brandeburgica, propter Prusiæ beneficium, quod à Polonia habet, consultatum quomodo tractanda esset, probatum, ut propter dignitatem autoritatemq; in Germaniæ familiis non postremam non minore cum dignitate, quam alij Germaniæ Principes haberentur. Saxoniæ elector Augustus ad colloquiū invitatus, decreto impe. ut per oppida duceretur, excusare, itaq; Torgam recta, inde Torga Lukam Lusatiense Cæſareæ ditionis oppidum, ubi à Duce Brigenſi & nobilitate Silesiaca, cum mille quingentorum circiter equitum comitatu, splendidissime tandem nomine Cæſaris exceptus fuit. Sub idem autem fere tempus, Lesnowolſcius etiam, cum literis à Cæſare redierat; quibus manu sua, lingua Hispanica ad Regem scriptis prolixè omnia Regi deferrebat, quæ utraq; non parva cura nostros liberarunt, cum eousq; & amicitia & ditiones Cæſareæ suspectæ illis fuissent. Jam ante Joannes etiam Zborovius & Rambuletus, adventum Regis urgentes, in itinere ex Polonia ad Regem redierant. Francofurt quo ex Cæſare ditione egressus venerat, ab equitatu Brandeburgico Electorali, tridui itinere ad fines usque Regni deductus fuit. Ad quos postquam pervenerant, delegati qui cum equitatu ad deducendum eum ab Electore missi fuerant, nomine Principis sui, omnia faulta illi precati, studioq; ejus erga Regem & regnum contestato, ut eandem erga ipsum etiam benevolentiam retineret, petierunt quam primum retrocedere cœperunt, qui ab ordinibus regni ad excipiendum Regem legati fuerant, in iisdemq; finibus Regem jam expectabant, mox ad eum accesserant. Præter Joannem Sirakovium autem Lancienſem, & Joannem de Dzialin Culmenſem Palatinos, omnes reliqui qui delegati fuerant, conveniunt Stanislaus Karnkovius Episc. Wladislavienſis, Joannes Sluzevius Brzeſtenſis, Joannes Krotkovius Inowladislavienſis, Anselmus Goſtomicius Ravenſ. Palatini: Joannes Koſtka Castellanus Gedanensis, Andreas Opalenſcius curiæ regni Marſcalcus. Hi cum uno atq; altero die ante Miedzirecij convenissent. Opalenſcius in oppidum Solencz pridie quam Miedzireciam, aut fines regni Rex ingrederetur, literis Regi evocatus fuit, cum quo de ratione ingressus in regnum tanquam Marſcalco communicaret. Ibidem vero ipsi etiam Senatores, cum de ratione salutandi excipiendiq; Regis, consilio inter se habito constituerant, tum ut monetæ Gallicæ quam Rex, aut qui cum Rege essent, in regnum inferrent, ad comitia usq; valor, edictis publicis vulgaretur, quo in Gallia esset, cum Rex, si quid detrimenti ea ex re quis caperet, præstiturum se id recepisset. Pax item publica, ut ex edicto Varſaviensi, à Marſcalco per præconem publicanda curaretur: contra quam si quid à Gallo aliquid committeretur, ut Mar-

ſcalcus Regni, re cum Marſcalco Gallico communicata, uterque jus de eo dicerent, & comitatus Senatorum, aliorumve eo ordine ingrederentur, quo ipsi Senatores: tum ut cum ad Regem vel prandentem, vel alterius officij causa convenirent, Gallis tanquam hospitibus dextera pars permitteretur, nostri levam tenerent, aliisq; non multis de rebus. Ex Senatus igitur consulto, postquam quisque ordine manum Regiam osculati fuissent, Stanislaus Karnkovius Episcopus Wladislavienſis, longam ad Regem orationem habuit, qua tota regia Electione commemorata, eademq; in tria tempora partita, in ipsam nimirum renunciationem, unumq; quod electionem præcessisset, alterum quod subsequutum fuisset, qua omnibus illis temporibus, & ordinum erga Regem studij, & divinæ voluntatis significatio fuerit, quæque vicissim ordines ab illo expectarent, cum demonstrasset, ad extremum faultissimis quibusque omnibus ac votis progredi eum jussit. Responsum à Rege per Bibracium, postea equo concenſio, comitatus Senatorum transgredientes spectavit.

Quemadmodum supra ostensum est, literis regis accersitus Opalenſcius, ultra fines jam obviam progressus illi fuerat: Satis instructum hic equitatum habebat: aliorum senatorum qui in finibus convenerant, non satis ornati, tum frigora, quo longius à Gallia versus Poloniam progredierentur intensiora, oppida in finibus minuta & angusta, diverſoria incommodissima, animos Regis Gallorumque quasi deſiciebant.

Verum dimidio tere à Miedzirecia militari, Stanislaus Gorkanus, compluresq; ex nobilitate majoris Poloniæ, qui ex instituto remanserant, cum splendidissimo sexcentorum circiter equitum comitatu Regem excipientes: tum in itinere aliorum Senatorum equitum præstantior equitatus: ad Poloniam autem Andreas Gorkanus, alij, pleriq; majoris Poloniæ Senatores, cum trium millium circiter equitum splendidissime instructorum numero ei occurrentes, tum non minus ipsa etiam Polonia, quo tertio postea itinere Miedzirecia perventum, cum splendore tam sacrorum, publicorumque, quam privatorum ædificiorum, quam ipsorum civium elegantia, ornati pedites obviam progressi illi fuerant, non parum rursus eos recrearent; claves Czarnkovius Poſnaniensis & majoris Poloniæ Præfectus, tanquam Regi legitime electo, & legitime mox coronando, obtulit. Jam Miedzirecij autem, & cum ob infrequentiam Senatorum res dilata fuisset, & postea in itinere de certo tempore coronationis consultatū à Rege cum Senatoribus fuit, ante autē à minoris Poloniæ Senatoribus dies 21. Feb. proposita fuerat, referebat igitur per Opalenſcium Rex ad Senatores qui cum illo erant, si eundem diem ipsi quoq; acciperent



ut per præconem Marsalcus eum publicaret, majores Poloni, & minorum Polonorum quasi præjudicium illud moleste ferebant, ut maxime autem dies ea accipienda esset, non Regio nomine per Marsalcum, sed communicato consilio Senatus nomine edicendam: cum ante inaugurationem, nihil juris aut imperij usurpare Rex posset imprimis Stanislae Karnkoviæ Vladislaviense Episcopo in sententiam eam incumbente, quæ sententia Senatorum, cum per Palatinum Siradiensem Lascium, ut putabatur enunciata è consilio Regi fuisset non sine offensione accepta ab eo fuit, posteaque postmodum Posnam venisset, iussu ejus Opalenscius per præconem Posnaniensem diem XXI. Coronationis Regiæ publicandum curavit, quæ de re cum alijs Senatores cum illo expostulassent, mandatum Regium consensumque minoris Poloniæ obtendit. Ut in re affecta ex sententia Karnkoviæ eo tamen decursum, ut quisque Palatinus in suo Palatinatu edictis propositis, denuo eandem diem nobilitati indicerent. Posnaniæ triduo quieti dato Calendis Feb. Cracoviam versus movit, quo decimo octavo ejusdem mensis pervenit. Prima die Kuraij apud Stanislaum Gorkanum pernoctavit: Splendidissime omnibus rebus ab illo acceptus, in itinere publico sumptu lautia præbita. Cum tributum quod Comitibus Electionis decretum fuerat, in lautia Regia major Polonia convertisset. Cumque via Regia per Pizdri, Calissiam, Vielnam Cracoviam iret, ex singulis municipiis quotidie fere sumptu ac splendore inter se certantes, cum Senatorum, tam equitum comitatus illi occurrerant. Pridie ingressus à Palatino Cracoviense, & Marsalco Regni Fierleio, Balicij prædio Fierleiorum, splendide exceptus fuit. Convenerant jam Cracoviam, tanquam ad Comitium Coronationis omnes fere, cum regni tum Magni Ducatus Lithuanie, ac cæterarum partium Senatores, legati etiam nobilitatis è singulis municipiis electi qui omnes quam ornatissime instructi, certatim Regi obviam progressi, in campo eum præstolabantur. Secundum hos cives etiam Cracovienses pedites, satis ipsi etiam eleganter instructi, Senatores globo inter se facto constituerant, ad quos postquam modico intervallo Rex accessisset, equo descendit, inde suo quisque loco Senator manum ejus de more osculatus fuit, qua salutatione à singulis peracta, omnium nomine Petrus Miskowsky, Episcopus tum Plocensis verba ad eum fecit. Respondit Rex per Bibrachiam: Aula Augusti olim Regis peculiari etiam agmine inter se facto, obviam progressa Regi fuerat, à Mars. Regi demonstrati, commendatiq; fuerunt. Postea civitatum Cracoviensium, & Academicorum salutationes ad secundam fere horam noctis, ingressum in arcem regis retardarunt, ubi in ipso templi aditu à Valentino De-

binscio Decano, nomine universi collegij Canonicorum salutatus, ad majus deinde altare ductus, imprimis crucem cum reliquiis, inde caput ipsum D. Stanislai ab Archiepiscopo ei porrecta osculatus, hymno peracto infantem quæ è regione templi diversabatur convenit, satisq; magna cum honoris testificatione salutavit, paucisq; verbis commutatis, tandem quarta fere hora noctis in cænaculum suum demum se recepit. Ut in tanta autem hominum ex universo regno frequentia, & sua sponte maxima diversiorum difficultas esset, & à Fierleio nolente Gallos Poloniæ assue fieri, ex instituto opera data erat, ut vel nulla diversoria haberent, vel incommodissime diversarentur. Inopia igitur diversiorum in ipsam arcem à Rege recepti, omnia fere cænacula occuparunt. Cellarium etiam Regium lectissimum ab Augusto adhuc, & nonnullis superioribus Regibus præstantissimis & nonnullis longe petitis vinis instructum, aliorum vinorum inopia, ab initio mox in turbam ipsam direptum fuit. Prima post adventum Regium inter Legatos nobilitatis, cum de ratione Regem salutandi, tum maxime de confirmationibus ante coronationem ab eo exigendis deliberatio fuit. Delectus à Belzensibus ad comitia hæc coronationis legatus, absens in Gallia Zamoiscus fuerat. Is igitur & legatis nobilitatis maxime autor esset, ut more Parisiense ante coronationem confirmanda à Rege omnia curarent, & à Collegio legatorum delectus, ad Senatum, eadem de re verba fecit, reclamatum à Gallis: maxime Bibracio, moram saltem injici clamante, prolixeq; promittente, non modo atramento, sed vel sanguine, si opus sit, mox post coronationem Regem omnia confirmaturum. Ad hoc cum pridie diei, quæ coronationi dicta erat Senatus convenisset, Abrahamus Szoniscus, nobilis imprimis, & clarus eques Polonus, in pleno Senatu, inclamare Archiepiscopum cœpit flagrantem domum ejus. Cum Archiepiscopus ad familiam quæ incendium restingeret invocandam se proripuisset, sistere eum paulisper jubet, non hujusmodi se incendium denunciare, quod ea opera ad restinguendum opus haberet: sed quo non modo ejus, sed omnium, & publica quasi universæ reipublicæ domus confligaret, per tantum temporis sine Rege, sine lege nos fuisset: multa injuste: multa violenter, contra fas, cum publice tum privatim perpetrata: cui incendio quasi publico, nulla alia res, quam legitimum imperium Regis, legitime jam electi mederi posset, neq; tamen deesse in utroque ordine, qui non modo impedire coronationem velint, sed minis etiam alios detertere non dubitent. Iussu autorem minarum nominare, publicam famam appellabat. Præterquam igitur, quod ultra in assentationem omnes ruerent, hujusmodi etiam partim vocibus, partim incom-

incommodorum metu impulsit die dicta postmodum nimirum, confirmationibus ante non exactis, inauguraretur, alij decernunt alij assentiuntur. Simul igitur legatis etiam visum, ut prius ipsi etiam Regem salutarent, adventumque ei gratularentur. Marsalcus iis comitiis nobilitatis penes Lithuanos erat, è quibus Agrippa ad munus id delectus, cum non satis idoneus orator existimaretur, Stanislae Czarnkoviæ, partes ex delegata, Oratio hujus in explicando statuto Calimiriæ, de dignitatibus conferendis tota fere versari. Cum animis igitur hominum tum omnibus rebus ad inaugurationem præparatis statuta die XXI. nimis Februarij solenni instituto, & ceremoniis in summo templo arcis Cracoviensis ab Archiepiscopo tum Gnesnensi Jacobo Uchanscio, in regem inunctus inauguratusque & corona aliisque insignibus regni indutus fuit.

Postulabat nobilitas autore Zamoiscio, & exemplo in Vladislai coronatione introducto, nobilitatem, an coronari Regem jubere, Marsalcus prius interrogaret, maxime in ipso juramento, inter Catholicos seu ecclesiasticos, & diversæ religionis homines, non levis controversia, & ex ea in ipso templo tumultus fere ortus: cum Episcopi formam juramenti Parisiensis mutare quibusdam in rebus vellent. Pervicerunt qui à Senatu & equestri ordine custodes juramento exigendo adjecti fuerunt. Itaque quam primum Marsalcus ex forma juramentum præstitum pronunciasset, turba omnis mox etiam conquievit. Legationes coronationi illi externæ satis frequentes interfuerunt, Pontificia, Cæsarea, Gallica, aliorumque plerorumque Principum. Altera post coronationem die, instituto vetere, in foro Cracoviense, solo ad eam rem præparato, magistratus Civitasque Cracoviensis, homagium ei præstitit. Ibidemque de more equites etiam, atque insigniores aliquot ab eo cincti: edicto antea, quo qui fiduciam virtutis suæ haberet, invitabatur, publice proposito. Coronatione peracta, Legati nobilitatis de confirmationibus, quam primum iterum agere incipiunt, imprimis Zamoiscio hanc in rem incumbente, qui & levitatis opinionem vitandam disputabat, neve rebus hisce tam facile infectis, fenestraque semel patefacta, omnia pari facilitate tollere Reges assuescerent. Accedebat huc juramentum Regis Parisiis jam semel in conditiones eas præstitum: conditionum plerarumque insignis utilitas: aliarum minus utilium, suo tempore abrogandarum spes. Discordia inde inter legatos; Palatinatibus plerisque Masoviæ, & maxime Kosobutio Masovitico Legato, Karnkoviæ Episcopo Vladislaviense autore, conditiones Regi propositas, quas articulos vulgo vocabant, raras non habentibus: aliis è contra, maxime diversæ religionis hominibus, qui quo magis ex res in dubium vocaren-

tur, eo in majorem metum adducebantur, dimoveri se ab iis non patientibus. In Senatu minus controversie, assentationis plus erat. Imprimis Episcopi libertate diversarum religionum, veræ religionis libertatem, vel omnino opprimi, vel in gravissimum periculum adduci, non immerito indigne ferentes, alij etiam Regi gratificantes, quod scitis illis Vladislaviensibus, de imperio & dignitate Regia diminuebatur, quanto maxime poterant studio eis se opponebant. Imprimis Karnkoviæ rationes earum inficiendarum proponente, quod tertio ordine Rege nimirum nullo tum existente, altero autem ecclesiastico nimirum integro contradicente, neque suo loco aut tempore lata vim legum habere non possent. Aliorum honores petentium ambitio, studia ostentant se Regi eo magis incitabat. Potissimum tum inter Zborovios & Thencinios, cum quibus Fierlei & Mielecius conjuncti, æmulationes erant, utrosque potentes: utrosque gratiam Regis aucupantes.

Dum autem hisce de rebus, tam in collegio Legatorum, quam in senatu disputabatur intervenit casus, qui & multorum magnorum motuum in Polonia postea causa exitit, & animos utriusque partis jam ante inflammatos, magis etiam incendit. Samuel Zborovius juvenis & genere & opibus & annis & exiis animo ferox, cum diem ingressus regij prævertere non potuisset, postea festivitate dierum Saturnaliorum, in quos coronatio inciderat, ulus cum equitatu suo, quem omnium cum admiratione elegantissime splendidissimeque ornatum habebat, in arcem venit, spectandumque se Regi stetit. Ex arce discedens, hastam publico in loco in area arcis desigit: Præconio addito, qui pro salute Regis se devovere, concurrereque cum illo vellet, eam tolleretur. Sublata hasta fuit, ab homine quidem ut ferebatur militari, sed obicuro Charuato quodam, qui in familia Thencinij Castellani tum Voinicensis erat, cujus ut hominis externi & tenuis humilitatem in suum contemptum Zborovius interpretatus, remque à Thencinio instructam suspicatus, questusque ea de re apud fratres, per eosdem Thencinium appellandum cura illi negare suo scitu, aut iussu factum. Postulare inde Zborovij, mandaret familiari, illi suo ut hastam eam in locum ex quo eam acceperat referret. Thencinius operam suam polliceri: hominem tamen liberum, & quamvis tenuem tamen in militia ab ineunte ætate versatum, ac gloriæ militaris cupidum non in sua potestate esse, ostendere. Agit nihilominus diligenter cum eo Thencinius: Postquam nulla ratione adducere eo illum potest. Zborovius iram in Thencinium vertit: Biduoque interjecto, circa horam vicesimam secundam, qua Rex de more Senatu egredi solet, cum comitatu armato, armatus in arcem venit.



Præter consuetudinem tum Rex in Senatu adhuc erat: itaq; fratres suos Andream, qui gladifer tum erat, & Christophorum Zborovium, in Senatum ad Thencinium mittit, qui ejus verbis ad certamen cum eo illum provocarent. Thencinius contestatus nihil iniuriæ ejus unquam à se susceptum: cum tamen tantopere negotium sibi cum illo esse cuperet, paratum se esse illi sistere: fratresq; Andrea Thencinio, Castellano tum Belzense, & propinquo Andrea Vapovio Przemisliense Castellano assumptis, ut ipse etiam se armaret, mox à Senatu egreditur. Ex arce digredientem, iterum Zborovius inclamat. Ille si vel mox in armis cum inerim congregi vellet paratum se esse ostendere: sin armatus Zborovius concurrere vellet, sibi etiam arma induenda, assentitur Zborovius, expectaturumq; ibi se illum constituit. Etsi semotis arbitris acta in senatu res fuerat, fieri tamen non potuit, quin & ex vehementia gestuum, & orationis, cum à Senatu, tum Rege ipso animadverteretur, itaq; monitus à Senatoribus rex, cum sua etiam sponte periculosam inter potentes familias contentionem futuram existimaret, Andream Opalensium curiæ Marfalcum, qui certamen cohiberet misit. Hic cum verbis Regis primum Zborovio, ut certamine intermisso, quam primum ex arce discederet mandasset, deinde ad Thencinium etiam, ne in arcem veniret misisset, à neutro paritum fuit: cum uterq; summo cum decore suo futurum interpretaretur, si vel mandato regio ad actus alteri cederet. Cum ad vicesimam quartam circiter horam Zborovius in interiore arce expectasset, jamq; ex arce recipere se vellet, Thencinius cum suo comitatu in arcem venit, subq; ipsam interioris arcis portam, inter templum & domum præfecti, in qua reginula Anna tum versabatur, in Zborovium incidit: qui cum mox illi exprobrasset, quod contra fidem datam se non stetisset, Thencinius autem, quam primum parare se potuisset, stetit se eum argueret, utriq; ad arma mox prorumpunt, interjicit se inter illos Andreas Vapovius, qui dum certamen dirimere conatur, à Zborovio seu familiaribus ut ferebatur ipsius, aliquot gravissimis vulneribus concisus, ad extremum clava etiam aliquot illi in capite vulnera infixit: simul familiaris Thencinij Lasso, dum similiter turbam sedat, vulneratur: Ex Zborovij parte, nullus vulneratus fuit. Tumultu hoc ex clamore ipso cognito, nullus in arce, aut per porticus erat, qui non arma stringeret, cumq; aliis permisceretur, infinita autem hominum multitudo in arce tum adhuc erat, quod Senatores nondum ex arce digressi fuissent, omnesq; illorum comitatus eos adhuc observarent. Itaq; miraculo à plerisq; tributum, quod in tanta turba, qualem in Polonia nemo meminisset, plures læsi non fuissent: eoq; magis, quod nullus ex Senatoribus, nullus ex magistratibus extitisset, qui turbæ illi se

inmiscere, & vel autoritate, vel imperio sedare eam ausus fuisset: sed quisque suo angulo se tenens loco sibi caveret. Rex incenaculum suum jam se contulerat, per Gallos aliquos, tumultu eo cognito, cum forte eo die gravis in Senatu de juramento ejus, & confirmationibus, inter ipsos Senatores, alios formulas confirmationum Parisiensium exigentes, alios Regem iis liberantes contentio fuisset, eademq; ad legatos etiam nobilitatis promanasset, à Gallis autem ignavis quid ageretur, Catholicos cum Evangelicis pugnare ei nunciaretur, imaginem quandam Parisiensis cædis expectabat. Itaq; omnibus Gallis, qui in arce essent convocatis armatisque, hortatur, ut quodcunq; futurum esset commune periculum omnes ducerent, globo illorum septus, armatus ipse etiam præsentem animo eventum rei expectabat. Itaq; instructus, à Senatoribus aliquot, qui postquam ex tumultu eo se collegerant, ad Regem mox concurrerent, inventus dicebatur. Zborovius re ad eum modum peracta non diu in arce moratus, mox se recepit Thencinij cum cruento Vapovio mox in arcem adque ipsum regem irrumpunt. Vapovius Senator regni sanguine totus perfusus, injuriæ suam oculis ipsius regis subjecit. Rex etsi dolorem non mediocrem ex casu eo percipiebat, quod tamen tempus ipsum, nocturnum, jam suadebat, in aliud tempus cognitionem differe. Cumque rumore quodam perlatus in arcem fuisset, Zborovium in vico Castrense per quem eundem Thencinij erat, ad excipiendo eos agmen instructum habere, rex misso Chorkievicio præfecto Samogithiæ, Ducatusq; Lithuanæ tum Marfalcum, ut pacate ad cognitionem usq; Regis cum omnibus se gereret ei mandat: ferebatur, ut sponsione eum obligaret Chorkievicio mandasse: Chorkieviciu qui sororem ejus germanam in matrimonio haberet, affinitati id condonasse: ex loco tum eo illum deduxit. Similiter Thencinij & Vapovio, ut nihil vel hostile susciperent, vel hostilitatis causam darent, sub fide & honore mandatum. Usq; ad tertiam tamen fere horam noctis, non cessare homines armati, hinc & inde inter urbem & arcem, non modo agminibus integris, sed acie fere instructa commicare, non sine summa omnium admiratione, quod sine sanguine & cæde nox ea peracta fuisset. Aliquot post diebus per Marfalcum regni Firleium dies partibus apud Regem dicta. Vapovius morti jam vicinus cum ipse in judicio adesse non posset, Thencinij & suam & ipsius injuriæ proponunt: Zborovium gravissime accusant. Zborovius primum ipse respondet, & innocentem se demonstrare conatur: Deinde scriptum ejus nomine Castellanus Miedzircensis Andreas Gorkanus recitat: quo tamen magis ad gratiam, ac misericordiam regiam confugiebat, quam causæ fidere videbatur. Multis ultro citroq; verbis commutatis,

is, in aliud tempus causam Rex differt, per negligentiam, seu in advertentiam quod pleriq; requirebant, sponsione judicio sistendi non exacta. Interim Vapovius moritur, uxor cum Thenciniis aliisq; propinquis, corpus in arcem deferunt: justitiam Regis fleatibus, ac lachrymis quam maxime miserabiliter implorant. Primum quod juris est potestantibus illis, qui vulnera inspicerent, missi postea die partibus dicta, Zborovius ipse non stetit: fratres ac propinqui defensionem ejus suscipiunt, ne ipsi quidem procuratores, cum in omnes partes se versarent, quomodo causam eam tutarentur, habebant, multo major in Senatu difficultas, postquam sententiæ dici cœpta, erat: Qui integri nulliq; parti addicti erant, statutum Sigismundanum urgebant, quo cædes quocunq; modo vel fortuito perpetrata in præsentem, capitis poena, in profugo aut in jure non comparenti, exilio, publicatione bonorum, & infamia punitur. Qui Zborovianarum partium erant, qui imprimis potentes tum in Senatu erant, misce cum jus, tum sententias suas torquere: omnes tamen fere petere, ut alia potius poena aliqua, quam statuti Sigismundani puniretur: vel ad certi temporis & numeri militiam contra Barbaros in Podoliæ finibus damnetur, vel ad carcerem aliquem non nimis gravem. Sententias senatorum, Miskovius Episcopus Plotensis, adductus tam Zborovius, ut quibus affinitas cum illo intercederet, lingua Italica interpretabatur. Rex cum in re tam gravi, tantam diversitatem sententiarum videret, in crastinum sententiam differt. Sequenti die per Bibrachium Senatum hortatur, operam dent, ut consentiant: se novum Regem ignarum legum esse: illos quid juris sit, non posse latere: paratum se esse illorum sententiam sequi, modo in unam sententiam conveniant: neq; præter jus suamve, aut illorum conscientiam quicquam sibi suadeant, ad extremum prolestat, si ignorance juris aberraturus fortassis, judicio esset non suum, sed illorum peccatum fore, cohortatione hac Regis incitati denuo sententias dicunt: Verum sine ullo fructu: cum pertinaciter Zboroviani in sententia sua perstarent. Cum plurimum apud Regem gratia Zborovij valeret, atq; ita magnam partem Senatus in potestate haberent, tandem cum parte instantissime sollicitante, differri diutius judicium non posset, Zborovianis evincitibus, invitatus quasi ut videbatur, decretum Rex fert: quo exilium illi irrogat: honore seu fama ei conservata, infamia liberat: bona una manu adempta seu publicata fuere: altera per interpositam fratris personam ad filium, perq; hunc ad ipsam rursum translata, accusatores nulli pro decreto, quod moris est, cum decretum accipitur, gratis actis, tanquam contra jus eo lato, ex judicio discessere. Si ulla autem res animos hominum à Rege alienare videbatur, judi-

um illud plane ab eo avertit: nam & primum erat, quod post inaugurationem administratum ab eo fuerat, & contra leges publicas gratia Zboroviorum condonatum aperte homines vociferabantur, maleq; auspiciato initio hoc judiciorum, multo pejus in posterum etiam sibi ominabantur: quamvis nonnulli magis Senatores gratiæ, & commodorum privatorum servos, quam ipsum Regem, tanquam & linguæ, & juris ignarum acculabant, ante omnes in maxima invidia Zborovij esse, quam multo magis etiam postea auxit. Castellanus Przemisliensis post mortem Vapovij Droievio affini Zboroviorum collatus: non satis fuisse viri primarij & Senatoris impune quasi cædem perpetrata, nisi spolia mox ei detracta, ad hæc in domum illorum transferrentur. Non multo post id decretum, alia in causa Przyemisciana cum Konopacijs, & ordinibus Prusliæ sententia ab eo lata. Quem admodum supra ostendimus, Prusli possessiones eas, quæ executione statuti Alexandrini, non multo ante mortem Augusti illis adempta, alijs advitalicio jure collata à Rege fuerant, post mortem Regis possessoribus pulsas vi occupant. Inter quos Czemijs ab Alberto Pierchinsky Kristburgum, Konopacij à Stanislao Przyemiscio, in Culmensi tractu Loparkij, in Pomeraniæ Libno & Rudno, aliasq; ignobiliores Villulas nonnullas vi receperant. Verum Czemijs à Pierchinscio & item, & ipsius Kristburgij possessionem pecunia postea redemerant. Przyemiscius injuriæ suam, tanquam publicam primo ad conventus Poloniæ detulerat, à quibus ordines Prusliæ per Joannem de Sluzewo Brzesensem & Joannem Krotkowsky Inowladislavensem Palatinos, ut secundum constitutiones & pacta interregni in violatores pacis publicæ agerent, appellati. Cum optimo jure occupata bona ea a se ostendissent, quod vi statuti Alexandrini cui Prussia subiecta non esset, temporibus Sigismundi Augusti Regis se reclamantibus, & recusantibus, erepta fuissent, jus suum & publicam auctoritatem facti ejus ultro agnoverant. Itaque re ad universum Senatum & ordines Regni à Przyemiscio relata, restitutio intra certum tempus decreta illi fuerat: quæ cum à Prussis non præstaretur: in ipsa electione regia eo rem adduxerat, ut universa respublica suam causam eam facere, exequique eam vellet, qua re in metum nonnullum Prussi adducti, & cum Przyemiscio pepigerant, ut in ipsarum quidem villarum possessionem, ipsam Przyemiscium mox mitterent, reditus à tempore facti perceptos, damnaq; data, ex arbitrio Joannis Koitkæ Castellani Gedanensis, & Andreæ Opalensij curiæ Marfalcum, intra duas septimanas facerent. Sed quod ne ea quidem transactio in rem collata fuisset, in conventu hoc coronationis, multis, maxime autem Gorkanis, & majoribus Polonis urgentibus, in judicium adducta fuit. Rex causam publi-



publicam esse decernit: rationes à Prussis demonstratas, jam ante jure communi, ac constitutionibus publicis regni sublatis, nullam in posterum etiam ambiguitatem facere posse, quin Prussia executioni generali juri regni, tanquam membrum corpori suo subdit. Itaque in restitutionem villarum & damnorum, in quæ actor jurasset, refusionem partem condemnat. Et quamvis poenas ob turbatam contra jus publicum, & sanctiones inter regni pacem publicam, cum in ordines Palatinosque loci ejus ordinarium magistratum, tum in ipsos Konopacios eodem decreto sibi reservasset, quod tamen & juramentum in damnum actori decrevisset, & poenas violatæ pacis in suspensio quasi reliquisset, apud plerosque ne hoc quidem decretum invidia caruit: quod & in gratiam partis condonatum nonnulli suspicarentur, & non statim exactas poenas, ne in posterum licentiæ, fenestra aperiretur, viderentur. Talia inter frequentes sententias quæ ferebantur, non pauca occurrebant, quarum tamen omnium invidiam quemadmodum ostensum est, non tam Rex, linguæ, jurisque ignarus, quam Senatores, qui tanquam ambitionis, avaritiæ, cupiditatumque suarum servi, accusabantur, apud plerosque sustinebant. Inter hæc de confirmationibus, à Rege impetrandis, cum inter ipsos Legatos, tum ab illis cum Senatu à Rege maxime agebatur. Prudentiores cum in discordia ordinum paratissimum effugium Regum habiturum intelligerent, forte obrependum rati autore Zamoiscio, imprimis legationis Gallicæ rationes exposcunt. Per Stanislaum Czarnkovium, ad quem ut supra ostensum Marfalcatus delatus fuerat. Gratias publice apud Regem legatis agunt, quod integros in ea legatione se præstitissent, quod quæ ab ordinibus mandata eis fuissent, diligenter perfecissent, quemadmodum jam ex illis intellexissent, Regem omnia postulata ipsorum, non modo accepisse, sed juramento etiam confirmasse, atque merito se gratias illis agere, maxime iis qui mandati publici memores, audientias privatas non ambiissent, neque privatim quicquam à Rege sibi aut suis petissent: gratias deinde agunt Regi, quod tam promptè omnia postulata accepisset, jurassetque: quod ad legationes quas cumque quæ privatim illum convenissent, legatos nostros adhibuisset, eorumque consilio in omnibus usus esset: gratias ad extremum ipsi fratri etiam regio, Gallie Regi, gentique Gallicæ, pro liberalitate, & hospitalitate agunt. A Gallis qui artificium subolferent, cautissime responderetur. Secundum hæc uno articulo publice introducto, ceteros per tacitum quasi consensum eo ipso approbatum iri existimantes, declarationem conditionis de deputatis consiliariis, nobilitatis etiam mentione injecta, cum hoc capite, Rex tanquam deteriori posthac conditione futurus maxime moveretur, publice agitare incipiunt, ut con-

troverfia ista, vel definita vel suspensa, ceteri tacite quodammodo confirmati viderentur. Gallos autem dissensum hunc inter Senatum & nobilitatem avide arrepturos putarent. Verum res maxime à Marfalcone de Rais Italicæ nonnullis animadversa, non solum invidiam, sed minas etiam Zamoiscio, quem autorem inventi ejus suspicabantur, conflavit. Sed dum hisce de rebus disceptatur, crebri de valetudine Gallie Regis desperata nuntij alati quæ res à confirmatione hujusmodi, qualem legati postulabant, eo magis animum regis avertebat. Sive enim maneret in Polonia, sive in Galliam rediret, nihil de pristino jure dignitateque Regum in se imminui ad dignitatem suam pertinere statuebat, maxime autem confederationis confirmationem utrobique, imprimis vero in Gallia apud suos invidiosam sibi futuram judicabat. Ut de reditu ante in Galliam si quid fratri humani accidisset, diligentissime cogitaret, multa cum vehementissime permovebant. Primo patrium regnum idque amplissimum, deinde Regine matris, totiusque Gulsianæ factionis & Catholicorum Gallorum studia in eum tanta, ut post discessum ipsius Monlucius quasi studio partium Hugonotearum, studiose in Poloniam eum extruisset, non parva invidia, nonnulla etiam in periculo esset. Præterea vero, ut necesse erat evenire, non pauca sæpe eveniebant, quæ ut in summo imperio, atque potestate nato, partim odium, partim iram Regi Gallisque commovebant. Invitatus intertulerat nuptiis Andreæ Zborovij, quemadmodum & nepotis postea etiam à Fierleo Marfalcone ad filij, cui ab eo in sacro fonte suscepto Henrici nomen inditum, per Baptismum. In quibus conviviis, cum non salva Majestate familiariter versatus videretur, à Gallis admonitus conviviis postea abstinuit. Inter Gallos autem & nostros crebra Cracoviz jurgia, ex jurgiis nonnunquam cædes existerant. Inter alia autem, cum Saffranecius, Fierleius Præfectus Sandomiriensis & alij nonnulli, scriptum quoddam de controversia ista confirmationum, privatim offerendum ei existimassent. Et si Zamoiscius id improbarer, persuasus tamen ab iis Gallicis id conscripsisset, à Fierleioque objectum regi fuisset, ad lachrymas indignitate sui eum commovit, ita ut cum multa in oratione ejus observarentur, maximeque Zboroviano proximo tumultu permotus fuisset, nonnunquam vel recenti Regine Scotiæ exemplo, quæ aliquo tempore ante, capta à suis fuerat, terreretur. Supra omnia autem matrimonio infantis animus ejus abhorrebat. Accedebant adhuc, maxime inter ipsos procures partium æmulationes, partim de honoribus contentiones. Quemadmodum supra ostensum est duz potissimum factiones erant, Fierleiorum, quibus Thencinij, & Mielecij conjuncti, & Zboroviorum, quæ cum gravissimis odiis inter se dissentirent, vel ipsius Fierlei Marfalcatus, ut quem

quem per leges publicas, una cum Palatinatu Cracoviense retinere non posset, appetitus à Zborovio fuit. In ejusdem odium Miskones, quorum sororem in matrimonio Fierleius habebat oppugnant. Subornatus ab iis Zielinski Mniskoni probro objecto, probationeque promissa, cum structor mensæ regie esset ipso coronationis die, à ministerio mensæ Regiæ Mniskonem exclusit: cumque artificio quodam, vel ad sejungendos eos inter se, vel ad ludibrium, Fierleo filio munus id delatum fuisset, constanter ab eo repudiatum fuit, magna tamen utriusque partis contentione, decretum inter Zielincium & Mniskonem latum fuit, pronunciatum non liquere. Itaque regressu ad eam criminationem cui libet de populo relicto, authoribus Zborovio amphiatus fuit, simul pincernatus, qui promotus ad Castellatum Sandomiriensem Stanislaus Miskovio vacabat, Christophoro Zborovio delatus, maxima de majore sigillo contentio esse. Tenebat id Franciscus Krasinskius, paulo ante mortem Augusti ex vice cancellariatu ad Episcopatum Cracoviensem provectus. Itaque cum jure publico in primis Comitibus abdicare se magistratu eo deberet, Fierleo & Mielecio rem impediuntibus, ut qui in alia ordinaria comitia rem differrent, coronationis comitia extraordinaria esse docerent, ut magistratu abiret adactis fuit. Commodabatur maxime Regi à matre Hieronymus Rozdrzevius, qui & ipse a pueritia in Italicæ Gallique studiis educatus, & per se & per fratrem, qui domui Regine Gallie junioris Austriacæ præerat, magnum aula Gallicæ usum habebat. Illi ab aliis Stanislaus Kostka Prussus, cui Episcopatus Culmensis in solatium postea datus, qui & ipse cum externarum rerum Italicarum imprimis & Gallicarum, magnum usum habebat, ingenijque ac doctrinæ elegantia insigni erat, oppositus. Verum evicere Zborovij pro Volsio: & ipso elegantissimi ingenij homine, ut qui ab ineunte ætate in Hispania Italia versatus, majorem externarum quam domesticarum rerum usum haberet. Maxime autem Zboroviorum gratiæ id datum, quo pecuniaria promissa Zborovio facta vacantibus hujusmodi Rex dissolveret, quamvis & uxori Palatini Sandomiriensis clenodia aliqua in eam rem à Rege donata, & in reliquam summam Soderini Florentini mercatores, qui Cracoviz negotia sua habebant, delegati ei postea fuerint: pauloque post à discessu regio, acerbissime ab eodem exacti. Omnia autem fere eam ob causam Zborovius tum Rege tribuente, Radomienfis etiam præfectura ampla imprimis, à morte Podlodovij vacans. Andreæ Zborovio collata fuit. Gregorio autem Chorkievicio sub id tempus mortuo, Castellatus Vilnensis, Joanni Chorkievicio fratris filio, qui sororem Zboroviorum in matrimonio habebat, adjectus.

Non minor fere quam de sigillo, de cubi-  
culi præfectura contentio erat. Quod ma-  
gistratus is majorum superiorumque Re-  
gum, omnium secretorum consiliorum, &  
actionum regiarum conscius, ac tanquam in-  
spector quidam esset. Itaque à Sigismundo  
Augusto, à morte Nicolai Trebuchowij sup-  
pressus adhuc tempus fuerat.

Legatus Pontificius tanquam Catholicos  
Thencinios promovebat: Zborovios ob  
eandem causam religionis, ut dissentientes  
oppugnabat. Miskovius Episcopus Plo-  
censis, cum pro Zborovio obtrudere eum  
posse desperaret, Zamoiscium, ut qui nulla-  
rum esset partium proponit. Verum dum con-  
tentionibus intra privatos cubiuli regij pa-  
rietes certatur, de confirmationibus interim  
scriptis à Rege auferendis, gravissime publice  
disceptatur. Præter Evangelicos, qui metu  
rerum suarum maxime inter legatos in eam  
rem incumbabant, alia duo etiam hominum  
genera, quæ turbarent erant. Unum eo-  
rum qui promissa acceperant, quibus non sa-  
tis fiebat: alterum qui adversari Electioni  
Henricianæ fuerant: quorum utrique ipsi etiam  
negotium suum agunt: invidiosissime nega-  
tas confirmationes, quamvis earum rerum,  
quæ antea jam confirmata juramento essent,  
exagitat. Ita fiebat ut Fierleius antea nobili-  
tati invidus, tum magnus vulgo haberetur:  
quemadmodum è contra Zborovij omnibus  
invisi, non modo ob potentiam ambitionemque  
ac gratiam Regiam: Verum lenociniorum  
etiam nonnullorum suspiciones, quæ maxime  
quem Præslavium clientem eorum, nonnul-  
la tamen ipsos etiam Zborovios invidia invol-  
vebant.

Itaque cum exceptis Masoviis, ceteri lega-  
ti omnes in urgenda confirmatione, et si di-  
versis alijs de causis omnes tamen publici bo-  
ni obtentu consentirent, consiliaque, quo-  
rum supra mentionem fecimus non procede-  
rent, aperte jam appellare de ea Rege & Se-  
natu non intermittunt. Ratio inter ipsos  
& Regem agendi: hæc fere erat: à nuntijs  
Gallicis Zamoiscius Regi interpretabatur  
à Rege Latine Bibracius respondebat. Rex  
cum urgere nuntij non desisterent, quo per se  
minime stare rem ostenderet, ad consensum  
cum Senatu, adeoque inter ipsos nuntios rem  
rejecit. Conveniret modo inter omnes,  
quamcumque ex communi consensu confirma-  
tionis formulam sibi obtulissent, eam prom-  
ptissime accepturum. Legati priorem con-  
sensum omnium ordinum ostendere, ex quo  
& conditiones primo scriptæ essent, in quas  
legati Gallici, quos consensus ejus testes ap-  
pellabant, ipsius nomine jurassent, & postea  
reliqua etiam postulata atque mandata ad il-  
lum suis legatis data essent, quæ similiter jura-  
mento ipse quoque Lutetia confirmasset, quod  
si ecclesiastici contra caput de confederatione  
protestati fuissent, id nunc quoque integrum  
illis



illis esse: aliis tamen rebus in quas communis consensus exitisset, derogare id non posse, neque quonquam à priori consensu serrecipere. Cum aliud nihil referrent, petunt tandem, ut se presentibus publice Senatus sententias dicat, partim ut qui autores inficiendæ rei tam salutaris essent, publice constaret, partim ut qui consensum eum in conditiones agnoscerent, referre ad nobilitatem possent. Cum diu recusassent, tandem iussu regio, in Corona legatorum nobilitatis omnium sententias dicunt; Miras hic non solum sententias, sed vultus etiam notare licuit. Cum in adulationem privati commodi studio obcæcati omnes proni, ab altera vero parte populi etiam invidiam timentes, mirifice in omnes partes se versarent, alij tamen consensisse in conditiones eas, quæ legatis in Galliam datæ essent, negare: alij præterquam quod neque loco neque tempore suo, neque eo quo oporteret modo, neque omnibus consensu latæ essent, de dignitate etiam ac jure Regio non parum detrahi ostendere. Itaque ut veterem solenni formula nihil immutata confirmatio ederetur censere, inter has autem de confirmationibus in Senatu, atque collegio nunciorum dissensiones, Lithuani & Prussi etiam, de oneribus postulata sua urgent: ut priusquam ad confirmationem deveniatur, ea explicentur, protestatione etiam interposita urgent. Rex distractionibus istis vehementer se dolere ostendit: cumque verendum sit, ne major etiam aliqua dissensio seu dismembratio potius ex ea nascatur, ad concordiam aliorum etiam maximorum regnorum discordia everforum exemplo ordines hortatur: ac non modo solita consuetaque formula, sed inquamlemcunque ipsi unanimi consensu obtulissent, modo de certa aliqua inter eos conveniret, confirmationem offert. Declarat simul juramentum Parisiis à se factum, non alio animo quam sub conditione consensus omnium ordinum, quem in coronatione futurum sibi promississent, à se præstitum in ipsa etiam Coronatione juramenti à se præstiti memoriam repetit, quod non aliud quam ex statuto vetus & solenne præstiterit. Clausula saltem de pace inter dissidentes de religione adjecta, & salvis juribus uniuscujusque. Interim quas ipse per fratris & suum legatum ordinibus conditiones obtulisset, quemadmodum jam ante juratæ à se fuerint, ita omnibus rebus integras semper observaturum. Quod ad Varlavienses etiam articulos pertineret, quamprimum modo omnium consensus ad eas accederet, eos quoque confirmare se paratum esse: quemadmodum quidem in evenum eum consensus istius confirmatos ratosque eos jam haberet, habiturusque semper esset. Interim consueta formula generalem confirmationem offert, ad extremum quominus de voluntate sua dubitari posset, juramentum in manus Archiepiscopi præstiti per-

petuo constanterque servandi, secundum jus publicum confirmationem omnium jurium ac libertatum, sub uno verborum contextu formula solita, manu signoque regio in Thesaurum regni Magnique Ducatus Lithuanie inferri mandaturum: facultatem omnibus edendæ ejus permissa, qui copiam ejus fieri sibi postulaverint.

Inter hæc de confirmationibus altercationes, Reginula etiam infans per varias delegationes primum ducta, ad extremum omnino neglecta fuit; Neque solvi postulata ejus de testamento Augustano, alimentisque ei constituendis: sed cum certos proventus nullos constitutos haberet, ipsa etiam partim ita egebat, partim misericordie conciliandæ causâ egestatem hujusmodi præ se ferebat, ut aliquando ne prandium quidem sumeret, matronæque symbola plæræque ei conferrent. Legati nobilitatis, cum omnibus rebus tentatis, à Senatoribus deserti frustra omnia à se fieri intelligerent, de protestatione agere inter se incipiunt. Quemadmodum in tres fere de ipsis confirmationibus sententias distracti erant, ita de protestationibus, non una etiam omnium sententia erat.

Primi ut in omnes conditiones sine ulla exceptione confirmationem exigebant, ita ob eam non præstitam, nulla alterius confirmationis, mentione aut suspensione admittat simpliciter obedientiam renunciandam Regi contendebant.

Alteri plane his contrarij, ut nullam omnino confirmationem requirebant, ita non contra Regem, sed eos qui ob non præstitam confirmationem ab officio discedere vellent, suam erga Regem fidem contestati, contra ipsos protestabantur.

Tertia media sententia erat, quæ ut generalem confirmationem proponebat, ita non tam ob non præstitam, regnum jam abrogabat, quam totam rem integram ad conventum nobilitatis, & nova comitia rejiciebat. In moderatiore hac sententia, Zamoiscio etiam imprimis annitente, plerique Russici etiam Palatinatus erant, qui præter alia ob periculum etiam Tuscicum, ut illi maxime vicini, a Rege vetusta & arcta Galliarum Regum amicitia cum Turcis conjuncto, non temere metuentes, felice consilia communicabant. Proposuerat Zamoiscius exquisitiore formula aliud commodius in tempus dilata, generalem aliquam confirmationem, qua utrique parti, & regi & ordinibus satisfieri posset, in præsentia petendam esse, qua nimirum omnia jura, libertates, privilegia, leges, in quocunque conventu legitime latæ, generaliter confirmarentur. Diversum cum alij sentiebant, tum maxime Saffranecius & Firsleius Lublinensis Præfectus, satius existimabant, nulla potius quam tali accepta, cum protestatione discedere, exemplo Casimiri, & Jagellonis Regum, sub quorum hoc sero admodum da-

tam ordinibus confirmationem fuisse, ex statutis ipsis appareret: de illo autem satis constaret, non à principio datam fuisse. Refutabatur quidem hoc à Zamoiscio, cum Jagellonis confirmationem veterem novis cum jurbus repetitam potius, quam novam totam fuisse: Casimiri autem exemplum perniciosum esse doceret. Valedictio inde confusa & turbulenta, cum tempus comitorum jam exivisset. Prima per Skarzewium Judicem Lublinensem, majoris & minoris Polonie protestatio recitata fuit; qua quemadmodum ostensum est, ob confirmationem petitam non præstitam, obedientia Regi renunciabatur, altera contraria huic per Koslobucium nomine Masoviarum; tertia media per Wenceslaum Vrovecium nomine Palatinatum Russiarum. Ita Comitibus solutis, per universum regnum edicta nomine regio proponuntur. Quemadmodum ex consensu omnium ordinum ad regnum hoc divinitus se vocante maximam voluptatem cepisset, ita non minore dolore, primum ex ipsorum mox oratorum in ipsa Gallia dissensu, ex religionis potissimum diversitate orto. Cum publicæ tamen, tum ipsorum gentis Polonie legatorum existimationis causa, cum in omnium gentium oculis res ea ageretur, quamvis diversas conditiones adversus editas, omnes approbasse, eo omnino animo & spe, quod in Coronatione omnium ordinum consensu futurum, sibi confirmassent, itaque patria, matre, fratribus, omnibus quæ inter homines charissima sunt, in perpetuum relictis, neque gravissimis regni patrij negotiis, à fratre Rege fidei suæ commissis, impediri se passum, alienissimo tempore, longissimum molestissimumque iter ingressum: non opum aliqua indigentia, quæ beneficio Dei virtuteque majorum suorum abunde sibi suppeterent: non regnandi ambitione, cum & illic, quibus imperaret sibi non detuisset: non vana aliqua gloria ductum, sed vero & christiano animo vocationem divinam in regnum hoc, tanquam illustria omnium regni hujus ordinum studia sequentem. Quo itinere per Germaniam profecto, tam in finibus regni, quam per universum regnum, ab iis quibus res ea demandata fuisset, omniumque adeo profusissimo in se studio, non solum honorificentissime exceptum, Cracoviamque sedem regni deductum fuisse: Sed ibi etiam cum universi Senatus, tum legatorum nobilitatis, omniumque adeo ordinum hominum, summam erga se obedientiam expertum fuisse. Accessisse summum studium, coronam insigniaque Regni per Archiepiscopum, coronatorem Regum, sibi imponentium, juramentum deinde sibi præstantium, eaque ipsare, dignitatem salutem; fortunamque suam fidei suæ concedentium, quæ res omnes ut ordinum erga se obsequium, fidem atque observantiam, maxime declarant, ita suum quoque erga eos amorem, atque bene-

volentiam mirifice auxerint, agnoscendum haud dubio beneficium divinum: & cum gratias DEO agendas, tum enixe precandum, ut quemadmodum cepit, ad salutem dignitatemque publicam cum regni, tum universæ christianitatis omnia converteret.

Quum autem more majorum confirmatio jurium ordinibus petentibus scripta à Regibus dari solita fuerit, se etiam interpellatum ea de re, pro officio suo maxime paratum ad eam rem fuisse: id unum requisivisse, ut omnium consensu una communisque formula sibi præscriberetur, qua in deliberatione cum aliquot septimanas Senatores cum legatis consumpsissent, certam in formulam nullo modo convenire inter eos potuisse. Quomodo deinde tota res acta sit, quæ quamque diversæ, cum inter ipsos Senatores, tum in collegio legatorum, sententiæ ea de re fuerint: quid à se responsum, quid oblatum, quomodo ad extremum re infecta discessum commemorat. Cum discessus hujusmodi ne à se causam ullam præbitam insimulari à quoquam posset, publicis literis istis, quomodo tota res gesta esset, significandum duxisse, simul quemadmodum providentia divina, omniumque ordinum non solum consensu, sed studio etiam maximo, in regnum vocatis, exceptusque venisset: ita non minore publico consensu à studio in æde primaria Cracoviense. Divi Stanislai publice coronatum insignia regni accepisse: libertates simul omnes & jura, tam publica quam privata cujusque juramento, tum etiam quemadmodum supra meminisset, consueta solenneque literarum confirmationis formula, sub uno contextu verborum confirmasse se significat, repetita alterius etiam cujuscumque confirmationis promissione, qualiscunque, modo communi consensu sibi offerretur. Vetera tamen jura, libertates, ac consuetudines in dubium non vocando; quibus cum à decessoribus suis Regibus Polonie feliciter regnum hoc administratum fuisset, res Polona non iterisset, solum ad hoc tempus, sed præ ceteris regnis, cum imperio rerum gestarum gloria & dignitate, tum maxime libertate florisset. Fœderationem de religione pacis causâ institutam se existimare: in pacem igitur servandam se quoque juramento obstrinxisse, eamque servaturum. Si sub nomine eo, aliud quod secum haberet, quod vel cum periculo, aut detrimento publico, vel etiam nominis divini offensione conjunctum esset, nescire se an salva conscientia assentiri ei posset. Jactatum inter alia caput etiam id, quod de obedientia inter conditiones esset, fuisse: Sibi quidem minime grave id esse, cum ita se gerere in animum induxisset, ut nunquam eo rem deventuram confidat. Similiter deputati consilij præsentiam, non modo non fugere se, sed gratissimum potius sibi futurum, qui administrationem eam non modo delegatorum, sed omnium, atque



atque universi adeo orbis oculis exponere non dubitet, moneri etiam se. Si qua in re admonitione opus habeat, libenter passurus esset. Sed tamen ne de hisce quidem consensum extitisse: pluresque fuisse, qui cum fortiter iis rebus se opposuissent, tum incommodo cum aliquo, & periculo potius reipub. futurum id disputassent; Itaque se quoque, quid in hoc dissensu faceret, non habuisse. Cum autem sine juris ejusque dictione nullum Regnum subsistere posset, ut novis aliis judiciis, non expectatis, de quibus convenire non poterit, judicia quorumcunque tribunalium & subfelliorem more vetere obeantur, mandat: magna siquidem cum injuria laetorum futurum, si dum nova judiciorum ratio constitueretur, nulla omnino administrarentur; cum fontes aut qui alios injuria afficere vellent, vel ex industria rem impedire, & protrahere possent; itaque vetere more judicia interim exercenda, dum nova constituerentur: neque prius illa dimittenda, quam de his convenisset. Hortatur ad extremum, ut quisque officium suum faciat, curam, laborem, benevolentiam, amorem, officium regum pollicetur: ac non modo ea quae per legatos ultro promiserit, sed quid praeterea etiam ad salutem, dignitatemque regni, & cujusque privatim conterriti a se posset, libentissime praestitutum: ab omnibus vicissim ea expectaturum, quae decessores sui Reges Poloniae ab eorum majoribus & expectassent semper, & experti fuissent. In iisdem comitiis de Cancellariorum etiam munere, Cancellariarumque ratione actum; cum omnes invidia maxime Dembinij, qui intemperantius, magistratu potestateque ea abuti existimabatur, certis quibusdam Cancellis, omnibus alioquin legibus, praeterquam jurisjurandi solum, magistratum eum circumscribendum putarent.

Itaque certae leges quibus astringeretur, non tam publica comitiorum autoritate quam sententiis Senatus conscriptae; alter Cancellarius altero insciente nequicquam ageret, vel ederet, communibus consiliis ut uterentur. Quae donationis aut beneficii alicujus vim haberent, sine subscriptione manus Regiae nihil ederet: cum superiorum Regum temporibus Cancellarij voluntate Regia relata, ipsi omnibus diplomatibus subscriberent. Quamvis jam ante Augustus ipse ante mortem suam, ejusdem Dembinij etiam se inconsulto nonnulla edere soliti licentia offensus, publice, nisi quod subscriptum manu sua esset, servaturum se professus, in eum locum jam rem adduxerat, ut nisi quae Regia manu subscripta essent, rata jam haberentur. Diplomata quae ad commoda aliqua Regia aut fiscum pertinerent, nulla ederent sine scitu thesaurariorum Regni, juratorumve thesauri quae hujus generis a Rege ipso subscripta non essent, ne rata essent: simul tamen iisdem Cancellariis subscriberet, cujus cura, aut opera confectares esset, aliorum negotiorum literis, quae

juri publico sub nomine Regio edi è Cancellaria solerent, Cancellarius subscriberet, a quo literae auferrentur.

Capita autem singularum literarum peculiari registro connotarentur. Registra omnium literarum uniformi terna ut essent, apud singulos Cancellarios singula: tertium apud Regem, in quod summæ singularum literarum, ab utroque Cancellario referrentur. Judicia omnia tum Theutonica quae vocantur causarum civilium non in privato, sed in publico loco, sive in arce, sive in curia celebrarentur: publicarenturque eadem uterque Cancellarij mutuo consensu: officiales ad eadem pertinentes, ut referendarij ceterique omnes ad ea adhiberentur: Senatoribus etiam qui in aula praesentes essent, volentibus interesse iis liceret: alter sine altero ea ne exerceret, nisi forte aut absens, aut valetudine gravem aliqua occupatione impeditus alter esset. Nemo Cancellariorum mandatum Regium opponeret. Si alter insciente altero, contra jus quid edidisset. Uterque Cancellarij juratos peritosque, cum decretorum, tum aliorum negotiorum; & regestrorum scribas haberet.

Decretis omnibus uterque Cancellarius subscriberet: bina similia acta haberent; quo altero ab aula absente, ab altero facultas decretorum fieri posset. Si magistratus senatoresque omnes praesentes, inter se dissentientes, convenire certam in sententiam non possent, ut integra causa ad judicium Regium referretur: Decreta quam aptissimis verbis perscriberentur, ne declaratio earum denuo in ipsa executione ab aula petenda esset: vel semel judicatae ne aliqua ratione retractarentur. Relationes etiam causarum, ne in conclavi Regio, sed in loco publico magistratibus Senatoribusque omnibus praesentibus fierent. Similiter quae per libellos signatos ad aulam actiones deterrerentur, ut publice omnibus praesentibus aperirentur, cognoscerenturque, de quibus, si inter se dissentirent, ad judicium Regium referrent: id vero ipsum praesentibus magistratibus ac Senatoribus, qui pro tempore in aula essent, fieret. Sententiae ut ex scripto pronunciarentur, idque ab utroque Cancellario subscriptum scribis traderetur. Si quis Cancellarius praeter officium quid fecisse a quoquam incularetur, verbo inculatum, sine ullo libello, coram Rege Senatoribusque praesentibus, mox se purgare, factique suam rationem reddere teneretur. Quodcumque vero juri communi contrarium editum fuisset, nullius valoris ut esset. Similiter quaecumque diplomata, sive literae privato sigillo consignatae deprehenderentur, quemadmodum & si quae vel privato vel publico sigillo per interregnum editae docerentur. Ad legationes externas nullas, ut responderent, sine scitu aliorum magistratuum, & Senatorum Regni, qui in aula tum essent, ad frequentiorum Senatuum ut differretur: quod quidem de iis

de iis tantummodo negotiis accipi deberet, quae ad tempus pertinerent. Quae quidem pleraque non inutilia, pro arbitrio tamen Regum, vel ipsorum etiam Cancellariorum, vel servata aliquando, vel intermissa, vim tamen legum non habuerunt: ne sine Regis tamen subscriptione ullum beneficium ratum esset, usui jam obtinuit. Comitibus Regi acerba, cum aulicorum, tum militum emerita stipendia flagrantium, non minus ingrata postulata excipiunt, atque aulicis quidem cum primum novo sane tum exemplo argentum regium ab Augusto relictum, in stipendia distribui ceptum, militibus superior cautio prorogata. Ante omnes tamen petentes Regi molesti, cum inter ceteros una praefectura Rodlensis, morte Joannis Bielecij vacans ad triginta competitorum haberet. Paulo ante autem in ipso comitiorum exitu Firleius Marsalcus idemque Palatinus & Praefectus Cracoviensis, Rohatiniensisque non sine suspitione veneni decesserat, de cujus magistratibus & praefecturis, maximae contentiones erant, Episcopi cum legato Pontificio, Zborovium a quo ob diversitatem religionis maxime cavabant, quantum possunt remouent. Obtinuit nihilominus Cracoviensem praefecturam praesentem. Palatinatus Cracoviensis, quod Sandomiriensis Palatinatus quem Zborovius tenebat, Joanni Kostka Castellano Gedanensi a gratiam Mielecij connubium illi procurandum destinaretur, dum secundum jus possessionem prius in Palatinatu eo Kostka adipisceretur, dilatus tam diu fuit. Opalenio major Marsalcus cum Rohatiniense praefectura cessit: minor Andreæ Zborovio, cui quemadmodum supra ostendimus jam ante Kadomienis praefectura data fuerat. Inter haec ne Thencinij quoque vel omnino rejecti, vel Rex uni tamen factioni dare se videretur, praefectura cubiculi Joanne Thencinio eo facilius obtenta, Zamoscio Knuslinense praefectura obiecta. Georgius Jasloviecius Palatinus Russiae, qui tanquam vir militaris, & famae rerum gestarum clarus, non parva cum spe beneficii alicujus impetrandi in aulam venerat, cum insignem equum Turcicum regi donasset, pro praefectura homo acinaci Sarmatico ab ineunte aetate assuetus, gladio & pugione Italico ridicule donatus, vacuus dimittitur. Ita è comitiis discessum fuerat, ut non solum legati, sed Senatores etiam omnes fere suam quisque domum dilaberetur, nullo certo consilio quemadmodum constitutum fuerat penes Regem relicto. Restiterant quidem in aula, praeter Zborovium praefectum tum Cracoviensem & fratrem ejus Andream, minorem Marsalcum, Karnkovius etiam Episcopus Wladislaviensis, Cancellarius Dembinus Christophorus Radivilus Lithuaniae Marsalcus, ex quibus plerique indulgendum potius Regi juveni rati, conviviorum, voluptatumque ejus administri, atque adiutores etiam erant. Itaque Rex inspectore quasi omni remoto, cum

Gallis qui circa illum erant, partim venationibus, partim ludicris fere rebus, & chartarum lufibus, choreis, tempestivisque conviviis totum se dare, in quorum nonnullis nudae etiam puellae introductae, spectandaeque exhibitae fuissent dicebantur. Excurrerat ad eum ex vicino Karnoviensi Silesiae Ducatu, Georgius Fridericus Marchio, qui cum ob valetudinem Alberti Friderici unici tum Prussiae Ducis, in proxima expectatione Ducatus Prussiae esset, praeterquam quod de simultanea, quam vocant investitura, appellandus Rex ei esset, hoc etiam officio excolendum eum existimavit: una cum eo Electoris Brandenburg. legati, Electoralis stirpis jus ipsi etiam tuebantur, cuius illi collati, cum paulo ante excessum Sigismundi Augusti valetudo ea Prussiae Duci incidisset, ideoque poenitere jam fere homines beneficii ejus collati cepisset: utriusque quidem ad comitia, & Senatum, hi vero cautissime etiam rejecti fuerunt. Ceteroquin & exquisitis convivii, & hastarum, chartarumque etiam lufibus, omni genere benevolentiae, honorificentissimae aetate exceptus, tractatusque fuit. Interim inter ludos, conviviaque ista non pauca seria etiam miscebantur, quae non parum animos hominum offenderent, cum & contra protestationem, precesque legatorum discedentium, magistratus honoresque privata autoritate, Senatoribus non consultis, hominibus parum adolescentibus, nonnullis etiam levibus conferrentur: officia aulica, praefecturaeque mensae regiae pro arbitrio, a veteribus & benemeritis aulicis, summa cum indignitate in alios transferrentur quae res cum animos hominum, tum aulam maxime dissensionibus aegritudine, odiisque mutuis, implebat. Ad extremum idem in advitaliis perpetuis terrestribus officiis tentatum, quo minus procedere, viventibus alij substituti, avaritia, ambitione plerorumque nostrorum, per Gallos partim miris rationibus emendantium, partim ementium, ultro etiam ad ea Regem invitante. Proventus autem quibus victus regius constat, donativis pensionibusque immoderatis per salinas, vectigalia praefecturasque mensae regiae plerisque assignatis, ita imminute, ut vix quo se toleraret, reliquum quicquam sibi fecisset, non majorem quidem triginta millium redditum sub decessum ejus, integrum superfuisse satis constat. Fiebat hisce rebus omnibus, ut maxima in invidia, cum Rex, tum, qui circa illum essent, omnes versarentur. Ita ut in libero populo dictorum, libellorumque famosorum plena erant omnia inter quos, unius loco libelli supplicis ipsi Regi in manus traditus, non parum eum exacerbavit, nonnullis familiarum quaedam ultro etiam se appetebant. Inter alios uni in Episcopus Plocensis edito non minus acerbe ipse respondit. Maxime tamen voluntates hominum in judiciis nobilit. & quidem non sine motu aliquo nudatae, quae per universum regnum omnia fere turbata, quod cum Regis nomine publicata essent, agnoscere Regem nollent.



Primus quidem Mielecius Korcinenſis Caſtreſia iudicia ſub regio nomine adminiſtrare cœperat, ea cum hominis & autoritate pleriq; moverentur, quiete adminiſtrata, terreſtria autem cum Cracoviienſia, tum reliqua per regnum fruſtra nonnullis opponentibus, omnia fere turbata. Ad Sendomiriienſia terreſtria, Stanislaus Oſſovius Referendarius Sendomiriæ, tumultus ejus ſedandi cauſa miſſus, vix non violatus fuit. Interim cum mors Regis Galliarum vix non certa in expectatione jam eſſet, Principes Galli, ſigillatim ſe ſubducentes, comœtatum cum apud Auſtriacos, tum per Italiam Regi procurant. Cum poſtea xxx. Maij non procul Lutetia mortuus Rex Galliarum fuiſſet, primus Dudicius legatus Cæſareus qui in aula apud illum verſabatur, decimo quarto Junij certum ejus rei nuntium detuliſſe ad Regem dicitur; quo accepto Senatum mox habet. Omnibus comitia ſuadentibus, aſſentiri ſe ſimulat: & quo rectius quæ agitare perſiceret, literas gubernationis, quibus regnum Galliarum matri interim commendaret, in Senatu exhibet. Eadem deinde ſimulatione, ad hortos, qui in Vivario ſunt, Reginula Anna invitata, ſolenni apparatu convivium inſtruit, quo inter cantus, choreasque in multam noctem producto, Regina aluſq; matronis, quas una cum canitabat dimiſſis, tandem circa horam tum noctis, quæ decimam octavam Junij ſecuta fuit, ex arce Cracoviienſe, cum paucis Gallis conſcius quam ſecretiſſime diſcedit. Cubiculi præfectura etſi Joanne Thencinio Caſtellano Voinicenſi jam data erat, penes Gallos tamen cura adminiſtratioq; ejus adhuc erat: cum aulæ conſtitutionem, cum ipſum Thencinium, tum rem totam de die in diem Rege differente. Itaq; quod cuſtode, præterquam conſcius Gallis, omni remoto, non difficile ei fuit, cælatis etiam pueris, noctu per culinam, & minorem portulam arcis, omnibus rebus ad iter ſecretiſſime prius præparatis inſtructisq; ad Viſtulam pervenit. Inde equa Turcica, quam

celerrime ad fines Sileſiæ progreditur, & quamvis noctu aliquantum aberraviſſet, omnes tamen prævertit. In menſa ad diverſos Senatores literas ſcriptas reliquerat, quibus neceſſitate diſceſſus demonſtrata, reditus ſpem faciebat, regnumq; interim illis commendabat. Res per Dominicum Alamannum Florentinum, quem culinæ magiſtrum fecerat primum animadvertiſſa, ad Thencinium deſertur, Tumultus inde nocturnus, non ſecus ac ſi hoſtis ad muros eſſet, cum in urbe tum in arce ortus. Zborovius Palatinus, cum tacitus per urbem currit, arcem utiq; ſalvæ clamat. Irrumpitur inde à primoribus qui concurrebant in cubiculum pueri interrogati, quicquam ſe ſcire negant, poſtea ad domum reſcunt. Mox ut quis ſe velex primoribus, vel aulicis promptiſſimis perſequi eum inſtituunt. Et ex iis qui cum autoritate aliqua eſſent, primus Thencinius, Piſſenam Auſtriacæ ditionis jam ingreſſum adipiſcitur. Verum cum neq; precibus neque hortationibus ullum locum daret, infecta re revertitur. Rex autem per Viam, Veneriasq; & Italiam in Galliam pervenit exquiſitiſſimis honoribus, cum à Cæſare, tum Venetis, aliſq; nonnullis Italiarum Principibus, exceptus, cultusq; A Pontifice ex Cardinalibus nepos honoris cauſa ad eum miſſus. Venetis cum alijs Principes aliquotum maxime Ferrariæ Dux præſto ei eſſet. Qui ex Gallis atq; Helvetiſ omnium rerum inſicj, deſerti, reliq; fuerant, magna in conſternatione erant. Opera tamen infantis, humane dimittuntur. Suppellex regia in argento, maxime autem tapetis precioliſſimi operis, aliſq; nonnullis rebus erat, vix non prædæ ceſſit. Tapete quidem, cum unicornu quod à Lauſis Auguſto Regi in ſummam centum millium creditum fuerat, à Voinicenſe tanquam cubiculi præſetto occupati, neque poſtea repetenti per legatos Henrico, ſtipendij, ſeu donativi promiſſi obtentu, non ſine infamia publica non redditi.



REIN-

# REINHOLDI HEIDENSTEINII SECRETARII REGII

Rerum Polonicarum ab exceſſu Sigism. Auguſti.

## LIBER II.

**D**ilectus Henrici, ut diverſos animorum motus, ita reipub. perturbationem atque ex ea metum, eundem omnibus fere attulit. Quemadmodum enim qui diverſarum partium fuerant, diſceſſu ejus recreati quodammodo videbantur; ita qui eligendi ejus autores fuerant, maxime mœrere: neq; tam ipſo diſceſſu ejus, quam quod & ſetna ſpes, ſcripti aliorum opinionem teſellit viderentur, quod autem Regnum non ſolum omni præſidio deſtitutū, verum in incerto etiam ſtatu relictū videbatur, in communi maximoq; metu omnes eſſe. Quod vero omnibus temporibus accidere ſolet, ut adverſi rerum exitus maxime hominū ſtudia, ut in quosq; animati ſint nudare ſoleāt, idem tum quoq; accidere. Præcipuus Galli eligendi autor quod autem maxime hominū animos commovebat, non gratuitus Petrus Zborovius Palatinus Cracoviienſis habebatur. Iſa Mielecio, qui quemadmodum & cæteri divitiarum partium, clarus magnusq; haberi, & cum forte Korcizino Cracoviam accuriſſet, videntibus omnibus concipiſ, nec minore invidia Episcopopus Cujavienſis Karnkovius eſſe, ut à Joanne Miſkovio equite, non modo convicio publice laceſſeretur, verum equus etiam cui infidebat per contumeliam ei vulneretur. Ne Zamoſcius quidem extra invidiam eſſe, maxime ob ſuſpicionem oblatæ ab Henrico præfecturæ Kniſſinenſis. Quod enim conditiones ejus, qua de inauguratione Henrici, non exacto prius in omnes conditiones juramento ejus, tranſactum fuerat, ipſe imprimis autor fuiſſet, cum in alijs conventibus nonnullis, tum maxime in nobilitatis Ruſſiæ Leopoliienſis, ab iſis maxime, à quibus in electione ipſe diſſenſerat, varie exagitat⁹ fuit. Mox enim poſt diſceſſum fere Henrici, in plebisq; Palatinatibus conventus habitus. Inter quos in Proſſovienſe quidem conventu nobilitatis Cracoviienſis, tanta omnium invidia in Zborovium Palatinum Cracoviienſem exaſerat, ut vel ſororis ejus filius Stadnicus, ſtriſto enſe ipſe necem publicè ei minari

non dubitaret. Sendomiriienſis & Lublinenſis nobilitatisq; conventus, Autore Andrea Firleo Præſetto Sendomiriienſi valde tum grato, in Solice habitus, Judiciorum quæ ſub tribunali nomine poſtea inſtituti fuerunt initium exemplumq; alijs etiam municipiis præbuit. Quorum cum Andreas Zborovius ob Henricana tempora nobilitati inviſus, ipſe etiam adjutor fuiſſet, nobilitatem alioquin maxime in ſe concitatam, hac re capratam aliquo modo placaverat. In iſto motu animorum communique periculo, cum Cracoviienſibus maxime, aliſque regni Senatoribus, ſe communicata, Warſaviam Conventum Archiepiſcopus indicit. Interim res variz in regno turbati, multa que violenter etiam fieri.

In Ruſſia Starzeckovij Drohibicenſem præfecturam, ſummæ Samborienſis, partem quandam ſibi non ſolutam præſtendentes, vi occupant. Uchanſcius Krasnoſtavum, quod Joannes Mnitek tenebat. Preſficius Sacaukam, ob coronationem Uchanſcio datam; Zabiellam prædium Kniſſinenſe, Stephanus Bielavius: in Lithuania Nicolaus Dorostaiſky Sreſſiovum armata vi ingreditur. Miles vero Ruſſicus, ſtipendiorum emeritorum obtentu, præfecturas aliquas Ruſſicas ipſe etiam invadit. Qua re inſtigante præſertim in militem, ducemq; militiæ Campeſtris Jaſloviectium Palatinum Ruſſiæ, Mielecio, nobilitas maxime commota, Duces Nicolaum Herburtum, & Stanislaum Landſkoronſcium ſibi deligit; quorum ductu & fines defenderent, & militum injurias propulſarent. Interim cōvocationis dies adeſſe. Primo in ea ſive controverſia, ſive dubitatio mota, Regem ne adhuc, an interregnum habere mus, cum utraq; ſententia ſuos autores, eosque primæ autoritatis haberet. Archiepiſcopus in diverſorio fere ſe continens, poteſtatem in publico ſui nullam faciebat, Episcopopus Cujavienſis à plerisq; exagitatus, diſcedit. Quo melius ab univerſis ordinibus, tota de re ſtatuſſet, terti utrinq; conſtituti, quorū alteri Regis abſentis cauſam agerent, alteri cōtra Regem dicerent. A Rege Chriſtophorus

F.

War-



Warsavicius maxime dicebat: Interregnum Zbonscius imprimis assererat; eo usque ut ad iurgium cum Warsavicio descenderet, qui cum à Zborovius iuvaretur, Zbonscius ad probationem se offerre. Decretum tandem in Mielesij Podoliz Palatini sententiam, sit: Legati ut mittantur: certaque dies præfiniatur, intra quam nisi veniat, pro abdicatione habeatur, diesque extrema adventui ejus præstituta consequens novæ Regis Electioni initium præberet.

Legati Hieronymus Rozdrzenius, Secretarius tum major, & Joannes Thomas Drojevius designati. Dies ad mensem Majum ei prorogata, intra quam nisi veniret, alio edicto non expectato ad novum Regem eligendum Stenzicam omnes convenirent. Interim sub pœna infamiz, nemo quicquam ab eo vel peteret, vel acciperet, neque quicquam datum ratum validumve esset. Quæ omnia frequentissimo conventu, Lithuanis tamen & Prussis fere absentibus, juramento, fide, honore, aliisque vinculis, & pœnis fœderum solennibus sancita. Eodem in conventu, in stipendiis militum, quarta decreta. Verum minus cum ea sufficeret, Præfecti in quorum præfecturas per vim milites ingressi fuerant, quo eas à tenentibus illis recuperarent, certo pretio quod pacti fuerant, in reliqua stipendia numerato, militarium summarum initium & causam præbuerunt. Infantiploranti, instantique omnibusque orbitatem ejus miserantibus, in alimenta bina millia menstrua, præfecturarum inde aliquot redditus, Warsaviensis maxime, Lomzenis, Tikocinensis, Vilnenis, Bilsensis, assignati. Jurisdictione tamen Warsaviensis nobilitatis, morte Sigismundi Volscij præfecti vacans, Nicolao Volscio fratris ejus filio interim commissa, judiciorum ratio in violentos constituta, visque in posterum prohibita; Convocationem mox per omnes fere Palatinatus, Conventus subsecuti, in quibus quæ Warsaviz acta essent, nobilitati renunciarentur, judicia in prioribus Conventibus à nobilitate constituta ipsi etiam confirmant. Dum hæc omnium rerum partim incertitudo, partim expectatio Poloniam teneret, partim in Valachia etiam res tentatz, partim à Tartaro irruptio facta. Sub ipsum fere discessum Regis, Iwoniam qui Bogdano suffectus fuerat, cum à Turcis copias contra se mitti cognovisset, Danubium versus obviam illis progreditur, viribus impar à suisque desertus, prælio victus capitur, camelisque alligatus disceperitur.

Uxor Choroskovam ad Strussios confugit, postea per Czausium repetita deditur. Iwoniz Petrus ex ulterioris Valachiz Principum stirpe præficitur. A Tartaro sub ipsum comitionum tempus legatus ad Henricum missus fuerat. Orbem, seu ut ipsi vocabant viduum hætenus regnum oppugnasse se noluisse: nunc cum Rex creatus

esset, amicitiam secum colere eum debere, consuetaque munera, quæ aliquot annorum repetebat sibi mitteret: quod si faceret eum se consensurum, idem ipse faceret. Retento legato, cum interim Rex discessisset, frater Czarij Machometis Chereij cum exercitu sub ipsum tempus convocationis Warsaviensis, incursionem in regnum facit. Dux Ostrogus Palatinus Kyovienis, & Jasloviecius aliquos milites habebant: cum propter æmulationes, quæ inter eos erant, in tempore se non conjunxissent, Turcarum finibus evastatis, Backolam per Nicstrum in Valachiam evasit, unum tamen agmen ad Mikascinum Jasloviecius adeptus, concidit. Legati nostri cum in Gallia Regem convenissent, spes redditus iis facta. Verum jam ante ad ipsam convocationem à Ferrariense Duce, qui Regnum ambiret, legatus à recente cum Rege congressu missus, desperati quasi redditus regij præjudicium hominibus faciebat, Ferrariensis tamen cum etiam post convocationem in regno nihilominus postea haberet, ad quoscunque aditum modo habere poterat, principis sui nomine sollicitabat: maxime in iis Zborovios. Verum quod & Reginz Bonæ memoriæ, & proximum Gallorum imperium invisa fere hominibus essent, etsi non rejiceretur, negotium tamen ejus nullus suscipere ausus. Consilio igitur à Zborovio Cracoviense, Jasloviecio Russiz Palatinis, Gorkano, Andrea Firleo Sendomiriensi Præfecto, aliisque nonnullis, initio ad Rosenbergium, Christophorus Zborovius clam mittitur, qui regni spe ei injecta, animum ejus exploraret.

Interim ad diem præstitutam Rege non reverso, ex vi sanctionis Warsaviensis, Stenzicam frequens utriusque genus, tam Senatus quam equester ordo convenit. Omnes ij in tres fere partes divisi erant. Firmissima Austriacorum erant. Piasio enim superiore electione fere expulso, inque contemptum apud homines adducto, Longinqui autem imperij incommodis Henrici discessu nudatis, Austriacum, qui quod finitimus esset, non multum domestico abesse videbatur, plerique spectabant.

Clerus imprimis omnis: tum ex reliquo Senatu & nobilitate non pauci: imprimis Palatinus Podoliz, qui à convocatione palam, studere jam Austriacis in animum induxerat. Lithuania deinde omnis, neque solum autoritate ac numero partes præstabant, verum etiam viribus: comitatus enim instructos & armatos plerique habebant. Secundæ ab illis Gallicæ partes erant, eorum, qui vel ex literis regiis, vel voto suo spem aliquam redditus regij adhuc habebant, quorum Princeps Archiepiscopus: aula itidem universa: tertiz eorum erant, qui non tam Gallo studebant, quam Austriacis averisarentur: & quibus cum candidatus cer-

certum nullum haberent, unum id, ut Austriacum impedirent, propositum erat. In iis magna pars equestris ordinis esse, ut qui ab Austriacorum Principum Imperio semper fere abhorrent, quorum facile capita tum erant, Stanislaus Gorkanus, qui Palatinus postea fuit Polnaniensis, Nicolaus Firleus Sendomiriensis, & Joannes Zamoiscius Belzenis tum præfecti, quos & reliquæ nobilitatis, maxime autem Russiz magna pars sequebatur. Verum iis ex Senatu etiam aliqui se conjunxerant.

Imprimis Petrus Zborovius Palatinus Cracoviensis, qui cum maxima invidia Henrici imperij, cujus ipse & sequester & moderator fuisse existimabatur, Judicijque fraterni, largitionumque ab Henrico in eum tactarum flagraret, quo eam minueret, partim dabat se equestri ordini, partim ne eam augetet, resistere ei non audebat. Præter hunc vero Joannes Tarlo etiam Lublinensis, Andreas Thencinius Belzenis Palatinus. Conventu ad Stezicam die XXII. Maij Anno salutis humanæ, MDLXXV. In primo mox consensu ante omnia conventus præteriti Warsaviensis scita, literæ itidem ad Regem ex conventu eo datæ, sanctioque ejus lecta. Inde legationes renunciata: Imprimis Gallica, Drojevius nostrorum quorundam operatione & legationi suæ in Gallia fidem non adhibitam, & consilia nostra prodita significabat. Frequenti cum Senatu, tum maxime equestris ordinis flagitatione autorem nominare jussus, cum paratum se esse ostendisset. Si prius pœna in eum tanta statueretur, ut fieri plerumque amat, & impetus populi, & una eum eo res ipsa tempore discussa fuit.

Ad primum consensum Lithuani ipsi non adfuere: Legatos misere: Sanctioni Warsaviensi cum non interfuissent, minime etiam subiectos se esse velle testantur: ad Electionem tamen una accessuros, si Regnum legitime prius Henrico abrogetur. Pro Duce Slucense petebant, ut locus in Senatu ei assignaretur. Disceptatum inde Electionis ne comitia ista habenda essent contestimque ne administrari ea posset. Cum à plerisque vel hodie, ad eum accedi posse, acclamatum esset, à nonnullis cum minis vox ea excepta fuit. Sententiis tamen nonnullis variantibus, majoris partis sententia obtinuit electionis comitia esse, cumque scriptæ Lithuanis id postulantis in eam sententiam respondendum esset, quereretur: plerique in eo convenire, ut cum satis sanctione Warsaviense de eo cautum sit, ridiculum fore sanctionem eam alia sanctione munire; quin potius quemadmodum ipsi verbo quæsisissent, ita illis verbo responderetur: ipsique potius profiterentur, an penes sanctionem Warsaviensem stare vellent; cui eum sub juramento & honore omnes devincti essent, etiam concordiz causa eam tuendam. Postulatum igitur ab illis, ut concordiz & ipsi studere, & aliis autores esse vellent: de loco

Ducis Slucensis responsum: ipse Dux veniret: jura sua proferret: libenter cum ordinibus Lithuanicis de eo communicaturos. Ab Archiepiscopo simul literæ regiz probata, publicæque lectæ. Pecuniam legatosque mittere: literæ itidem Prussicæ Regem expectaturos se ostendentes, legatosque suos in Galliam missos, à Polonicis neglectos querentes. Actum inter hæc de ordine sive legibus conventus: maxime quidem ut miles externus omnis, tormentaque instrumentumque bellum omne sub pœna perduellionis amoverentur, aliæque ejusdem generis capita pluraque, ad normam pœnasque præteritæ electionis Warsaviensis revocata, Mariscalcorumque itidem potestati permissa.

De majore Mariscalco Regni motum ipse ne etiam Germanum peditem dimittere deberet, aliis ut in eorum locum Polonicum pediatum substitueret, consentibus, aliis permittentibus quidem, sed ut loco sclopetorum ad dirimendas rixas bardas præferrent, ea conditione retinere eos permisos, ne in exemplum res traheretur. Leges ex communi sententia à Mariscalco conscriptæ, publicè exhibitæ, omnium fere consensu receptæ fuerunt, ita tamen ut ad Lithuanorum congressum tota res sustineretur. Qui cum cessarent, bini ex Senatu, bini ex equestri ordine ad eos missi, qui ne sanctioni Warsaviensi communi concordiz se subtraherent; eos hortarentur: Sanctioni Warsaviensi nullo modo subiectos se esse velle, ad Electionem tantum venturos, scripto respondent. Simul quas ad conventum Warsaviensem miserant literæ lectæ, à præfecto autem Samogitiz, eodemque Mariscalco Lithuaniz Chorkievicio, in legibus etiam quæ à Mariscalco conscriptæ essent, non pauca quæ contra se facerent esse demonstratum.

De sanctione Warsaviense responsum, ne ipsos quidem eam vituperare, aut noxiam esse ostendere posse. Itaque nisi veniant ad electionem etiam illis absentibus; ad proximum diem Veneris, accessum illis denunciatur. De legibus frustra eos queri, cum in ipsorum congressum tota res integra sustineatur. Postulatæ per eos dies Turcicæ, etiam & Valachicæ legationis rationes à Jarnovio fuerat: Quod literæ quas haberet Lithuanis etiam inscriptæ essent, & adventus eorum expectaretur postulabat. Diutius jam illis in sententia moræ suæ perseverantibus renunciare jussus, tam à Valacho, quam fratre ejus Moldavo amicitiam offerebat: condiciones quas nomine Regni illis tulisset omnes accepisse; præter unam, ne perditiones suas transiitum in Poloniam hosti permitterent: de ea cum Basia Turcicoque imperio agendum. In Turcica legatione quas difficultates habuisset qui cum Bassi sermones: quæ de nobis consilia, quam intentos in nos Turcæ oculos haberet, quamquam omnem contra nos occasionem captaret ostendebat. A Basia verbo sibi responsum



pacem cum Cæsare meo habebitis, si & curæ vobis erit, & tueri eam seiveritis, & eum quem Cæsar meus vobis commendaverit Regem elegeritis. Maxime vero ne vel Moscum vel Austriacum, vel alium quempiam ex hostibus ejus Regem crearent significasse, sed vel ex corpore aliquem suo, vel Transilvaniae Palatinum, vel Regem Sueciae: ad quem literas etiam sibi dedisset, quas Senatus reddidit: addidisse secus si fieret, mentione omni foederis sublata mox, equum contra nos consensurum. Eadem literæ, quas cum ab ipso Principe Turcarum & Machomete Bassa ad Senatum, tum ab eodem Bassa ad Mielecium Podoliz Palatinum habebat, idem significabant: in literis hoc etiam amplius, duo in finibus regni, quo firmior, ut ipse præ se ferebat pax esset, castra excitare se cogitare. Suspectiora omnia faciebat, quod cum neque ab Hispano bellum ullum eo tempore expectaret: cum Cæsare autem & Venetis induciæ illis essent, per omne tamen imperium ejus, ut ad edictum viritum parati essent, mandatum esse diceret. Mielecius qui, ut supra ostensum est, totus Austriacus erat, neminis Turcicis moverentur Senatum monebat: à primario Vasallo Turcico se monitum; qui è re nostra maxime esset, Regem sibi deligerent; quod si consentientes nos visurus esset, nihil Turcam in nos moturum. Subinde Sueticus legatus auditus. De amicitia Regis sui omnibus tam æquis quam iniquis temporibus erga nos constante, de regno hoc solitudinem ejus testificatus, ut familiæ Jagellonicæ ratio haberetur æquum censebat, debitum inde trecentorum millium florenorum repetebat. Trium Poloniae infantium hereditatem, executionemque testamenti Sigismundi Augusti Regis. Nam & à Ducissa Brunsvicensi, in eandem rem Senatu literas reddebat: potestatem illis eidem oratori omnium quæ ad se pertinerent, exigendorum, nomineque perceptorum liberandi dabat. Ad extremum decellum defuncti Regis, Regem suum dolere, conditionemque rerum ipsius miserari ostendebat: quod si tamen novi Regis electio procederet de voluntate regis sui admonitos eos velle præferebat. Infans per præfectum curiæ de nobilitate Varlavienſe, maxime autem Enſifero tum præfectis nonnullis querebatur, jusque sibi de iis dici postulabat, quod partim prædianonnulla sua, maxime Jezori occupallent, partim minus honorifice eam tractarent, dictoque audientes illi esse nollent, vel etiam proventus debitos inferre: aurum geminæque, mundusque alius qui apud magnum procuratorem essent, ut sibi traderentur postulabat. Ad querelas eas à Varlavienſe nobilitate aliæ querelæ relatæ, absolute eam dominari sibi velle. Jezorienſia bona cum perpetuo adjurisdictionem Varlavienſem pertinuiſſent, recte ſurrogatori à ſe attributa: in honorifice aliquid contra eam

à ſe actum negare: Mundi mentione facta, Joannes Duſſicius Caſtellanus Culmenſis, qui una cum aliis ad res inſpiciendas Tikocinum miſſus fuerat, quo in ſtatu eas reperit renunciat. Penes infantem legatus Ducis Pruſſiæ à Principe ſuo literas reddit, quibus locum in Senatu urget, ſimul pro infante intercedit. Itidem à Curlandiæ Duce periculum regionum earum denuncianteſ literæ redditæ. Maximo cum tædio, & vix non convitio omnium electio ducebatur. Res tota in eo verſabatur, quod qui Auſtriacarum partium erant, ut Lithuani fere univerſi, Senatus vero regni pars maxima, ex nobilitate etiam non pauci, ut priusquam ad electionem accederetur, regnum legitime prius Henrico abrogaretur, urgebant. Quin novus Rex rite eligi poſſet, cum ex ſanctione Varlavienſe, tum de à Rege non ſervato, nemini dubium erat. Sed ea à Principe ſuo Cæſarei legati mandata habebant, alter quam publice prius Henrico abrogatum, communique conſenſu ad ſe delatum ne regnum ſuo nomine acciperent: partiumque cum regno Poloniae reſpectu, quorum capite quodam diſerte caveretur, ne alter ad ulterius regna aſpiret, an Gallicæ amicitia, incertum.

Verum eadem res cum ad adverſarios etiam, qui vel Gallicarum partium, vel Auſtracis contrarij erant emanaret, de eo poſſimum ſumma contentione utrinque actum: omnibus quidem electionem poſtulantibus, verum aliis nonniſi abrogatione præmiſſa accedere ad eam volentibus aliis & ſupervacuum eſſe, & novatione ea ſanctionem ipſam Varlavienſem in dubium vocari contendentibus. Qui abrogationem urgebant, inter quos præter Lithuanos, maxime Mielecius, Oſſolenius Caſtellanus Sendomiriensis & plerique alij erant; contemptum noſtri apud Regem, qui tam facile nos reliquiſſet, ac pro dereliſtis ſere haberet, exaggerare: adventum ejus cum fruſtra expectatum iri, tum ut nunc tempora eſſent non ſine periculo: abrogatio autem niſi permitteretur, verendum ut vir bonus regnum, quod certo vacare non conſtaret, accipere vellet. In imperio quidem Germanico ſimili ex cauſa comitem Swarcenburgenſem olim id reſuſſe ſatis conſtare, ne ipſis quidem nobis regi imperio prius legitime non abrogato ad novi Regis electionem accedere integrum eſſe. Cum hujusmodi quidem Principe negotium eſſe, qui jam à majoribus ſuis & per orbem potens, clarusque & de repub. chriſtiana optime meritus eſſet: Verum ubi de ſalute, univerſæ reipub. patriæque ageretur, huc alia omnia poſtponenda, cum legibus præſertim noſtris ex communi omnium conſenſu, vel præſentem Principem indiſto conventu deponere primas poſſet, quanto magis abſentem, qui pro dereliſtis quaſi nos haberet, nec in perpetuum unquam viſurus eſſet. Oſſolenius hoc ampli-

amplius addere, etiam ſi non diſceſſiſſet, jam ſex ad eum legatos, inter quos ipſe etiam fuerit, deſtinatos fuiſſe, qui niſi conditionibus ab eo ſemel acceptis promiſſisque ſuis ſatisfaceret, ex lege electionis obedientiam ei renunciarent.

In eo omnes fere convenire, ne vel degradationis, vel abrogationis, aut aliquo non ſatis honorifico Principi titulo, ſed vel ſignificatorio, vel manifeſti, vel quocunque minus contumelioſo nomine, publicatio ea appellaretur; Contentionem jam ante ſtudio partium ſatis accenſam, magis etiam Eſpeſani miniſtri Regis Galliæ adventus incendit. Hic diplomate à Duce Wirtembergenſe exhibitum, quo Bibracum à Gallis nonnullis in itinere ſpoliatum, captumque, ideoque in tempore ad eſſe non poſuiſſe fidem faciebat, ſeipſum & alios duos equeſtris ordinis, quos ſecum habebat, fidei cauſa obſides offerens, univerſos ordines per DEUM per eorum Reges benevolentiam, majoribus eorum ſemper uſitatum obteſtatur, ne quid in Regem ſuum innoxium indiſta cauſa ſtatuerent: potius conſilia ſua tempore maturari quam præcipitatione in periculum aliquod agi paterentur: haberent rationem non ſui, ſed Regis, neque tam Regis quam reipublicæ Regem nos & noſtra non negligere: hæc & alia plura quæ noſtra referrent, oratores ipſos expoſituros eſſe: inter cætera per quos ſteriſſet quo minus rex ad dictam diem Maij ſeſſileret, cur conditiones non confirmaret, & ſimilia. Conſiderationem Varlavienſem, non ejus omnino momenti eſſe ut nos ſana conſilia pro regni ſtatu & occasione ſequi impedire debeant, præſertim cum Varlavienſis ille conventus, nec ex autoritate regia adminiſtratus fuerit, nec ex communi conſenſu omnium aſſenſi ei non ſint. Præterea nos diem & regi præſigniviſſe, non ut eum abſtereremus, ſed ut vocaromus, impoſſibile tamen Regi fuiſſe: nam ab eo tempore quo legatos noſtros & Lithuanorum audivit, vix ipſi duorum menſium ſpaciū dabatur, ad inaugurationem regni Galliæ, ad ſalvum conductum à Germanis petendum, & impetrandum, ad Galliam univerſam pacandam, ad ea denique omnia quæ tam longo itinere neceſſaria erat, comparanda & expedienda. Niſi vero id velimus, quem admodum hinc, ita ex Galliæ repentinus evolare, atque ita utrumque regnum in diſcrimen conjiceret. Hæc & alia nos multo uberiora ex legatis regiis propediem cognituros: pecunia qua ſolvantur ſtipendia militibus & aulicis à legatis ferri. Acceſſere huc Aulici, qui & literis regis, & ab ipſo Eſpeſio ut in fide manerent admonerentur.

Duces eorum Thencinius Caſtellanus Voienſis, tanquam cubiculi præfectus, tum ex literis quibusdam regis, Jacobus Czecignievius, aulicæ militiæ præfectus ſe gerebant, qui in Senatu progreſſi, de officio ſuo Senatu

conſulant: Priusquàm ab eo cui jurejurando fideque aſtricti eſſent, religione fideque, quam dextris ei dediffent, vel ſaltem legatis ejus ſolverentur, alium Regem agnoſcant, licere ſibi dubitare. Marſalci utriusque gentis, quod ſe præteritis, per quos aditum ad Senatum parare ſibi debuiffent, in Senatum veniffent, graviter ferre: de Czecignievio, quod in alienum munus ſe ingereret queri. Illi præfati conſiderationi Varlavienſi, ulla in re contravenire in animo ſe non habere, alieni magiſtratus partes ſe non uſurpare oſtendunt: Sed cum Marſalcus, qui autores ejus rei, vel maxime ſibi eſſe debuiffent, negligere eam animadverterent, ipſos ſibi de eſſe non poſuiſſe, quin de juramento, fideque ſua, ſoliciti eſſent, curamque ejus haberet. Poſtulat eorum non iniqua plerisque videri: agi enim de juramento, fideque regi ab illis data. Alij tamen ut ſi quis miniſterium regium perſequi vellet, ut ſine offentione publica integrum ei eſſet, cenſere: alij æque omnes Senatores juratos Regi eſſe diſputare, cum Varlavienſe tamen ſanctione, tum conditione ab ipſo Rege accepta, quaſi quid contra juramentum maxime à Senatu admonitus amiſiſſet, juramento ultro eos liberaret, imprimis poſt Varlavienſem ad eum legationem eo abſolutos, cum præſertim non tantum Galliæ Regi qui nunc eſſet, ſed tanquam Poloniae omnes fidem dediffent, quo regno ipſe quaſi ultro ſe abdicaret.

Itaque ne à Varlavienſe ſanctione ſe ſejungerent admoniti. Quod ſi id ab illis ſpectaretur, ut à quo ſtipendia præmiaque præſultorum miniſteriorum expectanda ſibi eſſe ſcirent, cum Marſalco ea de re deliberandum. Simul leges conditionesque quæ ad modum, ordinemve electionis pertinerent, varie iterum jaſtabantur, primum inter Senatum & nobilitatem poſtulantibus plerisque maxime Andrea Thencinio Belzenſe Palatino, ut juratus quisque Regem eligeret, alij contra diſputare: liberam virtutem fidemque eſſe debere. Si quis juramento eam aſtringeret, exiſtimaturos homines, niſi juratos bonos eſſe non poſſe qui malus ſit, juratum meliorem non futurum ſceleratumque æque injuriatum, atque juratum à DEO puniri, juramenta non vulganda. Inter alios qui juramentum admittebant, nemo promptius Zborovio Palatino Cracoviienſe id amplectebatur: cum nolle ſe amplius præjudicato animo Regem eligere diceret: Semel ejus rei periculum, non ſine ſuo periculo feciſſe. Præter hæc Senatus modum electionis prioris nonniſi corrigendum, ad easque ad libertatem juraque publica pertinerent, recognoſcenda, nonnullaque addenda, in eamque rem deputandos aliquos conſebat. Equeſter ordo & ſi de eſſe nonniſi priori modo agnoſceret, cum tamen ad eam rationem ſervandam ex Varlavienſe ediſto jam conveniſſent, fruſtra jam id tentari. Libertatem nulla auctione, aut emendatione opus habere, præ-



nes priorem confederationem se stare : quæque in universum ad rempubl. condiciones pertinerent, plerasque jam conscriptas : quæ ad Regem ipsum futurum, eas ex electi persona concipiendas.

Pacem Senatus ad superioris electionis exemplum sanciebat, equester ordo id amplius addere, ut non modo locis consilij publici, sed intra stativa etiam, duasque septimanas post electionem, sub eadem sanctione ubique observaretur. Ne aliter quam prædij finium, modoque defensionis certo constituto discederetur, inter omnes convenire. Culmensis Castellanus Joannes Dulcius, in sententia sua mentionem fecerat, questos in proximo conventu Lassinenſe ordines Prussiarum, frequenter se ab ordinibus regni negligi, & ne ad hunc quidem conventum legitime vocatos fuisse : cujus rei injuria plerosque, qui alioquin venturi fuissent, domi retinuerit : de eo etiam querere, quam recte ordineque ad conventum hunc à Gallia Rex vocatus fuerit. Senatus igitur electionem Prussis denunciandam censere, equester ordo electo jam Rege ipsam electionem. Suffragia si diversa essent, Senatus ponderanda, equester ordo sorte dirimenda statuere. Legati externi ut ante nominationem omnes audirentur. Mielecius duas præterea res suadere, unam Electionis quæ posteritatem obligaret, in perpetuumque observaretur : alteram judiciorum generalium formam : utriusque constituendæ, interregni opportunissimum tempus esse. Verum earum hæc non multo post, sub ipsum Stephanani regni initium exitum reperit : altera magno reipub. bono sæpe tentata, privatis nonnullorum studis & ambitione, ad hoc usque tempus discutita adhuc fuit. Cætera quæ ad modum conveniendi, disciplinamque familiarumque pertineret, quemadmodum supra ostensum est, superioris electionis exemplo, Marſalcorum ministrorumque eorum potestati permissa.

Eadem cum Lithuanis etiam postea communicata, atque ab utriusque gentis delegatis examinata, cum iterum in Senatu lecta recognitaque fuissent, jam de plerisque fere conveniebat, sola intentio, de decreto abrogationis electionem morabatur. Vicit tandem majoris partis sententia. Archiepiscopus iustus imperium illi abrogare, resulat. Cracoviensis Episcopus Crasinskius, cum rem suscepisset, jamque ornatum Pontificalem sumeret, interpellatus deterretur. Inter alios Joannes Lascius, structor Belzentis, stricto publice in comitio gladio Austriacæ factioni minatur : factum id acclamationes rotius fere nobilitatis probarunt. Abrogationem nullo vel audente, vel volente suscipere, electio tamen ad diem XXVI. Maii per præconem à Marſalco publicatur. Improbatus præco à Palatino Cracoviense. Marſalcus cum superioris electionis exemplo factum defendere, cum non

imperium promulgatione ea Regi à se abrogatum, sed ex sanctionis Varſaviensis vi, electionem pronunciandam esse. Etsi electio autem à Marſalco promulgata jam esset, nihil tamen adhuc procedere. Nam & qui Gallicarum partium, inter quos Princeps Archiepiscopus erat, & qui Austriacis adversabantur, obstabant, & maxime cum Lithuanis convenire non poterat : qui ad electionem quidem paratos se ostendebant. Varſaviensis autem sanctione, quæ absentibus se rogata esset, nullo modo teneri se velle : instantissime vero abrogationis decretum urgebant. Inter hæc Espeſius nuncius Gallicus, cum ad priora postulata sua responsum petebat, tum novum addebat, ut quæcumque de Rege constituerentur, in acta publica inferrentur. Dum res ita ducitur, utraq; factio, tam eorum qui Gallo studebant, quam qui Austriacum aversebantur, inter quos è Senatu Zborovius Cracoviensis Tarlo Lublinensis, Andreas Thencinius Belzentis Palatini, ex nobilitate autem primarii non pauci, Russica autem nobilitas tere omnis, consiliis viribusque inter se communicatis, ad veteris cujusdam castris, Seczechovæ ruinas secessere. Locus consilij publici pergula spatiosissima ut æstate, ex materia frondibusque subitatio opere excitata folijsque propterea circumdata erat. Qui locus cum electioni consiliisque publicis publico omnium consensu dicatus esset, quicquid extra eum susciperetur, minus tunc præterque jus fieri alij interpretabantur. Ad eos igitur qui secesserant Episcopus Cracoviensis arbitrio concordie privarim suscepto, cum frustra apud eos laborasset, hæc tandem conditiones ad Senatum retulit. Lithuani ut sanctionem Varſaviensem acciperent : Decretum abrogationis urgerent, peditem, militemque omnem externum, tormenta aliudque instrumentum omne bellicum, ut ab omnibus ablegaretur : Austriacus ne nominaretur : ad extremum si hic convenire non possent, ut locus tempusque electioni aliud assignaretur. Inter alias vero discessus sui, quem denunciabant causas maxime expectationem incurſionis Tartaricæ etiam afferebant. Etenim publice per eosdem dies nuntij in Senatu lecti fuerant : quibus in procinctu Turcas esse perſcribebatur : & de Valacho satis constabat, mandatum ei à Turca esse, ut eventum electionis, conventusve ejus quamprimum ei nuntiaret : nominatum vero Tartari, maxime viribus ad invadendum regnum parare se nuntiabantur.

Ex eo tempore omnia confuse perturbateque agi : Qui secesserant in sententia sua perſtare : cum neque numero, neque copiis, & comitatu, neque armis, si quid hæc agendum esset pares se tum Austriacis viderent, omnia tentare, ut infecta re discederetur. Itaque & Senatores suos maxime Leopoliensem & Sanocensem Castellanos denuntiationibus abducere ab aliis

ab aliis nitebantur, & non modo reliquam partem equestris ordinis, ut secum se conjungerent sollicitabant, sed famulitia etiam cum Senatorum, tum aliorum primariorum equestris ordinis, quæ ex nobilitate fere esse solent, ut in causa publica non herorum, sed reipublicæ libertatisque suæ memores essent appellabat. Non penes recta aut locum sed homines, jus auctoritatemque esse. Alia pars ad æqua omnia paratam se esse cum illis accedente, ostendere, modo in loco solenni, à quo honeste discedere non possent, consilia conferrent : in eandem sententiam à ministeriis etiam, quæ ex nobilitate essent illis responsum : non penes heros, sed causam justam suo loco se stare. Senatus reliquos universos secessionem eam deplorare : missitare ad illos : rogare ad locum legitimum, solennemque se cum convenirent : promittere brevi consensum futurum : omnes rationes concordie querere : maxime Lithuanos orare, ut concordie causa à decreto abrogationis urgendo desisterent, sanctionique Varſaviensi, ipsi etiam se subjicerent, exorati tandem Lithuani, ceteroquin in Austriacos propensi, hæc conditionibus assentiuntur. Imprimis loco, conventusque Stenzicentis tempore sanctio ea finiretur, in quo nisi electus interim Rex esset, amplius ea non tenerentur. Conditiones Kameneses ratas habituros in futuraque coronatione una ursuros promittunt. Denunciatum id alteri parti, spesque concordie facta, illi quod semel propositum illis erat, electionem inficere, ad Senatum aliquot ex suis missis ad electionem accessuros se negare : de ordinata conventus ejus solutione, alteriusque indictione deliberare se cum illis paratos esse. Objecta illis sanctio Varſaviensis, inter primos Mielecius, de cujus integritate etiam qui minus illi volebant, bene tamen omnes existimabant, ut officij erga rempub. sui, maxime autem fœderis Varſaviensis, cujus sub fide, & honore in se onus suscepissent, rationem haberent, obtestari : nominatim, ne decipisse ab iis putarentur, qui illos proderent : Sacrosanctæ confirmans esse quosdam, qui ne consilia rationesque suæ aliis paterent, soporem oculis illorum offunderent. Vilnensis vero Castellanus eo verbis provchi : ut qui Sanctioni Varſaviensi non ita obedit atque ego, non est tam bonus atque ego, diceret. Ad ea legati alterius partis cum responso missi, priorem sententiam confirmabant : ad invidiam vero iis, qui remanere faciendam, non solum ut integri Palatinatus, sed singuli, quot è quoque Palatinatu remanerent nomina profiterentur, postulare. A Palatino autem Podolice flagitare, ederet, quos caliginem offundere sibi significasset : non modo contra eos cum illis sensuros, sed ultro vindictam de iis sumpturos : quod tamen non procul ad ripam Vistulæ constitissent, difficulter objici soporem oculis suis posse.

Ad prius postulatam ab eis qui ex nobilitate in comitio remanebant, responsum, etiam sine indicibus, aut albis illorum, notum fore Poloniæ cui salus sua curæ fuisset. Mielecius quæ dixisset probare se paratum esse ostendit, si in eum locum, in quem jure deberent, omnes convenirent : Legatos, ut salutis publicæ curam haberent, ad eandemque eos etiam à quibus missi essent adducerent, hortari : ne electionem diutius differendo, patientiam divinam tentarent. Vix non in ipsis foribus hostem exitumque suum videntes, quæ à se in quosdam dicta fuissent, neque malo animo, & ædificationis reipub. causa dicta, quam affecturus non esset, si vel in paucitate ista, vel apud legatos ista proferret, ejus tamen Vaticanij sui meminissent, futura electione, si aliqua futura esset, non omnes sed paucos quosdam, & eos fortassis, qui jam ante præmeditatum, paratumque habuerint Regem electuros, hujusmodique eis Regem duros qui vel neque ipsos, neque nos nosset, vel ipsorum consilio omnia administraturus esset. Cujus orationem Ossohenius, Sandomirienſis Castellanus excipiens, esse quendam inter ipsos addere, qui quemadmodum superiore electione Placitum extensoris eliminaret, ita nunc abrogationem regni Henricanæ è pergula extricaturum se gloriari non dubitavit. Plurique autem quisnam modus ordinari discessus, quem expetere se ostenderent esse posset, querere. Quemadmodum in domo sine patrefamilias ordo nullus constare posset, ita in regno sine rege, Electionem in tempus certum prorogari eos velle. Præterquam quod Varſaviensis sanctione, quæ firmissimis vinculis astricta esset, nunc violata, omnium quæ in posterum unquam constitui possent, auctoritas vel tolleretur, vel tollendis certe fenestra aperiretur, quem præterea sponforem esse posse, facultatem ejus habituros, ac non vel hostem aliquem præoccupaturum quodque illi tibi comitiorum, hoc ipsum belli illis tempus præfiniturum ? Cum frustra omnia illis inculcarentur, tandem peditatus, militem, tormenta, vimque, ob quam libere electio administrari non posset, periculum etiam Tartaricum, ob eundemque non paucorum etiam ex nobilitate discessum causas, causas eas scripto comprehendunt : eadem ut in alium conventum res integra differatur, maxime ne abrogationis istius ceremonia adhiberetur, postulant : aliter si fiat, quicquid se & reliquo ordine equestre absente actum esset ratum non fore testantur, certos ex corpore suo delegant, qui partim aliorum qui remanerent consilia observent, partim si quid de ratione discessus & futura electione statuere velint, in medium cum illis consulant. Penes quos cum scriptum id reliquissent, Nicolaus Sienicius Succamerarius Chelmenſis in Senatum cum iis venit : discessus suorum eas quæ supra ostensæ sunt causas affert, scripto reddit : tanquam



tanquam à nobilitate delegatos denunciat fuisse. Eam autem ad rem delegatos significat, ut de ordinato discessu, & si quid ad eam rem pertineat, cum iis consultarent. Sanctionem Varlaviensem quæ obiciebatur ita interpretabatur, ut ad solum Regem pertinere eam dicerent, quasi solum id cautum ea esset, ne pro Rege amplius eam haberent, non vero etiam, ne ulterius differri electio posset. Ita conventu è manibus quasi elabente extortilegati, nonnulli auditi. Cæsarei legati, quod de certo interregno constare sibi non dicerent, legationem exponere se non posse per literas ostendunt, quin potius omnia felicia regno precari, ut Henrici Regis ratio habeatur, Principem suum velle testantur: quod si certum sibi esset, ad novam electionem accessum iri, in eum eventum non deesse, quæ ex mandatis Cæsaris cum illis agerent. Apud Marsalcum de Stanislai Zolkievij Russi nobilis Palatini postea Belzensis costumelii, verborumque injuriis queruntur; quibus cum diversorum eorum transisset, jus gentium in se violasset. Andreæ Dudicio aliquot annorum legato Cæsareo, qui Episcopus quinque ecclesiensis vir alioquin imprimis doctus amore nobilis Strussia puellæ ex Gynæceo reginæ captus statu religionemque mutata primo ipsam Strussiam, inde ea mortua sororem Zboroviorum viduam uxorem in Polonia sub id tempus duxerat, ab iis qui vitæ salutis ejus minarentur, fide publicæ caveri perunt. Alij nonnulli publice auditi. Ducissæ Brunsvicensis orator executionem testamenti Augustani, hæreditatemque, quæ ad principem suam cum aliis fororibus pertineret, petebat. Pomeranus debitum centum millium Augusti mutuatorum usurasque ejus, tum quatuor millium pensionem, uni ex ducibus suis ab Augusto promissam, pro hominibus nonnullis ducalibus, qui itidem nomina in Regno haberent intercedebat; Suffragium in electione Regis, quod antiquitus ut ferebat, habuerint, postulabat, ad extremum dislimitationem ducalium à Regno. Valachus confirmationem juramenti afferebat: invicem literas à Senatu petebat, per quas de amicitia cum Regno securus esse posset: jus hominibus suis, qui negotia in regno haberent, dici postulabat, cum ipse nostris sine ulla mora in ditionibus suis jus reddat, reddereque semper paratus esset: Commentarium damnorum quæ sui à nostris accepissent offerebat. Secundum hos à generali majoris Poloniae literæ quibus adventum Bibracij nuntiabat, tum ab ipso Bibracio redditæ: causas affert ob quas minus in tempore adesse poterit: aliumque legatum in itinere jam esse significat. Senatus inde habitus, cum de universo reipub. statu; tum de præsidii finium, infante, legatorum externorum postulatis, ad eademque responsis. Statum reipubl. discessumque illum partis ejus equestris ordinis,

communiter utriusque gentis Senatores deplorare; diras ultoremque DEUM auctori ejus imprecare: Quæ diversæ parti frequentissime inculcata fuerant, repetere: pessimi exempli rem esse: eodem enim modo à paucis aliquot re communicata, secessioneque facta, conventus, comitiaque omnia turbati, dirimique posse. Quod enim vinculum, quod jus post hac firmum futurum, cum tam firmum fœdus ab omnibus sancitum, paucorum temeritate, idque impune violatum esset. De ordinario discessu, aut aliqua alia re, non cum nunciis, sed cum delegatis à privatis hominibus, qui cum mandatis hujusmodi nullis domo, aut è conventibus suis venissent, aliquid agi, aut præterquam de electione quicquam statui posse, plerisque non videbatur. Itaque ut ad electionem nihilominus accederetur, eaque finiretur alijs suadere: cum Sigismundano jure nitentes, tum sanctione Varlavienſe: maxime quod difficulter alia electio expectanda esset. Cum alias multas ob causas, tum quod nemo posthac, futurus esset, qui eam indiceret. Alij inter quos maxime Mielecius, ut quacunq; alia tamen ratione pacate, ordinatèque discederetur, obtestari: ne discordia nostra in hostium oculos, qui sine dubio intenti in eam essent, incurreret: non imitandos in ea re inferioris ordinis, qui secessissent fratres: quin potius amore patriæ, quæ ab illis turbata essent sananda.

Lithuani electionem universi urgere: DEUM hominesque testari ad omnia reipub. salutaria paratos se fuisse. Neque nunc ullam in se moram esse, quo minus Rex eligatur, in aliam actionem nullam se contenturos: cum & ab initio jam professi id fuerint, de eoque sibi caverint, & nullam etiam aliam ad rem quam ad electionem vocati venissent. Quod Varlavie sanctioni illi scribendæ non affuerint, sibi gratulari: honestius enim jam & liberiore animo Stenzicia discessuros: In servitutem eam, qua paucorum aliquot causa universi reipub. consulere non possent, gravissime invehiri. Pericula M. D. Lithuaniam demonstrabant. Livoniam universam, à Mosco ita vastatam, ut è ditionibus solum regis ad quadraginta millia capitum per id tempus in servitutem abducta fuerint. Propugnaculum maritimum centenis aliquot militibus nostris caſis, in potestatem à Rigensibus redactum. Parnaviam pecunia à Danis oppugnari: milites Germanos qui in præsidio essent, sola conventus ejus expectatione adhuc sustineri: per omnem fere Livoniam militem nullum esse: nobilitatem oppidique Livonica aperte defectionem spirare: Moscum cum quo induciæ jam exirent, copias exercitumque cogere: nostros aut nolle, aut non posse se defendere: itaque testari ipsos sibi consilium capere oportere: Si in potestatem alicujus venire debeant, malle sponte quam coactos, quod si pereundum illis fuerit, nunquam

quam de nobis queri cessaturos, ostensurosque, quales per id tempus sinceros constantesque amicos Regno se præstiterint, tales postea hostes esse posse: In aliam electionem consentire se non teneri: ex fœdere enim unionis, de una sola, non de duabus aut pluribus administrandis sibi constare: quamvis illa ipsa unione non amplius se teneri, satis jam ante præstulissent. Archiepiscopus jam ab aliquo tempore valetudinem caſatus, in Senatum non veniebat: missi qui rogarent, ut vel ipse veniret, vel sententiam suam, Senatui significaret. Scriptum ad Senatum mittit, quo ut electio in aliud tempus differretur petebat: frementibus è contra Lithuanis, aliisque Austriacarum partium, electionem urgentibus. Quod nisi animus, consensusque tum Austriaci partibus defuisset, omnibus qui resistere potuissent dilapsis, non dubium est, quod facillimo negotio Austriacum tum creare potuissent. Ad Henrici enim imperium quod attinet, cum sanctione Varlavienſe, & adventus ejus, & nisi ad eam se sisteret, novæ electioni certa dies præfinita fuisset, cum sanctione ea Varlavienſe, tum proprio ejus judicio regnum satis abrogatum ei videbatur. Ad absentes vero quod pertinebat, cum diserte legibus, maxime autem Sigismundana constitutione jure suffragij privati sint, neque horum discessum, neque aliorum absentiam, quo minus qui remanserant, electionem facerent impedire posse satis constabat. Illi qui remanserant, non jure ad viribus etiam sine controversia futuriores, tum fecissent, quis vel consilij vel animi habitus tantum fuisset, ut Rege jam electo, sine certo præsertim capite, consilioque alium contra eum excitare, vel à paucis alijs regnum delatum accipere ausus fuisset, eum quemvis non solum opes partium tam armæ, sed vel ipsius sanctionis Varlavienſis, novæ quam sancturi fuissent, diræ denunciationes deterreturæ fuissent. Verum fata, seu DEUS potius, qui fata Regnorum omnium nuptu administrat, novoque Regi & rebus in regno hoc viam tum sternebat, neque Austriacis tum mentem eam dedit, ut sine decreto abrogationis, accipere regnum vellent, neque partibus illorum vel consensionem eam vel animum, quem res temporæque ea tum postulabant. Maxime tamen Mielecij bellum civile detestantis, quo minus ad electionem alijs quamvis prompti ac parati accederent, auctoritas obstitit. Ita igitur ruptus potius conventus is, quam solutus. Priusquam tamen discederetur, de alijs rebus de quibus supra fere mentio facta, actum potius aliquid inter Senatores quam constitutum. Per conventus ejus tempus Lithuanici milites, qui ab Henrico auctoritati fuerant, tum Livonici qui in Parnavienſe præsidio plerique erant, stipendia sua flagitarant. Alijs ut ad futurum Regem rejicerentur, alijs vero ut cum peculiari ærarium Lithuani haberent, quemadmodum ex

Polonico ærario Polonicis, ita ex Lithuanico Lithuanicis solveretur, consentibus: in eo perlitum, ut in præfecturis Lithuanicis Senatorum Lithuanorum subscriptionibus solutio illis assignaretur, quæ à futuro deinde Rege præstaretur. Maxime curam publicam præsidia Camenecense, Barscense, Circassienſe, Scepusienſe, aliaque in finibus Podolicis & Ungariæ requirebant, à quorum præfectis aliquor ad conventum, cum literæ allatæ fuissent, necessitates defectumque artium illarum denunciantes. Partim ad quartam, partim ad reliqua contributionum rejecti: ex quibus cum emerita stipendia præsidariis solverentur, tum in supplementum novi scriberentur, præfecto Strijensi, Nicolao Sieniavio, jam enim aliquanto ante Jaslovicius mortuus fuerat, committerentur, qui ex usu periculisque finium Russicorum & Podolicorum, opera illorum uteretur. Non deerat tamen, qui de suo etiam privatim ad quartam adjecturos pollicerentur. Quæ extra controversiam ad infantem spectarent, ut sine cujusquam impedimento ea perciperet, omnes equum censere: de alijs rogandam, ut una cum repub. feliciora tempora expectaret: regis autem ut ab omnibus coleretur, neque quid minus honorifice, aut cum injuria à quoque in illam fieret: Curamque ejus, ut quemadmodum cepisset, ita ad exitum usque Episcopus Chelmenſis haberet, honorisque ejus causa circa eam versaretur, Cæsareorum legatorum injuriam reipublicæ maxime causa omnes dolere: jure gentium etiam inter tela hostium tutos legatos esse debere: Violationem ejus sæpe gravissimorum bellorum, non raro exitij atque ruinæ, multis potentibus etiam populis, causam attulisse: deplorare terrorem, inanemque virium fiduciam nostram, quæ nonnulli sublati, neque Gallicum, neque Germanicum, Christianumque aliquid, neque barbarum ullum imperium esse, quod contemnere, irritareque non dubitarent. Allegatus ad eos ex Senatu, qui partim satisfaceret eis, partim vicem eorum doleret: utque temporibus reipubl. quæ sine ullo capite nunc esset injuriam eam condonarent, peteret. Zolkievium excusabant, in virum gravem, maturumque ætatis, & qui optima semper exstimationis fuisset, minime id cadere, non in legatos ille dixerat, sed nostros deferri ad se, alium ejus culpa affinem esse, quicumque tamen esset, non impune laturum. Dudicij securitati fide publica cavebant. Aliorum legatorum expeditio & responsa, quemadmodum quidem & Cæsareorum, Cancellariæ commissa, à qua ad futurum fere Regem plerique negotiaque eorum rejecta. Moscoviticus legatus Lithuanis delegatus. Erant ad id usque tempus in potestate adhuc Theaurarij, Abbatis Cyriacina, opera Castellani Gedanensis cum ipso Cyro, quemadmodum supra demonstratum, intercepta, ea tum restitui jussa. Reliquum erat, ut decretum scitumve aliquod conventus ejus conciperetur, ede-



edereturve: convenire nihil potuit, quem admodum ne de protestatione quidem an ei, quam equestri ordinis pars illa reliquisset, alia opponenda, an ipsa potius concordiae causa, ne memoria aliqua ejus extaret, scindenda abolendaque. Ita primum Lithuanici Senatores, cum de loco Ducis Slucensis in Senatu frustra iterum se interposuissent, Polonicis Senatoribus valedictis, deinde ipsi Polonici dilapsi. Convantum Stenzicensem eum ad modum plerorumque maximo cum dolore infectum, non multo post mense Septembri. Tartarica excursio excepit. Adleus Chereius qui in Persia postea periit, Machometis frater omni fere barbarie Scythica sedibus excita, maximo cum exercitu, regnum ingreditur. Ut mos eorum est, exploratum duo agmina praemittit. Jam ante Jasloviecius primo vere mortuus fuerat. In locum ejus nobilitas Nicolaum Sieniavium finitimae militiae ducem interim creatat. Mielecio prius sibi delatum munus id detestante, nobilitate autem Mielecium nihilominus fere spectante, omnemque in eo spem habente, quamvis ob studium in Austriacos inclinata jam fere autoritate. Ex iis qui explorandi causa praemissi à Tartaro fuerant, unum agmen ad Besiarabi, quo loco Ostropolis est deinde condita, Vadum à Palatino Kyovienſe qui cum Mielecio consentiebat, in reditu obsecsum, & caesum. Alterum agmen ad Sieniaviam se contulerat, cum ut vulgo videbatur sagae Tartaricae, incantationibus suis usum tormentorum, qui ibi erant plane iis ademissent, oppidum jam diripere inceperant. Interim Mielecius, cum Sieniavio, qui nuncio adventus hostilis ante accepto, nobilitatem domo exciverant militemque omnem coegerant, supervenere: maximeque Jacobo & Georgio Struffio, fratribus alacriter in oppidum irruentibus, hostis ad copiarum nostrarum conspectum, primo ad exercitum, inde ipse exercitus, retro frustra Kosfacis, qui à Mielecio & Sieniavio missi fuerant eos speculantibus, subito se recepit, insidias nihilominus plerisque verentibus, maxime Mielecius non nihil in armis se contineret, neque domos mox dilaberetur, autor nobilitati erat, sed furdas ad ea plerisque aures habentibus, hostemque territum, in interiores hordas, recepisse jam se existimantibus, domumque dilapsis, Mielecius etiam Usciam se recepit. Octiduo post universus exercitus Tartarorum, quem Kos illi vocant reversus ad Tarnopolim confedit; quo agmina more ipsorum diversa omnes in partes, jam ante ad Rozwornam, Mogillam quasi divortij tumulum dimissa, vastitarem incendiaque per universam fere Podoliam Russiamque, sub ipsam fere Leopolim & Sokaliam usque, ac per Haliciensem tractum Volhyniamque, ad eum redituri. Cum nonnullis aliquot in locis pugnatum: ubique infeliciter, Zbarasij, Michael Viskovicius Circasensis, Joannes Zbarasius Krzemeneccensis, Prethvi-

cus Trembowliensis praefecti, & alij nonnulli erant, aliisque confectum fere dissuadentibus, famulitiumque tantum emittentibus, Prethvicius ut confingeretur obtinuit. Tartaro praedam rusticis, quibus in paucitate sua maxime nostri fidebant objiciente, male res gesta. Ad Choraczkovum Stanislaus Wlodky, Struffijque fratres, cum aliis nonnullis, cum quinquaginta tantum Tartari ab initio se ostendissent, eruptione in eos facta eos profligant: insidiis autem mox animadversis se recipiunt. Trembowliam ad quadringentos circiter ex nobilitate ad Miskowskium confluxerat; in insidias post pecora omnes fere circumventi. Joannes Kostka, qui Palatinus Sendomiriensis tum erat copiasque nonnullas circa se habebat, per tempus id irruptionis Saranovij substitit. Non procul inde Sieniavij iter Krichmanense observabat, eosque reliquos etiam per edicta convocabat, non paucis tamen quod & accidit per Valachiam potius ituros, etiam praevidentibus & denunciantibus. Itaque pleraque nobilitas, imprimis vero Palatinus Belzensis Tencinius, praefectus Belzensis, Zamoiscius, alique non pauci, qui comitatum non contemnendum ipsi etiam comparant. Kameneciam potius eundem censebant. Sieniavij tamen autoritate permoti, una cum Palatino Sendomiriense Grodekum versus ad Balnam usque progrediuntur, ibi Sieniavium reperiunt, Palatinum item Kyovienſem Andream Viskovicius Palatinum Braclaviensem, praeterea Bogussum Koreczium Wolhyniae Palatinum, qui Koreczij tum aeger decumbebat, alios Wolhynios à persequendo hoste jam revertentes, diversumque discessum ejus nunciantes. Tartarus enim Trembowliam mox agminibus omnibus coactis ad Kameneciam, Valachiam versus se receperat, ibi in praedam intentus cum eripere se illis posse jam existimarent, cives, erumpentes male habiti. Cum sub ipsis muris Kameneciae fines regni vastaret, legati ejus, quos relictos supra ostendimus, Kameneciae adhuc haerebant. Causius etiam Turcius sub idem tempus per media Tartarorum agmina Usciam ad Mielecium contendit. Clades, vastitasque ubique magna accepta; cum plerique & sua securitate vere hostem se recepisse credentes, & propria hostis ejus celeritate, nihil omnino metuentes, vel in domibus suis epulantes, vel in agris palantes securi, inermesque oppressi ab hoste fuissent. Itaque innumera maxime etiam ex nobilitate captivorum multitudo abducta, qui tamen quo ad cisNistrum hostis adhuc erat, spem aliquam in propinquis suorum auxiliis habebant. Postquam ad ripam Nistri ventum, nullumque omnino à quo opis aliquid sperare possent, circumspicerent, frustra DEUM hominesque implorantes, diraque omnia civibus suis imprecantes à quibus deserti, in miserissimam servitutem abducerentur, plerique vero mortem ipsi sibi imprecantes, magno cum gemitu & lachrymis, majore

maiore etiam foeminarum, & imbellis ætatis epulata, alij vincti, alij pecudum more acti Nistrum traducuntur, tantus autem terror incursione ea illatus, ut non solum Neopolomia supra Cracoviam jam defereretur, Cracoviaque fuga & terrore impleretur. Sed non minus vicina Silesia trepidaret. Wratislaviaque etiam per muros & propugnacula, tanquam in propinqua hostis expectatione, tormenta constituerentur, aliaque ad sustinendam oblidionem instruerentur.

Cum Palatinus Siradiensis Albertus Laschius Cracoviam tum forte esset, inque concione à Joanne Kuroscio desertæ patriæ accusatus, ingratitude patriæ, & inopiam causatus fuisset, à Cracoviensibus civibus pecuniae aliquid corrogatum ei fuit; qua accepta incendius aliquibus supra Leopolim factis novum terrorem excitavit. Eodem anno in Livonia etiam, acriter rem Moschus gerit. Parnaviam quæ de Sueco primum capta, ab Ulberfeldianis tum tenebatur, intercepta. Vicam occupat, Osiliam populatur. Inter has cum publicas clades, tum privatas turbas: nam privatim etiam vis, caedesque multæ committebantur, perturbationisque & metus omnia plena erant, de Rege eo magis ab omnibus cogitabatur, quo magis omnium ærumnarum istarum causa interregni, statusque is sine ullo imperio certare capite, ab omnibus judicabatur. Eadem autem fere factiones hanebant, quæ Steziciensem conventum distinxerant. Verum Austriacæ partes eo etiam firmiores factæ videbantur, quod Archiepiscopus etiam, qui ob Galli studium cunctantior in partibus fuerat, deludi jam se à Gallo animadvertens, palam in partes descenderat, quæ Czecignievio Duce aulae & familiaris Regiæ personam quasi representabat. Ad vires consilium adiungunt. Cum enim magna pars nobilitatis, maxime autem Russica nobilitas Austriacis mordicus nihilominus adversaretur, comitia sub ipsum tumultum Tartaricum, quo absentibus Russis, electio administraretur, in mensem Novembri. Warsaviam indicunt. Russi re animadversa cum Tartarus jam recessisset, partim opulentiores ipsi ad electionem advolant, partim legatos summa cum potestate mittunt: ab illis quæcunque constituta fuissent, quod ad multa postea profuit, tutaturos se fidem dant. Qui Austriacis studebant, in quo numero Senatus universus fere erat, Principesque Archiepiscopus, & Palatinus Podoliae, eodem Mielecio auctore, ita instituta ambitus ratio erat, ut ex Austriacis Maximilianum ipsum Cæsarem fere spectarent. Movebant Mielecium, ut in eo non longævum principem futuro, Valerudinario certe Austriaci Imperij periculum prius fieret: autoritas deinde ejus apud omnes Principes summa: Spes hinc auxiliorum, si movere quid Turca vellet: ad extremum quod facilius persuaderi eum posse putaret,

quam juvenem, qui alieni ab Austriaco diversarum partium erant, candidatum fere certum nullum habebant.

Palatinus Cracoviensis Zborovius nulli fere operam suam negans, maxime tamen Ferrariensi qui liberalissime promittebat, favere existimabatur. Verum de voluntatibus hominum desperans, à Rosenbergio etiam cum aliis qui in eum consenserant, rejectus, fato viam novis rebus sternente, ad Stephanum Transilvaniae Principem convertere se cepit, qui cum Bekiesium Forgassio primum exuisset, eundem deinde cum Germanicis auxiliis in Transilvaniam redeuntem fudisset, non obscuram ex eo nominis famam sibi compararat. Zboroviorum autem studia, Samuelis, qui post decretum exilium ad eum se contulerat, receptu sibi adjunxerat. Itaque cum per Zborovios maxime autem Samuel tentatus primum fuisset, ad res communicandas Hieronymus Phillipovius missus ab eo ad Zborovios in Poloniam fuit, & regnum quidem aperte, vel judicio non petebat, vel petere non audebat: ne ex Austriacis Principibus aliquis eligeretur, cum ipsorum Austriacorum Transilvaniae imminentium, tum belli Turcici metu, cui ipse medius interditiones, utriusque interjectus, maxime obnoxius futurus esset laborabat.

Itaque indigenam tantum, partim suadebat, partim petebat, centum millium aureorum subsidio, si quo opus ei esset, promisso. Responsum non posse nisi ipsam, itaque missi ad comitia legati, cum exceptione tantum de Austriacis. Cum studia partes eadem, quæ antea, oblationem autem animorum, contentionemque majorem ad conventum eum attulissent, Austriaci quemadmodum ab initio egerant, ne Prussii adessent, ita propepter mox omnia agere. Defensionis seu praesidij regni firmandi aliqua obiter ab initio mentio facta, jurium aut libertatum constituendarum nulla omnino. Ac defensio quidem omnis ad futurum regem rejecta: temporarij praesidij rationes demonstratae solennis illa primum quartæ tributis, cum novi constituendi, tum reliquorum exigendorum: capitale à Judæis: ex quibus miles quidem in Podolia & Russia scriberetur, praefecti autem ex Polonia tantum nonnulli, quod in Palatinatibus Lublinese & Belzense, factum erat, ut in singulis Palatinatibus fieret, censere, certusque numerus militum scriberetur: non defuturos praefectos, qui vel sua pecunia commilitones interim sustinerent, dum tributum exigeretur.

Nobilitas vero, quæ Conventuum quorundam, interque eos maxime Viskoviciensis factionibus poenæque illarum metu ad comitia frequens confluxerat, ultro iis soluta, arbitrioque uniuscujusque, interesset ne electioni vellet permissum: non obscureque Saffraniccius Castellanus



Biecenſis, in invidiam à quibusdam ut excitæ multitudinis præcipuus autor vocari, raptim omnino omnia fieri, utq; legationes ſaltem quamprimum audirentur, urgeri. Turcius legatus Leopoli adhuc hærebat, nonnullis ut arbitrio Cancellariæ ibidem expediretur cenſentibus, aliorum ſententia ut accerſeretur, decenſereturque dimitteretur; obtinuit. Alij legati plerique ipſi fere rem ducebant: Collegarum alij abſentiam ut Cæſareus & Tranſilvanicus, valetudine alij, ut Sueticus. Plerique ut certæ dies legationibus præſiniretur cenſere; intra quam niſi qui legationem ſuam expoſuiſſent, fruſtra poſtea admitti ſe peterent. Ita ante alios Cæſareus legatus Episcopuſ Wratiſlaviensis introductus primo, perpetuum Principis ſui erga Regnum hoc ſtudium, optimamque voluntatem, teſtari: pro ea Regem regno-huius, qui maxime ex re ejus ſit optare: Quod ſi è ſua domo penariſq; talis, exiſtere quis poſſet, ex filiis ſuis imprimis Erneſtum Regem regno huic offerre: non modo optime eum educatū, ſed omnibus regiis virtutibus, Præclarisſimisq; & animi & corporis dotibus, egregie inſtructum. Præterquam enim, quod tanta familiaritatis ſit, majoribus etiam ſuis, minime degenerem jam animum oſtendere: linguarum complurium notitiam habere: inter eas Boemicæ: pro cujus cum Polonica cognatione, Polonicam etiam non male jam intelligere, ſpēs ut ſit brevi non incommode eam intellecturum. Ad quæ commoda, quæ ex ipſius Principis virtutibus ac moribus percepturi eſſent, acceſſura alia non minora, cum concordiam neceſſitudinemq; inter regnum hoc, ditioneſq; Cæſareas multo majorem arctioremq; quam antea, tum in omnes partes amicitiam & tranquillitatem: neque cum vicinis ſolum, ſed pro ea neceſſitudine quæ domui Auſtriacæ cum plerisq; intercedat, cum Italicis etiam, ac Germanicis omnibus Principibus, cum univerſa deniq; Europa. Conditiones quas ſuperiore interregno propoſuerit, quæque Hiſpani item Regis legatus promiſerit, quas denique vel ex aliis candidatis, quicquam offerret, & præſtare poſſet, Principem ſeu ipſum quoque in ſe recipere nominatim vero controverſiam, quæ de Livonia & Pruſſia, imperio cum regno intercedat compoſiturum pacemq; & fœdera cum imperio conciliaturum: ſimiliter Moſcum, Danum & Suecum in amicitiam cum regno reducturum, navigationem Narvicam expediturum: Ducatum Barenſem, Comitatum Roſanenſem regno recuperaturum: penſionemque quæ ex Regno Neapolitano Regibus Poloniæ ſolvatur explicaturum: cum Hiſpano ditionibusq; ejus ſenſipiternum fœdus conſtituturum; cum Boemis & Ungaris renovaturum: à Turca vel pacem induciasve præſtiturum, vel bellum non detrectaturum: ad Ungarica vero bella Polono milite nullo, niſi qui

ſponte ſtipendia merere voluerit uſum: Scholam Cracoviensem, & ſtipendio ex ſuo aucto, & compluribus doctis hominibus accitis aucturum ornaturumque, ducentenos adoleſcentes nobiles impenſa ſua in externarum regionum ſtudiis, ſuo ſumptu præſidium aliquot millium militum ſi opus eo regno ſit, ſuo quoq; ſumptu, contra hoſtes regni habiturum: ærariam publicam conſtituturum, nomina quæ ſuperiores Reges reipub. cauſa fecerint, Senatui judicio ſtipendia itidem militibus & aulicis, ſua pecunia diſſoluturum: in religionis controverſiis, eo temperamento quo in ſuis ditionibus utatur, hic quoque uſum: quæ omnia rata fore, ſui filijque nomine, ſanctè promittere ſpōdereq; Ad extremū quod collega ſuus, imperij item legati nondū adveniſſent, cum veniſſent, ne poteſtas eis Senatus adeundi negaretur, petere. Cæſareum legatum, Archiducis Ferdinandi, ut ejusdem domus Principis legatus, mox ſubſecutus, imprimis Principem ſuum, cum ab animi, corporisq; dotibus, dignisq; æ rege virtutibus, tum imprimis Boemicæ etiam linguæ, ex qua Polonica etiam non difficulter uteretur, notitia prædicare: Theſauri quem ingentem haberet, bonam partem regni, hujus neceſſitatibus deferre. Nominatim vero, centum quinquaginta talentorum millia annua regno præſtiturum. Ad ædificandas autem in ſuburbis arces, quinquaginta millia; peditum itidem Germanorum, contra incurſiones hoſtium, ſi ita ordinibus videatur, aliquot millia annua: arces ſuo ſumptu per conſinia, & ubi commodum videbitur extructurum: ad extremum ut electio hæc univerſo regno benevertat, præcatur: ut in cujus ſalute quantum univerſæ Europæ poſitum ſit, non ignoret. Sueticus orator, ſtudio meritisq; Principis ſui in regnum commemoratis, quæ vel mutuo, vel jure uxoris ſuæ, ſeu ſucceſſione, ſeu naturali, vel quocunq; alio ſibi deberentur, repetebat: vel eorum nomine Livoniam ſaltem jure feudi. Quod ſi regnum etiam ad ipſum vel filium ejus deferre placeret, quæ ante per legatum obtuliſſet, re ipſa perfecturum: mare pacaturum. Livoniam à Moſco vindicaturum: claſſem tormenta, omnisque generis inſtrumentum bellicum, opes deniq; omnes ſuas huc collaturum: domi publicum inſtituturum, ex quo nobilitate pro ſumptibus, in electione hac ſua factis ſatiſſiat. Auſtriacum tamendū in regnum maxime ipſe etiam commendare: de religionis tranquillitate ſpondet.

Ad Baſſam ut epistolam ejus, qua ipſius literis reſponderet, cujusque exemplum ſimul exhibebat, mitteretur, petebat. Simonem Voina inde accuſabat, cum ventis adlitus Samogiticum delatus fuiſſet, primo humaniter ab eo exceptū, poſtea acerbiffime tractatum fuiſſe, navim ſecuribus effractā: pecuniam, tormenta, inſtrumentumq; cum bellicum

tum

tum navale, omne ſibi ademptum, ne in ipſas literas quas ſecum habent manus inferrentur, eaſq; aperirent, vix vitæ ſuo periculo ab ipſo comitibusque ejus obtinuiſſe: fide etiam eadem via reverſurum, denuoq; ſe illis ſtaturum adauctum. Inter hæc Caſtellanus Irocentiſis, ut Lithuani, qui in itinere jam eſſent, expectarentur, reclamante nobilitate fruſtra petebat. Poſtridie Ferrariensis orator legationem ſuam ſcripto comprehenſam reddidit, ea publice lecta. Ducem virtutibus gentis noſtræ incenſum, jam diu noſtri percupidum fuiſſe: optare, ſi è re regni futurum id eſſet, aſſinem ſuum Galliarum Regem, etiam nunc nobis imperare: Auſtriacam domum, maximo quoq; imperio dignam eſſe. Quod ſi in ipſo quoque hujusmodi aliquid ordines animadvertent, quod eum illis commendaret, ſe regno huic Principem præſtiturum, quo ad laudem, gloriamque maximum incrementum habiturum eſſet. Conditiones hæc ſe offerre. Omnia ſua, ipſumq; adeo in noſtra poteſtate fore: immunitates libertatesq; omnes, non ſolum tutaturum, verum etiam aucturum. Pacem religionis inter diſſidentes ſervaturum, ſcholam Cracoviensem doctorum hominum copia ſuo ſumptu inſtructurum, artium extructurum, omnis generis artifices ſecum adducturum, commerciorum cum Italia, maximo bono publico rationem demonſtraturum inſtituturumq;. Contra Moſchum aliosq; hoſtes, ſuo itidem ſumptu, quatuor millium Italarum ſcolopetriorum quotannis habiturum, intraque ſemeltre ſpatium eosdem adducturum. Periculum omne regni, ſuo ſuorumq; periculo redempturum, bello ipſum ſemper præſtiturum, æs alienum publicum legitime contractum, onere diſſoluturum. Proventus omnes ſuos ad tutandam ſolummodo ditionē, neceſſaria parte relictā, huc illaturum. Carnutum in Gallia ducatum ſuum, aut regno incorporaturum, aut ſi Galliarum Rex redimere eum velit, pecuniam ex eo redactam, regno dicaturum. Adoleſcentes nobiles ad quinquaginta quotannis in Italia ſtudiis ſuo ſumptu exhibiturum; duorum menſium ſpatio, ſi in Regem eligatur, trecenta millia in Poloniam mox præmiſurum, quod ſummiſſum autem foret, orbus cum eſſet, pro liberis nos ei fore: linguas quinque callere: in quibus Germanicam: Latinam vero exactiſſime. Grata legatio fuit: ita tamen, ut magis aures hominum oblectaret, quam animos moveret. Inter hæc varie altercatum; partim Lithuanis, ut Liwam electio transferretur, ſurdo plane ad ea equeſtri ordine contentibus: partim Ruſſis, niſi tutela finium eorum prius conſtituta, ad ullam electionem acceſſuros ſe negantibus. Varie ea jactata, alij non tributum ſolum, ſed de ſuo etiam privatim reipubl. opes ſuas deferre; alij nullo tributo ſcito, viritum eundem cenſere. De Duce etiam exercitus agiturum, ut ex ſuperi-

oribus partibus Poloniæ quis eligeretur: neq; dux ſolum, ſed neq; præſecti ipſi turmarum, ut ex limitaneis eſſent, ut omnis privatus quisq; cum comitatu ſuo contra hoſtem proficiſci deberet. Cum Lithuanis etiam, quorum pleriq; interim adventarant, eadem de re controverſum. Lithuanicis ordinibus ipſis etiam à Regno auxilium poſcentibus: regni Senatores cum per omne interregni tempus, quemadmodum regni proventus Polonicis Senatoribus, ita ipſi Ducatus Lithuanici in poteſtate habuiſſent, ut vel rationem eorum utrinque ſibi redderent, ac vel ex proventibus communibus utriq; ſe tuerentur, æquum cenſentibus, vel quemadmodum ipſi tributum in ſe ſciuiſſent, ita Lithuani quoq; ſuo tributo ſe tuerentur. Ad ea Lithuani nullo ſuo tributo pares ſe Moſco eſſe poſſe, aliquot præſertim Palatinatibus per injuriam à regni ordinibus acciſos, Relatum à Polonicis Senatoribus fuit, cum de commodo aut honore aliquo ageretur, alteram plane, & tum cum de periculo aliquo propullando, minorem ſemper ſe partem reipubl. minus æque conſtituere. Non ſolum autem de Ruſſicis Lithuanicisq; finibus conſtituendis actum, ſed non minus de Cracoviense quoq; arce, regioneq; verſus Ungariam, Pedemontana, & Sepuſio, à Cracoviense nobilitate poſtulata. Cum legati ab Imperio adveniſſent, Senatu ſalutato, votisq; electionem eam proſecuti, ut ſalutarem cum univerſo orbi Chriſtiano, tum regno ipſi Regem eligerent, optabant, talem ex Auſtriaca domo facillime habituros, ſi & nobilitatem ejus, & Erneſti imprimis indolem virtutesq; ſpectare velint, quam gratiam apud ſuos, reliquosq; Chriſtiani orbis Principes inturi ſint, ſi ex Auſtriaca domo Regem eligant, oſtendunt, quod iplendidiorem legationem brevitate temporis conſtricti non miſerint, exculant. A Stephano Tranſilvaniæ Palatino, cum alij nonnulli, tum & Georgius Blandrata, & Martinus Berzevicius commiſſi eſſent, illo in itinere morbo correpto, cum fruſtra expectaretur, Blandrata, capita ſaltem legationis ſcripta in Senatum miſit. Studiū in regnum Principis ſui teſtificatione, votisque præmiſſis, eundem cum ab animi, tum corporis, fortunæq; etiam bonis prolixè ordinibus commendabat, à quibus, ſi è re ſua ordines ut Regno huic præſtaret, ducerent, præ cæteris ad id idoneus eſſet. Quod ſi id nonnullos moveret, quod & tributum Turcæ pendat, & ab eodem illis commendaretur, minime vel impedimento, vel fraudi ea ſibi eſſe deberet. Cum in illo Itabellæ Regina Auguſti ſorori, filioq; ejus Joanni ſucceſſerit: commendatio autem à mandato diverſa ſit, eoque minus libertati electionis obſiſtere poſſe videatur, quod duobus ſaltem, Auſtriaco & Moſco, ut hoſtibus ſuis exceptis, & ſi Principem ſuum illis commendant, liberum tamen ut de eo, ita de aliis omnibus arbi-

G 2

trium



trium illis permittat. Præter alias conditiones, cum aliis competitoribus communes, cum Turca firmum fœdus, à Tartaris securitatem promittebat; bella non solum auspiciis, sed ductu etiam suo gesturum, à Mosco ablata bello recuperaturum: fines munitorium: qui in servitute & captivitate ex nostris apud Barbaros sint redempturum, ducenta millia in usum regni mox præmissurum. Goncio Moscovitico, ita qui ante majorem legatum mitti solet, appellant: ab Equestri ordine qui honoris causa obviam illi irent, decem aliqui missi fuerant. Novum id, neque ullius Christiani Principis legatis præstitum: itaque reprehensi in eo à Senatu, in Senatum introductus, literas à Principe suo reddidit, quibus querebatur, legatos suos non admitti, fidem publicam per minorem hunc, majori legato, utque diplomata, comiteatusque fines transgresso præsto essent postulabat. Eum quæ ex re Christiana essent, cum Senatoribus acturum constiturumve: Pacem ab omnibus ditionibus suis cum regni ditionibus, una Livonia excepta, servari mandasse. Constantinus Dux Ostrogus Palatinus Kyoviensis, per literas novum tumultum Tartaricum se expectare significabat: à Wolhyniis natali tempore à sinibus discederet, rogatum, electioni interesse non posse: ut arx Kyoviensis munitur, sibi que, Zbarasij præsidij præfecto remoto, custodia ejus mandaretur, petebat. Similes à Russica nobilitate nuntij aliquot proferebantur: eoque magis, ut securitati finium eorum quamprimum, & ante electionem quidem ullam consuleretur, ab eadem flagitabatur: Verum cum & Senatus, & reliquus equester ordo ad electionem properarent, frustra curam finium Russis prius exigentibus, die decimo octavo mensis Decembris, Sancti Spiritus præsentia, & auxilio solenniter ab Archiepiscopo prius invocato, electio accepta, inq. suffragiū Senatores missi. Cumque more majorum Princeps Archiepiscopus sententiam diceret, hujusmodi orationem habuit: Cum ex proximo Conventu Steziciense, palantes, diversique, ac desperabundi pene de republ. dissentiremus potius, quam discederemus, quotus nostrum fuit, qui tot non solum periculis imminetibus, sed intus etiam in tot partes studiaque omnibus distractis, liberi alterius Conventus, aut Electionis facultatem nobis promitteret. Præstitit eam nobis DEUS, sed ita, ut tentatæ tum patientiæ ipsius, graves prius à nobis pœnas exegerit, ab una parte nobilissima regni provincia Russia, cum & Regia & publica cura destituta fuisset, crudelissima interim Barbarorum incursione, ad summam vastitatem redacta & afflicta, tot ingeniorum liberorumque quodque majus autem est, christianorum insonitumque caputrum omnis sexus ætatisque millia, in hæ-

diffimam servitutem à barbaris abducta: ab altera parte Livonia, non minus graviter à Moscho, non vastata solum, sed magna etiam pars ejus occupata: domi summa omnium rerum perturbatio, & regij imperij & legum metu sublato, viq. injuriisq. mutuis, tum cædibus omnia fere permiscuit; quibus omnibus tamen rebus, moneri nos potius à DEO existimo, ne diutius patientia ejus abutamur, graviora deterioraque passuri, nisi hujus ipsius temporis tabula, quam præter spem divina benignitas, nobis obtulit, è naufragio hoc quamprimum, emergere conabimur.

Rege igitur nobis opus est, atque hujusmodi quidem Rege, qui non nomen solum regium, sed imprimis virtutes, tum opes etiam Regias ad regendum tutandumque regnum afferat. Primum igitur de religione pietateq. in DEUM ejus certus sum: prudentia deinde in eo sit, justitia in dictis factisque, constantia, clementia, inque omni actione moderatio, sine quibus virtutibus si quæ aliæ in Principe ingenij animique dotes, & vel præclarissimæ artes sint, instrumenta potius opprimendorum vexandorumque populorum, quam virtutes existimanda sunt.

Accedat huc usus rerum maxime bellicarum. Non solum deinde animo virtutibusque iis instructus sit, ut velit me juvare, defendere ac sciat: verum opibus etiam is, facultatibusque ut possit. Autoritate imprimis apud reliquos Principes populosque christianos præstet; quam fere cum familiaris Majestas, tum maxime virtus, opesque conciliare apud homines solent, nobis vero non solum ob auctoritatem, sed ob tot tamque potentes hostes vicinos, potente etiam Rege opus est; ne qui me defendere debeat, ipse defensione opus habeat.

Non solum igitur auctoritate, sed cum affinitatibus, clientelisque inter Principes christianos, à quibus auxilij aliquid sperare possit, tum propriis etiam opibus suis subnixus sit, quæ ut uno verbo dicam quod sentio, ut in cæteris singula torte esse possint, in ve præ cæteris Caxare, ita certe omnia sunt, ut quæ aliis cum illo communia esse possint, in eo præ cæteris emineant; religionem Catholicam, pietatemque in DEUM à majoribus traditam, nunquam in domo illa vacillantem, vel fando quisquam cognovit, de reliquis autem virtutibus ejus, ut in omni re prudentia, morum gravitate ac constantia, cum eadem vero admirandæ cujusdam copulæ, summæ comitatus, inque omnium adeuntium desiderijs, cognoscendis facilitate, justitia item, atque æquitare singulari quid attinet dicere, cum non pauci nostrum præsentem non sine admiratione ea spectaverimus. Verum ex quidem virtutes, nescio quomodo communes quasi uni-

veritæ

veritæ domui Austriacæ sint, cum disciplina, à tot Augustis majoribus accepta, omnes imbuantur, prudentia autem fere scientiaque, cum aliarum, tum bellicarum etiam rerum: qui ætate ipsa exque rerum & hominum tractatione fere comparatur, ut qui à tot jam annis Romani imperij rebus, amplissimisq. tot regnis, iisdemq. diversarum linguarum, ac morum gentibus, non sine maxima publica laude præfuit, & bellum cum potentissimo hoste, si non magno cum commodo, pro hostis tamen ejus opibus, non maximo etiam detrimento administret. Jam vero auctoritate, eaque non repente collecta, sed in domo ea plane inveterata, opibusque inter Reges Principesq. christianos, quis unus conferri cum eo potest? summum imperij scilicet Romani locum, à tot imperatoribus Regibusque, avis, atavis, atque majoribus, inter eos tener, neque vero ipsius tantum loci Majestate, sed imperij etiam Germanici robore, omnium orbis christiani Principum cognationibus, atque affinitatibus tum amplissimarum ditionum, regnorumque aliquot viribus subnixus. Hispania una cum illo domus. Rex patruelis illi frater, ideoque affinis, cum præter Hispaniarum regna, cum Vicario jure universa fere Italia, tum hæreditario Belgium, magna que Galliarum pars, bello autem & armis extremæ Indiæ universusque novus, idemque aurifer orbis patet. Italia Germaniarumq. omnis partim imperij, partim multiplicibus affinitatibus, necessitudinibus illi devinctæ.

Cum Gallica domo æmulatio intercedit, sed ita, ut ex Burgundica domo, cui Galliarum regia initium præbuit, cognationis, & recentium affinitatum jura inter æmulationes eas mancant, accedunt ad ea propria vires, cum Austriacæ ditiones totius Germaniæ fere nobilissimæ, tum Ungariæ Boemæque regna, non copiis solum sed vicinitate etiam, vetustaque necessitudine, ad omnes casus nostros nobis opportunissima, quo minus minus videri debet, competitores omnes ultro quasi fasces ei summittere, libentesque ad eo locoque ei cedere, & nos dubitamus oranibus præferre eum, quem omnes ipsi sibi præferunt? At potentia quidem opesque ejus magnæ, sed remotæ, ac longinquæ, ut vel sera, vel lenta inde auxilia nobis expectanda, nullius externi Principis ditiones, vel viciniore nobis, vel majore terrarum spatio nos ambiunt: cum Boemæ Ungariæque regnis, maximo terrarum tractu fines nobis sunt: Vienna quod caput Austriæ est, minus fere aliquanto hinc distat, quam Cracovia, Vilna Lithaniæ caput: Inter quas Regum nostrorum solennis, atque annua, fere comiteatus esse solebat; ita ut illo Rege electo, vires ejus vix non pro domesticis habere possimus.

Inde ad omnia dubia ac repentina, non

certum modo, sed dubium etiam rebus nostris auxilium, neque auxilium modo, sed Ducem atque caput rerum ipsum Regem petere. Quod enim quidam obijciunt, per leges Imperij seu condiciones à Principibus Imperij eilatas, excedere eum imperio non posse, non modo omnium superiorum Imperatorum morem, sed ejus ipsius exemplo, refutatur. Nam solum enim à superioribus Imperatoribus, cum in Italiam, tum vel ipsam Asiam, & quocumq. vel rei christianæ, vel regnorum suorum necessitas eos vocabat, frequentes longinquasque expeditiones susceptas scimus: Sed vel nuper adeo, cum Carolus V. Patrum, tum Ferdinandum patrem hujus, & nunc hunc ipsum Maximilianum, vix non majorem partem in aliis regnis suis, vel Hispania, vel Boemia, vel Ungaria, quam in Germania habitasse. Non tantum igitur apud universam christianitatem gloriosius nihil nobis erit, quam eum nobis Regem delegerimus, quem orbis Christianus universus ipse ob Majestatem Imperij venerandus colit: Verum cum ad res etiam nostras constituendas, tum hostes tot tamque potentes reprimendos, nullum magis idoneum deligere poterimus. Non erit mihi terrori Turca cum eas vires quæ furorem ejus ab aliquot jam sæculis sustinuerunt, & adhuc sustinent, mihi pacatas esse scivero. Nam aut libens pacem induciasq. amplectetur, quas vel nunc cum Maximiliano viribus regni hujus nondum adjunctis frequentius fere, quam bellum spectat: Vel si paci bellum præferre voluerit, quid regni hujus ad Austriacæ arma accessio possit, non sine gloria regni hujus pensurum eum spero. Sed quod à Palatino Podoliæ, quem honoris causa nomino, summo Senatore denunciatum nobis fuit, facile credite mihi, non modo tantarum virium conjunctio, sed vel sola nostra concordia cum continebit, in beneficioque & gratia, oblatam pacem potius accipiet, quam bello nos laceffer, reliquos hostes, vicinosve, cum quibus controversiæ aliquid nobis intercedit, quis est qui non vel sola nominis ejus fama, atque auctoritate pacatum mox ita videat. Moscum & vetustis fœderibus, atque amicitia, & nominis Imperijq. Majestate in potestate fere habet, neque ipse obscure præ se fert Moscus, si eum elegerimus, de jure suo controversisque, quas habere se existimet, non difficulter se decessurum. Danum & Suecum quis vel contra Majestatem Imperij quod quamvis non subiecti, vel comiter tamen quasi colunt, vel tot necessitudinibus, cum Principibus Imperij, ex quo ipsi profecti devincti observant, vel contra tantas opes tentaturum aliquid quis putet? Idem de aliis vicinis quorum minores opes sunt existimare possumus. Quas quidem ob res, ut eorum quos fastigio huic præficere possemus, ex magna copia deligendorum summa

G 3

facul-



facultas nobis esset, vel unum tamen hunc Maximilianum potissimum præ omnibus aliis deligendum existimarem. Jam vero eo etiam redacti sumus, ut præter unum hunc, quem ex re, atque utilitate publica præficere regno huic possumus, nullus fere alius reliquus nobis est. Gallica electio tam splendida quorsum nobis verterit videmus. Non est quod speremus, otium atque delicias Gallicas, cum regno tot bellis implicito, frigoreque nec Sarmatico quenquam commutaturum, multo minus è tam longinquis regionibus, per tot terrarum gentiumque spatia, illis relictis hoc petiturum, quamvis in hoc quidem cum aliis tamen itidem bonis, me ipsum etiam errasse quid est quod negem? Verum semel errasse sufficiat, priorisque peccati agnitio, in posterum saltem futuri cautio nobis sit, neve vel longinquos, vel à majoribus regni hujus rationibus remotos spectemus, nos admoneat. Itaque de Ferrariensi etiam, quid frustra verba faciam? in quo ut omnia essent, cum propinquitas tamen, tum linguæ, morum, institutorumque nostrorum usus ei deest, ut taceam, quid à majoribus imperioque Italico cavendum nobis sit, patrum memoria Bonam Reginam documento nobis fuisse. Ex aliis Moscus ob crudelitatem, morumque barbariem, apud omnes fere infamis. Turcam autem, cum magis fere quam Austriaci electio ejus irritatura esset, præsidij contra eum, quid ab illo expectandum nobis esset. Regnum ditionesque habet amplissimas, sed magis tractum terrarum populorumque multitudine, quam vel robore, vel facultatibus, vel disciplina. Gens quemadmodum scimus, rudis & inepta, non ad pacis solum artes, verum etiam belli, proximis hisce, ante excessum Sigismundi Augusti, atque inter regni temporibus, Polotia intercepta, Livoniaque magna parte nuper vastata, & occupata, magnus evasit. Verum nostra desidia, quid facilius, quam occupare aliena nullo prohibente. Verum quoties armis obviam illi itum est, quid vel contra nos possit, cum Staroduba, & Orsa, tum haud ita dudum Nevelia testantur: vel contra alios, cum Livoniae magistri aliquot, tum nuper Tartari etiam, & ipso ex omni ditione ejus fere pulso, & sede imperij Moscho incensa, omni regno ejus evastato, infinitaque hominum multitudine, in servitutem abducta. Adhæc ne ipse quidem perit, quod sive fastu facit, sive ex animo regnum non ambit, quid indignius, quam vel rejici ab eo nolente, vel ne dignos quidem judicante, à quibus petat, ultro id ei deferre. Conditiones autem vel maxime nobis necessarias, quomodo vel nos illi feremus, aut ipse accipiet, cum etiam sine ulla conditione regnum non ambiat, quas tamen ut maxime accipiat, quis servaturum eas nobis spondebit, quem neque populis suis, neque aliis fidem ullam servare scimus; & nuper adeo Livonia per inducias ab eo violata, documento nobis esse

potest. Ad extremum religio diversa: humanitas literarumque nulla, quæ ne apud nos quoque cum imperio ejus interirent, verendum nobis esset, neque de iis solum, verum quod omen DEUS avertat ne de libertate quoque in discrimen veniendum nobis esset. Quomodo enim liberis imperabit, qui liberos nullos omnino in imperio suo habet: vitæque adeo ac necis potestatem, ab incunabulis ipsis acceptam, promiscue in omnes suos usurpare assueverint, quam quidem ob rem, ut alia taceam, ne Succus quidem probari sane mihi potest, in regno & natus, & assuetus, in quo nobilitas exigua admodum est, rustica plebs rerum fere potitur. Adhæc & ipse non remotus solum, sed mari etiam se junctus: cujusque majores à Dano ægre se defenderint: hic à Mosco vix se tutatur; Nostra autem pericula, & paratum & certum auxilium requirunt. Filius ejus, sanguis Regum nostrorum est: sed qui ex cunis vix excesserit, regno multo magis vero tam negotioso, difficili que quomodo idoneus esse potest? Non deerunt fortassis qui Battoreum etiam Transilvaniae Palatinum suadere non dubitabunt, qui cum Vasallus Turcæ sit, si eum nobis Regem ascriberemus, quid aliud quam Turcico imperio ipsi nos subderemus, quo vel libertati nostræ periculosius, vel apud omnes populos christianos ignominiosius esse nobis posset? At non imperat eum nobis Turca, sed commendat, quid tum? Primo tamen vasallum vel si honestiore nomine appellare eum libet tributarium suum: deinde quis ita rerum ignarus est, qui potentiorum precibus imperij fere semper, admixtum aliquid esse ignoret? demus modo locum precibus ipsius, mox lenibus, inde gravioribus imperiis assuecere nos volet. Reliquum est indigena, inter quos primus jure sine ulla controversia locus Reginae infanti dandus esset, nisi præsens rerum status, regni pericula muliebri imperium sua sponte respicerent, Virum requirerent. Cui tamen si ratio habenda est, quemadmodum iustissime est, Czære electo, qui vel filio, vel propinquo honeste, nuptam eam elocet, rectissime consulitur. Ut è privata familia eligendi Regis autor sum, fides mea quam reipubl. debeo non patitur. Superioribus iisdemque modestioribus sæculis vix persuaderi eum potuisse existimem, quid hisce temporibus, quibus fastus, luxus nataque ex iis avaritia omnia occupant, quis ei parere in animum induxerit, cui paulo ante par ipse fuerit; neque ipsi solum, sed uxori, liberis, fratribus, cognatis, affinibus: omnes enim ij jam æ regia domus erunt, atque in alios eos si non imperij prærogativæ certe aliquid habere se existimabunt; Itaque non uni Regi deferendum erit, sed quicumque necessitudine aliqua eum atigerint, omnes colendi præhensandique. Opes autem privatas cum exiguas ipse fortassis habiturus sit, publicis cui prius sufficere, avaritiæ ne nostræ semper aliquid à Regibus expectanti,

stanti, inhiantique, an reipubl. necessitati- bus, nisi forte neutris hisce succurrere voluerit, sed sibi suisque solis, sapiens & commodus, partim in suos potius publicum Patri- monium profunderet, partim in eos quorum suffragiis electum se ad regnum existimaverit, ac fortassis non defuturi essent, qui vel bene secum actum existimarent, ut nihil omnino à pristino vicino, nunc novo Rege beneficii acciperent, modo pro gratia maleficio non refertent. Cum enim in hac libertate nostra & factionibus fere omnia implicita sint, & ultra partium studia, sive privati controversiis, vel de finibus cum vicino, vel de aliqua alia re inter alios vix quisquam sit non unus fortassis verebitur, ne quod haud ita dudum gravis vicinus, aut adversarius sibi fuerit, mox multo gravior Rex futurus sit, neque metusis, inter privatos solum versabitur, sed non minus fortassis inter partes reipubl. integras, Polonum eligamus, minus eum sibi equum Lithuanus existimabit. Lithuanus Rex sit, ne Volhyniam, Podlasiamque nobis ademptam, Lithuanique per omnes occasiones id querenti, efflagitanti- que adjungat, verebimur. Ad Prussum Regnum deferamus, à corpore regni abstractos, in peculiari quasi reipubl. quod jam ab initio agunt, Prussos suos confirmabit. Atque hæc quidem domi: ad externos si nos convertamus, quod vel maximum, ac vix non unicum regnorum firmamentum esse solet, autoritas quæ ejus erit, qui nullis vel propriis opibus suis, vel regio genere aut imperio clarus, hodie privatus, cras Rex illis nunciatus fuerit, quis vel foederatus eum magnopere coler, quem tanquam inferiorem, non modo præ- tulerit sibi, verum non magni ante fecerit, vel hostis metuet, quem haud ita dudum contemplerit, quæ pericula reipubl. immineant, scimus omnes: præter ista vero ære alieno non parvo obstricti adhuc sumus: partim à Divæ memoriæ Augusto in publicos usus con- flato, partim per inter regnorum horum tenuis, in militem aliasque necessitates contracto, arces finitimæ, quæ omnes fere ruunt, maxi- mo sumptu reparandæ, præsidij instrumen- toque necessario instruendæ sunt, infinita alia, quid adhæc præsidij privatus afferet? Quid aliud igitur, quam & apud Turcam, aliosque potentiores hostes metu pacem, à nobis au- tem nunciis; præsertim terrestribus, victum semper emendicando: precarius quasi Rex futurus esset. Verum ita ego adhuc ago, quasi ut maxime expediret, convenire aliquid de eo posset; & non desperata plane, apud plebsque ejus rei concordia sit, ne frustra tempus teramus, æqualitas hæc paritasque, quam inter nos esse existimamus, sua sponte indigenam respuit, quis enim quem parem sibi esse statuit, suo suffragio libens Regem sibi imposuerit, quis non se potius quam alium quo minus mirandum majores nostros, cum in Casimiro Monacho stirps Regum nostro- rum defecisset, compluresque annos sine Rege

fuisent, quod tamen vel convenire in ali- quem inter eos non posset, vel incommoda privatae fortunæ, si fastigio Regio admove- retur, ante oculos haberent: potius quam ex corpore suo Regem eligerent, monachum sæculo relicto sacris Deoque jam dicatum, è monasterio longinquisque regionibus, à summo Pontifice multis precibus, legationi- busque repetere maluerint. Et enim quem mihi fere privatum quis ostenderet, qui vel sine insigni rerum motu, non per seditionem, tyrannidemque, adeoque vel sine cæde & san- guine, vel maximo detrimento rerum publi- carum, ad regnum conscenderit. Ut impe- ratores Romanos militum seditione elegi- solitos præteream, vel nostræ, vel paulo superio- ris ætatis exempla documento, ejus rei nobis esse possunt. Boemis Georgij Bogebracij Regnum Silesiæ secessionem constitit. Mat- thias cum ab avunculo exercitu accepto, eo- que cervicibus patriæ imposito, per vim ele- ctus Ungariæ Rex fuisset, cum avunculum ipsum in vinculis postea habuisset, tum ut re- gnum armis extortum, libertatemque popula- rium oppressam armis constrictam teneret, exercitibus semper succinctus, non externis solum, verum suis etiam terrori semper fuit. In eodem vero regno Ungariæ Joannes Rex cum simili fere secessionem electus Rex fuisset, ad Turcica auxilia postea confugere coactus, cum se, tum patriam, in miseram servitu- tem, atque in exitiabile bellum præcipitavit. Cum è contra apud nos externa imperia Lu- dovici quidem libertatem eam, qua maxime nunc gaudemus Princeps fere nobis, & con- firmaverit, & viam ad eam patefecerit. Jagel- lonis autem tantum accessionem ad regnum hoc fecerit, quantam omnes intelligimus, quo minus dubitare horum potius exemplo, tam potentis, vicinique Principis electione reipubl. augere, quam eorum, qui externi Principis odio, suum cum exitio publico eli- gere maluerint, in discrimen aliquod eam præcipitare. Movere nonnullos video quod Germanus sit, quasi verò non laudi potius ac gloriæ apud omnes esse nobis debeat, ex ea gente Regem nos delegisse, quæ & bellica- rum rerum gloria, & Imperij Majestate, & maximarum urbium frequentia, omni que ge- neris cultu, inter primas facile numeratur, & ex qua universi fere orbis christiani Reges Principesque sint.

Hæc Galliarum Franciscum Carolumque & se- quentium Regum genus dedit. Hæc avo- rum memoria nuperque adeo Hispaniarum suos Re- ges, quorum sceptris non Italia solum Euro- pæque magna pars, sed remotus etiam, atque in- cognitus antea nobis orbis patet. Ex hac Ungaria Boemiaque ab aliquot sæculis Reges habent. Sit sane inter pueros plebesque no- stras, quæ natura vulgi inutuo sese insectan- tis est odij non nihil: Vereretur æstimanti vix ullam gentem commemorare poterimus, cum qua major necessitudo, pluraque ac ma-



jora amicitiae vincula nobis intercedant, autem & dicere, quae ut sub eodem caelo posita, sic animorum similitudine, morumque simplicitate & integritate, nobis conjunctior sit, propiusve ad ingenia nostra accedat. Primo qui primus ad amicitiam aditus est, ipsa vicinitas nos conciliat: ex eadem quidem nonnullam aliquid dissidij: Verum & cum uxore aliquando & cum fratribus propinquisve & necessariis ex assiduo contubernio frequentius tribusculi aliquid nobis intercedit, quam cum remotis & alienis: Verum eadem cum mutua charitas, communisq; utilitas, non solum facile tegit, sed dissentiuncula aliqua, amorem interpellatum fortius etiam redintegrat. Itaque cum nulla gente sanctiora nobis foedera: cum nulla non solum publica Regum, sed inter privatos etiam frequentiora connubia. Commercia etiam cum nulla, vel plura, vel majora, ut nullum omnino necessitudinis genus deesse inter nos videatur, nisi quod sub uno nondum Principe degamus, quod hac electione assequi poterimus. Cetera quae illi obijciuntur, ut revera sunt, pro vanis habenda sunt: Egentem ipsum esse aliqui dicunt, utinam apud nos, cum ad bellum alendum, tum ad pacis ornamenta ea omnium rerum copia esset, quae circa illum est. Turcae ipsum praedae esse. Nihil adhuc praeter Sigerum amisit; quod detrimentum, & immensas hostis ejus in obsidionem eam collatas vires, & communem belli aleam spectanti, minus certe mirum videri debet. Verum subjectis gravis est, maximoque nobilitas Germanico imperio in ordinem redigitur. Si hujusmodi imperium, in quo sua quidem cuique ordini dignitas constat, sed licentia cujusque legibus coercetur, vel injustum, vel grave existimaverimus, eadem quae dehortari alios ab illo possit, ut vel maxime cum expetam causa mihi erat. Nolim sane nimia vel severitate, vel iustitia constrictam libertatem: sed tamen si è duobus incommodis alterutrum mihi deligendum sit, ausim dicere, sub hujusmodi imperio vivere me malle, in quo nihil cuiquam liceat, quam in quo omnia omnibus. Jam dudum libertas nostra in licentiam effusa, ac non humana solum, verum divina etiam permiscens, salubri aliquo legum temperamento, moderationeq; opus habet. A nullo ea rectius quam à Caesare adhiberi poterit. Principe omnium confessione prudentissimo sapientissimoque, & qui cum non modo diversarum gentium, populos, moribus linguaque discrepantes, sed religione etiam inter se dissentientes sub imperio suo habeat, ea inter omnes moderatione imperium temperat, ut nemo sit qui aliorum regnorum statum spectans, non felicem se sub imperio ejus existimet. Nullae quemadmodum in aliis nonnullis regnis videmus, ob religionem caedes, negligens quidem ullus stringitur, neque tamen ulla etiam in religionem Catholicam vis, templorumve, aut aliorum factorum

locorum direptio. Sed venia potius quam libertate nonnullorum seu errori, seu imbecillitati permittitur, suus tamen catholicae religionis integer etiam honos manet. Exactiones tributaque, si quae in Turcicum bellum exiguntur ausim affirmare, aliquot partibus minora esse, quam quae à nobis conferri solent: & ea moderatione exiguntur, ut neminem sane gravent. Atque haec quidem quas commemoravi laudes, vix non universae domus Austriacae communes, quasi sunt. Itaque ne Ernestum quidem summæ expectationis juvenem, neque Ferdinandum maturo jam judicio, regiusque virtutibus virum, aspernatus fuero: Verum cum non solum summo genere, summis virtutibus, sed autoritate etiam opibusque praestantem, tempora periculosa nostra Regem requirant, quod felix faultumque sit, reipubl. omnibusque nobis bene vertat. Maximilianum Caesarem ita tamen, si conditiones, quas publico nomine ei proposuerimus prius acceperit, juramentoque confirmari, meo loco sententiaeque Regem Poloniae creo, ejusdemque creandi, vobis etiam quam maxime possum autor sum. Civis vester nobili inter vos loco natus sum: non modo Senator, deinde more majorum Princeps etiam Senatus ac sacrorum adeo in hoc regno mea fide, capitisque atque animae adeo meae periculo eum eligit. Ita hostis iis, quas indignus sacerdos, assidue pro vestra publica salute DEO offero; vobis mihiq; DEUS placatus sit: è contra si sefellere, vel sententiae hujus meae vos poenitebit, adversa omnia, in mea meorumque capita avertat. Archiepiscopi sententiam, Episcopi deinceps qui aderant omnes, ac Principes quidem Cracoviensis, Franciscus Crasinscius, Plocensis Petrus Miszkovius secuti: diris omnibus prius se devote, si vel fallerent, vel aliud quid praeter publicam salutem in sententia sua sequerentur, quod solenne quasi juramentum reliqui Senatores omnes etiam fere sententiae suae praemittebant.

Ex saecularibus Senatoribus Princeps Zborovius Palatinus Cracoviensis: Castellanus enim tum vacabat: cum judicio quidem in eligendo Rege labi se potuisse, fidem integram semper reipubl. se praestitisse, praefatus fuisset, nisi quod Austriacum non obscure improbat, certi in sententia nihil explicabat. Appellatus ab Archiepiscopo & Marsalco majore, ne more regio ultimum suffragio suo locum reservaret, Rosenbergium tandem nominabat. Sandominiensis Palatinus Kostka, inter Podoliae Palatini amicitiam, & nobilitatis studia, quae captabat suspensus, mediam orationem habere. Ni fastus, luxus, invidia, tenuitasque nostra obstarent, indigena nullum magis idoneum regno esse posse: nunc quod tam intricati regni difficultates sint, rectius Caesare ea & prudentia, & iustitia, opibusque & autoritate Principe explicare posse nullum se videre, non ignorare se quidem incom-

incommoda non pauca eum secum habere. Cum commodis tamen si incommoda pensentur, illa superare. Ceteri Austriacum fere omnes, nisi qui Maximilianum, Ernestumque distracti. Cum Siradiensis Palatinus Lascius Ernestum, eique consortem thori Reginam infantem destinaret, nomine nobilitatis Russicae intercessum sententiae illi fuit. At Palatinus Vilnensis Princeps Senatus Lithuanici, qui quod serius advenerant, sequentem diem non suo loco ad sententias dicendas sibi sumpserant, injuriam, servitutemque publicam interpretatus, praescribi sibi, quid in sententia sequeretur, questus, Ernestum ipse etiam cum infante reliquit; deinceps Lithuanici omnes fere nominabant, Lublinensis Palatinus Joannes Jarlo, Belzensisque Andreas Thencinius, soli fere indigenam seu Piasium aperte suadere.

Ex quibus Thencinius, cum ad eum ventum esset in hanc sententiam verba fecit. (Tencinij oratio) Si mos animusque majorem maneret, facilis, quamvis summæ rei explicatio esset, quam nunc degenerans à maioribus, non morum modo; quod ipsum dolendum esset, sed quod indignius est, imperij etiam externi amor difficilissimam reddit. Majores nostri, cum post diuturnum interregnum dissolutionis domesticæ pertæsi, quemcunque tandem Regem eligendum existimarent, eo se demittere maluerint, ut vel oppidanum Crusvicensem Piasium Regem sibi deligerent, quam ex tot vicinis potentibusque Regibus ac Principibus externo se subicerent, neque consilium eventus improbavit. Per multa saecula, non solum regno feliciter stirps ejus praefuit: Verum cum non magnum id accepisset, armis rerumque gestarum gloria maximum clarissimumque reddidit: Provincias aliquot Regno adjunxit, Victoriisque ac triumphis plurimis maximisque id illustravit: idem cum ex stirpe illa, unus Casimirus Monachus reliquus esset, ex ipsis Monasterij claustris eum erigere, legationeq; ornatissima publice missa à summo Pontifice exorare non dubitarunt: non quo Principem aut regia familia Regem haberent, quemadmodum alios interpretari id video: sed ut indigenam, quorum quidem exemplum, ut nullus apud nos regno dignus esset, sequendum tamen potius existimarem, quam externo imperio, à quo semper & majores nostri, & ipsi non sine causa abhorruimus, cervices submitteremus. Jam vero cum tanta copia, & sapientissimorum Senatorum, & fortissimorum equitum inter nos sit, quanta ausim affirmare, in ulla alia gente vix sit. Ipsi ne non tam nos singuli, quam patriam universi honore dignitateque hac, publico quasi judicio nostraque ipsorum consensione abjudicabimus? eam ne notam apud externos nobis inuramus, in tam amplo populo loque, atque nobili adeo regno nullum omnino qui regno dignus sit reperiri. Quod enim gloriosum aliqui fu-

turum nobis putant, si ex Augusta domo, quae universum fere orbem christianum Imperiis complectitur, Regem nobis delegerimus, illis fortassis honorificum id fuerit, nobis certe non modo non gloriosum, sed infame pene apud omnes futurum existimo, nisi externum tot locorum intervallis in regnum ascivissemus, Regem habituros non fuisse. Senatum Romanum, Regum consessum quidam olim appellasse, quotque Senatores in eo videntur, tot Reges se vidisse, verustis illis reipubl. temporibus dixisse fertur. Idem Sigismundi Primi temporibus, de nostro Senatu, Turcici cujusdam legati dictum fuisse scimus; absit invidia dicto, ne hujus quidem Senatus poenitet, compluresque adeo video, quos sapientia, prudentia, gravitate, omnibusque regis virtutibus, non solum conferre, cum plarisque Principibus possum, verum nonnullis etiam antepone. A regio genere non sunt, ne eorum quidem majores regis natalibus orti fuerunt, qui nunc Reges sunt. Satis mihi generosus erit quem a republ. patriaque Regem mihi genuerit: Satis magnus, atque adeo Rex mihi erit, qui regis virtutibus, dignum se regno praestiterit, quas cum maxime in Rege deligendo spectare debeamus, cur externum praeteram civi illi, in quo non solum pares, sed fortassis superiores etiam illae sint. Cum ut pari omnia in utroque sint, rerum tamen, hominum, legum, moris, institutorum patriarum, linguae denique notitia, superior certe, magisque idoneus civis sit, necesse est, in quo quantum positum sit, quid attinet dicere? nemo clavum committit ignaro maris: nemo currum vehendi imperito: nemo Ducem itineris, viarum regionumque ignarum deligit. Externus ne, qui de facie nunquam me viderit, multo minus quo majores mei in regno hoc loco, quibus mentis fuerunt, vel ipse adeo sim sciat: qui neque legum, institutorum, judiciorum nostrorum formam unquam animo conceperit, qui denique neque me intelligat, neque à me intelligitur, regnum rite administrabit: illene quod unum legitimo Principi in omni administratione potissimum esse debet, ut illi cura atque labore ego beatus sim, vel vellet efficere, vel ut velit poterit. Citius credite mihi vel qui nunquam mare viderit, è maximis tempestatibus navem explicabit, vel ducatum caecus mihi praestabit. Verum dicat aliquis, aprior fortassis regno indigena, quam externus, verum idem egens, infirmus, humilis, nihil vel ad se, vel ad regnum tutandum praesidij afferet. Primum ea ipsa potentia, quae ad externum Principem, maxime autem Caesarem eligendum alios invitat, me deterret, nolo nimis potenti domino servire: Regem habeam qui secundum leges imperando, amari à me malit, amoremque sui à me potius omnia impetret, quam per vim metumque extorqueat.

Notum vetus Samotulij Posnaniensis Palatini testamentum est, quo praecipuisse liberis fertur,



fertur, si qui ex illis in Senatu aliquando futuri essent, ne nimis Princeps abundaret, sed subiectorum potius ope egeret, quam subiecti omnia ab illo expectarent, pro se quisque operam daret. Etenim rite secundumque leges imperanti satis illi in republ. civiumque concordia, & amore praesidii erit. Alium si se praestiterit, in reipubl. tamen potestate, ut sit volo: ex ea ne nimis opibus se eximat, graviusque mihi sit, aut omnino me opprimat nolo, nolo externa praesidia adducat; nolo affinium cognatorumque Principum auxilia, in caput meum, libertatemque publicam invocet. Deinde opes illas quae ab externis nobis ingeruntur, vereor ne ostentatio potius praesidii alicujus, quam verum praesidium sint. Omnia magna imperia, ut proventus magnos habent, ita difficultates suas non minores, quae ut non pauciora perdenda quorundam sint, quam percipiuntur faciunt, quis vadem se nobis praestabit, non magis nostro auxilio illum opus habiturum, quam nos illius. Tu ne mihi Impe. regni Boemici, Ungaricique vires ostentes, quae bello Turcico jam ardent, propioraque adeo periculo sunt, quam nos ipsi? illis ne hoc regnum tutaberis, aut hujus regni copiis illam? adeo ne vel externas vires ignoramus vel nostras? Non unum hoc regnum est, sed multa: singulae partes provinciarumque ejus, regnorum quorundam instar sunt, ut Poloniam utramque, quae caput rerum est, taceam, Lithuania, Russia, Prussia, Livonia, nonne singulae ex hisce cum regionum spatio, tum nobilitatis hominum, urbiumque frequentia, portuum nonnullarum etiam opportunitate vectigalium ad extremum, si ad exterum morem exigantur, copia ac magnitudine, cum nonnullis Europae regnis non comparanda solum, sed aliquibus fortassis praeferenda; quae quidem opes publicae, ut tantae non essent, concordia certe nostra sit modo ea, & quibuscumque domesticis opibus facile contra quemvis externum hostem nos tutabimur. Certum est animo nullam tam parvam gentem esse, quae modo concordibus animis salutem publicam tueatur, quae externis viribus deleri possit. Exemplo nobis vel haec ipsa patria nostra esse potest. Cum Poloniae sola per tot saecula, sine ditionibus illis, quae postea accesserunt, sub Piastis aliisque indigenis regibus ageret, quibus externis praesidiis opibusque, non solum à vicinis hostibus, Germanis, Boemis, Russis, Lithuanis, Crucigeris, Valachis, Scythiis, illuvieque illa Barbarica, non solum tutata se fuerit, sed quam latissime imperio propagato, tot nobilissimas provincias adjunxit? Pudet conditionum, quas tam amplo regno publice ferre alios non pudet. Cum alij centena aliquot millia, alij ne aliquot quidem sed singula, juventutisque nostrae alimenta, artium munitiones, similiaque pretium quasi regni offerre nobis non dubitant; tantulane igitur summa regnum hoc aestimetur, quod ditionum amplitudine, vectigalium copia, si ad ex-

ternam praesertim formam revocentur, cum florentissimo quoque Europae regno facile conferri potest? Si quae paucis hinc annis in exercitus nostros, quos contra Moscum, Suecum, Tartaros aluimus, aliasque necessitates publicas erogata publice fuerint computaverimus, quantam summam futuram existimatis? neque tamen quisquam nostrum, vel publicis vel privatis vectigalibus suis quicquam decessisse, animadvertere potest; ararij modo publici curam suscipiamus: Vectigalia constituamus, largitionibus nimis modum certum praescribamus. Satis credite mihi, quicumque Rex erit, ut opes ad regnum ipse nullas omnino afferat, cum publicis tamen vectigalibus, tum nostra etiam benevolentia dives abundansque erit. Satis luculenter, cum domi tum foris & suam dignitatem, & regni Majestatem tutabitur. Nam quod auctoritatem etiam cum non habiturum, nonnulli disputant, non video cur Senator ex privato factus in honore apud me sit, Rex esse non debeat? Palatinum qui modo privatus fuit veneramur, Regem factum contemnemus? Non dicam nunc, quod à sapiente quodam profectum, à multis usurpatum scimus. Omnes Reges à iervis, omnes servi à Regibus, illud vere dici potest, omnibus Regibus, privatum certe aliquem initium praebuisse: qui primus igitur ex privatis Rex fuit, nisi in summa apud populum veneratione fuisset, quomodo vel ad tantam fastigium pervenire, vel evehit ad id continere in officio populum potuisset? Circumferamus modo per alios populos atque gentes oculos, in amplissima Veneta republ. Duce mortuo, qui heri privatus fuit, hodie dux, & magnus quidem, in potentissima republ. dux sit: Quod illi vel à civibus, vel ab externis honoris genus non deferret? non suam enim sed reipublicae personam gerit. Quicumque igitur Rex erit, regni certe in eo Majestatem non sui modo sed exteri colent. Quem hostem Matthia Rege Ungaria timuit, aut quis non vicinus illum? Ametur modo à suis, & arma in manibus novus rex habeat, in maiore apud omnes veneratione erit, quam iners maximorum quorumcumque Regum posteritas. Idem illis respondeo, qui si ne motu aliquo, aut seditione privatum fieri Regem non posse putant. Praeterquam enim, quod privati utique Regibus omnibus initium praebuerunt, qui superiorum aetatum res inspexerit, plurimum externorum certe imperium, vel seditionem vel exitium, vel aliquid mali secum traxisse reperiet, quam privatorum indigenarum, ne longe abeam, externum regem unum, ante Henricum hunc, omni memoria Ludovicum regno huic praefuisse scimus. Jagellonum enim, qui se suaque omnia regni potestate ac ditioni permisit, non pro externo, sed nostro habendum puto. Sub Ludovico autem, quae illo in Ungaria desidente, perque vicarios regnum administrante, rerum facies, quam praeter publicam

negle-

neglecti quasi regni indignitatem, miser etiam tristisque status fuerit, quis ignorat? quis non similem statum nunc etiam Caesare electo non expectare posset? aut vel viciniore, nunc Germania, Boemia, Ungariae nobis sunt, quam antea fuerint: vel praesentiam ejus minus nunc, quam hunc Ungariae Ludovici, desiderant? At indigena electo, necessarios ejus omnes, plurimosque adeo pro uno Reges habebimus: Suos denique ante alios provehet, è publicisque vectigalibus locupletabit, alios vel benemeritos praeribit, vel invisos premeret: ad extremum ne convenire quidem de eo poterit. Nescio si de externo convenire possit, cur de suo non possit? aut tot disceptantes sententiae, ad unam redigi non possint, cur vel majori parti suffragiorum, vel sortis, saepe in similibus, maximisque aliis rebus frequentatae non committantur? in commodis autem quae ex indigenae imperio expectanda nonnulli putant, cur non eadem ratione obviam eamus, quibus externis. Externo conditiones ferendas putamus: feramus & indigenae. Si de eo enim agitur, ne si Lithuanum eligeremus, magis Lithuanis faveat, quam Polonis: itidem Polonus Polonis, & quis magis suo quam alieno; multo magis Gallus Gallo, Italus Italo, Germanus Germano cupit. Sed quemadmodum conditionibus & lege suffragatores eorum obviam ei rei iri posse existimant, eadem ratione indigenae, conditiones modumque certum praefiniamus. Lege caveamus, ne quicquam suis ne liberis quidem, nisi intra certum modum conferre possit, ne in quenquam nisi benemeritum reipubl. beneficia conferat, quas leges condicionesve, si vel astu aliquo eludat, vel vi perumpat, cum suis benefecerit, non alienos tamen, aut externos in honoribus videbimus, apud cives necessarios, sanguinem denique nostrum beneficia reipubl. erunt. At qui Caesarem tantopere commendant, saltem quid in vicina Ungaria fiat, videant: nonne omnia Germanorum plena? Nonne Ungarorum, fides, & suspecta fere illis, & invisa? Nullum fere alicujus momenti praesidium in Ungaria est, quod non à Germanis teneatur, Ungari propria patria sua quasi extorres, vel exemplo saltem suo Ungaria nos moneat, ne quorum consilia imitemur, eorum exitus nos maneat. Cum Germanis & majoribus nostris, & nobis hodie complures sane necessitudines intercedunt: sed inter frequentes Regum nostrorum cum illis, & privatorum affinitates, aliaque necessitudinis vincula, suam tamen una quaeque gens semper rem agere, curareque, neque vero plebs solum, puerorumque odus, non raro inter se exarsisse, ut Henricorum, aliaque superioris aetatis bella taceam, vel Cruciferorum arma ostendunt, quibus haud scio an ullis aliis, vel diutius, vel gravius exagitata Polonia fuerit. Ut quam brevissime igitur me explicem indigenam suadeo. Hic & nostrum unumquemque noscet, & nos illum, idem moris,

juris, legumque nostrarum gnarus, minus certe injuria facere cuiquam poterit, ad eum non per interpretem, sed ipsi adire, desideriaque nostra deferre poterimus: nulla ab eo externa vis, nulla peregrina arma metuenda, nullo ille externo satellerio latus; nullis externis cubiculariis ministrisque, privatos ad se aditus, obsepiet: omnes nostros circa illum videbimus: qui vel gratia regia freti, peccare aliquid ausi fuerint, rationem ejus legibus reddendam sibi scient. Ut uno verbo dicam, pater mihi Rex sit non vitricus, qui quemadmodum ego illum veneror tanquam Regem, ita me amet tanquam civem, sanguinemque adeo suum. Nomine omnium Prussiae Palatinatum, Nicolaus Dzialinius Palatinus Culmenensis, & suo loco & ab alio legatus, Ernestum nominabat. Interpellatus à Zborovio Palatino Cracoviense, unius se suffragium accipere, absentis jure suffragium nullum esse. Similiter cum Thesaurarius valetudine impeditus ad Vicecancellarium scriptum suffragium suum misisset, ne in exemplum res traheretur, recitari non permittit. Stephanum Battorem, qui non multo post, felicioribus regni hujus fati, à magna parte nobilitatis iisdem comitiis electus Rex fuit, ante Andream Zborovium, minorem Marsalcum, nemo è Senatu nominare ausus. Etsi enim legatus Turcicus Leopoli adhuc haerebat, legatio tamen, quae Battorem, aut indigenam commendabat, vulgata jam erat, quae res non solum à Battoreo animos plerorumque fere averterebat, eoque magis quod tributum Turcae illum pendere, omnibus constabat: Sed Piastrum etiam apud nonnullos, qui nihil à Turca sanum sincerumve expectandum disputabant, suspectum fecerat. Andreas Zborovius, qui pro loco Marsalci curiae, inter ultimos sententiam suam ferebat, cum Indigenam ipse etiam improbasset, imprimis quidem Ferrarientem, quem alij etiam nonnulli pauci tamen nominant, secundum eum Battorem sententia sua & primus, & in Regem creabat: cum tributum non ab illo protectum, sed à decessoribus ipsius Transilvaniae Principibus in eum transmissum excusasset. Sententia à Senatoribus dictis, ab equestri ordine in consilium itum. Mos per Palatinatus sententias dicendi, quae in aram postea conferrentur, superiore electione usurpatus, jam in Stenzicienfe conventu intermissus fuerat. Itaque hic quoque ad suffragium ferendum universa nobilitas unum in locum convenit, magno popularitatis incitamento, cum quo popularius quicquam ab aliquo dictum, à circumstantibus imperitioribus mox exciperetur, acclamareturque, acclamationibus iis sana etiam pars plerumque vel traheretur, vel cedere necesse haberet. Ab initio duo fere tantum diversis concionibus jactari, Austriacus & illi oppositus, sine ullo cerro adhuc nomine indigena. Austriacum complures commendabant, imprimis tamen

Nico-



Nicolaus Firleius Casimiriensis Praefectus, Jacobus Cziecigniovius, Joannes Kochanovius celeberrimus idem nostrorum temporum Poeta, Christophorus Zborovius, Stanislaus Czarnkovius, qui Augusto Rege referendarij munere maxime celebris fuerit. Intereos qui Piaſtum ſuadebant, Princeps fere Joannes Zamofcius Belzenſis Praefectus, & non ſolum ob ingenium opinionemque de eo hominum maximam apud plerumque autoritatis, ſed à ſex etiam tum Ruſſiae Palatinatibus Legatus.

Pro Auſtriaciſ Czarnkovius in hanc fere ſententiam verba fecit.

*Czarnkovij Oratio pro Auſtriaco.*

Convenit mihi, aliisque ejusdem, mecum ſententiae ſunt, cum parte illa, inquit, non niſi noſtrae gentis Regem nobis deligendum, noſtrae autem gentis, omnium interpretum ſacrorum, ipſiusque adeo Scripturae Sacrae autoritate, ac teſtimonio eligere me Regem ſtatuo, cum Chriſtianum eligo. Omnes enim qui Chriſti DEI nomen profiteſcuntur, unum populum, unam gentem nos eſſe, quis vel tam ignarus eſt myſteriorum Chriſtianorum, ut ignoret, vel tam impius, ut negare audeat. Omnes Iſrael: Omnes ſemen Abraham ſumus. Quod ſi intra unius linguae gentem jaſtare praecipit id voluerimus, eadem ratione, ne connubia quidem cum aliis populis Chriſtianis, liberanobis erunt. Ejusdem enim legis autoritate, qua Reges ab exteris petere Judaei prohibebantur, nubere etiam in externos vetitum illis erat. Verum ſi à tot ſaeculis, quibus religio Chriſtiana viget, nullus omnino repertus fuerit, qui connubia inter populos Chriſtianos interdixere auſus fuerit, ratioque adeo ipſa, & mos omnium gentium Chriſtianarum, id reſpuit, quae ratione connubia, aliarumque rerum commercia nobis permittunt, regni imperiorumque excludunt. Quod ſi ex ſolius linguae commercio Reges legemus, infinitos Reges habebimus. Sed neque ego fortassis, neque tot alij quamvis linguae noſtrae peritiſſimi, ob id Reges eligimus quamvis poſſem ſpem facere, quod multorum horum Regum, ad externa regna electorum exemplo nobis promittunt, ne linguae quidem quencumque elegerimus diu expertem fore. Id tamen quod res eſt dicere malo; alia certe quaedam quam linguae noſtrae uſum, in eo, quem tam dubiis praefertim temporibus, admoveſcere gubernaculis regni velimus nobis ſpectando. Alia regia munia, virtutesque ſunt, hujusmodi mihi Rege opus eſt, qui non in me primum regnare dilcat, ſed cum artes regnandi à majoribus imbibet, documentum etiam earum in aliis jam dederit; famulum aut villicum cum eligimus, expertem quiſque deligit, non qui in noſtra re familiari periculum faciat, & Regem cum deligendum exiſtimabimus, qui non modo ipſe unquam regnarit, neque domi ſuae vel per ſomnium unquam regnum viderit. Ego vero non talem ſolum aſciſcendum ſtatuo, cui re-

gnum nomenve Regum nihil novi afferat. Verum quod non artibus modo, ſed praefidiis etiam regiis egregie munitus, & domi legibus & foris armis autoritateque nos tueatur. Itaque non ea ſolum ſpecto, quae ſola plerique inter opes numerant, regna nimirum, arma, vectigalia, ſed non minus alia, affinitates nimirum, clientelasque, cognationibus mihi orbem Chriſtianum complectatur: Principes Chriſtiani alij ament cum; tanquam propinquum, revereantur alij tanquam ex Auguſta domo proſectum: hoſtes autem non ſolum opes armaque ejus metuant, verum neceſſitudinem etiam, conſenſumque cum eo reliquorum Principum Chriſtianorum, in quo quantum poſitum ſit, cum infiniti teſtentur, ne longe abeam, quid Caſimirum pacavit? affinis. Quae pericula nos circumſtant videtisne? Molus aperte in armis eſt, Danus homines regni jam dudum praedae ſibi ducens cauſam armorum vel dat, vel quaerit. A Sueconili quae petat largiamur, quid amici aut pacari expeſtare ab eo poterimus. Imperio Germanico quae de Pruſſia controverſia nobis intercedant, non ignoramus. Cum Tartaro aeternum bellum: cum Turca nunquam ſida pax, pro beneficio imputanteſt quem ultimam ex focis comedat. Si non omnia pleraque certe pericula, aut Auſtriacus, aut nemo tolleret, alios ut Germaniam, Danum, Suecum, Moſcum, vel neceſſitudine, vel ſola nominis autoritate pacabit, Tartarum armis ulciſci, Turcam princeps iſis opibus, atque affinitatibus, vel incipiti metu, in pace continere, vel bello arcere poterit. Neque tamen quiſquam exiſtimet, clauſum jam contra Turcam me cauere, cujus arma quemadmodum majores noſtri ſemper, ita ne ego quidem temere irritanda putem. Unum ſcio affirmare auſum; plus Chriſtiano tamen ſemper fidendum quam Turcae. Ad tot vero partim aperta, partim incerta pericula accendenda, quid Piaſtus, vel auxilij vel acceſſionis nobis afferet? affinitates cognationesque privatae & quae graves quidem eſſe nobis poſſent, praefidij nihil habeant. Jam enim non ſolum ne ipſe Rex ex privato factus, ſed patres etiam, propinqui, neceſſarii, affinesque ejus, mores cum regno mox mutant, proque uno multis dominos habeamus vereor: magnum sanguinis vinculum. Itaque majores noſtros praeter unum Piaſtum, non ſolum privatum nullum regno admoveſſe videmus, ſed ut ne Reges quidem in familias quamvis nobiles potentesque nuberent, domeſticaque regum connubia, plures domi dominos illis impoſuerent, ſemper caviſſe, non ita merito autem caviſſe, vel Helizabetam, vel Barbaram documento nobis eſſe poſſunt. Praefidia certe opesque quas utraque à nobis ſolis vel habere, vel expeſtare poterunt? Ad quemcumque non modo nuncium ſed metum ſtrepitumque belli, tributum, expeditionemque indicant. Semel iterumque feremus: progreſſu temporis, ne

fre-

frequentia tributa expeditionesque aut nihil, aut raro beneficij aliquid à Regibus auferentes, frequentes autem tributa pendentes, merentesque una cum ipſo Rege, opinione noſtra citius in odium nobis veniant vereor, cum è contra Auſtriacus, non ſuis ſolum ſed plerumque Principum Chriſtianorum ac totius fere Europae autoritate, opibus auxiliisque, ſubnixus, non modo ſublevare difficultates noſtras, vel ſolus vel maxime poſſit, ſed augere etiam regnum hoc ornareque. Ille ad domeſticas vires noſtras, imprimisque equitatum, quo praeter ceteris nationibus maxime praefitimus, non ſolum equitatum, tum Germanicum tum Ungaricum, Boemicumque, ſed legiones etiam Germanicas, Italicas, Hiſpanicasque, eaſque ſuis ſtipendijs adjunget. Ille & novis arcibus praefidiisque, quare vel maxime opus habemus, ſines regni contra diverſos hoſtes, per quos quam latiſſime extenduntur muniet confirmabitque: & vetera munimenta operaque vel collapſa, vel ſint neglecta, reſtituet, inſtaurabitque ille nobilitatem ad externos etiam honores beneficiaque provehet, urbes oppidaque artificijs, legibus novisque Colonis excolet, univerſum autem regnum, cum operibus novis, tum inſtitutis exornabit; quibus rebus gentes eae floſcant quis ignoret? quae illic munitarum arcium frequentior, quis urbium ſplendor? quae artificiorum omnis generis copia? quis per omnem regionem nitor? quae elegantia non oppidorum ſolum, ſed ſingularum pene Villarum? vel una res documento eſſe poſeſt.

Cum apud nos in plerisque oppidis rata horologia ſint, illic nulla fere villa eſt, quae praeter alia ornamenta, non horologia etiam ſua habeat: quo minus mirum eſt, patrum adhuc memoria in Germaniam fere plerumque ad excolenda ingenia liberos ſuos miſſitare, & artes artificiaeque omnia inde fere petere, ſolitos. Jam à Regibus Bonae temporibus magis quidem Italia quam Germania à noſtris frequentatur, artificia tamen pleraque, urbesque adeo ipſas noſtras, quae ab ejus fere gentis hominibus coluntur, Germanis certe fere debemus. Tyrannidem aliqui ſuperbiamque, & impotentioreſ dominatum, maxime autem aliena imperia occupandi, continuandique libidinem eis objiciunt, quibus quid iniquius? Conſirmare auſim, nullam regiam cum aliis virtutibus regiis, tam maxime liberalitate, atque clementia magis clariſſe: à nullo Principe mitius benigniusque populos haberi. Sine tributis quidem nulla reſpubl. foris praefertim, quae tot tantisque bellis implicata ſit, geri, adminiſtrarique poſeſt: Sed ea ita apud illos moderata eſſe ſcio, ut poſſim oſtendere, minora illos populos ſuis Principibus, quam nos noſtris Regibus tributa pendere. Aequalitatem illic tributorum quam quis non porius laudet, quam in vicio ponat? ea nimirum,

quo non capita egentiorum, cum locupletioribus, ſed facultate & cenſu exequentur; Qua quid juſtius? plus poſſides: plus in commune confer: egeſtatis vel id ſolacium ſit, ut cum pro opibus cujuſque à ditioribus reſpublica juvetur, ob ea ſupra vires ejus nihil ſaltem exigatur.

Juſtitiæ certe, clementiaeque eorum, non modo ditiones urbesque & homines earum omnibus rebus floſcentes, argumento nobis eſſe poſſunt, ſed imperij etiam diuturnitas felicitasque. Per quadringentos jam fere annos, non in Germania ſolum gens haec rerum poſitur, ſed in maxima parte Europae: Uno Alberto qui patruelis fraude periit, excepto, nullae in ea caedes, nihil violentum extitit, qui non ſicca morte ſine caede & ſanguine functus fuerit, quorum utrumvis ne veterum Imperatorum, Tyrannorumque minas, ac facta repetam, haud ſcio an in quacunque alia regia oſtendere facile ſit. In Imperio Romano, ab aliquot jam ſane ſaeculis, invicem ſibi ſucceſſerunt; ſed voluntate Principum: commune enim imperium in proprium dominatum eos non vertiſſe, non modo cujuſque vel Regis Romani, vel Caſaris electio ſuffragijs Principum electorum, omnibus temporibus adminiſtrata, ſed aliorum interpellatio, aliorum praeteritis oſtendunt. Nam & à Lucemburgicis, & à Bavaris, interpellatum, continuationem eam imperij in domo illa ſcimus: & nuper cum à Carolo V. Philippus filius, ſi haereditatum ſucceſſionumque jura valiſſent, ſuccedere debuifſet, minor natu frater, Ferdinandus ejusque poſteritas ſucceſſit, quorum neutrum fieri poſuiſſet, ſi haereditario jure comitia, imperitandique viciffitudinem ſuſtulſſent. Boemorum jura ſi violata eſſent, cum merito illorum id accidiſſet, quis reprehendere poſſet? Belli Germanici temporibus, non modo à Rege ſuo eos defecide, verum uxorem ejusdem Reginam, eamque gravidam, una cum liberis ita obſeſſam ab illis ſcimus, ut mortem non multo poſt, ex terrore inopinato ſubierit. Praeter aliarum rerum novarum conſilia, quae Bruccio Juriconſulto capto ſe aperuere, quaeque ſignis eorum teſtata, cum ad noſtros etiam Reges miſſa eſſent, mihi ipſi videre contigit, & tamen non niſi in autores fontesque poena vertit.

Si quid vel ipſi Auſtriaci in Maſoviam, vel imperium Germanicum in Pruſſiam juris ſibi uſurpant, non modo abſtergere id nos ab iis, ſed invitare etiam debet; cum & Maſoviae jure, ſi ex ipſis quis eligatur cedere, & de Pruſſia cum imperio pacare nos paratos ſe oſtendant.

Ut in pauca rem conferam, non modo qui magis è reſpublica, verum etiam qui Regibus noſtris regnoque adeo à multis ſaeculis conjunctior ſit, quentiam creare poteritis, praeter vicinitatis

H

alio-



aliorumque commerciorum jura, affinitates quam frequentes, nuper adeo laudatissimas uxores duas regia hac defuncto Regi nostro dedit: nulla unquam earum mali quicquam nobis importavit. Si prolem nullam nobis dederunt vel Dei voluntati, vel peccatis nostris imputemus. Quod bene igitur vertat, quemcunque volueritis ex domo ea Regem eligite, Si pater vobis placuerit, summæ autoritatis, expertæque prudentiæ, ac moderationis, maximisq; opibus, ætas maxime nunc integra, cum quinquagesimum annum nondum attigerit: Valitudine nonnunquam tentatur, Verum quæ rebus gerendis impedimento non sit, podagra nimirum, molesto magis quam vel periculoso, vel assiduo morbo. Si filius magis probatus fuerit, eorundem regnorum affiniumque opibus subnixum, maxime autem ejusdemq; non dubiæ expectatationis, tum annis viribusq; florentem Regem habebimus: utrum elegeritis neutrius vos poenitebit. In eandem sententiam alij, qui supra demonstrati sunt, verba fecerunt: omnes à magna parte nobilitatis ab Austriacis abhorrente cum tædio fere auditi: ex Czarnkovij vero oratione horologiorum mentio, in risum & jocum ab adversariis arrepta, vix non aliam etiam orationem ejus elevavit, maxime tamen Zamoisij oratio eam oppressit.

*Zamoisij pro Indigena Oratio.*

Si quis inquit, vestrum miretur, me qui superiore interregno nominis, Majestatisque regis vix non inter primos propugnator fuerim, nunc privati ad fastigium regium evehendi autorem esse ab eo, primum ut quæ tempora tum voluntatesq; hominum fuerint, cogitet petam; deinde si durior iniquiorque in me esse voluerit, saltem ut ætati huic meæ, una cum majoribus natu & sapientioribus, vel erranti, tum vel deceptæ veniam hanc de ro gabo. Omnia ætas fert: hunc judicij quoque vel errorem demisit, vel maturitatem attulit.

Augusto nuper admodum mortuo, quamvis in libertissimo regno natus, cui tamen non splendor, Majestasq; nominis regij ob oculos adhuc versabatur? quis in tam recente memoria augustissimi Regis æquo animo privati mentionem fieri patiebatur? cui non sæpius in mentem veniebat, quis fuisset, qui proxime regnasset, an qui futurus esset, quem eligere mus? quis deniq; regio solio quenquam, quam qui regio genere natus esset dignum regno judicabat.

Postquam usus resq; ipsa, & præsentia pericula, quid reipublicæ maxime expediat, ple rosq; etiam majores natu: me vero præter ista ætatis etiam qualiscunq; hæc accessio edocuit, cur me pudeat, ex usu & temporibus reipubl. sententiam potius mutare, cumque ætate secundas, easdemq; sapientiores cogitationes consiliaq; lumere, quam vana constantiæ laude tuenda, si non in gravius, simile sal-

tem periculum, pro mea parte etiam rempublicam conjicere.

Mecos etiam oculos, animumq; fateor, idem qui aliorum fulgor tum quidam nominis regij perstringebat, & ut magna præclaraque una cum alijs Principum nomina mihi videbantur, ita alienum à dignitate publica esse, Regi nonnisi Regem aut Principum saltem familia ortum suffici.

Nunc sive originem, sive munus Principum cogito, nihil omnino video, quare cuiquam equestri ordine, in quo modo virtus equestri ordine digna sit anteferri quisquam eorum debeat. Ne enim illud jam dicam, multorum Regum Principumq; familias, quæ vicissitudo est rerum humanarum ex multo humilioribus etiam initiis profectas, quam multi enim Reges ab ovili atq; aratro, inferioribusq; ministeriis alijs ad regnum evecti, ut maximum quodque imperium fuit, ita ab humillimis initiis profectum. Nobilior certe ipsi nullum sui initium ostendere vel possunt, vel solent, quam equestrem ordinem; cujus ea apud omnes gentes dignatio est, ut apud alios ipse summa imperia administret: apud alios Regum atq; imperatorum seminarium sit. Cumque tantum abest, ut quosdam summos Reges, Principesq; puduerit, ut cum sanctius aliquid confirmare voluerint, nobilis hominis seu equitis fide confirmando originem suam, non modo libentes ipsi agnoverint, verum gloriari quasi ea soliti sint.

Quid enim ducum ista, Marchionum, Comitum ac similia nomina, naturæne potius, quam dignitatis, ac magistratuum esse putatis; quibus illa ab initio tradita fuerunt, equestris ordinis homines fuerunt, qui si ad posteritatem illa transierint, tantum abest, ut conditionem reliquæ nobilitatis exuerint, ut accusandi potius sint, quod quæ publica fuerint omnium, ea privatim sibi suisq; usurparint.

Ex vestro sensu conjecturam facite, apudq; animos vestros cogitate, si nunc vel Palatinus, vel Præfectus, vel judex, vel quicunque alius magistratus officium, quod vicissitudine quadam totius nobilitatis commune est, in familiam suam transferre velit, temporariumque magistratum, familiarem facere, vicesque istas per orbem officia ista capeffendi, obeundique, quæ maxime æquandæ libertati sunt, tollat, bonumne eum virum judicaretis, ac non potius odio, quam honore dignum censeretis.

Jam vero non modo origo utrorumque communis, cum ab equestri ordine Principes etiam profuerint, sed artes etiam studiaque eadem. Propria quasi apud omnes gentes equestris ordinis sunt, vel domi Magistratus obeundis rempublicam gerere, vel militaris Rei studia tractare: hæc quasi proprias artes equestis ordinis homines ubique exercent.

Aliane

Aliane cujuscunque ut quam optime instituti Principis, vel munia, vel studia sunt? Idem vero ordo, eademq; ejus studia, cum sinulla gente, apud nos certe vel maxime vigeant; quis iste tantus error mentes nostras obcæcavit, ut non modo quod domi habeamus aliunde quæramus, sed magno etiam cum incommodo, externum nostro præferre velimus.

Ad rem ipsam modo, naturamq; mentes oculosq; referamus, quis est qui sua sponte non mox intelligat, quanta in quocunq; externo incommoda, quanta commoda in cive sint, qui qualiscunque, aut quocunq; ingenio futurus sit: quod tamen in regno natus sit; quod homines rationesque regni norit, aptior certe, quam quicunq; externus, cui ignota omnia sint, erit: qui cum linguæ ipsius ignarus sit, qui ad illum aditus, quæ communicatio cum eo illis, qui linguæ ejus expertes sint. Cum præsertim ut fortassis alia nonnulla, ita maxime Slavica, sua etiam quædam habeat, quæ ne proferri quidem alia lingua possint. Quocunq; oculos convertamus, domestici imperij raro, externi ut plurimum poenituisse homines reperiemus. Post Boemum vix intra quadagesimum annum regnum hoc ad se rediit. Ludovico Rege quæ facies reipublicæ hujus fuerit, ex annalibus repetere quilibet potest. Jagellonem pro nostro habeo: priusquam enim electus Rex fuisset, communia omnia sua, cum regno hoc fecit. Omnino externum DEO non placere, quid clarius quam proxima electio ostendere potuit? noluit diuturnum ejus imperium apud nos DEUS esse, discessus ejus tam repentinus inexpectatusque; omnibus fere nationibus ostentui nos exposuit, saltem propria nostra seu pericula seu experimenta sapientiores nos faciant. Nobis ille mutus erat nos illi. Si quæ per interpretem ad illum deferebantur, quam frigide? Ut verba enim fortassis mea reddere interpretes possit, interiores vel doloris, vel alterius cujuscunque affectus sensuiq; quos vix viva oratio effingit, nunquam certe ille exprimit. In incerto per omne id tempus statu reipubl. erat: promissis, aut conditionibus nullis satis fiebat, vel vestigia saltem propria nostra nos terreant. Ut uno verbo dicam, non modo curam nostri majorum gerat; Verum qui rectius etiam nostro præesse nobis possit, nullum reperiemus, difficile naturam mutare est: ingenitum id unicuique, ut suis quisque faveat: Civis civi, externo externus. Quo magis Candidati ejus rationes expendo quem majores nostri semper fugerunt, nunc plerique nobis commendant, eo magis horreo.

Jam dudum eosdem, ut ex occidente Reges nobis eligere necesse haberemus, decreto etiam in aliena causa interposita, egisse video: quod cum tum vigilantia majorum nostro rum averterit, nunc ipsi utro ei nos subjicia-

mus: eosdem inter nos Prussosque aliosque vicinos contentiones sævire: diadema locis nostris, quo saltem à nobis eos se jungerent, detulisse: fœdus societatemq; cum Moscho contra nos junxisse: Silesiam à nobis avertisse: omniaq; omnino facere, quæ quam maxime obnoxios nos sibi habeant. Jam dudum sane ut fœdere contra Barbaros nos illigent, laborant, ut idem scilicet qui alios exitus nos maneat. Vel patrum memoria Vladislai Jagellonij ad Warnam cæsi recentissima, vel nostra Venetorum qui ab illis destituti, iniquissimis tandem conditionibus cum Turca pacem facere coacti. Amicitiam scilicet & fœdera nobiscum jungere querunt, cum Prussia interim Malovitiq; juris mentio tamen non intermittatur, neque dubitandum fortassis, quin si ex illis aliquem eligamus, pro suis Prussia Masoviamq; habiturus sit, quis enim non sibi potius veller quam alteri, aut non prius illi satisfacere se debere putet, cui prius religione jurisjurandi se obstrinxerit, quam cui posterius? Verum Austriacorum Principum, & dignitas & fama, eximia sane est; neq; à me quicquam derogatum ei velim, ne & ratio gubernandi, & leges, moresque gentium earum proprii, quibus utuntur à libertate nostra alieniores sint, non immerito vereri me existimo.

Libertas nostra tribus fere rebus continetur, quæ ita propriæ nostræ sunt, ut vix non & solas usurpemus, & alia gentes admirandæ quasi partim suspiciant eas in nobis partim celebrent. Reges primo viripim eligimus, neque quisquam nostrum imperium cujusquam agnoscit, cui non ipse in se imperium dederit. Vel cum major pars alium elegerit, suffragium tamen de eo tulerit. Subjectis deinde nostris, sine ulla provocatione, non modo absoluta, cum potestate imperamus, sed vitæ plane necisque potestatem in eos habemus: quæ vero vix est libertatis nullam in nos Reges, aut ullus omnino magistratus potestatem habent, nisi quam ipsi id est secundum leges publicas potestatem illis in nos concessimus: itaq; neque honore, neque vita, neq; fortunis, neque exilio, neque vinculis mulctare quemquam nostrum Reges possunt, nisi jure publico prius victus condemnatusq; sit.

Contraria hisce apud illos omnia video. Primum principatus omnes fere ab antiquo hæreditarij, quæ suffragiis tradi solita fuerunt, ut imperium Romanum, Boemiæ, Ungariæq; regna, cum antiquitus etiam certorum tantum Principum arbitrio transferrentur, nunc vel in hæreditarium jus versa, vel imaginariis saltem electionibus interpositis, longa successione pro hæreditariis, quasi usurpari videmus. Cumque ipsi absolutum fere in populos imperium exercent, idem tamen in suos subjectos nobilitati negant: inter quos vix non æque atq; pares, partim jus dici,

H 2

par-



partim provocationem esse scimus. Ex vinculis autem quam multos causam dicere meminimus? quam multos prius condemnatos quam auditos? non quæro nunc jurene an injuria: quin secundum illos mores, & leges quibus utuntur juste potius omnia fieri interpretor: id solum à nostra libertate, juribusque ac moribus alienissima ea esse disputo. Neque fortassis mirandum, tam diversa apud eos jura esse; apud quos ratio administrandi gubernandique diversa plane sit. Nostris legibus plebeius nullus in magistratu esse, aut honores gerere potest: apud illos cum translatione armorum solam dignam ordine suo nobilitas fere judicet, alterius partis reipublicæ iudiciorum nimirum, legum interpretandarum juris dicendi, atque ut uno verbo dicam, togarum artium possessione plebeis fere concessit. Itaque per Jurisconsultos homines plebeios, omnia fere ibi administrantur; quid mirum igitur ubi plebei homines rerum fere potiantur, plebeia item consilia, plebeia jura maxime vigere. Itaque lex illa à veterum Tyrannorum mancipiis dictata, quod Principi placuit, legis vim habet, quorum magis in ore, quam Jurisconsultorum illorum versatur: aliter apud nos, & omnes liberos populos: Quod populo placuit, id & in populum, & Principem ipsum valeat, iisdem juribus cum liberis reipublicæ. Rom. temporibus nefas haberetur, ex vinculis civem causam, dicere cogi, nunc Principes aliquando nobilitatis priusquam damnati sint, carcere vinculisque mancipantur. Ausim affirmare plures in Vicaria carcere Neapolitano Duces, majore quidem titulo, sed non libertate, quam per universas Poloniae turres nobiles esse, metus enim infamiae apud nos loco carceris est: neque Rex dominus legum sed custos: cumque homo sit, Senatus medius interjectus, qui cum nobilitate corpus reipublicæ constituunt, Rex totius corporis anima est. Apud alios autem, quo fere alio numero magistratus habentur, quam in peculio, apud nos magistratus Regem caput agnoscunt, non dominum, membra ejus non mancipia. Juramentum Senatorium. Et ne opponam, mox pro rebellione haberent. Per cubiculi ministros, aut Doctores omnia fere ibi expediri, quis ignorat: secus apud nos. Contra successionem auream bullam scimus, sed non de nomine queritur, sed re. Octavius Augustus, cum post Julium imperium occupasset, Regem se non dixisse, ob quod nomen Julius interfectus fuerat: neque dictatorem constat. Sed tamen vel Imperatoris, vel tribuniciae potestatis; vel Pontificis nomine tyrannum egisse. Exceptos in Ungaria præfectos militum, sub hac exceptione, hic etiam novos homines introductum iri. Accidit quidem, ut Augustus tanquam successor coronaretur: sed improbatum, & ne in posterum id fieret,

cavendum, & ne cogitaretur quidem. Quid enim puerum regno præficere, corruptela ejus ab adulatoribus, dissidia aliquando cum ipso patre: continuata imperia, stabilimenta servitutis: interpellatio nova libertatis omnibus nota sunt: titulis obsepieri viam, & campum virtutis exercendam, cum enim hereditarij illi sint, & illos segnes necesse est fieri, & reliquam nobilitatem cum aspirare se eo posse, desperet. Hic meritis in patriam, & virtute dignitas, comparatur, cum nemo in dignitate succedere possit, nisi quem virtus extollat. Et illi quidem libertatem nostram confusionem vocant, putantque, rectene justequae, quis facile judicare potest. Si enim populus cætus est hominum, jure consociatorum. Respublica nostra, non ex fecce plebis, sed ex nobilitate consociata est, moderatioque fere temperatura ejus est, quam Romanæ, duabus certe rebus melior, quod non annuum in ea tanquam consilium imperium, sed perpetuum sit, & morte tamen vicissitudinem regnandi, æquandæque libertati viam aperiens, altero, quod non Varrones ex macello, aliosque sedentarios ad honores vocet: nobilitas cum arma ferat, juste etiam suffragium fert: quæ si ad honores vocatur, primum honesto genere, omnes nati vocantur: in quibus bene natis, bene educatis, nullum tale, quale infima plebe flagitium, temeritas, aut vilis animus esse potest: neque tamen interm, si quis virtute etiam nitatur, sellulariisque istis, & vilioribus exercitiis se non contaminat, ne virtuti quoque via ad nobilitatem præclusa. Itaque floreat sane, ibi niteantque oppida & Villæ: plebejus nimirum ordo: Si diminutione libertatis splendor ille mercandus mihi est, carere iis malo, quam abundare: neque enim tam artificijs istis mechanicis, vel muris substructionibusque, atrijsque atque ædificijs amplis, quamvis ne ea quidem usquequaque nobis desint: quam libertate, virtute, morumque elegantia, beati homines existimandi sunt: quibus rebus nulli alij nationi concedere nos existimo. Opes, potentiamque domus Austriacæ, in immensum tolli à quibusdam audio: quæ illis blandiuntur, expectandæque imprimis videntur, suspecta eadem maxime mihi sunt, non solum quod libertati potissimum inde metum, sed non minus gloriæ etiam, dignitatisque publicæ. Quod in fluminibus uluvenire videmus, ut minora majoribus permixta nomen suum amittant, idem ne nobis accadat, vereor. Absque eo proprium quasi hoc occidentalium gentium est, ut alios nos, qui sub septentrionem remotiores sumus, pro simplicioribus, seu rudioribus quasi habeant.

Itaque vix quisquam inter eos futor, aut humillimus de plebe reperitur, qui non ea arrogantia sit, ut ingenio & consilio, vel primario apud

apud nos Senatori cedere velit. Accedat huc imperium: mox in Germanicum nomen Polonicum defluet: Regij nominis fulgor gentis gloriam secum trahet. Germanum Regem habebimus: omnia quæ domi, forisque præclare gesta fuerint. Germanus sibi arrogabit. Germano oppida, arcesque condemus: Germano militabimus, pro Germani gloria, Vitam sanguinemque profundemus: atque ut uno verbo dicā, Colonia quasi, aut provincia Germanica siemus, non multo post fortassis hereditas etiam futuri. Frustra enim alium electionis ejus exitum polliceri nobis possemus, quam aliæ gentes tulerint, semel jugo accepto difficulter id excuties, nisi forte Ungaris, Boemis, vel ipsis adeo Germanis feliciores futuros nos existimemus, non vi quidem fortassis ab initio continuare regnum volent: mea autem quid interest, Vine, an precario, an arte libertas violetur, quacunque ratione libertas electionis vel tollatur, vel intervertatur, serviendum erit, frangumque accipiendum, cum ad propagandum ad posteros imperium, non modo artes, sed ne color quidem defuturus sit. Qui enim nunc Masoviae jus aliquod pertinere ad se præferunt, quid si in possessionem regni admitti fuerint, facturos putatis. Ego vero si, Joannis Boemiarum Regis jure uti adversus nos velint, ne eo colore, universum etiam regnum, non multo post sibi vindicent, vereor. Necesse tamen quidem & conjunctionem eam, quæ inter utramque gentem, à tot sæculis mutua intercessit, quæque à plerisque commemoratur, ego quoque libenter prædico. Idem tamen quantum fidendum illi sit, superiorum etiam temporum exemplis moneor. Cum Jagellonibus quidem primum communis hostis, Matthias Ungariorum Rex Austriacos conjunxit. Cujus jam commune vel odium, vel metus, arctissimo tædere eos copulasset, per illud ipsum tamen fœdus, & cum Mosco in caput nostrum, Austriacos coisse, & in fraudem nostram, regni Poloniarum, regium nomen, insigniaque deferre ei non dubitasse, scimus. Silesia per quos à Polonia avulsa. Prussiam inde, qui jurejurando recuperare Imperio Germanico se obstrinxerint, qui denique quod supra commemoravi, intra vitæ regni Masoviam adhuc vindicent, obsoletum fortassis commemorasse sit. At de Prussia, Masoviaque promittunt: ego vero & dona ferentes metuo, quos ante non certos per omnia amicos expertus sum. Jam vero quanti hoc faciendum existimamus, ne electione ista potentiores aliquem Principem, vicinumque offendamus.

Galliarum Rex, ut nihil aliud, Rex certe noster fuit, cujus vel unius rei memoria, & honoris ejus merito rationem habendam nobis existimo, & ne à nobis exacerbat, aliqua re nobis noceat, providendum. Remotus sane à nobis est: sed idem cum Turca, eodemque

potentissimo vicino nostro, confœderatus: longas Regibus manus esse scimus, non difficile illi fuerit, à nobis irritato, vel per Turcam, vel per Tartarum, vel iras suas in nos effundere, vel injurias ulcisci. Dubium ne autem cuiquam esse potest, Austriacum ille malit, an indigenam: cum illos perpetuos Valesia domus æmulos habeat, ab hoc omnem benevolentiam polliceri sibi possit. Cujus si minus rationem habendam quis existimet, Turcam certe, à quo & gravius, & præsens periculum ab electione ejus imminere, nemo tam cæcus est, quin videat, quomodo contemnet: Neque vero ego tam humiliter de regno hoc nobisque sentio, ut vel Turcica, vel quæcunque externa arma metuenda tantopere existimem, ut servitutis aliquid eorum metu subire nos velim. Sed primum cum pluresque Principes Christianos horrere opes ejus videam: Cum Veneram rempublicam potentissimam, cum Imperatorem denique Christianum ipsum, de quo electione hac agitur, tributo, redimere ab eo pacem sciam, ego temere arma ejus irritare debeam? ego tam demens esse ut alieni honoris gratia, me fortunasque meas in præsens discrimen conjiciam, molem sedemque belli, periculumque adeo omne in me ipsum ab aliis transferam. Quod enim Austriacis opibus adjunctis, facile periculum id nos diffusuros nonnulli disputant, quale sit, nemo non videre potest: discrimen nimirum certum erit, exitus belli incertus. Si enim tam parata de eo victoria est, primo à suis eum cervicibus removeant, Ungaria Græciaque pellant, deinde periculi ejus vades se nobis offerant. At fidi Barbaro non debet, atque ut in præsens à nobis abstineat, cum reliquos Christianos omnes subegerit, ne ultimis quidem nobis parcat: ne ego quidem aliter de eo judico: at moriendum quoque mihi certo scio: neque tamen si mox quis mori me jubeat, libens illi obtemperem. Sed quemadmodum unumquemque nostrum, longioris vitæ spes sustinet, ita cur non etiam, vel temporum meliorum, vel mutationis alicujus expectatione, cum tam potente hoste pacem sustineamus potius, quam temere in bellum periculumque ruamus.

Cujus si ulli merito habendi ratio est, nobis certe qui in Russia sedes habemus, præ cæteris habenda est, ut qui & furori ejus maxime objecti, & omnibus non ipsius modo, sed Scithyis etiam Vicariis ejus excursionibus expositi sumus: quo minus nobis, municipibusque nostris Palatinatum Russiarum succedere nos æquum est, quod salutis nostræ præcipuam rationem habendam esse existimamus. Cum præsertim cum nostra publica omnium vestrum salus conjuncta sit. Deinde vero à tot jam sæculis fœdus cum eo nobis,



majoribusq; nostris intercedit. Cujus non video cur pudere nos debeat, cum & pluresq; alios Principes Christianos, seu foedere, ut Gallum, atq; Anglum, seu quæ species foederum est, induciis certe ut Venetos, Imperatoremq; ipsum, conjunctos cum eo videam: idque non adjuvandum cum contra alios Christianos, sed ad nostrum otium pacemque tuendam comparatum sit; non imperat nobis indigenam sed suadet: unum deprecatur, ne hostem ejus eligamus; & quantum ego judicare possum æquum postulare videtur: ejus igitur si ipsi violandi autores sumus, ne juste arma, irasque suas in nos convertat, nobis videndum. In commoda hæc, tam interna, quam domestica, quæ externi imperium invelhere nobis poterit, indigena electo, omnia evitabimus. Primo contemptus mutuus, qui inter diversas nationes existeret fere solet, contentionesq; contemptus ejus comites, nullæ omnino erunt. Externo quemadmodum, habitus, amictus, cibi denique nostri, vel sordent, vel novi quasi sunt; ita morum etiam, juris, judiciorum, rei militaris, rationisque bellandi nostræ, cæli ad extremum hujus, insolens est. Nullum cum eo vel domi, vel militiæ sermonis commercium; nostrum si elegerimus, dupliciter Scripturæ Sacræ, seu præcepto potius divino satisficiemus. Nam & Christianum, & nostræ linguæ Regem habebimus: gnarum linguæ: gnarum hominum; gnarum legum: institutorumque reipublicæ. Et quemadmodum Russus Villicus, rei familiari Russicæ, Lithuanus Lithuanicæ, rectius adhibetur quovis alio, ita Polonus rectius administrabit regnum cujus gnarus est, quam vel Italus, vel Germanus. Qui in odium adducere indigenam apud vos volunt, Helizabetam ac Barbaram etiam commemorare non dubitant. Utcunque sane populo connubia ea præter auctoritatem Senatus contracta non placuerunt, certe tot incommoda reipublicæ vix invexerunt, quam Rixæ malitia attulit. Qui velopes, vel auctoritatem cum habitum negant, partim de regno hoc, nimis exiliter sentiunt, atque adeo non regni modo vires, sed se ipsos fere ignorant, partim superiorum temporum atque ætatum, ignari omnino sunt. Regno inter amplissima Europæ, sive vires, sive arma, sive omnis generis, quæ ad usum hominum pertinent, facultates, copiamq; spectemus, quæ omnino res, quam vel ratio certa ea administrandi ordove deest? Modus saltem certus adhibeatur, non solum seipsum, omnibus rebus facile tuebitur, sed præ plerisque aliis abundabit. Idem modo Rex atque paterfamilias bonus sit, nihil omnino ei deerit, cum ad Majestatem regiam sustinendam, tum ad injurias hostiles, non modo propullandas, verum ubi opus sit, etiam ulciscendas. Re ipsa enim cupiditas, avaritiaque, non opum vitium est, sed animi: qui cum compositus moderatusq; est, mediocribus etiam opibus, facile & priva-

tas & publicas necessitates tuetur: cupiditate è contra, æger ne opibus quidem ullis expleri potest. Eadem res quæ opes, etiam auctoritatem ei præstabit. Vir scilicet sit, virilique prudentia & virtute, nemo certe, qui ante fuerit, sed qui nunc sit spectabit. Quid novi virum fortem quamvis novum hominem, regio sanguine, aut Principibus in regno præferri? Ita Hugo in Gallia, non solum regiæ sed quod magis multo Augustiusq; erat, ipsi Carolinæ stirpi prælatus. Rudolphus Habsburgensis, primus Austriacæ dignitatis, atque imperij conditor, Otocari Boemiar regis curiæ Præfectus, non modo ipsi Otocaro regi suo, verum aliis omnibus Germaniæ Principibus. Quod si filium à nobis Regem electum non aspernaturus Cæsar esset, quanto minus regni filium, quem nimirum respubl. ipsa sibi pepererit, cum ex nostro corpore Regem elegerimus contemnere poterit? Factiones alij metuunt, dissensusq; noster ne obstat, quo minus convenire in eum possit. Factiones æque ab externo existeret possunt, atque ab indigena, dissensus nostri si superbia causa est, obrem tam salutarem, atque salutem adeo ipsam communis patriæ, cur eam non ponamus? Si injuria forte aliqua, jus publicum est, quo fini-ri ea possit. Ita nihil cum obstiturum indigenæ sit, omnia autem ad illum nos invitent, eum certe potius eligamus, qui & nobis notus sit, nosq; noscat, quam qui non minus ignotus nobis, quam nos illi, ne respondere quidem ea qua salutaris à nobis lingua fuerit, possit. Grata adeo omnibus oratio fuit, sæpe ut gloriari soleat, duabus maxime contrariis, ac diversis in rebus, summo non modo assensu, verum applausu etiam populi, se versatum, una cum excluderet Piastrum, altera cum eundem suaderet. Cum in Senatum deinde, cum universo ordine equestri venissent, utraque pars candidatum suum Senatui commendavit. A Piastranis Nicolaus Siencius, Succamerarius Chelmenensis verba fecit, paucis præfatus, moram exculavit. Præfatus reipubl. periculum priorisque electionis exitus, sollicitos nos habens, causâ nobis sunt, quo minus deliberationem hanc, in qua ut reipublicæ ita omnium nostrum salus maxime posita est, vel citius explicare, vel præcipitare potuerimus, deinde in sententiam Zamoisicij oratione fere habita, cum iis inquit quas commemoravi, tum multis aliis de causis, externum quantum possumus deprecamur, nostrum poscimus. Sententiis Senatus deinde non expectatis, aut auditis, intra septa tamen comitij definita secedunt, & non modo reliquam nobilitatem quâ vel secum sentire existimabant, vel quæ Mosco suffragabatur, ad conditiones cum illis descensuros promittendo, verum Senatores etiam qui suæ sententiæ essent, ad se invitabant. Cum sententiæ hac de re à Senatu dicerentur, plerisque maxime autem Mielecius Podoliz Palatinus, pessimi exempli rem esse demonstrare, Senatorem loco sedequæ sua relicta,

vel

vel consilia sua à Senatu sejungere, vel popularibus concionibus se jactare. Zborovius Cracoviensis, Kostka Sandomiriensis, Tarlo Lublinensis, Tencinius Belzensis. Tum & Lanciciensis Palatinus, Castellani iridem nonnulli, maxime Gorcanus Miedzircicensis Saffraniecicus Biēcensis, qui è Senatu ad consilium id se contulerant: non secessionem illam à Senatu esse dicebant, sed colloquia Senatorum cum sua cujusq; Palatinatus nobilitate concordia causa semper ante hac etiam usurpata, aliis è contra privata ea semper colloquia, privatimq; in diversoriis fere usurpari solita fuisse contendentes. Publice loquemq; loco in commune consulere debere. Piastrani ita enim appellabantur, nullius alterius quam indigenæ rationem haberi, aut mentionem admitti se velle, foedereque adeo contra omne externum imperium, maxime autem Austriacum se obstrinxisse, per legatos Senatui testabantur: honoris tamen Senatus causâ illi permittere, ut ipse quicumque ei videretur indigenam ederet. Foederi illi reliqua nobilitas, quæ cum Senatu sentiens, in Senatu remanerat, ut quod contra libertatem publicam suffragiorum esse diceret, reclamabat: non deerant in Senatu, ut Episcopus Cracoviensis, maxime autem Mielecius in omnibus consiliis suis concordiam spectans, qui concordia causa in suffragia mittendum se indigena existimarent: sed ita, ut cum non solum de ipso Candidato suffragia ferenda, sed conditiones etiam prius omnes pertractandæ, an uxor simul coronanda, ne liberos propinquosque supra privatam fortunam extolleret, vel præ benemeritis dotaret, aut beneficia reipubl. iis conferret, si convenire vel de ipso, vel conditionibus non posset, ut ad externum regressus esset: Piastrani e contra, ita indigenam nominari volebant, ut nominatione ea, externi omnes sine ulla mentione in perpetuum postea excluderentur. Altercatio inde per aliquot dies inter Senatum Piastranosque hisce de rebus esse. Cum illi obstinatissime indigenam flagitare, Senatus non convenire de eo posse, ipsisque adeo ut priores ipsi communi consensu eum ederent, referrent, unanimi mox consensu Joannem Kostkam Sandomiriensem, Andreæ Thencinium Belzensem, Palatinos nominant. Optionem alterutrius ex hisce Senatui dant. Inter Principes partium Austriacarum, Andreas Opalenius Marsalcus Regni tum erat. Autore hoc ut consensum eorum discuteret, difficultatibus, periculisq; reipubl. propositis, pares ne iis se esse posse confiderent, suscipereq; rem vellent, interrogandos Senatus censuit. Thencinius mox renunciavit, Sandomiriensis, quod rogatus à nobilitate erat, ut si suscipere rem noller: quemadmodum vere volebat, saltem dissimularet, deliberaturum se respondit. Cum per aliquot septimanas ducta jam res esset, Austriaci monitione in eam rem in privatis consiliis

prius inter se facta Archiepiscopum ut Regem tandem proderet hortari. Piastrani minas contra ea ac præfens periculum, si prodidisset intentare, cum ad extrema potius omnia, quam in Austriaci imperium consentiant, descensuros se ostenderent: ad extremum optionem illis dare, ut excepto Austriaco, sine ulla conditione quicumq; eis videretur alium eligerent. Profectum id à Zborovius putabatur, si forte ad Ferrariensem, cui cum tacite fauerent, nominare publice eum non audebant, rediri conditione hac posset. Perstare in sententia sua Senatus, quique cum Senatu erant, sumque Russos maxime adversarios sententiæ suæ haberent, quo magis metu subactos in partes suas eos traducerent, tributum quod in militem contra Tartarum poscebatur, inter cetera impediunt, tandemq; Piastranis minime expectantibus die XII. mensis Decembr. Separatim Comitio relicto, versus oppidum comitati, instructique conveniunt. Legatos inde ad nobilitatem, quæ tota fere in comitio convenerat, Sandomiriensem Podolizq; Palatinos, Andreæ Opalenium Regni Marsalcum, tum aliquot Russiæ Castellanos, ut assentiretur mittunt. Periculorum publicorum magnitudine demonstrata, darent hoc publicæ salutis, amoriq; patriæ ne dissensione sua eam turbarent hortantur. Dum illi pertrahendo eos morantur, priusquam legatio renunciaretur flagitantibus Archiepiscopum qui cum illo erant, sole jam occidente, Maximilianum Regem pronunciat, & legati Austriaci pro Ernesto maxime contenderant: & ex suffragatoribus non pauci etiam in eum propenderant: verum Mielecius iis quæ supra demonstrata sunt, causis adductus potissimum oblitescit. Comitiorum eorum exitu, reliqua nobilitas, quemadmodum ostensum est, in Comitio convenerat, ad arma fere capienda exacerbata. Verum Austriaci Maximiliano Rege prodito ab Archiepiscopo admoniti, mox dilapsi, postea oppido occupato solennes supplicationes pro more obcunt. Ibidem cum legatis Austriacis de conditionibus tractantq; perficiunt legationem cum dignitate, tum numero insignem designant. Verum ex iis Albertus Lasceus Palatinus Siradiensis Joannes Dulsky Culmenis Stanislaus Gostomseus Sochacoviensis Castellani, Stanislaus Czarnkovius Referendarius, Nicolaus Firleius Præfectus Casimiriensis, Christophorus Zborovius, Paulus Uchanseus, Archiepiscopi fratris filius, Jacobus Ponetovius soli fere iere. Altera interim pars varia consilia agitare, cum in omnes partes animum versarent, Thencinio Palatino Zamoisicio Præfecto Belzensi, qui inter Principes tum fere in partibus illis erant, de Infante ita uno tempore in mentem venit, ut cum interpretes mutuo transegressi, de eodem tempore de eo utrique ab altero nunciaretur. Cum ad favorem populi, tum ad Tikocinum Thesaurorumq; Tykocinenses, te-

H4

nendum



nendum plurimum pertinere id visum. Re probata Infantem ab altera parte territam suscipereque nolentem, per Joannem Lascium, & Adamum Pilchovium, Secretarium ejus, privatim tentatam adjungunt, in sententiamque suam perducunt. Cumque Zborovius Palatinus Cracoviensis, à Dudicio interim affine sollicitatus, spem transitionis ad Austriacos fecisset, simulationem saltem dum animi refrigescerent poposcisset, eaque vox increbuisse, Zamoisius acriter in frigus illud quo pristina quasi virtus congelasset, investus, tandem nisi communicato consilio reipubl. consuleret, Russos ipsos privatim sibi consilium capturos, suo aliorumque Russicorum legatorum nomine testatur. Moxque nomine sex Palatinatum, Russici nominis Annam Jagelloniam infantem, Reginam nominat, neve pactione aliqua ad Austriacos redire res posset, Zborovius in primis adniventibus Stephanum Bathorem Palatinum Transilvaniae iisdem suffragiis Regem, maritumque illi adjungunt. Ita Stephanus clarissimus, mox Rex futurus, sed ut plerisque tum ignotus, foelici potius ausu, unius partis, quam vel ex auctoritate Senatus, vel publico omnium consensu Rex electus. Cum legatis deinde Transilvanicis de conditionibus transigunt. Legati à Bathoreo ad comitia ea erant, Georgius Blandrata Italus Medicus, Martinus Porzevicius, conditiones ab illis ultro hæc proponebantur. Quæcunque ab ordinibus postularentur, primum se deinde Principem suum juramento confirmaturum. *Æs* alienum regni nomine liquidum dissoluturum. A Moscho occupata, si ordinibus bellum decernendum videretur, confestim recuperaturum, in eamque rem veteranas copias suas non recusaturum. Fœdus cum Turca renovaturum, confirmaturumve à Tartaris pacem præstiturum limites Regni ita muniturum, ne hosti cuiquam patere possent: paratæ pecuniæ ducenta millia Florenorum in ejus regni præmissurum, bella non per legatos sed ipsum, gesturum: cum gratia tum impensa sua quod nuper à Tartaris ex Russia captivi abducti essent, è captivitate liberaturum. Quæ cum à nostris acceptæ essent, ultra eas ab illis hæc etiam propositæ. Ante omnia Annam Jagelloniam Reginam à se electam matrimonio ut sibi jungat, ita tamen ut si vel illa non concederet, vel consensum in matrimonium id præbere nollet, dignitas Regia integra inviolataque ei maneret. Jura omnia, conditionesque Henrico ante ab ordinibus oblatas, juramento ut confirmet: Si quid præter eas conditiones regni ad publicas libertates augendas in proximo conventu Coronationis postulari essent, publico diplomate ut approbet. Ad repentina regni præsidia mille equitum, & quingentorum peditum legati quam primum ut expediant: sine Senatus ordinumque auctoritate auxilia externa ulla, ne in regnum inducat, sine eademque extra regnum nullum etiam

militem educat. Quibus utrinque acceptis, probatisque legati Transilvanici, mox Chodkievicius Castellanus Vilnensem Marfalcum Lithuaniae eundemque Samogithiae Livoniaeque Praefectum, vel potentissimum tum Lithuaniae, & Stanislaum Kriscium Castellatum Racnizensem cujus magnæ in illa alia factione partes erant, pecunia adjungunt. Legati in Transilvaniam delecti. Joannes Tarlo Palatinus Pilsnensis Praefectus, Georgius Mnisek incisor regni Sanocensis & Sokaliensis Praefectus, Albertus Starzechovius Succamerarius Leopoliensis, Palatinides Podoliae, Nicolaus Jaslovicius Palatinides Russiae Praefectus Camenecensis, Joannes de Ostrorog, Martinus Lwowskius de Ostrorog, Joannes Plasa, Georgius Niemsta, Adamus Goralcius, Stanislaus Lasi, Stanislaus Pstrokoncius, Joannes Beldovius, Joannes Radzievicius, iere omnes. Quod vero maximi ad rem momenti postea fuit, cum majoris auctoritatis electioni suæ adjungendæ, tum animorum conciliandorum causa, tanquam in re controversa, totius nobilitatis conventus indicunt: quæ ultra electio magis legitima sit, ipsa dijudicet.

Primo, singulis Palatinatibus suis cuique locus, deinde ad decimam octavam Januarii proximi inituri anni LXXXVI. Andrzejoviam universis, Podoliae tamen Volhinae Braclaviensi Palatinatibus exceptione cautum, ut ob præsens periculum, per legatos obire conventum integrum illis esset, in privatis conventibus ut non modo de vi publicæ libertati ab Archiepiscopo illata nobilitas edoceret præscribunt, verum poenas etiam in eos qui conventum Andrzejoviensem obituri non essent. Tributique & judiciorum sibi constituendorum, magnum incitamentum popularitatis, arbitrium permissum. Ex omni numero qui summa cum potestate atque fide omnium nomine ista signarent. Christophorus Landskoronscius Castellanus Maloitenensis nomine nobilitatis, ex singulis Palatinatibus singuli. Quod Cancellarii autem in aliis partibus essent, Zamoisio decreti electionis, tum legatorum Transilvanicorum dimittendorum, tum consiliorum scriptorumque omnium publicorum expediendorum curam committunt: albaque adeo sigillis suis obfignata, in eam rem apud illum relinquunt. Literæ inter alia ex ejus sententia ad Cæsarem etiam datæ, quibus utriusque electionis jure & ratione ei demonstrata, ab adeundo eum regno dehortarentur. Verum Cæsar cum legati invitandi ejus ad regnum causa ad eum venissent, plane ab accipiendis iis conditionibus regno sua sponte alienum se ostendit: non modo quod Ernesto, non sibi valetudinis suæ sibi Conscius id cupivisset: Verum etiam quod inter alias conditiones, ea maxime illum offenderet, ne ulla omnino causa, vel colore interposito de successione quicquam ageret. Persuadus tamen tandem à Czarn-

kovio

kovio accipit: In conditiones publice jurat, confirmationemque, non tamen sine clausula edit. Cura regni suscepta ad Stephanum inde Fisenbachium cum mandatis mittit. Partim arces nonnullas in Ungaria, aliasque conditiones ei offerendo à Regno avertere, partim difficultatibus demonstratis, detertere cum conatus. Comititia simul Imperij Ratisbonam indicit: cum præter alias difficultates maxime Turcicum etiam bellum metueret. Stephanus expectatione conventus Andrzejoviensis, similiter rem ducebat. Interim cum aliorum Palatinatum per Regnum, tum maxime universæ Russiæ Visiæ conventus habetur. In quo cum animi negatione etiam tributum maxime irritum essent, & quæ à legatis suis acta essent, rata habent, & ut Andrzejoviam viritim eatur decernunt. Pro Palatino Hieronymum Sienavium Castellatum Kameneensem sibi constituunt. Eum Andrzejoviensis Conventus non multo post insecutus, aliquot tamen diebus ferius, quam in dictis fuerat, circa vicissimam octavam nimirum Januarii, Cæsareani à Conventibus omnibus ex instituto abstinerebant: Verum dum, ne conventus eos approbando electionis suæ jus indubium vocare viderentur, caute se agere putant, causam ultro produnt. Nullis enim contradicentibus qui diversarum partium erant, liberrime in alios omnia decernere. Itaque in Andrzejoviente etiam conventu, nulla vel dubitatio vel dissensio esse. Cum ob invidiam Henricanæ omnibus publicis actionibus haerens Karakovius Episcopus Vladislaviensis abstinuisset, in conventu eo post discessum Henrici primum se iterum venditare nobilitati cepit, accepta ejus opera fuit. Præter illum ex Senatoribus Zborovij Palatini Sendomiriensis & Belzenis, Castellani aliquot, nobilitas autem frequentissima, convenerat. Primo itaque ante omnia conventum Andrzejoviensem è republ. legitimeque indictum decernunt, cum quodcunque pro salute reipubl. fiat, legitimum habendum sit. Electionem Annæ Stephanieque, ut quæ in omnibus conventibus minoribus recepta, approbataque fuerit, tum communitatem consensu approbant, ratamque habent. Vocem populi, vocem Dei esse: non nominationem aut promulgationem, sed consensum omnium Regem dare: Cæsaris electionem non suo ordine, neque vel loco, vel tempore suo, multis quorumcunque ordinum contradicentibus administratam. Itaque hanc damnant, omnemque auctoritatem, jusque ei adiungunt, hanc agnoscunt: conditionem addunt, ut post coronationem successioni, jurique omni, quod controversiam aliquam regno parere posset, Anna cedat, fœdere solenni electionem sanciant, pro hostibusque patriæ adversantes ei declarant, deferendorum eorum legatis nobilitatis cura officioque demandato.

Diem Coronationi, eundemque nuptiis quartam Maij præfatiunt: sine qua conditione, vel etiam aliis, de quibus cum legatis convenisset ne Rex recipiatur, aut inauguratur, cavent. Regina ut legatis Regem excepturis, idonea mandata ad sponsalia de præsentente contrahenda det, curaturos se recipiunt. Magistratus, Principes feudales, Civitatesque ad solennia inaugurationis pertinentes, legati itidem ex singulis Palatinatibus, ut nullis aliis edictis expectatis, ad inaugurationem se sisterent. Ad Reginam Cracoviam deducendam Joannes Sienensis Zarnoviensis, Stanislaus Kriscius Raciazensis Castellani vel Dembinus Cancellarius, Andreas Zborovius Marfalcus curiæ designati. Ad Regem in finibus excipiendum, ex Episcopis Cracoviens. Krassinius, & Lucas Koscielecius Przemishensis ex reliquo Senatu Sendomiriensis, Russiæque Palatini, Joannes Chodkievicius Castellanus Vilnensis, fratres duo Thencini, Andreas Palatinus Belzensis, & Joannes Castellanus Voinicensis, Gorkanus Miedzirzicensis Castellanus, Nicolaus Sienavius præfectus campestris, Andreas Zborovius Marfalcus Curiae, Raphael Sienavius, Christophorus Radivilus Pocilator, & Praefectus Campestris militiæ Lithuaniae, ex nobilitate Martinus Myrzinsky Subjudez Zembroviensis, qui cum Cæsareanarum partium nonnulli essent ex instituto lecti, vel ad suspectos suos faciendos, vel partibus conciliandos. Cæsar primum literas, deinde ornatissimam etiam legationem, Rotembergium ad conventum eum miserat. Quod à potissima Senatus, majoreque nobilitatis parte electus esset, regnumque publice in oculis universæ Christianitatis sibi delatum, acceptum jam à se esset, ut ad majoris potiorisque partis auctoritatem, ipsi quoque assensum suum adjungerent, peribat. Legatio ea non contemnendo numero Senatorum, maximo autem equestris ordinis hominum demonstrata, re ipsa refutata fuit, neve controverso regno contra libertatem publicam nobilitatis, accipiendo non modo regnum Poloniz, sed universam christianitatem, in difficultates aliquas conjiceret, petitem, quibus de rebus, qui & ipsum & universam christianitatem rectius edocerent, legati simul Albertus Sobiesky de Staroziebij, Episcopus Chelmenensis, Christophorus Landskoronsky, Castellanus Maloitenensis, Joannes Lascius, Succamerarius Belzensis, ad Imperij comitia decreti. Miserat & Battoreus Hieronymum Philippovium, ab aliquot ante annis in familia ejus versatum, gratum sibi studium ordinum, quod in eligendo se declararint, accidisse: omnia sua vicissim reipubl. defert: nominatim conditionibus omnibus promptissime, satisfactorum se pollicetur: quamprimumque modolegati cum regno perventuri ad se essent, iter in regnum acceleraturum.

Respon-



Responsum ab ordinibus quo prolixum de constantia iudicii sui, fideque erga eum tuenda ei confirmatum; tempus autem inaugurationis, per peculiarem ex conventu eo nuntium, Paulum Orzechovium ei denunciatum. De iudiciis sine provocatione seu summo tribunali ibidem statutum, ut cum propter praesentes difficultates in conventu eo nihil statui de iis potuerit, ut nos post inaugurationem, pecuniaria in eam rem comitia novus Rex indiceret, in quibus nulla alia de re ageretur, quam de iudiciis iis, certa ac perpetua liberae electionis ratione: quibus rogationibus, neque Rex, neque quisquam intercedere vel deberet vel posset: ac de iudiciis quidem si convenire non posset, ut tum singuli Palatinatus penes eam quam ipsi sibi interregno constituerent, iudiciorum rationem permanerent. Ad comitia inaugurationis, vel quae proxime secutura essent, compositio inter status etiam rejecta, quae si communi consensu expediri non posset, ut tum novus Rex pro munere suo curam auctoritatemque suam interponeret. Eodem edicto ad eadem inaugurationis comitia, qui pecuniae publicae administrationem aliquam habuissent, aut haberent, ad rationes ejus reddendas citati; cumque à tempore electionis plurima per vim admixta essent, ut ea inhiberentur, injuriamque passis satisfaceret, edictum: quod nisi fieret, in proximis comitiis inaugurationis delatio injuriarum, visne eis data. Iustitiam ad exitum usque comitiorum inaugurationis indictum, exceptis iudiciis executionis tributorum. Nobilitate Russica pro Hieronymo Sieniavio, quem morte Georgij Jaslovicij Palatini Russiae Vistulae Palatinum sibi elegerant. Lublinense autem nobilitate pro Andrea Firleo praefecto Sendomiriense, à morte Stanislai Slupiecij Castellani à se designato contententibus, honores eos illis confirmant, utque ratos eos habent, eodem, quo alias conditiones jure à novo Rege exigendas decernunt. Palatinatibus iis, qui legatos ad inaugurationem nondum elegissent circa XVI. & XVII. Februarij conventus ad eam rem indicti. Ante omnia autem tuenda defendendaque electionis ejus ratio constituta, cumque vis & arma ab altera parte non minus expectarentur, duces si quid bello gerendum esset, Stanislaus Gorkanus qui Palatinus Poseniensis, postea fuit, & Stanislaus Cikovius Succamerarius Cracoviensis designati, mercenarius itidem miles decretus: Stipendiumque in eum, viceni floreni trimestres equiti: pediti dena: in ipsos duces quaternaria nullia in omne tempus: tormentaria inde rei cura, sumptusque in eam eorundem arbitrio permixta. Praeter haec & tributum, reliquorumque omnium exactio, & expeditio publica, si quae vis ostentaretur, certusque ejus modus constitutus: maxime autem, ut nullo excepto, omnes Andrzejovia Cracoviam recta irent,

communique consilio, & opera securitati loci ejus, in quo tantum reipubl. universae positum esset, prospicerent. Legatos omnibus hisce de rebus ad Lithuanos, Raphaellem Slatkowsky Castellatum Konariensem, Stanislaum Karczinicum, Subjudicem Syradiensem, & Albertum Grzibovium, qui istos quoque in partes perducerent, ex eodem conventu mittunt, ad Prussios Dzialinium Castellatum Dobrzinensem, indeque quemadmodum constitutum fuerat, recta Cracoviam se conferunt; imprimis maximo numero Russi. Cum Caesareanorum etiam aliqui eo confluisent, inter quos Princeps Stanislaus Jarnovius, Castellanus tum Ciechoviensis excedere coacti, cum iisdemque Dudicius jam Augustanorum temporum Orator Caesareus. Priusquam Orzechovius in Transilvaniam veniret, Stephanus jam ante exitu conventus ejus cognito, Maximiliani conditionibus repudiatis, regnum acceperat, juramentoque in summo templo oppidi Meggyes VIII. Februarij solenni ceremonia praestito, secundum formulas Henricanas, omnibus rebus administratis, confirmationem conditionum ediderat. Quod tardius tamen prima legatio ad eum pervenisset, ad diem coronationi praestitam adesse se non posse significaret. Confirmationes tamen juramentaque à se praestita, per Albertum Starzechovium Succamerarium Leopoliensem Joannemque Radzeiovium, ex numero legatorum Polonicorum, Emericum, autem Sulioque à se illis additum miserat, qui de aliis etiam rebus, si quae reliquae essent, cum ordinibus constitueret. Itaque ab iis qui Cracoviae erant, maxime autem Cancellarius, qui ad partes ipsi quoque jam accesserant, quibusque promulgandorum jurium eorum munus, & pro ratione officij ipsorum, & mandato novi Regis incumberebat, per universum regnum literarum, nunciisque iis de rebus missi, coronatioque ad octavam mensis Aprilis prorogata. Stephanus interim rebus pro tempore domi compositis, duorum millium circiter pedum, & mille equitum comitatu, cum ditiones Caesareas sine comitatu attingendas sibi non existimaret, per Valachiam ad fines venit. In finibus cum praeter unum atque alterum Sieniavios neque multi admodum, neque clari ex nobilitate ei occurrissent, excipiendi ejus partes ad Martinum Mouzinsciam sub iudice delatae. Dubitare inde vel de actis quae ad se delatae essent, vel ne animi postea mutati essent. Verum non multo post Haliciam & Leopolum versus progressus, cum & ex legatis aliqui, & frequens ornataque nobilitas ei occurrisset, recreatus rursus fuit. Leopoli milites stipendia flagitantes, nonnullaque extorquentes molestè ei esse. Jaroslaviam inde per Grodecum tendenti, Mieliectius cum oppidi omnes pandi iussit, ipse neque vidit eum neque invitavit. Secus Herburum, quamvis

vis diversarum partium essent, & Vistula tamen & Przemisliae laetis, aliisque officiis eum cohære. Jaroslavia autem à Palatino Sendomiriense Koltka, lautissime tractatus. Cracoviam inde iustis itineribus contendit, in Mogillensi monasterio, uno à Cracovia milliarum, per Paschatos dies substitit, Sacramentis corporis Domini ab Episcopo Cujaviense ibidem procuratus. Cracoviam inde venientem cum universa nobilitas quae ibi erat, tum alij ordines omnes, summo cum gaudio effusi excepere. Inter hasce verò moras, cum altera die coronationi praestituta iterum effluxisset, jam ante decimam mensis Aprilis ex conventu eo Cracoviense, seu coronationis denuo per regnum literarum dimissa fuerant, quibus Regem in regno jam esse significabatur, inaugurationis autem dies, ad proximam diem Dominicam iterum prolata, maxime ut Lithuanorum, aliorumque Senatorum, qui longius abessent, ratio haberetur, eoque rectius ad omnium notitiam pervenire res posset, aliis tamen interim capitibus, cum Varlaviensibus, tum Andrzejoviensibus edicti, ne quid mutatione hac diei coronationis derogaretur, sub eorundem edictorum sanctione, diligentissime iterum caventes.

Quamprimum Cracoviam Stephanus venisset, ad consilia publica, maxime Coronationis mox accessum: cumque ante omnia confirmationes jurium denuo ab eo peterentur, ipse non tam de edendis iis hærebat, ut quas & in Transilvania semel jam edidisset, & à quibus ob clausulam Transilvanicis illis inferretur, qua Cancellariis facultas edendarum earum permittebatur, receptum se non habere intelligebat: quam priusquam ad Coronationem accederetur, de subsidis tuendi regni, in tanta praesertim ejus dissensione, constitui nolebat. Maxime autem duabus de rebus satagebat: de matrimonio infantis, à quo ob aetatem ejus tam provectam abhorrebat: & expeditione publica, quam ut partim etiam sine comitiis pro ut tempora reipubl. postulatura essent indicare: partim cum pluribus hostibus in diversis partibus resistendum esset, ex usu necessitatibusque reipubl. dividere eam posset: quorum utrumque conditionibus Henricanis utebatur. De matrimonio ea ratio inita, ut simul quidem & coronarentur, & jungerentur: nuptiarum tamen copulaque in aliud tempus, quo scilicet pacatius regnum futurum esset differrentur. De divisione expeditionis diutius disputatio tenuit, ut contra quam in Transilvania protestationem jam antea Rex interposuisset. Itaque post coronationem usque suspensa fuit: quo tempore à Zamoiscio tandem Rex persuasus, eam remisit: testimonio nihilominus protestationis in Transilvania interpositae à legatis prius accepto, difficultas inde ipsius coronationis expedienda, non parum ipsa quoque morae afferebat, quod cum non solum

more institutoque vetero, sed recente etiam lege Augustana ad Archiepiscopum jus id pertineret, in diversis partibus esset, nonnullis ut Archiepiscopatu ei abrogato, Cujaviensi qui praesens esset is conferretur suaderentibus, cum publico nomine appellatus hac de re à legatis Rex esset, Archiepiscopum sanari à se malle quam tolli, respondit: quod si studio Karnkovij id à se peterent, ei se casui id servare malle, qui ab ea Archiepiscopi aetate non longe abesse posset. Declaratione tandem res expedita, qua Augustana lex declararetur, ita ad Archiepiscopum jus id pertinere, si à publico nobilitatis consensu se non jungeret. Quod quoties fieret, cum minor Polonia sedis regiae, & insignium custodiarum praemajore Polonia praerogativam haberet, qui in potestate nobilitatis dignitati illi proximus è majore Polonia Episcopus esset, ille Regem inauguraret: quae tamen lex postea suppressa, in numerum legum seu tabulas non pervenit. Ita cum subsidia etiam, tributum, & expeditio publica promptissime ei offerrentur. Calendis tandem Maji in summo templo arcis Cracoviensis, ab Episcopo Cujaviense, cum ipse, tum Anna Regina insignibus regni solenni ceremonia inaugurati fuerunt. De nuptiis etiam, cum ut differrentur, antea convenisset, omnium tamen interpellantium precibus cessit: postmodum peracta: moxque à Senatoribus etiam juramento, civitateque Cracoviense homagio praestito, per universum regnum edicta iis de rebus missa, quibus ut & publice per praekonem inauguratio ubique proclamaretur, inque acta referrentur, & iudicia jurisdictionis quaecumque sub nomine tituloque regio, suo jam modo atque ordine post hac exerceretur; edictum. Quemadmodum ante ostendimus Caesareani à conventibus quidem Battoreanis, maximeque Andrzejoviensibus suo quodam consilio plane abstinuerant, ne tamen ipsi quoque cessare viderentur, contrarium quasi Andrzejoviensi Loviciam in diem ultimum Febr. suae partis conventum Archiepiscopus indixerat, missi eo ante adventum regium, ex conventu Cracoviense legati, necessitate conventus Andrzejoviensis, & officij sui, tali reipublicae tempore demonstrata, primum cum ipso Archiepiscopo, civiliter quidem non obscure tamen expostulant, partim quod totius nobilitatis consensione in conventu Andrzejoviense jam perspecta, unus homo contra omnes conventum Lovicensis indicare non dubitaret: ordinis quidem causa primum in republ. locum eum tenere, non tamen propterea omnium aliorum loca atque jus, quae in solidum à singulis teneantur, occupare eum potuisse, aut posse: partim etiam quod literis quibusdam, quas eodem illo tempore per regnum universum publicaverat, inque acta publica referendas curarat, in odium atque in invidiam hominum adducere conatus se fuisset, qui ita pro libertate publica



publica contra eum sterissent, ut in cæteris tamē rebus mutuam tum cum reliquis omnibus diversum sentientibus, quam etiam cum ipso illo concordiam modis omnibus colere, & quantum in se esset tueri cuperet. Ad concordiam deinde denuo eos invitant. Nec enim debere eos pigere, si in re qua salus reipublicæ contineatur, de sententia sua non nihil decedant, cumque sine dubio in designando Rege, eundem quem ipsi salutis ac libertatis publicæ portum propositum habuerint, nunc mutato potius non nihil cursu, eum teneant, quam cum periculo eum, quem ipsi cepissent, aut instituissent. Cæsarem quem ipsi à se electum dicerent, tanto jam tempore nullam adhuc in partem voluntatem suam declarare: suum contra electum sic adventare, ut sub id tempus regni fines jam ingressum putent, adferre secum summam religionem, singularem prudentiam, iustitiam amorem in hanc rempublicam incomparabilem: quod caput autem esset, primo pacem cum Turcarum Imperatore adventu suo repræsentaturum: deinde autem domesticas dissensiones, cum indulgentia sua, tum studiis omnium in eum erectis, maximeque præsidio matrimonij infantis ei desponsatæ facillime discutiendum, consuturumque quarum rerum ut cæteros forte in ipsorum quoque designato esse concederent, quæ tamen postremo loco commemorassent, ita proprias hujus esse, ut in commemorationem earum nemo alius venire posse videretur. Et quoniam scripto quodam Archiepiscopi ita se perstringi viderent, quasi vel inscientia, vel temeritate servitutem quandam in rempubl. introducturi essent: magis ab eo servitutem metuendam ostendunt, qui unus arbitrio suo regem omnibus imponere vellet, quam ab iis qui Regis eligendi libertatem æquam & omnibus communem defenderent: Itemque eo, qui Rege suo eligendo præpotentis Barbari arma apertissime concitaret, quam qui malum quiescere turbulentissimis reipubl. Christianæ temporibus, quantum possent potius à se averterent. Conventus infrequentissimus fuit. Paucis tamen respondent: Contentionem comparationemque omnem, utrius partis consilia magis à republ. fuerint, tempori se permittere magistro veritatis: à concordia nunquam se abhorruisse, aut adhuc abhorrere: ejus causa ut Variaviam ad diem IX. mensis Aprilis denuo conventum indiceret, ab Archiepiscopo se impetrasse: eo venirent, consilia secum, atque adeo Prussis & Lithuanis, qui eodem essent per ipsos invitati conferrent, non obscuram spem facientes, ut primum Stephanus in regnum venisset, officioque suo satisfecisset, in fidem ejus sibi quoque concedendum; idem in literis ex eodem conventu ad Cæsarem non obscure significant, regnum prius occupantis fore. Ad oratores vero suos qui Viennæ erant, disertius

etiam scribunt, si conventum Varšaviensem ad IX. Aprilis indictum adventus Transilvani prævertisset, nua cum aliis Majestatem ejus agnoscendi sibi quoque necessitatem allatum iri, queruntur cum à legatis Cæsareis in electione non semel promissum sibi fuerit, intra mensem unum Cæsarem in Polonia futurum, nunc tertium jam mensem non comparere: omninoque conditionibus acceptis intra tempus non satisfieri. Quemadmodum supra enim demonstravimus, plane in accipiendo Regno Cæsar ab initio hærebat: perlatum in Poloniam sub id tempus responsum quoddam oratoribus, ad se missis ab eo datum fuerat: jus quidem regni bonis rationibus adeptum legitime acquisivisse, conditiones modo quasdam sibi partim differendas, partim mitigandas, partim etiam omnino tollendas videri. Ad legationem etiam adversæ partis, quæ ut supra ostendimus omnibus de rebus rectius edocendi ejus causa missa intra id tempus ad illum fuerat, non alieno plane à concordia animo respondisse Cæsar videbatur, cum in eam fere sententiam respondisset, fidem tamen interea illis quoque abrogare se non posse, qui diversum hisce de rebus antea ad se retulissent: interim recte & ordine facturos, si vel oblatas concordie rationes acciperent, vel alias ipsi proponerent, initentur. Omnibus hisce ex rebus optima concordie spes omnibus injecta ad diem Conventui Varšaviensi præstitutum denuo legationem ad eos miserant. In his manifestissimis Divinæ ira indicis, quæ sceleribus omnium merito imminere viderentur, satis sibi conscios esse, nullam à se concordie rationem prætermisam: testes ejus rei esse cum conventum Andrzejoviensem, tum frequentes ad eos partim literas, partim legationes suas. Eo magis nunc, quod à quietioribus consiliis non abhorrere eos intelligant, bellum autem civile omni ratione refugere, magnam ex eo animo ipsorum voluptatem capere, eoque confidentius ab illis petere, ut à quo pridem non plane ab futuros se ostendissent, nunc re ipsa præstarent, & ad se accederent. Si enim quas semel ingressi essent partes, sequi non desisterent in apertum plane discrimen conditionum suarum, primo carptim abeno arbitrio juratorum, deinde in ambiguo plane relictorum incursum: sin explicare inde se velint, quemadmodum velle profecto deberent, cum Juramentum Regium omnium inter Regem & subiectos vinculorum firmiter sit, unum refugium ad se illis patere: quod neque habuissent conditiones illas, neque cum juramento illo quicquam commune haberent: cum ab altera præsertim parte suus electus, omnia quæcunque modo proposita sibi fuissent promptissime jurejurando jam confirmasset, inque finibus regni jam versetur, Cracovizque summa prudentia, religione iustitia, vitæ integritate, inprimis autem suorum amore

amore commendatus, Princeps propediem expectetur. Transirent igitur ad se & cum regi ipsi suo tanto Principi tum infanti etiam adhererent, quam absque summo scelere, divinique supplicij metu deferere nequaquam possent simul molem belli ejus quod ex electione ea Cæsarea certissimum immineret, declinarent. Sparse sub id tempus literæ à Cæsareanis fuerant, ad Cæsarem à Turcarum Imperatore scriptæ, quibus à Poloniæ Regno adeundo tanquam suo gravissimis minis interpositis Cæsarem dehortabatur. Engitur invidiæ simul respondent, quod non desint, qui Turcam jam nunc jactent regnum hoc pro suo ducere electumque, ipsorum Turcæ beneficiarium esse, pro nihilo reputari. Alterum enim fœderis ratione, quod antiquissimum cum regno ei intercederet, à Turca dici eum qui nos violaret fœderatos suos, violatum intelligi vellet, quod vel ex induciarum Turcicarum, cum Cæsare nuper pactarum formula facile perspicui posset: alterum suo iudicio non invidiosissimum debere videri cum præsertim formulæ illius, quæ nunc Transilvanici dominatus sit, non ipse autor sit, sed per manus à majoribus acceptam, summa cum tranquillitate tueatur. Adessent igitur ad Regem eum inaugurandum, in communeque de republ. consulendum: cætera sine ullo negotio facile inter se composituros. Miserat etiam Cæsar ad Conventum eam legationem: non ambitione aliqua sed communis reipubl. Christianæ, studio ad petendum regnum Poloniæ accessisse, seu potius non tam sibi, quod aliis Imperiis & regnis occupatus ipse in Polonia esse non posset, id petiisse, quam Ernestum filium ejus obtulisse, in quo si quid forte per ætatem deesset, ejus liberalissima ipsius educatione, tum patria auctoritate, tum Senatus Polonici consilio expleri, sarciri que potuisset, post Henrici deinde Regis discessum, cum à multis & coram, & per literas invitatus, sollicitatusque fuisset, eademque duce exequisset, precibus persuasionibusque eorum victum; ea tandem spe regnum suscepisse, non multo post summa ordinum voluntate, onere eo in Ernestum filium translato, liberatum se iri. Nunc omnibus rebus tentatis, quo minus ad extrema deveniretur, in id tamen discrimen adductam jam rem esse, ut sine armis vix obrineri jam regnum posset, ex quo & Poloniæ, & publicæ libertati, e conditionibusque ultro citroque acceptis, non minus vero vitæ capitisque ejusque summum periculum imminere necesse esset, cum à suo exercitu, tum maxime Turcico qui per speciem defensionis, sine dubio admixtus se esset, bello illi se implicare, cum valetudine, tum Ungariæ defensione, induciarum denique Turcicarum octennialium recentium religione impedito, integrum sibi non esse. Ob hæc igitur difficultates, in deliberatione hac diutius hærenti, id maxime, ad quod recurreretur in mentem sibi venisse, operam qui nominis ipsius studio

si essent darent, ut infans, quam ipse nunquam regio honore arceri voluerit, eadem conditione qua Transilvano nubere deberet, Ernesto nuberet, quod si fieret, filij quidem conditionum sponsores se futurum: quæ ad se autem proprie pertineret, ut de Prussis, Livoniæque Barique controversiis componendis, omne studium operamque non secus ac si ipse Rex esset, cum fide interpositurum. Cum in finibus legatio ea ab adversa parte facile vel retineri, vel arceri potuisset, mandatis tamen istis cognitis partim ne res cum Cæsare magis exasperarentur, partim quod ex moderatione ista Cæsaris, Ernestianæque conditionis difficultate, magnam spem transactionis aliorum concepissent, Varšaviam ire permittitur. Verum siue quod novæ quædam spes factæ illis essent, siue plerique magnis sollicitationibus ipsi inflati, alios etiam inflammarent, legatio Cracoviensis re infecta ab illis dimissa, novusque conventus ad diem tertiam mensis Jun. ab iisdem iterum Varšaviam indictus fuit. Cum quemadmodum supra ostensum est, Cracoviam interim Stephanus venisset, ac non modo iisdem regni insignibus, sed nuptiis etiam cum infante conjunctus fuisset, atque in eo nihilominus statueret, maxime autem Cæsar Ratisbonæ de rebus Polonicis comitia agitare nunciaretur, denuo legatio ad Cæsarem conventumque Imperij ordinum Polonicorum nomine, iis de rebus decreta. Missi Joannes Krotoscius, Palatinus Inowoslawiensis & Joannes Demetrius Sulikowski Secretarij regij, qui electionis ejus ratione, omnibusque quæ partim cum Cæsare, partim cum Cæsareanis, hætenus intercessissent demonstratis, Regem non modo in regnum inauguratum, nuptisque cum infante celebratis, juramentoque à magna parte Senatus exacto, in possessione etiam ejus jam esse ostenderent: à quibus rebus quod nonnulli paucorum quorundam factionum operatone abfuisse, & adhuc abessent, bonam tamen spem, cum in benignitate Dei Opt. Max. pro optimis ac sedatissimis ægumque suorum ac reipubl. amantissimis hominum nostrorum ingenus, proque singulari illa felicitate qua regnum hoc in summis & maximis sepe perturbationibus, salvum atque incolume permanisset, ordines habere, quicquid reliquum dissensionum esset, communi ac concordie bonorum virorum studio, & consilio brevi compositum iri: augere eam spem quod ab una parte res illi sit, cum Cæsare, Principe optimo, moderatissimo benignissimo pacisque & concordie communis studiosissimo, regibus autem multis necessitudinibus, regnoque antiquissimis fœderibus conjuncto quemque adeo ornandi potius, augendi que sui rationes quæsiturum sibi persuadeat, quam ulla occasione ad se pariter suosque & regnum hoc inexplicabilibus difficultatibus, summo cum totius reipublicæ christianæ periculo implicandi abuturum: ab altera parte Regem eum habeant,



quem fortuna multis variisque casibus exercitum; ita ad omnes suos impetus sustinendos erudit, ita ad comparanda hominum sumorum pariter, & infimorum benevolentiam formavit, ita æquanimi, prudentia, humanitate, eloquentia, corporis etiam & animi robore atque magnitudine instruxerit, ita rebus publ. & libertati communi amicum, ita in rebus gerendis industrium, vigilantem, & ad omnia summa cum maturitate & dignitate in republ. expedienda quam maxime aptum genuerit, ut nihil excellentius desiderari posse videatur, eoque minus vereantur, res inter duos heic acta, aliquid rei publ. Christianæ, communiq; paci & tranquillitati incommodi adferat. Sed potius in bonam spem veniant, fore, ut non multo post ex duorum horum Principum conjunctione atque amore, quem non minus sperent quam optent, ad omnem Christianitatem maxima commoda perventura. Ad extremum rogarent, ut cum quo animo acta hæc omnia ab ordinibus esse perspicerent, non alieno nimis à Cæsare, rebusque Christianorum, cum quo pristina pacta foederaq; omnino manere sibi vellent, sed suæ libertatis, salutisque rationem habente, non in aliam etiam partem quam istam omnia interpretarentur, nec paterentur Poloniam quæ suorum objectulatum; firmissimum se parietem hæcenus omnibus Christianis ditionibus præstitisset, hanc pessimam gratiam pro optimis suis meritis referre, ut ab amicis vicinisq; ipsis suis temere apud se suspitionibus inanibus aspergi, & falsis criminationibus malevolorum defædari paterentur. Licet sibi bona cum Cæsaris venia libertate sua frui: liceret pace reliquorum ordinum his bonis gaudere, quæ proximis temporibus libertas sibi sua sine cuiusquam injuria peperisset: liceret sine cuiusquam impedimento illi & non alij Regi parere, quem DEUS sibi dedisset: Natura conciliasset: libera e' electio creasset: inauguratio deniq; ipsa confirmasset. Quod si forte iniquum aliquod reipubl. Christianæ factum, aut sibi mediocre hanc, & omnibus liberis nationibus concessam felicitatem, aut vero orbi Christiano pacem & tranquillitatem plane invideret, Cæsaremq; optimum, prudentissimum, moderatissimumq; Imperatorem in medios tumultus, apertissimaque reipublicæ Christianæ pericula conficeret, quod de ipsius sapientia & perpetuo pacis studio ne suspicari quidem vellent, & ipsi Electores, & reliqui Imperij ordines hanc pestem à cervicibus Christianorum, quantum maxime possent, ac deberent, depellerent, & pacem præsentem tum sibi, qui eam profecto modis omnibus non tueri ac defendere non possent, tum universæ Christianitati, quæ alioquin plus satis laboraret, quam maxime certam ac perpetuam redderet.

Cum autem ob res ex omni parte adhuc

suspensas, Comitiorumque Ratisbonensium expectationem, variis interim rumoribus, solliciti animi hominum essent, non parum Landskoronam etiam ex propinquo Cracoviæ imminens, quæ præsidio Lasci Palatini Syradiensis qui Legatus ad Cæsarem iverat, tenebatur, seu suspitionis, seu metus ingerebat. Eam cum vidua Sigismundi Volsij Castellani Cymensis, qui Landskoronensis præfectus fuerat, advitalitio jure teneret. Lascus sub discessum Henrici vi occuparet. Ad judicia interregna citato, aliquoties condemnato, executio contra eum decreta, non suscepta tamen administrataque fuerat. Rex cum & metu isto Cracoviam liberare vellet, executioque ab illo flagitaretur, Stanislaum Gorkanum, & Czikovium, quos à Conventu Andzeioviense præfectos militiæ ostendimus ad expugnandam eam mittit. Illis Ungaricas copias Banfio Præfecto adjungit.

In Præsidio Germani aliquot, & Itali exules, Præfectus autem præsidio Zacharias Gorecius relictus à Lasci fuerat. Cum tormentis constituendis aliquot dies occupati fuissent, oppugnatione cœpta, jam aliquot locis muris patefactis, qui in præsidio erant, deditionem fecerunt. Gorecius tamen Opoliæ postea in Silesia jussu Lascij captus, perijt.

De castro an demoliendum esset deliberatum, obstiterunt Legati nobilitatis. Viduæ ea conditione præfectura restituta, ut sanguine alicujus militaris viri custodiæ id committeret. Interim jam ab ipsa coronatione de honoribus beneficiisque reipublicæ quæ partim morte quorundam vacabant, partim Cæsareanis tanquam spolia detrahi plerique volebant, summa contentione certabatur; cum non solum ut cuiusque opera in suffragatione maxime insignis fuisset, ita jure quasi præmium aliquod operæ deberi sibi existimaret. Verum nonnulli etiam inter eos, quorum neque merita, neque vita valde clara essent, obreperent. Stanislaos Kricio, qui Kaciazensis Castellanus fuerat, & in utroq; interregno, inter primarios suffragatores se jactarat, Masoviz Porulicio Plocensis Palatinatus dati, Castellanus Plocensis Gregorio Zieliensky, qui causas egerat, hominibus non satis probantibus Plocensis præfectura Czarnkovio adempta, eidem Kricio data.

Itidem de aliis Cæsareanis spoliandis agitatum, & ut Princeps rerum, hominumque ignarus, vix non productus in sententiam eam Rex fuerat: nisi à Zamoscio deductus ab ea fuisset, magis benignitate præfens incendium sedandum, quam novas injuriarum faces ei admovendas existimante. Insignis tamen inter omnes de sigillo maxime contentio erat.

Dembinius & ætate, & quod non ea quo debe-

debat cura administrare munus id putabatur, in magistratu eo alius ei sufficiens ab omnibus iudicabatur. Verum dimittendi ejus conditiones graves proponebat: cum alias tum pro filio Episcopatum Poshnientem. Rex etsi ob eas quæ ostensa sunt, causas liberari Dembinio cupiebat; quod tamen Zborovij magistratum eum pro fratre Andrea curiæ Marsalco, summa contentione efflagitabant, ipsique, ut qui regnum eum sibi deberent non obscure præferrent, cum Palatinus tum maxime etiam Andreas graves jam illi esse inciperent, magis ne ad illos sigillum perveniret, quam quod penes Dembinium id esse gauderet, conditiones recusat. Cum Zborovij interim quo ad leviores conditiones Dembinium perducerent, quibuscunq; rebus poterant eum vexarent, injurijs horum tandem exagitatus cum Thencinijs se conjungit: ne ad Zborovium sigillum perveniret, etiam levioribus, quam propolisset conditionibus alteri alicui potius eo celsitum Regis jussu Zamoscio illi proponitur, qui Jaroslavia jam inviratus à Rege fuerat, assentitur. Per Andream Zborovium acerrimum competitorum, quod Marsalco tum curiæ esset, sigillum à Dembinio, acceptum Petro Volleio qui Vicecancellarius tum erat: minus quod Volsius habebat, Zamoscio traditur: indignante frementeq; Palatino Zborovio, cujus tempus quod medicinis tum operam dedisset ex instituto captatum putabatur. Quod nunquam vero ante hac in simili re factum, publice pro sigillo Zamoscio demandato, à legatis nobilitatis gratiæ Regi actæ. Dembinio autem Cracoviensis Castellanus, post mortem Hieronymi Mielesij vacans pro sigillo redditus. In comitiis ijs lex de plebeis ad cathedrales ecclesias non admittendis in Russiam etiam extensa. Idemque Volhynis, cæterisque Græcæ religionis concessum. Cumque Masovia ab eo tempore, quo post decessum ducum, ad corpus regni redierat, suo tamen jure adhuc diem ulia fuisset. Vicegerens maxime autem Vicarium adhuc regium, sive ducalem ex pristina consuetudine tenuisset, qui loco jureq; Regio ubi, quotiesque ei videbatur, jus nobilitati dicebat, Vicarius is abrogatus: certis tamen consuetudinibus sibi exceptis, quas ut in proximis comitiis exhiberent, censuræq; ordinum subicerent, constitutum; tandem actis omnibus interregnanis confirmatis, exque constitutione Henricana senatoribus sex qui circa Regem essent delectis, inter quos Karnkovius Episcopus Vladislaviensis, Zborovius Cracoviensis, Thencinius Belzensis Palatini, cum in istis comitiis minus perfici omnia potuissent, re cum Senatoribus communicata ante exitum anni ejus LXXVI. alij comitia se indicturum Rex promittit; in quibus si quæ reliquæ adhuc essent, omnibus conditionibus tandem satisfieret.

Comitiis coronationis, quorum exitus, in diem XXX. mensis Maij inciderat perfectis, ad reliqua regni pacanda proficiscendum Rex ratus, Varlaviam mover, quo ex loco & Archiepiscopo, & majori Poloniæ & Lithuaniz & Prussiz immineret. Regina Cracoviæ mansit. Miechoviz Palatinum Poshnientem, Stanislaum Gorkanum, qui vel inter primos in partibus & militiæ etiam præfectus fuerat, creat. Paulus Uchanseius fratris Archiepiscopi filius, pedites aliquot Germanos Vraislavia, præsidij causa ad Archiepiscopum miserat. Eos Zarembe in majore Polonia profligarat: magnam partem ceperat, nuncium ejus rei, & captivos, in itinere eo Rex accepit, quod opifices plerique essent, Kamenciam ad operas faciendas deportari jussit.

Ex eodem vero itinere, cum ad Archiepiscopum literas, quibus eum ad se invitabat: tum ad nuncium Pontificium, qui cum Archiepiscopo Lovicij adhuc erat, præmittat, si mandata ad se haberet, secum ut potius esset: Si nulla ne regnum turbaret. Nuncius subito adventu Regis territus, Vraislaviam mox se recipit: reliqui dispersi Archiepiscopus adventum suum primum ætate, & aliis incommodis excusat, ubi Rex ipsum se venturum ad eum ostendit, tertius promittit. Ravæ Andreas Opalenius Marsalco regni, cum Czarnkovio majoris Poloniæ generali præfecto ad eum venientes reconciliati ei fuere. Præfectus Ravensis Gostomseius Castellanus Sochaczoviensis apud Cæsarem adhuc erat. Perebat præfecturam eam Episcopus Cujaviensis pro Karnkovio: moderatione Zamoscij eo res deducta, ut jurisdictionis tantum administratio Vicaria interim ei daretur, quo similibus factis, in meliorem aliquanto spem Cæsareani adduci cœperunt.

Varlaviam sub initium mensis Julij venit, ibidemque tandem cum Archiepiscopo, tum alij diversarum partium Senatores, qui cum Archiepiscopo satis frequentes venerant, juramentumque nondum præstiterant, eo præstato reconciliati Regi fuere.

Lithuani jam ante ipsi etiam conventus suos, in quibus de præsentis statu deliberarent, habuerant: unum Grodnam, alterum post ipsam coronationem Miechoviz; cumque Castellanus Vilnensis Joannes Chodkievicius summæ ea tempestate in Lithuania autoritatis, jam ante, quemadmodum ostensum est, ad partes accessisset, alij etiam facile inclinarunt; maxime cum de perfecta inauguratione, matrimonioque jam cognovissent. Itaque & legatos ad Regem in conventu eo decernunt, per quos salvis juribus suis, maxime autem electionis & coronationis, quæ utraque absentibus



illis peracta fuerat, cum Rege componerent: & eum quemadmodum ad alios occulte per regnum legatos Cæsar ad suos dimisisset, qui in partibus eos confirmarent, adventusque ejus certam spem facerent, ita ad illos Joannem Kochirscium Silesium misisset, omni spe incisa, nocturnis itineribus recipere se coactus fuit. Ibidem igitur Lithuanici legati regem convenere, totiusque Lithuanie nomine fidem ei detulerunt: Joannes Chodkievicius Castellanus Vilnensis, Eustachius Volovicius Trocensis, Joannes Kiska Incisor, Alexander Chodkievicius Grodnensis Præfectus, aliique nonnulli ex nobilitate præsertim. Ne quod absentibus se electus, inauguratusque rex esset, fraudi sibi esset, cautionem petunt. Data fuit, sub ratihabitione tamen futurorum comitiorum: eadem conditione alia nonnulla capita eis confirmata. Juramentum à Rege peculiariter illis præstitum: confirmatio jurium data. Ita soli Prussi in partibus adhuc versari videbantur, qui circa diem quartam mensis Maji conventu Graudenti habito, literas ex eo ad Maximilianum dederant, quibus & de constantia sua in partibus certiore eum facerent, utque quam primum acceleraret hortabantur: Verum transiit ista, cum Archiepiscopi, aliorumque Senatorum Polonicorum, tum Lithuanie cognita, Gedanenibus solis fere exceptis, ipsi quoque non obscuram voluntatis suæ in Stephanum significationem dabant. Cum verò maxima pars ad Regem jam se contulisset, communibus literis Maximiliano id significare, imperioque ejus renunciare, visum illis fuit.

Itaque alij quidem in hanc sententiam literas ex conventu illo ad eum dant:

*Litera Pruthenorum ad Cæsarem.*

Non defuisse Majestati Vestre, in utroque interregno plerorumque nostrorum studium, nullo alio quam Majestate Vestra, teste confirmare nobis opus est, quid obsisterit, quo minus studio nostro exitus responderit, nullus etiam fortassis rectius, quam Majestas Vestra consiliorum suorum ipsa maxime sibi conscia æstimare poterit; nos quidem nullam aliam, quam DEI Opt. Max. in cujus arbitrio maxime regna atque imperia sunt, voluntatem agnoscimus. Cum reluctantibus factis, omnia & à Majestate Vestra, & à nobis frustra hætenus tentata fuerint; ad mutuum in unum Principem Stephanum Regem jam coronatum, consensionem, cum divinæ voluntatis indicium ipsa inauguratio, tum virtus & ad hoc tempus progressus ejus, tum mos institutaque patriæ, tum ipsi patriæ, nobisque dissensione ea periculum imminens nos adduxere. Quod felix faustumque sit, summa omnium nostrum utriusque partis voluntate, fidem nostram illi addiximus, quas à Majestate Vestraliteras tam in Poloniam, quam Lithuaniam missas publicæ libertatis con-

firmitates habebamus, cum infrequente Senatu exhibuissemus, nunc ab eo quem solum pro Rege colere non par est, juribus nostris nobis confirmatis, nullum amplius nobis usum præstantes, Majestati Vestre remittimus, ab eodem petimus, ut divino potius numini, quam humanis ullis consiliis exitum harum rerum tribuens, non nisi in optimam partem factum hoc nostrum accipiat, memorque studiorum eorum, quæ dum fata DEUSque sinebant, præclara & egregia in plerisque nostrum experta in se fuit, in posterum sub eo Rege, quem bono nostro publico divinitus nobis datum interpretamur, in pace & otio libertate nostra frui nos patiat.

Peculiares Archiepiscopus dedit:

*Litera Archiepiscopi ad Cæsarem.*

Cum in Comitibus electionis Varsoviensibus, pro eo gradu, quem in regno hoc teneo, Princeps Majestati Vestre suffragatus fuissim, non distiteor non solum Majestatis Vestre virtutum, quarum eximia fama est, verum non minus aut magis etiam patriæ meæ studio adductum eo fuisse. Itaque non modo suffragatus Majestati Vestre fui, sed quamvis difficultates eas, quæ postea consecutæ sunt, ex sententiarum illa, quæ tunc erat varietate, ob oculos habebam, pro loco tamen munereque meo Regem dixi: cum magis valent Regem renunciatus eram, quam quæ tempestas patriæ meæ immineret, cogitarem: simul vero cum Majestatis Vestre prudentiæ, & celeritati omnia mox cessura statuerem: in maximis & publicis & privatis meis, meorumque & eorum qui auctoritatem meam secuti fuerunt difficultatibus, cum ad hoc usque tempus tutatus partes Majestatis Vestre fuerim, hisce fluctibus agitatus, non modo auxilium opemque Majestatis Vestre, frustra hætenus expectavi, sed ne id quidem curasse Majestatem Vestram video, ut in faciendis efficiendisque us, quæ oratores Majestatis Vestre receperant, ordinibus regni satisfaceret. His malis involuto, cum aliud reliquum nihil esset, quam ut præcipitem exacta ætate senectutem meam incularem, qui externa spe fretus, in altum quasi mare, meque reinpublicamque dedissem, tandem eum sive portum, sive tabulam apprehendi, quæ à mei reipublicæque conservandæ studio oblatæ mihi fuit: & in quo insignia regni divinitus collata jam perspicerem, eidem ego quoque Stephano Regi fidem meam jurejurando obstrinxi: nulli posthac vento facile me commissurus, aut à portu hoc abstrahi passurus. Majestatem Vestram, non tam constantiam meam, quæ minime illi defuit requisituram, quam sibi ipsi, quæ regnum hoc pro derelicto tam diu habuerit, imputaturum id spero, justisque amissis, nullas jam alias à dignitate & laude sua alienas regni in posterum consequendi occasiones, vel expectaturum vel quæsiturum. Ne summo

expe-

quidem Pontifici ullam adhuc voluntatis suæ significationem Rex dederat, ut qui & totus Cæsari se dare ferebatur, & apud quem Rex ipse, in summam diversæ de religione sententiæ suspensionem adductus dicebatur, quæ quidem opinio non solum Pontificis animo ac plerorumque Principum Christianorum, sed vel in hoc ipso regno multorum animis plane insederat, quod & paucissimi in Transilvania Catholici essent, & per diversæ religionis homines, maxime autem Blandratam tamolum hereticum regnum petisset, à diversæ etiam religionis suffragatoribus maxime proventus ad regnum fuisset.

Ex eodem tandem conventu hoc maxime suspensionis ejus diluendæ, tum etiam animi Pontificis tentandi causa, Joannes Zamoiscius Grimalius, cum literis in hanc sententiam scriptis missus fuit:

*Litera Regis ad summum Pontificem.*

Cum summa Dei benignitate in hoc regniæ dignitatis fastigio constituto, qui religionem catholicam, ab ipsis incunabulis ad hunc usque diem constantissime tutatus sum, nihil prius antiquiusque mihi esse potuit, quam ut post solennem hanc unctionis, & coronationis meæ inaugurationem, per oratorem meum fasces meos regios Sanctitatis Vestre unicum in terris Christi Vicario, submitterem, nomenque meum, in isto orbis terrarum theatro, inter tot decessores & æquales meos Reges Christianos, quorum memoria in benedictione est, & laus in ecclesia Sanctorum, apud Sanctitatem Vestram profiterer, cum itinera usitata ad Sanctam Vestram nonnihil nunc impedita, tum tempora regni mei maxime necessaria hætenus mihi obsisterunt: quæ tamen spero, brevi facultatem eam mihi restituent, summumque hoc desiderium meum, ad exitum optatum perducant. Interim quoniam non minus fortassis istic facta, consiliaque mea, quam hic quoque facta consiliaque nonnulla Sanctitatis Vestre in suspensionem nonnunquam à quibusdam vocantur, quod ipse ultro facio, ut nihil, quod non cum pietate illius, & religione, cumque adeo sedis illius Apostolicæ Dignitate conjunctum sit, persuaderi mihi à quoquam patiar idem à Sanctitate Vestra peto, ut si quid forte isthic alienum à perpetuo meo erga hanc sedem studio & observantia ab hominibus estimationi meæ periniquis, ad Sanctitatem Vestram deferatur, totum pro prudentia sua respuat, & aspernetur, atque hoc quidem, de rebus meis, quod ad præsentem statum regni mei attinet unum hoc peto, ut cui curæ reliquorum omnium regnorum, atque imperiorum libertas Vestra est, eidem hujus quoque reipublicæ Polonæ, non magis meo que sanctitatis Vestre nomini devota, & addictæ sit, neque eam quod absit, sine aperto, sine etiam tacito consilio vel assensu suo, quemadmodum malevoli quidam spargere in vulgus non dubitant,

per cujusquam hominis contentione convelli aut labefactari illa ex parte patiat. Mihi quidem uti DEUS Opt. Max. regnum hoc per amplum, & perhonorificum, semel summa sua voluntate detulit, ita quoniam quidem domesticas ejus rationes attinet, pacarum prorsus & tranquillum nunc reddidit: ita, si qui postea motus, quod omen DEUS obruat, in pacata hac republ. exorti fuerint, non aliunde quam ab externis hominibus excitari, cum Sanctitas Vestra, tum universus orbis Christianus, sciat. Nobilitati autem & ordinibus regni mei certum est, jus tuum modis omnibus tueri, atque adeo si opus sit, tanto libentius pro libertate sua occumbere, quanto crebrius vel pro aliena ab hostibus nominis Christiani tuenda vitæ discrimen adire non dubitarint, quisquis autem turbare eam voluerit, is certe non modo pacatam hanc, & florentem admodum rem publ. ac murum veteris totius Christianitatis, verum universum pene terrarum orbem bello funesto & inexplicabili involverit; cum ambitionis vero privatarumque factionum turpissimam maculam ad omnem posteritatem sibi asperferit, tam multo magis æternam consciæ menti suæ poenam divinitus accersiverit, hisce autem rebus omnibus, totius Christianitatis perniciosis conatibus, ut pro communis patris & pastoris officio, in tempore potius, Sanctitas Vestra occurrat, etsi communis Christianitatis salus, atque tranquillitas ultro à Sancta Vestra postulet, non minus tamen ego quoque diligenter meo, regni que mei ordinum nomine à Sanctitate Vestra peto.

Cum vivo adhuc Maximiliano Romam pervenisset, ita omnium animos, atque aures occupatas reperit, ut non modo ad summum Pontificem, sed ne ad ullum quidem Cardinalem; ne Hosium quidem, præter Farnesium admitteretur, qui cum protector regni Poloniæ esset, à quocunque qui Regem se Poloniæ diceret, profectum humanissime excepit. Nuncio mortis ejus allato, & ipse omnium summo cum plausu, & gratulatione exceptus, & literæ vulgo descriptæ, in omnium manibus haberi. Varsoviæ rebus ijs ita perfectis partem aliquam comitatus in Ungariam Rex remittit. Inde Knissenum Thikocinumque excurrit, ubi à Senatoribus aliquot Lithuanicis rursus Conventus fuit. Thikocini de Henrico Kurczbachio legato Cæsareo à Weiero capto cognoscit, literasque & mandata Cæsarea ad Ducem Ordinesque Prusiæ regiæ à Weiero sibi transmissa accipit. Cum via Regia Puckam versus, quam à Kostka Palatino Sendomiriense Weierus tum tenebat progrediretur, Præsidio Gedanensi quod quinquaginta equitum obvium eos illi mittere, cognoverat anteverso fines regios ingressum adortus, ad deditionem coegit, Sponsioneque devinctum, ad curandum vulnus, quod cum ipsius ictu Bombardæ

1;

illa-



illatum ei fuerat, tum aliorum ex comitatu ejus Gedanum accedere ei permiserat; Scripta autem omnia, quæ secum habebat, ab eo accepta, ad Regem sine mora miserat. Missus à Cæsare Kurczbachius, ad confirmandos animos; cum Ducis tum ordinum, maxime autem Civitatum fuerat. Quod postulatis, opinionibusque illorum celeritate sua hæcenus non respondisset, cum aliis difficultatibus, quas ante ostendisset, tum nunc etiam profectioe sua ad comitia imperij excusata: & sua & ipsorum interesse, ut nihil temere nihil nisi deliberate, maxime autem ex imperij ordinum, à quibus maxima auxilia expectari possint, sententia in retanti momenti quicquam à se suscipiatur; cum si in rebus omnibus minus consideratis, & expensis præcipitanti hac in re progredierentur, præter ludibrium, dignitatisque suæ jacturam, quam incurere possent, provincias omnes suas maximo periculo expositurum, non dubitare; ad conventum eum Varlavensem præstitutum, frequentes convenirent, eo ipsam quoque oratores suos missurum: interim ipsi sibi mutuo non deessent, non solum propinqui, sed solidi etiā auxilij, quod cum è suis tum externis provinciis, atque imperio certum firmumque se maneret, expectatione se sustentarent. Quod si forte ex Polonicis ordinibus vel aliqui, vel omnes in partes jam transissent, tum ut Lithuani tamen, Prussi, ac Livones, in sententia ac proposito permanerent, quorum jura libertatesque, maxime electione Stephanana indubium vocata essent, vocarenturque ad Moscum legationem promittit: quæ promissi ejus communisque periculi ex vicinitate Turcica cum admoneat ac si Turca vel Tartarus Lithuaniam seu partem Poloniæ invaderet, ipse ex alio latere ditiones eorum invadendo incursiones etiam arceret, cohiberetque petat. Hæc cum Duce, Episcopis, Palatinis, cæterisque ordinibus Prussiæ regni, maxime autem cum Civitatibus, per Georgium Klefeldium, & Constantinum Ferberum consules Gedanenses agere jussus, Joannem Dulcium autem Castellanum Culmensensem, cui ex legatione qua apud eum cum aliis functus erat, maxime fidebat, secreto tentare jussus; cum in eum statum adducta jam res esset, ut Polonicis ordinibus vix non omnibus ad partes Battoreanas traductis, ac quicquid spei de regno adhuc reliquum sit, in Lithuanis & Prussis solis fere superesset, quorum, utriusque, in utroque interregno constanter semper Ernestum expetierint, Lithuani vero etiam superiore anno post Stecizensem conventum per oratores suos, apud se institerint, ut per Prussiam eundem ad se mitteret, cui ipsi iusto exercitu obviam progressuri, excepturique eum essent. Inque proxima etiam electione inter alias conditiones ipse iis receperat, si Poloniæ ordines per vim Regem illis imponere vellent, cum exercitu Ernestum se ad eos missurum,

intentanda jam ea res ei videretur, Ernestusque cum exercitu mittendus, qui vel suo loco, gubernatoris seu defensoris, vel quocunque alio apud eos titulo, ditionibus illis quæ suarum partium adhuc essent præesset, atque à Battoreanorum vi & impetu eas defenderet. Non aliter nisi de Polonicis ordinibus jam desperatum esset, & certissime atque cautissime agere hæc jussus: cum si ante tempus agitata consilia hæc apud Polonicos ordines in lucem venirent, sine dubio maxima animorum offensio consecutura inde esset, consiliisque istis omni conatu obstituri essent. Si consilium probaret, non alienumque eum à negotio animadvertisset, tum demum rationes, vias, modos, quibus res explicaretur, ab eo cognosceret: tum demum quid de Prussorum, Lithuanorumque animo ac constantia, si eo deveniretur expectandum sibi esset. Consilia quæ si ad exitum pervenissent, sine dubio inexplacabili bello, cum regnum, tum vicinas provincias omnes involvissent. Thikocino, Theauris qui ab Augusto depositi ibi fuerant, se cum ablati, per Bilsium Varlaviam Rex reversus. Chorosci in itinere jam Lithuanici ministri ad mensam illi ministrabant, sub idem tempus Regina Cracovia Varlaviam ad eum venit. Consilium de rebus, cum de legatis, cumque aliis qui convenerant Senatoribus ibidem habet. Cumque comitia inaugurationis ita finita essent, ut ante exitum anni aliorum comitiorum spes facta hominibus esset, ante omnia & comitia Thorunium, in diem IV. mensis Octobr. iter in Prussiam, quæ una nondum pacata erat, decretum. Profectus sub initium Augusti Sluzoviam apud Palatum Brzesensem non procul à Thorunia frequente Senatorum conventu exceptus, Thoruniam inde movit. In Prussia quo tempore Rex in eam venit is tum fere rerum status erat, qui in aliis partibus regni; ut quatinus Maximiliano plerique addicti essent, præter Gedanenses tamen solos reliqui magis Maximilianum expectarent, quam per se Stephanum resistere vel vellent, vel auderent. Dux qui etiam eximium, separatimque quasi Principatum habet, Majestatem tamen Regum Poloniæ in eo agnoscit, & corpore & mente æger, per se nihil administrabat. Qui ordinum nomine res ducatus tum administrabant, Maximiliani studio & promissis elati, jam ante quidem cum Cracoviam adhuc Rex esset, literas Ducis nomine ad eum dedeant, quibus & illum à Regno dehortabantur, & nullum alium præter Maximilianum agnoscere se significabant, à Polonicis ordinibus qui Cracoviam erant officij admoniti, & ad partes invitati, magis tamen eventum rei expectabant, quam consilium sententiamque mutabant. Postquam Stephanum Cracoviam jam inauguratum in Prussiam ipsum adventare accepere, Maximiliani spes seras esse animadverteret, aliorum exemplum, qui in iisdem parti-

partibus fuerant, ipsi quoque secuti. Brosiciâ Regi ingressi, per legatos literasque fidem nomine Ducis deferunt, quoque magis animum Regis sibi adjungerent, cum in itinere Gambini Rex esset ad Baptismum etiam filiz à Duce invitatus fuit. Idem in altera Prussia, quæ Regia proprie ducitur, ordines conventibus jam ante aliquot habitis, voluntateque sua Varlaviam jam per legatos Regi declarata, tandem Thoruniam adventanti, in campo sub Thorunia ei occurrentes, per Stanislaum Kostkam Episcopum Culmensensem eum excipiunt. Oppidani separatim etiam eum salutant: inter quos primi Thorunenses & Elbingenses: Thorunenses quidem, ut qui metu magis præsentis necessitati cederent, minus, prompti, Elbingenses ob commercia Anglicana, aliasque privatas nonnullas rationes à Gedanensibus, qui soli & à publico consensu Prussiæ se se jungebant, & à salutando Rege aberant, dissidentes, privato etiam in eos odio promptissimi. Consequentibus inde diebus, & de juramento & jurum confirmatione peculiariter Prussiæ à Rege præstanda actum, Juramentum exemplo Augustano declaratum jurum etiam confirmatio, cum generali clausula data. Separatim ab ordinibus Civitates de possessionibus & religione egere. Possessionum confirmatio ad omnium ordinum consensum rejecta: non sine privato tamen promisso, nihil Regem novaturum, vel veteris possessionis quicquam moturum. Religioni pax data. Quibus cum mandatis Demetrius Solikovius, & Joannes Krotoscus, ad Comitum Ratisbonensium ab ordinibus Regni Cracovia missi fuerint, supra demonstravimus. A Cæsare ipso privatim quidem, sed tamen plerisque Principibus qui aderant, legatisque Principum præsentibus auditi, & humanissime dimissi fuere à Christophoro Zborovio, qui cum Palatino Syradiente audientia illorum aderat mendacij indignante Cæsare publice infimulati; Koroscus etiam ad peculiare certamen libello in hospitium ei missi provocatus, in id tempus, quo munere legationis defunctus, publicam personam deposuisset, eum distulerat. A Cæsare responsum, & si aliter se rem habere quam ab ipsis demonstraretur, & sæpe ostensum esset, & nunc satis doceri posset: quæ tamen mens sua iis de rebus esset, per suos vel legatos, vel literas ordinibus regni istius, atque Ducatus Lithuanie, cum suis reulterius deliberata declaraturum. De Andrea Gorkano Castellano Miedziricense à Sigismundo Kurczbachio in Silesiam, Gnoiensio à Francisco Honconai in Ungariam abductis, satis existimare neque factum à se probari, qui pristinum cum regno Poloniæ fœdus diligentissime cultum, observatumque velit: & quantum in se fuerit, quod ad jus de iis reddendum pertineret, nihil desiderare passum se fuisse, ut qui ordinum regni litoris, quibus ea de re appel-

laretur, ne expectatis quidem & captivos dimitti, & pacis violatoribus diem mox dici jussit. Cæteroquin non grata valde hominibus, favore Cæsaris occupatis, legatio fuit; ac plerosque ipso Cæsare, qui humanissimum alioquin se illis præstaret duriores experiri. Uno Cardinale Morono legato Pontificio æquiore usi, ejus consilio legationem eandem cum apud ordines etiam imperij exponere debuissent, ei rei superfederunt, partim ne magis Cæsarem exacerbarent, partim si invito eo, aditum ad ordines Imperij quævisissent, vel mandata ejus rei à Principibus suis habere se negantibus non recepti vel apud Jurisconsultos ordinarios Principum Germaniæ delegatos, dicere jussi, ludibrij potius aliquid subirent. Responsum, quod Regem Poloniæ in eo Cæsar se profiteretur, cum salva dignitate, jureve eorum à quibus misissent, deferre se non posse existimarent, in diversorio prius à se perlectum, attestazione adjecta, Cancellario Cæsareo reddiderunt; cum ut integrum id sibi esset, bona Cæsaris venia, cum dimitterentur, ab ipso Cæsare prius petissent. Eodem die quo Ratisbona profecti fuerunt, nuncium de Kurczbachio à Weiero capto ad Cæsarem perferunt. Itaque cum tribus inde miliaribus pernoctarent, noctu missi qui eos retinerent, Linciamque in custodiam deducerent. Similiter frater Solikovij Sigismundus, Samuel Lascius, & alij nonnulli diversis in locis ditionum Cæsarearum eandem ob causam retenti. Legati ipsi in custodia Lincensæ, ad quindecim circiter septimanas retenti, tandem post mortem Cæsaris à Rudolpho filio successoreque ejus opera potissimum Kurczbachij cum ipsi tum alij dimissi fuerunt. Quam primum certior Rex de retentis iis factus fuit, sub hoc ipsum tempus quo Thoruniam Rex erat Kurczbachius, sponsione, verbo, scriptoque data, ita dimissus fuerat, ut injuria imprimis Weiero condonata, nisi illos liberaret, se ipse rursus sisteret. Thoruniam re cum reliquis Ordinibus Civitatibusque Prussiæ composita, Mariæburgum Rex progreditur. Cum in Prussiam ducalem intentus ut esset, tum maxime Gedanenses ad officium ut reduceret. Hos etsi promissis Maximiliani, maxime autem ex iis Constantinus Ferberus, & Georgius Klefeldius, quorum tamen hic, sub hoc tempus, vel paulo antequam mortuus fuit, qui in potestate tum fere Civitatem habebant, magnarum rerum spe inflati, quod in Maximilianum semel suffragium suum civitas contulisset, priusquam diserte is regno renunciasset, cum constantia, tum etiam periculi publici causa, non posse se honeste ab eo discedere præferrent, aliæ tamen nonnullæ res magis etiam stimulabant. Temporibus Sigismundi Augusti, cum multa in civitate ea contra jus & dignitatem Regiam fieri dicerentur, ex consilio Senatus legatos eo Augustus miserat, qui res civitatis inspicerent,



tent, statumque ejus constituerent. Qui tum in magistratu erant, vel metu actionum suarum, vel quod ne status Civitatis mutaretur vererentur, legatos regios adventantes, civitate excluderant. Quæ res cum ut erat indignissima omnibus videretur, quo ignominia publica deleretur, qui è magistratu autores facti hujus putabantur, tanquam Majestatis rei in regiam evocati, pro obsequiis interim iis retentis, denuo legati eo missi, ac recepti, cum leges complures, quæ ad statum civitatis pertinebant, tulerant: tum ad deprecationem, & satisfactionem civitatem adegerant; cujus hæc præcipua conditio erat, ut ad id portorium quod antiquitus bina male civitas percipiebat, aliud in ea par pro Rege exigere-  
tur. Rebus hisce vix dum integre perfectis Augustus decesserat. Itaque cum & iavita civitas conditiones eas accepisset, & morte Augusti imperfectas relictas putaret, non modo ut iis liberaretur laborabat, verum alia etiam, quæ per legatos investita erant, aboleri volebat. Inter legatos eos primi fere, Stanislaus Karnkovijs Episcopus Cujavien-  
sis, & Joannes Kostka Palatinus Sendomiriensis, tum Castellanus Gedanensis fuerant, quos eosdem cum & Principes fere eligendi Stephani fuisse, & apud eundem plurimum valere existimarent, ne non modo actiones suas tolli illi paterentur, sed magis etiam in se Regem accenderent, verebantur, neque fallebat eos opinio eorum. Nam cum Zborovij, tum maxime hi, magnæ prædæ, ac reditu-  
um spe, si tanquam per duellem belli jure in potestatem suam, civitatem redegitset, novamque ejus formulam constituisset, in civitatem Regem incitabant itaque partim superbia, novatumque rerum spe, partim obstinatione, ac metu, neque vel legatos ad Regem mittebant: vel ullam submissi, reverentis animi significationem dabant.

Jam cum Cracovia Prussiam versus Rex iret, Nicolaum Kosobucium, Notarium Plo-  
censem, elegantis ingenij hominem, cum literis & mandatis, quibus ad partes officiumque eos invitaret, Blonia ex itinere Rex ad illos miserat, qui ad rem tempusque præfens ora-  
tione accommodata, in hanc sententiam verba ad eos fecit:

*Oratio Kosobucij ad Gedanen.*

Si in ullo imperio mundano providentia, voluntasque divina perspici potuit, nulli dubiū esse posse existimo. Vix in ullo, quam Ste-  
phani Regis nostri regno illustriora eviden-  
tioraque ejus indicia extitisse. Non necesse sane hic puto pluribus in memoriam vobis re-  
vocare, quomodo utraque electio administra-  
ta sit. Neminem vestrum non sua sponte intelligere existimo, si quid humana ars, ratio-  
que efficere potuisset, longe maxima omnia illa, quæ ab ea proficisci potuerint, pro Au-  
striacæ domo adhibita fuisse. Quid enim  
quæso, vel splendoris in præhensando, vel di-

ligentia in ambiendo, vel liberalitatis denique publice, privatimque pollicendo ex ea parte in-  
termisum? Hic primum non modo pro se ab initio regnum non ambiit: sed nisi, inter Po-  
loniæ regnum, Turcicasque ditiones inter-  
jectus, ex vicino bello partim periculi sibi quoque subeundum judicasset, vix non Austri-  
acis ipsis, quam sibi id maluisset. Itaque cum illi Principes viros ad petendum regnum mi-  
sissent, ab hoc non magnæ autoritatis legati missi: cum ultro quasi delatum Principi eor-  
um regnum fuisset, vix etiam quicquam præ-  
ter ipsum Principem, sed eundem omnibus maximis virtutibus regiis præditum, cum eo-  
que & pacem cum vicinis, & omnia florentis status commoda nobis promissere. Verum ut hæc jam sinamus, quod certius voluntatis  
divinæ argumentum esse potest, quam quod in oculis quasi nostris adhuc versetur, Cæsari Vienna Cracoviam usque quinquaginta sola  
milliaria erant: huic centum septuaginta: hic jam advenit, ille ad hoc usque tempus hæ-  
ret. Cum fines regni hic jam attigisset, Cæ-  
sar in conditiones primum juravit. Hic re-  
gni insignibus inauguratur, cum ille comitia ad auxilia emendicanda primum indicit. Unde quæso hujus celeritas, illius mora? Deus scilicet est, per quem reges regnant: qui, quibus regnare, iis mentem consili-  
umque assequendorum eorum prius eripit. Jam vero quæ consecuta sunt. In regnum venit perturbatissimum, & vix non alienum, cum potior fere pars pro altero staret, quæ vix magno labore alijs Regibus obtingere solent, ultro huic decreta, tributum, expeditioque pu-  
blica: atque utraque ejus potestati permessa, quos nemo deinde nisi vi à sententia discessu-  
ros existimarat, sponte illi accessere. Jam Archiepiscopus Regem illum veneratus, Marscalcus vitem, signum imperij ei præfert, hic proclamatione, ille renunciatione sua re-  
licta. Quid de alijs dicam, Episcopo Plo-  
cense, Palatino Ravensi, Lithuania universa, ipsius denique Prussiar, cujus ipsi membrum  
estis ordinibus, quorum illi in verba ejus jam jurarunt: hi autem Prussiar nimirum ordines legationem jam ad illum parant: At nutum quidem divinum aliquis vestrum in eo forte agnoscat, verum etiam contra voluntatem divinam, quod nefas sit commoda majora ab alio quis expectet, quam hoc? Quis quæso potior esse debet, is ne qui subditorum, an qui suam utilitatem spectet? At inter quem unum alteri præferat, cui obscurum esse potest? Ambo electi fuere: ambo renunciati, proclamatique: uterque studia hominum ardentissima habuit. Quomodo uterque parti suæ studiis responderit, cogitate. Cæsar opibus, potentia, omnium fere Principum Christianorum necessitudinibus & clientelis nemini secundus, qui modo tot millia equi-  
tum, tot peditum legiones, tot milliones aure-  
orum suis promiserat, magnificisque promissis  
istis

istis multorum, animos alios sedatissimos in-  
flaverat, quid quæso præstitit, nonne omnium vestrum expectationem frustratus est? Spe-  
ctator potius periculis vestrorum, quam quid de vobis fiat, pens habens, non vestri enim studio, sed suæ, suorumque potentia cau-  
sa regnum ambiebat. Neque interpretes sequestresque illos, qui tam frequentes ad vos  
curstant, aliud querere existimare, quam ut magnificis promissis suis, quæ æque certa er-  
runt, atque priora, vos inductos, à legitimo Principe corporeque regni vos abstractos, eaq;  
ratione intestino bello commissos, tandem debilitatos, Mosci libidini objiciat. Huc ni-  
mirum pertinent foedera illa, quæ novo inusi-  
tatoque Germanis modo haud ita pridem cum Moscho sanxit: eodem ipsius Mosci literæ, à vobis malorum vestrorum ignavis avidissi-  
me lectæ. Ab altera parte Stephanus Tran-  
silvania tantum Palatinus & ut adversarij ejus, scribere non dubitarunt, Cæsare inferior: animo certe & benevolentia in suos superior, non adirus unde quaque concisos, & præceptos, non metum, qui non solum ab Imperio Ro-  
mano, sed universo fere orbe Christiano in-  
tentaretur, non ullas alias difficultates, quæ voluntati diligentiaque ejus objectæ fuere, re-  
morari se passus fuit, quicquam primū suis ad-  
esset; & cum vitam fortunasque omnes suas, fortunatissimo, pacatissimoque principatu reli-  
cto, ad defensionem eorum conferret, qui sa-  
lutem facultatesque suas, ob illius dignitatē au-  
gendā in periculum adduxissent. Eodem ani-  
mo in solio nunc regali constitutus, nihil aliud etiā, quam publicam utilitatem, commodum-  
que spectat. Nō ille ut committat nos, sed pri-  
mum cum universa republ. deinde inter se ipsos in gratiam omnes reducat, laborat, aspe-  
rius nonnullos tractatos aliqui existimant. Equidem & medici aliquando contra insupe-  
rabilem, aliis remediis morbi vim, venenata etiam pocula propinant: Salutaria ista esse, salus ipsa postea ostendit. Verum tamen quæ ista asperitas est, si insanabiles aliqui bo-  
nis forte privati sint. Non id Rex reprehendit, si quis in electione adversatus ei fuerit: in libera enim republ. libera suffragia esse de-  
bere scit: sed contra Regem inauguratum unctumque molitiones dignas poena judicat. Et tamen quanta ejus hac etiam in re mode-  
ratio sit, in vobis ipsis agnoscite. Et si legati regni aliquoties jam rebus infectis ex Prussia discesserint: et si, quod non paucos offendit haud ita pridem amplissimus regni Senator & Legatus non satis aptum Grudenti responsum retulerit, plus tamen salutis reipubl. quam vel suæ dignitati tribuendum putat: iterum per me vestros hortatur, & ut saniora tutioraque consilia sequamini, atque ad pacem concordiamque qua una maxime commercia, quibus fortuna vestra omnes constant, invitatur. Uter igitur ex hisce laude dignior? num qui suos deserit, an qui suorum commoda salutemque

propriam præfert? qui dissidia tantum quærit, an qui omni studio concordiam, conjunctio-  
nemque procurat. Locus ipse me invitare detur, ut de laudibus ejus aliquid dicam, quas sapientia, prudentia, justitia, fortitudi-  
nis, cum summa rei militaris scientia conjun-  
ctæ, vel inimici ejus summas in eo agnoscere coguntur, sed tacere malo, quam non ita dice-  
re, quemadmodum eximia ejus dotes postu-  
lare videntur, hoc sane nemo qui eum nove-  
rit, negare ausit, singulare quali quiddam & admirandum effingere & veterum summo-  
rum imperatorum exemplum quoddam in eo naturam nobis repræsentare voluisse. Quod si quemadmodum à sapientibus quibusdam traditur, tum optime cum rebus publicis agi-  
tur, quando summa prudentia, justitiaque cum summa potentia in unum conveniunt, nonne quem post tot reipubl. pericula seu po-  
tius naufragia, summo studio, non nos modo, sed vel universi orbis Christiani, ad guber-  
nacula regni adhiberi experere debuisset, nunc divinitus nobis datum, debita potius fi-  
de, & cultu excipietis, quam inaugurato jam coronatoque impie resistetis? jura libertatesque vestras nonnullis rebus imminutas querimini, prudens est: justus est: vult unicuique jus suum tribuere. Quemadmodum quidem ad eam rem clementiam, voluntatemque suam prolixè per me vobis defert. Quantum ex societate Polonica commodi ad vos per-  
venerit, nemo vestrum est qui ignoret; inde scilicet opes cum publicæ tum privæ: inde jura, libertates, omnis denique felicitas, non minus quæ sub aliorum imperio majorum ve-  
strorum fortuna fuerit scitis. Quo magis di-  
versam eam à præsentē fuisse recollere animo potestis, eo magis ne florente societate relicta in pristinam servitutem recidatis cavendum vobis est. Non difficulter Cæsar in Cruci-  
ferum mutari poterit, vel potius cum imperij auxiliis utendum illi sit, quo minus imperij jura postliminio ijs ad quos pertinent restituat, quomodo recusare poterit? Verum demus nihil ex hac parte periculi esse: quid salva fide fortunisque vestris facere possitis videte. Polonia, Lithuania, Prussia cujus una pars estis, in Regem eum universæ consentiunt, majores vestri, non solum in Regem sed ipsius regni tanquam corporis, à quo avulsi fuerant, fidem sanctissimo jurejurando voverunt, ab hoc quomodo nunc integra fide, majorumque vestrorum jurejurando vos sejungetis; quomodo DEUM acerrimum violatæ fidei vin-  
dicem autoremque, non reverebimini? Deus meliora: & sane Rex ipse meliora de vobis sperat. Quamdiu inter alios ordines sen-  
tentiarum de regno ejus dissidium fuit: quam-  
diu Regni insignia Regi nondum imposita fuere, non miratur si aliorum dissensio, vos etiam ancipites distraxerit: ac non modo non miratur, sed ut in re libera, & integra ne vitio quidem vertit. Nunc omnibus ad autorita-  
tem



tem ejus adductis in folioque regio solenni-  
bus caeremonijs eo collocato, fideque ab ad-  
versariis etiam alijs ei præstita, si eandem diu-  
tius ipsi recusare velletis, qui Regi primo co-  
ronato jusjurandum præstare tenemini, non  
aliter certe interpretari id posset, quam con-  
tra jusjurandum majorum vestrorum, contra  
jus, fasque à vobis id fieri, quorum ratio si  
minus vos moveret: quæ tamen vel pluri-  
mum valere apud vos sibi persuadet: vel ipsi  
certe periculi respectus movere vos debe-  
ret. Vosne universi regni vires in vos inci-  
taveritis? quibus quomodo resistere possitis,  
cum vel vitam sine eo, à quo omnes fortunæ,  
vivendi rationes vestræ pendeant ducere mi-  
nimè possitis? Quæ conditio vestra futura  
esset, si regnum à vobis offensum, vel com-  
mercij vobis interdiceret, vel in quam rem  
non pauci incumbunt, in alium portum ea  
transferret. Verum demus vel impune quod  
nunquam DEUS justus imperij, causæq; vin-  
dex permittit, vel sine incommodo à regno  
discedere vos posse, id ad quos vos conferre-  
tis, cui commodum vobis erunt? satagit jam  
de vobis Cæsar: non dubito. Verum semel  
saltem frænum acceperitis, mox sui ne an ve-  
stri commodi curam habuerit, perspexeritis,  
in tempore potius aliorum exempla, atque  
vestigia vos terreat. Dicatis mihi quantum  
ad hoc tempus subsidij ab eo habueritis: tan-  
tum quantum Poloni, qui partes ejus secuti  
sunt. Verum gratulamini potius vobis, quod  
nondum petendi ejus necessitas allata vobis  
sit quæ si quod Deus avertat, imposita vobis  
fuerit, vel frustra id implorabitis, vel quæ non  
conditiones, si hostis stricto gladio cervici-  
bus vestris imminet, accipiendæ mox vobis  
erunt: nonne satius est, & fidei suæ satisfacere,  
& eadem opera difficultates potius omnes  
illas prævertere? alij Turcico nomine vos  
terrent, quasi ei Rex obnoxius in perniciem  
Christianitatis cum eo conspiravit: alij gu-  
bernatores Prussiarum, vobis arcem præsidium-  
que impositurum. Fabulæ omnia, malevo-  
lorumq; fragmenta, illud pietas ipsius omnibus  
nota refutat: hæc jusjurandum recentissime  
adeo ut alijs omnibus ordinibus, ita Prussiarum  
quoque & vobis Cracoviæ præstitum; quo  
unicuique sua jura libertatemque conservaturum  
sanctissime promissit, moras saltem istas abji-  
cite: quem ignotum vobis nunc metuitis,  
ubi cognoveritis, ultro vobis Principem gra-  
tulabimini. Quod si metus aliquis à Cæsare,  
vel alio quopiam vos tetret, si integra re nihil  
conatus fuit; quid Rege jam inaugurato pos-  
sionemque regni adeptus, ab omnibus defer-  
tum, conaturum putatis, verum ut maxime  
tentare aliquis quid velit, non desunt illi cre-  
dite rationes, quibus & suos tueri & aliorum  
imperium reprimere possit. Omnem vobis  
per me cum à Cæsare tum Dano & quocunq;  
securitatem indemnitateque promittitur.  
Quid vultis aliud? non vestrum est, qui mem-

brum reipubl. estis, pacis bellicque arbitrium  
vobis sumere. Religionis libertate maxi-  
me moveri vos scit. Jam Cracoviæ jureju-  
rando illam à se confirmatam ne vobis qui-  
dem certe jam infringere. Ne superioris qui-  
dem dissensionis offensionem aliquam me-  
tuere vel debetis, vel potestis, jam dudum  
ut aliorum ita vestra quoque perpetua obli-  
vione ab eo oblitterata est, neque aliud, quam  
summam clementiam expectare ab eo debe-  
tis. Cum igitur & voluntatem divinam in  
imperio ei mandando facile agnoscere possi-  
tis: & is princeps sit, qui omnibus votis opta-  
ri à vobis debuerit, neq; non solum deesse vo-  
bis ulla in re velit, sed ultro etiam invitet, ne  
ipsi vobis desitis, videte. Cum die quarta  
mensis Julij legationem suam magistratui ex-  
posuisset, accidit, ut postridie Kurczbachius  
quemadmodum supra ostensum est à Wabie-  
ro interciperetur.

Præter alias igitur, hac etiam maxime cau-  
sa arrepta, vim eam causari, nullo cum respon-  
so eum dimittunt: deliberaturos tamen se,  
posteaque commoda suo iis, ad quos res per-  
tineat, responsum daturus, promittentes.  
In eandem sententiam, cum sub idem tempus  
vocatu Episcopi Culmensis; nam Varmien-  
sis Hosius Romæ tum agebat: Conventus  
Ordinum Prussiarum Lubaviæ haberetur, ad illos  
etiam literas dant causati, quod internuncij  
sui, quos ad superiores conventus misissent,  
neque in itinere sine periculo, neque in loco  
publici consilij sine injuria fuerint, tum vero  
maxime vim Kurczbachio contra jus gentium,  
vel ipsi interpretabantur, iis ipsis diebus  
allatam exaggerantes, non posse se conventui  
interesse significant, ne vero deliberationes  
præcipitent, aut sine ipsis, qui ipsi quoque mem-  
brum Prussiarum sint, ob commercia autem, quæ  
in ditionibus Cæsareis, domusque Austriacæ,  
ac propinquorum Principum, magna amplaq;  
cives eorum habeant, majori fere quam ulli  
alij periculo expositi sint, separatim sibi cave-  
re, sed potius aliquanto maturius, in loco præ-  
sertim commodiore cis Vistulam, in commu-  
ne consulere velint, petunt. Secus si fiat, ta-  
tum id se non habituros, detrimenti etiam ali-  
quid si ex eo existat, non penes se ejus causam  
fore testantur. Sub exitum mensis Julij,  
iterum iisdem de rebus Andream Zborovi-  
um Curia Marsalcum ad eos Rex mittit.  
Sed cum non majore cum fructu legationem  
se expositurum intelligeret, quam Kossobu-  
cius exposuisset, quod magis ex dignitate &  
Regis & sua visum, Mariæburgi subsistit, lite-  
risque legationem ad eos perscribit: illi et-  
iam in eandem fere sententiam atq; Kossobu-  
cio literis respondent: quibus non obscure  
significant, quoad juribus eorum idonee prius  
non caveatur, gravamina quæ vocabant abo-  
leantur, cum Cæsare non componatur, nul-  
lam ad rem accedere se posse. Similia man-  
data illorum fuerunt, quæ ad conventum  
Mæven-

Mævensem internuntiis suis, Reinoldo Mol-  
lero, & Georgio Rosenbergo dederunt.  
Cum certo jam in Prussia se futurum Rex si-  
gnificasset, Stanislaus Kostka Episcopus  
Culmensis Mævam in diem XVI. Augusti  
conventum indixerat, ubi de excipiendo  
honorifice Rege & de communibus rebus  
deliberaretur, cum Gedanenses ut cis Vistu-  
lam alicubi tanquam loco pacatiore conven-  
tus haberetur ultro ante postulassent. Verum  
quemadmodum ostendi paria prioribus re-  
sponsis suis, mandata ad conventum eum  
internuncijs suis dedere. Quia ultro potius  
eum ordinibus per internuncios eos suos ex-  
postulabant, quod priusquam vel juribus satis-  
cautum, vel quæ contra ea irrepissent, abro-  
gata, aut, constituta essent, à Cæsare etiam  
indemnitate cautum esset, de acceptando ex-  
cipiendoque novo Rege agere proposuissent,  
cum Regem novum agnoscere, cujus arbitrio  
vitam, honorem, fortunasque homines com-  
mitterent. Priusquam juribus illorum satis-  
cautum esset, & petperam & hoc præsertim  
rerum statu cum periculo fieret, itaque alium  
conventum petebant, in quo non modo hisce  
de rebus ageretur, sed singula etiam capita, &  
cujusque ordinis postulata, diligentius exa-  
minarentur; interim à novo potius Rege pe-  
terent, ut adventum suum in Prussiam tanti-  
per sustineret, quoad de omnibus rebus, ad  
communem statum pertinentibus conveni-  
ret; neque tantulam moram iniquo animo  
ferret, quæ nisi impetrarent, ut à consilio ab-  
stinerent, eis mandarant. Assensu tamen  
internuncij Gedanenses ibi fuerant, una se  
cum alijs ad tractandū de omnibus rebus, Re-  
gemque excipiendum Thoruniam ituros. Itaque  
communi omnium Prussiarum ordinum nomine,  
literæ ex conventu Mævense ad Regem datæ,  
quibus tam ab equestri ordine, quam à civita-  
tibus, nullis exceptis, fidem obedientiamque  
ei deferri, significabatur, simul ut pro more  
majorum, ac jure Prussiarum, jura omnibus gra-  
vaminibus, & incommodis sublatis, jureju-  
rando confirmaret, petant.

Quod vero Civitates peculiaria quædam  
gravamina haberent, & peculiari scripto con-  
signata una ad Regem mittunt, utque beni-  
gnam eorum rationem habeat, petunt. Cum  
quibus cum postulata etiam Gedanensium in-  
ternuncijs eorum ad conventum Mævensem  
ab illis data, Rex Gostinino ordinibus rescri-  
bens, quod consilijs alienioribus, à quiete &  
tranquillitate publica spreto, in eam curam  
incumberent, ut in communione reipublicæ  
ejusdem salvis juribus ac libertatibus suis per-  
fruerentur, ipsum quoque studium, hoc eorum  
benignitate sua complexum operam daturum  
promittit, ne libertates ex illorum ulla ex par-  
te imminutæ videri possint; cumque recta in  
Prussiam ad eos venire se ostenderet, simul  
non parum mirari se significat, quid causæ sit,  
cur soli Gedanenses, majore cunctatione,

& hæsitazione, quam ullus alius ordo vel ci-  
vitas, ad concordiam accessuros se ostendant,  
nec à verborum perplexitate refugiant.  
Cum Thorunij præter expectationem ordi-  
num Gedanenses se non stitissent, ordines  
Thorunia ea de reliteras ad illos dant, quibus  
ut & secessionem eam præter promissum in-  
ternunciorum illorum, & expectationem su-  
am accidere sibi significabant, neve causam  
externum militem in provinciam inducendi  
maximo cum universæ provincie incommo-  
do & periculo, majore fortassis etiam civita-  
tis Regi præberent, sed secum se conjunge-  
rent, quo communi consilio patriæ consule-  
rent, petunt, simulque ad ipsorum peculiaria  
etiam gravamina abolenda apud Regem ope-  
ram suam illis pollicentur, illi quod Thoruni-  
am non miserint, ignoratione adventus regij  
cum neque ex internuncijs suis exactam ejus  
diem cognovissent, & ex alijs non postremi  
loci acceperint, in quatuordecim dies pro-  
fectionem ejus prorogaram fuisse exculant.  
De re ipsa eadem quæ antea, ut gravamina  
prius cognoscantur aboleanturque, jura prius  
confirmantur, novumque omnino ad ea con-  
ventum inculcant.

Interim sub initium mensis Septemb. Ma-  
riæburgum Rex venit, sine mora inde Stanis-  
laum Kostkam Episcopum Culmensis, Jo-  
annem de Sluzewo Palatinum Brzesensem  
ad eos Rex mittit, qui ut ab obstinatione illa  
animorum recedentes, more majorum jusju-  
randum Regi darent, eos hortarentur, idemque  
ab illis nomine Regio acciperent, si facerent,  
pro iis Regem habiturum, qui Majestatem  
ejus spernerent, rationesque necessarias juris,  
dignitatisque publicæ tuendæ initurum. Illi  
longo responso conscripto, quo eadem po-  
stulata sua de juribus prius confirmandis, gra-  
vaminibus tollendis, indemnitate à Cæsare  
repetunt, cum legati regij, ut qui ad juramen-  
tum tantum exigendum missi essent, accipere  
id, & ad Regem deferre recusassent, illi in sen-  
tentia nihilominus perstant, legatisque re in-  
secta profectis, per suum tandem ad Regem  
responsum id mittunt. Plena superbiæ arro-  
gantiaque res omnibus videri, civitatem unam,  
non modo à corpore regni, sed Prussiarum etiam  
in qua sita esset consensu recedentem, non  
modo separatim sibi consilium capere, sed in-  
ter Regem etiam Cæsaremque, pacis fere bel-  
liq; arbitrium sibi sumere.

Itaque cum omnia frustra jam tentari Rex  
existimaret, tanquam qui neque juramentum  
contra marem majorum, totiusque regni,  
Magni Ducatus Lithuanie, & terrarum Prus-  
siarum consensu præstare vellent, urbem muni-  
rent, militem externum contra jura regni  
terrarumque Prussiarum constitutiones alerent,  
multisque rebus pacem publicam turbarent,  
Majestatis reos in jus evocat, quinque dierum  
termino illis præstituto, libellosque citationum  
publicandos, spargendosque in urbe curat.

Quibus



Quibus de rebus cum partim ad Regem, partim ad Senatores, eadem quidem quæ & antea semper ingerentes, supplices tamen fere literas dedissent, quibus ut citatione abolita, armisque à possessionibus civitatis inhibitis, aliæ potius rationes susciperentur petissent, quibus sine ignominia & periculo Civitatis res componeretur, literas quibus conditiones istas illorum refutant, Senatores ad illos dant. Simultamen cum dies iudicii jam præterisset, absentiaque illorum à scriba jam excepta, annotataque esset, bidui inducias, fidemque publicam à Rege illis impetratas mittunt, intra quod tempus legatione missa, quæ una ratio abolendi iudicii esset, fidem obedientiamque Regi deferrent. Cum ne ad eum quidem diem, angustiam temporis causati stentissent, die XXIV. mensis Septemb. tanquam contumaciter absentes, perduellionis condemnatos proscribit. Mariæburgum cum rex iret, in insula Mariana Rilemburgique, quæ ditionis Ducalis oppida sunt, nomine Ducis Majestatem ejus jam agnoscentis, liberalissime exceptus, lautiaque largissime præbita ei fuerunt. Mariæburgo legatio etiam quæ statum Ducatus ejus inspiceret: à Duce itidem ad Regem Mariæburgum missa, fidei tutelæque ejus se commendans. Imminabat interim dies comitiorum Thorunensium. Ad ea per Dirlaviam iter Rex convertit, quo non modo propius Gedanum accederet, sed ipse etiam eam videret. In itinere præsidio Gedanensi, quod sub ipsam Dirlaviam, conspectumque regium, munimentis quibusdam objectis collocarant, ex minore insula, quæ Gedanensium possessionis est, Grebinoque quod caput insulæ, dejecto, per aliquot dies Grebini subsistit. Eo tandem propiore rerum suarum periculo adducti, fide publica accepta, legationem Gedanenses mittunt regnum regi gratulantur: quod legationem hæcenus non miserint, obsequio à milite viis excusant. Conditionibusque quibusdam ultro citroque tractatis, negotium per Palatinum Cracoviensem Zborovium, Joannemque Zamoiscium Vicecancellarium fere transactum, ab Episcopo Cujavense, & Palatino Sendomiriense Kostka infectum fuit. Cum eo præsertim arrogantia Gedanensis postredie descenderent, ut confirmationem jurium nominatim etiam clausulam adjici postulerent, ut nisi illa salva & illa conservarentur, ne civitatis quidem ordines jurejurando suo tenerentur, quam tamen cum ipsius rei indignitatis, tum omnium indignationis sibi conscij, ultro postea remiserunt. Itaque à conditionibus illis, à Rege discessum fuit, ut armis posthac persequendam sibi civitatem profiteretur. Grebinum Nicolaus Mielecius Palatinus Podoliæ, ad integritatem suffragij, sententiæque in republ. suæ notandam, amictu candido, non ab ipso modo, sed omni etiam comitatu ejus

sumpto, ad Regem venit, jam ante alij etiam plerique Cæsareani in fidem Regis se contulerant, unus fere Stanislaus Czarnkovius Referendarius in Germania adhuc hærebat, referendarius Nicolao Firleio Præfecto Casimiriensi, eorundem alioquin partium, qui Palatinus Cracoviensis, magnusque postea Senator fuit, in Comitibus ijs Thorunensibus à Rege datus ei fuit: alij itidem honores nonnulli, alijs Cæsareanis dati, animos partium diversarum non nihil recrearunt. Quem admodum supra ostensum est, Varsaviam Ungaros & rex plerosque fere dimiserat. Duorum tamen circiter millium, equitum aulicum Joanne Zborovio Castellano Gnesnense aulicæ militiæ Præfecto instituerat: eidemque peditatus Ungarici sexcentos circiter, Polonici etiam non nihil adjecerat: ita ut ad trium circiter millium, cum equitum tum peditum exercitus esset. Cum eo Dirlaviæ discedens Zborovium relinquit, qui in Gedanensium conatus intentus esset. Thoruniam inde ad comitia profecto. Imprimis quidem de Gedanensibus coercendis, inde de insigni aliqua re pro republ. suscipienda relatum. In quæ oratione cum & libertatis tuendæ studium, & clementia in adversam partem Regis prædicata fuisset, latus comitiorum ingressus fuit. Verum animis plerumque alienatis, omnia inde turbata. Primum enim qui diversarum partium fuerant victos se fuisse non poterant non meminisse: qui vero sibi regnum debere Regem volebant, cum nulla re expleri possent, aut non omnia mox ad nutum sententiamque eorum à Rege ferrent, non minus alieno ab eo animo erant, quam qui ab initio adversari ei fuerant. Itaque & communicationes cum Cæsare, & de tollendo eo clandestina consilia inita ferebantur, quæ quidem nuntium de morte Cæsaris sub id tempus Thoruniam allatum mox oppressit. Mortuus fuit Ratisbonæ in mente Octob. in medio quasi cursu consiliorum suorum, ad morbi vim, animi etiam fortassis dolore ex rerum Polonicarum cura accedente. Inter Zborovios inde, Gorkanumque Palatinum Posnanientem, aliosque nonnullos, quibus non satisfiebat, coitio facta. Ultra eam vero, à Jacobo Niemoievio etiam, Stanislae Pekoslavio, qui postea clarior in re militari, præclaris facinoribus Præfectus, quam tum tribunus inter legatos nobilitatis fuit, aliisque popularibus suspiciones hominum animis inculcata, non parum eos turbabant. Itaque sola fere Gedanensis actio suscepta: eademque ipsa etiam maxime comitia turbare. Lembkam Syndicum fidei publicæ causa à Rege petendæ miserant. Cum literas ad Regem aliosque Senatores haberet, quibus perpetua ista sua postulata de cautionibus sibi prius præstandis ingerebant, fidemque suam in Regem regnumque testabantur, quod maxime eos turbaret, literæ regię, à Palatino Sendo-

Sendomiriense cui cum aliis nonnullis Senatoribus audiendi ejus negotium datum fuerat, in conspectu ejus priusquam ad Regem deferrentur resignata: alias autem nullas ut redderet, sed domum secum deferret, mandatum ei fuit: in duodecim tamen dies fides publicæ conditionibus eis data, quæ Grebini etiam propositæ illis fuerant, militem dimitterent, juramentum præstarent, ad veniam suppliciter deprecandam venirent, quæ accepta etsi dubij, accipitesque quid agerent, Constantinum tamen Ferberum, Georgium Rosemborgium è magistratu, Henricum Lembkam Syndicum mittunt. Non deerant, quemadmodum & Grebini, qui moderatione aliqua adhibita, quæ in præsentia concedi illis possent, concessis, alijs ad alia comitia ampliotemque ordinum deliberationem rejectis, in fidem civitatem reciperet, autores Regi essent.

Verum cum nonnulli ex eo, quod disensiones inter magistratum & plebem in Civitate esse intellexissent, spesque à quibusdam facta illis esset, quam primum exercitum ad civitatem Rex admovisset, per seditionem statim civitatem tradituros, non magno negotio in potestate civitatem Regem habiturum persuaderent, ad ea vero nuntium etiam de morte Cæsaris cum accessisset, ducta res fuit, internuncijque Gedanensium quod non modo conditioni de externo milite dimittendo, aliisque quæ fide publica comprehenderant, satisfactum à civitate non esset, verum militem etiam interim auxissent ad deprecationem nullam accedere vellent, in custodia habiti fuere, utrinque tamen ad conditiones aliquas descendum: à Rege per Palatinum Brzeztensem, cui agendi cum illis cura mandata fuerat.

Præter superiores, de dimittendo milite, pacandaque civitate, deprecatione item aliæ adjectæ, ut trecenta millia florenorum, non tam inulcæ quam redituum causâ penderent: Portorij non auctorem, sed dimidiam partem, Regi præstarent, scribamque regium mox ad eam rem adhiberent: reliqua negotia privata ad proxima comitia, ad quæ propne cognitio eorum pertineret, rejecterentur, tormenta bellica aliquot, militesque in bellum Moscoviticum Regi præstarent: etsi quæ ejus generis alia erant, cum quibus conditionibus primum Syndicus Lembka, deinde ipse Ferberus fide intra certam diem iterum se sistendi interposita missi, primum centum millia, deinde per Ferberum ducenta, quaternis pensionibus Regi offerunt, ita ut summa ea omnia alia redimerent, deprecationem quæ agnitionem aliquam culpæ aut delicti alicujus haberet, tanquam nullus sibi criminis conscij recusant. Juramentum non priusquam de suis juribus sibi cautum esset, præstarent: interim onera quibus premi se putarent absolute omnia tolerentur, non so-

lum commissoria, cum hisque auctio portorij: Sed quæ cum vicinis etiam, æque qui proprias jurisdictiones suas habent, ut Episcopo Wladislaviense de Schotlandia, & tam cum ea, quam cum Abbate Olivense de receptu sortium controversiæ illis intercedebant, non solum autem quæ ambigui quasi juris videri adhuc poterant, ut auctio portorij, & si quæ ejus generis essent, in controversiam vocabant, sed quod maxime indignum, & Regi & plerisque visum, etiam quæ certissimi juris regij erant, ut duo millia aureorum, quæ in recognitionem imperij, ex privilegio Casimiliano, tum vero duo millia florenorum, quæ nomine Helæ ex Sigismundano solvere tenebantur, ad extremum vero etiam quingentos, quos antiqua consuetudine pro lautis etiam absentibus Regibus quotannis pensitant: Superiores quidem pensiones duas oppignoras sibi ab Augusto causantes: pro lautis autem, non æquum esse aliquid se solvere, nisi cum Rex ipse in Civitate esset, contententes, præterea vero tenuitatem publicam accusantes.

Cumque beneficio regni ad invidendas pene opes civitas pervenisset, de quingentis annuis, reculare non dubitabant. Ultra hæc vero cum in civitatem Rex venturus esset, ut certo numero modoque circumscriberet, petebant, de tormentis militumque, ut quorum hic tanquam stipendiarius non in sua potestate esset, illorum autem ultra usum necessarium nihil haberent, omnino vel excusarent vel recusabant. Animis hominum ita quemadmodum supra demonstratum fuit, partim alienatis, partim turbatis, neque tributum, neque ullum aliud fere certum subsidium obtentum, expeditio tantum publica, magis speciosum quam præsens auxilium, in repentinos tam à Tartaris quam Gedanensibus casus, eaque ipsa magis in speciem, quam re ipsa decreta. Gedanensium etiam si respicerent, in gratiam recipiendorum arbitrium Regi permissam, reliqua præclare à Rege proposita omnia rejecta. Cum enim postea vel ipsi qui ad auctoritatem suam Regi ostendendam ab initio coiverant, ad extremum Regi satisfacere cuperent, animis irritatis frustra ab illis etiam omnia jam tentabantur, neque quicquam aliud fere statutum quam quod Masovitica jura, quæ ex superiorum comitiorum auctoritate, horum comitiorum judicio subijci debebant, accepta: quæ tamen ipsa sequente demum anno septuagesimo septimo mense Junio, ex comitiorum tamen horum auctoritate, Mariæburgi demum promulgata fuere: non solum autem infecta quasi re, comitia soluta, sed cum Rex ipse à nuntiis nobilitatis, iisque maxime qui capita popularium erant, tum superiorum comitiorum delegati, varie exagitatus cum & actionum omnium rationem require-



rent, maximeque de thesauris amoris, regem postulerent, alios quidem ne se delegari paterentur terruere, Regem vero libertatis ejus, quæ licentia potius ei videbatur, insolentem in iracundiam publice etiam incenderunt. Verba ejus ex ore illius tum excepta, ad genus potissimum orationis, quod peculiare quasi habebat, notandum subijcere libet.

*Verba Stephani Regis.*

Non in caula, sed homo liber natus sum, neque antequam in has terras veni, victus & amictus defuit: libertatem ergo meam amo & conseruo. DEO volente per vos in Regem vestrum sum electus: vobis postulanti- bus & instantibus huc veni: per vos corona est mihi imposita. Sum igitur Rex vester, non fictus neque pictus: Volo regnare & impe- rare, nec feram, ut quis imperet mihi. Cu- stodes libertatis vestræ sitis: non ideo vos volo pædagogos meos fieri, Senatorumque custodes tales sitis libertatis vestræ, ne hæc li- bertas vertatur in abusum. Secretarius Gal- licus res repetitum sine literis ad Regem, ad comitia hæc missus, ad Vicecancellarium ta- men benevolentia erga Regem significatio- nem non obscuram habentes literas attulerat. Rex exitu comitiorum perturbatus, ut non longe tamen à Prussia abesset, sub initium mensis Januarij, Bidgosciam Thorunia se confert. Ne Gedanenses quidem exitus comitorum latere poterat. Itaque quam- vis morte Maximiliani non parum illis animi decesserat, quod tamen eo jam progressi fue- rant, unde neque honeste, neque sine periculo rerum suarum recipere se posse existimarent, simulque in exitu comitorum horum, discor- diaque ordinum, futurorumque comitorum mo- ra spem haberent, non modo in sententia per- stabant, vel de conditionibus suis quicquam remittebant, sed indies magis potius tractan- do rem implicabant. In vicinorum nobilium villas eruptiones faciebant, easque vastabant, monasteria quæ intra urbem Catholica adhuc erant, maxime autem Olivense, uno ab urbe milliari vetustissimum, tota pene civitate in id effusa diripiunt, evertuntque.

Causati literas in Monasterio repertas, qui- bus Weierum Abbas hortatus fuisset, ut in tempore idoneum castris locum caperet, cum cum monasterio magis nullum idoneum esse existimarent, prævertendum ratus Translari Thorunia Bidgosciam tractatus isti fuerunt. Cumque formulam confirmatio- nis aliarumque cautionum quas requirebant illis jam edidisset, quæ ex omnibus etiam pri- vata autoritate abrogare se posse existima- bant abrogasset, de summa etiam ducento- rum millium jam convenisset, hisque de rebus cum Syndicus Lembka, tum Rosenbergius fidejussione interposita, ultro citroque missi essent, partim diem pendendæ summæ in lon- gum Gedanensibus proferentibus, partim

commissionem Augustanam, causam portorij ac pleraque alia, quarum alia proprie comi- torum cognitionis essent, alia vero ad alios etiam pertinerent, privata autoritate à Re- ge tolli postulantibus, nonnulla etiam quæ certi indubitati juris Regij essent, in dubi- um vocantibus in nihilum omnia reciderunt. Itaque Rex decretum proscriptionis, quod jam ante quidem quemadmodum supra o- stensum est, Mariæburgilatum, nondum au- tem promulgatum fuerat, sub id ipsum tem- pus, mense nimirum Febr. Bidgosciæ pro- mulgandum statuit, denuoque aqua & igni illis interdicit; Simul edictis publicè propo- sitis commerciis civitatem privat, omnibusque cum illa iis interdicit: emporium vero alias in Civitates subjectas, maxime autem Elbin- gam & Thoruniam, libero commerciorum usu inter homines regni, externosque quos- cunque communicato transfert. Legatos Gedanensium custodiendos Bidgoscia trans- mittit. Simul conventum Senatorum belli persequendi causa, in diem decimum quin- tum Martij, in vicina Cujavia Wladislaviam indicit. Habebant sub idem tempus, quo ista administrabantur, mense nimirum Febr. Prussia etiam erdines Graudenti conventum, quo facilius Prussiam pacarent, ad ducenta ista millia à Gedanensibus præstanda, tertium illi ultro ex tributo Regi offerebant: Cum infecta pacificatio cum Gedanensibus esset, literis iis, quibus ad Wladislavensem Con- ventum Rex eos invitabat, & illud donati- vum, & præterea duo millia militum ab illis Rex petebat. Indignitas tam privata quam publica, cum plurimum homines moveret, cum in conventu Wladislaviente frequens Senatus pecuniæ conquirendæ oppignoran- dos thesauros, in negotium id Gedanense Regi permittit: & ex ejusdem sententia mi- nores conventus per omnes Palatinatus, in- de generales utriusque Poloniæ habiti, ipsi et- iam tributum eandem in rem decernunt. Edicto quo tributum id in castris demum ad Gedanum anno septuagesimo septimo die XX. mensis Junij publicatum fuit, diserte cautum ne quid hujusmodi conventuum istorum decretis publicæ comitorum auto- ritati in posterum derogaretur. Simul tri- buto ita constituto expeditionem publicam in Comitibus Thorunensibus decretam, eodem edicto Rex tollit: quantam omnem in Rus- sica pericula à Tartaris deputata, ut quæ ma- jore etiam præsidio opus haberent.

Bidgosciæ cum Rex esset, Nicolaus Fir- leius Castellanus Vislicensis, qui factio- num dissensionumque interregni pertax- sus, à conventu Stenziciensi Norimbergam mox se contulerat, ad Regem venit. Pro- vicina illa Onolspacij in secessu illo Norim- bergense, cum Georgio Friderico Marchione Brandeburgense, qui proximus Ducis Prus- siæ agnatus erat, notitiâ contraxerat, idoneus

seque-

sequester visus, per quem de tutela, jureque suo Prussico cum Rege, Senatuque ageret. Itaque cum postulata Marchionis ad Regem detulisset, relatum ea de re in conventu Sena- torum Wladislaviente fuerat: tutelaque Mar- chioni decreta, conditiones etiam tutelæ ejus in eodem conscriptæ, primumque ipse Firleius ex conventu eo, ad Marchionem iis cum re- bus missus, deinde sequente etiam æstate le- gationibus aliquot ea de re ad Marchionem missis, ultro citroque actum de iis fuit. Wla- dislavia Varsavia Regiæ potissimum vilen- dæ causa Rex excurrit. Interim apparatu belli Gedanensis, totus occupabatur: Sed quod & tributum nondum exigebatur, præ- sensque pecunia nulla fere erat, tardissime om- nia procedebant. Archiepiscopo tamen concilium cleri habente, à clero paterni ali- quid subsidij in bellum id collatum, maxime- que Episcopi Cujavienis opera, promptissi- me coactum, delatum ad Regem fuit. Maxi- me peditatus exiguus erat, difficulterque coge- batur. Interea à ducebus etiam, subsidium petitur: ab iis denique legatio ea de re ad Regem missa. Quemadmodum supra osten- sum est, Dirlavia Thoruniam Rex profici- scens, copias omnes Joanne Zborovio Præ- fecto Dirlaviæ, vicinisque in locis reliquerat. Gedanenses Joanne Colonense, cujus quod in Magdeburgensi obsidione Caroli V. rem- sustinuerat, clarum per Germaniam nomen erat præfecto, non contemnendum numero exercitum comparant: cum ne frustra ale- rent, pacificationis spe omni quali incita, partim paucitate nostrorum despecta, cum si illos oppressissent, vix non totius Prussiæ re- giæ, aut vicinæ saltem Pomeraniæ imperium animo conciperent, militem tanquam ad victoriam certissimam, maxima oppidana multitudo voluntaria se adjungente, ad oriundos nostros statuunt. Cum ipso die Paschatis extra urbem exercitum Colonien- sis duceret, subita inuitataque tempestate territus, reducere cum in urbem coactus fuit. Cum porta signa efferrent, vehementissi- mo vento coorto, duo equites de ponte in fos- sam præcipitati, unus demersus, alter vix sal- vatus, eodemque sub ipso Coloniente equus impulsus, à satellitibus vix retentus fuit: quæ tempestas cum frustra Coloniente veneticia, inculante, per aliquot dies remorata cum fuisset, tandem XVI. Aprilis adverso quidem flu- mine, navigia quatuor majora, duo minora, totidem milite tormentisque instructa, Dir- laviam versus emittunt: reliquas copias re- gia via eodem Colonente ducit. Re per ex- ploratores cognita, consilium Zborovius ha- bet. Cum numero impares plane se esse vi- derent, aliis Mavam versus commodiorem in locum regrediendum censentibus, omnes tamen fere, & videndum hostem, & per oc- casionem tentandum suadent.

Dissidentia Dirlavientium currus oneratos

præmittunt; quamvis non minus ipsis Dirla- vientibus, quam præsidariis Gedanensibus in- fensi minarentur. Proficiscens oppidanos ad fidem servandam Zborovius hortatur, præsidiumque postulantibus, ex cohorte An- dreæ Firlei Castellani Lublinensis centum circiter pedites, quatuorque minora tormen- ta attribuit. Naves hostiles sub vesperam uno ab oppido milliari provectæ, eventum prælij terrestres expectantes, per noctem ibi- dem subsistunt. Zborovius etiam cum Co- loniensem, paucitate nostrorum contempta, in villa Langowo inter pocula noctem ducere accepisset, neque tamen ob multitudinem cum priores numero stationes ejus quam om- nes copias nostras cognovisset, vel adorien- di ejus facultas, vel ob suspectam oppidano- rum fidem, incendijs, aut tumultus alicujus expectationem, satis tutus in oppidum rece- ptus ei videretur, ipse quoque per integram no- ctem, in equis se continebat, in navales copi- as, cum triginta Tartaris regiis, totidemque Andreæ Gorkani Castellani Miedzirzicen- sis, Andreæ Karnkovium intentum esse ju- bet. Sequenti die paulo ante meridiem, in conspectum mutuo se dant; ubi multitudine hostium visa, interim de receptu nostri deli- berant. Velitationes tamen aliquas tentari placet.

Cum quemadmodum ostensum est, regia via Gedanenses ingrederentur, eaque loci natura sit, ut per aggerem, utrinque piscinis & paludibus impeditum ducendum est, Zboro- vius angustis viæ supra paludem loco idoneo occupatis transitu eos prohibere: tormenta minora duo saltem, uncinas, quas vocant, ad triginta solas secum habebat; equitatus Ge- danensis à Colonense præmissus aggerem mox occupat: inde gravioris armaturæ pe- ditatus ad duo millia itidem mox in aggerem evadunt, cumque angustissimus transitus es- set, Vincis jactis tria majora tormenta secum pertraxerant, alio loco mox constituunt. Equitatus regius, partim Polonicus, partim Ungaricus, qui cum Spirhcone Jordane, Sta- nislao Zolkienio adolescente, qui Zamojskij equitatus præerat, Temrokoque Petrikovi- ense non magnus erat, in Germanicum equi- tatum invecus ab eodem pellitur. Interim Colonensis etiam pedestri acie instructa, turbam oppidanorum, quæ maxima ex urbe secuta fuerat, asseribus crassissimis in id præ- paratis, advectisque communis, ducentisque circiter, partim ad distinendos interim no- stros, partim præsidio illis relictis, ipse cum stipendiario reliquo milite omni montes cir- cumire, versusque Lubieslewam lacum cursu tendere cæpit. Zborovius consilio Colo- nensis perspecto, Karnkovio statione manda- ta relicta conjungere secum, ponteque qui in- tercedebat, ne ab iis, qui intra munimenta, à Colon. relictis erant à tergo circumveniri pos- set, de juri jussu, orationem ad militem habet.

K 2

De



*Oratio Zborovij ad Milites.*

De iure causæ regis superbiæque hostium, cuius quamvis Christiani nominis videri velent cum contra legitimum tamen imperium Principis sui impia arma sumsisset, sine dubio iustus, certusque vindex DEUS futurus esset, multalocutus, cum quo genere hostium res esset ostendit: cum opificibus inquit magna ex parte, mercatoribusque, ejusque generis inertibus, sedentariisq; hominibus, res vobis erit: cum ea deniq; gente, quam majores nostri non modo semper ceciderunt profligantque; sed de qua complura victoriæ trophæorumque monumenta, vel ad hanc ætatem non solum in Prussia, sed vel ad ipsam Vratislaviam extant; per tantum temporis, cum sub ipsis muris quotidie quasi illis insultassent, ne ostendere quidem se extra mœnia aulos: nunc extra tectum capite prolato, sine dubio magna sua cum clade id recondituros, tandem majorum fama, virtuteque, aliisque, quæ ad accedendos animos facere poterant, commemoratis, Ungaricum peditatum omnem secum trahens, in Coloniensem tendit. Jam is tormenta per montes disposuerat, vineasq; agere circa eos coeperat. Ungaricus peditatus à dextra in eos investus, cum tormenta in se emissâ inclinatione, projectioneque in terram evitasset, Michaelq; Vadasius peditatus Ungarici Præfectus, nisi victores hinc redimus, quomodo Regem aspiciemus, inlammasset. Subito mox coortus, in densos Gedanensium ordines sclopetis emissis, frequentes cædes edit; per quos alii inclinatis cursu tormenta occupat, tormentariisque concisis, in ipsos hostes obvertit. Inde cum hostes, quo cominus rem gererent, ut paucos facile confecturi, in Ungarum ruerent, Vadasius vulnere in genu accepto, jam procumbens, ut sclopetis abjectis, acinacibus rem gererent, suos inlamar, quibus tum egregie partim hastas præcidissent, partim intra ipsas hastas se insinuassent, acie pedestri jam turbati cepta, equitatus etiam regius, in Gedanensem equitatum iterum investus, eum pellic, ab equitatu pedes reliquos turbatus, ac tandem tota acies impulsâ, præcipitataq; Omnium insignis in prælio eo virtus fuit, maxime tamen cum ipsius Ducis Zborovij, qui & oratione, & consilio, & manu, periculoq; adeo suo, cum è majore tormento, globo inter pedes equi trajecto, vix non everlus fuisset, maximum victoriæ momentum attulit: tum Ungarici etiam peditatus, neque incruenta omnino victoriâ fuit.

Ex Ungaris nobiles centuriones duo Ambrosius Nati, & Michael Racz, tum quadraginta circiter pedites perire. Vulnerati alij centuriones duo unus Istwan, alter Vadasius, cuius supra mentio facta, ex eodem peditatu circiter octuaginta. Ex nostris quatuordecim circiter occidere, vulnerati circiter quadraginta quinque. Cum per aggre-

rem nostros insequentes, frequentissima cadavera morarentur, iussu Zborovij cadaveribus in vicinas piscinas à pedite dejectis, viaq; facta, profusissime fugientes eques insecutus, plures multò in fuga, quam in ipso prælio interemit.

Colonienfis cum equus sub eo interfectus fuisset, famuli quem habebat Poloni opera, equo illius accepto evasit, magna præsertim oppidanorum multitudo, qui hostem per tria integra milliaria insequentes, vel evaserant, vel latuerant, per silvas lacusq; palantes, latitantesq; à regionis ejus nobilitate, agrestibusque, vel interfecti, vel capti. Cadaverum in loco prælij, aut vicinis locis repertorum, ultra quatuor millium, quadringentorumque, à juratis numerum relatum constat: captivorum in ipso exercitu, ultra mille equitum nostrorum gravis armaturæ stipendiariorum sub diversis præfectis nongenti quinquaginta fuere: levis armaturæ ducenti. Voluntariorum & aulicorum gravis armaturæ, centum circiter quinquaginta: inter quos Thencinij Castellani Voinicensis, quinquaginta, Zamoisij quadraginta: levis armaturæ circiter quinquaginta, in quibus Andreæ Gorkani Castellani Miedzirzicensis, Tartari triginta. Ungarici equitatus gravis armaturæ quadraginta. Peditatus regij Ungarici sexcenti, Polonici Andreæ Firlei Castellani Lublensis centum, ipsius Zborovij triginta, hostilis exercitus, stipendiarij peditatus, ultra tria millia, equitatus Germanici stipendiarij, ad quadringentos, oppidanæ juventutis totidem fuisse constat. Pedestris turbæ oppidanæ, quæ maxima fuit, iniri numerus non potuit. Currus tormenta, impedimenta; omnia, in potestatem nostrorum venere. Signa militaria pedestria quinque: unum equestre, cum titulo Aurea libertas, indice voluntatis eorum imperij regij executiendi. Dum hæc in acie geruntur, naves etiam interim ad oppidum appulerant, verum serius aliquanto, cum flumine, tum vento etiam adverso impeditæ. Copiis terrestribus jam cæsis fugatisq; Zborovio nuntiatum, pavales copias contra ipsum oppidum, in Vistula constitutas frequentibus tormentis muros petere. Itaque signo receptui dato, mox ad tutandum oppidum, cum ducentis solis fere, quos circa se habebat Victor se convertit: aliisque etiam à persequendis hostibus, ad eum confluentibus, hostes cum ex silentio tormentorum, reducibusque nostris, eventum prælij animo præcepissent, navibus ad persequendos eos non præparatis, secundo flumine, celeriter se recepere. Nuntium victoriæ ejus, priusquam Vratislaviam Rex perveniret, in itinere ad eum perlatum. Sub idem fere tempus, aut paulo post, quo ad Dirflaviam pugnatum fuit, Tartari etiam in Russiam excursionem instituerant.

In quos cum Stanislaus Wlodek in campum egress-

egressus ignarus incidisset, aliquotq; cum iis confictus fecisset, detectum adventum suum, finitimosque, ad arma vocatos sentientes, extremos tantum fines carpservunt, nec longius progredi ausi, se receperunt. Vratislavia Gedanensium ad officium tandem revocandorum causa Mariæburgum Rex regreditur, iter ab altera parte Vistulæ habet, Brodnicia, inde per Bratzianum Mariæburgum. Ad Brodniciam legatio ab exercitu victore, cum captivis ei occurrit. Exercitus interim cogitur, quo ad famam ejus eo plures confluerent, lente progreditur. Venit Mariæburgum Rex mense Majo. Mox locum prælij Dirflaviensis cognoscere cupiens, Lubiesloviam ipse venit. Aciem quemadmodum pugnatum, ex utraque parte fuerat Zborovius instruit. Rex epulo militibus præbito, præparata opera gratias eis agit. Consilium inde militare Mariæburgi habet, secretius alterum, Palatino Sendomiriensi Kostka, Zborovio, Firleio Castellano Lublensi, Zamoisicio Vaheroq; solis adhibitis. Rex ante omnia portum, turrimq; quæ progugnando portui est, quam Laterniam vulgo vocabant, oppugnandam putabat. Consilio illi soli Zamoisicius Weierusq; assentiuntur, probantq; reliquorum, maxime autem Palatini Sendomiriensis, ex dissensu ordinum Civitatis spem facili negotio ejus potiundæ Regi facientium, dissensu consilium suspenditur. Interim castris contractis, eo tamen Gedanum Rex progreditur, sed ut ad Laterniam videndam mox transiret. Accedenti decima tertia mensis Junij ad urbem, Regi equitatus ex urbe emissus occurrit, in confictu, Molinsky Wolhynius aulicus Regis occidit, cæteroquin à regis mox in urbem rejectus fuit. Similiter pedites quos munitionibus sub monte ductis ad distinendum Regem collocarant. Quemadmodum ante autem Schotlandia & Monasterium Olivense, ita sub ipsum tum regis adventum, Sydlicia ab ipsis Gedanensibus exusta fuerat, non sine insigni iactura ipsorum Civium, qui sumptuosa ibi imprimis suburbana habebant. Mora igitur ex velitationibus hæc injecta, præter sententiam castra in monte, & edificiis circa montes quæ incendium reliqua fecerat, Rex figit. Hic qui ex dissensione civitatis potiundæ urbis spem regi fecerant, dupliciter & ipsi falsi fuerunt, & in novum errorem regem iterum induxerunt. Nam & motus omnino nullus præter opinionem eorum in civitate existerat, qui enim aperte à magistratu dissentiebant, quo in genere sodalitates aliquæ, ut cerevisiæ coctorum, lanionum, & privati alij nonnulli erant, metu civitate cesserant: alij si qui essent, externo milite constricti, ne commovere quidem se audebant. Cum enim victoria Dirflaviensis, ut regi suo arbitrari urbis potiundæ spem auxerat, ita Gedanenses in majorem curam rerum suarum adduxerat, ad auxilia unde quaq; conquirenda conversi, maxime à rege Daniæ

pecunia aliqua mutua accepta, Georgium Farensebecium Nicolaumq; ab Ungern, quorum uterq; minister tum Daniæ regis erat, cum numero aliquo equitum Germanorum conduxerant. Rex vero cum ab initio statim neque militem satis numerosum ad tantæ urbis oppugnationem, habere se animadvertisset, & ut maxime à milite, satis paratus fuisset, multo faciliore tamen negotio civitate se potiturum, si prius portum in potestate haberet, ideoque initium oppugnationis ab eo ordiri statuisset, dum & illi modum aliquem regi promittunt, & Gedanenses per inducias rem ducunt, cum Gedanensibus sui confirmandi tempus datum fuit, & agendi regi fere exemptum. Sub ipsum accessus ad urbem regij tempus, per Zborovium iterum, tam cum rege, quam cum Senatoribus agere de conditionibus Gedanenses per internuntios coeperant, si qua conditione componi res posset. In eoq; res perstitit, ut cum priusquam ab armis discederent, juribus illorum cavere alienum à dignitate sua rex judicaret: Legatos tamen in urbem si obsidibus idoneam cavere, missurum rex ostenderet, qui omnibus civitatis ordinibus, publice voluntatem, clementiamq; suam testarentur. Subito adventu regio Gedanensibus territis, cum per integrum quattriduum hostilia omnia utrinq; interrim tentarentur, denuo quattridui induciæ, in eam rem illis datæ, tandemq; obsidibus ex urbe in castra missis Joannes à Dzialinski, Palatinus Culmenfis Christophorus à Rozrazew, Laurentius Goslicius Secretarius regis, & Joannes Bornemissa Præfectus Ungaricus die decima nona mensis Junij honorifice excepti, inque urbem deducti, facultate ex fenestris Prætorij quæ in forum pertinent, civitatem universam alloquendi accepta. Cumq; ab initio quæ cum civitati intercessissent, pluraque repetissent, omnibusq; non tam in universam civitatem quam paucos aliquos noxios collatis, clementiaq; regia, qua hæcenus erga eos usus esset demonstrata, ut tandem resipiscerent, hortati eos fuerunt: si insanire desisteret, primum etiâ noxios omnes, propter innocentes, conservaturum ostendunt. Simul fortunas omnes, jura, augendarum facultatum, contuberniorum, jurisdictioniq; Hoc quidem ut ingenuum Principem deceret, palam profiteri, in hoc perturbato statu nec posse, nec debere se civitatem relinquere, ne iterum aliquando malorum civium artibus hujusmodi procellis, civitas objici posset. Ni resipisceret, extrema omnia passuros. In quam sententiam cum viva voce mandata prius exposuisset, exempla deinde etiam eorum, quæ parata secum attulerant, in mediâ plebè de fenestris projecere. Nonniis animis excepta à populo fuere, quibus pleriq; speraverant. Nam & præfecti aliqui militum, qui nonnihil ea oratione læsos se existimabant, verba existimationis suæ tuendæ causa contra eam fecerunt: & ordines civitatis, quemadmodum omnibus actionibus facere



soliterant, quod una cum reliqua Prussia mox in fidem Regis non concessissent, quod externum militem in urbem induxissent, portas clausissent, tormentis Vallum mœniaque civitatis armassent, eadem in transgredientem regem exercitumque ejus hostiliter emisissent, militem externum armaque non semel ei opposuissent, condiciones indignas Majestate Regis aliquot tulissent, tandem copias suas ad opprimendum exercitum regium Dirflaviam versus misissent, Monasterium Olivense, vicinorumque nobilium domos aliquot hostiliter diripiissent, crimini sibi dari, aut pro rebellionem, secessionemque à regno sibi imputari, ultro etiam quererentur. Omniaque juri-um libertatiumque suarum tuendarum, causa à se facta defenderent. Tandem cum multis ultro citroque sermonibus habitis, ostendissent inter cetera magistratus, nunquam ipsos se, vel nuncios suos à Rege adhuc satis audire, sed per adversarios suos, omnia acta tractataque, quamdiu id fieret, Rexque magis illorum consiliis, quam suis rationibus aures daret, vix exitum aliquem negotij ejus expectandum, recepere legati effecturos, ut ab ipso Regenuncij audirentur, ita induci aliquoties renovata, ad medium fere mensem Julium protraxit. Intra quod tempus, & oratores Gedanensium, ab ipso Rege clementissime accepti auditique, & cum responso dimissi fuerunt: aliquotque legationibus, partim ad Regem, partim ad Senatores Gedano missis, tandem infecta re discessum: quod neque Rex aliter in gratiam Civitatem recipere dignitatis suæ judicaret, quam pacata prius civitas esset, miles dimissus portæ ei aperta, juramentumque præstitum. Civitas e contra, nisi confirmatione juriurum prius præstita, arbitrio se Regis permittere, nunquam tutum sibi existimaret. Rex inducijs non obstantibus ab initio nihilominus Weierum peditatum versus Laternam ducere, munitionesque agere jussit. In eos aliquot navibus milite completis ex oppido emissis, nocturna que eruptione iis trepidatio injecta, non paucisq; caësis, Weierus in castra iterum regia revocatus fuit. Simul vero & velitationibus crebris utrinque concurrebatur, & cum globi tum ignes missiles frequentes in urbem e castris mittebantur: Gedanenses etiam per tempus induciarum, facultatem in castra regia veniendi nacti, arboribus, quæ regiis & Senatorum tentoriis vicinæ erant notatis, creberrimas secundum eas jaculationes in illa dirigebant, quibus jussu regio excisis, in incertum postea jaculari.

In Velitationibus alioquin equitatus regius, ab altera parte peditatus Scoticus, cum quo naves aliquot Danicæ subsidio sub id tempus Gedanensibus venerant superior fere erat. Canalibus inde quibus aqua in urbem ducitur, magno molimine inventis, intercisisque, aqua etiam illis adempta, molendinaque corrupta,

quæ omnia frustra tamen cum essent, Rexque nullo cum fructu diutius in montibus illis hæ- rere se videret, partim rædio inutilis moræ, partim à Firleio Castellano Lubinense persuasus, in minorem insulam trajicit. Spe vel Leniwkam brachium Vistulæ, per quod Gedano merces devehitur, derivandi, vel urbem faciliore aditu ex ea oppugnandi, vel Laternam ex Neringa occupandi, aut etiam portum obstruendi. Omnes ad eas res Elbingenses, ad quos Gedanensibus proscriptis, publico edicto, commerciis inter externos etiam maxime Anglos communicatis, emporium Rex transtulerat, promptissimos se præstabant.

Cum enim non aliter nisi per portum Regiomontanum, ut Brunsbergam, ita Elbingam etiam, quæ eodem sinu maris, qui per portum Regiomontanum se effundit alluvitur, accedere naves possint, isque in Ducis potestate sit, non leve in commodum in eo esse videbatur, quod cum alieno portu uti cogeretur, publicus fructus portorij omnis, alieno dominio cederet, frustra enim cum Ducalibus per legatos Rex egerat, ut cum emporio Elbingam translato, multo major pars mercium regij emporij, quam Ducalis per portum eum commearer, ut pars etiam portorij Regi regnoque posthac cederet, cujus impedimenti tollendi causa, vel Noringam aliquo loco perfodi, efficique portum posse Elbingenses ostendebant.

Primum naves aliquot, ad caput Neringæ brachij ejus Vistulæ, de quo supra ostensum est, vel obstruendi, vel derivandi causa demersæ, potius laboris aliquantum & sumptus Gedanensibus, ad eas postea emolendas, quam ad rem momenti attulere. Ad Neringam autem explorandam Bekeffius à Rege missus quod impeditißima in ea loca offendifset, ne ipse in eam transgrederetur, Regem dehortatur. Ita consilium iterum omnibus viribus atque utraque ex parte oppugnandi tum demum repertum, situm propugnaculum id, in littore uno fere à Gedano milliari ad ipsum fere ostium Vistulæ est, quo in mare influit, opere eotempore non magno, ac Vincis fere tantum, corbisque militaribus munitum; quod & arena gravius aliquod opus sustinere non posse existimabatur, neque temporis etiam ad muniendum satis habuerant. A fronte tamen mare ipsum, navesque aliquot tum civitatis, tum Danicas, ex quibus tormentis propugnari posset: à tergo civitatem, ab uno latere Vistulam habebat, tormentis autem egregie instructum erat. Utrinque per aliquot dies oppugnatum, & propugnatum acerrime fuit, ignitis etiam globis pars Phari incensa tantam trepidationem civitati universæ injecit, in quantam ad id tempus nulla fuerat: Incendium extinctum, eumque & ex navibus, de quibus supra ostensum est, frequentibus tormentorum actibus, qui ad oppugnationem ibant

ibant peterentur, & cum ex ipsis navibus miles expositus, ad oppugnationem euntes exciperet, tum è propugnaculo, etiam acerrime propugnaretur ex urbe etiam frequentia subsidia illis mitterentur, regij rejecti, non minore tamen clade Gedanensium.

Præter gregarios enim milites, cum Coloniensis Præfectus eorum, dum ad scapham fugasse recipit, globo trajectus, ibi perijt: tum Farensebecius etiam graviter sauciatus fuit. Tandem cum iterum res tentata esset, pontem etiam quem Weierus universæ eirei præpositus subitario opere per Vistulam perfecerat, nave ad id comparata, ventumque ad eam rem idoneum nacti, ac tempestatis vi rumpunt. Sub id ipsum tempus tempus Moscæ, Magno Holstæ Duce, Regis Danicæ fratre in Livoniam præmisso, ipse maximo cum exercitu subsecutus, partim armis, partim dolo, magnam Livoniæ partem occupat; eademque omni direptionis & crudelitatis genere pervastata, Curlandiæ jam nec minus cum è Livonia, tum alijs etiam partibus Lithuanicæ, gravis imminerebat. Itaque ad auxilium locis illis ferendum, non solum supplicibus fere, maxime quidem Curlandor. & Livon. literis sollicitabatur, quibus de animo transeundi ad partes Regias Magni Holstæ Ducis, simul significabatur.

Verum Castellanus Vilnensis Joannes Chodkievicius Livoniæ administrator, hoc ipso tempore, cum ad Pharam Rex esset, cum suis, tum publicas Lithuanorum preces & querelas ea de re ad Regem detulit. Itaque cum in ocellum Moscoviticum, totus jam Rex inclinaret, miles etiam sub pellibus tere per anni tempus contineri non multo diutius posset, Gedanensesque in commodis belli fracti, in angustumque fere ab ijs redacti, ad humilia indices postulata descenderent, præsidio Sobovicij & Dirflaviæ relicto, Mariæburgum se recipit. Paulo ante receptum regium, navem in Leniewka collocata, tormentis que eadem onerata, atque ita ictibus ex ea directis, ut turris cujusdam monasterij tormentis responderet peditatum emittunt; ut quem hinc recti, inde transversi ictus defensuri essent, peditatu in urbem nihilominus compulso, equitatum emittunt, qui ipse etiam suis felocis tenebat. Navibus deinde compluribus contractis, militeque illis imposito Elbingensium, in quos maximo odio ferebantur, ultiscendorum animo portu Regiomontano per rupto, ad Elbingam militem exponunt. Sed cum Rex in tempore certior ea de re factus fuisset, Bekeffium cum Ungaricis copiis subsidio illis mittit, à quo parte tantum suburbij incensa, nullo alioquin operæ precio facto, rejiciuntur. Interim miles externus, qui Gedanensibus merebat, de occupanda porta, urbeque tradenda consilia cum Rege communicare incipit. Rex partim quod peditatum non satis numerosum ad eam rem habere se

existimaret, partim ob bellum Moscoviticum in pacem inclinaret, partim etiam inviosum sibi futurum putaret, si urbem externo militi diripiendam in prædam daret, rem ducebat.

Quo in statu dum res essent, Germaniæ Principes aliquot Electorum Saxonie, Brandenburgensisque, Landgraviorum Hassiæ, Ducum Pomeraniæ Legati, Mariæburgum ad Regem veniunt, missi tutelæ Prussicæ in Georgium Fridericum Marchionem Brandenburgensem, ægri Ducis patrualem proximumque agnatum, de qua supra mentio facta est, transigendæ causæ, quod quasi magna pars Germaniæ agnoscere, per eos Regem jam videretur, amicitiamque Principum suorum nomine deferrebant, comiter excepti fuere. Negotium Ducissæ ægri Ducis conjugis ipsique adeo Ducatus ordinibus, seu in quorum arbitrio atque administratione nomine ægri Ducis res Ducatus tum erant, invitis omnino, atque impediens huiusce nihilominus conditionibus confectum fuit, ut ducentis millibus florenorum honorarij nomine Regi præstatis, in proximis comitijs Warfaviensibus homagium Regi præstaret, ac non modo tutorio jure, sed ducali administratione ducatus ejus, non juris tamen aliqua necessitate, sed beneficio Regis mox acciperet: ita ut si ægro Duci humani interitum aliquid accidisset, nullo alio homagio adstringeretur, sed ejusdem homagij, beneficentiaque regis jure, ducali deinceps etiam titulo Ducatum eum mox teneret. Cum Gedanensibus Palatinus Sendomiriensis Koltka permissu regio, jam ante adventum Legatorum condiciones tractare inceperat. Gedanensibusque quemadmodum ostensum est, in commodis belli ad maximas tere angustias redactis, Rege etiam alio jam spectante tere perfecerat. Negotio tamen tutorio illo perfecto, cum à legatis etiam Germanicis ut apud Regem se interponerent, Gedanenses petijissent, si bona gratia Regis id facere sibi permitteretur, operam suam offerrebant.

Varia ea de re sententiæ in Senatu esse, aliis captionem aliquam in provincia, in qua imperium Germanicum jus prætenderet, metuentibus: aliis regni jus interventu, & approbatione hac eorum magis confirmatum iri censentibus: majore tamen parte eos repellente, tandem ut eo usque admitterentur, dum condiciones & voluntas Gedanensium explorarentur, primum oblique quasi admissi fuerunt, non multo post pax eorum autoritate, atque interventu perfecta, publicataque; recepta in fidem gratiamque à Rege Civitas die duodecimo mensis Decembr. anno S. M. D. LXXVII. huiusce conditionibus fuit. Veniam ex formula præscripta deprecaretur; ducenta millia florenorum æquis pensionibus intra quinquennium solveret. Juramentum ex formula Alexandrina Civitatum Prussicæ, apud



eos, quos delegaturus ejus rei causa ad eos Rex esset, conceptis verbis præstarent. In restaurationem Monasterij Olivensis viginti millia florenorum, itidem intra quinquennium æquis pensionibus penderent, quas ex formula Casimiriana, antiquaq; consuetudine tam supremi dominij, quam lautiorum nomine pensiones hæcenus præstisset, deinceps præstarent: illorum mutuum si quod præstenderent, ad proxime futura comitia rejiceretur. Rex vicissim ex clementia regia decretum proscriptionis indulgit, inque pristina honestatis, jurium libertatis statum, ipsos, ipsiq; bona, fortunasq; eorum omnes restituit. Declaratione confirmationis jurium, juramentiq; Cracoviensis, illorum quoque jura, literis in eam rem peculiaribus datis, confirmat, quemadmodum ex vi publicæ confederationis pacem religionis. Damna bonis regijs, seu hominum regionum ab illis per tumultum eum illata, non tamen nomina, mercesque, resque ante tumultum facta, depositaque, iis condonat, remittitque: excepto tamen Monasterio Olivense, cujus viginti millibus, de quibus supra commemoratum est, damna sarcire deberent. Publicationem bonorum, tam publicorum, quam privatorum, itidem tollit: ac soli quidem omnium sine exceptione mercium, seu pecuniarum triginta sola millia excipit: quorum indicem in proximis comitiis exhiberi illis jussurus es-




set. Publicationes ab aliis, siue magistratibus excepto Rege, siue privatis factas, quemadmodum nullius roboris esse possint, ita plane eas inducit actiones, judicia, causas omnes eorum in eum, qui ante coronationem fuerat, statum restituit, tam militi stipendiario qui per tumultum eum quam Civitatem, consilio, ope, auxiliove juverit, quamvis subditi regij sint, offensam condonat, indemnitateque promittit. Postulata illorum de gravaminibus ad proxima comitia rejicit, ad quæ Consiliarij etiam terrarum Prussiarum vocati sint. Similiter & negotium portorij, & alia nonnulla juris regij. Cumq; peculiariter etiam civitas de certa ingressus in urbem regij ratione ei supplicasset, cum ea res arbitrij semper decessorum suorum fuerat, nolle sibi ea in re quicquam præscribi, testatus Rex fuit. Cum tamen ingredi civitatem voluerit, exemplo decessorum suorum securitati civitatis auctoritate sua prospecturum. Juramentum secundum ea solenne die XVI. mensis Decembr. Eustachio Wolowicio, Castellano Trocense, Ducatusq; Lithuaniae Vicecancellario, Andrea Firleio Lublinense, Adamo Walevio, Elbingense Castellano, Hieronymo à Rozrazow majore Secretario, in Civitatem ad eam rem à Rege missis nomineque Regio id exigentibus, Civitas præstitit.

REIN:

## REINHOLDI HEIDENSTEINII SECRETARII REGII

Rerum Polonicarum ab excessu Sigism. Augusti.

### LIBER III.



**S**tephanus igitur Rex, quo confirmata foris cum finitimis omnibus pace atq; amicitia, dissidia ex electionis studiis inter partes exorta facilius componeret, & in tranquillo statu republ. collocaret; ad plerosque vicinos Principes literas dederat: quibus more inter Principes recepto regnum sibi delatum, suamq; & in illos benevolentiam, & cum omnibus pacis studium declarabat. In hisce ad Joannem Basilij, filium, magnum Moscoviarum Ducem, Georgium Grudicencium Polonum, & Leonem Bukoviecium Lithuanum cum literis mittit: se providentia divina atque ordinum studiis ad regnum ascitum: id ita gerere instituisse; ut cum omnibus Principibus Christianis pacem & amicitiam coleret: eodem animo erga illum quoque, ut finitimum & Christiani nominis Principem esse: si quæ inter ipsum ac regnum Poloniae magnamq; Ducatum Lithuaniae à majoribus utriusq; traditæ controversiæ intercederent; de iis ex æquo & bono amicè inter eos agi posse. Respondit Moscus: & si audierit Maximilianum Imperatorem in Regem electum: quod minus tamen cum ipso quoq; gratia atque amicitia sibi essent, non se reculare: placere sibi, ut majores legati more majorum mitterentur: interim ab injuria & maleficio utriusq; abstinere. Rex responso hoc accepto ad domesticas res componendas, maximeq; Gedanensium motus sedandos totus conversus, Thoruniam, quemadmodum antea ostensum est, conventum habet: in eodem legatos etiam Moscoviam pacis tractandæ causa mittendos ex Senatus auctoritate decernit. Fuere 1) Stanislaus Kriscius Masoviarum, Nicolaus Sapieha Miniscensis Palatini, Theodorus Skuminus Palatij Lithuanici quæstor. Quibus rebus perfectis, cum armis civitas ad officium reducenda ei fuisset. Moscus oc-

cupandæ Livoniae tum maximè opportunitatem se nactum ratus, ad vim atq; arma astum adjungit. Regebatur Livonia sub nomine administratoris à Joanne Chodkevicio in Præfidiis pauci Poloni, pleriq; Lithuanici nominis præfecti erant, à quibus immoderatus indigenæ habiti, simulq; non satis in illis præsidij contra potentiam Moscoviticam existimantes, ad res novas ferè spectabant. Non ignarus harum rerum Moscus miserat in Livoniam Magnum Holsatiarum Ducem, quem cum jam ante ad se transisset, promissis & affinitate devinctum tenebat. Rumorem de eo tradit, fore, ut si ultro Livones se dedant, ad exemplum Ducis in Prussia beneficiario jure Livon. regendam ei traderet; ut auctoritas & administratio omnis penes magnum, penes se nomen collati beneficii ac majestas imperij essent. Quibus rebus adducti provinciales, hinc odio seu radio externi imperij, illinc spe & nimia cupiditate, ejusdem linguæ ac nationis magistratus, simul à factionis quibusdam ac novarum rerum cupidis impulsii, præsidia ex arcibus & oppidis ferè omnibus ejiciunt: ipsi Vendam, ubi tum Magnus erat, confluent: nomen insigniaq; regia illi circumdant: inque verba ejus Sacramento se adiungunt. Moscus interim maximo exercitum coactò, in Livoniam nullo impediante, præfidiis omnibus pulsus, ac plerisq; arcibus à Magno occupatis penetrat: acceptisq; in deditonem Marienhaufo, Rosittenio, Ludsenio, Duncburgio, Kokenhausio, Ascherotum usque sine maleficio, ut initio rerum gerendarum clementiæ fama colligeretur, progreditur. Confluxerat Ascherotum magnus utriusq; sexus, ac omnis conditionis hominum, maximè autem matronarum ac virginum, numerus: erat ibidem Landmarschalculus, vir ætate, & summis olim in provincia ea gestis honoribus venerabilis. Moscus omnibus, qui arma ferrent, promiscuè trucidatis, imbellem sexum Tartaris constuprandum objicit. Inde Vendam recta proficiscitur: qui ibi erant fama tantæ immanitatis perterriti portas clausserant. Egredius pro illis deprecator Magnus, compo-



composito ad humilitatem habitu, ac genibus illius supplex, ingenua provolutus adrepens, convitio ac verberibus ab ipso Duce in os ingesto excipitur. Cum tantum abesse ab eo intelligerent, ut Magni auctoritate salvi esse possent, ut ne ipse quidem periculo vacaret, hostili fraude circumventos se videntes, ira, metu & desperatione incensi, pulverem tormentarium fundamentis subdunt: quo succenso magna utriusque sexus, omnisque ætatis & conditionis hominum multitudo, ac flos fere ejus, quæ reliqua adhuc erat nobilitatis Livonica, absumptus fuit. Accepta ita in potestatem Venda ac Rumburgo, quod Vendæ imminet, eodem tempore per deditionem potitus jam universa Livonia, Revalia & Riga, paucisq; circa eas castris exceptis, in potestate habebat. Parnaviæ siquidem post discessum Henrici interregni eo tempore intercepta: Veissensteinum nobile castellum opere ac natura munitissimum de Suecis: Narvam verò Derpatum, Felinum, ac Marienburgum aliaq; nonnulla jam multo ante partim de Episcopo Derpatensi, partim de Marianis Livonicis ceperat; ab iisque primum iniitiis profectus, cum continuas deinde impressiones in provinciam faceret, ut in Sigismundi Augusti ac regum Poloniæ fidem ac ditionem provinciales tum se conferrent, plurimis detrimentis eos adegerat. Eaque res, cum ad superiores controversias, quas de Russiæ locis quibusdam cum Magnis Ducibus Lithaniæ habebat, accessisset, perpetua deinde inter ipsum ac Reges Poloniæ belli causa fuit: quod aliquando quidem per inducias positum, ut plurimum tamen varia fortuna, tam in Livonia, quam Lithaniæ gestum, in hunc usque Regem transmissum fuerat. Cæterum Moscovi abducto secum Alexandro Polubenscio Chodkevicij Legato, cæterisque præfectis, in Moscoviam se recepit. Ex itinere literas ad Regem datas quibus ut à Livonia omnino abstineat, Regi præscribit. Iisdem ad Prussum quendam Augusti Cæsaris fratrem, nulli ante hac cognitum, qui Koinicij & Mariemburgi quondam, & in reliqua Prussia late imperitasset, genus suum referebat, quo ad ipsos Prusiæ fines jus Imperij extenderet. Legati, qui ad tractandas pacis conditiones mittebantur, iter cœptum nihilominus prosequerentur: novis in itinere mandatis acceptis; ut de injuriis induciarum ostentatione factis quererentur: satisfactionemq; postulerent. Dum ad Gedanum rex castra facit, exercitum in Livonia Lithuaniaque per ostentatam pacem, maximè autem propter difficultates ætarij, quæ initia regni ejus exceperant, nullum paraverat: subingruentis tamen hostis famam, nobilitatem Lithuanicam literis evocaverat, militareq; perducaturum eum imperium Nicolao Radivilo Palatino Vilnensi, Gregorio Chodkevicio qui ante illi præfuerat defuncto, tradiderat.

Hic non exigua cum voluntarij militis manu, Seelburgum pervenerat. Interim Gedanensis, quemadmodum supra ostensum est, interventu legatorum plerorumque Principum Germaniæ in fidem receptis, ad bellum Moscoviticum, quod jam multo ante animo agitabat, totum se convertit. Ad quod suscipiendum, secundum acceptas injurias, ac Livoniæ recuperationem multæ causæ illum hortabantur: quarum hæc vel iustissima, quod egregio aliquo facinore, non modò de sui regni hominibus, verum tot aliis, quibus Imperium Moscoviticum summa cum immanitate conjunctum, vel formidolosum erat, vel grave, bene mereri; eamq; ad posteros nominis sui famam propagare studebat, ex qua omnes non modò Regem, sed dignum etiam regno fuisse cognoscerent. Præterea verò ad majores res, quas cogitandas susceperat, & de quibus missio in urbem Paulo Saionskovio cum Gregorio XIII. Summo Pontifice communicarat, si prius Mosci potentiam fregisset, aditum se habiturum sperabat. Hoc animi proposito, in mensem Januarii Varlaviam comitia edixit. Agebatur autem tum annus septuagesimus septimus, supra Millesimum Quingentesimum.

Rediit interim in potestatem Duneburgum à Borissio Sava, ac Wilhelmo Platero receptum. Hi in omnes occasiones intenti, cum commeatus inopia laborare prædiali um militem animadverterent, per speciem officij ac comitatus militaris esculentorum, ac poculentorum nonnihil, ac in his vini cremati, quod inopia veri maximo apud Moscos in honore est, vas ei miserant, de quo cum ad ebrietatem Mosci bibissent, illi, qui id futurum cogitabant, noctu scalis admotis, in vallum, quo solo castrum cinctum est, & in ipsam castrum evadunt: Moscos ex somno & mero vix se colligentes deturbant: castrum potiuntur. Non multo inde tempore interjecto, Venda etiam hujusmodi ratione recuperata fuit. Erat sub Matthia Dembinio ex rusticis Lotfinis fabrilis artis peritus quidam, qui sororem Vendæ in Moscorum potestate habebat; per cujus visendæ speciem & rusticorum commerciorum libertatem cum sæpius Vendam venisset, opportunitatem nactus, ceram clavibus oppidi imprefferat, adq; ejusdem exemplum alias paraverat; rem ita instructam ad Dembinium detulit. Cumque is die constituto, quem festum Mosci agebant sub oppidi portas, cum tumultuaria militum manu accessisset, ab una parte scalis admotis, ac à Lotfinis ipsis, qui Vendæ erant, concursu facto, reliquos portis reclusis in oppidum immisit. Dum Varlaviam ad comitia Rex contendit, nuntium in itinere accepit, ab iis rebus, quas tum agitabat, alienum. Limes regni Polonici & magni Ducatus Lithuanici magna ex parte Borysthenes est; qui in Moscovia ortus modico in occidentem flexu, in

meri-

meridiem deinde & Pontum Euxinum magnam aquarum vim trahens fertur: superior fluminis pars, ad Lithuaniam pertinet: ad inferiorem diversarum gentium confinia concurrunt: præter Moscos & Polonicæ ditionis Russos, nonnullæ Turcicæ præfecturæ attingunt: non longo etiam intervallo Valachi ei imminet. In hac tot nationum nec satis pacatarum colluvie, non potest adhuc quamvis à tot seculis pax consistere. Itaque immensa ibi camporum spatia, multi agri inculti, ac deserti ob latrocinia vel metum jacent. Confluere huc ad prædas ex hostico agendas solent, cum ex aliis gentibus, tum Polonis quoque & Lithuanis, ut quisque est egentissimus, vel rerum capitalium damnatus, quosq; vel fortuna eorum, vel leges in patria esse non sinunt. Superioribus tamen temporibus, cum publicè bellum non esset, etiam ex primaria juventute quidam loca ea petebant, odio quietis, ac ne situ atque otio torperent, virtutis exercendæ causa. Magnam partem in aquis ac flumine piscatu ac latrociniiis vivunt: hostemq; ut ex quoque plurimum prædæ sperant, ducentes, barbaris tamen, ut majori inter eos Christianorum numero, ac Tartaris præsertim infestiores sunt, magisque Poloniæ & regibus operam navant: quod infamam Poloniæ partem, quæ ad flumen pertinet, tenent, à loco Nisovij appellantur: interque reliquos Kosakkos: ita enim communis nomine vocantur omnes tam equites, quam pedites, qui ad latrocinia in finibus exercenda, incursionibusq; vicinas ditiones vexandas privato instituto, ac voluntaria militia coeunt: hi & numero & virtute plurimum ferè valent. Inter hos cum vixisset aliquandiu Joannes Podkova, natione Valachus obscuro, alioquin loco natus; sed corporis viribus præstans, & qui solis equorum ferreis manu dirumpendis nomen invenisset; partim vitæ ac studiorum similitudine, partim promissis facile homines ex præda viventes ad invadendam una secum Valachiam, imperiumq; ejus sibi tradendum adduxit. Petrum Palatinum Valachiæ nihil tale expectantem occupant, & prius sede Imperij exuunt, quam ille ulla arma imminere sibi suspicari potuisset. Quod cum rex intellexisset, & præterquam, quod sine auctoritate sua alieni fines bello tentati essent; Petrum, cujus dignitati favebat, restitutum vellet, cum per Poloniam, tum in Transilvaniam ad fratrem Christophorum Principem, ut auxilio suo Petrum juvaret, literas misit, qui cum alas aliquot equitum & peditum cohortes Stephano Battoreo Andree fratris filio duce auxilio ei misisset; Podkova Nimirovam Polonicum oppidum recipere se coactus in Nicolai Siensavij Castellani Kameneensis, qui finitimæ in Russia militiæ præerat, potestatem venit: ab eoq; ad regem missus fuit. Postquam ad comitia ventum fuit, primo die solenni sacro peracto, altero de

republica sigillatim de Mosci & Tartari injuriis ad ordines res fert: bellumq; ne cum his, aut cum utro horum velint, rogat. Cum Mosco bellum jussu, cum Tartaro in præsens dilatum. Hic sub discessum regis Henrici, sollicita & in omnia alia intenta republica fines incursarat, populationibusq; ac rapinis, omniq; immanitatis genere vexarat: obsidionis Gedanensis tempore magna manu facta prædas egerat: illis ipsis comitiorum diebus, fama nuptiarum, quas Constantinus Ostrogia dux Palatinus Kioviensis, propinquæ suæ faciebat, excitus, in Volhiniam excurrerat: Ducemq; Ostrogia obsederat. Pacato tumultu Gedanensi, exercitum, quem sub Gedano habuerat, in Russiam rex ad fines tuendos miserat; jamq; aliquot turmæ in Volhiniam pervenerant; quarum imperium cum de Tartarorum excursionibus rumor interim allatus esset, Joanni Sbaraso Palatino Braslaviensi, extra ordinem tradiderat. Ex iis quidam non longè Torcino in agmen hostium, ut adventu exercitus nondum cognito incuriosius prædas agentium inciderant, prælioq; subito contracto superiores discesserant; unde de appropinquantibus copiis certior Tartarus factus, cum delectos ab exercitu contra Sbarasum misisset, qui ex instituto eorum, quid animi ac virium hostis haberet explorarent: liq; ad Zaslaviam in nostros incurrisset; fortiter impetu eorum à nostris excepto, mox se receperant; Tartarusq; pactus inter cætera à duce, ut de amovendis à finibus Nisovij apud Regem laboraret, quorum latrocinia solam bello causam ostendebat, recesserat, in præsens tamen hæc dissimulari placuit. Ex hoste enim inope & vago quemnam magnopere fructum expectari? Cum arma potius Turcica ad ipsius injurias provocarentur: qui solum in quo insisterent, suum, ipsos fiduciosos possessores esse diceret. Ex Mosco quod major ejus potentie fama, eo majorem gloriam in præsens, nomen ad posteros parari: urbibus & opibus florentissimam olim provinciam Livoniam, & cum aliis opportunitatibus; tum maris commodis affluentem victoriæ præmium peti. Ita contra Moscum susceptum bellum, simulq; ut in hostico exercitus haberetur, scitum, priori intra fines continendi militis, ac propulsandi hostis ratione domesticis incommodis, ac superioris ætatis exemplis refutata. Proxima huic cura de pecuniis fuit. Delecti fuerunt è Senatu primores, qui quanto in bellum milite, quanto in militem stipendio opus esset, dispicerent. Scitum tributum in singula jugera floreni unius: cerevisiale item in oppidis & urbibus, quo in singulas tonnas duodevigesima cujusque pretij pars exigeretur. Majus id fuit, quam ullum ante hac quisquam meminisset: consensere tamen omnes præterquam Cracoviensis, Sendomiriensis, & Siradiensis Palatinatum legati: quod nulla ejus tributum scindi



scendi mandata se à suis habere dicerent. Noluerat nobilitas vel bellum vel tributum sciscere; nisi de judiciis simul, quæ jam Sigismundi Augusti temporibus postulate coeperat, in interregnis autem ipsa sibi sanxerat, perfectisset. Antiquitus à judiciis municipalibus ad conventus Palatinarum, ad quos quodque municipium pertineret, inde ad Regem in comitia provocatio erat. Cum à Sigismundo Augusto propter tenuiorem valetudinem infrequentius judicia haberentur, ut ex suo corpore constituere iudices sibi liceret, nobilitas petierat. Restitit Augustus, dum vixit. Unde illa à Rege id impetrandi spe dejecta, tempore interregni priusquam in Regem Henricum eligeret, inter alias hanc quoque de translatione judiciorum conditionem ei tulerat, isque acceperat. Post discessum igitur Henrici, nobilitas per singulos Palatinatus, ut cuique maximè expedire visum fuerat, ex suo ordine, qui causas appellationis indicarent delegerat, qua ex re cum, quod evenire necesse erat, magnam omnium rerum perturbationem consequi Rex animadverteret, in causâ minime amplius sibi integra, pro re nata optimum ratus, si ad unam formulam omnia revocaret, sanxit hic; ut non per singulos Palatinatus indicia haberentur; sed in singulis Palatinatibus maioribus bini, minoribus quibusdam singuli à nobilitate quotannis delecti primum à Martini usque ad Paschatos Poloniae majoris nobilitati Petricoviae: minoris deinde à Paschatos usque ad messem Lublini jus dicerent; itaque omnia privatarum rerum judicia penes nobilitatem deinceps essent; publica, juris item Regij atque filij judicia, in eo quo antea statu fuerant, penes Reges manerent, quemadmodum & earum terrarum, quæ suis legibus, ac diverso à cæteris jure uterentur. Moram huic rei nonnullam afferebat, quod nobilitas à munere judicandi Senatorium ordinem exclusum volebat: hi contra tenderent, iniquum esse, dignitatem suam, quæ commodo sibi esse debebat in injuriam suam verti; & qui alios in nobilitate, honore anteirent, à communi nobilitatis corpore in re publici juris, & ad omnes pertinente se jungi, obtentum tandem, ut tam ex Senatoribus, quam reliqua nobilitate, pro arbitrio nobilitatis rebus judicandis præficerentur. Inter Regem quoque & nobilitatem controversiæ nonnihil fuit, quod nobilitas regias quoque urbes rebus à se judicatis teneri vellet, superioribus etiam temporibus quasdam causas earum judicasset, remisit nobilitas: inventaque ratio fuit, ut quia jam causas aliquas hujusmodi judicasset, easdem in iudicium vocatas denuo in iisdem comitis rex agnosceret. Cumque magistratus quoque ac præfectos regios ad jurisdictionem suam pertinere nobilitas vellet, quod cum iis fere res judicatas exequerentur; frustra sibi judicia tribui diceret, sine ulla in

eos, qui res à se judicatas exequerentur, jurisdictione; assensit Rex ut quatenus rerum judicatarum executio à magistratibus cæterisque officiis peteretur, authoritati judicum parerent. Supererat certamen inter sacrum & profanum ordinem: cum hic eodem, quo reliquam nobilitatem, ecclesiastico jure uti vellet: illi judicia hæc nobilitatis, quæ cum diversæ religionis hominibus communicari intelligebant, multis nominibus suspecta sibi esse, obligari; se illis nolle confirmarent. Ostendit his Joannes Zamoscius Cancellarius, non majus periculum eos suscipere, si in jurisdictionem consentiant, quam si cum obtemperare ei nolint, pœnis deserti vadimonij, & contumaciæ coerceri se patiantur: quod in Palatinatum judiciis eorum factum antea fuerat, ut præter alios Archiepiscopus in majorem fere centum quinquaginta millium condemnaretur: Addidit consilium ut quoties ecclesiastica res in iudicium venirent, ad sex ex nobilitate ecclesiastici ordinis totidem qui pari authoritate de ea cognoscerent, adjungerentur, quorum si pares sententiæ extitissent, ad Regem in comitia ampliaretur. Res per aliquot dies ducta, eum tandem ad modum composita fuit. Moribus gentis Polonicæ, qui creditarum cæterarumve privatarum rerum condemnantur, iis si sententiæ judicis non pareant, multa dicitur: quæ si sprete fuerit, priori triplo major dicitur: si ne tum quidem obtemperatur, manu militari in bona missio decernitur; contra quam si quis se opponat, à præfectis proscribitur. Quod olim acerrimum contra decoctores telum fuerat, luxuria temporum, per eamque multitudo obætorum labefactaverat. Itaque vulgo contemnebatur, resque magis multorum sermonum jactata tuit, quam nova remedia illa ei allata.

Auditis deinde externorum Principum legatis Georgius Fridericus Marchio Brandenburgensis ad valetudinarij agnati sui Alberti Friderici, Alberti Prussiarum Ducis filij curam admissus fuit, investitura, quam vocant accepta, solenne juramentum Regi præstitit. Aduerit ei in cæremoniis iis Saxoniarum Electoris, & Wirtembergici Principum legatis. Brandenburgensis Electoris legati cum Principis sui nomine tanquàm ad simultaneæ investituræ jus pertinentis vexillum contingerent, nobilitatis nuntij contra protestati, quod primis illis inter D. Sigismundum & gentem Brandenburgicam conventionibus ea Marchionum Brandenburgensium stirps feudo comprehensa non esset, quæ postea privata authoritate & ordinibus inscis acta essent, rata se non habere ostendebant. Qua de re cum oratores apud Regem quererentur cumque ipsis ordinibus agere se paratos ostenderent, responsum fuit; non ignorare eos omnium protestationum jus, quibus scilicet nec minueretur jus cujusquam nec amplificaretur.

Ita-

Itaque non videri eam rem vel tempestivè futuram vel necessariam. Aderant & Pomeraniæ Ducum legati, Principumque suorum nomine in Bithoviciensem Leoburgensemque tractum jus majestatemque regni agnoscebant, literasque investituræ accipiebant. Legati interea, quos ad Moscum missos supra demonstravimus in Moscoviam pervenerant, àque Mosco suo ipsius ingenio feroci, tum ob rem in Livonia prosperè gestam multò etiam superbiori, contumeliosis ludibriisque excepti indignissimè habebantur: multa in nomen Polonicum & Lithuanicum contumeliosè ab eo dicta factaque fuerunt: cumque ex instituto utriusque gentis lauria utrinque legatis, qui missi fuerant, præbentur: emere victum, nec moris sit, nec si velint, in Moscovia possint: non nisi sordida ac vilissima quæque cibaria per summam indignitatem iis ministrari iussit. In colloquiis deinde cum legatis nonnisi de induciis agendi mandata se habere significassent, trium annorum inducias iis dat: literas autem quas legati obstringere debebāt, sine ulla conditione pure perferri jubet: alias deinde, quas ipse legatis traderet, sub signo suo subjicit: in iis hæc conditiones adjecerat: ut universa Livonia una cum Riga & Churlandia, quæ in potestate Regis adhuc erant, & quidquid usque ad fines Prussiarum pertineret, Rex sibi cederet: Livonem nullum præsidium suum implorantem, multò minus civitatem ullam reciperet, ullave ope auxiliove suo juvaret. Hæc cum ex more jure jurando placita confirmare deberet, amoris iis, in quas legati ante juraverant, solas profert: jurejurandoque in eas se obstringit atque ita nullo amplius de his tractandi loco relicto, ex Moscovia abire legatos jubet: novisque eodem tempore in Livoniam copiis missis acerrimè Vendam oppugnat: quæ sub exitum comitorum audita omnium animos ad bellum Moscoviticum jam conversos ira, atque indignatione eò magis accenderunt. Venda tamen à Mosco frustra oppugnata fuit. Nam cum per aliquot dies tormentis vehementer muros verberassent, aliquam etiam partem muri diruissent: Dembinsius ob exiguitatem præsidij urbi metuens, cohortatus suos, ut eam secum ingrederentur, eum tenere non potuisset, quod illi propter inopiam commearum, & non exoluta stipendia minus prompti ad pericula suscipienda essent; & quia magna ex parte equites erant, minus etiam virtutis suæ locum intra moenia conclusis fore putarent; tandem ut propius saltè secum accederet, si forte vigilias & castra hostium turbare possent contendit: quod cum impetrasset, noctu silenti agmine eos ducens, paulò ante lucem sub portis urbis sistit: ostenditque quod ab hostibus jam videri cepissent, à tanta hostium multitudine facile circumveniri posse: itaque potius ut viros fortes ac militares diceret, urbem ingrederentur, virtutesque sua urbem contra hostem, & urbe se tuerentur: ita urbem ingressi eidem saluti ac præsidio fuerunt. Muris enim qui diruti ab hostibus erant, ma-

gna cura subitatio opere noctu expletis, omnibus in locis fortissimè hosti occursum fuit. Itaque vetè jam imminente Mosci soluta obsidione præmissis primum tormentis discesserunt, quos Alexander Chodkievicius præfectus Grodnensis, cujus Joannes Chodkevicius patruelis vicaria in administranda reliqua Livonia opera utebatur, quamvis minus commoda valetudine esset, contractis tamen undique ad Sevaldum copiis aliquandiu persecutus, adipisci tamè haud potuit. Sub idem fere tempus Magnus Dux Regis fidem secutus, à Mosco discessit. Adolescens hic summo genere natus cum Churonia & Osilia Episcopatum in Livonia teneret, perditis quorundam consiliis, ac promissis Mosci & adolescentia adductus, cum per iratam ipse rebus suis consulere non posset, ad Moscum transierat. Ab eo fratri Patruelis filia in matrimonium ei tradita, speque injecta fore, ut suo beneficio totius Livoniæ regno potiretur, ad Revaliam obsidendam magno cum exercitu missus fuerat, à qua infecta re discedere coactus, tempore obsidionis Gedanensis iisdem cum promissis in Livoniâ, quemadmodum supra dictum est, remissus fuit, ubi territus crudelitate Mosci, quodque ademptis ei, quæ tenebat in Livonia castellis ad fines Scythiæ deportare eum in animo haberet, per indicium cognito, cum quanto in periculo versaretur cogitaret; transeundi ab eo consilium cepit: paulatimque è potestate ejus se subducens Lempsaliâ, inde propius Rigam ac fines regios se recepit. Regemque per Duce Churlandiæ crebrosque internuntios ac literas, ut in fidem se reciperet sollicitabat. Rex in earum rerum incertitudine, cum & varia de discessu ejus jactarentur, ut neque an fratri ejus Regi Daniæ, cæterisque propinquis ipsius consilium id ejus probaretur, aut fortunæ ejus curæ omnino essent perspectum habere posset, de deditione nihil quidem tum cum illo constituit: fide tamen publica versari eum in Livonia se passurum ostendit. Postea profecto in Livoniam Nicolao Radivilo Palatino Vilnensi eidem ut cum Duce Magno, quod in re præsentis è republ. esse perspexisset, ibidem constitueret, permisit. Hic cum in Churlandiam venisset, ad eumque Magnus accessisset, in fidem illum cum omnibus ditionibus ejus regio nomine recepit, inque verba regis sacramenta adiecit. Conditiones deditionis hæc fuerunt: ut quas teneret possessiones, eo quo alij beneficiarj Principes suo possiderent jure, à Rege ei permitterentur: aut pro illis aliæ non deteriori conditione pro amplitudine generis & familiæ ejus aliquo alio in loco darentur. Ubi de eventu legationis Rex certior factus fuit, mittit statim ad Moscum Georgium Haraburdam, qui non aliter induciis iis teneri se velle Mosco renuntiaret, quam si de Livonia conditionem, quæ nec à Legatis accepta esset, remississet. Moscus retento Haraburda, legationem interea ad Regem, quæ ad rata habenda pacta induciarum, juramentoque confirmanda



eum adduceret, destinat; ac præcipitante jam ætate exercitum alium multo priore validiorem, majoriq; apparatu instructum, ad Vendā, quam à nostris interceptā ab eoq; postea obfessam supra ostendimus, mittit. Priusquam ulterius progrediar, pauca hoc loco de principum Moscorum origine, potentia, moribus gentis, totiusq; imperij statu præmittere placeat. Antiquissima Imperij Russici sedes primū Novogardiæ, inde Kiovix, posterioribus verò temporibus priusquam Moscoviam transferretur, Vlodimirix etiam fuit, cujus hanc ob causam hodie adhuc titulos Moscovix titulis Dux anteposit. Genus principum ad Varagos annales Russici referunt; gentem ut plerūq; præscā, nunc obscuram: sed tamen quam ultra marinam fuisse iidem annales testentur. Ex ea tres fratres ascitos primoq; à Novogard. qui Slavi jam tum fuerūt receptos, imperium Novogardiæ, eiq; Ruricum natu majorem fratrum præfuisse, reliquis duobus alias Russiæ partes Bialoieserens. & Isborenses obtigisse tradit, Ruricus ex Olga Plefcoviensis Suentoslaum deinde filiū habuit. Hic magno cum exercitu in Bulgariam ad Danubium usq; progressus, devictis Bulgaris & Græcis quibus tum Bulgari parebant, cum agros & cultum & copias provinciarum adamasset, sedem imperij in ea sibi delegit. Jaropolcho filio Kioviam, alteri Olego Dreulanos administrādos reliquit; Novogardiam Vlodimiro Malci cujusdam Lubkani, ut annales habent, filio ex ancilla Olga Plefcoviensis suscepto concessit, qui cum à Jaropolcho regno pulsus trans mare fugisset, auxiliis maritimis comparatis reversus, cum quæ primæ objectæ ei fuerant ditiones, tum Kioviam dejecto Jaropolcho occupavit, tenuitq;. Ab hoc omnes deinde principes Russiæ, profecti traduntur. Nam cum duodecim filios reliquisset, divisā inter eos omni Russiæ imperium ac domicilium imperij Kioviam majori natu Suentopolcho tradidit. Huic sine liberis mortuo, duo alij fratres Jaroslaus, & Isolaus ordine in regno successerunt: Post eos Vlodimirus Monomachus Ufevlodi Vlodimirix Ducis filius, cujus hodie adhuc magnum apud Russos nomen est, ex eadem stirpe potitus imperio fuit. Quod interpellatum quidem aliquando ab Ufevlodo Suentoslai ex Olgo nepote, & Igoro pronepote, qui avitū regnum recuperare conatus fuerat, penes Vlodimiri posteritatem nihilominus remansit; sequentibusq; temporibus Andreas Dux Susdaliensis ab eadē Vlodimiri stirpe profectus, federe cum undecim aliis cognatis Ducibus inito, dejecto Micislao qui ex Monomachi posteris regnum Kiovix tenebat, Micislai filium ei imposuit. Hic primus sedem imperij Volodimiriam, principatumq; in Susdaliens. domum transtulit, quem qui tenebat, etsi imperium in reliquos agnatos Duces non habebat; magni tamen Ducis nomine utebatur, dignitateq; & honore cæteris, qui comiter quasi majest. ejus colebant, antecedeat. Cumq; honoris antea vel successione, vel reliquorum omnium studiis uni defer-

retur, nonnunquam vi atq; armis occuparetur. Posteaquam in Tartari potestatem concesserunt, ab eo peti cœpit. Imperij autem Tartarici circa annum ab Orbe condito VI. M. DCC. XXXII. quemadmodum Russi annos numerant, à nato autem Christo ducentesimo vicesimo quarto, supra missum in annalibus eorum mentio sit, quo Tartari contra Cortianem, Ducem Poloufciorum, cum exercitu progressi, Russiam vastarunt, cumq; Cottian Micislai, Romani filium, Ducem Cernikoviensem seu Kioviensem utroq; enim nomine in annalibus appellatur; qui filiam ejus in matrimonio habebat, & complures alios Russios Duces in auxilium vocasset, die XVII. mensis Julii ad Kalkam magno prælio eos Tartari superarunt: undecim Russicos Duces: Heroēs, ut annales appellant, equitum forte genus quoddam, ad septuaginta interfecerunt: multos captos egerunt. Reversis deinde Batti Duce tredecimo anno post quadragesimum quintum nimirum supra VI. M. DCC. subjugatis primū Rolanensibus & Vlodimiriensibus, cæterisq; ferè omnibus Ducibus, universam Russiam sibi subjecerunt, & quamvis non raro deinceps quoq; bello cum iis Russi contenderent; stipendiariam tamen semper ferè inde habuerunt. Ab eo igitur tempore magni etiam Duces à Tartaris Russiæ dari cœperunt. Dabantur autem ferè, quemadmodum ostendimus, è Susdaliensibus. Moscorum Ducum, atq; ipsius adeo civitatis æqualis temporum Batti ac vastationis, quæ ab illo Russiæ illata est, memoria in annalibus eorum extat. Inter alias enim urbes Moscoviam quoq; à Batti expugnatam, ibidemq; Philippum quandam Palatinum & Vlodimirum, Georgii magni Ducis filium, captum à Tartaris tradunt. Anno ab Orbe condito XII. supra VI. M. DCCC. Andrea, Alexandri filio magno Duce mortuo, inter Michaelē, Jaroslai filium Turensem, & Georgium, Danielis filium, Moscovix Ducem, de Principatu magnoq; Vlodimirix Ducatu contentio fuit: quem cum uterq; à Tartaro peteret, Tartarus primū Michaelē retento penes se Georgio, inde aliquo tempore interfecto XXV. anno supra VI. M. DCCC. Georgium regno confirmavit: indeq; ad hoc usq; tempus, quamvis aliquando Russi universi Susdaliensem iterum dari sibi à Tartaro peterent; perpetuo tamen in Moscovix Ducum familia honoris permansit, ex quibus cum proavus hujus, qui nunc rerum potitur, Basilus, Basilii filius, post patrem & patruum Constantinum imperasset, conspiratione à Demetrio, Georgii filio, cognomento Siemacha. Duce Severiensis, Joanne, Andreæ filio, Mosaiscense, Borisso, Alexandri filio, Turense, Ducibus, contra eum facta, regno ab iis exutus, luminibusque à Georgio Severiente orbatus fuit: verū à Novogardiensibus adjutus regnum recuperavit, pacatq; deinde id obtinuit. Successit huic Joannes filius, qui primus eam, ad quam nunc excreverunt, potentiam fundavit. Ducem Turensem, quamvis uxorem ex ea domo haberet, regno pepulit, principatumque obtinuit; haud multo post & Novogardia magna, per fraudem capta, in servitutem eam redegit, & alios principatus tentare cœpit; eoque potentia pervenit; ut cæteris Ducibus metu concedentibus, nemo, qui cupiditati ejus resistere auderet, reperiretur. Idem Tartarorum jugum primus excussit, conjugis Sophiæ Græcæ è Palæologorum genere, quam mortua Turense superinduxerat, ingentis spiritus mulieris vocibus impulsus. Haud dissimili deinde ratione filius ejus Basilus potentia, cujus pater fundamēta jecerat, in immensum fere auxit. Ad ea quæ pater peperat, Smolensc. Ducatū maximum, ac quicquid Severiensis ditionis reliquum erat, adjecit: Kasanus mari & terra tentavit; Principes omnes agnatos ditionibus suis exutos, tū Plefcov. civitatē maximā in servitutē redegit. Successit & in imperio hic qui nunc rerum potitur, Joannes, qui & ipse regnū amplifi-

plissimum à patre acceptū, fortuna atq; industria adjutus multo id fecit amplius. Kalanen- se & Astrakanense regna à patre sumis viribus oppugnata cuniculorum & pulveris maximè, quos cuniculis in urbium oppugnationibus subjecerat, novo iis temporibus apud illas gentes artificio adjutus, in ditionem redegit: mariq; omni Caspio unā cum ijs in potestātē accepto ad Persidem fere Imperium protulit: Livoniæ maximam partem per dissensiones Livonum occupavit: Suecos multis sæpe cladibus affecit: Poloniam temporibus Sigism. Augusti cepit cumq; Selymus Turc. Imperator Tanaim flumen cum Rha flumine maximo, quem Russi Volgam sua lingua hodie appellant conjungere statuisset, ut classe ex Ponto Euxino adverso Tanai in Rha invecus, Astrakanum in ostio fluminis Rha, quo in mare Caspiū influit, situm, ac per id in universum mare Caspiū potestatis suæ faceret, Turcæ quoq; victi fama ei quæ sita fuit. Nam cum Selymus à Sigism. Augusto per Ibrahim Czauisum, qui ex nobili Strussorum familia in Polonia natus, à pueritia impietate Turcica imbutus, ac maximis deinde præmiis ob ingenij elegantia affectus fuerat, per ditiones ejus transitum exercitui postulasset, is verò à Sigismundo Augusto negat⁹ ei fuisset, Selymus nihilominus per Tartariam ad perfodiendum spatium Isthmi, quid inter duo hæc flumina angustissimū est, jamq; Moscovitico solo continetur, exercitum misit, qui eū per vastissimas solitudines ivisset, Tartaris ipsis invitis negotium administrantibus, atque ante viarum incommodis attritus Moscis objectus fuisset, nullo operæ pretio perfecto discedere coactus fuit. Ita repente collecta potētia nō finitims modò omnibus, sed remotioribus etiam quibusq; nationibus terrori Moscus jam erat, eoq; factus in tanta finitū, ac rerum gestarum amplitudine processerat, ut omnes alios principes præ se contemneret; nullamq; gentē esse existimaret, quæ opibus ac potentia contendere secum posset. Cum ante hac Knefciorum, Ducum scilicet nomine, magni cognomento, quo eos, qui ipsis parebant, prærent addito, usi essent; Pater hujus Basilus repetito ex interpretibus Slavici sac. literaturæ nomine, primus Ciarium quidā egerum eorum lingua significat, appellari se voluit: eoq; à Maximiliano ejus nominis primo Imperatore appellatū se jactabat. Ad religionem Christianam à Basilio quodam Archiepisc. Constantinop. nomē Russicum perductum, sacrisq; Christianorum initiatum ipsorum annales, ac Byzantina etiā historia habet. Itaque ut primo religionis auctore Græco, ac frequentibus deinde inter Græcos & Russos per Mæsam atq; Illyrium, quæ à Slavonicis ejusdemq; linguæ gentibus tenebantur, tum Kioviam, quæ per Borysthemem cum Ponto Euxino conjungitur, commercii, cum literas Græcas tum ritus à Rom. Ecclesiæ institutis diversos magna ex parte retinent; ut non pauca tamen ex illis ipsis eū tempus, tum Metropolitum atq; aliorum E-

piscoporum principi suo obsequendi studium depravarit. Leges quibus utantur, paucas admodum habent: eamq; fere solam; ut Principis voluntatem pro lege observent. De eo ita illis persuasum est, Metropolitæ maximè opinionem hanc eorum juvantibus, per Principem tanquam interpretem Deum secum conjungi: ac prout de Deo meriti sint, ita principem vel benignum in se vel asperum esse. Itaq; voluntati ejus non secus ac divinæ, seu turpia seu honesta, seu mala, seu bona jubeat omnibus in rebus parendum pro fidei decreto habent: illeq; vitæ ac necis omniumque rerum summam in suos potestatem obtinet. Quod ut ad potentiam comparandam conficiendaque bella maximum habet momentum: unum omnibus rebus summa cum autoritate præesse: omnia imperia solum administrare: eundem & consiliorum dominū, & rerum omnium auctorem esse: exiguo temporis spatio copias quam maximas cogere posse: fortunis civium ad potentiam suam stabiliendam pro suis uti: & quemadmodum iis rebus maximè autoritas atq; opes Mosci creverunt; ita crudelitas quoq; ejus ac dominandi asperitas vehementer confirmata est. Itaque cum infinitos penè variis cædibus sustulit: tum maximè Andreæ fratrem patrualem, ob novarum rerum suspensiones quasdam cum liberis omnibus & universa familia, una sola filiola quā Duci Magno deinde locavit, relicta exquisitissimis cruciatibus necavit: nobilitatē Novogardiens. amplissimam, quam fratris rebus studiose suspicatus fuerat, funditus penè excidit: popularium quacunq; incederet sæpè magnam stragem fecit; ut cum turbæ hominum miserorum gratiam ac misericordiam ejus implorantes illi sese obtulissent, à satellitibus minutim eos cōcidi; vel maximo numero sub glaciem, qua magnam partem anni lacus ac flumina consistunt, mergi juberet, de quo cogitanti eò magis mirum videri necesse est, quomodo quæ à cæteris Principibus indulgentia & obsequio in suos vix parari soleant, in tanta nihilominus immanitate singularis erga eum popularum charitas atque incredibilis, quæ eorundem in Principes suos est fides, existeret possint; ac non modò seditiose nihil ferè contra eum ab iis suscipi, sed & in præfidiis tuendis incredibilem constantiam præstari: paucosq; omnino ab eo transfugere: non raros autem repertos hoc ipso bello, qui vel maximis præmiis propositis fidem tamen erga principē vel cum periculo suo iis anteposuerint. Hujus rei cum aliæ nonnullæ causæ sunt, tum maximè præter eā, de qua supra dictū est, duplex religionis opinio. Nam & omnes, qui in religione ab iis dissentunt, etiam eos, qui Rom. Eccles. ritu utuntur, barbarorum loco habent, ac tanquam pestem aliquam detestantur; nihilq; omnino cum iis communi habere fas ducunt, ex qua existimatione illud quoque profectum est, ut Princeps quoties externos legatos audit, in pelvi aquā adnotam habeat, qua manus quasi illorū con-



tagio pollutas subito abluat. Et suæ religionis institutis eandem, quam Deo, Principi suo fidem se debere electi, non minus vel constantiam eorum laudant, vel relictis corporibus animos in cælum protinus emigrare, ac cœlesti beatitudine frui prædicant, qui fidē erga Principem suum ad extremum usq; spiritum retinuerint, quā qui ex discipulis servatoris nostri in singulari erga illum pietate atq; fide ad mortem usq; perstiterunt. Superstitionē alunt imperio suo Principes; nam ad nullas exteras nationes, quemquam commeare: aut exteros etiam promiscuē commercia cum suis agitare patiuntur: quos autem in legationibus mittunt, ita mittunt, ut singulis legatis singulos custodes ponāt, nec cuiquam remoto custode cum aliquo colloqui liceat. Ita fit, ut quasi perpetuis ignorationis tenebris oppressi aliarum gentium humanitate non perspecta nec percepta omnino dulcedine libertatis; præsentia melioribus, cognita dubiis anteponant. Accedit adhæc metus, amorq; ac cura cujusq; suorum, quæ magnos etiam animos, libertatique assuetos facile debilitant. Quos enim exercitiis aut præfidiis præficit, aut ulli omnino muneri adhibet, eorū conjuges, liberos, propinquos, & quæ charissima quisq; habet, obsidum loco semper retinet: in eosq; omnia cruciatus exempla edit, si quis illorū ab eo desciverit, aut si qua res non ad nutum, aut voluntatem ejus facta sit. De rebus tamen creditis, contractibus, aliisve privatis rebus pauca quedam apud ipsos jura scripta sunt. Mortis, cujus infinita fœdaq; genera mulctarum & fustium; quæ tamen in immensa Principis potestate, non minus frequenter, quemadmodum dictū est, pro libitu ejus, quā pro merito plerisque irrogantur: carcerem ad custodiam magis quā pœnam habent: exilia planē iis ignota sunt. Senatū, cum pro libidine omnia administrat, in speciem magis habet. Magnam eorum partem ex Kneſiis esse cōstat; quo nomine Duces, ut ostensum est appellant, primævorum Ducum à Moscoviæ Principibus oppressorum posteritatē aut quos princeps pro cuiusque meritis, aut sua in quenquam gratia in nomen vel ordinem eum legit. Nobiliores cum aliis insignibus à vulgo distinguuntur, tum quod patris nomen titulis aliis ad exemplum Principis soli præscribant, magnificum hoc apud illos, eoq; ad æquales, aut inferiores solum utuntur: ad Principem non modo patris nomine usurpando abstinent, sed ne suum quidē nisi propria linguæ ejus enuntiatione quodāmodo corruptum, quo non modò servos ejus sed quasi homunciones non homines cum illo comparatos se significant, ponunt. In exercitu parvum tympanum ad ephippia singuli item suspensum gerunt; quo quoties agmē fisti usus est, à primo impulsu sonoq; à proximis excepto & cæteris deinceps tradito, exiguo temporis momento totus exercitus consistit. Metropolitæ senatum nō ingreditur: consilio tamen ejus quoq; nonnunquam utitur; aut quo

maiores sibi apud populares venerationem conciliet, uti saltem se simulat. Militiam more cæterarum gentium ex equitatu & peditatu compositam habet: equis tamen Nobajensibus maxime utitur. Nulli sane rei magis quā munitionibus fidei. Itaq; & opportunissimis locis intra lacuum aut fluminum ambitus plerasque sitas habet; Præfidiisq; apparatu, comineatuq; & omnibus rebus necessariis diligentius ferē quam quisquā alius princeps eas instruit. Ei rei jam ab eo tempore studere cœpisse videntur, quo humilibus adhuc rebus eorū non multū viribus contra potentiores vicinos poterant: sed locorum ut plurimū opportunitatibus sese tuebantur, iisdemq; intercipiendis crescebat: postea quod semper quoties prælio cū vicinis maximeq; Polonis decertassent, inferiores ludos discedere animadvertent, nec multum in prælio virtuti suorum credere se posse re ipsa edocti essēt, necessario retinuisse, Castella ferē omnia, ut in magna lignationū copia ex materia multis ingentibusque trabibus congestis exstructa apud ipsos sunt: quæ eadem cespere nonnunquam vestire: omnia autem crebris propugnaculis ac turribus distinguere, fossis præterea, quibus nativæ defunt, manu factis, valloq; ac cervis circumdare solent, quæ res efficit, ut non solum opus ad speciem inelégas non sit, sed ante hoc bellum, quo pleraq; candentium globorum incendiis à Rege expugnata fuerunt, ad defensionem etiam tutius, majoremq; quā lapis opportunitatem habere crederetur; quod tormentorum ictibus facilius & resistat materia, & si quando iis pateat, non tamen, quod in saxo accidere solet, magnam munstragem secum ferat; quæ tamen ad Livoniam pertinet, ex lapide etiam muros habent. Præfidia nobilitati singulis annis pro arbitrio indicit. Ex ea descriptos perq; munitiones distributos nō longius anno in uno præsidio continet. Adjungit his pixedarios ex plebe stipendiarium militem. Præfectorum item annuæ sunt. Præfectos ternos plerunq; designat, primum qui præcipuam curam munitionū gerat; cuiq; nullum omnino in casum extra munitionem egredi, ne dum pernoctare licet: reliquos duos primo custodes ponit, quorum alteri, si id usus postulet, in eamq; rem mandata à principe habeant, excursiones facere, munitionesq; excedere permissum. Eos sua lingua ad Polon. Palatinorum exemplum, quamvis nec perpetuus is honor sit, & unius saltem castri imperio, eoq; inter plures communicato terminetur, Voiuodas tamē quasi belli Duces appellant. Aurum, argentum, cæteraq; metalla naturæ an quærendarum rerum earum inscitia illorum iis negarit, non facile affirmarim: utuntur sanē omnibus hisce importatis, & Perside sericum, vestem pictam, gemmas, unioesq; habent, cum Germania aliisq; remotioribus occidentis oris arma, tormenta, pulverem tormentarium, argentum etiam atque aurum suis mercibus, pellibus pretiosis, quibus maxime abundant, lino præterea, cera & corio magnam

magnam partem permutant, ejus negotiationis Narvam, posteaquam in potestatem ejus pervenerat, posterioribus temporibus sedem Moscoviæ constituerat. Angli etiam Norvegiā, Lappiamque ac totum quasi Septentrionem circumvecti per mare glaciale viam sibi patefecerunt, qua Voloda fluvius ex penitiori Moscovia se effundens, portum D. Nicolai eo in mari efficit. In moribus gentis præter fidem in principem, laborum inedia cæterorumque incommodorum, quorum est tolerantissima, patientiam, mortisq; ipsius contemptum probes. Homines cæteroquin, in libidinem proni sunt, nec foeminarum solum amoribus dediti, quam ob causam & impuberes ferē matrimonia contrahunt, sed & puerorum: ingenio fallaci, adq; dolos ac fraudem prava consuetudine versutissimo: non minus fortassis ad bonas artes prompto futuro, si quis eas imbuat, extiterit. Rex Varſavia digressus ad Russicas res componendas Leopolum contendit. Antequam discederet Cracoviensis, Sendomiriensis & Siradiensis Palatinatum, quos in sciscendo tributo, à reliquorum omnium consensu se junxisse supra ostēdimus, conventus edixerat. In itinere cognoscit Siradiensem Palatinatum mox assensum: reliquos duos in recusando tributo perstare. Substitit hæc ob causam Sendomiriæ: eoq; minoris Poloniæ Senatores omnes evocat. Ex horum sententia Palatinatum eorundem denuo communem conventum Korcini habet. Assensu hic tandem & ij fuerunt, remittente Rege de tributo cerevisiali, ut ubi duodevigesima de regiis, & ecclesiasticis, viceſima quarta à nobilitatis subditis exigeretur. Leopoli Tartaricas legationes Rex audit: ad eas rogatu Tartari Turcarum Imperator suum legatum adjunxerat. Facta cum Tartaro pax fuit iis conditionibus, quibus sub prioribus regibus eam habuisset, attulerat literas à Principe suo scriptas, in quas pacem postulabat: in iis de finibus nonnihil adjecerat, & de Nisoviis accuratius sibi caverat. Rex nō receptis literis, iisdem quibus majores sui legibus eam coluissent, se quoque pacem cum eo observaturum, donativaq; ab illis dari solita daturum verbo respondit. Ita per totum Moscovitici belli tempus pax à Tartaro fuit. Ne verò à Nisoviis quoque per absentiam suam quid turbaretur, exemplo & metu continendos existimās de Podkova capitis supplicium sumit: Amurathe Turcarum Imperatore ut sibi dederetur, per legatos deposcente. Illud autem ut faceret, eo graviores causas habere se videbat, quod Kosakki prioris expeditionis successu nondum ab instituto dejecti, ejusdē Podkovæ minori natu fratre Alexandro in Valachiam reducto Petrum Palatinum denuo non sine proprio periculo deturbarent. Alexander enim cum vivus in hostium potestatem venisset, palo suffixus: Nisoviorum pars à Turcis intercepta Constantinopolim in catenis missa fuit. Idem tamen Petro quoq; tanquam per ignaviam ac socordiam toties dejecto ca-

lamitosū postea fuit. Etenim sublato è medio Mahomete Bassa, qui Principem inter purpuratos locum tenuerat, Achmetis, qui in ejus locum successit, studio de principatu amotus, inq; ejus locum Jancola quidam è Saxonibus Transilvanicis oriundus; sed qui nō modò nationem Valachiam, verum genus etiam principum Valachiarū ementitus fuerat, provinciæ deinde impositus fuit. Compositis hūc in modum rebus Russiæ, Cracov. Rex proficiscitur. Venit eodem Moscovitica legatio, ejus ætate atq; dignitate princeps in itinere morbo extinctus fuerat. Reliqui missis obviam qui exciperent, ex more in urbem atq; hospitium, inde ad Regem deducti, verbum se facturos negarunt, nisi prius Rex aperto capite assurgens de valetudine & statu Principis sui percontatus se esset. Rex cum præter rei indignitatem non committendum sibi arbitraretur, ut ad hostis barbaro fastu elati, & qui tantos jam spiritus atq; arrogantia sibi sumpſisset, ut vix ferri posset, superbiæ obsequio aliquo suo quid adderet: illi verò in sententia perstarent, ac potius infecta re discessuros se confirmarent; permisit ut inauditi in hospitium, inde in Lithuaniam lentis agminibus se reciperēt. Animadversum inde fuit, tributum quod in Comitibus Varſav. sancitum fuerat, non modo prædicatione nonnullorū inferius, sed ipsi bello in cuius usus ab ordinibus destinatum fuerat, par nō fore. Rex quod nec comitia eo tempore habenda sibi censeret, ne si nihil rerum gessisset, inani belli simulatione pecuniæ quam maximæ cogendæ rationes quærere à nonnullis jactaretur; nec privatos nobilitatis conventus cogendos; ne illud toties præter instituta majorum usurpari à se nobilitas queri posset; cū judicium à nobilitate obirentur, per eos interim conventus, quid de tributo illo polliceri sibi posset; necessario nobilitati proponendum existimabat; quod non deessent, quæ magnitudinem tributi ejus in immensum oratione augerent. Inde ad omnes vicinos Principes legatos designat; qui & amicorum erga se benevolentiam magis, firmiusq; sibi adjungerent; vel malevolorum consilia distinerent. Præcipuē cum Augusto Saxon. ac Joanne Georgio Brandenburg. Principibus Elect. consilia belli communicat. Hi indignē ferentes barbara crudelitate tandem in nomen Germanicum à Mosco sæviri, ad bellum pro Livonibus suscipiendum, quibus illi tanto terrarum intervallo ab illis oris disjuncti minus adesse possent, amicē eum hortabantur, à Brandenburg. bellica etiam tormenta quædam dono ei missa fuerunt. Ad Turcam ubi legati venissent, Mahometes prudentiss. trium orientis Imperatorum consiliarius, & in Regem haud male animatus, cum de instituto regis intellexisset, favere se conatibus ejus dixit, faultaque ac felicia ei precari: magnam tamen rem suscipi: magnas vires esse Moscoviticas: neque secundum suum Principem ullum in orbe terrarum potentiorē eo Principem se existimare. Dimissis legatis ad



domesticarum rerum curam Rex conversus fuit. Instituti regni non posse Prorex creari dicebatur: itaque si quid per suam absentiam in hostico accidisset, cum primoribus à Senatu se communicaturum pronunciavit. Pacem publicam severe sanxit; maximè Cracoviæ, ne quod aliis temporibus acciderat, inter dissentientes de religione tumultus aliquis oriretur. Edixit si quis in urbe oppido ve insolentius quid fecisset, præsertim si dubitationem juris cognitio habitura esset, ad suum adventum in custodia haberetur: cum alias ordinaria juris publici ratione in recentibus criminibus vis una cum præfectis, magistratus urbani cognoscere, interq; eos si non conveniat, Rex consuli soleat. Dum Cracoviæ Rex est, nuntius partæ à nostris ad Vendam victoriæ allatus tanquam totius belli omen secum attulit. Obsederant eam denud, quemadmodum supra demonstravimus, Mosci longè majoribus quàm antea copiis & quatuor præcipuè autoritatis Palatinis, Petro Tatouo, Basilio Voroncio, Petro Choroscino, Andrea Scholkanovo ad eam missis. Dum per aliquot dies frustra urbem oppugnant, nostris sui colligendi, & cum Sueciæ militiæ præfecto Georgio Boije consilia communicandi spatium dederunt. Confluunt Stropam, Andreas Sapieha, earum, quæ tum in Livonia magnæ non erant, copiarum legatus, cum quamvis longe inferioribus viribus, magno tamen animo contra hostem rem administraret. Præter hunc Matthias Dembinus: ex Livonibus Nicolaus Korffius atq; alij nonnulli, tam ex Polonis & Lithuanis quàm Livonibus cum equitum aliquot manu. Iisdem Goviam flumen loco inter Volmariam & Vendam medio Sueciæ copiæ se adiungunt. Inde digressi hostem instructa acie sub signis ad Vendam expectantem adoriuntur. Cum acerrimè à nostris pugnaretur, Polonis, Lithuanis, ac Suecis ad ulciscendas hostis injurias: Livonibus ad libertatem: omnibus ad laudem & gloriam inter se cohortantibus, hostium equitatus pellitur, Tartaris maximè in fugam effusis. Sub noctem Palatini militem ex fuga colligere; castrisque continere ceperunt: hortariq; ut pro inveterata gentis gloria, ergaque Principes fide extremam potius fortunam experirentur, quam castra apparatusq; bellicum à Principe suo fidei eorum commissum defererent, verum augente periculo ac nocte metum, eademq; pudorem ac flagitium regente, ob eaque non patiente, se contineri multitudine, Palatini duo Petrus Choroscinus & Andreas Scholkonovus, qui equitibus præerant, una cum equitatu in fugam se eiecerunt: reliqui duo, quibus tormenta commissa fuerant, soli ferè in castris relictis insigniora tormenta bellica amplexi, ut castra & instrumentum militare, fidemq; erga principem suum ad extremum spiritum retenta à se testarentur: itaque

à nostris postridie summo mane castra ac munitiones irrumpentibus inventi, vivi in potestatem cum castris ac tormentis ad triginta devenerunt. Aliud documentum fidei non minùs insigne, qui onerandis tormentis præerant, pixidarij dederunt. Apud Moscos hæc administrandorum tormentorum ratio est, tormenta terra defodiunt, ante ea atque os adeò tubi justæ altitudinis fossam ducunt, in hac qui onerandorum curam habent, delitescunt: ad os tubi funis aptatur: hoc cum implenda sunt in fossam deprimuntur, cum exoneranda rursus laxantur. Erant tormenta maximè insignia, unum lupi: alterum accipitris: virginum duo: totidem falconum imaginibus atque nomine: præterea quædam Sueco adempta cum ejusdem insignibus. Hi qui administrationi præerant, cum plerisq; suis interfectis, cæteris dilapsis, nostros castrorum potitos viderent, cum spe tuendorum tormentorum vitæ simul amore abjecto, collo funibus, quos à summitate tuborum dependere ostendimus, inserto, ultro mortem sibi consciverant. Insignis ea victoria fuit: hostium multi cæsi, capti non pauci fuerunt, exigua omninò nostrorum jactura. Tormentis, quæ diximus, amissis, iisdem insignibus & nominibus alia & complura præterea constari mox Mosci jussit: ad potentiam suam ostendendam pertinere existimans, nihil à fortuna ademptum sibi videri, quod non brevi à facultatibus suis insigni cum accessione expleri posset. Sub idem tempus Revahenses opem ac misericordiam Regis implorantes, ut aliquo numero frumenti se juvaret, à Rege petierunt: in maximas angustias tot annorum bello ab hoste redactos: commercii ferè omnibus exclusos: intra mœnia compulso ab agricultura longo jam tempore se prohiberi. His centum frumenti onera donat. Priusquam Cracovia Rex discederet de Duce exercitui præficiendo cum Senatoribus deliberat: qui cum ostenderent, vel in perpetuum munus hoc alicui eum deferre posse, vel extra ordinem unum aut plura bella mandare, plerisque tamen, ut in id solum bellum aliquem legeret, placeret, Cracovia Varlaviam discedens Nicolaum Meletium Palatinum Podoliæ, eò ad se evocat. Hic cum paulò ante excessum Sigismundi Augusti Bogdanum Valachiam reduceret, ac præter opinionem à Valachorum Turcarumq; maximis copiis circumventus fuisset, exercitum magna cum laude incolumem in Poloniam reducerat, indeq; magnam virtutis & scientiæ rei militaris gloriam sibi pararat. Meletius valetudine, qua tenui uteretur, & aliis quibusdam difficultatibus se excusabat: tandem in eam tantum expeditionem imperium accepit. Itaq; constituto cum eo, quos quorq; turmarum præfectos ac centuriones scribi vellent, domum ut se pararet, Rex eum dimisit. Inde Grodnam movit, maxima

autem

aurem afficiebatur Rex difficultate, quod & pro magnitudine suscepti belli pauca omninò pecuniæ ex tributo collectæ adhuc erant, & ut maximè integræ conferrentur, minimè tamen tanto bello pares fore videbat. Iis omnibus rebus quanto potest studio occurrit: pecunias partim mutuo sumit, partim quas in fisco habebat privatim suas, exponit. Militem passim per Poloniam scribi jubet: mittit ad fratrem Christophorum Principem Transilvaniæ, ut Ungarorum veteranorum cohortes aliquot & alas equitum scribat. Christophoro Rosdrasevio & Ernesto Weihero in Germania milites conquirendi negotium dat. Lithuanici proceres, cum de difficultatibus iis cum illis communicaret, prout quisque opibus maximè valebat, voluntarium militem offerebant: quotque singuli adducturi essent, edebant: quorum numerus cum ad decem millium ferè accederet, non parum ea re, atq; alacritate Lithuanorum recreatus, eò majori animo ad reliquas res administrandas aggressus fuit: constitutisque ita pro tempore rebus iis Vilnam accessit. Palatinus Vilnensis, Nicolaus Radivilus, cui imperium militare in Lithuania à Rege traditum antea fuerat, postea etiam abdicata à Joanne Chodkevicio Leopoli administratione Livoniæ, ejusdem provinciæ cura ad tempus demandata, Christophoro filio pocillatori regio, & aulicæ militiæ per Lithuaniam præfecto exercitum, qui in Livonia fuerat, tradiderat. Is cum ad Derpatum excursionem facta, agrumq; hostium longè lateque populatus, Kirempetium primo imperu cepisset, evertissetque, sub hoc tempus ad Regem & patrem Vilnam venit, venientem exercitus emerita stipendia flagitans sequutus fuit. Ibidem alia, quæ usui bello essent, apparare Rex instituit: tormenta bellica ad modum quendam, quem ipse usu atque experientia accommodatissimum cognoverat, fundi jussit. Kaunæ pontem fieri imperat, quo in sequentibus expeditionibus utatur. Is ex singulis navibus componebatur, quæ deinde tabulatis ita inter se conjungebantur, ut quoties opus esset, separari, curribusq; singulis una cum tabulatis impositæ, binis jumentorum jugis non incommode in quemcunq; locum transferri possent. Simul quod neque copiæ omnes convenissent, nec frigora, quæ in regione Trionibus exposita eo anno ultra solitum ad Joannis permanserant, ut nec ullum pabulum ad id tempus se effunderent, recessissent, Lithuanicis causis, quæ in longiorem jam diem prolata erant, cognoscendis operam dedit. Inde Basilium Lopatinscium cum literis ad Moscum mittit: iis justum bellum illi indicit: causas belli hæc denuntiat: quod ostentatione pacis provinciam Livoniam bello atque incendio vastasset: legatos suos contumeliose habitos, ad extremum duplicibus induciarum literis elusisset: eodem tempore novis in Livoniam

copiis missis Vendam oppugnasset: sua legatione ad priores injurias novam contumeliam ac ludibrium adjunxisset. Remisit sub idem tempus Mosci Haraburdam, quem hætenus retinuerat, nullo alio responso, quàm quod paulo post suum hominem ad Regem missurus esset, qui iis de rebus ageret. Itaq; sequutus eum mox cum literis quidam fuit. Postulabat hic, ut inducias, quæ ante per scriptæ essent, Rex observaret: de Livonia si quid controversiæ superesset, de ea amicè per arbitratores, quos utrinq; nominassent, secum conveniret. Negabat Rex quemadmodum jam ante fecerat, posse se hujusmodi inducias ulla ratione admittere. Nam de Livonia quod adjiceretur, amicè de ea inter ipsos disceptari posse, frustra & ridiculè adjici: semel enim receptis juramentoq; firmatis induciis, in quibus omni Livoniæ jure cederet, nihilq; amplius petiturum se ejus profiteretur, si postmodum de ea ageret, cui dubium esse posset, contra proprium juramentum se venturum: & vel eam ipsam ob rem causâ cadere debere. Quod si in Lithuania Russiaque pacem sibi cum Rege esse vellent: in Livonia armis de jure disceptari: novam quidem hanc induciarum rationem sibi videri: atque etsi intelligeret temporibus Sigismundi Augusti atque interregnorum obtrusas aliquando hujusmodi ab eo inducias fuisse: se tamen cum faciendæ novæ sibi sint non nisi justas facere velle: neminem tam barbarum aut imperitum rerum esse, qui non videat, si constitutis melius rebus suis per Livoniam, in Lithuania bellum redintegrare velit, per hujusmodi inducias, quandocunq; illi integrum id futurum, quibus de cessione Livoniæ conditionem adjecisset; qua bello in Livonia gerendo à rege violata, nunquam illi belli in Lithuania instaurandi causâ deesse posset. Nuntio hoc dimisso Tartari postulata cognita fuerunt. Hic sub idem tempus ad Regem legatos miserat, quod bellum contra Moscum suscipi intellexisset, ex federe, quo Regibus Poloniæ operam suam contra quosvis hostes, unico Turcarum imperatore excepto navare tenebatur; ab altera parte irruptionem in Moscoviam facturum se ostendebat: petebat donativa: Nisoviorum injurias coerceri postulabat. Responsum huic fuit, quod operam suam contra Moscum polliceretur, facere eum officium suum: donativum datum iri: Dantur autem aliquot aureorum millia & certus vestimentorum numerus: Nisovios colluviem ex variis nationibus collectam nec in potestate Regis esse: atque ex ipsis Tartaris & Turcis non raros sese illis aggregare: datum nihilominus operam iri, quantum ejus fieri possit, ut injuriæ illorum prohibeantur, à bello tamen contra Moscum contra quam promiserat omninò abfuit, alio contra Persam, quod à Turcarum imperatore tum gerebatur, advocatus. Aderat & Gottardus Churlandiæ & Semigalia



lia Dux, confirmationemque feudi sui & investituram petebat. Eum Rex Disna sistere se iussit, interim ad Senatum ea dēre retulit. Exercitus inde ut sub principium mensis Julij Suirum conveniret edixit. Venerat jam Vilnam Ungaricus peditatus Christophori Transilvaniae Principis Regis fratris missu: atque iusta equitum ala. Polonicum militem Meletius, qui & ipse sub idem tempus ad Regem redierat, cum segnius à quæstoribus atq; exactoribus expeditare pecuniaria, ob auctoramenta tardius accepta moræ non nihil à milite interponeretur, ut quamprimum ad editum conveniret, acriter urgebat.

Vilna pridie Calendas Julij Rex profectus Suirum inde venit. Ibi Lithuanici equitatus partem vidit; qui cum universus omnibus rebus esset ornatissimus, tum maximè, qui à gente Radivila, & Joanne Kiska structore regio adducebatur. Ibidem de summa belli constituendum ratus quas potissimum partes cum exercitu peteret, ad consilium retulit. Lithuani omnes ferè ad Plescoviam per Livoniam eundum arbitrabantur; quod & propter urbis amplitudinem atq; nomen dignam judicarent, quæ etiam maximo cum labore, ac periculo peteretur: & quod minus contra vim munita putaretur: munita veritate neglecti: nihil ut loco tutissimo atque à metu belli remoto in ea provisum, non magno labore ac periculo portitum ea Regem sperarent. Rex contra existimabat. Nam cum unum id potissimum bello hoc agendum sibi proposuisset, ut Livoniam ab hoste in libertatem vindicaret; intelligebat, si in terram Livoniam bellum transfulisset, præterquam quod in regione crebis urbibus & castellis munita, eademq; tot annos vastata propter commercios inopiam ac frequentes obsidiones, difficilior tardiorq; progressus belli futuri essent, non modo provinciam, cujus liberandæ causæ bellum suscepisset, hosti ac suis denuò vastandam se obiecturum: verum Lithuaniam etiam, quæ ad Borysthenem pertinet, in ea loca omni vi belli conversa, præsidio nudatam hostilibus incursionibus interim se expositurum. Alia etiam via per hosticum Plescoviam si iret, contra rationem rei militaris iudicabat, tot hostilibus præfidiis à tergo relictis per infesta omnia atque invia tam longè in hosticum progredi; ubi nec si quid offensum esset, facilem receptum, nec è propinquo subsidium habiturus esset. Polotia oppugnanda utrumq; consecuturum se prævidebat, ut, cum ea ad Dunam flumen posita esset, proximosq; ad Livoniam & Lithuaniam aditus haberet, & ordinem seriemq; rerum gerendarum securus ulterius deinceps in Moscoviam promotis armis ac quasi circumita Livonia, omni ab ea hoste intercluso, integra potiretur: nec simul à Lithuania longius discederet; atque utriq; tam Livoniæ quàm Lithuanie contra excursions hostium præsidio esset. Accedebat

huc, quod cum secundum Livoniæ recuperationem vel maximè animo Rex agigaret, ut Dunæ fluminis navigationem, qua sola portus Rigensis continetur: quæq; ad tuendam Livoniam excludendumq; ab ea hostem magnam opportunitatem, & commerciorum negotiorumq; exercendorum facultatem insignem habet, Lithuanis Livonibusq; expediret; id si Polotia potiretur, magna ex parte effecturum se videbat: ab ejus præsidio maximam partem Dunæ infestari: inde auxilia commeatusq; Kokenhausium aliaque in Livoniæ castella summitti: excursions fieri: Vilnam Rigamq; mercatura prohiberi. Quod denique nuperrime ab hoste Polotia capta esset, quod recentior in animis hominum cladis ejus memoria obversaretur, eò ex commutatione rerum præsentem lætitiā, maioremque gloriam recuperatæ fore. Alij Polotensem oppugnationem difficiliorem prædicabant, quam ut initio rerum gerendarum suscipi debere videretur: esse eam & loci natura & opere munitissimam: commeatu, tormentis, pulvere, omniq; bellico apparatu ut præsidium finitimum, & quod primos belli impetus excepturum hostis non dubitasset diligentissime provisam. Multum autem in ipsis initiis momenti esse, quibus in utramvis partem facile homines impellantur: plurimumque ad totius belli opinionem, & futurarum rerum spem pertinere ab initio non offendere. Rex cum nihil existimaret esse quod non virtute superari posset; quo majores difficultates propositas intelligebat, eò & benè gestare ad cætera belli persequenda alacriores omnes futuros confidebat: & si quæ incidissent difficultates, longè tamen minoribus iis, omnibus à tergo pacatis, & domesticis opibus propinquis, se occursum. Quibus de causis cum prius consilium omittendum non existimaret, intelligeretque famam susceptæ expeditionis longè lateque ad diversas nationes perlatam; exercitum præterea ex variis gentibus collectum haberet; ac verò non bellum modò, sed causam etiam belli omnibus probatam vellet, editum, Latine prius scriptum, inque Polonicam, Ungaricam & Germanicam linguas translatum, quod ex iis ferè gentibus exercitus constabat, proponit; quo Mosci in se injurias, quibusq; causis per motus bellum adversus eum susciperet commemorat; quod diversis in locis typis deinde editum vulgo extat. Præmittere inde aliquem cum parte copiarum placuit, qui ex instituto rei militaris, quoad reliquos exercitus subsequeretur, hostem compulsum intra muros contineret, viamque reliquo agmini patefaceret: quod autem præcipua auctoritas ac vis imperij penes Polonicum Ducem in castris esset: neq; dum omnes copie Polonicæ convenissent; retento ad exercitum Meletio, Radivilum cum filio Christophoro ac Lithuanicis copis quibusdā Polotiam præmisit. Cum

Cum eodem Gasparem Bekesium cum equitatu Ungarico & cohortibus aliquot ire iussit. Suiro deinde Disnam movit: ea agminis ratione, ut cum imminerent viæ à dextra Krasna, Sula, Turoulia hostilia præsidia ab ea parte Meletius cum exercitu Polonico: in primo agmine Joanne Sbarasio ire iussit, tenderet: Rex lava iter faceret. In itinere aliorum Lithuanorum procerum Stephani Sbarasij maximè Trocensis, Nicolai Dorokostaisij Polotiensis Palatinorum, Georgij item Zenovicij Castellani Polotiensis, quorundamque privatorum elegantissimè ornatæ copię Regem asscutæ, censæ ab eo fuerunt. Per aliquot dies continuos profusæ pluvie cadebat: ex tantam gravioris belli instrumenti, ac tormentorum præcipuè ducendorum difficultatem attulerant, ut jumenta quibus in propriis cutribus Rex utebatur; remittere necesse haberet, quo eo celerius promoveretur, quæ res initio expeditionis oblata illorum, qui Plescoviam tam longo itinere eundum censuissent, opinionem vel tacitè refutabat. Disna equitem ac militem Polonicum, qui tum ferè omnis convenerat Meletius elegantissimè in speciem instructum, & in turmas cohortesq; distributum sub signis decurrentem Regi ostendit. Equites thorace & galea ferrea tecti, præterq; hastam, acinace, veruto, ac binis sclopetis ad ephippia aptis omnes armati erant: ita ut decurrentes non minorem quam ipsi pedites, quorum propria arma sclopeti sunt, fragorem ederent. Eodem quæ nondum convenerant, Lithuanicæ copię venerunt: in his Joannis Chodkevici Castellani Vilnensis, qui gravissimo morbo tum tenebatur, quo non multis diebus post extinctus est, nongenti lectissimi equites: Joannis item Chlebovici Castellani Minscensis & aliorum. Venit sub idem tempus cum Christophoro Rosdrafsevio: & Ernesto Veiero Germanus etiam miles; cujus etiam publicè scribendi facultatem non habuissent, ac raptim saltem nomina dantes quosdam adduxissent; erant tamen ij & animo omnibus pares, & genere armorum atq; usu rei militaris reliquis non multo inferiores.

Erant omnino universæ copię cum genere & numero hominum, tum exercitatione armorum eæ, ut Meletius pro ratione bellis suscepti aptius ferè compositum, meliusq; instructum exercitum eum confirmare non dubitaret, quam quencumque alium vidisset ipsorum, in quibus vel imperitandi, vel domi, ac foris parendi stipendia fecisset; ac ab una aliqua parte vel equitatu vel peditatu plerunq; laboratum animadvertisset. Censis copiis Churlandæ Duci, quem Disnam dilatum supra ostendimus, possessio Churlandæ Semigallieque Ducatus solenni more confirmata, ipseque in clientelam & fidem receptus fuit. Consulti de eo Senatores Lithuani, quorum magna pars aderat & qui ex Polonicis præ-

sentes erant, omnes ut correctis conditionibus, quæ cum Sigismundo Augusto Rege pro ejus temporis ratione non satis commodè tractatæ existimabantur, res finiretur, censebant. In eandem sententiam à majoris Poloniæ, Russiæ item, Prussiæ ac Masoviæ Senatoribus absentibus, per literas responsum fuerat. Minoris Poloniæ Senatores plerique, qui tum forte Lublini judiciorum causa convenerant, quod eo tempore appellationum judicia, de quibus supra dictum est, prima tum ibi habebantur, in comitia rem differendam censuerant; veriti, ut videbatur, ne in Polonorum Senatorum paucitate contra Lithuanos juri in eum ducatum regni satis caveretur. Sed & indignum Regi videbatur, diutius eum ducere, cujus post semel datam fidem nunquam dubium animum: semper eximium studium in rempubl. perspexisset: neque Principis hostibus finitimi in illo Livoniæ statutus, suumq; beneficium in suspensio relinquere satis tutum arbitrabatur.

Itaque perfecta res iis potissimum conditionibus fuit, ut illo fidem obsequiumq; suum Regi pollicente, jusq; jurandum in verba Regis præstante, quo nullius alterius quàm Regum Poloniæ majestatem se culturum profiteretur: Rex è contra patrocinium ac tutelam ejus contra omnes illi reciperet, de jurisdictione, quam in suos habet, ut ad conventum Livoniæ, quem si reliquam Lithuaniam Rex adjungeret, instituturus in ea esset, provocatio ab eo esset cautum fuit. Tendenti ad castra Meletius obviam misit, qui iutra tentorium ejus illum deducerent: apud quem aliquantisper dum vocatur, moratus, inde ad tribunal adductus, signis militariis & universo exercitu circumfuso, solenne jusjurandum Cancellario Regni in verba ei præeunte Regi præstitit. Hostis interim Plescoviam cum exercitu progressus partem copiarum in Livoniam præmiserat. Hæ Duna flumine ad Kokenhausium, quo ut supra ostendimus positus fuerat, raptim transmissio, ac centum quinquaginta circiter Ducis Churlandæ equitibus, qui cis Dunam in statione erant, repentina excursionem rejeitis; Seelburgenseq; Ducis Churlandæ, ac Birsensii Christophori Radivili, agro vastato propere trans Dunam se receperunt; exercitum qui in Livonia fuerat, Christophorum Radivilum Vilnam stipendiorum causa secutum supra demonstravimus.

Interim Joannem Taluossium Castellani Samogitiæ, cum iis, quas raptim contrahere poterat, copiis in Livoniam Rex misit. Philonem Kmitam, qui Orsa præerat, ad Borysthenem, ne quid ex ea parte ab hoste detrimenti acciperetur curare iussit. Jam exercitus cum Palatino Vilnensi Polotiam præmissus Dunam ponte Kaunæ ex navibus ea, qua dictum est, ratione facto ad Disnam transmiserat; nihil hoste contra suscipiente, quo trans-



transitu eum prohiberet; vel quod ex instituto disciplinae Moscoviticae sine mandato Principis ex praesidio miles egredi non audeat: vel quid superiorum temporum successu elatus exercitus, qui Suirum convenire dicebatur, famam contemnerat. Duna paulum progressum continuat silvam aliquandiu morata fuerunt. Nam ex quo Polotiam Moscus ceperat, sedecim fere annorum spatio, quo in potestate ejus fuit, eam partem agri, quae à Duna flumine atque Disna Polotiam tendentibus prima occurrit, desertam atque incultam reliquerat; unde frequentes densissimaeque arbores ut in solo fertili interea temporis enatae fuerant. Verum peditatu Ungarico securibus silvas cedere instituentem, ac celeriter opus perficiente, exiguo temporis spatio difficultates eas superavit. Polotia antiquitus suos Duces habuit, subque annum à nato Christo DCCCC. LXXX. vel ut Russi tempora numerant à condito mundo CCC. C. LXXXVIII. S. VI. M. Rochuoldo Duci paruit: qui à Vlodimiro magno ob negatam ei in matrimonium filiam Rochmedam, ut Moscorum annales habent, bello petitus, vitam pariter cum duobus filiis & imperio amisit. Inde in Monarcharum & Principum gentis Russiae potestatem concessit; quorum extincta stirpe ea, quae in Australi Russia regnabat; Lithuanis, ut quaedam aliae ditiones Russiae cessit. Jagellone apud Lithuanos primum, inde apud Polonos regnante, cum Andreas frater ejus Polotiae dominatum, sub idem fere tempus, quo Jagello Cracoviae insignia regni accipiebat, arripuisset, copiis aliquibus missis recepta mox fuit; continueque inde in fide Regum Poloniae magnorumque Ducum Lithuaniae ad annum LXIII. S. c. l. b. permanuit; quo à Joanne Basilij filio Moscoviae Duce capta expugnataque fuit. Regio Polotiensis ad centum quinquaginta circiter millia passuum in longitudinem, totidem in latitudinem patens cum ubertate glebae, tum fluminum atque lacuum copia nulli cedit. Fluvios navigabiles complures habet, praecipue Dunam, qui in Moscovia non procul à Turopecia ortus, Rigensem portum efficit, omniumque Septentrionis fluminum amenissimus fere ac pulcherrimus est. Secundum eum Dryssam, Usviatam, è Moscovia: Disnam, Ulam è Lithuania: à Smolensco Casplam in eundem Dunam omnes influentes. Plerorumque Lithuanicorum & Russicorum castellorum is fere positus est, ut ad ostium aliquod humilioris fluminis, quo cum majori conjungitur, sita sint, quae ita sita sunt, quod majoris fluminis propinquitas pluribus communis est, à minoribus fluminibus fere omnia nomina indita habent. Hinc Polota non magnus alioquin fluvius arci atque urbi: urbs regioni nomen dedit. Antequam in Mosci potestatem veniret, una arce atque urbe Polotia & castro Jeleriscia tota illa regio continebatur; ceteroquin oppidis & pagis non infre-

quens. Polotiae opes propter summam opportunitatem Dunae fluminis eoque; exerceverant, ut Vilnam caput Lithuaniae divitiis antecederet. Jeleriscia versus Moscoviam in lacu, ex quo fluvius Obola oritur, sita, ab una sola parte angustissimum aditum, & quo vix expedito iter sit, habet. Postquam à Mosco occupata fuit, utrinque castella aliquot excitata, praesidiaque constituta fuerunt, partim agri fluminisque ac navigationis vel sibi retinendae vel turbandae hosti causa; partim ad excursions, quae ut in dubia utrinque possessione frequentes fiebant, prohibendas. A Rege Sigismundo Augusto Disna ad ejusdem nominis fluvij ac Dunae confluentem: Voronecium ad flumen Usviam; Lepelium in insula lacus, qui à Lepelio fluvio efficitur, versus Lithuaniam conditum fuit. Quoniam autem ad hunc locum ventum est, non alienum videtur, pauca de natura situque ejus narrare. Tendunt per eam Lithuaniae partem duo diversa flumina: quorum utrumque navigabile est; ita inter se conjuncta, ut non plus millium passuum quinque intervallo distent; eademque in duo maxima ac longissime distantia maria exitum habent. Lepel, de quo diximus, in Ulam fluvium itidem navigabilem influens, cum eo in Dunam indeque ad Rigam in mare Balticum effunditur: alter Berefina in diversam partem raptus cum Borysthene in Pontum Euxinum deinde erumpit; ita ut supacatae gentes essent, in quarum potestate fluminum horum cursus sunt, in tanta eorum propinquitate, transportandarumque ex uno in alterum mercium, conjungendorum denique eorundem facultate, Septentrio universusque Occidens facillime cum Oriente commercii jungi posset. Sed Dunam Mosci antehac: Borysthene itidem Mosci ac Tartari ceterique de quibus supradictum est, infestum nunc faciunt. Ceterum Sigismundus Augustus Ulam quoque ostium Castello munire aggressus, Veneto architecto quodam una cum opere ab hostibus interfecto, non sine detrimento dejectus fuerat; cumque hostis eundem locum munire instituisset, & Augustus magnis à Rodoskovio summissis copus, ac summa vi diu frustra eum oppugnasset, tandem sequenti aestate per Romanum Sangutconem Palatinum Braslavensem, dum Moscus vetus praesidium novi inducendi causa deducit, receperat: superiorem verò ejus partem Lepelique fluminis cum Ula confluentem imposito castello Ciasnicia jam ante communierat. Simili ratione Moscus ultra Dunam quinque castellis exstructis, totius agri ejus possessionem sibi firmaverat. Sokolum in via Plescoviensis in fluminem Dryssae & Nisicis peninsula quadam Lithuanicis castellis Disnae & Dryssae opposuerat. Nisicerdam ad lacum cognomine triginta à Savolocia passuum millibus: Sitnum in Lucensi via ad superiorem Polotae partem. Kossianum deinde loco ab Obola flumine

velut

velut circino circumducto. Usviatam ad fluvium itidem cognominem ac navigabilem in Dunam ad Surasum ex adverso Casplae fluminis influentem: illud contra Ulam; hanc contra Vitepscium & Surasum excitarat. Cis Dunam Turouliam, ad cognominis amnis caput, quo in Dunam influit. Sussam vero singulari consilio Lithuaniae versus in lacu, qui Turouliam emittit, loco munitissimo, atque undique circumdato, agitans jam animo bellum Lithuanicum, Vilnamque opinione praecipiens sedem bello futuro posuerat; itaque natura ante munitissimam opere communierat, omni apparatus bellici genere instruxerat; pauca ut praesidia instructiora eo haberet. His Krasnam superadjunxerat, superiori in loco itidem ad Lithuaniae spectante. Kosakki igitur Lithuanici Francisco Suko duce ad belli suscepti famam in finibus globo facto Krasnam noctu repente scalis admotis adorti praesidio munitionibusque ac satis magna commeatus copia una cum castello potiuntur. Ab altera parte Kossianum ultra Dunam atque simili eventu repentina excursionem Kosakorum capitur & deletur.

Palatinus interim Vilnensis Polotiam cum liis, quas circa se habebat, copiis pervenerat, quas hostes conspicati subito copias suas productas sub portis instructas ostendunt; nullaque justa pugnandi facultate data intra munitiones se recipiunt; eques tamen pugnandi avidus sub ipsa mœnia in eas proventus, unum atque alterum hastis transfixit. Eodem tempore Ungari & Lithuani Sitnum, via quae Plescoviam ducit, subito Polotia excurrentes, ut re improvisa & repentina eam incendunt. Cum ad Polotiam Rex iret, à laevaque Sokolam castrum hostile haberet, veritus ne majoribus à Plescovia copiis summissis, commeatui ac subvectionibus nostris incommodi aliquid ex eo hostis afferret, an ad id oppugnandum ex itinere diverteret, cum Meletio deliberabat: verum postea saepe majorum rerum gerendarum opportunitatem in minutionibus oppugnationibus consumi cogitans, & ad Polotiam caput provinciae properans, celeriter consilium omisit: ternisque castris, quemadmodum Meletius cum expedito equite praecurrens ea designarat, Disna Polotiam pervenit. Dum Polotiam exercitus contendit, Mosci Polonos & Lithuanos, quos à multis annis in squalore & compedibus habuerant, cum cruciati interfectos atque trabes alligatos secundo Duna terrorem venientibus id allaturum rati, obviam demittunt. Rex Joanne Samoscio Cancellario & Gaspare Bekesio solis assumptis, Meletio interim exercitum curante privato cultu, subsidisque contra eruptiones loco opportuno dispositis, urbem circumvestus situm loci cum iisdem cognoscit; simulque eodem in loco, à qua potissimum parte oppugnatio instituenda sit, deliberat.

Constabat Polotia duabus arcibus, una in editiori loco posita, eademque media; quam sclopetariorum sua lingua Mosci appellabant: & oppido Sopolotta. A meridie Dunam habet, qui modico versus Occidentem flexu, rectam inde Rigam tendit, ad eamque mare influit. Polotta recto è Septentrione cursu paulum versus Orientem sub arce sclopetariorum, inde rursus in septentrionem declinans, radicesque collis, in quo superior arx posita est, complexus, eandemque ab oppido separans in meridiem versus paulò infra eum locum cum Duna commiscetur. Media, quam diximus, arx in colle altissimos despectus habente posita, à meridie, ut ostensum est, Dunae flumine, à septentrione & ortu Polotta fluvio oppidoque Sapolotta: ab occidente sole sclopetariorum arce, undique monte, cui imminet praerupto, altissimisque fossis ac vallo, quovis fere artificio, factis firmioribus continebatur: muros & propugnacula ex aliquot inter se divinctis validissimorum roborum ordinibus firmissima habebat. Sclopetariorum arx inferiori loco occasum versus in colle tamen modicè acclivi, posita ab Oriente brevi ponte cum superiori arce conjungebatur. Oppidum cum olim cis Polottam sub colle, quem sclopetariorum postea arce Moscus communivit, fuisset; deletum in oppugnatione ab hoste fuerat. Postea cum confirmata jam possessione propter commerciorum usum, quorum loco tam opportuno summa facultas est, restaurare id institueret; quod ab illa parte maxime opportuna oppugnatio ei fuerat, veritus ne inde rursus nostris pateret, trans Polottam fluvium atque summam arcem in locum inter utrumque flumen medium transtulerat: ut positu ejus quasi triangulari, unum latus Duna, alterum versus summam arcem Polotta fluvius, tertium fossae turresque tuerentur. Regi dubitandum non videbatur, quin à media eademque summa ac munitissima arce ordiendi oppugnationis esset; propterea, quidè quicquid in reliquis oppugnandis laboris ac temporis sumeretur, suprema salva, nec receptu hostibus nec obsidionis ex ea sustinenda spe defutura nulla de causa sumptum iri appareret: ea verò expugnata occupato loco superiori, eodemque munito, & in quem omnis commeatus apparatusque bellicus collatus ab hoste esset, oppidum quoque atque alteram sclopetariorum nullo negotio in potestatem perventura.

Accedebat huc, quod ab oppido difficilior deinde arcis oppugnationem transitus fluminis Polottae, qui radices collis, in quo arx posita erat, complecteretur, facturus videretur. Bekesius nihilominus oppidum Sapolottam, quod secundum Dunam flumen euntibus primo loco occurrerat, prius tentandè censebat; quo expugnato, & si deinde in arcem hostes se reciperet; tamen praeterquam quod

incom-



incommoda obsidionis omnibus in unum locum compulsi ea res auctura esset; spem prætere illis, nostris laborem minuram, animosque addituram: nec difficiliorem multò, quàm ab iis partibus futura esset ab oppido oppugnationem futuram; cum Polotta videretur omnibus ferè locis vado vix crurum tenuis transiri posset; atque erat sanè ea humilitas fluvij id temporis. Regem ut in sententia perstaret, Samosci cum primis urgebat; quod cum iterum cognoscendi situs causa solus propius sub eum locum, in quo oppidum antea fuerat, & quem Pozar illi sua lingua ab incendio oppido tanquam bustum vocabant, successisset; longè inde faciliorem ascensum, neque fossarum & collis eam altitudinem, quæ ab aliis partibus erat, esse animadvertent; arcemque sclopetariorum in collo ab imo acclivi ita positam, ut à summitate collis, quæ ad exteriorem partem pertinebat, tanquam gibbus aliquis enatus telorum commodè adiaciendorum iis, qui in arce erant facultatem præpediret. Dum cum Meletio, & Senatoribus reliquis, amplius deliberare Rex vult, Germanus miles privato consilio Polottam transgressus, locum ab oppido aversum contra summam ac sclopetariorum arces ad Dunam castris capit. Veritus hinc Rex, ne ex æmulatione nationum dissidij aliquid oriretur, ut ad oppidum, quo loco Bekesius cum Ungaris cohsiterat, munitiones agerentur, permisit. Inde Regis castris trans Polottam flumen medio inter eum & lacum quendam spatio, infra locum, quem à Germanis occupatum diximus, locus deligitur eoque binis castris exercitus à Meletio traducitur. Univerforum castrorum totiusque obsidionis hæc ferè erat facies, secundum flumen à Disna Polottam euntibus versus oppidum Sapolottam ad Dunam flumen primi Ungari confederant loco ad commearus excipiendos, cum primis opportuno; quod inferior fluminis pars pacata erat, omnesque subvectiones in eum ferè locum concurrerent, tum Duna etiam ponte nota ratione ex navibus composito ibidem stratus esset. Infra Ungaros cis Polottam Nicolaus Radivilus Palatinus Vilnensis cum Christophoro filio, subque eorum imperio stipendiaria copiarum Lithuanicæ, inde diversæ voluntariorum, quicquid reliqui erat spatij Polottam usque diversis castris compleverant. Ultra Polottam inter flumen & lacum quendam, quemadmodum ostendimus, regia castra erant. In his Senatores & equites Poloni magna ex parte erant: præter hos Nicolaus Christophorus Radivilus Marchaldus palatij Lithuanici, quiq; tum perabsentiam Marchalci Polonici comitatu universono præerat. Medium castrorum locum Senatorum tentoria amplexa ferè erant; quorum ut quisque potestate & honore antecederat, ita locum Regi præproximum ceperat. Hæc cum tertiis tentoriorum ordinis ambientes binorum vicorum paribus inter se spa-

tiis distantium seriem efficerent: bini etiam ad eosdem aditus portæque relictæ fuerant, totidem castrorum portæ erant excubiis stationibusque militum formatæ, externorum castrorum partem currus circumjecti, catenisque ferreis inter se devincti more gentis Polonicæ muniebant, ad quos in majoris impetus aut periculi expectatione, fossam etiam ducere, aggerem curribus obicere, atque ita munitissimi oppidi faciem castris circumdare solent. Supra regia castra Germani loco, quo ante ostendimus, confederant. Ad Polottam exercitu jam existente à Marchione Georgio Friderico, in Prussia duce quingenti lectissimi pedites supervenerunt; qui quemadmodum ipsi voluerant, inter Germanos loco iis assignato, iisdem cum Germanis castris recepti fuerunt.

In eadem causa alij quoque fuerunt, à Podolia aliisque extremis regni finibus; qui cum propter locorum longinquitatem maturius adesse non potuissent, ad Polottam reliquum exercitum assecuti sunt; in his è voluntariis, Constantinus Constantini Ostrogia Ducis filius cum lecta equitum ala; & alij quidam. Bekesius interim Sapolottam oppidum oppugnare coeperat, atque ad munia vincis, tormentis jam quatiebat. Mosci desperata oppidi defensione, & quod in omnes casus hæc à principe suo, qui in præsidio sunt, mandata habent, omnibus rebus exportatis oppidum incendunt, atque in summam arcem se recipiunt. Proferuntur munitiones ad arcem flumenque Polottam, quod radices montis, in quo arx posita est, ambire supra ostendimus, magna Ungari militis virtute; ut est summi genus laboris ac tolerantia; cum per partem oppidi opus institueretur, ac sæpe in sepulchra atque cloacas, aliaque sædissima quæque incurreret. Ita instituta oppugnatio erat, ut Ungari ad dextram ab ea parte, qua oppidum fuerat; modico ab his intervallo Poloni: inde Lithuani pedites, quos Stephanus Zbarasius Palatinus, Eustachius Volovicius Castellanus Trocenses atque alij nonnulli voluntarij adduxerant, oppugnarent, medio inter hos loco inferius aliquantò non longè à flumine Polotta ducenti lectissimi Ungari pedites à Samoscio scripti excubabant, eo ferè positi, ut reliquo Polonico & Ungarico peditatu supra eos duobus locis inter se oppositis collocato, ducenti hi tanquam summum angulum trianguli tenere viderentur, ab altera arcis parte trans Polottam, qua sclopetariorum arci conjungitur, Germani, quos eo loco confedissee dictum est, à suis castris munitiones versus arcem agebant. Bekesius primò tormentis quater arcem instituit; quod ubi minus succederet, propterea, quia cum ex materia constaret, potius perforarentur aliquibus in locis muri, quàm sternerentur, candentes globos jacere coepit. Genus id est incendiiorum in superiorum temporum dissensionibus civilibus Ungariæ à Rege ipso institutum: cum

ea,

ea, quæ ab aliis ex diversis incendiiorum nutrimenti excogitata essent, magis ad speciem & terrorem comparata, quàm magnam ad inflammandum vim habere videret. Globi igni excocti dum planè eum imbiberint, ita in tormenta mittuntur, ut inter eos & pulverem tormentarium, justum spatium arena aut cinere primum, inde recenti atque humida herba compleatur, ne pulvis ignem ex globis rapere, ab iisque inflammari possit. Itaque in adversos muros ejiciuntur, quæ res quod globi lignis impacti diutius lateant, eandemque ob causam non tam facile, atque flamma opprimi possint, magnū ad incendia excitanda usum habet: eaque ratione Pharus Gedanensium Rex exusserat. Hic tamen hac etiam minus proficiebatur, propterea quod cum altius aliquantò jacti essent, eadem ratione muros tantum pervaderent, cum in inferiorem locum ad fundamenta murorum, vel hæere possent, adigerentur, in clivum ferè, qui arcem sustinebat, quique ita prominebat, ut adversus locum, in quo tormenta regia erant, & si & ipse non humilis, inferior illo tamen esset, impingebant, itaque accipiebantur. Simul Zephyro vento per complures dies flante atque effusissimi imbres erant, ex his Polotta amnis tantum aquarum conceperat, ut qui antea pedibus non incommodè transiretur, tum ab equite sine periculo, transmitti non posset; pontes autem omnes ferè, qui inter bina castra erant, interromperet. Unus tamen ab initio statim, postquam ad Polottam accessum fuisset, à Joanne Bornemissa ad molendinum quoddam exustum sublevis aliquot sub aqua repertis, trabibusque salis super eas injectis, inter munitiones ipsas ac propugnaculum, quod oppugnabatur subitario opere factus perstiterat. Cumque per unum pontem non satis commodè miles ad oppugnationem iturus videretur, Bekesius cymbis aliquot piscatoriis depressis novum in eo pontem effecit. Verum eo etiam paulò post continuis tormentorum ictibus in eum directis ab hostibus merso, unus relinquebatur, de quo dictum est, quem & pars aliqua molendini ab incendio relictæ à tormentis hostilibus tutabatur.

Bekesius igitur eum & tormenta & globos candentes frustra ad moveri animadverteret, ut quisque maxime impiger in proximo constiterat, præmiis maximis propositis ut facilius ignem muris subicerent, hortatur, perque pontem atque adversum collem rectè ad arcem mittit: iis ex Polonorum Lithuanorumque munitionibus alij mox submittuntur. Occurrebat singulari militum nostrorum virtuti omnibus locis eximium hostium in defendenda arce studium.

In primis magno incommodo nostros afficiebant ingentis molis trabes in superiore parte muri, cujus latior ambitus, quàm inferioris erat, jam ante in eum casum ab hostibus constitutæ; quæ levi impulsu in nostros deturbatæ, ac per clivum prævolatæ magna cum

strage, ut quosque arripuerant, secum ferebant, rarus vero in restinguendis ignibus omnium ardor erat, ut non ætate confecti, non mulieres, non pueri, vel laborem vel periculum recusarent; quo minùs & magna copia aquam aliaque opprimendæ flammæ suis supportarent, & in succedentes nostros profundè rent, cumque omnibus ex partibus, directis in arcem ac propugnacula tormentis, à nostris peterentur, accidit, quod dignum admiratione visum est, ut non pauci extra muros funibus demitti se paterentur, aquasque ab aliis subministratas superiori ex loco pendentes ad restinguendos ignes, qui foris admovebantur, defunderent: iisque certissimis nostrorum tormentorum ictibus sublatis, non deessent toto illo tempore oppugnationis, qui priorum in contemnendo periculo virtutem imitarentur, inque locum eorum, qui exanimati fuerant, succederent.

Inter hæc pluviae ac tempestates, de quibus dictum est, adeò obfessis erant secundæ, ut vulgus militum carminibus, quibus alias gens ea prava superstitione dedita existimatur, motas crederet; quæ & incendia morabantur, itaque fossas omnes compleverant, ac solum inundaverant, ut nusquam ferè consistendi locus militi daretur. Desiderati in oppugnatione hac sunt aliquot viri fortes, in ijs & Michael Vadasius, qui multis in præliis fortiter verisatus, & ob virtutem militi Ungaro præfectus fuerat, dum ad tormenta Polonicarum munitionum cum Stanislao Penkoslavio & aliis præfectis Polonis consilia communicat, globo trajectus fuit. Nicolaus Christophorus Radivilus Marchalcus, majoris tormenti vi fragmentis quibusdam murorum hostilium in castra usque delatus, iisque frontem atque oculum perstrictum non leve discrimen adiit.

Non minus tamen ferè hostes etiam incommodum acceperant. Cum quoties ad restinguendum incendium conferti unum in locum concurrissent, tormentis, quemadmodum dictum est, in eum directis densissimis ictibus peterentur; ac non globis modo frequentes interimerentur, sed fragmentis etiam lignorum ac trabium, quæ globi secum rapiebant; quæque majorem ferè quàm globi ipsi stragem edebant, non pauci opprimerentur.

Ad oppugnationis difficultates accedebat summa commearus & subvectionum angustia; quæ à sola ferè Disna, & ab inferiori parte fluminis sustentabantur. Vilnam enim versus, quæ amplius ducentorum viginti quinque millium passuum spatio inde distat, Postovam usque quæ paribus inter Vilnam & Polottam ab utraque intervallis sita est, omnia hostis vastarat; tum verò propterea etiam minus commodè subvehi inde poterat, quod Susa in potestate hostium adhuc erat; cujus in præsidio qui erant, superioribus diebus Kosakkos

M

Lithua



Lithuanicos, quos Krasnam interceptisse supra ostendimus, securius agentes noctu oppresserant, castrumque incensum solo æquarant: & tum vias subvectoresque nostros Vilna venientes infestabant. A superiore parte fluminis propter Turouliense præsidium nullam etiam in partem liberæ frumentationes pabulationesve erant. Excurrebat cum levioribus tormentis aliquot eò Franciscus Sukus, spe magis, & terrore, quam vi ejus potiundæ: Sed Polotia integra satis fiducia spirituumque hoste habente re infecta discesserat. Ex aliis partibus versus Plescoviam & Lukos per centum ferè millia passuum densissimæ atque inviæ sylvæ erant. Ad hæc Moscus, quem cum exercitu ad Plescoviam pervenisse supra demonstravimus, cum obsideri Polotiam intellexisset, lectissimam totius exercitus partem Borisio Seino, & Theodoro Scremeto ducibus subsidio obsessit miterat, qui cum tutò Polotiam in omnes vias nostris intentis pervenire se non posse existimarent, Sokolæ substituerant; atque & si Polotiam non accederent, ad Disnensem tamen viam excurrebant, frumentatoresque ac pabulatores nostros excipiebant. Miserat initio contra eas copias Rex Christophorum Radivilum cum lectis aliquot equitum alis; ei Joannes Chlebovicius Castellanus Minscensis se adjunxerat; cumque hostis aut intra munitiones, aut suo loco se contineret, nec justam pugnandi facultatem daret; nostri tamen in eos inveci sub mœnibus equestre prælium cum ijs fecerunt, quo utrinque aliquot caesis, atque ex nostris Nicolao Kamenscio nobili equite interfecto, captivis aliquot Moscis abductis, ad Regem revertuntur, qui ibi quoque majoribus copiis rem gerendam ratus finem oppugnationis Polotiensis expectandum statuit: in præsentia equitum stationibus aliquot contra eos collocatis. Augebantur incommoda hæc, quod viæ largissimis continuisque imbris ita corruptæ erant, ut jumenta cum eluctari è luto non possent pleraque labori immorerentur, omnesque viæ cadaveribus equorum complerentur. Ita enim solum pingue ac per se humidum, omniaque adeo aquæ penetrarant, ut ne sub pellibus quidem in ipsis procerum tentoriis locus, in quo consisti posset, relinqueretur. Quibus rebus fiebat, ut cum undique à comœatu interclusi nostri essent, non mercatores etiam initio hoc rerum in eam vastitatem castra frequentes securi essent, eò usque annona ac pabulum potissimum excreveret, ut quod inauditum antea in Polonia maximè fuerat, singuli modij avenæ denis taleris emerentur, qua generosiores saltem equi sustentarentur; reperirenturque ex Polonis & Ungaris, qui mortuorum equorum carnibus vesci non dubitarent, quod per se novum & insolitum, nō tamen tam mirum videbatur; quam quod corpora eorum morbo ex ea causa tentati non animadvertentur. In

communibus omnium angustiis maximè premebantur Germani; non modo quod inter frequentes urbes bellum gerere assueti minus à necessariis rebus ad eas difficultates parati accesserant; sed quod eo etiam loco castra faciebant, ad quem ultimò comœatus perveniebat; in fronte Ungaris, inde Lithuanis, ab ijs regiis castris positis, ad quos ut propius Disnā versus quique horum confederant, comœatus indè venientem primo loco pervenire necesse erat. Prussici tamen, qui à Marchione missi fuerant, ut in majoritarum regionum necessitatibusque peritiis cū curribus, tum comœatu aliisque necessariis reb' optimè à Principe suo instructi erant. In hac omnium rerum difficultate summa tamen erat constantia Ungari præsertim militis, ante alios Bekesius qui alioquin gravibus articularum doloribus, ac ventriculi imbecillitate vehementer confictebatur, minime ob hæc animo fractus, nunquā melius se valuisse jactabat: semper apud tormenta esse; ibi cibum sumere: ibi quiescere: itaque inter pericula se veriebat, ut qui proxime circa illum obversabatur, & in his Joannes Kurosius, tam propinquo è loco, ut sanguine suo illum aspergerent, non pauci interimerentur. Polonicus etiam peditatus etsi nuper admodum scriptus erat, nihilo secius tamen animo nec ipse se demittebat. Cum tantum undique difficultatum circumstaret, eamque ob causam ad consilium, quid deinceps facto opus esset, Rex retulisset, hujusmodi pleræque sententiæ dicebantur, ut quod jam ante sermonibus à plerisque agitarum fuerat, corona facta omnibus ex partibus universi exercitus omnibus viribus oppugnatione tentaretur. Id ea de causa Rex non probabat, quod si id frustra susceptum esset, in quo summam spem omnes ponerent, ut deinde, tanquam omni ea contumpra, præter discessum nihil reliquum haberent, verebatur. Itaque alia prius omnia tentanda existimabat. Ungarum militē maximis præmiis propositis, ut muros denuò subeat, excitat: equitem ut quisque maximè manu strenuus erat, ut una cum peditibus equo, muros succederet, hortatur: cum primis ejus rationē habendā docet, ne quem admodum antea fecerāt, priusquam vires plane incendia sumerent, se reciperent: sub muris denique telisque hostium mortem pro gloria gentis opinioneque fortitudinis militaris oppetere præstare, quam infecta re ab oppugnatione discedere, contumeliāque hæc accipere. Ita milites magno ardore sub mœnia arcis tædas, quæque in eos usus jam ante præparata erant, alia præ se ferens succedit. Et cum tanquam inclinante fortuna pluvie sub id tempus paulum quievisset, ignis fundamentis illatus, murosque latius id mox corripuit: idemque longè lateque amplexus, totum eum diem cum extingui nō posset, populabatur. Erat hic Augusti vicissimus novus. Interim cum incendium excitatum latissimè colluceret, verereturque Rex ne ex vicinis locis maximè autem, Sokolæ, ubi lectissimam partem exercitus Plescoviam à Mo-

à Mosco coacti consedissee supra ostendimus, hostes ipsis ignibus exciti, ad liberandam ab incendio arcem atque suos concurrerent: & ex arce simul eruptio tentaretur, exercitum universum castris productum, iusta peditum manu præsidio castris relicta, sub signis in campo constituit. Ipse aulico equitatu præsidio assumpto, quò melius in omnes partes animo occurreret, Polottam transgreditur: quod & Sokolensis via illac duceret, & eruptio si qua tentaretur, ab illa parte maximè timenda esset. Territi his rebus Mosci de deditioe agere cœperunt: decemque de muris se dejicientes ad nostros transfugunt. Eos dum Bekesius ad regem mittit, Ungarus miles, ut cæteros à deditioe deterreret, ne per eam expugnatae arcis gloria victoriæque fructu atque omni laborum suorum præmio privaretur, trucidat.

Præter cætera enim, cum arcis tam famosa, tum præcipuè ædis D. Sophiæ, quæ in illa est, vetustissimarum opum, argentearum statuarum, amplissimorumque præseorum Russiæ Principum donariorum, quæ in illa fuisse dicebantur, fama ingentis prædæ spe militum animos compleverat: qua illi incensi omnes acerbitates, quod ea potirentur, æquissimo animo perferebant. Cum jam ad vespersceret, magni & laboris & periculi videbatur, in tam præruptum collem per flammam evadere: durabat enim adhuc incendium, nec nisi per id illa alia via militi in arcem patebat; hanc ob causam insequentem diem rem differri placebat. Interim dum in castra Rex se reciperet, ex Ungaricis stationibus, nonnulli inter se ipsi cohortati globo facto, per pontem, de quo dictum est, in adversum collem contendunt, perque flammam nondum restinctas semiambusti in arcem evadunt. His Poloni pedites non pauci exemplo invitati se adjungunt, contra eam partem, in qua incendium excitatum erat, subitatio opere fossam Mosci duxerant, per eamque minoribus tormentis dispositis in omnes casus se communierant, à quibus nostris rejectis, perque flammam inde, quò temerè progressi erant, recedere coactis, Mosci hoc successu elati, longius eos insecuti sagittis à tergo feriebant.

Interim ducenti Samosci pedites, qui præsidio, ut dictum est, ponti erant, per quem in arcem ibatur, repulsi conspicati, auxilio nostris accurrunt, Moscosque se recipere cogunt. Rex cum paulum versus castra progressus fuisset, atque interim irruptionem hanc militis conspexisset, ad ferendam munitionibus opem, in Sokolensem potissimum viam intentus, quæ usui sint, disponit. Idem Meletius facit: equoque descendens, ac multos è nobilitate, qui idem fecerant, secum trahens, munitionibus tormentisque præsidio accurrit. Non deerant sibi eo tempore hostes, exque altioribus turribus, præsertim verò medietate arcis ut longè cæteris altioris, creber-

rima in omnes partes tormenta exonerabant, ab ijs dum Rex cum Samoscio forte colloqueretur, uterque non leve periculum adiit. Nam cum fortè Samoscus à colloquio eo equi mutandi causa se convertisset, & eques quidam in ipsius locum incautius se intulisset, globo penes ipsum Regem exanimatus cecidit. Motum hunc nox suppressit, insignemque simul animorum mutationem attulit, ut de maxima spe, quam ex diei illius incendio conceperant, in adversum casum dejectorum, querebantur omnes hostium animos hoc successu auctos, nostrorum imminutos. Inde inter nationes quoque dissensiones oriebantur, cum Poloni in Ungaros culpam temeritatis conferrent, ab iisque initium factum dicerent: & postquam in arcem perruptum fuisset, non satis animosè altera ab altera rem gestam diceret.

Has ob res sequentis diei antemeridiano tempore solo ad confirmandum militum animos dato, iterum oppugnatione cœpta fuit. Pridie Mosci, quemadmodum ostensum est, ex propugnaculo, quod conflagraret, se subdulerant: cumque is potitus ejus esset, ut in summo duorum conjunctorum laterum, quæ utrinque quasi tutabatur angulo collocatum esset: Mosci angulo, & quod inter duo proxima opposita inter se propugnacula, ad quæ ignis nondum pervenerat spatij intererat, omni deserto, propugnacula eadem inter se conjunxerant: interim verò spatium ad eundem locum, quem antea reliquerant, recipiendum nactus se rati, repetere eum cœperant. Hac re ad Regem delata, qui nullum sui rursus, ibi communiendi tempus ijs dari volebat, mox militem sub vallum rursus succedere, hostesque dejecto locum occupare jubet. Itaque pars ea montis subito Ungarorum impetu capitur, ab ea deinde quemadmodum iussi erant, secundum proximum latus munitiones proferunt: Petroque Racio nobili equite Ungaro ijs præeunte, propugnaculo, in quod primum incurrerant, ignem injiciunt, ex quo cum incendium ortum per totam noctem duraret, nostri majoribus etiam aliquot sclopetis, quibus hostes infestabant à fronte dispositis, eoque per totam noctem continuo opere fossas perduxerant, ut sub auroram ab hostium munitionibus non multum abessent, adque inferiorem ejus loci angulum, in quem nimirum fossa ab hostibus pridie ducta definebat, ferè pertingerent: latera autem hostium ita nudarentur, ut ne intra præsidia quidem sua tutò consistere possent.

His rebus ab omni defensionis spe hostes interclusi ad deditiois conditionem redeunt: mittuntur communi omnium Bojarici generis, ac militum nomine legati, qui vitam ijs, qui in arce sunt, pacificentur. Impetrant, ut singulis cum vestimentis, quò quisque velit se recipere posset. Episcopus, quem Vladicam illi vocant, Cyprianus



anus & Palatini, qui in arce erant, soli deditio- nem dissuaserant; mortemque subire præstare, quam vivi in potestatem hostium se trade- rent, contendebant. Jamque antè pulveri tor- mentario ignem subicere, communiq; incen- dio arcem seque & omnes, qui in arce essent, absumere conati, à militibus prohibiti fue- rant: & eorum sententia eorum communi reli- quorum omnium metu repudiata, illi tamen in ædem D. Sophiæ se contulerant, non prius- quam vi inde abstraherentur, decessuri. Rex retentis apud se legatis, mittit qui Episcopum & Palatinos ad se adducerent. Adducti in fa- ciem procidentes more suo Regem salutant; unus præterea Petrus Volenscius alterum ex iis Basilium Mikolinscium accusabat, quod o- pera ejus ad principem suum delatus, inq; vin- culis habitus fuisset. Rex non cognitionis tempus hoc esse ostendens Laurentio Voinæ quæstori Lithuanicæ, qui curam eorum habe- ret, tradi eos jubet. Mittit indè, qui arcem ac- cipiant, partim Polonos, partim Ungaros. Al- tero die cum rei divinæ operam dare ante omnia Rex vellet, proq; obtenta victoria grates Deo agere, fœtore projectorum passim cada- verum, quæ insepulta hæcenus Mosci relinqui- rant, arcem ingredi prohibitus, Moscos, qui in arce ad hoc tempus remanserant, educi iussit. Ei rei præponuntur, qui ab injuriis militis eos defendant, decedentibus duplex locus assignatus fuit; in alterum, qui in regis ditionem atq; fidem venire: in alterum, qui in Moscoviam redire vellent, concedebant. Utrisque liberum de se commodisque suis sta- tuendi arbitrium permittebatur; major pars reditum in patriam & ad principem suum eli- gebat; insigni in utrunque fide ac perseveran- tia; cum eorum nemo esset, qui non ad cer- tissimam mortem & exquisitos cruciatus proficisci se existimaret. Pepercit tamen iis Moscos; seu quod extrema necessitate ad- actos existimaret; seu quod adversis rebus, ut de animo, ita de crudelitate remiserat; per- que vicina præsidia Lukos, Savolotiam, Ne- velam, Usuiatam eos distribuit, in quibus de- ditionis Polotiensis ignominiam virtute dele- rent. Ne à milite injuriam acciperent, summam Rex curam adhibuit itaque accidit, ut cum inspectante Rege ex arce digreden- tes, quidam in tanta multitudine facillè latitu- rum se ratus, aliquos spoliaret, eum Rex ipse clava in illum invecus, notaret. Ea res tantam illi venerationem in animis hostium faciebat, ut quò magis clementia atque fi- des ignota hominibus durissima servitute op- pressis essent, eò magis in illo virtutes hæc admirarentur. Reperiebantur per aream arcis dispersa corpora nonnullorum militum nostrorum; quos illi, quod in tanta victus at- que omnium rerum inopia evenire necesse erat, in subjectis arci sclopetariorum hortis herbas, quibus extremam famem tolerarent, legentes opprefferant; atque intra munitio-

nes suas abstractos immani cruciatus lacera- rant. Maxime in Germanorum unum atq; alterum crudeliùs, quam in cæteros sævitum ab illis animadvertēbatur. Crurum tenuis in lebetem impositos igni circumjecto fer- venti aqua vivos coxerant, manibusq; eorum fune per lacertos trajecto à tergo revinctis, ventrem totumque corpus eorum, crebris in longitudinem per id factis vulneribus ad scissi thoracis modum scēdissimè laniarant. Fre- mebatur passim hanc ob causam à militibus. Rex tamen fidem semel hosti datam nulla ra- tione violandam ratus, iis qui in Moscoviam redibant, duas alas equitum, qui ab injuria eos tuerentur, adjunxit. Postridie supplica- tiones ob rem prosperè gestam, cum in arce eam, quam diximus, ob causam haberi non potuissent, in castris habitæ fuerunt. In Po- loniam etiam de iisdem habendis edicta mis- sa. Præda minor expectatione ac fama tam opulentæ arcis reperta fuit. Repererat in ea Moscos auri argentique non modo publici ac sacri, sed privati etiam maximam vim; quam nobilitas mercatoresq; Polotiensēs sub periculum oppugnationis in ædem ad sum- mum congelierant; sed capta urbe gazam omnem paucis donariis relictis in Moscoviam secum avexerat. Omnis militi concessa minimè tamen spei ejus satisfecit. Non mi- nori ferè in pretio, quam reliqua præda, bi- bliotheca ibidem inventa apud homines lite- ratos habebatur. Erant in ea præter anna- lium libros, plerique Doctores ecclesiastici Græci, ac in us Dionysij Areopagitæ de hie- rarchia cælesti & ecclesiastica libri Slavica omnes lingua; quorum plerosque à Metho- dio & Constantino in eam linguam à Græca traductos ipsorum annales tradunt. In ec- clesiasticis enim institutis à cæteris fere ejus- dem etiam ritus gentibus hoc vel maxime Mosci differunt; quòd conciones apud po- pulum, quibus is erudatur à Sacerdotibus nullas haberi patiuntur; sed quæ à veteribus doctoribus Græcis tradita sunt, in suam lin- guam in hunc usum traducta, studiosaque conquisita è scripto publicè pronuntiant; sed quòd homines nullis literis eruditi suo inge- nio minus confidunt; seu verò, quod propius vero videtur, ne pro curiositate ingenij hu- mani nova inveniendi studio ab antiquitate ac veritate recedatur. Apparatus bellici maxime autem pulveris tormentarij tantum reliquum fuit, ut licet per id omne obsidionis tempus magna ejus pars absumpta fuisset, nihil tamen adhuc ad longissimā quamvis obsidionem to- lerandam defuturum ijs fuisse videretur, com- meatus enim atq; pabuli satis magna copia in- venta ex labore & inopia exercitum brevi re- fecit. Sed dum è tot incommodis sibi quisque primo prospicere contendit, jurgia inter na- tiones Polonicam & Ungaricam orta eò us- que proruperunt, ut cuneo facto strictis utrin- que gladiis mutuo in se irruturæ consisterent.

Jam

Jam ante miles Polonus circulari: fremere toris castris: contemni virtutem suam ab Ungaris: eos omnibus se anteferre: fructus victoriæ prædamq; omnem solos interverte- re: pro illorum laude & commodis bella sus- cipi. Inter quas gregarij militis dissensio- nes, Senatorij etiam ordinis, ducumque ipso- rum offensiones nonnullæ existerant. Nam & Meletio cum Palatino Vilnensi et si arētissi- ma necessitudine conjuncti inter se essent, ex communione muneris alienationis non nihil intercessisse videbatur: interque eundem & Samoscium, & si non minor necessitudo inter eos intercederet, ne satis tamen alter ab alte- ro amaretur, dubitatio suborta videbatur; cum hic si quid ad rationem muneris ejus spe- ctans attingeret, offensum eum iri existima- ret. Meletius pro mutua necessitudine non satis auctoritatem muneris sui juvari à Samo- scio arbitraretur. Angebatur maxime ani- mo ea dignitate atq; auctoritate vir, quòd à Bekefio alijsq; exteris non satis majestas tanti magistratus, cujus in regno hoc summa sem- per auctoritas fuisset, observari putaretur: imperijque militaris majestatem in se immi- nutam videri moleste ferebat. Acuebantur dissensiones hæc à magistratu, qui defuncto Joanne Chodkevicio amplissimi vacabant, petitoribus; qui ut à quoque juvari vel de- stitui se existimabant, ita alios in eum anima- bant. Militi quo dissidia inter eum colleret, quòd præda expectationi ejus non responde- rat, donativum Rex dedit.

Tenebantur adhuc in agro Polotienfi præ- sidij hostium Sokola, Turouha, Sufa, aliaque castella quædam; quæ nisi prius quam indè discederet, dejecisset, pacatam se regionem eam obtinerè non posse Rex intelligebat. Maxime à Sokola, & Turoulia timebat, qua- rum cum illa læva ad Plescovientem viam per- tineret, & jam ante summissis inde copiis fir- mata fuisset; ne id posthac rursum fieret, majoribusque copiis inde aliquid tentaretur, verebatur; hanc quòd ad Dunam flumen posita esset, itidem magnam totius ejus regio- nis infestandæ opportunitatem habere vide- bat; Sokolam Meletium mittit. Hic equi- tatum peditatumque Polonicum, & militem Germanum secum sumit. Turouliam Be- kefium cum Ungaris nuttere in animo habe- bat: Interim cum Martinus Kurzius cum Kosakkorum manu Palatino Vilnensi operam suam detulisset, is adjuncto ei Constantino Lukomoscio præfecto Ulenfi missus eo fuit. Mosci, qui in præsidio erant, quod per eos di- ces tormenta atque ignes cessare animadver- tissent, id quod erat, Polotiam in potestate Regis esse conjectura existimantes, ne quic- quam retinentibus eos præfectis per averfam portam se ejiciunt; fugaq; castrum deferunt, Palatini, qui in eo remanserant, ad Regem adducuntur. Suffam, quòd omnium esset munitissima, in eaque Moscos maximum

apparatum belli, com meatusque haberet: & tamen ceterius Dunam in solo Lithuanico posita præsidij alijs excisis, omnique com- meatu intercluso, ultrò in potestatem ven- tura videretur, in præsentia tentare non pla- cebat. Quibus rebus perfectis, quæ ad statum provinciæ stabilendum, divinarumque re- rum curam pertinerent, administrare Rex instituit.

Templum arcis & si satis amplum esset, pro captu etiam loci magnificè ex lapide constru- ctum, quod tamen à Græci ritus hominibus teneretur, quorum & magna multitudo esset, in eoque jus ac possessio antiquissima videre- tur, ejus formulæ Episcopo Russico, qui an- te jam templi ejus titulum Vitepsciæ ipse a- gens usurpabat, permittit; maxime verò quod ejus quoque rei rationem habendam sibi exi- stimaret, ut cum longius bellum in Moscovi- am proferre in animo haberet, intelligeretq; quantum ad animos hominum in omnes par- tes permovendos religio posset, ne religionis amore, si eam relinquendam existimarent, à deditioibus absterrentur. Ad Roma- næ Ecclesiæ usus novum designat: Huic agros & possessiones, ex iis quæ maxime vi- cinæ erant, amplissimas addidit: certisque proventibus annuis ad perficiendam fabri- cam & sacerdotum usus, dum ager è vastita- te ad culturam perduceretur, è portorio in- terim assignatis, Societatis Jesu sacerdotes in eo collocat: quorum & pietatem, & in redu- cendis ab errore hominibus diligentiam pro- babat; quamque eo magis necessariam fu- turam ibi judicabat; quo major in homini- bus illis ac maxime agrestibus non modò di- vinarum rerum omnium ignorantia, sed im- pietas tanta esset, ut cum ad colendos agros hominibus non abundarent, plebs rusticana moribus suis ad proprias uxores, communes aliàs filijs infantibus duceret; cum his, quo pluribus liberis domum complerent, interim concumbebant, filisque deinde, postquam ad justam ætatem pervenissent, eas trade- bant. Fossas munitionesque ab exercitu institutas Ungarum militem complere jubet. Murorum partem dejectam, quomodo resti- tui velit, arcemque ipsam qua ratione muniti demonstrat. Pecuniam quæque alia sunt ad eam rem designat, præfectos constituit. Regebatur Polotia antiquitus, quemadmo- dum & Kiovia à legatis regis: Palatinorum honore ac dignitate, cum per universam Lithuaniam non plures quam duo Palati- ni, Vilnensis ac Trocentis, totidem Ca- stellani essent, carebat.

Postea amplificato Senatu Lithuanico, non modò Polotiæ & Kioviæ ducatus, sed & Vitepsia digna visa est, quæ à Palatino ad- ministraretur.

Polotiæ Palatinus erat, cum à Mosco caperetur, Stanislaus Dovoïna; qui cum uxore Petroniæ è domo Radivilorum in Mo- scoviam

M;

scoviam



coviam abductus, cum per aliquot annos in servitute & compedibus vitam traxisset, non prius inde rediit, quam ab Sigismundo Augusto, uxore ejus in captivitate mortua, aliquot aureorum millibus redimeretur. Cum de conjunctione inter Polonos & Lithuanos sub Sigismundo Augusto convenisset, ac quo Lithuanicorum Senatorum numerus Polonicum æquaret, complures per Lithuaniam Palatini ac Castellani creati fuissent; quia agri Polotiensis nonnihil in potestate adhuc erat, ad Palatinum Castellanus etiam adjectus fuit. Quo tempore in illa Mosci ex eorum temporum successu non in factis modò, verum dictis etiam insolentia id quoque non irridiculè ab eo dictum perccebit: nihil Augustum Regem ex capto Palatino incommodi accepisse, qui pro uno quinque jam haberet: decem pro duobus habiturum, si ad priorem Palatinatum alterum ei auferret. Devotina quoad vixit, titulo ac dignitate Palatini usus interregni tempore decesserat. Cum in regnum rex venisset, annitentibus Lithuanis, ne suorum Senatorum numerus minueretur, Nicolaum Dorohostaisium Palatinum Polotensem creârat. Eidem nunc Polotiam administrandam commisit: Horodnicium quem illi magistratum vocant: quique arcis munitionum curam habet, Francisco Suko tradit, præsidium ex equitatu peditatuque qui quotque permanere debeant, describit. Sigismundus Augustus nobilitati Ducatus Polotiensis quæ bonis exuta à Mosco fuerat, aliis in locis bona possidenda ea lege dederat, ut si quando recuperatus ager is ab hoste foret, iis rursus cederent: Rex bonis eorum illis restitutis, hæc ad sexennium nihilominus, dum sua ab hoste vastata, rursus excolerent, permisit. Meletius interim Sokolam cum exercitu, ut dictum est, contendens in itinere cum viarum proximis pluviis inundatarum, tum comineatus maximis difficultatibus afficiebatur. Tormenta Rex Dunam secundo flumine Dryssam usque ad cognominis castello illi fluminis cum Duna confluentem demilerat; ab eo loco per Dryssam Sokolam usque trahebantur. Cum ad Sokolam fluvius Dryssa etiam nonnihil exercitum moraretur; quòd ponte, quem Kaunæ ex navibus factum supra ostendimus, alter ad Polotiam exercitus in transvehendis commeatibus uteretur, nec alterius tam subito expediendi ratio iniri posset, Joannes Zbarasius Palatinus Braslaviensis cum parte equitatus flumen tranat, aversaque à Sokola parte Plešcoviam versus in excubiis confidet, ad reliquum exercitum traducendum Nicolaus Vrovecius claro loco natus equitum præfectus operam suam Meletio detulit, rateque ex robustissimis trabibus, iisque catenis ferreis aliisque firmissimis vinculis inter se devinctis ab eo effecta, exercitus transductus fuit; nihil aliud hoste moliente, cum non difficulter transitu impeditos

prohibere potuisset, quàm quòd excubiæ eorum more suo ad terrorem nostris faciendum obequitantes diversarum gentium, quæ sub imperio Mosci sunt, Kasanorum, Astrakanorum, aliarumque nationum copias suo quasque nomine citarent. Propter viarum malignitatem & jumentorum proximis ad Polotiam incommodis amissorum inopiam currus milles nullos secum devehere potuerat. Itaque non metatis castris, secundum Dryssam flumen confedit. Germanicus peditatus secundum Dryssam, Polonicus versus Nisiciam fossas munitionesque quæ diversis locis cæptæ deinde committerentur, ad castrum agere instituit. Hostis, quod nostrorum non adeò magnum numerum videret, & cum superioris oblidionis tum itineris incommodis debilitatos: suos omnibus rebus integros, simulato metu, quemadmodum ex captivis postea cognitum fuit, intramunitiones per noctem se continere, curatisque interim corporibus omnibusque rebus ad eruptionem paratis ante lucem eos adoriri in animo habebat. Fortè accidit ut Dobrossolovius, qui tormentis à Meletio præpositus fuerat, tres globos credentes, quorum supra rationem demonstravimus, experiretur. Ex his duo cum incendium fecissent, ab hostibus suppressi fuerunt: unus cum imo fundamento adhæsisset, non animadversus haud multò post, quod muri ex abiete & arida materia facti essent, lausissimum incendium sustulit.

Quod cum Meletius conspicatus signum tuba, quo ad arma capienda omnes convocabantur, mox dedisset, Mosci inopina re turbati, simulque nostros irrupturos existimantes, cum restinguere incendium non possent, ac tantum repentini periculi objectum esset, diversis portis trepidi se effundunt. Seremetus cum parte equitatus Plešcoviam versus se recipiens in Joannem Zbarasium Palatinum Braslaviensem, qui ab ea parte hostem observabat, incidit; vivusque cum iis, qui circa illum erant, in potestatem ejus pervenit. Qui ab altera parte cum Borissovo Seino se eiecerant, in Germanos inciderunt. Hi cupiditate ulciscendi tot annorum injurias, quibus in nomen Germanicum crudelissimè Mosci lævisset, cujusque recens exemplum nuper capta Polotia vidissent, omnes in iisque Seinum interficiunt. Qui reliqui in arce erant, supplices vitam rogare cœperunt: sed irrumpente milite Germanico omnesque promiscue cadente, desperata salute cataractam, quæ ex superiori loco portæ imminabat, demittunt: conclusosque in arce ad quingentos milites Germanos interficiunt. Interim Rosdrasevius Germanique quidam ac Poloni impigrè portam effringunt, qua patefacta tum verò pars cæsa fuit, pars rerum omnium desperatione adducta ultro in ignem se præcipitans conflagravit. Magna ubique cædes fuit: ut multi ac præter cæteros Veierus veteranus præ-

præfectus, cum se multis præliis interfuisse dicerent, nusquam in ullius prælii loco densius strata constipataque inter se cadavera se vidisse confirmare non dubitarent. Multi inter occisos obeso corpore erant: iis focariæ Germanorum apertis corporibus ad notas vulnerum medicationes, atque in his Seino quoque adipem detraxerunt. Hinc Moscus epistola quadam sua, de qua infra dicemus, ad Regem scripta, inter alia cum hoc, tum quòd candentibus globis in oppugnando se usus esset: alterum tanquam immane crudelitatis facinus, alterum quasi non virtute atque acie, sed artificio quodam contra se niteretur, Regi exprobrat. Etiam in præda operæ pretium factum fuit atque gentique signati apud plerosque Bojarici generis referti loculi reperti, militem superioribus incommodis attritum, non refecerunt modò, sed & locupletarunt. Meletius cum exercitu ad Regem reversus magnum captivorum numerum, quorum partem publicè Regi, partem amicis donavit secum attulit. Rex præfectis plerisque centurionibusque ac militibus etiam, quorum paulò insignis facinus extitisset, cum præfecturis, quæ tum vacabant, tum aliis militaribus donis ob virtutem donatis, quæ in quæque stativa copiarum ducenda essent, præscribit. Inde Disnam proficiscitur. Hic quod ulterius in Moscoviam proximo anno bellum promoveri constituerat, tormenta omnia, præter ea, quæ refectioe opus haberent, relinquit. Inde literas ad Moscum mittit; quibus ipsius instituto, quo ille post Livoniam vastatam usus fuerat; de successu expeditionis certiorum eum facit. Hæc eo tamen argumento scriptæ erant; ut non tam successu rerum secundarum effertur, quàm tot hominum innocentium clade commoveri se testaretur; ejusque rei causam omnem in Moscum atque illius in se injurias conferret. Dum ad Polotiam Rex erat, legatio ab Henrico Ordinis Teutonici magistro eum convenit. Initio regni cum hujusmodi nonnullæ difficultates Regem exceperant; quæ quominus in tempore bello Livonico occurreret, Adolphum Holstiarum Ducem excitat, qui fiduciario seu feudi jure Livoniam à Rege peteret, defensurumque se in ea bellum contra Moscum polliceretur. Hujus æmulatione Joannes Chodkevicius Castellanus Vilnensis Magistro atque ordini militum Marianæ Teutonice idem ostentat; missusque ab eo Joannes Taubius Livo illi persuaserat, si peteret, traductis in sententiam per largitiones primariis aliquot Senatoribus, non magno negotio eum assecuturum. Rex primo Vilnam legatis rejectis, in comitiis hisce de rebus agendum iis ostendit: mutui interim mentione extra conditiones injecta, quod in bellum hoc princeps eorum conferret: qua de re cum illi mandata nulla se habere dicerent, ad Principem autem suum relatuos se recepissent, Varlavæ deinde missione flagitata, nulla alia

re acta discesserunt. Rex consensu Disnæ navigio, secundo Duna non parum fluminis ejus amœnitatem delectatus Druiam: inde terrestri itinere per Braslaviam Lithuanicam Vilnam venit. Accedenti Andreas Caligarius legatus Pontificiustum complures ex nobilitate obviam profecti fuerunt, Civitas Vilnensis tota in gratulationem effusa, compositaque oratione illum excipiens, duobus è locis maxime ante hac securitatem ac negotia sua interpellata commemorabat; uno à Polotia, altero à Kokenhausio, illud incommodum benignitate divina, ac virtute sua Regem amovisse: alteram quoque ut à cervicibus suis removeret, se illi precari. Inter alios Mosci quoque dediticij obviam, ei progressi panem & salem, quibus suum principem venerari in more habent, ei offerebant. Moscus nuntio amissæ Polotiae ac præsidij Sokolensis cæsi accepto, Plešcovia in interiorem Moscoviam se recepit; ac re ipsa fortè tum perspiciens, unicum regni robur fortes ac fideles populos esse, ex itinere ad eos, qui Susæ in præsidio erant, literas præter morem ejus scriptas misit, easque diversis perferendas dedit. Intellexisse se Polotiam ac Sokolam Dei permisso in hostium potestatem pervenisse: qua re cum undique eis interclusis non facile subsidio veniri possit; hortari ut tormentis præsertim ac pulvere reliquoque belli instrumento, quod secum deferre non possent, corrupto: imaginibus & sacris, ne à barbaris: eo enim ille numero omnes, qui in religione ab eo dissident, habet: ludibrio habeantur, in terram defossis, quacunque tuta ratione se recipiant; non quod de fide eorum dubitaret, sed ne virtutem eorum, quam ad majora superstitem esse velit, fortunæ atque hostium crudelitati objiciat. Pervenerunt hæc literæ ad Meletium, qui de tormentis potissimum & instrumento bellico sollicitus, qui ad deditioem hostes hortaretur, misit. Eadem autem cum in Palatinum Polotensem etiam incidissent, ipse quoque eo accurrit. Hostes pacti, ut singulis cum vestimentis discedere sibi liceret, castrum tormentaque & quicquid in eo apparatus bellici erat tradiderunt, quibus rebus perfectis Meletius in tres partes exercitum distributum in hiberna deduxit. Primis Christophorum Niscicum legatum: alteris Martinum Kasanovium: tertiis Sigismundum Rosnium præfecit. Jam ante Constantino Ostrogia Duce excursionem in ditiones hostiles, quæ ad Borysthenem pertinent parante, Nicolao Seniavio stationum Russicarum præfecto, Rex mandarat, ut cum iis copiis, quæ in Russiæ finibus sub imperio ejus excubabant, cum illo se jungeret, inque hosticum à Kiovia transgrederetur: verum Seniavio longinquitate locorum impedito, & adulto jam autumnò, non prætermittendum id gerendæ rei tempus Dux ratus, collectis ex clientibus suis, quorum satis magnam



copiam habet, aliquot millibus hominum, aliisque ex juventute compluribus se ei adiungentibus, cum filio Janusio & Michaeli Vinnovicio Castellano Braslaviense Borysthenem transgressus fuerat: expeditissimisque quibusque turmis præmissis, atque his longè lateque vagari, & terrorem in omnes partes circumferre iussis: ipse cum reliquis copiis Cernihoviam usque excurrerat: quam castris metatis magna vi oppugnare aggressus, cum præsidio firmo eam teneri, idque & animis & omnibus rebus aliis ad defendendum locum paratum esse videret, se à peditatu tormentisque imparatiorem accessisse: reliquas copias maximis itinerum & tempestatum incommodis afflictas, missa obsidione vicina circumlocata omnia diripuerat, totaque Severiensis ditione vastata, ac populationibus ad Starodubam, Radehostiam, Pociopoviam usque per leviores equitum turmas factis, præda ingenti acta discesserat. Simili successu Joannes Solomirecius, qui post mortem patris extra ordinem Micislaviensem præfecturam administrabat, Jaroslavum oppidum, pagosque complures diripuerat. Philo etiam Kmita præfectus Orfanensis, cui turmæ aliquot equitum assignatæ erant, coacta ad eas non mediocri finitimis è locis cujusque generis hominum manu in ditiones hostiles transgressus, duobusque circiter millibus pagorum incensis & ad Smolenscam populationibus proventus, præter agri solum nihil iis in locis reliquum fecerat; indeque magna cum omnis generis præda, nullo detrimento accepto suos reduxerat. Rex cum aliis necessariis de causis maximè verò ut bellum persequeretur, comitia habenda sibi intelligeret, eaque jam in ante diem vicesimam tertiam Novembris Varlaviam indixisset: interim, quæ ad Lithuaniam securitatem pertinerent, quæque in omnes casus contra hostium impressiones opponenda judicabat, cum Senatoribus Lithuaniam constituit, qui eorum præsidio provinciam domi remaneant, qui comitia obeant, inter eos comparat, Vilnæ Radivilum Palatinum Vilnensem, qui cum imperio militari erat, relinquit. Simul magistratus, qui vacabant, distribuit. Quibus Radivilos præ cæteris complexus ad Episcopum Vilnensem, quæ Georgio Radivilo designata jam ante erat, Palatinatumque ac imperium summum militare, alterum item prætorij militis, quorum illud Nicolaus pater, hoc Christophorus filius obtinebant; Christophoro Castellatum Trocensem & sigillum minus adjicit: Novogrodecensem Palatinatum alteri Palatini filio Nicolao; utrumque præterea Marschalchatum, Nicolao Christophoro majorem, minorem Alberto alterius Nicolai, qui ante hunc Palatinus Vilnensis fuerat filius: Castellatum Vilnensem Eustachio Volovicio, qui Castellanus Trocensis fuerat unà cum sigillo majori dat: abdicante se eo Palatino Vilnensi, ut minus quod Volo-

vicius habuerat, filio Christophoro tradere-tur. Præfecturam Samogitiæ quæ ardentibus multorum studiis ambiebat, Joanni Kiskæ confert. Vilna inde Grodnam movet, ubi venationibus, quo uno voluptuario labore ex aliis laboribus maximè reficere se solet, dies aliquot dat. Moritur ibidem Gaspar Bekefius, de quo supra dictum est, non minus inimicitias, quas cum Rege acerrimè olim exercuit, quam virtute sua clarus. Natus hic in Transilvania & in familia Petrovici nobilis Baronis educatus, adulta postea ætate Joanni Sigismundo Transilvaniæ Principi adeò gratus extitit, ut cum sine hærede decederet, hunc successorem designare non dubitaret. Cum Rex popularium studiis, prælatu ei fuisset, æmulatione inter eos exortadum statum Transilvaniæ turbat, Fugarassio atque aliis castellis à Rege exutus ad Maximilianum Imperatorem in Germaniam se contulerat: ubi copiis aliquot coactis vi deinde & armis invadere principatum conatus fuerat. Verum profligatus à Rege iterum in Germaniam se receperat. Postea cum ad Regnum Poloniæ æmulum ascitum, jamque extra omnem invidiam altiore in locum virtute conscendisse intellexisset, conscius sibi magnitudinis ejus animi, unum elegerat; cui & maximè se crederet, & à quo commoda ornamentaque omnia expectanda sibi statueret; suamque illi fidem atque operam ultro detulerat. Rexque non modò omnem erga illum offensionem ex animo deposuerat, sed benignè susceptum, opibus etiam ac dignitate amplificaverat. Moriens conjugem & duos impuberes filios Regi ac Samoscio commendavit. Dum hæc geruntur in Polonia non iidem omnium sensus, varique ac diversi animorum motus esse. Erant non pauci, qui cum amplissima quæque à Rege polliciti sibi fuissent, ac verò in tanta publicarum rerum difficultate non posset vel effusissima Regis liberalitas omnium expectationi satisfacere, quòd quæ speraverant, non consequerentur, alieniori ferè animo ab eo erant. Cumque quilibet è nobilitate in electionibus Regum suffragium ferat, magna erat multitudo eorum, qui quòd suffragio suo in adipiscendo regno Regem sublevassent, ipsum Regnum debere eum sibi arbitrabantur: videntesque Radivilos tot honoribus auctos: Meletio summæ autoritatis magistratum traditum: iis Samoscium necessitudine conjunctum tot honores ac dignitates conjunctis inter se affinitate hominibus congestas, angebantur animo eaque in suam perniciem comparata interpretabantur; & quod beneficio non afficerentur, injuriam rati, summa in ea republ. facultate, in qua quæ quisque sentit, pari libertate dicere possit, omnia suspecta facere, cunctaque vel præclara facta Regis sinistrè interpretando corrumpere conabantur. Jam ab initio cum Leopolum Russicarum rerum cau-

la pro-

sa proficisceretur, non deerant, qui collecta gaza à Sigismundo Augusto relicta tædio præsentiam in Transilvaniam recipere se cum in vulgus fingerent: postquam Suirum diem exercitui edixisse eum intellexissent, nihil horum gerendi quicquam contra hostem animo suscipi, cujus potentia major esset, quam ut ullius viribus labefactari posset: sed quæri colorem tributarias pecunias, quas in immensum oratione tollebant, intervertendi jactabant. Nonnulli altius proventi Regine animum tentare ceperant: ostendere sperni ætatem ejus à Rege: divortium ab eo agitari: missum ea causa Petrum Volsceum Episcopum Plocensem ad summum Pontificem: non minus regnum ejus esse, quam Regis, ut quæ & ipsa tanquam vetustæ Jagellonicæ stirpis ac de regno optimè merita prosapia iisdem comitiis Regina appellata, iisdemque regni sacris initiata fuerit: quò illa in partes traducta gratiosum ad vulgus nomen naçti, eò majorem facultatem rempublicam turbandi, ac consilia regis impediendi haberent. Querebantur ferè, non satisfieri conditionibus à Rege, cum regnum ei deferretur, in Transilvania acceptis: homines adventitios in honoribus & præfecturis collocari; Bekefium potissimum, cui Landskoronensem præfecturam Rex contulerat, notantes. Ad hæc Ducem Churlandiam non suo loco & tempore deterioribusque è republica conditionibus quam antea, possessioni ejus Ducatus confirmatum traducebant. Quæ cum pleraque tempus refutasset: maximèque Leopoliensem protectionem, Suirensis expéditionem falsissimè in invidiam vocatas aperuisset, literis de comitiis allatis, jurgia inter nationes Polonicam & Ungaricam exorta in majus exaggerabant: externos homines induci: à quibus contemni imperium militare: vim summi magistratus enervari: Jam capta Polonia nova tributa Regem in conventibus & comitiis petiturum: sed ut omnis Moscovia in potestatem ditionemque veniret, in tanta amplitudine finium, quam tantæ molis administrandæ rationem, quam utilitatem fore, cum interim longè magis necessariam præstabiliorumque reipubl. vulnera curationem requirerent? Quidam ut tres partes proventuum capitanealium à præfectis exigeret, Augustanæ cujusdam constitutionis, quam illi in eam sententiam interpretabantur, autoritate postulandum censebant; cum si id fieret, perpetuò finem tributis id allaturum dicerent; quæ cum in vulgus moveri Rex animadvertisset, ac liberius omnibus, quam antea occurrendum arbitraretur, primo, quo agi de republ. poterat, comitiis die Joannes Samoscus Cancellarius, accommodata ad rem præsentem oratione:

*Oratio Samoscij.*

Si ullum tempus fuisset, quo pro maximis in rempublicam beneficiis numini divino gra-

rias agerent, id hoc potissimum esse docet, quo tam præclaram victoriam ab eo hoste adepti sint, quem propter summam potentiam, virtutis bellicæ, victarumque ab eo gentium opinionem, formidassent omnes: nemo vincipotuisse existimasset. Contigisse id tamen singulari benignitate divina: hostem non modò victum: sed provincia Polotia, quæ victoriæ hujus perpetuum monumentum futura sit, ac superiorum victoriarum ejus dignitate spoliata, pene esse: omnes ejus triumphos, quos per tot annos de Livonibus & Suecis, quos de Kasanis & Astrakanis subactis, quos de Tartaris, de Turcis denique Tanaim & Volgam jungere Caspiumque mare in Euxinum Pontum immittere tentantibus, deque tot aliis bellicosis & barbaris nationibus habuerit, hac victoria ei detractos in hoc de illo triumpho prælatum iri. Quæ cum quanta sint, inquit, erga nos Dei beneficia intelligamus omnes, eadem nisi constantia ac virtute tueamur, inertia nostra fructus ex iis percipiemus nullos, ex quibus si rectè benignitate hæc divina utamur, maximos percipere possumus. Magnum est, quodque superioribus temporibus vix sperandum nobis videbatur, amplissimum agrum ab hostibus tot annorum spatio possessum, & quo maxima ex parte opes Lithuanicæ quondam niterentur, receptum: hostem tot prosperarum rerum successu elatum in perpetuo victoriarum cursu represum: averla arma ejus in vastitatem ac perneciem ditionum harum intentam. Omnia hæc nisi reliqua, quæ testant, belli ejus perficiamus vereor, ut ne modò utilitatis nihil nobis attulisse, sed ne opranda quidem tanto cum labore ac sumptu fuisse videantur. Hostem habemus potentissimum: ejus quæ quantæque opes sint, & nemo ignorat nostrum, & tot devictæ ab eo nationes testantur. Hunc moderatene vel hanc amissæ provincie contumeliam ferre vel quieturum putamus? Fremit ille jam, & tanquam fera aliqua intra septa conclusa omnes amissa recuperare, & acceptas injurias ulciscendi exitus ac rationes quærit. Demus huic vel cunctatione nostra vel pace cum eo facta, colligendi sui, acceptaque incommoda ac domestica vulnera, atque incitiam ejus, quæ hoc bellum nudavit, sanandi spatium; quis omnium tam securo est animo, qui non multò majoribus viribus ad faciendam incommoda irruiturum in nos prospiciat; quem nec propter potentiam difficultas ulla à bello revocare: nec in pace propter perfidiam ulla jurisjurandi religio retinere possit? Sero nimirum resistendi ei rationes tum quæremus, quem jam trepidum & perculsum si non levi momento impellere, facilius certe superare possumus. Quod ut non esset nobis verendum, illumque accepta injuria, vel omnino quieturum, vel nihil ab eo periculi expectandum nobis esse Deus nobis fidem faceret: Quis enim alius tantæ rei idoneus



neus author existat? at nonne tanta gloria bello hoc parata, quæ deinceps de nobis hominum existimatio futura sit, commovebimur? aut ulla ratione opinionem bello hoc collectam tueri nos posse, si in tantas res gerendas ingressi in medio earum cursu destituere eas videamur: quenquam denique futurum existimabimus, qui non fortunæ potius successus hosce, quam virtuti tributurus sit? Sunt enim quæ virtute ac ratione administrantur, cum exigua ipsa fortuna interveniat, eorum & media primis & exitus utrisque consentanei: fortunæ ut cæci sunt impetus, ita ultima raro primis respondentia. Quot sunt, qui in tanta ditionum amplitudine difficultatem earum administrandarum verentur, nec expetendum latius imperium putent, quod sumptu ac labore magno partum, reipubl. usui nulli esse possit: mirum sanè videri debet, eo in repub. animo quenquam esse, quo in sua sit nemo. Quis enim omnino est, qui non decem possessiones, quam unam malit? graviora sunt onera amplæ rei familiaris: eadem majoribus commodis opportunitatibusque pensantur. Reipub. verò nostræ ego hanc rationem esse video, ut si nervos rerum gerendarum habere, si statum hunc civitatis tueri velimus, novum omnino regnum necessario ei adjungendum sit. Nam cum ditiones omnes, quæ ad eam accesserunt, in civitatem ipsam legibus receptæ sint omnes: nulla in provinciæ formam redacta: nulla tributaria facta: itaque in pari omnium libertate, onera etiam exæquata sint inter omnes; iis si levare volumus, quam ejus rei facultatem habebimus, nisi instituto maximorum quorumcunque imperiorum, nos etiam novum ei imperium adjiciamus; in quod tributis vestigialibusque in eo constitutis, gravior communium onerum pars derivari possit. Russia ante, cum primum armis victa esset, tributaria: non parum tum subsidio ejus sublevata reipubl. fuit: Lithuaniz quoque magnum Ducatum, cum antiquis legibus à Regibus Poloniæ regeretur, plurimum per seipsum ad submovendum Moscum, Tartarumque valuisse meminimus; conjuncto eo cum regno, quantum ad publica onera accesserit, sentiendo unusquisque experitur. Quod si qui inopiam ac familiaris rei angustias inertiz suæ prætendendas existimant; ipsi voluptatibus, luxuriæque modum faciant, ac quos in inanes vel perditas res sumptus prodigunt, in meliores usus convertant, vel præclarissimarum quarumcunque rerum gerendarum necessariis adminiculis minime se destitui re ipsa perspiciant. Alios, qui domesticas res constituendas arbitrantur, non reprehendo: Si tamen cogitent iidem, præterquam quod intestinorum incommodorum sanatio semper potestatis eorum futura sit, opportunitatem belli adversus Moscum, qualem nunc habeamus, non semper nos habituros; potiorē etiam salutis quam alia-

rum rerum curam esse debere. Sunt & qui minus hactenus satisfactum sibi existiment. Habent ij nunc campum cum virtutis suæ illustrandæ tum demerendi Regis: proficiantur in bellum: operam studiumque suum reipublicæ præstent; atque virtutis amantissimo Rege amplissima quæque expectent. Si vel ætas, vel valetudo, vel fortuna cujusquam id non permittunt, non desunt rationes interrogandi: obrectationibus, ac præposteris reipubl. turbandi studiis nemo, quæ virtuti, ac bonis artibus debentur, præmia consecuturum se speret.

Hac oratione habita, & si nuntij minime dubitabant, quin & bellum & tributum ulterius sciscerent, quod in privatis conventionibus victoriæ hoc successu lata, atque in spem futurorum erecta, trequens in eam sententiam nobilitas inclinarat: tamen ut aliorum de se opinionioni satisfacerent, ex ijs, quæ publicè jactari animadvertissent, cum de alijs quibusdam, tum de conditionibus, quibus non satisfactum à Rege diceretur, & de ære præsertim alieno publico dissolvendo mentionem interunt. Doccebat, si quas antea in regnum pecunias ad tuendum, dum veniret, regnum rex præmiseret: quas secum attulisset: quas in militem, qui ante adventum ejus meruerat, erogasset: in sedandos motus Gedanensium: in hoc ipsum denique bellum de privata sua intumplisset, expenderent: si quid deinceps facere institueret, considerarent, ut nihil nimirum privatum, nihil à publico secretum haberet, verum omnia sua, ac vitam ipsam reipublicæ impendere non dubitaret, facile constiturum, rectene quid in illo reipubl. desideraret. Nam quod ad vestigialium quorundam luitionem pertineret: si privati commodi sui fructum aliquem sequeretur, satis perspicui, longè majori cum emolumento ejus futurum, si in eas res, quarum proventus non exigui sit, redimendas, quam in bellum pecunias conferret: verum ita animo paratum esse, ut in præsentis reipubl. periculo, privatum emolumentum publicæ utilitati ac dignitati postponere mallet.

De tribus capitanealium proventuum partibus ab initio cum proposuissent, responsum fuit, non contineri id verbis constitutionis Sigismundi Augusti, nec contra leges publicas, quibus à verbis constitutionum recedere prohiberemur, in eam sententiam verba trahenda, quæ nobilitatem omnibus virtutum præmiis spoliata in agros atque familiaris rei studia coheret. Quem enim posthac fore, nisi iis præmiis ad virtutem excitetur, qui operam suam in bello, in legationibus, in publicis muneribus obeundis reipub. præstare velit: qui nullis commodis propositis, dignitati, ornamentisque patriæ serviat? Cum & de militaris imperij imminutione exterorumque honoribus agitatum fuisset, ostendit Rex, nulla

se in

se in re magistratus ejus auctoritati derogatum voluisse: præfecisse se Bekecium Ungaris, non ut sua auctoritate bellicarum rerum quid administraret, sed ut Ducis imperio subesset; interpretisq; munere ad militem Ungarum apud ipsum fungeretur: externo milite necessitate adductum in bello hoc usum: quod regnum hoc ut equitatu non modò comparari cum cæteris regnis posset, verum plerisque fere præstaret: ita à peditatu minus instructum adhuc esset: aliorum exterorum opera in Transilvanicis rebus, ac privatis ministeriis se uti. Multa de hoc genere, utendumne opera exterorum esset, cum inter nuntios nobilitatis disputata, tum à Senatoribus ipsis multa in eam sententiam dicta fuerunt, non esse improbandum, si qui pro aliena reipubl. periculum ac laborem suscipere, sanguinemque pro laude ac dignitate ejus profunderent: non esse sapientis, quod exterorum periculo consequi possit, civium sanguine querere velle: hac ratione maxima imperia primum coaluisse: indeque ad summam amplitudinem provecta esse: hoc ipso in regno multas primarias familias ab exteris profectas esse: inter alias clarissimam Tarnoviorum domum ad externos originem suam referre: alliciendos potius, qui suam virtutem ad reipubl. dignitatem aggregare velint: posseque id commodò reipubl. fieri: modo id prospiciatur, ne vel legibus vel magistratibus à civium corpore se sejungant, sed ijs utrisque unà cum reliquis civibus pareant, vel eò potentiz exerceant, ut cives ipsos opprimere possint, vel honores iis mandentur: Sed illi quidem in privatis ministeriis versentur, publicis honoribus, ac magistratibus soli cives præstant; quodque in alijs rebus publ. observatum sit, agris atque ejus generis commodis virtus eorum interim remuneretur; in honoribus capiendis civium præcipua conditio sit. Silentium inde ea de re fuit: peditem quidem externum nemo erat, qui necessarium esse negaret.

De Curlando ostensum, Ducatum cum à Sigismundo Augusto Rege: cum Livonia primum ad regnum se adjungeret, longè gravioribus è republica conditionibus Duci collatum fuisse; rectè atque ordine, quod priorum regum auctoritate jam ante affectum fuerit, meliori reipublicæ lege à Rege transactum; quod diploma ipsum prolatum testaretur; itaque nihil alienum à moribus & exemplis malorum factum. Quibus omnium temporum receptum fuisset, ut quæ à superioribus rebus feuda constituta jam essent, ea posteriores, si nihil in iis mutarent, vel adicerent: nova etiam, si quæ ipsi adjunxissent injussu ordinum Senatus consilio adhibito conferrent.

Legationis Episcopi Plocensis, cum in Senatu mentio facta esset, causa ejus vulgata, quæ jam in prioribus comitiis in Senatu proposita

fuerat, suspicionem divortij agitati & ipsam sustulit. Ita nullo repugnanter, quod priori anno sancitum fuerat, in hunc denuò tributum jubetur. Præfecti consilio inter se habito redituum præfecturarum suarum alteram quartam, qualis Ravam in ærarium publicum inferretur, ultrò Regi detulerunt; conditione adjuncta, ne auctoritas præscriberetur, vel in exemplum deinceps traheretur. Postulatum inter alia à Rege fuerat, ut per legatos bellum gereret, ipse à periculo armorum abesset: quod cum animi sui magnitudine indignum Rex judicaret, ostensum præterea fuit, quod plures voluntarii, si in conspectu regis operam navaturi essent, invitarentur & ad minuendas controversias, quæ ex Polonicorum & Lithuanicorum magistratuum, æmulatione existerent possent, præsentiam ejus non modò utilem sed penè etiam necessariam futuram.

Leges in Comitibus hisce cum alijs de rebus, tum quæ ad feuda beneficiariorum principum, ac imperium militare, poenasque scelerum pertinerent, à delectis ex utroque ordine conscriptæ quædam, non tamen perlatæ fuerunt. Id solum Nisoviorum in officio continendorum causa, literis quibus tributum promulgabatur, adjectum fuit, ut usque ad futura comitia extra ordinem animadvertendi in eos potestas Regi esset. Constitutum superioribus comitiis fuerat, ut qui reipublicæ causa in bello abessent, judicia interim in illos nulla redderentur: nisi contra quos vel rerum judicatarum executio peteretur: vel qui vim fecisse dicerentur: aut qui ad certam diem de pecuniis non solutis judicium se suscepruros cavissent. Exceptiones hæcce variis calumniis in perniciem reorum nonnulli vertebant: modò majorum lites in eos, quos arripuerant, torquendo: alias longissimi temporis spatio penè intermortuas suscitando. Itaque interpretatio in hisce comitiis adjuncta fuit: ex ut causæ rei judicatz atque vis solæ exceptæ intelligerentur, si quæ recens judicata aut facta diceretur: Obligationes autem in diem certum conceptæ, quæ intra proximum decennium interpositæ essent. A comitijs Rex Meletium, qui ab ijs abfuerat, ut ad sequentem expeditionem se pararet, operamque in bello eo naver, per literas hortatur: ille excusat. Dum Varfaviæ Rex est, nuntium redactæ in potestatem Niscerdæ, de qua supra diximus, accipit.

Moscos cum primò Polotiam cepisset, nobilitatem, atque ex agris plebem omnem in Moscoviam deportarat: postea inveterata jam agri ejus possessione, spatio temporis amorem pristini dominij exuisse eos ratus, nonnullos atque in Kossonium quandam non corpore modò, verum animo etiam ultra agrestem valente, cum filiis fratribusque indidem robustissimis hominibus pristinis sedibus



bus reddiderat. Hic statim ut in potestatem Regis Polotiam rediisse intellexisset, quomodo cum aliquo munere ad prius imperium rediret, cogitarat.

Kosakkis Polotiensibus, quo statu hostium res Niscerdæ essent, ostenderat. Cumque hi eo, quod illis constituerat, tempore, missa Palatini Polotiensis Niscerdam accessissent, munitionesque, quemadmodum à Kossonio acceperant, nec dum perfectas reperissent, sine negotio potiti ea fuerant. Kossonius nihilominus more suo inter Moscos fortuitum Kosakkorum adventum existimantes, sine ulla suspitione versatus, Savolociam eadem ratione tradere nostris voluerat.

Iisdem Kosakkis diem, quo ad Savolociam accedant, præscribit; seque turrin in-


censurum, ac dum ei rei Mosci intenti sint, in arcem eos inducturum, constituit. Sed re interim detecta cum duobus filiis in conspectu Savolociæ palo suffixus fuit. Sub idem tempus in Usuiatæ repentina excursione opprimendæ spem Kosakki adducti fuerunt.

Iis Nicolaus Zebridovius Floriani, qui Castellanus Lublinensis & Prætorij exercitus Præfectus olim fuerat, filius, cum hybernorum Vitepsciensium otium ferre non posset, se adjunxerat, relictoque equite fallendi hostis causa, per notas semitas à Kosakkis ductus eò excurrerat: Præsidium custodiis & omnibus rebus firmatum repererunt.

Hostes nihilominus subito adventu eorum exterriti, subiectum arci oppidum incenderunt.



REIN-



## REINHOLDI HEIDENSTEINII SECRETARII REGII

Rerum Polonicarum ab excessu Sigismundi Augusti

LIBER IV.



arsavia Grodnam proficiscenti Regi, & in futuram expeditionem omni jam cura incumbenti, duæ potissimum difficultates occurrebant; rei pecuniariæ altera, quæ tardius expediebatur: altera delectus, prioris enim expeditionis, incommodis afflicti, jumentisq; arque instrumento omni per tempestatum & itineris injurias privati, difficultates tam longinquæ militiæ plerique præ oculis habebant, & ob id pauci omnino nomina dabant, qui etiam ex his minus à bello abhorreere se videri volebant, temporis tamen angustia, quo minus ad id parare se possent, excludi se arbitrabantur. Pecunia utitur partim privata sua, partim à privatis mutuo sumpta, quæ ad certam deinde diem solveretur. De delectu Samoscus sibi curæ futurum promisit. Hic quamvis in togato munere versaretur; tamen quod patrem Castellani Chelmensis Prætoriano exercitui præfuisse, reliquos etiam majores suos plerisque bellicis rebus claruisse meminisset, quo gloriam à majoribus traditam retineret, ac domestica hæc studia ipse quoque non intermitteret, & ante hac semper, & in superiore expeditione militem aluerat, fortesque viros aliquot circa se habuerat; & tunc communicata re cum Rege equitem peditemque scripturum se professus fuit. Re vulgata, magna multorum animis alacritas innata fuit: passimque à plurimis nomina data: Ad hos Ungarum militem à fratre Christophoro Transilvaniæ principe scribi curat. Cum ante hac peditatu non multum Polonia uteretur, propterea quod nobilitas ferè omnis equis merebat; pedestrem militiam, quæ laboris plus, dignitatis minus haberet, negligeret: atque ita peditatus omnis ex oppidana plebe, atque operis præsertim constaret, genere hominum

non modò rei militaris imperito, verum otio etiam oppidano ad perferendum laborem belli corrupto: externus autem peditatus sine maximo sumptu ali non posset; Superioribus comitiis ratio quædam parandi peditatus agitata fuerat, ut ex regiarum possessionum attributis vicissim quisque in militiam reciperetur; qui ita in militiam venissent, ab oneribus operisque rusticis ipsi posterique eorum immunes essent. Hoc delectu jam uti visum fuit, missique per agros centuriones præfectique passim fuerunt, qui robustissimum quemque ac labori militari ferendo aptissimum legerent. Grodnæ ex propinquo jam consilia belli agitare Rex instituit; ac Vilnæ interim tormenta, præter ea, quæ reparanda erant nova suo modo alia fundi jubet. Propendebat jam Rex animo in magnorum Lukorum oppugnationem; quod tamen quo diutius hostem celeret, ex instituto Cialniciam diem, quo conveniret, exercitui, edixit. Nam cum id oppidum secundum flumen Ullam in capite duarum Lucensis & Smolenscensis viarum ita situm sit, ut paribus ab utraque urbe spatiis distet, ac Lukos quidem inde tendentibus, Usuiara flumen: Smolenscam euntibus Kaspla se offerat, ad hostem ancipiti curâ distinendum cum primis opportunum id videbatur. Supra demonstravimus missum à Rege cum literis, qui de eventu obsessi-onis Polotiensis certiore Moscum faceret. Humanius hic acceptus ab illo, quam quisquam ante eum, mensæ etiam adhibitus, ac bombycina veste donatus fuit. Eum autem priusquam dimitteret, à duobus legatis suis Joanne Theodori filio Novogrodiz. Mikita Georgij filio Micislavienli ducibus, & Romanivicio Sacharino ad Nicolaum Radivilum Palatinum Vilnensem, & Eustachium Volovicium Castellani tum Trocensem literas dari jubet: cum controversiæ duorum summorum principum eò progressæ sint, ut suscepto bello Poloniæ Rex Polotiam expu-



gnarit: magnus Moscoviæ Dux vicissim ad ulciscendam hanc injuriam toto animo exarserit; se cum reliquis primoribus ad Principis sui pedes se projecisse: omnibus precibus ab eo petisse, ne in sanguinem Christianum sævire velit: ijs illum permotum à bello adhuc sibi temperare: nunc idem ipsis atque alijs Regis Poloniæ consiliariis apud suum Regem contendendum esse, ut ad pacem stabilem cum magno Moscoviæ Duce constituendam eum flectant: inprimis ei persuadeant, ut & ipse cum milite regrediatur, & militi tam in Lithuaniam quam Livoniæ finibus imperet, ne maleficio aut injuria ulla Moscos laceat: eadem magnum suum Ducem recipere, reversurum ad sedes suas, suosque à vi & injuria ubique cohibiturum: interea utrinque elaborandum, ut missis oratoribus, paceq; & concordia constituta, depositis à principibus armis metu omnes liberentur.

In extremo literarum excusant, quamobrem Basilius Lopatinskius, per quem bellum Rex Mosco denuntiavit, adhuc detineatur: operam se daturus ostendunt, ut quam primum ad sedes suas uterque reversus fuerit, cum mandatis de pace sine mora ad Regem remittatur. Fecerat hoc Moscus exemplo Sigismundi Augusti temporibus à Lithuanis introducto; qui si quando legatos Rex ad Moscum mittere destinasset, ad Moscoviticis proceres literas prius dabant, quibus ut à suo Principe fidei publicæ literas oratoribus, qui venturi essent, conficerent, postulabant.

Re deliberata, in hanc sententiam à Senatoribus, quos diximus Lithuanis, respondetur: diligenter se de pace Regem appellasse: illum ut Christianum principem pacem atque concordiam inter vicinos, ac Christiani præsertim nominis principes omnibus rebus potiorem habere: bellum tamen cum id maximis illius in se injuriis provocatus non nisi pacis causa susceperit, tamdiu etiam dum æquæ pacis potestas à magno eorum Duce sibi fiat, gerendum sibi intelligere: legatos verò, ut quos ad principem eorum mittat, causam nullam ei videri: potius non committendum sibi censere, ut quos ex suis quemadmodum antea fecerit, injuriis atque ludibrio ejus objiciat: Si ille legatos ad Regem mittat, patienter Regem quæ dicant, auditurum, atque æquo cum responso eos dimissurum. Haud multò post Moscus ipse cum ejusdem argumenti literis alium ad Regem nuntium mittit. Dimittitur is cum eodem responso, quod prior à Senatoribus ante acceperat. Mittit nihilominus denuò aulicum suum Joannem Nasiokinum cum iisdem postulatis; qui cum & ipse in eandem sententiam publicè jam responsum accepisset, ostendit postea, alia se præter superiora mandata habere, quæ privatim exponat. Facta po-

testate commemorat, principem suum moveri plurimum clade hominum innocentium christianorum: qua de causa etsi sciat contra suum majorumque suorum morem id à se fieri: constituisse tamen de dignitate sua publicæ concordie id dimittere, ut de pace ipse Legatos ad Regem mittat: id unum postulare, ut induciæ interim sint, nec ulterius cum exercitu Rex progrediatur: legatos. Vilnæ expectet; quod id à majoribus quoque ipsis magnorum Moscoviæ Ducum honori semper datum fuerit, ut non nisi in regni ipsius, aut magni Ducatus Lithuanie sede oratores eorum audirentur. Rex eodem omnia illa pertinere intelligens, ut tempus gerende rei extraheret, respondit: Si quos legatos mittere velit, dicendi quæ velint, potestatem libenter se insaturum, benigneque auditurum. Quod certo in loco expectari à se legatos velit, nullo id cæterorum Principum Christianorum exemplo peti, qui quandoque usus sit, quemcumque in locum legatos mittant: commune ubique esse jus legatorum, nec certo loco finiri: posse se ubicunque futurus sit, vel in castris ipsis, in quibus inter strepitum armorum, vel maximè legatis opus sit, adiri.

Tandem tamen etiam certum diem, ad quem expectatur legatos adhuc esset, ijs constituit. Detecta sub hujus adventum res fuit, quæ omnium animos vehementer in se convertit. Gregorius Oseikus claro loco natus & ante jam sub interregni tempus consilia cum Mosco agitarat: & tum per literas communicare cum illo non intermittebat. Attulerat ad hunc litteras à Mosco Nasiokinus; quas cum ille per speciem pelhum, aliorumque mercimoniorum Moscoviticorum licitandorum aditu ad Nasiokinum quæsito accepisset: frequens præterea eadem causa interposita, ac secretò nonnunquam petito cum eo fuerat. Enunciata hæc res à Mirevio quodam ministro Oscici Martino Ribinio fuit, qui Andreæ Zebriovio Pocillatori regio nomen in militiam dederat. Is rem ad magistratus, ad Regem detulit. Mirevius, quod præsentem Rege res accidisset, ad Albertum Radivilum Palatij Marschalcum, statim vocatus, custodiæ traditus fuit: ultro indicat, quæ cum Ribinio antea communicarat: eorum omnium Bartholomæum quandam ministrum Oscici conscium ostendit, Rex quatuor solis primariis consiliariis adhibitis rem deliberat.

Ex ijs Palatinus Vilnensisprehendendi ejus, si in urbe sit, negotium suscipit. Ille Trocis tum esse dicebatur; mittuntur mox eo frequentes aulici, qui comprehensum retrahant; adducto in Marschalci ædibus libera custodia circumdatur. Datur aliis negotium, qui divertorium ac res ejus perquirant, reperiunt in arca quadam alba diversorum Senatorum annulis signata, nominibusque

que scriptura eorum ementia, subscripta: plerorumque item signa Senatorum ad verum expressa; quibus ille majoris fidei faciendæ causa; quod cum alijs proceribus consilia ista miscere videretur, apud Moscum utebatur. Alij Kovareskum in prædium ipsius duobus à Vilna milliariis, ubi tum Bartholomæus is erat, missi; materiam, malleos, ac cætera cudendæ monetæ instrumenta, referunt. Bartholomæus consilia cum Mosco illum sociare, literasque ab eo accipere, & jam ante interregni tempora bis ad Moscum misisse fatetur. His de rebus, cum Senatores nonnulli ad eum missi essent, prodicionem negabat: Signis alienis ad contractus subjiciendos, & privatum quæstum in judiciis se usum fatebatur: monetæ crimen in Judæum quendam, cujus opera & signa illa sculpta haberet, conferebat. Adductus in judicium ipsisque prodicionis & rei monetariæ instrumentis in judicio exhibitis, respondere jussus fuit. Negabat defensor ejus respondere eum teneri communi nobilitatis jure, quo in quemquam ex nobilitate, nisi legitime prius in jus vocatum, quæri vetetur. Cum variè res hæc à Senatoribus acciperetur, ac quidam non minuentiam exemplo libertatem nobilitatis censerent: apud plerosque plurimum tempus valuit, ut Rege in belli administratione, ac castris fere versante, non tam ordinarij quam militaris juris cognitio videretur; ad hæc eos solos præscriptione hac juvari posse, qui integra fama essent, ostendebatur, quorum scelus in tot flagitiis & propria confessione manifesteteneretur, eos vita sua privilegio nobilitatis, ac ipsa adeò nobilitate se ipsos indignos fecisse. Itaque jussus respondere, libellum, quem ante in hunc casum composuerat, publicè recitandum dat. In eo consilia se cum hoste agitasse: eidem spem per occasionem regis interficiendi fecisse falsus ed decurrebat, ut egestate atque æris alieni magnitudine impulsus id spectasse se diceret, ut ab hoste pecuniam aliquam hac ratione emungeret: Supplexque veniam petebat.

De confesso supplicium more majorum, ac de judæo item sumtum fuit: ministris ob indicium vitæ gratia facta. Venerat interim Vilnam Ungaricus peditatus. Hunc Rex Postovam terrestri itinere ire jussit, ibidem cum tormentis, & reliquo graviore belli instrumento in naves impositum secundo flumine Disnam; inde cum alijs tormentis, quæ Polotia rediens antea ibi reliquerat, per adversum Dunam Vitepsciam præmisit. Vilnæ Paulus Uchanseius, qui ad summum Pontificem à Rege missus fuerat, ad Regem reversus, ensem notis cærimoniis dedicatum à summo Pontifice Regi obtulit. Profectus inde Vilna, ad Scidutum villam quinque cis Ciasniciam millibus passuum,

octava circiter Mensis Julij die pervenit; reliquisque copiis per vicinos agros sparsis, ipse eo, qui demonstratus est, in loco, confedit. Ibi dum copiarum aliarum, quæ expectabantur, convenirent, de belli administrandi ratione, ac quod potissimum hac expeditione cum exercitu se converteret, ad consilium retulit.

Tres potissimæ hac de re diversæ sententiæ erant; cum alij Plescoviam: Smolenscam alij: tertij Magnos Lukos eundem censerent. Prima quæ Plescoviam, iisdem quibus antea, cum ad Polotiam issetur, rationibus ducebat: iisdem etiam, quibus tum impugnata fuerat: quod iter in hosticum longinquius: quod terga tot castellis hostilibus nullo in propinquo præsidio relictis nudarentur: quod Lithuania hostibus objiceretur: maximè quod à Plescovienfi via longius jam recessum esset; iterum non tam repudiata quam in aliud tempus dilata fuit. Qui Smolenscam eundem censebant, loci imprimis celebritate, & amplitudine: rerum eo loco gestarum fama: instituto denique belli res ablatas repetendi movebantur; & quod eo præsidio adjuncto, tota Severiensis ditio longe amplissima una in potestatem ventura esset.

Dicebantur contra hæc ab ijs, qui Lukos petendos suadebant; à Duha flumine, atque Livonia, quorum liberandorum causa bellum hoc potissimum susceptum esset, Smolenscam eundo longissimè recedi: cum Livonia præterea Severiensis ditionem nec urbium frequentia, nec loci atque maris opportunitatibus, nec vicinarum gentium cultu, comparandam: Lukos sitos in præcordio quasi Moscoviæ, loco & ad hostiles ditiones quascunque postea petere visum esset, infestandas: & live per Smolenscam Lithuaniam, seu per Plescoviam Livoniam ingredi hostem volentem pari intervallo uno solo exercitu ibi collocato prohibendum opportunissimo: Pares enim ad Smolenscam & Plescoviam aditus habere: Unde ipsum Ducem magnum huc plerumque exercitus suos cogere solere; quod in omnium circumjacentium ditionum pari vicinitate eam deinde quæ opportunissima ei videretur commodissimè ex hoc loco invadere posset. Rex, quemadmodum ostensum est, jam ante in hanc sententiam inclinabat, quod autem tanto ante temporis intervallo referendum publicè hac de re non existimaret, ea de causa acciderat; quod ne quâ vel ad hostem consilia interim emanarent, aut tempus vel res aliqua nova interveniret, quæ mutandi ei consilij causam adferret, præcavendum sibi intelligebat.

Hinc studiosè Ciasniciam diem ad conveniendum exercitui edixerat; ut ibi & in re præsentis, loco ex quo tam Smolenscam quam Lukos commodissimè ac paribus ferè



spatiis perveniri posset, cum consilio constitueret: & hostem quam posset maximè ab hac cogitatione averteret; quam ob causam in literis etiam, quæ ad illum scribebantur, præter Livoniæ ac Polotiæ, Smolenscæ quoque titulum tanquam quæ regij olim juris fuisset, accuratè eximebat; ut dum ab ea parte hostis timeret, illam quam Rex potissimum patere sibi volebat, neglectam relinqueret. Dimisso consilio eo, copiis recensendis, operam dare Rex cepit: primoque equitum Polonorum, qui ad Gedanum, ac Polotiam meruissent, atque proximè in hybernis fuissent, turmis vocatis, cum Rex præter superiorum temporum consuetudinem, majorem quam ante hac in recensendo milite diligentiam adhibuisset, perque angustum pontem transgredientes in proximum collem subductus singulos ipse spectasset; paucissimis tamen equi adempti fuerunt; cum universæ, & militum, equorumque & armarum genere essent ornatisimæ. Post hæc quæ tum primum novo delectu in militiam nomina dederant, productæ fuerunt.

Inter eas, quæ à Samoscio, quemadmodum supra ostensum est, cum equitum tum peditum copiarum scriptæ fuerant. Erant in his Senatorij ordinis nonnulli; alij evocati, qui militiam, cui magnam ætatis partem studuerant, longo jam tempore intermissam repetierant: qui exercitus ipsi pro legatis rexissent: non pauci: qui magistratus, præfecturasque: alij qui officia & honores in aula gererent: magna verò primariæ juventutis multitudo. Equitum duplex genus erat, alterum gravioris armaturæ Husarorum, ejus qua supra ad Disnam uti illos ostendimus: Kotakkorum alterum levioris. Hisce locus arcus, & Coryti bicubitales sclopetos ad humeros aptat, breviores ex cinctu suspendendos dederat, acynace ad latus sinistrum & venabulo ex veteri instituto relictis. Peditum maxima ex parte è finitimis Ungariæ locis, aliquem præterea ex Polonis, qui Superioribus proximis bellis, jam stipendia fecissent, plerosque tamen novo delectu contraxerat.

Cumque ad famam benignitatis, qua peditatum ex iisdem locis Ungariæ superiore anno stipendiis suis scriptum ad Polotiam habuerat, sub idem tempus plures indies confluerent, separatim his quoque per Joannem Thomam Drojovium præfectum Præmisliensem necessarium suum stipendia descripsit; quæ cum omnes copiarum cultu etiam à cæteris diverso & habitu armisque atratis in duplici ducis lectu, qui ad uxorem Christianam Radivilam unica ex ea filiola orbatus fuerat, ab omnibus iis veste mutata uterentur; fiebat ut hac quoque re præ cæteris conspicuæ essent.

Pridie quam Ciasnicia Rex moveret, quod

eum diem legatis, qui Vilnæ apud eum fuerant, ad quem expectaturus illos esset, Rex præfinierat: Summa celeritate nuntius à Mosco venit; nec expectato solenni ornatu, qui obeuntibus legationes ex Thesaurio Moscovitico præberi solet, quod is cum impedimentis subsequeretur, ne dies ante exiret, communi cultu præter morem gentis ejus legationum Rege salutato literas reddidit. Quando Regem adduci non posse intelligeret, ut legatos pacis causa ad se mitteret, se de more jureque majorum suorum & suo concordie causa discedere: Oratores primarios homines suos jam mittere: ante quintam aut summum sextam decimam Augusti diem affore: Postulare, eos Rex Vilnæ expectet. Nam ut alio loco, quam in ipsa aut regni aut magni Ducatus Lithuanie sede Oratores sui Regem adeant, recepto superiorum temporum omnium more refutari. Responsum, Regem legatos, quos alter superior nuntius quam primum missum iri confirmasset, adhuc expectasse: ut Vilnæ audiantur, multis ibi nominibus integrum non esse, longius jam Vilna ad exercitus suos progresso; quibus cum, quod militem sine magno suorum detrimento intra fines suos habere non posset, quod videretur, moturum; si quo tamen loco oratores Mosci ad se pervenissent, quæ dicerent non gravatè audiretur. Hoc nuntio tali cum responso dimisso, postridie Rex è stativis, quæ in agro Ciasnicensi habebat, Lepelam, indè Ulam castella propinqua excurrit: ut in re præsentimuniendane an delenda essent, statueret. Exercitum dimensis ante itineribus Vitepsciam movere juber; ad eumque biduo post, in secunda à primis stativis castra recurrit. Aliæ eod die à Mosco ad Regem literæ afferuntur, eodem pene quo superior proxima epistola fuerat, argumento: legatos se summa cum potestate de pace agendi mittere: postulare, ut pro more majorum Vilnæ audiantur; quod si impetrari non possit, tamen intra fines ut expectentur.

Responsum ad hanc etiam epistolam fuit: cum oratores venissent, quæ dicerent, Regem cogniturum: Si iusta atque æqua attulissent, neque in ipso belli ardore fidæ iustæque paci non locum relictum iri: Interea cum exercitu Regem progressurum; ipse quid sibi de legatione sua faciendum esset videret: se unum præstiturum, & oratoribus ejus, & eorum orationi si iusta foret, quocumque in loco conveniretur, locum apud se fore.

Adjuncta regis literis altera ad nuntium, quem Ciasniciæ apud Regem habuerat, epistola à Mosco fuerat: quam cum resignandam alij existimarent, Rex integram ad hostem remisit. His castris ac deinceps plerisque proximis cum Rex de belli administrandi ratione quotidie ad consilium re-

ferret,

ferret, & castra hostilia duo Velisium ad Dunam flumen, Uluiata ad amnem cognominem sita ad Lukos hærenti à tergo in hostis potestate relinquenda regi non viderentur; eoque magis, quod jam ante Dunam omnem potestatis suæ facere cupiverat; ante omnia Velisium, ut rebus omnibus firmius, & ad omnia momenti majoris oppugnandum ratus, Samoscium cum iusta exercitus parte eodem mittit. Huic ad copias, quas ab eo ipso adductas ante expositum est, alias cum Polonorum Ungarorumque equitum sclopetariorum, ac in his Georgium Farensbekium Daniæ Regis Marchalcum aliquo equitum ac peditum Germanorum numero sub idem tempus ad Regem venerat, attribuit. Deposcebant easdem sibi partes Lithuani.

Respondebatur ab altera parte, quod nullus esset Polonicus Dux, Lithuanicum penes Regem manere oportere: quod ad limitanei militis Ducem pertineret, ita moribus majorum comparatum esse; ut militiæ imperium summum penes Ducem exercitus, domi jurisdictio omnis circa Regem penes Marchalcum regni esset: absente exercitus Duce partes ejus Marchalcus in castris exciperet: Cancellarij munus in consiliis publicis, judiciis legationibusque introducendis, precibus ac meritis singulorum ad Regem referendis versaretur, ad eundem, quoties Marchalcus abesset, ejus quoque potestas omnis rediret: limitaneæ militiæ præfecti non tale munus esse, ut cum illis magistratibus comparari posset; quod ab initio privatim à Ducibus introductum, deinceps etiam commendatione Ducum conferatur. Diremit controversiam, quod res celeritate opus habebat: qui autem ex Lithuanico exercitu ire eo debuerant, nondum advenissent: Samoscium non modò copias suas instructas jam haberet, verum ab omnibus aliis etiam rebus esset paratissimus. Itinerum enim ac locorum, in quæ iretur, difficultates animo providens, cum fabrorum aliorumque opificum, qui bello usui essent, ac tormentorum campestrium non exiguum numerum adduxerat: tum pulveris tormentarij, comæatus ac pabuli maximam vim compararat; jamque ante è Præfectura Knissinensi unum in locum omnia comportata secundo Memela fluvio Kaunam, atque indè ad verso Vilia flumine Michaliscos: Michaliscis terrestri itinere Postovam, indè Disnam, & mox Duna flumine Vitepsciam præmiserat.

Iisdem temporibus à Themesvariensi Bassa, qui quoddam per totam Ungariam, fama belli pervagata erat, & in proximo Ungarorum delectus haberentur, ne aliò quam tanta ferret, id erumperet, subveritus fortè fuerat, legati nullis certis cum mandatis speculandi tantum causa ad Regem venerunt.

Vitepsciam Samoscium cum venisset; biduum ibi commoratus; militem omnem eo contrahit.

Interim quæ ad disciplinam militarem tendam adque itineris rationem pertinebant, constituit, edictisque sanxit. Simul tormenta, quæ à Rege acceperat adverso Duna flumine cum reliquo graviore belli instrumento præmittit. His præsidij causa Stephanum Lazarum cum peditibus, cui præerat, Ungaro læva ire jubet: tormentorum ac reliqui apparatus bellici Stanislaw Kostkæ Succamerario Culmensi cura demandat. Primo agmini Lucam Dzialinium Kovalensem, Brodnicensemque præfectum affinem suum præficit. Huic Nicolaum Urovecium, quem primo à patre suo disciplina militari imbutum in proxima expeditione Polotiensis sub Melecio cum ala equitum militare jusserat: nunc quod non modo in periculis obeundis animi magnitudinem ejus, sed & ad quosvis militares labores tolerandos promptitudinem perspexisset, circa se habere instituerat, adjungit; ea itineris ratione præscripta, ut iusto intervallo reliquum agmen præcederent. Cum reliquo exercitu medius ipse incedebat: Stanislaw Jolkevio, postea Palatino Belsenfensi legato; qui & antea in Podolia sub Nicolao Seniavio Palatino Russiæ contra Tartaros pro legato exercitus rexerat.

Illum impedimenta sequebantur, quæ agminis pars majorem ferè; quam reliquæ difficultatem habebat; propterea quod si in tanta carorum & servitiorum multitudine, quæ in regionibus vastis carere exercitus non poterat, mutuo ea inter se implicarentur, vehementer eam rem exercitum morari necesse erat. Huic res ita occurrit, ut universorum impedimentorum agmen in tres ordines distribueret: & quo quæque turmæ, aut cohortes ordine incederent; eodem impedimenta, ut quorumque essent, incedere juberet: Singulis carorum ordinibus à fronte & à tergo iusta peditum manu præsidio attributa; quod quo diligentius observaretur, nec inter se curus implicarentur, cum procederent impedimenta, initio in pacato ad Vitepsciam à se facto, indè ordinum ductoribus tradito; per vices binos semper inspicere jubebat. Extremum carorum ita incedentium agmen selectissimæ cohortes, peditum atque ultimo loco alæ aliquot equitum clauderant. Matura jam in agris, qua exercitus iter faciebat, frumenta; ac maxime pabulum erat. Cum autem Regem Samoscium cum reliquo exercitu eadem via subsequendum sciret, in partes certas universum agrum eum, per quem iter erat, descripsit; quarum unam exercitui, qui cum illo erat incedendam permisit: reliquas sequenti alij exercitui integras servari jussit; quæ res diligentissimè à milite observata



vata fuit. Regi eadem die, qua Samoscus moverat, Vitepsciam venienti Lithuanicæ copiarum tam stipendiariarum quam voluntariarum se obtulerunt, eo & numero & ornatu, ut superioris anni detrimenta nemo agnosceret. Simul Polonicæ copiarum nonnullæ quæ è longinquiore regni locis tum primum ad exercitum pervenerant, utriusque item generis tam voluntariarum quam stipendiariarum censæ fuerunt.

Samoscus Surassum interim, quod extremum regiarum ditionis oppidum fuerat, subitario opere per Kasplam flumen ponte facto pervenit. Hic ut tormenta, quæ adverso Duna tardius subsequerentur, expectaret, militemque ex itinere reficeret, ac de reliquo itinere consilium caperet, diem unum substituit. Velisium frequentissimam olim urbem fuisse, nomenque à magnitudine, cuius hodie adhuc indicia amplatum fossarum vestigia quædam ab accolis ostenduntur, accepisse putatur.

Sub Lithuanorum imperio per pagos totus ille ager habitabatur; postquam Moscoviarum duces alibi occupatis Regibus Polonicæ ditionis suæ regionem eam fecissent, castra etiam Velisio veteri nomine retento, contra præsidium Vitepsciense eum communierant; ex instituto præterea suo cum ab aliis partibus, tum maximè cis Dunam, à qua tam Velisium quam Vitepscia, & quod postea conditum fuit, Surassum sita sunt, quod eam minimè patere vellent, inviarum sylvarum objectu impediverant. More enim suo agrum hosti proximum per aliquot millia passuum studiosè incultum ac desertum ut plurimum Mosci relinquunt: quo crebrarum arborum, quas in solo vacuo enasci interim necesse est, densissimarumque sylvarum tanquam vallum hosti objiciant; ita se maximè tutos contra hostiles incursiones existimantes, si undique quam vastissimas solitudines circumdedere.

Surassum temporibus SIGISMUNDI AUGUSTI Stephanus Zbarasius Palatinus tum Vitepsciensis, nunc Trocentis, veritus ne Usviata & Kasplæ, quibus in Dunam influunt, capita ad conjungendam Smolensensem & Lucensem ditionem munitione aliqua hostis occuparet, quod ea flumina ita ex adverso in Dunam influunt, ut Usviata Lukos, Kaspla Smolenscam pertineat, præveniendum eum ratus subitario opere communierat. Hoc in ipsum quasi initium sylvarum incurrit. Samoscus cum duas omnino vias secundum utramque Dunæ ripam propositas sibi videret, intelligeretque si ultra Dunam progrediretur, bis flumen transeundum: pontem alterum sub Velisio in conspectu quasi hostis facien-

dum; etsi de altera quaerendo reperiebat, non difficile modo transitu esse; sed vix singulari homini iter per eam esse: exercitum post Vitoldum Ducem centum sexaginta annis neminem ea duxisse; ea tamen ire constituit. In sylvam ipse se infert: locisque per quæ patefacienda via erat, perlustratis, atque inde peditum aliquot cohortibus immisis, partim securibus sylvas cadere, ferroque viam aperire: reliquos opere occupatis præsidio scloperis expeditos esse, operisque & excubandi vices partiti inter se jubet.

Erat magni laboris res, primum arbores, quæ in solo ubere tot annorum spatio inimensum se effuderant, excindere; eadem deinde de via, quæ instituebatur, comportare; Eum alius excipiebat non multo levior cum præcipitia aut palustria loca pleraque essent, vel ponte ea sternendi, vel cratibus ac virgultis exequandi. Singulari tamen militum ac Nicolai præsertim Vrovecij studio, per viginti millia passuum ea die via patefacta, postridie illac iter exercitus faciens, ad locum Verschovinum appellatum, in quo pagus olim fuerat, totidem à Velisio passuum millibus pervenit.

Propinquum Verschovino locum Vitoldi pontem etiamnum Kosakki nominant; quod fama acceperint, isthac ponte effecto Vitoldum aliquando copias duxisse; eodemque tum etiam per latissimam paludem, paucarum horarum spatio celeriter ponte effecto, postridie minus emensus, quod montes crebri interjecti iter morabantur, decem à Velisio passuum millibus, summo silentio confedit; nulloque ne pabulandi quidem causa excurrere permisso, sequenti die oppugnandi præsidij consilium cepit.

Objiciebatur hoc loco nova difficultas; quod hostis, quod is locus castris propior erat, eò diligentius muniendum ratus, incisis arboribus, iisque ex adverso dejectis, & inter se commissis, aliisque insuper coercatis, per aliquot millium passuum spatium, omni muro firmiore munitione se sepsit; sylvaque quæ ne perspicere quidem posset, etiam media die nocturnum aliquem horrorem ingredientibus incutiebatur. Dat iterum negotium pediti, ut iter explicet. Eodem die Mikitam & Birullam notos Kosakorum Duces, qui excursionem in ditionem Smolensensem superioribus diebus facta, ab ea ad exercitum venerant, longo ambitu trans Dunam flumen ad obsidendam viam, quæ ad Lukos pertinet, mittit.

Excipitur ab his Kudravus nobilis Moscus: qui cum duobus comitibus egressus fuisset, unus eorum à Kosakkis interfectus, alter elapsus

elapsus fuerat. Ex hoc postridie in castra perducto quale præsidium Velisij sit, deque Kosakorum manu aliqua allaram fuisse ad præsidium famam, tantum in propinquo exercitum ignorari cognoscit. Quibus rebus cognitis, relictis in loco cum præsidio certarum turmarum & cohortium omnibus impedimentis, præmissisque peditibus atratis & Vibranoviana cohorte, ac reliquo peditatu ipse ad extremum sylvæ propinquo à Velisio intervallo subito excurrit, quod ea loci natura erat, ut si hostis adventu ejus cognito, aditu prohibere eum voluisset, exigua hominum manu intra sylvam plerisque aliis, tum eo maximè loco eum morandi sumnam facultatem haberet: simul si forte fama adventus sui ad hostem nondum perlata, per incustoditas portas irrumpere, ac repente præsidium opprimere posset. Vix extra sylvam eo egresso, hostes tormento explorato adventus ejus signum dant: eodemque momento accolis omnibus intra munitiones receptis, quicquid circa eas ædificiorum erat, incendunt. Samoscus militari nihilominus clamore sublato, subita equitum peditumque excursionem obiri munitiones jussit.

Est Velisium spatio satis amplo, turribusque novem munitum, ad Meridiem atque Orientem Duna flumine, à Septentrione rivo quodam, qui per lacum in Dunam ibidem infra castrum illabitur, ab omnibus partibus maximè verò ab Occidente altissimis fossis ambitur. Castris à Septentrione metatis, munitiones à superiori Dunæ parte Ungaros agere jubet; infra eos medio loco Polonos: Vrovecium cum atratis cohortibus ab Occidente curare: ultra Dunam Lukos versus Kosakkos in excubiis collocat. Perfecto paucis diebus magna celeritate opere, tormentis quatere muros instituit. Ea tum nostrorum tormentorum, quemadmodum ex captivis & tormentis ipsis tractis cognitum postea est, licitas fuit, ut nullus fere globus mitteretur, quin ex illorum tormentis aliquid corrumperet. Indè ignitos globos Bornemislæ, quem Ungarorum munitionibus Samoscus præfecerat, periclitari placuit: Incendioque ex Ungarorum munitionibus excitato, ac mox oppresso, idem Vrovecius cum tentare cepisset, pars pontis interscissi, quæ reliqua ad portam castris erat, ab atratis exusta fuit. Simul duabus diversis è turribus altius fumus tolli conspiciebatur, re hac animadversa hostes primum repentino nostrorum adventu, cum à qua re maximè tutos se fore crediderant, tam invias sylvas exiguo temporis spatio superatas à nostris intelligentes, nihil deinceps sibi tutum, nihil nostris difficile futurum judicarent: Simul operis perfecti celeritate, tum

verò præsentis periculo territi deditionem fecerunt.

Moscus Polotiensium præsidiorum expugnatione commotus, similem casum in aliis castellis, quæ Lithuaniam versus ex materia omnia facta erant, veritus, cespitem muros eorum tegere instituerat, quare, quod cum per cespitem subitatio opere non satis altè congestum ad parietem globi penetrassent, tanto & firmiter hærent, & restinguendi sui facultatem ferè nullam relinquerent, vel maximè tum lædebatur. Commeatus, pabuli, pulveris tormentariorum, apparatusque bellici tantum repertum fuit, ut recreato omnibus rebus his exercitu, quantum præsidio satis esset, nihilominus relinqueretur. Rex Surassi, quo interim pervenerat, dum in Duna pons componeretur, & de eventu oppugnationis Velisienensis cognosceret, subsistere constituerat: nuntio hoc cum præfectis, qui in præsidio fuerant, à Samoscio accepto, eò lætior, quod de ea gratulatione, castris, quod maximè integrum in potestatem suam pervenire cupiebat, detrimento nihil fortuna diminuerat, dum pons ex lintribus nota ratione componitur, ad videndum Velisium excurrit: moxque Surassum se recipit.

Sub idem tempus literæ à Mosco afferuntur, quibus demissius, quam ut non simulata ab eo humilitas videretur, significabat, jam se legatos de pace cum idoneis mandatis, quibusque controversias minui posse existimaret, contra & suam & majorum suorum consuetudinem dimississe; quia fieri tamen possit, ut minus adhuc mentem Regis perpexerit, ideoque nondum omni ex parte ea Regi satisfaciunt; Petere se, ut aut Rex suam de his sententiam planius per literas aperiat, aut legatis suis id facere permittat: cum primis autem antequam legatos audiat, intra fines exercitum reducat, absque omni in suos injuria prohibeat. Sub finem literarum à crudelitate, locorum Scripturæ sacræ nonnullorum autoritate, more suo ac solito majori laudandæ, quam observandæ ejus studio Regem dehortabatur. Rex in eadem simulatione, qua antè usus fuerat, persistere eum videns, tribus pontibus universum exercitum in ulteriorem Dunæ ripam mox traduxit.

Postridie iter facienti iterum literæ à Mosco redditæ fuerunt: Legatos suos maximis itineribus progredi expectaret venientes, ne tridui moram magno detrimento rebus suis futuram cogitaret. Regem nihil de celeritate consueta remittere cupientem tardabat difficultas viarum, quod Moscus, eo, de quo ante diximus, instituto à Lukis etiam Lithuaniam versus centum & viginti ferè mil-



lium passuum spatio densissimas sylvas aluerat.

Itaque hic quoque sylvestria erant loca vix singulis pervia: propter crebras autem paludes interjectas magna præterea ex parte cœnosa, per quæ ægre jumenta evaderent. Accedebat huc, quod à primis omnibus pabulo, si quod fortè erat, consumpto, apud majorem exercitus partem magna ejus quoque rei inopia laboraretur. Itineris is ordo observabatur, ut in primo agmine Lithuani sub Palatino Vilnensi Duce & Christophoro filio limitanei militis præfecto proficiscerentur: Hos Joannes Zborovius Castellanus Gnesnensis aulici militis præfectus, qui jam tum ad Regem venerat, sequeretur.

Postillum Ungaricus tam equitatus quam peditatus incedebat. Hos, Rex cum robore exercitus & comitatu aulico suo cui Albertus Radivilus Palatij Marschalcus in ea expeditione præerat, sequebatur. Regem Joannes Sbarafius Palatinus Braslaviensis cum equitatu Polonico: Ultimum agmen Nicolaus Seniavius Russicarum copiarum præfectus clauderat, qui quod pacatis tum Tartaris nihil tumultus ab illis expectaretur, itidem ad Regem se contulerat; tormenta aliusque bellicus apparatus omnis una cum eo, quem Samoscus ab oppugnatione Velisii ad Regem remiserat, per Uliatam adverso flumine trahebantur. Cum Lithuani primo agmine tardius procederent; Rex delectos ex Ungarico peditatu trecentos ad explicandam celerius cum Lithuanis viam præmisit, à quibus magna celeritate via expedita primum Lithuanorum agmen XVIII. Kalend. Septembris ad Uliatam pervenit: Rex decem ab ea millibus passuum confedit. Uliata in modico colle intra duos lacus ac flumen Uliatam sita, ob Occidente Usmiana lacu, ab Oriente altero Uliata, à Meridie flumine ejusdem nominis, qui per utrumque lacum decurrens ad Surasum in Dunam influit, clauditur. Cæperat ad arcem admove re munitiones jussu Palatini Vilnensis cum Lithuanis Georgius Sokolinscius.

Huic cum Ungari se adjunxissent, atque una nocte admirando labore ad portam tam propè, unde telum adjici posset, fossa perducta, continenti sclopetorum ictu neminem in adversa turri consistere paterentur; nomine simul & adventu regio, quem ex laribus castrorum spatiis ab castello in omnes subjectos campos despectum habente cognoverant, territi, qui in præsidio erant, deditionem eodem die fecerunt. Rex ab Uliata Lukos versus tendens principio eadem rursum viarum asperitate, perpetuis sylvis densissimè, quemadmodum antè dum ante ostendimus, inter se implicatis, adhuc

solo cœnoso & impeditissimo exceptus fuit. Post commodiore aliquanto via usus fuit, aridiorè & arenoso penè solo. Ubique tamen ut per loca inculta ac deserta magnam commeatus inopiam exercitus perpetiebatur.

Reliquerat Rex ad tormenta, quæ ab Uliata terrestri itinere tardius sublequebantur, Nicolaum Seniavius cum Russicis copiis: apud hæc eò etiam vehementius laboratum fuit, quo eæ propter impedimenta tardius incedebant. Sublevatæ tamen deinde aliqua ex parte à privatis Samoscij navibus fuerunt: quas cum ulterius trahere secum non posset, Uliatam commeatus ac pabuli plenas dimiserat. Sub idem tempus Volminscius à Christophoro Radivilo Lukos præmissus, aliquot ab urbe millibus cum stationibus hostium prælio commisso, aliquotque captis, cæteros in fugam vertit. Samoscus, quod pons, quo aliàs in transmittendis fluminibus exercitus utebatur, penes Regem erat, rate, quali ad Sokolam exercitum traductum ostendimus, ad Velisium quas secum habebat copias traduxit. Accidebat autem, ut cum Velisio, quemadmodum dictum est, naves, quibus commeatus exercitui supportabatur, Uliatam ab exercitu dimisisset, tyrones, plerique, qui nuper nomina in militiam dederant, nec magnum rei militaris usum habebant, quod ab eo præsidio, quo maximè confidebant, relinqui se videbant, angustias itineris ac sylvarum, per quas duci se audiebant, magnitudinem veriti animis ferè conciderent, compluresque passim diffugerunt; in quorum unum atque alterum desertorum graviori pœna constituta, reliquos facile Samoscus retinuit.

Proficisceretur via militari, quæ Smolensca Lukos ducit, ut dextrum latus Regis teneret; qua via cum Moscus quoque exercitus suos ducere soleat, quos quemadmodum supra dictum est, Lukis semper cogebat: omni ea pontes maximis ac robustissimis ex trabibus facti erant; qui tamen cum vetustate plerique vitium fecissent, non exiguus in illos ipsos reficiendos labor militi impendendus erat.

Excubabant ad Lukos & prata Ornanensia Tartarorum Nohaiensium turmæ aliquot, quas Vlanecius è principum Tartarorum genere in Moscovia natus ducebat. Eas Chilchovus sub primam oppugnationis famam Velisium miserat. Cum Bobroiedovum quinquaginta à Velisio passuum millibus accepto jam in potestatem à Samoscio castro, venissent, & ab agrestibus, quo loco res esset, cognovissent, Toropeciam versus se recipientes, inde agmen nostrum ex itinere observare instituerunt.

Scri-

Scripterat Rex ad Samoscium, ut quàm primum cum eo se conjungeret: qua de causa cum à Smolenscensi via ad lavam Samoscium iter converteret, Tartarus interim, qui jam antea semel à fronte ad Poloniam flumen rejectus fuerat, iterum recurrebat: siquos lentius insequentes extremum agmen observando excipere fortè posset. Sed præterquam quod ea ratione, quemadmodum ante ostensum est, copiarum incederent, ut extremum agmen lectissimæ cohortes, ac turmæ aliquot equitum clauderent, Kosakkos etiam, quoties ejus rei facultas daretur, post agmen in insidiis confidere Samoscus jusserat: quibus si qui vestigia exercitus legerent exciperent.

Id cum fortè ab iis, qui sub Vincentio erant, factum fuisset, atque in campum quendam è silvis aciem agmen nostrum explicaret, Ulaneciusque, cum Tartaris signa conspicati retro cederent, ipse ante alios progressus, ut se sequerentur, suos hortaretur, in Kosakkos incidit, ab iisdemque circumventus captus fuit; reliquos Tartaros fugientes sylvas texerunt. Samoscus cum ad Cranensia prata quinque circiter millium passuum intervallo à reliquo exercitu confedisset, mox ad Regem inde accessit. Præmissi de exercitu Lithuanico à Radivilo antecursores Lukos versus fuerant; qui cum ad Lovatum fluvium progressi, itineris duce, qui vadum illis commostrarat, delituti ad arcem pervenire non possent. Mosci interim, qui in præsidio erant, facultatem nacti Demetrium quendam, qui in Lithuania diu versatus tum ab exercitu Lukos transfugerat, cum literis ad Principem suum mittunt, deque adventu exercitus, & quod pridie jam copiarum nonnullæ sub munitionibus se ostendissent, certiores eum faciunt. Exercitu per angustias sylvarum in aperta omni traducto, non parum jam ad summam rei profectum, ac quasi ad universam Moscoviam aditus patefactus existimabatur. Constat enim inter omnes, si Moscus ad prohibendum transitu exercitum se convertisset; plerisque locis, vel exigua manu nullo negotio cum distingere àque re frumentaria in tam invisis sylvis per quas viginti dierum spatio hæsisset, interclusum incommodo etiam afficere potuisset. Rex cum ad arcem rectà ducere constituisset, Samoscium, qui situm naturamque loci cognosceret, præmisit.

Vielkoluki, ac si magna prata diceret, ab amplitudine ac frequentia urbis circumjacentis regionis totius amœnitate, atque cultu nomen acceperunt. Arcis in modicum tumulum subductæ, qui omnibus ferè ex partibus lacu, altissimaque valle, quæ lacum undique ambit, continetur, à Meridie & Oriente, à qua una sola parte lacus non coit, imam partem Lovatus fluvius ambit; angu-

sta omnino semita inter lacus, & suas ripas relicta, quæ eodem quo arx ac flumen ipsum, flexu in longitudinem sinuatur; vallo tum circumdata erat altissimo, qui non modo privatorum ædificiorum, sed templorum ipsorum, quæ frequentia in ea sunt, pinnaculorum conspectum accedentibus eripiebat.

Ad has munitiones, turres Getmani cujusdam artificis opera scienter dimensas complures: unam verò à fronte, qua ab Oriente inter lacum ac flumen patet, omnium firmissimam ac amplissimam adjecterat. Omnes autem cespites altissimi: major quidem hæc viginti duos circiter pedes lato vestitæ erant. Lovatus supra Jelerisciam ex lacu quodam derivatus, à meridie, quemadmodum ostensum est, arcem perstringit: inde in septentrionem versus, relicta arce, urbeque in duas partes scissa, recto cursu per lacum Ilmenum sub Novogardia, priori nomine in Volchovam commutato, in sinum Finlandicum se exonerat; navigationisque hac opportunitate maximè Lukos locupletaverat. Urbem amplam atque ab utraque fluminis ripa latissimè arcis circumjectam, quamvis mœnibus ac turribus ligneis, fossis etiam satis amplis munitam, quinto antè die, quam castra Rex ei admoveveret, instituto suo omnibus prius rebus in arcem comportatis præfidiarius miles incenderat.

Samoscus jussu equitum peditumque manu ac militaribus aliquot viris assumptis in viam, quæ ad Toropeciam atque ulteriorem Moscoviam pertinet, provectus, ab ea ad arcem rursum descedens Moscis se ostendit. Hostes conspicati, primò suas copias Toropecia vementes rati, extra arcem progressi, mox signis agnitis summa celeritate se receperunt; quidam tamen ac in his Farensbekius subito in eos invecit aliquot affecuti interfecerunt. Samoscus ab omnibus partibus diligenter situ loci perlustrato, ad Regem se recepit. Jusserat sequi se ab exercitu alios quosdam, qui diversâ via excurrentes, ea qua venturus esset, sibi occurrerent. Hos à superiore arcis parte flumen transgressos Mosci conspicati, insidias ab ea parte posuerunt: Itaque celeriter eæ coortæ fuerunt, ut Joannes Bornemissa summæ inter Ungaros virtutis præfectus, cum in turba ab irruentibus manus injectæ ei fuissent, equosque loco humido hæreret, veste relicta recipere se coactus fuerit.

Moscus etiam suspicabatur Smolenscum potius Regem se conversurum: in hanc tamen quoque partem præ cæteris intentus, ad Toropeciam exercitum Chilchovo Duce contraxerat: qui seu Smolensca seu Luki peterentur, quò opus esset, supperias suis ferret.

Man-



Mandata his in omnes casus dederat, ut à prælio omnino abstinerent: in singulos modò, si quos ab exercitu digressos, aut per agros palantes nancisci possent, intenti essent. Ipsi Lukis Knesium Theodorum Obalenscium Lichovum cum summa auctoritate: Secundum eum Michaellem Chassinum & Oxachovum præfecerat: quodque iis ipsis, quos constituerat præfectis non satis salutem arcis exercitusque crederet, Joannem Viechovum primarium cubiculi ministrum, qui Lichovum ceterosque in præsidio: Dementium Ceremissam, ut Chilchovum, qui ad exercitum erat, observaret, per eos dies miserat.

Perpecta loci, quemadmodum dictum est, natura, Rex quæ à meridie fluvius arcem alluit, cum exercitu pulcherrimè instructo sub signis accessit: absque altera parte Samoscio reliquas copias item latissimè expansas adducens, horribilem speciem is universi exercitus uno tempore accedentis, inque tot acies explicati despectus hostibus præbebat.

Postridie legati Moscovitici, nullis adhuc versus arcem munitionibus directis in castra venerunt. Hi cum Smolensca Surassum venissent, quod Surassio regium imperium finiebatur, iis qui deducendorum causa pro more obviam illis missi fuerant, nolle se ulterius progredi, nec in Principis sui ditione mandata sua exponere se posse ostenderant. Cum illi id in ipsorum potestate fore respondissent: se quidem ad Regem redituros: ipsi si ad Principem suum reverti vellent, neminem impediturum: tandem, ut ergo vi se pertraherent, hortati comites fuerant: risu excepti, neminemque ullam iis vim allaturum edocti, ipsi sibi consilium caperent, ridiculè ad extremum vi tamen adactos se sequi attestati, secuti fuerant. Consilio pridie Calend. Septemb. iis dato, eadem, quæ ante dixerant, iterarunt: negarunt posse se ulla de re agere, nisi prius Rex universum exercitum intra fines reduxisset.

Rex legatione tam absurda repudiata, eodem in consilio Samoscio, ut quæ cum illo de ordienda oppugnatione communicaret, administraret, mandat. Rediit sub idem tempus in castra Drobisius. Missus hic paulò ante à Radivilo Toropeciam versus, in turmam equitum à reliquo exercitu digressam incidit: quæ cum paucis excubitoribus aliquot collocatis, quiete se dedisset, tanta celeritate impetum Lithuani in excubitores dederunt, ut unà cum fugientibus ad ceteros quiescentes delati, priusquam ab illis sentiri aut arma capi possent, eos occuparent, nonnullos cæderent: quosdam caperent: reliquos in fugam converterent. Samoscio militem, quem penes se habebat, primò per amnem non admodum altum, sed uligine

valde impeditum, & ad Lovatum restagnantem inter crebras hostium jaculationes, quæ eo pertingebant, ponte: inde Lovatum infra arcem duobus vadis traduxit: atque rivum è regione arcis manantem castra more Polonico curribus circumjectis communiit. Ad eas, quas antè habebat, copias reliquum peditatum omnem tam Polonicum quam Ungaricum Rex illi attribuit. Ungari cum Joanne Bornemissa & Stephano Carolo, qui Michaeli Vadasio successerat, statim transiit: locoque occidentem versus capto, quo ire se juberet ad Samoscium miserunt. Cum ille exteris præ ceteris indulgendum ratus, ipsi sibi locum legerent, se permittere ostenderet: illi rursus ad ejus arbitrium rem rejicerent: ratus eum, quem institissent, locum maximè ab illis probari, eundem, ut retinerent, munitionesque ab eo ad arcem agerent, Bornemissa tormentariorum rei præposito, mandat.

Interim, quod Polonicum quoque peditatum citius subsecuturum arbitrabatur, ad inferiorem fluminis partem, qua urbs antea fuerat, subito nonnullos disponit, qui fossas munitionesque ab ea quoque parte instituerent. Verùm cum quod alios viminum ad corbes militares petendorum causa dimisisset impedimenta eo die omnia traducere non potuisset, at ratas aliquot cohortes præsidio illis relinquere necesse habuerat: præterea reliquus etiam Polonicus peditatus tardaverat: quare fiebat, ut pauci omnino in opere essent: iique cum majus nihilominus pro numero suo opus ea nocte perfecissent, accidit, ut tirones quidam ex ijs negligentius sub arce versarentur, in quos postridie Moscici eruptione facta, priusquam subsidium eis ferri potuisset, unum interfecerunt, alterum ceperunt: Signoque militari, quod lentius signifer proferebat, abrepto, in arcem propere se receperunt. Haud multò post reliquæ cohortes cum impedimentis, universusque Polonicus peditatus advenit: opereque summa celeritate perfectò, sequenti nocte & à Polonis & ab Ungaris tormenta constituta fuerunt.

Eadem nocte intervallum, quod inter Lovatum flumen atque lacum orientem versus exiguum intercedere diximus, perfodere Samoscio visum fuit. Quod cum lacus fossæ vicem arci præstaret, si derivatus fuisset, multò commodius per siccas fossas ad oppugnationem iturum militem judicabat. Peditatui universo Polonico & atratis cohortibus Nicolaum Vrovecium præfecerat: Præterea verò inter primores quosdam comparavit, ut cum ipse ad alia opera abesset, eorum aliqui in vices ad munitiones curarent.

Evenerat tum fors ea Petro Klocevio Castell. Zavichosteni: qui ut homo ad militaria munia

munia promptus, dum ipse ad opus inter frequentes tormentorum ictus, qui continuo ex arce in intentos operi dirigebantur, contendit, globo trajectus interiit. Sub hæc Rex Lovatum ipse transgressus, ut oppugnationem inspicere, quod per tam altum eumque recentem cespitem non posse penetrare globos videret, ne ijs jaciendis tempus eximi pateretur, Samoscium monebat. Itaque in pinnacula, è quibus sedilia tormentorum, quæ per vallum disposita erant, dirigebantur, jaculationibus ab Ungaris conversis, incensamox ea fuerunt. Etli autem ulterius ignis non progrediretur, quod sedilibus, quæ diximus, exustis, in aggerem mox delinebat: illi nihilominus incendium conspicati, manu statim facta ad vallum successerunt: iustoque temporis spatio sub eo versati, cum tandem hostis collecto animo ad repellendos concurreret, illique nihil eorum, quorum causa in eum locum progressi fuerant, succedere sibi viderent: sub noctem ad munitiones suas per lacum se receperunt.

Legati interim qui in castris erant, incendio hoc in metum adducti, iterum admitti se periebant, cujus rei altera die potestate iis facta, quod ignis jam conquieverat, illique metu jam liberati sibi videbantur, eadem qua antea simulatione usi primò Curlandiam & Rigam Regi offerebant: his deinde Poloniam adjiciebant: tandem pro captivis Usvitiam & Jersisciam: ex quibus Jersiscia sola in potestate Moscici tunc erat. Multis ultro citroque verbis factis summa hæc fuit, ut spem facerent, posse ad æquiores conditiones pacis causâ Principem suum adduci, si tabellarium cum literis hac de re ad illum mittendi potestas sibi fieret: Rexque ipse non acquiescere se conditionibus à legatis propositis per literas ei ostenderet: interim ab oppugnatione abstinere: id ut illis permitteretur, Senatores quidam Lithuani persuadere Regi conabantur: quod cum omnia tam diu frustra tentari viderentur: omnibus incommodis belli se potissimum, apud quos sedes ejus esset, expositos, periculoque proximos cogitarent: ac si capta arx esset, defendendæ ejus onus, quod in tot hostili præsidiorum vicinitate, sylvarum à Lithuania interjectarum magnitudine maximam difficultatem habiturum intelligebant, ad se potissimum rediturum. Rex etsi ad omnia potius descendere paratus erat, quam oppugnationem dimittere: urgentibus tamen illis, Samoscium qui ad munitiones tum versabatur, assiduusque in opere erat, ut de statu oppugnationis, quemadmodum postulatam à Lithuanis fuerat, ex eo cognosceret, accersit.

Duobus primariis Senatoribus Lithuanis adhibitis, quid à legatis petatur ostendit: quærent ex eo Senatores ij, quid de successu oppugnationis polliceatur: nisi certam spem

potiundæ arcis afferat, satius esse petentibus jam dari, quod haud multò post difficultatibus ipsis cogentibus majori cum ignominia tribuendum foret. Responder Samoscio, ut in re, quemadmodum omnia sint belli, incerta nihil certi promittere possit: ita benetamen potius cum consilio atque fortuna Regis, tum virtute militum fretum sperare: præsens verò oppugnationis tempus eximi pati, quem alium exitum habiturum quam ut si qua nunc expugnandæ ejus, facultas sit: ea postquam anni tempore in autumnum jam vergente consuetæ regionibus iis tempestates, effusique imbres ingruerint, nulla prorsus relinquatur? Rex quemadmodum ante in animo habebat, inducias dandas non judicabat: ut suum interim negotium utraque parte, ea qua antè ratione administrante, literas legati ad Principem suum darent, permitit: iis suas addidit, quemadmodum petatum à legatis fuerat, quibus diem certam intra quam rescriberet, illi præfiniebat: Simul Ungaros vallum subire, absque ima parte ejus, cuniculum aperire, huicque pulverem subicere jubet.

Itaque ponte ab eo loco, quo angustior lacus erat, subitatio opere strato, reliquoque opere una nocte perfectò, pulvis sub crepusculum subjectus, & à meridie dum incensus, turrim, quæ ab ea parte erat, cortipuit: cespitemque disjecto parietem propugnaculi nudavit, quem cum Ungari mox incendissent, Moscici incendium, quod maximum exortum erat, restinguere conantur: nec nostri a continuo in Moscos ex omni tormentorum genere jaculationibus, nec illi à conatu restinguendi ignis, magno cum incommodo suo, prius cessarunt, quam nox interveniens & nostris scloppetorum ulum eriperet, & illis opprimendæ flammæ spatium daret.

Ab altera parte munitiones hostium, quas permajus, quod demonstratum est, propugnaculum egerant, vineæque intra quas tormenta constituerant, quam maxima nostrorum tormentorum vi de vallo proturbantur: eumque impigrè tormentis res administraretur, vineæ omnes ferè de vallo dejectæ fuerunt, hostesque se ac tormenta subdixerunt.

Plerisque cuniculum indè ad propugnaculum agendum existimantibus, Samoscio ea de causâ minus id probabatur, quod in solo humido ac palustri, intra flumen atque lacum medio vix cuniculo locum fore judicabat. Quod verò propugnaculum id ulterius nonnihil quam reliquæ turrets, ita prominere animadverteret, ut nulla ab aliis propugnaculis tormenta rectis ictibus per frontem ejus dirigi posse: omnesque qui à lateribus in eam parrem acciderent, transversi ferri viderentur, si ad eum locum miles succederet, quod à tormentis lædi non posset,



posset, vel per ipsum cespitem multo faciliore ac commodiore ratione lignonibus ad turrim viam patefieri posse sibi videri ostendebat. Itaque fossam versus propugnaculum duci jubet, quam rem Luca Syrneo cum atratis cohortibus impigrè curante, cum ulterius progredi vellet, palis, quos iusto spatio ante vallum ingentis magnitudinis confertissimos in terram defixos objecerant, prohibitus fuit. Postridie vineis ac tormentis hostium, quemadmodum dictum est, jam antè summotis, nonnulli ex nostris inter se cohortati nullo imperio ad propugnaculum excurrentes, scalis admotis, vallum scandere ceperunt. His à Moscis partim à fronte dejectis, partim per averfam portam, quæ ad Lovatum ab oriente pertinebat, erumpentibus circumventis, quidam ex iis gravissimè vulnerati relictis fuerunt.

Samoscius qui alia tum ad castra curabat, cum de irruptione ea nostrorum cognovisset, subito ad eas munitiones se retulit: conspicatusque vulneratos, quos diximus, aureis aliquot nummis depromptis, quos ut tiro num animos ad maturandum impigrè opus præmiis invitaret, ad tormenta semper expositos habebat, certam pecuniam si qui vulneratos retulissent, pronunciat: quibus relatis, ut levi initio successum ejus, quod animo proposuerat, periclitaretur, ligone uni dato, præmioque proposito, quid fieri velit, ostendit: interim si primo successisset, qui eum sequerentur, paratos esse, ac ad fossam inferiorem procurrere, ibique se continere, & signum expectare jubet.

Contra eruptiones hostium Vibranovium opponit: eum cum sclopetariis aliquot secundum ripam fluminis propius versus propugnaculum, atque averfam portam, per quam erupturi hostes erant, succedere: Veierum præterea ex munitionibus diligenter tormenta in erumpentes emittere jubet. Ille, quemadmodum iussus erat, accepto ligone, per fossam intra munitiones nostras ad palos usque, quos ostendimus, pervenit: inde summa celeritate per crebras hostium ejaculationes ad vallum procurrit, eique se applicans jam extra tormentorum hostilium ictum, cespitem ligone scalpere incipit. Hostes à diversa parte circumveniendi ejus causa se effundunt. His Vibranovius, qui ad ripam fluminis, quemadmodum dictum est, cum sclopetariis aliquot collocatus fuerat, à tergo se ostendit: cumque creberrimis præterea tormentorum ictibus, qui ab omnibus partibus ex munitionibus in eos dirigebantur, peterentur, reiecti fuerunt: Unus verò ex iis Sabinus Noslovus strenuus manu inter Moscos, & qui è præsidio Susensi magnis incommodis nostros affecerat, duobus globis frontem à Vibranovianis perstrictus, unoque à Vejero emissio sub pedibus ejus transeunte percussus ad stationes à no-

stris pertractus fuit, ubi se collegisset, interrogatus de statu præsidij omnia dicebat, quibus spem potiundi ejus nostrorum minueret: non ejus generis arcem esse, quæ cum superioribus à nostris expugnatis, comparari posset: vallo crassissimo cingi: turres latissimo cespite protectas nec tormentorum ictibus, nec incendiis patere; propugnaculum illud unum munitissimæ arcis instar esse; ternis ingentis magnitudinis trabum ordinibus singula ejus latera revincta: altissimo cespite vestitum: ne cuniculis quidem tentari posse, cum propter soli palustris humiditatem, tum quod fundamentum ex firmissimis palis, ac ingentibus solidisque saxis subiectum haberet.

Hæc Samoscium omnia magis in sententia confirmabant. Nam & quod cuniculo antè aggressus eam non fuisset, bene cecidisse intelligebat: & quo major lignorum vis unum in locum congesta esset, eò & citius incendium tolli posse, majoresque vires sumpturum judicabat. Postridie aliam fossam secundum flumen, qua Vibranovius antea constiterat, duci jubet: Subsidia in hac contra eruptiones collocat: tormenta item trans flumen contra averfam portam transducit: Simul magnam materiæ vim comportatam, stupam involutam, sulphureque ac pice oblitum, Stanislai Kostkæ opera ad futurum incendium præparat: quibus rebus perfectis summo mane, eodem, quo ante modo ligone dato, alterum rursus immitit: ei mox alios summittit: ut crescente tandem multitudine concurrentium, unaque cum ea opere, jam triginta circiter hominibus capiendis os in cespitem patefieret: ac ad turrim ipsam perveniretur. Forte eo loco fenestra olim fuerat, priusquam terra obtegeretur. Per hanc Mosci sclopetis nostros, nostri item Moscos mutuò arcebant, simulque excussis ignibus, ligna, quæ secum attulerant, inferebant: Moscisque hastis tandem perfectè stram gerere rem instituentibus, eas arreptas illis extorquebant. Samoscium interim ad alia castra se paululum receperat: veritusque ne perperam quid administraretur, ne se absente ignes inferrentur, vetuerat.

Postquam ad moveri ignem sensit, statim accurrit: Jamque eò rem progressam videns, ut strenuè eam urgeret, militem hortatus, rædas jam ante eum præparatas, quàm frequentissimas subjici jubet. Multorum hic è nobilitate etiam cum aliorum, tum præcipuè Christophori Rosdrasevii præfecti Lancienensis, qui sub ipsum illati ignis principium, absente Samoscio, ad extremam fossam ac palos procurrens, omniaque pericula magno animo excipiens, promptissimè rem adjuvabat, singulare studium enituit. Non deerant sibi tanto in periculo Mosci: coriisque madefactis, & quibus-

cunq;

cunq; aliis rebus poterant incendio occurrere. Magna rædarum atq; ignium vi toto die continuò in turrim coniecta, nullum tamen adhuc incendium erumpebat, quæ de re variis in consilio sententiis dictis, cum quidam adhuc cuniculos tentandos arbitrarentur, Zamoscius, etsi in ancipitem curam ex dici ejus eventu coniectus erat, nondum tamen plane de suscepta incendijspe, dejectum se ostendebat: posse & parvam scintillam in magnum incendium tolli: suspicari se tantum ignis atque rædarum hujusmodi lignorum & aridorum præsertim strui admotum non sic abiturum, quod si minus tamen nunc successisset, sequenti nihilominus die denuo ignes inferri iussurum: omniaque interim majori diligentia præparaturum.

Ab altera parte Ungari irruptionem, qua ab ipsis aditus in vallum patefactus erat, flagitabant. Samoscium, quod arduus indeque præceps locus erat, ad Regem se relaturum ostendebat: Interim in omnem casum, quis ordo irruptionis servari deberet, si tentanda Regi videretur, disponebat. Mosci interim in tam ancipiti discrimine versari se videntes, contra os, per quod Ungaros irrupturos metuebant, crebra tormenta collocabant: ab altera parte incendio quibuscumque poterant modis contra veniebant. Sed nulla omnino restinguendi ejus ratio ostendebatur: quod ut quisque ad opprimendam flammam turrim ingressus fuerat, fœtore atque fumo protinus exanimabatur.

Cum quò diutius ignis suppressus esset, eò majores vires concepisset, de secunda vigilia magna flammarum vi per cespitem subito erumpente incendium sublatum ædem Salvatoris, quæ proxima propugnaculo erat, corripuit: indeque per pinnacula pervagatum reliqua privata ædificia populari cepit. Zamoscius, quod exercitum hostium in propinquo esse sciebat, excubias aliis novis de exercitu adjectis mox firmat: præsidia equitum supra Ungarorum & Polonorum munitiones disponit: in mediis castris in equis omnes consistere jubet: ad easque Stanislao Solkevio relicto, ipse ad Ungarorum munitiones se confert.

Interim ut & tot hominum vitæ parcere- tur, nec munitiones, tormenta atque apparatus bellicus reliquus, præda denique militi debita incendio corrumperetur, ad deditio- nem Moscos hortabatur. Obsessi in extremo rem suam versari videntes, primario ad illum sacerdote missio conditiones nihilominus, tanquam integris rebus, proponebant. Samoscium retento penes se sacerdote, Paulum Julianum cum Joanne Christophoro Drojovio ad eos mittit, qui quo loco res

eorum sint doceant, unamque deditio- nis conditionem esse, ut clementiæ Regis se permittant. Inter hæc cum illuxisset, simul Rex ac plerique Senatores ex superioribus castris accesserunt. Confluxit & lixarum ac calorum ad spem prædæ non exiguus numerus: jamque pars per vallum nitabatur, quod conspicatus Ungarus miles, fremens expertes laborum ac periculorum oppugnationis ad prædam convolare: tandemque ab hoste quoque crudelitatis ac sævitæ pœnas exposcendas, illiusque etiam sanguine tot commilitonum morsibus, multorumque sævissimè ab illo ex cruciatorum suppliciis parentandum dicens: dum inani clementiæ studio jam toties illi parcitum sit: dimissum ad Polotiam, Susam, Velisum, Usviatam, per alia præsidia distributum: vires ejus auctas, crudelitatemque magis confirmatam, in arcem irrumpit: promiscuè omnes interficit. Idem Polonus miles facit. Miserat jam antea Zamoscius, qui Palatinos primariosque præfectos deduce- rent. Adducti ab iis fuerunt præfecti tres, Joannes Viechovus, de quo supra dictum est, de eo cum ut homine magna apud Ducem gratia, secretorumque omnium conscio diligenti- us Zamoscius interrogasset: ille more Moscovitico ad supplicium & cruciatum se queri existimans, longius è conspectu Zamoscij verius castra productus, conspicatus in proximo Georgium Farensbekium, cum quo in Moscovia notitia illi intercesserat, ad eum vitæ deprecandæ causâ se proripuit. In fugam Ungarus miles interpretatus, subito in eum impetu facto, nullo opem ei ferre valente eum interfecit. Jam ignis ad fornices, in quibus pulveres tormentarij asservabantur, pervenerat, quo periculo oblato pars se subducebat, nonnulli à præda & cæde nullo periculi metu avocari se passi in arce remane- bant, inter quæ subito ingenti fragore edito, pulvis incensus fuit: magnamque cum vicinorum ædificiorum, tum hominum tam nostrorum, quam captorum stragem fecit. Eo igne tormenta simul, & quicquid in arce armorum erat, quorum ex Livonicis manubiis magnum numerum eò Moscos congesserat, instrumentumque militare, ac reliqua præda omnis partim exusta, partim corrupta fuit. Ex majoribus tormentis unum solum accipit- ris imagine, ac circa id minora nonnulla, quæ loco inferiori dirutis ædificiis contra os, per quod Ungari irrupturi erant, disposuerant, reliqua ignis fecit.

Mortuos, quorum passim magni acervi ja- cebant, à lixis sepeliri: fossas è quibus op- pugnata arx fuerat, à milite suppleri rex jus- sit. Inde arcis restaurandæ muniendæque, quod sine ea regionem agrumque ab hoste cap- tum nulla ratione retinere se posse videret, summam curam suscipiendam sibi intelli- gebat.

○

Itaque



Itaque adhibito architecto Italo Dominico Rodolphino Camerte, secundum eam rationem, qua ipse opus dimensus erat, in Polonos, Ungaros & Lithuanos, æmulatione nationum eò citius perfectum iri existimans, id partitur. Erat, quemadmodum supra ostensum est, exercitus hostium ad Toropeciam; qui, quemadmodum iussus erat, prælio dimicare in animo non habebat: in singulos saltem, si quos fortè ab exercitu frumentandi, aut pabulandi causa digressos, excipere posset, intentus erat; Regeque obsessione ad Lukos occupato, quinquaginta circiter è nostris ea ratione oppreserat.

Huic rei cum obsidione jam finita occurrendum Rex existimaret, primum Georgium Barbelium Ungarorum equitum alæ Præfectum, Polonis aliquot, ac Ungaris equitibus, sclopetariisque ei attributis, contra hostem mittit. Postea præstare ratus, si iustas copias mitteret, quæ pugnandi potestate ab hoste facta, occasione data fortunam tentarent, Joannem Sbarassum Palatinum Braslaviensem cum delectis ex omni Polonorum, Ungarorum & Germanorum equitum numero mittit. Huic mandat, ut assumpto Georgio Barbelio, & qui cum illo præcesserant equitibus, propius ad hostem accedat: ac si qua rei gerendæ opportunitas detur, prælium committat. Sbarassus sub vespere castris egressus per totamque noctem itinere continuato, postero die Barbelium assequitur: communicatoque cum illo ac Farensbekio consilio, quem Samoscium tunc adversa valetudine impeditus, cum præcipua juventute ex comitatu suo miserat, relictis eo die ex labore jumentis sub noctem Albertum Kiralium, cum certo equitum Polonorum & Ungarorum numero de secunda vigilia præire: cum unius milliari intervallo cum ala equitum Barbelium sequi jubet: cum reliquo agmine mox ipse subsequitur. Kiralius noctu progressus in hostium excubias incidit; quas ad pontem, circa quem sclopetarij aliquot hostium in insidiis confederant, persecutus; iis relictis, quod intempesta nocte non ulterius progrediendum sibi statueret, eo loco se continuit. Mane Barbelius, ac paulo post reliquus exercitus eum consequitur. Adjectis aliis non nullis levis armaturæ militibus denud Kiralius præmittitur.

Exercitus interim hostium, delectis ex omni suo numero quater mille circiter, qui nostros insequentes morarentur, ac demum ipsi quoque subsequerentur, Toropeciam versus & in Moscoviam se recipiebat. Ultime cum de adventu exercitus nostri cognovissent, territi, continenter & non minus celeriter ipsi quoque cundo faciebant, ut

fugæ consimilis profectio videretur. Antecedebant exercitum ex nobilitate quagringa circiter equites, & ad Kiralium jam pervenerant. Hostes flumen jam transgressi erant; instructaque acie, si nostri flumen transirent, ut prælio cum illis decertarent, expectare videbantur: Mille equitibus cis flumen relictis, qui nostros distinerent, ac in suum locum pertraherent.

Hi partim velitando, partim cedendo ad flumen eos pertrahunt; in cujus adversa ripa sclopetarios longo ordine disposuerant. Illis à Stanislao Sabocio, ac equitibus Germanis, qui sub illo merebant, dejectis, nostri transmissio flumine, rejectisque hostium sclopetariis, à latere in aciem hostium invehuntur. Illi primum ad resistendum comparentes, mox alia signa ac majorem exercitum advenire conspicati, ne unum quidem impetum eorum tulerunt: pars Toropeciam fuga petivit: nonnulli via Regia Moscoviam versus fugerunt; alij in proximas paludes se abdiderunt. Nostri, etsi nox jam apperebat, per quindecim tamen ferè millia passuum ultra Toropeciam hostem insecuti, ultra quingentos in fuga ea conciderunt: ducentisque captis, ac in his maximè insignibus Demetrio Ceremessino, de quo supra dictum est, ac Joanne Naslokino Offanasi filio, quem paulò ante discessum Regis Vilnam pro legato ad Regem missum fuisse ostensum est, paucis è suis desideratis aut vulneratis ad exercitum redierunt. Toropecienfes præsidarij cum propius accedere nostros vidissent, rati ad obsidendos se venire, more suo statim oppidum exusserant; omnibusque rebus comportatis in arcem se receperant.

Interim Philo Kmita Palatinus Smolenscensis non exigua levis armaturæ equitum manu coacta, in agrum Smolenscensem excurrerat, secundisque populationibus aliquot invitatus Smolenscam longius progressus fuerat. Sed cum ad decem millium exercitu coacto vehementer eum hostis premeret, captivis, quos circa se habebat, interfectis, & levioribus aliquot tormentis relictis, recipere se Orsam coactus fuerat.

Jam cum Usuiatæ Rex esset, Nicolaum Dorohostaiscium Palatinum Polotiensem ad Nevelam oppugnandam, miserat; quod ea via à Lukis regredi constituerat; Dorohostaisciusque ipse ac pro eo Lithuani partes eas deposcerent. Sita Nevela est supra Lukos Lithuaniam versus in complexu lacus, ex quo ejusdem nominis fluvius se derivat, jam ante sub Sigismundo Augusto Polonorum eum Moscis pugna nobilitata.

Cum

Cum pro numero præsidij non satis multi milites, ijque in hoc genere belli nunquam ante hac verlati convenissent, ab eaque parte qua lacus castrum alluens difficiliorem oppugnationem faciebat, loco minus opportuno obsidere eam instituisent; hostis etiam continentibus jaculationibus & eruptionibus paucitate eorum contempta, acriter se defenderet, hucusque obsidio ducebatur. Lukis in potestatem redactis, primum ex aratis quingentos eò Rex misit: haud multò post etiam Joannem Bornemissam cum Ungarorum cohortibus, & majoribus tormentis aliquot: tandem sollicitus de eventu obsidionis, quod iter, quemadmodum dictum est, facere illac constituerat; Samoscium cum iis quas habebat copiis ire eò jussit. Hic, cum aliquot jam milliaria progressus fuisset, nuntium redacti in potestatem præsidij in itinere accepit.

Bornemissa enim, postquam eo venisset, ex priori nostrorum paucitatis contemptione hostibus erumpentibus, manu ipse cum iis congressus, nonnullisque interfectis intra munitiones eos compulerat: Inde magna diligentia in oppugnationem incumbens, ab ea parte qua eum continente conjungitur, proximè hostium munitiones maximo militis labore fossas promoverat: veteres, à Lithuano milite propius institutas, auxerat. Cumque continuò militis labore ad fossam, quæ à continente castrum ambebat, opus promovisset, progressu in validas contignationes transversis lignis confibulatas incurrerat; quibus decem pedes in latitudinem ab ima parte ad summum usque superinjecto humo labrum fossæ hostes munierant; indefessoque studio securibus materia tandem amota, tantò silentio ad munitiones hostium pervenerat; ut non prius ab illis sentiretur, quàm miles ad incendendum parietem missus, moenibus ignem subiceret. Quare ita hostes percussus fuerunt, ut subito ne quicquam reclamantibus præfectis deditionem facerent: Itaque oppresso mox incendio integra in potestatem venit. Tormentorum ac reliqui instrumenti militaris pro captu castelli iustus apparatus: pulveris tormentarij præter diligentiam Moscoviticam providendorum præsidiorum, quod in nullo adhuc evenerat, non plus dimidiato vase repertum in eo fuerat.

Rex nuntio hoc deditionis accepto jam de discessu suo ac de statu Provinciæ captæ constituendo cogitans, ex itinere Samoscium revocat. Duo omninò è propinquo præsidia, Toropecienfe, ac Savolocienfe imminebant, quæ universæ ditionis ejus possessionem turbare ei poterant. Plebe præterea rusticana, ut in novo imperio infida: Lithuaniam versus maximis ac vastissimis solitudinibus interjectis, Toropecia & Savolociam infestis relictis, præsidium ipsum undi-

que ab hostibus & difficultatibus obsessum, ab omni subsidio interclusum non satis tutò ibi futurum intelligebat. Savolociam præterquam quòd Lucensi præsidio maxima incommodo futura erat, cogitanti jam de futuri anni expeditione, necessariò etiam occurrebat, in insula enim lacus, ex quo Velika fluvius se derivans primò Opockam, inde Ostroviam, ac deinceps recta Plefcoviam, atque infra eam in lacum Pelbam influit, tanquam in capite viæ Plefcovienfis sita, Plefcoviam, quod suscepti belli series postulare videbatur, eunti, non exiguum moram objectura ei videbatur. Quod eo magis præcavendum illi erat, quod si per continuas rursus sylvas Polotia Plefcoviam contendentem hostis, quod hæcenus omisisset, itinere fortè prohibere institueret, eum locum magnam ad eam rem facultatem illi præbere: eo verò si potius fuisset, nihil Plefcoviam ferè usque præter Ostroviam futurum intelligeret, quod iter ejus morari posset.

Occurrebat omnibus hisce rebus, cum oppugnationis difficultas, quæ summa proponebatur; quod Savolociam maximo lacu undique circumfusa, nullos omninò è terra nisi per pontem unum accessus habebat: tum anni tempus ipsum, quod iis in locis mense jam Octobri aliàs pluvium eò majores tempestates atque incommoda allaturum existimabatur, quò minus imbrium proxima æstas habuisset. Mittit nihilominus Zamoscium hujusmodi cum mandatis, ut consilium ipse pro tempore capiat: ac potiundæ quidem ejus spe oblata, exercitum & admoveat; ab omni spe dejectus, itinere supra se à dextera capto Lithuaniam versus se recipiat. Illi aucto tormentorum numero ad reliquas copias, quas habebat, quingentos pedites Ungaros, & alam equitum quam Gabriel Bekefius Gaspari defuncti frater ducebat, attribuit.

Perfecta interim munitione arcis Lucensis, cum Rex consuetudine sua ipse semper ad opus esset, militesque, ne quod tempus ab opere intermitterent, hortaretur: eaque tormentis, commeatu, ac omnibus ad defensionem necessariis rebus provisâ: descriptisque qui in præsidio manere debebant, tam equitibus, quam peditibus ternis castris Nevelam inde Rex pervenit.

Secuti Regem Nevelam fuerunt Legati Moscici; qui excidij Lucensis ipsi spectatores fuerant, & tum ad literas, quas scriptas supra ostensum est, responsa à principe suo expectabant. Nevelæ per aliquot dies, ut Savolocienfis oppugnationis eventum expectaret, Rex substitit. Interim tabellarij & Regis Legatorum ab obsidione Lucensi in Moscoviam missi revertuntur.

O 2

Qui



Qui à rege missus fuerat, longissimas literas attulit, in quibus superiorum literarum omnium argumento, more suo longa oratione repetito, quia Livoniam à Rege universam repeti intelligeret, ut quo à se jure consideretur, ostenderet, à Suentoslao quodam Micislai filio, genus suum deducebat. Eum antequam sacro baptismo Christiana religione initiatus fuisset, Jurg vocatum: ab eoque Jurgo Horodum, quam arcem & urbem alias Derpatum Germani appellarent, conditam: inde cunctam Livoniam ad se unicum Micislai ejus hæredem longa successione pertinere. Priores Poloniarum reges fratres appellare solitus fuerat: hunc non nisi vicinum: Inter alias condiciones, quas ad Lukos à legatis ejus propositas supra ostendimus, fratrum quoque nomen Regi detulerat. Responderat tum Rex, fraternitatem ejus se non morari: Livoniam, pro qua bellum suscepit, solam petere. Jam hisce literis fraternam illi necessitudinem deferebat, ac etiam eo invito nomen hoc ad illum usurpaturum se ostendebat. Summa hæc erat, ut publicæ concordie causa titulum Livoniarum regis se communicaturum, quatuor præterea castellis ejus, in quibus Kokenhausen præcipuum erat, cessurum se illi demonstraret, si Rex vicissim Lukos, Velisum & Nevelam vetustæ ditionis suæ, nuper sibi adempta redderet: ampliora mandata se legatis perscripsisse. Hi postmodum ad Regem adducti, cum Senatoribus agendi potestatem dari sibi petierunt: ter cum ijs congressi tribus proximis diebus, alia sex ad priora quatuor castella adjecerunt, in quibus Runeburgum potissimum, cætera ignobilia castella erant. Nulla alia mandata deinceps ijs proferentibus, re infecta à colloquio recessum, permittiturque illis fuit, ut in Lithuaniam, inde in Poloniam Regem redeuntem sequerentur: dum nova à Principe suo mandata acciperent, quod ipsis ultro petentibus eò libentius Rex permisit, quod sibi quoque interim, quis ordinum de futuro bello animus futurus esset, cognoscendi spatium dari non moleste ferebat.

Captis Lukis & Nevela, Jersiscia, quindecim à Nevela millibus passuum, tanquam sinu nostrorum præsidiorum undique cincta relinquebatur. Qui in præsidio erant ab omni defendendi sui spe interclusos se videntes, deditionis spem Regi fecerunt. Itaque missus eò Radivilus Palatinus Vilnensis, antequam Nevela Rex discederet, in deditionem eos accepit. Interim Savolociam cum exercitu Samolcius pervenit. Totus autem ille tractus, cum per apertos ac patentes campos frequentissimasque villas iretur, non mediocri voluptate omnes affecit.

Moscovitica enim ditio ut finitima, quemadmodum ostensum est, sylvestris pleraque est: ita mediterranea bonitate agri, glebæ uber-

tate, fluminum ac lacuum plerisque in locis opportunitate, villarumque frequentia nulli cedit. Lucensis verò ager rebus iis ceteris ferè omnibus etiam præstat: unde dum ad Lukos exercitus erat, in summa omnium rerum copia erat. Oppidum Savolocia, quod ad Plešcoviensem Lucensemque viam fuerat, sub primum Regis ad Lukos adventum prædiciarius miles more suo deleverat: pontemque qui ab arce ad oppidum pertinebat, interciderat.

Arx sita, quemadmodum ante demonstratum, in lacu est: qui à Velika fluvio effusus, absque omnibus partibus latissime stagnans, latissimas tamen ab Oriente & Occasu aquas habet: quod inde ex alio superiore lacu flumen erumpens, Occasum versus exitum habet, quæ angustissimus est: non minus trecentos passus in latitudinem patet.

Samolcius præmissis Christophoro Rosdralevio cum alis aliquot equitum in Plešcoviensem viam, alteram quæ ad Nevelam pertinebat, Lucam Dsiahnium, ac Nicolaum Vrovecium obsidere: ac si qui ex Nevelanis dediticiis ad præsidium id, quemadmodum facere solebant, adjungere se vellent, id ne faciant, ac in ulteriorem Moscoviam se recipiant, adigere eos jubet. Ipse ab exercitu Savolociam præcurrens ambitu capto, absque omnibus partibus arce circumunita, reperit notum versus, aliam eodem in lacu contra castrum insulam esse: quæ à plerisque partibus lacu, ab aliis uliginoso amne ac nativa fossa defenderetur: eadem brevissimum ad arcem trajectum esse.

Itaque cum si eò exercitum traduceret, utrumque se consequiturum intelligeret, ut & contra quasvis vel maximas copias hostium tutissimo loco consideret: & eodem ex loco maximam oppugnandæ arcis facultatem haberet, quam latissime ad majoris exercitus speciem hosti objiciendam signis explicatis sequenti die exercitu omni illum in locum traducto, castra communiit. Omnibus maximam difficultatem oppugnatio habitura videbatur, arce ab omnibus partibus propter aquas inaccessa, opere præterea munita, anni tempore incommodissimo, quo pluvius, frigore, gelu, quæ in propinqua expectatione jam erant, continuo miles affligeretur: Samolcius non plane tamen desperandum putabat. Itaque quæ ad oppugnationem pertinerent, administrare coepit.

Erant è regione castrorum nostrorum tria propugnacula ingentis magnitudinis: extrema duo ex maximis robustissimisque trabibus consignata: medium minus aliquantò fenestris ad tormentorum usus, quemadmodum & reliquorum laterum propugnacula omnia apta. Hæc quod non cespitate vestita, sed veteri more argilla incrustata erant,

erant, magnam in spei Samolcium adducebant, fore, ut decussa argilla & facillimè, ut materia veteri, & arida, nulloque humore nutrita incenderentur: & incensa propter tantam lignorum struem quàm latissime incendium propagarent. Alebat spem ejus Saburovi, magna ob virtutem inter Moscos & apud Ducem autoritate viri, arcisque hujus præfecti institutum: qui quod vel pulverem tormentarium frustra consumi: vel militem fatigari volebat, summo silentio, quod non nisi in maximi metus significatione à Moscis fieri soleret, se suosque intra munitiones continebat. Quamvis sub primum exercitus adventum decem citotter pabulatoribus nostris, quos oppresserant, minotim concisis, atque ex arce iis præcipitatis, terrorem adventanti militi incutere ea immanitate conatus fuerat. Samolcius ratis interim, quæ contis ad arcem adigeretur, militique ad oppugnationem tendenti transitum præberet, Nicolao Vrovecio jungendæ negotium dat. Simul munitiones fossasque à castris contra arcem duci jubet: quibus postmodum magno opere perfectis, tormenta mox constituta fuerunt: rateque interea temporis ex altiore quodam ædificio, quod reliquis incensis solum hostes reliquerant, ab Vrovecio perfecta, primum tormenta complura, ab ea parte, qua angustissimus lacus erat dispositi: à quibus rectis à fronte ictibus propugnacula, de quibus dictum est, ferirentur: alia deinde à latere, quo meridiem arx spectat, ne & per averfam portam hostes erumpere, nostrosque pontem transgressos, ac à fronte arcenti oppugnantes, circumvenire possent: & simul, si qui in superioribus propugnaculis constitissent, ut directis secundum latera ictibus tormentorum inde deicerentur: quibus rebus administratis, oppugnationem ordiri constituit. Erat ab ima arce radice acclivis versus eam ascentus, quem hostes una altissimorum palorum sepe, binisque ingentium & acutissimorum cervorum ordinibus, iusto inter singulos spatio relicto, obseperant.

Contra ea hæc Samolcius comparabat: quia lana destituebatur, centombus stragulisque equorum per universum exercitum conquisitis, quàm plurimos ex iis saccos implet. Docet militem, quia loci natura à majorum tormentorum vi, quod ea deorsum mitti non possent, satis illum defenderet, contra sclopetos, postquam in adversam ripam transisset, saccos eos supra cervos injiceret: sub iisque delitescens, fossas mox ab ea parte sub arce ageret: ex quibus deinde & hostem extra munitiones suas progressum rejiceret, & ignem in propugnacula inferret. His rebus ita constitutis, ratis ab eo loco, quo iusto à castris intervallo, instituta erat, contra arcem protracta: magnoque militum concursu certatim in id omnibus incumben-

tibus, inter creberrimas, quæ ex utrisque munitionibus fiebant, ejaculationes, in adversam ripam directæ fuit. Sed quid brevior, quàm ut perungere eò posset, reperiebatur, utrinque tum ita discessum fuit. Christophoramen Rosdralevi, præfecti Lancienlis, magnæ virtutis & nominis viri casu non mediocrem nostris detrimentum acceptum. Hunc dum ratis applicaretur, ad tormenta, quod rectius ibi omnia administrarentur, curare Samolcius iusserat: ille cum nihilominus procurtisset, globo ex hostium munitionibus supra dextrum oculum excepto concidit.

Inde ratis ut corrigatur, à peditibus Polonis retrahitur, quos dum hostes continentibus tormentorum ictibus ex arce petunt, qui funem regebant, percussim dimittunt. Id conspicati tres alij è proximo pedites, cum tenere illam aliter non possent, in ratem insiliunt: ventoque vehementiore abrepti ad hostium munitiones secundum proxima propugnacula deferuntur. Videntes hos Mosci aquis ab exercitu omni ex parte interclusos, navigiis plerisque quæ in arcem omnia subdlexerant, incensis, magno numero ad eos contendunt. Hi acriter primum sclopetis, inde contis se defendunt, compluresque ex hostibus deturbant: tandem cum undique circumvenirentur, proximis cymbis è quibus hostes dejecerant, arreptis, in eas desiliunt, rateque relicta evadunt. Interim eodem vento in adversam ripam ratis ferri coepit, in quam cum persequendæ ejus finem nondum hostis faceret, Samolcius equitibus aliquot summis eam recepit. Rate eodem die resecta cum ex superioris temporis casu miles perterritus, quem antea præmiis ad promovendam eam Samolcius provocarat, minus promptus jam ad minitteria hæc cum periculo obeunda esset, Nicolaum Vrovecium necessarium suum ratem concendere, saccoque uno exiis, de quibus diximus, ante se collocato, dirigere in adversam ripam eam jubet. Vrovecius impigre imperata exequitur: aliquotque gregariis militibus post se collocatis, ipse ab anteriore parte ea sola, quæ demonstrata est, ratione tectus, creberrimosque globos objecto sacco excipiens, stationibus hostium, quæ in extrema ripa excubabant, fuga in arcem se recipientibus, ad ripam ratem adigit.

Miles & inprimis Ungarus confertim, quemadmodum jussus erat, pontem transgressus, septem à ripa objectam securibus primum scindebat: mox inde, quod celerius labore perfunderetur, cum alienissimo anni tempore omnia pericula frigoris ac aëris injuriis leviora duceret, saccis in cervos non injectis, nullis fossis ductis, aut ulla re earum, quæ imperatæ erant, administrata, argilla nec dum decussa, ad ignem propugnaculis admovendum convertitur.



Non obscuram jam timoris & trepidationis significationem hostes dabant; verum dum hi longo temporis spatio cervos moluntur; quorum cum bini essent ordines, singulorum ordinum denu ad minus pedum latitudo erat: dum Georgium Sussium, qui facies ac ignes adferat, trans lacum mittunt: dum alia quæ ei rei usui sint administrant, hostes recollectis interim animis, avertis omnibus portis erumpunt; integris curatisque corporibus nostros præ frigore & gelu ad rem gerendam pene inutiles circumveniunt: longissimis hastis, acutoque & falcato ferro armatis, bardeschos ipsi vocant, breviori armorum genere, ac frameis saltem utentes propellunt: pars cæditur, pars in turba mutuo se impellens in lacum præcipitata aquis mergitur. Samoscus & si deliberatum jam habebat, omnes potius acerbitates perferre, quam ceptam oppugnationem dimitteret: dici tamen huius successu territos plerorumque animos rarus, consilio habito, quid in quoque ad futura pericula animi esset, explorare constituit. Consilio eo habito, vix unus repertus fuit, qui habendam rationem temporis, fortunæque concedendum, à quatum neutra jam sublevarentur, censeret, à reliquis omnibus vox nulla audita fuit, superioribus successibus suæque virtute indigna; Principioque à Farensebekio facta, quidvis potius perferendum, quam infecta re ab obsidione discederent, omnes statuerunt.

Misit mox Samoscus Georgium Sibiricum cum militibus ad Regem: ne incommodo hoc in oppugnatione, nimia militis properatione accepto permoveatur: ne ab obsidione se revocet: neu sua causa diutius Nevelæ subsistat, rogat; castra se posuisse ad obsidionem ducendam aptissima, cum loci natura ac munitione, tum circumjacentium regionum fertilitate & abundantia: nihil sibi vel ad maximas quasque copias hostium sustinendas loco tutissimo, vel in agro frumentis, pecore, materia, aquis abundante, ad omnium rerum usum deesse posse. Hæbat Rex adhuc Nevelæ loco, quod superioribus stationibus & Kosakkorum direptionibus vastatus esset, quibus ex rebus commeatus ac pabuli inopiam existere necesse erat, in primis incommodo. Sub idem verò tempus ab aëre etiam contagium quoddam, quod primum ex Orientis partibus profectum, in Italiam inde ac Galliam, aliasque regiones perlatum fuerat, universam quasi Europam pervagatum Cracoviam quoque ac Vilnam, atque inde ad exercitum pervenerat. Erat id non tam lethali aliqua vi timendum, quam progressu atque celeritate, qua proxima quæque loca complectebatur, admirabile. Primò inferiorem dorsum spinam horrore plerumque occupabat: inde in capitis gravedinem & languorem, quos corripuerat, resolvebat, peccatori imprimis grave, qui tamen intra quar-

tum vel quintum diem non decessissent, eos in febrem degenerans interimebat; Lethale fere iis, qui purgantibus medicamentis, aut venæ sectione utebantur, quæ utraque respirationem graviolem efficiebant: illa quod humorem omnem à capite in pectus magna vi trahebat: hæc præterquam quod corpus refrigeraret, debilitaret etiam vires, quibus ad respirationem opus esset. Nomen ut novo morbo certum nullum inventum fuit. Rex ad eas copias, quas ante Samoscus habebat, nongentos equites Polonos, ac mille circiter pedites Ungaros cum Stephano Carolo ei adjecit, moxque Vilnam movit, Polotiam eo, de quo dictum est, morbo, ipse etiam tentatus. Samoscus interim, quæ ad oppugnationem pertinerent, summo rursum studio apparare instituit: ratem quamvis ex satis magnis trabibus in latitudinem contabulatam, quod latior tamen & expeditior ad arcem accessus militi esset, duplicari jubet. Navigia cymbasque, quod pluribus circumfusus omnibus ex partibus oppugnatio administraretur, viresque præsidij quam maxime distrahantur, per vicinas villas ac stagna magna diligentia conquirunt. Reliquis omnibus navigiis subductis, unum solum hostes reliquerant. Id cum Monachorum loci ejus fuisset, ac ad majorum retiorum usus comparatum octuaginta fere hominibus capere idoneum esset, quia tamen vetustate vitium fecerat, rimarumque plenum esset, neglexerant. Samoscus qua patebat partim recentibus coriis bubulis, partim mulco obstructo, ut commodè navigari eò posset, effecit. Lisdem temporibus, cum intellexisset, Joannem Suiscium Petri F. Palatinum Plefcoviensem cum exercitu ad Porchoviam confidere, Martinum Volscium veteranum præfectum cum expedito equitatu exploratum eò misit, Suiscius, quod de discessu Regis audivisset, neque per anni hoc tempus alium exercitum expectaret, dimisso exercitu Plefcoviam se receperat. Itaque accidit, quod evenire necesse erat, ut in nulla periculi expectatione incuriosius omnibus agentibus, ac sine metu commeantibus complures Volscius opprimeret; missisque agrestibus, quibus parcere à Samoscio iussus erat, nobiles aliquot captivos secum in castra adduxit. Rebus iis, quas diximus ad oppugnationem comparatis, decem omnino diebus perfectis, Samoscus majori navigio, quod refectionem ab eo ostendimus, militibus viris aliquot assumptis lacum in vectus, quibus partibus maxime opportuna oppugnatio futura esset, accuratius cognoscit. Tormentis tria, quæ contra castra esse diximus, propugnacula, quo & argilla deteria magis incendio paterent, & materia dilacerata apertis quasi venis celerius ignem raperent, continuo quæ jubet. Cum peditatus propter tempestatem etiam injurias, contra quas minus tectus erat, nec animorum

rum nec virium satis habiturus videretur; nobilitas equis missis, conjuratione inter se facta, ad arcem duci se flagitabat. Conjungebant se cum his paristudio, qui sub Farensebekio militabant equites, nobiles nonnulli Germani. Samoscus in media acie, qui cum facibus ac tædis ad incendenda mænia expediti essent, collocatis, à dextro cornu, contra quod superius propugnaculum oppositum esset, Polonos & Germanos: à sinistro ad alterum propugnaculum Ungaros, qui utrinque à media parte ignes inferentibus, contra eruptiones præsidio essent, constituit: Polonis Vrovecium præfecit, illique in omnes casus Andream Orechovium substituit. Cum Germanis Orthonem Uxlkelium Farensebekius misit. Ratem ab utroque latere saccis, de quibus ostensum est, contra transversos minorum sclopetorum ictus muniri jubet. Ea adducta inter confertissimas hostium ejaculationes in adversam ripam applicatur; tempestateque sub idem tempus commutata, post continentes imbres cum serenitate majus pugnandi studium omnibus incessit. Jam primi ratem transierant: Simul navigia milite, tormentis ac facibus instructa, omnibus ex partibus provolabant: interim ex utrisque munitionibus: magno tum hostium detrimento crebræ ex nostris jaculationes fiebant. Cum subito regias literas conclamare hostes coeperunt. Samoscus superioribus diebus propterea, quod cum Lucensi expugnationi magna ex parte præfuisset, tantam crudelitatis ejus authoris nomen suum horrore esse hostibus intellexisset, regio nomine atque signo, quod pro Cancellariatus munere penes illum erat, literas ad obsessos hoc argumento dederat. Jussisse Regem omni studio Samoscium in oppugnationem incumbere: quod sitamen ultro in deditio-nem venirent, pro clementia sua conservandos statuisse, absque omni injuria prohibitos velle: quæ quo diligentius observentur, cubicularium suum se mittere. Literas hæc rejecerant primò. Postquam quid in illis esset, edocti fuerant, ad sua præsidia Regem scribere debere responderant: hoc non ejus juris esse, in quo regie literæ reciperentur. Eas literas tum primum voce, inde præfectis aliquot sclopetariorum missis flagitabant. Datæ illis fuerunt literæ fidesque. Misit simul Samoscus Joannem Thomam Droievium, præfectum Premisliensem, qui arcem in fidem acciperet, Palatinosque ad se adduceret. Hic primò non Palatinos modò, verum militum etiam magnæ partis animos dubios adhuc reperit: tandem cedentibus timori militibus, Palatini reluctantes ad Samoscium adducti fuerunt. Dediticiis fides servata fuit; matronæ præterea aliquot, quæ Lukis captæ fuerant, quod ne pudicitia earum in tanta itineris longinquitate ac militum multitudinis negligentius haberetur, verebatur,

à Samoscio condonatz: mirantibusque Moscis, ac ultro fatentibus, se ejus ætatis atque formæ matronas nostris reddituros non fuisse, postquam causam, ob quam id à Samoscio fieret, intellexerunt, tum verò minùs etiam mirum videri debere dicebant, si in tanta morum diversitate, fortuna quoque dissimilis esset. Ita arx & loci natura munitissima, & ab omnibus rebus ad defensionem paratissima, anni tempore, continuis imbribus, ac gelu hostes juvante integra recepta fuit. Globorum candentium ne in hac oppugnatione usus esse posset, Saburovus excogitavit. Aliarum enim oppugnationum eventum monitus, parietem, quæ crassior erat, interciderat: ac uno solo trabum ordine, quibus contextus erat, relicto, interiorem partem ejus satis lato aggere, quem cratibus continebat, vestierat, fiebat inde, ut globi per tenuem parietem subito transeuntes in aggere hærent, ibique sua sponte tandem supprimerentur. Memoria inde Samoscus tenens Regem proximò anno per ea loca in hosticum ulterius progredi in animo habere, tormenta & graviolem militaris instrumenti partem Savolociæ deponere constituit; Stephanumque Carolum cum Ungarico milite in arcem traducere omnia jussit. Hic veteri ponte, quemadmodum ostendimus, ab hostibus interrupto: rate, qua in oppugnatione miles usus fuerat, infirmiore, quam ut tantæ molis tormenta promoveri per eam possent; alterius etiam pontis tam exiguo tempore efficiendi summa difficultate proposita, tormenta firmissimis, iisque pluribus rudentibus apta, quò uno rupto alij subsidio essent, per lacum ipsum, quæ durissimum solum & maxime argillosum explorat, cohortibus aliquot Ungarorum in adversa ripa collocatis, in arcem à munitionibus nostris traduxit. In præsidio Georgium Sibiricum cum Ungari militibus parte relinquit: Farensebekium tum mille circiter equitibus latiore circuitu capto Opockam versus proficisci, conversoque ad sinistram per Nescerdam itinere ad Polotiam rursum occurrere sibi jubet. Nam quod infra ad Velkam amnem sita ea esset, quæ natura fluminis esset, cognoscere: Si etiam oppugnanda proximo anno foret, situm ejus eo magis præceptum ante habere cupiebat, quod eodem in loco sub Sigismundo rege incommodum acceptum memoria teneret. Eadem futuræ expeditionis curam itinera quoque reliqua omnia; flumina, item, si quæ navigabilia essent, pleraque ut explorata ante haberet, operam dabat; maxime quod lacum Vsciam esse accepisset, ex quo ejusdem nominis fluvius se derivans in Uficiam lacum influeret, indeque mutato nomine in Drysam lacum effusus ejusdem nominis fluvium efficeret, earumque potissimum opportunitate Sokolam à Mosco commeatu, aliisque rebus necessariis proviam: diligentissime omnes



omnes meatus exitusque ejus cognoscebat. Itinere inde ob imbrum ac frigorum injurias, sylvarumque per quas ibatur, magnitudinem, ac pontium plerisque in locis inopiam aliquanto incommodiore, lue præsertim de qua dictum est, exercitum affligente, ut pacatis tamen circum circa locis omnibus tuto per Polotiam Vilnam ad Regem venit. Dum Rex hoc rerum successu expeditione Lucensi perfecta in Lithuaniam se recipit, Moscus, repudiata priore uxore; quod ipsius moribus toties eliceret, quoties libet, jam sextum tum maritus delectu puellarum publico indito novam induxit; idemque ex proceribus etiam, & consiliariis suis quosdam facere coëgit. Delectus ejus quemadmodum ex nobili quadam captiva, quæ ipsa in delectu eo fuerat, cognitum est, hæc est ratio. Proceres nobilesque omnes, qui filias aut propinquas nobiles aliqua formæ commendatione in potestate habeant, edicto proposito, certo tempore omnes adducere jubet. Ad diem præparata jam ante eum in usum domo spatiosa & ampla, per singula coenacula duodenos lectos habentia totidem puellæ distribuuntur. Ipse uno sene comitatus omnia ordine circumit: ut quodque ingressus est, folio jam ante instructo confidet: puellæ in magno omnium principum suo placendi, ac ad eam fortunam perveniendi studio elegantissimè omnes ornatæ, ad genua ejus ordine singulæ advolutæ, sudario auro ac unionebus contexto in genua injecto discedunt, quam ex his maximè probant, ducit: ceteras vel agris, vel pecunia donatas dimittit. Rex Vilnæ paucis diebus commoratus, Grodnam proficiscitur, ac jam de futura expeditione cogitans, quod tardius comitia sibi habenda, tributumque si quod in illis scisceretur, serius exactum iri intelligeret, ne quod gerendæ rei tempus dimittere cogeretur, privatas interim rationes mutuarum pecuniarum jam tum inibat. Præter Marchionem Georgium Fridericum in Prussia Ducem, Augustum Saxonæ & Joannem Fridericum Brandeburgensem principes Electores de mutuo in bellum hoc præstando appellat, quo facto, duas simul res contecturum se videbat, ut & suam erga illos omnibus in rebus fiducia ostenderet: & eorum in re aliena studio ordines invitatos ad perficiendi pro suis commodis belli voluntatem eò magis accenderet. Credita ab illis pecunia ad certum diem, exactisque jam comitiis allata, ac ulterius deinde die prolato, ad tempus soluta fuit.

Interim Kosakki Nisovij cum Joanne Orisovio ab altera parte in Moscoviam Starodubum usque populationibus progressi, omni agro longè lateque vastato, oppidum ac extimas munitiones arcis quasdam incenderunt: indeque ad Potiopovam excursionem facta, ab arce repulsi, præda tamen magna acta se receperunt. Proficiscentem Grodna Regem,

Rigenfium nuntij secuti fuerunt, Civitas eà à Sigismundo Augusto in fidem iis conditionibus recepta fuerat, quæ jus ac maiestatem imperij in eam regij ferè enervare, magisque ad ipsius etiam civitatis splendorem, quam utilitatem comparatæ videbantur. Cum Rex iis legibus sociam eam, quam subjectam habere mallet, jam ante superioribus etiam expeditionibus, missis legatis, de certis subjectionis conditionibus cum Rege egerat: reij Drohicini tandem in hoc itinere transacta, missus a Rege Joannes Demetrius Solikoviensis fuit, qui civitatem in fidem acceptam, jurejurando in verba Regis obstringeret. Cum primis de portorio constituendo actum fuerat. Nam cum omnis negotiatio Rigenfis Dunæ fluminis navigatione fere contineretur, eaque jam magna ex parte superflua victoris Regis expedita esset: præterque Kokenhautium, Archerotum, Lenovartum, quæ eo tempore in hostium potestate adhuc erant, quod morari eam posset, nihil reliquum esset: summæ æquitatis Rex judicabat, ut quæ res tanto publico cum molimento, atque impendio perfecta, ad civitatis privatorumque omnium fortunas maximum accessum factura esset, eadem Reipubl. commodum aliquid afferret: nec alia conditione commercia eò transferri volebat. Homines prudentes cum sine vectigalibus & tributis non posse subsistere Rempubl. intelligerent: rectissimè autem in iis provinciis ea constitui, quæ armis recuperentur, assenserunt tandem, ut portorium maritimum omnium mercium constitueretur: ejusque proventus dux partes Regi sine ulla conditione: tertia civitati in portus, ac stationum refectionem cederet. Relinquebatur in ambiguo de bonis, quæ Archiepiscopus quondam juris fuisset: de vallo contra arcem a civitate objecto: & aliis rebus quibusdam, earum omnium definitio regis in illa loca adventum rejecta fuit. Dum in Moscovia cum exercitu Rex erat, Joannes Tertius ejus nominis Sueciæ Rex ad Narvam classem miserat, verum integritatem adhuc ab ea parte rebus Moscoviticis, plicatoris aliquot ædificiis in littore exultis, re infecta recipere se coacta ea fuerat. Interim Varsoviæ ad comitia Rex venit. Ordines ut hunc rerum successum omnibus modis urgeant, ac non latentur modò victoria, sed ea etiam utantur hortatur: si universam Moscoviam, & amplissimum illud regnum vel appetendum vel sperandum non arbitrentur, cuius tamen maxima spes, jam illis ostendatur, eousque saltem in armis maneat, dum Livoniam universam, quam ab initio jam præmium belli hujus sibi proposuissent, dignam & laborum suorum mercedem, & ad posteros virtutis monumentum relaturi adjungant: magnum incommodum in eo esse docet, quod ipse quotannis ad comitia tributum causa obeunda in regnum revocetur: militem

con-

continuis itineribus confici: hosti respirandi sui que colligendi spatium interim dari: quodque tributa tardius exigantur, multas rerum gerendarum occasiones mora hac corruptumpi necesse esse, quibus incommodis quò obviam eatur, ut biennale tributum sciscant, flagitat. Ordines tributum non recusare, à tempore, in quod flagitabatur, alieni videbantur. Priusquam autem ad ullam aliam rem accederent, capita rerum gerendarum de quibus leges perferri vellent, scripto comprehensa Regi offerebant; utque sancirentur, petebant ita responsum fuit, ut quæ concedi posse existimabantur, concederentur: quædam interpretatione lenirentur: pleraque in aliud tempus conferrentur. Responso eo accepto, dierum aliquot spatio interjecto, idem quod ante jam scriptum tradiderant, nullis contra regiam declarationem rationibus aliis allatis, denuò tradunt. Rex ex Senatu aliquot, parique ratione ex nuntiorum collegio aliis delectis, ut iis de rebus utrinque moderatione adhibita dispiciant, negotium dat: quæ ab his communicatis sententiis proposita fuerunt, scripto comprehensa denuò nuntiis traduntur, ij diebus aliquot interpositis, idem quod antea fecerant, prius scriptum suum rursus Regi oblatum urgent. Appetebat interim finis dierum comitialium legibus definitorum. Itaque certis conditionibus res tandem convenit: constitutionesque iis de rebus promulgatæ fuerunt. Tributum inde primò simplex Regi permiserunt: postea Rege partim iis, quas ostendimus de causis, tum quod præterea militi stipendium omne nondum solutum esset: apud Principes quos diximus, & alios privatos nova nomina fierent: novum ad hæc bellum administrandum esset, nulla ratione satisfieri eo sibi posse demonstrante, duplex ea prius conditione sciverunt; ut si pax interim convenisset, tributa quoque cessarent: deinde iisdem argumentis a Rege illa refutata, ut collatis rationibus, quicquid stipendiis omnibus, & ære alieno ob bellum hoc conflato, tum si quid deinceps in apparatus belli erogatum fuisset, exolutis, reliquum ex tributo eo futurum esset, in Ravenfæ ærarium inferretur. Venerant huc, quemadmodum supra demonstratum est, legati Moscovitici, per universam Poloniam tanquam in triumpho ducti. Hi novis mandatis à Principe suo acceptis, denuò hic ad colloquia admissi. Primum Nevelenses conditiones urgebant; quibus rei transigendæ à Lithuanis Senatoribus certam spem factam sibi dicebant, quibus cum aliis rationibus refutatis, tum quòd majoribus postea sumptibus à Rege factis, Savolociaque capta non integra amplius res esset; tandem more suo diu prius licitati eò descenderunt, ut ad alia, quæ ante obtulerant castella Livoniæ, urbibus ac castellis potioribus Felino, Derpato, Mariem-

burgo, Parnavia, ac Narva, Principi suo receptis reliquis omnibus Regi decederent. Rex nisi omni Livonia, hostis decederet, alia conditione pacem sibi faciendam cum eo non arbitrabatur. Hæc sententia ordinibus proposita, publicè quoque omnibus placuit. Adhibiti colloquio cum Moscis huic ex nobilitatis nuntiis aliquot fuerunt, quo tergiversatione Mosci perspecta, tota de re ipsi plenius collegas suos edocere possent. Utrisque in sententia permanentibus, infecta re à colloquio recessum fuit. Rex ita à comitiis discessit, ut biennij tributo ab ordinibus sancito, non prius pacem se facturum cum hoste polliceretur, quàm is universa Livonia excessisset. Sub finem comitiorum nuntij nobilitatis per Stanislaum Priemscium, quem à bello reversum nobilitas majoris Poloniæ nuntium crearat, & tum nuntiorum illud nobilitatis collegium initio comitiorum Marschalcum è more prodiderat, rege adito, ut remotis, quibus in Senatum ingrediendi jus non esset, dicendi potestas sibi fieret, petebant; re impetrata, rogant operam dare Rex velit, ut ea expeditione bellum finiat: ita nobilitatem, maxime familias ejus rusticas, quarum salutem sine suarum quisque fortunarum detrimento negligere non possit, tributis exhaustas, ut majoribus ferendis pares vix sint futura.

Respondit Rex per Cancellarium; bellum pacis ac publicæ utilitatis causa à se susceptum minimè ex industria à se ali: hostem eò redactum, ut, si bellum continueretur, non adeò magno negotio confici possit: se tamen consentientibus ordinum studiis libenter concessurum: quam primumque ad tradendam sibi Livoniam hostem adduxerit, impetumque ejus represso, reipubl. otio ac securitati consuluerit, paci, quæ cum publica dignitate atque utilitate conjuncta sit, nullam moram facturum. Publice inde more majorum Regi valedicentes, ut de domesticis etiam rebus, & intestinis incommodis sanandis cogitationem suscipere velit, rogant: nominatim de Regum eligendorum stabili aliqua ratione constituenda petunt; utque iis de rebus, quàm primum commodò reipubl. facere possit, comitia habere velit, quò majus antea discrimen reipubl. adierit, cum partibus in diversa studia scissis, in duos Principes Respubl. distracta fuerit, eò nunc, postquam metu hoc liberata sit, ne idem periculum denuò subeat, diligentius providendum esse docent. Accedere huc controversias, quæ inter sacrum & profanum ordinem intercedant; quarum & ipsarum non levem rationem sibi ducendam, utque omnes tandem tollantur, plurimum reipubl. interesse judicent. Ostendit Rex per eundem Cancellarium, non minori studio ad domesticas res rectè constituendas, quàm ad perficiendum ex sententia bellum se ferri: & qui bellicarum rerum laudem non aspernetur, eò



eo majori tamen domi bene constituta Reipubl. quam maximè diuturnæ memoriæ relinquendæ studio se teneri, quod magis sine hac ne superiorem quidem gloriam stabilem perpetuamque esse posse perspiciat. De interregnum ratione quoties cogitet, quanto in periculo superioribus temporibus Resp. fuerit, quibus electionum & ambitionum studia ea tanquam fluctus quidam illam exagitarint; cum non minus hanc, quam in qua natus sit, omni studio sibi amplectendam, eo chariorem etiam habendam intelligat, quod majoribus honoribus atque ornamentis susceptum se affecerit, cohorrescere se animo, agnosce- reque non nisi singulari benignitate divinâ in commodiorem statum eam pervenisse. Jam ut de certa electionum ratione deliberatio suscipiatur, intelligere se: si id fiat, quantum & in re ipsa difficultatis futurum: & si quod verendum videatur, occulta aliqua Reipublicæ vulnera ea nudet, incommodi inde metuendum sit: suam quidem operam atque auctoritatem Reipubl. atque ordinum voluntati non defutura. Idem de concordia inter Ecclesiasticum & civilem ordinem sese judicare: nihil ea posse suscipi utilius, atque ad Reipubl. stabilitatem magis necessarium: sed utramque ad rem consensu animisque ab omni odio & affectione vacuis opus esse. Proinde sibi quidem summæ curæ ea fore: hortari autem ipsos quoque ut animos ad deliberationes rerum harum sedatos, nullusque alterius rei, quam patriæ ac publicæ salutis & dignitatis studio deditos afferant. Hortatus inde quemadmodum & superioribus temporibus fecerat, ut per absentiam suam otio & tranquillitati publicæ pro se quisque studeret, & animo ad quævis pericula excipienda parato esset, fausta quæque ac felicia, utque utrique, tam qui domi mansuri essent, quam qui in bellum ituri ita rem gererent, ut mox lata utrinque gratulatione, in mutuos complexus ruerent, precatus iis fuit: Ad quam vocem plausu à circumfusi excitato, Cancellarius eum ipsum plausum lætum omen futuri successus, ac non diuturni belli Regem accipere intulit. Sub idem comitiorum tempus Sueciæ Rex, quibus partibus hac expeditione bellum orturus Rex esset, per literas à Rege quærebat. Rex pro eo, quod ante ad bellum hoc maximè Sueciæ Rex hortatus se fuisset, ac mutua necessitudine celandum eum consilia sua non ratus, Plescoviam se eo anno ire in animo habere ei ostendit: petentiq; legato ejus, ut militem quem in Germania intercipiendæ legationis Moscoviticæ ad Principes Christianos missæ causa scripturus Sueciæ Rex esset, vo-

luntate Regis per ditiones ac portus ejus ducere sibi liceret, literas quarum authenticitate id facere posset, dedit. Eisdem temporibus Philo Kmita qui Lucensi præsidio præfectus à Rege fuerat, ne miles otio ac desidia interim corrumpetur, Chelmam Moscoviticam, quod castrum supra Lovatum fluvium situm est, Martinum Curtium & Gabrielem Holubkonem misit; qui cum ex captivis cognovissent, oppidum jam ante Moscos more suo incendiis: ex eo unam domum sub castro ad excubias agendas ab hoste relictam; noctu progressi, cum antequam illuxisset, eo pervenissent, Curtio domum prætervecto ac à tergo excubiis se objiciente, Holubko castrum incendit. Ab alia parte Sibiricus Savolociensis præsidij præfectus homines agri ejus omnes ad Sacramentum evocarat; quinque autem antiquitus territoria ad Savolociam pertinent. Venerant in his Voronecenses advocato, Polonico more sibi creato. Oppidum autem Voronecia est supra Savolociam ad Soucam flumen situm; propterque fluminis ejus opportunitatem, quod in Velikam flumen, indeque sub Plescovia in lacum Pelbam ac sinum Finlandicum influit, commercij atque habitatorum numero amplum olim fuit. Castrum quod adjunctum habuerat in tot vicinorum ac munitissimorum aliorum copia desertum à Moscis fuerat. Itaque cum oppido nullo opere munito præsidium Savolociense facile ponturum se cogitaret; quo id ante incenderent; maximè autem, quod oppidani ad Sacramentum conveniant, ut ad deterrendos alios omnia cruciatum exempla in eos ederent, copiis aliquot collectis repentina excursione opprimendi ejus causa in munere ac metu suo non invigilans certior mox Sibiricum fecisset, hic profligatis Moscis, locum in quo castrum fuerat, cum Kiralio occupat; præsidioque ei imposito, corribus militaribus pro tempore communit; agrestibusque ipsis quibus loca vicina nota erant, ducentibus, crebras inde ex hostico prædas egit. Philo Kmita Chelmenis excursionis proventu invitatus eodem Sibirico ac vicinis aliis præsidiis sibi adjunctis; Priscam Russiam quæ ad magnam Novogardiam spectat, excurret. Magna hoc loco Moscoviæ Dux salinarum vestigia habet: frequentia item & ampla commercia sunt. Oppidum magis in salinarum ac negotiorum usus constitutum, utque loco à finibus remoto, nullo opere munitum sine negotio diripuit, repletumque militem præda reduxit.




REIN-

# REINHOLDI HEIDEN-STEINII SECRETARII REGII

Rerum Polonicarum ab excessu Sigismundi

Augusti

LIBER V.



olutis ad eum, quem superiori libro ostendimus, modum comitiis, Rex militem, quanto in supplementum ad bellum opus erat, Zamoscium quàm celerissime scribere, matureque in Lithuaniam adducere jubet. Ipse Grodnam rectâ, inde Vilnam proficiscitur. Interim ad Christophorum fratrem Principem Transilvaniæ de novo equitum ac peditum Ungarorum delectu scribit. Germani militis conquiriti Farenbekio per literas negotium datur; qui militis in inferioris Germaniæ bellis exercitati copiam se habere posse ante ostenderat. Zamoscius, quod lectio- tem peditatum haberet, Vrovecium ala equitum, cui præerat, missa, peditem ex sola nobilitate scribere jubet. Sublevabantur apparatus hi interim, dum tributariæ pecuniæ conferrentur, partim ea pecunia, quam à Principibus acceptam supra ostendimus, quamque præter eam Marchio in Prussia Dux subsidij loco miserat; partim propria Regis ipsius, maximè tamen equitum studio, quorum magnum numerum Zamoscius evocarat; eaque ad bellum hoc alacritas erat, ut plerique nulla in auctoramentum accepta pecunia ad diem nihilominus convenirent: complures in ipsis castris demum stipendiorum partem acciperent. Grodnam jam rege progresso, nuntius cum literis à Mosco ad eum venit: mox alios cum amplioribus mandatis, quibus convenire pacem posse existimet, afferre: Interim ne ullum exercitum Rex cogat, neve ulterius progrediatur; posse cum & impensæ & labori parcere. Veniunt legati: Colloquium petentibus datur. Re diu more eorum ducta, atque utrinque disputata, eo tandem descenderunt, ut Narva, Neuschlossio, Derparo, Adsevio, No-

vogrodeco Livonico, Neuhaus à Germanis dicto, exceptis, reliquam Livoniam universam unâ cum iis locis, quæ antea receperant, Weissensteinio, Felinio, Parnavia & aliis omnibus Regi permitterent. Ostenderat Rex, nullam se prius pacis mentionem fieri passurum, quam universa Livonia Moscus cessisset. Urgebant legati ut cum sui principis nomine offenderetur, quid præstiturus esset, sibi quoque quod de ablati principis suo restituendis animi Rex haberet, demonstraretur.

Repetebant autem uno Polotienfi agro excepto, qui pristinae ditionis regis fuerat, reliqua quæ superioribus annis bello capta erant, omnia: Demonstratum fuit, ita Regem principum illa restitutum, si præter Velisium, quod nulla conditione dimissurus Rex esset, castrum quoque Sebesium quod id penitus intra ditiones regias situm esset, quod certior ac stabilior pax esset, vel tradidisset Regi, vel demolitus fuisset, quod quo minus recusaret, Regem vicissim Dryslam demolitum; partis sumptus deinde in bellum facti nomine quadraginta aureorum milia Regi refundisset. Impetrarunt legati, ut ad principem suum referre ea sibi liceret; & ut Regis nomine eadem ad illum scriberentur. Sub idem tempus Bogdanus Billcius, cujus frater patruelis in amoribus Mosco erat, summamque apud eum rerum omnium fidem obtinebat, ad Regem transiit. Miserat Moscus legatos ad Rodolphum Romanorum Imperatorem: ab eo ulterius deinde ad summum Pontificem Romam pervenerunt. Legatione ad summum Pontificem operam suam contra Turcam Christianitati pollicitus, & de Regis in se injuriis quæstus perhibebatur: & vel secretò, ut ad pacem eum hortaretur, petiisse; aut iis tamen querimoniis, ut suas partes summus Pontifex interponeret, non nolle se satis ostendisse. In Poloniam frequentibus nuntiis afferebatur, cum Græci lecti homines pedes summi Pontificis pro



pro more deosculari diu recusassent, tandem tamen id ut facerent, adductos. Summus Pontifex Antonium Possevinum qui unà in Moscoviam cum illis iret, iis adjunxerat. Hic Moscis per regias ditiones itinere intercluso, ideoque per Germaniam Lubecam, ut inde Naryam trajicerent, se recipientibus, de legatione sua per literas certiorum Regem fecit, ac si voluntate ejus id sibi liceret, per Poloniam & Lithuaniam iturum se ostendit. Rex non modo illi permisit, sed ipsius quoque Mosci legatis idem se permittere respondit. Hi tamen, ne quid præter præscriptum principis sui facerent, Lubecam se contulerunt; indeque eodem quo venerant itinere in Moscoviam ad principem suum reversi fuerunt. Iisdem temporibus nuntius mortis Christophori Transilvaniæ Principis Regis fratris allatus, cum Regi ipsi non levem dolorem attulit: tum Moscum, qui avvocato rege rebus Transilvanicis sui interim colligendi spatium sibi datum iri cogitaret, ut pacem atque eas ipsas conditiones, quas paulo antè ab eo propositas fuisse ostendimus, iterum revocaret, maximè animavit. Verùm Transilvanicis rebus ne à cura belli advocaretur, jam antè à Rege provisum erat. Cogitans enim ultra incertitudinem rerum humanarum ætatem fratris provectam: ipsum continuis articulo- rum doloribus confectum: antequam Var- saviam ad comitia iret, author fratri ac pro- vincialibus fuerat; ut filium ejus Sigismun- dum in omnes casus Principem designarent. Quibus de rebus cum legati Alexander Ken- dius, & Vladislaus Samborius Varlaviam ad Regem venissent, ex ejus autoritate, do- mum postea illis reversis, communibus ordi- num studiis Sigismundus in Principem ele- ctus fuerat: tristibus læta Christophoro Prin- cipi fortuna temperante, interque duo funera uxoris unum, ac minoris natu filii alterum, principatum Sigismundi fili interjiciente. Maximam in pacis spem omnium jam propè animi venerant. Nam nec propter qua- dringentorum illorum millium conditionem, si Moscus eam non accepisset, commu- nibus ordinum bellum finiri volentium studiis defuturus Rex fuerat; nec Moscus, qui universam quasi Livoniam pacis eu- piditate dimiserat, illorum quæ exce- perat, castrorum causa bellum accepturus existimabatur. Itaque inducias etiam ad certam diem, intra quam denuò Moscus res- ponderet, Rex ei concesserat. Verùm in- tellectum mox fuit, jam tum legatos, quomo- do à propositis conditionibus discederent, cogitare. Vincentius erat, de quo ante mentionem fecimus, in finibus Moscoviticis, qui ad Smolenscam pertinent, Ductor Ko- sakkorum. Hic cum transgressis fines lega- tis sese adjunxisset, posteaque eodem itinere Vilnam cum illis profectus, familiariter inter eundem ad eos sese applicasset, sollicitare ho-

minem, ut ad principem suum transfugeret, coeperunt. Ille constanter primo pernegat, cum urgeretur, tandem Vilnæ ad magi- stratum rem detulit; ex ejus sententiâ simu- lat transitionem: quæ quod gravior principi eorum esset, nec sine pretio operæ ad illum veniret, ut aliquas magni momenti literas, quas ad eum deferret, sibi committerent, po- stulat. Illi polliciti, ut prius tamen aliquo ar- gumento fidem ejus exploratam haberent, ut in una prius re conficienda operam suam sibi navet, rogant; tempusque quo profecturus Rex sit, quaque iter facturus exploret. Re ad magistratum delata, quod magis fides ei habe- retur, iter regis ex fide descriptum datum il- li fuit, quo à perfuga quasi pignore fidei acce- pro, literas ad principem suum perferendas ei tradunt. In iis ut magno animo sit, eum hor- tantur. Nam & paucas omnino à Rege co- pias cogi, & quod mortuo fratre Transilvani- cæ res præsentiam ejus desideraturæ sint, ma- ximè cum Turca iis imminere dicatur, mi- nus huic bello eum vacaturum: Per idem verò tempus, & quod Vilnæ Rex substitit, Plefcoviam, quam hoc bello petum iri sibi persuaserat, omnibus rebus Moscus firmat. Muros vetustate neglectos magnis operibus reficit: novas ad priores munitiones adjicit: Præsidia ex aliis arcibus omnibus detracta unum hunc in locum cogit. Ab altera parte Pontus Gardianus Gallus, quem Sueciæ Rex collocata ei in matrimonium filia naturali militiæ præfectum fecerat; extrema qua- dam Livoniæ castella, quæ ad Osiliam & ma- ritimam Livoniam pertinent, occupat. Jam ab initio cum primum in Poloniam Rex ve- nisset, Sueciæ Rex per oratorem suum vehe- menter Regem ad bellum contra Moscum hortatus, fœderis ac societatis contra com- munem hostem mentionem intulerat. Mi- serat tum iis de rebus ad eum Rex Joannem Herbortum Castellatum Sanocensem: pro- positæque ex ultro citroque conditiones fuerant, quibus Revaliam quoque Regi traderet; utque quæ cis Narvam flumen essent, Poloniæ Regi cederent; quæ ultra Narvam Sueciæ finitima versus Oceanum glaciale communibus co- piis occuparentur, ad Sueciæ Regem pertine- rent, cumque bellum interim differendum sibi Rex non judicaret; quo tempore Polo- tiam ibat, denuò Laurentium Goslicium Vil- na ad Sueciæ Regem miserat, per quem in ar- mis jam se esse ei ostenderat, & ut ipse à suis quoque finibus in Moscoviam cum exercitu ir- ruptionem faceret, eum hortatus, auxiliorum & belli communicandi rationes quasdam proposuerat: ostendenteque tum Rege Sue- ciæ nolle se sibi præscribi, quas in partes co- pias suas mitteret, omniaque occupantis fore: Goslicium quem admodum jussus fuerat, Li- vonia tamen ut abstinere postularet; cujus causa & maximè bellum Rex suscepisset & quàm optimo jure pertinere ad se sciret: Re- gemque

gemque jus in Livonia Reipubl. & suum negli- gere non posse prædixerat. Nunc cum id accederet, ut Livoniam ferè omnem perle- gatos Moscus ei detulisset, quo in statu res essent, cum Sueciæ Regem, tum militiæ præ- fectum ejus iterum per literas certiorum rex fecit; utque Livoniam non hostis, sed suam o- pinione jam præcipientes, omnino ab ea sibi temperarent, atque in aliis potius partibus, si ita eis videretur, bellum cum hoste administra- rent, postulavit. Vilna tormentis & instru- mento militari omni Postauam præmisso, ipse Disnam profectus fuit. Ubi de exercitu ho- stili ad Smolenscam coacto, ejusque in Mohi- loviensem, & Sclovensem agrum incursione cognovit. Erant in hybernis eorum locorum aliquot equitum turmæ, ex quibus cum Christophori Radivili, & Martini Kabanovij turmæ, diversis locis in palantes incidissent, secundisque aliquot præliis cum copiis iis con- fluxissent, non diu in nostro commoratz, mox intra suos fines se receperunt, Rex tamen nuntio hoc de incursionibus hostis allato, continuò Christophoro Radivilo, qui tum Disnæ unà erat, ad eas quas antea habebat, turmas equitum, alias Polonorum nonnullas, quæ iis in locis ad Borysthenem in hybernis erant, peditatusque ac levium tormentorum, quæ navibus Vitepsciæ præmitteret, certum numerum attribuit. Ei mandat, ut restæ con- tra hostem tendat: dataque facultate prælium committat. Si hostis jam recesserit, capto per Velisum medio inter Bialam & Torope- ciam itinere, ab ea quoque parte metum hosti ostendat.

Eodem tempore Joannem Thomam Dro- jovium præfectum Premisliensem ad Turca- tum Imperatorem misit. Causæ legationis hæ erant; ut quia fato Christianitatis sicut reliqua Ungaria, ita Transilvania quoque sti- pendiarie Turcæ facta esset, verereturque Rex ne mortuo fratre Christophoro novi Prin- cipi imperium gravioribus conditionibus Tur- ca premeret, postularer, ut quibus priores Principes legibus principatum eum tenuis- sent, iisdem huic quoque eum permetteret; nec si quid contra ea fieret, Regem patriæ suisque deesse posse ostenderet.

Præterea verò ut de Janculæ Valachiæ Pa- latini injuriis, quas frequentes is regiarum di- tionum hominibus afferebat, quereretur: ut- que illo amoto Petrus prior Palatinus in pristi- num dignitatis locum restitueretur, peteret: Regemque nec Janculæ vicinitatem æquo animo ferre, nec suorum injurias, uti nec de- beret, neglecturum profiteretur. Prius le- gationis caput mox obtentum; alterum in aliud tempus dilatum fuit. Sub idem autem tempus in Tartaris quoque tumultuatum fuit. Devletes Chiereius, qui novissimè apud Tartaros imperitârât, plures liberos reliquerat. Successerat huic in imperio, qui nunc rerum apud illos potitur, Mahome-

tes Chiereius, qui cum præter alios fratrem haberet ætate proximum Adlejum Chierei- um magni & ipsum animi & apud populares virtutis opinione, interficere eum non ausus, eum alias instituto Turcico apud Tartaros etiam plerumque ejus; qui in principatu suc- cedit, securitatis causa cæteri principum liberi è medio tollantur; quod minus tamen cupiditati ejus loci relinqueret, Galgam creârat. Is summus militiæ præfectus est, eaque autoritate, ut & vivo principe proxi- mam secundum eum potestatem obtineat; & mortuo in imperio succedat. Adleo à Persis capto, & interfecto, eadem ratione Halium Chiereium alterum ab eo fratrem magistratu eo tradito, successionis spe sibi devinxerat.

Verùm confirmatus postea ætate filij Sadi- ti, amoreque paterno impulsus, dejecto fratre, filium ejus in locum suffecerat; veritusque ne injuria hac irritatus cum altero minore fratre Solomete Chiereio contra se conspiraret; ad parricidij crudelitatem, quam ante seu metu seu miseratione retentus intermiserat, redie- rat; priusque quàm illi moliri quid contra se possent, interficere eos conatus fuerat. Hoc periculi metu profugere illi coacti, cum diu exagitati in finibus oberrarent, à Kosak- kis excepti, adque Michaëlem Visnovecium præfectum Cirkassiensem adducti fuerunt: à quo certior de iis Rex factus, ut in suum redi- tum retinerentur, jussit.

Ipse instrumento belli graviore primò per Disnam in Dunam, inde ulterius per Dry- sam flumen, navigatione, quemadmodum ostendimus, jam ante explorata navibus præ- misso; Disnæque parte aliqua exercitus re- censita Polotiam venit. Ibi dum aliis copiis recensendis operam dat, Christophorus Dersekus, qui petentibus legatis Moscovi- ticis, à Rege ad Moscum missus fuerat, cum literis ab eo redit. Longè alio eæ argumen- to, quàm superiores fuissent, scriptæ erant, quæ ab initio acta essent, multa & longa ora- tione repetita invidiosè omnia interpretaba- tur; quæ per legatos antè Regi obtulerat, irrita rursus faciebat: maximè quod Ne- velensibus conditionibus stare Rex noluis- set: quòd ut Sebesium demoliretur; belli- cique sumptus nomine pecuniam ab se flagi- tasset, exagitabat: quòd non in eodem sta- tu rem esse, quo Nevelæ fuerat, atque in- terim in oppugnanda Savolocia majores sumptus se fecisse Rex diceret, cujus co- actu, aut rogatu Savolociam cepisset, in- terrogabat; potuisse eam supersedere labo- re hoc, non sua voluntate factum, ut eam occuparet: Pecuniam verò quòd flagita- ret, scire eum nolle se stipendiarium ejus esse: impenas autem belli imputare, aut earum nomine pecuniam postulare inaudi- tum inter principes esse.



Sebesium se puero, dum Sigismundus Rex rerum in Polonia & Lithuania potiretur, conditum, ejusque perpetuo postea, etiam cum Polotiam in potestate Reges Poloniae haberent, in possessione se fuisse, praeterea ut maxime ille Sebesium, Rex Dryssam deleteret: tamen cum visum esset, Dryssam iterum Regem restauraturum: denique semper aliquid reperturum, quod novum à se postuleret. Nobilitatis nuntios ad colloquium cum legatis adhibitos criminabatur: idque in invidiam suam factum ferebat. Indignabatur & oratores nullos à Rege ad se mitti: Itaque se quoque nec post quinquagesimum aut quadragessimum annum oratores ullos missurum confirmabat. Multa de Livonico jure suo aspergebat. In Regem autem ipsum acerbissime invehebatur, modò quod non regio genere natus esset: modò crudelitatem in victos, adipis detracti argumento, de quo supra dictum est, usus: modò in eosdem indulgentiam, qua ad transitionem eos invitaret, tum quòd globiscandentibus inusitata ratione Sokolam incendisset, fraudem ac dolos ei exprobrando. Rex literis hisce acceptis, ostendit legatis etsi jure gentium hostium loco habere eos posset, qui pacis petitione simulata, speculandi, circumveniendi que sui causa ad se venissent: nolle se tamen ob eorum perfidiam à perpetua mansuetudine atque lenitate sua recedere: itaque ipsi ad suum principem reverterentur: literis ejus per suum hominem se responsurum.

Proficiscitur sub idem tempus ad Moscum Antonius Possevinus: quem à summo Pontifice ad Moscum missum supra demonstravimus. Ei praefectos, qui Velisij capti fuerant, Rex condonavit. Savolociam inde, sylvis ut in pacato non magna molestia superatis, pontibusque & latioribus viis jam ante iussu regio Savolociensium operamunitis, pervenit. Hic etsi omnium ferè aliorum opinione Plefcoviam sine ulla dubitatione hac expeditione eundum tanquam praedictum jam videbatur, quò rectius tamen in re praesenti omnia statuerentur, ad consilium de eo rex retulit. Valuit plurimum apud omnes ferè cum vetus persuasio, tum ipsa rerum gerendarum series, bellicae susceptae ratio, quod ea urbe in potestatem redacta, Livoniam simul universam, quae tum unica belli causa erat, ei accessuram inter omnes conveniret. Rex tamen, ac pauci cum eo annon magnam Novogardiam rectius iretur, dubitabant: cujus etiam nobilitatis motus aliqui contra Moscum audiebantur. Sed periculi plena res videbatur, relinquere à tergo urbem amplissimam, in quam omnes quasi hostiles copiae convenissent: quae magnam & bene ad Novogardiā gesta re ad reliqua perficienda moram: & si non tam bello, quam tempestatibus, contagio, aliisve incommodis in hostico offensum est, gravem recipiens se me-

tum allatura esset. Derpatum unus Vejerus eundum censebat, cum eadem ratione: quod praesidij ejus magna parte ad Plefcoviam defensionem deducta, facilius expugnatio ejus futura videretur: tum quod per eam ipsam ad reliquam Livoniam universam, quae una bello eo perebatur, aditus futurus esset. Vicit plurium consensus, rerumque ipsarum continuus quasi ordo, qui primò Plefcoviam objiciebat, eò ut iretur. Etsi enim per Lovatum flumen, quod à Lukis Novogardiam tendens magna ex parte in nostra potestate erat, regressus exercitui dari videretur: quod tamen naves omnes subtrahere ab hostibus essent, nec aliarum fabricandarum tam exiguo temporis spatio in provincia nova & dubia facultas data esset: flumen praeterea Lovatus non per omne anni tempus navigabile esset: hac quoque re non multum juvari posse exercitus videbatur. De castellis quae à lateribus imminabant, diu Rex dubitabat, tandane oppugnatio eorum sibi esset, priusquam Plefcoviam iret, an in aliud tempus differenda.

Ex ijs Krasnohorodam, cujus oppugnationem Sigismundi Augusti exercitus frustra olim tentaverat, ad alterum Veliam Moscus, quòd teneri ea posse diffideret, tormentis prius apparatuque omni deportato, sub idem tempus ipse delevit. Reliqua erant Sebesium, Opocka, Ostrova. Sebesium etsi ad laevam Dunam versus à tergo relinquebatur, navigationemque fluminis infestam reddere posse videretur: tamen quòd per sylvas, locaque magna ex parte invia, ac difficilia, iter illac esset, praestare visum fuit, vel in aliud tempus eam differre, vel si pax interim coiret, aliud praesidium ei opponere, quam nunc majorum rerum gerendarum tempus, sylvis, viarumque difficultatibus superandis, & ipsa tandem oppugnatione eximere. Opocka non ita viæ imminere videbatur, ut non commodè declinari posset: Praeterea flumen Velika supra Opockam nondum ejus altitudinis erat, ut tormenta apparatusque bellicus demitti per eum possent, quam commoditatem vel maxime quidam spectabant: atque ut navigabile esset, Plefcoviensi tamen oppugnationi mora ulla minime interponenda videbatur.

Accedebat huc, quòd ex propinquis praesidiis Savolociensi & Voronociensi facile excursiones ejus prohiberi posse existimabantur. Interim opportunè accidit, ut sub idem tempus Kosakki Krasnohorodam à Mosco desertam, subitatio opere communirent, quò praedis ex hostico agendis sedem in ea collocarent. Mittit eò Rex mox copias nonnullas cum levioribus tormentis aliquot, locumque militaribus corbis dispositis diligentius communiri Sebesienseque & Opocenle praesidia distineri jubet.

Itaque

Itaque Krasnohoroda, Savolocia & Voronecia occupatis, è quibus non difficulter Sebesienses, & Opocenles, contineri posse viderentur, illis omissis, Ostrovia sola quae in ipsam viam Plefcoviensem incurreret, relinquebatur. Ad Christophorum Radivilum, quem contra hostis ad Borysthenem excursiones missum supra ostendimus, sub idem tempus Philonem Kmitam etiam, ac Lithuanicos Tartaros à Vitoldo quondam Duce agris in Lithuania donatos, Michaële Haraburda illis praefecto se conjungere, hostemque ancipiti metu distingere, mutuisque populationibus priores excursiones ejus ulcisci jubet: literasque ea de re ad Radivilum dat. Priusquam Savolocia Rex moveret, tabellarium cum literis ad Moscum mittit, ijs etsi nec illius criminationes quicquam de dignitate sua detrahere posse statueret: & armatum hosti maledicere infra animi sui magnitudinem judicaret: ne tamen ille è silentio Regis, more suo majores sibi spiritus sumeret, ad priores ejus responderet. Quae acta ante id in invidiam à Mosco vocabantur, ut quaeque gesta sint, ostendit: conditionibus Nevelensibus cur stare non potuerit, demonstrat: nihil per injuriam, aut praeter morem aliorum Principum Christianorum ab illo se postulasse docet: ut Savolociam oppugnaret, nullius precibus adductum se responderet: sed id ut faceret, pertinacia & injuriis ejus se coactum: quae nec se quiescere, donec armis jus suum consequatur, patiantur: nec ipsum nisi armorum motu admoto animum ad aequitatem advertere. Quantum in se fuerit, se fecisse, ut per Oratores ejus aliquoties testificatus ei sit, quò diutius causam duceret, quoque ad majores impensas tergiversatione sua se provocaret, eò graviores postea conditiones se ei ferre necesse habiturum. Sumptus in bellum factos & aliorum principum Christianorum more & exemplo se repetiisse: & nihil aequitati convenientius esse, quam ut à quo injuria profecta fuerit, ab eodem omnis injuriae causa praestetur: quod quoniam illi grave videretur, sciret posthac non de Livonia aut belli ejus sumptibus, sed summa rerum se dimicaturum. Quòd Sebesium puero se conditum diceret, qua maxime ratione jus suum ostendere se consideret, ea malam fidem ejus maxime detegi. Nam cum regia Polotiensis ditio ad Dunam flumen semper pertinerit, intraque eam nuper Sebesium excitatum fuerit, satis argumenti esse in alieno injustè aedificatum fuisse.

An autem ad priores conditiones, novas subinde Rex adjecturus fuerit, si prius iis conditionibus, quas Rex tulisset, assentiendo periclitatus fuisset, tum certi aliquid asseverare eum potuisse. Nuntios nobilitatis ex ipsius utilitate ad colloquium cum legatis ejus adhibitos fuisse, quo quae convenissent, majorem firmitudinem haberent. Quòd Oratores ad eum non mitteret, non esse, quòd

se accusaret: neque enim legem ullam de mittendis oratoribus cuiquam perlatam, praeterquam vel usus, vel voluntas cujusque unicuique imponeret: omninoque judicij potius, quam necessitatis rem esse. Quòd facturum se negaret, ut nec ipse post quadragessimum annum ullos ad se oratores mitteret, facile ei credi: magnam hanc bono etiam viro ne dum Tyranno vivendi usuram esse: non missurum igitur post quinquagesimum aut quadragessimum annum: at missurum fortassis citius: Regem quidem nihil hac in re remere sibi praescripturum. Docet & de Livonico jure. Ad convitia ejus respondet, neque se eum esse, qui contumeliam ullam accipere possit: nec in Moscum, cujus turpitudine & crudelitas omnibus nota sint, recte hanc alios infectandi personam convenire. Regem se non tam molestè ferre non natum esse, quam gaudere, quòd virtute sua ad regnum pervenerit: quòd ea ratione ad honorem hunc evocatus sit, quasumus Pontifex à Cardinalibus, Imperator qui principem inter Christianos Principes dignitatem obtinet, ab Electoribus Germaniae: qua multi alij reges ac Principes omnibus temporibus à sui quisque regni ordinibus. Interim praclarum sibi ducere privato loco, nobilibus majoribus ortum, qui rebus Christianis egregiam saepe operam navarint, amplissimos honores gesserint, provincias administrarint, magnaue virtutis & pietatis laude floruerint, cum majores sui reges non fuerint, virtute tamen sua regnum se adeptum esse: cum illum, nisi ita, ut esset, natus fuisset, mores ejus quemvis potius alium quam principem facturi fuissent: minimeque illi invidere, quòd non plurimorum de eo hominum judicium, aut spectata virtus ejus potius, quam mulieris Glinfcij Sigismundi quondam regis proditoris filiae uterus, Moscoviae dominum imposuisset. Crudelitatem in detrahendo è nonnullorum cadaveribus adipe primum non à se profectam: deinde nihil in eo contra pietatis officium hominumque Christianorum morem, qui ut vivis tanto rectius consulerent, ex medicorum disciplina, vel in minutissimas partes mortuos dissecarent, admissum: ridiculam autem misericordiam esse ipsius, qui cum in vivos omnia cruciatus exempla edat, mortuorum cura se affici praeseferat. Ejusdem generis esse quòd clementiam & lenitatem erga victos suam crimiuaretur. Non satis enim sibi constare, qui modò crudelem, modò nimis lenem quereretur, indignareturque, quòd non omnes, quos in praesidiis expugnatis Rex cepisset, excruciatos interfecisset. Quòd Sokolam inusitata ratione flammis à se deletam vitio sibi verteret, in eo non tam fraudem aliquam illum arguere Regis, quam detegere propriam inscitiam suam, quae ut omnibus in rebus maxima esset, ita militaris rei multa praecleara inventa adhuc eum fugere.

Respondet & aliis de rebus quam copiosissime:



simè: quæ omnia accuratius hic commemorare, præterquam quòd epistola ipsa in manus hominum pervenit, non etiam nostri instituti est. Sub finem epistolæ ad singulare certamen eum provocat: eamque Russicè & Latine scriptam ei transmittit, neve nimis sibi placeret, quæque aliorum de se hominum iudicia essent, cognosceret, libros de immanitate ejus passim per Germaniam editos unà ei mittit. Savolocia Voroneciam Rex progressus militarem disciplinam prioribus legibus partim emendatis partim auctis accuratius eo loco sanxit; legesque de ea scriptas primum Senatoribus, deinde militi, præfectis omnibus differendi de iis facultate permittit publicè proposuit. Quibus ab omnibus probatis præfecti militares, ut ducem exercitus crearet, eumque magistratum, qui solennis apud majores in republ. fuisset, restitueret, flagitarunt. Rex quòd partito in plures imperio militari, superiori anno nec satis disciplinam castrensem observatam, se rebus vel minutissimis quibusque fatigatum, aliaque incommoda nonnulla extitisse ex eo meminisset, vocato privatim ad se Samoscio, cuius utilem operam superioribus expeditionibus, multis maximisque rebus spectatam habebat, eum se magistratum ei concediturum ostendebat. Zamoscus magnitudinem ejus, atque onus demonstrando, seq; ab omnibus rebus, maximè autem muneris hujus expectatione imparatum accessisse ostendendo, primò ut alij potius id traderet, aut ne sibi saltem tantum oneris imponeret, petere, postea vehementius etiam deprecari cœpit: ubi nihil Rex remitteret, obtemperaturum se tandem Deo, & illi seu ad gloriam seu periculum se vocanti recepit.

Privatim cum Samoscio re communicata, idem publicè deinde facit: consilioque convocato, quid suæ sit sententiæ, declarat. Re ab omnibus probata, per Andream Zborovium palatij Marichalcum, qui qui superioribus temporibus imperio militari præfuisse, nominatim verò Joannes Tarnovius maxima potestate fuisset, generalem exercitus Ducem perpetuum Zamoscium creat. Hic quemadmodum antea fecerat, ita tum in publico quoque præter oneris ejus magnitudinem, quod per se gravissimum, maxima etiam cum invidia conjunctum esset; non eo etiam apparatu instructum se venisse ostendebat; ut tantum munus sustinere posset, qui scriptis iis, quas Rex jussisset, copiis, eo animo profectus domo esset, ut quemadmodum superioribus expeditionibus fecisset, partem saltem aliquam belli susciperet: cui summa rerum administranda esset, oportuisse eum prius omnium ad summam belli pertinentium rerum cogitationem suscepisse; omnia explorata, cognita, parata antè domo attulisse: ipsum inspexisse: legatos, ministrosque jam ante domi delegisse: quos etsi haberet,

non haberet tamen plures, quam qui copiis tantum, quas ipse scripsisset, ducendis ad administrandisque sufficerent. Tandem quemadmodum antea privatim, ita tum publicè magistratum accepit. Constitutis rebus iis, exercitum universum recensere Rex instituit. Præ cæteris longè ornatissimæ in lustratione hac Polonorum equitum turmæ comparebant. Cum longè plures ex amplissimis quibusque familiis, quàm ulla alia superiorum expeditionum ad bellum hoc convenissent; inter alios Zamoscus ad priores copias suas, quas superiori ætate à se conductas, hyeme in Samogitia contra hostiles in Livoniam irruptiones mandato Regis collocarat, aliquot ornatissimorum equitum millia adjecerat, omnes hi ad ducis exemplum ut superiori anno atrato habitu usi fuerant, ita tum cæruleum sumpserant. Par his suo genere pedicatus erat: Vrovecianus præsertim ex sola nobilitate scriptus. Nec multum de proximi anni studiis & apparatu Lithuani quoque remiserant. Itineris ratione à Rege cum Zamoscio constituta, à dextra Lithuani iverunt, ijs aulicus miles, qui ad Gedanum fuerat, perque absentiam Joannis Zborovij à Christophoro Niscicio regebatur, attributus erat. Partem copiarum aliarum cum Stanislao Tarnovio clarissimæ familiæ, Senatorijque ordinis viro, quæ locum castris deligerent, Ostroviam versus Zamoscus præmisit: cum eodem Vejerum & Vrovecium ire jussit. Tarnovius, quemadmodum jussus erat, castrum prætervectus in Plefcoviensi viâ, qua præsidia in castrum ventura, nuntijque exituri expectabantur, consedit: quæque ad oppugnationem pertinebant administrare cœpit.

Interim Zamoscus advenit; castraque ab inferiori parte ad Velikam flumen ponit. Biduo post Rex ipse consecutus fuit. Sita Ostrovia est in insula Velikæ fluminis, quodque nullos à terra aditus habeat, inde nomen id, quod insulam Slavica lingua significat, accepit. Muros ex lapide latis firmos: propugnacula item complura habet: unum præcipuè in Septentrionali castris angulo, à qua eadem parte porta atque aditus in castrum est, insignis magnitudinis, adque nostræ ætatis propugnaculorum formam diligenter dimensum eo posito, ut duo castris latera, unum quod ad Septentrionem, alterum quod ad Orientem spectat, defendat. Cum de oppugnatione cum Zamoscio Rex deliberaret, animadvertit, Occidentale castris latus, ita modico flexu lunatum; ut nulli recta linea secundum id latus tormentorum ictus dirigi possent, atque ita nihil ferè ab ea parte à tormentis periculi militi metuendum videretur.

Itaque duo propugnacula altera, quæ in Meridiem conversa erant, tormentis verberare instituit: quod ijs à defensoribus nudatis Occidentali parte jam antè, ut ostensum est, innoxia, sine periculo ad oppugnationem

iturus

iturus miles videretur. Ungaris orientalis anguli propugnaculum. Polonis occidentale attribuitur, perfectisque biduo munitionibus, & tormentis intra eas constitutis, ex utrisque muri quasi cœpti fuerunt. Ab Ungaris propugnaculo, quod oppugnabant, inde proximo muro continuis tormentorum ictibus verberato, ruinis quibusdam, quæ tamen præcipitem aditum in castrum præberent, patefactus ab iis murus fuit. Poloni, curante apud eos tormenta Vejero, in fundamenta propugnaculi, & inferiores fornices tormenta converterant. Cum quòd ab inferiori parte facilius in arcem aditus futurus videretur: tum ne superiore turris parte à se occupata, quod facere destinaverant, ut per fenestras ejus sclopetis inde rem gererent, exque interiore castris parte hostem propellerent, pulvere fundamentis subjecto circumveniri ab hoste possent. Ungari per ruinas, quibus ab eorum munitionibus murus apertus erat, irrumpere mox conabantur. Represso impetu illorum à Samoscio, qui militem, quò ad majores res integrior accederet, sine causa vulnerari nolebat, cum rursus ab utrisque munitionibus summa vi tormenta contra muros disploderentur, magisque murus ruinis aperiretur, hostes eodem die deditionem fecerunt. Iam nox appetebat; itaque cum præsidij adjunctis ulterius deduci non possent, atque interim separatim in locum à castris traducerentur, plebs rusticana Lucensis cædis memoria percussa, subito magna voce ultro in verba Regis se adigit; quo clamore aliquoties repetito, cum vim illis adferri Zamoscus ratus accurrisset; narrabant juratos se Regi, fidosque posthac fore; eoque clamorem tam altum sustulisse, quòd vel ab ipsis Moscis exaudirentur. Cæteri, in iisque Nascokinus præsidij præfectus, ejus, quem legatione ad Regem functum, posteaque captum supra ostendimus, propinquus, dimissi fuerunt. Rex antecursoribus præmissis Plefcoviam mox ipse progressus fuit. In primo agmine Balthasar Andreæ fratris Regis filius cum Ungaricis; Palatinus Braslaviensis cum Polonicis aliquot copiis incedebant. Hi ubi ad Cerecham flumen, quod ab oriente in Velikam influit, venerunt, ex Ungaris quidam flumen transgressi in tres partes copias suas distribuerunt. Prima ex iis recta Plefcoviam contendit: duæ reliquæ diversis locis in insidiis confederunt. Ex iis primi cum hostium excubis congressi, mox pedem referre cœperunt: hostes quod erat, insidias veriti, recedentes tamen secuti, postquam secundi ex insidiis consurrexissent, nihil amplius veriti, quòd numero utrosque superarent, effusè insecuti, ad tertios protracti fuerunt: à quibus reliqui in fugam coniecti: tres Bojatici generis capti, ac in castra adducti fuerunt, ex quibus, quantum in urbe virium esset, quid præsidij animique hostes haberent, cognitum

fuit. Simili eventu Sigism. Rosnuius, qui cum veteranorum Polonorum copiis, quas Lithuanis adjunctas supra ostendimus, missus fuerat, ac deinde Germani aliquot milites, inter quos Rhederus Silesius voluntarius erat, excursionem ad urbem facta, captivos aliquos adduxerunt. Zamoscus ipse primùm Cerecha flumine, inde Plefcovia atque transito, situs cognoscendi causa urbem circumvectus fuit, accidit hic, ut cum Vrovecio uno assumpto, aliisque subsequi se jussis, quò accuratius situm urbis è propinquiori loco cognosceret, sub ipsos quasi muros contra portam quandam successisset, conspicati eum hostes alam equitum contra eum emitterent; eaque cum intra teli iactum ad eum accessisset, Zamoscusque etsi periculum videret, non tamen se commoveret, illa etiam insidias vereretur, justum temporis spatium ex adverso neutris se commoventibus constiterunt. Interim qui tardarant accurrentes, impetu in hostes facto, in urbem eos rejecerunt. Rex ubi propius ad urbem accessisset, cognoscendi loci causa ipse quoque cum Samoscio eam circumijit.

Civitatis Plefcoviensis in annalibus Plefcoviensibus, qui in Polotienfi Bibliotheca inter alios reperti, in manus nostras pervenerunt circa annum ab orbe condito VI. M. C. CCC. XII. antiquissima mentio est, quo Thorium filium Rurici principis Russiæ Olgam ex civitate ea in matrimonium accepisse, ex qua Suentoslaus filius natus ei sit, memorant. Inde varia cum vicinis gentibus bella ei intercessisse narrantur: maximè tamen Ikolos populos, quorum ab eo tempore cum imperio nomen quoque interiisse videtur, fœdere cum Novogardiensibus inito debellasset: cum Sudetibus, qui ea quondam loca tenuerunt, in quibus Derpatum nunc est, & cum Germanis Livoniensibus frequentibus præliis contenderunt; cum vel à suis finibus eos prohiberent, vel intra eorum fines bellum gererent. A Germanis capta urbs etiam circa annum VI. M. DCC. L. traditur. Ab Alexandro autem filio Jaroslai ex stirpe Monomachi haud multò post in libertatem rursus vindicata; qui protectus à Batti principe Tartarorum, auxiliisque Tartaricis adjutus cum prælio Livonienses superasset, ex pacto deinde urbem recepit; continentia tamen deinceps quoque bella cum iisdem civitati fuerunt.

Illud satis apparet, eam & opibus plurimum olim valuisse, & priusquam à patre hujus Basilio in servitutem redigeretur, non modò propriis legibus magistratibusque usam, sed quod eo in loco magis fortassis mirandum fuerit, egregiè etiam iis temperatam fuisse; cum primis Posadniki, quod si verbum verbo interpreteris assessores significat, ex quibus Senatus constitutus fuerit, numerantur: in graviorum rerum deliberationibus, legationibus

P 3 audi-



audiendis, dimittendisq; foederibus sancien-  
dis: eligendis principibus: pace deniq; ac bel-  
lo suscipiendo: legibus ferendis, populi sum-  
ma autoritas erat: qui in comitiis. Viecis  
ab iis dictis, quæ ad omnes pertinerent, uni-  
versus jubebat: Secundum Posadnikos nobi-  
litas erat honore iis proxima: tum verò di-  
versarum societatum mercatorum, quorum  
& magnam multitudinem eo in loco fuisse,  
eorumq; commercii maximè civitatem cre-  
visse apparet, præfeti: qui magistratus etiam  
jus ac auctoritatem habuerunt. Ditionem pos-  
sederunt amplissimam; ad eamq; cum magni  
Luki, & Isborkum, tum quicquid intra eas est,  
pertinebat. Provincias hæc per legatos  
Palatinos ab ipsis dictos regebant. His om-  
nibus magistratibus finita cum potestate  
princeps præerat. Eum seu ad vitandas fa-  
ctiones domesticas, seu quod externo re-  
gnum occupare volenti, facilius restitutos se  
existimarent, modo à Russiæ, modò à Lithua-  
niæ magnis Ducibus certis conditionibus, ac  
ut secundum leges suas jus sibi dicerent, pete-  
bant. A Lithuanis Dummunthum, Timo-  
theum nimirum, postquam Christianus factus  
esset, appellatum circa annum VI. M. DCC.  
LXXIX. ac postea filium ejus Davidem ac-  
cepisse memorantur: posterioribus etiam  
temporibus ab Olgerdo filium ejus, qui sacris  
Christianorum initiari voluerit, Andreasque  
dictus sit, quosdam præter leges sibi imperan-  
tes ipsi removebant. Tandem cum Russiæ  
magnis Ducibus convenerunt, ut certis dein-  
ceps legibus eorum majestatem colerent,  
principesq; non nisi ab illis, qui tamen secun-  
dum patrias leges civitati imperarent, quique  
nominatum à civitate petiti essent, accipe-  
rent. A Basilij cæci filio Joanne, primum  
Basilij Suiicii legatus, deinde Basilij fili-  
us Plefcovientibus & Novogardienibus con-  
junctum princeps datus fuerat. Etenim sub  
idem tempus Novogardienis subjugatar,  
Plefcovienium auxilium adjutus: quæ illi par-  
tem ex fœdere, de quo dictum est, partim æ-  
mulatione Novogardienium miserant; cum  
paulò ante à Livonienibus bello petiti, à No-  
vogardienibus spreti atq; destituti, ab Joanne  
adjuti fuissent. Atque in eo quidem statu  
ad annum VII. M. XVIII. civitas permansit.  
Quo à Basilio Joannis filio, ejus qui nunc re-  
rum potitur, patre libertate spoliata fuit.  
Imposuerat eis principem Basilij Joannem  
Michaelis filium Repkam, quem Naide-  
num postea appellarunt: ut qui non petitus,  
sed ultro quodammodo obtrusus eis esset.  
Contra hunc cum Novogardiæ fortè Basilij  
esset, misit ad eum civitas legatos, qui quere-  
las quasdam ad eum deferrent. Cum verò  
& Joannes Novogardiam ad Basilium acces-  
sisset, ipsius hortatu majorem Senatorum par-  
tem, quò præsentibus iis controversias eorum  
minueret, evocat: in vincula deinde omnes  
conjicit: Plefcovienibus denunciat, ut con-

filium omne abrogent: campanam insignis  
magnitudinis, qua ad comitia obeunda or-  
dines convocabantur, ad se mittant: eaque  
ut facturos sciat, alios plures ex omnium or-  
dinum hominibus obsides sibi dent. Plefcov-  
ienses partim amore suorum inducti, partim  
iis rebus præfenti periculo defuncturos se ex-  
istimantes imperata faciunt: Obsides com-  
plures alios ad eum mittunt. Quibus acce-  
pris, Plefcoviam ipse Dux die mensis Januarij  
vicefimo quarto Oximæ sacro venit: cui in  
memoriam rei benè gestæ templum deinde  
ibi consecravit: primoque in ædem Salva-  
toris, inde Trinitatis, in cujus tutelam nomi-  
natim civitas se tradiderat, descendens, Vas-  
siani Episcopi Columnensis, qui eò cum illo  
venerat, captamq; tum urbem pronuntiabat  
oratione confirmatus, urbem diripit: Se-  
natum omnem, magnamque nobilitatis par-  
tem in vincula conjicit: novisq; coloniis im-  
missis in Moscoviam secum abducit: ut non  
pauci tum essent è nobilitate, qui ne patria  
moverentur, religioni ac societati alicui reli-  
giosorum fratrum se manciperent. Ab eo  
verò tempore in durissima servitute civitas  
permansit. Urbs in longitudinem porrecta,  
qua ad occidentem spectat angustior, à me-  
ridie Velika flumine alluitur, qui eo loco non  
modò nomine, sed tot aliis fluminibus rece-  
ptis, re ipsa magnus, quinque infra eum milli-  
um passuum millibus in Pelbam lacum influit:  
à Septentrione Plefcoviam amnem habet,  
qui non magno à Novogardia intervallo or-  
tus, urbem cui nomen dat mediam secans, in  
Velikam illabitur. Ipsa in tres partes divi-  
ditur, quæ singulæ, diversis interjectis muris,  
inter se separantur: alteram, quæ occiden-  
tem spectat Sapskovam; tanquam ultra Ple-  
fcovianam appellant: tertia & media inter  
has arx est, quæ & ipsa in tres partes dividitur:  
exteriorem, quæ ad meridiem, atque flumen  
Velikam pertinet Kriemnoviam: alteram  
Domantovam: tertiam mediam dictam, non  
ad arcem, sed ad urbem ipsam, cujus quasi um-  
bilicum tenet, appellatione relata.

Septentrionale latus omnium longissimum  
ad octo millia passuum in longitudinem, muro  
omni ex lapide facto protenditur. Ad eum  
Moscos Polotia Lukisq; captis, alium ab inte-  
riori parte terra inter binos trabum ordines,  
quibus ea contineretur, latissima interjecta,  
adjecebat. Propugnacula ab omnibus parti-  
bus ex eodè lapidis genere firmissima habet.  
Cumq; veteris operis propugnacula non satis  
æqualia inter se essent, indeque fieret, quomi-  
nus directis ex uno versus alterum tormento-  
rum ictibus mutuo se protegerent, ex angulis  
eorum parietibus novis projectis, iisdemque  
altissimo cespite vestitis, fenestrisq; per eas  
dispositis, ut pari inter se spatio prominerent,  
effecerat: ad eadem verò propugnacula,  
quod partim angustiora, partim infirmiora vi-  
derentur, quàm ut maxima tormenta, eorum-  
que

que vim cum disploderentur, continere pos-  
sent: turres alias itidem ligneas ex firmissi-  
mis trabibus magno itidem opere factas op-  
portunis locis ab interiori parte interjecerat,  
magnaq; majorum tormentorum vi comple-  
verat. Loci facies ab omnibus partibus amœ-  
nissima est, cum duorum fluviorum confluxu,  
& qua patentibus campis, qua crebris collibus  
leniter assurgentibus, iisdemq; frequenti ju-  
niperis vestitis, quæ à Voronecia usque non  
secus ac si magna industria confita esset, huc  
excurrens, hortorum speciem loco circum-  
dat: tum maximè monasteriorum vicinorum  
frequentia, quæ ultra quadraginta ex lapide  
omnia elegantissime extructa, passim per vici-  
num agrum constituta sunt.

Celeberrimum ex ijs Suatohorense est,  
cum religione, à qua sanctum montem lo-  
cum eum appellant, tum loci munitione.  
In rupe enim durissima tribus circiter à Ple-  
fcovia passuum millibus situm, firmissima  
præterea turri, mœnibusque ad castelli mo-  
dum munitum est. Moscos cum, quemad-  
modum ante ostensum est, Lukis captis, ad  
Plefcoviam moturum, Regem minimè dubi-  
tandum sibi judicaret, omnibus rebus, quæ  
ad sustinendam possessionem pertinerent,  
diligentissimè eam instruxerat: magnaque  
copia omnia comportari jusserat. Cujus rei  
ultra ea, quæ antiquitus ad defensionem urbis  
comparata erant, hoc loco eò majorem fa-  
cultatem habet, quòd in eum locum per Nar-  
vam omnem è Germania aliisq; occidentali-  
bus regionibus bellicum apparatus conve-  
nire necesse est. Itaque tantus omnium re-  
rum ad bellum pertinentium apparatus in ur-  
be erat, ut superiori anno Moscos nec illi loco  
satis fidens majorum tormentorum partem  
aliquam in ulteriorem Moscoviam deportare  
institueret, quæ cum gravitate sua tardius pro-  
moverentur. Immo lacum non procul à ma-  
gna Novogardia ea obruit. Præerat arci  
Basilij, & fratris ejus Petri ad Ullam flumen  
à Nicolao Radivilo sub Sigism. Augusto cæsi  
filius Joannes Suicij, è Susdaliensium Du-  
cum familia oriundi, Andreas Choroscinus;  
& Plefcovius, quorum Joannes consilio,  
Choroscinus corporis ac animi robore ma-  
gnam apud Moscum auctoritatem habebant;  
indeque etsi ætate Basilij Joannem antecede-  
ret, summam tamen rerum omnium huic  
commiserat. Equitum in urbe ultra septem  
millia: peditum cum iis, qui ex oppidanis  
militares operas inter milites obibant, ad  
quingenta millia fuisse constat: Urbanæ  
multitudinis totidem. Inter peditatus du-  
ctores Koserscius cum animi magnitudine,  
tum procera corporis statura Duci gratissi-  
mus, auctoritatis ac virtutis præcipuam ferè  
opinionem habebat. Kosakki Nicolao Du-  
ce in regia ditione Circassij nato, sed qui diu  
Mosco operam navarat, hoc consilio aliquot  
eò venerant: ut ex instituto militiæ suæ per

agros palantibus excipiendis, prædisque a-  
gendis insidias ponerent. Ad id enim mili-  
tiz genus usq; assuefacti, nullis armorum vix  
contra cœli injurias vestium indumentis recti  
acinacè & hastili uno, plerique tamen etiam  
sclopetis rem gerentes, ad singulos circumsi-  
stendos, opprimendosq; itinera, loca, res ho-  
stiles explorandas: flumina cymbis ac trabi-  
bus trananda: densissimas sylvas, ac invia quæ-  
que penetranda cum levitate armorum, sitis,  
famis, ac laborum tolerantia, tum usu atque  
exercitatione plurimum valent: cæterisque  
ferè omnibus præstant. Verum eos Suicij  
convivio in urbem acceptos intra mœnia re-  
tinuerat. Rex rebus iis cognitis, munitioni-  
busq; urbis perspectis, facile intellexit, non  
sine ratione ab initio jam plerisq; eò potissi-  
mum eundem contendentes, assensum se  
non fuisse, longeque minora quàm præfens ipse  
cognosceret, de statu urbis ejus atque muni-  
tionibus sibi renunciata fuisse: se nec à pedi-  
tatu, quem, si summa vi urbem oppugnare  
vellet, triplo majorem adducendum sibi fuis-  
se intelligebat: nec à pulvere tormentario ad  
oppugnandam urbem satis instructum acces-  
sibile videbat. Qui enim Suzæ depositus fue-  
rat, negligenter igne ab iis, qui in præsidio  
erant, habito, conflagravit: alterius autem  
ut præcepta jam opinione pacis nec ab initio  
satis magnam copiam quætores pararent: ac-  
cedenteq; insigni subvectionum difficultate,  
qua à flumine relinquebantur, vix eum ipsum,  
quem paratum habebant, advehere potue-  
rant. Itaque varia animo agitant præfata  
aliquando videbatur, si Plefcovia relicta, vel  
magnam Novogardiam recta contenderet,  
quam nonnulli minus munitam putabant: vel  
ad vicina castella Porchovam & Udovam se  
converteret; iisque in potestatem redactis,  
obsidione ex ijs urbem premeret; quorum  
illud inter Novogardiam & Plefcoviam situm  
magnam ad intercludendam à subsidiis &  
commeatu Plefcoviam facultatem habere  
putabatur: hoc Ivanogrodenfi arci, quæ  
portum Narvensis efficit, imminerebat; Prio-  
ri consilio cum ex, quæ ante demonstratæ  
sunt, rationes, & à Plefcovia metus, tum ipsius  
Novogardiensis urbis fama, quam & ipsam  
non exiguas ad resistendum vires habituram  
constabat, itineris denique longinquitas, præ-  
cipitante jam æstate, ac tempestatum expe-  
ctatio locum non relinquebant. Alteram  
obsidionis rationem, ac vicinorum castello-  
rum oppugnationem, præterquam quòd in-  
dignam susceptæ expeditionis fama futuram  
putaret, hosti etiam animos addituram judi-  
cabat. Itaque cum animi magnitudine, ac  
virtute militis, qua pleraque alia consecutus  
esset, eas quoque difficultates superare se  
posse non desperaret, de loco castris capien-  
do dispicere cœpit. Constituerat ab initio  
à Novogardiensi via, qua Plefcovia fluvius in  
urbem, inde infra eam in Velikam illabitur,  
P 4 quòd



quod ad excludenda ab urbe subsidia, subventionesque arcendas cum primis opportunum videbatur, castra facere. Sed id ut dimitteret consilium: Longitudo lateris ejus, quod quemadmodum ostensum est, ad octo millia passuum pater, latissimique ab ea parte ac patientes circum circa campi faciebant. In quibus cum subsidia equitum nulla tuto collocati posse viderentur, nec verò propter continuas hostilium tormentorum ejaculationes propius castra admovevi: verebatur ne peditatus, qui in opere ac munitionibus futurus esset, si nullum illi è propinquo ab equitatu subsidium ferri posset, in tanta equitatus ac peditatus hostilis tot locis simul erumpentis multitudine, maxime si ancipiti praelio subsidiis à Novogardia missis, & eruptione ex urbe facta pugnandum ei foret, undique circumveniretur.

Ostendebat Zamoscius, qui ut nihilominus in sententia permaneret, Regem hortabatur, circa flumen Plešcoviam sinus nonnullos sibi videri, in quibus justæ equitum copiarum sub tentoriis collocari possent; quæ in tempore deinde contra excursions hostium auxilium nostris ferrent: hac ratione castris eo loco quam latissime Novogardiam versus explicatis, ab omni subsidio & comœatu, sine frequentibus excubiis, quibus si ab altera parte castra ponerentur, continuis defatigari militem necesse esset, multò commodius obsessos intercludi posse: accedere, quod ab ea parte solum pene esset molle, ab aliis ferè omnibus rupes durissimæ id exciperent; quæ & opus moraturæ, cuniculos autem omnino excluderent. Rex tamen quod priorem salutis, quam victoriæ rationem habendam judicaret, ab orientali latere oppugnare urbem statuit: quo in loco & peditatus, qui in opere futurus esset, à sinistra Velikæ flumine defenderetur; & castra proximè munitiones hostium promoveri possent; quod ab ea parte frequentes colles exurgentes ab hostilium tormentorum ictibus frontem tutaturi essent: angulus præterea, in quem ab ea parte urbs muris coibat, ipse etiam majorem rei bene gerendæ facultatem dare videretur. Itaque transgressus flumen Cerecham, castrisque ibi metatis, iisdem Lithuanicis copias, & veteranum Polonum equitem, quos à dextra ire iussos diximus, recipit. Eodem Farensebekius Germanicum peditem, cum quo sub id tempus venerat, adduxit, in quibus etiam erant aliquot, qui in Belgio stipendia fecerant, propter tamen & temporis brevitatem, & quod Lubecenses minus comes in concedendo delectu se præstiterant, plerique ex vicinioribus etiam Germaniæ locis, ique tiro-nes, raptim scripti erant. Iisdem temporibus Bartholomæus Budlerus à Duce Churlandæ cum aliquo militum numero, qui superioribus expeditionibus cum aliis in locis bellum Rex administraret, ad Livoniæ fines in

stationibus contra hostes fuerant, in castra venit: Voluntarij præterea aliquot, cum ex Prussia, inter quos imprimis Fabianus Dhonanus: tum præter Rhederum, de quo supra dictum est, alij etiam ex externa juvenute nonnulli fama expeditionis hujus excitati. Rex cum universo exercitu flumen transgressus, sub eos, de quibus dictum est, colles, castra posuit. Ungari à sinistra ad Velikam flumen, Lithuani à superiore parte ad Porchoviensem viam confederunt: medio inter hos spatio Poloni triplici carrorum ordine circumjecto, ea de qua ante ostensum est, ratione, ab utraque rivi illac labentis parte castra communiverunt, qui inter hos & Lithuanos tanquam angulus relinquebatur, Germanis attributus fuit. Venit sub idem tempus in castra à Turcarum Imperatore legatus, gravis ætate homo. Hic Tartaros, quos supra profugisse ostendimus, ex fœdere, quo utrinque perfugæ reddi juberentur, repetebat. Ostensum fuit, quia nondum Rex eos vidisset, nec quid dicerent audivisset, ubi in Poloniam redisset, causa cognita Principi ejus responsum. Et si minor peditatus erat, quam pro amplitudine susceptæ oppugnationis requireretur: erat tamen & numero, & genere ipso militum ac armorum non contemnendus: equitatus autem, quemadmodum supra ostensum est, ornatior ferè, ac instructior, quam in ulla antehac expeditione fuisset. Itaque per frequentissimam castrorum partem barbarus ductus, castrorum magnitudinem, equitum, quos obvios habebat, ornatum, equorumque præstantiam, ac universi exercitus speciem admiratus, faceret Deus inquit, ut isti Principes, Regem ac suum Principem designans, conjuncti inter se animis essent: ne orbis quidem terrarum consensui eorum resisteret.

Interim Ungarum militem propius urbem, ut locum munitionibus dirigendis caperet, progressum hostes conspicati, eruptionem mox in eum fecerunt. Sed fortissime ab Ungaris ad portas usque eos insequentibus, nonnullis utrinque desideratis, in urbem rejecti fuerunt. Munitiones mox Ungari ab ea parte, qua castra habebant, contra Pochroviensem; quam appellabant, turrin, penes Velikam flumen: Poloni non longo ab his intervallo contra Sumniensem turrin agere instituunt; prius militaribus corribus locis aliquot justo intervallo communitis, equitumque ac peditum stationibus in iis collocatis; quæ militi in munitionibus occupato contra eruptiones hostium, si quas fortè facerent, propinquo è loco subsidium ferrent. Magno labore eo loco propter soli duritiem, quod intra cubiti altitudinem in rupem designebat, fossarum ducebantur. Nihil tamen ea res Ungari militis impetum morabatur; qui ingentibus saxis securibus excisis, indefesso studio opus perfecit; non tam multorum

jactu-

jactura quam insigni unius Petri Kendij juvenis claro in Ungaria loco nati, qui cum nocturno suo vigilas Moscis citantibus, ad fremittum eorum procurrisset, è majori tormento trajectus interiit. Cæterum Ungari, quia ab ipso flumine nullo ambitu capto breviori spatio recta versus urbem munitiones suas dirigebant, perfectis jam fossis adversam turrin quaterere cœperant; exiguoque tempore propugnaculo convulso proximi muri partem aliquam straverant. Polonis magno impedimento erat, quod ab eo, de quo dictum est, loco, longiore intervallo munitiones versus urbem institutæ illis erant: latera quæ Ungaris ab una parte Velikæ flumen, ab altera Polonorum munitiones tuta præstabant, ne circumvenirentur, vineis & subsidiis contra hostium impressiones munienda: inde perfectis tandem munitionibus, curante apud eos tormenta Vejero, prius ex plerisque turrin, ex quibus ab omnibus ferè partibus petebantur, defensores dejiciendi erant: quod denique in fundamenta, ac imam partem muri, ijs quæ ante demonstratæ sunt, causis, tormenta convertebant, quas ob res cum ab eorum parte tardius murus perruptus fuisset; Ungari nihilominus, quæ ab ipsis murus stratus erat, irrumpere conabantur. Zamoscius cum de eo ad Regem referret, ostendebatur, longè & ad securitatem & spem victoriæ certius sibi videri, si dum è Polonorum quoque munitionibus aditus in murum patefieret, irruptione sustineretur: interim & pluribus locis mania verberarentur; ruinarum, quibus contra Ungarorum munitiones murus apertus esset, ampliores fierent, qui per eas in urbem aditus esset, cognosceretur: omnibusque rebus diligenter exploratis, quæ ad oppugnationem pertinerent, ante præpararentur. Timebatur ab altera parte, ne tempore interposito, spatium sui muniendi, novasque fossas, objicendi hosti daretur: maxime verò quod minus consilio huic locus esset, difficultas pulveris tormentarij faciebat; ut necessario prius tentandum aliquid videretur; quam omni consumpto unâ cum pulvere urbis ipsius potiundæ spes decederet. Descenditur eò, ut mittantur, qui locum inspiciant, ac an quæ transgressos fossarum difficultatesve excepturæ essent, explorent.

Deliguntur ex Germanis quinquaginta circiter; quod erant inter hos, qui in aliarum urbium oppugnationibus assidue antea versati fuerant. Hortatur simul Zamoscius Rex, ut quæ ad oppugnationem pertinerent, administraret, ne si de aditu non incommoda renuntiata essent, vel minimum temporis spatium differretur. Interim Ungaricus Decurio quidam missu centurionis ad os, quod ab Ungaris, quemadmodum dictum est, in muro patefactum erat, profectus omnia facilia ac aperta renunciat: aditum latum: descensum expeditum: exiguas ab interiori

parte fossas objectas. Quo tempore cum è primariis Senatoribus quidem differri nonnihil adhuc irruptionem suaderet, ne inter Polonicam & Ungaricam nationes æmulatio aliqua oriretur, si Ungarus prior irrupisset; ostendissetque Zamoscius, cur à Polonis aditus tam latus patefieri nondum potuisset, is unamquamque selem pro se venari respondit. Zamoscius itaque ad munitiones profectus, Polonis Germanos adjungit; quæque oppugnationi usui sint, administrari jubet. Ungaris Bornemissa præficitur. Rex sub ipsam fluminis ripam, ad quam Ungarorum munitiones pertinebant, progressus, militemque ad irruptionem paratum, paucis, quæ tempus ferebat ad virtutem cohortatus, è propinquo eventum oppugnationis expectare instituit. Jam ante autem tormenta aliquot Velikam translata fuerant, absque inferiori parte muri, per quem ad oppugnationem iturus miles erat, ita collocata; ut adverso muro à fronte deterfo, rectis inde secundum universum id latus interioris ictibus defensores peterentur. Eques ex instituto militari idoneis locis supra munitiones, circa urbem atque vias in omnes casus disponitur. Non poterat latere hostes, quid in castris pararetur; quod in omnes partes latissimus ex urbe despectus erat. Itaque ipsi quoque muros frequentes complebant. Zamoscius primum ex Polonico peditatu viginti expeditissimos delectos per adversam fossam muros succedere, quisque ab eo loco in urbem aditus sit, explorare jubet. Renunciant illi fossam ab ea parte esse, supraque eam pontem aliquanto depressiorem, per quem non difficulter tamen fossa superari possit. Mittit inde è Germanis quinquaginta eo mandat his, ut quam proximè muros subeant; si superare ruinas possint progrediantur, signoque quid acceperant, dato, alios, quos quamprimum ijs summissurus sit, expectent; si non parere per eas aditum intelligant, sine ignominia se recipiant.

Interim si illis successisset, signumque quid convenerat, datum ab ijs fuisset, quæ illis subsidia summittat, disponit: primò ejusdem nationis militem, quod qui præmissi fuerant, id postulant: inde Polonum partim equitem, qui sub Georgio Mniscio Præfecto Sanocense, Stanislao Stadnicio, Procopio Penonscio, Andrea Orzechovio, meruerat, & ultro operam suam detulerat: partim peditem. Primo loco Penonscium & Orzechovium cum turmahus eorum, qui hastis rem gererent, locat. Inde Vrovecium cum pixedariis. Post hunc Stanislau Stadnicium, cum altera equitum turma. Huic rursus Vibranovium & Syrneum cum suis quæque cohortibus in subsidiis esse jubet. Ultimo & separato loco Georgium Mniscium cum ijs quos ductabat, equitibus constituit; partem ad tormenta munitionesque retinet. Germani cum ad fossam successissent, Joannesque Garonna



ronna Gallus progressus primus aditum tentasset, gravi casu ab hostibus illo deturbato, ceteri cum angustiores ruinas, quam ut commodè transire per eas posset esse existimarent, conferti ad fossam constiterunt. Poloni qui à tergo urgebant, cum non dati sibi locum viderent, per medios illos penetrant; hostes turri lignea, munitioneque quam tignis in angulo turris, quem cum muro coiens efficiebat, ea de qua supra dictum est, ratione contabulaverant, celsipiteque vestiverant, deiciunt: in turrim magno ipsi labore evadunt; principesque Vibranovius ac Syrneus in summa turri signa figunt. Germani ados, quod contra Ungarorum munitiones erat, quod per id latiore aditum esse viderent, signa convertunt. Præscriptus idem, qui supra demonstratus est, ordo, & Ungaris fuerat, missusque ejus rei causa ad eos Franciscus Veselinus, primarius cubicularius regius. Verum apud Germanos primum eo turbato, Ungari quoque cum Polonos jam irrumpere cernerent, signo prius à Rege accepto, per ruinas in turrim evaserant, primi; Thomas Dercenus, & Matthias Kerekcius signa in ea constituerant. Hos Gabriel Bekesius, arrepto signo, equitem, cui præerat, secum trahens, secutus fuerat; moxque pluribus aliis signis illatis, cum ulterius inde in urbem contendere vellent, fossa jam antè ab hostibus ducta, ligneæque munitiones nonnullæ præter opinionem objectæ impetum eorum tardabant. Hostes ab initio nostrorum in subeundis muris impetu perterriti, suos è propugnaculis pullos, signa diversis in locis fixa jam videntes fugam circumspectare cœperant.

Interim Joannes Suiscius passim equo saucio volitans, modò minis, modò precibus, tandem ploratu & misericordia: ab altera etiam parte Episcopus urbis sacra & simulachra obtendens, dum in occupandis muris nostri retinentur, fugam pavoremque suorum sistunt. Primum tormentis ac saxis petere nostros cœperunt: nostris vicissim tela in eos adjicientibus, compluribusque utrinque sauciis, turri, quam à Polonis occupatam supra ostendimus, pulverem subjiciunt; nullamque in partem milite se commovente, binis aliis vicibus id repetunt. Quo turri tandem correpta nostri ferre ignem diutius non valentes primum descendere: ad extremum etiam cum ex propugnaculo Velikano, quod è nostris tormentis tam brevi tempore sterni non potuerat, ipsi transversis hostilium tormentorum ictibus ferirentur, recipere se coacti fuerunt. Inde in Ungaros omnes convertuntur; qui cum eas quas diximus illis objectas munitiones, superare se non posse intelligerent, cum diu hostium impetum sustinuisent, ac nox immineret, caesis omnibus prius sublati more militari se receperunt. Desiderati eo die sunt ex nobilitate Polonica ultra quadraginta: ex Ungaris non pauciores, ac præ-

cipui inter eos nominis Gabriel Bekesius. Magnum hostes quoque detrimentum acceperunt: caesi complures, in quibus primarij peditum ductores, Nicolausque Cirkassius præfectus Kosakkorum: plurimi vulnegrati. Itaque literis, quas ad præsidium Udovense dederant, quæ exiguo postea tempore interceptæ à nostris fuerunt, magnum terrorem ostendebant; utque sine mora iis de rebus princeps certior fieret, subsidiaque sibi mitterentur, petebant. Samoscus militi ob ejus diei laborem ac adversitatem consulendum ratus, equitem, qui cum Georgio Maiscio præfecto Sanocense in subsidiis collocatus fuerat, integerque adhuc erat, quod conturbato postea ordine res ad eum non pervenisset, circa tormenta munitionesque excubare jubet: universo autem peditatui ac munitionibus Vrovecio in oppugnatione concusso, Stanislaus Penkoslavius præficit. Altero die consilio habito, ante omnia de tormentario pulvere conquiritendo cogitari cœptum fuit. Mittitur ad Ducem Churlandiz, Rigenfes aliaque vicina loca. Exempla literarum Plescoviensium, quæ interceptæ fuerant, passim describenda Zamoscus dat; quibus, si quis fortè gravior de adverso oppugnationis exitu rumor in Poloniam perlatus esset, hostium incommodo perspecto is deleteretur.

Proponit eodem tempore Regi, quod minus casus aliquis, qui obsidionem eos relinquere cogeret, intervenire posset, optimum è re nata sibi videri, si integro adhuc exercitu castris per quæ miles distributus, longinquâ obsidione, ac commeatus inopia premere urbem posset, aliquot communiantur: iis perfectis, quod voluntarius miles diu moram laturus non esset; commeatus præterea difficultatem reliquo exercitui aucturus videretur: nec dignitatis Regis futurum esset, ut voluntariis dimissis imminuto exercitu remaneret, ipse in Poloniam, ad comitia obeunda, supplementum scribendum excurreret; se cum exercitu reliquo ad urbem relinqueret. Si hyems expectaretur, Voluntarios incommodis obsidionis, atque hyemis injuriis adactos, missionem flagituros: reliquum militem nullis rebus præparatis, commeatu omnino contumpto, minus animi & virium habiturum; castella verò eo tempore vel muniendi vel extruendi nullam rationem fore. Regi cum aliis multis de causis, omnia prius, quam ad id consilium descenderet, tentanda videbantur: maximè tamen, quod cum Possavinus, qui in Moscovia erat, de animo erga pacem Mosci significaturum se ostendisset, verendum intelligebat, ne, si priusquam ille rediret, eorum quid susciperetur, hostis defendendæ urbis spe illi aucta, si fortè de tradenda sibi Livonia consilij quid jam suscepisset, id tum commutaret. Dum hæc geruntur, pulvisque ac apparatus bellicus expectatur, cuniculis

culis interim munitiones hostium tentare placuit. Bini è Polonorum munitionibus verus fossam instituti, à rupe dura atque aspera excepti perducere non potuerunt. Ungari per summum solum fossa ducta, eademque cratibus interfecta, unum eo modo perduxerant. Is cum latere hostes non posset, qui ut minus eum vidissent, ex eo ipso tamè, quod ab oppugnatione tam diu cessaretur, conjecturam de consilio nostrorum capiebant, alium secundum universum id latus in longitudinem, ex quo nostros observarent, egerant; ac tum eum pulvere subjecto interciperant. Iisdem temporibus subsidia è Moscovia per Udovam obsessis mitti cognitum fuit; quæ cum per Pelbam lacum, ac Velikam flumen navibus ventura Zamoscus intellexisset, primum navibus aliquot conquistis continuas arbores cuneis ferreis in singulas impactis, per eosque catenis transmissis, ea qua flumen erat latitudine convecti: alias à superiori parte fluminis, qua venturus hostis erat, secundum adversam ripam alligat; ita, ut cum hostium naves transissent, funibus adductæ regressum ab ea parte hosti clauderent: alias ab inferiori parte versus urbem ita objicit, ut cum eum in locum pervenissent, irretitis utrinque navibus, nullam in partem effugium pateret. In naves, quas contraxerat, Germanos, qui earum administrandarum peritiores credebantur, imponit: Universæ rei Vrovecium præficit; cum eoque secundum utramque ripam expeditum peditem disponit. Adveniant sub commodum id tempus Albertus Refaiscius Castellanus Varsoviensis cum centum circiter & quinquaginta: Stephanus Bilavicus cum septingentis equitibus: Nicolaus Korffius & Wilhelmus Platerus cum Livonibus aliquot centenis equitibus. Eos cum extra castra adhuc versarentur, Suatohoram versus considere, ac quod tutiores contra hostiles incursiones essent, fossa castra communire jubet. Hostes navibus silenti nocte progressi, cum in insidias, ac nostras naves incidissent, ac ne primum quidem impetum nostrorum ferre potuissent, mox in ripam se eji-cunt; ibi ante lucem palantes excepti, ducentique circiter Bojanici generis capti, ac in castra adducti fuerunt. Haud multò post aliud à Derpatensibus subsidium obsessis mittitur. Verum id, cum appropinquant, maturius miles se ostendisset, celeriter se recepit. Aliquanto deinde tempore interjecto Nicolaus Chostovus inter peditum ductores secundum Koscecium præcipue apud Duceem authoritatis cum septem millibus subsidio obsessis venire ab exploratoribus nuntiabatur.

Itaque Samoscus, quod vereretur, ne superioris subsidij casu fama ab hostibus cognito, aliò iter averterent, totum locum eum, qui à castris Suatohoram usque ultra duo millia patebat, excubiis completi statuit. Erant

militares ante hac excubiæ à castris ad flumen Plescoviam usque positæ: ab eo verò ad Suatohorensem viam, quod maximum interval-lum esset, ne miles in tot excubiis distractus nimium defatigaretur, Lithuani voluntarij ultrò eam ad rem operam suam Regi deferrebant. Chostovus cum diu in insula quadam Pelbæ lacus hæsisset, ac de priori subsidio, quod navibus advenerat, intercepto intellexisset, in terram exercitu exposito, nocteque devio per sylvas ad sinistram itineris capto, Plescoviam contendit; noctu major militum pars dilabi ab eo cœpit, ut ex septem millibus vix trecenti penes eum manerent: ipse ut diffugientes vel vi contineret, extremam agmen coge-bat. Itaque cum Superiorum nocturnum excubiis Lithuani fatigati, simul quod interea temporis nondum hostis venisset, de diligentia remisissent, præterque morem excubiarum aeris injuriis coacti ignes excitassent, Daniel Islenovus, qui in primo agmine incedebat, cum ijs, quæ supererant, copijs, evitatis locis ijs, in quibus ignes cernebantur, in urbem evasit. Chostovus qui in extremo agmine, ut dictum est, erat, ac præterquam quod totius noctis maximo in sistenda fuga suorum labore confectus erat, corporis insuper mole homo procera statura tardabatur, cum è sylvis egressum lux oppressisset, herbis per aliquot horas cæteris dilapsis se texit; ibique ab equitibus Andreæ Visnovicij Palatini Volnienis, qui tum ejus diei excubias excipiebant, repertus, ac ad Regem adductus fuit. Qui eum deseruerant, partim caesi, partim magno numero capti fuerunt. Aliquot diebus post Theodorus Mescodovus iridem cum copiis aliquot subsidio obsessis missus fuit.

Hic cum jam ferè excubias Lithuanicas præterisset, extremum agmen à Gabriele Cirkassio deprehensum fuit: qui cum impetum in id fecisset, & clamore sublato Bilavicus quoque cum suis accurisset, centum circiter & quinquaginta concisi, ad sexaginta capti fuerunt; ceteri ad trecentos cum Mescodovo in urbem penetrarunt. Dum ad Plescoviam hæc geruntur, Sueciæ interim Rex in aliena victoria suam prædam facit; eoque quem in Germania ac Gedani, ijs de quibus dictum est literis adjutus, militem conquissiverat, quemque è suis præterea ditionibus contraxerat, per militum præfectum suum Pontum Gardyanum Narvam occupat. Oppidum id ad Velikam flumen situm est, quod qua Pelbam lacum relinquit, mutato in Narvam nomine, oppidoque à se appellato triginta circiter infra id passuum millibus in mare influit; eo alveo, ut ad urbem ipsam maximè onerariæ naves appellant; eademque ulterius Plescoviam usque non incommodè agi possent, nisi supra lacum Plescoviam verius viginti circiter cubitos altæ cataraetæ cursum earum interciperent. Dum in Magistrorum ordinis, priscorum Livoniarum Prin-



Principum potestate erat, propterea quod omnes merces Moscoviticæ Detparum primo debebantur, inde per Revaliam aut Parnaviam in mare exonerabantur, minus vel à cultoribus frequens, vel inunitum erat. Postea Joannes superior in adversa ripa aliam multò munitiorem, è regione illi arcem Ivanogrodum ab illo, à Livonibus Russicam Narvam ad suam, quam Germanicam appellabant, discrimen dictam, tam propinquo ab ea spatio excitavit, ut cum veteri Narva ponte conjungi, ab utroque loco telum in alterum adjici posset: ex ea cum Moscus profectus Livonica quoque Narva potitus fuisset, cum Germanicis aliisque ultra marinis & Occidentalibus nationibus commerciorum in ea sedem collocarat, omniaque eò negotia & merces transulerat. Sub famam expeditionis ad Plefcoviam regiam, quemadmodum ex aliis arcibus, ita illa etiam majorem præsidij partem ad Plefcoviam tutandam contraxerat. Gardyanus cum tormentis quater muros cepisset, ac Mosci, qui in Ivanogrodensi præsidio erant, Livonicæ Narvæ, cui metuebant, tuendæ studio, pontem transiissent, tormenta quoque pleraque secum traduxissent, ac verò irrumpente jam in oppidum milite, territi, retrocedere cepissent, Itali aliquot, qui cum Hieronymo Cagnolo in Suetico exercitu erant, victoriam subito conclamantes, cumque reliquo milite ad portas usque eos inlecuti, magnum eorum numerum conciderunt. Hæc cæteri, qui in arcem evaserant, territi: simul tormentis, quibus se defenderent, quæ paulò ante Narvam transtulerant, destituti, exiguitateque ipsa sita de defensione desperantes, deditiorem fecerunt. Eadem præsidiorum consternatione Jamorodum quoque & Koporiam vicina castella in potestatem redegit, quibus rebus perfectis in penitiorem Livoniam, ut per reliquas arces, quæ à Moscis tenebantur, arma circumferret, cum exercitu regreditur: primoque Weisensteinium castrum alioquin natura & opere munitissimum, in ea Moscorum trepidatione, præsidij exiguitate, nulla, dum Plefcovia obsideretur, auxilij spe in ditionem accepit. Inde Parnaviæ exercitum admovent.

Post captam Narvam literas à Principe suo ad Regem mittit, quibus is ad priores Regis literas, quibus multò ante, ut à Livonia tanquam alieni belli præmio abstinere, amicè hortatus eum Rex fuerat, circumducto die rescribebat; ac suum cujusque judicium, quibus in locis bellum cum hoste gerere, quasque ditiones ejus invadere vellet, esse debere significabat. Magna spes Regem tenuerat, fore, ut æquitate priorum postulationum suarum perspecta, locum eis Sueciæ Rex relinqueret; non modò quod Livoniam universam jam olim in fidem Regum Poloniæ venisse eò minus ignorare Sueciæ Regem sciebat, quod superioribus temporibus, cum frater ejus Ericus Revaliam occuparet, nullo

jure id ab eo fieri propriis literis suis testatum fecisset; verum etiam, quòd, postquam ipse maximo labore ac impensa ad legatos de pace mittendos, universam Livoniam primo ceddendam, inde deferendam pene hostem ad egisset: ad paratam à se victoriam Sueciæ Regem accessurum expectandum sibi non arbitrabatur. Quare etsi injuria hac non parum commoveretur, in præsens tamen differentiam judicabat. Iisdem temporibus à regis quoque Præfectis simili fortuna castra nonnulla Molcis in Livonia adempra fuerunt. A Duce Magno Kirempesum occupatum: Fabianum subitatio opere munitum: à Byringio Pyrchelium: à Thoma Embdano Salium captum: A Dembinio Lenovardum & Ascherorum; quæ utraq; Dunæ flumini iminebant, peditatu aliquo à Rigensibus, quibus gravis hostilium præsidiorum vicinitas erat, accepto, Scotoque milite, qui ad Regem ibat, retento, expugnata. Jamque Kokenhausium quoque castrum munitissimum, ab eodem Dembinio obsesum, comatus inopia brevi in potestatem nostrorum perventurum videbatur. Supra demonstravimus Christophorum Radivilum ad ulciscendas hostis in Mohilovensem & Sclovensem agrum excursiones cum parte exercitus Moscoviam versus missum à Rege fuisse; eique Philonem Kmitam ac Haraburdam cum Lithuanicis Tartaris conjungere se iussos. Kmita cum duobus circiter millibus equitum Tartarisque, qui sub Haraburdæ ductu erant, Lukis egressus, octo circiter ultra Toropciam millibus ad Nemefam flumen, ac monasterium quoddam, adventum Radivili expectare instituerat.

Sub idem autem tempus Moscoviæ quoque Dux, qui non procul inde Stariciæ tum erat, cum de nostri exercitus adventu nondum cognovisset, Michaelem Nosdrovatum, & Petrum Boratinscium cum tribus circiter millibus militum eodem consilio miserat, ut metu undique quàm maximo facto, qui è suis in Regis fidem venerant, direptionibus ac populationibus vexarent. Eorum exploratores temerè vagantes cum in pabulatores nostros incidissent, duo ab illis excepti, ac in castra adducti, ostendunt quindecim inde millibus passuum ad Salesam exercitum confidere. Contra quem cum Radivilus, qui jam tum advenerat, Bogdanum Ogniscium septingentis circiter magna ex parte levis armaturæ equitibus ex diversis turmis ei attributis misisset; ducenti circiter præter imperium pugnandi aviditate cum stationibus hostium congressi, ad diversos pontes, circa quos sclopetarios hostes in insidiis disposuerant, pertracti aliquot ex suis amiserunt: verum aliis subsecutis, ac Gabriele Holubkone suis, ut de equis descenderent, sclopetis quoque rem gererent, mandante, summotis per hos à ponte hostibus, nostri hostium equites in fugam effusos ad quindecim ferè millia passuum inlecuti, aliquot ex iis ceperunt.

Radi-

Radivilus cum cognovisset ad Resovam aliam exercitus hostilis partem consedisse, versus eam via impeditissima, qua nulli ante eum exercitui iter fuerat, cum exercitu progressus, triginta à Resova passuum millibus substitit; inde Sukopsciam Jamam, quo nomine locum in quo diplomata iter facientibus dari solent, appellant, se convertit; ac ad flumen Volgam castris metatis Halimbekum cum Tartaris, quos circa se habebat per flumen Stariciam versus contendere, populationesque ac incendia quàm latissimè in hostico circumferre jubet.

Satis constat Moscoviæ Ducem, qui, quemadmodum supra demonstratum est, Stariciæ tum eventum obsidionis Plefcoviensis expectabat, cum adventantem exercitum, fugas agrestium, ignes passim sublato ipse magna ex parte cerneret; ac quemadmodum ex Pollevino, qui tum apud illum erat, cognitum postea fuit, non ultra septingentos milites circa se habebat, summa in trepidatione versatum; delectum ex omni genere hominum promiscuè habuisse, fugamque jam circumspicere. In præsentia mittit, qui agmen nostrorum speculentur, quamprimumque de eo sibi renuntient. Hi cum ad Okomeciam alterum diplomatum locum, in quo Tartari pernoctabant, quinque millium passuum intervallo accessissent, diligenterque à nostris excubias agi, loco præterea munito eos consedisse ex agrestibus accepissent, ad latus converso itinere paludesque quæ in locis erant, transgressi, ex Nohajensibus Tartaris ac pabulatoribus nostris aliquot opprefferunt. Interim Daniel Murfa ex iis, qui in mentæ ministerio apud Moscum versabantur, ad nostros transit: qui cum de numero exercitus eadem ferè, quæ antea fama, ac captivorum sermonibus acceperant, ac inflatus pleraque prædicasset, orationique ejus tanti principis inveterata potentie fama facile fidem faceret; etsi memorabilis facinoris, si Stariciam processissent, patranda spes nostris ostendebatur: iis tamen viribus quibus potentissimi Principis vitam ac salutem septam esse credi debebat, minimè pares se futuros rati; Dunam indeque Dubnam magnis itineris difficultatibus conflictati se recipiunt.

Ex itinere, temerè ab agrestibus rumore tradito, comitatu Toropciam laborare, ad eam deflectunt exercitumque ei admovent. Verum paucis diebus post, cum falsa de statu præsidij delata ad se cognovissent, se receperunt. Radivilusque Chelmam rectà, inde priusquam Russiam versus contendit. Collocata ad Opakam contra Novogardiam Kosakkorum manus aliqua fuerat: quæ partim prædis ex hostico agendis hostem distineret, partim subvectiones subsidiaque, si quæ Novogardia Plefcoviam mitterentur, observaret. Hi cum continuè prædas ex hostico agerent, magnisque incommodis hostes afficerent,

Tartari Moscovitici, parte eorum negligentius agente, parte ex instituto ad prædas agendas protecta, repentino adventu, eos qui in statione relictæ erant, opprefferant. Tartaris à cæteris reversis rursum dejectis, Mosci alias suas duobus locis ad Russiam & Misciangam stationes ab Novogardia nostris Kosakkis opposuerant; contra eos igitur, qui ad Russiam erant, Radivilus Kosakkos, quos penes se habebat, ipse subsequens, præmisit. Hi hostibus fama adventantis exercitus jam ante territis, ac primo adventu eorum in fugam conversis Obalinscium ac Bojarici generis aliquot capiunt. Eo deinde ex loco ad Regem & reliquum exercitum Radivilus revenit. Jam ante Antonius Pollevinus etiam, quem à summo Pontifice legatum ad Moscum ivisse supra ostendimus, cum mox post discessum à Volga Radivili dimissus fuisset, ad Regem venerat; turmis aliquot equitum, quas è Novogardia de adventu ejus certior Rex factus, obviam illi miserat, in castra deductus.

Afferebat hic, Moscum & si in ea & sua trepidatione, & belli adversitate cum primis pacis cupidus esset, nullis tamen aliis conditionibus eam accipere obstinatum habere, quàm quas jam ante Polotiæ per legatos suos proposuisset. Nam quid hyems, quæ sævisima iis in locis frigora adferre soleret, instaret; militem quem ne primas quidem injurias ejus toleraturum sibi persuadebat, per hyberna distributum iri: Regem superiorum annorum consuetudine ad comitia obeunda in regnum se recepturum: interim urbem obsidione, se metu solutum iri, facileque quamvis aliam sustinendi belli impetusque regij rationem deinceps se reperturum confidebat. Rege contra Pollevino ostendente, nec se prius exercitum ab urbe deportaturum quàm vel urbe potitus esset, vel universa Livonia Moscus decessisset; hortabatur nihilominus eum Pollevinus, ne omnem tamen spem pacis præcideret; locumque colloquio constitui pateretur, in quem utrinque legati convenirent, ac de pace inter se agerent: quod cum Rex permisisset, literas per expeditum equitem ad Moscum dat; his eo omnino animo Regem esse ostendit, ut non prius abscessurus, aut ullum belli finem facturus sit, quam universa Livonia Moscus excedat. Quare ne spem eam in re poneret, quòd frigoris sævitia coactum abscessurum tandem exercitum existimaret; videre se obfirmato ad perferendam eam omnes animo esse; tum ut obsidio sustineretur, debere eum tamen tot subsectorum sibi innoxiorum calamitatum atque miseria commoveri; qui cum propius salute nullum periculum ac cruciatum recusent, summæ leum iniquitatis condemnari debere, nisi ipsorum vitam suis commodis ac obstinatione potius habeat. Eos autem neque propter frigoris vim in

sylvis



sylvis jam latere: nec iis ipsis, quod paludibus omnibus frigore concretis, pervix brevi nostris futuræ essent, amplius protegi posse: eorumque iis ipsis diebus, quibus in castra venisset, magnum numerum partim concisum, partim captum se vidisse. Sub id enim adventus ejus tempus, subsidia, quæ cum Meseodovo venerant, quemadmodum supra ostensum est, excepta fuerant. Proinde ipse sibi consilium caperet: se quidem, ut serio tandem animum ad pacem applicaret, auctoritatem ei esse, egisseque hanc ob causam cum Rege, ut ne omnem tamen de pace agendi facultatem tolleretur, impetrasse, ut legatos ejus certum in locum, qui Mosco videretur, accedere, cumque suis legatis de pace agere se passurum Rex receperit.

Molcus literis iis acceptis sine mora nuntium unum cum suo tabellario, literisque ad Possevinum remittit. Pagum Sapoham nonaginta passuum à Plefcovia millibus, in diplomatum usum & ipsum constitutum, ad conventionem deligit, publicæque fidei literas, legatis suis mitti postulat. Mittuntur literæ: locus accipitur. Exercitus interim, qui ad Plefcoviam erat, maximis cum hyemis, tum obsidionis diuturnæ incommodis afficiebatur. Itaque cum & à voluntariis palam missio flagitaretur, conditionesque pacis passim sermonibus agerentur, non deerant, qui remittendum potius Mosco de Livonia aliquid censerent, quam cum exercitus incommodo diutius obsidionem ducendam, quod ut summi Pontificis auctoritate persuadere Regi cerneretur, Possevinum etiam tacite hortabantur: idque quo commodius perficeretur, cum sententias Senatus de conditionibus dicturus esset, eum vocari, præsentemque illo sententias dici debere censebant. Spargebatur in vulgus, Regem ut maximè Livoniam universam adjunxisset, omnem in Ungaros, vel fratrum suorum filios divisurum. Itaque stipendiarius etiam miles sermonibus tentabatur, cur pro alienis commodis suo cum periculo depugnaret: pro provincia, ex qua nec ad ipsum, nec ad rempubl. fructus ullus perventurus esset; ut alij direrentur, vitam sanguinemque suum ipse in discrimen adduceret. Resistebat rebus hisce summa constantia atque animi magnitudine Rex: maximè voluntarios obtestabatur, ne suo discessu exploratæ penè victoriæ, aut honestæ pacis spem corrumpere.

Præter Regem Samoscus omni contentione in id incumberebat. Ostendebat publicè, ad omnia prius se descensurum, quam infectare, aut non tali pace, qualem in superioribus comitiis Rex atque nomine Regis ipse ordinibus promississet, discederet; quod si maximè necesse esset, eousque tamen, dum comitiis habitis nova ab ordinibus mandata acciperet, se perstiturum.

Ut Possevinus in Senatum vocaretur, con-

tra morem majorum esse differerebat. Virum enim prudentem, & in primis gravem & si nihil curiosius in aliena republica facturum sciebat; ne tamen vel interrogationibus atque studiis aliorum, vel suo pietatis atque pacis in eam sententiam pertraheretur, ut ipse quoque cum aliis remittendæ Mosco partis Livoniæ author esset, verebatur. Quamvis eandem sententiam suam hac etiam ratione apud Possevinum deinde excusabat; quod cum ex instituto Reipubl. omnium aliorum Principum legati publicè audiantur, solius summi Pontificis nuntij privatim Reges conveniant, ne exemplo suo privilegium minueret, illum ipsum vitaturum tuis se existimasset.

Consilio deinde iis de rebus habito, duæ omnino manendi rationes proponebantur. Ut vel ex castris atque munitionibus, quemadmodum hactenus factum esset, obsidio urgeretur: vel castellis extructis, in iisque milite collocato, diuturna fame, ac comectus inopia urbs premeretur. Utamque cum hyemis injuriis, tum soli frigore jam astricti duritie, quæ nec militem sub pelliculis diutius versari, nec opus ullum fieri paterentur, omnes ferè refutabant. Lithuani privato etiam iisdem de rebus consilio inter se habito, libellum Regi offerebant, in quo cum & ipsi manendi consilium omne rejecissent, id petebant, ut quod hybernorum incommoda, quæ superioribus annis continua pertulerant, evitarent, in agro Moscovitico miles haberetur.

Interim diem certam Regi præfinciebant, intra quam nisi pax facta esset, nulla conditione diutius remanere integrum sibi esse ostendebant. Non poterant latere hæc hostem: quod propter voluntariorum nullo imperio se suosque coerceri patientiam licentiam ex caloniis, ac eo hominum genere, quotidie aliqui ab hostibus excipiebantur: iisque ipsis diebus Saba quidam cum ejus de quo dictum est, libelli exemplo ad eos transierat.

Maxima inter hæc flagrabat invidia Samoscus: illum unum sententiæ ejus esse auctorem: hominem à pueritia literarum studiis deditum, atque in Italæ Gymnasiis versatum consiliis atque obstinatione sua universum exercitum perditurum: Legatum cum exercitu in hostico relicturum: ipsum extra metum periculi ad Comititia pro Cancellariatus sui munere obeunda in Poloniam rediturum. Etenim jam conventus nobilitatis Rex edixerat.

Per eos quo loco res esset, literis nobilitati ostenderat: neve vel exercitum reducere, vel ipse ab obsidione comitiorum habendorum causa discedere cogeretur, ut in iis conventibus, nova tributa, & quæ alia ad perficiendum bellum necessaria essent, scisceretur, hortatus nobilitatem fuerat: In

In omnes nihilominus casus, si res non teneretur, literas, quibus comitia indiceret, simul miserat. Augebat Samoscio invidiam disciplinæ militaris tuendæ studium, jam ab eo tempore, quo militem habere cœperat, contraque illos potissimum ab eo susceptum, quorum quod illustrior fortuna esset, peccata etiam, & peccatorum ad deterrendos alios poenas illustriores esse dicebat. Fremebatur non jam quod in mulieres, quæ castra irreperant, gravissimè animadverti jussisset: nonnullas capitis supplicio affecisset; sed quod aulicum regium, qui in leges militares aliquid commisit, in vinculis haberet, nec totius exercitus precibus condonare vellet: quod pueros nobiles, qui licentius in castris versari fuerant; ad palum alligatos publicè spectandos præberet: turmæ præfecti vicarium suspendio affecisset: ex nobilitate quosdam propter mundiciem castrorum negligentius habitam clava pulsasset. Itaque carmina etiam in eum spargebantur, quibus scholastica vita illi exprobrantur. His ita non movebatur, ut cum semel licentiæ fenestra aperta in alios libelli jacerentur, jactataque ea res in Senatu fuisset, ostenderet, nisi prius in seipsum injuria ea incurrisset, quæstione habita auxilium suum minimè denegaturum iis fuisse: jam cum ab iisdem ipse prius læsus esset, verendum sibi esse, ne pusilli animi putaretur, rectiusque facturos eos, si suo exemplo contemnendo potius ea diluerent, quam vindicando ultro auctoritatem iis tribuerent. Signa militaria hujusmodi plerumque dabat, quibus modo desidiæ, metum, avaritiam domum properantibus ultro exprobrando: modo ad perseverantiam & constantiam nobili homine dignam eos cohortando à desidia ad tolerantiam, si qui minus alacres essent, binis ut plurimum motus ejus veteranus miles, qui ad Gedanum fuerat, cætus inter se agitare, quod de communi re maximè autem de stipendiis debitis deliberarent. Edixit mox, qui privatas coitiones fecissent, contra disciplinam ac imperium militare fecisse eos judicaturum, legeque in eos animadversurum: quod si quid de commodis suis agendum existimarent, vel se appellarent, vel præsentem se de iis agerent. Itaque ad tentorium ejus convenerunt. Hic cum ille angustis ærarij demonstratis, è contra quid amor patriæ ac reipublicæ postularet, quid constantia boni haberet, concionatus fuisset: tandem non legatum se ad exercitum relicturum, sed ipsum toto obsidionis tempore remansurum pronuntiasset, utque idem ipsi facerent, universos hortatus fuisset: initio à Joanne Sborovio facto, reliqui omnes, quoad ipse maneret se quoque perseveraturos promiserunt. Samoscij consilium manendi secretò amici improbabant: mone-

bant, videret, quam in se rem susceperet, cum periculi plenam, tum quæ si secus caderet, magna cum invidia ejus superiorum rerum gloriam ipsius omnem corruptura esset. Iis unum ille respondebat, existimare se bonum Imperatorem, eundemque bonum civem non suæ sed publicæ dignitati studere debere: Si re infecta ab obsidione abscedendum sit, è renata commodius futurum, ad se peccati ejus opinionem recidere, quam ad Regem aut rempublicam universam. Allato jam ante à Duce Curlandiæ & Rigenibus pulvere; ante Regis discessum denuò oppugnationem tentare visum fuit.

Ab ea parte, qua Poloni antea è munitionibus suis muros quasiaverant, hostes crebra propugnacula lignea objecerant, eademque fossis communiverant. Itaque in superiorem aliquanto partem ad dextram munitionibus translatis, inde rursus tormentis muros percutiebant. Sed eo quoque loco novum propugnaculum, tormenta verò adeò grandia hostes opposuerant, ut, cum quoddam septuaginta, alterum octuaginta pondo globos jacularetur, trium aggere repletarum corbium militarium, ut ex ordine positæ erant, seriem, uno ictu penetrarent. Ungari quod aditum in turrim, quæ ad Velikam flumen & munitiones eorum pertinebat, satis latum patefecerant, modò ipsi per ruinas eas hostes propellebant, modò ab illis pellebantur.

Conversi etiam ad muros ea ex parte à Velika flumine dolabris & securibus subruendos fuerunt, à quibus cum primum aqua piceque ferventi, aliisque ignibus in eos effusis, avertere eos conati hostes fuissent, Ungari nihilominus eò processissent, ut parte muri inferiori egesta, superiore tanquam teitudine tegerentur, lædique amplius ab illis, quæ in eos mittebantur, non possent, hostes ligna justæ crassitudinis, ferreis aculeis undique horrentia carenis ferreis ad prælongam ludem aptata ex urbe supra muros, ad quos Ungarus subruendos constiterat, ita vibrabant, ut ex ea jactatione verbere subtus detorto tanquam flagello, qui in opere erant, verberarentur, magnisque incommodis afficerentur; nec tamen Ungarus remisit, quoad majorem ejus muri partem stravisset; ad extremum, quod ab ea quoque parte nova propugnacula contra turrim hostes collocarant, fossasque duxerant, oppugnationis consilium omnino dimissum fuit.

Erat triginta circiter à Plefcovia passuum millibus via, qua in Livoniam & Rigam itur, imminens monasterium Pezzura à Moscis, quasi sepulchretum dictum, Divæ virginis, cujus eo in loco ex arbore enatam effigiem repertam colunt, religione



sanctitatisque ac miraculorum quorundam fama clarissimum, ob eamque plurimis ac amplissimis proventibus, de Novogroda Livonica agris nonnullis detractis, eique assignatis à Moscoviz Duce ditatum. Huic Mosci præsidium imposuerant. Magno id incommodo in ea vicinitate nostris erat. Nam & pabulatores nostros frequentissime excipiebat: itinera infestabat; eoque ipso tempore impedimenta à nonnullis præmissa, tum mercatores quosdam Rigeneses excussit. Ad quos damna ea pertinebant, quorum non erant pauci, maxime verò, qui impedimenta sua præmissuri illac erant, ut id potestatis suæ faceret, à Rege contendebant. Proponebatur ab altera parte, milite ex oppugnationis tam diuturnæ, ac irritæ laboribus nondum recreato, novam nullam tentari non satis tutò posse.

Rex multorum continuis precibus victus, Farensbekium eò mittit. Huic mandat, ut situ loci cognito, quid sui consilij sit, certior se faciat; si non magno negotio potiturum se eo existimaret, militem tormenta que illi summissurum; si difficiliorem, quàm ut eo tempore suscipi deberet, expugnationem futuram judicaret, integra re ad se rediret. Farensbekius paucis cum equitibus eò profectus, in itinere in hostium equites longe plures qui Pezzura contra pabulatores nostros egressi. Sub id tempus redibant, incidit; quorum aliis cæsis, cæteris profligatis, præhujus proventus invitatus, & quid nec fossa ad eò magna, nec propugnaculis aut situ magnopere munitum cerneret, utq; homo militaris bene de successu oppugnationis speraret, oppugnationem suscipit.

Mittit illi Rex Germanum militem cum tormentis aliquot majoribus, qui cum actis prius munitionibus muri partem aliquam stravisset, per ruinas irrumpere conabantur. Jamq; Wilhelmus Ketlerus Ducis Curlandæ fratris filius, Gaspar & Reinoldus Tulenhausij, ac alij quidam in turrim proximam evaserant; atque in imam ejus partem per scalas se demittebant. His ab insequentibus fractis, ac per ruinas etiam cum propter angustias earum, tum quod hostes omnes conferti contra eas se obverterant, nulla irrumpendi facultate militi relicta qui in ima turri remanserant, ab hostibus capiuntur. Mittit iterum Rex ad eas, quas antè miserat copias Germanorum, Bornemissam cum quingentis Ungaris pedibus, & majoribus tormentis aliquot: Polonicum militem ad castra Samoscus omnem retinuit.

Ungari cum ab eadem parte, à qua Germani oppugnabant, inferiori tamen loco lævam versus muros quaterere cœpissent, jamque aliquam muri partem diruissent, Thomas Solandius manu aliqua Calonum & Kosakkorum Polonorum facta averfam à Germanorum & Ungarorum munitionibus turrim, ut hostem

distineret, scalis ad motus scandere cœpit, iis jam repullis cum Germani per ruinas muri, iterum irrumpere tentassent, omni hostium multitudine in eos conversa, rejiciuntur. Eodem successu cum donec Germani se receperant, cessassent, ab Ungaris quoq; irruptio tentata fuit; hostibus rem miraculo, nostris incantationibus & magicis artibus tribuentibus. Verum animadverti hic potuit, non minus sæpe in levioribus munitionibus negligentia, quàm in firmissimis difficultate offendi: quod in his magnitudo periculi, ac ex eo natus metus virtutem militum plerumque acuit: in illis exiguitas rei contentionem animi ac curam ut plurimum remittit. Non dubitandum enim aliqui existimabant, si conjunctis viribus, ac uno tempore incubitum in oppugnationem fuisset, non adeò magno negotio expugnari potuisse: Interim dum singuli per se, primum Germani, inde Ungari successissent, & hosti in unum locum vires omnes suas convertendi facultatem datam: & nostrorum impetum imminutum. Recipientibus se nostris Scoti milites, qui haud multo ante ad Regem venerant, opportunis locis subsidio collocati, si quæ muris telis aut sclopetis nostros petebant, certissimis ictibus conficiebant.

Antequam discederet Rex, legatos, qui de pace cum Moscis agerent, Janusium Sbaratium Palatinum Braslaviensem ab regno Poloniæ, Albertum Radivilum, Palatij Lithuanici Marchalcum à magno Lithuaniz Ducatu designat. His Michaëlem Haraburdam hominem ingeniosum, & Moscovitarum rerum cum primis peritum, more majorum, scribam adjungit. Cum de conditionibus, in quas pacem fieri placeret, ageretur, urgebant procures Lithuanici, ut magni Luki, qui proximo anno capti ab hoste erant, quò facilius pax conveniret, hosti redderentur. Ostendebat Samoscus, etsi quantum ad Lithuaniam tutandam momenti tam opportuna urbs, ac ea fertilitate, omniumq; rerum copia abundans ager haberet, animadverteret: quò minus tamen id fieret, non usq; adeò se repugnare, quod non ea religione ejus retinendi, cujus nulla in comitiis mentio facta esset, qua recuperandæ Livoniæ obstrictus ordinibus esset: moleste tamen se ferre, ante tempus hæc nullo cum fructu, non nullo autem, ne ad hostes effterrentur, periculo jactari. Itaque Rex privatim re cum Samoscio communicata, pacisq; constituendæ arbitrio ei permissa, cum quid ab eo fieri vellet, quid cum in regnum venturus esset, ipse procuraturus esset, ostendisset, optimæ spei & fiduciæ plenus discessit; reliqui fere omnes ex præteritis obfidionis incommodis, ac imminentis hyemis difficultatibus de reliquæ obfidionis eventu judicantes, simulque imminuti ac attriti exercitus opprimendi tempus nullum hostem prætermittendum cogitantes, non

ne a secus ac si extremum, quos relinquerent, visuri essent, periculum eorum miserabatur. Ut non decissent ex primariis Senatoribus, qui Regi Balthasarem, Andreæ fratris sui filium cum Ungaro milite in castris relinquenti, ne id faceret, persuadere conarentur. Cum Rege universus comitatus aulicus ac voluntarij ferè omnes proficiscebantur; itinere igitur per Ostrovam & Krasnohorodam capto, inde Ludsenium, & Rosittenium, quæ hostilibus præsidis adhuc tenebantur, sine impedimento prætergressus fuit. Sequébantur reliqua agmina properantius, omnibus ad Dunam flumen prævertere annitentibus.


Itaque & si subsidia contra eruptiones à Radivilo disposita fuissent; iis tamen dilaben-

tibus, aliquot nostrorum carri abrepti à præfidiariis Moscis fuerunt. Transmisso inde ob navigiorum inopiam non sine difficultate ad Duneburgum Duna flumine Vilnam Rex venit. In castris Polonicus miles stipendiarius omnis cum Samoscio remansit; tam is qui ab initio cum eo ad Plefcoviam accesserat, quàm quem à Stariciensi excursionem cum Radivilo reversurum receperat.

Lithuanij cum Martino Curtio legato sexcenti, qui ab eadem excursionem in castra venerant; & quo ab ejus incommodis se reficerent, ut in vicinis pagis Porchovam verius collocarentur, à ductoribus impetraverant. E voluntariis Poloni aliqui non multi tamen remanserunt.







# REINHOLDI HEIDEN- STEINII SECRETARII REGII

Rerum Polonicarum ab excessu Sigismundi  
Augusti

## LIBER VI.



**S**amoscius profecto è castris Rege disciplinam imprimis militarem, quam aliàs magna cura tuebatur, quò inter tot difficultates in hostico omnia diligentius circumspicienda sibi videbat, eò accuratiori studio sanxit. Ex præfectis, qui ætate, ordine, ac usu rei militaris cæteros antecederant, ad quos de secretioribus quibusq; ac gravioribus rebus referret, sex delegit. Senatorij ordinis Stanislaum Tarnovium Radomiensem: Stephanum Grudnincium Naklensem Castellanos: Ex aliis Ernestum Veierum, Martinum Kalanovium, Joannem Lesnovolscium, Sigismundum Rosnium: cæteris rebus omnes ad consilium adhibebat. Interim quemadmodum Rex cum illo constituerat, eam in rem omni studio incumberebat, ut si pax cum hoste non convenisset, ad obsidionem quàm diutissimè continuandam fameq; ac omnium rerum inopia ad deditionem urbem adigendam instructa omnia ac parata haberet. De hujus autem rei successu non dubitandum sibi existimabat, quòd quantum in urbe virium, apparatus bellici, comineatus ac rei frumentariæ esset, ex Sutura scriba Suiscij, qui in excursionem quadam unà cum fratre captus fuerat; seu quemadmodum ipse, postquam in potestatem nostrorum pervenisset, præ se ferebat, transfugerat, exactè cognitum habebat: subductisq; rationibus, si omnes ad importandos in urbem comineatus ac subsidia aditus præclusisset, non multum ultra mensem Majum sustineri obsidionem posse reperiebat. Itaque sic se comparabat, ut vel ex iisdem stativis, quemadmodum eò usque factum fuerat, obsidione urbem premeret; aut si hyemis sævitia, ac comineatus, qui ante omnis ferè ab exercitu con-

sumtus fuerat, angustia, quò minus id facere posset, prohiberetur, recreato interim prædis ex hostico agendis milite, Pezzuræ peditatum omnem, ac tormentorum partem admoveveret; quam ob causam & quæ ante eò missa fuerant, tormenta non deduxerat; eaq; occupata simili ratione Porchovam ac Udovam vicina castella oppugnaret; præsidisq; uis impositis hostes intra moenia compulso contineret. Si plus difficultatis oppugnationem eorum, quam ut tentandam putaret, habituram perpexisset, ligneis castellis ex vicinarum villarum ædificiis constructis, opportunissimas quasque vias, maximè verò, quæ à Udova, Porchova, & Plefcovia ad Novogardiam pertinent, occupare. Cumq; parte exercitus ipse Novogardiam versus in Prebusio Simeonis supra Ilmenum lacum sub tectis consistere: partem dum glacie concretus lacus esset, in prisca Russa, & Ostaskova continere: iisque ex locis omnibus tam Plefcoviam, quàm Novogardiam premere, latissimèque supra Novogardiam versus Tueram & Molcoviam vastitatem circumferre cogitabat. Ita tamen, ut quoadliceret, primam rationem atque Plefcoviam quàm diutissimè retineret: nec nisi hyemis aut comineatus difficultatibus adactus ab eamoveret. Militem quem circa Suatohoram supra Plefcoviam ad Udovense iter obsidendum loco opportunissimo collocatum ante ostensum est, minimè interim dimovendum arbitratus, ne tamen repentina impressione opprimi ab hostibus posset, majorem peditatum, ac minora tormenta aliquot, Stanislaumq; Penkoslavium ei adjungit. Si hostis incursionem in eos faciat, die vexillum militare, quo proposito quàm primum ad opem iis ferendam accurri possit: nocte ignem tollere eos jubet. Simul ne discessu regio metu omni liberatum se hostis putaret, in omnes reigerendæ occasiones intentus erat. Quæ cogitanti ex superiorum temporum pabulatorum licentia, qui partito in duos imperio militari, magna præ-

terea

terea voluntariorum parte nullam imperij necessitatem recipiente, sine metu vel imperij vel hostis vagabantur, nec raro sub ipsos muros succedebat, accidere posse facultatem reigerendæ ratus: die D. Nicolao sacro, qui vel maximè à Moscis observatur, idoneis locis milite in insidiis collocato, carros aliquot propinquo à mœnib; spatio agi jubet. Verùm diu religione quamvis objectam prædam hostibus spernentibus idem altero die fieri imperat. Consederant partitis insidiis in vicinarum fossarum, quæ imbrum casu factæ erant, una Ungari equites; in altera Stanislaus Zolkewius adolescens, & Joannes Kretkovius Priemscianæ turmæ legatus cum Polonis. Hostes ad primum prædæ aspectum mox erumpunt: protracti in locum insidiarum ab Ungaris celeriter confurgentibus profligantur. Poloni qui remotiori ab ijs loco erant, propterq; præruptum per oppositos colles ascensum, ambitum capere cogebantur, configendi cum hoste facultate non data, à dextra impetu in eum facto, inclinatum in effusorem fugam præcipitanti conjunctimque cum Ungaris ad mœnia usque insequuntur. Et si qui primo loco coniderant Ungari, lectissimi equites, essent, ac in his Petrus Bathoreus, Georgius Sibiricus, ac Joannes Kallajus, omnesq; generosissimis equis Thracicis veherentur: Moscoviticorum tamen equorum, quàmvis ij magnam partem parvi ac deformes sunt; pernecitatem, assequi vix potuerunt. Primo tamen impetu triginta circiter interfecti ac duodecim Bojanci generis, in ijsq; maximè strenuus, ac militibus facinoribus aliquot notus Petrus Koltovilcius, capti fuerunt. Incommodo hoc accepto Suiscius averfa porta majoribus aliquot tormentis magno labore, adimas inuri & propugnaculorum fenestras demissis, locoque opportuno non procul à fossis urbis magna sclopetariorum manu occultata, subinde viginti circiter equites, qui nostros cis flumen Plefcoviam in stationibus positos lacefferent, atque in insidias pertraherent, emittebat. Verùm cum excursionem hostium nunciata Samoscus ipse cum tribus turmis equitum flumen transisset, quique in insidiis consederant, ad primum unius equitis conspectum, quem propius ad locum insidiarum accedere Samoscus jusserat, sclopetos ad unum omnes in casum explosissent, sola ferè urbis propinquitas, & fossa equiti objecta quò minus coniderentur, hostes texit. Dum hæc ad urbem geruntur, advenerunt interim legati à Mosco ad colloquium missi Demetrius P. Filius Necius, Romanus B. filius Olphirionis; proque scriba illis adjunctus Nicolaus Bassorekus. Iis Possëvino cum præsidio Polonico ultra Porchovam obviam profecto, ac mox nostris quoq; legatis subsecutis, paulò post initium agendi de pace factum fuit. Ab initio de Sueciæ Rege fœdere comprehendend-

do propositum fuit. Et si enim præreptarum arcium injuriæ non parùm animum Regis alienassent: quòd tamen superioribus comitiis Annæ Reginæ precibus adductus, quæ sororis suæ Sueciæ Reginæ amore, ac assiduis literis victa genua Regis amplexa, ne sine Sueco pacem faceret, orârat, daturum se operam ut pace comprehenderetur, pollicitus ei fuerat; ac Possëvinus quoque homo inter Principes Christianos pacis conciliandæ cupidissimus, hoc idem summo studio contendebat: ut actionum de pace initium ab eo fieret, legatis mandaverat. Qua in re dum hæretur, Bogdanus quidam omnium legationis ejus arcanorum conscius à legatis Moscoviticis ad Palatinum Braslaviensem transfugit; ab eoque ad Samoscium statim mittitur; ab eo hæc legatos mandata habere Samoscus cognoscit: Si Regem exercitumq; à Plefcovia discessisse intelligerent, quacumque causa interposita colloquium tollerent: si obsidionem obstinatè continuari sentirent, sine fraude de pace agerent: Eam autem hoc ad extremum concluderent, ut si Rex Lukos aliq; quæ superioribus annis cœpisset, præter Velitum ac universum Ducatum Polotensem, quæ Regi concedebat, sibi redderet, universa Livonia ei decederent.

Legati cum Regem quidem discessisse, obsidionem nihilominus urgeri animadvertent, accesserant ad conditiones aliquas pacis: Sed cum ob sævissimas hyemis injurias, comineatusq; omni vicino agro vastato angustias subinde incommodum aliquem rumorem de exercitu expectarent, varias interim moras interponebant, deq; levissimis quibusque rebus ad principem missitabant. Scripserat ex itinere ad Samoscium Possëvinus, ostendisse sibi legatos, magna cupiditate Moscum alicujus vel exiguæ saltem portionis agri Livonici ad titulum Livoniæ usurpandum retinendæ teneri. Samoscus Novocastrium, Serenescum, Novogrodecum, desertaneæ castella ea conditione relicta, se illi rescipserat, ut penes Regem Luki, Savolocia, Nevela remanerent. Cum illi de Lukis nulla semandata habere renuntiasent, sine Lukis ne palmum quidem terræ in Livonia se ei permissurum ostendit.

Interim Samoscus cum copias quasdam, quæ Plefcoviensibus subsidio mitterentur, Novogardiam contrahi rumor ad exercitum perlatus fuisset; Spirkonem Jordanum virum strenuum, cujus cum aliàs, tum in pugna Derlavienfi præclara opera extitit, turmis aliquot equitum ei attributis eò misit. Hic stationibus hostium, quæ non procul à muris se ostenderant, cum trepidatione intra mœnia compulsi urbi ipsi, omniq; vicino agro magnum terrorem intulit. Eundem opportuno deinde inter Porchovam & Novogardiam pago confidere jussit; cum ad subvectiones subsidiaque si quæ Plefcoviensibus ab hoste sum-

P 4

mitte-



mitterentur, prohibenda, tum ad pabulationes laxiores nostris faciendas: maximè autem metum undique hostibus ostentandum. Supra eum verò Kosakki, quos ad Opokam collocatos fuisse antè ostensum est, ad Sajonskovium ultra Russiam à Samoscio deinde translati omnia infesta reddiderant. Jamque ante eandem ob causam ex Kobilogradensi etiam castello, quod adstricto glacie lacu Pelba, qui ad Plefcoviam, Derpatum, & Kobilogradum pertinet, ex Derpatensibus præsidariis aliqui infederant, Simonem Charlenscium dejicere præsidium jusserat; indeq; ad Prebusium supra Plussam flumen, qua lacu concreto iter ex Derpato, & Udova versus Novogardiam erat, eum collocarat; undè deinde ulterius populationes proferebantur; quibus rebus fiebat, ut quod ab initio sibi proposuerat, nec ipse Plefcovia propter commearum difficultates avocaretur; quod in omnes ferè partes liberè pabulari nostri possent: & populationibus, qua supra Briscam Russiam ac Novogardiam versus Tueram, qua ad Volchodam flumen, ac Lahodam lacum longè lateq; factis, cum opportunissimis viis occupatis undique gravissimè hostes premerentur, indies metus eis augetur. Miserat ad Samoscium Jordanus duos nobiles Moscos repentina excursionem oppressos. Ex iis de Joannis majoris natu principis filij morte cognitum fuit. Hunc cum pater opum suarum magnitudinem ac thesauros jactasset: Ille verò iis Regis thesauros virtutem ac animi fortitudinem prætulisset; quibus & si illis, quibus pater abundaret, inferior esset, nihilominus ditiones ejus igni ferroq; vastaret, magnaq; parte regni eum exuisset: vel ut quidam dicerent, cum obstinatius à patre exercitum, quo cum regio exercitu dimicaret, flagitasset; iratus verò illi pater, Scipionem in caput impigisset, non multo post, siue ictus, siue animi doloris vi, in paroxysmos epilepticos, atque inde in febrim incidisse, ex eaque deinde extinctum narrabant; quæ res supra reliquas fortunæ adversitates eo majorem dolorem Mosco attulit; quod hic etsi imperio patris prioris uxori, cum qua optimè illi conveniebat, nuntio remisso, aliam duxerat, sine liberis tamen discesserat; alter verò filius Theodorus junior natu, mentis vitio ad regnum atq; omnes adeò res inutilis censeretur.

Ab altera parte Suiscius, quod immensam frigoris vim cerneret, febresq; passim ex ea in castris vulgari è transfugis intelligeret: propter vehementiam enim hyemis, quò minus aliqui transirent, fieri non poterat; ad servatæ urbis famam, quomodo castrorum captorum, ac deleri exercitus gloriam adjiceret, quærebat. Erat tertia ferè pars castrorum morbis implicata; cum ut quisque frigoris eam immensi prope asperitate correptus esset: quod qui effugeret, nemo erat: febri etiam statim corriperebatur: ita tamen ut pauci omninò ex

ea morerentur. Non minus autem Samoscus, cum in tanta aëris inclementia, cum hoste potius, quàm cum frigoris injuriis consistari militem cupere cerneret, prælio dimicandi facultatem sibi dari expetebat. Ejusque rei, ut extra muros atq; munitiones hostem pertraheret, cum varias rationes quæreret, omnia consilia ejus vehementer frigoris, quam diximus sævitia impediēbat. Tanta autem vis ejus erat, ut ubi quis extra tabernaculum vix pedem protulisset, omnibus ferè membris, ijs potissimum quæ maximè aëri patebant, naribus, auribus, atque facie, gelu adstrictis emoreretur; quodq; de Moscovitici cæli natura cum miraculo nonnulli prodiderunt, ejusmodi in iis locis frigora esse, ut aquæ calu ipso dum funduntur, congeleantur, id experiendo multi cognoverint.

Maximè autem quod necesse erat evenire, excubiæ sævitia hac frigoris vexabantur; rarq; omnino obibantur, ex quibus non plures plerumq; aliqua corporis parte mutilata referuntur. Memorabilis cum primis ex turma Sigismundi Rosnij nobilis equitis casus fuit: cui cum utrumque crus planè jam frigore emortuum esset, isque in febrim inde ac mentis alienationem incidisset, interim verò medicus, terro crura rescaffet, ubi ad se rediit, non secus ac si partem aliquam ornatus requireret, de pedibus amissis interrogare coepit. Alius quidam ludicre pene eventu, maximum tamen & ipse periculum adiit; relictus à Basilio Surannicio in primis excubiis non procul à fossis urbis concubia nocte fuerat; cumq; frigore planè obriguisset, atque equus ut fieri solet ex frigore subito gravius se concussisset, is qui nec equum, nec se in equo planè jam enectus continere posset, de equo decidit: pedeq; ferramentis, quæ ab ephippio dependent, retento, sub ipsas portas equo incitato magna voce alienam opem, cum ipse explicare se non posset, implorans pertrahitur. Mittit mox Samoscus, qui eum eripiant; quod si sine periculo facere non possint, ne ipsi temerè periculum adeant, mandat. Hostes qui in muro constiterant, fraudem subesse rati ultro irridebant; Satisq; jam fraudum ac dolorum esse, nec ea ratione amplius se capi posse exprobrabant. Ita incolumis hic à nostris recipitur. Id autem tum tempus anni erat, quo intensissima iis in locis frigora esse, vulgari sermone Moscorum ostenditur; qui Nicolai & Christi frigora appellant, cum maxima designare volunt. Moscovia autem omni sub ipsis ferè trionibus posita, nullo ferè loco, nisi iis fortè, quæ ad glaciale mare pertinent, quàm in Plefcoviensi agro vehementiora frigora esse solent. Itaque & animalia pleraq; omnis generis, quæ cæteris in locis nigro aut fusco colore sunt ut corvi cum primis, noctuæ, gallinæ sylvestres, ursi, lupi, lepores, aliaque ejus generis, seu cæli natura, seu frigoris vi, candida hic esse vulgo animad-

animadvertum est: Noctium verò eam longitudinem esse, ut cum longissima sunt, dici non quinque omnino horarum spatium sit. Magna tamen in hisce omnibus incommodis tolerandis militum constantia erat: Samoscus etiam, quantum ejus fieri poterat, ratione ac diligentia ea sublevabat. Excubias quaternis vicibus permutabat; earum ternas per alios obibat. Sub crepusculum autem ac primum diluculum, per Stanislaum Vlodekonem affinem suum, quem Sbarasio Palatino Braslaviense ad colloquium cum Moscis missus sibi legarat; quod eo tempore eruptiones hostium maxime expectandæ erant. Quò pauciores autem frigoris incommodis afficerentur, pro superiorum temporum consuetudine paucos admodum, qui non tam eruptionibus hostium resisterent; quam de adventu eorum certiores cæteros facerent, in stationibus & excubiis collocabat. Etenim jam ante toto eo tempore, ex quo exercitus urbi admotus fuerat, morem hunc Samoscus observarat, ut vel diligentissime excubiis dispositis, in ipsis nihilominus castris contra repentinæ eruptiones subsidia parata haberet: alboque circum castra misso per vices semper aliquot eam ad rem describeret. Hinc etsi quod in obsidionibus fieri solet, non raro eruptione tentata esset, sæpiusq; se hostis ostenderet; nulla tamen unquam omnino ad arma, nisi semel fortè à discessu regio, cum ad acucendam militis diligentiam ex industria tumultum Samoscus auxisset, conclamatum fuit. Et enim, ad quos cujusque temporis vices pertinebant, cum consensu equis hosti obviam progressi fuissent, cæteris prope ignavis eum rejiciebant. Tum verò eò accuratius observandum id sibi existimabat, quò propter frigoris sævitiam, ne ea miles affligeretur, pauciores excubitores ponebat; cum ut maximè firmiores posuisset, aëris tamen injuriis ad rem gerendam penè inutiles futuros cerneret. Itaque in ipsis interim tabernaculis, quæ partim è vicinarum villarum ædificiis, partim cavernis in terra effossis, cratibusque ac palea intectis, contra cæli incommoda ex tempore sui quisque usus causa pararat, more stationum per vices semper aliquot excubare, equosq; quos statim incenderent, atq; arma expedita habere jubebat: qui eruptione aliqua nuntiata recentes, ac ab injuriis aeris illæsi, consensu mox equis hosti occurrerent, qua re & securitati castrorum & militis quieti, atque commodis maxime consulebatur.

Stationum igitur ea exteriorum infrequentia, ac numero adeò earum ex transfugis à Suiscio cognito, castrorum oppugnandorum, stationibus prius repentinæ eruptione oppressis, consilium coepit, hunc in usum septingentos circiter equos, quos obsidionis incommoda reliquos feterant, conquirere; ad eosq; promptissimum quemque rescribit. Binæ

contra urbem à castris stationes erant; una ultra Velikam flumen, quæ Pezzurensem viā observabat; altera cis flumen supra castra. Ex altera parte, qui ad Suatohoram erant curabāt. Suicius trecentos circiter equites delectos ultra Velikam contra eos, qui ad Pezzurensem, ut ostensum est, viam, in stationibus erant, eo consilio, quemadmodum ex captivis postea cognitum est, mittit, quod illis occupatis, si quod futurum prævidebat, qui à superiori castrorum parte custodias agebant, statione sua relicta flumen glacie concretum ad ferendam suam opem transirent, castra nudatum iri, sibi que nullo obsistente repentina eruptione ea invadendi locum futurum cogitabat. Obvenerant diei ejus stationes Sborovianæ turmæ; quæ cum trecentis equitibus constaret Thomas Orinscius cum quadraginta circiter eorum ultra Velikam flumen positus erat, cum cæteris Laurentius Scarbecus turmæ legatus supra castra cis Plefcoviam flumen excubabat. Jam ante autem ea in universum custodiis omnibus mandata Samoscus dederat, ut erumpenti hosti nulla pugnandi copia facta ambitu capto, versus castra statim se reciperent; non modò quò subsidium illis propinquiori è loco facilius ferri posset, verum hostis etiam longius ab urbe ad pugnandi necessitatem pertraheretur. Id igitur cum Orinscius fecisset, Suiscius peditatum partim statim urbe emittit; qui quod locus is omnis convallibus interseptus esset, valle quadam occupata receptuq; intercluso vehementer sclopetis eos premebat. Interim Samoscus Scarbecum, qui quemadmodum ostensum est, in superioribus stationibus erat, flumen mox transire, impetumq; in hostes dare jubet: Simulq; ipse equo consensu, iis qui in subsidiis, de quibus ante dictum est, confederant, ut se sequantur, imperat. Scarbeco promptissimè flumen transgresso, Suiscius ubi primum stationibus nudata castra animadvertit, mox reliquum peditatum ac equitatum omnem diversis portis ad castra oppugnanda mittit. Interim qui ex instituto, quemadmodum ostensum est, in tabernaculis excubabant, sequiq; à Samoscio jussi fuerant, ad certamen jam se expedierant; primique Ungari, qui eam ad Velikam flumen castrorum partem tenebant, inde Joannes Kretkovius, cum turma Stanislaï Prijemscij: Sarnacius cum Hieronymi Gostinij, quarum legati erant; post hos alij tanta celeritate procurerunt, ut eodem quasi in vestigio, uno conflictu, atq; impetu trecenti circiter ex hostibus caderent; caperentur ultra sexaginta: magna verò eorum pars vulneraretur. Suiscius qui è proximo muro eventum eruptionis expectabat, eadem hanc & fugam suorum cernens, revocatos intra urbem mox recepit. Desiderati & ex hostis prælio eo aliquot fuerunt, tum valle ab hostibus occupata circumventis auxilium ferri ab aliis non potuisset. Piontkovius



kovius nobilis eques captus, ac ab hostibus abductus fuit. Orincius cum diu fortiter hostes sustinisset, globo è superiori loco per humerum & intestina trajecto, periit. Petrus Grudscius cum per hostes manu viam sibi patefecisset, adque nostros jam & ipsa pene castra in tutum penetrasset, è muro tormenti cujusdam majoris ictu interemptus fuit.

Ex Ungaris equitibus Franciscus Kobor & Barrabas Balog viri militares ceciderunt. Quod nisi subsidij iis, qui cum Orincio circumveniebantur ferendi causa, celerius à castris progrediendum nostris fuisset, facile universas copias hostium ad ipsa castra pertrahi, iisque deletis debellari ferè tum potuisse, minimè dubitandum videbatur. Erat is quartus mensis Januarij dies. Sub noctem Samoscus, quod maximè omnes Moscos cupidissimos suorum humandorum sciret, Nicolaum Vrovecium in loco prælij excubare, ac si fortè hostibus ad tollenda corpora egressis, gerendæ rei facultas accideret in omnes occasiones intentum esse jubet. Ea nocte nullam in partem se commoverunt. Altera Martino Lesnovolscio notæ virtutis præfecto negotium datur, qui cum quibusdam urbe egressis, ac proxima, quæ ad eam jacebant, cadavera subtrahere incipientibus unâ cum altero equite se ostendisset, celeriter in urbem refugerunt; semperque postea intra mœnia se continuerunt. Samoscus rei gerendæ nullum amplius locum futurum, quodque pietati seu humanitati deberi arbitrabatur, ultro hosti offerendum ratus, ad obsecros mittit: potestatem se illis mortuorum facere; ac vel per militem comportari corpora, ac tradi iis jussurum, aut si ipsi per se tollere ea velint, fide publica integrum id illis futurum ostendit; qui in muris erant, laudibus hanc ejus pietatem Christianique animi sensum magnopere extollebant; reque cum Suiscio communicata ut sequenti die circa meridiem ad se redeat, quo ea de re constitui posset, rogabant.

Ad tempus Stanislaus Solkevius adolescens singulari ingenio præditus, Melchior Savissa stabuli Samoscij præfectus, alijque nobiles juvenes Thracicis generosissimis equis vestri splendidissimeque omnes ornati injussi unâ proficiscuntur. Agnoscit ex transfugis Solkevium quidam: Ostendit hostibus, præterquam, quod præter artem, eximiam in eo indolem atque ingenium perspiceret, in secretioribus rebus ad Regem referendis ipsius plerumque opera uti. Hac re Mosci inducti, mutato consilio, ac pietatis in defunctos officio, præfenti quod ostendebatur, commodo posthabito, verbis rem extrahunt; interim majores sclopetos complures, & quingentos circiter sclopetarios in muro clam disponunt. Solkevius cum variè rem duci animadvertet, ut tandem se explicent, eos hortatur:

continuo unus è sclopetariis coortus sclopeto in Savissam irruens, irritum tamen propter armorum firmitudinem ictu eum ferit: Simul cæteri sclopetos omnes uno tempore disponent. Solkevius, qui cum eo erant conversis equis celeriter se recipiunt; eos è muris aliis mox sclopetis, & quò longius provehi essent, eò majoribus inde tormentis hostes persequuntur. Incolumes nihilominus in castra nostri redierunt; quòd tantum globorum nimbum evasisent, omnibus mirantibus. Jam antè Joannes Ostromecius, qui ad tormenta cum aliis curabat, hujusmodi rem ad Samoscium detulerat. In arca ferrea duodecim tubos sclopetarios, quò citius rumpentur, ex industria tenuatos, ordine disposuerat; eosdemque subtilissimo pulvere, atque arcam ipsam impleverat; in medio eam sclopeti partem, quæ rota atque incumbente siliice ignem ad pulverem incendendum elicit, tensam paratamque constituerat; arca ea in ligneam cistam imposita, fibulam, quæ attracta rotam luxare, ignemque excitare solet, duabus chordis, una ad inferiorem ligneæ cistæ fundum, altera ad ipsum ferreæ cistæ operculum alligarat; ea ratione, ut si ferream arcam ex ligneâ quis eximeret, seu ipsius ferreæ rectum moliretur, necessario utraque refibula commota pulvis inflammaretur, tubisque atque arca ferrea fracta altantes percellerentur. Hanc si ita ad Suiscium misisset, minimè sibi obtemperaturum, quin eam excuteret seque ipse in fraudem indueret, existimabat. Noluerat tum Samoscus permittere, ut hujusmodi artibus contra hostem res gereretur. Jam publica fide ab illo prius violata, Solkevioque & aliis omnibus qui in consilio Samoscio aderant, urgentibus, ut ejus in se perfidiam ea ratione ulcisci sibi liceret, Ostromecio rem totam permisit. Hic captivum hominem idoneum nactus, per aliquot dies benignè habitum, tanquam magni secreti consilium facturum juramento adigit, fidemque ejus sibi obstringit.

Fingit Joannem Mollerum, quendam se esse: cum Farensbekio quondam apud Principem Moscorum militasse: postea etiam illo ad Regem se conferente, auctoritatem ejus securum; ac licet aliquo apud Regem loco esset, pristinam tamen Moscorum Principis in se indulgentiam requirere: eamque ob causam interfecto prius imperatore exercitus, cum pro artificio suo rei tormentariæ remotis arbitris communicatus cum eo esset, ad illum rursus transire in animo habere. Interim cistam eam, ut ad Suiscium perferat, rogare: in eam pretiosissimas quasque suas & alias magni momenti res se conjecisse; brevi ipsum, opera prius ea, de qua dixisset, principi Moscorum navata subsecuturum: magni autem sua interesse, ne priusquam ipse veniat, cista resignetur.

In eandem sententiam ad Suiscium literas per-

ferendas illi dat. Moscus duplici læticia elatus, quòd & libertatem recuperaturus, & tam gratum nuntium ad Suiscium perlaturus esset, perque excubias ab Ostromecio traductus ad Suiscium pervenit; qui cum eo tempore aliis rebus occuparetur, cæteros qui ad consilium tum fortè conveniant, nullo ad cognoscendum sibi spatio sumpto, aperire statim jubet; concurrunt complures rei novitate, atque innata hominibus curiositate ducti. Ferocissimus omnium Andreas Chroscinus alter Palatinus, & æmulus Suiscij, quemadmodum postea cum ex Alexandro qui pace facta ad Plefcovienfes à legatis missus fuit, de quo infra dicitur, tum pace facta ab aliis multis compertum est, pede in cistam ligneam imposito, ferream manu sua ipse extrahere nititur. Interim fibula convulsa, pulvereque inflammato, atca ferrea ac rubis disjectis, non modo astantes omnes dissipantur, verum tecti etiam pars aliqua vi ignis ac fractorum ferreamentorum convellitur; Præ cæteris maximè insignes, Andreas de quo dictum est Chroscinus, & Kosceius periire. Erat & de Suiscio suspicio, cum ex ægritudine per continuos aliquot dies copiam sui non fecisset: maximè autem apud nostros opinio hæc confirmabatur; quòd cum assidue antea in muro versari, perque stationes volitare solitus fuisset, nunquam se postea ostenderet. Verum hac de re contumeliose postea literæ scriptæ à Suiscio ad Samoscium fuerunt: ab iisque ad singularis certaminis provocationem descensum inde fuit. Verum Samoscio constituto die cum demonstratis antè insignibus in designatum locum progesto hostis non prodit. Disputabatur nihilominus interim, quemadmodum supra ostendimus, ab utraque parte de conditionibus pacis.

De Sueciz Rege ab initio jam Mosci responderant, non recusare principem suum, quòd minus pacem cum illo faciat, verum debere cum more majorum ad Novogardiz Palatinum mittere, qui de conditionibus pacis acturus cum illo esset: Præter exempla institutaque majorum nihil omnino faciendum sibi esse, qua de sententia cum deduci non possent, inde ad summam Livoniz, cæterarumque arcium utrinque reddendarum conditionem ventum fuit. Plurimum de hac controversia fuit: cum provinciam, quam novem & viginti annorum bello, multoque sanguine suo vix perpetissent, & in qua multi Russici generis nati essent: plurimi etiam domiciliis constituti inveterassent, non minus ægrè quàm si de Moscovitico solo ipso ageretur, reliquerent.

Ad extremum de Derpato atque Novogrodeko Livonica, cum reliquis urbibus, atque castellis ferè omnibus cessissent, vehementer resistebant; quòd in illam religionem suam jam investam, Episcopumque in ea

à se constitutum: hanc Divæ virginis matri Pezzurenfi sacram dicerent. Tandem cum præter expectationem suam, minus ad voluntatem ipsorum ad Plefcoviam res fluere; ac ne summam quidem, cum aliarum rerum ferè omnium, tum frigoris difficultatem ab obsidione nostros revocare: jamque maxima hyemis parte exacta mitiora tempora instare intelligerent: maximè autem Posssevinus, qui quò minus suspecta fides sua apud Moscos esset, cum illis diversabatur, ne ullo cum fructu in re tam pia tantam elaborasset, summa apud utramque partem libertate in pacem incumberet, res convenit. Pacti ut vasa sacra Derpato ac Novogrodeko tollere sibi liceret, nec Episcopus sacerdotesve eorum contumelia afficerentur, universa Livonia, quam in sua potestate princeps eorum haberet, decesserunt: Regis nomine è contra Lukis, Savolocia, Nevela, aliisque castellis nonnullis, quæ superioribus annis ab holte cepisset, Velisio ac Polotienti agro omni recepto illis cessum fuit. De Narva aliisque castellis, quæ à Sueco occupata erant, diu disceptatum fuit, cum nostri Moscorum tergiversatione, in potestatem Sueci venisse ea dicerent: Mosci nihil ad se præstationem eorum pertinere contendere; quæ nec ante à se inter castella Livonica, quæ Regi obtulissent, nominata fuissent: nec nunc tenerentur. Tandem cum in eo hæreretur, ita controversia suspensa, ut juri suo in Narvam reliquaque castella, quæ à Sueco tenerentur, minimè Regem defuturum legati testatum facerent; Weissensteinio autem, quòd jam ante Regi Moscus obtulisset, disertè legati ejus decederent, de captivis deinde actum fuit. Cum Mosci utrinque captivos sine pretio reddi vellent: Regis nomine, quòd ex Moscis primarios homines complures, illi ex regis captivum insignem nullum fere haberent, Savolocia, Nevela ac Sebelium, & extremo loco Sebelium pro captivis posceretur; Moscus verò non tantam hominum, quantam possessionum rationem habendam sibi judicaret, in aliud tempus, quo ad exigendum in pacem à se mutuo Sacramentum legatos utrinque missuri essent, tota hæc res dilata fuit.

De tormentis & apparatu bellico, quæ in præfidiis essent, ita convenit; ut relictis, quæ cum quæque caperentur in iis fuissent, quæ utrinque illata essent, secum quisque deferret. Iis igitur conditionibus decennalis pax perfecta fuit. Cum nec Moscum in eo amissarum provinciarum dolore opportunioribus temporibus per motus aliquos interregni aut alias occasiones ablata recuperandi spes deferret: & Rex tanta clade atque vastitate Moscoviz illata, quæ tam paucorum annorum spatio refarciri nullo modo posset, si Provincia Livonia omnibus interim necessariis rebus à se firmata bellum Moscus redintegrare vellet, majores res gerendi facultatem sibi non

præ-



prædidi non moleste ferret. Legati juramento statim eas firmarunt; de Principum juramento, ut majores legati exigendi sacramenti causa primum à Rege ad Moscum, inde à Mosco ad Regem mitterentur, constitutum fuit. In literis fœderis conscribendis, per aliquot etiam dies controversum fuit; quod Mosci ab initio universæ Russiæ Ciarium: postea cum de eo jam decessissent, secundum Moscoviæ & Vlodomiriæ aliosque complures titulos Astrakanensium tamen & Kafanensium Tartarorum Ciarium, Principem suum appellari volebant; nostri præter morem majorum nihil se illi tributuros contenderent.

Jam paulò ante autem Parnaviam, quæ à Suecis obfidebatur, commeatus inopia vehementer laborare, ac vix quatuor septimanarum spatio tolerare Moscos posse, per Thomam Embdanum, aliosque quorum diligentia in cognoscendis rebus hinc utebatur, Samoscus cognoverat; à Joanne Sborovio præterea, qui maximis vadimoniis, necessariisque suis ac familiæ suæ negotiis, coactus in Poloniam redierat, certior factus fuerat, ad res novas Livones sollicitari, rumoresque spargi, Regem si Livoniam recepisset, inter Ungaros universam distributurum. Quod cum id fieri non posse, nisi ipsi omnes sedibus suis everterentur, perspicere, non parum eare multorum animos commoveri necesse erat. Proponebantur eodem tempore Sueci nomine edicta, quibus suorum cuique bonorum, & quas pristinis temporibus, majores cujusque beneficiario jure tenuissent, possessionum restitutio promittebatur; adque possessionem bonorum ad eundam, ad quos ea pertinerent, invitabantur. Inter alios Byringius, qui aliquot castella regia in potestate habebat, ut ex Moscis Parnavia decedentibus cognitum postea fuit, literas ad Moscos dederat; quibus si diutius sustinere obsidionem non possent, ut Sueciæ potius quam Poloniæ Regi dederent, hortatus eos fuerat. In hoc igitur Livoniæ amittendæ discrimine, etsi vel vi tandem, si subsidia sibi à Rege quemadmodum cum eo constituerat, submissa fuissent: aut saltem mente Junio, ultra quem obsessos non toleraturos, perspectum habebat, fame atque commeatus inopia in potestatem Plefcoviam venturam Samoscus non desperaret: ad pacem tamen animum tandem advertendum sibi judicabat. Venerat sub idem tempus in castra à Suecis missu præfecti Narvenis mercator quidam, qui de injuriis, quas finibus suis à milite nostro, qui supra Udovam in Præbusio collocatus erat, illatas dicebant, quereretur. Cui cum præter opinionem Suecorum benignius responsum fuisset, venit postea ad Samoscum à Ponto Gardiano Cagnolus Italus; cujus in Narva occupanda maxime insignis opera extitit: honorificisque verbis pro Rege Samoscio salutato, ac literis ad Regem à Pon-

to scriptis illi redditis, ut ad legatos Moscoviticos ipsius voluntate proficisci sibi liceret, petebat. Samoscus etsi quæ in Livonia agerentur, non ignorabat: comitatus tamen suæ apud exterum hominem, rationem sibi habendam ratus, in præsentia humanè ad postulata ipsius respondit: non potuisse in mentem venire Regi, cum præsertim tamdiu in castris fuisset, nec quisquam à Sueciæ Rege ad se venisset, deinceps legatum ullum missum iri: atque ita nec Regem ulla hac de re mandata sibi reliquisse; nec se sine Regis mandato, ac voluntate quicquam ei permittere posse: literas vel per tabellarium ad Regem missurum: aut si ipse ad eum ire vellet, præsidium se ei adjunciturum. Cagnolus responso hoc accepto, tabellarioque cum literis relicto ad Pontum se recepit. Eum, tabellario ad Regem à castris nondum profecto, perfectæ pacis nuntius in Livoniam consecutus fuit. Jamque Alexander qui de pace facta Plefcoviensibus renuntiaret, à legatis Moscoviticis Sapolia missus ad Samoscum pervenerat; quem cum ad prandium Samoscus invitaret, maximi beneficii loco habiturum se respondit, si ad urbem quamprimum aditus sibi permitteretur. Nam dum ipse epulaturus ibi esset, obsessos interim sanguinem bibituros: his enim verbis utebatur: Pransurum se apud eum, ubi læto pacis nuntio suis impertito, reversus ad eum fuisset. Samoscus præsidio ei adjuncto, ad urbem perducere iussit. Cum sub Pochroviensem turrim, quæ ad Velikam flumen pertinet, ab Ungaris tormentis, quemadmodum ostensum est, quassata erat, successisset, ac quis esset ostendisset: tanta eorum, qui in muris constiterant, læticia atque gratulatio extitit, ut subito sublimem raptum in muros extollerent; nullaque vel suorum vel nostrorum circumfusorum verecundia prohiberi se paterentur; quò minus ad pedes ejus projecti eos oscularentur, Archangelumque ac pacis nuntium lætis acclamationibus appellarent, ad nostros deinde conversi fratres eos appellabant; utque sine metu propius jam ad se accederent, libereque vagarentur, invitabant.

Altero die idem Alexander cum aliis nonnullis ex nobilitate ad Samoscum in castra redit: quia pax jam convenisset, ut lignario sibi libera permittatur, ipse verò quam primum exercitum deducat, petunt. Respondit Samoscus, etsi de pace transactum esset, literas tamen in quibus conditiones pacis perscriptæ essent, nondum ad se allatas: multo minus qui præsidia traderent, à Principe eorum venisse, convivio deinceps eos excepit. Quod cum laetissime instructum fuisset, qui maxima apud nostros commeatus inopia laborari sibi persuaserant, omnium non modò necessariorum rerum, verum plurimarum quas nunquam ipsi cognovissent, apparatus eò magis admirati fuerunt. Etenim Samoscus quemadmodum superiori anno fecerat, ita

jam

jam initio etiam expeditionis hujus, præter pulverem tormentarium, quo peditatus, quem conscripserat, uteretur, apparatusque bellicum, commeatus quoque maximam copiam, nonnullam etiam elegantioris victus, exterorum hominum excipiendorum causa contraxerat: partemque ejus, quam Gedani & Rigæ compararar, à Duce Curlandiæ, civitateque Rigensi jumentis conquisitis, supra Kokëhaufium, quod tum in hostium potestate adhuc erat, exposuerat; indeque adverso flumine Disnam, & ulterius Savolociam navibus divexerat: aliam carris deportarat. In eo verò prandio cum cistæ quoque ad Suiscium missæ mentio facta fuisset, cum de Chroscino, ea quæ supra demonstravimus, Alexander præ se ferebat: tum nisi pax interim convenisset, ne ingenio à nostris superati viderentur, vicissim se illis trecenta aurea poma objecturos fuisse dicebat. Id satis apparebat, nullam ferè rem ægrius eos ferre. Jamque ante priusquam pacis conditiones covenissent, Ungaris propius ad muros succedentibus, sæpiusque cistam illis exprobrantibus adeò eo commoveri se testabantur; ut cum iidem in flumine glacie adstricto cistam aliquando illis objecissent, crebris tormentorum ictibus doloris atque iracundiæ suæ flammam in eam ejacularentur, eodem autem modo frequentius deinde ad Samoscum ventitabant; à quo cum semper benignè habitum fuissent, ac verò captivorum quorundam permutandorum causa in Procopium Penonscium turmæ præfectum convivium tum fortè agitantem incidissent; qui antea commeatus ac rei frumentariæ difficultate coactum, ultrò Samoscum exercitum reduciurum existimant; ut non modò Imperatorem ipsum, verum exercitum universum in maxima copia versari videbant; sequenti die Theodorum Melceodorum aliosque frequentes ad Samoscum mittunt; ut pace facta exercitum tandem abducant, obsidioneque urbem liberet, petunt; quod nisi intra triduum faciat, nolle se pace teneri ostendunt. Respondit Samoscus, existimare se pace jam facta non ex animo hæc ab illis dici: quam non ingratam illis accidisse, gratiorem quidem, quam generi hominum ex stipendius viventi sciret: exercitum cum commodum futurum esset, se abduciturum.

Interim Palatinus Braslaviensis ipse in castra venit; nec alia conditione pacem convenire potuisse, quàm ut nulla mora interposita exercitus reduceretur, docuit; reddendarum quoque arcium eas conditiones placuisse, ut aulici ab utroque principe ad arces, quæ restitundæ, quàm primum mitterentur, qui ubi advenissent, rusticorum & agri possessio statim traderetur. Interim ab iis, qui possessionem adirent jumenta decedentibus ad res suas deportandas præberentur; quæ si præbita essent, tum octavo ab adventu aulicorum die, præsidio ipso quoque decederetur. Si quæ ex ulioribus rebus deportari commodè non

possent, ea consignata interim deponerentur, ac primo inde tempore iis, quorum essent restituerentur. Videbat Samoscus magnam hinc in rebus difficultatem. Nam cum in regione continuis bellis vastata, magnam jumentorum paucitatem existere necesse esset, in Moscorum ferè potestate fore intelligebat, pro suo arbitrio restitutionem extrahere. Ut tamen quid animi haberent, periclitaretur, ac fiduciam simul suam iis ostenderet, Ostroviam antequam dies reddendæ ejus venisset, tradi illis iussit; ac licet ea sola in re cum recipiendæ reliquæ Livoniæ, tum pacis stabilitatem omnem positam intelligeret, ut obsidionis & exercitus metu in fide Moscos contineret: ne tamen à se violati jurisjurandi legatorum initium profectum jactare possent, revocatis omnibus ex partibus pabulatoribus, peditatum omnem cum tormentis, ac graviore belli instrumento, Novogrodekum versus, quo in castello deponere ea cogitabat, octo dierum itinere antecedere se jubet. Inde diversas alias turmas ad recipiendas arces Livonicas sigillatim præmittit; eas agmen quod ægris præsidio erat, sequebatur; post id impedimenta agebantur. Ipse cum reliquo exercitu die VI. mensis Februarii Plefcovia movit. Spectabant transgredientes copias, partim ex muris atque propugnaculis urbis, partim è ripis fluminis aliisque eminentioribus locis frequentes Mosci; maxime ultimam hanc exercitus partem admirabantur; quæ cum ad viginti quatuor millia equitum accedere videretur, magis tamen ferè splendore, ornatuque atque equotum præstantia quàm numero ac multitudine eos in se convertebat: ita plerisque integris, ut nihil vel parum omnino ex hyemis ac diuturnæ obsidionis incommodis decessisse illis videretur.

Hoc ordine ad Seskelum interim aliosque vicinos pagos supra Derpatum eo consilio exercitum traducit; quòd eo ex loco & in Moscoviam, si pacis conditionibus à Moscis non satisfaceret, facilem se receptum habiturum, & in Parnaviam intentum se esse posse judicabat; ac si Sueciæ copiæ; quemadmodum iis denuntiaret, ab ea non decessissent, ex tempore & re ipsa consilium capere. Etenim jam antè, mox à facta pace Joannem Lesnovolscium aliquot cum turmis equitum miserat; qui urbi ac arci præesset; ut ab ea tanquam regij jam juris urbe abstineret, denuntiaret.

Mosci etsi Ostrovam jam recepissent: dies etiam, qua Novogrodekum se reddituros constituerant, lapsus esset: ex indultis tamen moras interponebant. Seu quòd in exercitum, si fortè dilaberetur, intenti essent; seu quo è remotioribus præidiis ad extremas oras, finesque ipsos Moscoviæ omnes sui interim convenirent, tutoque res suas deportare possent; ne si primis recedentibus ultimi, qui Kokëhaufij, Parnaviæ & in longinquo-

R

ribus



ribus aliis locis erant, tardarent, injuriis ac vexationibus nostrorum paterent. Quam moram maximo suo atque exercitus cum incommodo fieri Samoscus videns, Vrovecium jam ante cum tormentis Novogrodekum versus à se præmissum aditum in castrum quæ-  
rere jubet. Hic cum aditum aliquem amicitia ad præfectum sibi fecisset, familiariter deinde commeari ad eum cœperat. Itaque aliquanto post Samoscus ipse, qui interim ad-  
venerat, cum Palatino Braslaviensi, ac sexa-  
ginta circiter militibus sigillatim sequentibus,  
rogantiq; ex more portitori, centurionem  
venire nostris respondentibus, castrum ingre-  
ditur. Venerat sub id tempus Petrus Vol-  
koviscus. Hic cum Palatinum Braslaviensi-  
sem ex colloquio ad Sapoliam, cui ipse etiam  
Volkoviscus interfuerat, agnovisset, incus-  
setq; præfectum, quod cum centurionem se  
recepisse diceret, Palatinum recepisset: re-  
spondit Palatinus, non se modò, verum Samo-  
scum ipsum adesse. Qua re turbatum eum  
Samoscus videns; tu quidem inquit castrum  
hoc jam principi tuo perdideras, nisi ex con-  
ditionibus pacis ultro id tradere deberes: nul-  
lumq; ea in re dolum à se quæsitum, sed ut ca-  
strum quod principis sui esset, videret ingres-  
sum se ostendit: utq; decederet, hortari ho-  
minem cœpit. Illo jumentorum inopia in-  
cusante, ex iis equis qui tormenta trahebant,  
certum numerum ei dat; quibus sublevatus  
rebusq; omnibus exportatis, castrum tradito  
excessit. Est Novogrodekum amplitudine  
quidem non magnum, sed cum vicinitate  
Moscovia clarum, tum ob eam ipsam opere,  
maximè autem triplici muro, crebrisq; turri-  
bus ac uno insigni propugnaculo diligenter  
munitum.

Inde Seskelium recta Samoscus venit; ubi  
cum per aliquot dies substitisset, dum an Der-  
patum Sigismundo Rosnio, quem ad accipi-  
endam urbem pro legato miserat, redditum à  
Moscis esset, cognosceret; posteaquam ne  
jumentorum inopia à Duce Magno ac aliis con-  
quisita non parvo numero Samoscus ed mi-  
serat, decedere Moscos intelligeret, Derpa-  
tum ipse contendit: inque proximum ad ur-  
bem Monasterium divertit. Inde Nicolaum  
Zebrzidovium, & Stanislaum Zolkevium  
filium ad præfectum mittit: ut mox se reci-  
piat, urbemque ac arcem ut conventum erat,  
tradat, postulat; quod nisi intra tertium diem  
faciat, continuo se exercitum in Moscoviam  
reducturum ostendit.

Advenerat jam à Mosco Basilus Halovi-  
nus, ex primariis aulicis ipsius. Hic gemitum  
ducens meminisse se ejus temporis dicebat,  
quo Moscis etiam ferocibus esse licuisset:  
moræ tamen causam esse, quod à jumentis  
atque carris nondum satis paratus esset: Ita-  
que, ut ad tridui spatium unum solum diem  
adjici pateretur petebat. Cum ex propriis

jumentis ducenta circiter Samoscus illi ad-  
cisset, Derpatum quoque XXIV. Mensis Fe-  
bruarii die recepit. Vice simum nonum jam  
annum Derpatum Moscos tenuerat. Ita-  
que ut ab ea, in qua geniti magnam partem  
essent, vel adolevisset, maximo cum dolore  
atque lachrymis plerique divellebantur.  
Inprimis fœminæ ad suorum partim marito-  
rum, partim liberorum, parentum ac propin-  
quorum sepulturas concursantes nœnias suas  
more suo decantabant. Est enim omnis  
gens Moscovitica, si quæquam alia in sepul-  
chrorum ac mortuorum cultu cum primis  
superstitiosa.

Diversum autem hac in re ab aliarum gen-  
tium institutis hoc maximè habent, ut non  
statim mortuos sepeliant; sed per annum u-  
num loculis conditos in fornicato aliquo cœ-  
naculo asservent; ac exacto demum anno  
multis cum lachrymis ac planctu terra con-  
dant. Fuit Derpatum amplissima olim Li-  
voniz urbs; quod vel hodie adhuc publico-  
rum privatorumque ædificiorum cultus indi-  
cat. Agrum etiam Livonia Derpatensi me-  
liorem feracioremq; nullum habet. Prius-  
quam Germani, in Livoniam immigrantes  
religionem Christianam, linguamq; suam ea  
in loca inferrent, à Sudetibus gente-barbara  
omnis is tractus à mari supra Pelbam lacum  
Plescoviam usq; tenebatur: qua cum Russis  
frequentia bella intercessisse Moscorum an-  
nales narrant. Postquam à Christianis ora  
ea coli cœpit, Episcopis usque ad Hermannu-  
m Vesseliu paruit. Hunc cum post cap-  
tam Narvam ac Neuhausum una cum Der-  
pato in deditionem Moscos accepisset, postea  
contra fidem datam in Moscoviam deporta-  
rat; non minori in vivum Episcopum perfidi-  
dia, quàm odio in mortuos ulus; quorum ni-  
mirum ibidem paulò post & cadavera è tem-  
plo sepulchrisq; ejecit.

Urbs aliquandiu deinde à Livonibus &  
Moscis æquo jure habitata fuit: aliquanto  
tempore interjecto cum Livones injuriis Mo-  
schorum coacti in necem eorum conspirassent,  
Livonibus ut majori Moscorum numero non  
difficiliter ab iis superatis, ac plerisque inter-  
emptis, cæteris in Moscoviam deportatis,  
moscos solos deinde incolashabuit. Jam ante  
Novogrodekum discedentes Mosci ignem futu-  
damentis subjecerant; qui mox à nostris de-  
prehensus, suppressusq; fuit. Derpati, quod  
præcipua ædificia duo sunt; arcis alterum, in  
quo prius Episcopus, postquam in Mosci pote-  
statem venerat, Vladica habitabat: alterum ad  
principis usus factum; quod Dux ipse privatis  
aliquot primariis domibus occupatis, moreq;  
suo exornatis pro se extruxerat; cum existi-  
marent, in arcem Samoscium diversurum: eo-  
rum enim moribus capitale est, in principis  
ædibus quenquam habitandi causa esse: arci  
diversis in locis pulveres subjecerant; quo-  
rum aliqui intra viginti quatuor horarum  
spa-

spatium, partim intra quadraginta octo ab-  
sumptis funiculis incensi post illorum digres-  
sum tollerentur. Samoscus cum in princi-  
pis domum recta divertisset, culticorum quo-  
rundam, qui in purganda arce occupati erant,  
nece periculum redemptum fuit. Hosti ni-  
hilominus diligentissime fides conservata fuit:  
ac non modo in nullos, qui reliqui è Moscis in  
Livonia erant, hanc ob causam vindicatum,  
verum cum puer etiam quidam Plescheovi  
Derpatensis Palatini propinquus, non tam  
interceptus à nostris, quàm more pueror-  
um pueriles quasdam voluptates tectatus  
ultra ad eos se contulisset, vehementerque  
eare Plescheovus perturbaretur, magna di-  
ligentia conquisitum reddi eum jussit. Haud  
alia verò ratione reliquæ etiam pleræque  
arces, à cæteris præfectis receptæ fuerunt;  
Moscis initio, priusquàm de Derpato red-  
dito iis constaret, dexteritate potius atque  
ingenio nostrorum ex iis dejectis, quàm de-  
cedentibus. Derpato recepto ad regios  
quoq; præfectos, qui Savolociz, Lukis, ac  
aliis castellis Moscoviticis præerant, ut Mo-  
scis eas traderent, literæ datæ fuerunt.  
Ad hanc enim diem nulla à nostris quoque  
possessio præter Ostrovam tradita Moscis  
fuerat; tum autem ex fide omnes redditæ.  
Interim Gardianus quoq; postquam Lesno-  
volscius, quæ supra ostendimus, à Samoscio  
ei denuntiasset, finibus obiter pro arbitrio  
ei demonstratis, obsidioneque soluta, exer-  
citum Parnavia abduxerat, eque campis con-  
tractum per præsidia distribuerat. Eodem  
autem tempore de Veissensteinio quoq; Er-  
nestum Vejerum & Michaellem Konarsci-  
um ad eum Samoscus misit; qui Veissen-  
steinium à Mosco Regi celsum ostenderent,  
ac non possessionem ejus impediturus eiset,  
quærent.

Respondit iis Regem suum ipsum legatos  
ad Poloniz Regem de controversiis hisce  
missurum. Atque hic quidem belli exitus  
fuit, minori animo à Mosco gesti, quàm  
quo vel in prioribus quibusdam usus fuerat,  
vel id ipsum suscepit; pristinaque ejus po-  
tentia fama requirebat.

Præterquam enim quòd in sylvis flumini-  
busque superandis exercitum impeditum,  
cum facillimè id facere posset, priusquam in-  
aperta Moscovia ac viscera regni ejus pene-  
traret, transitu prohibere ne conatus quidem  
omninò sit; nullam etiam justis viribus pu-  
gnandi potestatem unquam ab eo factam non  
paucis mirum visum est. Id eane de causa  
fecerit, quòd legatorum missionibus suo-  
rum rei gerendæ tempus eximere se posse,  
ac inanibus interim sumptibus vires Regis  
minutum iri sibi persuasisset; an quòd supe-  
riorum temporum fortuna edoctus, parum  
in acie suis se committere posse statueret:  
Seu etiam quod solet facere Deus, ut quos  
pro scelere eorum punire velit, iis consilium

prius, ac animum eripiat, ipsum quoque  
perpetuus crudelitatis comes & vindex me-  
tus nihil in rebus suis ratione providere, aut  
fortiter suscipere siverit non affirmarim.  
Hoc satis constat, & ab initio, facillimo mo-  
mento inter sylvarum paludumque ac flumi-  
num eas difficultates, Regis, exercitusque  
impetum vehementer reprimi potuisse: ac  
si in summum discrimen rem adduxisset,  
haud ferè majorem cladem accipi ab eo po-  
tuisse, quàm dum de summa rerum sollicitus,  
certamenque omne defugiens diversis in lo-  
cis singulos suos à multitudine exercitus  
circumventos nostris objicit, accepta ab  
eo cit.

Omni enim Moscovia à Borysthene  
supra Starodubam ac Radohostiam ad Cer-  
nihovam usque: à Duna deinde flumine,  
quà Stariciam usque, qua supra Novogardi-  
am ad Lahodam usque lacum longè, lateque  
vastata, tot præfidiis expugnatis, multis in  
deditionem acceptis, trecenta circiter millia  
hominum interiisse: ad quadraginta capta  
constat; ut aliquot vicibus instaurari bellum  
tanto hominum numero potuisse videatur.  
Puerorum quidem quanta multitudo capta  
sit, ex eo conjici potest, quòd privatus ex  
nobilitate nullus ferè sit, qui non unum atque  
alterum: multi qui plures in servitute habe-  
ant; quod quidem incommodum specie,  
quàm superius, minus, re ipsa majus est.  
Juventute enim è quibusdam provinciis, ma-  
ximè autem Lucensi, Savolociensi, Plesco-  
viensi, ac Novogardiensi omni ferè sublata,  
quæ nunc ab adultionibus coluntur, mox so-  
bole omni deficiente ultro desertum ferè iri  
apparet. Oppida ac castella, quæ ipse in  
potestate habebat, ultima hac pactione ad  
octodecim dimisit; Derpatum nimirum,  
Felinum, Lamsium, Marienburgum, Hasci-  
lum, Novogrodekum, Marienhausum,  
Ludsenium, Roslittenum, Trikatum Berso-  
num, Landescum, Sesvegium. Veissen-  
steinij autem cum id à Sueco teneretur, jus  
atq; repetitionem: quæ verò bello antè ca-  
pta à Rege tenebantur, numero non paucio-  
ra, Polotiam, ac in eodem Ducatu Sussiam,  
Sokolam, Krasnam, Usuiatam, Sitnam, Je-  
serisciam, Kosianum, Nescedam: Supra  
Virepsciam, antiquioris possessionis Mosciæ  
Velisium, cujus ad centum viginti millia pas-  
suum ager patet: in Livonia Vendam, Leno-  
vartum, Duneburgum, Pirkelium, Salium,  
Kirempesium, Elscum, Fabianum; cum ipse  
ex iis, quæ à Rege armis parva possidebantur,  
Lukos, Savolociam, Ostrovam, Nevelam,  
Chelmam, rum ab ipsomet deleta castella,  
Krasnam, Krasnohorodum, Voronecium,  
Veliam sola reciperet.

Quibus tamen in omnibus detrimen-  
tis nullum fortassis majus censerì debe-  
at, quàm quod portubus cunctis Balthi-  
ci maris amissis, à Borysthenis aurem  
K 2 nav-



navigatione jam ante Turcarum armis exclusus, à mari ferè omni præterquam glaciali importuosissimo, ac periculosissimo, atque aliarum fere nationum Occidentalium, ac Meridionalium commerciis in penitiorem Moscoviam tanquam relegatus; compedesque quo minus liberè vagari possit, injectæ ei videntur.

Pacato eum ad modum Mosco, nihil prius Rex habuit, quàm ut provinciæ constituendæ causa, ipse in Livoniam Rigam usque procederet. Quem cum XII. mensis Martij die ingressus fuisset, postridie Samoscus ad eum venit.

Jam ante autem alij etiam Senatores Polonici aliquot, ac Lithuanici satis frequentes comitati eò Regem fuerant. Ad eos Ducem Curlandiæ ac ex nobilitate Livonica quàm frequentissimos literis Rex evocat; quæque ad Provinciæ ejus statum pertinere videbantur, cum omnibus iis communicatis, ut scripto sententiam suam explicarent, hortatus eos fuit. Erant de quibus deliberabatur, capita hæc potissima: de templis cultuque divino instaurando: de Episcopo restituendo: Provincia ordinis judiciorumque causa in partes certas dividenda: magistratibus ac ærario publico constituendo; de quibus cum quid quisque sentiret ostendisset, Rex etsi non ignoraret, à majoribus suis etiam sine ordinum autoritate provincias ab iis partas privato consilio constitutas: quò tamengratius beneficium suum esset, si cum omnes operam studiumque suum ad eam provinciam recuperandam contulissent; ex omnium consilio certa ejus formula describeretur, in comitia totam rem distulit: Legatos tantum partim ex comitatu suo, partim ex nobilitate Livonica designavit: qui provinciam universam inspicerent: agros reditusque eorum omnes, ac jura describerent, omnibusque iis de rebus ad se referrent; quò rectius deinceps in comitiis statui de iis posset.

Possessionum autem omnium quatuor genera faciendæ judicabat: quorum primum esset, quod ad publicam securitatem pertineret, finitimarum artium; quæque ad illas, ut ex propriis proventibus muniri, omnibus necessariis rebus ad defensionem ornari, retinerique possent, adjiciendæ essent; earum alterum, quibus tum Episcopatus cultusque divinus, tum ærarium publicum stabiliretur: tertium earum esse debere statuebat, quæ privatis certo jure deberentur, aut cum iisdem, si hæreditariæ possessiones eorum reipublicæ causâ restitui iis non possent, permutarentur: Extremum quibus benè meriti & quorum præcæteris in hoc bello opera eminuisset, virtutis causa donarentur. Inde militibus magistratus & præfecturæ quæ vacabant collatæ: quibusdam stipendia assignata fuerunt. In toto autem hoc bello id à Rege observatum fuerat, ut si qui in eo peri-

issent, qui publicas possessiones jure aliquo tenerent, easdem liberis eorum quamvis infantibus, partim etiam puellis confirmaret; multis etiam ex plebe cum superioribus expeditionibus, tum maximè hac ob præclara facinora aliqua nobilitatis jus datum fuit; qui cum plerique à Samoscio in insigniorum communionem recipi se peterent, viris fortibus non invitatus tribuit, ut cum ipsi ante virtute sua nobilitate dignos se fecissent, à se gentis suæ insignibus non indigni judicarentur; iisque aliqua re auctis, vel minoris, aut aliquantum immutatis, qui id à se petissent, plerosque donavit. Quibus ita constitutis cum Rigensibus de iis rebus, quas in adventum Regis rejectas supra ostendimus actum fuit.

Occuparat civitas à morte Archiepiscopi Wilhelmi, cum sedis ac templi Archiepiscopalis possessionem, tum omnia quæ ad id pertinerent, jura ac proventus; adque Augustanæ Confessionis formulam omnia templa revocarat.

De hoc capite ita convenit, ut D. Jacobi & quæ proxima ad illam est, Div. Mariæ Magdalenz ædes ad Catholicæ religionis usus cum omnibus, quæ antiquitus ad eas aliquo jure spectassent, proventibus redirent: penes civitatem curia, quæ Archiepiscopi fuisset, propè muros urbis sita unâ cum domibus Canonicorum, ac arcibus desertis, quæ ante id collatæ non essent, permanerent: Cum verò census aliqui annui percipi olim publicè iis ex locis soliti fuissent, ut eorum nomine certam pecuniam annuam D. Jacobi ædi ejusdemque sacerdotibus civitas penderet. De vallo, quod contra arcem civitas objecerat, assensum à Rege fuit, ut eo quo nunc esset loco maneret; cumque se quoque ab omnibus partibus arcem vallo circumdaturum ostendisset, id solum adjectum fuit, ut ad ejus modum, quo arcem muniturus esset, urbis quoque vallum æquaretur: ab eademque arcis parte in muro urbis porta aperiretur.

Inter Curlandiæ etiam Ducem, ac civitatem de navigatione, ac portorio controversia erat: cum ille per fluvium, qui ex ditione ejus infra Rigam in Dunam illabatur usum portus Rigensis, merciumque exportandarum jus ac immunitatem sibi defenderet, Civitas negaret. Eos ut inter se componerent, hortatus Rex fuit: quod, si convenire non posset, in comitiis cognitum de ea se ostendit. Venerat Rigam & Magnus Dux. Hic ejus quam possidebat, Livoniæ partis confirmationem petebat; atque homagium accipiendum, ac juramentum præstandum sese offerebat.

Ostensum huic, more majorum non nisi in comitiis id fieri posse. Ultimo loco nobilitas desideria sua ad Regem detulit. Quæ cum ad universæ provinciæ statum

statum pertinerent, responsum & huic fuit, humanitatem ipsam postulare, ut cum ordines regni tantum laboris, atque sumptus in provincia ea liberanda suscepissent, ne sine eorum autoritate iis de rebus statueretur.

Angebarur potissimum animo Rex, ne cum Moscus, qui in finibus Livoniæ ex prædiis Livonicis, quæ deduxerat, non contemnendas copias coactas habebat, Narvam iis oppugnaturus diceretur: si minus fortè paratus tum Suecus esset, minusque ad resistendum virium haberet, utriusque eam perderet. Itaque mox Petrum Visgerdum Lithuanum cum literis ad Moscum mittit; ostendit, accepisse se ex legatis suis, quos Sapoliz habuerit, pacem inter eos, atque ipsius legatos certis conditionibus convenisse: eam se ratam habere: cum autem arces Livonicas, quæ à Sueco tenerentur in conditionibus præteritis intelligeret, si à Mosco oppugnarentur, jus suum ac Reipublicæ, quod semper exceperit, negligere se non posse: id se pro sua fide ac religione dissimulare non debuisse: hortari ne fortè ea res pacem turbet, ut dum majores legati, qui pacem utrinque firmaturi sint, ac si quid dubitationis in conditionibus adhuc sit, de eo cum illo conventuri, ad eum perveniant, omnem vim ab illis absteineat. Constituerat iisdem de rebus Regina ad Sororem Sueciæ Reginam, per Christophorum Varfavi-cum literas dare.

Cum tardaret, Rex qui in ea, cum voluntatis Mosci, tum aliarum rerum incertitudine nullam moram interponi volebat, non dubitandum sibi existimabat, quin Dominicum Alamannium Culinz præfectum, quàm primum ad Suecum mitteret: præcæteris idoneum ad legationem hanc ratus, quòd ab eo jam tempore, quo primum de matrimonio inter Regem Sueciæ Ducem tum Finlandiæ & Reginam Catharinam per Joannem Baptistam Thencinium potissimum actum fuerat, Alamannius, qui in familia Thencinij tum fuisset; indeque tam Regi quam Reginæ notus esset; Reginæ etiam, apud quam potissimum negotia hæc propter summam cum regno Poloniæ necessitudinem, & quod non parum apud maritum posse existimabatur, agenda videbantur, non ingratus putaretur. Summa legationis erat, ut repetitis iis, quæ ab initio belli utrinque intercessissent, tertij anni bellum nullam aliam ferè ob rem, quàm solam Narvam ac ut communi pace Suecus comprehenderetur, à Rege susceptum ostenderet, reliquam enim Livoniam ferè omnem legatione Vilnam ad Regem missa jam ante Moscum cessisse; eò magis contra opinionem Regis accidisse, quòd dum ad Plefcoviam cum exercitu Rex esset: quòd iturum se pro mutua necessitudine amicè ante ei aperuisset: hostemque ab omni auxilij suis in Livonia ferendi facultate exclusisset, cum ab aliis potius partibus in Moscoviam illum irruptu-

rum expectasset, non modò Narvam, ac vicina castella, præfidiario milite, quem Plefcoviam, ex prædiis omnibus hostis contraxerat, nudata, commeatuque ac omni spe auxilij destituta; sed Veissensteinium quoque quòd jam hostis cessione Regis esse scivisset, dissimulatis literis regiis, ac iis ferè copiis, quas Gedani magna ex parte ministri ejus conquiverant, occupasset; Parnaviam obsidisset: Potuisse Regem, si id tentaturum eum præscivisset, & sumptu & labore ejus anni belli superfedere: jam verò & cursum rerum præclare contra Moscum geri ceptarum, & obsidionem Plefcovienlem, cujus cum graviolem partem jam superasset, facile reliquam etiam superaturus fuisset, interrumperet, ac sine ipso etiam pacem facere necesse habuisset; ne dum pro ejus commodis laboraret, majus in Livonia incommodum, de qua solum bellum tum erat ab eo acciperet; pro quibus injuriis omnibus ut Regi rei que publicæ satisfaceret, postulare jussus fuit.

Secreto mandatum ei fuit, ut cum hæreditatis Sigismundi Augusti: Pecuniarum ei creditarum: dotis ab eodem promissæ, nec dum numeratæ, aliarumque rerum quarundam petitionem Suecus relaturus existeretur, ostenderet quidem, aliam earum rerum petendarum rationem esse, certumque de iis jus, ac morem judiciorum antiquissima regni consuetudine receptum: aliam injuriarum, quibus ab illo rex affectus esset; quæque cum iis rebus nihil commune haberent: Si tamen ita animatum videret, ut de Revalia quoque ac omni jure Livonico simul decidere paratus esset; dotis & mutui, quòd peteret, solutionem sine ulla exceptione ei promitteret: reliquarum controversiarum disceptationem communibus arbitris & Regem permittendum: ut communi etiam pace comprehenderetur, apud Moscum elaboraturum ostenderet; quòd sine iis quidem conditionibus permoveri se pateretur; vel pacem cum Mosco certam opera Regis ei fore, vel mille equites in bellum Moscoviticum, sumptu suo Regem ei præstiturum; recipe-ret: ex eorum nimirum genere, qui beneficiis Sigismundi Augusti ornati, haud inviti in militiam eam conventuri essent, idque pro libertate gentis Polonicæ salva pace publica suo arbitratu facere possent: Stipendio autem ac sumptu Regis tandiu futuri apud eum essent, quoad eadem pace, quam cum Rege haberet, ipsum quoque Moscus comprehenderet; quòd si eo tempore de Livonia, quam teneret, universa transigere Suecus alienum existimaret; docere jussus fuit, non reculatorem Regem, quo minus communium amicorum interventu quicquid inter eos esset controversiæ, componi pateretur: Si quid etiam debere illi videretur, præstaret: modo de Narva interrim in omnes casus utriusque satis prospiceretur:



ne dum ipsi inter se de ea disceptarent à Mosco occuparetur. Id ea ratione commodissime fieri posse, si Regis præsidium in eam immitteret. Cum enim Moscus propter pacem, quæ cum Rege ei esset, si præsidium regium Narva receptum fuisset, oppugnare eam non posset, non modo Narvæ, sed aliorum etiam præsidiarum suorum Livonicorum, quibus Narva objecta esset, securitati sine incommodo ac molestia sua eum consulendum: Simulq; omnibus copiis suis conjunctis, ad defendendam Finlandiam longè futurum paratiorem; sine arces controversiæ contra vim hostilem defendendæ ei essent, nec copiarum in diversa præsidia distrahendæ. Interim de arbitris inter se conventuros: & vel minutum controversias omnes eorum interventu iri; vel si tolli eæ non possent, Regem Narvam illi redditurum, aliasque juris sui persequendi rationes initurum; ne verò fraudi ei esset, quod propter commune periculum, Narvam sibi tradidisset, idoneè in eum casum ei cauturum.

Profecto jam Alamannio, Varlavicius cum literis à Regina Rigam venit. Dedit & huic Rex eadem ferè, quæ Alamannio data fuerant, ad Sueciæ Regem mandata. Jussit autem, ut si priorem legatum aliquid conficuisse intellexisset, non exposita legatione se reciperet: Si infecta re dimissum comperisset, ostenderet; quod majores legati eo ipso tempore in Moscoviam à Rege mitterentur: comitia etiam brevi indicturus Rex esset; summam illum, & ut pace à Mosco comprehenderetur, & de aliis rebus suis cum ordinibus agendi facultatem habiturum: hanc causam fuisse Regi, ut etsi jam ante iisdem de rebus legatum ad eum misisset: tamen & Regiæ conjugis suæ precibus, & mutua necessitudine adductus, denuò se ad illum mitteret: hancq; explicandarum omnium harum controversiarum opportunitatem ei significaret. In conditionibus nihil, quemadmodum ostensum est, mutatum fuit. Antequam Riga Rex discederet, majores legatos, de quibus dictum est, in Moscoviam designavit, Joannem Sbarasium Palatinum Braslaviensem, Nicolaum Taluossium Castellatum Samogitiæ, Michaelem Haraburdam. Mandata hæc iis data fuerunt, ut juramento in pacem à Mosco exacto, de Sueciæ præterea Rege eadem pace comprehendendo agerent. De Narva autem, ac aliis castellis Livonicis, quæ à Sueco tenerentur, si tentaturus ea Moscus esset, quemadmodum per literas Rex jam ostendisset, non de futurum iis Regem, vel etiam pacem, frid fieret, ratam habiturum testificarentur.

De captivis quia ante Moscus postularat, ut utrinque pariter captivi redderentur, non parem utriusque captivorum rationem esse ostenderent; cum in Regis potestate præcipui ipsius ductores essent; Ille ex Regis in-

signiorem nullum: ex nobilitate paucos: reliquos ex promiscua plebe haberet. Itaq; ut vel Savolociam ac Nevelam, aut alterutram saltem eorum Regi pro illis permitteret, postulerent; cum ante integrioribus adhuc rebus suis pro paucioribus captivis Usuiatam ac Jelerisciam obtulisset, quarum hæc nondum in potestatem Regis venisset; vel cum ipse ante Sigismundi Augusti temporibus certa pretia in singula capita exigere solitus fuisset, eodem exemplo suo suos nunc redimeret. Revenit sub idem tempus Rigam à Mosco ad Regem Poslevinus, multis incommodis & ærumnis peregrinatione ea perfunctus. Laborarat hic potissimum apud Moscum de dissensione, quæ à Romana Ecclesia, sicut cæteri Orientales plerique ita Moscus quoque dissidet tollenda: adque Ecclesiæ communionem eodem reducendo: tum pro suo in rempubl. Christianam studio, foederis contra Tartarum cum Rege sanciendo ultro mentionem intulerat; quidque animi Moscus de conjungendo contra barbaros bello haberet, explorarat. De extremo hoc ostenderat Moscus, pacem jam cum Tartaro se fecisse. Venere una cum Poslevino Legati ad summum Pontificem ac Rudolphum Rom. Imper. à Mosco missi: altericem quem Constantinopolim, cum muneribus quibus eadem filij expiaret, ad Patriarcham Constantinopolitanum ablegarat. Utrisque literæ comineatus publicæ datæ fuerunt. Remisit iisdem etiam fere temporibus ad Regem Matthiam Prevostium; qui cum literis, quibus ipsius Rex respondebat, de quibus supra dictum est, Savolocia ad eum missus fuerat: & mercatores, quos per tempus belli retinuerat.

Ad literas paucis respondit; intelligere se, eas in medio ardore belli ad se datas, asperius aliquantò scriptas esse: jam cum pax atque amicitia utrinque restituta sint, ad eas, quas bellum tum nonnihil exasperavit, pacis tempore respondere necesse sibi non arbitrari; quod eum etiam, qui literas attulisset, tamdiu retinuerit, cum propter bellum armis viæ omnes obsessæ fuerint, fieri aliter à se non potuisse. Dimissis legatis, quos ad describendam provinciam designatos supra ostendimus, Vilnam Rex profectus fuit. Ibi legationem Tartaricam audiit, quæ à Mahomete Chiereio Tauricanorum Tartarorum principe haud multò ante venerat. Petebat donativa: de Kosakkorum injuriis & vexationibus querebatur; quæ quidem etsi extiterant non infrequentes: augebantur tamen ex industria à Tartaro; quo domestici metus, ac vicini periculi simulatione longinquam Persicam militiam effugeret, in quam à Turcarum principe sub idem tempus evocabatur. Respondum à Rege fuit, donativa more majorum datum iri; iisdemque quibus antea fuisset, legibus, pacem cum illo futuram. De Kosakkis idem etiam, quod ante aliquoties ostensum;

sum; manum hominum ex diversarum gentium colluvie coactam, vagam, ac nullis cæcis sedibus consistentem, nullius etiam in potestate esse: ut tamen quantum fieri ejus posset, ab injuriis & infestatione prohiberentur, sedulo ac cum fide operam datum iri. Insolentius id à barbaris acceptum fuit, responsoque audito, princeps legationis in ipso quasi discessu publicè testificatus est, ut omnia fierent, nisi tamen Kosakki in officio continerentur, pacem se non servaturos. Jam ante minoris Poloniæ, ac Russiæ nobilitas, legatis missis, de tributo in suis conventibus à se decreto certiorum Regem fecerat. Hoc verò tempore priusquam Vilna Rex discederet à majoris quoque Poloniæ, Moscovitiæ item, ac Podlasiæ nobilitatis legatis aditus, de simili tributo in illis quoque conventibus lancito cognoscit.

Gratias utrisque actæ, deque animo in rempubl. Regis optimè sperare jussi fuerunt; cuius constituendæ ac Livoniæ simul, quam communi omnium consilio, ac ope partam, communi etiam ordinum judicio Rex refervasset, ordinandæ causa intra eum ipsum annum comitia Regem habiturum in responso ultimis hæc dato adjectum fuit. Quibus de causis, quibusque cum mandatis tum ad Moscum Visgerdus Lithuanus, tum ad Sueciæ Regem Alamannius à Rege missus fuerit, supra ostendimus. Moscus literis Regis, quibus, ut à Narva cæterisque Livonicis præsidiis abstineret, hortatus eum Rex fuerat, statim assensus fuit. Apud Suecum ingrata legatio fuit: nec multum in Regina etiam ad mitigandum animum ejus præsidij fuit; cum præterquam quod iracundia ejus omnes ad placandum eum aditus omnibus obseperat, de injuriis, quibus ob non præstitam dorem hæreditatemq; fraternali, ac non comprehensum pace maritum affectam se existimabat, ultro quereretur. Itaq; cum ea Alamannius inde renuntiaret, ex quibus istas quoque res ultra superiores injurias magis exasperatas appareret, Rex, qui Vilna Grodnam jam venerat, Senatoribus plerisque eò evocatis, ex illorum sententia comitia eò maturius indicenda statuit, in quibus de Sueci etiam injuriis ad ordines referret.

Interim in Livoniam ad magistratus & præfectos, quo loco res essent pericriptum; utq; viderent, ne per negligentiam detrimenti quid acciperetur, moniti fuerunt; cum Lithuanis actum, ut si quis præter opinionem in vicina Livonia motus accidisset, suppetias ferrent: cum Duce irem Prussiæ; ut finitimo & ipso Livoniæ principe per Reinoldum Heidensteinium eadem communicata fuerunt. Cumq; majores legati ad Moscum missi, quibus mandata de pace Sueciæ Regi apud Moscum conficienda, data supra ostendimus, itinere jam essent; ne ullam ejus rei mentionem facerent, & ipsum rem suam agere per-

mitterent, per celerem tabellarium significatum iis fuit. Grodna sub mensem Augustum Varlaviam Rex processit; eò Varlavicius quoq; à Suecia eodem, quo Alamannius, legationis exitu ad eum venit. Ibidem verò dum comitiorum diem expectat, Jancala Valachiæ Palatinus in potestatem ejus venit. Hic quemadmodum supra demonstratum est, à Saxonibus Transilvanicis, loco humili & obscuro ortus. Valachiæ principum genus ementitus fuerat, Achmetis autem Bassæ opera provinciæ ejus principatum nactus, cum ab initio statim, quo animo erga Regem futurus esset, ostenderat; Præterque decessorum suorum morem nullos unquam legatos ad Regem miserat: tum postea variis injuriis Regem, hominesque ejus affecerat: literas Regias ad Turcarum Imperatorem aliquoties interceperat: resignarat: resignatas remiserrat: Regem Senaturnq; regni omnibus modis in odium ac invidiam adducere conatus fuerat: in finitimas aliquot villas nobilium latrocinis, ferro, ac incendio grassatus fuerat: homines regios, qui rerum suarum repetendarum, jurisq; obtinendi causa ad illum venissent, pulsatos in carcerem conjecerat; quibus injuriis cum Rex permotus, quemadmodum ante ostendimus, Turcarum Imperatorem de iis appellasset; utque illum à Valachia, à finibus molestiam hanc amoveret, ex dignitate alioquin sua consilium capturus, postulatisset, res dilata fuerat.

Hoc tempore in aulam Turcicam successore ei summo evocatus, compilata provincia, omnibusq; rebus convasatis, ac manu aliqua hominum facta in Cæsareæ ditionis Ungariam transfugere constituerat; qua recta transeundum illi erat à Transilvanis obsessas vias existimabat. Itaq; cum ambitu capto per Pokutiam Poloniæ ditionis provinciam perturbare conaretur, atque ab ea parte Nicolaus Jaslovecius præfectus Sniatinensis, alijque nonnulli ex ditionibus regiis fama fugæ ejus exciti eum persequerentur, ab iis captus Leopoli quoque deductus fuit. Scripsit mox Rex ad Nicolaum Seniavium qui finitimæ militiæ in Russia præerat, ac Nicolaum Herbertum præfectum Leopoliensem, ut jure gentium supplicium de eo sumerent bona publicavit: misitq; quæstorem Palatii Hiacyntum Mlodseviem, qui in publicum ea redigeret; uxori & liberis alimenta annua constituit. Appetuit interim tempus comitiorum. Ea in ante tertium mensis Octobris Rex indixerat. Nam cum in adventum tantum majorum legatorum, quemadmodum Rex postularat, oppugnandæ Narvæ impetum suum repressurum se Moscus promississet, ne si majores legati idem tenere non potuissent ad consilium pro tempore capiendum imparati or esset, non committendum sibi arbitrabatur, quin primo quoque tempore ad ordines de eo referret.



Præterea verò provincia Livonia magistratibus ac legibus fundanda, præfidiis, commeatu, instrumento omni bellico, aliisque contra repentinos casus ad defensionem necessariis rebus providenda erat: munitiones collapsæ instaurandæ: novæ instituendæ: quæ & in regione partim continuo tot annorum bello vastata, partim ab hoste ita tradita, ut quæ armis ab invitis exprimuntur, tradi solent, omnia deerant: & Rex ex omnium ordinum sententia quemadmodum supra ostendimus constituenda sibi existimabat. Adhæc non nihil Tartari etiam, de qua supra dictum est, bellum denuntiantis oratio eum commovebat. Ad quam cum crebri etiam rumores ex Russia de tumultu allati accessissent, ita ut in procinctu jam Tartari esse nuntiarentur, jam ante quidem viginti duas turmas equitum, qui ad Plefcoviam stipendia fecerant, ad Seniavium præfectum militum Russicæ præmittere Samoscium jusserat. Ut verò in præsentia arma ab illis non sumerentur: qui tamen facili momento impelli eos videret, ut in ditiones suas transirent, dignitatis nihilominus suæ esse statuebat, ut pro fama rerum à se gestarum ea consilia suscipere, quibus illos suis quoque rebus timere faceret: remque publicam non modo ab incursionibus eorum, sed metu omni vastationum in perpetuum liberaret: rationesque quibus id salva pace Turcica fieri posset, proponere, de iisque cum ordinibus agere in animo habebat. Stipendia præterea militi solvenda erant. Et si enim in conventibus particularibus tributum hanc in rem decretum fuerat: longè minus tamen ex illo redigebatur, quàm in ea ipsa, ac alia debita nonnulla sufficeret: resque per se opinione minor, exactorum præterea quorundam seu negligentia seu culpa, quòd vel minus quàm deberent, vel tardius ea inferrent, minui dicebatur de quibus & ipsi ut cognosceretur, necessario ad ordines referendum existimabat. De certa interregnorum ac electionum ratione stabiliri, etsi quid publico nomine superioribus comitiis à se postulatum fuisset, & ipse receperat, memoria teneret: hoc tamen tempore, quo superiorum interregnorum vulneribus nondum plane cicatrix obducta esset, ad eas res accedere, quæ sine eorum vulnerum attritu agitari non possent, intempestivum ei videbatur.

Etsi autem idem majoribus quoque Senatoribus plerisque, cum pro more per literas prius sententias eos rogasset, videretur: quod tamen prioribus comitiis enixè id à se nuntiis nobilitatis petentibus relaturum se de eo receperat, non posse se jam à priori promissione sua recedere existimabat: eademque cum de concordia etiam inter sacrum & profanum ordinem tentanda ipsius sententia fuisset, ut ab ejus temporis ratione alienam tractationem eam existimaret: iisdem quas ostendimus, de causis, id tamen caput etiam feren-

dum ad ordines susceperat. Addidit his si quid judiciorum rationi deesse videretur, aut quam illa emendationem desiderarent, operam suam hac quoque in re reipublicæ non defuturam, quæ quia magis ut ordinum studiis, ac suæ in eos voluntati satisfaceret, adjecebat, summam deliberationem omnium ad ea quæ priori loco recensuimus, capita refererebat.

Hæc postquam primò ad Senatores, indè ad conventus nobilitatis, qui in singulis Palatinatibus ante comitia ex more haberi solent, delata fuerant, non eodem ab omnibus animo accepta fuerunt: iidemque ferè animorum motus, ac hominum sermones renati, quos in superioribus comitiis nonnullis, extitisse ostendimus. Alij quod suffragio suo in electione Regem sublevassent, cum regnum ipsum eum sibi debere existimarent, minus vel se expectatione suâ, vel quæ ipsi concupissent, alios consecutos dolebant. Non pauci ad hos daveriarum partium superant, qui in superiorum interregnorum contentione victos se meminissent. Quidam qui in concionibus, ac conventibus nobilitatis plurimum hæcenus potuerant: nomen gratiamque in vulgus ac opes inde paraverant, omnia præmia in milites conferri missitabant: iis artibus quibus ipsi plurimum pollebant, nullum amplius locum relinqui molestè ferebant. Universæ verò nobilitatis animi, ut qua quisque re maxime permovebatur, ita variè afficiebantur. Alij non id agi jactabant, ut de modo aliquo electionis tractaretur: interim cum regio imperio alienæ potentis vicarius ac adiutor constitueretur, Samoscium notantes: huc devinctos beneficiis milites spectare: retentos in pace ex iisdem non paucos a Samoscio, ut oppressa per metum nobilitate per vim ac arma regnum occuparetur.

Diverſum de religione sentientibus libertatis ejus imminutio, circumſcriptionisque metus objici. Judiciorum emendatione non correctionem aliquam à Rege quæri, à nonnullis disputabatur: sed quo cum in universum ea sustulisset, ad se denuo ea transferret, omniaque secus omnino accipiebantur: Ita ut alia ejusdem rogationis capita, quæ regiis opponerentur, detorto ad metum injiciendum lentè in vulgus à quibusdam ederentur: erumpente nonnihil inter hæc invidia etiam in Samoscium. Publicè quidem plerique honores Ungaris collatos exagitabant: Landskoronam ferè designantes, quam vidua Gasparis Bekeſij marito, qui in castris ad Polotiam ob virtutem jure nobilitatis Polonicæ donatus fuerat, ac fratre ejus Gabriele, qui in irruptione Plefcovienſi perierat, amissis, unâ cum orbis liberis tenebat: & sub id tempus Francisco Vesselinio nupserat. Interim non deerant, qui Regi, si de successore agi vellet, operam suam ultro deferrent, cumque Rex, etsi ita de Republica se meritum sciret, ut non minus

minus, quàm aliorum Regum, suæ quoque familiæ ratio haberi deberet: ab hoc tamen tempore id tentare alienum, studiaque ordinum ultro potius expectanda sibi existimaret: spreto se rati: ac aliorum opera confici id posse Regem sperare, eò magis incendebantur. Nobilitas etsi quid maximis Regis in se ac Rempubl. beneficiis deberet, agnoscebat: libertatis tamen aliarumque charissimarum quarumcunque rerum metu injecto hæſitare: cunctantiusque agere: omnia denique suspecta habere.

His igitur animis cum in comitia ventum esset, Samoscium pro munere cancellarij verba nomine Regis faciens orſus à voto, quod cum ex superioribus comitiis discederetur, ipsi fecissent, quoque ut salvus atque incolumis ab expeditione ea Rex ad se rediret, ac ipsi lætis animis in mutuos amplexus ruerent, optarant: quod à Deo contenderant, ita cumulatè iis præstitum, ut non modo incolumem salvo exercitu, sed re etiam benè gesta, immortaliq; gloria parta, reversum ex hostico Regem viderent: quod in ipsorum potestate totum fuisset, ut mutuis gratulationibus, ac fraterna benevolentia se exciperent, certorum hominum malevolentia impeditum ait, quorum opera id factum sit, non arbitrari: nunc sibi inquirendum: videre autem jam Petilios in Republ. quosdam existere: Optandum ne mox Catilinæ etiam aliqui existerent, quæ præfatus, domesticarum rerum nihil aliud hæc comitiis proponendum sibi Regem statuisse docet, quàm quæ ipsi non modò vivente adhuc Sigismundo Augusto, ac superioribus comitiis Andreiopolitanis, ut ferrentur, sanxissent: sed postea etiam cum sæpe alias, tum in proximis comitiis flagitassent: Itaque illorum precibus Regem adductum de modo liberæ ac ordinatæ electionis referre. Cum de ratione certa eligendorum Regum statuere eos debere diceret, non id dicere, ut de relinquendo jure electionis, ac patrimonio hoc libertatis, quo nihil à majoribus eorum relinqui iis potuerit præstantius, cogitarent: sed quomodo eam, quàm maxime integram conservarent: & in perpetuum munirent, quæ cogitatio num necessariò ab illis suscipi debeat, non aliorum exemplis, confirmandum sibi existimare: eos ipsos, si superiorum interregnorum actiones, ac gravissimum discrimen, in quod Respublica adducta tum fuisset, secum perpendant, æstimaturos: nullam hic Regis rem agi, sed propriam ipsorum: optare tamen se, ne huic suo tempori desint, superiorumque annorum benignitate divina, qua mirabiliter Rempubl. conservatam intelligant, ad futurorum potius consiliorum spem se erigant, quàm ad securitatem ac negligentiam abutantur.

Quòd si artibus quorundam in suspicionem mentes eorum adductæ, quemadmodum ægri-

salutares cibos, ita ipsæ sana consilia concingere non possint, totum in ipsorum potestate futurum: seu statuere quid hac de re velint, seu omnino eam relinquere. Eandem de altero capite, concordia inter ordines facienda, quod secundo loco proponendum Rex judicasset, sententiam ejus esse. Optimè ipsos meminisse, quo studio & in Andreiopolitanis conventu, ut deinceps de eo referretur, egissent, & quantopere postea idem à rege contendissent.

In communi omnium ferè regnorum, ac horum temporum fato nos præcipua tamen fortuna usos, ut concordiam civilem egregiè hæc usque tutati simus: hanc hæc rebus teneretineri: ut ab injuriis & contumelia utrinque abstineatur: jure ac causa cognita non vi aut extra ordinem quid statuatur: maxime verò, ut quid cujusque est, omnibus tribuatur: Id autem tam ad bona, quàm ad honores etiam ac prærogativas pertinere: hac una re justitiam perfici: Justitiam fundamentum esse Reipubl. & qua illa contineatur concordia, Nemini dubium esse, quin duobus hæc ordinibus ecclesiastico & civili respub. hæc potissimum subsistat. Proinde ipsi, quorum res ageretur, viderent, suscipiendamne an relinquendam hujus rei deliberationem existimarent. Judicis num quid deesset, omnium optimè ipsos, qui in eis versarentur, judicare posse: non posse sane dissimulari, ita brevi tempore calumnias in iis crevisse, ut non pauci gravioribus studiis relictis, totos se causidicis ac captionibus excogitandis, quibus alios irretirent, dare dicantur. Regem operam suam, si qua in re emendatione opus habeant, iis detulisse: qua, si placeret, uterentur: invitis Regem eam non obtulurum. Ingressus deinde in orationem de Livonia, statuque omni ejus demonstrato, quid cum Mosco hæcenus de locis, quæ a Sueco tenerentur, actum esset, commemoratisque Sueci injuriis eò potissimum incumbit, ut quo nullum in ea vicinum inveterascere patiantur, iis persuadeat: omnem societatem imperij infidam: in provincia nuper parta, dum animi hominum adhuc dubij, nondum legibus ac institutis coaluerint, periculi plenam: neminem prudentem in novam provinciam ejusdem præsertim cum indigenis linguæ ac nationis vicinum admisisse: aut qui admiserit, non eum statim poenituisse.

Inde de Tartari minis Kosakkorumque, qui subinde bellum Reipubl. confarent, injuriis refert. Fuisse Superioribus comitiis rogationem latam, qua extraordinaria Jurisdictio ad certum tantum tempus permissa Regi fuerit: aut illos in officio continendos, aut de bello cum Tartaris suscipiendo cogitandum. Extremum de stipendiis militum fuit. Scitum quidem superioribus conventibus tributum: id num in stipendium, ac nomina apud exteros Principes facta dissolvenda: in defen-



defensionem Livoniæ: bellum Tartaricum sufficere: per quos item sterisset, ut tardius & minus quam deberet, illatum fuisset, ipsi inquirerent; in erogando quidem & fidem, & diligentiam summam reperturos: ita milites meritos ait, ut ante omnia ipsis consulere debeant, qui pro gloria ac dignitate nominis Polonici non modo cum ferocissimo hoste, urbeq; omnibus rebus munitissima sævissima hyeme, cum aeris coeliq; injuriis, ac natura ferè ipsa ab omnibus rebus imparati, ac seminudi ferè propugnant: Nihil hic se de Livonia dicturum provincia olim florentissima, ac nunc etiam omnibus opportunitatibus abundante per ipsorum constantiam parta; quantum apud externos nomen ipsorum virtus omnibus pepererit, eos ipsos testes esse posse, qui, quæ post discessum Henrici, cum Tartari metu ac trepidatione omnia complerent, authoritas eorum apud externos fuerit meminissent; & quæ nunc de virtute eorum existimatio omnium sit, intelligerent; postquam potentissimo hoste superato, amissas aliquot provincias recuperarint, novas adjunxerint. Nec tamen plura hæc à se fieri, quam quem iis ipsis parandis simul reipubl. acquisivisset, plurimorum fortium virorum inestimabilem thesaurum; qui ita jam & animis parati, & in armis exercitati sint, ut nullum tantum periculum existere possit, quod non promptissimo animo pro republ. suscepturi sint: Horum spem ne destituerent, qui ne dignitatem nominis Polonici jacere paterentur; fortunas omnes suas, sanguinem vitamq; ipsam profunderè non dubitarint: denique non alienis hominibus beneficium præstuturos, sed necessariis, fratribusq; quæ virtuti ac laboribus eorum deberentur, stipendia persolutores. Hæc esse de quibus referendum Rex existimasset; viderent nunc ipsi, num cum iis, quæ alieno nomine in vulgus à nonnullis sparsa essent, convenirent.

Conversus deinde ad Regem, optare se, inquit, ut pro tantis ejus rebus gestis, vel ea gratia ei referretur, quæ in bene morata, ac grata civitate pro multo minoribus non Regi, ac tam amanti Reipubl. Regi, sed cuicunque exercitus Duci referri solet: non egere tamen animi magnitudinem ejus consolatione sua: plus enim in illa præsidij ad quoscunque fortune impetus, ac malevolorum injurias perferendas esse, quam in illis ad eam frangendam vitium: Non esse dubitandum has ipsas quorumcunque hominum injurias illustraturas magis laudem atque nomen ipsius: Quem enim, qui ipsius res gestas olim cognosceret, non magis, quod in tot à quibusdam objectis difficultatibus, tantas res gerere potuisset, quam quod omnino eas gessisset, admiraturum? esse animi magnitudinis ejus, ne injuriis quidem absterri se pati, quo minus quemadmodum perpetuò fecisset, porro bene de republ. mereri pergeret. Milites

allocutus, non debere eos existimare ostendit, tam ingrati animi notam, tantamq; injuriam in tam fortibus ac bonis civibus hæere posse: Ultimo loco nuntios hortatus fuit, ut cum primis publicæ dignitati, atque utilitati studerent. Optare se inquit adesse alios, integros ac bonos etiam cives, quorum magna præter ipsos multitudo esset, quidomi liberis suis educandis ac domesticæ rei operam darent, facile se iis persuasurum, nihil ut reipubl. commodis potius haberent, eorum omnium partes illos suscepisse, tantoque magis in omnes res intentos esse oportere, quibus reliqui, qui domi remansissent, non suam modò ac suorum, verum reipublicæ etiam salutem commisitissent. Peracta rogatione, sententiæ à Senatoribus dici ceptæ fuerunt, ut de ratione electionis, cæterisq; quæ proposita fuerant, perferretur, omnes ferè statuere; duobus tantum exceptis, quorum alter nullis hominum consiliis à Deo regna mandari; alter, non posse ulla è republica ac ne oportere quidem ambitum excludi censebant. In nuntiorum nobilitatis concilio principiò Cancellarij oratio exagitata fuit; maxime verò, quod jam Petros nonnullos esse dixisset, videndum ne mox etiam Catilinæ existerent. Cum contra ab aliis ostenderetur, non universum ordinem, sed certos homines, ac ne homines quidem sed vitia notata; à quibus qui abesse se intelligeret, orationem quoq; eam ad se non pertinere sciret, res discussa fuit. Negotium inde Suentoslao Orfescio datum, qui totius nobilitatis nomine pro bene gesta republ. gratias Regi ageret; deque sermonibus, qui contra dignitatem ejus à nonnullis habiti, aut in vulgus sparsi dicerentur, ei satisfaceret, qui cum in hujusmodi orationem ingreßus fuisset, ut in authores eorum Regem inquirere, ac cognita causâ animadvertere debere diceret adverso quorundam collegarum murmure, ac mox convitio penè exceptus fuit.

Dere ipsa, maxime de electionis forma certa constituenda variæ inter eos sententiæ fuerunt; quibusdam omnino ferri de eo oportere negantibus; quod in re, quæ maxime libertas contineretur, quoties aliquid fieret, quò minus late ea, quæ antea pateret, libertas ipsa temper minueretur, angustioribusque quam antea fuisset, finibus circumscriberetur, alij contra, ita maxime libertatem electionis stabiliri disputabant, si fraudes atque ambigus legibus excluderentur; præterea tanquam affecta jam re, ac contracta superioribus comitiis tractatione, in primis Andreioviensis fœderis religione objecta eam urgebant: plerique suscipi quidem eam, non finiri tamen volebant: ut quæ de ea dicerentur, ad suos referrent, quò rectius sequentibus deinde comitiis ex universæ nobilitatis sententia statui de ea posset. Dum inter eos disputantibus hisce tempus extrahitur, interim primis

primis octo comitiorum diebus, quibus capitulum rerum causæ nova lege judicantur, elapsis, ad aliarum causarum cognitionem Rex accessit. Adeunt eum nuntij: ostendunt multos contra leges in regiam evocari: ut ex Senatu nonnullis negotium Rex det, qui cum aliis ex suo corpore, quos ipsi iis adjuncturi sint, de evocationibus cognoscant, quæque in ea causa sint, ut aboleri debeant, aboleantur, legitimis ratis manentibus, petunt. Respondit Rex esse magistratus, ad quorum curam hæc pertineant, qui si muneri suo deesse doceantur, non reculare se, quò minus eò, ut alios illis adjungat, descendat: Interim quemadmodum cœperat, porro cognitionibus operam dare pergit.

Prima Stanislai Carnkovij causa ob non relata in thesaurum instrumenta quædam causæ Brunsvicensis, quæ à Sigismundo Augusto in Germaniam missus acceperat, in judicium adducta fuit. Collocata in matrimonium fuerat Henrico Duci Brunsvicensi à Sigismundo Augusto Sophia soror ejus, deq; rebus dotalibus in eventum non susceptorum liberorum restituendis pro more stipulatio interposita. Soluta morte Henrici paulò antè excessum Sigismundi Augusti sine liberis matrimonio, missus ad sororem ab Augusto Carnkovius fuit, qui res isthæc inspicere; consilioque viduam juvaret, quam in rem cum instrumenta pactorum dotalium tradita ei fuissent, penes se ea retinuerat. Obiit haud multo post Sig. Augustus: creatus fuit Rex Henricus: idem mox ex regno excessit. Mortua interim Sophia, sorores Anna Poloniæ, & Catharina Sueciæ Reginæ, successione hæreditatem petere cœperant. Cum aliquot antehos à Julio Duce Brunsvicensi ducerentur, animadversum postea fuit, non in ea causa hæreditatem eam esse, ut successorio jure peti deberet, sed ad Reges Poloniæ, remque publ. pactis, ac interposita stipulatione pertinere: missusque juris ejus persequendi causa ad Duceem Julium, Laurentius Goslicius Decanus Plocensis, cum monumenta ea, quemadmodum jussus erat, tradere ei Carnkovius nolisset; nihilq; præter pauca quædam exempla, quæ ex tabulario Varlaviensi exceperat, proferre Goslicius potuisset, in eo ferè fuerat, ut non satis petitionem suam probare posse videretur.

Itaq; cum jam non modò dere, sed existimatione etiam publica ageretur; eò acius illa à Carnkovio primum per literas, inde petente Samoscio per Stephanum Grudinscium Castellatum Naklensem speciatim eam ob causam ad eum allegatum repetita fuerunt. Cum lenitate sua nihil profici Rex videret, per procuratorem fisci in jus vocari eum jussit. Hæc igitur dum agitur, haud multo post altera ejusdem causâ in cognitionem venit. Ea res ita se habet. Carnkovius hic nobili ac claro loco natus, plurimum in nobilitatis con-

ventibus, apudq; nobilitatem universam gratia ac autoritate poterat, à Sigism. Augusto ad Referendarij munus proventus sub excessum ejus Plocensem Præfecturam acceperat; ac quamvis Anselmus Gostomscius Palatinus Ravenfis perpetuas controversias de ea cum illo haberet, possessionem tamen ejus retinuerat. Post discessum Henrici, Stephano Rege in regnum jam ingresso, ac plerisq; ad Regis auctoritatem se adjungentibus, diversarum partium legatione suscepta, ad Maximilianum Imperatorem in Germaniam iverat: Cum Cracoviam Rex venisset, instarentque apud eum ordines, ut in unum atque alterum, quorum insignior ac præcipua pertinacia esset, exemplum statueret, Præfectura Plocensis Stanislao Kriscio Palatino Masoviæ collata fuit.

Comitiis postea Thorunium à Rege indictis, cum in iis cognitionibus operam dare Rex necesse haberet; more autem majorum ira comparatum sit, ut secundum Cancellarios referendarij munere in iis Reges utantur, Carnkoviusq; nondum rediisset Nicolao Firleio, qui & ipse Cæsareanarum partium fuerat, unà cum Castellatu Becenfi referendariatum Rex contulit. Aliquanto tempore interjecto revocatus ab amicis, maxime fratre Alberto, qui majori Poloniæ præfectus tum erat, literis Regis ab eodem ad fratrem impetratis, in Poloniam Carnkovius rediit: benigneq; à Rege acceptus, optimè de Regis erga se animo sperare jussus fuit: ejusq; quam fecisset, jacturæ, a largiore liberalitate Regis cum accessione compensationem expectare. Interim Roma ad Regem scribitur, coadjutoris Archiepiscopatus Gnesnensis confirmationem, quam certo jure sibi vindicaret, inscio Rege, exteris nonnullis principibus sequestris à summo Pontifice eum petere: Accedebat huc ut dum ad Poloniam Rex esset, in conventu Lublinensi, qui primus tum judiciorum appellationis à nobilitate habebatur, novas res à quibusdam tentatas, præcipuumq; earum authorem Carnkovium fuisse, certissimis indiciis ad Regem deferretur, quæ res non mediocriter rursus animum Regis illi immutaverat. Mortuo interim Jacobo Uchanscio Archiepiscopo, Stanislao Carnkovium Episcopum tum Cujaviensem à quo inauguratus Rex fuerat, ut promisso suo inaugurationis tempore ordinibus à se facto satisfaceret, in illius locum Rex nominavit. Etenim cum in dissensione electionis Uchanscius, ejusq; exemplum secuti cæteri Episcopi præter Cujaviensem omnes ferè diversas partes secuti fuissent: ille ad inaugurationem etiam vocatus parere noluisse: Itaque à Carnkovio coronatus Rex fuisset; petiit ab eo nobilitas, ut dejecto Uchanscio Carnkovium in locum ejus procheret. Respondit Rex, si dissensionis Uchanscij causa id peteret, malle se, quod consecuturum se non diffideret,



deret, lenitate eum adungere: si alterius orandi, post mortem Uchanſcij, quæ homini ætate decrepita non longè abesse posset, testis illis præstiturum, quod nunc incommodiori tempore repræsentari vellent. Carnkovius interim Sniinum possessionem Archiepiscopalem tenebat; eamque cum dimittere nollet, in jus ab Archiepiscopo ad Regem vocatus fuit. Comparere jussus, respondere primum nolebat; dictum fuit, ostenderet, quo jure in possessione esset: nam si coadjutoriam ipsam sibi vindicaret, nemini dubium esse, quin de jure regio Regis solius cognitio esset: Si privato titulo bona ea occupata consideret, ad tribunalia terrestria, quæ de rebus soli ordinariè cognoscerent, remissum iri: petiit interim procurator ejus diem ad instrumenta producenda, quam qui petit, jure, quo utimur peremptorium terminum propria submissione ac sponte sua præfinire sibi putatur. Ad diem non integrum esse sibi illa jam proferre excipit; quod Romæ ea sint, copiamque exhibendorum non habeat. Inter hæc nuntij rursus Regem adeunt: rogant ut evocationes omnes in regiam, exemplo Sigism. Augusti, qui citationes omnes, quæ in causis fisci editæ fuerant, uno decreto tulitisset, inducat.

Postulatum, docerent, quæ ea essent; nolle Regem contra leges cuiquam negotium fieri: neque etiam æquum esse, sine causa iudicium quenquam subterfugere; quod si urgerent, quod ante ipsi petissent; permittere Regem, ut ex Senatu & ipsorum collegio, convenirent, qui legitimas ab illegitimis evocationibus discernere. Illi nihil ad hæc respondent: Secretum saltem cum Senatu petunt. Potestate à Rege facta, idem in Senatu faciunt: postulant, ut quemadmodum dignitate reliquam nobilitatem prærent, ita in adducendo ad æquitatem Rege, tuendoque jure nobilitatis; Principis cæteris antecederent. Responsum, ostenderent, quos contra jus evocatos, aut qua omnino in re Jus nobilitatis minutum putarent; si quid contra leges susceptum probarent, non defuturum Senatui muneri suo. Qui verba faciebat, publicam causam se agere; debere singulos, quam in re privatim injuriam sibi fieri existimarent, pronuntiare dicebat.

Procedit in medium Carnkovius: se contra leges in regiam pertractum ait. Ostensum, quod ad primam causam pertineret, non posse eam ulla ratione sejungi à Republica: repeti instrumenta ab illo fidei ejus commissa; quibus debitum & reipubl. doceretur: repeti eo jure, quo quisque privatus erga eos, qui in ministerium se illi tradidissent, uteretur: qui æquo jure libertatis cum alia nobilitate uti vellet, cui molesta hæc in regiam evocatio videretur, posse cum intra modum vitæ privatæ se continere: domi vivere: abesse à ministeriis regijs; quibus qui se illigasset, indignum

esse eum postulare, ne rationem quidem eorum, quæ ultro suscepit, reddat. Detentorique conditione in publica re Regem esse, quam quemlibet privatum in sua qua tamen de re constitutio Sigism. Primi esset, cujus sententia eo pertineret: repudiari denique totum à publica utilitate, quæ si in rebus, quæ moram nullam patiantur, non prius respublica jus suum consequi possit, quam longo temporis intervallo comitia habeantur, sæpe maximum periculum aditura sit. Alteram maluisse Senatui ad comitia evocatum fuisse: tam verò postquam procurator ejus diem ad monumenta petierit, ultro ipsum omnem sibi præscriptionem Judicij vitandi præcidisse. Ad hæc ille, ad ordines provocasse se, cum ad monumenta provocat: hæc se viva monumenta Reipubl. existimare: ad Senatui deinde redeunt: ut à singulis se præsentibus sententiæ dicantur, petunt. Dictæ hujusmodi sententiæ ferè omnes fuerunt; non rectè facere, qui constitutionem Sigism. Augusti de causis fisci ad regias causas omnes traherent: esse constitutionem, qua actiones, quæ ad personam principis: ad majestatem imperij: jus denique ac possessiones regias pertinerent, diserte à causis fisci, ac vectigalium interversorum discernentur: videndum quæ ea sint, ac num omnino fieri possit, ut promiscuè omnes Rex tollat, cum hac ratione non modò suum ac reipublicæ, sed aliorum quoque jus, in causis quæ ad delationem quorundam susceptæ ad eorundem utilitatem pertinerent, quod in ipsius potestate non esset voluntatibus petentium ista condonaturus esset. Nuntij in suo proposito nihilominus persistebant; perque complures dies disputatione hac extracta frequenter in concilio suo tumultuabantur.

Demonstrabat iis Rex, quanquam iniquum esset, ne discerni quidem inter legitimas ac illegitimas evocationes eos velle; videre præterea etiam se nulla eos hac de re agendi à suis mandata accepisse: permittere tamen ut ad suos referrent, quod in proximis conventibus certi aliquid statui de eo posset: interim rem integram se iis servaturum; neque ulla alias causas præter Carnkovianas duas, quæ in iudicium adductæ jam essent, cogniturum. Erant qui ab Archiepiscopo ob remplorum sacrorumque violationem evocati fuerant; qui eò vehementius sibi metuebant, quod rumor per dies eos sparsus fuerat, constituisse Regem severissimè jus de iis dicere: opinionemque eam Rex auxerat, quod dum in venatione non procul à possessionibus Archiepiscopi esset, Lovicium ab Archiepiscopo invitatus ad eum accesserat, familiariterque per aliquot dies cum illo fuerat; non pauci etiam aliis ex causis evocati cum nuntios, quod facilis iudicio se subducerent, creari se passi fuissent, omnia etiam tentanda sibi statuerant; quò antequam periculum causæ dictionis ad

se

se perveniret, sub Carnkovij persona iudicio omnes eriperentur. Itaque etsi liberabatur metueo, cum præter Carnkovianas causas, nullas alias iudicaturum se rex ostenderet; quia tamen semel ita in causam ingressi fuissent, ut existimationis de se aliorum causa non temere recipere se possent, ne hac quidem ratione ab instituto suo deduci se patiebantur. Alij sermonibus eorum permoti, ut in metu gravissimarum rerum, in quibus libertas agi prætenderetur, tempus aliquod interponi, dum certius de eo cognosci posset, non molestè ferebant, quidam cum in re nihil periculi esse intelligerent, opinionem metuebant; ne tanquam authores libertatis destituisent, in vulgus traducerentur. Fiebat hinc, ut qui omnino ista improbabant, cum ab aliis impugnarentur, ab aliis non juvarentur, in tanta diversâ sententiarum multitudine ipsi nihil possent. Latè nihilominus sententiæ contra Carnkovium fuerunt. Prima jam multò ante, qua monumenta restitueri jussus fuit, in qua causa ne ab ipsis quidem nuntiis magnopere contendebatur. Altera causa cum variè adhuc duceretur, ad id nonnullis decurrendum videbatur; quod post discessum Henrici coadjutoriam impetrasse diceretur; eique rei fidem faceret, quod alterius Posnaniensis Episcopatus nominationem à discessu Henrici in illum collatam, Regi ipse exhibere non dubitaret. Quare cum Varſaviensi fœdere, qui ab absente Henrico quicquam petisset, contra reipubl. facturum cum iudicatum esset, conventionis ejus vi urgendum censebant. Rex ultimo comitiorum die decretum tulit: coadjutoriam sustulit; de possessione, quæ ab illo tenebatur, cognitionem ad ordinaria nobilitatis iudicia, in quibus quo jure eas possideret, doceret, remisit.

Hunc ad modum stato comitiorum tempore extracto, ingenti cum omnium dolore, Samoscio præsertim omnes obestante, Livoniæ saltem Russiæque curam susceperent, ne vel illam magno labore ac sanguine suo partam omni ope nunc destitutam rursus amitterent; vel hanc Barbaris diripiendam proderent; Constantino etiam Ostrogæ Duce, Palatino Kioviensi recentissimos quosque nuntios de Tartarorum expeditione protente, nihil tamen actum fuit. Appellatus per eos dies frequenter à Lithuanis Rex fuit, ut Livoniam Lithuanicæ formulæ faceret. Ubi nec in Senatu, nec in Concilio nuntiorum magnopere à quoquam illis contra dicebatur: in hoc potius non deessent, qui quod Lithuanis adiutoribus facilius, quod contendeant, à Rege extorquerent, non inviti decessuri illis de ea viderentur: Surrexit Samoscus; reliquosque intuitu suo suorumque militum periculis Livoniam hosti ereptam dixit; de quo si qui ambigerent, ad Moscum ipsum se provocare: non dubitare, se vel ho-

stus ipsius professione id evincere: ea igitur ne à regno sejungeretur, si à nemine contradiceretur, se tamen pro omnibus intercessurum. Venerant ad comitia Legati Moscovitici, ut juramentum in pacem à Rege acciperent: quemadmodum regij jam ante ipsorum Principem jurejurando obstrinxerant. Præstitum id à Rege maxima omnium ordinum coronatus, ara in comitio ad id constituta, Archiepiscopoque, postquam tabulæ fœderis à scribis lectæ fuissent, in verba ei præeunte. Præter Juramenti exactionem, ut de captivis utrinque permutandis agerent, mandatum habebant: quod cum tenere non potuissent, ut in locum certum captivi comportarentur, redimendi; eos potestas, quorum essent, fieret, impetrarunt. Reſerebant nonnihil & de finibus controversiæ ex eo potissimum ortæ, quod de Velſienſi agro, ne à Polonicis ordinibus à quorum copiis captus erat, vindicaretur, in Sapoliensſi trêdere à Lithuanicis scribis adjectum fuerat; ut quemadmodum olim is ad Palatinatum Vitepsienſem pertinuisse, ita posthac pertineret: Mosci; ab eo tempore, quo in potestatem eorum Velſium venisset, magnam partem Toropecienſis agri ad eum adjectam contenderent. Placuit ut utrinque legati ad fines regendos mitterentur.

De castellis Livonicis, quæ Suecus occuparat, jam ante per Bojaros Moscoviticos cum legatis, quos ut per totum pacis tempus à cis Narvanis Moscus, ab ultra Narvanis rex utrinque abstinere. Excepti inde convivio fuerunt more majorum, splendidissimeque habiti; hominibus elegantioris cultus ferè rudibus cum epularum magnificentiam, tum apparatus varietatem; multò magis tamen Regem ipsum admirantibus. In tam insigni publicarum rerum perturbatione, seu potius negligentia præ cæteris tamen militum conditio maximè miserabilis videbatur. Plerique enim non modò tanquam ad paratum stipendium, cujus spes facta illis erat, sed ad magnam honorum, ut bene gesta re agrorumque ipem, ij præsertim, qui nobilitate ob virtutem donati, præsidia etiam ista, quibus nobilitatem tuerentur, ac alia præmia speraverant, omnium rerum egentes, ac nudi alienissimo anni tempore eò venerant; ut non pauci è nobilioribus etiam, ad Pleſcoviam occubuisse se malle dicerent, quam ad tantam egestatem, atque omnium rerum difficultatem redigi. Iisdem autem temporibus Joannes Suicius etiam, quem in detentione Pleſcoviæ egregiam operam navasse supra ostendimus, à conspectu principis in abjectus in luctu ac ægritudine erat. Sed militum difficultatibus conquisita undique pecunia, cum ab aliis destitutam ferè Remp. à se tamen deferendam rex nō existimaret, quod ad ejus fieri potuit, occursum fuit; agenteque tum iis Samoscio tanta animorū alacritas innata us fuit, ut non modo diè

S

solu-



solutionis ad Pentecostes proferri peterentur, sed dummodo certo aliquo loco collocarentur, ex quo commeatus sibi suppeterent, si interim Tartari irruptionem facerent, etiam sine stipendio, quocumque ducturus eos Samoscus esset ituros se pollicerentur. Cum jam nuntij discessissent, Rex cum Senatu Livoniae etiam quantam potuit, curam impendit; in quoque à divinarum rerum cura facta, quod plerique in Provincia ea Episcopatus temporum ac bellorum injuria suppressi essent, Vendam, quam potissimum ad accipiendam novam sedem Episcopi idoneam judicabat oppidis, castellisque aliquot ac possessionibus ad eam adjectis, Episcopatu attribuit; àque summo Pontifice, ut Episcopatum autoritate sua ibi fundaret, petijt. Provincialibus etiam jura certa, ac forma provinciae, ut aliquam tamen sui curam habitam cernerent, pro tempore descripta fuerunt. Venerant à nobilitate Legati Varavia: alij praeterea frequentes privati suarum quisque possessionum, è quibus se, vel majores suos à Moscis dejectos dicerent, recuperandarum causa. Summa publicorum postulatorum erat, ut pacta inter Sigism. August. ac provinciae ejus ordines, quo tempore se in potestatem illius dedissent, conventa, rata Rex haberet. Eorum hæc ferè erant capita; ut non nisi Germanicæ gentis in provincia ea magistratus essent. Possessiones quas tum singuli haberent, aut postea consecuti fuissent, quo unquam optimo jure possedissent, possiderent: Jura ac privilegia singulorum integra conservarentur. Addiderunt ad hæc ipsi, ut judiciorum certa ratio constitueretur: ne castella demoliri, quemadmodum Rigæ à Rege imperatum iis fuerat, cogerentur: ut in captivis suis recuperandis à Rege juvarentur. Respondit fuit: quod ad vetera à Sigismundo Augusto concessa iis privilegia pertineret, tenere eos memoria, quid ab eo tempore, quamque varia intercessissent: quid etiam hujus temporis esset, pro sua prudentia perspicere: debere eos se credere judicio regis, qui cum salutis eorum autor fuisset, ornamentorum, ac commodorum provinciae ejus non minorem curam se habere ostensurus esset.

Sigillatim verò, quod præcipuè autoritatis in illa provincia magistratum Germanicæ gentis peterent, cum ab honore eo ex provincialibus, si qui ad eum idonei futuri essent, neminem exclusum Rex vellet; eò futurum a-

cerbius, si ipsi propriæ salutis libertatisque auctores à dignitate tam præclaræ victoriæ remotos vellent: daturum operam Regem, ut eum Provinciae præficeret, qui ex æquitate, ipsorumque jure ac legibus omnia administraret: tum verò in provinciali publico consilio constituendo, judiciis cæterisque officiis præsidium, Succamerariorum & reliquorum præcipuam vetustæ quoque nobilitatis Livonicæ in provincia ea rationem habitum iri. Inter jura ac privatas singulorum possessiones id discrimen factum: ut, quæ à superioribus Livoniae Principibus legitimisque ejus magistratibus usque ad Guilhelmu Marchionem Brandenburgensem Archiepiscopum Rigensem profecta essent, jure ipso rata haberentur; quæ à posterioribus collata essent; quod ea tempora inde consecuta fuissent, quibus multa non ordine fierent, provinciaeque nullo ferè certo Imperio teneretur, de iis Regem ex publicis provinciae commodis, cujus ut opibus ac nervis contra omnes casus muniretur, præcipua ratio habenda ei esset; & cujusque meritis; genere denique ipso possessionum litaturum; ad eaque cognoscenda primo quoque tempore conventum Provincialibus edicturum, in quo sua quisque jura exhiberet.

Cum autem superiori tempestate amisisset plerique privilegia sua dicerentur; eos quas, & à quibus, quoque tempore, & sententia literas habuissent, aperire debere, eaque omnia suo idoneorumque testium juramento comprobare. Judiciorum forma iis, de quibus supra ostensum est, constitutionibus descripta, tradita illis fuit. Castellorum demolitionem hoc potissimum consilio Rex imperarat, ne vires Provinciae, quemadmodum superioribus temporibus factum fuerat, distraherentur; eandemque ob causam, ex suis quoque non pauca dejecturum se edixerat. Idem hic iis responsum fuit, non debere eos detrectare, in re qua publicam potissimum provinciae salutem spectaret, quod minus ejus exemplum imitarentur. In captivos redimendos certus Bojarici generis numerus promissus iis fuit. Magnus Dux cum difficultatibus quibusdam suis, quemadmodum Rigæ à Rege monitus fuerat, ipse comitia obire non potuisset legatos miserat, per quos eadem ferè quæ Rigæ proposuit; quæ cum sine præsentia ejus explicari non possent ad sequentia comitia dilatus fuit.



REIN.

# REINHOLDI HEIDENSTEINII SECRETARII REGII

Rerum Polonicarum ab excessu Sigismundi

Augusti

LIBER VII.



Uñfctis ad eum, qui ostensus est modum comitiis, Rex Varavia Cracoviam recta discessit. Jam autem cum Varavia adhuc esset, frequentes de tumultu Tartarico nuntij alati eo fuerant, & tum Cracoviam venientem legatio Tartarica, quæ nisi postulatis suis satisfaceret, bellum denuntiaret, excepit. Querebatur imprimis de Nisoviorum Kosaccorum injuriis, quos cum offensionum suarum semper ferè causam partim habere, partim obtendere Tartarus soleat, tum vero eo tempore, quod legatos suos, à Moscho cum muneribus ad se redeuntes in itinere Kosacci adorti spoliassent, ut & à Kosaccis ablata à rege sibi restituerentur; postulabat: & in posterum ab omni in suos vi & injuria Kosacci prohiberentur.

Postulatis minas addebat, moreque loquendi illis, familiari principem suum equum jam conscendisse, ad Maria nunquam Regem expectaturum, veniret Rex & fortunam secum experiretur: & nihil suum reditum expectare, quo minus si satisfactum non esset, quamprimum in fines erumperet, significabat. Idem Turcicus legatus confirmabat, qui Tartaro partim autoritatis, partim terroris augendi causa à Turcica aula adjunctus fuerat. Bassa in suis literis addiderat, quadraginta millia Turcarum, Tartaro se adjuncturum.

Etsi autem quemadmodum ostensum est, jam ante ad ipsa etiam comitia minime vel obscuri, vel incerti rumores, de apparatu Tartarorum allati fuissent, eos tamen, qui quo minus quicquam de republ. decerneretur, impediebant, non magis hæc, quam alia reipublicæ pericula movebant. Privatim verò ab omnibus aliis etiam rebus, imparatissimus tum Rex erat. Proximè enim tributum, quod in Pleskoviensem expeditionem decretum fuerat, non modo omne in

eum exhaustum erat, sed nec militi quidem stipendia soluta adhuc omnia erant. Quas ob causas, & si metus is alieno reipublicæ tempore objectus fuisset, Rex tamen cum eodem animo, quo omnes difficultates superasset, in hisce etiam utendum sibi existimasset, consilio omnibus de rebus cum Zamoscio communicato, cum ea, quæ à Tartaro postularentur, è sua reipublicæque dignitate, neque posse à se præstari statueret, neque tanquam ab iis, qui in sua potestate non essent, admissa ut à se præstarentur, juste postulari, ad bellum quibuscunque poterant rationibus propulsandum se comparabat. Itaque Tartarum quidem cum eo responso dimittit: quo neque Kosaccos, qui ad latrocinia in finibus exercenda è diversarum gentium colluvie, non minusque ex ipsis Tartaris confluerent, quicquam ad se pertinere: neque minis ejus moveri se ostenderet. Zamoisium inde, qui quasi vestigiis legati insisteret, contractisque prius, quam ille ad Principem suum perveniret quas expeditissimas habere posset copias, irrumpenti Tartaro occurreret, in Russiam mittit. Is cum partim suis stipendiis, partim ex aliis militibus, qui cum superioribus annis in Moscovia meruissent, etsi stipendia soluta illis non fuissent, Zamoisij autoritatem, ac fidem secuti, operam nihilominus suam reipublicæ navabant, non contemnendas copias coegisset, omnes eas Leopolum contrahit. Eodemque ex nobilitate etiam promptissimum quemque evocat; cæteros ut ad omnem motum parati sint hortatur.

Ad eas Constantinus Ostrogæ Dux Palatinus Kyoviensis, qui è familiaribus & beneficiariis suis, quorum magnam copiam habebat, justam manum contraxerat, promptissime operam suam Regi apud Zamoisium deferebat.

Quibus rebus confirmatus, atque ita animo paratus, ut cum quocumque Tartarorum exercitu quam primum configere non dubitaret,



contractisque quemadmodum ostensum est, copiis omnibus Leopolum exploratoribusque in omnes partes dimissis, ibi nuntium adventus Tartarorum expectare, indeque sine mora occurrere illi statuit. Præcipientes cum ad proprias copias suas multos etiam ex Nohaiensibus, & aliis remotioribus hordis spe prædæ excivissent, magnâ manu facta, animoque & aliis omnibus rebus ad irruptionem parati, ad Borysthenem accesserant: Sed cum glacie is nondum constitisset, dum astringeretur, expectabant. Cum enim flumen id æquoris in modum, quam latissime iis in locis restagnet, non fere nisi duobus temporibus, uno, quo congelatum est, altero autem adulta jam æstate transire id solent, quod si aliis temporibus transire id conentur, præterquam quod aquis è pluvius, aut nive auctis rapidiores tum impetus ejus sint, jumenta frigore ex aquarum, & aeris injuriis collecto, mori præraque soleant. Postea cum ut mitiora tempora jam imminerent, utque congelaret, frustra se expectare intelligerent, & de exercitu è captivis, quos Borysthenes non congelato securius in altera ripa agentes, unum atque alterum abripuerant, cognovissent, exercitu dimisso dilapsi fuere. Accesserat eo, quod duo Czarj fratres, Salome & Pletj Cherei è custodia Constantinopolis elapsi, ut suarum etiam rerum domi satagendum illi esset, facerent: re per exploratores à Zamoiscio cognita, metu omnis incursionis sublato, à que Rege revocatus, cum prius jurisdictioni inter nobilitatem, & milites operam dedisset, ipse quoque initio Veris Cracoviam rediit.

Priusquam Leopoli discederet, Turcius Legatus ad eum accurrit, qui terrorem & minas, quas prius jecerat, & cum de necessitudine Tartari cum Principe suo commemorasset, non esse amicitia ejus, quæ cum principe suo ægiitidem mutua intercederet, ut cum Principis sui necessario non amico potius, quam armis disceptaret, ostendit. Cum eadem legatione ad regem Cracoviam proficiscitur, responsum more majorum, quo minus restitui ea possint, regem prohibere. Reverso Cracoviam Zamoiscio rex Grifeldim Battoream Christophori Principis Transilvanie fratris sui filiam in matrimonium collocat. Patris ipsius de ea judicium quod cum alias in vivis, tum testamentum etiam testatum fecerat secutus. Celebrata nuptia fuerunt Cracoviae mense Junio: partim Principum aliquot legatorum præsentia, partim apparatu maximo, celeberrimoque totius fere Polonie Lithuanieque concursu, neque minus conjunctione ea invidiæ apud eos, quibus potentia Zamoiscij vel gravis vel ingrata erat, quam autoritatis, opumque Zamoiscio accessit: eodem tempore Achmet Charseus à Turca venit, pacem cum Cæsare principem suum fecisse: ean-

dem ut ipse etiam coleret: Janculæ res repetebat. Depace cum Cæsare responsum regem quidem probare, pacis autem arbitrium, cum quibus ei videretur colendi penes reges semper fuisse.

Quomodo cum aliis in rebus, tum Livonice etiam è comitiis discessum sit, supra ostensum est. Cum & bonorum restitutio, quamvis certis legibus ac temporibus circumscripta, & cum præsidum aliorumque magistratum, tum judicum, illorum quidem æquo jure ex singulis nationibus appellatio ostentata illis fuisset, ita responsum à legatis eorum acceptum videbatur, ut vix non omni ex parte satisfactum illis Rex arbitraretur. Rege Varavia jam profecto, Zamoiscium pro magistratu eo Cancellarij denuo adeunt, gravia præraque in responso eo sibi accidisse ostendunt. Imprimis quidem de privatis possessionibus, primum quod ad Archiepiscopi Wilhelmi saltem tempora eis confirmarentur: tum vero Augusti ipsius, cujus ipsius aliorumque ejus temporis, & consequentium magistrorum, & magistratum Livoniae donationes si rescindantur, magnam partem nobilitatis possessionibus suis everfam iri ostendebant: alterum quod in comprobatione privilegiorum amissorum & à se exigenterent, quæ ne præstari quidem ulla ratione à se posse existimarent: ut quæ & à quibus, & quo tempore data, & quo tenore privilegia habuerint: tertium quod Dorpatensium possessionum restitutio omnino præcisâ esset. De magistratibus omnibus ex indigenis solis deligendis iterum urgebant. De religione Augustana cum nobilitati soli usum ejus permissum interpretati fuissent, ne ab oppidis tamen omnino etiam excluderetur, petebant. Maxime autem Castellorum demolitio quæ in juncta illis erat, eos pungebat: non tam ob domesticam quam obtendebant, à furibus latronibusque securitatem, contra quam vel se pro Polonice Lithuaniceque nobilitatis more, tueri se posse illis ostendebatur, quam ob notæ alicujus inusta opinionem, usuræ itidem pecuniarum ereditarum ne per belli tempus cederent petebant: ad captivos itidem suos redimendos ut regia clementia sublevarentur. Eadem cum in Livoniam revenissent, ad Georgium Radivilum Episcopum Vilnensem, quem Vicarium suo loco provincie Rex præfecerat, cum detulisset, ab eo quoque iis de rebus appellatus, in curam provincie ejus eo diligentius intentus, quo quæ constituta à se essent, executioni etiam quamprimum demandarentur, ad locum tenentem legatum præterea, seu Commissarium, ut vulgo vocant, Stanislaum Pekoslavium, cui ob egregiam in bello eo navaram operam, Mariæburgensem in Livonia præfecturam contulerat, Cracovia in Livoniam mittit. Mandat Radivilo, ut eo adhibito provincie totius conventum Rigam quam primum indicat, in eo

in eo quæ mens de postulatis illorum regia esset, iterum eis proponeret. De restitutione bonorum à priore responso nihil mutatum: Ostensum in publica provincie salute tuenda, maxime primariorum castrorum, Derpatens. Kokenhausen, Felinens. Mariæburgens. Parnaviens. Vendenensium, rationem habendam, quæ si quemadmodum Guiljelmi, consequentibusque temporibus per donationes eas præsidii omnibus nudarentur, quam tuendorum eorum, ipsiusque adeo provincie rationem fore: quidve obtinendum, quo minus eadem qua ante ratione facillimo negotio in hostis potestatem reciderent. Cum tamen tria provincialium genera esse viderentur, unum eorum, quorum perfidia aliqua perspecta fuisset, alterum quorum insignia in republ. merita, medium inter hos interjectum, qui non tam perfidia aliqua, quam metu potius in fide erga rempublicam vacillarent: quemadmodum perfidiam illorum oblivione potius obliterandam, quam acerbius prosequendam rex statuerat, ita quantum modo per publicas rationes fieri posset, & benemeritorum in posterioribus etiam donationibus istis, justam rationem habitum, & dubios etiam, modo non aperte perfidos non omnino etiam neglectum iri.

De Dorpatensibus autem possessionibus, præterquam quod finitimam Moschoviz præfecturam enervati minime è republ. futurum esset, eo minus etiam moleste ferre eos debere, quod priusquam in fidem Augusti Livonia se contulisset ager Dorpatensis occupatus jam à Mosco fuisset. Approbationis jurium privatorum, non iniquam rationem propositam fuisse existimare: alia si ab illis proponatur, quomodo cujusque juri, & publicæ fidei idonee prospiciatur, fraudesque excludantur, non alienam se, ab ea futuram. In magistratibus mandandis, nisi Polonice, Lithuaniceque gentis, cujus periculum & impensa recuperata provincia esset, æqua ratio habeatur, iniquissimum futurum iterum ostensum est.

De usu religionis Augustanæ, jam ante certis templis ad catholicæ religionis exercitium exceptis, oppidis etiam seu temporibus potius Rex indulgerat. De usuris itidem ne per tempus belli current, jam ante constituerat. Demolitionem Castellorum è republ. esse iterum demonstratum illis fuit: adeoque jussu Regio. regia castella aliquot disjecta fuere: in suis tamen retinendis pervicaciter nobilitas persistit.

Ad captivos redimendos, quemadmodum promissum fuerat, aliquot Bojarici generis eis assignati. Quibus in Conventu propositis, ad præsidiatum etiam Succameranatum, judicatus aliquos ex quibus Rex qui ei videntur, deligeret, adjungit. Jus præscriptum provinciale, secundum quod judicarentur

exhibere jussi. Ad eundem conventum cum Duces etiam Holfatiæ Magnus qui Curoniam tenebat, tum Curlandiæ Gottardus, Rigenis etiam civitas, quemadmodum jam ante constitutionibus Livonicis Varaviæ ex Senatus autoritate scriptis constitutum fuerat, evocata: maxime cum provocaciones conventus is judicare deberet, ut & judiciis, & formula una omnes tenerentur. Constitutiones quarum mentio facta, ut in eodem conventu Radivilus cum Pekoslavio promulgarent jussi: possessiones præterea aliquas dispicerent, Regique proponerent, quæ præfidiatibus perpetuè adjungi possent. Maxime verò in propagationem religionis Catholicæ in provincia ea Rex incumbens, cum sine Episcopo non modo subsistere, sed ne pedem quidem ponere ibi posset, quemadmodum supra ostensum est, loco omnium Livoniae Episcopatum unum Vendensem Varaviæ jam fundandum constituerat, literasque eade re Romam miserat.

Verum novum Romanis visum à Rege Episcopatus fundari: in benigniorem tamen partem re accepta, cum non mirandum esse ultro ostenderent, si rex & aula militaris, armorum quam juris Pontificij peritior esset, maxime autem quod in hac iniquitate temporum, quibus potius profanarentur Episcopatus instituti, quam novi instituerentur, rarissima res esset. Dotari quidem à Regibus fundari autem non nisi à summis Pontificibus rescriptum: non sine causa etiam requisitum, qua ratione Archiepiscopatus, quatuorque aliorum, Dorpatensium, Revaliens. Osiliensium, & Curoniae Episcopatum loco, unus solus, isque neque magnus valde, neque multis possessionibus attributis constitueretur.

Verum cum diplomate foundationis in supplicem libellum verio, de Episcopatibus, Revalensem, Osiliensem, Curoniae, partim in Sueci, partim Dani, partim magni potestate adhuc esse, Archiepiscopatum autem Dorpatensemque Episcopatum injuria temporum, quibus Archiepiscopus ipse à fide catholica defecisset, partim in varios possessores distractos, partim ob tot Principum in una provincia dissidia, singulorumque imbecillitatem superioribus temporibus ultro in hostis potestatem provinciam, ipsosque Episcopatus venisse: Spesque auctoris alicujus, si reliqua recuperarentur, facta simul fuisset, perfecta res fuit. Episcopatus ita constitutus, ut præter Episcopum, Præpositus, Decanus, Archidiaconus, Cantor, Scholasticus, custos, Canonici essent. Dotis nomine Wolmaria. Arx, oppidumque Tricatum, Burtnikum, Odempensium, Wrogel Mosa, Rodenpensium, singulæ arces prædiaque cum suis territoriis, jurisdictione, redditibus, omnibusque nullis exceptis, domus præterea Episcopo Vendæ, Parnaviæ, Dorpati, ac Felini singulæ, S 3 Præ-



Prælatorum Canonicorumque, Vendæ vicus integer habitationi assignata. Prioribus Prælati tribus, trecenteni, reliquis ducenteni, Canonicis, centeni quinquageni floreni annui, ex eadem dote Episcopali redditus nomine assignati. Episcopo locus in consilio conventibusque publicis Livoniæ, à Rege Locumtenenteve ejus primus attributus. Cæteris etiam in rebus tam Episcopus, quam Canonici, eo, quo qui in Polonia ejus ordinis optimo essent, jure esse jussi. Zamoscio posterisque ejus jus patronatus, Decanatus, Canonicatusque unicus, necessitate ad ecclesiam residendi exemptorum, navatæ in Moscovitico bello operæ monumentum posteritati futurum: Custodiæ, & Canonicatum trium Episcopo: reliquorum Regi reservatum. Officialium Parochorum scholarum sumptus Episcopo delegati. Primus mox Episcopus Alexander Plievinscius abbas Trzemesnensis à Rege nominatus Pontificia autoritate confirmatus fuit. Cui vix non intra annum mortuo, Andreas Patricius elegantis ingenij doctriq; vir, externarum scriptionum Augustanis temporibus Secretarius suffectus fuit. Cum Sueco interim in Livonia nec pax nec bellum erat. Capti aliqui ex partibus Sueticis Parnaviæ detinebantur, pertentandorum maxime ut apparebat animorum causa, Pontus Gardianus Sueticæ militiæ præfectus, literis ad Radivilum datis, partim eos repetebat, partem arces pignoris jure, quæ in magna fere potestate tum erant, Sueciæ Regi olim obligatæ, partim aliis de injuriis nonnullis querebatur. Responsum quid gestum in Livonia esset, quid postquam exercitus inde discessisset, notius esse, quam ut commemorandum sit: Captivos etiam dum præfecturæ ejus agrum possessionemque turbare vellent, in maleficio capti sint, paci tamen concordiaque eos condonandos: interim ipsi quoque à vi injuriæque abstinere, dum finendarum controversiarum ratio ab ipsis Regibus iniretur. Pignoratitiarum artium jus, ut minime sibi notum, neque confirmare, neque refellere: de hujusmodi vero rebus, non ministros Regum, sed Reges ipsos inter se agere.

Verum majus in Livonia incendium morte magni Holsatiæ Ducis gliscere incipiebat. Mortuus is fuit XVIII. mensis Martij Pilthenæ, primaria Episcopatus Curonienfis arce. Jam ab initio fere deditiones Kethleri in fidem Sigismundi Augusti permutatio quædam Curoniæ ejus Episcopatus ut qui intra viscera pene Curlandiæ sit, pro arce Sonerbutgenfis, villisque Leel, & Medze, inter Duce[m] Gottardum Ketlerum & magnum non incio Rege tractata fuerat: Postea etiam spe adoptionis Friderici, majoris natu filij Gottardi, Magnus eam vastarat: neque nobilitas Curonica, ut quæ cum vicinitate, tum necessitudinibus cum Curlandica permixta esset, aliena ab eo erat.

Joannes Beer, qui Lunæburgensis cum esset, in illa prodigalitate Magni, majores quam quisquam alias possessiones in tractu illo adjunxerat, ne minus legitime parta, legibus Polonicis revocarentur, aliorum etiam Livonum exemplo veritus, simulque in Curlando non satis præsidij esse ratus, ad Danum rem trahebat: utque tractus ejus opibus facile primus in sententiam suam reliquos etiam non difficulter pertraxerat. Itaque cum magno lethaliter jam decumbente, in Daniam ipse præcessisset, ab aliis mors ejus per Livoniam quidem, quanto poterant studio celata, illi per celerrimos nuncios in Daniam significata fuit. Danus ut & provectioris ætatis jam princeps, & incommodorum belli non inexpertus, cum præterea possessionibus plerisque in varios possessores magni dissolutione distractis, ipsorum etiam reddituum atque rei exiguitate, ne de tantilla re aleam jaciendam existimaret moveretur, Berio ne aditu quidem aliquandiu ad se præstito, tandem tamen per familiares Berianos muneribus captos, expugnatus fuit. Magis tamen tuendam, quam aggrediendam rem existimans, sive ab adeunda possessione, excluderetur, sine ullo negotio ab ea mox desistere se posse, sive in eam admitteretur, neminem postea, qui se turbaret, futurum, atque ita vel receptum facillimum, vel possessionem pacatam se habiturum arbitratur, eo consilio paucos aliquos, cum aliquot tormentis ab initio mittit, qui quam faciles aditus habituri essent tentarent, possessionemque ipsam si possent, apprehenderent.

Postquam negligentia præfecti Vindaviensis, seu ipsius Curlandiæ Ducis, Danum non offendere audentis metu, cum excensionem partim, iterque per præfecturam Vindaviensem, Piltenam facile impedire petuissent, in potestate jam Piltenam esse in Daniam nunciatum fuit, quod nihil deinceps controversiæ se habiturum existimaret, Matthiam Buddium aulicum, cum tribus iterum navibus armatis, instructisque ei summittit. Eæ cum ad Osiliam Danicæ possessionis apulissent, auxiliaque à Georgio Ferensbecio, intulæ ejus tum præside postulassent, negata ab eo illis fuere.

Consilia ista, quibus vicini atque conjuncti inter se Principes maximo fortassis malo, publico committerentur, minime se probare: ipsi quid agerent viderent: Se quid utrique Principi deberet, memorem omnino ab iis abesse velle. Ita cum tres circiter septimanas ad Osiliam hæsitassent, re cum Piltenensibus communicata, quinquaginta circiter equites Piltenenses, per eandem præfecturam Vindaviensem egressi, cum iis se conjungunt, ac ad centum circiter homines, comæarumque & idcirco entum bellicum, eodem quo venerant itinere Piltenam introducunt.

Inter-

Interim cum non ita celari mors Magni posset, ut non in publicum mox erumperet, Radivilus recognita atque ad Regem relata, ex ejus sententia legatos primum Piltenam mittit, qui & fidei illos admonerent, & jura possessionesque illorum ratas illis fore promitterent.

Cum ad Danum præter ejus nullum aliud imperium agnoscere se dicebant, eum rejecissent Radivilus per Oborscium, primo trans Dunanas arces, quarum aliquot magnus in potestate habebat, occupat, præfectisque novis & præfidiis firmat, eoque diligentius, quod in eas fere jus pignoris Suecus prætendebat, neve Magnani cum eo novi aliquid consilij inirent, verendum esset. Inde in ipsam Curoniam Oborscium immittebat, qui partim urendi agros, alisque detrimentis ad officium illos reduceret, partim, si per occasionem occupare posset, temporis non desisset.

Hic cum spe omni in partes eos traducendi amissa, militem jam reduceret. Piltenenses promissis Danicis seu eorum potius, qui auctoritatem Dani cupiditatibus suis obtendebant, & qualiscunque auxilij illius accessione elati, ultro eum insecuti, cum in Ambotense agro adepti fuissent, vicesima quarta mensis Maji adoriuntur. Cæsi proligatique, multis amissis, reliqui Piltenæ cursum se includunt. Oborscius autem prælii ejus exitu, aliis perterritis Ambotensem, Neuhausenemque arces, eodem victoriæ cursu mox occupat. Sub idem tempus dum hæc geruntur, Rex ne præter opinionem bello aliquo cum vicinis principibus illigatus, ab aliis gravioribus rebus advocaretur, maxime sollicitus Stanislaum Kostkam Succamerarium Culmensis, Cracovia Piltenam mittit, si qua ratione ad sanitatem adhuc reducere eos posset. Pereum, quod nulli ordini Livonico antea tribuerat, jurium possessionumque omnium confirmationem, sine ulla cognitione, aut discrimine promiscue illis offert.

Cum nihil aliud fructus ex parte ea, præter militaria nobilitatis ejus servitia acciperet, hæc etiam sarcire alios fructus mallet, quam vel potentem vicinam in provinciam admittere: vel tali tempore ad inimicitias Sueticæ, Danicæ etiam turbas attrahere. Kostka ne admissus quidem à Piltenensibus, quæ in eum eventum mandata habebat, cum Radivilo communicare, si forte antequam majora auxilia à Dano mitterentur tumultum opprimi, pacarique provincia posset.

Jam ante vero ipse etiam Radivilus successu Oborsciano invitatus, ut quam maximum posset militem ad recipiendos eos in fidem cogeret, operam dabat. Maxime vero Curlandiæ etiam Ducem, ut auxilium equitum mitteret, urgebat. Eum inter me-

tum à Dano, officiumque Regi debitum, anxium ancipitemque Kostka tandem literis Regiis, hortationeque sua adducit, ut ducentos equites mitteret, & quam maxime in extensionem iterque Vindaviensem intenti, si quæ à Dano auxilia mitterentur, prohiberent. Supra ostensum est Matthiam Buddium Piltenam à Dania missum. Literas hic simul mandataque ad Regem habebat: & quod quemadmodum ostensum est, semel in possessionem admissus, nihil amplius difficultatis habiturum se Danus existimaret, humanissime scriptæ literæ erant: ut quæ jus Danicum in Curoniam, & cum possessionem jam Danus adisset, omnia in vicinitate officia, & offerre & expectare se eum ostenderent. Venit cum iis sub ipsum nuptiarum Zamoscianarum tempus. Sed rebus prælio Oborsciano jam exasperatus, diversa à literis oratio, neque sine minarum aliqua jactatione ab eo adhibita; ad nuptias nihilominus nomine Regio invitatus, mandatum ejus rei se non habere causatus, abfuit. Jam ante vero binas etiam à Dano literas Rex acceperat; unis in dissensionibus inter Suecum & Regem, quas ex publica fama cognovisset, ne eum incommodo forte aliquo Christianitatis in apertas inimicitias erumperent, si quid à se etiam in commune consuli posset amicè, operam suam deferrebat.

Alteris Henrici Ramelij ministri, qui mutuum Augusti temporibus contractum repebat, Regi causam commendabat. Adeas per suum hominem responsurum se Rex ostenderat. Cum adea nunc Curonicum etiam negotium accessisset, mittit sub initio mensis Julij: In Daniam Jacobum Ponetovium pincernam Lancinensem. Per eum, quæ cum Sueco hæcenus intercessissent, demonstrat; quàm nihil juris Suecus in Livoniam haberet, præter multa alia, vel ipsius literis, Ericanis temporibus scriptis, quibus nullo jure ab Erico fratre suo Livoniam appeti ipse profectus fuisset, doceri posse; ne tamen tractando res magis exasperentur, ut conditiones, quibus componi rem posse Suecus putaret, Danus prius ex eo cognosceret, permittit; ex quibus si spes aliqua compositionis esse posset, quantum in se esset concordia non defuturum.

In Curoniam jus Regni pluribus demonstrare jussus: ut quæ non modo universæ Livoniæ, deditione ipsa quoque in potestatem dominiumque Regium venisset, sed ejus possessio etiam, partim ab aliis deserta, partim à Polonia regno solo fere defensa, penes idem semper fuerit; atque in quam Magnus ipse à DEO, postquam Tyrannide Mosci se subduxisset mox concesserit; non modo enim fidem Regiam mox eum implorasse, sed & jurisjurandum apud Radivilum Palatinum Vindaviensem à Rege ad illum



illum missum, Regi prestitisse: & homagium partim coram, partim cum ad comitia dilatus fuisset, proximis comitiis per primarium etiam tractus ejus praefectum Ambotenensem petiisse. Non esse vel humanitatis, vel aequitatis ejus, ut cum eo tempore, quo bello Moscovitico ita Livonia ardebat, ut jam ad Curoniam etiam fines pervasisset, sicut alius nullus, ita ne ipse quidem, quamvis ad societatem periculis & praemiorum per Farensebecium à Rege invitatus extiterit. Qui ullam partem periculi sumptusve suscipere pro ea voluerit, nunc praemia belli alieno sanguine & labore parata, ad se transferre vellet. Ob rem praefertim levissimam, ut quae in diversos possessores distracta exhaustaque, nullorum omnino fructuum esset, gravioris aliquid contentione non sine incommodo publico suscipere.

Itaque ut maxime juris aliquid in tractum eum habere se existimaret, non deesse tamen rationes inter Principes Christianos receptas, quibus bona inter utrinque gratia jus suum persequeretur. Sineret Regem ex possessione ei responsurum uti possideret, possidere: neque alieno ab ipsorum Principum rationibus exemplo, alienos subditos contra communem principum Christianorum necessitudinem reciperet.

Ramelium à privatis per quos nomen id factum esset, repetere id bebere, jus de iis etiam extra ordinem illi dicturum. Iisdem de rebus ad Ducem Prussiae etiam Georgium Fridericum à Zamoscio scriptum: ostensum, quanto cum incommodo Christianitatis, Christiani Principes ob tantulam rem inter se committerentur, si ab aliis magis salutaribus consiliis contra paganos alienissimo tempore rex ea evocaretur. Non multo post Oborscius arcem Edweldensem tentans, quae exulta quidem, sed iterum restituta, & praesidio à Piltenibus munita fuerat, tormento interficitur; tractatum interim per Curlandos non improbane Radivilo cum Piltenibus de induciis, re per Piltenes infecta, seu rejecta, Stanislaus Pekoslovius, quem Oborscij loco exercitui praefecerat, quibuscunque poterat rebus Piltenes infestabat: Castrisque ad ipsam Piltenam positus, cum Piltenenses etiam non raro erumperent, crebris inter se velitationibus decertabant. Ponetovio in Daniam missio, ut tractationis ejus spem, quam ex legatione ea, & Ducis Prussiae interventu rex coeperat, interrumpere, Radivilo ut militem ad Piltenam missum revocaret, mandarat, per excursionem intercepta fuerant, altera pervenerant. Exiis receptis, ejus cognito adventu animati Penkoslavium, sex millia, tridui itinere jam progressum, iusto equitum, peditumque numero, bellicisque aliquot tormentis assumptis insequuntur:

Cumque in pago quodam omnium rerum ignarus affedisset, nocte aggrediuntur: ex utraque parte complures, in iisque fortes nonnulli viri perire: ad extremum tamen qui vim faciebant, ab iis qui à vi se defendebant, relictis animis, non parva cum strage repelluntur, nonnulli etiam ex iis capti, quae quomodo gesta essent, Ponetovio in Daniam mox significata. Danum cum ea res exacerbaverant, acceptaque injuria opinio augebat, tum non minus Suetia etiam rex incendebat: qui animo ergo facies per occasionem hanc admovebat, diserte etiam scribere ad eum non dubitavit, pro effeminatissimo imbellissimoque rege, per universum imperium Germanicum habiturum iri, nisi quas tam atroces à Polonis injurias accepisset, iis reponeret. Ad legationem Ponetovio responderet, ad gratiam inter Polonum & Suecum reconciliandam, publicae tranquillitatis studio superiore anno animum appulisse, eoque ad utrumque Regem literas ea de re dedisse: nunc causas Regis, ob quas & haecenus rem distulisset, neque adhuc valde propensum in eam esset, accipere: si quid tamen postea in medium consuli à se posset, vicini, publicamque tranquillitatem amanti Principis, officio non defuturum.

Quod ad Curonicum Episcopatum pertineret, neque sibi quasi alienis subditis receptum praestaret, recte imputari posse: neque Curonibus, quasi immodicarum largitionum à magno factarum metu nunc demum ad patrociniū Danicum se contulissent. Pactis enim, quibus Episcopatus is Magno permissus fuisset, diserte exceptum fuisse, ut supremi Imperij jus penes Daniae Reges maneret; quod non solum magni, sed ipsorum provincialium literis signisque doceri posset; nolle se commemorare à Woldemaro secundo Daniae Rege trecentis ab hinc annis, Episcopatum eum ab initio fundatum, institutumque fuisse.

Id certum esse, in omnibus pactis foederibusque, cum Poloniae & Sueciae regibus, cum ipso adeo Mosco, exceptum semper ex parte Danica Episcopatus ejus jus fuisse. In possessione etiam continuo fuisse. Primo tanquam directum dominum: Deinde vero mox à morte magni praesidio suo Piltenam primariam arcem teneri: à qua reliquae omnes dependent, quod aliqua vi ab hominibus regis exiis occupata interim essent, primum contra expectationem suam, deinde omnia divina, atque humana jura id factum, utque & jus de iis Rex sibi dicendum curaret, damnaque sarcienda, utque in posterum ab omni maleficio abstinere mandaret, postulare: alioquin ipsi sibi violati juris sui vindicandi necessitatem impositum iri. Bellum Moscoviticum pro Livonia susceptum

ptum nihil huc pertinere. Ut quod cum Episcopatu eo quem nunquam hostis attigerit, nihil commune habeat: Quemadmodum ne societatis quidem belli ejus recusatae commemoratio. Praeterquam enim quod ad Episcopatus ejus disceptationem nihil etiam pertineat, cum constitutum utrinque fuisset, ut Danici Polonicique Delegati Stetinum societatis ejus tractandae causa, ad certum diem convenirent, cum Danici in decimum usque diem Polonicos expectassent, Polonicis neque venientibus, neque quicquam nuntiantibus, infecta re redire coactos fuisse, ab eo tempore nihil de societate ea amplius actum: mutuum tantum cum per literas, tum Farensebecium petiit, gravissimis de causis negatum fuisse: utcunque tamen esset, si quid juris Rex haberet in Episcopatu eo existimaret, se quoque ex possessione sua respondere paratum esse, Principumque aliquot interventorum, de quibus convenisset arbitrio statutum; eoque promptius, quod Georgius Fridericus Marchio in Prussia Dux pro mutua necessitudine id jam recepisset, nec quicquam quod ad summam aequitatem spectaret: desiderari se passurum.

De Ramelii debito ex instrumentis, quae Ramelius penes se haberet, planum sibi factum, non à privatis sed à Rege Augusto ipso, pecuniam eam sumptam, inque usus ejus conversam. Ita si per alia graviora negotia nondum satis causam eam cognoscere potuisset, ut vel nunc tandem cognoscere potuisset, satis fieret, curaret, petire. Quae de societate belli Livonici utrinque commemorata fuerunt, ita se habent. Eo tempore quo ad Poloniam cum exercitu Rex contendebat, Georgium Farensebecium Mariscalcum tum suum, Danus ad eum miserat, cum aliquanto ante suscepti à se belli consilia cum ipso etiam Rex communicasset. Cum conditiones quasdam societatis per Farensebecium proponeret, & humanitas ejus, & hostis fama, & belli suscepti magnitudo, ut non rejiciendam eam Rex putaret, fecere. Quod vero ex instituto reipublicae non nisi ex comitiis statui de ea posset, ad communes delegatos, longioremque diem necessario proferenda fuit.

Probato à Dano consilio, ut ad exitum mentis Novemb. delegati Stetinum mitterentur, interim conditiones societatis, quas quisque proponendas putaret, aliquanto ante id tempus utrinque inter se communicarent. Ob tarditatem Comitiorum deliberationumque comitialium, primo in mensem Decembrem, inde in Januariam, initiumque Febr. proferendus conventus à Regi fuerat: initio tamen mensis Decembr. Petrus Smielovium, cum conditionibus, de quibus à delegatis tractari debere aequum existimaret, in Daniam miserat: per eundemque mora excusata, ut in mensem Februariam res proferretur, petierat.

Conditiones eo fere spectabant, ut quemadmodum commodi, ita onerum quoque partem utraque pars, aequa ratione subiret. Cum vel Dano conditiones non placuissent, ideoque Stetino suos revocasset, vel delegati Danici, cum antequam Stetinum venirent, Smielovius in itinere in eos incidisset, exemplumque conditionum cum iis communicasset, descensurum eo Regem suum non existimassent, aut quemadmodum literis in discessu suo ad Regem datis, ipsi postea significarunt, nulla de iis mandata se habere intelligerent, suo consilio uti fuissent, nostris commissariis non expectatis discesserant. Et quamvis per literas mox apud Danum moram Rex excusasset, ac si de conditionibus per Smielovium ad eum transmissis sententiam suam sibi significasset, cum uberioribus mandatis, alium legatum missurum, se ostendisset, intermissa tamen postea res à Dano fuit.

Verum interventu Georgij Friderici Marchionis in Prussia Ducis, cum Levinum Bielavium ad Danum iis de rebus misisset, induciae primum inter Piltenes Regiosque constitutae: interim negotij ipsius transigendi conditiones ejusdem Bielavij opera ab eo tractata. Vix Tartarico periculo, de quo supra ostensum est, defuncta respubl. erat, cum non multo post Turcica etiam arma maximo omnium cum metu provocata fuere. Sub idem fere tempus nuptiarum nimirum Cracoviensium, Kosacci Nisovij duces, ex finitima nobilitate aliquot nati, in Turcicas ditones irrumpere instituunt. Rex certior ea de re factus, ut conatus istos eorum, priusquam erumperent opprimeret, operam dabat. Verum nullum mandata, nullum interpretes. Legatique ex aulicis etiam aliquot Regi missi, nullum edicta ad praefectos, nobilitatemque finitimam, vel locum apud eos reperiebant, vel retinere quicquam eos poterant.

Primo Valachicis finibus evastatis, in Turcicas deinde ditones conversi. Jakorlicum non ita dudum versus Polonicos fines lineam à Turcis excitatam arcem everunt, ut quam cervicibus suis imponi interpretabantur; à qua Thehinum vetus Imperij Turcici oppidum, & Sendziaci sedem Benderiam à Turcis appellata progressi, simili modo eam incendunt, diruuntque; tormenta complura, & tanquam ex oppido populofo, opulentoque, & ab injuriis metuque armorum à multis saeculis immuni omnium rerum ingentem praedam nati se recipiunt. Erat tum in Turcia Podlodovius stabuli Regij praefectus, praestantiorum aliquot equorum coemendorum causa à Rege missus.

In hunc facto hoc exacerbata primum rabies Turcica erupit. Cum Constantinopoli egressus in reditu jam esset, equosque coemptos in Poloniam adduceret, in pago quodam pernoctantem noctu manus quaedam



dam aggressa eam fuit: diversorioque in quo erat, eductis cum ipsi; tum qui circa illum erant, cervices præcisæ: equi, reliquaque supplex direpta: quamvis vulgo etiam, quod cum in Asia, in quam fide publica Constantinopoli accepta parandorum equorum causa profectus fuerat, in exercitum Turcicum à Persica militia valde accisum redeuntem incidisset, quod curiosius illum spectasset; Constantinopoli etiam jactantius non nihil se; equosque coemptos ostentasset, periculo illi fuisse, vulgo existimabatur. Quemadmodum ostensum est, ut res quæ potentissimi hostis arma provocatura esset, cum Regum magistratibus etiam plerisque maxime finitimis magnæ curæ erat. Itaque cum impedire conatus eorum non potuissent, è finibus tamen Turcicis regressos, miles limitaneus jussu Regis interfecit. Prædones primum tormentis plerisque relictis per Kioviensem tractum, versus solitudines Moscoviæ, & Korkunum in fugam se conjecerunt: inde disjecti, plerique etiam capti fuere. Ita ut & tormenta, & ex prædonibus ipsis non pauci in potestatem venirent. Simul monitu Zamolcij ad Beglerbegium Græciæ à Nicolao Sieniavio militis campestris præfecto, Stanislao Wlodkone, tanquam præfecto misso, qui jus de prædonibus dictum, ablataque redditum iri offerret.

Primo die vincula injecta ei fuere: Præsentemque eo fama victoriæ Persicæ, captique filij Regis Persarum confecta, publico gaudio, bombardarumque explosione celebrata. Postmodum colloquium admissum, si quemadmodum promitteret, tormenta, aliaque præda restituerentur, prædonesque dederentur, vel supplicium de iis sumeretur, se ipsum ad pedes Principis sui se abjecturum, neve à tam vetusto constanterque hætenus observato fœdere recederet, supplicaturum se ei Beglerbegius ostendit. Maxime quod de præstatione ex ærario damnorum à Kosaccis illatorum, si aliter pacari Turca non posset, statuendum sibi esset, animo Rex agebatur. Cum hinc exemplum eum terreret. Et si enim à Sigismundo etiam primo factum id aliquando fuisset, & rarissime tamen factum, & levissima re defunctum constabat: more publico aliquin eorum qui injurias intulissent, supplicio eas expiatis; ab altera parte non modo periculum, sed sumptus etiam, bellum si esset, multò major ostentabatur. Ex sententia Senatus Slostovium præfectum Dapiferorum, cum qui ante etiam aliquando eo nomine functus fuisset, Turcicarum rerum non ignarum ad portam mittit. Cum gravissimæ conditiones propositæ ab initio ei fuissent, restitutione tamen tandem tormentorum, supplicioque fontium, qui in potestate essent promisso, præter omnem opinionem transactum fuit. Si quid tamen deinceps hujusmodi accideret nolle se ut legati amplius ad

semitterentur, cum in eum casum renunciatum jam fœderi vellet, à Turca additum. De Podlodovij eade investigaturum. Quæ in causa repetitionis dotis, rerumque dotialium à Duce Brunsvicensi hætenus intercesserint, supra demonstratum fuit: cum successione nimirum jure à Julio Duce Brunsvicensi repetita eæ antea fuissent, animadversum postea fuisse, pactis dotialibus ad ipsum regnum eas pertinere: Quæ ratione eo magis utendum sibi Rex existimabat; quod ut maxime successionis jure sorores persequi eas possent, ob offensiones tamen cum Sueciæ Rege, difficile inter eos ejus rei communicationem futuram videbat.

Julius autem præter morem Principum Germanorum, ab omni æquitate, fereaversum, alienumque in causa ea se præstabat. Non modo enim nihil æqui impetrari à se petiebatur, sed legatos etiam ea de re ad illum Regios aliquando non admittebat, aliquando sine ullo responso remittebat. Cum comitia imperij sub ipsum Polonicorum proximorum comitiorum tempus Ratisbonæ haberentur, Hieronymum Rozdrzevium Episcopum Cujaviensem ad ea Rex miserat, maxime quidem, ut si de Livonia nuper ab hoste parata, aut Suevicarum etiam controversiarum mentio aliqua incidisset, jus ægni demonstraret, quodve in statu res essent, apud imperij ordines ostenderet. Nominatim vero, ut de Julij Ducis Brunsvicensis injuriis quereretur, utque non tam jure civili, cui minime Principes externi subiecti essent, quam ex æquo & bono arbitrio delegatorum Principum judicio de plano res definiretur, peteret. Delegationem ejus rei in Saxonem & Brandeburgensem Principes Electores à Cæsare impetrarat. Missus ei rei causa mense Julio Cracovia Joannes Miskovius à conjunctis, necessariisque Principibus facile impetravit, ut negotium susciperent. Diem 18. mensis Novemb. Magdeburgum partibus assignarant; quo ipsi quoque Subdelegatos suos ad diem missuri essent.

Pacta quæ inter domum Austriacam regnaque ac ditiones ejus, regno huic plerasque vicinas, à multis sæculis intercesserant, semperque à novis Principibus renovari solita fuerant, in hunc usque diem nondum inter Cæsarem, Regemque renovata fuerant, amicitiam igitur, juraque vicinitatis magis mutuo metu, commodoque, quam certo fœdere inter se tutabantur. Cum & Cæsar dignitatis suæ esse non judicaret, ut prior de fœdere Regem appellaret, Rex autem non ante sibi esse de fœdere agendum existimaret, quam paternæ possessiones suæ arx Zaltmanensis, & oppidum Nemeli, quibus tempore Maximiliani Secundi per injuriam eversum se existimabat, à Cæsare sibi restituerentur. Receperat in eam arcem Rex Joannis Transilvaniæ Principis præsidium,

cum

cum ut Principi suo, difficulter id negare posset: ita tamen ut possessio ipsa usus fructusque penes Regem familiamque Battoream maneret. Cum Melchiori Balasso arcem Joannes credidisset, tempore induciarum Maximiliani, præfecto arcem Balassa traderat, Dirrichsteino arce à Maximiliano remuneratus, recuperata postea à Stephano fuerat, & ne sedes quasi belli intestini maximo cum fortunarum suarum incommodo ibi constitueretur, Joanne Principe assentiente demolitur eam fuerat.

Verum postea à Lazaro Suendio denuo occupata, diligentissimeque munita, Turcicum simul bellum, violandarum etiam induciarum occasione eis præbita, attraxerat. Postea Spirensis etiam pacificatione cum Joanne Principe Transilvaniæ Cæsar eam sibi confirmarat. Itaque tanquam & jure belli ab hoste captam, & Spirensis fœderis legibus Cæsar sibi eam defendebat. Rex non modo bello non captam, sed induciarum tempore Balassæ perfidia interceptam contendeat. Spirensis autem tractationem, nihil ad se pertinere, qui alieno pacto suis fortunis privari non debuerit: præterea vero morte Joannis Principis Transilvaniæ interruptam, cum ante promulgationem exitumque adeo ejus, è vita is discessisset, nullam unquam firmitatem obtinuisse. Non tam res quam indignitas Regem movebat, si ne ad Regium quidem fastigium evehetur, à majoribus sibi familiarique relictis vindicare potuisset. Itaque cum ante per alios, tum per Hieronymum Rozdrzevium Episcopum Cujaviensem, quem ad Conventum Imperij missum supra ostensum est, diligenter Cæsarem ea de re appellaret, & per Petrum Duninum Volscium Episcopum Plocensem, qui legatus ab eo ad summum etiam Pontificem, & erat & retulerat.

Hic pacis inter Principes Christianos conciliandæ studiosissimus, cum ut certo etiam fœdere amicitia inter eos firmaretur, maxime cuperet, & per Albertum Bolognetum Episcopum Massanensem, qui apud Regem nuncius ab eo erat, diligentissime Regem appellabat: & multo etiam diligentius cum utroque tam Cæsare quam Rege, per Antoninum Possavinum agebat. Quod maximo sumptu Zattmarum à se munitum, ob publicas etiam rationes Ungariæ restitui non posse ostenderet, ut præcio certo de eo decideret, à Cæsare proponebatur, tanquam à dignitate sua alienissimum, omnino repudiatum à Rege fuit. Eo tandem studio, atque opera Possavini res deducta, ut in permutationem utrinque consentiretur. Ei rei tractandæ dies certa Caslovij dicta, missusque ab eo ab Rege Martinus Borzevicius, Nagibania cum aliquot Villis, qua Rivolum dominatum à quibusdam dicitur, aurique fodinas habet, iis conditionibus ex parte Cæsaris pro-

posita, ut neque muniturum se eam, & quam primum permutatione satisfactum ei fuisset, renovationem fœderum peteret, res vix non accepta fuit, nisi quod de partibus aliquot Villarum, quas non tam sui, quam consanguineorum quorundam suorum, quorum fuissent, commodi causa adjici Rex volebat, hæsitabatur. Conditiones non tam Rex vel iniquas putabat, vel recusabat, quam publice se iis astringi dignitatis suæ non esse existimabat. Privatum tamen Possavinum, ut suo nomine eas promitteret, etiam Syngrapha in eam rem illi data permittebat. Cum ad extremum conditio à legatis Cæsareis omnibus aliis fere rebus pertractatis, de jure supremi dominij agnoscendo, juramentoque fidei, & oneribus aliis præstandis, ultimo loco proposita, conventum infecit: eo Regi suspectior, quod quasi inficiendi negotij causa, ad finem servata videretur; neque tamen postea etiam laborare Possavinus in negotio eo desistit. Sub initium mensis Septembris priusquam Cracovia Rex discederet, Andreæ Battoreum fratris filium Romam mittit. Hunc omnibus & animi, & fortunæ donis conspicuum tum adolescentem, quod alij duo fratres Stephanus & Balthasar, ætate illum antecederent, contra genium ipsius, & invitis quasi fatis ecclesiastico ordini addixerat. Pultovizque pietatis & bonarum literarum causa aliquandiu in consorcio patrum Societatis educatum, Michoviensequi præpositura, quæ morte Simonis Lukovij vacabat auctum, sub hoc tempus Romam mittebat, ut non modo summo Pontifici, sed in luce illa hominum orbi Christiano, eo facilius innotesceret.

Legationemque ad Pontificem illi imponit, ut ratione Livoniæ tanquam nuper partæ provincie, nomine Regio obedientiam apud summum Pontificem profiteretur, negotium simul illi datum, cum D. Stephani rotundi ædes, à D. Stephano Ungariæ quondam Rege in nationis Ungariæ usus cum collegio condita, Germanicæ nationi attributa postea fuisset, ut Ungariæ gentis adjungi eam rursus peteret. Sub exitum inde mensis Septembr. Cracovia Grodnam Rex proficiscitur, in itinere Korczini Lublinique, atque aliis nonnullis in locis per aliquot dies subsistit. Sub initium mensis Novembr. Georgius Farensebecius Grodnam ad Regem venit. Hic cum in superioribus bellis Moscoviticis insignem operam Regi præstitisset, & ipse iusta sumptuum, periculorumque suorum, in patria maxime sua Livonia præmia à Rege expectabat, & jussu regio, certa spe honoris, remunerationisque ei facta, evocatus à Zamoisicio fuerat. Offerebat illi Rex præsidium primarium in Livonia Vendensem, advitalitio præterea jure arcem in Episcopatu Curoniæ præcipuam, Piltenam: ex quatuor vero Transdunanis, quæ Regis nomine ei pro-



proponerentur, quam elegisset unam. Cum de literis promissis Regis ad Daniæ Regem, cujus ministerio addictus, Oslia ab eo præfecturam petebat retulisset, non impedire se commoda ipsius quæ ab aliis ei offerrentur rescripserat, modo de suo non alieno largirentur, & tanquam utriq; quidem Regi devinctus, cum ut transactione aliqua controversia ea Piltenensis tolleretur, vehementer cuperet, per nullum rectius, quam per Ducem Prussiæ, ut cum quo summa Dano necessitudo intercederet, tractari de ea posse, ipse etiam demonstrabat. Suspectum eum primo apud Danum fecerat, quod cum de auxilio ab iis quos Piltenam miserat appellatus fuisset, id negasset: non minus inde, quod cum hortatu Radivili nobilitatem suam contra Piltenes Dux Curlandiæ evocasset, præfectus arcis, quam uxoris jure in Curlandia Farensebecius possidebat; etsi ab omnibus oneribus, libera omnino esset, ad delectum nihilominus respondisset, atque ita ipsius etiam equites nonnulli sub signis ad Piltenam fuissent: ad extremum quod ejus ipsius dissensionis tempore à rege non modo evocaretur, sed Piltena etiam de qua dissensio exorta esset, illi offerretur.

Etsi autem utrumque literis apud Regem Daniæ excusasset, ut in quorum altero de officio fideique sua erga utrumque Principem actum, alterum autem ignaro se administratum fuisset, Piltenam vero à rege sibi oblatam omnino recusasset, scitu etiam permittuque Dani ad Regem ivisset, tantum tamen suspicionis eæ in animo ejus valuerant, ut et Osliam per vim absentem tum auferret, & quamvis multi, interque alios Dux Prussiæ ipse etiam apud eum pro illo se interposuisset, nunquam tamen reconciliari ei potuerit. A Rege postea præsidatu Vendense, qui quemadmodum alij præsidatus Livonici in Palatinum commutatus, deinde fuit, Karkusienseq; arce & agro jure hæreditario, aliisq; nonnullis præfecturis, remuneratus fuit. Initio anni Octuagesimi quarti, Andreas Battoreus fratris regis filius, in coadjutorem Episcopatus Varmienensis confirmatur. Petierat id Rex ex formula fœderis Episcopatus ejus quæ jus filiorum fratrumve Regionum præcipuum ad Episcopatum eum esse jubetur. Non alienus jam ante etiam Cromerus Episcopus tum Varmienensis ab eo erat. Sed cum pro jure ecclesiæ ejus sine voluntate collegij perficere non posset, missus ad eos Petrus Tiličius, qui per omnes magistratuum, & honorum ecclesiasticorum gradus, ad Episcopatum Cujaviensem summa virtute prudentiaque postea pervenit, & consensu Episcopi collegijque & utriusq; instrumentum, quod Romanam mitteretur abstulit.

Eadem hyeme de portorio Gedanense etiam, insigni ad publicos proventus accessione transactum. Quemadmodum supra ostend-

um est, cum in ipsa pacificatione Mariæburgense, convenire de ea non potuisset, quemadmodum & alia nonnulla ad proxime futura comitia rejecta res fuerat. Gedanenses, cum recusandi ejus ipsis privilegiis suis jus demonstraturos se obtulissent, per aliquot comitia rem duxerant; ante proxima superiora comitia in Regiam eam ob causam evocati, cum urgerentur, auctionem Augusto promissam, ut vel centum quinquaginta millibus, in annos quindecim, vel ducentis in annos viginti redimere sibi liceret agebant. Cum tanquam à dignitate sua, publica; alienissima omnino conditio ea repudiata à Rege fuisset, auctionem tandem, sed certis conditionibus promittunt. Cum diu convenire de nonnullis non posset comitiis iis Varfaviensibus, tum deinde Cracoviæ per integram ætatem, omneq; id tempus, quo Cracoviæ Rex hærebat, aliis, atque aliis diversis temporibus ex magistratu missis, una re agitata res fuerat.

Sub hoc tempus mense Febr. cum Joannes Lindanus, & Conradus Leinka à magistratu, Henricus Lembka Syndicus, Grodnam ad Regem venissent, ab eodem pro munere Cancellarij ad Zamouiscum, qui quo vicinior Regi esset, Knislini per id tempus agebat, remissi fuissent, ejus interventu res tandem transacta; quæ vel alieni juris erant, ut de Schotlandia, Stolcembergo, quæ contra dignitatem jusve publicum esse videbantur, debita itidem Augustana, partim omnino negata, partim ad eos ad quos pertinerent rejecta: reliqua pleraque ita illis tributa, ut jus Majestasq; publica in iis exciperetur imprimis ne auctio ea aliis juribus ipsorum: ipsi denique portorio, quod hætenus possedissent præjudicij: aliquid afferret cavebant: centum millia in placationis formula promissa, præteriti præterea temporis auctio, seu portorij pars regia, tum reliqua vel contributorum, vel quorumcunque aliorum superioris temporis debitorum remissa; ut more pristino tres consules duoque Scribæ à Senatu electi, ex æstimatione Senatus, intra Civitatem, conjunctim loco consueto id exigant, nec posthac vel ex regia, vel civitatis parte, ulla re portorium amplius augeatur, literæ itidem passus sub consueto more civitatis sigillo, navigantibus posthac quoque ederentur, generatimq; vetus percipiendi portorij ratio, nulla re mutaretur itidem permittum: ita tamen, ut qui exacturi id essent, juramentum apud delegatum regis in Civitate præstare, rationesq; ibidem eidem reddere quoties etiam opus futurum esset, in regio autem judicio tanquam ministri regij ratione officij sui respondere tenerentur. Immunitates à portorio nulli darentur, neque regiærum mercium colore portorium à quoquam eludi permitteretur.

De

De jure Maritimo Casimiri privilegium illis confirmatum, navigationes ac litora regendi, administrandique, navigationem aperiendi, & claudendi, cum regio tamen consensu, ac voluntate. De naufragis & caducis Sigismundi Primi, ut in Burggrabij magistratusque custodia sint, quoad vel hæres extiterit, vel fisco committantur. De novis vero vectigalibus, aut exactionibus nullis, vel terra vel aqua imponendis, itidem Casimiri jus jam ante Civitati, Prussiæque tributum.

Acta Commissionis Augustanæ, & sigravissimis de causis instituta ea ab Augusto fuisset, ob temporum tamen quæ consecuta est varietatem, ita sublata, ut pertinere tamen interim ad se Successoresque suos jus id Rex caveret, quoties publicæ utilitatis, aut ipsius civitatis ratio id postularet, Commissarios ad Civitatem mittendi arbitrium, neque in hoc jure, quod legitimum & indubitatum decessores ejus habuissent, quoque ab initio jam usi fuissent, suæ successorumve auctoritati, nulla re derogatum vellet. Commissarios autem ea cum potestate missum iri, ut secundum juris communis permissionem appellare ab iis ad regem possent: Causa alia nonnulla, ut de mandatis, literis fidei publicæ, moratoriis, similibusque quæ ad statum civitatis pertinere videbantur. Quod nonnisi ex ordinum, seu Senatus auctoritate rata isthæc esse posse viderentur, Ver autem ætasque instaret, ejus portorium perire, aut possessionem ejus diutius differri, Rex nolebat, forma quidem privilegij omnia comprehensa, signo manuque regia tradita eis fuere: ut autem ex Senatus auctoritate, in proximis comitiis solennius aliud privilegium iis de rebus civitati ederetur, convenit: ita quidem, ut si tum forte aliqua eorum rata non haberentur, neutra pars ad transactionem eam amplius obstricta, obligataque esset; exactio quoque aucti portorij ipso facto cessaret: utriusque tamen partitis in omnibus commemorationis capitibus in eo quo ante transactionem fuerat, statu salvo permanente. Juramenti simul formulæ ad perpetuum ejus rei usum, manu sigilloque regio illis editæ. Ita profectus mox cum iis Joannes Tarnovius referendarius, qui & gratia regia & honoribus magistratibusque insignis, ad Archiepiscopatum Gnesnensem provectus postea fuit, præfectis scribisq; juramento adactis possessionem portorij nomine regio adiit.

Venerat sub idem tempus cum Gedanensibus ad Regem, Angliæ Regiæ Legatus, Joannes Herbertus, ut de certâ sedis negotiationum Anglicarum ratione, ac legibus ipse quoque cum Rege statueret: non inutilis adventus ejus erat. Cum enim negotiationem Anglicam, ut quæ magno cum incommodo Civitatis Gedanensis Elbingam translata erat, ad pristinum morem, vel maxime

revocari Gedanenses cuperent, metus, ne quid cum Anglo novi constitueretur, non parum ad transigendum cum iis negotium momenti attulisse existimabatur. Etsi autem cum Gedanensibus jam rex constituerat, ne tamen contra communem humanitatem, atque inter Principes necessitudinem præcise rejectus videretur, cognitio causæ decreta. Delegati Petrus Kostka Episcopus Culmensis, Petrus de Potulice Palatinus Brestensis, Joannes Dulsky Culmensis, Stephanus Grudzienfcius Naklensis, Castellani, Stanislaus Kostka Succamerarius Culmensis, qui Conventu Mariæburgi indicto, rationes negotij ejus ex Legato cognoscerent, facultatemque omnibus quorum interest, adeundi dicendiq; facta, quæ in negotio eo cognovissent, ad regem Senatunque referrent. Intercedebat per id tempus cum Duce Prussiæ, etiam controversiæ aliquid. Primum de ratione Calendarij, aliquoties à rege appellatus fuerat, ut in emendato Calendario accipiendo regni, ejus Prussia quoque membrum esset consensum sequeretur.

Religionis diversitatem, libertatemq; obtendenti demonstratum fuerat, nihil ad religionis causam, eam rem pertinere, quæ enim ante tot annos non Christi, ejusve discipulorum auctoritate, sed à Julio Cæsare, qui nihil cum Christianitate commune habuerit, Calendarij ratio introducta sit, ea à quo nunc mutetur, ejus magnopere interesse: nullos certe minus moveri ea debere, quam qui in notando summo Pontifice certorum dierum, quæ ab illò retineatur observationem, vel imprimis superstitionem condemnent. Diem quidem Dominicum, qui jam dissentientibus de religione communis nobis sit, immortum permanere: alios dies festos, vel non observari ab illis, vel si colantur, ita coli, ut nulla eorum religione adstrictos se putent. Ille in sententia nihilominus persistit. Accedebat ad hoc alterum. Jam superiore anno octuagesimo secundo, cum conventum Provincialium Regiomonti habuisset, iique durius quædam exigi à se existimassent, aliis metu cedentibus, Joannes Albertus Eilenburgius, Fridericus Aulacus, Christophorus à Dhela nomine municipiorum suorum, Kostenburgens. Bartensteinens. & Tapiensium, appellationem à decretis conventus ejus ad Regem interponunt: cum appellationem per tabellarium literis Grodnam ad Regem detulissent, tanquam munere suo perfuncti, quiescere postea in animum induxerant. Miserat per me tum libellum eum Rex ad Ducem: utque in regno, in quo maxima libertatis nobilitatis ratio haberetur, quam clementissime potius agere cum iis vellet, cum hortabatur. Ab initio cum gubernationem ei Rex confirmaret, ut contra contumaces auctoritatem suam ei Rex præstaret, à Rege petierat. Tum verò ne exemplo etiam alij in obedientiores



tiores posthac essent, qui circa Ducem erant veriti, in proximis Comitibus Varlaviensibus rescriptum ad eos regium impetrarant; quibus ex Conventu Regiomontano huiusmodi nonnulla delata ad se fuisse, Rex significabat, ex quibus adversandi Duci studium quorundam facile perspexisset. Cum non minus sua, quam Ducis autoritas ea in re agatur, ut salvis juribus regalibus officium facerent, autoritate alioquin sua Duci non defuturus hortabatur. Quo priusquam publico in Conventu rescriptum id promulgarent, autores, ut putabant factionis, ab instituto detererent, gravibus editis in aulam eos evocaverant. Ii eorum quæ agerentur ignari, periculum sibi creati veriti, ex Ducatu secedunt, supplicesque ad fidem regis confugiunt. Cum assidue Regi instarent, neque tam ob perfidiam, aut scelus aliquod suum, sed ob publicam causam, publico iussu à se actam offensionem Ducis incurrisset dicere. Cracovia Grodnam proficiscens, exitinere ad Ducem literas Aulaco dat, quibus ut in gratiam eos recipiat ab eo petit; quæ cum ipsæ quoque frustra fuissent, sub finem mensis Martij Vilnam, quo Livonicarum potissimum rerum ex propinquo eo rectius constituendarum causa excurrerat, iterum ad regem adeunt. Testimoniatrium municipiorum, de quibus supra mentio facta, manu sigillisque eorum exhibent, quibus fidem faciunt, quicquid à se gestum sit, publico mandato eorum gestum: ob publicam causam à se actam, privatim periculum sibi creati: premi se apud Principem gratia hominum quorundam externorum: tanto tempore, summo cum fortunarum, ac salutis suæ discrimine in exilio extorres circumagi: nihil ne regias quidem literas adjumenti sibi attulisse: itaque fidem publicam qua recti ad fortunas suas redire possent, cognitionemque causæ à Rege petebant.

Mittere hinc de rebus ad Ducem Rex aliquem cogitabat: Cum interim Bulavius à Duce ad Regem venit, cum conditionum Danicarum communicandarum, tum huius quoque negotij causa. Interim enim apud Ducem quoque magis res exacerbata fuerant, gratia quasi Ducis desperata, scriptum quoddam Aulacus, cum apud Regem, tum Senatores nonnullos sparserat; quo & Ducem in maximam invidiam vocabat, & causas nonnullas, ob quas jure gubernationis, seu Ducatus privari, & rationes quibus posset collegerat; emanarat id ad Ducem, & apud Regem igitur gravissime, quod communicatum id secum non fuisset, quærebatur: & in gravissimum perduellionis Majestatis crimen Aulacum vocabat. Rex tamen quo illi reconciliarentur, operam dare non intermittebat, utque quos vel ipse maxime vellet, ex Senatu aliquos de-

legeret, quorum interventu atque opera controversiæ eæ, inter illos tollerentur, postulabat.

Verum aliis gravioribus negotiis, tandem morte etiam Stephani Regis interveniente, Eilenburgius quidem Duci reconciliatus fuit. Dela in exilio mortuus: Aulacus cum in maximo periculo versatus semper fuisset, tandem Elbingæ in exilio obiit. Non minus turbatum cum vetus oppidi Regiomontanis fuerat. Cum ministrum quendam Ducis, ob vim in civitate factam, in carceres compegissent, iussuque Ducis, qui de illo se dicturum offerebat, ne consule quidem eorum in itinere intercepto, in vinculaque ipso etiam conjecto dimittere voluissent, possessiones eorum publicas Dux occupat. Sub exitum anni superioris octuagesimi tertij, ipsi etiam hac de re ad regem confugerant. Tandem tamen in gratiam cum Duce rediere, bonaque illis restituta fuere. Anno hoc octuagesimo quarto, tres Cardinales in gratiam regis à Pontifice creati. Georgius Radivilus Episcopus Vilnensis, pro quo aliquoties diligentissime honorem cum Rex petierat. Albertus Bolognetus Episcopus Massanensis, qui nuntij munere à Pontifice apud Regem fungebatur: post omnium autem honorificentissime, ut de quo ne appellandum quidem Pontificem Rex existimarat, & extra ordinem solus, Andreas fratris filius. Ejusdem anni æstatis initium supplicium Samuelis Zborovij, contentionesque cum Zborovius secum traxit; quæ cum multarum, magnarumque turbarum, & tum & multo majorum postea etiam causam præbuerint, altius nonnihil repetenda videntur. Quæ sententia ob eandem Vapovij in Samuelem Zborovium ab Henrico rege lata, quantaque in invidia judicium illud fuerit superioribus libris ostensum est.

Et si autem integro honore exilium irrogatum sententia ea illi fuerat, quod tamen edicta ad præfectos omnes missa simul erant, ut si in jurisdictionem alicujus perveniret caperetur, finalis executio fieret, in Transilvaniam mox ad Stephanum Palatinum tum Transilvaniæ se contulerat, in familiamque ejus receptus ab eo fuerat. Cum post discessum Henrici imprimis fratribus etiam ejus annitentibus in regem electus Stephanus fuisset, in Poloniam cum eodem rediit: & quemadmodum quidem à Zborovius jactatum postea fuit, fide etiam publica à rege impetrata, publice non aliis modo in locis, verum aliquando in comitiis ac regno etiam versabatur. Indignissima omnibus res videri, qui huiusmodi cæde perpetrata, cum vitæ tum dignitatis omnis experts esse deberet, cum ne in exilio quidem, cum id contra leges irrogatum ei esset, se continere-

Itaque

Itaque agitata res non semel in Senatu: Jactata à nuntiis terrestribus: Omnium autem fere vocibus deplorata fuit. Agebat ille interim ut restitueretur, cum apud Regem, tum apud Senatum: eademque in re Zamoscij etiam opem, atque gratiam cum ipse tum fratres ejus implorabant. Sed cum sententia publici judicij publice lata, primo quidem non nisi eorum, quorum interesset, voluntate ac gratia, deinde veto omnium ordinum autoritate consensuque, inque publicis comitiis tolli posset, dum hæc adjungerentur, Rex qui maxime ab initio ei cupiebat, ut in finibus interim loco aliquo ab hominum oculis remoto, quiete ac modeste se contineret eum movebat.

Eadem Zamoscij sententia erat: qui etsi ipsorum Zboroviorum causa restitutum eum vellet: magis tamen reipublicæ causa id cupiebat, quod minori cum juris publici, ac Magistratuum indignitate restitutum eum iri statueret, quam non restitutum leges, magistratusque omnes contemnere. Itaque operam quidem suam illis deferebat, sed ita ut dum res conficeretur publicis tamen locis abstinere: maximeque iis locis, quæ ad suam jurisdictionem pertinerent: cum aliis tum Cracovia ei interdicebat. Volitabat ille nihilominus libere per universum regnum, cum viribus suis fretus: semper enim manum aliquam circa se habebat: tum imbecillitate magistratum aliis virium tantum non habentibus: plerisque inimicitias, ac contentionem metuentibus, officioque suo ortum antepponentibus. Accedebat huc, ut in finibus etiam vel cum Cosaccis se conjungens, vel manu ipse facta non raro publicam etiam pacem turbare putaretur: Omnibus quidem indigne ista ferentibus, nullo tamen potentium hominum inimicitias subire audente. Zamoscio cum Zborovius non modo inimicitias nullæ, verum officia potius aliqua ante intercesserant. Prima æmulatio potius quam contentio à Vice Cancellariatu nata inter eos fuerat: quem cum pro Andrea Zborovio tum Regiæ Marschalco peterent, Zamoscio à Rege delatus fuerat: auxerat eandem nonnullorum Zamoscij necessariorum patrocinium, quorum defensionem contra eos Zamoscius susceperat: maxime autem opinio quod cum & pro ratione muneris Cancellariatus, & pro ea gratia, quam apud regem Stephanum valebat, preces suas per illum aliquando ad Regem deferrent, non modo non satis juvari, verum impediti etiam nonnunquam se ab eo suspicarentur. Quæ cum & non magna essent, & omnia à suspitionibus fere proficiscerentur, neque cum aliis aperte ei inimicitias erant, & cum Joanne Zborovio ad hoc fere tempus constans illi amicitia manserat.

Primæ non multis diebus post nuptias Zamoscij inimicitias inter eos per hanc occasionem erupere. Venerat ad nuptiarum earum celebritatem, inter alios Christophorus Zborovius, cujus supra mentio facta est. Hic post discessum Henrici, studiis suffragatorum in Maximilianum Imperatorem, & Stephanum Palatinum Transilvaniæ scissis, primo pecuniam à Stephano per speciem constitmandarum partium contra Maximilianum satis grandem acceperat: Postea ad Maximiliani partes ipse transierat: Cracoviamque Stephanum ingredientem, è domo quadam clam occidere voluisse delatus: indeque ad Maximilianum de Bello Polonico in Comitibus Ratisbonensibus deliberantem protectus, per omne id tempus, cum in aula Cæsarea, tum aliis externis locis versatus fuerat.

Tandem ut Stephano reconciliaretur, per nuptiarum earum occasionem Cracoviam venerat: annitentibusque fratribus apud Zamoscium, per hunc difficillime rege assentiente, gratiæ ejus restitutus, admittusque ad Regem fuerat. Mortuus iis diebus Sperveinus Prussus fuerat: vir militaris, & qui sub Maximiliano Imperatore in Ungaria aliquot annis ordines duxerat: equa militia cum Stephano Regi notus esset, certam pensionem annuam virtutis causa, à Rege consecutus fuerat. Hanc sub idem tempus eo mortuo Christophorus petere cepit. Alienum regi videbatur, ut qui tot superiorum temporum injuriarum memoriam deprecatione ex animo suo vix dum delevisset, cum nullis in se meritis profectis beneficio afficeretur: spes tamen ei facta, si bene de rege mereri inciperet, per aliam occasionem munificentiam regis ei non defuturam; negationem beneficii injuriam suam interpretatus, iram cum in regem, tum non minus in Zamoscium vertit: quo interprete impetitione ea ad regem deferenda usus fuerat.

Sub idem autem tempus, quemadmodum supra ostensum est, Cosacci manu in finibus facta, Tchiniam præfecturam Turcicam repentina incursione diripuerant. Cujus incursionis cum partim autor, partim adjutor Samuel Zborovius in certa fama ferretur, in tanto vicino à Turcis periculo, re in conventu Senatorum, qui frequentes ad nuptias venerant proposita, cum ab aliis, tum inter eos à Zamoscio etiam graves aliquot in Samuelem sententiæ dictæ. Quibus rebus animos fratrum accensisset. Samuel contumeliosas in Zamoscium literas ad Regem dederat: & Christophorus alias ad Samuelem, quibus non modo acerbissime in Regem invehebatur: Verum consilia etiam quædam contra Regem, inter ipsum Samuelem, & tertium

T 2

fra-



fratrem Andream, qui Marfchalcus tum Regiæ erat, fufcepra fignificabat. Uteque confilia ea maturaret eum hortabatur: Simul autem quartum fratrem Joannem Caftellanum Gnesnensem graviffime accufabat, quod is muneribus à Rege & Zamofcio delinitus, illis fe totum dediffet.

Augebat fufpicionem tentatarum rerum novarum, quod cum bello Turcico conflato à Cofaccis aliqui maxime quidem purgandi fui caufa Cracoviam tum veniffent, partim cum illis etiam confilia fe communicaffe fcribebat: Partim ad alios Cofaccos univerfas literas fe dediffe, quibus ut Samuel omnibus in rebus autorem, ac Ducem fequerentur, hortati eos fuiffent: Literas has ex pueris domesticis Samuelis Citharædus quidam exceperat, & five odio heri, feu fpe præmiorum ad Regem detulerat. Quod in tanta libertate non fine maximo metu homines potentes in iudicium honoris, atque omnium fortunarum vocari poffe exiftimarentur, magis de fanandis, quam ulcifcendis iis cogitarent. Per Peremovium confulto Rex ad Zamofcium eas remittit. Itaque roganti Zamofcio ut literas eas Joanni Zborovio Caftellano Gnesnenfi oftenderet, Rex permittit, ut ei, qui quamvis natura & cognatione proximus iis efferet, confiliorum tamen eorum non modo affinis non efferet: Sed potius quod nihil cum iis commune habere voluiffet, graviffime ab iis accufaretur. Cum manum & fignum mox cognoviffet, ut tanquam in re fubita, ac gravi deprecari potius fratrum crimen, quam purgare cœpiffet: complexusque hominem Zamofcius ipem ei fecit, modo poft hac ad faniorem mentem redirent, plus apud Regem ipfius in Regem obfervantiam, quam aliorum fratrum peccata valituram: monereque cœpit, ut & ipfe quam fecretiffime rem haberet, & alios fratres poft hac faltem in officio contineret. Itaque hominem dimiffit, ut & Zborovius magnam fpeni veniæ fratribus impetrandæ auferret, & Zamofcius poft hac faltem quieturos fibi perfuaderet. Verum detecta res animos, & fua fponde feroces, & tum metu rerum fuarum follicitos, domesticis præfertim rebus fere perditis, incendit magis, quam vel fedavit, vel deteruit. Quod enim & Samuel in exilijs illa præna adhuc hæteret, Andreas autem & Chriftophorus paternam fere rem omnem luxu perdidiffent, in iis difficultatibus non modo fublevatum fe jam iri ab offenfio Rege desperabat: Verum quorfum etiam offenfio, odiumque ejus erumperent, metuebant.

Itaque cum partim inopia & luxu nata, quæ una res in omnibus rebus publicis maxime animos juvenum magnis opibus innutriturum ad res novas follicitare folet, partim

metus iudicij, ad omnia potius audenda eos inflammabant, quam ut præfentem ftatum ferre vellent.

Tempus ejus rei patrandæ electum ab iis fuerat, quo non multo poft nuptias Zamofcij Lublinum Rex proficifcens Zborovium tranfiturus erat: quæ cum ab Andrea tenebatur, eodem reliqui etiam duo cum aliis nonnullis, quibus confilia fua credebant, convenerant: quibus Spitko Tordanes unus ex maxime neceffariis eorum, & qui confilio interfuerat, Zamofcio detruciendo eo confilia illos agitare renunciat, quo indicio admonitus, cum fuum tum amicorum comitatum, quantum poteft auget. Sed quemadmodum poft ea compertum fuit, vel quod non fatis virium ad aggrediendam rem habere fe exiftimarent: vel confilia fua detecta jam fufpicarentur: vel etiam tantæ rei cogitatio, quo magis ejus patrandæ tempus appropinquaret, eo magis animos illorum debilitaret, ne ipfi quidem tum in fententia vel perfiftere, vel confentientes fuere.

Maxime autem per Samuelem à confilio recessum fuiſſe, cum ex aliis nonnullis cognitum poft ea fuit, tum Samuel ipſe, poſtquam in poteſtatem venit, teſtatus fuit. Jam ante autem eum Cracoviæ vicinæque Niepolomicæ Rex verſaretur, ab Hieronymo Philippovio cubiculi regij præfecto, infidiæ nonnullæ in Regem in ſylva Niepolomicenſi inſtructæ, delatæ & detectæ regi fuerant: à Regeq; in rem præſentem miſſis repertæ: confilio tamen Zamofcij diſſimulatæ occultatæq; fuerant.

Inſidiis igitur iis partim diligentia ſua amicorumque, partim illorum ipſorum inconſtantia, à Zamofcio evitatis, Rex quemadmodum oſtenſum eſt Grodnam, Zamofcius Kniffinum ſe contulerant: animis ut animis ad fanandos potius eos proclivibus, ita indicio inſidiarum illarum ad eos delato, graviorum rerum expectatione ſuſpenſis. Ad ea non multo poſt aliæ nonnullæ res acceſſere, quæ imprimis quidem Regem, non minus vero etiam Zamofcium magis ab iis alienarunt.

Primum Joannes Zborovius, qui aliquin à fratrum confilijs plane abfuerat, exauctorem veſtigialis ad montem album ſuperioribus comitijs in biennium rogati, quaſi ultra diem conſtitutione præſcriptam id exigeret, cum tamen dies ea nondum præteriffet, familia in eum immiſſa, impetuque facto, multis verberibus, iis, qui publica ibi exercebant illatis deturbarat. Quæ res in ea vicinia Gedani emporij tam nobilis, in oculis quaſi, ac conſpectu tot nationum, ſumma cum indignitate Regis, vehementer animum ejus angebat.

Alte-

Alterum non amici animi ſignum in Nicolao Vroviecio, cujus ſupra aliquoties mentio facta eſt, oſtenderat. Huic Vicario in præfectura Cracoviænſe Zamofcij, cum rixa inter pocula primum cœpta, indeque gravius contentio cum Sigismundo Palcevio Burggrabio arcis Cracoviænſis, Zboroviorum autem cliente, interceſſiſſet, eo ab Vroviecio deventum fuerat, ut impetu in domum ejus facto, domi ejus vim illi faceret. Operam Zamofcius dabat, ut Palcevio placato, compoſitione res tolleretur: Zborovij ex altera parte, ut iudicio injuriam perſequeretur quantum poterant, eum incitabant. Cum à ſuis inſectandis ne in tam perditis quidem rebus deſiſtere eos videret, de amicitia eorum omnino deſperare Zamofcius cœpit.

Itaque Stanislao Zolkievio Palatinide Belzenſe, ad Andream Opalenium Marſcalcum in majorem Poloniam miſſo, per eum & literas Chriſtophori, quæ delatæ fuerat, Opalenio oſtendit: & pro ea neceſſitudine, quæ Joanni Zborovio cum Opalenio intercedebat: Sororis enim filiam Opalenij in matrimonio habebat: amicitiam apud illum Zborovius renunciat. Appetebat interim tempus quo ad iudicia nobilitatis, quæ quot trimeſtribus bis in ſingulis præfecturis legitima & ſtata haberi ſolent, exercenda Cracoviam Kniffino excurrendum Zamofcio erat. Movit inde Menſe Majo nullo alio omnino quam domoſtico cum comitatu, eo nimirum, quem ordinarium circa ſe habere ſolebat. Nurum cum veniſſet, triſtiſſimo nuntio abortus uxoris, quam ſeptimum jam menſem uterum ferentem reliquerat, ſubito revocatus Kniffinum fuit: quod cum ad conſolandam ſolummodo uxorem, celerrimo itinere recurriſſet, triduo poſt ad comitatum, quem Nuri reliquerat, recurrit. Utiſque alterius diei iter inde progreſſo, per certos homines renunciatur, Samuelem Zborovium iptum quoque diverſo ex Ruſſia itinere Cracoviam contendere, publiceque prædicare, una cum Zamofcio Cracoviam ingredi ſe velle: neque multo poſt Joannes Thomas Drojevius præfectus Przemislienſis, de confilio Samuelis, qui Sloſtovio profectus per Przemislienſem Præfecturam iter fecerat, cognito, veritusque id quod erat, imparatum omnino Zamofcium domo profectum, juſto cum comitatu ei occurrit.

Idem Nicolaus Vroviecius fecerat, qui quam primum de adventu Samuelis cognoviſſet, cum aliquo itidem comitatu aliquot à Cracovia dierum itinere ſimiliter ei occurrerat. Itidem Vielunienſis præfectus Konięcpolius, cum ſub id tempus Cracoviæ tum eſſet.

Quam primum in Sandomirienſem agrum ventum, Samuelem non longo à ſe interval-

lo ira diaria ſua perſequi cognoviſcit, ut aliquando dimidio, ad ſummum uno milliari à ſe conſidens, iisdem fere, quibus ipſe diariis uteretur.

Cum autem publice etiam Zamofcio vim minitari, & confilia ſua jaſtare non dubitaret, in horas fere complures honeſtiſſimi homines, cum illa, quæ ab eo jaſtari audiviſſent ad Zamofcium deferebant: tum ut non tam inſidias quam vim caveret, eum monabant: Zamofcius etſi dimicationem ſibi ſubeundam videret: quantum tamen caveri ejus poterat, ne cum eo congredederetur, vitabat: partim quod invitatus ad eam deſcenderet: partim quod non ut eum inimico, ſed jure magiſtratus agendum ſibi in eum ſtatuere, qui legibus & rebus iudicatis ſpreſtis, cum exul eſſet, libere nihilominus & armatis hominibus ſuccinctus, per regnum volitaret: quo quidem jure cum in aliena iuriſdictione uti in eum non poſſet, dum in ſuæ iuriſdictionis Cracoviænſem præfecturam veniret, expectandum ſibi ſtatuir. Ita tandem Zamofcius Proſſoviciam, quæ ad Cracoviænſem præfecturam jam pertinet Samuel diebus primo Podolamiam, uno à Proſſovicia milliari diſſitam, & cum in ea pernoctaturum ſe ſimulaſſet ſole jam occidente, ipſe Pieczmam ad ſororis ſuæ filiam viduam ſuo uterque fato divertit, comitatum Jacobovicij in villa inter Pieczmam & Proſſoviciam interjecta collocat. Re à Zamofcio cognita, non amplius ſibi cunctandum: Verum ſive quod à plariſque pro certo, & comperto delatum ad eum eſſet, inſidias vitæ ſuæ ſtrueret, præveniendum ratus: ſive nihil aliud moliretur, quam ut in contemptum ſuum eandem ſecum urbem ingrederetur, nihil indignius fieri poſſe ſtatuir, quam loco tam celebri in tot nationum oculis, in ſe legibus & magiſtratu publico inſultari: cum eo ipſo jam ſatis indignitatis admiſſum eſſet, quod exul, qui legibus publicis nullo in loco regni verſari poſſet, cum per fratres ipſius diſerte aliquoties illi denunciaſſet, ut iis locis quæ ad iuriſdictionem ſuam pertinerent, ſe abſtineret, in præfecturam nihilominus ſuam tam prope ad ſe acceſſiſſet.

Conſilio igitur cum amicis & militibus aliquot viris, quos circa ſe habebat habito, mittit ex ijs Stanislauum Zolkievium Palatinidem Belzenſem. Nicolaum Vroviecium, Simonem Charlenſcium, Albertum Vibranovium, Mrodſkonem Lucam Syrneam, cum ea peditum manu, quam non magnam partim ſuam, partim amicorum, qui obviam ei progreſſi fuerant, tum circa ſe habebat. Egreſſi ſub velperam, noctu, Jacoboviciam ut juſſi circumeuntes, in Villam in quam Samuel diverterat perveniunt.

T 3

Cra-



Cracoviz interim quemadmodum postea compertum fuit, ex omni genere juventutis, quæ partim corrupta, partim alios corrumpendi, causa frequentissima semper Cracoviz esse solet, aliam manum compararat, quæ postmodum urbem sibi ingredienti occurreret; seu potius ipso à tergo Zamoscium secuturo, illa à fronte se ei objiceret. Zamoscianis prætorium villæ ingressis, unus ex iis sclopetum discludit: quo strepitu exaudito, duobus mox per fenestras responsum, inde compluribus à Zamoscianis explosis, numeroque adversariorum ex iis cognito, silentium mox fuit, omnique defensionis, aut resistendi spe abjecta latebræ quæsitæ. In quibus indicio sororis ejus filij, metu & minis à Charlenscio sclopeto ei intentato perterriti inventus, paulo ante lucem Prossoviciam adductus ad Zamoscium fuit. Zamoscium mora nulla interposita literas cum ad Regem tum ad plerosque Senatores dimittit; quibus & de facto ipso certiores eos faciebat, & facti rationem reddebat. Pueris quos omnes fere in partes dimittebat, ut non modo captum, sed supplicio jam affectum esse, ubique spargerent, mandabat; quo quamvis in eum qui leges, & jura contempsisset, ex lege agere jam decrevisset, quæ tamen ea de re judicia hominum, quique animorum motus futuri essent, etiam ante tempus perciperet.

Retanta celeritate Cracoviam perlata, ut quod mirum videri posset, eodem fere temporis momento, quo captus fuit, Cracoviz jam publica fama res jactaretur, cum tamen quinque bonis milliaribus nostratibus Cracovia Prossovicia distat; quicquid fere nobilitatis ibi erat, tum tota fere civitas in occursum effusa Zamoscio fuit. Samuel in curru camerato, eodemque clauso proxime ante Zamoscium ducebatur. Quamprimum in arcem ventum fuit, honestam in custodiam ad Nicolaum Vrovecium ut præfecti vicarium datus fuit.

Zamoscium à nobilitate satis frequente ductus, concionem statim habuit; quanta cum indignitate publica leges, magistratus, ac res judicatas hætenus contempsisset exposuit: religionem jurisjurandi qua omnes præfecti ad res judicatas exequendas astricti essent, ostendit. Cui quin pareret, sine summa indignitate, interituque adeo legum, atque omnis juris publici facere aliter se non posse: omninoque ex jure statim in eum se animadversurum declarat.

Postea tamen & Regias & Senatorum plætorumque ea dere literas expectare tutius ei visum, quas dum expectat, nonnulli ex nobilitate, quæ judiciorum causa ex vicinis etiam municipiis satis ut ostensum est frequens convenerat, cœtu inter se facto per libellum Zamoscium adeunt: ut tanquam in re ambigua executionem sustineret, & vel ad co-

mitia saltem in custodia servaret petunt, alij autem, ijque qui maxime propinqui Zboroviorum erant, ferociiores ea re facti; insultare etiam ei, & risus ex eo captare non dubitabant: & tanquam lupum auribus ab eo teneri palam jactare.

Dum deliberat, Regisque etiam sententiam expectat non statim ad libellum eum respondet. Interim majore fere parte dilapsa, reliquis scripto ipse etiam ita respondet, ut neque jure publico salvo facile id fieri posse demonstraret: neque custodiam ejus ad comitia quod illi petebant, sine maximis difficultatibus suscipi posse: non alienum tamen se ostenderet, si quis sub certo vadimonio sistendi ejus in Comitibus onus, in se recipere vellet, quin illius periculo precibus eorum locum daret: certus nullum omnino quid periculi in se reciperet futurum. Pridie quam supplicium de eo lumeretur, denunciatum ei fuit, ut si quid rerum suarum procurare prius vellet, arbitrato id suo faceret.

Ab initio jam quam primum in potestatem venerat, hujusmodi voces spargere non destiterat, quibus ab iis consiliis quæ contra Regem suscepta essent, plane se alienum fuisse ostendebat, omnia autem in fratres conferret. Itaque cum aliquoties ea jactasset, non negligenda Zamolcius ratus, sub vespere cum aliquot amicis, ipse ad eum venit: quæque illa essent, quorum ab eo mentio facta esset, quæ sivit. Ille cum vitam multis verbis frustra supplex petisset, tandem agnoscere se ostendit, fato in eum locum pertractum, in quo & sanguinis humani non semel à se fusi, & multorum aliorum peccatorum poenas daret.

De consiliis contra Regem, duos fratres suos Christophorum & Andream aliqua agitate professus fuit: Duplicem autem eorum rationem sibi proposuisse. Nam & in Venatione, si quando more suo solus à reliquo comitatu Rex excurreret, tollendi ejus spem aliquam eos habuisse: & si hæc non procederet, ut externum aliquem Principem, cujus patrocinio niterentur, sibi deligerent, illis placuisse: interim ut ipsi per Poloniam tacite quantum possent, in odium hominum Regem adducerent; Spem etiam nonnullam in Livonicis, & aliis quibusdam moribus eos posuisse.

Interrogatus quibuscum consilia ea socialissent, ea de re minus sibi constare ostendit: quod consiliorum omnium fratres autores fuissent, sui tanquam rudis hominis opera potius, quam consilio uti voluissent solitos fuisse, eos notis, quibusdam inter se uti, cujus generis literæ, cum ad se aliquando perlatae essent, quod eas non intellexisset, ad fratrem à se remissas.

Facile

Facile Zamoscium passus fuit, alios conscios ab eo non nominari, atque ex instituto potius sermonem eum suppressit. Professio- ne autem ea illius contestata, postmodum qui XXVI. mensis Maji decimo quarto autem die, postquam in potestatem venisset, in Saxo, quod ab arce Casimiriam spectat, fontium suppliciis destinato, summo mane publice caput amputatum fuit, corpus ad sepulturam propinquis datum; tanta autem mox invidiæ flamma concitata, recte ut dici posset, eo fato natum illum fuisse; ut neque antea sine maximo motu publico negligi in eo jus potuerit, neque postea executioni mandari.

Maxime autem ipsi Zborovij partim invidiam, partim miserationem apud populum movere; cum fide publica in regnum à Rege admissum, postea publice etiam, solennibus ac publicis in locis toleratum, fraude, & insidiis adversarij irretitum, ac captum, contra ipsius decreti Regij, quo condemnatus esset, sententiam, capite ple- xum fuisse; quæ quo magis probarent, illud ipsum iter ipsius in quo captus fuisset, ut decreto regio satisfaceret, patriæque cederet, Italiam versus, quam exilij locum sibi delegisset, susceptum ab eo ferebant: Interim præter omnem opinionem improvise oppressum fuisse.

Non parum etiam invidiæ locus ipse quo captus fuerat faciebat: quod apud viduam propinquam: quod per vim à domo nobilis privata; quæ jure publico sacrosancta sint: maxime autem jureve cæsus esset, à nonnullis controvertebatur. Dicebantur contra hæc à Zamoscio, quod de fide publica assererebatur, primum non potuisse in tali causa Regem eam dare, aut datam validam esse: Sed ne datam quidem unquam fuisse: ut in bonis suis Slobovensibus, quæ in ipsis fere finibus sunt, sine cujusquam injuria pacatè se contineret, dum parte ad compositionem adducta, ordinumque omnium auctoritate adjuncta, abolitionem decreti Henrici impetrasset, privatim potius, quam publica auctoritate permissum illi à Rege fuisse: Quod autem publice per regnum volitasset, partim imbecillitate, partim conniventia magistratuum, non modo contra voluntatem Regis, sed summa cum indignitate publica plerisque frementibus, indigneque ferentibus factum. Nominatim de se Zamoscium testabatur, si quibus in locis una secum fuisset, vel non ad suam jurisdictionem ea pertinuisse, vel minimè à se latum fuisse.

Cum germanus frater ejus Andreas Marschalcatu, cujus summa in Aula jurisdictio est, fungeretur, non modo in regia aliquoties eum visum, sed ad ipsum etiam Regem privatim introductum, aliquando fuisse. Monuisse se tum ea dere Regem,

diserteque ostendisse, si sua tum jurisdictio fuisset, passurum se eum non fuisse; adductum deinde privatim aliquando ad se Variaviz fuisse, eum itidem Rex, alienaque jurisdictio ibi fuisset: adductum autem improvise, cum de adventu ejus nihil ante præscivisset, gratias tantummodo, quod de reconciliatione cum parte suo nomine laborasset, ei egisse. Postea cum in Lucensem expeditionem ipse quoque venisset, atque jure publico in bellis proscripti etiam operam navare possent, in iis tamen castris, quæ sub suo imperio fuerant, quamvis postulanti, locum tribuere noluisse. Extra castra quin versaretur recusare se non debuisset. Eodem modo cum superiore anno contra Tartaros excubasset, Samuelem sero aliquando sub noctem eo venisse, atque in suburbium Leopoltanum divertisse, quam primum certior de eo factus fuisset, Petro Casimirio familiari suo ad eum misso, ut quam primum recederet, & posthac etiam ab aliis locis, in quibus ipse esset, se abstinere, ei denunciasse. Idem multo diligentius postea per illius ipsius fratrem Andream fecisse; qui cum de negotiis suis, ac fratræ, sub id ipsum tempus, quo Leopoli Cracoviam rediisset, se appellasset, in utriusque quidem causa, operam suam pollicitum illi fuisse: de Samuele tamen, ne ijs in locis, quæ jurisdictioni suæ subjecta essent, dum publicè restitutus esset, diserte cavisse.

Jam verò uter alteri insidias struxisset, nec quæri quidem necesse esse, cum à se iter solenne, statu ac legitimum susceptum fuisset, quod nemo ignorare poterat: Samuelem eo tempore profecturum ne divinando quidem in mentem venire sibi potuisse. Ac quo animo quidem iter illud vel suscepisset, vel cum suo conjunxisset, & si multa à multis, & antequam in potestatem venisset, & postea delata ad se fuissent, in neutram tamen partem confirmare magnopere attinere: Cracoviam quidem certo tum eum cogitasse, illius ipsius Chirographo Zamolcius docebat: quod cum ab initio à custodia Cracoviense ad focum suam Castellanam Cracoviensem misisset, à Zamolcio ejus potissimum rei illius ipsius voce ac manu convincendæ causa exceptum fuerat. Contra id quod à domo privata propinquæ suæ per vim ablatum diceretur, non modo proscriptorum ubique comprehensorum jure publico potestatem esse demonstrabat: Verum illam potius in culpa esse, quæ quamvis propinquo, publice tamen proscripto, receptum præstiterat: quod qui facerent, iisdem poenis, & legibus, quibus proscripti tenerentur.

De jure id maxime dubitationem faciebat: quod cum decreto Henrici exilium illi irrogatum esset, honos nihilominus



contra jus quidem, & leges publicas, sed tamen conservatus, capitis poenam, quæ & cum infamia conjuncta esset, & in cujus locum infamia ut plurimum succederet, irrogari ei non potuisse disputabant. Doceretur ab altera parte, nisi capitis poenæ metu in exilio quis contineretur: eam ipsam exilij irrogationem irritam plane futuram. Quid enim fieret quod exilio aliquem prohibeat, si salute ac vita integra nihilominus domi versari posset. Itaque in omnibus fere rebus publicis in quibus exilium fontibus irrogari solitum fuerit, & iis fere tantum irrogatum fuisse, qui capitis poenam meruissent: & qui cum hoc exilium commutare maluissent, cum id nisi elegissent, capitis poena subeunda illis fuisset. Maxime autem in hac ipsa causa id esse. Cum enim si præsens eventum judicij expectare voluisset, secundum leges publicas capitis poenam sustinere eum oportuisset, hanc cum absentia effugisset in ejus locum exilij irrogatam fuisse. In quo cum se non continuisset, necessario alteram successisse, quæ præfenti subeunda fuisset.

Tum vero quamvis integra fama proscriptus esset. Capitis tamen poenam dum in proscriptione ea hæreret, effugere illum non potuisse, ex eo maxime docebatur, quod etiam in privata causa à præfecto loci, seu quocunque judicio proscriptorum, legibus in Regis potestate vitam esse constitutum esset; qui certe ne ipsi quidem, quoad honorem & famam pertineret, summam illam capitis diminutionem passi non essent; nam neque honore extra comitia & non nisi à Rege jure publico privari quenkum posse: nec honore privatos alter, quam communi ordinum autoritate, in publicis comitiis restitui, quod in his, qui ob pecuniarum controversiam proscriberentur, totum secus esset. Nam & à præfectis fere solis, si ad eorum judicium se astrinxissent, proscribi eos solere: & controversia cum adversaria & præfecto composita, etiam extra comitia solo Regis beneficio, in pristinum statum, atque jus restitui.

In qua causa cum essent si nihilominus, dum in proscriptione hærerent caperentur, Regisque consensus ad id accederet, & rectè supplicium capitis sumi: & multos hoc jure capite plexos esse, non paucis exemplis doceri posse. Quanto rectius in eum animadvertum, qui non ob pecuniariam aliquam causam, sed eadem Senatoris in publicis Regni comitiis, loco Sacrosancto factam, cum ne in eo ipso quidem exilio, quod contra jus poenæ loco irrogatum ei fuisset, se contineret, publicè nihilominus in regno obversaretur.

Non solum autem odio, invidiaque contra eum Zborovij pugnabant, verum ut vires etiam quam maximas contra eum sibi compararent, incumbabant. Inter alios Palatinum Posnanensem, Stanislaum Gorkanum statim sibi adjungunt; qui quod & majoribus iis ortus esset, qui ab aliquot sæculis in majore præsertim Polonia, Principes magistratus gessissent: opibus autem, quas maximas habebant, liberalissime in omnes uteretur majorem fere majoris Poloniæ partem, cum autoritate, tum liberalitate tenebat.

Ad hoc quidem tempus cum Zamoscio summa necessitudo, cum Zboroviis simul illi intercesserat. Nam & in utroque interregno, non partibus solum, sed consiliis etiam conjunctissimi, inter se fuerant: & postea sororis ipsius filius Lucas Dziahnius, sororem Zamoscij matrimonio sibi junxerat, sesqui anno ante & Dziahnius mortuus fuerat, & fratre Gorkani Andreæ Castellano Miedzincense sub id ipsum tempus mortuo, Zamoscius præfecturam Javoroviensem, quam in Russia is tenuerat, sibi à rege impetrarat. Supplicio hoc de Samuele sumptum, & si quemadmodum supra ostensum est, simulatas cum Zboroviis ei intercedebat, Joannes tamen Castellanus Gnesnensis, qui alioquin quemadmodum alibi demonstratum est, consilia sua à fratrum consiliis, sejuncta habuerat, nihil dubitans, supplicium ad eum venit, ut simultate deposita; & sui miseretur, & communi ope tanta tyrannide: ita enim supplicium id Samuelis vulgatum nominabant: oppressæ reipublicæ succurrerent, periret. Cum alioquin necessitudinis etiam aliquid cum Zboroviis ei intercederet, præfecturaque Javoroviense, quam una cum aliis præfecturis, quas frater tenuerat ambierat, alienatus esset, salis ab eo impetrarat, ut reconciliata cum iis gratia totum se postea cum illis conjungeret. Eodem modo alios etiam quoscunque poterant, partim miseratione sui, partim invidiâ in Zamoscium, quæ omnium qui in Regum amicitia aliquid posse putantur, ut plurimum comes esse solet, partim etiam publicæ libertatis, periculum atque interitum, omnium animis inculcando, in partes suas pertrahebant.

Quibus conditionibus pax cum Turca restituta fuerit, supra demonstratum est. Ad eas exequendas Nicolaus Mielhecius Palatinusque Podoliz, & Zamoscius à Rege delegati. Sub id ipsum igitur tempus, cum Mustapha Causius ejus rei causa à Turca primum ad Regem venisset, à Rege autem ad delegatos missus fuisset. Zamoscius judiciis, quorum causa venerat, Cracoviz finitis, in Russiam mox movit.

Legat-

Legatus Turcicus Leopolum præcesserat. Quo in loco cum de legali etiam convenissent, quæ administranda essent, cum ipso constituerunt: executionem eorum præfectis aliquot finitimis commiserunt. Capite plexi inspectante Causio ultra triginta, omnes quidem plebei fuere: reliquos latebræ, nonnullos etiam publicum nobilitatis jus texit. Interim eorum supplicio barbarus sauciatus. Non parum sane ad eum mitigandum Samuelis quoque hominis apud ipsos etiam clari supplicium valuisse, existimatum.

Et si enim aliam ob causam plexus esset, quod tamen ab illo, potissimum Kosaccos in finibus ad hujusmodi incursiones incitari fama esset, supplicium hoc ipsius foederi violato datum fuisse, & Turcæ opinati fuere, & à nostris opinio hæc illorum si non confirmata, exempta saltem iis non fuit. Jam antequam ad turbas istas apertasque inimicitias cum Zboroviis deveniretur, Conventum Senatorum indicendum Rex statuerat.

Quod enim tempus Comitiorum, intra aliquot menses ex lege appetebat, eo facilius, quæ à republica essent, persuaderi hominibus posse existimabat, si conventu Senatorum iis de rebus prius habito, tantquam publica multorum autoritate, multitudini proposita fuissent. Magnæ autem rerum quarundam gerendarum occasiones obtulisse se videbantur, si uti iis res publica vellet.

Primum Moscus XXVIII. Mensis Martij ejusdem anni octuagesimi quarti mortuus fuerat. Morte ejus à Bojari aliquandiu celata, tandem tamen vulgata, Theodotus mente captus, filius ejus in Czarium inauguratus ab iis fuerat. Curæ ejus quatuor Principes, Micislavius, Mihita, Romanovicus, Joannes Suiscius, & Zolchanovius Cancellarius, qui ægri imperium moderarentur præfecti; ut cætera in iis essent, concordia diu esse non poterat. Initium à Bilscio maxime profectum, qui alios sibi in curatione principis antepositos moleste ferebat. Sed ne Simeo Czarovicus quidem Tuerensis Dux æquo animo posthabitu se ferre poterat; neque curationi ipsi, vel Bojari consentientes diu inter se esse poterant.

Paulo ante mortem ejus, Leonem Sapieham legatum in Moscoviam Rex miserat, ille cum mortuo jam Duce pervenisset, nullaque ad novum Principem mandata se habere diceret, cum ipsis tamen Bojari, si ita eis videretur, quædam acturum non negaret, neque Bojari recusarent, vel ipso præfente eo contentioneibus cum Bilscio provecti fuerant, ut Palatium ipsum Principis san-

guine foedare, non dubitarent, cum viginti circiter mutuis cadibus inter eos caderent, multi vulnerarentur. Ab ipsis quoque duplex legatio pacem petitam, altera Principis ægri, altera Curatorum ejus nomine ad Regem venerat; ad quam nihil aliud Rex responderat, quam per suos legatos ad eam responsurum.

Ruptæ autem morte ejus induciæ erant. Cum enim quemadmodum supra ostensum est, ita ex parte Regis tractatæ fuissent, ut non modo inter ipsos principes, sed subiectos utrinque populos constituerentur, magis tum rebus suis exp-dire existimabat, ut ad principes solos referrentur. Præter intestinas dissensiones, principisque ipsius valetudinem, accedebat huc, ut vires etiam domesticæ, partim superioris Principis crudelitate, partim bellis plane attritæ essent. Præclara omnino occasio visâ, non modo Smolecensem Ducatum, cæteraque à ditionibus Regiis, partim dolo, partim iniquitate temporum avulsa recuperandi, sed vel ipsum imperium Moscoviticum tam amplum, atque potens, & maximarum rerum contra Turcam opportunitates habens, ad regnum seu universæ potius reipublicæ Christianæ utilitatem adjungendi quod eo magis non negligendum Rex arbitrabatur; quod ne in tanta re, quæ ad cujuscunque potentiam adjuncta fuisset, magnam omnino ad eam accessionem allatura esset, à Barbaris certissimis Christiani nominis hostibus præveniretur verebatur. Qui & opportunitatem eam temporis optime intelligerent, & quantum ad ejus, à quo imperium tam potens occupatum fuisset, opes momenti allaturum esset, non ignorabant.

Nam & sub illud ipsum tempus hoc interregni Moscovitici occuparent, ne qua ab ea parte cum Persis commercia Christianis intercedere, aut omnino conjungere aliquando se possent. Inter Tartarum etiam ac Turcam ex detractione militiæ Persicæ dissensiones superiore ætate exortæ fuerant. Cumque Machometes Czarus, cujus supra etiam mentio facta, præter imperium ejus movere contra Persiam noluisse, in suspicionem præterea ne consilia cum Rege communicaret, hæcque contumacia ejus à Rege foveretur, apud Turcam venerat. Turcare dissimulata, exercitum cum Sinan Bassa Caffam mittit: alterum ad Danubium retento; quo sub tempus direptionis Thehinenfis, cum Beglerbego eum promoverat: Subitoque Machomete oppresso, Aslamem Czarium in imperio ei suffecerat. Inter dissensiones istas Turcicas cum Tartaris, rei contra Tartarum etiam præclare gerendæ, tempus Regem non latebat; & non



& non modo in præsens excursionibus istis ejus, sed in perpetuum etiam metu omni incurfionum, quibus tot millia capitum Christianorum quotannis ferè in servitutem abducerentur, regnum liberandi: Si suscipere rem ordines voluissent. Sed cum frustra & antea ea de re actum, & tum etiam agi animadverteret, de præfidiis tamen aliquibus contra Tartaros constituendis, agendum existimabat.

Cum enim Aslan Czarius Machomete, vix non suis etiam ob segnitiam non viso, in regno autem exhausto, ipse etiam famelicus successisset, principem novum nominis, & rei parandæ cupidum, facile vel egestas, vel gloriæ cupiditas, ut in vicinas ditiones Regias incurreret, impulsura videbatur; cum præsertim vel nulla fame stimulante, ad invadendas Regni ditiones, expediti semper, & parati sint.

Accedebat eo, ut Broniovius legatus Regius, quem ante annum ad Machometem Czarium miserat, in eum usque diem adhuc retineretur. Præter hæc cum Turcæ ex conditionibus, cum Slostouo constitutis, jus de prædonibus reddendum esset, quo & majore cum autoritate administrari res videretur, & quod superiorum temporum more receptum fere esset, ut ex Senatus sententia, hujusmodi de rebus statueretur inter alias hæc quoque non levis causa convocandi senatus. Pars quædam Tartarorum in Moscoviam excursionem fecerat Moscus cumque usque populationibus pervenerat non sine suspitione id à barbaris agi ut Astracanum ac per id mare Caspium sub tempus ei videri verum cum legatio Turcica quam ejus rei causa misero non differenda tam diu videretur, in plebeis quidem, quemadmodum supra ostensum est etiam sine Senatus-Consulto actum; quia tamen ab iis potissimum tanquam capite proficisci dicerentur, qui ipsi à latrociniiis fines tueri deberent; non paucosque ex nobilitate etiam præfectisque ipsis earum turbarum autores adjutoresque esse ad Regem deferrebat adeoque sub hoc ipsum tempus iterum fines Turcicos violare, Tartarorumque ulcisci præfectorum nonnullorum litteris ad Regem deferrebat, quæ ratione tantæ foederum licentiæ obviam iretur cum Senatu deliberandum constituendumque existimabat. Jam vero rebus inter Zborovios ac Regem ita exacerbatis eum ad superiora indicia Samuelis etiam de qua ostensum est professio accessisset, non dubitandum sibi amplius Rex existimabat quia primis comitiis in judicium eos vocaret: Prius tamen cum Senatu etiam communicanda putabat, atque ex ejus sententia de iis statuendum.

Conventum igitur Senatorium in mensera Julium Lublinum indicit, convenere non infrequentes quamvis non pauci studiose remanerent, partim ex iis, qui alteri parti animo addicti erant, partim qui utriusque partis offensionem vitabant. Cum ea quæ paulo ante commemoravimus propolita in conventu eo fuere, tum Christophori literæ, de quibus supra demonstrata lectæ, tum quæ alia ad Regem delata fuerant Senatoribus aperta. Dederat & Andreas Zborovius literas alias ad universum conventum, alias ad singulos Senatores quibus partim casum familiæ suæ miserabatur, partim ne quid gravius in se statuerent, aut statui putarentur, petebat.

Nullus tamen omni fere ex numero erat, qui vel negligenda ea, vel non in judicium vocanda censeret, similiter authores violare foederis Turcici ut in judicium ad comitia Rex vocaret authores ei esse reliqua etiam quæ supra commemorata sunt, ut quam diligentissime ordinibus proponeret. Conventum eum admodum peracto, Grodnam Rex retulit, inde Comititia in diem XV. Mensis Januarij ex Senatus sententia indicit. Præter eas res, de quibus supra ostensum est, de Livoniæ & certo aliquo statu tamen constituendo, Pilteneis in idem negotio, tum stipendiis militum ad ordines refert. Supra ostensum est cognitioni causæ Brunsvicensis, diem decimum octavum mensis Novembris ab Electoribus de legatis Magdeburgi constitutum.

Missus eo fuerat superiore anno Lublino cum Rex ibi esset, Laurentius Goslicius Decanus Plocensis, Secretarius regius. Nihil magis Rex eo in negotio laborabat, quam ne intricas istas juris Civilis, seu Cæsarei contra & æquitatem juris gentium, & dignitatem suam Regni, Quod juri externo subjectum non esset, se demitteret. Itaque pacta tantum, jusque gentium, quod factorum dictorumque constantia maxime constaret, urgebat: à quibus ne discederetur, ad ipsorum etiam Principum Germaniæ dignitatem pertinere, ne cum ea laude, maxime cæteris gentibus præstitissent, hujusmodi apud illos difficultates, Principibus externis objicerentur, minus postea promptos ad hujusmodi secum contractus haberent.

Brunsvicenses è contra, jus Cæsareum, jurisque ejus Consultorum placita ubique ingerendo, multis variisque difficultatibus rem implicabant. Nam & contra libellum mutationem, cum successio jure petita ante res fuisset, & contra præsentis libelli formam, cum ad juris Cæsarei rationem omnia revocarentur, multa ab iis dicebantur: &

Regi-

Reginæ Sueciæ nomine cautiones exigebant: Maxime autem nomine uxoris suæ, quæ ex domo Brandeburgica nata Sigismundi Primi Poloniæ Regis nepus, Joannis autem Ungariæ quondam Regis Sororis filia fuisset, reconventionem contra Regem instituebat; quæ non modo hæreditatem Sepusiam, quæ in Turcæ potestate magna ex parte erat, sed Transilvaniam etiam fere omnem, ut quam in Regis potestate esse dicebat à Rege repetebat. Et alia complura, contra hæc dicebantur, tum maxime pactorum, mutuumque promissorum, quæ pactis firmata esset, æquitas opponeretur.

Res in Conventu Magdeburgense à Subdelegatis Electoralibus ita explicata fuerat, ut binis, seu ternis utrinque scriptis tota res finiretur: quæ ab utraque parte Francofortum missa utrinque communicarentur, permutatisque utrinque iis tandem sententiam Electores, seu Subdelegati eorum fecerant. Scriptis hisce ad Comitiorum horum tempus ducta res fuerat.

Quemadmodum autem ostensum est, variis difficultatibus, atque ambagibus, partim etiam literis ex sæculorum memoria repetitis, partim obscurare, partim omnino excludere causam Brunsvicensis conabatur, Regioque procuratore pacta, jus gentium, atque æquitatem naturalem contra ea opponente, partim Juris Civilis æquitatem demonstrabat, partim quod tandem illud jus gentium esset, quæ æquitas, ubi existeret, quæ commemoraretur, quærebat: neque enim vel chaos aliquod, vel jurium dissolutionem esse debere.

Respondere ad ea à Regiis scire jus Civile summa apud omnes gentes æquitate opinionione esse; neque dubitare, vel ex eo ipso causam regiam satis probari, ac defendi posse, si ut eo descenderent, vel regis, vel regni dignitatis esse existimarent: vel in ea pactorum perspicuitate judicio denique tali Cæsareo, quo summarius processus præscriptus esset, necesse id esse. Sed tamen ut æquissimum jus Civile sit, de quo non disputandum sibi, existimarent, esse nihilominus quiddam, in quo à jure reliquarum gentium diffideat; quod si vel nullum, vel parvum esset, Jus Civile, id est unius civitatis, à quo nomen haberet, non esset. Et tamen vel Jure Civili ipso apices juris, seu summum jus ab æquitate cum naturali tum civili secerni. Nec vero cum ad æquitatem, atque jus gentium causam revocent, chaos aliquod, aut jurium omnium, vel confusionem, vel incertitudinem introducere.

Sed esse certe quoddam jus omnibus gentibus inter se commune, quod natura omnibus insitum, sua sponte autem sapientibus notum sit, dictorum factorumque constantiam statuunt, ad quam cum causam Regiam revocent, non in certum aliquod jus opinionione sibi fingere: Sed eo, quod utrinque iis, inter quos res acta esset placuit, nullum certius esse posse judicare.

Et si enim pacta conventa, tanquam privatam quandam legem quam contrahentes ipsi sibi dicerent, quæ eo etiam firmior existimanda esset, quod ad communes leges publico consensu: ad pacta privato suo singuli obstringerentur. Inter Reges vero ac Principes, liberosque populos necessario etiam constituta esse; ut cum alter alterius juri non pareat, tanquam commune quoddam jus, cui uterque pareat, mutuo ipsi sibi constituent. Quod nisi constituerentur, nullam inter externos commerciorum vicissitudinem, ne dum societatem ullam, aut amicitiam extare posse. Cum ex nullo alio igitur jure, quam ex pactis causa ista cognosci, vel possit vel debeat, dum in dubitationem Brunsvicensis illa adducere, labefactareque conaretur, clare ea contra se facere: ac si secundum ea judicaretur, succumbendum sibi esse propria quasi voce ipsum profiteri. A delegatis nihilominus secundum jus civile pronuntiatum: utque ad capita propositionesque Brunsvicenses directe à Regiis responderetur, decretum. Molestius id non nihil à Rege acceptum, ne literis quidem ad eos dissimulatum fuit. Quibus & Augustus suboffensus negotio illi postea supersevit: & non multo post etiam eo mortuo, filius ejus Christianus, qui in Electoratu ei successit, cum alia postea delegatio à Cæsare accepta esset, suscipere id denuo quasi recusavit. Ardebat interim Polonia, cum dissensione animorum, tum quæ ex hac existere solent, factionibus, ministrisque factionum rumoribus.

Maxime autem minores Conventus in singulis municipiis, qui Comititia solennes præcedere solent, partim studiis partium, partim quod ante unquam factum, vix quisquam meminerat, gravissimisque sanctionibus aliquot sanctissime vetitum est, armis aut turbari, aut decreta quædam eorum per vim fere expressa.

Ad Prossovicensem Conventum Palatinus Cracoviensis, Christophorus Zborovius ipse ex Moravia excurrerat: ubi Kaffkam viduam nobilem ac copiosam nuper admodum duxerat. Initio Conventus tumultus mox exortus ingrediente Nico-



Nicolao Zebrzydowio Præfecto tum Ste-  
zicenfē, Zamoscij affine, cum sclopus  
fortuito explosus esset, Zboroviani, qui  
superiorem partem templi occuparant,  
turpare ceperunt, moxque utrinque ali-  
quot sclopeti exonerati trepidationem  
potius omnibus quam cuiquam pericu-  
lum attulerunt.

Sedato tumultu, sententiisque roga-  
ri ceptis, cum multi, qui vel clientes  
vel propinqui Zboroviorum essent,  
tum maxime Christophorus vehemen-  
tes in Regem sententias dicere. In in-  
vidiam maxime Zamoscij potentia vo-  
cabatur: deplorabatur mors Samuelis  
iudicium quod reliquis duobus intenta-  
retur, in crudelitatem vertebatur, quæ  
non satiata unius morte, toti domui exi-  
tium strueret; accusabantur inter hæc  
Senatores, qui in Conventu Lublinense  
iudicij ejus instituendi, vel autores, vel  
approbatores Regi fuissent. Vel maxi-  
mam autem invidiam veneni, per Pru-  
scium quendam à Zamoscio sibi subjecti  
crimine in illum collata ei constabat.  
Erat Pruscus is cubicularius Regius ex iis,  
qui mandatis & literis Regis deferendis,  
tabellariorum verius regionum, quam  
cubiculariorum munere funguntur. Hic  
post mortem Sperweini, de quo supra  
mentio facta est, cum beneficium id re-  
gium ad Sperweinum detulisset, eaque  
ex re uxori ipsius innotuisset, spe non-  
nulla ejus potiundæ ductus, per familia-  
rem quendam Zamoscij literas, quibus  
propinquis mulieris commendaretur, ho-  
mo alioquin Zamoscio pene ignotus, mul-  
tis precibus, & importunitate potius aliqua  
à Zamoscio expressebat.

Cum mulier ante ipsius adventum, ex  
consilio propinquorum jam alteri nupsis-  
set, ulterius in Moraviam progressus O-  
lumutiam, ubi tunc Christophorus erat  
pervenerat. Narrabat hunc cum lite-  
ras à fratre suo Andrea Marchalco quam-  
vis inveteratas & resignatas sibi tradi-  
disset, quod tamen casu id factum ex-  
cusasset, poscenti alias ad eundem lite-  
ras suas ei dedisse: deinde per aliquot  
septimanas se ignorante, ibi autem hæ-  
sisse: re ad se delata, hominem accer-  
siri jussisse: cunctantem & tergiversan-  
tem apprehensum adduci. De literis  
interrogatum partim hæsitasse, partim  
nugari ceptisse; ipso apud se retento,  
res ejus per ministros in diversorio ejus  
excussas fuisse: repertas inter eas fuisse,  
cum Zamoscij literas, quibus matrimo-  
nium id ei conciliaret: Tum suas quas  
ad fratrem dederat, jam ab eo resigna-  
tas: Maxime vero præsentissima Vene-  
na aliqua.

Indiciis iis scelerum detectis, capti-  
vum à se abductum, in vinculis haberi  
factum, idque Chirographis quæ pu-  
blice proferebat, testatum fuisse, per  
Joannem Dzierzekum, qui in familia  
tum Zamoscij erat, ad venenum sibi  
propinandum subjectum fuisse. Postea  
ab eodem & Sperweinum veneno subla-  
tum: & alterum maritum, cui vidua  
nupsisset, cum in itinere eo ad illam  
divertisset, similiter ab illo tentatum fuis-  
se, comperisse se dicebat.

Hæc sive ita gesta fuissent, sive quem-  
admodum Pruscus, postquam è custo-  
dia elapsus fuisset, jactabat, Primo pro-  
missis & pollicitationibus, deinde tor-  
mentis, ac minis indicia illa in Zamo-  
scium ac Dzierzekum Chirographaque  
Christophorus expressisset, Zamoscio  
quidem omnium rerum ignaro, non  
leve hominum odium afferebant. Ne-  
que tamen alteri etiam causæ patrocini-  
um deerat.

Maxime autem Nicolaus Firleius Ca-  
stellanus tum Biecenſis & Referendarius,  
Nicolao Zebrzydovius Stenzicenfis, Pe-  
trus Miskowsky Opocnenſis Præfecti,  
multique alij primarij ab altera parte  
stabant.

Contra quorum auctoritatem cum quic-  
quam decerni posse Zboroviani despera-  
rent, non tam ut certi aliquid decerne-  
retur laborabant: quam ut & Legati ad  
Comitia è suis crearentur, & iis non tam  
certa aliqua quam libera potestas, in re  
præſente cum aliorum Conventum Le-  
gatis, quod è republica visum illis eſſet,  
ſtatuendi permetteretur. Quod ipſum  
etiam cum difficulter iis de quibus osten-  
ſum eſt, præſentibus aſſequi ſe poſſe  
ſperarent, de die in diem tempus extra-  
here, ſi forte, quos obſtare ſibi puta-  
bant, dilapſis, in ſua potestate habere  
Conventum poſſent.

Verum re ab aliis animadverſa, quam-  
vis nonnullis tædio moræ ad ſua ſe recipi-  
entibus, cæteris tamen manentibus, tan-  
dem utriſque fere defatigatis, legati utri-  
uſque partis, pari fere numero lecti, man-  
data nulla certa iis data: fidei illorum res-  
publica gerenda commiſſa. Idem Ste-  
denſis Conventus majoris Poloniæ exi-  
tus fuit.

In quo cum Joannes Zborovius Caſtel-  
lanus Gneſnenſis, gravem in Zamoscio  
um querelam propoſuiſſet, contraque  
Joannes Piotrovius Canonicus Cracovi-  
enſis Secretarius Regius dicere pro Za-  
moſcio ceptiſſet, à Palatino Poſna-  
nenſe Gorkano minaciter interpella-  
tus, omnium qui illarum partium e-  
rant, non odia ſolum, ac voces,  
Verum

Verum re ab aliis animadverſa, quamvis non-  
nullis tædio moræ ad ſua ſe recipientibus, cæ-  
teris tamen manentibus, tandem utriſque fe-  
re defatigatis, legati utriusque partis, pari fere  
numero lecti, mandata nulla certa iis data:  
fidei illorum respublica gerenda commiſſa.  
Idem Sredenſis conventus majoris Poloniæ  
exitus fuit. In quo cum Joannes Zborovius,  
Caſtellanus Gneſnenſis, gravem in Zamoscio  
um querelam propoſuiſſet, contraque Joan-  
nes Piotrovius, Canonicus Cracoviensis, Se-  
cretarius Regius, dicere pro Zamoscio ceptis-  
ſet, à Palatino Poſnanienſe Gorkano minaci-  
ter interpellatus, omnium, qui illarum parti-  
um erant, non odia ſolum, ac voces, verum  
ſclopetos etiam, atque arma in ſe convertit. In-  
de eadem fere ratione, qua Proſſovicis, & utri-  
uſque partis legati lecti, & nullis certis cum  
mandatis legati. In Sendomirienſe conventu,  
qui ſecundum Proſſovicienſem in minore Po-  
lonia, primæ auctoritatis eſt, plus etiam fere ab  
adverſa parte obtentum. Nam & mandata  
certa in eo legatis data, & inter illa id maxime,  
ut de Samuelis cæde, quam Zborovii factam  
quererentur, iudicio quereretur. Grave id  
non tam in Zamoscium, quam leges ipſas pu-  
blicas præjudicium viſum; quibus proſcripti  
patrocinium à quoque ſuſcipi, aut de ejus mor-  
te queri fœderis, ac jurisjurandi religione in-  
terpoſita vetitum eſt. Viſnenſis conventus,  
qui Ruſſiæ quali univerſæ eſt, biſ turbatus,  
ſemel contentione de diverſioris Stadnicio-  
rum, qui ſororis filii Zboroviorum erant, cum  
Joanne Thoma Drojevio, Præfecto Przemis-  
lienſis: ad cujus præfecturam & Viſna, & pro eo  
diverſiorum in conventu aſſignandorum  
jus more recepto pertinebat, qua contentio-  
ne, cum conventus infectus, atque ſecundo à  
Rege indiſtus eſſet, gravior multo inter Joan-  
nem Herburtum Bruchnaſcium & Stanisla-  
um Zolkievium filium turba exorta, iterum  
fere eum diremit. Herburtus is conſobri-  
nus erat Zamoscij, ab eo alienatus, invidioſiſſi-  
mam in eum concionem habebat, quam cum  
Zolkievius ob Javorovienſ. præfecturæ loca-  
tionem ei negatam ab eo haberi illi expro-  
braſſet, ad rixam, mox ad gladios res devenit.  
Poſtridie tumultu ſedato, cum legatorum, tum  
mandatorum genere, eundem fere, quem ſu-  
periores, de quibus oſtenſum eſt, exitum con-  
ventus habuit: legatusque inter alios ipſe etiam  
Herburtus creatus. In Lancienſe, Syradien-  
ſe ac Maſoviticiſ aliquot conventibus jus va-  
luit. Partim poſtulata Zboroviorum omnino  
refutata, partim ſupplicium de Samuele ſum-  
ptum probatum, gratiæque Magiſtratibus,  
qui ſine ullo reſpectu perſonarum res judica-  
tas executi fuiſſent, actæ. Verum potioribus  
conventibus ita partim turbatis, partim ſciſſis,  
ad comitia etiam armatis comitatibus magis,  
tanquam ad bellum, quam ad conſilia utrinque  
itum: inſtructis comitatibus ad comitia Re-  
gem deducenſibus, præter Zamoscium, Sena-  
toribus plerisque Lithuanicis, tum Conſtantino

etiam Oſtrogiæ Duce, Palatino Kyovienſe.  
Relatio nomine Regis à Zamoscio pro mune-  
re Cancellariatus facta. De cujus capitibus,  
dum inſtituto, vetere primum Senatores, de-  
inde nuntii nobilitatis in conſilio ſuo ſenten-  
tias dicunt, incidiffentque interim dies, quibus  
jure publico, non alias, quam publici iudicii  
cauſas Reges judicant, inter primas Zboro-  
viorum etiam cauſa, ac primo quidem Chri-  
ſtophori, in iudicium vocatur. Ante omnia fi-  
des publica per amicos ejus illi petita, quæ  
cum non minus inſtanter ab illo peteretur,  
quam à Rege negaretur, per aliquot dies, varie  
res extracta fuit. Non ſolum autem res nova  
atque inaudita fere erat, ab homine nobili iudi-  
cii cauſa fidem publicam in Regno hoc peti;  
Verum publicæ etiam libertati, non parum  
præjudicii creatum ea re iri exiſtimabatur,  
quæ cum jure publico ſatis munita, ſemper ha-  
bita fuiſſet, quo, ne quisquam niſi iudicio con-  
demnatus capi poſſet, diligentiffime caveatur,  
poſtulatione hac in dubium vocari, quodam-  
modo videbatur. Tandem Zborovius anni-  
tentibus, nuntiisque etiam nobilitatis ſe inter-  
ponentibus, ad ultimam uſque ſententiam lite-  
ris etiam ſecuritatatis ei præſtita, neque tamen  
ſtetit. Comparuerunt nomine ejus, Joannes  
Zborovius, Caſtellanus Gneſnenſis, & Joan-  
nes Niemojevius. Contra quos cum Procura-  
tor Regius in cauſa iudicii publice per procu-  
ratorem defendi reum non poſſe exciperet,  
illi contra tenderent, moribus Regni permit-  
ti, id reo interlocutum fuit. Recitatus inde à  
Procuratore Regio libellus, quo in iudicium  
vocatus fuerat, criminaque, quæ illi objice-  
rentur, continebantur. Præter id autem, de  
quo ſuperius mentio facta, conſiliorum con-  
tra Regem initorum; alterum etiam pecunia-  
rum contra patriam à Moſcho, hoſte publico,  
captarum, juſjurandi que eidem dati illi objicie-  
batur, quibus, quantum in ipſo fuerat, Regem  
ac Rempublicam turbare, atque, ut Regem di-  
gnitate ac vita, ita Rempublicam ſua pace ac  
tranquillitate, privare inſtituerit. Qui rei no-  
mine iudicium excipiebant, primo Regem ju-  
dicem ejus cauſæ recuſabant: in eamque rem  
Alexandri Regis literas quasdam, prius ſane,  
quam inauguratus regno eſſet, ab eo datas,  
quas inter regno jam examinatas non rece-  
ptas fuiſſe ſupra oſtenſum eſt, proferebant.  
Cum e contra nullum in cauſa Majeſtatis, præ-  
ter Regem ipſum ac Senatum iudicem eſſe  
poſſe, multis & rationibus & novis aliquot le-  
gibus doceretur, in hanc ſententiam ab omni-  
bus etiam fere Senatoribus itum fuit. Ex-  
ceptione hac excluſi, libellum vitioſum eſſe  
oſtendere nitebantur; quo contra leges con-  
tumelioſis verbis reus appellaretur. Inſtiga-  
tore contra docente, eam naturam criminum  
eſſe, ut non niſi verbis crimen designantibus  
in iudicium vocari poſſent: interim conſtitu-  
tio à Senatore quodam prolata publicæque le-  
cta fuiſſet, ſi quis contumelioſum libellum in  
aliquem edidiſſet, continuo obiecta probare



jubetur. Ex quo instigatore crimen, quod verbis iis contineretur, in continente probare jussu, ultimo loco delatorem poscere cupere: sine quo Regio nomine jure, quem accusare posse negabant. Verum hac etiam præscriptione, cum multis rationibus ab Instigatore allatis tum ad extremum interlocutione etiam Regis sublata, interroganti num quas alias haberent deinceps, quibus rebus objecta crimina probarentur, audituros se responderunt. Qua re in diem sequentem dilata, primum de vita rei nonnulla Instigator præfatus, quibus ab hujusmodi criminibus nunquam alienum fuisse doceret, ad primum consiliorum cum Moscho agitatorum probandum, primo Livonem quendam Wilhelmum Peplerum, Interpreterem olim Moschoviticum, tum civem Dorpatensem, quo sequestro Moschus cum illo egerat, inde Petrum Rals, Tribunum Rigensem, Petrum Chorelsium, ad extremum Joannem Zulaff, Medicum olim magni Moschoviz Ducis, ac reliquos quidem omnes, in ipso iudicio, huic postea iudicium quidem institutum, sed ante sententiam prolatam testes citavit. Deplerus legatum à Moscho Ophanasium Rozanovium, seq; una cum illo interpretem ad Cæsarem missum fuisse testabatur, ut legationis ejus obtenta consilia cum Christophoro ac Samuele per literas excepta perficeret, sub id maxime tempus, quo Rex Lukofs oppugnasset: utrinq; vero ante literas ad Moschum, per priorem legatum Zachariam Zuchanscium dedisse. Pragæ Christophorum nocturnis maxime temporibus cum legato assidue occulta consilia agisse: appellatum à legato, ut, quemadmodum promississet, in Moschoviam secum iret, pecuniam inviaticum proposuisse; cujus causa cum Lebekam legatum secutus fuisset, legatum mille Taleros à duobus mercatoribus Lubecensibus conquisitos ei dedisse: prius tamen solenne juramentum in fidem Principi suo præstandum. Ab eo accepisse, juramentum id, tantquam interpretem, se ei prævisse. Quod ob hyemem navigari tum non posset, Christophorum, ut ad iter se intrueret, Pragam rediisse: interim hyeme exacta alterum legatum, Thomam Schaurium, ad Cæsarem & summum Pontificem missum: cui iterum pro interprete adjunctus fuerit. Eundem literas ad Samuelem eodem argumento, quo priores ad Christophorum attulisse, eas se præsentem Christophorum accepisse, atque ad fratrem se missum recepisse: Pragæ postea ad Marchalcum Cæsareum Fridericum Steinium, inde ad ipsum etiam Cæsarem accersitum, deque juramento hoc Christophori interrogatum fuisse: rem omnem, ut Lubecæ gesta fuisset, exposuisse. Mercatores, à quibus mille Taleros eos accepisset, quas Christophoro dedisset, mutuo acciperat, nominabat unum postea ex illis, pecuniam eam repetitum, in Moscoviam ivisse, per quem tota de re, literas & formam simul juramenti præstiti, ad Moscum legatus

misisset. Cum duorum civium Rigensium opera ad Moscum evasisset, re cognita jussu Regio in vincula conjectos eos fuisse: postea publicis civitatis precibus liberatos. Hunc vero pecuniam, quam mutuo dedisset, tandem Joannis Sikauß, Medici magni Ducis, qui Gedani nunc habitaret, ægre recepisse. Ralsius, Tribunus Rigensis; quod de mercatoris Lubecensis in Moscoviam transitu, deq; civibus Rigensibus, quorum opera transiisset, Peplerus testatus fuisset, ita confirmabat, ut & nomina eorum ederet, & publice omnibus id notum esse testaretur. Chojenscius, cum in aula Cæsarea versaretur, ad iudicium hoc ipse etiam evocatus, omnibus rebus relictis se stiterat. Rogatus publice jussu Regio à Marchalco Regni Opalenio, literas Christophorum à legato Moscovitico accepisse scire se dixit: literas eas se vidisse, non tamen legisse: ipsum etiam legatum Moscoviticum, cum aliquando ad eum venisset, de Christophoro interrogasse: Principiq; suo pecunia accepta addixisse, se eum jactasse. Joannes Zulaffius, qui Medicus Moschi fuerat, cum initio iudicii à Peplero nominatus fuisset, Gedaniq; habitare diceretur, accersitus, atq; ante prolatam sententiam, ipse etiam interrogatus, eadem, quæ Peplerus testatus fuerat, confirmabat: Literas ipsas Christophori à Bogdano Bielscio, intimo Mosci Consiliario, sibi demonstratas, totamque rem, quemadmodum gesta esset, narratam ostendebat. Adjungebatur ad hæc Ofscici, qui ob idem crimen Vilnæ supplicio affectus fuerat, atq; ministri ejus Bartholomæi cujusdam iudicium. Cum enim Bartholomæus is herum suum detulisset, simul ad Samuelem etiam Zborovium literas à Mosco missas esse scire se indicarat. Ofscicius vero ipse capitis jam condemnatus, ut Ungarum aliquem Rex ad se mitteret, postulaverat. Misso à Rege Caspare Bekefio, Christophorum ac Samuelem Zborovios, tum Albertum Lascum, Palatinum Syradiensem, qui itidem literas à Moscho acciperent, indicarat. A Lascio dignitatis suæ & fidei memore, literas, quas à Moscho acceperat, statim Regi exhibere fuerat, atq; ita iudicium id, non modo ipsius damnati professione, verum Palatini etiam Syradiensis facto comprobatur. Ad alterum crimen probandum, primum ipsius literas, manu ejus scriptas, exemplumque epistolæ ad Nisovios ejusdem manu scriptum, lecta in iudicio fuerant, inde singula earum capita excussa: ostensus infestus animus ejus in Regem; cum ex injuria, quam quod beneficio non afficerentur, fieri sibi jactarent opinione: tum convitiurum, quæ in Regem jaceret & genere & multitudine, consilia secreta inita: confederationes inter eos factas: sollicitatos Nisovios, manum hominum partim desperatorum atque egentium, omnium autem vagorum: certum tempus, atq; opportunitatem maximi facinoris parandi quesita: rumores ad invidiam Regi, seditionemq; concitandam confectos, sparsosque. Literas testimo-

stimonis confirmata, primus testis Joannes Borudenscius, aulicus Regius citatus. Testatus is Bokfscium, præcursorem Kawce, qui jam casu periisset; & Stanislaum Goslavium ad se detulisse, sollicitatos se, à Samuele Zborovio, ut Regem interficerent, fuisse, idque tum in re præsentem, vivo adhuc Bokfscio Regi indicasse. Productus autem ipse Goslavius: nam Bokfscius jam interierat: non modo sollicitatos se à Samuele ad Regem interficiendum, fuisse testabatur: verum, quomodo etiam, & quo in loco, quibus promissis sollicitati ab eo fuissent: quæ deinde consilia cum ipsius Regis interficiendi, tum interfecto eo, fugæ capiendæ, alteriusq; Regis eligendi habuisset, ordine enarrabat. Secundum hunc Samuel Lascus citatus, testimonium ejus de scripto recitatum: habebat id ex aliis quibusdam literis Christophori ad Samuelem scriptis sententias quasdam exceptas, quæ cum earum literarum, quæ publice in iudicio lectæ fuerant, sententia omnino convenirent. Jam ante vero, patruus etiam hujus Albertus Lascus, Palatinus Syradiensis, quæ secum etiam hac de re Samuel agitasset, publice in Senatu professus fuerat. Venisse aliquando ad eum Varlaviz ad se: secretoq; petito, ut Regis hujus interficiendi, alteriusq; inducendi, locieratem secum iniret, se sollicitasse: eam rem jam tum cum primario Senatore, cujus memoriam præsentis testabatur se communicasse, exque ejus consilio eo ipso tempore ad Regem detulisse. Ultimo loco ipse Samuelis, quæ supra commemorata est, professio lecta in iudicio fuit. Quibus rebus ab instigatore prolatis, defensores rei, quo ad ipsum reum referre possent, aliquot dierum dilationem petere, data in diem sequentem fuit, humanitatis potius causa, quam quod vel more vel jure deberetur. Ei præsertim, qui, cum ipse sistere se debuisset, & potuisset, quod non stetit, sibi imputare deberet: de literis tamen, an eas agnoscerent, statim respondere jussi. Respondit frater rei, aliter sibi non videri. Postridie Niemojevius principis totum crimen elevare: accusationem autem ipsam, quantum poterat, in invidiam vocare, ut quam primum ex literis potissimum rei & instituta esset, & iisdem probaretur: deinde vero non facta aliqua, sed dicta tantum & suspensiones quasdam in iudicium vocaret: externi id juris esse: nostras leges, cum crimen Majestatis non nisi in personam Regis committi definirent, factum ipsum requirere. Iis preces miscebat: quibus, etsi viderentur aliqua contra dignitatem Regis iis literis scripta, clementissimorum tamen potius Imperatorum non solum legem, quam in iudicio recitabat, verum exemplum etiam imitaretur, petebat. Ad extremum ad juramentum provocabat, quo secundum leges publicas nobili integræ famæ, si præstare id paratus esset, evadere liceret. Excepit sermonem rei frater, Castellanus Gnelnensis. Cum Mosco commune fratrem aliquid habuisse, fieri posse concedebat: sed cum & alios hostes,

imprimis Svecum, Moscus habuerit, contra patriam cum illo conspirasse negabat. De altero crimine literas, ex quibus id maxime obiceretur, etsi fratris sui esse negare non auderet: tamen, ut manus ac signa quorundam alii imitentur, neq; novum esse: & vel Cancellariæ ipsi, in tanta diligentia, quæ adhiberetur, nuper admodum accidisse: sed tamen, si quid acerbius contra dignitatem Regis scriptum in iis videretur, ab ætatis vitio omne esse. Conversus deinde ad preces, ne iis moveretur, ac fraternas potius injurias, suis familiarq; suæ meritis condonaret, multis lachrymis obsecrare Regem coepit. Quas si in fine orationis adhibuisset, plus tortassis movissent: sed immemor, nihil citius lachryma exaretere, ad aliam rationem defensionis, quam maxime trepidabat, totamque quasi defensionem elevabat, se convertit. Cum enim consiliorum, contra salutem Regis initorum, quicquam iis contineri post preces jam adhibitas negasset, singulas partes epistolæ interpretari, & vix non violenter coepit, minas in nullum alium, quam partim in se, partim in Zamoscium, quos commodis suis apud Regem obstare existimasset, jactare Fœdus, cujus mentio in literis fieret, ad peregrinationem, quam in Insulam Melitam communi consilio suscipere decrevissent, spectare: eodem sollicitationem Nisoviorum pertinere, quos una secum in militiam eam abducere voluissent. Proferebat in eam rem singulas trium fratrum literas: quas vivo adhuc Samuele de Epistola hac, cum ad Regem delata fuisset, sibi autem jussu Regis ostensa, à se appellati diversis ex locis ad se dedissent, quibus unanimiter, ita interpretati eam fuissent. Nonnihil & contra testimonia ab eo dictum: maxime plebejorum, quæ ad Moscoviticum crimen probandum prolata fuerant; quæ contra nobilem jure valere posse negabat. Samuelis supplicio affecti professionem, quod ab adversario excepta: quod cum tanta crimina in lucem proferri ab eo potuerint, ad iudicium servatus non fuerit, suspectam facere conabatur. Tandem juratoriam quam vocant purgationem, ex privilegio maxime Alexandri, ipse etiam petebat. Responsum ab instigatore utriq; fuit, consilia cum Moscho agitata tot testibus, professionibus defunctorum, nonnullorum deniq; hominum conscientia ita testata esse, satis ut appareat, cum purgare id frater rei voluerit, non tam excusari id ab eo, quam agnosci. Hac enim excusatione si uti liceret, qui minus Ofscicum, & alios, qui ob id crimine condemnati fuissent, uti ea potuisset? Cui autem dubium esse posse, cum in ipso ardore belli, quod cum Rege tum Moscus gerebat, operam ipsius conduxerat, contra Regem ac Regnum hoc, an alium quempiam minus tum molestum, aut nullum fere iis temporibus hostem eum conduxisse. Alterum crimen, ut maxime literis, quæ proferuntur, & admissum esse doceretur, & simul probaretur, nihil tamen id iniqui vel absurdum habiturum: eam fere rationem notiorum criminum esse,



ut in iis crimen ipsum probationem sustineat, ut, si quis in homicidio aut fallo deprehendatur, crimine ipso & instrumentis falsis extantibus, nullam aliam probationem requiri: esse autem id non minus & testibus compluribus & conjecturis certissimis, quæ in huiusmodi criminibus, quæ latebram maxime quærunt, vel primum valere debeant, quam literis ipsis à se comprobatur, quas suspitione aliqua frustra nunc involvi, cum hesternâ die, de iis interrogati, nullam omnino dubitationem interposuissent; præterea vero, cui verisimile esse posse, literas tam longas, iisque de rebus, quæ non nisi fratribus ipsis notæ esse possent, ab alio confictas, aut in iis manum ejus imitari quenquam potuisse? Satisque vel ipsos eas agnoscere, cum & ante & nunc maxime in iudicio crimen id literarum diluere, atque interpretando mitigare, quam negare eas maluerint: adeoque omnes tres fratres interpellatione sua diversis ex locis, agnovisse eas fateantur. Quod non tam facta, quam dicta, consiliaque ac conatus, in iudicium vocarentur: non solum cum iure Cæsareo, verum maxime cum ratione ipsa ac nostro etiam iure convenire. Recitata in eam rem leges aliquæ nostræ fuere; quibus partim gladiatorum distractiones, coram Rege aut Magistratibus factæ, & si nullus vulneratus aut cæsus esset, partim voluntas ac conatus conventum, iudiciorumve turbatorum, recentissime vero minæ ac machinationes in parentem intentatæ, capitali supplicio punirentur, quam perfecta essent, quid absurdius futurum, quam in id tempus maleficii persecutionem conferri, quo, qui punire debeat, amplius exiturus non esset: clementiam in privatis iurgis aut iis, quæ à temeritate potius aliqua ac levitate, quam consilio profecta essent, laudandam maxime esse, in salute publica oppugnata qui remissus esset, non clementem eum, sed crudelem esse. Hic si quæ dicta essent, huiusmodi esse, ut facinus ab iis nullo modo seungi posset: esse vero non modo dicta illi objecta, sed primo crimen Moscoviticum, consiliorumque contra patriam, quæ recte Rempublicam ipsam peterent: inde clandestinas machinationes, sollicitationes militis finitimi, ejusdemque ad seditionem parati: tempus, locum, opportunitatem captata: consilia tandem secreto quidem inita, sed tamen luce fere ipsa clariora, quæ si Rex clementiæ suæ causâ condonare reo vellet: Respublica tamen, securitatis atque salutis causâ, quam eo exemplo in maximum discrimen conjecturus esset, negligere eum non debere. Inde ad interpretationes à Gnesnense allatas accessit. Minas in nullum alium, quam Regem ipsum ac forte etiam Zamoscium, convenire posse, cum satis verba ipsa testari: tum illam de Gnesnense interpretationem illorum verborum eorundem evidentiâ ultro refutari. Deinde verò, cum tot locis aperte, ac nominatim in Gnesnensem inveheretur, cur idem non ceteris tot locis faceret? Cur notas, quas inter se

communicatas non esse dolet, requireret? Idem de confederatione liquere: nullo modo ad peregrinationem trahi posse. Quem enim foedere huiusmodi protectiones sancire solere? Multas patrum memoria à claris viris susceptas esse, & quotidie suscipi, nullam unquam sacramento vel huiusmodi confederatione sancitam. Ad eandem quorsum universa progenie eorum opus, quam adjuvandam literis iis scriberet? quomodo denique, quod in iis ipsis literis ostenderet, uxoris ducendæ Christophori consilium cum ea convenire? quid studiis nobilitatis quæ concilianda scriberet, ad protectionem eam opus? illis autem quem fructum: quod in commodum Regi alaturâ peregrinatio fuisset? quæ illa maxima ex ea re expectare se ostenderet. Ad extremum, si honestum, licitum, laudabile consilium eorum fuisset, cur, quod non profiterentur, literis etiam non aperte perscripseret? cur notas ad ea explicanda se expetere, multa celare ostendisset? Quæ si omnia, qualia essent, satis manifesto tenerentur, cui dubium esse posse, quorsum Nisoviorum ad eadem consilia conjunctio spectaret? ut jam non quereretur, quem usum manus militum primum egens & vaga, deinde in mediterraneis locis ac vastitatibus semper versata, in maritima militia, sermonis hominum, locorum, in quæ duceretur, imperita habitura esset, verba ipsa literarum ita evidentia esse, ut nulla interpretatione in alium sensum detorqueri possent. De plebeiorum testimoniis demonstratum, præterquam, quod aliis etiam testibus, quos ipsi recipere, quorumque testimoniis illorum confirmetur, ac quasi illius ipsius confessione, tum vero publice etiam civitatis Rigenfis testimonio crimen id Moscoviticum comprobaretur, in hoc etiam iudicio minime rejici illa posse; cum in aliorum iudiciorum capitalium, quæ inter privatos exercerentur, quæstionibus plebeiorum juratorum, qui oculati testes fuissent, testimonia moribus nostris excludantur, quanto magis Majestatis ac perduellionis in Rempublicam commissæ iudicium præcipuum aliquid habere debere; in quibus priscis etiam liberarum Rerum publicarum temporibus servorum quoque & mulierum cum indicia tum testimonia Reipublicæ causâ recepta semper fuerint. Samuelis professionem à juratis hominibus exceptam fuisse: eam autem earum rerum auctoritatem esse, ut nullius Magistratus fides inimicitiarum obtentu in dubium unquam vocata fuerit. Sub quam orationem Zamoscium ipse, cum assurrexisset, omniumque eorum rerum, quæ acciderant, totiusque supplicii ratione prolixè demonstrata, quam non modo minime inimico, sed benevolo etiam animo apud Regem pro Zborovius antehac appellasset, ipsum Regem testem citavit: cum tantarum rerum commemorationem, ab omni eo tempore, quo captus Samuel fuerat, fieri ab eo intellexisset, pro muneris sui ratione, non negligendas sibi existimasse: adfuisse,

eum

cum iis de rebus Samuel diceret, complures honestissimos homines ex nobilitate, tum iuratos officiales: quæ excepisset, ad Regem & Senatum deferre se debuisse: professum hæc certum esse: quantum contra reum valere deberent, ipsos iudicatuos. Quod servatus ad comitia non fuerit, multas causas fuisse: imprimis, ne executio decretorum Regiorum, maxime vero comitialium, maximo cum Reipublicæ periculo, in dubium vocaretur: ne novus gradus juris introduceretur: ne si cum alii statim punirentur, hoc ad comitia servato; inæqualitas inter potentiores & tenuiores constituta videretur: quod denique, cum sub id præsertim tempus Reipublicæ causâ Cracovia proficiscendum sibi esset, non modo sine sumptu ac molestia, verum periculo etiam maximo, custodiri non potuisset. Ex iis rebus omnibus purgationem juratoriam nullo modo decerni ei posse, instigator demonstrabat, quæ ipsa in eo Alexandri privilegio, de cuius auctoritate jam querere noller, non simpliciter tamen, sed prout æquum ac iustum visum foret, reo decerneretur. Jam vero alias recentiores leges, easque certissimas, quibus & quomodo decerni ea deberet, aperte statuere. Primum integræ famæ nobili: reum, cum de antea acta vita ipsius nihil diceretur, aliquoties jam in iudicio, quamvis creditarum rerum proscriptum: professionibus supplicio affectorum bis nominatum. Ita deinde decerni, si plures firmioresque ad innocentiam suam tuendam, rationes reus, quam accusator ad oppugnandam eam haberet. In hoc iudicio contra reum, primo ejus ipsius literas, manum, signum, tot fide dignos testes prolatos: ipsum præter simplicem negationem facti, contra apertissimas tot res, quæ se defenderet, nihil attulisse, quæ si recipere, præterquam, quod manifestum perjurium admitteretur, nullum etiam unquam condemnatum, eademque opera omnes leges à Republica sublaturum iri. In qua oratione cum proscriptio etiam Christophori mentio facta esset, exceperunt defensores, non ab ordinario Magistratu, sed, sub interregnum, à temporario iudicio proscriptum fuisse: præterea cum creditoribus compositum jam esse: cuius rei instrumenta proferebant: sed transactionem quidem cum uno tantum actore; cum aliis bonorum cessiones, sub hoc ipsum fere iudicium ex instituto post tot annos factas. Proscriptiones quamvis in interregno editas, eandem vim, quam ordinarias habere Cracoviensis potissimum constitutionis auctoritate docebat: transactione autem sola cum parte, quamvis una tantum proferretur, nisi Principis beneficium accederet, proscriptione damnatum, non liberari Sigismundi Augusti comitalibus, & supremi tribunalis decretis aliquot demonstrabatur. Per aliquot inde dies sententiæ à Senatoribus dictæ. Primo non posse in hac causâ juramento reum evadere decretum: itaque testes, excepto tamen Chojenscio, qui id recusabat, publice juramento adacti.

Senatu iterum habito, eoque ante sententiæ dictationem aliquoties per præconem citato, decretum per Andream Opalenium, Marschallum Regni, latum: crimen liquere: perduellionis ac Majestatis reum convictum, ipse posteritasque ejus omnis honore ac jure nobilitatis privata: à Magistratu, quicumque in potestate habere eum posset, ut captus, capitis supplicio afficeretur: bona, si quæ reliqua haberet, publicata, successioque ipsi, posteritatique ejus, omnis in perpetuum præcisa. Eidem poenæ receptatores, fautores, socii, si qui futuri ejus essent, subiecti. Petierant nuntii nobilitatis, ut tanquam in gravi & quasi nova ex ipsorum collegio ad iudicium aliqui allegarentur, qui una cum Senatoribus sententias de eo dicerent, idque ex privilegio eo Alexandri, de quo supra mentio facta, deberi quasi contendebant. Quod nova omnino postulatio videretur, negatum fuerat: ac ne ex ipso quidem privilegio Alexandrino ad alios, quam ad Regem & Senatum, cognitionem ejus pertinere posse, demonstratum. Priusquam in Majestatis crimine sententia in reum ferretur, jam aliis etiam iudiciis, quibus à Zamoscio & Joanne Dzierzeko ob veneficii in conventu Prossovicense in simulationem, de qua supra ostensum est, privatim postulatus erat, condemnatus fuerat. Non comparenti in iudicio reo, revocatio criminum falso in actores collatorum decreta: certum tempus præstitum; intra quod nisi revocasset, perpetua infamia proscriptioque succederet. Eodem fere tempore, tanquam conjuncta in causâ, alteram in Wlodkowam, viduam, sororis filiam Zboroviorum, in cuius domo captus Samuel fuerat, iudicium administratum, quæ cum & publice de vi queri non dubitaret, & privatim iudicium in Zamoscium meditari diceretur, præveniendam ratus, legibus iis, quæ proscriptorum fautores iisdem poenis ac iudiciis, quibus ipsos proscriptos subijciunt, ad comitia in iudicium eum vocat. Iudicii exitus is fuit, ut nullum receptum vel ante sua voluntate, proscripto præstitisse, vel nunc etiam patrociniū ullum ejus suscipere, aut quenquam eam ob causam incusare neganti, juramentum, ad quod provocarat, decerneretur, quod deinceps in proximis iudiciis inferioris subsellii præstitum ab ea fuit. Omnia non sine invidia aliqua Zamoscii administrata, partim miseratione hominum; quam qui à potentioribus premi putantur, facile apud quosdam reperiunt. Maxime tamen, qui inter legatos nobilitatis Zboroviorum necessarii erant, vel partes eorum tuebantur, quorum, quemadmodum supra demonstratum est, ex compluribus Palatinatibus, non pauci erant, turbare, qui & alia consilia omnia fere impediabant, neve de Republica statueretur, obstabant, & cum more recepto, die comitorum elapsa, Regi universi valedicerent, aliquot eorum reinter se communicata, contra iudicia ea publice protestati fuere: neque quicquam eorum ratum se habituros

V 3

denun-



denunciarent: Verba Nicolaus Calimirscius faciebat: seu potius ex scripto recitabat. Cum illo Zbigneus Ossolinus Ostrogus Lvovvius, sororum filii Zboroviorum, Procopius Penkoslavius, alique unus atque alter erant. Cum paucitas illis objiceretur, illi autem universi collegit aut majoris ejus partis nomine denuntiationem eam facere se significarent, plerosque vero jam discessisse dicerent, urgebantur à Rege, ut nomina saltem eorum ederent: quo qui & quot eorum essent, sciri posset. Illis hærentibus, neque scriptum ipsum, quod recitabant, tradere volentibus, prodit Syntoslaus Orselscius, Judex tum Calisienfis, commemorataque & majorum in Reges fide, & Regis in Rempublicam meritis, & præsentibus periculis, quæ cum maxima Reipublicæ impenderent solius Regis sapientia, ac virtute superanda essent, ne paucorum quorundam, vel ingrato animo, vel contumacia moveri se pateretur, cum hortabatur: perpetuam vero fidem, ac summam in ea constantiam, omnium nomine ei deferrebat. In iisdem tamen comitiis, controversia cum Dano Piltensis etiam composita. Cum à matre Regis Daniæ, & Magno in Episcopatu, viginti quinque millia thalerorum oblata fuissent, neque Rex, ut summa ea illi reposita, & vicinum & bellum ex provincia summoveat, alienus erat: & Danus quæcumque rationem ex negotio eo, quod & non magni momenti esset, & præter expectationem ejus cecidisset, quæ cum dignitate modo ejus conjuncta esset, quæque non tam rejectus à Curonia, quam postquam jus suum consecutus fuisset, ultro rejectis ab ea videretur, non invitatus arrepturus existimabatur. Itaque cum à Farensebicio primum summo utrumque Regem pacificandi studio propolita, Georgio Friderico deinde Marchioni, in Prussia Duci, permissa fuisset, illeque non minore studio apud Danum ea in re laboraret, hæc tandem conditionibus transactum: Injuriam damnaque utrinque data, utriusque partis oblivione obliterarentur, pristinaque inter illos gratia & amicitia maneret, ne de alterius jure, cum uterque jus suum obtenderet, disceptaretur, per transactionem triginta thalerorum millia Polonus Dano numeraret: quæ postquam certo loco ac die, de quo privatim convenisset, numerata fuissent, tum Danus possessione arcis Piltensis totiusque Episcopatus Polono cederet. Apud Polonum ne fidem Dani secutus fraudi esset, omnium libertates, juraque legitime obtemperata, usurpataque, ex autoritate Senatus scripto diplomate æque confirmarat, imprimis vero Augustanæ religionis usum, nominatim etiam Joanni Beerii, secessionis auctori, cautum. Emptionis vel hypothecæ titulo possidens, nisi re cognita, pignore legitime Curonia moveretur: bona soli tumultus ejus tempore, per vim alicui ablata, legitimo possessori sine mora ut restitueren-

tur. Conditionibus impletis, incolæ juramento à Daniæ Rege solverentur, & Regi & Regio Poloniæ successoribusque ejus in perpetuum novo obstringerentur, similiterque promissa confirmatio vicissim illis præstaretur. In tributis exactionibus, vectigalibusque, eadem, quæ aliorum Regni incolarum, conditio eorum esset. Dum vero ex belli ejus detrimentis se colligerent, ab omni tributo, militia, aliisque oneribus publicis, per quinquennium immunes essent, tormenta, instrumentum bellicum, aliamque suppellectilem, quicquid ejus in arce Piltense esset, Dano vel cujus esset, auferre intergrum esset. Captivi sponsonemve aut fide obstricti, sine ullo pretio utrinque dimitterentur, liberarenturve. Forma transactionis, ex Prussica Ducali Cancellaria transmissa, paucis mutatis accepta, primumque à Rege Senatu Polonico & Lithuanico, deinde Dano etiam, ejusque Senatoribus, subscripta, signataque, conditionibus utrinque, quemadmodum convenerat satisfactum. Cum autem neque in comitiis tributum decretum fuisset, nec alia in cetero tum parata pecunia esset, præterea vero difficultates, quæ cum incolis de juribus intercessuræ essent, ab ipso Duce explicari Rex mallet, ut ipse triginta illis millibus thalerorum numeratis, hypothecæ interim jure tractum eum possideret, Rex ab eo impetrat. Delegatus ad eam rem, tanquam Vicarius in Livonia regis, Cardinalis Radivilus, cum aliis nonnullis, possessionem à Dano acceptam delegatis Prussicis ducalibus tradit, quæque alia negotium postulabant, in præsentem cum iis constituit, transigitque. De vidua Ducis magni Moscha, quamvis ad alios potius cura ejus pertineret, pietatis tamen causa, vel ad suos remissurum, vel religioso aliquo loco honeste exhibendam curaturum, se Rex receperat, remissa in Moscoviam fuit. Habebat more solenni suos etiam in iisdem comitiis Dux Prussiæ legatos, gratiæ per eos Duci actæ, pro opera studioque in Piltense controversia adhibito, privatim etiam, quod conatibus Zboroviorum, motibusque aliquibus gravioribus, ad illum quoque fama delatis, opes contra eos suas Regi detulisset, quibus tamen, ut opus non erat, ita ne utendum quidem Rex existimabat. Navigatio, quæ ex Lithuania regi montum est, cum per Habum seu sinum maris Venedici longo ambitu instituitur, non solum longinqua est, sed periculo etiam non vacat. Si flumina quædam partim derivarentur, partim purgarentur, brevissimo omnino tractu & sine ullo periculo constitui eam posse nonnulli repererant. Appellatus eaedere Dux à Lithuanis, quod non sine maximo sumptu perfici res posset, præter alia solennia postulata sua, vectigal eo nomine sibi permitti, in comitiis hæc Dux petebat. De navigatione itidem ab Elbingensibus, derivatione Vistulæ deteriore facta, querebatur. Lithuanicæ navigatio-

gationis cognitio seu constitutio ad communis delegatos rejecta. De Elbingense ostensum, cum à delegatis ad Regem causa ea relata esset, Regem judicaturum: si ita ei videretur, suum etiam hominem ad judicium id mitteret. Similiter portorii Gedanensis negotium in iisdem comitiis finitum. Scripto hujusmodi ex autoritate Senatus illis dato, de quali supra ostensum est. Ab uno atque altero tamen attentiones nonnullæ interpositæ, maxime Hieronymo Rozrazewio, Episcopo ut Vladislavienle, ita Pomeranig, ne juribus ecclesiarum, retumque ecclesiasticarum, jurisdictionive, quicquam eo derogaretur. Anglica legatio, quemadmodum supra ostensum est, primo ad conventum delegatorum Mariæburgensem, deinde ex conventu Senatorum Lublinense Levartoviam rursum. Nicolao Firleo, Castellano Vislicienle, possessore Levartovienle, ipso etiam una cum aliis aliquot Senatoribus, ad rationes ejus, quod petebant emporii excutiendas delegato, revocata fuerat. In comitiis hæc negotio illo portorii cum Gedanensibus transacto responsum Regiæ: Iis legibus, quas proposuissent, teneri rem apud ordines non potuisse, quod publicis Regni legibus monopolia omnia, collegiaque hujusmodi, vetita sint, quod tamen proximum huic esset, quodque pro sua erga eam benevolentia promptissime semper ei detulisset, iis juribus atque libertatibus, quibus sub prioribus Regibus usi fuissent, portus omnes ditionesque Regias illis patituras. Cumque Gedanenses ob societatem eam commerciorum, quæ cum Anseaticis civitatibus aliis eis intercedit, paulo ante suum in Regnum adventum, dures nonnullas leges atque conditiones imposuisse iis accepisset, ut in pristinum jus ac libertatem eos restituerent, illis mandasse: neque dubitare, si quid tum societatis ejus causa durius in illos statuisset, nunc autoritate sua adductos emendaturos, atque omni potius benevolentia & officiis eos prosecuturos. Non invitatis ac procurantibus potius Gedanensibus id additum, si forte revocare commercia Anglica Gedanum possent. Quemadmodum supra ostensum est, cum Sveco omnia incerta erant. Querebat tamen subinde causas cum Rege agendi, aliisque viis præclusis, aliquando per Cancellarios aut Secretarios suos, Possavinum, qui in concilianda ut plurimum Principum gratia versabatur, appellabat, postulataque sua illi ingerebat. Respondebatur plerumque Possavino, mitari Regem, inter gravissimas offensiones, leviorum rerum mentionem ab illis fieri, nisi ipse autem prius Regi satisfaceret, frustra vel legatos vel arbitros communes Rex mitteret, cum expectare: cum non semel nonnulla, cum indignitate sua, frustra id hætenus fecisset. Interim Regina Sveciæ anno superiore, mense Octobr. mortua, Secretarium Petrum Erasmum Brunum ad comitia hæc mittit. Literas ille

à Rege ad Senatum: à filio autem ejus Sigismundo Principe, qui occulta vi facti in Regno postea Stephano successit, cum ad ipsum Regem, tum ad Senatores Polonicos & Lithuanicos separatim habebat. Repetebant iis uterque vetera postulata sua, cum pecuniæ creditæ, tum dotis, tum successionis: in literis vero ad Lithuanos magni Ducatus Lithuaniae, etiam hæreditatem in præjudicium hæredum, conjunctione cum Regno Poloniae, interversam querebatur. Responsum nomine Senatus, ad Regem se detulisse. Cum autem ante parenti ipsius Sveciæ, copiosissime à Rege suo responsum iis de rebus fuerit, commodius ad eadem nunc responsuros fuisse, si quid in responso eo desiderarent, ostendissent. Nunc de Rege suo hoc solum dicere posse, nunquam ab æquitate, ac ne amicitia quidem cum serenissimo parente ejus retinenda, abhorrentem animum habuisse: cupere, ut pari studio illinc quoque responsum ei fuisset: sed tamen, ne deinceps quoque de voluntate erga eum sua quicquam diminuat, libenter autores ei futuros, cumque ipse, per communes delegatos controversias hæc tollendi, commodissimam rationem futuram existimet, ut suam quoque in eam rem assensum præberet, à Rege se impetrasse. Legatos autem suos, si ita Sveciæ Regi videatur, ad diem sextum mensis Septembris Parnaviam se missuros, inde de loco aliquo medio, quo cum legatis Svecicis conveniret, cum iis communicaturos, quæ an acciperet, in tempore certiore Regem facerent. Simul vero in iisdem comitiis delegati ad conventum eum Svecicum fuere, Andreas Firleus Lublinensis, Joannes Lesnonolscius Zakrocienensis, Christophorus Zienovvici Brzestensis, Castellani, Joannes Piotrovius, Canonicus Cracoviensis, Secretarius Regius: præscriptumque legationis, ex Senatus consilio, iis datum. Verum cum ad diem illi postea se steterissent, Svecis alia tractatione cum Mosco tum impeditis, infecta res fuit. A Lithuanis expostulatum, non tam molestant eam rem sibi videri: quamvis liberis populis, tanquam in peculio alicujus se censerit, vix non indignum videri debeat, quam novam, quod quo jure semper gens Lithuanica usa fuerit, non diligentius quæsisset, quod si fecisset, reperturum sine dubio fuisse, nullum unquam tempus extitisse, quo non liberæ electionis jus illa quoque habuerit. Et si enim ex Jagiellonica familia continua serie aliquot Principes ei imperarint, voluntate tamen iis paruisse: neque magis ea re suam libertatem minui potuisse, quam Polonicæ gentis, quod ex eadem domo ipsa etiam complures Principes liberis suffragiis sibi præfecerit. Itaque qua voluntatis, libertate à Jagiellonica gentis Principibus antea paruisset, eadem in societatem Reipublicæ Polonæ descendisse.



Cui rei id vel argumento esse posse, quod, cum Divus Sigismundus Augustus diu multumque de conjunctione hac laborasset, vix post multos annos perficere eam potuerit; ut quæ non tam in ipsius potestate, tanquam Domini hæreditarii, quam arbitrio atque voluntate gentis suæ, tanquam liberæ, fuisset. In iisdem comitiis, cum superiore ætate Joannes Borkovius, Vicecancellarius, mortuus fuisset, Magistratus is Alberto Baranovio, cui, tanquam majori Secretario, ex jure id debebatur, una cum Episcopatu Przemislense, qui morte Simonis Lukovii, nondum tamen Romæ confirmari, vacabat, datus fuit: præpositura vero Plocensis, quam antea tenebat, conservata. Secretarius major & Referendarius Petro Tilicio. Jam Prussos etiam cedere judiciorum aulicorum cœperat. Privatim vero Kostkus Stangenbergensem possessionem, primam in Prussia sedem suam, cum in judicio Regio à Venceslao Sakio repetiissent, causamque cecidissent, per judicia ista tribunalis, rem à Rege judicatam rescindere, recuperareque possessionem eam posse, spem aliquam habebant. Per omne quidem hoc Stephanani Imperii tempus, ut peculiare in Prussia causarum Prussicarum ultimæ instantiæ tribunal haberent, operam dederant: jamque formam ejus in conventu anno superiore sibi constituerant: verum ordinibus Regni semper obstantibus, Stephanus etiam postquam de scitis eorum certior factus fuerat, per Stanislaum Zolkiëvium filium, nullo modo successionis quasi speciem hanc laturam se ostendere, tandem in hisce comitiis Stanislaus Kostka, Succamerario Culmensi, maxime annitente, Petrikovia ipsi quoque contribuit. Edictaque, quibus judicium id omnibus denuntiaretur, edita, non multo post comitia publice per Prussiam proposita fuerunt, quod tamen comitiis hisce infectis, inter leges, cum nullæ scriptæ fuissent, referti non potuissent, sub hujus deinde Regis imperio, lege etiam in tabulas relata stabilitum fuit, eodem modo, idem Kyovienlibus, ac Volchinii tributum. Ac primo quidem, ut exemplo Ecclesiasticorum, sex Prussi, sex è Regni iudicibus res Prussicas judicarent, constituerant, postea satius judicantes, e quo cum reliqua Regni nobilitate jure uti, more aliorum Regni Palatinatum, communia judicia, ita, ut promiscue & judicarent, & judicarentur, habere cœperunt. Quomodo portorium Gedanense constitutum fuerit, supra ostensum est. In conventu Levartoviense, cujus supra mentio facta, diserte cum Anglis & Elbingensibus actum fuerat, at cum tumultus Gedanensis tempore primus Rex commercia in urbem eam introduxisset, si posthac etiam ibi habere ea vellent, portorium ad exemplum Gedanensium, ipsi etiam constituerent, maxime cum Gedani habiturus jam Rex portorium esset, si illi immunes ibi commercia exercerent, non parum decessurum Regi videretur. Itaque Joannem Schorcium, Præfectum Kissoviensem, ad civi-

tates eas mittit, ad Gedanenses quidem, ut præteriti annirationes acciperet, inque futurum annum præfectos scribasque, vel novos eligendos curaret, aut saltem, si veteres manerent, novo juramento eosdem astringeret. Ad Elbingenses vero, ut quo ipsi quoque ad normam Gedanensium tres consules præfectos, duos scribas eligerent, qui portorium id nomine Regio jam exigere inciperent, eos hortaretur: Juramentoque ipsos quoque adigeret. Sub idem comitiorum tempus, in Livonia quoque initio à mutatione calendarii sumpto, Parnavia & Rigæ tumultuatum. Parnavia edicta Regia, quibus emendatum calendarium accipere jubebantur, clam à quibusdam refixa abjectaque fuerant. Verum ubi autoritate Præfecti, edictorumque regionum ad Magistratum, cum non de religione, sed ordine ea re agi, ostensum illis fuisset, utque in autores contemptæ Majestatis Regiæ inquirerent, neve in posterum tale quid committeretur, caverent, mandatum; non magno negotio, oppressum gliscens incendium fuit. Rigæ & gravior tumultus & longius progressus fuit. Edictis Regiis de emendato calendario recipiendo acceptis, Magistratus maxime autem Nicolaus Ekium, qui in Purgrabiato erat, ut secundum calendarium id cum dies festi observarentur, tum alia omnia administrarentur, & publice, & imprimis ecclesiarum scholarumque ministris suis, mandaverant. Autore Georgio Neumano, primario inter eos ministro, reliqui etiam parent; cum decem dierum spatio ex emendatione ista festorum, festa natalitia anteverterent, ministrique, quemadmodum à Magistratu jussi fuerant, solitas ceremonias in templis obirent, cathedramque conscendissent, populo ad solita negotia laboresque nihilominus converso, vel paucissimis vel parietibus concionabantur. Stato deinde veterum natalitiorum die, opere omni remisso, ornatusque ad templa populus convenit: à ministrisque destitutus, nullo prætereunte, ipse hymnos cantionesque suas concinnebat. Intercesserat inter Neunemanum ludique magistrum contentio quædam hac de re, in qua cum ludimagister in ipsum etiam Regem contumeliosis verbis investus fuisset, re ad Ekium à Neunemano delata, pro munere Burgrabii ad se citatum, verbisque castigatum, in carcerem compingit. Eum cum primum collega ipsius, pueris omnibus comitatus, deinde concursu facto populus etiam repetiisset, reposcensibus dimittere Ekium noluisse, subito in domum ejus impetu facto, illi furori eorum cedente, domum diripiunt, ludimagistrum foribus carceris effractis vi auferunt, eademque rabie in Neunemanum etiam, quem autorem totius ejus rei ferebant, investiti, multis præterea verberibus affectum semianimem relinquunt. Postridie Magistratu fere omni præ metu se abscondente, cum multitudine sine Duce, sine capite, sine consilio certo, ne ipsa quidem sine metu, quonam res evaderent, esset, imprimis Duces sibi

Mar-

Martinum Gifsum, obscuro loco Rigæ natum, sed qui in causis agendis operam suam navare solitus, ingenio calliditateque, maxime in animos multitudinis influebat, & Joannem Brinkium Belgam, tum alios nonnullos Duces seu Tribunos sibi creant. Ekium repertum protractumque. Neunemanum itidem ad reconciliationem adigunt: veteris calendarium restitunt: leges quasdam, quibus in ordinem Magistratum redigunt, neve sine plebis scito quicquam gravioris rei agat, statuatur, cum obligant, constituunt. Qui vi ad reconciliationem adacti fuerant, primam quamque subducendi se occasionem nacti, attestations, qua vim discessumque suum contestabantur, interposita, ad Cardinalem locum tenentem Regium in arcem se recipiunt: rem inde ad Regem deferunt. Rex in ea omnium rerum, cum Sveciæ præferrim Rege, in certitudine temporis, rationem habendam putabat. Itaque Cardinali mandat, operam det, ut civitati persuadeat, quo à contentionibus discedat, in concordiamque redeat: de controversiis, quæ inter eos sint, cum Magistratus tum populus, ex suo uterque corpore, primarios legatos ad Regem mitteret. Si autores tumultus in potestate haberet, neque reliquam plebem facile se commoturum ratus: & se, quod è dignitate publica videretur, statuendi facultatem habiturum. Quo humanius Cardinalis cum illis ageret, eo homines, omnis humanitatis expertes, quæ natura fere plebis est, insolentius se efferebant. Itaque de die in diem in pejus ibi res ruere. Sub initium mensis Maji universa plebs, cœtu facto, viginti quatuor Seniores, quos vocabat, homines totius civitatis seditiosissimos factiosissimosque, eligit: in eorum consilia, adque salutem eorum etiam vitæ suæ periculo tuendam jurejurando se adigit. Qui comminationi illi subscribere nollent, aut superiorem in ea Magistratum exciperent, sibilis convitiisque multitudinis explodebantur. Consilio eo plebis constituto, & eas, quas antea tulerant, leges, quibus Senatui in ordinem redigunt, renovant, & alias novas ferunt. Muros vallumque civitatis, maxime arci oppositum, muniant, tormentaque in eo collocant, aptamque omnino rebellionem spirabant. Senatus, qui coercere ista debebat, vi metuque à plebe oppressus, ne mutire quidem audebat. Itaque, ne in curiam quidem, nisi à plebe vocatus, conveniebat. Quod, quoties fiebat, ex arbitrio seu imperio potius plebis, omnia statuere cogeatur. Omninoque, nullo quasi Magistratu existente, tanquam domicilium aliquod latronum, omnium rerum perturbatio, atque horror quasi quidam ac vastitas, civitatem occuparat, miserandaque plane facies ejus erat. Querebant causas cædis in Magistratum: cumque jura, de quibus cum Stephano constitutum fuerat, omnia excussissent, neque satis justam causam accusandi Magistratus reperire possent, tandem templum D. Jacobi, quod collegio patrum Societatis Jesu, à Rege constituto, attributum fuerat,

alterumque minus illi vicinum, D. Mariæ Magdalenæ, cum cœnobio virginum Cisterciensis ordinis, proditum à Magistratu Regi insimulabant: obliti præter alia præclara, imprimis cathedralis, etiam Archiepiscopale templum, ipsiusque Archiepiscopi curiam, domosque, plebrasque canonicorum, tum reditus earum plebrasque. Quæ ne titulo quidem aut specie ulla juris occupata ab iis tenebantur, summo cum dolore injuriaque Catholicorum permutata, confirmataque eorum loco à Rege cum illis fuisset. Cum alios autem ejus rei insimulabant, tum maxime Joannem Testium, Advocatum civitatis, & Gottardum Willingum, Syndicum. Idque cum agitari ea subsensisset, Testius metu percussus, præter Ekium, ipse etiam ex civitate profugit, in arcem se recipit. Patres Societatis intra parietes se continebant, quoties in publico conspectus aliquis eorum fuisset, omnium probis injuriisque mox incessabatur. Unus vero lapide etiam à quodam de vulgo in terram prostratus, cum eo non contentus, semianimem pugione etiam confodere vellet, vix ab astante alio servatus fuit. Cum vero, non multo post, in ipsum etiam collegium templumque impetum plebem facturam præviderent, assiduis injuriis, quæ quotidie fere illis inferebantur, exagitati, tristiora etiam & graviora indies expectantes, in arcem ipsi quoque possessionis causa, uno atque altero relicto, se recipiunt, templum collegiumque plebs ut hostis occupat. Non multo post Comitia, de Zarmariense etiam cum Cæsare controversia decisa: opera maxime Antonii Posssevini: qui negotio hoc à summo Pontifice ei demandato, in reconciliationem Principum gratia, nihil omnino intentatum relinquebat. Conditio jurisjurandi, onerumque præstandorum, quæ maxime negotium morari videbatur, Zamoscio ratione eam proponente, ita expedita fuit, ut jurejurando remisso literas tantum, quibus Majestatem, supremumque Regni Ungariæ imperium Rex successoresve ejus agnoscerent, à singulis Regibus Ungariæ acciperent, illi vero sine detractione eas darent: cæteroquin à juramento, aliisve oneribus, immunes possessiones eas tenerent, quæ difficultas postquam sublata fuit, de aliis, quæ reliquæ erant, non difficulter postea convenit: acceptaque possessio nomine Regio fuit. Exitus comitiorum expectatus à Cæsare existimabatur: qui cum præter opinionem eorum, qui ipsi vana quæque sibi pollicendo, non minus certas spes, aliis fortassis etiam fecerant, cecidisset, finis tandem controversiæ compositus. A comitiis Cracoviam mox Rex profectus, quo in loco seu vicino Cracoviæ Niepolomiciæ, ob venationes maxime ei grato, cum integram fere ætatem egisset, sub hyemem Grodnam se contulit, ubi ad mortem usque substitit. Per omne autem id tempus, quod ad futura comitia intercessurum esset, cum maximas res animo agitarer, quod tamen neque de Tartarorum incursionibus reprimendis, neque de bello contra Moscum quicquam

statu-



statutum fuerat, de iis autem rebus, quas animo agitabat, cum summo Pontifice, aliisque nonnullis Principibus, tractandum interim existimaret, otium id, ita trans mittebat, ut, quantum in se esset, nonnullis locis, partim ædificiis, partim aliis ornamentis excolendis, totum se daret. Imprimis Grodnam, quam ob venationes, quibus maxime delectabatur, quasi secessum quendam sibi delegerat, arce temploque murato, aliisque omnibus rebus ornare instituerat, totusque in eam rem incumberebat. Quæ Joanne Basilide Moscoviarum Duce mortuo occasio Imperii Moscovitici adiungendi se ostenderit, supra dictum est. Cum frustra in Comitibus rem Rex proposuisset, aliis tantæ rei occasionem spernentibus, aliis ex instituto omnes Regis actiones impediuntibus, Rex tamen, ne ita quidem, tantas spes deferendas ratus, cum summo Pontifice, Italique nonnullis Principibus, Venetis maxime, & Florentino, communicare, de iis instituit: ac maxime quidem per Antonium Possevinum, tum Cardinalem Battorem, quem cum sub proxime præteritorum comitiorum tempus ex urbe revocasset, huius negotii causa denuo Romam mittit. Statu rerum Moscoviticarum demonstrato, quanta vel maximo Septentrionis imperio potiundi occasio se ostenderet, simul demonstrare. Quod si adjunctum esset, cum idem finibus Imperii Turcici latissime obtenderetur, tantis viribus conjunctis, quanto non modo tutior, verum formidabilior, etiam Turcicæ potentie, Christianitas futura esset: quanta simul facultas religionis catholicæ per latissimos illos Septentrionis tractus propagandæ. Itaque cum non minus cum universæ Christianitatis commodo, quam Regni sui dignitate conjuncta ea res futura esset, ut ad eas suscipiendas subsidio aliquo pecuniario ab iis juvaretur, operam dabat. Subque finem anni octuagesimi quinti Georgio XIII. mortuo, Sixtoque quinto ei suffecto, eadem de re ipsum quoque per Cardinalem Battorem & Possevinum appellabat. Probata utriusque res, iustumque subsidium ab utroque in eam promissum. Sixto quinto autem, qui maxime foedus etiam contra Turcam cum Persa, cui vicina Moscovia esset, maximi animi viri spectabat, ita cordi res esse, ut etiam remotis arbitris & scribis, adeo illud tractaret, suæque manu ea de re literas ad Regem daret. Uniusque mensis stipendium, jam per novum legatum Annibalem de Capua, Archiepiscopum Neapolitanum, viginti quinque millia scutorum ad Regem destinasset. Verum res optimo consilio suscepta, mortuo postea rege, cum ipsi, tum Zamoscio, ut quo Consiliario omnia à Rege facta essent, vel maximam invidiam conflavit. Communicatione enim hac cum summo Pontifice, ipsiusque summi Pontificis studio in vulgus iactato, cum, quid actum esset, alii non satis compertum haberent, alii studiose etiam in diversæ religionis hominum perniciem comparata fingerent, vehementer animos eorum

accenderunt. Et si foedera cum Cæsare, domoque Austriaca, nondum renovata essent, quod tamen controversia Zalmariensis jam transacta esset, huc usque etiam si solenniter non renovata, tacite tamen quasi servata utrinque fuissent, Joannes Skretuscius, Secretarius Regius, ad Cæsarem à Rege missus, qui Christophorum Zborovium, iudicio victum damnatumque, actis iudicii ejus ad Cæsarem per eum missis, ex pristini foederis formula dedit peteret. Quod, uxore ducta, inter ordines Boemiarum seu Moraviæ receptus fuisset, ad eos à Cæsare res rejecta, posteaque ad mortem usque Stephani Regis ducta. Initio anni octuagesimi sexti, Joannes Demetrius Sulikovius, Archiepiscopus Leopoliensis, ad novum Pontificem Sixtum quintum à Rege missus, qui & fastigium illud Reipublicæ Christianæ ei gratularetur, & officium seu obedientiam, quam vocant, inter alios Reges, Principesque Christianos, Regis Regni nomine ei deferret, præter hæc privata nonnulla negotia ei demandata: maxime de Abbazia Olivense, Casparus Jeskau, Abbas Olivensis, cliens Kostkanorum, Georgium Kostkam, Palatinidem Pomeraniæ, invito Rege, suffragis monachorum, coadjutorem sibi adsciverat. Rex Fabianum Lorkam illi opponebat: maxime autem de jure Regio ei agebatur. Itaque intentus in conatus eos esse iussus, maxime, si in iudicio rotæ aliquid susciperetur, ne in controversiam ullam descenderet. Sed potius jure hoc longissimi temporis spacio confirmatum in Regno hoc Reges semper obtinuisse, ut ad nullas omnino Abbazias alii, quam quos Reges ipsi commendassent, eligerentur, contra attestaretur. Sub idem fere tempus, initio nimirum anni octuagesimi sexti, Henricus Dux Lignicensis à custodia, qua alitricus à Cæsare fuerat, egressus, primo Varlaviam, ad Reginam, inde, omnibus rebus, interque alias vestibus etiam, suppellectileque, & abaco argentea, pro generis ejus dignitate, ab ea instructus ornatusque, ad Regem Grodnam venit; ab eo, ut præcorum Regum Poloniæ Piastorum posteritas, humanissime ipse etiam exceptus fuit. Postridie adventus ejus tabellarius à Cæsare ad Regem venit, quibus significabat, cum custodia, qua obstrictus fuerat, rupta, præter voluntatem suam, in ditiones Regias se contulisse eum intellexisset, evocandum eum existimasse; postulabatque, ut tabellario, qui literas, quibus eum ad se revocarat, traditus ei esset, per Regem in ditionibus, iisve locis, in quibus adepturus eum esset, id liceret, securitasque eidem à Rege præstaretur. Adjunxerat literis scriptum, quæ causæ, ob quas custodia obstrictus fuisset, maxime quidem prodigalitas ejus, vitiaque prodigalitatis, dissolutio & aris alieni magnitudo, comprehendebantur. Quo à Rege cum illo communicato, alia partim negare, partim excusare, partim elevare, ob novarum autem quarundam rerum, consiliorumque cum ipso Rege, suspiciones ad Cæsarem delatum, odium

ejus

ejus incurrisse obtendere. Rex, ne vel bonam causam male agendo corrumpere, ut vel quamprimum Cæsari se sisteret, hortari eum cepit: testimonium etiam innocentie ejus, vel ipse præbiturum se ei apud Cæsarem offerebat. Verum, cum ille vanas spes quasdam, quas in plerisque Germaniarum Principibus habere se diceret, sequi mallet, interque alios Præfecto militie Svecicæ tum mortuo gubernationem partitus ejus Livoniæ à Sveco, à quo evocatus esset, expectare se ostenderet, literas tamen ad Cæsarem illi dedit, quibus & iis rebus, de quibus delatum se ad Cæsarem dicebat, diligentissime eum purgat, & prolixè eidem commendat. Ad Georgium Fridericum Marchionem, in Prussia Ducem, cujus sororem in matrimonio, liberosque ex ea habuerat, indeque in Sveciam profectus, postea Sigismundo III. rege electo, cum eo in Poloniam revenit, in exilioque Cracoviarum obiit. Quo Rigenes res prolapsæ fuerint, supra ostentum est. Plebe indies magis turbante, exules in arce interim erant atque in iudicium primo ad Cardinalem, deinde ad Regem seditiosis vocatis, ut causæ cognitionem susciperent, urgebant: Interim Cardinali, qui Romam spectabat, ad regem, ut Magistratu eo Locum tenentis se abdicaret, domumque inde profecto, atque Thomas Endanus Saxo præerat. Cum Rigenis minæ aliquæ, ut ultro sibi dederentur, alias per vim exules ex arce se ablaturus delatæ ad eas essent, Joannes Tastiuss, cæteris meticolosior, ut noctu per Dunam in tutum evaderet, pertvaderi sibi patitur. Cum in medium flumen, ignoto rustico habitu indutus, jam pervenisset, sclopeto exploto, qui in insidiis à Rigenis locati fuerant, non absque suspitione proditionis mox advolant, exceptumque in urbem perducunt, sævissimisque tormentis subiectum. Hominem jam vitæ peritum adigunt, ut cum alia nonnulla, contra fidem civitati debitam admissa, tum maxime templa, de quibus supra mentio facta, regi condonata fateretur. De falso, mox publice in foro supplicium sumptum. Confscios ejusdem facti sui, cum alios nonnullos, tum maxime Casparem Bergiam, Consulem, Gottardum Willingium, Syndicum, Ottonem Rannium, Scribam civitatis, nominarat. Bergium constantia ejus servavit, cum nullo metu, ut quicquam contra fidem à se admissum fateretur, adigi potuisset. Willingius tormentorum dolore victus, cum ipse etiam falsus fuisset, primum vita publice in loco supplicii à populo donatus, domumque deductus; mox à complexu uxoris, & liberorum, iterum è domo abstractus, supplicio ipse quoque afficitur. Jam ante, priusquam ad sævitiam eam descendissent, exulibus urgentibus, & exules decreto Rex restituerat, & seditiosis autores, maxime autem Gisium & Brunkium, proscripterat. Curlandiæ tamen Duci, ut componere inter eos posset, transactionem inter eos tentaret, permulerat; nonnulla spem, si in pristinum statum opera ipsorum civitas restituta fuisset, receptum eos ad gratiam Regiam habere pos-

se, damnatis facta. Tentata perfectaque à Curlando transactio fuerat, sed ita, ut in eodem fere statu, in quo tum civitas erat, relinqueretur. Exules verbo magis quam re restituerentur, aut securitati eorum idonee caveretur. Detrimenta rei familiaris direpta, vix uni Ekio, & ne illi quidem satis sarcirentur: injuriæ utrinque obliterarentur; interim, ut damnati restituerentur, opera apud regem daretur. Jam crudelitatem etiam tanta rex commotus, cum & suam regnique majestatem in tantum contemptum, & ipsius civitatis salutem, in tantum discrimen vocatum videret, actiora remedia adhibenda ei existimans, meditansque animo vindictam seditiosorum, innocenterque supplicio affectorum ultionem, cum capita seditionis denuo proscrit: tum in ipso Dunæ ostio propugnaculo, portum occupare instituit; quo profecto, & comæatu commerciique eos prohibere, & non magno negotio in potestate civitatem habere posse videbatur. Operi Stanislaus Penkoslavio, cui Sandomiriensem paulo ante præfecturam contulerat, impigre administrato, præsidium etiam imponitur. Seditiosorum suarum solliciti, cum conjurationem, quam antea fecerant, denuo sanctissimo jurejurando renovant, universamque adeo civitatem in id adigunt, tum partim aliorum Principum externorum opem patrociniumque circumspicere incipiunt, tum in Sveciam Gisium, communis aliorum, seu privato suo consilio proficiscitur, quo rerum in civitate ea statu, aliquanto post rex moritur. Portorio Gedanense constituto, ad alteram rem, in qua non minus Majestatem regni versari existimabat, animum mox rex convertit. Privilegio Casimiriano, quo possessiones libertatesque adeo omnes suas civitas tueretur, diserte cautum fuit, ut domum Gedani, pro dignitate regia Civitas regi ædificaret. Res non tam à Regibus neglecta, quam Gedanensium precibus, causisque interpositis semper ducta, receptis iis Mariæburgi in gratiam, una cum portorii negotio ad Comitum reiecta fuerat. In portorio etiam superiore anno nonnulla Regem offenderant: quod, cum literas Regias præfectis scribisque legatus Regius tradidisset, illi, nisi prius ad Senatum retulissent, resignare eas noluerant. Deinde, cum novos præfectos scribasque eligerent, quos juramento adigerent, hortatus eos fuisset, illi eosdem jam ante juratos confirmatos à se ostendissent. Nonnihil de ipsa æstimatione etiam, exactiōneque portorii, an bona fide omnia administrarentur, dubitationis aliquid obiectum fuerat. Itaque, misso, sub initium Veris, Reinoldo Heidenstinio, qui & præfectos scribasque solenni juramento adigeret, & rationes portorii præteriti ab illis acciperet, in eaque, quorum supra mentio facta, inquireret, imprimis, ut dignitatis Regiæ omnibus iis in rebus curam haberet, ei mandat: tum nominatim, ut domum ex privilegio Casimiriano debitam ab illis exigeret, certumque scriptum aliquod responsum ea de re referret. Stanislaus Kostka, Succame-

mera-



merario Culmenſe, & Erneſto Vejero, Pucenſe Præfecto, controverſiam mandatam, quæ collegio cereviſiæ coctorum, cum Magiſtratu erat, & non perfecta, cognoscendam eidem delegat. Elbingæ vero, ut de certa ratione portorii, quæ nondum explicata erat, conſtitueret. Cum negotium Brunſvicenſe, quem admodum ſupra oſtenſum eſt, delegatis principibus ob eventum litis inexpectatum, aſperius non nihil appellatis plane hæreret, ad Ducem Prusiæ ſimul deſcendere juſſus: quæ in cauſa ea hæcenus interceſſiſſent, ei demonſtrare, ut ipſe in ea apud delegatos Principes ſe interponeret, novumque quaſi cauſæ aditum præſtaret, petere. A Duce res ſuſcepta. In Germaniam is tum ſub id ipſum tempus ibat, cumque ab eo tempore in aſſidua ſemper apud Pruiſos expectatione eſſet, per ſeptemdecim tamen annos, quos ſupervixit, nunquam tamen poſtea Pruiſiam vidit. Gedani ſumma voluntate Senatus, ex dignitate Regia, omnia adminiſtrata: Literæ Regiæ etiam non conſulto Senatu, præſente legato, à Præfectis Scribisq; lectæ: noviq; juramento in verba Regi adaſti, rationes diligentiffime exactæ, ſatis bona fide eas adminiſtratas docebant. De domo Regia, quemadmodum Rex voluerat, ſcriptum reſponſum à Senatu datum, quo, quod privilegio Caſimirianò debebat, non negabat: difficultatibus Civitatis demonſtratis, ut in aliud commodius tempus differri rem Rex peteretur, petebat. Satisfactum tum temporis eo Regi. Cereviſiæ coctoribus, cum aliis nonnullis de rebus, tum maxime de veſtigiali quodam, acciſam vulgo vocant, quod extra ordinem à Magiſtratu impoſitum, querebantur, controverſia cum Magiſtratu erat, ad Regium judicium tota re rejecta, cõpoſitione poſtea tranſactum, de eo inter illos fuit. Elbingæ de duabus maxime rebus dubitatio erat: una, quod exemplo Gedanenſium dimidiam partem portorii Elbingenſis etiam petebant: Præfectos etiam Scribasque, eodem exemplo, ipſi quoq; eligere volebant. Altera, quod à ſolis Angliſ, non civibus aliis, etiam externis, pendid debere æquum cenſeret. Rex aliam rationem Gedanenſis portorii, ut quod à prima civitatis ejus ad Regnum adjunctione poſſeſſum ab illis fuiſſet, aliam Elbingenſ. ut quod à ſe primum inſtitutum fuiſſet, eſſe debere ſtatuerebat: ut partem quidem aliquam pro arbitratu ſuo ad portus ſtationesq; reſciendas illis permitteret, non alienus erat, dimidium nimirum putabat. Præfectos etiam ac Scribas, non quidem niſi ex corpore civitatis deligere volebat, præſcribi tamen aliquid in iis ſibi volebat, quo minus poſtea etiam ſi ita ei videretur, aliquid mutare, ac pro ſuo arbitratu ſtatueret, de iis poſſet, æſtimationem etiam ad Gedanenſ. quidem portorii revocare volebat; ne, ſi minor æſtimatio iniretur, de proventibus Regiſ aliquid decederet: ſi major, magnitudine portorii ab emporio commercatores abſterrentur. Imprimis tamen ab omnibus, non mo-

do civibus & Angliſ, verum quibuſcunque, qui merces aliquas per portum eum importarent, aut exportarent, æqualiter exigi id volebat, itaq; accipere ſe beneficium, non dare, cogitare eos debere monebat: ideoque, tanquam in re, quæ tota poteſtatis Regiæ eſſet, accipere conditiones, non præſcribere. Petebant nihilominus Elbingenſes, de aliis externis, præter Anglos, immunes ut eſſent: de navibus item, ut cum ea ratio adhuc portus eſſet, ut ingredi in eam naves non poſſent, ab iis quoq; portorum ne exigeretur. De externis, cum in eadem omnes cauſa eſſent, ut eodem omnes etiam jure eſſent, perſuſit. De navibus aſſenſus fuiſt, quo ad portus in eum ſtatum perduceretur, ut naves ipſas capere poſſet. Salarium ſimul præfectis quinquagenos: ſcribis ſeptuagenos ſingulis, annuos ex portorio conſtituit. Cum, quemadmodum ſupra oſtenſum eſt, Zarmenſis controverſia ſublata eſſet, ad pacta cum Czære, domoque Auſtriaca, quemadmodum convenerat renovanda, veniſſe rex putabat. Ita autem in cogitatione ea verſabatur, ut priſtina cum prioribus Regibus fœdera diligentiffime ipſe expenderet, examinaretque. Sic vero de iis judicabat, vix non majorem partem eorum magis ad mercatores, quam Principes ipſos pertinere: ut de liberis utriusque ſubditorum commerciis jure adminiſtrando, tranſitu utrinq; præſtando; & quæ ejus generis, vel ſine fœderibus ullis, communis utilitatis cauſa, apud fere omnes gentes ſerventur: quæ autem ad communem Principum dignitatem atque utilitatem conſtituta in iis viderentur, hujusmodi eſſe, ut vel ad unius partis, Auſtriacæ nimirum, commodum ſola revocata, vel fruſtra omnino conſtituta viderentur, quemadmodum, quæ non recipiendis ſubditis alterius, commodisq; mutuis & liberorum utrinq; provehendis, Ferdinando quidem utilitatis aliquid afferre potuiſſet, qui Boemos & Tranſilvanos, partim non admodum obſequentes, partim alienatos à ſe haberet, pro liberis autem, vix non vivente adhuc Auguſto, regnum ambiret: Auguſto nihil, qui & regnum pacatiſſimum, liberos nullos haberet. Auxilia vero mutua, cum ad utriusque arbitrium revocarentur, præter alios autem utrinq; Turcæ exciperetur, in re ſeria nihil omnino ſerio actum videri potuiſſet. Ea igitur quomodo emendarentur, cogitabat. Caput maxime de perduellibus duplex in priſtino fœdere erat. Unum de publica perduellione, vel univerſi regni, vel populi, alterum privatorum. In illa parte duo vitanda putabat. Unum, ne hac ipſa re jus liberæ electionis, quod utriusque populi, Poloniæ, Ungariæ, Boemiæ regnorum haberent, imminutum videretur: alterum, ne, cum exiſtere tempus poſſet, quo patrociniū Ungariæ, ſeu partis ejus ſuſcipere Poloniæ, non modo expediret, ſed neceſſitas forte ei offerretur, ne fœdere aliquo aſtringi ſe pateretur, quo minus poſtea omnia integra eſſent. Si forte permiſſu divino reliqua Ungariæ à Turcæ omni occupata, ſaltem

tem vicinæ partis, patrociniū ſuſcipiendo, excludere à finibus Poloniæ Turcæ poſſet. Itaque ejus generis perduellionis ſeu defectionis mentionem, omnino potius omittendam judicabat: cum præſertim vel ſine graviffima cauſa, vel duriore, quam ut tolerari poſſit, ſervitute adaſtus publico conſenſu nunquam populus univerſus deſcendere eo ſoleat. In capite de privatis perduellibus, ne cui forte ex neceſſariis ſuis Ungariſ ſuſpicio propenſionis alijus in eum, periculi quid afferre poſſet, eam etiam cautionem addendam exiſtimabat. Si jure Regni ejus, cujus incolæ fuerunt, publicæ ac legitimæ perduellionis convicti damnatiq; fuerint. Caput etiam de auxiliis mutuis, vel omnino prætermittendum putabat: vel cum utrique fortaliſſis parti expediret, contra commune à Turcæ maxime periculum, mutuo fœdere ſe ſe munire, certa aliqua vel militum, vel pecuniaria auxilia deſignata. Ad quam conditionem, ſi ordines Poloniæ aſtringere ſe pati nollent, re cum Tranſilvanicis ordinibus deliberata, fratris filium Principem, ordinesque Tranſilvaniæ obligare ea cogitabat. Cum ſine autoritate Senatus agi de confirmatione fœderum non poſſet, in comitiis, quorum tempus legitimum jam imminebat, diligentiffime proponere rem Senatui cogitabat, maxime autem Moſcoviticum negotium, cum animo agitabat, quemadmodum ſupra oſtenſum eſt. Per fratris filium, Cardinalem Battorem, non ſolum promiſſum de auxilio, ſed certum jam in eam rem auxilium, à Sixto quinto Pontifice obtinuerat, certa que jam pecunia trajecta, apudq; mercatores quosdam Italos depoſita in uſus eos fuerat. Itaq; denuo in comitiis proponere rem ordinibus ſtatuit. Ab his ſi nihil ſciſceretur, partim tamen privatis facultatibus, partim ſummi Pontificis auxilio, conſilia proſequi: ac primo quidem legatione miſſa, de conjunctione ſeu locierate cum Regno, vel in eum ſaltem eventum, ſi Princeps nulla poſteritate relicta decederet, agere ſtatuit. Si, ut ſponte in ditionem regni perveniret, perſuaderi eis non poſſet, agrum Smolencenſem, & Severienſem, quæ olim de regno alienata fuiſſent, repetere: utrinque negantibus, tum demum bellum intentare. Hiſce igitur & aliis nonnullis minoris momenti de rebus, ut Livonia conſtituenda, & ſimilibus, ad diem certum menſis Decembris comitia indicit. Jam conventus minores, qui ante comitia ſolennes haberi ſolent, agebantur: vixq; non omnes propenſos ſe in negotium oſtenderant. Cum morte Regia, ſubito nuntiata, omnia relicta fuerunt. Obiit Grodnæ duodecima menſis Decembris, ſub vespere; ſexta fere die, poſtquam morbo tentari cœpiſſet, ita, ut idem menſis & vitæ ipſius, & anno octuageſimo ſexto finem afferret, quo genere morbi perierit: cum multis libris, in publicum etiam editis, Medici inter ſe certarint, ne nunc quidem fortaliſſis, ſatis in aperto eſt: Nicolaum Buccellam Patavinum, Simonem Simonium Lucenſem.

De Simonio conſtat, cum Cardinalis radiivulus, paulo ante mortem regis Romam iturus, ei valedixiſſet, non diu vitalem futurum Simonium ei denuntiaviſſe: de Puccella idem Chriſtophorus Zborovius jaſtabat: operam præterea ad tollendum Regem ab eo ſibi delatam, à ſe repudiatam. Ego literas Ducis Prusiæ vidi, quibus paulo ante mortem Regis, ut à Medicis, diſſentioneque eorum, quæ ſumma inter illos erat, ſibi caveret, cum hortabatur. Verum rumores eorum, qui de morte ejus ſparſi ſunt, neq; confirmare quicquam, neq; refutare animus eſt. Nihil certe morte ejus inopinatus plerisque accidit. Cum enim annum ætatis quinquageſimum quartum nondum egreſſus eſſet, valetudine præterea & firma erat, & cum exercitationibus, tum aliis rebus diligentiffime valetudinem tuebatur. Princeps immortalis memoria digniſſimus fuit. Natus in Ungaria erat, anno ſalutis humanæ M. D. XXXIII. V. Calendas Octobr. die DD. Coſmi & Damiani, genere Illuſtri Patre Stephano, ſub Joanne Rege, Palatino Tranſilvaniæ: matre Catharina Thelegdea. Neq; ſolum antiquitate generis & opibus clara domo, verum, quod multo auguſtius, conſtantia in Religione catholica. Cum enim, Deo ita permittente, invaleſcentibus hæreſibus, univerſa fere Ungaria ab Eccleſia Catholica ſe avertiſſet, ſtirpem ſuam, quæ de Somlio Battoreorum erat, ſolam fere, conſtantiffime in fide permanſiſſe commemorare ſolebat. Fratres duos habuerat, ex quibus Chriſtophorus ipſi poſtea in Principatu Tranſilvaniæ ſueceſſit; ſorores aliquot. Itaque, cum in multas partes, hæreditate ſciſſa, continuis præterea Ungariæ bellis, tenuiores aliquanto facti eſſent, ipſe Ferdinandi Regis tum Ungariæ miniſterio ſe addixit: in cuius Regia cum eo tempore verſaretur, quo Catharina filia Ferdinandi, quæ poſtea Regina Poloniæ fuit, Duci Mantuæ elocabatur, per eam occaſionem in comitatu ejus Italiam quoq; vidit. Verum poſtea cum Ferdinando ſerviens in pugna quadam captus fuiſſet, abq; illo neglectus, neque ullam ſui liberandi curam ſæpe appellans flagitansq; impetrare potuiſſet, ad Joannem, Joannis filium, Tranſilvaniæ Principem, ſe contulit. Tantum autem aberat, ut tenuioris iſtius temporis conditionis cum puderet, ut publice etiam ipſe non raro prædicare ea de ſe ſoleret. A Joanne legatus deinde ad Maximilianum miſſus, per ſpeciem turbatarum induciarum, in triennali fere cuſtodia retentus fuit; quod omne tempus, cum in omnis generis Scriptorum, maxime vero etiam Hiſtoricorum ſcriptis legendis tranſegiffet, prudentiam eam, quam ex rerum ipſarum uſu, multorumque hominum & regionum cognitione antea ſibi compararat, lectione etiam, doctorumq; hominum, quos frequentes ad ſe accerſebat, aſſiduo uſu & conſuetudine auxit. Inde dimiſſus à morte Principis Joannis, imperio Tranſilvaniæ omnium ordinum voluntate admotus, Bekieſium, ejusdem Principis



tus æmulum, auxiliis Germanicis turbantem, ejecerat. Omnibus & corporis & animi dotibus ita cumulat, ut exemplum quoddam raræ inter homines excellentiæ effingere natura voluisse videretur. In statura, facie, oratione, Majestas summa: simul tamen & virginalis quædam verecundia & facilitas, comitasque tanta, ut cum in fastigio eo regio & ipsius quam omnibus rebus præ se ferebat, Majestate, in familiarissimos tamen sermones cum ad-euntibus se dmitteret, non raroque cunctantes ipse ad eos invitaret, dubium esset, verereturne cum magis homines, an amarent. Religionis catholicæ observantissimus erat: quod vel ultimi codicilli ejus testari possint, quibus fratris filium Sigismundum, Transilvaniæ Principem, moribundus affatur, patrocini-umque religionis catholicæ, collegii patrum Societatis Jesu à se instituti, contra Arrianos Transilvanos, maxime Colofvarienses, ardentissime ei commendat. Idem tamen diversæ sectæ homines ferendos potius, DEOque & tempori committendos, quam persequendos arbitrabatur. Prudentia in eo summa erat. Præter Ungaricas, ex Turcicarum etiam, Germanicarum, Italicarum rerum usu tum multiplici, quemadmodum ostensum est, Historicorum maxime lectione comparata: ex quibus tamen cum Cæsarem unum maxime cæteris omnibus anteferreret, assidue etiam fere in manibus eum habebat, ut cum copiosius imprimis dicendo esset, latinaque lingua ad omnes uteretur, singula, quæ ab eo dicerentur, non tam sententiæ, quam oracula quædam, viderentur. A jure æquitateque sciens non facile discedebat. Veri amantissimus, quemadmodum ipse apertus erat, ita facile omnibus credebatur. In iram atque crudelitatem pronior à nonnullis, maxime, cum in Transilvania esset, existimatus fuit. Sed vix quenkum fuisse existimo, qui facilius



idem injurias ex animo deponeret, earumque citius oblivisceretur: meritorum vero, etiam minimorum, in se & benefactorum æque memor esset. Itaque non paucos, vel oblitos jam, operam aliquam se ei navasse, vel ne expectantes quidem beneficio ipse aliquando præbuit. In rem item attentior parciorque vulgo habebatur, & revera erat. Verum idem in loco non solum liberalissimus, sed splendidissimus etiam esse sciebat, àque familiaribus similiter suis ac domesticis non minus ipsis etiam, ubi opus erat, splendorem exigebat. Neque facile quisquam Regum Poloniæ ante eum fuerit, qui paratis pecuniis largiendis plus eorum in Mastratus domesticosque suos contulerit. Ob Ungaros, quamvis in externo Regno, natura tamen aliquanto rapaciores, cum natura ipsa propensior in eos existimaretur, vulgo minus amabile imperium ejus esse videbatur: publice maxima in Regnum hoc beneficia ab eo profecta. Militaris gloria, Augustanis temporibus ac postea interregnanis quasi interrupta, ab eo restituta: Genusque armorum partim immutatum, partim auctum: cum Joannem Zborovium militiæ aulicæ præficeret, genus armorum simul vel mutavit, vel auxit, loco Lorice Thoracem ferreum instituit, sellæ magnæ Turcicæ rejectæ, quod scutis magnis Ungaricis non omnes uti posse viderentur, veruto pixidem adjecit. Livonia Polotiensisque tractus recuperatus: Lithvaniæ fines, latissimo Velisicæ agro adjecto, prolatis portoria, Gedanense, Elbingense, Rigense, maximi fructus adjuncta: alii etiam redditus publici: nam paterfamilias simul bonus, rei que & lux & publicæ bene gerens erat, diligentissime constituti. Cumque fama rerum gestarum virtutumque suarum Orbem fere terrarum complevisset, nullo majora tamen, si vita superfuisset, animo meditabatur.

# REINHOLDI HEIDENSTEINII SECRETARII. REGII

Rerum Polonicarum ab excessu Sigismundi Augusti.

LIBER VIII. *1582.*



Urbis iis, de quibus supra ostensum est, nondum compositis, Stephano Rege à rebus humanis exempto, invidia odiumque Zboroviorum, sequaciumque eorum, in Zamoscium solum mox omnevertit. Quorum animis cum iritati magis quam fracti essent, optatis votis ipsis suis tempus nacti, quo superiorum temporum invidia & ad sui misericordiam & ad Zamoscii odium, maxime autem ad Regem suo arbitrata creandum, abuti possent, non tam ad erigendos, quam ipsum opprimendum, omnes vires comparabant. Vulgata morte Regis, Archiepiscopus Stanislaus Karnkovijs, edictis in omnes partes dimissis, primo minores conventus, per omnes Palatinatus, universi autem Senatus conventum Warszawiam, in initium mensis Februarii, lege, quæ de re est, moreque indicit. In plerisque vero Palatinatibus, morte Regis cognita, per eamque imperio omni ad nobilitatem revocato, etiam ad edictum Archiepiscopi ultro nobilitas convenerat, ad quosdam nuntium mortis Regiæ, priusquam ex conventibus dilaberentur, pervenerat. Inter alios, Russiæ nobilitatem Stanislaus Zolkievius pater, quem paulo ante mortem Palatinum Russiæ Stephanus Rex dixerat, Leopolum evocarat. Ad conventum eum cum Zamoscius quoque venisset, imprimis exequias Regi fecit: summa omnium, qui eo confluerant, frequentia, magno cum lætù, celebratas. Laudatus de suggestu Latina oratione à Mattheo Piscorovio, Secretario Regio, fuit. Maxime vero in eo jam conventu magnæ partis hominum studia adversa Zamoscio sensit. Cum enim inter alios conventus minores Russiæ nobilitatis conventus nulli alii frequentia inferior sit, fieri non poterat, quin in magno numero non aliqui malevoli, aliqui invidi, nonnulli etiam alias ob causas alienati ab eo reptirentur. Accedebant ad hos ipsorum Zboroviorum necessarii ac propinqui, quorum ipso-

rum etiam non pauci erant: plures vero promissis ac pollicitationibus in partes ab iis traducti. Hisce Nicolaus Jasloviectius, Præfectus Sniatinensis, Ducem se præbebat. Hic non modo inimicitæ causas nullas cum Zamoscio habebat. Verum cum initio imperii Stephani præfecturam Sniatinensem eripere Zborovii ei voluissent, ipsius potius causa, dum illum protegit, cum Palatino Cracoviense Zborovio inimicitarum nonnihil Zamoscius susceperat. Maxime de imperio militari ei abrogando, aut in ordinem redigendo, ab adversariis laborabatur. Ad quam rem partim invidia potentiæ ejus, cum ex literis quibusdam ejus, quibus post mortem Stephani amicos confirmando opes suas ipse extollebat, exceptis magis etiam augebat, tum necessitudinis cum domo Battorea, ad reliquam nobilitatem abutebatur: partim ratione. Aperte ei dicere, metuere se potentiam ejus, quam vel ipse jactare non dubitaret: moveri se rumoribus, quibus Principem Transilvaniæ, aut aliquem è Battoreis, per vim atque arma Regno eum impositurum, vulgo ferretur: debere eum Rempublicam liberare hoc metu: quod non modo pietas in Rempublicam, sed jus atque mos majorum ipse ab eo postularent. Etenim id ab aliquot jam sæculis jus usurpatum, ut morte Regis omnes Magistratus cessarent, omniumque, ut ante, libertas exequata esset, ita dignitas etiam atque autoritas exequaretur. Quod si in reliquis omnibus Magistratibus receptum esset, cur non idem in imperio militari valere? Si sigillum morte Regis vacaret, cur non eadem ratione clava? Invidiam, quantum poterat, mitigare Zamoscius conabatur, quantis meritis in Rempublicam ac laboribus, id, quodcunque autoritatis haberet, consecutus esset, ostendere: semper pro patria, nunquam contra eam illa usam. Ne eam maculam alia potius merito sibi intrerent, petere: rumores de Battoreis refutare, non tam dementem se esse, ut contra omnium consensum vel posse quenkum in Regnum inducere sperarent, vel, si posset, vellet. Ut morte Regum Magistratus cessarent, omnium id jus esse negare. Nam & interregni tempore sua quædam cujusque munia esse re-



ipsa perspicui. Minime vero in imperio militari id recipiendum; quod non tam jussu, aut autoritate aliqua Regia, quam ipsius Reip. utilitate, ac securitate, niteretur, quæ interregni temporibus, vel maximis periculis, objecta esset. Non deerant Zamoscio suæ etiam partes. Quamvis à multis enim oppugnaretur, non modo tamen potiores, verum plures etiam ferre cum illo faciebant. Quibus obstantibus, cum de abrogando illi imperio frustra altera pars niteretur, tandem ut collega ei adjungeretur pugnare. Cum enim, more majorum, præter summum exercitus Præfectum, alius etiam, tanquam finitimæ militiæ Præfectus, esse soleat, qui excubiis quasi in sinibus præsit: is autem Magistratus, post mortem Sieniavii, qui proxime ei præfuerat, vacaret, ut tam periculoso Reipublicæ tempore alii mandaretur, flagitabant; non modo suis partibus autoritatis ac virium plus eo accessurum rati, verum tantundem de Zamoscii etiam potentia communicato imperio decessurum: nominatim vero ipsum Jaslovicium ad munus id deposcebant. Ostendebatur ab altera parte, cum summus militiæ Præfectus in Republica esset, minorem hunc vel omnino non necessarium esse, vel ab ipso summo Præfecto constituendum; ut in ejus non modo potestate more majorum is esset, verum ex ejus autoritate à Regibus ipsis etiam constitui soleret: neque ab alio nunquam id mandari posse, quin summo militiæ Præfecto, Magistratui & legitimo, & qui tantæ semper in Republica autoritatis fuisset, plurimum derogaretur. Conventu per aliquot dies extracto, quod distractis in diversa studiis ut plurimum accidere solet, nihil fere, maxime de iis rebus, de quibus controversia fuerat, statueretur. Securitas tantum publica, judiciorumque ratio, receptis jam per superiora interregna legibus & poenis sancita: legati item ad Varsoviensem conventum utrorumque partium creati. Eadem reliquorum etiam per Regnum conventuum facies fere & fortuna fuit. Multa in plerisque & ab adversariis invidiose in Zamoscium jactata: dum quibuscunque rebus concitare contra eum nobilitatem conarentur: & pro illo ab amicis responsa: ne quicquam fere præter judiciorum & securitatis rationem in iis constitutum: legati ad Varsoviensem conventum delecti: in quo adversarii ejus, quæ in minoribus conventibus efficere non potuissent, vi atque armis perficere, quod exitus postea ostendit, sibi proposuerant. Zamoscio, conventum cum non obire, ab initio jam certum & deliberatum erat. Quod enim, propter adversariorum in se conatus, non nisi maximo cum comitatu venire eo posset, nihil autem vel statui in eo posse judicaret, vel, ut maxime statueretur, firmum futurum, præterquam de die & loco electionis, neque vires suas ante tempus ostentandas putabat: & sumptus non leves in necessarium magis tum servandos. Postea tamen hanc quoque causam in vulgus edebat; quod cum Archiepiscopus Pa-

latinum Posnaniensem, qui alterius factionis quasi Princeps erat, non venturum sibi confirmasset, ab illo, ne ipse quoque veniret, inductus esset. Venerant autem eo cum Palatinus Posnaniensis, tum Zborovius uterque, Castellanus Gnesnensis, & Curia Marichalcus, tum qui partium earum erant, frequentissimi. Neque tamen pauci ex aliis etiam Senatoribus, partim Zamoscio amicis, partim neutrarum partium. Conventus ab initio mox turbari ceptus. Erat inter legatos nobilitatis Stanislaus Carnkovius, de quo supra mentio facta; ob referendariatum, præfecturam Plocensem, deinde etiam coadjutoriam Archiepiscopatus Gnesnensis à Rege ei abjudicatam, cum Regi tum Zamoscio inimicissimus. Is, quamvis senex jam & cæcus, inter majores tamen Poloniæ legatos lectus in collegio legatorum nobilitatis, vel maxime tum turbabat. Accusare Regem mortuum: in Zamoscium invehi: omnia, quæ cum invidia aliqua eorum dici possent, studio se conquirere: debita secus, quam conditionibus & juramento receptum fuisset, non soluta: externos contra easdem condiciones in Regno habitos: honores iisdem collatos: de successore superstiti Rege actum: curationem Prussie Marchioni venditam: quibusdam binos Magistros contra leges datos: nonnullis sacerdotia aliosque honores, qui legibus capere eos non possent: & ejus generis alia, nullo discrimine: certane incertave essent. Quæ & si partim ad Zamoscium non pertinebant: nonnulla vero etiam contra autoritatem ejus administrata essent. Ut in eum tamen, quem Imperii Regi præcipuum seu autorem, seu administrum videri volebant, omnia conferebantur. Jam vero supplicium de Samuele contra jus, ut jactabant, sumptum. Tum vero superiorum comitiorum, in Christophorum & Wlodkovam judicia proferre, & in Zamoscium expromere: exagitare potentiam ipsius, antea præfecturas Cracoviensem & Belzensem, cum ab uno teneri non possent, contra leges ab eo possessas: nunc Cancellariatum, & imperium militare, duos vel maximæ autoritatis Magistratus contra leges obtineri. Quod tamen non modo nusquam legibus veritum est, verum quo magis cum unoquoque Magistratu imperium militare conjungi possit, proprius in Senatu locus nullus antiquitus illi attributus est. Verum ea tum tempora erant, ut non tam, quod constantissime diceretur, plerique arriperent, ut ne à matrimonio quidem ipsius invidiam illi quærere abstinerent: affinitatem contraxisse cum Rege, eque Ducali genere uxorem habere; ex quo qui orti essent, à Magistratibus & beneficiis Reipublicæ multis legibus antiquitus exclusi essent, quæ & hisce similia. Postquam magno suorum cum assensu differuisset, tum suas quoque injurias deplorare: Referendariatum & Præfecturam Plocensem erepta, coadjutoriam vero Archiepiscopatus Gnesnensis per injuriam sibi abjudicatam. Unum hoc Reipublicæ tamdiu oppressæ recuperandæ

tempus esse: maxime, ut imperium militare Zamoscio abrogeretur, aut collega saltem ei adjungatur, incumbere. Non minore vero cum invidia in Senatu res agebatur. Ad eum querelas suas multa cum miseratione ab initio jam Zborovii deferrebant. Samuelem repetebant: judicia inter arma sclopetosque in Christophorum rescindi, publicaque ordinum omnium autoritate restitui eum flagitabant. Miserationi minas tacite intermiscebant. Quas & si præ se non ferrent: tamen sponte metuebantur. Nam & in Senatu, cum per se, tum per Palatinum Posnaniensem, Zamoscio præsertim tum absente, non parum poterant: & stipati armatique venerant. Neque tamen propterea ab aliis omnino causa deserta. Inter quos, postquam querelas suas Zborovii exposuissent, assurrexit e Senatu, ut pro Zamoscio responderet, Martinus Lesnovolscius, Castellanus Podlasiensis: non tam Zamoscii præcipuo aliquo beneficio devinctus: quam ad constantiam, & officium senatorium, pertinere existimans, Senatorem absentem, in tali præsertim causa, quæ à se probaretur, indefensum, ab aliis lacerari non pati. Cum dicere orsus vix esset, mox totius fere coronæ, quæ tota Zboroviana Senatu se circumfuderat, clamoribus & convitiis exceptus fuit. Unus vero sclopetum etiam tensum in illum dirigere, atque, an ferire juberent, publice Zborovios interrogare: neque ad tantum facinus quicquam præter nutum illorum expectare. Pessimi exempli res etiam insipientibus visa. Itaque & turba mox sedata fuit: & Lesnovolscius, cum accidere ea sibi posse jam ante se meditatam, ipso exordio orationis significasset: nihil eare deterritus, institutum sermonem nihilominus perfecit. Quæ cum ad Zamoscium delata essent, literæ ad conventum dat. Quod ipse non venerit, gravibus aliquot & magnis causis se prohibuit: perlata interim ad se, quæ cum in illo tum aliis nonnullis conventibus in se Magistratusque, quos gereret, agitata à quibusdam essent: extitisse, qui nullo ejus rogatu, sed sua sponte pro se respondissent: clamoribus & minis exceptos fuisset, in qua ne defendendi quidem sui locus alii negaretur: nihil se de meritis in Rempublicam suis dicturum: aliis glorias hujusmodi relinquere: ut jura atque æquitatis, tum publicæ etiam salutis rationem haberent, se petere: neve gravior aliqua dissensio tam difficili Reipublicæ alias multis dissensionibus laborantis tempore existeret, providerent: quid in tali conventu statui ab illis posset, vel deberet, constitutione Sigismundi primi, quæ de conventu post excessum Regum habendo esset, eis præscriptum: privatim si quis negotii quid secum haberet, esse subsellia: esse tribunalia: futurum Regem: nullum legitimum judicium à se recusari: sub uno omnes in hac Republica jure esse: cui si quis jure se convenire vellet, se quoque pariturum, per factionem si quæ sibi irrogarentur, non plus autoritatis apud se habere, quam quæ extra judicium indicta causa,

nullo jure fierent, habere deberent. Ut literæ legerentur, vix impetrari potuit; lectæ nihilominus, apud eos solos fere aliquid valuerunt, ad quos minime opus iis erat. Adversarii, cum ejus potissimum conventus autoritate & suam pristinam dignitatem recuperare, in animum induxissent: & Zamoscium si qua possent exuere, parum omnino iis movebantur. Bis iis de rebus secrete Senatus habitus, ut sententiis in partes distractis magis mala ipsa, quibus Respublica premebatur, quam remedia malorum reperit. Itaque, quamvis absentibus iis, ad quos privatim res pertinere videbatur, ex illa parte Palatino Posnaniense Gorkano, & Zborovius, ex hac Andrea Opalenio, Marsalco, disputatum iis de rebus in Senatu esset, nihil tamen fere explicatum. Obstant adversarii in Senatu maxime, Andreas Opalenius, quem cum Zamoscio tum adhuc conjunctissimum, cum Palatino Posnaniense privatæ similitudines magis etiam conjungebant; Episcopus deinde Przemisliensis, idemque Vicecancellarius, Albertus Baranovius: Joannes Dulsky, Thesaurarius: in legatorum collegio Stanislaus Zolkievius filius, qui una cum illo ex Belzense Palatinatu legati erant: in utroque autem ordine alii etiam multi & boni. Constitutione Sigismundi primi, de qua supra demonstratum est, hi innixi. Ne ulla alia de re, præterquam loco & die electionis, quicquam constitueretur, contendebant; in quam quidem solam etiam rem in plerisque conventibus mandata legatis data fuerant: De aliis rebus statuere aut decernere quid volentibus intercedebant. Illi contra, partim via jam ante etiam usitata grassari, conventumque, dum qui tædio victi discederent, de die in diem ducere, partim vi agere. Quidam erat Joannis Zborovii, Castellani Gnesnensis, familiaris. Hic cum Stanislaum Zolkievium, legatum, quemadmodum ostensum est, nobilitatis Belzenis, de comitio in vectum in diversorium discedentem observasset, loco commodo capto malleum in illum conjicit; cum meliore hujus fortuna aberrasset, quod sclopetum secum non haberet, publice dolere cepit. Interim insidias vitæ ejus paratas, à multis Zolkievius certior factus; utque discessu salutem consulat, admonitus; cum postridie mane curribus per pontem præmissis ipse, cum comitatu suo, pedes consequeretur, mox omnis Zborovii familia armata eum inlequitur: sive ne discessu quidem è parata cæde se eriperet, sive quod postea obtentum fuit, cum Zolkievium transire comperissent, socio, qui in ea parte diversabatur, metuebant. Spectari ea res publice omnibus ex ipso comitio erat, ut ex quo latissimus in omnes partes in subiectos campos prospectus pateat. Appropinquantibus Zborovianis, Zolkievius, curribus mox circumvectis, suos intra eos recepit. Illi ultro laceffiti, ne tentato quidem certamine rocesserunt. Gravis ea res omnibus visa: in conventu publico, in quo omnium securitas sancita esset, violatum in omnium oculis jus le-



gatorum, quod quocumque loco sacrosanctum esse deberet. Itaque & legati nobilitatis universi, tanquam communem injuriam, quæsti eam fuerunt: & Senatu, qui de ea quererent, legati neque tamen punita fuit. Ita autem aliis perterritis, aliis tædio moræ profectis, interque hosce Marſalco etiam Opalenio decreta tandem nonnulla perferunt. Diem Electionis ultimam Junii, locum campum Volensem sub Varſavia assignant. Tempus id initium nobilitati re familiari tum maxime occupatæ, ad frequentandam Electionem incommodissimum, exitus autem, ut adulta jam ætate, frugibus maturis bellum parantibus commodissimus futurus esset, studiose ne ab illis jam tum externam vim spectantibus captum sit, incertum. Cum quidam è superiorum interregnorum scitis aliquot, ut externo militi plane omnibus interdiceretur, non pauci urgerent, aperte restiterunt. Diem deinde & modum nobilitati censendæ per universum Regnum præſiniunt: Securitatem per futuram electionem sanciunt: ipsiusque Electionis modum præscribunt. Quæ ut pleraque maxime è Republica erant, ita ex superiorum fere interregnorum formulis usurpata erant; & postea non tam hujus conventus, quam superiorum constitutionum auctoritate observata. In plerisque etiam Palatinatibus cum alia, tum præsertim dies censendæ nobilitatis, pro cuiusque Palatinatus arbitratu mutata. Finibus deinde ac militi finitimo Nicolaum Herburtum à Fullin, Succamerarium tum Haliciensem, cum imperio præficiunt: non tam, ut beneficio hoc illum devincerent, quam à Zamoſcio avellerent. Eidem formulam juramenti, in quam imperium acciperet, novam præscribunt. Jasloviecio Præfecto Sniatinensi, per speciem tutelæ affinis ipsius, qui idem Præfectus Camenensis ab aliquot annis mente laborabat, Cameneciam in ipsis Valachie finibus sitam, atque unicum fere versus Turcicos fines Regni propugnaculum, in potestatem tradunt. In Zamoſcium, quamvis omnia eo tempore audere viderentur, præcise tamen statuere nihil ausi. Quod non multo secus erat, ut conditiones aliquas conventus probaret, quibus concordia inter se & Zamoſcium constitueretur, apud plerosque evincunt. Conditiones hæ erant: Judicia in Christophorum superioribus comitiis lata rescinderentur: memoriaque ejus rei ex omnibus monumentis ac libris tolleretur: de Samuelis morte jure contra Zamoſcium agerent: nominatum de commentariis bello Motcovitico, & accusatione, quæ sub Andreæ Rzeczicii, instigatoris, ut vocant, Regii, nomine in Christophorum Zborovium exisset, abolendis adjectum fuit. E quibus commentariis, cum ad res Zborovianas nihil plane pertinerent, Ciarnkovii potissimum, & unius Lithuani Senatoris, partim vera non ferentium, partim falsas laudis sibi non tributas dolentium, odio dati fuerunt. Verum &

qui ante partim è Senatu, partim è legatis nobilitatis discesserant, ita profecti fuerant, ut qui præter diem & locum electionis se absentibus statueretur, nihil plane ratum se habituros publice testarentur; & idem è præsentibus quoque non pauci opponebant. Itaque conditiones etiam eas, à non multis adeo utriusque ordinis, atque eorum ipsorum nonnullis, contra animi eorum sententiam, subscriptæ fuerunt. Cum vel ipsa subscriptione, magis otii publici causa, quam quod eas probarent, illis se subscripsisse, non multi testarentur. Præterquam vero, quod ita propositæ essent, ut nisi à Zamoſcio acciperentur, compositione non procedente, conditiones quoque eæ, neutri parti fraudi essent: & tum jam à plerisque fere neglectæ fuerant, & multo magis postea, nulla earum rata fuit. Sequester & autor concordie ejus, Archiepiscopus, tanquam Princeps Senatus, designatus. Quem paci atque otio ab ineunte ætate innutritum, ac pacis potissimum artibus clarum, ætate jam provecta imbecillioem, cum terrore ac minis perculissent, totum fere in potestate Gorkani & Zborovii habebant. Hic igitur ut legatione ad Zamoſcium missa, conditionibus iis ab aliqua parte conventus subscriptis, & signatis, ei propositis, ad concordiam eam, auctoritate sua Zamoſcium adduceret, convenerat. Præter Zborovios ediderant eodem in conventu, non modo singuli, verum ordines ac nationes universæ, in quibus Lithuani ac Prussi, sua etiam quædam postulata seu querelas. Omnes in electionis comitia rejecti: in capiteque de electione ex composito. Ut ante omnia hæc explicarentur, neque priusquam publicis querelis satisfactum esset, ad electionem accederetur cautum. Legatos ad conventum eum cum Cæsar, tum frater ejus Archidux etiam Maximilianus per speciem Regine consolandæ miserant: revera, ut ad futurum ambitum viam sternerent. Miserant & Turcarum Imperator Causium Machometem; natione Ungarum ac Ludimagistrum quondam in Ungaria, aliquot ad Stephanum Regem legationibus antea cognitum. Hic nomine Sinan, supremi tum Bassæ, cum mortem Regis doluisset, ad alium Regem liberis suis suffragiis, consensu tamen Imperatoris Turci, quod jus & ante fuisset, eligendum ordines hortabatur. Omnium magna cum offensione res accepta. Negotio etiam Zamoſcio, ut ad legationem eam responderet, dato, ita ordinum nomine rescriptum fuit, ut Regis Stephani laudibus repetitis, ad alterius Regis electionem, quamprimum se accessuros ostenderent: eundem in nullius alterius, quam DEI atque ordinum regni hujus libera voluntate, ac suffragiis, vel antea unquam fuisse, vel nunc etiam esse, diserte profiterentur. Ita conventu soluto, non minori postea animi offensione à plerisque, qui domi manserant, quam ab iis, qui illi interfuerant, acceptus fuit. Non multo

etiam

etiam post, quemadmodum constitutum erat, Szupsky Castellum Inovvladislaviensem, quo Marſchalco tum utebatur, ad Zamoſcium Archiepiscopus mitti, qui & Archiepiscopi, & eorum, qui subscriperant, nomine concordiam conditionesque eas illius, quæ in conventu probatæ ab illis fuerant, Zamoſcio persuaderet. Ei Zamoſcius scripto respondit. Archiepiscopus, quod Palatinum Pofnanienſem ad conventum eum venturum negando, ne ipse quoque ad eum veniret, se induxisset, leviter ab initio subaccusabat. Ad conditiones pluribus respondit, supplicii de Samuele sumpti rationem eam esse, ut sine interitu juris publici ne jure quidem agi de eo posset: In Christophori judiciis sententiam à se nullam dictam: in publicis autem comitiis publice sententiam latam in illum fuisse: ita autem latam fuisse, ut non modo consensu fere omnium damnatus; sed nihil etiam in iis à jure publico alienum susceptum fuerat. Nihil in quacumque Republica majori cum periculo, quam judicatas rescindi: quod etiam in percuntibus Rebus publicis, atque ultimo quasi exitio earum, ultimum esse soleat. Quod si maxime abolendæ essent, minime tamen in hujusmodi conventu, in quo præter illa, quæ à Rege de eo lata definita sunt, nihil statui possit, inconsulta præsertim, ante per minores conventus nobilitate universa, aut privatim ex pacto; sed in publico conventu, ex omnium ordinum auctoritate fieri id oportere. De libris, de quibus ut tollerentur, nominatim conditio adjecta fuerat, quo consilio & qua religione scripti editique essent, ostendit. Præterea vero & libertatem publicam, uno atque altero scripto notando, in aliis etiam tentari: nec eam rationem cum scriptis pugnandi esse; quæ quo magis premerentur, eo magis fere expeterentur. Si quis quid à re ipsa alienum scriptum existimaret; quod vel summos aliquos Imperatores facere non puidisset, contrario scripto edito argueret: vetum cum sua sponte facile cuivis se probarent, tum magis, si contentione etiam falsi illustrata essent; atque illa ut dies fere magis confirmaret, sic falsa sua sponte intercidere. Maxime autem constitutionis Sigismundanæ, qua supra demonstratum est, auctoritate præter diem & locum electionis, nihil, quod in conventu eo actum esset, ratum se habere significare. Exitus hic fuit, ut se in Zborovios hostili animo minime ostenderet; multo minus ob privatas controversias publicam tranquillitatem turbatam velle: venturum se ad comitia Electionis, ut pro suo loco Rempublicam gereret: venturum nullis cum externis copiis, sed iis omnibus, qui non modo ejusdem Reipublicæ cives essent, verum quorum virtus etiam atque fides in Rempublicam multis rebus jam ante perspecta esset: causas turbarum nulli se præbiturum: si quis se infestaturus esset, id solum sibi reliquum futurum: quod natura omnibus præscriberet: conditiones concordie propositas,

ob eas causas, quæ ante demonstratæ à se essent, accipi à se non posse: si vel ab ipsis ordinibus vel ab aliis etiam equiores condiciones sibi proponerentur, maxime quæ sine incommodo publico Stephani; tam laudati Regis ignominia accipi possent, eæque à Republica universa, ad quam magis, quam ad se privatim, controversiæ eæ pertinerent, probarentur, ne à compositione quidem honesta alienum se futurum.

Legato Archiepiscopi, cum responso hoc dimisso, quo minor spes concordie erat, eo magis se ad ipsam electionem utriusque parare. Zborovii ut quæ in superiore conventu per factionem extorserant, in publicis electionis comitiis etiam inviro Zamoſcio confirmare: Zamoſcius non tam, ut oppugnaret aliquos, quam contra aliorum insultum se tutaretur. Verum Zborovii, cum & studiis nobilitatis diffiderent, & à præfidiis præsertim militibus destitutos se viderent, ad externas opes totos se conferre. Itaque non modo militem externum circa se habebant, verum pecunias etiam ab Austriacis eis subministrari, vix non pro certo habebatur. Ac milite quidem externo necessitate adactos se uti videri volebant; quod tantæ opes Zamoſcii essent, ut domesticis virtutibus resistere iis non possent: De pecuniis magis invidiæ publicæ detestandæ causa, quantum poterant, tegebant, quam vel ex ipso monetæ genere, aureis & taleris Rudolphinis, latebant. Zamoſcius cum contra tantas opes, quantæ tam potentium Principum, à quibus adversarii ejus sustinebantur, essent, domesticis copiis vix se resistere posse existimaret, partim ratione sumptus moderabat, partim, ut aliqua quidem subsidia ipse etiam sibi adjungeret, operam dabat; ea tamen non nisi à conjunctis cum Regno peteret. In eam rem & cum Duce & cum civitatibus majoribus Prussiarum, tum Senatoribus præsertim, tam Polonicis, quam Lithuanicis, à quorumcunque modo amicitia apertum odium vel inimicitia eum non excludebant, ad consiliorum in communi Republica societatem, quos poterat, invitabat, communicareque cum iis non intermittebat. Verum consociatio quidem consiliorum non difficulter à plerisque accepta, ubi ad subsidium aliquod ventum, hæſitatum apud omnes fuit. Quæ à morte Stephani Regis in fisco ejus pecuniæ repertæ fuerant, ea, exemplo ab Augusti temporibus jam usurpato, publica omnis habita fuit. Reperta autem fuerant, ex captivorum Moscorum pretio, centum circiter millia, quam Rex, tanquam proprio periculo partam, penes se habuerat. Præter eam viginti, quam ex portorio Gedanense paucis ante mortem diebus avocarat. Omnis partim in stipendia aula erogata, alia ad fines tuendos à Lithuanicis Senatoribus ablata. Cum autem post ultima comitia Cracovia Grodnam Rex rediret, Zamoſciusque Proſſoviciam ad eum excurrisset, in sermone eo, qui ultimus ei fuit,



ex redditibus Fogeraffensibus centum millia in Transilvania deposita se habere illi ostendebat. Qua si quid sibi accidisset, familiamque suam juvari posse existimaret, uti posset. Vix decem millia sola, eaque ægre impetrata, ut tamen miles aliquis paratus haberetur, quo contra vim, si quam adversarii facerent, uti posset, à Transilvanis constitutum. Apud Turcam etiam quo legationem ad Austriacos mitteret, ut procurarent admoniti; si forte belli Turcici metu, ne rebus Polonicis se immiscerent, deterreri possent. Ne Turca vel in electione futura nominatim aliquem commendando, vel in ulla omnino re, quæ ad regnum pertineret, quicquam usurparet, operam darent, diserte simul eos monet: in regno enim liberrimo, sine maxima invidia, nemini quidem re tentari libertatem posse. Militem, quem ad Electionem ducturus secum esset, partim ipse cogebat, partim delectu inter amicos dispersito stipendiis suis habebat: partim etiam voluntarium comparabat. Non pauci enim cum ex Præfectis regis, tum aliis militaribus viris, vel beneficio aliquo ejus devincti, vel auctoritatem ejus secuti, ad eum se conferebant: inter quos Weierus ac Farensbecius erant; cum Farensbecio magna etiam pars reliquæ nobilitatis Livonicæ expectabatur: quod enim nuper ad modum Livones adjuncti essent ipsius Electione suffragii vel obtinendi, vel usurpandi causa ipsi etiam, si universi non possent, iusto tamen numero obire Electionem cupiebant. Impedimentum illis è conventu Warfaviense obiectum videbatur. Quemadmodum enim alii Reipublicæ partes curandas susceperant, ita ad Farensbecium etiam, tanquam nobilitatis Livonicæ belli Præfectum, literas dederant, quibus custodiam finium eorum illi nobilitatiq; universæ commendabant. Quæ auctoritas cum negligi posse videretur, quod nihil fere in conventu eo statutum ratum haberetur, magis pericula, quæ & à vicinis & à Rigenlibus, maxime sub id tempus tumultuantibus, impendere videbantur, movebant. Verum cum Svecus & Moscus competitores futuri viderentur, Moscus vero diligenter pacem ambiret, ab iis minus eo tempore metuendum: & vel eorum præsidio, qui vel ætate, vel aliqua alia re occupati, cæteris ad electionem proficiscentibus, necessario domi mansuri essent, satis tuta provincia futura videbatur. A Rigenlibus cum graves aliquot viri legati ad comitia Electionis missi essent, reliquos fidei loco hosce obfides Rempublicam habituram apparebat. Quas rationes à Farensbecio & nobilitate Zamoscii consultus iis demonstrando, ut quam maximo numero venirent, operam dabat, quicquid cum Farensbecio vitium venturum esset, sine dubitatione secum futurum certus. Re tamen ab aliquibus ex ipsis Livonibus impedita, omnium nomine legatos universi

postea miserunt. Farensbecius dum proprio comitatu soli Zamoscio adfuit. Reliquis præstatis, quæ auctoritatem magis, quam vires, præstant, sine controversia superior Zamoscii erat. Nam & Senatus non majorem modo partem, verum, quæ majori etiam fere cum auctoritate esset, habebat: præter primarios enim aliquot Palatinos, in Polonia Cracoviensem, & Kyoviensem; in Lithuania Vilnensem, Magistratus etiam, ut Marschalcus, Vicecellarius, Thesaurarius, omnes in hisce partibus erant. Accedebant autem ad hæc studia majoris partis nobilitatis, ejus præsertim, quæ incorrupta esset: tenebat majores civitates, cum auctoritate, tum in omnes æquitate, plebasque etiam beneficiis. Verum cum omnis utrinque apparatus magna cura susciperetur, in eo utra pars Regem daret, omnia esse nemo non videbat.

Itaque & ante diem Electionis ambitione jam tota fere Polonia ardebat, & futuri Regis expectatione maxime animi hominum suspensi erant. Res omnis tamen inter quatuor potissimum verti. Austriaci Principes, ut studia nobilitatis minima habere videbantur, ita maximis opibus ambire. Quibus cum Zborovii aperte faverent, ut quorum potentia maxime res suas se constituturos in animum induxissent, qui à Zborovii alieni erant, in eo ipso tanto magis ab Austriacis etiam, cum per Zborovios Regnum eos ambire viderent, alienabantur: maxime autem, quo magis vis ab illis timebatur, eo magis suspecti hominibus esse. Neque enim obscure ea res præferebatur: jamque adeo voces aliquæ spargebantur, quod pater Maximilianus, senio & ætate impeditus, cunctando amisisset, filios, qui per ætatem possent, celeritate recuperaturos. Pro Sveciæ Principe Sigismundo Regina matertera maxime laborabat: eratque etiam sua sponte gratiosum ejus in vulgus nomen. Nam & nominis Jagiellonici, proxime autem avunculi Augusti memoria, & cum lingvæ Polonicæ peritia, tum Livoniæ, quæ sub Sveco erat, per eam occasionem, cum reliqua Livonia conjungendæ, cæterarumque controversiarum, quæ non leves cum Sveco intercedebant, tollendarum spes vulgo hominibus eum commendabant. Voluntates quidem hasce hominum non parum ipsius Sveciæ Regis ad Reginam literæ in commodum non multo ante tempus Electionis alatae, incommodius autem ab ipsa Regina vulgatae minuebant. Cum enim de statu Regni certiores eum Regina fecisset, proque filio petendum hortata eum fuisset, ita rescribebat, ut suum in filium unicum amorem, simulque ætatem suam commemorando, maxime autem Sveciæ Regni dignitatem & potentiam amplificando, non modo nihil causæ esse, cur eum dimitteret, sed multas potius, cur retineret, ostenderet.

Ad

Ad extremum tamen petiturum se pro filio per legatum non abnueret, si talibus conditionibus Regnum illi deferretur, quæ utriusque Regni jus, dignitatem & immunitatem integram conservarent: ita tamen, ut magis fere datum se, quam accepturum beneficium ostenderet: quare nonnullorum animos haud nihil refrigeratos, haud multo post Martini Lesnovolsii, Castellani Podlasiensis, in Sveciam profecti, iterum partim erexit, partim confirmavit. Hic cum ingenio & prudentia facile tum inter primos, Zamoscio etiam consuetudine ac benevolentia conjunctus esset; de Austriaco rege inducendo, maxime autem Zamoscio ad partes traducendo, Per Nicolaum Volscium, Præfectum Krzepiciensem, nunc Marschalcum regni, jam ante ab Austriacis Principibus appellatus fuerat: postea autem à Regina persuasus, ut de rebus iis cum Sveco ageret, accelerato itinere, Quo ad diem electionis præstitutum rediret, in Sveciam trajecerat. Quod & si sine consilio Zamoscii ab eo susceptum, gratum tamen Zamoscio erat, quod per eum & de indole adolescentis Principis & de voluntate cum ejus tum patris in regnum exactius omnia cogniturum se intelligeret, maxime & eorum, qui antea Sveco studebant, animos, non parum profectio eam illius in spem erigebat: & Austriacorum de Zamoscio præsertim adjungendo spem omnem fere infrungebat.

Moscum Lithuani fere simul, vero cum eo & pacem perpetuam, propter vicinitatem, vel maxime sibi expetendam, & tanti imperii accessionem, neque tamen omnes spectabant: ex Polonis pauci in eum propendebant: quos eadem illa tanti imperii atque opum adjunctio movebat. Cæteroquin enim nihil fere, quod expetendum in eo esset, eminere. Valetudo, ætas ad regnum inepta: quod vero Græci ritus esset, neque ipse ulla relinquenda religionis ejus ostendebatur, neque, si eam non relinqueret, ratio regno ejus inaugurandi: Indigenam regem major fere pars cupere: maxime vero multitudo: eundem Zamoscii etiam potissimum celebrare: neque vero, cum in universum de genere toto quereretur, ab ulla parte vel plura vel speciosiora dici videbantur: ubi ad singulos ventum, fere hærebatur. Nam neque ipse eo honore dignari se quisquam sustinebat: & inter multos non multi ita eminere, sibi eos prælatos æquo animo ferre, plerique possent. Maxime autem, cum universum regnum in duas factiones: tum potentes, tum gravissimis odiis inter se dissidentes, divisum tum esset, neque, qui inter hosce interjecti essent, tantum valebant, ut vel ex se ipsi aliquem creare, vel utriusque factioni resistere possent: neque factiones ipsæ facile in aliquem consensuræ, multo minus autem adversarium sibi, ab altera imponi passuræ videbantur. In hosce nihilo-

minus potissimum, de quibus dictum est, animi hominum fere distrahebantur. De Battoreis, quod ad Principem Transilvaniæ pertinebat, propter ætatem, ne ab initio quidem ullam spem Zamoscii habuerat, tempore autem procedente, voluntatibus hominum perspectis, omnem de omnibus prorsus spem abjecerat. Andreas Cardinalis Battoreus, cum tempore mortis regis romæ fuisset, nuntio mortis regis allato excitatus, mutato cultu, ac nullo fere comitatu, maxima celeritate per Germaniam Miechoviam, quam præposituram beneficio patris Stephani regis obtinebat, redierat. Reversum mox, & patris Stephani regis, cujus mortem omnibus fere ab initio lugubre, Zborovianorum variae in eum criminationes congestæ non paucis gratam effecerant, & propria ejus invidia, eorumdem similibus artibus excitata, exceperat. Fratræ regis filium, eundemque & sedis romanæ favorem, & cum Transilvanicis, tum affinis Zamoscii opibus innixum, non tam ad ambiendum, quam ad occupandum regnum venisse: in limine urbis Cracoviæ, domicilii regni, ubi ipsius Regni sacra & insignia deposita essent, versari: ut nihil ab eo metuendum esset, periculosissimum tamen libertati esse, eum, qui candidatus Regni putetur, in ipso Regno versari. Suspicionibus ultro in invidiam confecta miscabantur.

Turcica parari auxilia, quibus nobilitate in Electione Varfaviæ occupata, Cracoviæ, vel invitis omnibus, in Regnum imponatur. Vocibus hisce Zamoscii commotus ab initio jam, ut in Transilvaniam potius, ne ipsam quidem valde remotam, dum Electio perageretur, secederet, autor Cardinali fuerat: maxime quidem, ne se coitione aliqua vicinæ nobilitatis facta excedere è Regno juberetur, eo magis postea cum indignitate faciendum id illi esset, veritus. Manserat nihilominus, si spe aliqua siue familiarium consilio retentus. Ex omnibus quidem Battoreis nemo magis Regno destitnabatur: præterquam enim, quod vivo patruo à tot annis in Regno versatus, cum lingvæ tum hominum atque institutorum majorem quam cæteri notitiam haberet, indoles etiam in eo præclara, magnarum virtutum vel index vel testis, egregia corporis statura, formaque, ut prima ætate, plerisque eum commendabant. Verum ejus rei spem, cum potentia adversæ factionis, tum ab iisdem in omne nomen Battoreum invidia concitata, tollebant. Præter enim ea, quæ supra demonstrata sunt, cum sub id ipsum fere tempus Kosaci Nisovii more suo Bialogrodiensem agrum, excursionem in eum facta, deprædati fuissent, Turcæque, seu ut ulciscerentur injuriam, seu aliam prohiberent, arma sumpsissent, motus eorum trepidationem: ita non minus odium Battoreo nomini afferebat: cum



cum ad Regnum Turcarum viribus occupandum ab illis in Regnum Turcas induci, passim Zboroviani præsertim vociferarentur. Quæ & si vana esse Zamoscus sciebat, non tamen negligenda putabat: itaque, ut partim hortatione, partim minis atque omni ratione ab armis Turcam revocarent, Transilvanos monuit; cum si, sub hoc præsertim tempus, vim aliquam Regno intentaret, nihil certius futurum esset, quam ut non modo Zboroviani, verum fortassis universi ad Austriacos se conferrent, quos cum propter pacem Turcicam conservandâ adfiscere hæcenus Reges nolissent, nunc propter & potentiam eorum & in Turcam odium ad vim Turcicam propulsandam maxime idoneos judicaturi essent: cum Turca vel sua sponte vel à Transilvanis appellatus cessasset, rumore discusso, metus nihilominus & invidia mansit. Ad quam haud multo post alia etiam ex literis Turcicis accessit, quibus familiam Battoream nominatim ordinibus commendabat. Quod cum Zamoscus, ut omni ratione caverent, diligentissime Transilvanos monuisset, an nihilominus Turca suo iudicio, an quod spem aliquam in eo haberent, ipsorum Transilvanorum scitu, contra auctoritatem Zamoscii factum sit, confirmare nolim, hominum certe animos supra alia, non parum ea res, magis etiam ab illis alienavit. Itaque neq; Cardinalis, præter paucos aliquos, vel familiaritate ei devinctos, vel beneficiorum à Stephano Rege acceptorum memores, qui Regnum ad eum deferri vellent, tenebat: & Zamoscus, venientibus, jam ad Electionem legatis Transilvanicis, omnem de Regno spem ab initio mox præcidebat: cumq; inter eos, de quibus supra ostensum est, omnis fere contentio futura esset, magis de eo cogitare, ut ex Regis proxime defuncti familia Rex nullus sperari posset, qui futurus Rex esset, conjunctissimus tamen, proximi decessoris familiaris foret.

Hiscæ igitur & apparatus & animis utrinque ad Electionem itum; anticiparunt Gorkanus & Zborovii: Zamoscus ipso die conventui præstito omnibus cum copiis, ad militaris itineris rationem instructis, advenit: per Varlaviam cum pertransiret, ex itinere primum Reginam, inde legatum Pontificium salutavit; quorum utriusq; dignitati, cum tribuendum id esset, ne postea vel sine integro armato comitatu cum periculo, vel comitatu tantum post se trahens, cum invidia & molestia facere id necesse haberet, providerat. Ubi omnes copias pontem, qui ad Varlaviam Vistulam conjungit, traduxisset, non magna quidem, sed, quod quibusdam in futurum omni esset, non negligenda etiam res accidit. Jugum unius partis, quod antea tor equitum & peditum copias, tot gravissimorum carrorum onera sustinuerat, raptum; non plures tamen octo homines in

flumen effudit, qui tamen ex comitatu Palatini Cracoviensis, qui à colloquio Palatini Vilenensis redierant, eum sequebantur, omnes servati.

Locus inde castris captus, non procul ab ipso comitio, jam ante quidem à Marschalco majore, Andrea Opalenio, jure Magistratus ei assignatus. Primo mox comitiorum die & Senatus habitus & equester ordo convenit: Zamoscus Senatum non ingressus fuit; ne, cum ab adversariis armatis fere Senatus teneretur, si ipse quoq; ingressus esset, discordiæ initium præberetur. Itaq; nihil fere etiam in Senatu præter querelas adversariorum auditum: magis tamen apud equestrem ordinem turbabatur.

Principes concionis, Czarnkovius, de quo supra aliquoties ostensum est, Casparus Dembinus, quem Marsalcum factio ea crearat, Nicolaus Jasloviecius, Præfectus Sniatinensis, Procopius Penkoslavius, alique non pauci. Maxime propinquitas Zamoscii castrorum eos offendeat: atque erant sane cum aliis rebus, ut vicinitate silvæ, amnis item præterlabentis, tum maxime ob propinquitatem comitii, opportunissimo loco: supra ea vero Constantinus, Dux Ostrogia Kyoviensis, & filius, Volynensis Palatinus, tendebant, non longo intervallo Opalenius, intra autem Zamoscii castra, versus oppidum, Joannes Dulscius, Theaurarius, constiterat, qui, cum omnes inter se conjuncti essent, duplicari quasi metus aliis. Ab hisce enim, cum non longo intervallo, comitium ipsum, versus villam Vollam, constitutum esset, Gorkano & Zborovii ab altera parte comitiis, ultra oppidum, iusto inde intervallo, consistendi attributus fuerat locus. Itaq; nulla prior ab his actio suscipi, quam ut quam longissime Zamoscium removerent. Queri non satis esse, quod tanto cum numero venisset, nisi ipsi etiam comitio armatus immineret: cernere jam oculis sibi videri, & Ducem eum, qui in Ungaria quondam cruce in comitia fixa. Matthiâ Regē p vim renuntiasset, & electionis exitū fere eundē. Quoad eo in loco consisteret, neque comitia libera, neq; à quoquam vocem liberam emitti posse censere. Hæc cum maxime omnibus contumeliis; nullo prohibente, Zamoscium lacerarent, tamen non satis libere sententiam dicere se posse, vociferabantur. Zamoscus cum à consilio, propter eam, quæ ostensa est, causam, ipse abesset, tam in Senatu, quam apud equestrem ordinem, per amicos ostendere, frustra ab iis turbati: qui neque à se, neque ab iis, qui secum essent, ut qui omnes ejusdem Reipublicæ cives, omnes etiam nota virtute ac fide in Rempublicam essent, quicquam metuendum esset; arma non cujusquam opprimendi, sed sui defendendi causa, cum ab adversariis prius sumpta essent, ab

ab illis indita; vel inde appariturum, quod si adversarii deponere illa vellent, multo promptius Zamoscus, armis abjectis, nihil gratius sibi fore ostensurus esset, quam ut pacate de Republica ageretur.

Locum, quem institisset; à Magistratu publica auctoritate ei attributum; de quo sine incommodo maximo neque injuria dumoveri posset. Et si conditiones, quæ in superiore conventu Varlavienſe in Zamoscium à quibusdam adversarii extorserant, repudiata à Zamoscio fuissent, non tamen ob id omnis spes concordie sublata fuerat.

Susceperant eam inter partes tractandam, Stanislaus Saffraniecus de Pieskowa Skala, Palatinus tum Sendominensis, & Nicolaus Firlejus de Dambrovica, Castellanus Biecentis. Interpretibus, priusquam Varlaviam, utraque pars moveret, ut in itinere alicubi propinquis in locis considerent, quo de conditionibus concordie eo commodius ageretur, jam convenerat. Delecti ad eam rem Czersko & Vilga vicini fuerant; quos cum Vistula medius dirimeret, ut Gorkanus & Zborovii ad Czersko: Opalenius & Zamoscus ad Vilgam subsisterent, constitutum fuerat, dies ejus rei XXVI. mensis Junii, comitatus utriq; parti trecentorum equitum præfinitus, neq; flumen Vistulam, nisi duobus miliaribus supra, totidem infra eum locum, in quo constitissent, per eos dies quisq; ab alterutra parte trajiceret, sancitum.

Sed repudiata postea re à Zborovii; seu quod opibus Austriacorum facile superiores se futuros statuerent, seu quod responso Zamoscii ad legationem Archiepiscopi, quod sub id maxime tempus in vulgus promanarat, quemadmodum præ se ferebant, vere exacerbati magis essent, in itinere nihil actum fuit.

Postquam Varlaviam ventum fuit, eodem, quo orsi fuerant studio, nihilominus apud utramque partem diligentissime de concordia iudem laborare coeperunt: nihil fere aliud tamen effectum, quam ut alternis vicibus in Senatum venirent, partes reciperent: ne, si dum alter alteri concedere noller, & utrique simul in Senatum venirent, initium cedis, idemq; publici exitii fieret.

Ea jam ante Zamoscio per aliquot dies in Senatum non veniendi causa fuerat: nono demum die, postquam venerat, conditione ea, ac qua dictum est, ab arbitris ante constituta, in Senatum venit: Senatui tantum salutavit: operam atque opes suas Reipublicæ detulit: de adversariorum in se injuriis atque concionibus, quas in absentem se habuissent, magis ut facta, quam dicta cujusquam spectarent, Senatum admonuit, quam quicquam contra eos disseruit.

Cum, quemadmodum ostensum est, neque concordia coiret, & de alterius partis conatibus indies magis hostilia ad Za-

moscium deferrentur, à familiaribus admonitus, aggere & vallo locum, quem insederat, munire instituit.

Jam ante quidem nihil aut parum à castris differebat; non modo, quod armati omnes, & sub tentoriis agerent, verum genere etiam hominum. Erant enim cum eo plerique fere Præfecti militares, quique sub Stephano Rege ad Gedanum atq; in bellis Moscoviticis ordines duxerant: tum magna pars equitis veterani, delegati etiam Secretarii regii plerique cum illo erant; ut qui & vivente Rege in Cancellariorum auctoritate fere sunt.

Munimenta cepta eos avide muniendo loco hæcenus urserant, eo magis etiam accenderunt: vociferari jam illius ipsius confessione aperte vim parari: itaque non modo in Zamoscium invehi; verum adversam etiam partem, per speciem subsidii; sibi ac libertati ferendæ, in eundem armare.

Cum ab altera parte ostenderetur, nihil munitione ea præter defensionem queri, neque vero facere vim, qui arceret: munitiones Zamoscus perfecit. Interim altercationibus hisce aliquot nihilominus septimanæ extractæ, illis omni conatu loco dimovere Zamoscium conantibus, Zamoscio non minore studio eundem retinente. Quo temporis spatio, comitium, non modo armatis aliquoties completum, verum sanguine etiam quorundam cruentatum fuit. Gorkanus & Zborovii, cum, quemadmodum ostensum est, cū ultra oppidum, longiore aliquantulum intervallo, à comitio locus diversandi assignatus illis fuisset, ideoque, quoties in Senatum veniebant, omnes copias suas secū ducēdas sibi statuerunt, non comitatus, sed exercitus speciem secum trahebant. Non modo enim, equitem, & quos ex nobilitate honoratiores circa se habebant, familiaribus suis stipati, in Senatum veniebant, verum peditem etiam ac majora tormenta secum ducebant. Die quodam cum Zamoscus in Senatum venisset, quidam ex familiaribus eorum, in Zamoscii Comitatu inventus, quem proximum reperit, Ostrovii Præfecti Dunamundensis famulum, publice omnibus spectantibus globo trajecit, fugaq; ad suos mox conversus evasit. Alio tempore, cum Senatus convenisset, Zboroviiq; iidem copias omnes suas ac majora tormenta comitio circumfudissent, cum Senatus ut in re subito trepidus dilaberetur, tumultu orto, Sacros Cancellarius Episcopi Cujavienſis Rozravii ab ipso Episcopi ministro, dum Domini defendendi causâ scopetum parat, temere scopeto dispoſito, proxime ad ipsius Episcopi latus interficitur. Aliæ in aliis partibus cædes fiebant; inter quos Vonsovicus nobilis, equitum Præfectus, ex eodem partium studio à Zborovianis occisus. Jamque in oppido eo res devenerat, ut utraq; acies, Gorkani & Zbo-



Zboroviorum, sub ipsum comitium; Zamosciana versus comitium aliquantum castris suis progressa instructa ex adverso constiterent. In praesentia tamen & praelium Laurentii Goslicii, Episcopi Camenecensis, Saffranieci, Palatini Sendomiriensis, & Firleji, Castellani Biecenensis, de quibus supra ostensum est, intervenitu direptum fuit; & comitium, quod cura Marschalci, subitario opere ex materia constructum fuerat, proxima nocte incensum. Ipsi Zamosciani, qui materiam & causam praesentium litium, futurae autem caedis, quae movebatur, tolli vellet, iussu factum, & tum frequens rumor obtinebat, & postea ab illo non negatum fuit. Tecto eo comitii exulto, alius ad comitium locus, ut à castris Zamoscianis remotior, ita Gorkano & Zborovius propinquior, ipsorum fere arbitrio ab Archiepiscopo delectus; iisdem caerimoniis, religioneque, & jure creandi Regis consecratus fuit. Ita controversia de loco suppressa potius quam composita erat. Alii inde de erroribus, qui contra leges & libertatem publicam, tum cujusque privati irrepsissent, tollendis suscepta fuit. Cujus generis, cum, quemadmodum supra ostensum est, universi ordines & nationes, maxime autem Lithuania & Prussia, jam in superiore conventu Warlaviense quaedam detulissent; spes facta iis fuerat, in comitiis utique electionis, priusquam ad nominationem Regis accederetur, certi aliquid de tollendis iis statutum iri. Neque tamen quicquam definitum. Nam & Zboroviani, sub obtentu publicorum injuriarum sua ferentium, ut Samuelis supplicium, iudicium in Christophorum, aliaque huic similia, quae vel ad ipsos vel eorum sequaces pertinerent, jactabant; & Zamoscii, cum eo quae non pauci, neque sine universorum ordinum, inter quos ipsi quoque essent, scito quicquam eos ferre posse, & ut omnia hujusmodi, ad legitimam futuri Regis aliorumque tribunalium cognitionem referrentur, contendebant. Lithuanos tamen ante ab altera parte Vistulae armatis violentisve conciliis ad futuros se cum negarent, in eumque diem se continuissent, deliberationum harum ostentatio ipsos quoque in hanc ripam exciverat. Maxime quidem Livonia eos angebat, quam, sub communis possessionis nomine, totam fere sibi ereptam jactabant. Concilia sua tentorio in campo, ad Electionem designato, separato tamen loco, instituere: inde per interpretes cum Polonicis ordinibus communicabant. Cum in tanta rerum perturbatione ne ipsi quidem de Livonia, aliisque postulatis suis, quicquam perficere possent, privato à Polonicis ordinibus consilio, inducias tamen cum Moscicis legatis in decennium sanxerunt. Dum hisce altercationibus verius quam deliberationibus tempus teritur, non deerant inter hæc, qui ex publicis discordiis occasione capta Rokos postularent. Ea res & vox ex Ungaria petita. Quod enim in campo Rokos Budae subiecto armatis comitiis Reges Ungariae electi, aliquando tradantur, ad similem rem

nomen quoque huc translaturum. Ex omni memoria vix unum atque alterum hujusmodi comitiorum exemplum commemoratur; nunquam autem sine maximo motu agratorum. Non modo enim Magistratuum Senatorumque ac privatorum, verum familiarium etiam clientium, ac patronorum, ut discrimine, ita reverentia omni sublata, cum pari jure armati universi conveniunt; impetu magis ac seditione, quam consilio, res geritur; quam in unum atque alterum fere potentiorum, quotiescunque motus hujusmodi concitatus fuit, erupisse ammadversum fuit. Princeps rei & consilii Nicolaus Casimircius ferebatur; jamque & familiarum Senatorum aliorumque Procerum sollicitabantur: & primum ipsi appellabantur, ut non modo ipsi suo conatu eam rem juvarent, verum familias etiam suas, quamvis sibi obnoxias, tamen cum pari nobilitatis jure essent, quo minus communem libertatem communibus etiam viribus constituerent, non impedirent. Memini, cum ea res jactaretur, ab iis, qui Austriacum Regem per vim imponere vellent, consilium hoc caprum vulgo existimatum; quodque non multo abludente nomine & Austria & comitia ea appellentur, verbo ipso cavillatos, non tam comitia armata, quam Austriacum Principem eos velle, qui diversam seclatam sequebantur, illis exprobrasse: Ab aliis ad indigenam Regem, qui ipsis videretur, in reliquorum discordia imponendum consilia illorum spectasse existimatum: jamque paratum ad eam rem vexillum fuisse, cum elogio, Bonum publicum, quod concurrentibus ad se publice proponerent. Verum quodcunque consilium id fuerit, tanquam propriis viribus destitutum, potius sua sponte discussum, quam cum periculo aliquo oppressum fuit. Jam sexta septimana à die electioni Regis praestituto labebatur, neque tamen adhuc vel legati Principum, qui Regnum peterent, auditi; vel ulla de ipsa Electione publice sententia dicta erat. Omne enim tempus iis, de quibus supra ostensum est, tum turbis, tum remediis turbatum, quae frustra tamen fere querebantur, extractum fuerat. Interim ad futuram Electionem, quae de die in diem extrahabatur, privatim tamen cum studia hominum partim explorabantur, partim, prout quisque studebat, ab unoquoque conciliabantur: tum maxime ab ipsis Principum legatis, ambitus accendebatur. Ac de indigena quidem, quem, si vel pacata comitia, vel nulla inter Primores dissensio fuisset, maxima fere atque incorruptior pars praetura tum fuisse videbatur, inter tantas & Primorum, & qui ab illis pendebant, dissensiones omnis spes omissa. Battoreos non modo favor clarissimi regis nihil juvabat, verum premebat magis apud quosdam invidia nomini illius ab adversariis conflata. Itaque legati etiam Transilvanici ipsi, non tam de regno, quam rege, qui familiarum Battoreorum conjunctissimus & rebus Transilvanicis accommodatissimus futurus esset, cogitabant. Moscum vulgus Lithuanorum so-

lum

lum fere, è primoribus pauci expetere videbantur. Omne certamen inter Austriacos, & Suecum relictum videbatur: Sueci magis antiquo more petere, quam vel studio summo, vel magna impensa ambire; magisque si qui alliciendi essent promissis, quam re aliqua oneratos dimittebant: sive quod & ab opibus, & conciliandorum animorum artibus perinde minus instructi essent: neque vero de regno tam ipsi laborare, quam ne ad Moscum deferretur, tantummodo anniti videbantur; dumque hoc eo non potiretur, ad quemcunque alium delatum esset, æquo animo laturi.

Verum omnium instar hi cum Regina matertera, tum Lesnovolscius Castellanus Podlассiensis, qui nuper ex Suecia redierat; maxime Zamoscii in partes postea traducti erant, qui quos illi seu inscitia, seu injuria, seu etiam inopia adungere non poterant auctoritate ac rationibus ad partes adungebant. Austriaci cum alteram factionem Gorkani & Zboroviorum, seu Principes saltem factionis jam ante devictos haberent, ne ipsi quidem nullare sibi deerant. Legationes missae erant. Splendidissimae à Caesare, ab Hispano, ab Archiducibus Ferdinando, Ernesto Maximiliano, Matthia, quorum nomine Stanislaus Patrolowsky Episcopus Olumucensis, Richardus Streinius Tiffenbachius; Caeterique praecipui è Silesia & Germania regna poscebant. Caesareani autem nominatim nullum commendabant; pro universa familia petebant, ut qui ex ea maxime idoneus videretur, ad Regnum vocaretur reliquorum triplex petitio erat; Nam & Ernestus & Matthias & Maximilianus, pro se quisque laborabat. Ferdinandus post Conventum mox Warlaviensem misso Zacharia Geiczkonlero, quem & tum legatum Zollocensi Comiti adjunxerat, cum aliorum tum maxime etiam Zamoscii pro se ipso studia ambierat. A Zamoscio ut in re, & ex universorum auctoritate penderet, & in qua omnium libertas verteretur, in ipsa Comitibus rejectus, tum petitione pro se omissa, ut Maximiliani ratio haberetur, non minore studio quam Maximilianus contendebat. Maxime quidem ut existimabatur, quod si ad regnum Maximilianus evectus esset, successionem Magisterij ordinis Theutonici filio suo Marchioni Burgaviae pactus ab eo fuisset. Ernesto quod neque cum Zborovius quicquam commune habere existimabatur, & controversum regnum non accepturum cum aperte legati ejus praeseferebant, inque ipsa petitione, magis gravitatis suae, quam ut id quod, peteret consequeretur, rationem habere videretur; ex iis qui Genti Austriacae cupiebant, cum omnes quibus violentia Zboroviorum infensa erat, tum optimus fere & gravissimus quisque favebant, Matthiae quod qui ab Austriacis abhorrebant, non minus illum quam alios nollent, qui veto Austriacarum partium erant, ab Ernesto, vel Maxi-

miliano preoccupati erant, non minore quidem studio ac diligentia Richardi Streinii splendidi Austriae Baronis, & imprimis docti, omnium autem minima cum spe petitio sustinebatur. Validissimae fere ex iis Maximiliani partes erant: qui adjuncta quemadmodum ostensum est suffragatione, & ope Ferdinandi, jam ante in Germania Christophorum Zborovium, per eum deinde, cum fratres ejus, tum qui Princeps in ea parte erat, Palatinum Posnaniensem Gorkanum sibi devinxerat. Quorum partes, ut & omnibus fere, qui ab Austriaco imperio, abhorrebant, & maxime illis, qui Zboroviorum violentiam oderant, non minus exosa quam suspecta, ita viribus non contemnenda erant. Praeter enim Gorkanum & Zborovios, qui cum auctoritate, tum cognitionibus & clientelis non paucos trahebant, omnes etiam fere, qui non nisi turbata republica vel salvos vel magnos se esse posse existimabant, quorum feracissima tempora ea erant, ea confluebant. Itaque quicquid fere ob æs alienum proscriptionum, quicquid prodigorum aut cum mala, aut nova cum spe erat, isthac faciebat. Neque vero legati vel Principi suo vel iis deesse, sed partim comiter appellando, partim largiendo, largius etiam promittendo, non modo non respuebant ullum, verum cupiditati suae serviendo, quantum poterant, aliorum cupiditatem alebant. Itaque ad extremum ne Ernestum quidem aut Matthiam etiam magnopere cum illis contendere, non obscureque vacuum petitionem solis illis relinquere. Accedere ad ea putabatur summi Pontificis etiam nuntij auctoritas. Eratis tum Annibal de Capua Archiepiscopus Neapolitanus, sub ipsum fere tempus mortis Regiae ad Stephanum Regem à summo Pontifice Sixto Quinto, destinatus, qua legatione ad Regem fungi debuisset, eo mortuo, per interregnum ad Reginam atque ordines functus, maxime tum partes Austriacorum juvare, neque in levi propterea apud eos qui ab Austriacis dissentiebant invidia erat. Nam & Archiepiscopum Gnesnensem ne in alium quam Austriacum autor fieret, certa conditione obligasse: & cum alios quoscunque potuisset, maxime Ecclesiastici ordinis Austriacis conciliasse, tum postquam neque Archiepiscopi neque aliorum studia retinere potuisset, Sigismundo Tertio jam Electo, Cardinale potissimum Radivilo ad Maximiliani Electionem dato, secundae electionis ipse potissimum autor fuisse vulgo ferebatur. Quibus praesidiis & spe & si non parum Maximilianici nitebantur, non minus tamen de Zamoscii etiam voluntate adjungenda ita laborabant, ut cum diligentissime illo appellando, tum nullare, qua pellicula cum posse existimarent, praetermittenda non minus in hoc quam in caeteris omnibus positum sibi arbitrari facile, ostenderent.

Y

Ac



Ac primo quidem quemadmodum supra demonstratum est, per Ferdinandum Ducem appellatus, & si non tam aperte negando, quam in omnium consensum differendo, non multum spei reliquisse ei videbatur: à legatis nihilominus, cum ipsius tum Maximiliani, in re præsente, iterum vel diligentissime sollicitatus fuit. Præter legatorum autem diligentiam occulte etiam cum à Ferdinando, tum Maximiliano ipso aliquot epistolæ grandissimis cum promissis commutare. Maxime quidem Maximiliani literæ humanissime scriptæ erat; atque non modo promissis, sed laudibus etiam in Zamoscium largæ, dolere discordiam quæ inter partes exorta esset, non dissimulare benevolentiam suam in Zborovios: æquitatem tamen & benevolentiam in quemcunque, & aliis omnibus rebus præferre: hortari tamen ad concordiam. Sine qua neque electio utilis Regno, neque salus ulla sperari posset: opinionem quæ durior sub Principibus Austriacis nobilitas conditione vulgo per Poloniam sparsa dicebatur, non tam verbis quam re ipsa refutare, quod ex quo tempore sub Principum Austriacorum ditione aliqui esse cœpissent, nullius omnium ordinum, non modo non diminutas aliqua re opes, verum in immensum potius omnium profecuturas res auctas esse. Ad ea privatas conditiones Zamoscio amplissimas ferebat: ad extremum ut quamprimum coram etiam illum complecti, ac videre posset, ignarus facti sui oprabat. Omnia hæc occultissime ad Zamoscium deferrebantur. Nam & quas Ferdinandus ad eum literas dederat, Stanislaus Cziolkoni ita crediderat, ut nisi acciperentur à Zamoscio conditiones, ne literas quidem suas tales conditionum & syngrapham relinqueret. Itaque noctu etiam fere ad Zamoscium introductus mandata exquebatur: Maximilianus autem, & sua manu ipse literas scripserat, & easdem longis ambagibus, per Comitem Nogarolam Ungariæ Cæsareæ ditionis præfectum, qui ex instituto ejus rei causa hominem ad Zamoscium miserat, perferendas curarat. Sive ut major fides, si non vulgarentur, esset, sive Zborovios ipsos, quibus ut tanto magis devinctos haberet, in perniciem etiam Zamoscij promittere aliquid illum coactum fuisse, rumor erat celaret. Qui cum capitales inimici Zamoscij essent, ut nulla alia re Zamoscius impediretur, tamen ut illi, qui conjuratis in perniciem suam adversariis suis regnum quasi debiturus videretur, se crederet, vix ulla conditione adduci eum posse, vel Maximiliano ipsi ac legatis ejus satis patebat. Itaque & Maximilianus quemadmodum demonstratum est, ipse ad concordiam literis suis Zamoscium hortabatur, & legati universi Austriaci, nihil fere concordie inter illos concitandæ studio, prius ab initio habuerunt. Legationeque splendida ad utrosque missa,

ut se interpretibus ac sequestris componi inter se paterentur, hortati eos fuerunt. Agebant tum adhuc de concordia inter ipsos, publico quasi omnium ordinum nomine, ij de quibus supra demonstratum est, Saffranicius & Firlcius. Zamoscius cum re deliberata responsum se promississet, respondit postea per Petrum Tilicium Præpositum Gnesnensem, primumque tum regni Secretarium, & Reinoldum Heidensteinium. Tanta concordie cura, grato animo accepta ab illo fuit.

Earundem vero dissensionum compositionem, & nomine ordinum à Senatoribus etiam aliquibus jam tentari, & maxime ad ipsorum etiam ordinum auctoritatem pertinere: quam si ipsi etiam adhibuissent, maxime vero alterius etiam partis sententiam perspexissent, quod ad se pertineret, nulla æqua conditione recusanda, & æquitati plurimum, & illorum auctoritati tantum libenter tributurum, quantum summorum Principum legatis, summis & ipsis viris tribuere deberet. Responso hoc accepto, nihil amplius postea tentatum fuit, sive quod vel sua sponte, vel novis à Principibus suis mandatis acceptis, dissensione hæcenus eos distraxisset, sublatam neutrius partis, potentes se futuros viderentur, sive etiam quod postea perspectum est, ad conditiones Maximiliani eligendi cum voluntate non possent, metu saltem Zboroviorum adjungi, tandem Zamoscium posse sperarent.

Eaque causa fortassis, dum spem aliquam de Zamoscio habebant, Christophori etiam Zborovij, qui & acerbissimus in Zamoscium ex Zborovius erat: & Majestatis publicæ damnatus non sine maxima multorum offensione, præsertim autem Zamoscij in Regno versari posset, operâ nihil ad eum diem utebantur: aliquando ex industria etiam fortuito quodam casu Olomunecij, illum perisse rumore composuerant: Voluntate Zamoscij fere desperata, cum altercationes de illo restituendo maxime vigerent, non expectato exitu earum, Christophorus etiam majore animo quam viribus, tot per regnum spatia emensus Varlaviam venit. Satis constat non ultra septingentos homines, partim equites, partim pedites, secum eum habere, verum in incerto tum adhuc omnium rerum eventu, certum ab ipsius partibus invidiam & periculum nemine recipere in se volente, sine cujusquam impedimento Varlaviam pervenit: Zamoscius cum de adventu ejus, nunciatum illi fuisset, omniaque factis explorata haberet, nocte priore, quam Varlaviam veniret, adoriri eum constituerat.

Ab instituto eo subita Spitkonis Jordanis secessio eum avertit. Hic cum in Zboroviorum clientela antea fuisset, quod in prælio Dirschavienſe fortis ejus opera extiterat: & alio-

& alioquin non segnis manu haberetur, quondam autem de Zborovius consiliorum, in Zamoscium indicio amicitie, fidem Zamoscio fecisset, in interiori etiam amicitiam ab illo receptus & cum præfectura Sanocense, tum nonnullis aliis beneficiis, Zamoscij potissimum opera, atque intercessu ornatus a Rege Stephano fuerat. Pro mutua ea fide Stephano mortuo, cum operam suam Zamoscio deferret, partis alicujus peditum, & equitum aliquot Zamoscij stipendiis scribendum negotium à Zamoscio datum. Grandi deinde pecunia quemadmodum ferebatur, conditionibus vero, promissisque multo majoribus à legatis Austriacis traductus pridie fere quam Varlaviam Christophorus veniret, milites stipendiis Zamoscij quorum tempus nondum exierat, ne quicquam Zamoscio eum retinente secum abducto, cum consilium contra Christophorum susceptum, quasi ex composito turbavit, tum unam integram fere castrorum partem discessu suo nudavit. Ita Christophorus non tam suis, quam Gorkani & fratrum viribus, quæ haud impares Zamoscianis erant, non modo tutissime postea Varlaviam versari: verum pauca etiam noctes deinceps intercedebant, quibus non à Zborovius ipsis impetus aliquis, aut insultus in castra partim nuntiabatur, partim expectabatur.

Inter tot circumstantias partim à desertoribus sociis, partim ab apertis adversariis pericula, vel gravissima tamen temporis jactura erat. Omnino apparebat, nihil aliud ab adversariis agi, quam ut querelis, & postulatis suis urgendis, cum tempus extraxissent, & nobilitas interim quæ sumptuum tædio, quam rerum domesticarum cura dilaberetur, & Zamoscius consensu nobilitatis destitutus, sumptu etiam tanto temporis tolerando exhauriretur. Quodcunque consecuti fuissent, non dubitabant, quin nullo oppugnante, vel invitis cæteris imponere Maximilianum possent. Cum explicari res aliter non posset, Zamoscius cum Opalenio Marſchalco, Thencinio Palatino Cracoviense, aliis aliquot Senatoribus, qui communicata inter se consilia habebant, re deliberata, ut separato ab aliis loco convenirent, & cum de republ. pacate consultarent, tum de Rege etiam sententias jam dicerent statuit.

Quod enim omnia & violententer ab aliis tum agerentur, & ad nullum exitum pervenire tem vellent, neque sine mutua cæde in eodem concilio, cum armatis iis futuros constabat. Quorumvis etiam castris disjunctis, quotidie tamen fere denuntiabatur, & ubi ad sententias de Rege, quod caput consilij erat, perventum fuisset, intercessionem eamque vel ipsam, & causam & initium cædis, prætorum injectum, ab adversariis iri. Sententia igitur hac probata, locum sub dio inter Zamoscij & Opalenij castra medium, equi-

bus si vis ab altera parte pararetur subito subsidium fieri posset, capiunt. Verum consilium id & ab adversariis maxima invidia oneratum fuit: & præter eos qui autores consilij fuerant ita pauci ab initio convenerunt, ut paucitatis ipsos fere suppederet.

Sanctione enim gravissima, non modo proximo in conventu Varlavienſe, cui quemadmodum ostensum est, præter Zborovianos, nulli fere paruerunt, verum in superioribus etiam interregnis antelata, qua contra rempublicam facere judicantur, qui in Regum Electionibus, ab universis consilia sua sejungunt: & adversarij sanctionis ejus, unaque cum ea reipublicæ violatæ eos accusabant: & qui neutri parti addicti, aut etiam à conciliis Zborovianorum alieni essent: loci tamen auctoritate omnium consensu primum capti, tum ab Archiepiscopo solennibus cærimoniis ad Regis Electionem inaugurati movebantur.

Demonstrabatur ab altera parte, ad consilium id, non tam voluntate, quam necessitate, à moreque reipublicæ quam per mutuum cædem, quæ ab adversariis quæreretur cruentari, vel omnino etiam tolli nollent, à se descensum: neque quod solum sanctionibus iis vitium esset, ut privatim de republ. consilij quid caperent convenire, sed cum id consecuti essent, ut pacate sententias de republ. dicere possent, nihil prius ipsos statuturos, quam quod sententiæ suæ essent, ad universos etiam, ac vel ipsos adversarios suos, per interpretes retulissent, majorisque partis sententia perspecta ex ea ipsi sibi quoque consilium caperent.

Quæ cum magis refutari ab adversariis non possent, quam probarentur, haud multo post eorundem etiam ferocia fuit, ut non modo à plarisque fere consilium id probaretur, verum Zborovianis etiam desertis, totus fere reliquus senatus, ac major pars nobilitatis ad alterum hoc concilium, Zamoscij auctoritate constitutum, confluerent, nigrum concilium per contumeliam, ex cultu oblectum Regium à Zamoscianis sumpto, Conventum suum generale vocantes, ab adversariis vulgo appellabatur. Maximam autem fere inclinationem Archiepiscopus Gnesnensis fecit. Hic cum ad eum fere diem, partim metu obnoxius illis fuisset, partim etiam conditionibus quibusdam, de quibus supra demonstratum est ab illis alligatus; ac forte non magna quadam de re in Senatu ab illis discrepasset, Gorkanus Palatinus Poshnanienſis, ira alioquin impotentissimus, publice in Senatu in vestus in eum fuerat; quibus ille exacerbatus, consilium de partibus tam violentis relinquendis, conjungendique se cum Zamoscio præter omnium opinionem mox cœpit. Cumque de priore tempore per interpretes Zamoscio satisfecisset, omnia deinde ex Zamoscij fere sententia agere instituit.



Imprimis omnium Episcoporum, pro autoritate ac loco eo quo Archiepiscopus Gnesnensis, Princeps non Cleri modo, verum Senatus etiam universi in regno est, concilio apud se habito, ut in unam de Rege sententiam convenirent, non autoritate magis quam ratione eos adduxit. Convenere omnes in Sigismundum Sueciae Principem. Episcopis adjunctis quomodo publice etiam ab aliis se disjungerent querere. Haec enim aliis jam non paucis ad nigrum quod vocabant qui concilium aggregatis, ipse nihilominus locum sua ipsius autoritate consecratum frequentabat. Placuit, ut invidiae potissimum detestandae causae, ne sententia prius in concilio publico ab illo ipso inaugurata non dicta, privatim Regem prodidisse diceretur priusquam ab illis se segregaret, eo ipso etiam in loco sententiam de Rege suam publice testari.

Causa igitur ex tanto intervallo temporis lapsi sumpta, cum tandem ad electionem ipsam accedendum disputasset, orationi ei simul suam de Rege sententiam subiecit. Moscum rejecerat: de indigena in tantis dissensionibus desperare: cum Germano nihil commune sibi esse velle: unum Sueciae Principem reliquum esse: cuius maxime Regno huic & utile, & salutare imperium futurum existimeret. Tumultu mox orto, interrogatus ab Andrea Zborovio Marchalco minore, an sententiam aliorum prius non exquisitis, Regem ea sententia jam nominaret, cum non nominationis, sed sententiae loco dicta ea à se ostendisset, sedatus inde tumultus fuit. Ad aliud concilium tot se jam adunxerant, ut neque numeri, neque autoritatis eos pœniteret. Itaque de ipso regno deferendo sententiae dicebant. Jamque ad Electionem res spectabat, neque tamen legati adhuc externi ulli publice à tanto jam tempore auditu erant: quibusdam non necessariam audientiam eorum censentibus, quod quae mandata publice expositura essent, eadem cum singulis privatim appellandis jam exposuissent, publice ferre omnibus nota essent. Tandem legati maxime Austriaci sententiam de Rege, in altero concilio dici coeptis, si ab alterutra parte Rex dictus fuisset, ne legationes ipsorum omnino excluderentur veriti, & ipsi ut legationes publice audirentur, pervicerunt: & qui illorum partium erant, ut in eo concilio cui Gorkanus & Zborovij praesidebant, audirentur. Neque sane ulla magnopere ea de re controversia erat: neque enim tam locus ipse ab iis qui secesserant spernebatur: quam quod armis & vi ab aliis obtinebatur, necessario ab illis mutatus fuerat. Quo ordine legati audirentur, propter Moscum maxime & Suecum quorum neutrum alteri concessurum satis constabat, controversia aliquid erat. Commodissimum tandem visum, ut pri. no die summi Pontificis & Caesareanis, Hispanisque lega-

tis auditis, quorum dignitati ultro Moscus cederet, postmodum princeps rursus inter reliquos legatos Sueco locus daretur. Ita in biduum legationibus dispersitis, primo die de quibus ostensum est, secundum hosce Mosci, tum ob Regis Stephani memoriam Zamoscio etiam maxime annitente, Transilvanici legati Wolfgangus Kovaciocius Cancellarius, & Casparus Lorus, ad extremum Prussici legati, quorum Princeps Landgravius Lichtenbergius Kitlicius Levinus Bulavius auditi. Postmodum ante omnes Sueci legati Erricus Spare Procellarius, Erricus Brahe Comes secundum hosce Electorum imperij legati conjunctim, quorum Princeps, ab ecclesiasticis Electoribus Colonienfi & Moguntinensi, à Palatino quoque Rheni & Saxoniae Augustus Schonbergius à Brandeburgense Otto Hakius introducti, omnibus fere qui posteriore loco auditi fuerant, perversum ordinem querentibus Suecis etiam priusquam in Senatum venirent, protestatione sibi Regisque sui dignitati caventibus. Auditi omnes frequente Senatu fuerunt: cum alij etiam, qui ab eo Conventu se sejunxerant, uno fere tantum Zamoscio excepto, ad audiendos eos, tum convenissent. Pontificij studium imprimis ac vota summi Pontificis nomine ordinibus deferrentque in Rege eligendo id potissimum spectarent, quo Catholicæ Romanæ religionis Regem eligerent, eos hortari, nominatim nullum commendarat. Cum Caesaris legatis Hispanus simul, & reliquorum Principum Austriacorum legati, tanquam in communi causa, & à conjunctis Principibus missi, in Senatum venerunt. Verba omnium nomine Episcopus Olomucensis fecit: à dignitate domus Austriacæ, inter familias Principum Christianorum suorum orsus, indeque ad ipsorum petitorum, virtutis atque ingenij commendationem profectus, tribus fratribus, Ernesto, Matthia, Maximiliano, unum eligerent, petiit.

Commoda etiam quæ ex Electione ea ad regnum perventura essent, conditionesque breviter proposuit: renovati foederis cum Turca, ad quod observandum & ipsi se offerrent: & quod Turca multis jam malis à Persa victus, sex summorum Principum amicitia Regno adjuncta, gravioris periculi metu, ipse etiam non invitatus observaturus esset. Sive vim autem pararet, sive quiesceret, in alias regni necessitates subsidium octingentorum millium offerebant, à quibus ducenta statim sub ipsam electionem parata fore: alia ducenta post coronationem: reliqua certis pensionibus de quibus convenissent. Adjiciebantur ad hæc, foedus in bellum Turcicum cum summi Pontificis, Hispani omniumque familiarum Austriacæ Principum: tum nonnulla de imperij etiam Principibus spes ostendebatur. Sine dubitatione autem ulla, omnium eorum Principum, tam imperij Germanici

nici, & aliorum vicinorum amicitia proponebatur: inter ceteros maxime Mosci, cuius pater cum ita decessisset, ut si filio quid accidisset, aliquem ex Austriacis Principibus testamento in Regno illi substituisset, vel ipsius Moscoviae tam lati Imperij accessio per eam occasionem ostentabatur. Castella contra eruptiones Tartarorum, ex ordinum sententia aliquot ex privata eorum pecunia promittebantur: Studium atque autoritas in controversias, quæ de Prussia ac Livonia imperio Germanico cum Regno intercederent componendas: jus item quod in Barensem Rofanensemque Ducatus, tum proventus, Ducatus Foggiae in Regno Neapolitano Poloniae Regno competeret, ab Hispano obtinendum. Privatim quinquagenarios adolescentes nobiles extra Regnum, partim in literarum studiis, partim exercitiis rei militaris alendos, sumptum inditionibus Imperatoris, tum Regis Hispaniarum, Polonicae Lithuanicaeque gentis hominibus, cum ad alios honores, tum maxime ordines militum aditus pateret, effecturos: ære alieno à Sigismundo Augusto confecto ejusque invidia sua pecunia Regnum liberaturos. Quæ per se amplissima ad extremum in libertatis publicæ privatæque cuiusque juris ac pacis publicæ observationem sanctissime data promissaque concludebantur. Haud minora hisce à Suecis offerebantur. Princeps indole præclarissima, viginti trium annorum, ætate à perfecta non multum distante: Linguam cum Suecicæ, Germanicæ, Italicæ, tum maxime Polonicæ, quam una cum lacte materno imbibisse dicebatur. Foedus inde inter duo Regna perpetuum: commodaque foederis, pax Livonica, Mosci perdomandi spes, commerciorum quæ amplissima utrique regni intercederent opportunitates: classis deinde, & præcipuam omnium maximorum imperiorum instrumentum, & quod non nisi maximo cum sumptu, atque impensa parari posset: Si quod in Novogardiense, aut Pleseoviense agro bellum cum Mosco futurum esset, tormenta etiam majora, quibus Suecia abundaret, in vicinia ad oppugnationes promittebantur. Castella itidem aliqua ipsius Principis sumptu, contra Tartarorum excursions, in Podoliae finibus extruenda. Vetustæ petitiones, quæ cum dotis, tum legatorum reginae Bonæ avia maternæ Principis inque Barensem Rofanensemque Ducatus, & aliam cum ipsius, tum Sigismundi Augusti avunculi hæreditatem successionis Principi competerent, electione hac Regno condonabantur.

Non parum etiam ad rem facere videbatur, quod cum post mortem patris, utriusque Regni successor futurus esset, si plures liberos habuisset, quo minus uni Regno omnes graves essent, in Sueciæ Regnum aliquot exonerari posse demonstrabatur.

Jura, deinde libertates atque immunitates omnium pacemque publicam, maxime inter dissidentes de religione publice: privatimque servaturum non minore religione, quam ab alteris receptum erat, confirmabatur. Moscus suo more agere, atque amplissimi quidem imperij sui conjunctionem offerre: ita tamen, ut caput nihilominus rerum penes se velle esse potius ostenderet, quam suum imperium Poloniae Regni accessionem futuram.

Transilvanici legati veterem amicitia, pauloque ante omnibus necessitudinibus conjuncta commemoranda, de nova invidia obrectatoribus nominis Regij constata questi fuere. Clarissimis inde Stephani Regis in regnum meritis recensendis, magis dignam memoriam ejus, amplissimis præmiis ostendebant, quam regnum pro aliquo ex Battoreis ipsi petebant: ex privatis rebus cum testamentum regium sibi communicari, tum quæ post mortem Regis, ad Successores pervenire deberent, petebant. Reliquæ legationes magis in speciem ascitæ atque gratiæ Principum Austriacorum tributam, quam quicquam magnopere momenti habituræ, Austriacos Principum suorum nomine ordinibus ipsæ etiam commendabant. Cum Zamoscium & iis viribus instructum, & ne autoritate apud majorem partem, cum Senatus tum equestris ordinis esse Austriaci animadvertissent, ut eo repugnante, neque in adipiscendo, neque obtinendo postea Regno majoris partis consensum, ullaratione obtinere se posse viderent, cum ab initio, quemadmodum ostensum est, nihil prætermiserant, quo in suas partes traducere cum possent.

Zamoscium ab omni eo tempore ex quo primum ad rempublicam accesserat, cum metus belli Turcici, quod in Russiam, Germaniam, & naturalem patriam ejus maxime incubiturum esset: tum servitutis à familia & vicina, & potente: non parum etiam publicæ dignitatis cura, ne in alienam ditionem Polona res tradita videretur, ab Austriacis averterat: quæ cum semper maxime cum movissent, tum constanti etiam suæ causa, in eadem sententia in qua perpetuo fuisset, permanendum sibi statuebat. Accedebat huc quod eosdem quorum imperium publice Regno inutile & grave futurum sentiret, ab iis potissimum asceri videret, qui privatim etiam in perniciem suam jurati quasi essent.

Cum à Legatis etiam Georgij Friderici Marchionis Prussiae, Landgraviio Lichtenbergio, & Levino Bulavio privatim pertentatus fuerat. Lichtenbergium Imperij Germanici Principem & sanguine sibi conjunctum Marchio miserat, quod cum Regiam & viduam propinqua cognatione attingeret, eo gratiorem graviolemque Legationem



hem eam futuram judicabat. Cum uterque autem tam Lichtembergius quam Bulavius enixius etiam Austriacis studerent, quam commissum illis à se fuisse Marchio postea agnovit, à principio mox adventus Zamoscij, cum privatim illum convenissent, Marchionis etiam autoritate adjungere eum Austriacis conati fuere. Zamoscius quo minorem illis, spem relinqueret, ita statim respondit, ut non modo de se, verum de maxima etiam parte nobilitatis negaret; Priusque vitam relicurus, quam jugum id subituros ostenderet; quæ res etsi spem Austriacorum non parum fregerat, non tamen plane dejecti, postea quemadmodum supra demonstratum est, ipsi etiam eum aggressi, multis promissis, cum publicis tum privatis tentari curarant.

Cum conditionibus etiam amplissimis propositis, nihilominus nihil ab eo spei, aut promissi referrent. Seu quod omnino de eo desperassent seu quod tempore extracto, aliisque dilapsis, Zamoscio fortassis etiam attenuato fatigatoque, Regnum ab aliis desertum, per Zborovianos se occupaturos sperarent, ab aliquo tempore appellare eum desierant. Postquam Zborovianos à plærisque aliis deferri, atque ad Zamoscium conventus majorem jam partem confluere viderent, animum ejus iterum quacunq; conditione tentandum rati.

Levino Bulavio qui ex Principibus Legatis Prussicis erant sequestro appellant. Concordiam cum Zboroviis, quam antea ultro conciliari à se ceptam, postea plane intermiserant, iterum non à se modo, sed ex sententia Zboroviorum à Zboroviis ipsis; eoque certior denuo offerunt: in Maximilianum suffragium ejus; aut saltem ne alium ipse nominando; electionem impediret ambiguanque faceret, conditionem simul paciscentes, reliquas eorum conditiones, quas partim Maximilianus ipse per literas, partim ejus nomine legati, antea ei tulerant, non modo confirmabant: verum etiam augebant. Apud Zamoscium non tam promissa ulla, quam publica salus; ac dignitas valebant: Non parum adhuc ingentis animi virum angebat, nemetum Zboroviorum, privatarumque inimicitarum, non modo rempublicam deseruisse; sed ad Regem etiam, quem inutilem reipublicæ judicarat, minis ac terroribus accipiendum, adductus videretur: Controversiis vero cum Zboroviis non compositis, ut maxime è republica Austriacum futurum statueret, sibi tamen illum, qui tantum beneficium Zboroviis debiturus videretur; accipere minime tutum futurum videbat.

Itaque à compositione quidem cum Zboroviis non abhorrebat, conditio quæ compositioni adiciebatur, ut in Maximilianum simul consentiret, indignissima ei videbatur.

Ab altera parte multiplices metus ac terrores animum versabant. Et si enim maximam partem, & Senatus & nobilitatis conjunctam habebat: ramen cum ab altera parte, & Maximiliani nominatio certo expectaretur, & eandem ejus quem elegerent, opibus atque armis illos tutaturos, pro certo denuntiaretur, in suis collegis plus autoritatis quam præsidij, omniaque ad vim excipiendam in se ipso ferè posita sibi intelligebat. Neque vero conjecturis ea præcipienda erant: tanquam oculis jam fere cernebantur. Non modo enim ex nobilitate privati, verum è Senatoribus quoque maxime autem Lithuanicis & Prussicis non pauci, nonnulli etiam Polonici, tædio rerum præsentium, ad suas quisque domos dilabebantur, & ex his qui & familiaritate, & iisdem castris cum illo conjungebantur, quo diutius tempus extrahebatur, seu eodem moræ tædio, seu desperatione indies fere, non pauci eum deserebant. Interim ipse iusto exercitu per tot jam septimanas, in summa annonæ caritate alendo, sumptu etiam vel maxime exhausto. Eo enim in tanto hominum numero, & anni tempore alienissimo, annona jam exereverat, ut quod inauditum antea in Polonia fuerat modius pabuli aureo uno veniret.

Cumque de indigena inter tantas dissensiones, nulla amplius spes esse posset, ubi ab Austriaco discessum esset, res ad solos Moscum & Sigismundum Principem redacta videbatur, qui partim consensum aliquem nobilitatis habere possent, partim virium ac præsidij aliquid contra Austriacorum potentiam ad partes afferre. De Mosco præterquam, quod alia multa obstitarent, ut maxime Regnum ad eum deferretur. Primum tamen tot regionum intervallis semotus, ad tutandum præsertim contra propinquam vim Regnum in tempore ut adesset; priusque regnum ab adversariis occuparetur, quam non modo auxilium ab illo ferri; verum vel nuncius cladis perferri posset, vetendum videbatur; non minus deinde ne pro ea amicitia quæ cum domo Austriacæ illi intercederet, conditionibus aliquibus interpositis, partibusque desertis; vel ultro regno eis cederet. Utrunque non minus quidem de Sueciæ Principe timebatur. Quod enim non minoribus fere locorum intervallis junctus esset, eo magis mora ejus, si quæ intercederet homines terrebat, quod maritimo itidem itinere, cujus venti ac tempestates, magna ex parte arbitri essent, transendum illi esset, quod vero unicus filius esset, Regnique paterni certus jam successor destinatus, & adversarij facile partim minis, partim conditionibus rerum cum posse maxime fidebant, & Zamoscius cæterisque qui ei favebant, non parum metuebant.

Jam

Jam ante enim, & ante electionem de matrimonio inter Maximilianum & filiam virginem Sueci Principis sororem conciliando, perq; matrimonium id, non minus ab avertendo à regno Principe, quam Maximiliano confirmando neque Sueco neque Regina Matertera ipsa abnuente, actum aliquid fuisse rumor increbuerat. Tum vero, ut & susciperet regnum, & in tempore veniret, præsidium tamen è Regno, neque viris, neque opibus, valde florente, quid magnopere expectari posse? quæ cum à Zamoscio agitata, qui mos illius erat nunquam de graviore re respondendi nisi noctem interposuisset deliberarentur si conditionem eam reciperet, fecerunt. Itaque conditionem quamvis indignam, in ipso tamen discrimine, consiliorum capiendorum oblata, plane respuendam statuerat, interim de conditionibus concordie convenire prius oportere.

Multipliciter ea, quemadmodum ante ostensum est, primum è Conventu Varlaviense proximo, tum Saffraniecio, & Fierleo tractata, inde vero à legatis Austriacis tentata, ab omnibus autem partim desperata, partim deserta, ad extremum à Nicolao Casimirsco suscepta fuerat. Hic sive à Zboroviis, quorum alias sectam sequi putabatur, ipsis etiam de exitu rerum dubitantibus subjectus, sive studio reipublicæ dissensionibus illis perturbatissimæ, actione de concordia resuscitata ad Joannem Thomam Drojevium Præfectum Przemishensem necessarium Zamoscij, & in iisdem cum eo castris versantem se contulerat; utque pro ea autoritate, qua apud Zamoscium esset, ad æquas conditiones concordie cum Zboroviis illo adducto, tantis turbis dissensionum rempublicam liberaret, petierat. Re à Drojevio suscepta, postea per aliquot dies ultro citroque actum de ea fuerat: cumque utriusque partis animis à concordia tum, ut videbatur non alienis, de cæteris fere conditionibus convenisset, in illis quæ de supplicio Samuelis ferebantur, ad extremum hæsitatum fuit.

Volebant Zborovij, & iis saltem conditionibus, quibus cuicumque nobili fortuito non ex composito cedes oblata sui soleret, lueretur: neque vero omnibus: multam pecuniariam suæ ipsius dignitatis causa remittebant: deprecationem & carcerem, temporis alicujus exigebant: ad extremum carcerem etiam, modo verbis suscipere-tur, deprecationi communium amicorum condonabant.

Zamoscio utrumque indignum: omnium vero indignissimum in re quæ juris publici tuendi causa secundum leges publicas administrata à se esset, ullam suam culpam

agnoscere videri multo; vero magis juri publico tantum in se derogari pati. Itaque iis etiam conditionibus suspensis, cum aliquot diebus post, ad exitum jam summa rerum inclinante, à Legatis quemadmodum ostensum est, ipsis iterum res tentata fuisset, ita res suscepta fuit, ut secundum Casimirsianas condiciones; quæ tanquam ultimæ maxime pertractatæ essent, remis-sis à domo Zboroviis, quæ contra dignitatem Zamoscij postulata ab ea fuerant, res perficeretur.

Cum exemplum conditionum earum à Zboroviis acceptum Legati tradidissent, spemque si de Maximiliano conveniret, cætera quæ in conditionibus à Zamoscio desiderarentur, non difficulter à Zboroviis remissum iri facerent, iterum diem ad deliberandum sumpsit. Ita res tractabatur, ut si & de rege & conditionibus concordie inter eos convenisset, fide prius à Zamoscio data electioni Maximiliani non contraven-turum. Compositio Ordinibus universis proposita, publica etiam autoritate firmaretur: qua re transacta Zamoscius discederet: Zborovij cum iis qui eorundem partium & sententia essent, Maximilianum solum Regem eligerent.

Dum deliberat, cum ad Reginam, tum Sueticos Legatos, tum maxime Transilvanicos pro ea necessitudine, quæ cum domo Battorea ei intercederet, omnibus de rebus denuo refert; quæ vis quæque ex ea pericula imminerent, Regina Suecisque ostendit: quid sibi cui totum onus sustinendum esset, & ad regnum, dum Rex electus veniret, & deinde ad ipsum Regem contra externam vim tutandum, præsidij ab illis expectandum esset inquirat. Transilvanis cum pericula eadem, tum quæ ab Austriacis ad Transilvaniam etiam atque ipsos Battoreos pertinentia proponerentur. Proponebantur autem amplissimæ nonnullæ conditiones, demonstrat.

Regina jam ante centum millia præsentis pecuniæ in subsidium reipublicæ, si fororis filius eligeretur, detulerat: in eadem summa perstabat. A Suecis parum præsidij ostendebatur: quadraginta nihilominus millia Gedani fide sua conquistata, quam primum subsidio missuros promiserunt; quæ tamen ne ipsa quidem præstita postea fuerunt.

Transilvani ita ab Austriaco abhorrebant, ut neque periculo neque conditionibus ullis moverentur: Seu majoris periculi Turcici metu; quod vel maxime terreri, & terrere videbantur: Sive æmulatione rerum Ungaricarum: Seu etiam ab



Austriacorum potentia Transilvanicis rebus metuentes.

Dum hæc per paucos aliquot dies ultro citroque aguntur, conventus Zamoscianus frequentissimus jam esse: Præter enim Episcopos maxime quidem Przemisliensium eundemque regni Vicecancellarium, Albertum Baranovium, nominatum tum Kamenecensem Laurentium Goslicium Palatini quoque Cracoviensis, atque alij complures, tum maxime Masovitici, etiam ipsius Masoviarum Palatinus Stanislaus Kriscius, partim contumeliis, quemadmodum supra ostensum est, verborum ac ferocia Zborovianorum alienati, partim à Regina conciliati, tum Castellanos, qui proximum à Palatinis in Senatu locum obtinent, præfectorum vero ac reliquarum nobilitatis magnus numerus convenerat: Accedebant magistratus, uno Zborovio Marchalco curiarum excepto, omnes majorum præterea Civitatum Prussiarum, & Livoniarum nobilitatis legati; quorum illarum, si Suecus eligeretur, cum per Prussiam veniendum ei esset seu ad impediendum sive ad acceptandum non parum momenti habere videbantur. Sententiis ab iis per continuos dies de Rege dictis, ad Suecum omnino jam res inclinare videbatur; quæ cujusque sententia nihilominus fuisset, quidque apud se actum esset, ne alij separasse illos consilia sua ab illis queri possent, prout quoque die quidque actum esset, ad priorem etiam conventum, in quo soli Gorkanus, & Zborovij cum cognatis fere tantum ac familiaribus suis, paucis ex reliqua nobilitate subsisterant, referebant. Iisdemque de rebus illorum etiam sententiam per interpretes requirebant. Verum partim extracti ab illis, partim nihil extra suum conventum, & locum semel publica auctoritate ad electionem destinatum, agi posse dicentibus, aut contempti, aut nullo cum responso dimittebantur. Quo magis res inclinati videbatur, eo majori studio Ferdinandi & Maximiliani legati responsum ad conditiones à se propositas urgebant, nihilque vel temporis vel diligentiarum prætermittabant, quod dum in utramque partem fluctuarent, dubium animum eo magis impellerent.

Cum Zamoscius sive Maximilianus Rex eligeretur, sive Sueciarum Principe electo, non satis virium contra Maximilianum habiturus esset, ancipiti in periculo, rem publicam futuram judicaret, ideoque omnia prius circumspicienda, & tentanda ratus, subinde causa aliqua interposita, responsum extrahit. Jam in eam opinionem venerant, ut temporis tantum eximendi illis causa simulari, à Zamoscio de liberationem existimarent; at illum impendentia undique pericula, præsidiorum autem, quæ contra ea imponerentur, exiguitas, non tam simulare aliquid, quam vere dubitare cogebat. Prædie quam ad electionem Principis Sueciarum accederetur, responsumque legati Austriaci maxime urgerent, cum ex comi-

tio paululum secessisset, legatis Suecicis ad se accersitis, Petrum Tilicium iterum ad Reginam mittit, de periculis quæ imminerent, de præsidii defendendi Regni, maxime si electus Rex tardaret, eadem fere quæ ante inculcat. Regina cum minus etiam liberaliter, quam ante respondisset, ad summam centum millium, ante jam à se oblatam, nihil omnino addebat, ex qua tamen ipsa pecunia, cum Marchalco Opalenio tanquam majoris Poloniarum præfecto, ad tutandam Posnaniam majoremque Poloniam contra vim adversariorum: Archiepiscopi etiam Gnesnensis præsidium, in militem aliquem scribendum, Christophoro itidem Niscio in reginarum præsidio futuro, major fere pars destinata jam erat. Et si omnium fere sententia in Sueciarum Principem jam convenissent, responso tamen hoc Reginarum territus, cum ne legati quidem ipsi quicquam amplius præsidij ostenderent, dubius ipse, non minus dubios legatos à se dimittebat.

Cum enim maxime adhuc fluctuaret, sub noctem Conventu soluto, cum legatis Transilvanicis, cum quibus per interpretem antea etiam ijs de rebus communicarat, in campo non procul à castris ipse congressus, ab iisque cum sua sponte ab Austriaco, quemadmodum ostensum est abhorreteret, neque nisi ultima necessitate coactus, ad accipiendum eum adduci posset, tum eo magis etiam aversus fuit.

Maxime autem Archiepiscopi Gnesnensis festinatio rem impulit. Hic sive à Gorkano & à Zborovianis sibi metuens, qui contra datam fidem desertos se ab eo illum accusabant. Sive hominum consensu, priusquam re aliqua objecta mutaretur, utendum ratus, eadem nocte ante lucem, cum ad Zamoscium, tum Marchalcum Regni Opalenium ultro ipse venit: quid in tanto omnium fere ordinum consensu cunctarentur, rogat: se ad nominandum Regem paratum ostendit. Cum neque tempus, neque hominem dimittendum existimarent, jaci aleam placuit; remque semel statutam, non majore animo suscipit, quam per continua postea pericula executus fuit. Legatis Ferdinandi & Maximiliani summo mane per Reinoldum Heidensteinium conditiones renuntiat: ipse copias omnes suas armatas extra castra eductas, ut præsidio Regem eligentibus essent, sub ipsis castris instruit: Idem Opalenius & Thesaurarius, qui quemadmodum ostensum est, in propinquo castra habebant, faciunt. Dies is erat decimus nonus Augusti, quo hæc mane agebantur. Sub idem simul tempus, cum Senatus etiam, tum reliqua nobilitas, eo quo ante solebat in loco à Zborovianis segregato, frequentissima convenit. Præter eos enim, qui ante conventum eum frequentare solebant, tum Archiepiscopus etiam ipse, in eun-

in eundem conventum venit, ac reliquos etiam omnes Episcopos, qui tum ibi erant, uno Jacobo Voronecio nominato Kyovienſe excepto, secum duxit. Lithuani nihilominus omnes aberant; qui cum ultra Viſtulam per aliquot septimanas peculiaribus caſtris concilium suum habuiſſent, neque priusquam diſſenſiones pacatæ eſſent; cum Polonico Senatu congredi voluiſſent, poſtquam ſpes aliqua de poſtulatſis cuicunque cognoscendi oblata fuit, ac de Rege ſententiæ dici cœptæ fuiſſent, ipſi quoque quemadmodum oſtenſum eſt, concilium suum in hanc partem traduxerant. Separatim ab aliis congregientes, de futuro Rege ſententiæ ipſi quoque inter ſe exquirere cœperant.

Multitudo fere in Moſcum propendebat; ira tamen ut ſi de Moſco confici non poſſet, Sueciarum Principem maxime probarent. Primores in partes diſtincti erant. Radivilo Vilnenſe Palatino excepto, reliqui maxime quidem Cardinalis, & frater ejus Caſtellanus Trocenſis Austriaco ſtudebant: tertius frater Marchalcus moræ impatientia, quemadmodum & alij nonnulli, incerta ſententia diſceſſerant; reliqui proceres cum à Regina, tum à Zamoscio, dum in Polonico conventu ſententiæ de Rege dicerentur, partim occultis colloquiis, partim allegationibus ad Sigismundi Principis partes traducti erant, ſpeque injecta ad eas partes, reliquam etiam nobilitatem adduci poſſe, eligendo Principi Sueciarum, ſe quoque aſſuturos, ipſem fecerant. Igitur dum expectantur, cum mane conventum eſſet in meridiem res extracta fuit: expectatusque nihilominus adventus eorum fuiſſet; niſi ſimili Archiepiscopi motu, quo celerius omnium opinione conventum fuerat, electio etiam præcipitata fuiſſet. Miſſi ex conventu ad Lithuanos fuerant, qui publico nomine ad electionem eos invitarent, renunciarent in multitudine in eandem ſententiam concilianda, conditionibusque quibusdam tractandis adhuc occupatos, brevi tamen ad futuros ſpem facere. Cum Archiepiscopus non multum remotis, Gorkani Zboroviorum armatis copiis demonſtratis, me inquit, neque lorica, neque ullis armis munitum videtis, conſenſu veſtro adductus huc veni: neceſſariam operam meam reipublicæ exiſtimatis, ut utamini ea, tempus eſt. Cum Archiepiscopus trepidare viderent, cumque ſi tum omiſſa res eſſet, an poſtea tantam ejus facultatem habituri eſſent, dubitarent, ad electionem etiam abſentibus Lithuanis accedunt. Marchalcum conventus is, ad exquirendas ſententiæ, more aliorum conventuum, ab initio jam Paulum Orzechovium poſtillatorum tum Chelmenſem delegerat. Is an Sigismundum Principem Sueciarum, Regem Poloniarum, Magnumque Lithuaniarum Ducem eſſe jubere, cum interrogaret, toto conventu jubente Archiepiscopus autor factus, quod felix

faustumque eſſet, Regem Poloniarum, Magnum Ducem Lithuaniarum, ſub horam ejus diei primam pomeridianam pronuntiat. Re in alterum Conventum Zboroviorum mox nuntiata, partim avi timentibus, ſi Rege jam creato, ſeparata nihilominus conſilia de alio Rege creando haberent, partim etiam vi nominationem, ſine ſe factam ſeu ulciſci, ſeu opprimere cupientibus, tumultus ortus, non ulterius tamen progreſſus, quam ut utrinque, hi ad vota, pro more faciendâ, laudesque Deo reddendas: Zboroviani ad alia privatim conſilia capiendâ dilaberentur. Varij inde antemorum motus eſſe: Zamoscius, atque qui cum eo faciebant, ut re perfectâ lætari: ita cura ac ſollicitudine ob pericula ſupra demonſtrata, quæ nihilominus impendere videbantur, non omnino vacui eſſe Lithuani, quibus abſentibus creatus Rex fuerat, etiam ij qui ejusdem ſententiæ erant, ſe tamen non expectatis, ad electionem accellam eſſe, indigniſſime ferebant. Horum dolore ij qui Austriaco ex illis ſtudebant, non modo in eorum odium, qui Sueciarum Principem crearunt, ſed ad ſuum etiam ſtadium eo magis partem tegendum, partim aliis probandum abutebantur. Gorkanus ac Zborovij, quique alij illis addicti erant, vulgo tremere, neque inultum laturos, haud obſcure præ ſe ferre. Itaque re prius cum externis legatis communicata, altero mox die priore in loco ruſſum concilium habere. Satis conſtat, cum poſt ſeceſſionem in alterum conventum factam inclinati jam in Sueciarum Principem rem appareret, ad legatos Austriacos re à Gorkano & Zborovius delata, optionem illis datam fuiſſe, an ſi nunc Regnum pro Austriaco teneri non poſſet, diſſerri poſſet in aliud tempus electionem an à majore parte Sigismundo Principe nominato, Maximilianum nihilominus à ſe nominari mallent: inde vero ſi non nominatus eſſet, an ancipitem nominationem, certo accepturus, adque ad eam armis tuendam ſatis paratus inſtructusque eſſet, interrogatos. De mora electioni injicienda, comitusque prorogandis illorum ipſorum, à quibus conſulabantur, ut qui quid res poſceret, arbitrio permiſerunt. De ancipite electione accipiendâ, eademque deinde armis aſſerenda, non levis inter ipſos legatos contentio fuiſſe dicitur: cæteris plerisque neque Electionem dubiam accipiendam, multo minus vi aliquid agendum contentibus.

Ferdinandi vero ac Maximiliani Legatis, & accipientibus eam pro Maximiliano, & ad eandem armis tuendam, ſatis paratum fore profitentibus. Horum igitur ut videtur auctoritatem ſecuti, Sigismundo jam Rege creato, de alio nihilominus Rege creando, ſolenni quemadmodum oſteſum eſt, in loco conſilia habent. Jam ante eodem in concilio, Chriſtophorum etiam Zborovium decretis in eum Stephani Regis



Regis rescissis restituerant; de Samuelis vero cæde, ut jus diceretur, iidem constituerant: utque inter alias condiciones, in quas futurus Rex jureret, hæc quoque efferrentur. Contra ea qui in alio Conventu, non modo numero, sed ordine etiam, non pauci ex iis Superiores erant, nihil eorum ratum se habere scripto protestati fuerant: Verum cum non pluris protestationem, quam aliis omnibus in rebus auctoritatem eorum facerent, Christophorus concilijs illis non modo non intererat, verum quasi præerat. Plurimum tamen auctoritatis cum ad alios, tum ad ipsos Austriacos, secundum Gorkanum Cardinalis Radivilus & frater ejus Castellanus Trocensis, ut & Principis in Lithuania familiæ, & summis ipsi honoribus præditi, magna que apud omnes opinione afferebant. Cardinalem quemadmodum supra ostensum est, à nuntio Pontificio Archiepiscopo Neapolitano, domus Austriacæ studiosissimo ad novam Maximiliani Electionem instituendam, vel maxime adductum, secretis sermonibus ferebatur. Postquam & se & rem publicam iisdem dissensionibus, atque obstinatione præcipitare non desistere animadvertent, ad legatos ipsos Nicolaum Firleum Castellani eo tempore Ravenslem, tum alios quosdam ex Senatu, qui Sueciæ Principem elegerant mittunt: Si illos saltem periculo cum universæ Christianitatis, tum proprio eorum proposito, à posteriore nominatione, vel urgenda vel accipienda, detertere possent. Responsum fuit, quid alij acturi de nominatione essent, neque in potestate sua, neque pro jure id à quoquam fieret, cognitionis suæ esse: venisse eo se legatos gentium jure: eodem in violatos, quoad rationes, & negotia eorum ferrent mansuros se sperare: ad se quod attineret, ex præscriptis quæ à Principibus suis haberent, omnia gesturos. Satis apparebat, præsidio alterius partis fretos, non modo sperare secundam nominationem. Verum omni etiam studio procurare.

Dicebantur interim sententiæ de novo Rege in concilio Zborovianorum: Senatores in eo non plures, quinque erant. Jacobus Veronecius ex Episcopis Kyoviensis unus, neque is pleni juris, ut qui nominatus tantum, nondum sacram à summo Pontifice haberet: Secundum eum Palatinus Posnaniensis Gorkanus Zborovij fratres duo. Joannes Castellanus Gnesnensis & Andreas Regiæ Marschalcus: quintus sororis horum filius Martinus Ostrogogius Lwowius, Castellanus Camenensis. Ad hos Cardinalis Radivilus, & frater Castellanus Trocensis, accedebant, qui ultro citroque inter eos, & Lithuanos comminebant.

Ex nobilitate cum Christophorus Zborovius, jam tum ab illis restitutus, tum Zboroviorum propinqui aliqui, quique vel Gorkani, vel Zboroviorum familiaritate devincti erant: tum princeps Stanislaus Czarnkovius,

Caspar Dembinus, Nicolaus Jasloviecius præfectus Sniatinensis, Jordanes præfectus Sandeensis, de quo supra ostensum est. Præter hos aliquot alij hujusmodi erant, qui suis rebus per inertiam aut luxuriam amissis præsens pretium, tum ex conversione aliqua rerum, novas spes sequerentur. Verum vulgato jam per superiorum interregnum dissensiones secreto publico, à quacunque parte, quæ armis superior esse posset, Regem dici posse, quod dum hæc ratio Electionis manebit, maximorum periculorum & materies & causa erit, cum in armis & vi omnia parent, ne paucitatis quidem suæ conscientia, ab alio Rege dicendo absterri se patiebatur. Neque tamen vel in ea ipsa infrequentia satis inter eos convenire. Cum enim ex nobilitate præsertim non essent nulli, qui etsi auctoritatem ac partes Zborovianorum aliis in rebus sequerentur, ab Austriaco tamen abhorrent, quidam etiam qui indigenam omnibus aliis præferrent, non desuerunt, qui ad Christophorum Zborovium modo proscriptum & exulem, tum Regium nomen deferre non dubitarent. Illi ipsi ludibrium visum. Jam tertius autem dies agebatur, neque tamen ullus adhuc exitus reperiri, tandem vice-sima secunda Mensis Augusti post occasum jam Solis, tempore intra octavam & nonam horam medio, Cardinale ad Lithuanorum suffragia concilianda ne quicquam absente, cum vel mox finem tandem rei imponere illos cogeret, moram diutius non ferentes, post multas inter ipsos altercationes, per Woronecium nominatum Episcopum Kyoviensem, Maximilianum Archiducem Austriæ Regem renunciat, moxque altero die ad eundem Bernardinorum D. Francisci supplicatione electionis ejus causa facta à Cardinale, qui si expectaturus fuisset, ipse eum cum majoris auctoritatis electioni tribuendæ, tam usurpandi juris ejus pro Lithuanis, eoque ipso Lithuanos adjungendi causa pronunciaturus fuisse existimabatur, tum sacrum, celebratum: à Marschalco Regiæ Zborovio, ad aram denuo renunciatum fuit. Lithuani duobus fere solis Radivilis Cardinale & fratre ejus, Castellano Trocense exceptis, ceteri ita fere omnes dissenserunt, ut neutram electionem ratam se habere ostenderent; ut quarum hanc omnino improbarent, alteri quod non adhibiti ad eam essent indignarentur. Similes nonnulli à Polonis etiam reperiebantur, qui neutrales tum vulgo appellabantur: ex iis fere, qui cum Maximilianum vi à Zborovius introductum iri scirent, utramque electionem rejicendo & invidiam apud reliquam nobilitatem studio partium dissimulato vitarent, & si modestiorem tamen partem vel morarentur, vel impedirent.

Cæterum rebus ita utrinque administratis, quod proximum fuit, & diplomata electionis suarum, ab utraque parte parata, & de conditionibus cum legatis Principum designato-

rum

tum transactum; tum ad Principes ipsos accersendos legati designati fuerunt. Ab ea parte quæ Sueciæ Principem elegerat, paucis verbis decretum scriptum, quibus jus potius designato Principe deferretur, quam res ipsa, quomodo administrata esset narraretur; ne famæ quidem plus, & opinioni, quam veritati ipsi datum.

Cum enim propter eam, quæ supra demonstrata est, causam, Lithuani electioni non adfuissent, ne nomen quidem eorum præscriptum fuit. Quo inter alio argumenta electionis ejus infirmandæ, vel maximo postea adversarij usi fuerunt. Simul aliud scriptum paratum fuit, quo rationem electionis suæ, totiusque rei gestæ omnibus qui ab electione etiam abfuissent, reddita, cum Conventum universi regni in diem V. mensis Octobr. ad Visliciam indicunt: tum de quarta ut ad defendendum regnum, & prohibendum finibus Maximilianum Zamoscio tradatur: tum in omnem eventum si qua Major vis pareretur, militiam universis; quam generalem expeditionem vulgo vocant, sub notis poenis decernunt: aliaque nonnulla, quæ præsentis temporis ratio poscebat, constituunt. Studiose dum adversarij suum decretum edidissent, celatum fuit: ne tempore conventus futuri præcepto, vel interciperent eum, vel turbare aliqua ratione possent. Illi cum uno decreto electionis, omnia complexi fuissent, rem ipsam maxime, quomodo acta esset, ita narrarunt, ut ab omnibus fere qui Comitibus iis interfuissent, arguerentur. Conditiones utrinque cum legatis ex constitutæ fuerunt, quæ à cujusque partis legatis ultro oblatas supra ostensum est, maxime de Livoniæ parte, quæ sub Sueco est, Estonia nimirum controversia erat; vel maxime quosdam hujus rei spes moverat, & reliquam etiam nobilitatem maxime eo adjunctam iri constabat.

Adducti tandem legati, ut & ipsi eam promitterent, Regesque suos promissum ratum habituros, juramento confirmarent: & regina omnium bonorum suorum, quæ quocunque in loco haberet, pignore fidem suam, in conditionem eam interposuit. Cum morte patris regnum Sueciæ ad eum deveniret, ut necessitatibus quidem ejus deposcentibus in Sueciam ad tempus aliquod trajicere posset, non tamen aliter nisi ordinem Regni Poloniæ consensu cautum: in eundemque casum, ne ad consilia de rebus & negotiis Polonicis, ullos alios quam Polonos adhiberet: externos in Polonia circa se nullos omnino cujuscunque ordinis haberet: si quos paucos cubicularios necessario in Regnum secum adduxisset, illos stipendio ex suo ijs persoluto, quamprimum dimitteret: maxime vero honores, magistratus, beneficiaque cujuscunque generis, nulli unquam nisi indigenis ex præscripto legum publicarum conferret. Ea-

dem conditio Maximiliano quoque ab Austriacis præter alias condiciones, quæ supra demonstrata sunt, lata. In suas quique condiciones, utriusque legati jurarunt. Sueci de quibus supra ostensum est, Erii uterque Sparre & Brahe. Maximiliani nomine illius solus legatus Tiffenbachius. In Sueciam ad accersendum Regem Martinus Lesnovolscius, Castellanus Podlasiensis, jam ante ex priore itinere utrique Regi familiaris missus, Cum illo non pauci, alij qui initio Regni ad juvenis Principis benevolentiam aditum quærerent, trajecerunt.

Separatim Petrus Cieklinius Secretarius Regius à Zamoscio quoque missus, ad utrumque iridem Regem literas & mandata habebat. De sua opera quam in electione ei navasset paucis: ut quam ex aliis cognosci, quam à se prædicari mallet: memoriam grati animi in familiam Jagielloniam, maximeque Sigismundum Augustum, cujus beneficiis adolescentia potissimum ipsius ornata fuisset, pluribus testari: idem grati animi studium, ut Stephani quoque Regis, tam bene non magis de se quam universo Regno meriti familiæ præstare sibi liceret petere: Magna id partem in ipsorum Regum potestate fere, si beneficio suo quam maxime conjunctam sibi familiam Battoream esse vellent.

Adiplum vero Regem cum excipiendum, tum in condiciones juramento obligandum, Juramentoque accepto decretum electionis ei tradendum, utriusque ordinis primarij aliquot Gedanum missi, E Senatu Hieronymus Rozdrazovius Cujaviensis, Lucas Koscielecius Posnaniensis, Albertus Baranovius Premisliensis, Episcopi. Petrus de Potulice, Palatinus Kalisiensis. Nicolaus Firleus tum Ravenslem, Joannes Mnisek Radomienensis, Stanislaus Gostomscius Sochacoviensis, Castellani: ex equestri ordine, Paulus Orzechovius pocillator tum Chelmenis, qui idem Marschalcus à nobilitate creatus electioni Regis præfuerat, Paulus Uchanseus præfectus Drohicensis, alijque complures, à singulis fere Palatinatibus, singuli delecti. Ab Austriacis partibus Episcopus Kyoviensis Woronecius, Castellanus Gnesnensis Zborovius Alexander Prunscius præfectus Lucensis affinis Zboroviorum, & alij haud multi sane legati fuerunt, non modo tamen Principes, sed maxima etiam fere pars eorum qui cum elegissent. Reliquum erat, ut quemadmodum pet Archiepiscopum solennibus caerimoniis declaratus jam Rex Sigismundus erat, ita à militari etiam magistratu publice renunciaretur. Ea res seu jure, seu consuetudine superioribus interregnis recepta, ad Marschalcum pertinere vulgo putaretur. Opalenius seu quod partibus jam tum diffidebat, seu domum properaret, post conditiones cum legatis transactas, cum statim discessisset, in æctam quasi rem reliquerat. Ne in hac quoque



quoque parte aliquid deesset, Zamoscius ipse, jure jam olim recepto, quo absentium Marschalcorum vices & munera Cancellarij suppleant, subsidiis primum ante oppidum in omnes casus instructis, per infestos adversariorum diverforii vicos, non magno comitatu repente in oppidum profectus, in primaria æde, rogatus à Senatu ad majorem aram publice Regem renuntiat; perfecta quoque re propere in castra se recipit. Simili diligentia atque studio cætera quoque curata. Legati ad Cæsarem Joannis Bogus, Castellanus tum Zavihostensis Guiazdovius Abbas Mogilnensis missi, qui & de toto statu electionis eum edocerent, & ne spe privatorum aliquarum opum adjungendarum, publicam pacem turbari à suis pateretur, ab eo peterent. Eadem de re & literæ cum ad summum Pontificem, tum ad Electores Imperij Germanici, per Joannem Slirzetuscium Secretarium Regium datæ; quibus omnibus, cum cura perfectis, prior Zamoscius die 27. Mensis Augusti, instructa acie Varavia movit. Zborovij quique earum partium erant, liberius à plerisque agere, conviviisque indulgere putabantur quam rei magnitudo, præiensque cura postulerent: itaque aliquoties inter commensationes opprimi à Zamoscio potuisse: cumque Regia via per Tarcinum Varavia Cracoviam iret, summo diluculo in incautos imparatosque incidit; cum terrore alij discurrerent, ne publicam causam corrumpere, quemadmodum aliis occasionibus, ita tum quoque à viabilis abstinuit. Habebant ibi stativa sua, commensationibus autem pecunia omni absumpta tam sua quam ea, quam à legatis accepissent, ita eos jam deficere dicebatur, ut moram necessario ibi facerent; donec pecunia alia, vel aliunde conquesta, vel ut quidam spargebant, à quibusdam extorta, moverent. Ravæ pecunia quæ ex quarta ad octuaginta millium deposita erat, à Gostomscio Castellano Sochacoviense in cujus potestate & arx & pecunia erat, ut qui earundem partium esset, ex decreto de quo supra demonstratum est, sine controversia, Zamoscio ipso accipere eam nolente tradita fuit, quæ ipsa etiam aliquantum tum partes adjutæ, magna tamen ejus pars in limicaneum militem versa, cum non magis à Turcis Tartarisque, quam ab Austriacis metuendum tum Zamoscius existimaret. Cum unius diei itinere Cracovia abesset, nuntium de occupata à Christophoro Zborovio Vislicia. Postridie vero qui erat, octavus Septembris, Cracoviam jam ingressus, alterum etiam de abducto & capto ab altero fratre Andrea Zborovio Tarnovio Castellano Sendomiriense accepit. Desperata enim Cracovia, ut quæ & firmo præsidio, cum Palatini Cracoviensis Thencinij, tum Præfecti Zebrzydovij teneretur, & ad quam Zamoscius ipse, cum omnibus copiis suis recta iret, cum aliquem tamen locum tenendum sibi Zboroviani vi-

derent; in quo & ipsi interim dum Maximilianus veniret, ad tuendas colligendasque partes consisterent; & ex quo deinde profecti cum Maximiliano se conjungerent, nullus ad eam rem Vislicia opportunior illis visus. Præterquam enim, quod flumine & paludibus undique fere cincta, cum loci natura, tum munimento etiam pro captu loci, non immunita esset, tum ipsorum etiam Marschalci Zborovij possessionibus proxima Cracoviz autem duorum tantum dierum itinere imminebat. Quod vero eundem in locum universi regni conventus à Sigismundanis indictus esset, si eum tenuissent conventus, nobilitatis impedito, non leve & Sigismundanis præsidium consensum nobilitatis, & sibi inviam dempturos sperabant. Constituto igitur inter se qui ad accersendum Maximilianum legati erant, omnibus rebus posthabitis, & ipsi quam primum proficiscerentur, & Maximilianum ad accelerandum hortarentur. Gorkanus, in majorem Poloniam ad tuendas ibi partes, cæteri ut cuique commodum esset proficiscerentur. Andreas & Christophorus Zborovij Zamoscio jam profecto diversis iisque occultis fere ac nocturnis itineribus, consilio suo summa diligentia celato, consecuti eum fuerunt. Christophorus cum Visliciam, ut in summa publica securitate incustodiam, cum equitatu ac peditatu aliquo sub vesperam venisset, portis foroque, & aliis locis publicis repente occupatis, vocatis ad se magistratu claves portarum ad se deferri jubet. Injussu suo quenquam urbe egredi, gravi in non parentem poena denunciata vetat. Pertinet oppidum id ad Præfecturam novi oppidi Korczin, cui Nicolaus Firleius, Castellanus tum Biencensis præerat. Ad eum uno atque altero præter edictum Christophori, per incustodita loca, noctu clam elapsis Firleius per literas ad Zamoscium statim rem detulit. Eodem die quo Visliciam Christophorus occuparat, alter frater ejus Marschalcus Andreas Stobniciam pervenerat. Erat hic Stanislaus Tarnovius Castellanus Sendomiriensis, locique ejus præfectus, Senator cum illustri imprimis familia natus, tum summa familiaritate Zamoscio conjunctus. Veteres huic cum Andrea Zborovio inimicitia intercedebant. Collata Tarnovio à Stephano rege præfectura Stobnicens, quam fratris Zboroviorum Palatini Cracoviensis filius proxime tenuerat, eo invidia & diversarum partium studia non modo manebant, verum aucta etiam fuerant. Tarnovius cum Gedanum ad excipiendum & deducendum inde regem, ipse etiam proficisci constituisset, omnibus jam rebus, ad iter præparatis, cum uxore ac liberis sine ullo metu Stobnicia agebat. Zborovio in prætorium, nullo neque loci, neque operis munimento, tutum per vim mox irumpente, conversus nihilominus ad arma, cum unus ex familiaribus ipsius interfectus, aliquot vulnerati fuissent, tandem ploratu, ac lachry-

mis

mis uxoris filiarumque virginum victus, se dedidit, suppellex pecuniaque omnis direpta, ipse cum uxore ac filiabus Virginibus Visliciam à Christophoro jam occupatam, captivus abductus; quo deinde reliqui etiam fere, qui in minore Polonia earundem partium erant, maximam quidem partem propinqui Zboroviorum Stadnicus ac cæteri confluerere. Indignum omnibus facinus visum, non modo misericordia hominis, sed ipsius etiam rei atrocitate, violatam non modo publicam securitatem, quæ per interregna, duplicibus poenis: verum etiam domesticam, quæ vel sæverissimis legibus sancita esset: violatam in homine tam illustri sexu denique eo, qui vel sine ullis legibus, inter media arma, & hostes tutus esse soleat: fuisse dissensiones non minores superioribus etiam interregnis, minus capitalibus tamen odiis, & civiliter ab omnibus exercitas fuisse: hujusmodi facinus nunquam auditum. Quæ

omnibus frementibus, ex foedere tamen de pace per interregnum observanda perfectæ ejus ratio, quæ una reliqua erat, abdicato à Saffranecio, aliquanto ante Palatinatu Sendomiriense, sublata fuerat. Cum enim ex eodem foedere Palatinus hostem publicum eum declarare, nobilitateque ad arma convocata persequi deberet, nullo Palatino existente, qui in re, quæ periculo aliquo administranda esset, vicariam ejus operam subire vellet, multo minus aliquis existeret. Cum per aliquod tempus in custodia habitus fuisset. Saffranecij tum aliorum nonnullorum interventu certis conditionibus dimissus fuit. Conditiones hæ erant: Stobnicia Zborovio cedebat, injuriam sibi illatam ne jure nec vi, nec ulla ratione persequeretur: rerum quæ ablata essent repetitionem omnem remitteret. Fidem in hæc, quam ipsi voluerant acceperat.



Z

REIN.





# REINHOLDI HEIDEN- STEINII SECRETARII REGII

Rerum Polonicarum ab excessu Sigismundi  
Augusti

## LIBER IX.

**Z**amoscius quamprimum Cracoviam venisset, ante omnia Regem & Lesnovolscium de omni rerum statu certiores faciendos ratus, literas mox Cracovia ad utrumque dat; quo in statu res sint, ostendit. Cracoviam sedem & sacrarium cum regni, tum insigniorum regni, jam ante praesidiis partium constrictam, nunc in potestate etiam esse: cum ipsorum vero Cracoviensium, tum maxime universae nobilitatis, Zborovianis solis, quorum non multi sint exceptis ad dignitatem ejus propugnandam, omniaque pro ea subeunda summum consensum esse, summa celeritate venire matureretur monere: ipsius Stephani Regis cui succensus esset exemplo, neque ad Regnum dubium, & ad certam gloriam eum vocare.

Communi deinde cum Andrea Thencinio Palatino, Nicolao Zebrzydovio praefecto Cracoviense, nonnullisque Senatoribus & primariis ex nobilitate, quorum tum copia Cracoviae erat, consilio ad urbem ipsius, contra omnem insultum tuendae curam conversi, primum initio à clero facto, omnes deinceps, qui in honore aut magistratu aliquo essent, ad urbem pro cujusquam virili contra quosvis & cujusunque generis hostes, electo Poloniae Regi Sigismundo, conservandam defendendamque jurati prius, ipsi juramento adigunt; Scriptoque foederis loco inter se sanciunt. Inde ex omnibus Ordinibus, qui urbis custodiarum commeatuum importandorum, munitionum instaurandarum, tormentorum, apparatusque bellici, ceterorumque rerum ad propugnationem necessariorum curam habeant, deligunt.

Praeter eos commune concilium constitutum eorum, qui omnibus hisce de rebus universi consulerent, simul literae ad Vratislaviensem Episcopum, tanquam supremum Silesiae Praefectum datae, ne contra antiquissima foedera & in Regnum vis aliqua fieret, &

Ordinibus etiam eandem, vi & armis rursus non propulsandam modo, verum ulciscendam etiam necessitas aliqua afferretur provideret. Reliquum ferè tempus expectatione cum Maximiliani, de cujus apparatu quotidie nunciabatur, tum conventus Vislicien-sis, qui in diem quintam mensis Octobr. indictus erat, tum maxime ipsius Regis Sigismundi, de quo nihil omnino adhuc audiebatur, inter varios rumores transactum. De Sigismundo multorum cum admiratione per aliquot septimanas, altum silentium erat: neque enim ab ipso Rege, neque à legatis, neque de illis quicquam afferebatur. De Maximiliano & in ea vicinia, novi nuntii quoti die audiebantur. Hic postquam legati, de quibus supra ostensum est ad eum venissent, jamento in conditiones à legato suo acceptas, publice Olomuciae praestito, cum eo milite quem partim raptum scribere, partim ab ordinibus Moraviae ac Silesiae precario cogere, partim qua voluntarios contrahere poterat, non multo post adventum legatorum, iter ingressus fuerat. Nihil certius apud eos fuisse constat, quam Sueciae Regem tam charitate filij unici, quam metu potentiae Austriae, ac longinquitate itineris, totque aliorum casuum expectatione, quidvis potius, quam ut filium mitteret, facturum. Ad eam opinionem alia à legatis tradita eis fuerat, neque Zamoscium vel contpectum ejus laturum, sed fuga statim Poloniam deserturum: & quamprimum Poloniam ingressus esset, ad famam adventus ejus, nobilitatem omnem ad illum concurrerunt.

Cum & Sigismundanarum partium vires depressissent, & suas inflatus praedicando, in immensum auxissent: maxime quidem Gorkani & Radivilorum nomina animos illis faciebant. Praeter eos vero, tota etiam Lithuania stare cum illis, jactabatur. Qua spe & à domo Maximilianus profectus esset, de Zamoscij autem in se voluntate ex superioribus actio-

actionibus ejus, parum spei relictum ei videri posset: neque contemnendum tamen fortassis ratus, quem Cracoviam obtinere sciret: & animos vinci posse, cum caetera vincantur, denuo illum aggreditur. Primo per Joannem Barsium Palatinidem Cracoviensem Zamoscij necessarium literas ad eum dat: dissimulatis omnibus, quae utrinque ad eum diem intercessissent, Cracoviam tantummodo ad insignia Regni sibi delati accipienda, se venire significat, cumque de Zamoscij etiam in se officio non dubitet, eam tamen voluntatem, quam de illo sibi polliceatur, & literis etiam declarare, sibi velit postulat. A Zamoscio ad literas non inhumanas humane responsum: Quid & quomodo quodque actum esset, non ignorare cum arbitrari, pro eo studio quod erga dignitatem ejus habeat, ne properanter quicquam agat, maxime autem Vislicien-sis conventus, qui jam tum immineret, judiciumque universae nobilitatis in eo expectaret, vehementer eum hortari. Haud multo postinde, Felicianum Herbersteinium plenioribus cum mandatis ad Zamoscium mittit: qui cum sub initium Octobr. in quod tempus Vislicien-sis Conventus indictus erat, missus esset, Zamoscio ad Conventum Visliciensem jam profecto, non priusquam inde rediisset, convenire Zamoscium potuit. Anceps sane cura proficiscentem Visliciam Zamoscium versabat. Vislicia enim armis Zboroviorum occupata, neque conventum, nisi abductis omnibus eo secum copiis tuto habitum ibi iri intelligebat, neque copias Maximiliano, in finibus jam versante, sine periculo esse, absente se Cracovia ne ab eo occuparetur, abducatum. Custodia nihilominus urbis, cum Zebrzydovio praefecto, tum delectis ante ad eam tradita, ipse cum omnibus copiis, die tertia mensis Octobr. Visliciam versus, eodemque itinere & Palatinus Cracoviensis, cum suis copiis profectus. Cum quemadmodum ostensum est, de adventu Sigismundi, ne fama quidem quicquam cognitum esset. Postridie quam Cracovia movisset, Procopius Oborscius Prosoviciam ad eum venit. Hic postquam regnum accipiendum constitutum jam à Regibus, fuisset, ex Suecia praemissus, summo omnium gaudio exceptus, nihil aliud tamen, quam certo venturum Regem attulit: quo nuntio omnibus tamen maxime confirmatis, eo deliberatione animo ad conventum itum est. Zamoscius cum eo die Scarmiriam progressus fuisset, prima vigilia noctis profectus, per totamque noctem continente itinere facto, sub ipsum crepusculum, cum omnibus copiis repente, atque improvisus, quemadmodum voluerat, adversariis advenit: moxque locis omnibus opportunis, ad quae portae oppidi pertinerent, praesidio occupato, intra oppidum eos continuit. Quod quemadmodum ante ostensum est, palustris loco oppidum situm, ab ea parte qua Scarmiria aditus ad illam est, satis longo ponte cum continente conjungitur.

Ad cuius finem ne à Zamoscianis occuparetur, cum aliquot pedites procurrissent, immixtus à Zamoscio in eos Garuna Gallus cum Germanis ac Scotis aliquot peditibus, uno atque altero ex adversariis interfecto, reliquos ultra pontem compulit. Insulam deinde quam medius quasi pons amplectitur, tormento uno atque altero minore cum occupassent, continentibus jaculationibus, cum pontem turari incipiunt: tum versus castra etiam Zamoscij nullo operae pretio jaculabantur. Jam ante vero frumentum ex agris in oppidum importarunt, tecta pro more loci lignea, aut straminea, aut dejecerunt, aut terra exaequarunt, maxime autem turrim templi altissimam tecto dejecto, terraque repletam, quod ex ea in omnes partes & prospectus, & ictus paterent, majoribus tormentis aliquot in ea constitutis occuparunt: refectionisque muris seu expletis terra, qui vetustate vitium fecerant, munitionibusque novis adjectis, in omnes calus obsidionis se comparant. Cum repente quemadmodum ostensum est Zamoscius advenisset, adventu ejus aliquot eorum, qui extra oppidum tanquam in aestiva per vicinas vigilias distributi, aut alia de causa morati fuerant, oppressi, magnam tamen partem, aut dilapsi postea, aut dimissi fuerunt. Cumque contra omnes ab oppido exitus stationes, à Zamoscio dispositae fuissent, & illi postea oppida se continere: & Zamoscius qui Maximiliano Cracoviae jam imminente tempore ab oppugnatione excluderetur, conventui agendo securitatem praestaret, satis habuit. Conveniant ex omnium fere Palatinatum Conventibus, qui in suis quique Palatinatibus more recepto, ante universum conventum haberi volebant legati, praeter eos vero & ex Senatorio ordine non pauci, & ex vicina nobilitate magna frequentia. Ipso Conventus die, qui quemadmodum demonstratum est, V. mensis Octobr. praefinitus fuerat, nihil actum; Postridie de loco constitutum, Conventus ipse sequentem in diem dilatus, locus sub ipso fere oppido tumultus quidam lectus; flumine tamen & stagno ab oppido discretus. Praesse conventui Julius, consuetudine sane accepta, loci praefectus Nicolaus Firleus Castellanus tum Biecen-sis, & prudentia, & ingenio, & auctoritate, facile tum inter summos. Postero die cum conventum fuisset, Tarnovij Castellani Sendomiriensis, qui quemadmodum supra ostensum est, dimissus interim à Zborovius fuerat, omnes misericordia & gratulatione in se convertentes adventu. Jurgio deinde Zamoscij cum Casimirscio, qui obrentu reipublicae Zboroviorum causam agebat, extremum familiaris cujusdam Zboroviorum interventu, partim solutus, partim turbatus fuit. Cum enim istius potissimum ductu & consilio Zborovio se proditum Tarnovius ostendisset, multis in eum irruentibus, nonnullis tamen cum protegentibus exceptus fuit. Altero demum die



qui octavus erat Octobr. de republica constitutum.

Electio Principis Sueciæ Sigismundi, ab omnium conventuum Legatis, reliquaque omni nobilitate, quæ conventui intererat, unanimi omnium voce comprobata. Altera Maximiliani abrogata: qui ex indigenis regni secuti eum fuissent, hostes iudicati, Legati qui consensum atque auctoritatem ordinum ad eum deferrent, finibusq; excedere jubere, Joannes Tarlo Palatinus Lublinensis, Stanislaus Bikowsky Castellanus Konarsienfis, Adamus Goraiscius decreti: Simul contra vim parant, nobilitas universa sub legitima pena publicationis bonorum ad arma vocata, Coronationi Sigismundi Regis dies 27. Mensis Novemb. præstitutus, utque jam ad inaugurationem eam obeundam, deque republica interim consultandum, qui ex conventibus legati essent, Cracoviam recta contenderent, constitutum. Multum ad ea constituenda Firlei, qui conventui ei Marschalculus præerat, dexteritas valuit, vel maxime tamen Zamoscij oratio omnes movit. Qui cum de artibus adversariorum, quibus ad opprimendam rempublicam hæcenus usi fuissent, de sua in rempublicam fide ab initio commemorasset, non existimare eos debere ait, quod maxime ab adversariis simularetur, se potissimum ab illis peti: quamvis eæ ipsæ inimicitia, nullam privatam ob causam, sed ob republ. potissimum susceptæ inter eos fuissent: Sed tamen ne iis ipsis quidem se potissimum peti arbitrari quenkam debere: republ. peti: quod ad se pertineret, jam dudum inter nos convenire potuisse, si de Rege convenire potuisset: non semel eam conditionem sibi latam, ut si in Maximilianum consentire vellet, omni ab illis molestia liberaretur: & nunc ea conditione posse, si republica deserta in potentis domini jugum tradere eam vellet: Sed neque ita de se patriam meritam esse: neque sibi in patriam fide quicquam antiquum fuisse, posse se dicere, quibus allegationibus, quantis promissis, quibus terculamentis, postquam promissa nihil valuerint, constantia sua oppugnata fuerit: Sed qui etiam sanguinem ac vitam patriæ se debere sciret, neque ullam rem publicæ libertati unquam prætulisse, neque à republica defendenda minis ullis deterri se passum. Postquam apud se nihil profecissent, ad omnia alia se convertissent, per quæ & se, & republ. universam externo domino in servitutem traderent: cum omnium consensu destituerentur, vim atq; arma publicæ patriæ inferre, tanta dementia: ut pro cuius libertate, mori quilibet bene natus deberet, eam ut in servitutem traderent, ipsi pericula omnia adire non dubitarent: ne sacris quidem abstinuissent: utque per fas ac nefas, eum cui ipsi prius se addixissent, dominium patriæ imponere possent, vel ad sanctissima sacramenta

profananda, ipsius summi Pontificis legati opera abuti non dubitasse. Simulq; à nuntio Pontificio, quosdam ad Austriaci nominationem sanctissimo corporis sacramento obstrictos, non sine invidia aliqua Annibalis de Capua, nuntij tum Apostolici narrabat. In tantis & publicis & privatis difficultatibus, cum tam gravis hostis immineret, neq; ulla pecunia, qua non modo novus exercitus scribi, verum vetus etiam ali posset, parato esset, unicum præsidium tributum relictum videbatur; ne tamen mentio ejus à causa ipsa quosdam alienaret, aut cunctantiores saltem efficeret, aperte postulare id ausus non fuit: necessitatibus reipubl. commemorandus, quod postulare non audebat, ut sponte cuiq; in mentem veniret, efficere conabatur: quæ pericula igitur reipubl. imminerent, ad extremum ostendebat: contra quæ neq; exiguo milite reipubl. defendi: neq; miles sine maxima pecunia ali posset; quanto cum sumptu, atque impensa, cum per omne tempus electiones, tum postea in eum usque diem adversarios sustinuisset, commemorabat: quantum à Regina, quantum ex quarta subsidio reipubl. accepisset, quo non modo omnis jam fere pecunia ea fluxisset, verum de suo etiam quantum insumpisset, demonstrabat, quodcumq; reliquum etiam sibi esset, libenter reipublicæ impensurum: nullam enim in rem quam publice præclarior impendi posse: an privatis opibus rempublicam defendere posset, dubitare. Itaque reipubl. ipsa, ne sub tanto onere succumberet, viderent: ad se quot attineret, se omniaq; sua reipubl. fore neque facultates tantum suas omnes, sed vitam pro patria profunderi paratum esse. Uxorem & filiolam unicam se habere, eas si quid sibi accidisset, quemadmodum obsides suæ in se fidei reipubl. haberet, ita in omnem eventum illi potissimum commendare: Satis eas opulentas fore, si nominis sui memoria civium suorum caritatem ac benevolentiam conciliatura illis esset. Movit omnes oratio: de tributo tamen tacita appellatio, non minus tacitis omnium fere vocibus dissimulata fuit, seu quod non diuturni temporis denuntiationem fore judicabant, seu quod à Rege ipso, qui electus esset, proq; cuius dignitate simul dimicaretur, auxilium etiam maxime reipubl. ferri æquum censerent. Missus fuerat ad eum conventum à Maximiliano Choinscius; neq; admissus, neq; auditus fuit.

Ab altera etiam parte, dum in omnium frequentissimo conventu, ea quæ supra demonstrata sunt, decernuntur, Casimirscius, ut quasi oppressa libertate exclusus invidiam Zamoscio faceret, paucis aliquot congregatis, non magis in Zamoscium quam omnes alio loco non multum tamen remoto concionabatur.

Invidiam apud reliquam nobilitatem detestandæ causæ, ne Maximilianum probare vi-

dere-

deretur, quod tantundem erat, utramque electionem abrogabat. Cum enim Maximilianus armatus, jam in regnum ingressus esset, neq; retineri se passurum satis constaret, non tam hic rejici, quam alter ab auxilio ferendo si fieri posset, removeri videbatur, hominis sine ulla auctoritate ad paucissimos concionantis magis visa quam refutata concio fuit. Conventu jam soluto, iisque de quibus ostensum est, rebus decretis, certi jam nuntij de adventu in portum Gedanensem Sigismundi Principis allati, animos hominum expectatione ejus vel maxime hæcenus suspensos, in meliorem rerum spem erigere ceperunt. Cracoviam Zamoscus Vislicia reversus, à Feliciano Herbersteinio Legato Maximiliani Conventus fuit. Hic spe aliqua conditionibus in partes Zamoscij traducendi, & quemadmodum ipse præ se ferebat, de industria Zborovius celatis à Maximiliano missus Zamoscium quidem adiit: cum autem Principem Sueciæ Gedanum jam appulisse certo accepisset, conditiones ne exposuit quidem: sive frustra eum se tentaturum seu ne tentandam quidem fidem ejus, quam semel alteri addixisset, ratus.

Cum autem copiis Vislicia abductis, Zborovius qui Vislicia aderant, cum Maximiliano fines jam ingreſso, quamprimum se conjuncturos cognitum haberet, eodem die, quo Herbersteinium audierat, turmis aliquot equitum, & expeditissimo quoq; pedite assumpto, si excipere forte eos posset, in vias, quæ Vislicia Olkussiam ducebant, se objicit, exploratores vero in omnes etiam partes dimittit. Verum Zborovij quidem longo ambitu facto, virabundi ad Maximilianum pervenerunt: Literæ autem pridie ab Andrea Zborovio ad fratrem Joannem Castellanum Gnesnensem, de conventu ad Visliciam habito interceptæ fuerunt. Quibus cum inter cætera, ut legatos à Conventu ad Maximilianum missos detinendos curaret, hortatus eum fuisset, Zamoscus summa celeritate Cracoviam, ut ibidem Herbersteinus, qui jam ante dimissus ab eo fuerat, in suum reditum retineretur, mandat. Maximilianus interim eum & regnum, & conditiones regni per legatos ad se delatas Olomucæ accepisset, juramentumq; in easdem præstitisset, persuasus à Legatis, parum celeritate omnia se consecuturum, partim ne in ipso Regno ab iis quibus stipendia legati ejus deciperant, paratum exercitum se reperturum ratus, quas subito cogere potuerat copiis, fines quemadmodum ostensum est, ingressus fuerat. Equitum etiam Germanicorum, & eorum quidem magna ex parte voluntariorum, ut qui à Provinciis Austriæ, Moraviæ, & Silesiæ honoris ipsius causa, trimestribus plerique stipendiis ad deducendum eum collati ei fuerant duo circiter millia. Peditum ad quatuor millia adduxerat.

Ad eas copias Vislicianæ deinde Zboroviorum mille itidem ac quingenti: ac paulo post Jaslovicij præfecti Sniatinensis cum peditatus, tum equitatus aliquis accessit. Bithonia quod extremum in finibus Silesiæ, Georgij Friderici Marchionis Brandenburgensis dirionis oppidum est, Olkussiam versus progressus, Rabstinum arcem dimidio circiter milliari Olkussio imminens, quæ Præsidio Gabrielis Holubkonis tenebatur, seu quod Cracoviam properaret, seu in primo Regni aditu à vi abstinentum ratus, intactam à tergo reliquit. Collocatus Holubek ad excubias in finibus Silesiæ agendas, adversariorumque conatus observandos ab initio fuerat.

Maximiliano postea cum exercitu ultrafines progresso, contra sententiam atque mandata Zamoscij, cum parva admodum manu, eorumque magna ex parte Velitum, minime adventantis exercitus impetum sustinere eum posse existimantis, ultro præsidio se incluserat: invitatusque ad deditionem à Maximiliano, cum ad ordines qui Cracoviæ conventi sunt omnem rem rejecisset, ut à quibus & præsidium fidei suæ commissum diceret, & qui si in potestate ejus futuri essent, una cum Regno præsidium quoque tradituri ei essent, nulla ei vis adhibita fuit. Cum ab excursione, quam contra Zborovios Vislicia proficiscentes, de qua supra ostensum est instituerat, Zamoscus redisset, Maximilianusque vix bidui itinere Cracovia abesse jam nunciaretur, de ratione defendendæ urbis, constitutum primo fuit. Dispersita Cracovia in tria quasi oppida est: Cracoviam ipsam: Casimiriam, & Clepardiam, è quibus Cracovia fere media versus Silesiam, & per Olkussiam unde Maximilianus cum exercitu accedebat, Clepardia præcincta est, ab ea parte, qua ad Carpati montis radices spectat, à Calimiria Vistula flumine dirimitur: ab omnibus autem fere partibus frequentia suburbia circumjecta habet. Cum triplex in concilio sententia diceretur, una quæ præter Cracoviam ipsam reliqua omnia suburbia & oppida incendenda, Cracoviam autem solam conservandam suaderet, altera quæ oppida quidem reliqua incendenda non censeret, cum subiecta autem oppida, tū Cracoviam ipsam milite omni in eam contracto, ex ipsa Cracovia defendendam: Vicitertia, qua Clepardiam quæ prima adversariis vim facturis objecta esset, quamprimum muniendam, pediteque omni in munitiones distributo: equite autem Clepardiam contracto, è munitionibus resistendum adversariis censebat.

Cum enim Casimiria Vistula flumine & à Cracovia quemadmodum ostensum est dirimeretur, & eadem Maximilianus ab ea parte arceret, partim non nisi partito exercitu, quod sine maximis copiis in tanto præ-

Z 3

terrim



tertium ambitu, fieri non posset, oppugnare eam posse videbatur, partem sive omni, sive parte aliqua exercitus tentare eam vellet, cum flumen tamen transeundum prius ei esset, mœnibus etiam Casimiræ cincta esset, neque sine magno molimento id tentare, neque ullo modo latere posse. Itaque si Clepardia quæ adventanti ei à Cracovia obiecta esset, defenderetur, reliqua satis tutata fore videbantur.

Præter hæc non nihil ad famam etiam pertinere visum, si è munitionibus potius in campo excitatis, quæ quasi intra mœnia compulsi, è muris defensio administraretur: ad militum vero animos, remque subito præsertim gerendam, vel maxime & utilius, & expeditius, ut in munitionibus potius miles haberetur, quam per popinas in urbe erraret. Sententia hæc accepta urbis ipsius mœniorumque atque excubiarum per muros exponendarum agendarumque Palatinus Andreas Thencinius cujus propria hæc jurisdictio in urbem erat: arcis & quæ ad arcem pertinerent locorum nonnullorum curam, præfectus arcis, Nicolaus Zebzidovius: Clepardiam muniendam propugnandamque Zamoscius sibi desumit: Casimiræ custodia Farenseccio ab eo commissa. Ita muniis dispersitis, Zamoscius imprimis vicinas villas, ne receptum adversariis præberent, tum suburbana quædam, quæ cum propter loci intervallum, munitionibus comprehendi non possent, ne officerent munitionibus verebatur, incendit; plebe autem suburbana fere omni contracta, opereque in peditem etiam descripto ad Clepardiam fossas munitionesque initio ab Alveariorum vico, qui à Clepardia ad arcem fere pertinet facta, versus Vistulam ac Casimiriam, ita ut omnem Clepardiam, & vicina suburbia, intra munitiones comprehenderet, agere instituit.

Tertio die postquam munitiones institui cœptæ fuissent, Legati interim quos ex conventu Vislicienſe ad Maximilianum missos fuisse supra ostendimus, & ab initio non tanquam publici ordinum, sed Zamoscij legati habiti acceptique: & postea sub custodibus in castra ad Cracoviam usque circumducti fuerant.

Itaque Herbersteinus quoque quintum jam diem, ex quo semel dimissus jam à Zamoscio fuerat, retinebatur. Cum in conspectum Cracoviz cum exercitu Maximilianus venisset, ea denique opera & legati ab eo repeti, & consensus ordinum, si quid ea res moveri illum posset, denunciari ei posse videretur, actum cum Herbersteinio fuit, ut sponſione interposita, nisi ut legari remitterentur, efficere apud Maximilianum posset, iterum se sisteret, ad Maximilianum ipse proficisceretur.

Conditione ab illo accepta, ad D. Mariæ cum Senatorum, qui tum Cracoviz erant, tum Legatorum nobilitatis; qui ex singulis Palatinatibus legati à Conventu Vislicienſe, ad inaugurandum pro more Sigismundum Cracoviam profecti fuerant, alia etiam multitudine circumfusa frequens Senatus publice datus ei fuit. Ibi cum consensum suum in deferendo & conservando Regno Sigismundo una voce publice testati essent: de vi autem quæ sibi inferretur questu, sponſionemque de qua ostensum est, publice præstitisset, honorifice dimissus fuit. Postridie Maximilianus instructo cum exercitu sub signis ad ipsas fere munitiones accessit: cumque ab altera parte ex urbe omnes etiam copiarum productæ fuissent, tanta mox ad conspectum adversariorum trepidatio propter militem eorum orta fuit; ut non pauci conversis equis urbem repeterent: alij qui nondum fugerant, fugam tamen, atque urbem plerique circumspicerebant. Ita ut si tum vel conflegendam, vel oppugnandam mox urbem Maximilianus statuisset, munitionibus propter ambitus magnitudinem maxima ex parte vix cœptis, multitudinis autem animis primo aspectu ejus perturbatis, præclaram occasionem rei gerendæ habiturum fuisse omnes judicarent.

Verum sine quod alias copias, quæ partim ex Silesia cum subsequi debebant, partim Polonicæ conventuræ ad eum dicebantur, expectandas statueret, seu quod postea apparuit, in legationibus ac conditionibus spem aliquam haberet, cum Exercitum sub signis ostendisset tantum, prælio non tentato eum reduxit, indeque Mogillam mox promovere castra cœpit. Monasterium id uno à Cracovia millari est, cum proventibus satis amplis, tum ædificiis non minus commodis instructum.

Quod enim vicinæ villæ in quibus constituerat, plæræque exultæ essent, ut aut maxima exercitus pars sub dio habenda ei esset, urbe autem minus facile, quam persuasum sibi fuisset, potiturum se videret, Mogillam circa quam aliquot villæ vicinæ essent, per quas castra haberi possent, primo impedimenta, deinde cum reliquo exercitu ipse se tranſtulit; indeque partim Legationibus mittendis, accipiendisque, Sigismundanos sollicitare, partim consilia belli agitare cœpit. Eodem fere tempore, quo Mogillam promovere castra Maximilianus cœpit, ducenti circiter equites, ab ordinibus Ducatum Cancellario præfecto, quadraginta à Sigfrido Promnicio, filio Henrico Anselmo, quinquaginta à Superiore Lusatiæ Gantero Gersdorffio, ab inferiore Lusatiæ quadraginta Joanne Schëbio præfectis, tum pedites nonnulli ab Episcopo Olomucenſe & Wratislavi-

ensibus,

ensibus, quemadmodum supra de aliis provinciis ostensum est, deducendi ad inaugurationem, cum aliquot dierum itinere Maximilianum cum exercitu antegressum subsequerentur, inter Rabsteinum & Olkuffium ab Holubkone præsidioque Rabsteinense, & opera Olkuffianorum prostabantur.

Quod enim de adversis studiis Sigismundanorum, Maximilianus Suffragatoribus studiose plæræque celantibus, plerique nihil aut parum inaudivissent: alij qui aliquid fortè cognovissent, cum præsertim Sigismundum Principem minime à Patre dimissum iri sibi persuasissent, Sigismundanas partes, iisdem etiam Maximilianus Suffragatoribus elevantibus fere contemnerent, & per Germaniam, maxime autem vicinas provincias pro certo Rege Maximiliano ab omnibus habebatur: & qui eum deducebant, etsi armati veniebant, animo tamen ac spe magis tanquam ad festivitatem aliquam inaugurationis, quam ad bellum proficiscebantur. Quomodo hi quoque sine ullo periculi metu, vestigia exercitus legerent, nihilque minus vererentur, quam ut exercitu socio, paulo ante progresso, & tum non multum à seremoto, in ejus quem Regem electum, & sine ulla difficultate acceptum iri statuebant ditione, hostile aliquid sibi accideret. Holubek ut in locis montanis, & contragrofis angustis quasdam, maxime ad eam rem opportunas nactus, in quibus & pauci pluribus facile resistere, & si minus succederet, sine negotio recipere se possent, cum iis quos in præsidio secum habebat equitibus quorum non ultra centum erant, iis se objicit.

Cum tanquam in re inexpectata à quibusvis sibi afferretur ignorantes magis stupere, quam ad arma se converterent, mox primo impetu inclinati fuerunt: inde à turba quæ metalla ibi exercent, quamprimum prælium ex vicinis montibus intenterat, clamore à tergo sublato, simulque in eos irruente, in effusam fugam præcipitantur, quæ præfecti quidem plærque & equitum nonnulli Bithoniam evaserunt: cæteri cæsi: nonnulli cum impedimentis, quæ omnia in potestatem venerunt capti.

Triduo postquam Herbersteinus, quemadmodum supra ostensum est, profectus fuisset, Tarlo Palatinus Lublinensis, qui princeps legationis ex Conventu Vislicienſe fuerat, solus remissus Cracoviam venit. Mandata eidem & literas cum ad ordines, qui ex Senatu & nobilitate Cracoviz erant, tum collegium Sacerdotum, Academiam & Urbanum magistratum separatim ad quosque Maximilianus dederat, quæ eo fere omnia pertinebant, ut benevolentia sua in unum quemque ordinem commemoranda, incommodisque dissensionis ejus, maxime autem

incendiis villarum & ædificiorum, quæ contra se excitata essent in invidiam vocandis, quo Regem legitime te electum, nolentes potius quamvis acciperent; persuaderet. Responsum eodem modo à singulis ordinibus, in eandem tamen fere sententiam, separatim ei fuit.

Jure enim Principis Sigismundi, & fide, quam semel ei addixissent, demonstratis, ne vel libertati vel fidei suæ, vim aliquam afferret, communiter ab omnibus postulatam. Responsa per præconem publicum missa fuerunt. Sub idem tamen fere tempus, cæteri etiam legati, qui ex conventu Vislicienſe missi, in hunc usque diem, retenti fuerant, & simul cum iisdem Herbersteinus legatus Maximilianus redijt.

Hic cum priusquam publice Legationem suam exponeret, ut privatim sibi Zamoscium convenire liceret postulasset, Zamoscio suspicionem vitante, se autem cum primoribus communicata, Reinoldo Heidensteinio ad illum missio, per eum Herbersteinus illi inde secreto nunciat, quod ab ordinibus cum dimitteretur, postulatam à se fuisset, ut pro sua parte operam daret, quo bono publico Christiano dissentio hæc tolleretur, Maximilianusque exercitum abduceret, id cum iis, qui eodem secum animo paci studerent, sedulo se fecisse, neque ullam spem ejus perficiendi habere: modo Principis dignitati omnia postponenti, honesta aliqua causa exercitus abducenti proponeretur: Id ita fieri posse se existimaret, si de recipiendo se per legatos nunc eos appellanti, ut exercitu prius extra fines abducto, si quid juris in Regnum habere existimaret, metu omni armorum remoto, de Regno & jure suo deinceps cum ordinibus ageret, ultro illi proponerent: exercitu enim per hujusmodi causam semel finibus abducto, reliqua omnia feliciora futura. Publice inde admissus, Principem suum cum legitime se electum existimasset, publicoque nomine ad accipiendum Regnum, per legatos invitatus esset, ita venisse ostendit, ut de Regno ita sibi delato, nullam omnino controversiam se habiturum existimaret, nunc cum præter opinionem ab iis, à quibus minime expectasset, non sine utriusque partis incommodo, & dignitate non admitteretur, ut ipsi rationem aliquam reperirent, qua vel manere, vel cum dignitate sua recipere se posset eos hortari.

Mandata hæc an ab ipso Maximiliano habuerit, an, pacis studio, aut futurorum periculorum cogitatione, ipse in eam sententiam inflexerit, illud dubium facit, quod cum & copiis & rebus omnibus integris, satis sibi datum tum adhuc Maximilianus sideret,



nihil minus quam de regno relinquendo eum cogitasse satis constat. Sigismundanis quidem non parum animorum ea res addidit. Maxime autem Zamolscius incumbere; ne si vellet quidem incolumi recederet, nunc permittendum. Caudinas Mogillam illi esse dicere, è qua ne quomodo reciperet se tuto, neque quomodo maneret, habere. Decernitur legatio, quæ spe de regno quicquam amplius agendi omni ei præcila, certam diem, intra quam cum exercitu finibus excederet, ei præscriberet: cumque ad singulos ordines ipse antea separatim literas dedisset, consensus omnium testandi causa, ex singulis ordinibus similiter ad ipsum legati lecti. Atque de legatis quidem ex Senatorio ordine quam repente, Joannes Miskovius, Castellanus Zarnoviensis, à Sacerdotum collegio, Joannes Krassincius Cantor Cracoviensis ab Academia quoque & Urbano magistratu aliqui missi fuerunt. Literæ vero de legatione hac Maximiliani passim per Regnum dimissæ, quibus desperato jam quasi Regno, magis de receptu quam regno eum cogitare prædicabatur.

Ad legationem Maximilianus per suos legatos responsurum se ostendit: quos literis fidei publicæ Sigismundanorum exemplo, per Fridericum Cirotinum, qui summus Germanicarum copiarum præfectus apud illum erat, prius acceptis, non multo post misit. Atque interim ab eo mox tempore, quo Mogillam versus Maximilianus progredi cœperat, quemadmodum & postea excursions quidem utrinque aliquæ fiebant, inter quas una ab Joanne Zamolscio Cancellarij agnato, equitum præfecto, qua pedites Stadniciani & Rosmani, quos in castello quodam Karskewa excipiendorum tabellariorum causa habebant, ducenti circiter noctu in taberna, oppressi fuerunt. Velitationes item satis frequentes, quotidie fere committebantur, quibus utrinque nonnunquam aliqui cadebant: aliaque quæ duobus exercitibus in propinquo castra facientibus fieri solent: oppugnatio autem iusta vel prælium nullum adhuc tentabatur. Nam & Sigismundani, cum & numero & genere militum, inferiores se esse viderent, si in adventum Sigismundi Cracoviam ei servarent, satis habebant, & Maximilianus præterquam quod indies plures conventuros existimaret, nonnullam in ipsam etiam Cracoviam per conditiones tandem adjungendam spem habere videbatur. Itaque Legationibus & scriptis, quibus de jure regni inter arma disceptabatur, utrinque mittendis maxima pars temporis terebatur, non tantum sui periculi causa, quam ne alea jacta, non tam se quam universum regnum in periculum adduceret: Rege autem solum Regium obtinente, satis temporis & ad injurias vindicandas, & cum hoste experiundi habiturum se ratus, quæ mora et si neutri parti

commoda erat, multo tamen plus Maximiliano incommodi afferebat. Cum enim non modo primus impetus ipsius rejectus fuisset, verum tamdiu frustra ad Cracoviam resideret, & Sigismundanis majores animi accedebant, & qui Maximiliano studebant, eo ipso quod primo conatu non vicissent, pro victis quasi se habebant.

Præterquam vero quod sub testis Sigismundanus miles versaretur, in summa etiam omnium rerum copia erat. Non modo enim multo ante comœatu undique convector, in eventum aliquem obsidionis se comparant. Verum quod ab una tantum parte Vistulæ castra Maximilianus haberet, altera ripa omnisque ager trans Vistulam qui ad Casimiriam ad montes pertinet, pacatus esset, cum libertime ex eo pabulabantur, tum nuntij atque auxilia, ex omnibus partibus tutissime ab ea parte comœabant. Maximiliani è contra exercitus urbem ex qua juvari posset, in potestate nullam habebat, ex Silesia etiam propter Rabsteinense præsidium, à quo viæ eo pertinentes infestabantur, eo præsertim de quo supra ostensum est, subsidio cæso, minus liberi comœatus erant: atque & si aliqua pars, per Vicinas Villas distributa fuerat, major tamen fere pars, maxime autem pedes, subsidio fere habebatur: & quemadmodum ex literarum, quæ frequentes tales cœptæ fuerunt, querelis animadverti potuit, in maxima necessariorum rerum penuria versabantur.

Quibus rebus per mens. præsertim Octob. ac Novembr. continuis pluvii, ac frigore eo affligentibus non modo corpora, ac iumenta verum animi etiam maxime debilitabantur: Fiebat ita ut quæ duæ res maximæ inter se contrariæ sunt, celeritas & mora, eæ plurimum utraq; ei nocerent. Cum enim maxima pars Electioni ejus refragaretur, eadem autem & sedem & insignia regni, atque omnia fere oppida ac præsidia in potestate haberet, cum voluntate ordinum obtinere Regnum non posset, propter celeritatem tamen, non ita ab exercitu ac milite instructus venerat, ut quod consensu habere non posset, vi obtineret: & postea dum legationibus ac conditionibus adjuncturum se id sperat, cum eum ipsum exercitum quem adduxerat, tum quas gerendæ rei occasiones habere potuisset, desidendo fere corrumpebat.

Tandem cum & Cracoviæ per conditiones potuendæ, spem nullam reliquam cerneret, & Sigismundum in cujus recusatione alteram spem habebant, Gedano jam progressum non multum Piotrkovia abesse nunciatum fuisset, si illum saltem vel in potestate habere, vel deterrere posset, agendum aliquid ratus, Erasmus Lichtensteinium, qui parti equitatus Germanici præerat, Christophorum Zboro-

Zborovium, ac Stanislaum Stadnicium, cum Polonico exercitu aliquo obviam ei mittit. Nuntio de electione Sigismundi in Sueciam primum perlato, Sueciæ Rex: qui ab initio ne ambiendum quidem pro filio regnum, nisi à Lesnovolscio inductus fuisset, statuerat, cum non modo Maximilianum etiam electum, inque duos principes distracta Comitia intellexisset, verum ab ipso etiam Maximiliano, nuntij literæque ad eum pervenissent, quibus ab accipiendò Regno eum absterrebat, nihil certius habere, quam nulla conditione in controversum regnum filium mittere. Idem Lesnovolscius, qui ab initio ut peteret id illi persuaserat, terrore injecto, ne rejecti ab eo ordines Polonici, cum Moscho, qui maxime gravis illi erat, in perniciem ejus se conjungerent, seu omnino potius in filij locum, si regnum ipse recusasset sufficerent, ut nihilominus eum mitteret, metu magis quam ratione eum adducit. Itaque viginti quidem & aliquot navium classe, consiliariisque nonnullis Sueticis, inter quos imprimis Erico Sparrio ViceCancellario, Erico Brahe, Comite Thurone Bielka, & aliis nonnullis ei attributis, Gedanum versus eum mittit: neque tamen eo, vel consilio, vel animo, ut vel acciperet Regnum, vel in Poloniam ulterius progrediretur: Sed cum Legatos Polonicos, qui Gedani eum expectabant, conditione de Estonia, mandatisque suis nullo modo discessuros sibi persuaderet, ea neganda, ita infici negotium posse sibi persuaderat, ut non tam studium ordinum ab ipso sperni, quam duriores conditiones se ab illo exigere existimaturi, nihilque quod ipsum accusarent habituri essent. Quo testius consilium esset, filiam etiam Annam sororem Regis electi, per speciem materteræ Reginæ invisendæ, cum illo mittit: ipsi mandat ne portum ingrederetur, sed in navibus Legatos se salutaturos admitteret, in iisdemque cum illis ageret, reque per conditionem eam, de qua supra ostensum est, infecta, se reciperet. Dimidio à Portu Gedanense milliari in ancoris subsistit. Lesnovolscius cum aliis, qui in Sueciam præcurrerant Polonis, in urbem mox venit: Legatis in navibus Regem eos accepturum nuntiat.

Petunt rediret ad eum, utque in Monasterio Olivense, quemadmodum ab ordinibus mandatum sibi fuerat, conveniendi sibi potestatem illis faceret, operam daret. Laborabat frustra: ut portum tamen ingrederetur, atque id ipsum favientibus jam per eos menses tempestatibus, ægre ei persuadet. Idque accepto ante à Gedanensibus comœatu, quo securitas liberque receptus ei cavebatur, nostris indignissimum quidem, à subiecta Civitate, potius quam à Re, qui Ordines Regni præsentarent, peti id censentibus, sed cum Sueci, maxime autem præfectus classis Flaminus, mandato Regis sui, alia conditione

portum ingredi integrum sibi non esse ostendissent, tempori id condonantibus.

Jam mox quidem tota res suspecta nostris esse, ne tamen parva rei causa, tanta res vel extraheretur, vel inficeretur, cum frustra omnia tentarentur, ut in navibus eum salutarerent, assentiuntur. Itaque die II. Mensis Octobris Petro Tilicio, qui de adventu illorum cum Rege constituerat, præmissio sub vesperam universi eum salutant. Verba faciebat Rozrazevius Episcopus Cujaviensis oratione Latina brevi Rex ipse respondit: Salutatione utrinque perfecta, cum mandata sua exponendi, tempus Rozdrzevius perisisset, in sequentem diem dilati fuere. Per continuum inde triduum, de conditionibus, seu una potius Estonia præter legatos consiliariosque Sueticos omnibus aliis arbitris remotis, frustra omnia legatis tentantibus, Regeque & Suecis nihil de re, quæ vivo patre in potestate sua non esset, promittere eum posse ostendentibus, præsentem periculo reipublicæ permoti, conditionem saltem, quoad Pater viveret remittunt: qua remissa cum honeste Rex Suecive recipere à negotio se non possent, tandem VII. mensis Octobr. die à legatis omnibus, aliisque nonnullis, cum Prussicis, tum Polonicis, etiam aliquot Senatoribus, atque ex nobilitate, qui ad Regij adventus famam confluerant, in Olivense Monasterium deducitur. Sacrum Rozrazevius faciebat, quo finito, Albertus Baranovius Episcopus Przemslensis, idemque ViceCancellarius, publice formulam juramenti Regi exhibet: qua accepta attestationem clara voce Latine Rex interponit. Conditione adjungendæ Estoniæ, ut quæ potestatis suæ non esset, nolle se obligare vel fidem, vel conscientiam suam: neque quod præstari à se posset, promittere. Baranovius econtra ipsum Regem testem invocabat, Legatos quod ad eam apud ipsum procurandam, aut urgendam pertineret, nihil prætermisum: utque ejus rei apud ordines suo tempore fidem sibi faceret, petere.

Ad aram inde majorem accessum: ad quam cum ingenua Rex procubisset, Rozrazevius, cum Ordinis ecclesiastici, tum Sæcularium etiam Catholicorum omnium nomine, contra caput, quod de pace religionis erat, attestationem ipse etiam interponit. Et Stanislaus Przyemscius nomine diversum sentientium, aliam paucis verbis opponit.

Inde Rex Rozrazevio in verba ei præeunte, in conditiones reliquas jurat. Mox hymni solennes decantati, à Joanne Dulscio Regni Thesaurario, absentiam Marschalcorum, juramentum à Rege ex formula præstitum, publice denuntiatum. Denuntiatio lætis circumjectæ concionis acclamationibus, votisque excepta.

Postri-



Postridie navibus urbem ingreditur, in qua sequente die Dominica, quæ undecima erat Octobr. ad aram maximam templi Dominici, decretum electionis publice ei traditum, iterumque publice renuntiatus fuit. Orationem, qua decretum ei tradebat ad eum habuit Latinam Albertus Baranovius, Episcopus Przemisliensis, idemque regni ViceCancellarius. Respondit ei nomine Regis Ericus Sparrus ViceCancellarius Sueticus, Gedani decem dies Rex commoratus fuit: Decima octava inde Octobr. per Mariæburgum Stumam Thoruniam, Piotrikoviam, recta movit; biduo antequam Gedano discederet, literas à Patre accepit, quibus ut sine ulla exceptione, in Sueciam rediret, eum hortatur. Quod iuramentum præstitum, jam tum ab eo esset, non integras Suecis visa: itaque nihilominus progressus fuit. Cum Mariæburgi, Thorunij, aliisque nonnullis in locis, vel singulos vel aliquot dies substitisset, Piotrikoviam mens. Novembr. pervenit. Habebat ipse Rex secum, Suecos pedites sclopetarios octingentos, equites octuaginta, qui cum Rege erant. Joannes Dulscius regni tum Thesaurarius, ducentos equites; pedites centum, publicis stipendiis constructos habebat: Stanislaus Przyemscius equites quinquaginta, Paulus Uchanfcus Præfectus Drohibicensis, pedites totidem. Præter quos Wejerus etiam Regiis stipendiis Germanicorum equitum aliquot turmas scripserat. Andreas Opalenius Marchalcus, ipse etiam aliquot centenos, cum præsidio majoris Poloniæ tum deducendo Rege, publico stipendio scripserat.

Cum Mariæburgum ad Regem excurrisset, in maiorem Poloniam, quo in Palatini Posnaniensis conatus, intentus etiam, conventuique majoris Poloniæ, qui sub id tempus tenebatur interesset, statim recurrit; trecentos tamen circiter equites Thorunij, qui Regem inde deducerent, relinquit: & cum reliquis ipse etiam Piotrikoviam ad Regem venit. Nonnihil copiarum Regina miserat. Præter eos vero, imprimis Archiepiscopus, Stanislaus Karnkovius, cum aliquot itidem centenis, ad Lanciciam Regi se conjunxerat: cæteri etiam Episcopi, qui cum Rege erant, Rozrazevius Vladislaviensis, Albertus Baranovius, Przemisliensis, suos singuli Comitatus habebant. Verum potissima spes in expeditione nobilitatis erat, ut quæ & in Vislicienfe conventu decreta: & pro jure Magistratu edictis à Zamoscio, per regnum dimissis, indicta fuerat. Masovij vix non ultro operam suam ex conventibus per legatos Regi deferrebant. Eo ipso tempore, quo Brzezna rex erat, Cujavienfes conventum Radzieioviz habebant. Missus ad eos Paulus Uchanfcus Præfectus Drohibicensis, qui ut ex decreto Conventus Vislicienfis armati Regem deducerent peteret; non pauci inter eos erant,

qui Palatini Posnaniensis partes adhuc sequerentur. Militem tamen aliquem decernunt, quem Balinio præfecto Piotrikoviam ad Regem mittunt. Prussi loco expeditionis accisam quam vocant, decreverant. Lancicientes, qui sub initium mensis Novembris, armati convenerant: Lustrationem enim sibi condixerant: cum Stanislao Biechovio Castellano Konariense itidem militem mittunt. Ravenfes cum Stanislao Gostomscio, Castellano Sochacoviense, ipsi moverant. Piotrikoviam jam pervenerant. Masovij & Plocenses, in itinere erant. Posnanienses, Calisienes, Syradienses, majoresque Poloni fere omnes, auctoritate Opalenij adducti, viritum ipsi etiam armatiq; Piotrikoviam ad Regem convenerunt. Verum sub idem tempus, quo Rex Piotrikoviz, undique ad se convenientes colligit, quos supra à Maximiliano obviam illi missos ostendimus, Przedboriâ repentino adventu occupant. In villa autem quadam, sub ipsam Przevoboriam, octuaginta circiter equites Marchalcianos, quos Masinscio Pruslo præfecto, in excubiis ibi collocarat, acerrime, neque sine detrimento adversariorum, paxum considerant, partim deditos postea, contra datam fidem, interfecerant. Hæc Piotrikoviam, majora etiam ut fieri solet, quam revera essent, fama nimirum, metuque ipso, plerumque aliquid addente, nuntiata, insuetis plerisque, & à bello abhorrentibus, magnum terrorem iniecere. Tumultuatum per duas ibi noctes fuit: Priore tamen gravius; totam noctem copiarum omnes instructæ in armis constiterunt; Rex ipse magnam noctis partem infomnem duxit, armatusque hostem expectabat.

Nam præterquam quod hostes jam visos excubitores nuntiarent, incendiarius etiam quidam Dunini Spotij Præfectus Piotrikoviensis, qui cum Maximiliano erat, famulus captus fuerat, immisusque ab hero ferebatur, ut urbem ea nocte incenderet. Cumque casu incendium mox in suburbio ortum esset, nemo dubitare, quin ab adversariis procuratum fuisset. Cum tamen aurigis temere lumen in stabulum inferentibus, illorum negligentia excitatum id postea fuisse compertum fuerit. Itaque tumultus sedatus: ad quem tamen neque Rex, neque Regij quicquam trepidare: cum parati alacresque, tanquam statim pugnaturi hostem expectarent. Majores Poloni Syradiensesque & ipsi non parum turbati, rumoribus istis fuere, & discessu suo, alia consilia turbare, mox cœpere.

Quemadmodum ostensum est, armati Piotrikoviam convenerant. Cum certa in spe omnes essent, Cracoviam Regem deducituros; Rexque in Castra ad eos deductus, ipse coram etiam id ab illis petijisset, non negarunt. Mox casuum belli-

bellicorum insolentes, partim metu, partim fortassis etiam inertia, sumptumque fugientes, subito consilium mutant. Primo tributum Regi offerebant, ad certum etiam tempus stipendiatorum aliquem numerum. Cum à Rege nihil horum acciperetur, quod præsentis subsidio opus illi esset, re infecta discedunt: exemplumque eorum secuti, alij etiam dilabuntur: ita præter paucos voluntarios, qui aliorum ignaviam detestati, apud Regem remanserant, cum solis stipendiarius, fere relictus. Eodem ex loco Piotrikovia nimirum, terrorem etiam Varlaviam, cum Regina matertera quæ vivendi ejus causa eo ad illam venerat, Rex mittit. Cum ea per speciem honoris, deducendaque ejus, non pauci Senatorij etiam ordinis, qui à bello abhorrenter profecti: Archiepiscopus tamen, Episcopi que, qui supra nominati sunt, Albertus Lascius, Palatinus Syradiensis, Andreas Opalenius Marchalcus Joannes Dulscius Thesaurarius, alijque nonnulli, cum milite quem habebant, apud Regem remanent. Interim qui à Maximiliano ad capiendum, profligandumve Regem, missi fuerant, eorum quos sub Przedboria oppresserant, periculo facto, non tam facilem rem, atque spe præceperant, cum universis copiis, si bi futuram animo prævidentes, maxime vero majoris Poloniæ, Masoviticæ Syradiensemque nobilitatem armatam convenisse, ex captivis cognito, neve à Zamoscio interim contra Maximilianum Cracovia aliquid tentaretur, veriti, Przedboria mox ad Maximilianum se receperant. Quum ad Piotrikoviam Rex venisset, nullus certus Dux, nullum certum imperium, penes Regem fuerat. Piotrikoviam cum Marchalcus Opalenius ad eum venisset, & excursio ista adversariorum, metusque diligentiam auxisset, certa ratio itineris, & rei gerendæ constituta. Ac summa quidem rerum penes Opalenium erat, militaris tamen rei administrandæ cura, & imperium, Alberto Lascio Palatino Syradiensi demandata. Cum à nobilitate deserti ad Maximilianum stationes perumpendas, aut prælio rem committendam, non satis se virum habere viderent, summo silentio, quam secretissimoque consilio suo habito, Piotrkovia retro Varlaviam versus, iter convertunt. Quando, & quo movendum, quove in loco pernoctandum, non priusque in ipso puncto itineris denuntiantes. Cum plerique quod adversarios avertendos ex instituto spargebatur, mare Prusliamque, & fugam quasi spectari existimarent, postquam Ravam ventum fuit, ab itinere Warlaviense Cracoviam versus iterum deflectunt, trajectoque ad novum oppidum Pilcza, ad Korcinum autem Vistula, ab altera ejus parte, ita ut Vistula adversariorum castris eos divideret, Cracoviam contendunt. Qui Cracoviz interim erant, cum viis præsertim obsessis, omnium rerum incerti, neque quid ageretur scirent, adventum autem Regium Piotrkovia,

tam propinquo ex loco, vix viginti quatuor milliarium intervallo promissum, non frustra tam diu non apparere existimarent, maximo interim in metu versabantur; quæ quidem inter alias etiam Zamoscio causa erat, ut cum partem copiarum contra Regem Maximilianus mitteret, & si ex instituto rei militaris, contra partem exercitus, quam apud se relinquerat, tentari aliquid posse videretur, nihil tamen movendum existimaret. Præterquam enim quod tali tempore, quo in iis copiis, quas circa se habebat, omnis spes salutis publicæ posita esset, nihil fortunæ committendum statueret, urbem etiam, quæ in cujus potestate esset, eidem regni jus confirmatura quasi esset, hominum de adventu Regio, & causa adeo ipsa vix non jam desperantium arbitrio permittere non satis tutum arbitrabatur.

Interim miris artibus animos spesque hominum confirmare non intermittebat, nonnunquam nuncios de adventu Regio certos jam habere præ se ferre aliquando, quo magis desperare eos vetaret, tanquam propinquo jam Rege, alios ut ad excipiendum eum se pararent hortari: aliquando ipsum se cum exercitu, quo tutius pervenire posset obvium illi progressurum simulare. Interim Maximiliani etiam copiarum auctæ non nihil erant. Nam & Jasloviecius Præfectus Sniatinensis, cum aliquo numero equestris peditatusque, sub id tempus ad eum venerat, & Stanislaus Gorkanus, Palatinus Posnaniensis, cum itidem non contemnendo numero militum: maxime autem cum majorum tum minorum tormentorum aliquot secum currus ducebat. Et majore Polonia per Sileciam, ea via, qua Maximilianus iverat, ad illum venerat. Itaque Olkuffij cum esset, ob imperium in Maximiliani militem aliquem, de quo supra ostensum est, cum Holubkone, à metallariis factum aliquot eorum gladio feriri jubet. Conventum eorum quos circa se habebat, consilio universi regni, Mogillam Maximilianus indixerat. Cum præter eos, qui apud ipsum erant, vel ex maxime vicinis, nemo plane venisset, illi ipsi nihilominus, quamvis paucissimi conventum obeunt. Edicta sub ejus nomine ex eo dimittunt, quibus nondum Regno inauguratus novo plane exemplo rem magis etiam novam, militem fossoremque ad opus militare faciendum nobilitati imperat; nuparissent pro bello quæsitis habiturum. Ex eodem Conventu ad Cracovienses per tubicinem indictum mittit, quibus nisi ad se redissent magistratus iis abrogat: quæ res apud homines jactata, imperium ejus jam ante etiâ exosum, eo magis formidandum, atque abominabile fere, apud omnes faciebat. Excursiones interim nonnullæ à Kosacis, incendiisque in Silecia etiam fiebant.

Maxime vero Kaidas quidam Wolhinus, non tam imperio aliquo, quam ipse prædæ addu-



adductus, prædonibusque in eandem spem compluribus pertractis, incendiis, direptionibusque, per vicinos fines Silesiæ grassans, ut Senatoribus qui Cracoviæ erant, maxime tamen Zamoscio per literas eam rem Maximilianus exprobraret, fecit. Copiis quemadmodum supra ostensum est Maximiliani auctis receptisque rursus in Castra iis, quos contra regem Petrikoviam versus miserat, die XXIII. Mensis Novemb. cum omnibus copiis, quas circa se habebat, Mogila movens, per proximos quasdam urbi Villas confedit.

In quibus & si quid incommodi esset, Zamoscio intelligeret, hominum tamen lachrymis motus integras reliquerat. Cum suburbia ob vastitatem suam munitionibus completi omnia non potuisset, atque ita per eam partem suburbiorum & alteram alveariorum, quæ Episcopi est, vel per ipsas etiam munitiones perrumpere se posse spem haberet, consilio eo oppugnationem aggredi statuit: Incommodo eo jam ante à Zamoscio etiam animadverso, consilio autem adversariorum de oppugnanda urbe per exploratores, tum ex literis, quæ frequentes interciperantur, cognito, pridie quidem ipse jam incendi ea jussit: in tam repentino tamen eorum accessu, exuri ædificia omnia non potuerant. Cum pridie ut ante lucem oppugnationem ordirentur, constitutum à Maximiliano fuisset, à præfectis tamen, cum jam dilucesceret, missum ad oppugnationem fuit. Ad eam rem mille expeditatu suo, partim Kaskatos, partim Sclopentarios, ac robur fere peditatus sui delegerat. His Palatinus Posnaniensis, Jaslovicius, Zborovij Stadnicij, Polonos fere totidem adjunxerant, iis equitatus etiam pars aliqua, ad quem in omnes casus se reciperent, addita erat: reliquus exercitus omnis, explicatis aciebus, in campo subsistit. Subeunt ut minus forte consilium, ita audacissime promptissimeque, quæ audacia illorum & voluntarios, qui ad munitiones eas erat perterritos jam inclinabat, & illis tantum mox animi addit, ut tormenta ipsa mox submitterent. Planeque in periculo jam res esse videbatur, nisi Zamoscio ipse accurrens, abrepto à signifero vexillo rem restituisse: tamen Kiermancius, exque cohorte ejus complures cæsi. A Zamoscio autem, qui recentem simul militem secum rapiebat, pugna restituta; primum illi qui circa tormenta erant cæsi: à quibus cum ij, qui longius procurrebant interclusi fuissent, in alios deinde transversi nostri incurrere, quare in aliquot acies adversarij distracti, interque se divisi, undique circumventi, cum quæ cuique fuga patebat, per vicinos vicos diverfi dilapsi fuissent, qui supererant, vel cæsi vel capti fuerunt. Tormenta capta fuerant, majora octo, barbarorum quæ vocant, currus duo: signa mili-

taria duo: pulveris præterea aliarumque rerum ad oppugnationem necessariarum, quas in eum ulum secum adduxerant, aliquot curri.

Cum autem ex tormentis iis pleraque Gorkani Palatini Posnaniensis, ejusque cum insignibus essent, homo adversæ fortunæ insolens, impatientissimusque in furorem fere præ ira actus fuit. Cæsorum numerus mille quingenti sexaginta quatuor relatus est, inter quos nobilis Baro Austriacus Teisfilius, alijque nonnulli primarij, magnum Maximiliano dolorem attulere. Capti non pauci fuerunt, in iisque etiam nobiliores aliquot. Non defuisse occasio plærisque videbatur, cum equitatu etiam decernendi. Dum magna pars, dum peditatus per suburbium irrumpere conatur, sub ipsas munitiones satis propè accesserat. Sed neque Penkoslavius, neque Farensebecius, qui rebus ex ea parte præerant & si occasionem eam viderent, dum Zamoscio in prælio abesset, inconsulto eo, aggrediendos putabant cum præsertim quomodo res in altera parte gereretur ignorabant. Irruptione ea feliciter rejecta, Zamoscio adversariis omnibus, intra mœnia compulsis, suburbia, cum ipsorum, tum quæ reliqua erant, incendi mox jubet, partim ne iterum irruptionem tentandi spem adversariis præberent, partim quod ipsos Urbanos non alienos à consiliis cum adversariis fuisse suspicatus.

Cum nuntio victoriæ hujus Oborscius ad Regem mittitur. Per illum eo loco jam rem esse Zamoscio Regi significat, ut summæ rei confectio, atque laus ipsum Regem maneat: ad quam ut sine mora accurreret, quam non modo Regem, sed victorem etiam, ac liberatorem patriæ, omnes salutarum, eum hortatur. Regem Koreziniam, quo paulo post oppugnationem eam Cracoviensem venerat, ostendit. Maximilianus ab oppugnatione rejectus, impedimentis omnibus mox præmissis, cumque universo exercitu ipse subsecutus, in Severiensem Ducatum, Cracoviensis Episcopi ditionis, castra transfert, in quo aliquot diebus subsistit. Rex cum ad Korkinum, quemadmodum supra mentio facta, Vistulam trajiceret, in ipso tractu iterum à patre literæ illi redduntur, quibus ut sine ulla mora, in Sueciam ad se rediret, non jam hortatur, sed sub obedientia seu fide à filio desbita, severissime illi mandat. Quod non modo impetus Maximiliani feliciter à Cracovia oppugnanda rejectus jam esset, verum ipse etiam ab ea recessisset, Regem autem sine ulla iusta causa, honestum receptum nullum habere posse Sueci viderent, ut Cracoviam nihilominus progrediretur, ibique causam aliquam regno se abdicandi, discendique quæreret, autores illi erant. Ita die nona Decemb. Cracoviam venit. Per Kasimiriam

miriam, quæ Korkino eunti, prima objiciebatur, ingressus ad Klepardiam, inde, quemadmodum instructum fuerat, descedit: perque portam D. Floriani urbem ingreditur, salutatus nomine Senatus Ordinumque fuit à Laurentio Goslicio, Episcopo tum Kamenecense, qui per omne id obsidionis tempus ipse etiam Cracoviæ fuerat, cui cum quamvis brevi, Polonica tamen oratione respondisset: tanto hominum suæ lingvæ regem sibi gratulantium gaudio excepta fuit, ut laborum periculorumque, pro dignitate ejus susceptorum, neminem jam pœneret.

Præter aras triumphales, aliaque, quibus ingressus regum celebrantur, ad Divi Floriani machinæ bellicæ, de adversariis captæ, trophæumque item ex armis itidem vexillisque duobus captivis excitatum objectumque ei fuit, verum sollemnibus, quæ ingressum regum excipiendisque iis servari solent, peractis, ad publicas inde deliberationes, maxime autem de inauguratione parandoque regno, accessum. Ante inaugurationem, ut in conditiones, de quibus convenerat, omnes prius rex juraret, postulatum: neque alias condiciones magnopere Rex morabatur, desola Estonia agebatur: de qua eo liberius recusabat, quo majore in periculo constitutum Regnum esse videbat, si ipse id deseruisset: & ut voluntati mandatisque paternis satisfaceret, vel ultro causam captabant, per quam honeste relinquere Regnum posset. Contentione eam cum Rege, inter ipsos Principes Senatus, collegijque legatorum, dissensiones, ut magis accendebant, ita in eo, quod communi studio omnes petere debebant, mutuo potius sese impediebant. Maxima duorum fere apud omnes autoritas erat Zamoscii & Opalenii: qui cum ad hoc tempus conjunctissimi in republica fuissent, & delata nonnulla ad Zamoscium fuerant, & ab ipso mox adventu Regio quædam intercesserant, ex quibus avertisse se ab amicitia Zamoscii Opalenium apparebat. Quemadmodum supra commemoratum est, Joannes Zborovius, Castellanus Gnesnensis, sororis ejus filiam in matrimonio habebat. Contra Zborovios nihilominus, cum Stephani Regis gratia & autoritas, tum similitudo ejus cum Gorkano, Palatino Posnaniense, qui in majore Polonia, ejus quasi æmulus, imprimis gravis ei erat, in amicitia Zamoscii eum retinuerat. Zamoscii tamen seu potentia, seu autoritas, cui tacite invadebat, eum pungebat. Suffragis igitur comitiorum, in duos Reges distractis, apud quorum alterum Zamoscii, alterum Gorkani & Zboroviorum, ex studiis suffragiorum, primæ partes futuræ existimabantur, cum Zborovio, Castellano Gnesnense, affine, mox post electionem, secretos congressus colloquiaque habuisset, ad Zamoscium deferrebat. Constituisse cum eo, si Maximilianus futurus superior esset, ut eo ipsi reconciliato, Gorkanum, cujus intolerabilis quasi potentia esset, conjunctum premerent: idem ipsum apud Sigismundum, si penes illum Regnum maneret, facturum: ut & Zborovius

eum reconciliaret, & Zamoscium, quantum in se esset, altius emergere non pateretur. Itaque Mariæburgi jam, quo ab initio ad Regem excurrerat, fundamenta ejus rei jecisse existimabatur: partim non tam ipsius Regis causa Zamoscium illi studuisse, quam vel metu Zboroviorum, necessitateque ad eum adductum, partim vel nunc etiam Battoreo potius alicui, quam ipsi, Cracoviam tanto periculo defendere, Regis rerum hominumque adhuc ignari animo instillando: partim opes potentiamque Zamoscii in invidiam suspicionemque vocando: cum imbecillo contempto Principe nihil miserius esse in ore ut plurimum habere: tum Ludovici Jagiellonis, Ungariæ Regis, exemplum, qui, ob nimias suorum opes, ipse humilis, contemptusque, miserrime vixisset, multo miserius interiisset. Eadem multo magis, cum Petrikovia Cracoviam Regem deduceret, per omne id iter, cum solus quasi Regem possideret, struere. Jam vero cum pro jure Marschalcatus aulæ, familiæque regiæ constituendæ, autoritas penes ipsum maxime esset, omnibus, qui vel à Zamoscio vel aliis ad privata cubiculi aut domestica ministeria regia commendarentur, exclusis, ut suos tantum circa Regem haberet, operam dare. Primo in cubiculo, & secretis consiliis loco, Martinus Lesnovolscius, Castellanus Podlasiensis, apud Regem erat: ob ingenij morumque elegantiam, prudentiæque opinionem, magnæ quidem apud omnes existimationis: Regi autem jam à duabus Svericis legationibus præ cæteris omnibus familiaris, & gratus, utque tum existimabatur, vix non totus ab eo pendebat: cum ex ejus consilio præscriptoque omnia vel minima à Rege dici fierique tum vulgo arbitrabatur: quem quamvis Opalenius ad partes ipsum etiam adjunxisse videretur, nimiamque Principum potentiam, quæ Regibus gravis esset, ne ipse quidem probaret, Zamoscii nihilominus amicitiam respiciens, partim medium inter eos se gerere videri volebat, non raro vero etiam, quæ secreto ab Opalenio in Zamoscium apud Regem vel dicebantur, vel fiebant, per eum Zamoscio cognoscebat. Cracoviam postquam ventum esset, Zamoscioque ab initio mox benevolentiam propensionemque regiam non satis meritis suis respondere existimaret: loca omnia ad interiorem familiaritatem regiam vel ab aliis occupata, vel suis præclusa: de animo autem in se Opalenii ante etiam secreto à quibusdam admonitus, eum quoque non eundem, quem ante perspicere: ut periculorum pro dignitate regia susceptorum meritumque in rem publicam suorum sibi conscius, non parum iis rebus angere: maxime tamen una res vix non ad apertam contentionem eos provexit. Petebat Opalenius pro Miskovio, cui filiam sub id tempus desponderat, præfecturam Chencinensem, morte Dembinii, tum vacantem. Petebat ejusdem præfecturæ partem quandam Radosiciâ Zamoscio pro Stanislaio Przyemscio, qui per omne id tempus interregni operâ in partibus regis navaverat, magna



utrinque contentione agebatur: pro homine tamen militari, Radoficia à Zamofcio obtemperant, infensorem quodammodo Opalenium ei faciebant. Inter hasce igitur dissensiones, cum ab initio quidem universi conjunctim, conditionem de Estonia urfissent, postquam in neganda ea constantissime Rex perseverabat, Opalenius, quique cum eo sentiebant, eo, quo jam ante à legatis in portu Gedanense constituta fuerat, modo re transacta, ad inaugurationem quamprimum accederetur, censebant. Cum Karnkovius autem, Archiepiscopus ipse, ceterique Episcopi, tum majoris Poloniae Senatores, legatique, plerique, auctoritatem ejus sequebantur. Pericula praesentissima reipublicae commemorare: cum à nostris, quorum imprimis Lithuani, nondum adjuncti essent, praeterea vero per omnes Regni partes, qui ab electione Regia dissentirent, non pauci reliqui adhuc essent: tum à Maximiliano, qui Regni aemulus, ne nunc quidem adhuc, quamvis armis à Cracovia rejectus, Sigismundum Cracoviae esse sciret, ex Regno tamen excessisset, non proculque à Cracovia castra adhuc haberet: periculis hisce, nulla alia ratione, quam matura Regis inauguratione, occurrere posse, Archiepiscopus, maxime exemplo Stephani Regis, docere conabatur. Qui cum ipse ultro ad inaugurationem accedere decertasset, quoad contra pericula ea, quae tum imminere videbantur, iusta praesidia constituta fuissent, quamprimum se autore à Senatu persuasum Regni insignia accepisset, motus omnes partim sua sponte conquevisse, partim facili negotio sedatos fuisse. Zamofcius e contra omnium, quae consilio jussive paterno circa Regem agerentur, cogitarenturque, ignarus instantissime conditionem urgebat: partim reipublicae causa, quae conditionem eam vel maxime in eligendo Sigismundo spectasset, partim ipsius Regis, ne conditione ea ab illo non confirmata, qui turbare imperium ejus vellent, paratam semper materiam habiturus, minus paratum postea regnum haberet. Cumque Rex potius, quam conditionem eam confirmaret, a quo animo Regnum se relicturum non obscure significaret, ad ipsum Regem oratione conversa, quam in ipsum, quamquam illustria Ordinum Regni studia fuissent, demonstrat, ut qui non solum totius summis Principibus eum praeferebat, sed pro dignitate ejus vel vitae fortunatumque omnium periculum adire, constantissimeque ad hoc tempus propugnare, pro ea non dubitarent. Quantum ad laudem atque gloriam viam Regnum hoc illi sterneret, quantam virtutis exercendae materiam praebere, pluribus praeterea ostendere. Ob studia adversae partis, dissidia domestica, potentisque aemuli arma, nonnullis tamen in periculo Regnum esse, in majore etiam futurum, si ab ipso relinqueretur, non posse equidem se vel velle negare. Non tamen ideo existimare eum debere, ab ipso Regnum relictum, à Deo etiam desertum iri, relictum etiam fuisse ab Henrico,

& non minus dubiis ac difficilioribus fortassis reipublicae temporibus, quam quae nunc essent; non solum tamen sustentatum divinitus, sed multis magnis rebus etiam illustratum. Regem in locum Henrici à Deo ei datum, plurimis maximisque virtutibus regis, tum auctoritate etiam apud omnes insignem: Regnum non longo tempore universum mox pacasse: victorias clarissimas complures retulisse: provincias aliquot adjunxisse: atque ad summam nominis claritatem splendoremque apud omnes pervenisse. Eandem nunc & in Deo spem habere; & si ab omnibus deferatur, à Deo tamen, in cujus semper patrocinio eam esse, aliquoties praeter omnem expectationem divinitus quasi conservata ostenderet, reipublicam hanc non deserturum. Henricum interim & domi inglorium fere ab eo tempore vixisse, & tristissimo postea exemplo interiisse. Cujus exitum cum ipsum, tum omnes Principes merito admoneret, ne stationem, in quam divinitus vocati collocati essent, vel temere vel jussu divino desererent. Non solum autem de Estonia conditionem confirmari à Rege volebat; verum subsidia etiam certa decerni, quibus & externa vis propulsari, & domestica pacari posset. Quae & si Rege discessum maxime tum meditante, ob idque minime moleste ferente, ab eo tum fiebant, dicebanturque, cum in Regis tamen animo, tum aliorum quorundam, non parum suspicionem eam, jam ante Regis animo, inculcatam confirmarent, quasi Rege ejecto, è suis alicui, maxime autem Battoreo, viam ad regnum sterneret. Tandem firmissime in sententia Rege persistente, utriusque partis, praesente reipublicae periculo adductae voluntate, conditio ea, qua jam ante in portu Gedanense, ratione suspenditur. Itaque Rege etiam Svecisque ab inauguratione receptum jam non habentibus, die xxviii. mensis Decembris, sub ipsum nimirum anni octuagesimi septimi exitum, à Stanislao Karnkovio, Archiepiscopo, senatorii equestrisque ordinis omnibus, qui aderant, praesentibus, solennibus caerimoniis regno inauguratur. Fama ejus rei per universum mox regnum, atque ad adversarios etiam perlata, ut Sigismundanas partes vel maxime confirmavit, ita adversae partis animos mox dejecit. Ab ipso Maximiliano cum alii nonnulli mox discesserent, tum imprimis Joannes Zborovius, Castellanus Gnesnensis, qui militum apud eum pro Duce praeterat, & Nicolaus Jaslovicius, Praefectus Sniatinensis, quorum ille in Prussiam ad Grudentinensem praefecturam suam, hic in Russiam se contulit: eo quidem consilio, ut, si possent, studiis hominum captandis, nihilominus partes juvarent: si superiores tamen partes Sigismundanae manerent, cum contra coronatum regem arma non tulissent, extra periculum perduellionis essent.

Maximilianus cum in Severienfem Ducatu, quemadmodum supra ostensum est, aliquandiu substitisset, ne, si extra fines regni exercitum

tum duxisset, jus spemque omnem Regni reliquisset, simul existimaretur, cum in Polonia tamen finibus hyberna habere constitisset, Krzepiciam exercitum ducit: fossisque & opere oppido communito, eo loco auxilia expectate, constituit.

Verum ob pestem, quae ostendere se ibi coeperat, consilium mutare coactus: Wieluniam partim pro Praefecto, cum Praefectus ipse Alexander Koniecpolskius, cum turma equitum Cracoviae tum esset, vicinaque aliqua nobilitate in partes traducta, partim civibus incendendi suburbii minis adactis occupat.

Vicina nobilitas Wielunensis, Syradiensis, reliquos continuis detrimentis, quae indies à milite accipiebat, adacta, cum ipsa frequens Cracoviam confluebat, utque quamprimum in libertatem vindicaretur, obsecrabant: tum alii quoque legati nobilitatis, maxime autem, qui ejus tractus aut vicini erant, rerum suarum solliciti, instantissime, ut contra adversarios duceret Zamofcius, urgebant. Ad eos Opalenii praesertim artibus accedebant, ii, qui ne potentiae ipsorum obstarer, ipso Zamofcio liberari quamprimum cupiebant.

Jam ante triduo adeo, post adventum regium, Balthasar Battoreus, cum Transilvanicis auxiliis, à Sigismundo Principe Transilvaniae venerat. Creberrimis literis Zamofcius ea efflagitat: cum quantum ei ad fratrum ipsius fortunas, in Polonia constituendas, tum privatas publicasque Transilvaniae rationes pertineret, ut, quam conjunctissimum Regem Regnumque Poloniae haberet, ei ostendisset. Venerunt stipendiis Transilvanicis Cracoviam, deinceps Polonicis, ipso Balthasare Battoreo Praefecto, legatis, ut Joanne Bornemissa, equites ostingenti, & Alberto Kiralio, pedites mille ducenti. Praeter eos partim ex iis, qui ab initio Cracoviae cum eo fuerant, partim, qui ab Archiepiscopo, Marschalco, Thesaurario, adducti fuerant, equitum & peditum aliquot millia habebat. Zamofcius duabus de causis ex instituto profectum differebat: Una, quod, cum ob continuas pluvias ineptissimum iter tum esset, ita, ut nulla ratione pede, jumentaue maxime, cum impedimentis eluctari potuissent, sub accessum plenilunii, tempestatis mutationem, ex eaque commodiorem viam expectaret: altera, ut cunctatione sua securiores adversarios factos, opportuniore eos sibi haberet. Itaque nuntios de adventu suo ex instituto quasi quotidie spargebat, & vix non in dies singulos, aliis paratis ad iter esse jussit, ipse etiam quasi jam profecturus se parabat. Quae cum ad adversarios toties frustra deferrentur, sine ulla quasi cura jam agebant. Jam vero sub id ipsum tempus in Scepusio etiam arx Lubouliensis munita, caputque tractus ejus, quae à Caspare Macie-

jovio, Praefecto stabuli regii, tenebatur, Praefecto ipso Cracoviae apud regem absente, praesidianorum, qui Ungari magnam partem erant, oppidanorumque Germanorum, ut ferebatur, praesidia in potestatem Maximiliani pervenerat. Quae res cum ipsa etiam non parum homines accenderet, Zamofcium sua sponte, nihil magis, quam ut quamprimum praelio decerneretur, cupientem tanto magis etiam urgere, in eo statu res esse videbat, ut nisi caesis profligatisque adversariis salva res publica nullo modo esse posset. Etenim cum & Lithuani, quamvis sub id tempus legati eorum Cracoviae jam erant, nondum tamen cum Rege composuissent: & per omnes partes regni non pauci adhuc essent, qui vel Maximilianum adhuc spectarent, vel novarum rerum expectatione suspensi essent, non solum, quoad arma aliqua Maximiliani in regno essent, non posse pacatum regnum esse, facile intelligebat; verum deploratam plane rem futuram. Nam neque militis sine stipendio habendi, neque in tanta distractione stipendii in eum expediendi facilis ratio esse poterat; quod cum Maximiliano vel domo vel à Caesare facilius suppetere, trahendo tantum ducendoque bello, vires partium exhausturus consumpturusque omnino videbatur.

Itaque cum una cum plenilunio, quemadmodum expectarat, frigora simul incidissent, caenoque iis congelato, commode iri posset, sine mora mox proficiscitur. Ne adventus ejus praesentiretur, quam maximis potest, diariis iter incitat. Et si autem in tanta exploratorum multitudine ad adversarios etiam nuntium ejus allatum fuerat, ob crebras tamen superioris temporis frustrationes creditus non fuit.

Praefectum Wielunensem, Alexandrum Koniecpolskiem, qui, quemadmodum supra ostensum est, in exercitu erat, solum adventare, plerique existimabant. Quod non procul à Wieluno, ad Latalsciorum possessionem quandam, exercitus venisset. Eo Samuel Stadnicus, cum numero aliquo equitum, explorandi causa, Przedborensis excursionis successum sibi pollicens, excurrit. Albertus Kiralius, quem in excubiis Zamofcius ibi collocarat, id, quod accidit, futurum ratus, circa ignes, quos excitant, negligentius aliquot agere jussit, ipse ab utraque parte viae, in sylva, quae ibi est, cum aliquo numero equitum & peditum se abscondit. Stadniciani ignes secuti, in eos, qui circa illos excubabant, impetum faciunt: cum subito duabus ex partibus Ungari ex insidiis coorti, ne opinantes quidem adoriuntur. Nonnulli caesi, reliqui fuga elapsi. Zamofcium ipsum cum universo exercitu adesse nuntiant.

Non ita à copiis paratum se Maximilianus existimabat, ut cum universo exercitu



nostro configere posset, indies autem cum Moravica, duorum millium circiter, partim equitum, partim peditum, tum Ungarica, mille itidem quingentorum circiter peditum, cum Valentino Propostuarii auxilia expectabat.

Cum Zamoscius si Bycinum in fines Silesicos se conferret, ibique auxilia expectaret, propter pacta, quæ inter ditiones Austriacas & Regnum essent, fines transgredi non ausum, Maximiliano persuasissent. Wieluno relicto, prima vigilia itinere, fugæ vix non simili, raptim Bycinam proficiscuntur.

Verum Zamoscius futurum id jam ante providens, ut in eum eventum publica comitorum autoritate ei cavetur, ut pro arbitrato, quemadmodum maxime à republica visum ei fuisset, rem gereret, finesque etiam transire posset, priusquam Cracovia proficisceretur, prospexerat, ut quos jam ante Maximilianus nequaquam admoniti transiisset, non leviam in regno detrimenta dedisset.

Maximilianum igitur mox cum exercitu insecutus, die Sabbati, qui vicesimus tertius erat mensis Januarii, Dziekanovii, uno ultra Wielunum milliari, pernoctat, præmittit inde mox Koniecpolsium, Præfectum Wielunensem, Jacobum Potocium, Joannem Zamoscium, agnatum suum, Gabrielem Holubkonem, cum suis singulos turmis: non multo post nocte ipse etiam, quatuor circiter ante lucem horis, cum reliquo exercitu movet. ratione itineris, locisque omnibus ante exploratis, cum adversarios sine dubio à via regia sese objecturos sciret, de via militari ex instituto ad dextram, si à latere forte in eos invehendi facultas sibi dari possit, deflectit. Itaque die sequente, Dominico nimirum, una atque altera hora ante meridiem, mutuo in conspectum exercitus se dant. Etenim commodum eodem die mane Moravica etiam Ungaricaque auxilia, quæ expectata ab eo supra ostensum, ad Maximilianum convenerant. Itaque cum satis jam viribus fiderent, copiis omnibus ex oppidoeductis, omnibusque rebus ad prælium paratis, aciem instruunt. Toti rei Andreas Zborovius, curiæ Marschalcus, præerat. Frontem, quod futurum Zamoscius præviderat, versus publicam viam explicant, secundum simul ventum ea re captantes. Quam cum maxime subsidiis firmassent, ex eadem parte Propostuarii etiam cum Ungaris commodo se loco tenebat. A qua parte nostris iter erat. Quæ ne impediri transitu posset, qui munitionibus aggerem mox occuparent, præmittit, tormenta simul aliqua summittit, peditatu aliquo in molendino præsidii causa collocato. Inde mutata veste, cum sub ordines adversariorum adequittasset, ab ea parte latera nonnihil nudata, nec satis bene subsidiis firmatam aciem perspicit.

Tum si recta ad eos tenderetur, per montem eundemque sulcis inæqualem, rem ad dirigendas hastas incommodissimam, eundem; declivorem partem montis versus exercitum Polonicum, vallem modicam habere, per quam non incommode mons circumiri posset. Consilio habito, cum Farensebecius & Pekoslavius, quod in vesperam quasi inclinare jam dies videretur, in crastinum potius differendum prælium censuissent, Zamoscius, horologio sibi demonstrari iussu, quinque horas ad noctem adhuc superesse dicere. Milites nostros, quod hostes ultro fugissent, pro victis eos habere: auxilia illis venisse ignorare: per noctem celari non posse: nihil magis expedire, quam ut iis animis, quibus nunc esset, miles pugnaret. Præterea, si agger jam transiretur, necessario pugnandum: si in crastinum differretur, illos aciem mutare posse, jamque compertum de victoria quam transitu prælium futurum, utendum impetu atque animis militum, ipsiusque adeo victoriæ cursum continuandum. Itaque diem Dominicum ante etiam maxime faustum sibi expertus, jaciendamque aleam ratus, ita aciem instruit: In dextro cornu Gabrielem Holubkonem, Joannem Zamoscium, de quo supra mentio facta, cum Kosacis, seu levis armaturæ equitibus, secundum hosce Thesaurarios equites, Germanos Pyxidarios, quibus Henricus Ramelius tum præerat. Farensebecium, qui voluntarius cum suo tantum comitatu aderat, Andream Zebrzydovium, Policillatorem regni, Nicolaum Sobocium, Jaskolecium Chanscium, qui Archiepiscopi equites ducebat, tum Przinkam cum suis quemque turmis, Albertumque Vibranovium cum peditatu collocat.

In sinistro cornu primus Carnovius cum delectis aliquot equitum erat, inde Jacobus Potocius, Balthasar Battoreus, Stanislaus Zolkievius filius, Stanislaus Przyemscius, Petrus Lafcius filius, Bornomissia, Albertus Kiralius, Alexander Koniecpolscius, Præfectus Wielunensis, Stephanus Casimircius, qui Sebastiani Lubomierscii turmam ducebat, Stanislavius culinæ & egriæ Præfectus, Joachimus Ofiecicus Holstiniensis, Caspar Maciejovius Scepusiensis, Præfecti. Stanislaus Penkoslavius Sendomiriensis, Petrus Miskovvius Osuiecimensis, Præfecti, cum suis itidem quisque turmis erat. Penes se, quod robur exercitus erat, suam alam, cui Nicolaus Vroviectius præerat, Stephanum Grudzenscium Naklensem, Stanislaum Bikovium Konariensem, Castellanos, Ligezam Præfectum Opocziniensem, cum suis quisque turmis. Peditum præterea signa quinque cum suis ductoribus habebat. Extrema Abrahamovicus cum Tartaris aliquot clauderat.

In sinistro adversariorum cornu, quod contra dextrum nostrum erat, aulici delecti equi-

equites, ut inter quos plerique vel Barones vel primarii ex nobilitate essent, sexcentorum circiter equitum agmen erat: aliud secundum hos itidem equitum Germanorum Pixidiariorum. In media acie, cui Penkoslavii aliorumque, qui circa illum erant, acies respondebant, equitatus Ungaricus ac Polonicus, tum Moravicus, & equitatus & peditatus, dextrum cornu ipsorum, contra alam sinistri nostri, in qua Battoreani & Bornomissiani Ungari erant, Valentinus Propostuarii cum suis Ungaris clauderat. In medio fere montis versus, aulicum quem diximus comitatum Germanicum, collis nonnihil elevatior erat, in quo, quod in omnes fere partes prospectus tum esset, Maximilianus cum Gorkano Palatino Posnaniense, Andrea Zborovio, Marschalco, Alexandro Prunscio, Stanislaio Czarnkovio, aliisque primariis nonnullis, constiterat, circa eos tormenta etiam pleraque disposita erant. Zamoscius, præsidio aliquo castris relicto, iisque Stanislaio Lafcio prius præposito, à dextro cornu Gabrielem Holubkonem & Joannem Zamoscium primum in hostes, non tam invehi, quam quasi ab oppido eos exclusuros circumire jubet, eos alii à dextro cornu insecuti. Qui in sinistro cornu erant, per sulcos, de quibus ostensum, sed ob inæqualitatem agri arati, quam lentissimo gradu ad hostem accedere jubet. Ipse cum sua turma, & reliquis copiis, quas circa se habebat, per vallem, de qua supra ostensum, montem circumire instituit: partim ut monte evitato faciliorem ad hostem accessum haberet, partim ventum, qui adversariis secundus, nostris adversus erat, vel inclinatione ex latere saltem captaret. Vulgo tum existimabatur, cum per aggerem, de quo ostensum, transeundum nostris esset, ab adversariis, si non transitu prohiberi, non parum tamen illis impedimenti adferri potuisse: sed viribus suis fretos, seu quod suis locis, commovere se nollent, quamvis animadversa ab illis occasio fuisset, eam prætermisissent. Holubkani & Zamosciani, cum in aulicum, quem diximus, equitatum incidissent, mox disjecti fuere: Holubek ipse, cum aliquot turmalibus globis trajectus concidit, cum aliquot turmaz, ut Theaurarii, Sobocii, Germanorum Pyxidiariorum, subsidio missæ illis fuissent, mox cessere. Itaque Zamoscius suam turmam, aliasque, quæ circa se erant, promovet. Interim vero à sinistro etiam cornu nostro prælium coeptum. Qui ab adversariis delecti equitum, Duce maxime Stanislaio Stadnicio, in Karnkovianos invecti erant, fortiter pugnantes repulsi, tamen ex prælio mox discescere. In nostro Polonico & Ungarico equitatu, cui Balthasar Battoreus & Stanislaus Zolkievius præerant, impulsu delectu tyrones plerique; illos reliquos Polonicus equitatus, tum Ungaricus adversariorum, Moraviticusque & equitatus & peditatus subsecutus: Propostuarii, qui

contra Transilvanos incommodiore aliquantum loco constituisse se existimabat, cum ut retro paululum, loci capiendi causa se recipe- rent, suos inclamasset, illi in fugam mox reversi.

Ita dextra acie adversariorum profligata, quemadmodum Zamoscius à dextra, ita Zolkieviani, Penkoslaviani, alique, qui in illo cornu fuerant, à leva Germanicum equitatum adoriuntur, qua re conspecta, Engelhardus Curtius, peditatus Germanici Præfectus, cum Holubkone casso, aciebusque aliquot dextri cornu nostri profligatis, victoriam jam Maximiliano gratulatus fuisset, tanquam re deplorata, ut fuga se ex prælio eriperet, cum hortatur. Diu cunctantem, tandem Erasmo Lichtensteinio, manu freno equi injecta, è prælio educitur. Ita cum aliis, qui circa illum erant, in oppidum se recipit.

Zolkievius interim, qui, quemadmodum ostensum est, ad equitatum Germanicum, ipse etiam cum Penkoslavo aliisque pervenerat, globo bombardæ venenato per femur gravissime vulneratur. Ex quo vulnere, cum desperatum quasi de vita ipsius fuisset, tandem vix convaluit. Cum diu utrosque sustinuissent, tandem utrinque circumventi, loco equitatus etiam Germanicus cedit. Inde cædes tantum & fuga esse. Peditatus adversariorum omnis cæsus, equitatus, maxime Germanicus, vix non integer evasit. Cum numerus caforum ex parte adversariorum initus esset, in Polonicum Ungaricumque morem rasorum mille octingenti, in Germanicum morem tonsorum bis mille ducenti reperti: Nulli in quenquam sæviores, quam Transilvani in populares suos Ungaros, quibus casu oppositi fuerant, dictis quibusdam eorum irritati esse. Prælio ita, quemadmodum ostensum est confecto, cum Zamoscius maxime hostes ipse persequeretur, in Maximilianum unum intentus, in quoscunque inciderat, de illo quærebat, postquam in oppido esse, eum cognovisset, omnibus aliis rebus posthabitis, oppidum cingi jubet, utque exitus omnes intercluderentur, operam dabat. Maxime vero miles & victoria fera & spe tantæ prædæ accensus, interque eos pedes ultro mox muros ac portas subire. Quas cum securibus excindere jam inciperet, signo ex oppido colloquiis dato, à nostrisque reddito, prodierunt inde, Alexander Pronscius, Præfectus Lucensis, Stanislaus Ciolek, Poloni, Joannes Logius, Germanus. Expostularunt nomine Archiducis, quod in ditionem alienam & pacatum eum persecutus oppugnaret. Responsum, quo loco essent, vel ipsos ignorare, vel de alienissimis à tempore hoc rebus frustra agere. Quamvis jam ante Cracoviam etiam satis, ultro citroque disputatum hac de re esset: alia potius, quæ magis præsentis temporis essent, proponerent.



Haud multo post reversi ostendunt, si quod in Poloniam transisset, eam oppugnaret, primo non tanquam hostem venisse, sed tanquam Regem, & electum quidem Regem, vocatumque ab iis, qui partim circa se essent, partim absentibus, qui iure id se facere existimassent: si de eo nunc ageretur Regno, tituloque regio abdicare se paratum. Ostensum ad hæc fuit, de eo quidem potissimum agi, non satis tamen esse, ut eo se abdicaret, nisi controversia ea in perpetuum ita sublata, ne referri unquam posset, idonee simul caveretur, neque in præsens tantum, sed firma stabilisque pax constitueretur, id ita futurum, si Archidux ipse in potestate Regis ac Reipublicæ sit. Actum inde de conditionibus deditiois fuit. Cum in summa properatione, nocte jam ingruente, chartæ atramenti; tam subito copiam habere Zamoscius non posset, in pugillaribus sua manu eas perscriptas, hisce, quæ sequuntur, verbis ad Maximilianum misit: Imprimis rogo, casum hunc humano ac forti animo ferat. Iudicia divina cum inscrutabilia sint, alio loco atque imperio compensare id Deus potest. Homini eo loco nato fortunam adversam constanter ferre convenit. Non animi aliqua elatione, sed tranquillandæ patriæ meæ, studio adducto, requirendum mihi à Serenitate vestra est, ut conferre se ad me velit, in custodiam huiusmodi, quæ dignitati Archiducali & tam claræ domus homini convenit. Subsannatio nulla erit, neque contumelia aliqua, insistenda ea Regi. Erit in arce aliqua privatim, tali loco atque honore, qui tanto Principi convenit, ad conclusionem usque & expletionem conditionum, quibus Rex regnumque tranquilletur, cum Cæsare ditionibusque ejus, quemadmodum & cum ipsa Serenitate vestra, familiaque ejus, maxime autem ad integritatem regni huius, & tam insignium damnorum, atque sumptuum, tam publicorum, quam privatorum, compensationem pertineant. Qui externi circa eum sunt, salutis periculum nullum adibunt: tenuioribus etiam ex iis, armis traditis, sine ullo pretio discedendi facultas erit: insigniores pretio, de quo convenierit, se rediment. Polonica gentis gregarii milites, regi Sigismundo & regno juramento præstito, libere dimittentur. Insigniores tam diu cum Archiduce erunt, quoad & consilio Regis & Senatus aliquid de iis statueretur. Vita tamen fama; integra illis manebit: ita re provisâ, ne posthac motus aliquos contra Regem, quique ejus partes secuti sunt, & rem publicam excitare possint. De bonis soli eorum bona fide apud Regem deprecaturum me recipio. In aliis rebus, quæ circa eos nunc sunt, jus militum belli; infringere non possum. De Lubovla Archidux spondeat, literisque missis statim mandet, ut restituatur, quæ conditiones, cum, quemadmodum ostensum est, ipsi à Zamoscii manu in pugillaribus scriptæ subscriptæque misissæ ad eum fuissent, deditioem fecit, equoque extra oppidum ad Zamoscium eum præstolantem protectus, honorifice ab eo exceptus, inque

suum ab eo diverforium deductus fuit. De nullis magis, quam de Polonis, qui circa illum erant, sollicitus, quam diligentissime ad Zamoscium pro iis laborare. Quod Stanislaus etiam Ciolek, ad partem Zamoscio abducto, separatim ab aliis, qui à Maximiliano missi cum illo fuerant, locutus cum eo fuisset, & tum in non levi suspitione apud Maximilianum hominesque ejus fuit, & postea publice quasi non satis bona fide egisset, accusatus ab iis fuit, eoque magis, quod ex omnibus solus, non modo liber dimissus, verum à Suchorzovio etiam, Cardinalis Battorei domus Præfecto, quem sub tempus tumultus ejus Cracoviensis, in vicina possessione, sine ulla cura agentem, per vim domi captum abduxerat, multisque insignibus injuriis & contumeliis affecerat, indemnitas promissa ei fuerat. Contra tamen accusabatur, amicitia enim pristina, quæ ei secum intercesserat, datum id à Zamoscio fuerat. Capti cum Maximiliano fuerunt, Stanislaus Gorkanus, Palatinus Polnaniensis, Andreas Zborovius, curia Marchaleus, Decanus Spisnensis, Stanislaus Carnkovius, Alexander Prunscius, Ernestus Friccius: Germanis nobiliores, Erasmus Lichtensteinius, Joannes Fridericus Homanus, Franciscus Kelenkelerus, Engelchartus Curtius, aliique nonnulli, Jacobus Woroniecicus, nominatus Kyoviensis, nominator ipse Maximiliani, Stanislaus Stadnicus, Petrus Duninus, Spotus, Præfectus Piotrkoviensis, Christophorus Warfaviensis, aliique nonnulli, recta Wratislaviæ, fuga evaserant. Auri argenti que, tum præstantissimorum equorum, omni generis suppellectilis pretiosæ, tormentorum bellicorum, magna præda fuit. Ex ea abacus aliaque nonnulla, quæ ad necessarium ejus usum pertinerent, præcipua Maximiliano donata. Reliqua cum in unum locum extra oppidum comportata, ex æquo partim Zamoscius instituisset, miles forte non expectata irruens, magnam partem diripuit: ut quisque vel prior vel majore manu eam adortus invaserat, ita plurimum ex ea auferens, oppidum etiam, frustra Zamoscio prohibente, incensum à milite fuit. Præterea vero, exercitu Maximiliani vel deleto, vel profligato, cum præsidium vicinū nullū esset, Cæsarei fere iisque, quicquid colonum & lixarum in exercitu erat, se adjungens, ad octo fere miliaria progressi, incendiis direptionibusque, circum circa grassabantur: ut casu eo plerisque inexpectato, securesque omnibus agentibus, cum incendiis detrimenta magna data, tum præda omnis generis, maxime autem pecoris, maxima in Poloniam abacta. Pugnatum prælium id fuit die vicesimo quarto mensis Januarii, incensum anni octuagesimi octavi. Cracoviam interim comitia adhuc agebantur. Leges in illis complures necessariæ pleræque & salutares latæ. Imprimis vero iudicium Majestatis, quod & à Zborovius & postea ab aliis varie jactatum fuerat, certis legibus circumscriptum, certa que ejus ratio constituta. Similiter constitutiones de homicidiis diligentius constitutæ. In eam etiam,

etiam, qui nobilem privata autoritate in vinculis habuisset, ad hunc diem, nullum certum iudicium, nulla poena fuerat, carcer anni unius loco poenæ publicæ, privatæ, ut ejus temporis, per quod in vinculis eum habuisset, triplex; præterea vero, centum viginti marcarum multa refusioque damnorum injuriam passo statuta. Provocationes itidem, seu duella, nisi ex permisso regio, sub gravibus poenis, prohibita. Bonorum Ecclesiasticorum, maxime autem monasteriorum, alienatio circumscripta, neve sine autoritate & consensu Episcopi rata esset, cautum. Veteres summae, quæ in infinitum plerorumque opinione producebantur, quatuor possessorum usufructu definitæ; utque quintus quartam jam inferret, constitutum. Succamerariorum electio ad exemplum iudicium terrestrium, ad nobilitatis suffragia revocatum. Juramentum vero, à quo immunes hætenus fuerant, eisdem injunctum. Maxime autem in perduelles, ut vocabant, qui Maximiliani partes sequebantur, constitutio decreta constitutaque. Tria eorum genera facta, qui adhuc in armis essent, etiam sine iudicio ullo, hostes publici iudicati: cumque contra eos, de cetero publico, Dux Regni sub id tempus proficisceretur, qui vel in ea expeditione, vel postea ex iis capti interfective essent, tanquam in manifesto crimine perduellionis deprehensorum caput, bonaque omnia publicata essent. Qui quamvis diversas partes secuti antea fuissent, ab armis tamen & novarum rerum consiliis jam abstererent, domique suæ pacate se continerent, iis non modo iudicium, sed metus etiam iudicii omnis remissus. In alios iudicium constitutum, dies quatuor septimanarum, ab editione libelli, in eo, ad quod quisque pertineret castrum, cura instigatoris publicandi præfixa. Iudices octo ex Senatu, tondem ex equestri ordinis delegatis Regi ad iudicium id exercendum adjuncti, tempus ejus ad proximorum comitorum exitum prorogatum. Ex damnatorum bonis refusio, damna per tumultus ejus tempus, vel ab hostibus, vel nostro milite, autoritate vel jussu salutis, defensionis publicæ causa, Ducis militiæ passis, decreta. Si quem etiam Rex extra iudicium in gratiam recipebat, privatus tamen, si quæ, ab illo tumultus ejus tempore, damna acceperant, jus vel in comitiis, vel tribunali de iis, contra eum agendi conservatum. Eidem iudicio quartarum non solum, vel retentarum, ad comitia usque cognitio permissa. Neve minus necessarios metus aliquis animos hominum distraheret, poenis expeditionis publicæ, quæ in conventu Vislicienfe decreta fuerat, eadem lege, in universum omnes soluti fuere. Ut Senatores, Magistratus, Præfecti, Possessoresque bonorum regiorum, omnes, qui nondum jurati essent, vel coronationi ipsi non interfuissent: nam de horum fide dubitari non poterat: intra quatuor septimanas, à publicato edicto, in Polonia quidem, in suo quisque castro, in Prussia apud suum quemque Palatinum, fidei sacramentum Regi

disceret, sancitum. Episcopi Palatinique excepti, ad quos Secretarios juramenti exigendi causa Rex mitteret. Nuncium prælii Bycinenfis, Maximilianique, decimo fere die, à quo profectus contra eum fuerat, capti, ante finem adhuc comitorum Cracoviam perlatum, varie animos hominum affecerat. Plerisque quidem publice gratulantibus, non paucis tamen ex iis ipsis tacite quasi fortunam tamamque hanc Zamoscio invidentibus. Cum publica tamen lætitia, gratulatioque, tum tanta res gesta, cum invidiam omnem oppressisset, Opalenio ipso etiam, quamvis, quemadmodum supra ostensum est, à Zamoscio fere averso, non modo tamen tum non repugnante, sed etiam annitente præfecturæ Zamechenfis, & Krzeszoviensis, quas advitalitio jure Zamoscius possidebat, hæreditario jure, eorundem comitorum autoritate ei posteritati; ipsius confirmatæ. Similiter Andreas Cardinali, & Balthasari, fratri ejus, Battoreis, cum ob Stephani clarissimi Regis, tum ob auxilium nuper latum, recentium memoriam, abque ipso etiam Balthasare, fortiter in eo prælio rem gestam, jus civitatis, seu indigenatus, quod vocant, tributum. Quo aliquis quidem in Regno nobilis optimo esset: Archiepiscopatu solo tamen excepto, vetebatur. Farensebicio Karkusium in superioribus comitiis jam publica autoritate à Stephano Rege hæreditario jure donatum, quod in comitiis iis nullæ leges scriptæ essent, in hisce lege etiam confirmatum. Itidem Procopio Pienonscio possessiones aliquæ Livoniæ, præter hæc verò, alia etiam non pauca statuta. Neque dubium est, cum unius tantum partis comitia essent, altera, quæ Maximilianum sequebatur, ut absente, ita nihil etiam turbaretur, vel moliri contra valente, eum alia pleraque à Republica tum maxime, de quibus Zamoscius referebat, imprimi omnes excluderentur rationes: quemadmodum & consiliorum, seu sententiarum, in collegio imprimis nobilitatis, certo numero finiendarum, non difficulter constitui potuisse, nisi Opalenii à Zamoscio dissensio, ut alia nonnulla, ita illa quoque impedivisset. Fluctuabant nihilominus, cum Lithuani adhuc, tum non pauci in nonnullis aliis partibus Regni. Sub ipsum coronationis tempus, Leopoli conventus Russiæ erat. Ad eum cum Præfectus etiam Sniatinensis, Nicolaus Jasloviecicus, qui à Maximiliano in Russiam se contulerat, cum non parva manu, tormentis etiam aliquot, venisset, cum civibus Leopoliensibus, non parvum terrorem incussit, tum ex nobilitate non paucos, partim metu, partim gratia, & autoritate, in partes traxit. Verum cum & stationibus portas cives firmassent, diligenterque excubias agerent: in conventu autem nobilitatis, Joannes Demeetrius Solikovius, Archiepiscopus Leopoliensis, Nicolaus Herburtus, Præfectus loci, aliique non pauci, diligenter pro partibus Sigismundanis contendissent, & tum infecta se discessit, ut paulo post nuntio de capto Maximiliano



allato, si quæ reliquæ Maximiliani partes erant, animis plane conciderunt. Lithuani cum sua sponte, ita ex comitiis electionis discessissent, ut neutrum se Regem agnoscere profiterentur, tum Rege ex Prussia Petrikoviam versus tendente, ad Senatores qui Regem deducebant. Sub id ipsum tempus, quo Brzesciam Cujaviz Rex pervenerat, literas dederant, quibus in eadem tergiversatione se persistere significabant. Verum cum communem universæ gentis Vilnam conventum sibi indixissent, missi eo à Rege Nicolaus Olesniewicz, à Regina Joannes Rakovius fuit, qui in partes eos perducerent. Verum à Maximiliano quoque Alexander Prunscius, qui suo loco pro illo contenderat, ad conventum eum excurrerat, tum Andreas Samborkecius etiam legatus missus ab eo fuerat. A quibus cum in duas partes distracti utrinque fuissent, tandem tamen communem legationem ad comitia coronationis decernunt. Princeps ejus Joannes Lebovicius, Palatinus tum Trocensis, erat. In speciem quidem ad Sigismundum Regem, ut de conditionibus cum illo statuerent, revera, ut, cum Maximiliano cum exercitu adhuc in Regno esset, utrius partes superiores extitissent, ad eas se applicarent. Jam ab initio quidem comitiarum Episcopus Samogitiz, & Joannes Kiska Eustachius Wolovicius, qui sine simulatione partes Sigismundanas sequebantur, ad Regem venerant, ab initioque comitiis intererant. Maxime de duabus rebus Lithuanis agebatur, de Livonia, quam ex æquo cum Regno partiri volebant; & juris sui confirmatione, quod ita sibi constituerant, ut inter alia, quæ conditionibus Regni gravia viderentur, maxime Polonos omnes à Lithuania excluderent. Cum & inviti ordines Regni ad conditiones eas, imprimis vero potiundæ Livoniz, accederent. Lithuani in eventum expeditionis contra Maximilianum cum incerti essent, diutius aliquanto, cum per delegationes, tum aliis difficultatibus, ductares fuit. Ex instituto autem in exercitu habebant, qui, quamprimum prælium factum esset, de exitu ejus, per dispositos equos, illis significaret. Itaque cum de victoria exercitus nostri omnium primi ipsi cognovissent; partim discessu, quem intentabant, partim aliis rebus terrendo, antequam nuntius victoriæ vulgaretur, consensum in postulata sua Ordinum Polonicorum exprimunt: ipsique etiam mox, totius Lithuaniz nomine, juramentum Regi præstiterunt. Legati seu Commissarii, quos vocant, ad partiendam ex æquo Livoniam, mox designati. Reliquarum rerum perfectio, quemadmodum aliarum omnium, quæ vel ex Varsoviense vel Vislicienſe conventuum auctoritate in hisce comitiis perfici debuerant, ad futura comitia, quæ intra annum indictum se Rex promittit, rejecta. Inter quæ Prussiz Ordinum postulata, cum ob vias ab adversariis infestas, præter Dulsium Regni thesaurarium, ex Senatoribus nullus, ex nuntiis nobilitatis vix unus atque alter, pervenire Cracoviam potuiss-

sent. Nominatim vero juris Culmensis emendatio, jam ante à Stephano Rege eis permissa, auctoritate etiam conventus ejus illis conservata. Maxime vero de modo electionis ægiz, & interregni, tum executionis pacis, inter disidentes de religione, qui utrique parti serviret, compositioneque inter Status, ecclesiasticum, & secularem cautum, ut sine ulla exceptione, in futuris saltem comitiis, definiretur. Itaque ex comitiis iis discessum, ut cum non pauca constituta in illis essent, majora tamen fere ad proxima comitia differrentur, & meliore omnium cum spe, quod non modo de adversariis plane jam debellatum videretur, verum amplus ipse etiam Regni in potestate esset. Maximilianus enim Krasnostavium deductus ibidem eoque detentus fuit, quousque pactis conventis non satisfecisset. Toto hoc tempore regaliter excipiebatur, & sæpius à Zamoiscio ad convivia festiva Zamoiscium (quod paternum ejus oppidum est) invitabatur. Eodem fere anno Palatinus Cracoviensis Tenczynius mortuus est, in cuius locum Nicolaus Firlejus suffectus. In id quoque inciderat tempus sepultura Stephani Regis Poloniz laudatissimi, quam septimana proxima ante festa Pentecosten anni 1588. Cracoviz Anna Regina, de mortui conjunx, Rex coronatus Sigismundus, ejusque Soror, Infans Sveciz, tum Legati à Transilvania, in magna Senatorum & Civium assistentia & frequentia, cohonestarunt. In Pontificali templo Arcis Cracoviensis, ultra Altare majus, sepultus, & illatus in monumentum, quod affabre confectum etiam nunc spectantium oculis exhibetur, impensa publica constructum, quod ejus merita erga Rempublicam æquo jure requirebant. Interim Austriaci de liberatione Maximiliani solliciti, ad Sixtum V. splendidam miserunt legationem, qua perfecerunt, ut in Poloniam Hippolitum Aldobrandinum Cardinalem (qui postea in Pontificem Romanum electus Clementis VIII. nomen assumpsit) pro eliberando illo mitteret. In cuius occursum Sigismundus Rex cum splendido equitatu ultra Cazimiriam eques ipse processit, quem salutatam Cracoviam deduxit, ac toto tempore liberaliter tractavit. Mira tunc res accidit, Sole lumen suum diffundente, stellæ splendidissimæ circa illum duæ apparuerant, quæ futuræ concordiz cum domo Austriaca ominabantur stabilitatem. Itaque cœpta de Maximiliani liberatione tractatio, in anno 1589. tandem in comitiis perfecte adimpleta fuit. Per Commissarios res actæ, adnitente maxime Pontificio Legato. Ex parte Regis & Reipublicæ Brdzinum conveniant, Hieronymus Rozrazewius, Episcopus Cujaviensis, Joannes Dux Ostrogiz, Palatinus Volhiniz, Joannes Gortemsky, Palatinus Ravenſis, Christophorus Zrenovicz, Palatinus Brestensis, Andreas Opalinsky, Marschalcus Palatii major, Joannes Zamoisky de Zamoiscie, Cancellarius & Exercituum Regni Generalis: ex parte vero Imperatoris & domus Au-

striacæ hi erant, Bitomiz congregati: Guilhelmus Rozembergius, Christophorus Popel de Lubovicz, Olomucensis & Jaurinensis Episcopi, Riccardus Strom, Zephridus Promnicz, Nicolaus Jitfansi, Joannes Kobens. Omnes hi in comitatu septingentorum (ut erat conventum) equitum, in unum postquam convenerunt, sedulo de pace inter domum Austriacam & Regem ac Rempublicam stabili agebant. Post multas tandem deliberationes, & ad Cæsarem Commissariorum ejus missiones, quæ summam nostris Commissariis adferebant molestiam, has conditiones 8. Martii eliberandi Maximiliani conscripserunt: Ut Maximilianus abdicaret se Regno Poloniz, nec unquam titulo ejus uteretur, super quam conditionem ipse Imperator se subscriberet, & juramento confirmaret. Ut Lubovsla arx cum omnibus tormentis & apparatu bellico reddatur, Ordines Ungariz, Boemiz, Moraviz, Silesiz, super pacem hanc scriptum suum darent, & juramentum præstarent. Vicissim Rex Poloniz juramento se obligaret in futuris comitiis, (quæ jam incœpta erant, & tempore commissionis ejus peragebantur) pacem firmam se servaturum; Amnestia perpetua, ut omnes controversiæ sopirentur. Minutiora quoque addita aliqua, quæ Sigismundus in Polonia, Imperator & Domus Austriacæ Legati Pragæ jurarent, & omnes obligationes adimplerent in mense Julio, quibus perfectis, tum primum Maximilianus dimitteretur. Præcipuus tunc fuit tractatum illorum moderator Laurentius Goslicki, Episcopus Camenecensis, summus & ingenio & arte res politicas tractandi. Unde sine difficultate in comitiis omnia ab Ordinibus approbata. Ad excipiendum itaque juramentum aliqui Senatores designati sunt in iisdem comitiis. Ad Imperatorem veto Radivilus Cardinalis, Nicolaus Firlejus, Palatinus Cracoviensis. Ad deducendum Maximilianum Episcopus Chelmenſis, Palatinus Sendomiriensis, Castellani Wogniciensis & Sedecensis, Nicolaus Zebrzydovius, Capitaneus Cracoviensis ad fines Silesiacos, nec non Ungaricos dissimilandos, plerique Senatores & Judices. Non minor cura domesticarum injuriarum inter discordes Proceres componendarum fuit. Cum enim ex ista Bycinenſi captivitate multi vererentur, ne animi aliorum in vindictam exardescerent, & occulte alter alteri insidias strueret. Quamvis gentis Polonæ proprium & genuinum quasi sit publice injurias suas velle ulcisci, nec privatum odio aliquem habere, sed quod in corde, hoc in ore gerere: tamen verebantur aliqui, ne ex intentata actione aliquod & vitæ & famæ subirent discrimen. Itaque solers effecit communium amicorum sollicitudo, ut compositis mutuis illis offensis, etiam legum rigor mitigaretur, nec nisi Andreæ Zborovio Marschalci minoris Regni officium abrogatum, Stanislae Przymemsky fuerat concessum. In iisdem quoque

comitiis modum futuræ electionis conficere volebant, & varia consilia proponebant. Præcipui, qui id curarent, erant: Archiepiscopus Gnesensis, Cracoviensis & Vilnensis Palatinus, Joannes Zamoiscius, Cancellarius Regni; Archiepiscopus maxime incumberebat in id, ut Catholicum Regem semper Polonia haberet, idem voluit addere, ut, quicumque is esset, Catholicæ Romanæ fidei esset. Zamoiscius vero replicuit, satis esse hoc ponere, ut Catholicus sit, & eo ipso non alium intelligi, nisi Romanæ fidei debere eum esse. Cumque apud Archiepiscopum ea de causa in suspicionem devenisset, præsertim, quod omnino etiam vellet, ut Austriaci ab ambitu excluderentur, mutuis suspicionibus laborantes, res tam salutaris, nostro summo malo, est dissoluta, & ad frequentia rejecta comitia. Tunc enim propter ingruentia pericula à Turcis & Tartaris, qui in ultionem propter arces, Kesloviam, Tehinam, Bosakoviam & Bialdgradum, à Kolacis devastatas, dicebantur conlurgere, summo in periculo Respublica erat. Pruteni eodem etiam tempore ad Tribunal Regni accesserunt, cum antea separata judicia habuissent: & Duces Prussiz & Pomeraniz, per Legatos suos, Homagium Regi præstiterunt. Frequentibus etiam tam Sigismundus quam Ordines Regni literis à Rege Sveciæ, parente Sigismundi, compellati, ut cum filio Revaliz certis de causis convenire posset, in iter id consenserunt. Paulo post Legatus Cæsaris venerat, ut juramentum à Rege super conditiones Bendzinenses exciperet. Quo profecto versus Lublinum Rex movit, indeque Krasnostavum ad salutandum Maximilianum & convivium splendidis excipiendum divertit, ut nimicum consuetudine ista omnium injuriarum oblivio oblitteraretur. Obtinuit ille tum spem liberationis suæ propinquam, quæ in effectum brevi deducta fuisset, si conditionibus initis satisfecisset. Imperator quidem Rudolphus stetit pactis conventis, quæ ipse postea subscripserat, & juramento firmaverat, nec non Legati Boemiz & Archiducum Austriæ in præsentia Legatorum Cardinalis Radivili & Firlei Palatini Cracoviensis, quos ad hunc actum, uti supra ostendimus, Rex destinaverat, qui vicissim nomine Regis, quæ essent servanda à Regno Poloniz Maximiliano, & Regnis Boemiz ac Ungariz, domuique Austriacæ, jurarunt. Cum vero Legati Ungariz Regni tardassent, seu potius non venissent, Maximilianus ab iis, quibus erat demandatum negotium deducendi eum ad fines Silesiz, revocatus ex itinere fuit. Non multo tamen post, vadimonio accepto, quod in comitiis futuris Ungari pacta illa confirmarent, & jurarent, dimissus, & à Laurentio Goslicki, Episcopo Camenecense, tum etiam Nicolao Zebrzydovio, Præfeto Cracoviensi, nomine Regis & Ordinum Silesiam usque deductus. Non caruerant tunc Legati aliqua modestia, ut in conversione fortunæ plerumque accidere solet. Nam Maximilianus, ubi vidit



validum exercitum Germanorum Duce Melchioro Rhedero sibi occurrentem, reddere jusjurandum ex pactis recusabat, injusta ea in detentione sua extorſa à se afferens. Inermes nostri Legati secuti eum Bithoniam graviter ipsi exprobrabant, hanc Principe Viro minime dignam elusionem esse, violatamque fidem summi Pontificis, Imperatoris, totque Principum sponſione firmatam, ideoque firmiter tenendam, quamvis nunc aliquorum levi consilio eo levitatis sit perductus. Zebrzydovius vel vita propria istam elusionem ulcisci paratus erat, & perfecisset, nisi Goslicii prudentia à suscepta cogitatione revocatus fuisset. Nihil damni inde Reipublicæ eventurum judicant, cum juratam jam ab Imperatore pacem haberet. Imperator enim hanc Maximiliani cunctationem improbavit, & ipse postea Maximilianus jurare à Sponsoribus coactus fuit. Interea Rex Lublino in Lithuaniam iter suum convertit, Revaliæ patrem suum salutaturus. Quo tempore Tartarorum colluvies in Podoliam se exoneravit. Summa tum omnium consternatio erat, & quia in comitiis præteritis (etiamsi admoniti Ordines essent, propter evitanda tamen tributa, vanum eum esse metum judicantes) nihil subsidii constitutum erat, ideoque nullum militem habebant. Die 18. Augusti 1589. in summo numero hostes prope Leopolum confederunt, cum alii ad Tarnopolim expectarent. Bonis multorum vastatis, & in cinerem redactis, præda maxima onusti Bavoroviæ Wodliovvam, sororem Zamoïscii obſederant, de cujus præſentia admoniti, eo acrius instabant, cum periculo etiam vite sue, jamque oppidum in sua potestate habebant, & septa arcis obtinebant, cum advenerunt Jacobi Struſſii, Potociorum, Podlodoviorum, copiarum, nobilium etiam undique numerus non contemnendus, & summa clade jamjam in arcem irruentes affecerunt. Quo in prælio magni animi Vir Struſſius, Præfectus unius cohortis, animo se occubuit, nimum se in periculum id ingerendo, Warszauski, Koricinski, alique multi, in captivitate ab illis adducti erant. Sed Koricinski post breve tempus à Bielecki fuit propter notitiam & amicitiam cum illo constanter cultam libertati restitutus. Bielecki iste erat natione Nobilis Polonus à Lublinensi terra, cum in juventute captus à Tartaris fuisset, tandem ad Turcam delatus, ab illis in secta Machometica eruditus, reversus fuit in Poloniam. Stephanus Rex ipsum alacri suscepit animo, & pro interprete eo (quod Turcicam & Tartaricam linguam optime calleret) usus erat: assignata ei non mediocri possessione. Sed quod Rex liberaliter illi concesserat, hoc Domini alii turpiter eripuerant. Quo iratus ad Tartareos iterum se contulit, illosque in patriam ulciscendarum injuriarum causa incitavit. recesserunt itaque post pugnam hanc (quam etiam Kofaci Nisovii accelerarunt) Tartari versus suam regionem: multis & præcipuis amissis, quos in domos aliquas contractos, in-

cenderunt. Palatini Kioviensis & Braclaviensis numerosum satis contraxerunt exercitum, sed, quia simultates aliquæ inter eos intercedebant, conjungere militem suum & unita virtute hostem propellere detrectarunt. De incursione hac Tartarorum Vilnæ Regi commemoranti significatum fuit, quia tamen properabat Revaliam, ad Zamoïscium & alios Proceres literas dat, præmonendo eos, ut ita providerent, ne quid Respublica detrimenti caperetur. Hoc metu vix sublato, alter subsecutus est non levior, imo rantus, ut totum Regnum ad sui defensionem jure merito commoveret. Turca, ulcisci damna, quæ sibi illata à Kofacis, toties per legatos significabat cupiens, bellum Poloniæ indixerat: miseratque Hader Bassam Beglerbegum Sihitriæ cum exercitu, qui Danubio transgresso Typiæ ripas infederat. Hoc improvise bello totum Regnum commovebatur, variosque modos salvandi se quærebat, cum alius non esset. Zamoïscius una cum nobilitate Leopolum convenerat, ut consulerent rebus, sed remedium aliquod vix inveniebant, tantum precibus eo adduxerunt Skilikovium Archiepiscopum Leopoliensem, ut in Poloniam ad diversos Proceres & Conventus discederet, ipsorumque opem imploraret. Nihil tamen aliud, præter bona verba, lucratus, & ad sequentia comitia dilatus. Concurrerant tamen multi ad commune incendium extinguendum. Præter frequentem Nobilitatem Georgius Maïsch, Palatinus Sendomiriensis, Stadnicii cum numeroſo milite aderant. Kamenecia Nicolao Jasloviecio, Præfecto Sniatinensi, commendata. Leopoli quoque munita, valloque firmata. Ad ceteros Palatinatus literæ perſcriptæ, ut subsidio venirent, & communi consilio & viribus Rempublicam juvarent. Justus exercitus cum deesset, quem tam potenti hosti ad defendenda campeſtria Zamoïscius opponeret, tutius vilum est, Leopoli se continere, & civitatem firmissimis propugnaculis communire. Postquam tamen Nobilitas frequens & cohortes, tam Quartana quam propria Zamoïscii pecunia conductæ, convenissent, assumpto animo de defendenda patria, imo hoste acriter propulsando, cogitare omnes cœperunt. Processit proinde Zamoïscius ultra Leopolum, sparsaque fama majoris adventantis exercitus, quam nominis ejus magnitudo auxerat, non nihil detinuit hostem, qui ulterius progredi non est ausus, sed nuntium de pace ineunda expectavit. Ultro citroque missis Legationibus eandem taliter conveniunt: Ut Rex & Respublica curarent, ne Kofaci mare Euxinum & provincias ei adjacentes Turcicas aliquo modo aut causa deinceps infestarent, ut Legatus ad firmiorem pacem constituendam ad portam Othomannicam mitteretur. Ita Beglerbegus nihil hostilitatis tentans, infructuoso conatu rem suam agens, rediit, & Russiam metu tanto liberavit. Rex interim Sigismundus institutum iter continuavit, & Revaliam septima Augusti, in aliquot

quot millium comitatu, multis Aulicis & Senatoribus, utpote Alberto Baranovio, Episcopo Przemisliense, minore Cancellario, Stanislaſo Przilemsky, minore Marſchalco Regni, Martino Lefniolvolsky, Castellano Podlachiæ, Joanne Tarnovvsky, Referendario Regni, Christophoro Radzivillio, Præfecto militiæ Lithuanicæ, Palatino Vilnensi, qui auxit splendore aulae suæ Regis aulam, (ad duo enim millia habuit militum) comitantibus pervenit. Rex Sveciæ Joannes obviam filio ad quartam partem miliaris processerat, & amantissime salutato dextram manum detulerat, quam acceptare, motus reverentia Patris noluerat, atque sic dextra parte concessa Parenti, ipse levæ adequitans, uterque in Arcem cum summa utriusque gentis gratulatione venerat. Ductus in interiora arcis cubicula Reginam Sigismundus, Infans vero Sveciæ Regem, Parentem suum, postea Senatores Regni Poloniæ utrosque salutarunt. Nomine omnium Vicecancellarius, redditus literis ab aliquibus Senatoribus, quæ postea in consilio secreto perlectæ fuerunt, nomine vero Aulicorum & regionum & Nobilitatis Ostrogogius, Orationem satis elegantem habuerunt. Quibus ipse Rex Sveciæ respondit. Hac etiam die Ostrogogius, una cum Secretario majore, dona à Zamoïscio Exercituum Duce, Frameam ex auro affabre factam, Clavam, Pharetram, & tres Tartaros captivos, obtulerunt. Grato suscepit animo Rex Sveciæ, & suam in futurum promptitudinem declaravit. Insequenti die Regem Poloniæ cum Senatoribus splendido excepit convivio, quod tamen literæ Zamoïscii, Tartarorum incursione & vastitatem Russiæ significantes, aliquomodo turbarent. Nam diutius prorahi illud Rex non est passus, sed statim surrexit, à mensa, & una cum præsentibus in palatio suo Senatoribus consilium de discessu suo, quem in 26. Augusti assignavit, inivit. Quod cum intellexisset Rex Sveciæ, de retinendo Revaliæ Sigismundo, serio cogitare cœpit. Præter id, quia paternus amor ad hoc eum stimulabat, aliæ causæ plurimæ aderant, quæ omnino eum retinendum suadebant. Itaque Senatores, scripto ad Regem Sveciæ, discessum Sigismundi vehementer urgent, in memoriam etiam conditiones nondum adimpletas in Electione Filii ejus, ratione Estoniæ, revocant, submisſe rogant, ut velit Reipublicæ Polonæ, non tantum præſentia Filii sui, verum etiam ope & consilio, calamitoso hoc tempore succurrere. Sed irritum conatu videbantur omnia agere. Itaque cum Pater Skarga, Societatis Jesu, regius Concionator, in præſentia & Regis & totius Aulae ardentem pericula & desolationem Russiæ proposuisset, & monuisset, ut ad patriam juvandam quanto citius accederent, si nollent, ut Deus, innocentis sanguinis ultor, de manibus eorum afflictionem populi sui repeteret, ita cunctos commovit, ut passim ad valedicendum regi Sveciæ convenirent. Imprimis vero Palatinus Vilnensis, Castellanus Podlaffiensis, multique alii, ade-

que Sigismundum, obſtantur, ut jam, sicut convenerat, in concilio, itineri se accingeret. Sed, mutata voluntate, in patris se esse potestate, nec posse discedere, donec Commissio Moscovitica finiretur, & aliquid à Narva adferret certi legatus, afferuit. Accepto hoc responſo in unum conveniunt, deliberant, quid deinceps agendum esset; concludunt tandem, ut Sigismundum adeant, & rogent, velit illos præmittere, & literas passus à Parente suo impetrare. Interea Senatores aliqui Svecici adveniunt, cum quibus serio de discessu Regis sui agunt, & ostendunt pericula ingruentia Poloniæ, diuturnam non pati moram, jam satis vastata Russia, ipsa viscera patriæ hostes tentare velle, imo etiam & Regno Sveciæ aliquid inde imminere periculum, ut Regi suo sint Authores, neve Filium cum summo Poloniæ periculo ulterius detineat, urgent. Hi operam suam obtulerunt, & si quid autoritate sua apud Regem Sveciæ efficere potuerint, non recusarunt laborem. Ad eunt tamen Sigismundum iteratis cum precibus, quos ille ad Patrem suum remisit: ad quem cum venissent, Albertus Baranouski, Vicecancellarius, verba ad eum fecit, renovando petitionem suam de itinere Regis sui, & ostendendo imminencia undique pericula. Tum etiam de Estonia & fœdere contra Moscum nonnulla adjecit. Verum surdus ad ea Rex Sveciæ esse videbatur, illique nihil se efficere videntes, eo quod putarent, constituisse omnino apud se Regem Sveciæ, secum in Sveciam filium accipere, & se vivente in Regnum Sveciæ coronare velle, tum etiam præſente ipso fœdus Moscoviticum perficere: Imprimis Vicecancellarius & Stanislaus Przyjemski, minor Marſchalcus Regni, cœperunt valedicere Regi Sveciæ; postea Sigismundum accedunt, de voluntate Patris ejus significant, quidve effecerint, enarrant, ut tandem ipse quid certi de itinere suo statuatur, petunt. Sed rejecit illos ad insequentem diem, quousque ipse cum Parente suo non colloqueretur. Iterum ad Vicecancellarium omnes Senatores & Aulici conveniunt, resolutionem expectantes itineris Regii: circa quam materiam aliquoties Gustavus, Comes à Regibus, ad Senatores, vicissim à Senatoribus ad Reges veniebat, tandem ea ratione in discessum Filii Joannes Rex consensit, si scripto Senatores se obligarent, concessuros, se Sigismundum denuo ad parentem, quo tempore vellet, & quando necessitas postularet, discedere. Cum aliter fieri non posset, consenserunt in conditionem, & nomina sua subscripserunt. Rogarunt etiam, ut in castris Regem expectarent, maxime propter difficultatem viæ. Cum enim ibi moris non sit victualia in foro vendere, Poloni per vim sumebant, per vim quoque ipsis denegabatur, & vim vi repellebant. Protracto in multam noctem sermone, insequenti die currus expediebant, ipsi vero Senatores ad Regem Sveciæ venerunt, quos per Cancellarium suum taliter est allocutus: Quamvis urgentes & justissimas causas habe-



habeat detinendi Filium Serenissimus Rex Sveciæ, imprimis, ut diuturniori ipsius frui conspectu, suæque senectutis inde aliquod levamen percipere valeat: tum ut ratione Regni ipsius hæreditarii aliquid certi constitueret, demum, ut Commissionem Moscoviticam illo præsentem perficeret. Nihilominus, cum videat periculis & hostibus undique circumseptam Poloniam esse, subditosque Principem suum præsentem habere velle, diutius ipsum detinere noluit. Rogat, velitis agnoscere, eousque à Majestate sua detentum esse, quodque eum à complexu suo citius non dimiserit, paterno affectui condonare: & quo amore antehæc eum complexi fuistis, eodem in posterum completi, & sanguinem suum, sicut semper expertus est, profundere pro Majestate & incolumitate ejus velitis, tum etiam, ut Svecicæ nationis majorem habeatis rationem, eosque tenerius diligatis, petat. Respondit Vicecancellarius omnium nomine: Gratam omnibus accidisse hanc Regiæ Majestatis declarationem, summasque agere gratias, quod majorem curam periculorum & necessitatum Poloniæ Reipublicæ, nec non amoris Civium, quam naturalis affectus sui & Regni Svecici rationem habuerit. Eundem, quem semper declarassent, affectum Regi suo subditi usque ad extrema vitæ suæ tempora declaratos promittunt. Addit preces, ut quantocius tempus discedendi insinuet, horam enim unam suæ hic mansionis anno uno omnes æstimare. Sigismundus deinde ipse surrexit, & omnes est allocutus: Sicut antea amorem vestrum expertus sum, & in posterum me eundem experturum non dubito. Non hic volo commemorare rationes, quibus commotus iustissime hic manendum diutius mihi esset. Audivistis enim illas. Verum, postpositis illis, ut citissime occurram periculis Regni mei, omnem impendam operam. Postquam finivit sermonem, feriam tertiam assignavit ob iter inchoandum. Sparserunt malevoli Regem tunc Revaliæ agentem cum Parente consilia deserendi Regni inivisse, & de cedendo illo Ernesto Archiduci serio cogitasse, imo & conditiones cessionis in vulgus spargebant, mihi vero minus credibile id videtur, tum ob innatam Regis prudentiam, tum etiam pietatem, qua imbutus, Regnum Catholicum deferere eum in animum potuisse inducere non existimo. Aliquas tamen suspiciones fuisse (ut plerumque hoc in Regno cives multum & supra modum aliquando iis laborare solent) non ignoro, ut inferius postea adnotabo. Hoc tempore Commissio Rigenis Severino Bonaro, Castellano Cracoviensi, & Leone Sapieka, Cancellario Lithuanicæ, Commissariis, taliter perfecta fuit, ut fortalitium quoddam ipsis valde nocivum Islo æquarent, & summam non mediocrem ratione excessum suorum Regi conferrent. Tum etiam aliqui seditiosi in foro publice, præsertim Tribunus & Advocatus Civitatis, puniti sunt. Consulem vero Ecklinam pristino honori restituerunt. Hoc anno Marti-

us Cromerus, Episcopus Varmienensis, mortuus est, insigni eruditione Senator. Hic enim historiæ Gentis Poloniæ eleganti stylo perscripsit, exterisque ostendit, Sarmatarum ingenia, si cultura adsit, non instructuosa esse posse. In locum ejus Andreas Battoreus Cardinalis iussu, fato quodam in Transilvaniam delatus, ut suo loco dicitur, postmodum fuit. Sigismundus Revalia movens Parenti privatum valedicit, qui propter mororem, ex discessu ejus, in palatio remansit, ultimisque diebus Septembris, per Prussiam, Varlaviam pervenit, quo mirum in modum properavit, propter ingruentia pericula, tam ratione Maximiliani, qui super pacta conventa nondum juramentum præstiterat, quam ratione Turcæ & Tartarorum, qui bellum indixerant. Erat jam antea expeditus Legatus, Paulus Uchanski, Palatinus Plocensis, ad Turcam, qui, cum esset in itinere pede fracto, Leopoli commorari debuit, quousque ad perfectam valetudinem non pervenisset. Potuisset quidem ille aliquid boni præstitisse, & istis periculis obviassse, si citius expeditus fuisset: verum culpa hæc omnis in Thesaurarium redundavit, qui sero ipsi pecunias in expeditionem hanc subministravit. Persecutus est tamen iter suum, & transeundo Silistriam divergit ad Beglerbegum die 22. Decembris Anni 1589. satis honeste ab illo exceptus fuit, nam & famulitium suum ad deducendum eum misit, & necessaria victualia abunde suppeditavit. Conabatur ille efficere, ut Uchanski Legatus legationem coram ipso exponeret, innuendo illi, pertinere ad se, sicut ad Ducem exercitus, habereque se id in mandatis à Cæsare & supremo Bassa. Quod cum Legatus tenueret, tandem ad colloquia privata descenderunt, quæ ad duas fere horas durarunt, & præcipue Kosacos, desolationem Tehinæ, Benkovii, Koslovicæ, proponebat, ad extremum quæsit, cur Rex Poloniæ assiduam Legatum in Aula Cæsaris non haberet, & annuatim dona non mitteret? Ad omnia apte respondebat Uchanski, & male contenti ex responsionibus suis uterque remansit. Interim, profecto eo, misit quendam Turcam, ut excusaret austeritatem dictionis ejus, fecisse hoc se in gratiam Turcarum, qui tunc colloquio frequentes aderant, & attente omnia notabant, falsus præterea fuit Carum Præcopientem ex mandato suo Russiam vastatle. Insequenti die quatuor præcipuos miserat famulos, qui quatuor fere horis permanserunt apud Legatum, de Kosacis tantum sermonem miscendo, & ostendendo, fœdera vetera jam per illos rupta esse, & nova fieri debere, in quibus novæ conditiones ac munera annua inferenda essent. Ad quæ omnia objecta apposite Legatus responsa dabat. Tandem secreto misit die tertia Causum suum, ut investigaret, an aliqua à Rege sibi munera missa essent, illo vero insperatum discessum, & ignorantiam, quod non putaret se eo divertere debere, obtendente, verecundia tamē motus zebellinas pelles & Brit. canes, nomine suo, p. dono misit.

Quo

Quo ita delinitus fuit, ut Marsalcum suum, cum ipso Constantinopolim qui omnibus in rebus apud supremum Bassam eum juvaret miserit, & ad Carium Præcopientem scripserit, ne militiam suam ultra promoveret, imò & ipse nullum intulit damnum præterquam quod Sniatinum ubi tunc nundinæ celebrabantur milites ejus incenderint, multosque mercatores Valachicos, in captivitatem abduxerint. Misit postea Causum ad Zamoiscium, qui cum habuisset justum exercitum, tam ex Quartianis, quam nobilitate, tum etiam Magnatum stipendiariis militibus illam cum optime instructo exercitu expectavit, & excepit. Cœpit jam etiam ipse Beglerbegus timere potentiam nostri exercitus, nam milites ejus fessi erant ex itinere Persico, neque illi in magno numero, nec Canis Precopinentis uti erat in condito ad hoc usque tempus cum ipso se conjunxerat, propter quod summum apud Imperatorem Turcicum adiit periculum. Non tamen omni vacabat periculo Respubl. Proinde Rex postquam Revalia redijt comitia pro 8. Martij anni 1590. indixerat, & literis ad particulares conventus omnes cives & subditos ad ferendam opem & consilio juvandam patriam invitabat. Sub initium comitiorum Nicolaus Czufousky (pro Consiliario ille Legato adjunctus erat) à Constantinopoli redijt, qui omnia ordine recensuit: Quomodo Uchanski Legatus, vi morbi è vivis ereptus, ne legationem quidem exposuerit, qualiter à Bassis tractati omnes comites fuerint. Præsertim Lascius & Miskowski, illos enim miserat Legatus, ut visitarent suo nomine Bassas, qui ut legationem exponeret Legatus omnino urgebant, & an tributum Cæsari adferrent, perquirebant; Minas illi addebant, & tantum 60. dierum spatium dabant, ad resolvendum se Polonis, ut aut tributum (quod 300000. Talerorum determinabant numero) penderent, aut sectam Machometicam susciperent, si nihil horum præstare vellent, ungulis equorum universam Poloniam in nihilum se redacturos afferrebant. Res Legati omnes obsequarunt, misso Thesaurario Cæsaris & centum Janicis, frustra violari fœdera & jus gentium clamantibus. Itaque cum nihil proficerent, Czufousky cum literis remissus in Poloniam, alij cum corpore defuncti Legati itineri se accingere iussit. Omnia & singula in comitiis referebat Czufousky, imminentiæque pericula proponebat. Sub id tempus ad Zamoiscium eundem sensum allataz literæ à Beglerbego erant, quibus aut tributum, aut Machometanam superstitionem persuadebat, si nollet potentiam Imperatoris sui experiri. In hæc difficultates conjectam Rempublicam cernens Zamoiscius, per Deum & quidquid chari haberemus obtestabatur, ut periculis quantocius omnes obviarent, & hostem in procinctu esse non ignorarent. Vitam & fortunas suas patriæ (præsertim cum nullos liberos haberet

mortuæque sub id tempus in puerperio ei uxor Grisildis Bathorea fuisset) offerebat. Itaque contributiones agrariæ, publica expeditio, & census in singula Civium tam Ecclesiastici, quam Sæcularis Ordinis capita constituta, quæ in Volumine legum ejus anni quisque plenius cognoscet. Injunctum etiam provisoribus & ærarij præfectis ut infidem publicam apud exteros aut Polonos decies centena, in Lithuania vero quinquies centena millia florenorum conquirerent. Regi destinata Leopoli ut ibi eventum belli expectaret, seu potius ad ulteriorem aleam se compararet, Duces tam Polonici quam Lithuanici exercitus contra Hostem procederent. Exercitus antea omnis hastatis triginta quinque millibus levioris armaturæ quindecim millibus, peditibus Ungaricæ nationis decem, Polonicæ & Germanicæ triginta millibus, Kosacis, viginti millibus constare debuit. Qui jam parati erant, præcedere iussi, & Turcam transitu Danubij prohibere, molemq; ejus tanisper sustinere, quousque omnes non convenirent. Modus etiam publicæ expeditionis perscriptus, qui Palatinatus, quo itinere & contra quem hostem progredi deberent; Et quoniam à Maximiliano non satis tura pax videbatur, quod juramentum super conditiones compositionis Bedzinensis non præstitisset, & titulum Regis Poloniæ adhuc usurparet, ut securitas Regis & Reipubl. constare posset, omnisque ad affectandum regnum via præcluderetur, lata lege declararunt Ordines eum neque præteriti Interregni tempore, quo electus erat, titulo, neque in posterum aliqua electione si vacaret Regnum, ad id obtinendum promoveri posse: insuper si qui Fautores ejus essent, omnes tales pro infamibus & perduellibus haberi, pœnisque criminis læsæ Majestatis subiacere debere. Sub finem comitiorum Legatus Cæsaris Rudolphi auditus fuit: Excusabat is Maximilianum Archiducem, quod nondum juramentum præstitisset, præterea offerebat in hitce Reipubl. nostræ periculis opem & auxilium, si qua in re fuerit requisitus: hanc tamen Maximilianum à regno exclusionem moleste ferebat, & quædam scripta repetebat, excusabat & Cæsareos Legatos Constantinopoli commorantes, quod nulla ratione impediverint quominus pax cum Turca coaleceret, quod tamen factum fuisse à Legatis nostris relatum fuit. Pro tempore humanum à Cancellario nomine Regis responsum retulit. Finitis autem Comitibus res videbatur, omnino utilis & necessaria, ut aliquis expediretur ad aulam Turcicam, qui Tyrannum aliqua ratione ab instituto cursu revocaret & placaret. Ideo misit Rex Joannem Zamoiscium Secretarium suum, cui in mandatis dat, ut si videret, eum cum Persa nondum bellum finivisse, aut cum aliquo alio horre occupatum esse, salvum conductum pro Legato Majore impetraret, quod si vero adverteret, ab omnibus eum esse hostibus

Bb

vacuum



vacuum, omnemque potentiam contra Poloniam velle convertere, quavis ratione dummodo honesta pacem transigeret, proponendo veterem inter Reges amicitiam & mutua inter hæc regna foedera à tot sæculis inviolabiliter culta & observata. Sed dum continuat iter, incidit circa scalam in Lascum, qui cum corpore demortui Legati revertebatur è Constantinopoli, resumpto itaque animo (anxius enim erat, quem Legatio hæc finem fortiretur) progressus est ulterius, & Beglerbegum Græciæ in Silistria salutavit. Is cum aliqua manu militum, majores vires præstolabatur, Podorociumque & Jaciminium, cum venisset Zamoiscius, famulos Uchanscij, ad hoc usque tempus in captivitate detentos, liberos dimisit. Dum Constantinopolim advenisset, reperit Nepotem ex fratre Regis Persarum pro obside datum, tum tormenta, aliaque apparatus belli ex Asia in Græciam trajicere, Turcas, versusque Adrianopolim ea mittere cognovit. Pacem cum Persa composuisse, bellum autem in Europam præsertim in Poloniam velle transferre omnium ferebatur sermonibus. Accessit ad hæc Sinan Bassa contra Christianitatem omnem, crudelis animus, præsertim in Polonos implacabili ferebatur animo, eam præsertim ob causam, quod Cosaci ditiones Imperatoris infestarent, teneretque omnia id voluntate Regis & reipublicæ fieri. Tam obstinatum ejus animum nullis rationibus flectere Zamoiscius, neque ad conditiones æquas ullo modo adducere potuit. Quid in tam ancipiti consilio & imminenti periculo patriæ agendum esset, diuolvebat animo. Tandem adit Legatum Reginæ Angliæ, cum quo contraxerat ibi notitiam & familiariter vixerat, rogat vel hoc in negotio illum juvare & consilio adesse. Communicatis itaque consiliis Anglus rem suscipit, accedit Sinan Bassam, cum alloquitur & persuadet ut pacem cum Polonis transigat, nisi vellet Regem Hispaniæ iterum hostem experiri, contra quem Belgis regina Angliæ vires suppeditaret, Reginæ vero suæ Poloni essent coadjutores, & si Polonis inferret bellum Imperator, Angliæ regnum opponere se, sicut penes suos confederatos, omnino teneretur. Si enim inquit vobiscum bellum Poloni gerent, omnia nobis adiment, quibus nos modo juvant, ut pote annonam, materiam, & alia ad classem præparandam & instruendam necessaria.

Proinde curaret apud Imperatorem sedulo ut pacem cum Rege Poloniæ renovaret. Infractus ad hæc Sinan Bassa fuit, nec se tot rationibus moveri ostendit. Itaque cum aliis inito consilio Legatus Angliæ ad ipsum Imperatorem supplicem porrexerat libellum; Quo differte demonstravit fore contra pacta, quæ intercedunt inter eum & reginam Angliæ, si bellum inferret Polonis. Interea etiam non intermiserunt sollicitare Bassas illos quos advertebant Sinan Bassa contrarios esse, ut Ca-

sarem disponderent ad pacem, ipsique autores salutis publicæ essent. Res feliciter processit, nam dum Imperatori proponerent adversarij Sinan Bassa, & dicerent, ipsum omnia ex rancore quodam contra Polonos, & furore quodam animi agere, tandem in pacem consensit. Ille è converso per suos intimos Imperatorem eo magis accendebat, proponendo tot incommoda & desolationes Turcarum à Cosacis factas. Sed ad ea surdus, consilio Legati Angliæ magis innitebatur. Interea Sinan Bassa, ex officio veteratus detrusus, suæ contumaciæ poenas dedit. In ejus locum successit Ferat Bassa qui erga Christianos propensior fuit animo. Quo mediante Zamoiscius pacem cum Imperatore conclusit, centum quadragenis Zebellinorum in recompensam damnorum in Koslowo aliisque ditionibus Turcicis à Cosacis illatorum concessis ac dono datis. Perfecto hoc negotio, sine aliqua mora Legatus Polonus Exercituum Duci, hic vero regi ad notitiam, quæ perfecta in Turcia essent perduxit. Ipse vero supremus militiæ Dux, ubi rescivit de aliqua manu militum, seu conventu aliquo nobilitatis, statim misit eo famulos suos, cum literis, quibus eventum Legationis significaret, & contributiones, in capita singula civium sancitas siteret, nec esse necessarias demonstraret. Jam enim ob novum hoc tributum, aliqui tumultuari cœperunt, præsertim æmuli Zamoiscij, qui potentiam ejus suspectam habuerunt. Itaque malo sanè exemplo Archiepiscopus Gnelnensis Primas tunc regni, Stanislaus Karnkowski, in gratiam ea de causa cum Stanislao Comite de Gorka Palatino Polnaniensi Hæreticorum & Maximilianistarum Antesignano rediit & conventum in Oppido Kolo majoris Poloniæ Palatinatibus ad decreta comitiorum tollendas indixit. Concurrerunt multi tam Senatorij, quam Equestres Ordinis viri, nec gravatim tributa in bellum Turcicum sancita sustulerunt. Præter id legem continendi in officio, Zamoiscium sanxerunt. Ut nimirum Præfectus militis obligaretur in consiliis regni cum exercitu excubare. Electioni regis præsens, nec per substitutas personas adesse, aut in ea intercedere, vocatus ut privatus nobilis, inermis non plus triginta familiaribus stupatus in locum Comitiorum venire: militem nisi jussu Regis aut Senatus conscribere, & auctionarium nullum habere: interregni tempore obsequium Senatui jurare. Legatos externorum Principum non audire, sed ad Regem vel Senatum integras Legationes remittere, nec quicquam cum hoste sine regis aut Senatus autoritate. Reperundarum quoque eum reum arguentes, regi & reipublicæ ut satisfaceret postulabant. Modum demum ferendorum suffragiorum pro futuro eligendo rege præscribebant, potestate quadam sibi convolvendi status universi Reipublicæ usurpata. Ex hoc conventu mittunt Legatos suos

suos ad Regem per quos insinuant imprimis Deo se persolvere laudes, quod in concordia summa conventum obiverint, deinde Regi agere gratias, quod suum ad eos Legatum expeditiverit, cui Oratione luculenter demonstrarunt, se quicquid agerent bono publico agere, nihil contra dignitatem regis moliri, sed exemplo antecessorum suorum inniti, cum viderent legibus suis vim inferri, factiones institui, convenisse in unum & periculis omnibus obviam ire velle, quibus obviando quidquid conclusum in Superioribus comitiis esset, se tollere, & annihilare, salva tamen Regia persona ejusque majestate. Addunt articulos certos conscriptos à quibus nolle se ullo modo recedere, solenniter protestantur, ingeminant preces ut comitia alia quantocius assignare dignetur. Respondet Rex Viasdoviz, quod quam primum ad notitiam suam devenisset, hæc Civium & Subditorum contumacia, & ejusmodi audacia ut privato conventu, publica comitia & sanctiones tollere attentarent, nihil ita sollicitè curasse, quam ut istas dissensiones & motus componeret; noluisse aliquid præcipitanter agere, sed exinata bonitate sua, dilucidasse, quidquid in præteritis Comitiis conclusum esset, omnia ad utilitatem, honestatem, commodum patriæ directa fuisse, cum ut ab immanitate Turcica subditos liberaret, tum ut saluti reipublice commodius consuleret: in quibus sancitis nullam vim, nullam libertatis violationem fuisse, luculenter quemlibet perspicere posse. Quam ipse à cervicibus civium suorum avertere paratus esset. Nulla itaque ratione adactos, ejusmodi conventicula instituisse, & ita quasi interregnum aliquod esset egisse. Quod sane peccatis eorum & iræ Divinæ ascribendum est. Deum obtestari, ut ipse corda hominum dirigat, & ad idem sentiendum & mutuam concordiam convertat, omniaque potentia sua divina in melius commutet. Majestatem suam verbis tantum colit, ut re ipsa præstent provideant, se gratum futurum semper declarat, si submissionem eorum & observantiam debitam Principibus expertus fuerit. Comitia se indicturum brevi, in quibus articuli missi ab illis in facie totius reipublice exhibebuntur: vehementer præterea ingemiscere, istis dissensionibus publicam quietem turbatam & militis auctoritati pro bello Turcico solutionem, ob tributa non exsoluta retardatam esse.

Rex itaque Comitia pro 3. die Decemb. Anni 1590. indixit, quæ secundum consuetudinem veterem, particulares conventus præcesserant. In quibus satis turbarum & rixarum erat, aliis conventum Kolsensem approbantibus, aliis tollentibus, neque articulos suscipientibus: Si enim in eum consensissent, & præterita comitia nullum valorem habuissent & exclusio Maximiliani in regno non stitisset firma, quæ fortassis (ut putabatur) majori ex parte Origo harum dissensionum fuerat.

Aliqui etiam bellum Turcicum confictum aliquorum consilio fuisse existimabant, & per consequens illas contributiones tam agrarias, quam capitales, potius privatis commodis, quam publicis destinatas esse. Sicut Conventus isti districtum, ita etiam ipsa comitia turbulenta fuere, præsertim propter conventum Kolsensem, quem aliqui respuebant, aliqui omnino admittebant, aliqui se Regi excusare volentes, quidquid ibi actum esset, commodum reipublice spectasse, non ut Regiam personam aliqua in re offenderent, asseverabant. Aliqui aliter & interpretabantur & ominabantur. Per duas septimanas articulos Kolsenses cum summis contentionebus nuntij terrestres trutinabant. Cœpit contentio in ipso Comitiorum introitu, cum Marchalcus nobilitatis Joannes Rulcius (qui etiam in Conventu Kolsensi eodemungebatur munere) ad Regem verba faciebat. Dum non satis contenti aliqui remanerent, rixæ statim ortæ, nec finita Oratione, ad solitam sessionem omnes sunt reversi. Rex visa hac perturbatione, æquè omnes audiebat tam eos qui Conventum Kolsensem probabant, quam illos qui eundem improbant. Maxime Zamoiscium ratione conficti belli Turcici notabant, quasi ille studio ejusmodi rumores propter contributiones sparsisset, atque in vulgus disseminasset.

Tandem post multas altercationes quieverunt. Sed Militum insolentia magis afficiebat rempublicam. Illis enim stipendia non soluta erant, ideoque bona regalia invadunt, Ecclesiastica diripiunt, equestris ipse Ordo in suis possessionibus securus esse non poterat. Alij vero Sambori quiete sedebant, & fructus inde percipiebant. Necessario itaque ut contentarentur providendum erat. Sed alij serio cum illis procedendum esse, & armis continendos in officio suadebant, alij è contra diserebant, non imitandos magis, sed benevole tractandos. Post multas ad extremum contentiones die 15. Januarii. Anni 1591. feliciter comitia in multam noctem protracta finita. Donativa tam Turcarum, quam Tartarorum Imperatori quæ Legatus noster promiserat Rex missurum se recepit, collectâ primum ex censu Capitali Judæorum, & telonio quod ex Nogati defluatatione percipitur. In casum belli Turcici publica expeditio decreta, nova judicia ratione stipendiorum persolvendorum & judiciorum exercendorum militibus instituta. Contributiones decretæ 15. gro. de Manso uno. Constitutiones præteritorum comitiorum ad bellum Turcicum pertinentes, tam etiam Provisores, assecurationes, census capitales abrogatæ. Reliqua in volumine legum quilibet acuratus legere poterit. In iisdem comitiis minus Sigillum regni Joanni Tarnovio collatum est, & restitutio honoris Christophoro Zborovio indulta, ea tamen conditione ne in patriam nisi elapsis viginti annis reverteretur. Causus quoque Turcicus



tunc temporis advenit eum literis Beglerbegi & Veferi, quibus mirabatur quod hoc usque nihil à Rege haberent responsum, simul quærentes an scitu Regio pelles Zebellinas promiserit Zamoiscius, qui legationem expediverat. Proinde Rex nihil morando expedivit Dzeriskum in Turciam cum donis istis qui non in vim tributi, sed compensationis damnorum, quæ Cosaci intulerunt in ditionibus ejus Imperatori offerret neve impofterum aliquid sibi propterea Imperator præstenderet, caveret. Ad Carium quoque Tartarorum cum solitis stipendiis Martinum Bronevium misit, consuetudinum & morum gentis gnarum. Expeditis omnibus Reipub. pro tempore negotiis Rex Cracoviam versus iter adornavit, non aliam ob causam, nisi ut ibi consilia ratione matrimonij sui eo melius tractaret & expediret: jam enim Austriacorum benevolentiam cognitam quam non obscure præsterebant & Regi testatam fecerant, ad quod etiam multos regni Senatores stimulatōres habuit, antea Radivilum Cardinalem præmisit, ut voluntatem illorum exploraret, viamque ad futurum matrimonium sterneret. Qui eodem anno in Petri Miskowski Episcopi Cracoviensis locum (octogenarius enim ille mortuus est, non tam ætatis decursu, quam morore consumptus, propter mortem nepotis sibi ex fratre Castellani Zarnov.) successit. Annus iste initium multarum turbarum præbuit, ex occasione Hæreticorum quorum delubra tam Cracoviz, quam Vilnæ funditus erant everfa: inde serpebat indies majus malum & Regem summopere turbabat. Quamvis minime esset in culpa quin potius Marschalcum suum Lithuanicum ad sedandum tumultum miserat, atque in authores tumultus severam mandavit inquisitionem. Ipsi hæreticos occasionem præbuisse non falso jactabatur. Etenim Scoti (qui frequentes ad nundinas Cracovienses advenerant) in foro aliquot homines, de religione controvertentes miserabiliter occiderunt: quam eorum audaciam insequenti die ulciscendo tam Studiosi, quam promiscua plebs, cujus ibi maxima reperitur multitudo, eorum delubra solo æquarunt. Inde multi nobiles ejusdem sectæ postquam Cracoviam venissent Regem adveniunt, & suam injuriam proponunt. Ex cujus responso cum non adeo contenti remanissent, cum neque in authores inquirere, neque satisfactionem pro damnis habere sufficientem potuissent, exacerbatis animis discesserunt. Sub hoc tempus factum aliquem Palatinum Valachiz, qui se Ivoniæ posteritatem esse prædicabat sub patrocinio Cosaci receperant, eundemque in Palatinatum reducere volebant. Rex emergens inde periculum patriæ prævidens, dat negotium Jasloviecio Præfecto Sniatiniensis ut propterea obviam malo imminenti eam: qui intellecto Regis mandato cepit cum Cosacis tractare, ut cum potius regi adducant, quam in evidens periculum Reipub. conjiciant.

Permoti perversationibus illius adducunt Ivoniam quem Marienburgum carceri perpetuo adjudicat Rex, Cosacos vero pro fidelitate sibi præstita liberaliter remunerat. Inter hæc Evangelici conventum Chmielnici pro festo S. Jacobi indixerunt, alium vero ex eodem conventu sub Radomia pro 23. Septemb. assignarunt. Tunc vero ex priori legatos 26. ad Regem expediunt, quibus Rex Cracoviz 20. Aug. audientiam dedit. Omnium nomine Plaza Præfectus Lubacoviensis excusationem attulit, & literas reddidit, in quibus ducenti præcipui nobiles se subscripserunt, postea exscripta charta legationem expedivit, quod illi verendo ne quis sinistre ipsorum congressum interpretaretur, ex medio sui miserint illos, qui Regi ostenderent, eum conventum non ad turbandam pacem publicam, aut convellendum patriæ statum, esse institutum sed ut tranquillitas Reipub. securitas Majest. Regiæ, ejusque personæ constitueretur. Semper Poloniam gentem aliis nationibus excelluisse fide, integritate, amore erga suos Principes, & tuendo libertates suas, Majestatem Regiam omni tempore defendisse. Hoc idem Regem à subditis suis jure merito sperare posse & debere, dummodo eas prærogativas quas sacrosanctæ servaturum se promiserat, inviolatas servaret. Ideo rationes Chmielnicenses conventus majori ex parte has fuisse. Violationem publicæ securitatis & libertatis quæ tam in hac præcipua civitate Cracoviensi in præsentia ipsius Regis, quam Vilnæ perpetrata esset. Insuper alia quædam magis nociva notare se, quæ ne patriam suam turbarent exemplo aliorum Regnorum Senatores tam Catholicos, quam Evangelicos se convocasse, ut malum ingruens à cervicibus patriæ averterent. Terrere eos mala regni Galliz florentissimi, in quo utriusque sectæ homines libenter post tot clades unionem & concordiam acceptarent, si modum aliquem invenirent, & incendium hoc in immensum serpens, extinguere possent. Ideo non esse eis vertendum vitio, quod flammam hanc in ipso exordio opprimere voluerint, cum præsertim de ipsius Regis integritate agatur. Rogare omnium nomine congregatorum, ut ipsis propter nonnullos in hoc conventu absentiam sub Radomia pro 23. Septemb. assignatum jam obire liceat conventum. In quo sicut in Chmielnicensi, Regiam velle se omni ex parte dignitatem & Majestatem tueri, insuper desiderare ut finito eo, consistorum generalium assignare tempus non gravetur, ad lopiendas controversias, ad conservandam religionis suæ in pleno robore confederationem, ut securi in ea vivere possint, simulque loca aliqua ad devotiones suas exequendas assignata habeant, & autores desolationis istius puniantur. Per Vicecancellarium Rex respondet, se grato animo contestatione eorum fidei & submissionis suscipere, promittendo vicissim illis, sicut & aliis omnibus subditis gratiam suam Regiam & benevolentiam, att-

attamen maluisse ex alia potius ratione hanc significationem suorum officiorum, non ex privato conventu, qui novo modo, novis legibus coaluit factam fuisse. Nullam justam rationem ad eum habuisse illos, si enim agebatur de tumultu facto in Civitate, sicut non probabat illum, ita mandasse ut insolentia ista statim coerceretur, nuntiisque nobilitatis Cracoviensis & Sendomiriensis statim demonstrasse & injunxisse ut inquisitio fieret, si quis reus criminis argueretur, statim puniretur. Ideo Regem satis præstitisse, nec officio suo defuisse, illos tamen non pensantes voluntatem ejus & actiones conventus privatos habuisse, quod sane summopere Principem afficeret, nullum enim indicendi conventus potestatem præter Regem habere, ipsos malo consilio & exemplo jam fecisse. Quemlibet jam nulla motum ratione particulares obire congressus posse, quis inde fructus, & quæ confusio futura sit, unumquemque perspicere, multa inde pericula, imo & interitum sequi, si Evangelistas imitati Catholici sua privata conventicula celebrarent. Hucusque prudentia sua & clementia Reipubl. commoda Regem spectasse & concordiam internam inviolate conservasse, ideo quidquid erratum esset pro sua benignitate omnia condonare, interim tamen monere, ne Radomensem aliquo prætextu obeant conventum imo autoritate sua omnino prohibere, certus eos quod juris, antiquæ consuetudinis & dignitatis Regiæ est, non attentaturos, alias contra rempubl. facturos interpretaturum. Curaturum insuper ut regnante se, pacem & securitatem omnimodam experiatur, contra secus facientes jure, & majestate sua processurum. Quod attinet ipsorum devotiones, omnibus civibus jura sua inviolata servare, non tamen sui esse officij & autoritatis loca aliqua assignare. Comitibus postquam composuerit, negotia ratione matrimonij sui jam cepta, ex consilio Senatorum suorum se indicturum. Justitiam præstiturum & inquisitionem injuncturum, imò optare ut aliquem ex medio sui hunc ad actum deputare velint. Finito responso rogarunt Legati ut seorsim cum Senatoribus aliquibus congregari possent, postquam esset concessum illis post multos sermones, urgebant per Senatores ut Rex pro die electionis deputatorum ad inquisitionem istam, suos Legatos mitteret, cum ea instructione, ut ex districtibus omnibus unum eligerent deputatum, verum denegarunt hoc illis, illud tantum concessum, ut quem vellent ipsi eligeret. Circa ultimam Julij Convocatio Senatorum ad finiendam consultationem circa matrimonium Regium assignata fuit, sed illam pestis, quæ civitatem invaserat impedivit, proinde Niepolomicium Rex secessit, quo pauci admodum Senatores confluerant. Inde Visliciam versus progressus, quo Causus ab Imperatore advenit, una cum Legato Zamoiscio gratus adventus eorum fuit. Nam cum perpetua pace advenerunt, si quid illi fidendum est.

Auditi uterque in Janowicz, insimul & Legati Moscovitici expediti, cum quibus induciæ ad annos undecim prolongatæ, ea cum conditione si Moscus inferret bellum Regi Sueciæ, ut filio liceret Patrem juvare, per quod tamen induciæ cum regno Poloniæ suo in robore persistenterent. Bronievius quoque à Precopienfè Cario redijt, cum pace, & conditione adjecta, ut Cosacos Nisovios Rex tolleretur, ipsisque solita stipendia persolverentur. Cui etiam suum adjunxit Legatum, uno itaque quasi tempore cum finitimis pax coaluit. Interna tamen mala magis affixerunt patriam, veluti discordia Evangelistarum, & Nizoviorum depredationes, tum etiam militum insolentia qui sibi debita stipendia per vim repetebant, & in bona regalia involabant. Quos ut averteret Rex à malo proposito dedit assecurationem solutionis in diem 18. Decemb. Constituitque Commissarios Georgium Maitzkonem, Palatinum Sendomir, Andream Mieczinium Castellatum Wielunensem, Andream Zborovium Biecenensem cum Thesaurario regni, qui die statuta, omnia debita persolverunt & Regis assecurationem receperunt. Commissio etiam alia injuncta certis personis, inter quos eminebat Nicolaus Jasloviecki Præfectus Sniatiniensis, quibus mandatum, ut inter Cosacos componerent, & circa Krzemienicorum castrum aliquod conderent ad Tartaros transitu prohibendos. Nihil horum perfectum, quamvis bene provisum & mandatum fuisset. Circa exitum anni hujus in Nativitate Domini montes Tatrum summum fragorem & strepitum edebant, quo tempore etiam Viennæ, aliisque in locis adjacentibus Danubio multa ædificia & lapideæ terræ hiati sunt absumpta, quæ omnia bellum Turcicum prædicebant. Anno vero 1592. post festa Trium Regum pestis sedata est, nec vim adeo suam exeruit, ideoque cives Cracoviæ rursum inhabitare cœperunt. Rex in fine Januarij advenit, eum secuta est Regina & Infans Sueciæ, quæ postquam à Suecia venisset Gedani & Marienburgi non modico tempore remansit, tandem Cracoviam venit. Evangelici iterato Radomiam admonitione Regis non deteriti, conveniunt, quia tum exiguus eorum numerus aderat, Lublinum cum conventum tempore Judiciorum Tribunaliorum transferunt. Hoc etiam tempore Legati Hieron. Rozrazevius Episc. Cujaviensis, & Albertus Radivilus, Mar. Lith. apud Cæsarem matrimonium regi procurabant, post multas tractationes tandem feliciter finiverunt. Nuntium tunc ad Regem attulerant, de morte Ducis Slucensis ultimi ex progenie descendente Jagellonis. Hic moriens nullum reliquit filium, præter unicam filiam, ad quam deducendam in tutelamque dandam Kilcis tanquam avunculis ejus, Rex miserat Bojanovium. Multi exultabant pertinere jure Fiduciario ad Regem Ducatum hunc, quia tamen jure successione non fiducia antecessores Ducis possidebant illum, ideo filiam unicam in pacifica



reliquit possessione. Die 5. April. Severinus Bonar Castellanus Cracoviensis nulla relicta prole mortuus, amplam Firleis lucceffionem reliquit. Eodem mense Lublinum multi Senatorij & equestris Ordinis viri convenerunt, tum quia conventum antea indixerant eum in locum, tum quod Tribunalitia judicia tunc erant; Diverſe ſententiæ in diverſa animos omnium trahebant. Pars Regis ſequabatur auctoritatem, ejusq; defendebat majestatem, pars contraria & male contenta de rege eſſe videbatur. Aliqui è Palatinatu Cracoviensi errores nonnullos in medium proponebant, veluti matrimonium regium non ſecundum leges præſcriptas, ſine conſenſu ordinum, per exteros homines procuratum eſſe, quos ex pactis Rex ſtatim, dimittere tenebatur, deinde, quod comitia toties expetiverint, nec tamen impetraverint. Tum quod juxta Bendzinenſes tractatus, nondum Maximilianus juramentum præſtiterit, quartam etiam ad privatos uſus fuiſſe converſam, quæ ſolutioni militum ſervire debebat, quod cives ratione tributorum quæ in reſtis erant, in aulam per citationes evocentur. Theſaurum adhuc reipub. non adhibito Theſaurario apertum, Episcopatum Cracoviensem contra leges patrias deſatum fuiſſe. Ad extremum aliquas perſonas inculcabant, quæ ſtimulabant regem ut Revaliâ in Sueciam trajiceret: in memoriam etiam revocabant cautionem ut ſuperius demonſtravimus datam Regi Sueciæ, nec Eſtoniæ obliſcebantur. Et multa alia ſeu vera, ſeu ficta illa erant, præſertim literas Cæſaris, & aliorum Principum producebant. Aliquot dies controvertendo abſumpſerunt, diverſos tandem Legatos cum diverſis Legationibus ad regem expediunt. Ex una parte erant electi viginti duo inter quos Joannes Solikovius Archiepiſc. Leopoliensis, Bernardus Macieiovius Epiſc. Luceoriensis, Stanislaus Gomolinus Epiſc. Chelmenſis, Dux Oſtrogiæ, Palatinus Volinensis, Tenczynius Castellanus Voinicensis, Belzcius, Konarſcius, Adamus Stadnicus, Joachimus Ocieſcius, Joannes Pſztrokonſcius. Ex alia factione fuerunt miſſi Nicolaus Firleius, Palatinus Cracoviensis, Nicolaus Zebrzydovius, Palatinus Lublin. Andreas Firleius Castellanus Radomenſis, Lanckoronius, Herbartus, Przerembſcius, Oſtrovius, Olesnicius, Goraiſcius, Ponetovius, Sarnicius, Riskovius, Gedeziſcius, Mielnicius, Snopkovius. Rex etiam in diem 13. ejusdem Menſis convocacionem indixerat, ſed vix aliqui advenerunt, plures Lublinum convenerant. Unde cum eorum legati Varſaviam adveniſſent in Regis conſpectum admiſſi, hujus partis nuntij Regi demonſtrarunt: non eſſe novum, aut in hac republ. inauditum, cives ſi quid libertati ſuæ contrarium, aut Regiæ Majest. nocivum, adverterent, id Regi proponerent. Factiſſe hoc majores ſuos qui libera voce Principes ſuos officiij ſui admonebāt, ſi aliquam prærogativis ſuis vim adferri viderent. Eſſe certos de Clementia Regia, quod inſiſtendo veſtigij præ-

deceſſorum ſuorum, benigna aure, & patiente id, quod ſibi à nobilitate commiſſum eſt, ſit excepturus, & cor ſuum quod in manu Dei eſt poſtulata eorum applicaturus. Cœperunt proferre, quantus ſit metus inter homines ratione externorum negotiorum, & diſceſſus ejus, eam dubitationem non aliunde promanſſe, niſi ex aliorum relatione, quibus concedidit, ſecretum hoc proficiſcendi è Revalia in Sueciâ. Non minorem etiam parere ſuſpicionem in omnium animis, Bendzinenſem transactionem nondum in effectum deductam; frequentes exterorum Principum legationes, prolongationem Comitiorum in quibus vulnera hæc aliquando ſanari poſſent. Matrimonium deinde Regium variè interpretabantur, id eo ſine contrahi debere ut reſpub. ſecundum vetera fœdera cum domo Auſtriaca in pace & concordia permaneret, & iſta injuriæ, quæ propter Majest. Regiam ejusq; perſonam domui iſti ſunt illatæ, ſopirentur & obliterarentur: interim vereri eos, ne aliquod periculum tam reipub. quàm ipſi & regi ex eo proveniat, præſertim quod transactioni Bendzinenſi nondum ſit ſatisfactum, ſiquidem nec Maximilianus, nec ſtatus Ungarici juramentum præſtiterunt, nec confirmatio Regis Hiſpaniæ allata. Satis ſuperq; exemplorum eſſe, contentionem de regno nullis nec amoris fraterni, nec conjugalis affectus limitibus terminari, aut tolli, Cæſaris & Regis Galliæ, Jagiellonis & Vitoldi, Vladislai & Alberti regimina & æmulationes, ſatis eos docere, quod libet regnum duos non poſſe tolerare. Proinde rogare Regem, curaret ut prius concordia Bendzinenſis effectum ſuum ſortiat, tum primum ad matrimonium accedat, quod ut eo decentius perficiat hortari Reg. Majest. velit comitia indicere, in quibus de reformatione Regiæ conſultarent, & aliquid certi ſtatuarent. Quæ ſi ante nuptias ſuas indixerit, facile omnium civium deſideria, & fidem eorum ſemper inviolabilem poterit cognoscere. Insuper petere, ne contributionum exactores in regiam evocentur: Addunt ad Senatores nomine totius nobilitatis preces, ut auctoritate ſua Senatoria Regem ad comitia indicenda propter ſedandos tumultus & conſtituendam in tranquillo ſtatu reipub. moveant, non dubitare id ex debito ſuo & amore erga patriam, cui omnia debemus, eos præſturos.

Postquam finiverunt, alterius factionis nuntij, declarant ſicut Lublini fortuito multi ex Senatoribus & Equeſtri ordine in conventum eum inciderunt eorumq; diſcuſſibus faciles aures præbuerunt, ita ſe ſtatim ab illis ad Regem expeditos eſſe Legatos, ut quid primi adferrent, & in medium producerent, ſcire poſſent. Interim ibi hærendo de nullis omnino factionibus ſibi innotuiſſe; neq; gravamina tanta notaſſe, quæ temp. afficere aliqua ratione deberent. Si quæ tamen eſſent, non ibi fuiſſe locum eorum exaggerandorum, ſed in Comitij quæ cum nuptiarum regiarum cauſa nunc non poſſint celebrari, obteſtari Regem ut at-

ut auctoritate Regia ejusmodi privata conventicula prohibeat, idem & præſentes ad laus regium Senatores rogare ut autores Regiæ ſint compeſcendæ tantæ insolentiæ. Ad diverſas has legationes nomine Regis Joannes Tarnovius Vicecancellarius regni reſpondit. Regem exinde graviter affligi quod ad ejusmodi inſolita conventicula ſubditi ſe conferant, hoc ſemper fuiſſe in votis, idq; unum ardentibus à Deo expetiviſſe precibus, ut reipub. hanc quam regendam Dei permiſſu ſuſcepit, quiete adminiſtraret. Annuiſſe ſuperos votis ſuis cum ſibi victoriâ de hoſtibus conceſſiſſet & omnes inimicos patriæ partim fœderibus, partim timore ſui in officio jam contineret. Sed felicitatem hanc domeſticas diſcordias & neſcio quas diſſidentias interrumpere. Hoc ſemper in animo habuiſſe, ut libertatem quam civibus ſuis ſacroſanctè ſervaturum ſe promiſit, non tantum conſervaret inviolatam, verum etiam augeret; aliter tamen omnia ab ipſis interpretari; Quæ ratione a publico juri, conſuetudini regni hujus, decreto Electionis, ſecuritati reipub. Majestati Regiæ ſatis proſpiciant; non multum diſſerendo, committere regem futuro comitiorum judicio. Grato ſuſcipere animo, eorum declarationem, qui cum eo perveniſſent, quod alium locum, ad ejusmodi negotia pertractanda, & finienda habiliorem eo privato eſſe judicant & elegerint. Laudare ipſorum dexteritatem & optare ut ipſorum conſiliis & fraternis admonitionibus iunxi cæteri ad ſaniorum mentem reducerentur. Et quoniam ſuſpicionibus maximis eos laborare rex videt, tam ratione matrimonij ſui, quam ratione factionum aliquarum cum domo Auſtriaca, quo ſub prætextu conjugij aliquam reipub. moleſtiam parere deberent, expetiviſſe ſerio regem, ut comitia ante tempus nuptiarum indiceret, non tam propter ſuſpiciones, à quibus procul ipſe abeſſet, quam ut deſideria ſubditorum ſuorum tam urgentia expleret; Quia tamen eo res deſcenderunt, ut non ſine gravi offeſſa domus Auſtriacæ, cum qua propter pacificandum regnum, contrahit affinitatem deſcendæ illi eſſent, ideo pro tunc generalem conventum habere nulla ratione potuiſſe. Et quamvis longo ante tempore libentiſſime illud indixiſſet, peſtera tamen quæ regnum univerſum pervalebat, & unanimem Senatorum conſenſum, inſtitutum hoc retardaviſſe. Optime notum habere Regiam Majest. omnes ſuſpiciones & diſſidentias periculofas & nocivas in omnibus rebus publi. eſſe, proinde ne noſtræ quoq; patriæ aliquod creât periculum, declarare & verbo regio omnes aſſecurare, nullos unquam iniviſſe tractatus cum domo Auſtriaca ratione regni; neq; in mentem quidem id veniſſe, & harum ſuſpicionum non ſe ſed malevolentiam nonnullorum, cauſam præbuiſſe. Nec tantum regnum Poloniæ verum & Sueciæ hæreditarium, poſtquam paterna morte ad ſe devolutum fuerit, manu tenere velle, hoc tamen in regno ſemper reſidere. Hanc habere in fidelibus ſubditis fiduciam, ubi tem-

pus advenerit, quod eum hoc in caſu nulla ratione deferent. Viciffim ſpondere, ſine conſenſu ordinum nolle itineri ſe accingere Sue-tico, quod non tantum regio ſuo verbo, verum etiam in ſcriptis datâ aſſecuratione promittere. Præterea advertere ſe ſuſpiciones has, & timorem ex factionibus, tam domeſticorum, quam extraneorum hominum promanere, ſedulo ſe procurare inſtituiſſe, ut in futuris comitiis contra ejusmodi prædicantes proceſſus & expedite & acriter inſtituatur. Poſt factam declarationem & aſſecurationem monere omnes ut ex pectoribus ſuis pavorem hunc minus neceſſarium & ſuſpiciones evel-lant, conventicula intermittant, Cives in quiete vivere ſinant, charitatem, fidelitatem debitam, Sui Majestati exemplo antecellorum ſuorum præſtent. Hujus opinionis eos debere eſſe, nihil carius, aut pretioſius, in ſporem libertatibus, & utilitatibus habere. In evocationibus vero ad aulam ſubditorum, jura regni ſicut in aliis rebus omnibus velle reſpicere. Finito reſponſo data fuit aſſecuratio regis cum ſigillo & ſubſcriptione nuntiis. Gratias egit nomine omnium Legatorum Petrus Oſtrowski diverſionemq; ad Senatum in Oratione fecit, admonendo eum ut provideret ex officio ſuo ne quod reſpub. damnum capiat, comminando, velle ſe ex manibus ejus re-poſcere, ſi quid patria detrimenti perceperit. Similiter & nomine alterius factionis Zbigneus Oſſolinus ſatis ſuſam & elaboratâ ad Senatores orationem habuit, in qua recensenda immorari nolo, cum eandem fere materiam tractaſſet. Utriſq; à Senatu per Episcop. Plocenſ. Legatis ſatisfactum eſt. Tandem Regi valedixerunt. Interim adverſæ factionis Legati non contenti reſponſo, neq; aſſecuratione Regia literas Cracovia ſtatim expediverunt, quibus invitabant cæteros, ad conventum Androviſem, quibus pro 1. die menſ. Junij Lublinij dom fuiſſent, fuiſſe assignatus. In iſtis literis nullam Regiæ aſſecurationis mentionem fecerant, vita tantum aliquorum Senatorum qui media Regi proponebant recensuerunt eorum vero replicam ſubtraxerunt. Media ejusmodi erant. Inprimis ut iſti, qui in occurſum Regine diſceſſuri ſunt, oſtendant. Archiduciſſam tam à Rege quam à Senatu humaniſſime ſuſcipi, interim quia rumor iſte pervalebat totum regnum, ſub prætextu matrimonij, aliquid aliud tractari, circa regnum Pol. cum rex nihil omnino ſibi conſcius ſit, neq; alicui id tractandum permiſerit, proteſtari eum nihil ſe ſcire, nec velle ſcire, nec regnum, ad mortem ipſam velle deſerere, Senatores idem etiâ approbare, nec ſe in ullas unquam factiones conſenſiſſe, atteſtari. Ejusmodi etiam juſtificatione in thalamo interponi debuit, cum Regina redderetur Regi, tam ex parte Regis, quàm Senatus. Ne ulla reformatio niſi in comitiis fieret. Ut cautionem Senatores, darent, ſicut antea in nullas factiones ſe ingerbant, cum domo Auſtriaca in cauſa reipub. Poloniæ, ita circa actum hunc matrimonij nec in poſterum ſe nolle ingerere: & ſi quid in publi-



publicum prodiret, id non promoverent, sed tantis malis omni conatu obviarent. Contra hæc media alij Senatores, alia proponebant: Istam nimirum non esse ex dignitate Regis protestationem, nec non in limitibus regni, nec in thalamo, ubi locus ejus non esset. Sed in Senatu præsentibus Legatis Cæsareis interponi debere, reformationem ad comitia differri cum cæteris consenserunt cautionem minus necessariam esse assererebant, cum extra omnem culpam sint, quin immò in comitiis omnibus testatū velle facere, nihil sibi conscios esse & permittere imò procurare velle, ut rigorosa super ejusmodi practicantes lex sanciat. Itaque ut satisfaceret Rex importunis male sentientium precibus Comititia in 6. Sept. Varšaviam indixit & statim literas expedivit ad obeundos districtum conventus. Cum tamen in festum incidissent solemne, insequentem diem sunt dilata. Hoc etiam tempore Roma à summo Pontifice Zamoiscius è Legatione redijt. Legatus quoq; Tartaricus aliquot equos generosos Regi secum ducens & Valachicus venerunt. Brutus etiam Epirota ab Aarone Palatino Valachiz submersus in profluente Tyra, qui jam Indigena factus fuit Poloniz, non aliam ob causam tantum ob non exsolutionem debitorum, quæ contraxit, dum Palatinatum illum occuparet. Sicut superius demonstravimus ad finiendas conditiones matrimonij Regij, fuisse Legatos Pragmæ ad Cæsarem missos: qui cum feliciter eas ad exitum deduxissent, Viennam profecti sunt, quo etiam Archiducissa Coniunx futura Regis cum Anna matre sua advenit. Ibi Albertus Radzivilius Marschalcus Lithuaniz nomine Regis die 3. Maji cum Archiducissa sponsalia contraxit. Adfuerunt præsentibus Ernestus Archidux, multiq; alij Duces & insigniores Viri, qui festivitatem hanc adornarunt. Finita hac ceremonia mater cum regina jam nostra itineri se dederunt, quas Legati nostri concomitati sunt. Circa Frisatum in Silesia Episcopus Plocensis & Sebastianus Lubomirscius Castellanus Malogostensis in comitatu numero 80 & splendido eos exceperunt. Deinde Ofwiecim in limitibus Poloniz situm aliquot magni nominis matronæ inter quas erant Palatini & Castellani Cracoviensis Tenczinij & Zerdani, uxores ut sponsam nomine regis salutarerent advenerunt. Die 26. Maji Archiducissa è Balice Cracoviam versus movit, Rex ipse in summo omnium applausu & splendore, nec non concursu hominum ad salutandum novum hospitem ultra urbem profectus est. Apparentia maxima equorum, vestium, & ornamentorum erat, ut omniū fere oculos percelleret, mirarenturq; externi tam cito potuissent Regem sex vel septem millium exercitum contrahere. Peditatus Urbanus habitu Italico, panno cæruleo, vestitus, in una porta Civitatis aderat. Cum Sponsa non adeo multi adveniant, quod Cæsarem studio fecisse dicerent, ad evitandas illas suspiciones, quibus do-

mus Austriacam & Regem insimulabant. Vix quingenti eorum in comitatu erant. Inter præcipuos numerabatur Episcopus Vratislaviensis & Comes de Lichtenberg. In splendido curru adveniens mater cum filia regina quam sibi à dextro latere assidere jussit ad Papilionē (quorum tres in campo distanti erant) divertit & descendit. In secundo Rex ipse cum Senatu suo constitit. Medium inter hos uterq; ingressi Rex, Reginā salutavit, verba ad eam Joannes Tarnovius Vicecancell. regni habuit. Deo agebat gratias, quod Archiducissam una cum Regina incolumes in Poloniā perduxerit votum addidit, ut cæpta negotia, & matrimonium hoc dirigat Deus ad totius Christianitatis emolumentū, & regnorum dominiorumq; utilitatē. Respondit Episcopus Vratislav. pro tempore appositē. Nomine vero Reginz Annæ Goslicius Episc. Przemisl. sacunda novam Reginam oratione salutavit. Tandem lustratus exercitus, Regem in civitatem deduxit. Regina cum matre sua rhedam à Rege donatam, pulchreq; ornatā conscendit, quam octo præstantissimi trahebant equi. Hanc Regina Anna cum infante Sueciæ sequebatur, tandem Gynæceum subsecutum: Civitatem circa vespere per S. Floriani portam splendidissime omnes intrarunt. Ante Clepardiam porta cum variis inscriptionibus pulchre elaborata conspiciebatur, similis circa templū B. Mariæ Vir. ad Lapidem Miskovij Castell. Woinicensis, tertia in Grodeni platea. Omnes erant musica varia repleta, in tertia decem mulieres variis ludebant instrumentis, quas ad tantam solennitatem Reginz suæ Padnievij Castell. Ofwiecimensis uxor deduxerat. Arcus triumphales sub ipsa arce conspiciebantur, & duæ Pyramides: in ipsa civitate qua iter faciebant Reg. maj. lapideis variis peristromatibus adornata; Moneta quoq; jactata, quæ duas palmas quas fluvius dividebat, se tamen conjungentes extremis representabat, in altera parte inscriptio talis erat. Amor distantia jungit. Pedites & Equites à porta usq; ad ipsam arcē ab utraq; parte extendebantur, similiter in radice montis tam pedites quam tormenta disposita erant. Postquam Regina ad templū divertisset, bombardæ & tormenta sunt explosa, tantoq; cum fragore & boatu, ut tota fere civitate commoveretur. Die 29. ejusdem mensis legationē exposuerunt suam à Cæsare, Legati ad hunc actum destinati Andreas Gerimus Episc. Vratislav. & Comes de Lichtenberg quo tempore Archiducissæ aulici omnes regem salutarent. Die ult. Maji coronatio reginz circa hor. 15. per Hieronymum Rozravezij Episc. Cujavien. absoluta fuit, Cardinalis vero Radivilus ad hunc actum summi Pontif. Legatus regem copulavit. Fuit quidem officij Archiep. Gnesn. reginam coronare, sed tunc morbo implicatus expedit negotium tantum non potuit. Archiepisc. Leopoliensis graviter conquestus fuit, se hac in parte postpositum fuisse, in absentia præsertim Gnesn. Primatis. Verū lege, vel potius

tius consuetudine cautum est ut Coronam semper Regi sive Reginz imponat majoris Poloniz Senator Ecclesiasticus, cum in minorem Poloniā ipsa corona sit translata. Thesaurarius quoq; regni non adfuit, interim clavem misit pro sumenda è thesauro regni corona; multi quoque Senatores ad actum hunc pertinentes desiderabantur. Qui omnes tunc una cum Thesaurario exequiis Bonari Castellani Cracoviensis intenti erant. Proinde absentium Senatorum vicem alij supplebant. Ante Regem sceptrum Georgius Mnizek Palatinus Sendomiriensis, Pomum Potulicki Palatinus Calissiensis, Gladium Nicolaus Volski Enifer regni; Ante Reginam desponsatam Pomum Andreas Leszczynski Palatinus Brestensis, Sceptrum Stanislaus Minski Palatinus Lanciciensis præferebant. Absolutis ceremoniis rex cum regina coronari & regaliter vestiri, in palatium processerunt. Convivium deinde splendidum instructum. Mensæ uni rex cum regina, matre Archiducissæ, infans Sueciæ, Landgrafij uxor, Episcopus Vratislaviensis Comes Landgravius affidebant, Anna Regina propter adversam valetudinem devitavit convivium. Alteri mensæ Senatores plusquam triginta, tum Capitanei, Officiales, Legati variorum Principum externi hospites, accumbebant, Sequentibus diebus variæ oblationes, tripudia, comediz, exhibebantur: Præterea munera à Cæsare, Venetis, Principibus, Senatoribus, Civitatibus præsentata. Dum hæc festivitas in summo concursu & gratulatione Civium peragitur, alij Conventum suum Andreioviz quem pro die 1. Junij indixerunt prosequuntur. Venerunt eo Nicolaus Firleius Palatinus Cracoviensis, Nicolaus Zebrzydowski Palatinus Lublinensis, Stanislaus Comes de Tarnow Sendomiriensis, Martinus Lesniowski Podlasiensis, Stanislaus Zotkiewski, Leopolienses Castellani, Cancellarius quoq; regni. Non procul à monasterio sessionem suam habere consueverant. Pro Marsalco Martinum Sukraiowski elegerunt. Ibi Legati Lublinio expediti relationem suæ Legationis favebant. Postea Senatores sententias suas exposuerunt. Illos equester ordo subsequutus, multa in medium proferebat, quod rex non requisita comitiorū autoritate nuptias celebraret, externos penes se aleret, & his similia plurima taxabant. Erant qui suaderent ut statim inde Cracoviam progredierentur, & consilia cum illis, quos ibi reperirent, sociarent. Interim in id omnes consenserunt, ut in futuris comitiis exorbitantias istas proponerent, quæ si ex aliqua ratione differrentur, Conventum sub Varšavia pro die 7. Septemb. assignarent, tunc vero Legatos ad Regem destinarent. Itaq; Succamerarium Leopoliensem, Subjudicem Betzensem, Comitem de Tarnow, Joannem Pieniaszko, Petrum Zlostovium, Mazoviecium, duos Minocios, Staskovium eligunt. In Lithuaniam Geor-

gium CieciŃowski qui etiam conventus suos Slonimi & in aliis locis obibant expedire miferat. Rex ad conventum Androviensem Legatum suum Zamoisium Secretarium, qui literas regis & Senatorum eis reddiderat. Mirabatur Rex in literis suis, quod Conventum istum non intermiserint, cum satis luculentam assurationem Legatis eorum dederit nec habuerit voluntatem permanendi Cracoviz, neq; factiones aliquas struxerit, aut notitiam de illis aliquam habuerit, quæ ipsos suspensos redderet, monebat ne Conventus istos frequentent, siquidem brevi Comititia futura sunt, quæ medelam rebus omnibus adferrent. Senatorum literæ, plenæ hortationum erant, rogantes ne ejusmodi Conventus celebrent, neq; sine illis, qui æquali cum aliis libertate gaudent aliquid statuere, velint, ut sint contenti assuratione regia, & Comitiorum futurorum certitudine. Die 5. ejusdem mensis Legati Cæsarei expediti, quibus proponebant factiones aliquas rempub. & regem turbantes, & rogabant ut iisdem ulterius regnum turbare delinant: Episcopus luculentam attulit exculationem. Addidit insuper ex nostris nonnullos esse in culpa qui Maximilianum in suo proposito constantem esse debere hortarentur, omninoq; ei promittere regnum, quod discessu Sigismundi vacuum fore pro certo pollicerentur. Quia in materia plurimos (dum Legatione in Comititiis præteritis fungeretur) ad eum ventitasse multaq; inaudivisse. Die 6. Junij sub noctem die Sabbati vi variæ comediz exhibitæ in scala arcis, summa arte & sumptu elaboratæ. Imprimis vero cum is regius splendide cœfestus visendum se præbuit, cui quatuor virtutes Prudentia, Temperantia, Justitia, Fortitudo insidebant. Subsecuta eum nebula Nicolai Volskij Eniferi regni, tum Sigismundi Miskovij Capitanei Piotroviensis testudo; postea Aëleonem quem canes proprii disceperunt, Stanislaus Stadnicki, Danielowicz, Krasicki, Theodorus Lacki repræsentarunt, Christophorus DowstaŃcius, Monvidovicus Dapifer Lithuaniz, Opalinius Incisor Regni Neptunum, quem Delphini trahebant, in medium prorulerunt. Stanislaus Minski Palatinus Lenciciensis Orpheum qui ex mœnore uxoris suæ ad inferos descendit, ut inde à morte eam musica suā eliberaret exhibuit. Et appositè sanè, nam sub hoc fere tempus ipse quoq; uxoris suæ mortem deplorabat. Eum Vistula cum Nymphis Petri Miskovij Capitanei Chencinensis subsecuta est. Ad extremum Labyrintho Niemozevij comœdia finita. Insequente die Dominico in foro ludi hostiles exhibiti, quos spectabatur eginales Majest. utraq; Archiducissa Infans Sueciæ, ibi quoq; aliquot artificiales luf. erant. Piotrovij & BekeŃij bombardarum explosiones hydra Incisoris regni, Triumphus PerŃei Dapiferi, Lithuaniz, Incola Stanis. Stadnickij, mons ardens quæ Crocodili trahebant, Petri Miskovij Capitani. Chencin. Deinde



Deinde vestitu Persico advenerunt Jaslowicki Capitaneus Sniatinensis cum Sieniavio Dapifero regni, quos Aethiopes sequebantur splendide induti. Tandem octo hastati concurrerunt ad invicem. Nieviadowski cum Zawisa, Koricenski cum Wirowski, Gorski cum Zaboklicky, Karkowski cum Tuzowski. Mulii alij ad lufum preparati erant. Rex vero prohibuit, propter brevitatem temporis quod ad vespeream declinabat. Insequente die Rex una cum Regina juvene, & cum matre Archiducissa Niepolomicium est profectus, ubi non diu commorando, rediit nuntiosq; Andzeiovienses 13. mensis ejusdem audivit, qui instructionem suam praelegerunt: hæc recensita jam toties continebat puncta. Tum etiam aliquas exorbitantias proponebant. Addiderant novum articulum circa prærogativam Archiepiscopi Gnesnensis in Coronatione Reginae, & autoritatis Thesaurarii regni minuendæ modos addebant. Monebant quoq; Marschalcum regni ne extraneos in aula Regis pateretur, utq; eos qui in suspitione aliquarum factionum essent, ad comitia detineret. Ne Cancellaria aliquid ultra jus proderet, præsertim ea quæ Regium matrimonium concernerent. Et si quid ejusmodi esset factum protestari se non scire, nec velle ut ad notitiam suam perveniat. Quod Bendzinensem concordiam inviolatam esse velint: protestari quoque contra Reginae Coronationem. Ad extremum Cardinalem Radzivilium incusarunt, quasi ille privata autoritate sine consensu ordinum matrimonium illud regi conciliasset, legationemq; à summo Pontifice expeditisset, nec non contra jura regni Episcopatum Cracoviensem possideret. Hoc tempore dum ex Conventu Andreioviensi reverteretur Joannes Zamoisieus Cancellarius regni, divertit ad Joannem Comitem de rarnero Castellatum Sendomiriensem, Stobnicium, ubi Barbaram minorem natu filiam suam ei in matrimonium 14. Sept. collocavit. Die autem 16. ejusdem mensis Nuntiis Andreioviensibus per ViceCancellarium Rex respondit. Fuisse hujus Regem opinionis & spei, primam declarationem & responsionem satis claram & sinceram, has suspiciones inter subditos iniquè disseminatas in officio continere, & Andreioviensem conventum sistere potuisse, siquidem ea asscuratione à se accepta, & certa, & fundamentali ad tam breve tempus comitiis destinatum poterant esse contenti. Quia tamen ultra spem suam in privato congressu res ejusmodi sint prolatae quæ non tantum Regiam suam personam, sed etiam Senatum, & universam rempub. concernunt, nolle se ulterius sermone progredi, sed potius ad cognoscendum Ordinibus in Comitibus futuris generalibus ea reservare. Hortari vero eos ut particulares Conventus omni cum reverentia & debito honore suæ Majestatis obediunt. Adjecit Cardinalis (siquidem tunc præsens erat.) Quamvis non esset obligatus ratio-

nem factorum suorum alieni reddere nisi cum tempus & locus illius esset præsertim in Comitibus: tamen & hoc in loco silentium rumpere coactum se esse. Inprimis vero titulum Legati summi Pontificis non se appetivisse, & oblatum receptumque ad majorem matrimonij Regij dignitatem Majestatemq; tam diu usurpasse quousq; actus iste durasset, finito eo, & officium suum expirasse. Conjugium Regium non procurasse, sed mandato Regio Domus Austriacæ benevolentiam & animum explorasse: alios Legatos fuisse destinatos, qui voluntatem divinam & Regis adimplerent. Episcopatum Cracoviensem non se desiderasse, neque tantopere appetivisse, sed benignitate Regis, collatum suscepisse, nec se salva dignitate sua & jure illum deferere ullo modo posse. Neque videre eum contra jura patriæ se tenere, cum Indigena hujus reipub. & quidem præcipuus in familia ex majoribus suis, tam meritis quam prærogativâ sit. Ad extremum paucis verbis Legatos monuit, ne cum ejusmodi Legationibus veniant, quæ honestatem, & bonam nominis ejus existimationem læderent, siquidem qui honestus est honestum quemq; venerari debere. Expeditis Legatis eadem die Rex una cum Regina, Archiducissam matrem ad limites usq; Poloniæ deduxit. Tum etiam Legatum Venetum, Petrum Dusdum remisit, torque aureo donatû. Hoc tempore Aaroni Palatinatus Valachiz est ademptus, quod promissis muneribus non satisfecisset, multosq; præcipuos regionis illius trucidasset. Petrus vero qui se fratrem Germanum Bogdani falso jactitabat, cum tamen ille Carogrodi ut Dzersko referebat mortuus fuisset, Palatinatum nostris adjuvantibus occupavit. Sed renuente Imperatore Turcarum non diu eam possessionem retinuit. Quo misso exercitu Constantinopolim cum abducere mandavit. Aaronem vero pristina restituit dignitati. Kosaci etiam multa in Podolia præsertim Palatino Kyoviensi damna intulerunt. Civitates ipsi per oppugnationem vastarunt, tandem cum contra eos cum militibus suis processisset, ab ipsis victus remansit. Die 13. Julij Albertus Radivilus Marschalcus Lithuaniz febris calida correptus, Cracoviz diem extremum clausit. Corpus ejus post aliquot dies Cracovia Rege cum Regina comitante eduxerunt. Insequenti die Regina Senior una cum Infante Sueciæ propter pestis suspensionem versus Varsoviam movit. Die 26. mensis ejusdem auditus fuit Legatus summi Pontificis, qui ante diestres Cracoviam venerat. Subsecuti sunt illum alij duo unus ex illis Camerarius fuit, qui Reginae rogam auream nomine summi Pontificis obtulit, atque illi eunti ad templum prætulit. Insequente die Rex cum Regina ad Comitia celebranda Varsoviam profectus est, quæ pro 7. die Mensis Septemb. anni 1592. assignaverat. Multi Senatores & nuntij Terrestris convenerant.

Ablo-

Absoluto sacro Missæ officio de Spiritu Sancto, nuntij in unum congregati Marschalcum elegerunt, & Lithuania Pacium. Secunda die dum vellent Regem more solito salutare nuntij Cracovienses protestati sunt, nolle se salutare Regem nec propositionem audire, nec ad aliquid agendum accedere, priusquam inquisitio in Practicantes Austriacos fieret. Majores Poloni etiam instructionem suam monstrarunt, in qua modus inquisitionis proponebatur. Diu trutinando scriptum illud ad Regem tandem & Senatum expediunt, nuntios cum mandatis hic esse nimirum aliquos, qui Regem salutare & propositionem audire vellent: aliquos vero velle quidem salutare non vero adesse propositioni, quousq; de Inquisitione Senatus aliquid non statueret. Verum & hoc in puncto Senatores ipsi erant dissentientes. Major tamen pars prævaluit, ut post salutationem propositio institueretur, & ita solutus Senatus. Postera die nuntij omnes in hoc consenserunt, ut Senatores ab Inquisitione vota sua inciperent, circa quod punctum, Senatus in absentia Regis clauso ostio integram diem consumpsit ubi Cancellarius regni cum Episcopo Cracoviensi diu verbis concertavit. Tandem cum convenissent, in id ut ab inquisitione vota sua inciperent, nuntiiisque intimassent, die 12. ejusdem mensis gregatim ad Regem convenerunt & salutarunt. Die 14. Cancellarius regni dum venisset ad Regem cum ViceCancellario ratione propositionis non nihil contentionis habuit, Vicecancellarius tamen ingressum fecit & tractanda proposuit. Uterq; Archiepiscopus sententias suas eadem die exposuerunt, Gnesnensis paulo acrius in Regem est investus, sed à Principe admonitus, mitius loqui coepit. Insequente die Episcopus Cracoviensis una cum Hieronymo Rozrazevio Episcopo Vladislaviensi vota sua expeditaverunt. Hic quoniam in conciliando regi Conjugio laboraverat, suspitionibus non vacabat. Ideo urgebat ut sibi, si quis aliquid contra se sciret objiceretur, paratum se esse purgare. Postea alij Senatores ad eum collimabant terminum, ut inquisitionis istius modus aliquis præscriberetur, per Deputatos utriusq; Ordinis; Alij conabantur extorquere statim ex illis, qui aliquam notitiam de factionibus istis haberent, ita tamen ut nulli subjacerent poenæ, si nihil probarent. Die 16. Nuntij Cracoviensis districtus protestati sunt in confesso Senatorum contra Episcopum Cracoviensem quod eum pro Episcopo nolint habere nec agnoscere. Contra quos & converso alij nuntij una cum Capitulo insurrexerunt, proferentes si unum loco movere vellent, aliis idem efficere deberent, innuentes Præpositum Miechoviensem, & Abbatem Andzeioviensem. Hoc tantum in uno Palatinatu Cracoviensi esse, quid in aliis? Responsum à Rege velle se alio tempore, id

committere judicio omnium Ordinum, dummodo id perficerent quod cœpissent. Insequente die Nuntij cum Senatoribus inquisitionem urgere cœperunt. Rex vero judicia post vota Senatorum administrare cœpit, quæ cum nuntios turbassent, quod prius inquisitio perfici debuisset, volebant ad Regem mittere, rogando ut celebrandis judiciis tantisper supersederet: alij verò contradicebant, innuentes fore hoc contra Regiam Majestatem & dignitatem si Rex cœpta judicia non persequeretur. Dissentiebant inter se votis Nuntij, concluderunt tamen, ut Regem rogarent vellet autoritate Regia Senatores ad id perducere, ut unanimi voce unum omnes sentirent, quod præstare omnino difficile erat.

Post multas altercationes, Articulos varios in duabus fere chartis scriptos à Senatoribus ad nuntiorum confessum Tilicki Secretarius regni major attulit, super quos per Palatinatus vota ederent; Interim Rex judicia secundum consuetudinem exercuit, quamvis multi ex nuntiis essent, qui ea improbarent, ab aliis tamen reprehensi, supersederunt. Sessione soluta Casimirsus incidit in cursorem Vratislaviensem, cum existimaret eum à Practicantibus aliquid novi adferre: literas accepit & nuntiis cæteris legendas proposuit. Unas ad Varseviciam scriptas aperuerunt, cum nihil invenissent factionibus simile cæteras Marschalco concediderunt.

Expeditaverunt nuntios etiam illi qui secessionem fecerant, & in patenti campo sub Varavia circa volam, considerant. Aderant autem ibi præcipui omnes, qui conventum Andreioviensem celebrabant. Nomine omnium in circulo illo congregatorum, nuntii suis Cracoviensibus exprobrabant, quod nondum inquisitionem finivissent, cum terminus tantum duarum septimanarum ab illis fuerit assignatus. Excusationem adferebant illi se non esse in culpa & promittebant, nolle jam ad aliam consultationem non finita prima accedere. Fremitus statim nuntiorum ex aliis districtibus est ortus; rem esse & novam & insolitam, ut unus Palatinatus, in Comitibus proponere tractanda, & concludere, isq; invalidare comitia, vel ultra tempus definitum prolongare deberet: talibus & similibus acclamationibus eos ad campum remiserunt. Interim illi vota sua continuabant, quæ diversæ erant, ideoq; loco conclusionis, modus nullus rixarum & controversiarum circa Inquisitionem reperiebatur. Interim nuntij Cracovienses, illos qui in campo exitum expectabant, rogarunt, ut in unum convenirent, neve sine illis concluderent, quod ipsi concordiz causa præstiterunt. Itaq; diebus tribus in consultatione consumptis declararunt nomine equestri Ordinis in campo residentis nolle diutius ultra diem Lunæ eos inquisitionem expectare.

Insuper



Insuper scriptum ab illis quoddam attulerunt, à quo nulla ratione recedere posse asseverabant, quod tamen scriptum alij Palatinatus rejecerunt; quod etiam Jus ipsum de non præstanda Obedientia Regi refutabat. In hoc tamen omnes consentire ut ad conclave suum venirent, & diversas suas opiniones subicerent iudicio Senatus cum quo libenter Rege absente consilia vellent communicare. Quod cum ipsis esset permissum, post longas disceptationes, declarationem Regis quæ die 28. Sept. oblata fuit admiserunt. Cujus hæc erant Capita. Quod his conventibus qui ad hoc usque tempus celebrati erant in bonam partem eos interpretando, Rex non commoveretur, neque illis, qui præsentibus illos aderam, persequeretur, sed omnibus se liberalem & æquabilem sicut merita ejusque postularent, præstaret. Et si cogitaret in Sueciam hinc proficisci urgentibus ejus Regni negotijs, ut eam cogitationem penitus deponeret, & hic præsens in regno semper maneret, cum inde suspiciones & vani timores promanassent, maxime; occasioque turbandi Rempublicam tam suis quam externis præbita fuisset, in tantum ut nec ipse Rex suspicione vacuus fuerit. Quamvis ipse nunquam habuerit voluntatem deferendi Poloniam, vel tollendi libertatem. Ejusmodi ergo factiones cum inde vel maxime permanent, nolle jam se illis occasionem præbere, & licet advertat negotia Sueciæ regni postulare suam præsentiam, verum ex alia parte perpendendo pericula regni Poloniæ ex suo discessu pullulantia, malle se illa relinquere & intermittere quantumvis cum maximo suo damno, aliaque potius media querere, ut nimirum Ordines ex Comitibus istis Legatos suos ad Regem & Ordines Sueciæ mittant, qui tractent cum illis quibus mediis sine turbatione post mortem Patris sui in Regno sui hæreditarij possessionem pervenire possit, simul perspiciant, an ipsius Regis præsentia ibi requiratur, idque in sequentibus comitiis referant. Si Respubl. discessum permitteret, cautionem se velle redditus sui ex tempore præstare, si interim mors Parentis sui, interveniret, statim se comitia indicturum, ut cum consensu Ordinum sicut pacta conventa sonant, proficisceretur. Optare se ut tandem istis turbationibus finem imponant, & consulere ut ad Regem Parentem suum expediant, rogando, velit apud vicinos Principes istis factionibus occurrere; contra autem Subditos suos processum juridicum velle se instituere, ne posthac aliquis idem facere præsumat. Facta ejusmodi declaratione Senatus per Archiepiscopum Regi gratias egit & simul rogavit, ut cum nuntiis, sicut in re gravi, possint consilia communicare. Postquam Rex secessit ad conclave suum, discordia maxima inter nuntios orta: quorum alij erant declaratione Principis contenti, alij nullatenus in eam consentire voluerunt.

Itaque unus post alium ad conclave solitum cum summa altercatione abivit. Deinde ratione Marcarum, quæ ipsis non erant soluta, contentio cæpta: quas propterea subtraxit Thesaurarius, quod Deputatos non assignaverint ad faciendum calculum cum exactoribus Tributorum, quousque Inquisitio non perficeretur, præsertim Nuntij Cracovienses Jordan & Morstin, quos postea Rex ratione tributorum ad iudicium Castrense citari curavit. In senatu quoque Concordia non satis firma, in duas scissi factiones: aliqui declarationem illam probabant, aliqui planiorem desiderabant. Idem factum est in sessione nuntiorum, secundam itaque Rex declarationem facere quodammodo coactus fuit. Sed nec illam aliqui Senatorum nuntiorumque admiserunt. Volebat itaque pars una turmatim sine ullo ordine Regem accedere, urgendo Inquisitionem; alij vero obstiterunt, & sanum suggererunt consilium ut nimirum mitterent ad Senatum, seque declararent, nolle diutius unanimem consensum eorum expectare, sed crastina die mane eo venire, velle, & inquisitionem incipere. Die itaque 8. Octobr. postquam in Senatum venerunt. Archiepiscopus Gnesnensis longa Oratione in memoriam ipsis revocavit, omnia quæ ab initio Comitiorum ad hoc usque tempus inter eos sunt acta, hoc puncto finiens sermonem suum, nolle jam se ulterius Inquisitione factionum & protectionis in Sueciam Clementiam Regiam exacerbare satius id inciperent tractare, quod Rempublicam in tranquillo statu collocaret; Et statim prædicti erant aliqui articuli. Non contenta pars una, respondit, non conducere res istas mederi, donec prius factiones funditus tollantur, quod aliter heri non posset, nisi aulici externi Regij in medium producantur. Aliis non videbatur modus tam rigidus cum Rege procedendi, sed potius media quæ Senatus proposuit apprehendenda esse omnino censuere. Eadem die Martinus Lesniowski Castellanus Podlasiensis, quoniam Rex eum habuisse notitiam harum practicarum asseruit, relationem & exultationem in præsentia attulit omnium. Die 9. ejusdem mensis Stanislaus Paulowski Episcopus Olomucensis Legatus Cæsaris in Senatu auditus fuit, Comititiaque sine ullo tractu & effectu soluta sunt. Illi enim, qui non in omnibus declarationem Regiam approbant, Legatos ad summum Pontificem & Regem Sueciæ hac in materia expediendos non censebant. Quantum vero cautionem à factionibus attineret, constitutionem illam de non sufficiendo Successore meliorari volebant, præterea asservationem ab aliquo progressu periculoso & violento Maximilianum urgebant. Processum in Practicantes admittebant, præterea ad congressum Equestris Ordinis modum certum electionis & exclusionis domus Austriacæ à Regno Poloniæ rejiciebant.

Regi

Regi discessum non nisi secundum pacta post mortem Patris permittebant. Tum etiam Constitutiones Cancellariam constringentes formare, magistratus reformare, de Clenodiis inquirere, concordiam Bendzinensem magis roborare, externos expellere, reformationem Regiæ super Capitaneatus limitaneos, aut Juridicas Civitates, præsertim si Rex discessisset à regno tollere conabantur.

Quibus omnibus alia pars contradicebat. E Comitibus discedendo Stanislaus Gorkanus Palatinus Posnanienis ultimus familiæ istius in Bloniz è vivis excessit. Hæreditas ampla illius Czarnkoviis cessit.

Hoc quoque tempore Tartari Moscoviam devastarunt, quibus redeuntibus cum maximis spoliis Kosaci se objecerunt. Itaque præda divisa sine ullo armorum strepitu eos dimiserunt. Turcæ etiam in Croatia & Hungaria multas Civitates Cæsari ademerant, qui induciis violatis propterea quod multa damna à maritimis hominibus Cæsari subjectis perpeffi fuissent hostiliter ditiones ejus depopulati sunt.

Tunc quoque Sueciæ Rex fati concessit, occasionemque discessus Regij in Sueciam, ut infra dicetur, præbuit.



Cc

REIN.



# REINHOLDI HEIDEN- STEINII SECRETARII REGII

Rerum Polonicarum ab excessu Sigismundi  
Augusti

## LIBER X.



Nuntio mortis Paternae Joannis III. Sueciae Regis accepto, in diem quartam Maij, Varlaviam Comitum Rex indixit. Mortuus jam fuerat, Vigilia Divae Catharinae, nuntium tamen ejus: non priusquam sub initium anni hujus nonagesimi tertij Rex acceperat. Ac cogitavit quidem Thoruniam Comitum indidere: ex majoris tamen partis Senatorum sententia, Varlaviam deinde ea indixit. Annus hic duos insignes Senatores abstulit, Martinum Lestovolsium Castellani Podlasiensem cum Literis, tum elegantia, rerumque externarum peritia cultissimi ingenij. Marsalcum tum Petricoviae Tribunalis regni, & Andream Opalinskium Marsalcum regni, qui & consilio & prudentia, & gravitate Senatoria imprimis clarus erat, ideoque & apud Stephanum, & praesentem Regem Sigismundum plurimum gratia autoritateque valuerat; Mortuus fuit Polnanis, sub initium quadragesimae. Cosinscius interim Podlasiensis, Dux Cosacorum manu non parva collecta ad quinque millium circiter in Podolia grassabatur. Maxime in possessiones Ducis Ostrogiae Palatini Kioviensis. Universo regno periculum imminere videbatur. In Podolia filius ejus Janusius: In Polonia circa Tarnopolim & Ungaria ipse militem conseribit, Cosinscius Tarnopoli, ubi habitabat diffidens, Piatkum secessit, eoque communito aciei rem committere volens ad praelium egressus fuit: ab initioque secundam fortunam pugnans, ad extremum virtute, maxime Janusij filij militisque ejus, gravis armaturae pugna restituta: ipseque fufus fugatusque fuit. Ad tria millia Cosacorum caesa Cosinscius rebus desperatis Duci Ostrogienfi supplex fit. Ex oppido progressus fideique ejus se credens certis conditioni-

bus in gratiam ab eo recipitur. Inter quas prima, ut imperio Cosacorum in perpetuum se abdicaret: Verum Juramento, quod praestiterat, violato, maximeque Alexandrum Visnovicium Capitanum Circasensem, qui cum aliis compluribus Palatino Kioviensi auxilio fuerat, ulcisci cogitans, manu iterum collecta Circasium se confert; Ubi in hospitio ebrius a familiaribus Visnovicij interficitur: quadringenti etiam Cosacorum cadunt. In priore praelio cum Palatino Kyovienfi ad 26. Tormenta bellica ei ablata campestris, & signa ferre omnia, Die 15. Martij se dedit. Sub finem Martij quemadmodum in aliis Palatinatibus, ita Brosloviciis etiam ante comitia Conventus habitus. Contentiones in eo non parvae de Janusio Duce Ostrogiae Palatino Volinienfi, tum Castellano Cracoviensi designato fuere: aliis pro Indigena Cracoviensi eum agnoscentibus, aliis ad Voliniam eum revocantibus. Quibus facile rejectis cum ornatissimo comitatu post conventum mox Cracoviam ingressus, signa de Cosinio capta, Skalca ad Divum Stanislaum suspendit. Ante Comitia Joannes Zamoiscus Grzimalius Secretarius, qui Archiepiscopus Leopoliensis postea fuit, ad Caesarem missus, quae ex transactione Bendzinense adhuc requirerentur, ut Juramentum Maximiliani Ungarorum, & alia nonnulla postulaverat. Ad comitia deinde Senatores non admodum frequentes, nuntij etiam dissentientes venerant. Ex Palatinatu Cracoviensi duodecem, ex Volinia totidem de Marsalco maxime nuntiorum controvertentes. Die 14. Maij Nicolaum Danielovicium elegerunt. Propositio a Zamoiscio pro loco magistratuque ejus tanquam regni Cancellario facta, imprimis mors Regis Sueciae & proposita & deplorata: necessitatesque quae ob eam in Sueciam excurrendi Regi incumberent, demonstratae. Sententiae inde a Senatoribus pro more dictae. In quibus imprimis Ducibus Ostrogiae pro republica contra Cosinscium gesta gratiae actae. Non parva enim

enim periculum universae reipublicae nisi oppressum mox fuisset, imminere videbatur, tumultusque ejus, qui opera studioque Zolkievij cum Loboda Nalevaiconeque Ducibus Cosacorum non multo post extinctus fuit, initium quasi quoddam Cosinscianus is erat. Ut Rex si fieri posset maneret, perque legatos potius quae agenda essent ageret; omnes imprimisque Zamoisci petiere, multisque rationibus persuadere ei conati fuere. Verum literae a Suecia ostensa, quae praesentiam Regis requirebant, frustra omnia tentari demonstrabant. Die 23. Maij die Dominico filia Reginae nata Anna Maria. Missus cum nuntio eo ad Archiducissam matrem Nicolaus Volscius Gladifer tum regni, nunc supremus Marsalcus: ad Caesarem Bojanovius Cubiculi regij minister: ex conventibus qui comitia antecedeabant, dissensiones nonnullas partim veteres de Radivilo, Episcopo Cracov. partim recensiores de Duce Janusio Castellano Cracov. ad comitia nuntij secum attulerant. Quemadmodum ante ostensum est, Zamoiscus Grzimalius ante comitia adhuc de nonnullis rebus, ex communibus pactis postulatum, missus ad Caesarem fuerat. Legati igitur ad comitia haec a Caesare missi, imprimis mortem Regis Sueciae recepto, inter Principes officio lugent: tanquam propinquo officia omnia deferunt: Maximilianum & Ungaros in transactionem Bendzinensem nondum jurasse excusant; ut quos Caesar in potestate sua non habeat, itidem quod sigillum imperij, Transactioni non adjunctum; ut quod sine conventu Imperij administrari non posset, ostendunt, satis sigillo regni Bohemiae esse: itidem quod Rex Hispaniarum eam non confirmasset: nihil autem ex omnibus iis rebus periculi esse; ut quod prohibendo non permittendo, avertere omne Caesar posset. Quemadmodum aliis in rebus ut plurimum a Principibus reliqui etiam ferere pendunt: ita tum etiam controversiis, quae inter Cardinales Radivilum & Batorium potissimum erant, compositis reliqua facilia fuere: Comitumque praeter omnium opinionem biduo fere ante exitum, inclinata re ex sententia cessare. Compositae autem fuerant, potissimum opera Nicolai Firlei Palatini Cracoviensis, cumque superioribus comitiis mentio nulla discessus Regis nisi post mortem patris admittenda fuisset. Tum ex pactis Rege eum postulante, difficile negari ei potuit: tributum etiam decretum, ex quo ducenta millia Regi in iter: tertium etiam a Lituanicis ordinibus promissum ei fuit. Cum autem Rex intra annum, se iterum stitutum promississet, mutuo a republ. cautum ei fuit, integrum per id tempus servatum ei regnum fore. Reformatio etiam Reginae quae superiorum Comitum contentiones infecta fuerat, summo omnium consensu constituta in hisce fuit. Confectioni, quae ut plurimum Comitia moratur: nonnunquam etiam inficere solet, & illa quoque non parum motata fuerat: Consilio tandem Zamoiscij Generali clausula qua nimirum pu-

blicae paci cavebatur, cautum. Novarum rerum rei, seu praestitantes ut vulgo vocabantur, ad Tribunal remissi, Legati etiam externi omnes per absentiam Regiam regno exclusi, Valedictio tandem mutuis faustis acclamationibus tam nuntiorum, quam ex parte Regia celebrata. Sub finem comitum nuntij de excursionem Tartarorum, in Voliniam allati fuerunt, a Cosacis victoria Ducis Ostrogienfi laesi exciri putabantur: excursionem in Moscoviam simulata, excubias vel fefellerant, vel oppresserant, captivos multos abduxere: maxime mulieres, viris, vel in comitiis vel tribunali, quod Volinicas causas tum judicabat, absentibus. Missus ad eos Nicodemus Cosacovius, quod literas fidei publicae obtinere non potuisset, ex itinere redijt: ad aulam etiam Turcicam, Vaclavus Drozinskus, aulicus regis missus, ut sub tempus hoc discessus regij animum Principis Turcarum exploraret, confirmaretque. In itinere in exercitus Turcos, qui in Ungariam tum ibant, non sine periculo incidit, Constantinopoli satis humane exceptus; quod tamen munera nulla secum attulissent, diu ad ipsum Principem Turcarum non admittus fuit. Sed cum neque literas regias, extorqueri a se passus fuisset, neque apud Ferratam Bassam primum Legationem exponere se cogi, ad ipsum Principem postea admittus rebusque ex sententia confectis dimissus fuit, 4. Julij Baptismus Infantis Annae Mariae celebratus fuit. Inniata fuit a Georgio Radivilo, Cardinali, suscipiunt: Legatus Caesareus Vladislaus Berca, Marsalcus regni Bohemiae, legatus Archiducissae Comes de Ture, Regina Senior, quae Infantem etiam ad templum tulit, Infans Sueciae, alij ex delegatione summi Pontificis, ut Albertus Baranovius Episcopus Ploccensis, Christophorus Radivilus, Palatinus Vilnensis, Georgius Mnistek, Palat. Sendomir, Castellani aliquot. Sub idem tempus diluvium Cracoviae fuit, maximis cum detrimentis plurimorum aedificiorum. In aede Bernardinorum, ad tres ulnas aqua excreverat, eadem mensura Stradomi, in aede Divae Catharinae Casimiriae cellaria omnia plena: multae villae cum hominibus incolisque abreptae die 3. Aug. Rex Varlaviam Sueciam versus profectus, filia relicta, Petroque Tilicio regni majori Secretario, Radivilaeque viduae filiae Ducis Curlandiae commissa. Die 2. mens. Sept. Tumultum plebis Gedanensis expertus fuit, ex jurgio duorum Haidonum, cum naviculario in quo & coenaculum ipsum regium quod in forum spectabat, globis appetitum. Ex utraque parte aliquod deni homines cecidere. Comitatu Regem in Sueciam fuere, Germanicus Malaspi-na, Episcopus S. Severi, Nuntius Apostolicus: Joannes Tarnovius Vicecancellarius, Petrus Tilcius major Secretarius Stanislaus Crasici Castellanus Przemisliensis, Gedanum etiam Hieronymus Rozrazevius, Episcopus Vladislav. Andreas Batorius Cardinalis Episcopus Varmienfis, & alij nonnulli Senatores, Deci-



ma sexta Sept. à Laterna mare ingressus, cum Navium quinquaginta circiter classe 23. Sept. ab Hela tempestas. Sub novilunium Regem Calmariam petentem, Stokolmiam cum Regina & Infante rejecit: reliquas naves disjecit, omnes per eam tempestatem in maximo periculo fuere, qui in Gotlandiam Danicæ ditionis, peninsulam rejehti fuerant. Humaniter ibi excepti, adjutiq. Rex etiam cum Regina à Carolo ordinibusq. Stokolmiæ exceptus, Upsalæ deinde coronatus fuit. Sub finem mensis Decemb. Loboda cum tribus millibus circiter Cosacorum, Jurgovam non procul à Bialogrodo Turcicæ ditionis sub ipsum tempus nundinarum diripit, cum prædaq. nō parva discedit. Quos Turcæ Tartari Valachiq. Borysthenein versus insecuti. Cosaci à Chlopicio, qui Stephani Regis tempore cubicularius fuerat, autoritate Cæsaris inducti putabantur, à quo signa, literas, pecuniam, ad ditiones turcicas infestadas tradidisse eis dicebatur: cumq. Mosco consilia communicasse, quas ob causas Cracoviæ in vinculis fuerat, sed ex iis in Sileciam evaserat. Per absentiam Regiam ad Carncovium Archiepiscopum Gnesnensem, tanquam Regni Primatem, mense Februario legationem Cæsar mittit. Duo ejus potissimum capita erant, unum de Tartaris, per regnum in Ungariam transitu prohibendis; alterum quod de fœdere contra Turcas, primarios aliquot legatos mittere Cæsar constituisse, quem in locum & ad quem diem mittere eos deberet, quærebat. Literæ ad Regem in Sueciam missæ mox fuere, convocatio autem ad responsum Cæsari dandum, in decimam nonam mensis Aprilis Varlaviam indicta fuit. Legatis Cæsaris in ea responsum sine rege nihil ordines statuere posse, de Tartaris transitu illis prohibitum, iri promissum. Simul autem de Chlopicio alijsq. Cosacis in alieno imperio militari, signisq. contra hostem tributis, & quasi arbitrio cum vicinis pacis rumpendæ, fœderumq. tollendorum permissio, questum. In eadem convocatione Czauisius cum literis Principis Turcarum ad Regem, Feratis Bassæ ad Senatū, ad pristinam amicitiam, in eaq. constantiam eos hortabatur: bellum in Ungaria Sinane Bassæ, cum exercitu misso susceptum: Chanum Tartarorum secum ducturum ne à Cosacis alijsve impediretur, postulatum. De amicitia large responsum: de Cosacis, ut hominum genere, vago nihil certi promissum nisi vicinis Præfectis ut quantum possent, in officio eos continerent mandatum iri. Querelæ in Tartarum de damnis, proximè illatis adjunctæ. Literæ ad Regem missæ, simulq. ut negotiis ejus regni confectis, quamprimum ad nos se reciperet, petunt. Anno nonagesimo quarto die 7. mensis Julij Stanislaus Minscius Palatinus Lanciciensis Canonizationem D. Hyacenti, vexillumq. ejus Goslicio Episcopo Przemisl. & Nicolao Zebrzydovio Palatino Lublinense obviam ei progressis, magnis ceremoniis Cra-

coviam intulit. In Ungaria interim Mansfeldio Duce egregij Christianorum contra Sinanem Turcasque progressus erant. Villacum Sabbathi, ad extremum Chatfan capta, ad quadraginta millia Turcarum primariorum militum cæsa. Tartari interim per Poloniam contra omnium opinionem in Ungariam transeunt, pluresq. quidem vicinos Senatores & præfectos, ut intenti in eos essent, Zamoiscius præmoverat sed exercitu non parato, difficilis sanè transitu eos prohibendi ratio erat. Incipiendo enim à Stryo usque ad Scepusium, fines cum Hungariæ sunt, inter quos, quo loco perrupturi Tartari essent, incertum ita ut universi observandi essent. Mense igitur Julio Valachia in Pocutiam Tartari progressi, sine negotio transeunt, non paucis damnis in Pocutia datis, Samborumq. se convertunt: quo in itinere aliquot oppidula incendunt, ut Smiatinum, Zakow, Tlumac, Ciecebski, cui Jacobus Potocius, cum Jacobo Koricinsky, & Scucio, centumq. circiter equitibus se incluserat, cum quibus aliquandiu velitationibus Tartaros morati, postquam universi convenissent, obsidione, jaculationibusq. tam sagittarum, quam tormentorum Janiczaros enim secum habebant, urgere eos coeperunt. Interim tormento è Castello exploto pulveris tormentarij, vas ipsumq. castellum incensum, quo facto equis etiam dimissis, maximè Tartari oppugnare cepere, jamq. in ingressum castris irruerant, Potocius igitur cum Scucio alijsq. quos circa se habebat, pugna illis data, per aciem eorum, maximè cum iis qui in equis erant, pervasit. Incenderant simul Tartari rismieniciam & Chaliciam, in qua Stanislaum Vlodkonem Palatinum Belzensem obsederant, oppugnabantq. Re tamen infecta non exigua cum strage fuorum recipere se coacti fuerant: Indeque Kaluza etiam & Volinia incensis, contra morem suum plures, ubiq. cedebant, homines quam captos abducebant. Zamoiscius transitu illorum cognito: cum iis quos è tempore cogere poterat, in montibus occurrere illis cogitabat, non exiguanq. jam copiam, circa se habebat, undique enim homines ad eum consuebant: Inter quos Janusius Zbarasius Palatinus Braclaviensis non exiguo numero ad eum venerat: Georgius Mnistek etiam Palatinus Sendomiriensis, non contemnendas copias contraxerat, omnes hi circa Samborium per viam Piotroviensem, quam vulgo vocant, venturos eos existimabant: inter quos ipse Zamoiscius qui eo die Samboriū venit, quo Voliniam Tartari incenderant, adque Samborium castris positus, eo animo ut Zolkievium cum exercitu quartano ibi expectaret, castra munire seq. defendere constituerat. Tartari ad silvam quæ objecta erat, castra munierant, sed postea debilibus, plerisque jumentis in castris relictis, vexillisq. nonnullis in speciem dispositis tacite per noctem, è castris se subdlexerant, ita ut postridie demum de discessu eorum à nostris cognosceretur.

Itaq.

Itaque Drohobiciam Zamoiscius insecutus eos fuit. Quo in loco cum præter Samboriensem binas vias hostis in Ungariam haberet, unam recte in Ungariam Munkacium, alteram angustiore Chustam, ad hanc se convertit, quamvis impeditissima è tribus hæc est: Samborienfis omnium latissima tritissimaq. satis diligenter nostri eos insecuti, cunctibus etiam plerisque & impedimentis abjectis: vel viæ impedimentis, vel à Cornissio Ungaro in sylvis eis objectis, alicubi retardatos, asscuturos se eos sperantes. Verum tartari & opinione citius per montes evaserant, & impedimenta in montibus sylvisque incisione arborum à Cornissio eis objecta facile removerant. Vinitores enim non paucos è nostris coegerant præmittebantque, qui securibus instructi vias illis expeditas reddebant. quos postea vel cædebant, vel integros etiam dimittebant. Ciganis autem ducibus uti dicebantur. Nostri per Bieskiedi eos insecuti, cum in agrum transilvanicum pervenisent, re tota rectius cognita alij tanquam hostes hostibusque in regno damnis editis persequendos statuentibus, in aliena tamen ditione abstinere ab iis visum. Cum in Suecia Rex esset, Paulo ante reditum in Poloniam filia Catharina ei nata fuit, quæ primum ibi diem vidit, & summum: sacro tamen Baptismo initiata in Poloniam deportata Cracoviæque monumentis Regiis illata fuit. Rebus autem Sueticis pro tempore constitutis, 20. Augusti Gedanum Rex rediit, secunda Octobr. Cracoviam. Irruptio autem hæc Chani Tartarorum per fines Pocutiæ & Transilvaniæ in Ungariam ejus supra mentio facta est, ut in Ungaria res Christianorum non mediocriter afflixit ita in Polonia varie animos hominum affecerat, alij ardere dolore injuriæque: alij de vindicta in Scythas & ipsi cogitare & alios accendere. Non deesse, qui dolore & invidia publica in unum Zamoiscium conversa, non tam quod acciderat, moleste ferrent, quam illis in ordinem cogendi tempus senactos arbitrari potius gauderent. Maximè autem ipsum Zamoiscium, reipubl. cura sollicitum habebat. Ad dolorem enim ex transitu Tartarorum publice omnibus inultum, non minor cura accedebat, expectatio ex Ungaria reditus ipsorum. Nam etiam ipse Chanus in reditu suo ex Ungaria in Polonia se hyematurum, denuntiavit, & captivi, quorum aliquot à Michaeli Viskioviecio excepti, missi ad eum fuerant, ita cum fratre, quem Vicarium Imperij in expeditionem eam proficiscens, domi reliquerat, comparasse eum indicabant: ut ex Ungaria per fines Poloniæ redeunti, cum iis, quas domi penes illum reliquerat, copiis sibi occurreret, atque ita duplici exercitu occupatos ancipitesque nos destineret: quod etiam sine indicio: perpetuum prædæ ex qua sola fere se tolerant, undecunque cogendæ coactæque per Turcicos Mercatores distrahendæ, insti-

tutum, illorum facile omnibus persuadebat. Cum tamen apparatus belli Tartarus nullum facere necesse habeat, sed semper paratus, suas ferè occasiones expectaret, tum maxime & contra eos potissimum tentare aliquid & possit, & soleat, quos à justo apparatu nudos & destitutos sciat, pro certo eum venturum confirmare quis poterat? In incertitudine autem, ista voluntatis hostilis si exercitus nihilominus pararetur, apparatusque eum evadendo hostis elusisset, ex ijs quæ antea expertus fuerat, multorum invidiæ atq. vocibus obnoxium, futurum facile intelligebat, qui & frustra homines eum territorio, novas res tentare: & cum potentia suæ, tum aliorum opprimendorum causa semper armis succinctum velle incendere, vel sub proximum transitum Tartarorum sparserant: eaq. maxime re studium curamque hominum de arcendo hoste minuerant: æquis auribus eorum quibus vel tributa in militem, vel ipsius militis stativa non possunt gravia non esse. Inter hæc cum versaretur, subque idem tempus ex Suecia Rex rediisset, quam primum Gedanum appulisset, eum cognoverat, Joannem Felicem Herburtum in Prussiam mox obvium illi misit, per quem iis de rebus sine mora ad illum referret. Postquam etiam Cracoviam jam Rex venisset. Reinoldo Heidensteinio in aulam misso, simul cum legato etiam Pontificio Episcopo S. Severi Germanico Malaspina, Senatoribus quibusdam communicat. Qui summum Pontificem etiam certiore de iis faceret: Demonstratis autem iis quæ supra commemorata sunt, ut grave fortassis, frustra. Apparatus facere esset: ita multo gravius esse ostendebat imparatum prædæ hostis patere: & cum se ipsos tumque charissima hominibus esse soleant, crudelissimi hostis libidini, ac terribilissimæ servituti exponere, quorū aliquid vel videre morte ipsa intolerabilius omnibus esse debeat. Maximè in id incumbere, ut jam non de propulsando hoste, verum de injuriis ejus ulciscendis, belloq. ultro ei inferendo, cogitationem Rex susciperet.

Quandiu enim vel omnino malum id non excinderetur, vel sibi suisque etiam rebus timere aliquando inciperent: non modò pacem certam nunquam eos habituros. Verum etiam, vel in perpetuo apparatu maximo cum sumptu: vel in periculo sine apparatu futuros: quorum utrumvis, aut populationes assidue, vel sine ullo operæ pretio magni sumptus, quantopere quodvis Regnum exhaustire possent, quem non intelligere, ut maxime autem à populationibus abstinere, & gravissimum tamen fere esse, quantum in nobis esset, prædæ semper patere: & eo graviores etiam ferè adhuc ejusdem rei metum atque periculum.

Superioribus quidem annis nonnihil populationes istas illorum aliquandiu conquievissè, nunc & ducem illis promptissimum



accessisse: & ex proximæ excursionis hujus successu animi non parum. Jam vero rationem hanc, non modò cum regni hujus salute, verum præsentis etiam temporis, consiliis juvandæ contra Barbaros Christianitatis maxime conjunctam esse; quæ vel juvari omnino à nobis non posset, nisi hostem eum, qui & præsentibus nobis insidietur, & in militiam profectis, domibus liberisque nostris multo magis etiam metuendus immineret, prius submoveretur; vel satis à nobis juvaretur. Si Tartarus solus destineretur, hæcque quasi dextra ala ab exercitu Turcico abscinderetur. Quantum enim & celeritate, & animo, & numero valeat, quantisque incommodis afficere res Christianorum posset, vel præsentis Ungariæ clades satis testari: reveraque ad omnia, quæ in hoste spectanda sint, nihil ferè ei deesse nisi quod prædonum potiusquam hostium animos gerant, magisque ad vastanda quam occupanda regna militia illorum comparata sit; ac licet non æque fortassis omnes armati sint: plerisque tamen & arma non deesse, & qui eo animo sint, quo illi, ut omne periculum, atque vitam ad eam ipsam, pro nihilo ducant, satis armatos habendos esse. Quod si in Ungaria illis res successisset, incolumemque exercitum inde reduxissent, nisi expeditione hac, & bello præveniantur, gravius etiam fortassis, quid verendum esse; ne partim fama virtutis eorum exciti, partim spe prædæ illecti, ex remotioribus etiam Hordis plerique se illis adjungant: omnisque illa ulterior, ab ipsisque Scythiæ montibus barbaries in Christianitatem paulatim se effundat: Attolanorumque & Battianorum temporum pericula nobis referant. Subintellexisse se delatam fuisse, partem quandam hostis ejus distinendi, ad Moschum: Sed & ipsum ferè præsidio, potius contra Tartaros, quorum incurfionibus, magis ferè, quam quisquam alius infestari soleret, egere. Gratum Regi consilium fuit, cum enim sua sponte & hostis injuriæ eum moverent, & tam necessario pioque bello, maxime ipse etiam operam navare christianitati cuperet, animum verè laudis & gloriæ avidissimum rationes hæc eo magis etiam incenderunt.

Præter hæc verò, quod in plerisque magnis bellis accidere solet, idem in hoc ferè contra christianitatem in Ungaria à Turcis coepto evenerat, ut vicinas quoque ditiones, omnes partim traheret secum, partim commoveret. Principio Transilvaniæ res turbata, jam ab initio belli, de excutiendo imperio Turcico, societateque contra illum ineunda & à summo Pontifice Clemente VIII. per Alexandrum Comuleum & à Cæsare Domino Rudolpho per certos homines cum Sigismundo Principe Transilvaniæ communicatum fuerat. Principem & Tirannem Turcica stimulabat, etiam iis, quibus maxime comem se præstat, intolerabilis: & conditiones movebant, ex quibus præcipue

spes matrimonij cum Maria filia Archiducis Caroli sorore Reginæ Poloniæ, tum jus Principis Imperij. Ex nobilitate, & consiliariis ipsius, ita ut maxime autoritate, & opibus quisque præstaret, quæ tutiora putabant, malle; A quibus vel inductus, vel etiam difficultate negotij suscepti ei mole ipsa rerum territus postquam cum Balthasare Battoreo, fratre Patruæle certis conditionibus de imperio illi tradendo, pensionibus annuis ex eo præstandis transegißet, ipse in civitatem aliquam Italæ secedere constituerat, jamque sub idem fere tempus, quo Chanus per Ustensem præfecturam ejus in Hungariam penetrarat, eo consilio iter ingressus fuerat, eodemque tempore Conventus provincialium habebatur. Discessu ejus reque tota à Stephano Boczikao avunculo ejus, ceterisque qui ignari consilij ejus fuerant, cognita, atque ad ordines delata, & avunculi autoritate & publico provinciæ decreto, ex itinere revocatus redijt, jamque satis ad imperium retinendum animatus, offensione omni primum dissimulata, comiterque omnibus habitis, cum interim siculos, genus hominum Montanum & in armis natum, evocasset, præsidiaque alia necessaria disposuisset, die festo primarij, quique ad deducendum Principem præsto adesse jussu, ex quibus in atrio, in quo dum Princeps progredere, præstolabantur.

Imprimis Balthasar Battoreus, & Alexander Kendi, Wolfgangus Kovaciocius Cancellarius, Joannes Bornemissa, qui in Stephani regis omnibus fere bellis, ordines inter Ungaros duxerat, primæque virtutis præfectus habitus fuerat, & nonnulli alij, omnes affinitatibus inter se devincti, opibusque & autoritate Provinciæ ejus facile primi comprehensi; primumque in diversas custodias distributi fuere. Postridie Alexander Kendius publicè supplicio affectus, bona etiam mox in publicum redacta; reliqui in præidia singula distributi, in quibus hanc multo post ipsi etiam vivere desierunt: bona eorum similiter publicata. Stephanus Battoreus Germanus frater Balthasaris, cum ab aula tum abesset, sub primum nuntium aliorum comprehensorum, in Cæsaris ditione in Ungariam ad propinquos, inde ad fratrem Andream Cardinalem in Poloniam evaserat. Nuntius rei in Transilvania gestæ mortisque aliorum adventum ipsius prævertèrat, qui eum omnium animos commovisset, tum maxime ipsum Cardinalem eo dolor provexit, ut publicè gravissimis verbis, ad Regem & Senatores, qui tum ad Regem Cracov. conveniant, rem deferret, litteras de cedendo fratri suo Balthasari Principatu manu Principis subscriptas publice recitaret. Principem gravissimè accusaret. Aliquoties deinde cum summi Pontificis nomine tum ab aliis frustra reconciliatione tentata, tandem ipse quoque una cum fratre Stephano, à Principe proscriptus, possessionesque eorum, quas in Tran-

Transilvania habebant, occupatæ. Idem Comuleus cujus opera ad Transilvaniæ Principem summus Pontifex utebatur, utriusque Valachiæ etiam Palatinum sollicitabat, quarum ulterio-ri, quæ ad Constantinopolim propius spectat Michael Bauscius Rani filius alteri huic Poloniæ, conjunctæ Aaro quidam præerat. Utrunque non tam voluntas conjungendi periculi, quod maximum se subire intelligebant quam necessitas stimulabat. Quod enim versuris maximis apud mercatores factis, imperium ab aula Turcica emissent: majus verò etiam tributum ex Provinciis iis promississent, quam præstare ullo modo possent, cum quacunque ratione, pereundum sibi intelligerent, quamnam potissimum perirent, non multum quidem interesse, ut tamen rebus novatis honeste potius perirent, optandum illis videbatur. Quod tamen gravius propioris periculi, metus ancipites haberet neutri parti adhuc se aperiebant. Itaque cum Chanus Tartarorum sub idem ferè tempus Danubium navibus transmisisset, perque ditiones Turcicas in Ungariam se iturum ostentasset; & lautia iis in locis, per quæ iturus erat, illi parata, & cum subito postea in Pocutiam iter convertisset, triginta millibus talerorum ut sine maleficio transiret, placatus ab Aarone fuerat: Inductus à quibusdam & spe auxiliorum à Principibus Transilvaniæ & Valachiæ, pecuniaque aliqua à Comuleo etiam accepta. Nicolaus Jasloviecius Præfectus Sniatinensis, quod juven-tem omnem Tartaricam in Ungaria esse existimaret, si Cosacos sibi adjunxisset, privatoque sumptu equestres copias aliquas contraxisset, delertas sedes ab illis occuparet, & cum eorum injurias ulcisci, tum perpetuam sibi nominis famam comparare posse ratus, ut ad alios Senatores plerosque, ita maxime ad Zamoiscium etiam, ut qui imperio militari præfesset, ea de re retulerat. Zamoiscius etsi non modò magnam minimeque privatarum opum rem esse videret; & hujusmodi, quæ ne regij quidem arbitrij, sed tota in ordinum potestate esset, ut tamen ex aliorum Senatorum arbitrio, quod è Republica maxime fore arbitraretur, statueret, ei permittebat. Ita cum ille magnam partem fortunarum suarum in eam rem profudisset, tandem à Cosacis qui non hostem sed prædam quererent, tempus idoneum in Tartariam tendendi effluxisse causantibus desertus fuit. Ancipitem verò Aaronem non multò post Cosaci etiam perterrituerunt, quibus ut supra ostensum est, Chlopicius pecuniam à Cæsare attulerat, & vexillum Cæsareum cujus auspiciis ditiones Turcicas ex hac parte adorirentur. Absente omnia hæc, in Suecia Rege fiebant, quo pejoris exempli res videri, inconsultis regni ordinibus privatâ autoritate nulitem in alieno regno autorari: belli pacisque cum vicinis turbandi arbitrium quencquam sibi sumere; externa denique signa, externum imperium, intra fines regni volitare.

Itaque cum quemadmodum ostensum est, aliquanto ante transiunt Tartarorum conventus Senatorum habitus Varaviæ fuisset, publicæ scriptæ ea de re ad Cæsarem literæ fuerant. Cura earum mittendarum ab Archiepiscopo suscepta. Causa omnis in Chlopicius à Cæsare translata: qui Cosacos liberos homines esse ostendisset, neque quicquam cum regno commune habere. Cosaci nihilominus ductu Lobodæ Valachiam sub signis Cæsareis ingrediuntur. Nielstrum infra Sorocum transmittunt, Aaro adventu illorum cognito. Tasso sede Principum Valachiæ recta obviam illis progreditur. Cosaci oppido Cocorain ceteriore ripâ exulto cum ex superiore loco tormentis petere eum cepissent, Aaro ad fines Moldaviæ profugit. Cosaci transmissis Pruto Tassum subito invadunt. Regiam ipsam incendunt, oppidum diripiunt, mox universo itinere villas oppidaque opprimentes, & obviam quæque rapientes, & igni & ferro levientes se recipiunt, ab eoque tempore jam intra fines regni prædas agere instituant, cumque non modò, qui ex nobilitate vel fortunis lapsi, vel proscripti, vel rei capitalis damnati, vel etiam inimicitias quas ulcisci vellent haberent, sed promiscue servitia etiam rusticana ad illos confugerent, hisce maxime ducentibus & ædes possessionesque privatas nobilium diripere, & ut quisque maxime gravè sibi omnium fuisse diceret, ita crudelitatem in eum levire, ut & equis in partes diversas quosdam discernerent, & nonnulla alia inaudita crudelitatis exempla in plerasque eederent. Non multo autem postquam Cracoviam Rex venisset, Nuntium Jaurini amissi die 17. mensis Novemb. allatum gravissime etiam animos omnium perculit. Senatum sub id tempus Rex habebat, cum literæ cladis ejus nuntia in ipsum Senatum allatæ lectæque, tantum in omnium animis dolorem tantas in vulgo lachrymas concitarent, ut non præsidium aliquod Ungariæ sed suburbium Cracoviæ amissum videretur, publicæque supplicationes seu deprecationes ad Deum eo nomine habitæ. De Herdecoque tanquam qui contra fidem datam præsidium dedidisset, supplicium postea sumptum, Turcæ per Danubium pontem jecerant, cui rei tanquam improvitæ cum Archidux Matthias cessisset, castra christianorum impetu eo capta fuerant. Jam autem autumnus vertente Tartarorum etiam ex Ungaria reditus fere expectabatur. Itaque cum jussu Regio, quantuscunque ex quartana ejus anni pecunia exercitus confici poterat, Zamoiscius scripsisset, & jam domo movisset, Jaurini amissi allatum, nuntium tanto magis etiam curam finium tuendorum, acuire. Qua perterritus hostis esset, ut rem quæ ipsius consilij, ac potestatis tota in tanta præsertim longitudine huius esset, difficile non modò scire, verum conjicere etiam erat. Ad Lastowkam tamen pagum exercitum constituit.



Locus hic est in confinio montium Ungariæ Russiæque eo autem situ ut media quasi inter vias quæ maximè hosti commoda viderentur. Ultra exercitum quem non magnum Zamoiscius habebat. Rex comitatum etiam aulicum aliquem suum & peditatum miserat. Nicolao Zebrzidovio Palatino Lublin. Cracoviense Capitano, Alexandroq; Koniecpolscio Vielunense præfectis. Zebrzidovius cum peditatu media inter Cracoviam & Lastowkam via substiterat, ut in quam partem hostis irrupisset, ad eam conjungere cum exercitu se posset, ad eos præfecti regij non pauci exque primariis familiis ut ad incendium publicum extinguendum, literis Regiis evocati, amore etiam patriæ incensi, non contemnenda cum manu confluerant, ita ut justus exercitus cōficeretur; inter quos insignis maxime comitatus Ducis Ostrogæ Palatini Kioviensis erat, qui cum filio juniore Palatino Voliniæ ultra duo millia equitum habebat, Palatinus Braclav, Zbarascius ad quingentos, Palat. Podlasiensis Zaslavius ad quadringentos, Georgius Mnisek. Hieronymus Mielecius, Præfectus Sandomir. cum necessarijs vicinisq; suis, ad mille, Belzensium sub uno signo quadringentorum circiter equitū, quibus Nicolaus Ostrogogus & Joannes Lipsius, Goralcensis præerant, Lublin, ad centum, Adamo Goralscio præfecto: Podoliensium, Leopoliensium, ex alijs Palatinatibus, Russiæ non pauci, Lastowka indies ferè, ad progressus consiliaq; hostis cognoscenda, exploratores per Ungariam dimittere accipereq;. Exitus hic fuit, ut Tartarus cum diu in vicinis locis hæsisset, omnesq; aditus explorasset, fama exercitus cognita, quamvis longissimo ambitu capto, per Turcicas ditiones domum se reciperet. Zamoiscius autem cum in montibus suapte natura asperissimis iniquissimo anni tempore in mensem usq; Januarii frustra hostem expectasset, tandem ad comitia se conferret. Idem enim Nuntium Jaurini amissi, comitia etiam quæ sua iponte & tempus legitimum & Reipubl. difficultates viciniqu; periculi cura efflagitabant, tanto magis etiam accelerarunt. Sigismundus sub idem tempus Electoris Brandenburgensis Principis filius filiam ægri in Prussia Ducis, familiæ itidē Brandenburg. in matrimonium ducit: nuptiæ Regiomonti celebratæ fuere. Rex Stanislaus Cikovium Succamerarium Cracov. pro legato ad eas miserat. Non magna res est, sed tamen inter Principes æmulatio hæc frequens. Erat & Daniæ Regis legatus cum Cikovius die Dominico una cum legato Cæsareo, spontam ad ritus solennes deduxisset, primumq; locum post legatum Cæsareum tenuisset, Danicus legatus postmodum primum se obtenturum ratus, postquam opinio ea illum fefellisset, solenni etiam mensa abfuit: peculiariq; mensæ quæ præbita ei fuit accubuit. Die 29. mensis Januarij Anno nonagesimo quinto, jam ineunte incendium, in arce Cracov. ortum: testumq; pedis Pulin, quem vulgo vocant, aciesq; ista

arcis exusta: Verum brevi in meliorem formam à Rege omnia restituta æneq; recto cooperta fuere. Indicta comitia fuerant, ante diem VII. mensis Feb. Cracoviam, postulante quidem id, ut videbatur vicino; periculo minoris Poloniæ: non sine offensione tamen & majoris Poloniæ & Lituanie, qui Varlaviam solennem alioquin locum malebant. Non multo post reditum Regis, Daniele Principi, ad Regem Cæsar miserat; qui & reditum ex paterno regno Sueciæ ei gratularetur, & ad societatem belli contra Turcam eum invitaret, magis ut deliberaret, interim hac de re, ad comitia, quàm nunc de ea statueret, de qua nisi in Comitibus statui non posse constaret, ad quæ majorem legationem missurus esset. Per eandem legationem querelæ Aaronis de injurijs Cosacorum delatæ: demonstratum non minores in ipsa regni viscera ab illis profectas, utrarumq; autem seu causam, seu fontem autoramentum ipsum Cæsareum. Jam Comitibus haberi cepta, & quamvis non pauca erant, partim vetera, partim nova, quæ in deliberationem veniebant: Præcipuum tamen eorum quasi caput, omnes sibi proponere, cum pericula, quæ à vicinis hostibus regno imminere viderentur, tum societatem cum alijs Principibus Christianis, cujus constituendi causa legationem se ad comitia missurum jam ante Cæsar ostenderat, quæ cum in magna omnium expectatione esset, tandem medio fere. Comitiorum tempore exacto Stanislaus Pawlovius Episcopus Olomucensis cum altero Legato sibi adjuncto à Cæsare venerunt.

Interim Nuntius tamen summi Pontificis Germanicus Malaspina Regem Senatoresq; appellando, partim admonendo; quibus de rebus agendum esset, ut etiam ante adventum eorum, consilia de fœdere illo haberentur, studio ac diligentia perfecerat. Tam Senatus quam nuntij nobilitatis diversas sententias distracti erant, alij omnino fœdus recusare, cum periculi magnitudine demonstranda, tum exemplo non modo Sigismundi Primi, qui vel in filii periculo & causa, publicam tamen regni salutem ac tranquillitatem privato dolori posthabuisset, sed vel ipsius Maximiliani II. Cæsaris, qui in victoria ad Echinadas Principum Confœderatorum, pacem tamen, quam cum Turcatum habebat, sanctissime diligentissimeq; tutatus fuisset. Qui societatem suadebāt, inconstantiam amicitie turcicæ: omnia regna christiana occupandi libidinem commune totius christianitatis periculum recentissimus deniq; injurias: transitus Tartarici demonstrabant. Alij sine mentione fœderis præsidia quibus in omnem eventum respubl. ipsa se tutaretur, quibus & ratio certa ejus definiretur, & cum ipsius certitudini fœderis, tum regni securitati, quantum fieri ejus posset, prospiceretur.

In eam sententiam Zamoiscius etiam inter alios maxime incumberebat: Simul in omnia even-

eventum, iusta præsidia decernenda censebat, quibus vel in societatem illam descenderetur, si conditiones coirent, vel si minus de illa conveniret, armata respub. alibi tamen & Christianitati operam aliquam navare posset: & simul suas injurias ulcisci: siue etiam pax cum Turca retinenda esset, eo æquiores teneret, quo magis pacis & belli arbitrium in sua potestate haberet. Dum hæc consilijs Senatus & nuntiorum nobilitatis agitantur, legati Cæsarei quemadmodum ostensum est, advenerunt. Perfidiam, crudelitatem, serpentemq; per omnia regna potentiam hostis, aliq; imperio Turcico ab omnibus objectari solita, demonstrando, ad socianda arma Regem ordinesq; invitabant: sine ullius fere alterius conditionis mentione, quam quod sine rege regnoque pacem cum hoste nullam se facturos promitterent. Re in Senatu primum agitata, delegati primores ex Senatu, qui hisce de rebus cum Legatis agerent, ex Episcopis Georgius Radivilus Cardinalis Cracoviensis, Hieronymus Rozrazevius Cujaviensis, Laurentius Goslicius, Przemisl. Maciejovius Luceorientis Episcopi Janusius Dux Ostrogæ Castellanus Cracoviensis, Nicolaus Firleus Palatinus Cracov. Nicolaus Zebrzidovius Lublunen. Nicolaus Christophorus Radivilus Trocensis Palatini, ex magistratibus Joannes Zamoiscius Poloniæ Leo Saphia Lituanie Cancellarij, Joannes Tarnovius regni, Gabriel Voyna Lituanie Vicecancellarij. Interrogati ab his Legatis, quæ mandata quasq; conditiones societatis afferrent, Societatem petitem, missos se ostendere, quidquid autem promissum receptumq; à se esset, Cæsarem ratum habiturum instrumento mandati sui comprobare se paratos esse. Demonstratum fuit, primo diversam rationem hujus regni atque aliorum Principum & regnorum christianitatis esse. Alios enim fortassis, vel quod bellum jam cum Turca habeant, necessitate ad societatem eam adduci, vel quod remotiores à finibus Turcicis sint, sine periculo suo juvare Cæsarem posse. Huic regno neq; necessitatem ullam belli adhuc incumbere, cum à tot seculis pacem ad se transmissam, etsi proximo transitu Tartarorum, alijsq; injurijs nonnullis aliquantum violatam, tamen facile retinere possit: Semel autem pace sublata majus, fere periculum suscipere, quam ullum aliud regnum Christianitatis. Nam non modo Turcam potentia sua omnibus regnis christianis gravem vicinū habere. Verum etiam Tartaros, qui & sua sponte & Turcarum jussu perpetuis incursionibus revare regnum possint. Quemadmodum autem præceteris regnis Christianitatis in discrimen res suas adduceret, ita utiliore etiam fortassis operam Christianitati præstare posse, quam aliquam aliam partem Christianitatis: non modò quòd & maxime vicinum ditionibus Turcicis sit, & ab hac parte ut Danubij quidē transitus non facilis sit, reliqua tamen, vel ad ipsam Constantinopolim nuda, atq; aperta fe-

rè pleraq; sunt, ita ut nullibi facilior ad ipsa imperij Turcici penetralia aditus sit, quam hinc: Verum etiam quod equitatum, quo maximè inferior hoste eo esse Christianitas videretur, & talem præsertim, qui simili fere, quo hostis armorum genere utatur, & talem præsertim, qui simili fere, quo hostis armorum genere utatur, majorem etiam quam aliud ferè, aliquod regnum conferre, in bellum possit, quarum rerum ut ratio habenda non esset, in omnibus tamen societatibus, quæ æquo jure constituerentur, æquissimum illud esse, ut & utriusq; partis securitati, tum ipsius fœderis firmitati prospiceretur: & ita in commune vires conferrentur, ut quæ re alterutri ex socijs inferiores essent, ea ab ijs, qui illa abundarent, sublevarentur. Minus fortassis hoc regnum pecuniosum esse, virorum & equorum, quibus maxime bellum hoc opus habeat, non contemnendas vires in societatem conferre posse; quibus si adjuvare, rem christianam deberet, quicquid ultra eum numerum, qui conditionibus societatis, in regnum hoc describeretur, auxiliorū præstaret, ut totius societatis stipendijs mereret, æquū esse. Postulatū ut de singulis nominatim ageretur. Relata re ad Regem capita certa conditionum cōscripta, priusq; remotis arbitris cum nuntiis etiam nobilitatis communicata foret. Permissum ab illis fuit, ut cum legatis Cæsareis ita communicaretur, ut omnia nihilominus integra essent. Capita hæc fere fuerunt. Qui socij belli, quæ cujusq; vires, quæ genera militum, quod nimirum equites, & quo genere armorum, quot pedites, qui duces, qui apparatus bellici futuri essent, quis belligerendi modus, quæ sedes, tempus, locus conveniendi, quæ partes autoritasq; regia. Si Rex ipse in expeditionem veniat, abiente Rege quæ summi Præfecti Cæsarei potestas, quæ Polonici, quæ aliorum, ac si fortè in consilijs aliquando inter se dissentirēt, quæ definiendi ratio, qui modus juris reddendi in controversiis, inter homines diversarum nationum futurus esset: comestus & pretium ejus. Polonicus miles & Ungaricus, cum expeditiores sint, & eadem fere cum hoste armatura, ut prima agmina ducerent: de stipendijs in tā numerosum exercitum nostrum, partim supplendis, partim prorogandis, de præmijs belli, maxime autem utraq; Valachia vicinisq; locis, ad Pontum Euxinum; ut quæ non modo conjuncta cum regno hoc essent, verum juris ejus antiquitas etiam fuissent: tempore societatis, ut perpetua esset, pacemq; tam ipsi Principes cōsociati quam regna ditionesq; eorum inter se colerent: tum alios etiam Principes christian. ac respub. ad societatem invitarent: ut pristina pacta, fœdera ac transactiones ratæ essent, neq; societate hac quicquā illis derogaretur. Si præter Turcā aliquis alius, ac vel ex ipsa societate aliquē ex socijs siue ipsum aut regna Provinciæ cōsociatus, quocunq; etiā juris vel alio prætextu bello lacefferet, aut turbaret, aut subditi ipsi ab aliquo deficerent, reliqua societas



cietas omnibus viribus bona fide hujusmodi Principi, Regno, Provinciæ opem ferret, ac non modo confociata regna, provincias, Principatus turbati non pateretur, sed neque hostile, aliquid tentantes turbatoresve aut perduelles receptaret, transitumve illis præberet, consilio, ope, favoreque ullo eos juvaret, sed omnibus viribus prohiberet, obliteretque. Ultimum quod requirebatur, modus certitudinis rerum omnium harum fuit. Quibus de rebus cum sigillatim cum singulis ageretur, tandem legati nuntio maxime Pontificis diligenter & monente eos omnibus de rebus & se interponente, scripto ipsi, etiam sententiam suam ostenderunt. Ducem à Cæsare delectum, Comitem Mansfeldium operam præterea dare: ut quicumque Germani Duces, egregij reliqui essent, exciret: itidem Summi Pontificis cæterorumque Principum Italarum copiis strenuos, & peritos duces præfuturos. De modo belli gerendi in re præsentem ex communi consilio ut aliorum, ita Polonorum etiam ducum, maxime autem Zamolsij statutum iri, sedem belli Ungariam: tempus conveniendi: quod esse posset, delectum cætera consilia, ex hostis deliberatione & temporibus captum iri: ad vires quod pertineret, ultra Transilvanicas & Valachicas, Cæsarem ipsum ad octoginta milia tam equitum, quam peditum in armis habiturum, quis nominatim autem equitum, quis peditum numerus futurus esset, comperitum se non habere. De autoritate Regia nihil se certi mandati habere: Sed cum benevolentia Cæsaris in Regem perspecta illis esset, vix non exploratum sibi esse, si uterque in expeditionem eant, æquale imperium permissum illi iri, quale Imperator ipse habeat; quod si Cæsar abesset etiam summum totius exercitus. De aliis Ducibus videndum esse, qua autoritate antea in hujusmodi expeditionibus uti soliti fuerint: Sperare se non modò eandem sed fortassis vel majorem nunc etiam tributum illis iri. Ad dissensiones tollendas, si quæ existerent, summi Pontificis ministros, qui in exercitu futuri essent, & autoritatem proponebant: neque alias etiam rationes defuturas: de comætu satisfactum iri, nostris promittebant, primum etiam agmen quem admodum postularetur, permittebant. De stipendiis sumptus Cæsaris, quos immensos faceret, ostendebant, non tamen recusaturum quin aliquid conferret, de quantitate nihil certi mandati se habere cum Cæsar ipse statuere ea de re non posset, ut quæ partim à viribus Cæsaris, partim regni hujus necessitatibus penderet. In præmiis belli non dubium esse satisfactum Polonis iri, quorum tantam virtutem & fortitudinem fore sperarent, ut quovis honesto, & magno præmio digna futura essent; modum certitudinis rerum harum Regem ipsum Ordinesque proponere debere. Ad se quod pertineret, ad omnem cautionem præstandam paratos esse: Præterea summum Pontificem Imperium, & omnes

Confederatos, fidem suam pro Cæsare interposituros, itidem regnum hoc operam dare debere, ut itidem Principes pro se quoque spondeant. Interim securitatis conditiones hæc se proponere, ut non modo pax, sed ne Tractatio quidem pacis sine consensu regni hujus unquam suscipiatur: ut fœdus hoc vel perpetuum sit, vel ad id tempus, quod Regno huic visum fuerit, ut fœdere hoc manente bellum Regi, aut quibuscunque ditionibus ejus vel à Turca vel à quocunque alio nemine excepto illatum, communibus viribus tam Cæsaris, quam aliorum confederatorum propulsetur. Maxime duabus de rebus agebatur. De forma fœderis: Confederatis, viribusque eorum, quo uno & securitas belli ejus suscipiendi, quantum ratione provideri posset, & certitudo ejusdem societatis; maxime contineri videbatur. Altera de stipendiis in exercitum Polonicum: sine quibus ex solis tributis, tam numerosum exercitum, qualem bellum id requireret, difficile educere esset: de stipendiis vel nulla, vel parva admodum spes fiebat, cum ipsius Cæsaris difficultates non paucas neque parvas ostenderent. Fœdus ex parte regni, tale maxime postulabatur, in quo imprimis imperium Romanum esset, ut cujus Principes non modò vicinitate & nonnullis etiam beneficiis communicatis, antiquam cum regno necessitudinem cõstitutam haberent: sed cum regibus etiam nostris multis affinitatibus devincti essent: secundum Imperij Principes maxime summus Pontifex, Hispaniarum Rex & Italiz Principes spectabatur. De Veneris etiam ac Mosco ad idem fœdus adjungendis non ita quidem flagitabatur, ut sine iis fœdus recusaretur: Sed tamen & de iis quoque omnis opera daretur, proponebatur. Quod enim cum eo hoste res esset; qui non ex unius sed multorum regnorum ruinis summam potentiam aggregasset, neque temere aliquid iustis viribus non antea comparatis contra eum tentandum, neque unius alteriusve populi virium id esse videri, nihil ferè certi, de tali fœdere à Legatis proponi. Ostendere quod ad imperij, aliosque socios Imperij Principes pertineret, nullo cum illis fœdere opus esse. Cum autoritatem Imperatoris, cujus Majestatem colerent, etiam sine fœdere sequi tenerentur; De summo autem Pontifice Rege Hispaniarum, aliisque qui subiecti Imperatori non essent, dubium nulli esse debere, quin ad auxilia ferenda paratissimi essent, interim disputare, satius fortassis esse, ut sine certo fœdere auxilia, quod facturi essent, præstarent, quam confederati in partem victoriæ ac prædæ ipsi quoque venirent, simul spes de Mosco, Persis aliisque remotioribus Imperijs, cum Transilvaniz Valachiz & Moldaviz defectionem ostentare. Ad extremum satis regno huic esse debere, Si cautio detur, nullam pacem, neque pacis Tractationem à confederatis susceptam iri, auxiliaque quæ Cæsari dentur, certa esse, & ad finem usque belli non denegatum iri. Si quæ res Po-

loniz

loniz vicissim aliquando id postulent, semper iisdem præsto, futura; Tandem omnia, quæ supra commemorata essent, tam Principes Imperij quam ditiones Cæsari subjæctæ unà cum aliis confederatis confirmarent, quod ita fore pollicituros se ostendebant: Non satis hæc vel certa, vel firma ordinibus videri. Itaque cum & serius legati venissent, & hisce aliisque de rebus, de quibus mandata certa non haberent, ad Cæsarem referendum illis esset. Interim legitima Comitiorum dies exiit. Sub ipsum autem exitum comitiorum responsum etiam à Cæsare allatum, secreto quidem habitum, cum Rege tamen communicatum fuit; quo de hujusmodi fœdere nisi re prius ad Ordines Imperij relata nihil statui posse. Cæsar ipse ostendebat. Interim in collegio etiam Legatorum nobilitatis variz difficultates intervenire. Inprimis de religione dissentientes confederationem seu modum exequendæ ejus urgere, nihilque omnino perferri se passuros ostendere, nisi prius idoneæ, securitati illorum provisum esset. Non minus difficultatis Lithuani objiciebant, qui & superioris anni tributum retinuerant: & nunc tributum recusabant, nisi sui corporis Episcopus Vilnensis illis daretur: Regni ordines contra tendebant, non modò quod dignitates Ecclesiasticas, promiscue utrobique, sive Polonicæ, sive Lituanicæ gentis hominibus dummodo nobiles alterutrius nationis essent, conferri posse demonstrarent, verum etiam cum Episcopatus Cracov. totius regni amplissimum Lituanicæ nationis Senatori collatus esset, eoque exemplo tot aliorum Episcopatus regni iur cum Lituaniz quæ dudus solos Episcopatus habeat, communicaretur, iniquissime id recusari censebant. Non deerant præter hos qui ex pristino studio, partim Archiducis Maximiliani privatim magis ejus dignitati ac potentiæ, quàm fœderi cum universa domo Austriaca & christianitate studere putarentur. Quod enim increbuerat, Maximilianum apud Cæsarem laborare, ut ipse exercitui cum Imperio in Ungaria præficeret, à Cæsare autem maxime expectatione societatis Polonicæ ei negari: cujus spes si sublata esset, nullam causam fore quo minus Imperio militari ille potiretur, ex instituto etiam contradicere aliqui societati isti putabantur: Ob quas difficultates, cum in istis Comitibus, maxime propter temporis etiam brevitatem vix quicquam statui posse appareret, relatum ad collegium legatorum, ut voluntate eorum certis delegatis potestas daretur, qui etiam extra comitia, de bello Turcico fœdereque cum Principibus christianis agere, publica quoque autoritate constituere de eo possent. Responsum per Marsalcum collegij, Carinicum judicem Siradiens. in absolutam potestatem, consentire se posse negarunt, ut vel Senatui univerto, vel certis ex Senatu negotium Rex daret petierunt; qui una cum delegatis ex collegio nuntiorum re disceptata, scripto comprehenderent, quæ & ex usu ipsius Regis regni que es-

sent, quæque mutuo in societate ea præstari deberent, habita ratione & regni virium, & nè gravioris oneris aliquid iis, à quibus missi essent, imponeretur. Quod cum factum esset, ex tempore consilium capturos, conjuncta cum responso, hoc à nuntiis postulatio Estoniz fuit, rerumque quas in Sueciam superiore anno Rex profecturus usus sui causa ex Thesaurio sumplerat; ut ex inventario in Thesaurum referrentur, maxime cautio pacis inter dissidentes de religione ex totius collegij sententia proposita. Postulatum ut dividi postulata permitteret, separatimque prius de Estonia responderi, quo concessio obtentum, ut certis de causis hisce comitiis Estoniz mentio omitteretur. De Thesaurio satisfactum. Dissidentibus, de religione talis legis spes facta, quasi sub discessum Regis proximum in Sueciam nulla expressa mentione religionis, omnis vis, & injuria in universum, ad sequentia comitia prohibita, certa quoque sanctione tranquillitas publica munita fuerat, cui rogationi cum postea Episcopi nomine Cleri intercessissent, alia negotia publica vel impedita fere, eam ob causam à diversæ religionis hominibus, vel non satis promptè curata fuerunt. Ad Lituanos pacandos conventus proponebatur, ex cujus autoritate & assensu Episcopum illis Rex ederet, controversiæque illi finem imponeret. Sed cum ad conventum res deferretur, majoribus potius, aut novis turbis materiam præbitum iri plerique existimarent, illa quoque res in suspensio relicta. Mandata interim quibus de societate cum Principibus christianis tractaretur, à legatis ex utroque ordine cõscripta Capita illorum illa fere erant, quæ supra legatis Cæsareis proposita, quorum partim ad securitatem pertinebant, ut non modo communibus, sed iustis etiam viribus si non universa, tamen maxima saltem pars Principum christian. rem aggredere, partim ad rationem belli gerendi, partim ipsius societatis, ex qua quid ab uno quoque in societatem eam conferri deberet, describeretur. De præmiis in universum quidè cautum, ne deteriori conditione regnum hoc esset, quam alij confederati: nominatum autem de iis, quæ regnum hoc alias jure ad se pertinere existimaret, ut imprimis Valachia, utraq; provinciisque ac civitatibus, circa Pontum Euxinum ad Valachiam pertinentibus. Præterea cum tempore Divæ memoriæ Sigism. Augusti nomine reip. Venetæ navigatio etiam proposita fuisset, qua frumentum aliisque merces, quæ ex regno hoc exportantur, per Pontum Euxinum fretumque Constantinopolitanum, Venetias atque in Italiâ importarentur, à Turcis autem impedita, ea hæc ætenuis fuisset, nominatim adjectum, ut si successum christianis Deus tribueret in omnes partes libera & tuta, absque omni vectigali immunis navigatio illac esset. Certusque ac firmus ejus modus definiretur. Juramentum etiam, in transactione Bendzinens. ab Archiduce Maximiliano & ordinibus Ungariæ ad hoc tempus nondum præstitum vel imprimis postularum, Quod



Quod etiam post tempora Vladislaviana, odio nominis Polonici contumeliosæ nonnullæ leges in gentem Polonicam latæ in Ungaria dicerentur, si ad societatem eam descendendum esset, ut ex quoq; abrogarentur, flagitatum. Ratio firmitatis fœderis hujus ea proposita, ut de quibus convenisset, ea imprimis quidem à summo Pontifice scripto, & cæteris omnibus confederatis: Juramento autem etiam à sacro Cardinalium collegio, Cæsare, Electoribus, cæterisque ordinibus imperij, tum Rege Hispaniarum, ac Principibus Italix; ex parte autem regni à Rege delegatisve, ex Senatu & equestri ordine sancirentur. In hæc fere mandata cum ex Senatu complures ex equestri ordine etiam non pauciores delegati, cumq; de aliis rebus convenire non posset, de societate hæc sola lex perlata, qua & delegatis facultas cum Cæsareis aliorumq; Principum, maxime autem imperij legatis de communi consilio ita visum illis esset, tempore & loco certo constituto, congregandi, deq; societate ea secundum conditiones iis præscriptas agendi data fuit, & regi postquam illi, quæ egissent renuntiassent, de hac sola re, Comitiam extra ordinem edictis & conventibus solemnibus prætermisissis, in duas solas septimanas indicendi. Mandatorum delegationis ejus certa exempla collecta, quorum unum apud Principem delegationis esset. Eadem lege tributum in omnes casus reipub. decretum: Sed & non parva sententiarum varietate, privatis causis dissensionum, quæ supra commemoratæ sunt, in varias partes consilia publica, & animos distrahentibus: neq; ad extremum etiam ab omnibus Palatinatibus majoris Polon. Prussicis & nonnullis aliis totam rem integram ad suos referentibus. Maximè majores Poloni, quibus diserte ne ullum aliud subsidium resp. quam publicam expeditionem acciperent, mandatum fuerat. De exercitu tamen qui futurus esset, per Joannem Suoslovium Scribam Leopoliensem qui ex Palatinatu Russiæ, Legatus tum erat, publico nomine postulatum, ut non modo non intra fines regni, tanto cum incommodo nobilitatis, verum nominatim in Valachia haberetur. In iisdem comitiis in Gedanenses, etiam partim facta judicia quædam, partim decreta: quemadmodum supra commemoratum est: Cum in Sueciam Rex iret, aliquorq; septimanas Gedani classis apparatus & venti expectatione occupatus moraretur, paulò ante discessum ipsius cum ab Heidone seu famulo quodam aulico, homo de plebe pulsatus, vulneratusq; esset, ad elamoremq; ab utraq; parte concursum esset, primum rixa orta, deinde tuos quibusq; tuentibus, ab utraque parte, tam ab oppidanis, quam à regijs concursum ad arma fuit. In turba utrinque & non pauci interfecti & plures vulnerati fuerunt: & in ipsas ædes regias in quibus Rex versabatur, globi aliquot emissi ægre tandem tumultus sedatus, utrunq; latis constabat, & fortuito magis, quam data opera rixam con-

tractam, & magistratum non modò autorem ejus non fuisse.

Verum eum periculo fere suo furenti plebi se objecisse: quod tamen non modo in conspectu Regis seditio & cædes facta, sed ipsius etiam Regis vita, ac salus appetita videretur, & atrox imprimis res, ut erat, & minime negligenda visa. Quam ob causam cum in solennibus Conventibus quæ comitia antecedunt, proponendam eam rem nobilitati Rex judicasset, nullus omnino conventus fuit, qui non autores ejus inquirendos, gravissimeq; puniendos censeret. Quorum mitissima sententia erat, ut exemplo Divi Sigismundi Augusti, deprecatione publica, & multa aliqua Maj. Imperij satisficeret, censere, ita ad comitia res delata, cum in Senatu etiam jactata fuisset, primum non satis illam quidam probare, quod res, quæ jure expedienda esset, & in potestate Regis esse debeat, ad privatos conventus delata inque civitatem subjectam, in quam jure agendum esset, quasi in externum hostem concitata nobilitas videretur. Ut autem in judicium Civitatem Rex vocaret, jureq; contra illam ageret, omnes censuere, ita ad judicium res remissa. Alia illarum causa erat de templo primario, seu parochiali, cujus jus patronatus, cum Rex Casimirus privilegio suo, quo uno post imperium cruciferorum excussum maximè status Civitatis, atq; omnes fortunæ ejus fundatæ sunt, diserte sibi successoribusque suis excepisset; illi ab institutis christianis, majorumq; tempestate illa impietatis hæreticæ ipsi quoq; abrepti, temporibus Sigismundi Augusti per negligentiam Episcoporum quorundam primum possessiones redditusq; templi, tum ipsum templum paulatim usurpare cœperant. Post mortem verò Augusti, usum etiam totius templi, majusq; altare quod tanquam juris regij integrum ad mortem ejus servatum fuerat, ipsum quoq; profanarant, ut totius jam templi possessionem occuparent, subjectionis Mariæburgensis tempore cum libertatem religionis obtinuissent, eaq; literis Stephani regis confirmata eis fuisset, in eandem confirmationem templorum etiam omnium, reddituumq; ad templum pertinentium, rerum, quæ non modò in potestate Regis non essent: Verum quarum commercium planè nullum esse posset, mentio irreperat, cum clausula tamen, qua ea sola jura, quæ legitime obtinuissent, possiderentq; eis confirmarentur, eodemq; exemplo, intercedente quidem, attestationsq; interponente, Episcopo Vladislavienſe, sub initia imperij Sigismundi III. Regis confirmatio jurium edita etiam illis fuerat, Episcopus Vladislavienſis: nò modò quemadmodum ostensum est, semper jus Ecclesiæ protestando integrum conservarat, sed jam ab initio Episcopatus sui idreperierat. Redi ducta, cum Gedani Rex esset, tandem Regio judicio, restitutio decreta illi fuerat, à quo cum Gedanenses ad Comitiam appellationem interpoluissent, ea negata illi

nihilominus

nihilominus, executionem omittere, p. libellos & appellationem psequi, & Episc. ipsū ad comitia omniumq; Ord. judicium evocare: o paucis, cū ex Senatu, tū eq. ordine, qui ejus d. cū illis relig. essent, causā illor. foventib; decretū, ut in causā & juris regij & civitatū, quar. cognitio ad solū Regē prineret, male ad com. pvocatū. Si mul. pœna à judiciis Regis pvocatū in eos statuta. Ead. tamē ipso Episc. intercedente remissa, restitutio tēpl. sub gravi multa, denuo mād. Dimissi inde legati, imprim. Cæsarei, demōstratū, cur de societ. ista certi nih. statui potuerit: partī, q. plena hinc de reb. mād. data o habuissent: partī, quod aliorum Principum Christianorum, quib; cum communis causā hæc esset, vel nulli omnino, vel ne ii quidem certis cum mandatis venissent: descendisse nihilominus eo Regē & Ordines, ut primo aliquot, cum Senatores, tum ex equestri ordine, delegarint: qui si quid Cēs. Ord. Imperij, aliive Principes Christiani, agendum amplius, hac de re, putarent, communicata inter se re congregarentur, cōsiliaq; cum illis conferrent: ex quibus postquā & conditiones & apparatus, consiliaq; eorum, qui ad societ. hanc adjuncturi se essent, Rex cognovisset, quamprim. alia comitia solus hujus negotii causā extra ord. indicturum: omnibusq; rebus diligenter expensis, quantum in se futurum esset, libent. operam daturum, ut neq; recentes injurias, quæ privatim ab hoste eo sibi regnoq; suo illatæ essent, neglexisset: neq; communi Christianitatis causæ defuisse videretur: Cum valedicturi propius ad sellam Regiam accessissent, privati à Rege petierunt, ut, cum societas ista coire hisce comitiis nō potuisset, saltem, ut Tartarus tamen transitu prohiberetur, operam Rex dare vellet. Respondit Rex o una via uti illos solere: cum per Turc. etiam ditiores Solimanni tempore in Ungariā aliquando iverint: ostendere illis, sans Cæsari Ungariæq; futurū, si ab hac parte montibusq; per quos superiorem æstatem in Ungariā irruperant, arcerentur. Nomine Electorum Imperij à duobus Electoribus, Sax. ac Brandeburgensē, quasi ex totius collegij autoritate, legati missi in ipso fere exitu comitiarum venerant: præter hos ab Archiduce Matthia, Ordinibusq; regni Ungariæ, Princ. Transilvaniæ, duobus, Aaron, ceterioris, & Michael, ulterioris Valach. Palatinis, diversæ legationes, auxilia omnes petebant: maxime Ungariæ Ordinū & legatio & oratio miserabilis visa; quorum majores cum non modo per se hostis ejus in injurias sæpe propullassent, verum terrori etiā illis fuissent, hi autem in aliena ope ac miseric. omnem spem repositam haberent, florentemq; quond. regni sui statū & præsentis miseriae flebili oratione exponerent, vix non lachrymas omnib. excussere: ex tam opulenti quond. regni funere, miserrimeq; lacerto cadavere, omnium rerum humanar. vicissitudinem merientibus: cum ead. omnium legationis summa fuisset, quæ Cæsareæ, idem etiam fere omnib. responsum. Valachicis hoc amplius, futurum exercitum Ducemq; regij in finibus: illi Regem, quod è Rep. esse judicaret, mād.

daturum: itaq; ad illum omnibus de reb. referrent. Extra causam hanc societatis & auxiliorū in iisd. comitiis à Regina Angl. etiam legatus erat: in hostilitate, quæ cum Hispaniar. Rege ei intercedit, omnib. civitatib. maritimis, interq; eas Prussicis etiā, edictis ad singulas missis, navigatione Hispan. interdixerat, mercatores & questui suo modum imponi, & in eo jure, quod omnib. commune esse deberet, quo liberrime etiam, sub superior. æstatis principium, usi fuissent, sibi præscribi eger. ferebant: Itaq; nihilominus, cum navigarent, à Piratis Angl. qui iussu Reginæ infestum mare habebant, aliq. naves, cum aliar. Civ. Anseaticarum, tum ex Prussicis Gedanensis & regiom. nonnullæ interceptæ. Quod vero navigat. hac, in ordinem redacta, simul annonæ pretium vel diminueretur, jā nō modo ad mercatores, verum univ. fere Nobilitatem, cuius provenit in frument. atq; hujusm. fere mercib. omnis esset, res pertinere videbatur. Aliquoties hac de re Reginā Rex appellarat, cum publica univ. regni causā, tum max. Gedanensibus, supplicantibus, ut & res, quib; ablata essent, restituerentur, damnaq; sarcirētur, tum ne in post. ulla in subjectos regios vis hujusm. fieret: cum diu frustra id ageretur, rescriptum editum, quo ex mercat. Anglorum, qui Elbingæ sedem commerc. suor. haberent, reb; damna subjectis regijs sarciri jubebantur. Hac igit. de re cum Legatus Angl. questum venisset, responsum, quod subjector. suor. magna damna perpefforum, majora etiā expectantium, curā patrociniūq; Rex susciperet, facere id nō modo pro munere eo, quod cuiq; Principi, pop. suos tuendi, incumberet, sed omnium alior. etiam Princ. ac vel ipsius Reg. exemplo, neq; vero prepropere eo descensum, sed postq; & aliq. literis Reg. frustra appellasset: & aliq. annor. cunctatione sua nihil tamē proficere animadvertisset. causam autem hujusm. esse, ut o, quemadm. ipsa significaret, unius atq; alt. Gedanensis, ac vel univ. civitatis: cuius tamen ipsi quoq; tanq. subjectæ, injurias & rat. negligere o posset, sed univ. fere regni, ac præf. nobilitatis, res ac fortuna in ea verarentur, uti civit. eas eo jure, quo o modo ante ullum bellū Hisp. sed à tot. sæc. usi fuissent, & q. dē in mari, q. omnium gēt. jure nulli dominio subjectū, sed omnib. liberū ac comm. esse debeat: Inimicis alienis sese o immiscere, iisd. offic. & Hisp. & Angl. amicitia colere, tueriq;: jā o, q. jure suo utatur, injuriā alteri facere, sed q. uti eo aliū phibeat. Executio nihilom. mād. dat. ejus ad aliq. temp. dilata, spatiūq; corrigendi ea datū. Interi. ut & damna passis ea sarcirētur, postulatū, & navigatio in post. o impediretur. Quod si in iis mercib. quib; hostis atmaretur, duri illi videretur, in frumētis certe, similibusq; mercim. quib; domus poti. quā bellū, instrueretur, quor. exportatione nullo modo carere nostri possēt, & quissimū certo judicare eā debere. Comitias ad eam, qui ostensus est, modū solutis, cū de societate nihil perfici potuisset, ad consiliū, jam ab initio, redditus, ex Suecia regi à Zamoiscio propositum, belli in ipsam Scythiam inferendi reditum.

Dd

Qua



Qua de re cū in cōsilio delegator. diligenter a-  
ctū esset, incumbente max. in eā rē impr. & ege  
ipso, ut ex cōtrib. q̄ decreta esset, quant⁹ maxi-  
m⁹ confici posset, miles scriberetur, aliusq; ap-  
parat⁹, ad exped. eā necessari⁹, appararetur, &  
primo quoq; tēpore expedit. ipsa susciperetur,  
decretū. Omnis ej⁹ rei spes in tributis erat; q̄ q̄  
tardi⁹ cōferri necesse esset, eaq; ipsa mora o par-  
rū exped. ei impedimēti allatura videretur, de  
ea max. ratione omni studio Rex cogitare, ut,  
dū tributa cōferrentur, interī fide publ. peten-  
tem pecuniam tantam cogeret, qua & autora-  
mentū militi prāstari, & initia belli instrui pos-  
sent. Primo autē Volinii ita ex comitiis disces-  
serāt, ut o modo tributum, sed nihil eor. quā in  
comit. acta essent, ratū se habere cōtestarētur.  
Petebant, ut port. quā in Volunia Rex haberet,  
tollerentur, quod eo recti⁹ petere se existima-  
bāt, q̄ port. iis, q̄ beneficio reg. in privatos fere  
distributa haēt. fuissent, resp. ipsa parū adjuva-  
retur. Iniquū e contra alior. municipior. legati  
judicare, cū anteq. in formulā juris regni Voli-  
nia redacta fuisset, omnia fere vectig. possessio-  
nesq; publ. liberalitate Regū, in privatos divisa  
essēt, ita, ut, prāter ista port. nullus fere pvetus  
publ. in pvia, q̄ hosti exposita auxiliis p̄ce-  
teris egeret, reliquus esset, ab illis quoq; immu-  
nē eā fieri. Quā in re cū peristeretur, cōstāter-  
q; a cēt. omnib⁹ negaretur, attestatōne, quem-  
adm. ostensum est, solenni interpositā, infice-  
re, quantū in ipsis erat, comitia conati fuerant.  
Idem Lithuan. legati, in itinere jam Sendomi-  
ria cū essent, fecerant: attestatōneq; similiter  
ad tabularia publ. facta tributum, tanq. nullo  
consensu suo lictū, recusarant. Ex conventib⁹,  
qui in Pol. post comitia habiti fuerunt, primus  
Prossoviciensis, Cracoviensis nobilitatis fuit.  
Summa cum dignitate publ. omnia in eo acta,  
comitiorum autoritas rata habita, tributum o  
modo mox promissum, sed ipsi Regi pmissum,  
ut suo arbitratu remp. ex eo gereret. Insecuti  
majoris Pol. conventus peristere in sententia  
sua, quam ante comitia habuerant, ut o tributo  
reip. subveniretur, sed viritū expeditio decer-  
neretur. Nonnihil in plerisq; Archiep. Gnesn.  
etiā autoritas valuisse putabatur. Abfuerat ille  
a comitiis, seu morbo retent⁹, seu ex instituto.  
Cum apud nobilit. autem tam per literas, eti-  
am ad comitia missis, bellum cū Turca vehe-  
mentiss. dissuadebat, cumq; sub eos ipsos dies  
libellus quidam sub indice, festina lente, prodii-  
isset; inq; eo sententię auctoritatesq; eorum, qui  
temporibus Sigism. I. aliisq; bellum Turc. dis-  
suasissent, collectę fuerant, a plerisq; illius iussu  
edit⁹ existimabatur. Conventuū eorum, in re-  
cusando tributo, exemplū nonnulli alii deinde  
etiam conventus secuti, max. vero imperium  
militare Archid. Max. in ipsis regni finib. com-  
missum o paucos etiam movebat. Quod n. ju-  
ramentum in Transactionem Bendzinens. ex  
ipsi⁹ Transact. formula, neq; ab illo neq; ab Or-  
dinibus Ung. prāstitum adhuc esset, nō modo  
contra pacta & transact. eam fieri id videbatur,  
ut cui omnis transitus & accessus ad fines regni  
hujus transact. jurata interdictus esset, is Casso-

vix, in ipsis Pol. quasi cervicibus, cum imperio  
constitueretur, sed plena etiā suspitionis: ple-  
na periculi, res plerisq; videti: neq; satis tutum  
existimare, & multo armato tā prope imminen-  
te, extra regni fines longi⁹ exercitum ducere.  
Ita rebus omnibus, expeditione illa impedita,  
Rex tamē neq; spē neq; studium adhuc remit-  
tebat. Ex quartana pecunia omni, ut quantum  
posset, exercitū scriberet. Zam. mandabat, ipse  
partim ex comitatu suo aulico, partim ex volun-  
taria nobilitate, ex qua nō pauci, cum gratiam  
Regis secuti, tum operā patrię navandi studio  
ducti, nomina dederant, mille selectos equites  
habere instituerat. Postea, cum stipendiarium  
exercit. Zam. promovisset, neq; tutum satis si-  
ne p̄sidio Regē relinqui videretur, ex tributo  
Cracov. mille circiter equites, Nic. Zebrzido-  
vio, Palat. Lubl. eodemq; Crac. Capitaneo, eis  
p̄fecto, adjecit, quos medio inter exercitum  
& Cracov. loco collocatos, ut in omnes partes,  
qua opus esset, subsidio quasi esse possent: Ex  
quartana pec. 5. millia circiter equitum, mille  
peditum scripta; ad eos vicissim⁹ miles adje-  
ctus: Hic omnis exercitus erat. Zam. cum & ab  
aliis nominatim expeditionem in Scythiā, qua  
pacē cum Turca plane tolli existimabant, ve-  
tari videret; neq; tributis impeditis tantas vires  
habere se posse, ut in tā remotas oras hostis &  
soli hostilis difficultatib⁹ committere exerci-  
tum posset; quanta maxima tamē cura posset,  
exercitū contrahendum, inq; omnes occasio-  
nes intentum se esse oportere statuebat. Eo o-  
mnia consilia referre, ut, si nullam aliam operā  
Christianitati & Reip. prāstare posset, saltē, ut  
Tartaros transitu p̄ fines regni prohiberet; &  
ipsos fines a maleficio & injuria exerc. hostili-  
um tutaretur. Hoc consilio, etiam ante q̄ sti-  
pendiari⁹ miles omnis convenisset, jam mense  
Junio, mille circit. equites, qui primi conven-  
rant, Mogilnicam, supra Trebouliam, Borysth.  
versus, promovit, aliquantūq; post reliq. etiam  
copias ad Link. oppid. o procul a Nestro flum.  
cōtraxit. Dū hęc in Pol. gerūtur, simul in utra-  
q; Valachia res novata: Aaro, cū diu in utraq;  
partē anceps hāsisset, tandē, & summi Pont.  
autoritate adduct⁹, & cū a Principe Transilv. tum  
Mich. ulterioris Val. Pal. sollicitat⁹, aperte jā ab  
imperio Turc. deficere cepit. Max. quidē Mi-  
chael cūctatē impulsisse dicebatur, quod, cū li-  
teras quasdā ej⁹ incauti⁹ defectionē pollicētes  
haberet, nisi conspiraret, missurū se eas in aulā  
Turc. eum tenuisset. Fœd⁹ 3. vicini Principes,  
Transilv. tū utriusq; Val. inter se lāciunt. Ita re cō-  
stitutā, Aaro, cujus omne robur cohors prator-  
ia, mille nōgenti circ. pedites, Ungari erāt. cū  
ad molē belli Turc. sustinēdā parū sibi viriū es-  
se videret, cū Cosacis, q̄ nup. sedē Principat. ej⁹,  
Tassiliū, exusserāt, in gratiā redit; Cosaci cōmu-  
ni legatione a Trāf. & Moldavo appellati. Do-  
nativo accepto, societateq; p̄ Joān. Oritzoviū,  
quē ad Valachū miserāt, ultro citroq; jurata, u-  
na cū copiis Valachic. per Val. ad Techinā, p̄-  
sidiū Turc. accedūt. Præerat p̄ Sendz. p̄sidio  
Achmet, lororis Chani Tartarorum filius, qui  
frequentibus supplicibusque Nuntiis opem a Tar-

Tartaro petebat: q̄ tamē ab expeditione Un-  
garic. nuper admodū domū reſus nōdū se re-  
collegisset, rep̄ere etiā hostes advenisset, neq;  
necessitudo privata, neq; jus societatis. Turcicę,  
ad opē territo, & supplici ferendā excire eū po-  
terāt. Oppidū satis quidē magnū, sed totum ex  
materia, primo impetu incēdit. Castrū & ipsū  
satis munitum est, & p̄sidiarios Turcas o pau-  
cos habebat. Ita Cosaci cum Valachis & Ung.  
partiti fuerāt, ut, cū ab una parte ipsi irrupisset,  
ab altera illi castrū oppugnant. Verū, Ung.  
omnino ab oppugnatione cessantibus, Cosaci,  
qui neq; ipsi in oppugnationib. multū ſati es-  
sent, primū, nō paucis interfectis, vulneratisq;  
rejeēti fuerūt, deinde, Sendz. cū p̄sidiariis etiā  
erūp̄ere, p̄siliati, se receperūt. Præfecerat co-  
horti suę, quā ex Hungaris habebat, Baro Roz.  
quēdā, qui matre Valacha, patre ex eo genere  
hominū, quos Ciganos vulgo vocant, nat⁹, pro  
gregario primū milite inter pedites meruerat,  
postea a Steph. & ege virtutis causā ad ordinem  
pduct⁹ fuerat. Hic, ab oppugnatione Techinē-  
se rejeēti, cū militē omnē, ut qui Hūgaricę na-  
tionis fere esset, in potestate haberet, Aaronē,  
a quo ad p̄fecturā cohortis, pveēti⁹ fuerat, cui-  
q; sacramētū dixerat, nihil tale suspicātē, in vi-  
cula cōjicit, cūq; uxore & liberis sub custodia  
in Transilv. mittit: ipse, gaza suppellectiliq; omni  
direpta, a provincialibusq; ac mercat. nōnullis  
Pol. quanta poterat, maxima pecunia, p̄ prædā  
coacta, provinciales recusantes quidē, sed tamē  
metu munitates, in verba Principis Trāf. ac sua  
adigit. Apud Turcas interī, q̄ novus Princeps  
hoc anno successisset, o visū Bassis, ut Imp. ipse  
in expeditionē iret, illi totū negotiū suscipere,  
max. autē in 3. provinciis, q̄ ab imperio illor. de-  
fecerāt, Trāf. & utramq; Valachiā, impet⁹ suos  
dirigebāt. Gravis inter primar. 2. Bassas, Sinanū  
& Feratē, emulatio erat: Sinanū pl⁹ invidiā ex  
incommodis exercit⁹, diuturnitate expeditioni-  
nis, & hyemis injuriis o parū attriti, accesserat,  
quā glorię, ex Taurino capto, simul ætate etiā  
ej⁹, q̄ destituere jā eum videretur, adversariū ej⁹  
ad opprimendum eum abusi, ut Feratē imperi-  
um traderetur, ipse, ab aula relegatus, deporta-  
tetur, effecere. A Ferate manus aliqua Turca-  
rum, cum Tancula, ejus, qui Valachię quon-  
dam præfuerat, filio, ad occupandam Moltan-  
iam missa, cum magis pristina Imperii reve-  
rentia, quam numero & viribus, provinciam  
obtenturos se existimarent, a Moltanis cæsa  
profligataq; fuit. Pontem deinde supra Danu-  
bium ad Ruscicum cum magno opere molire-  
tur, is quoq; a Moltanis intercūsus, aliquot mi-  
lites in opere interfecti fuere. Incommoda ea  
Sinanę factioni & Feratē criminandi, & Si-  
nanum in pristinam auctoritatem apud Principem  
restituendi locū fecere. Feratē igitur de-  
jecto, atq; ut fama tum erat, in fuga interfecto,  
Sinanus rursus Imperio præfectus. Hic, omni-  
bus copiis Danubium traductis, Moltania, quæ  
prima furori ej⁹ occurrit, ferro igniq; tota per-  
vastata, Transilvaniā jam spectabat. Erat cum  
Michael Albertus Kiral, veteranus Præfectus.  
Is, imparibus plane viribus frustra cum hoste

congressurum se intelligens, & ipse cū iis, quos  
circa se habebat, se recepit, & Michaeli, ut in  
penitiores montes furor hostis se subduceret,  
autor erat. Valachus quidam provectus dolore  
fortunarum suarum amissarum, ad omniū re-  
rum desperationem adactus, manum rustico-  
rum, quantam maximā cogere poterat, intra  
sylvas, per quas venturus Sinanus erat, abdidit.  
Illos cū totos Turcæ cinxissent, ad unū omnes  
ceciderunt. Jā ante haud multo post Aaronem  
captum, & Transilvanię Princeps iterato lite-  
ras ad Zamoiscium dederat, quibus titulos Va-  
lachię præscribebat, sui; juris Provincias eas  
factas significabat, quodq; vicinum exercitum  
illi esse cognovisset, ne quid damni a nostris ei  
daretur, pro necessitudine mutua petebat, &  
quem in provinciam eam miserat, Casp. Cor-  
nissium, hominem suum iis de reb⁹ ad Zamois-  
cium allegarat. Responderat illi Zamoiscius,  
non sui, sed regi arbitrii atq; Ordinum id esse.  
Se ministrum esse: ad Regem igitur iis de reb⁹  
referret: commode ramen facturum fuisse, si o  
solum aliis de rebus, sed etiam de hoc suo con-  
silio, obtinendarum & tuendar. istar. Provin-  
ciarum, in proximis comitiis cum Rege com-  
municasset. Rozuanus autem ipse frequentis-  
simas cum literas tum nuntios mittere o desi-  
nebat; quibus & de adventu Sinani nuntiabat, &  
opem petebat. Quibus de rebus, maxime autē  
de periculo finium Regni, cum diligenter Za-  
moiscius ad Regem retulisset, in eam sententiā  
a Rege mandatum ei fuerat, ex tempore consi-  
lium caperet: cum Rozuano, qui per proditio-  
nē herū suū cepisset, nihil commune haberet;  
plane in magna cura omnes esse. Nō modo n.  
Sinanum cū exercitu in Moltania jā esse, & pri-  
maria oppida magno opere munire cōstabat:  
verū Tartari etiā maximo numero venire nū-  
riabantur. In Valachia nihil omnino viriū erat.  
Quod roboris penes Rozuanū erat, o amplius  
nōgēti pedites Ungari erāt: Valachi & per se in-  
firmi erant, ut ex quib⁹ partī bellis superiorib⁹  
Turcicis, partī Principū suorū crudelitate, hoc  
tēpore vix 15. millia patrū familias relicta essēt:  
inter quos ipsos tamē equestris ordinis seu Bo-  
jari, ut ipsi vocant, pauci omnino, rustic. plebis  
maxima pars est, tū cōsuetiā & suar. & hostiliū  
viriū militiā ultro detrectabāt, in q̄ cū exquitis  
aliquot exēplis in nōnullis editis, quib⁹ vel na-  
res vel man⁹ præsciderat, cogere Rozuan⁹ eos  
vellet, reliq. se vitia ej⁹ absterri eo magis rema-  
nebant. Itaq; & Nadibaiko, Valachus primarię  
inter illos auctoritatis, qui ſus Techinā contra  
Turcas excubabat, nullam in virib. Valachicis  
ampli⁹ se spē habere significabat: fama tātū ex-  
ercitus Polonici se niti. Similiter, q̄ ad Danubiū  
circa Galatiā itidē ex Valachis observabant, jā  
recesserant. Roz. autē ipse trepidare: auxilia o-  
pēq; petitū missitare: curr⁹ reb⁹ pretiosiorib. o-  
nustos omniaq; alia ad fugā parata habere: ita  
pvincia o modo sine milite ac exercitu iusto,  
verū sine munimēto ullo, in prædā hosti relinq;  
jā videbatur. Quod soli autē p̄vincię ejus re-  
liquum castrum erat, Chocimium, & ducen-  
torum tantum peditum p̄sidio tenebatur, &



à Camenecia duobus solis milliariis distabat, ita, ut, si semel pedem in provincia ea Turcæ posuissent, non modo de Valachia Provincia nominis Christi actū videretur, sed de Podolia etiā ussiazq. Preterq. n. q. moris Turcici est, ut in pace etiā exercēdi dīdīq. militis causa excursiones liberas, ita in fœderib. cū vicinis plebisq. excipiāt, ut modo loca nō oppugnēt, o violatū iis fœd. interpretetur, ut maxime à maleficio in finib. regni abstinere vellent, vel necessitas ipsa, tamē ad infestādū regnū adductura eos videbatur. Quod n. in p.vincia plane exhausta & vastata nullus omnino cōmeatus reliqu' erat, nullis aliis ex locis, quā ex finib. regni, & tā p. pinquis & fere intactis, petere eū poterāt: semel autē p. injurias & excursiones animis irritatis, belloq. cōtracto, nemini dubiū esse poterat, quin p. perpetuū futurū id esset, quo cōtra tā potētē hostē administrādo, neq. sūptu sufficere regnū posset, neq. fines sūmo periculo ab hac p. fecti parte, q. omnis ad ipsā fere usq. Cracoviā, sedē regni, aperta, sineq. ullis justis munitionib. esset, id administrare. Qua cura cū alii etiā pleriq. vicini Senatores, tū imprimis Joann. Demetr. Solikovi', Archiep. Leopold. præter Zamoisciū ad regē ipse etiā diligentiss. referebat. De Tart. Kolaci nūtiarūt, illos Borysthenē jā trāsire, viaq. quā nigrā vulgo vocāt, qua alias etiā uti fere solēt, venire, captivūq. quendā à se instructū subornatūq. ad Zam. miserāt. De quo cū quæstio habita fuisset, apparuit, & superiore jā anno captū fuisse: & nisi quē à Cosacis mādara ei fuisset, nihil certi habere, q. tamē certo in Valach. expectari dicebatur, quo majores cōtra eos vires haberet, Cosacos etiā Zam. in expeditionē eā invitabat; utq. opera hac eo faciliore ad veniā sibi viā apud regē & Ord. sternerent, hortat' eos fuerat. Illi partī credere se ei o audebāt, partī stipēdia flagitabāt. Respōsū magis de venia, quā p. premio illis laborādū, ita & ipsi remāserunt, & Zam. quoq. postea eos neglexit. Rex, quē adm. ostēsū est, ita fere Zam. & aliis Senatorib., qui ad eū referebāt, respōdebat, ut tēporib. rē totā permitteret. Zam. anceps deliberatio tenebat. Si intra fines regni cū nō magno exercitu hostē expectasset, præterquam, quod Valachiā Turc. juris futurā videbat, perpetuumq. regno metum impositum iri. Si quid etiā intra fines sibi exercituiq. gravius accidisset, ne non modo de exercitu illo actum esset, verebatur, sed nullo etiā alio exercitu parato, qui victori hosti opponi posset, ne regis ac regni ipsi' aut saltem Russiæ salus in discrimen adduceretur: si Valachiā cum exercitu ingressus fuisset, quod & fama majora omnia faceret, & exercitus nostri, quod equis armisq. nō modo bene instructi, sed ornati fere essent, majore etiam re ipsa numerum p. se ferre soleant, vel fama speciezq. ipsa exercit', aut retineri, aut retardari hostē posse, spem aliquam habebat: vel si in discrimē aliquod res adducenda esset, minore cum periculo regni remotiore à finib. loco, quam in ipsis regni viscerib., tentari fortunam posse statuebat; utq. nihil aliud perficeretur, objectu tamen corporum suorum vel pro-

hibituros à finib. hostem, vel retardaturos. Interim in omnes partes consilium tutius hoc futurum: metu aut saltē suspicione exercitus nostri progressus & Turcici & Tartarici exercitus inhiberi posse; utilemque operam non modo regno huic, verū universæ Christianitati, quæ ab hac parte tuta, alio loco vires suas conjungere posset, navari. Arma non contra Turcam, cum quo aliqui pacem turbare nollent, sed contra Tartaros sumpta visum iri. Quod primum autē esset, cum de Valachia, tum ipso bello Turcico, regi regnoq. huic, tū Christianitati universæ integra nihilominus omnia futura, cū interim, nisi ipse Valachiā ingrederetur, Rozuanum & Valachos impetum Tartarorum maxime cum Turcis conjunctorum minime sustinaturus constaret, & non modo suas vires Christianos distrahturus: verum vel in hoc etiā regnum hostem attracturus: & quo minus communib. viribus contra Turcam geri aliquid inde à rege posset, futurū semel enim in Provinciam Valachia redacta, Turcisq. in eam coloniis introductis, quem esse, qui non in perpetuum in finib. hisce nobis hærendum videret, nec alio loco nisi illis submotis bellū administrari posse, confirmarunt. In ea sententia Zamoisciū summi etiā Pont. Nuntii Malaspina literæ, quib., quod Chocimum, neq. ipsum firmum, neq. firmo præsidio munitū esset, si ipse id occupasset, firmassetq. ne summo quidem Pont. ingratum futurū significabat. Hæc igitur de re cum consilium habuisset, ac o modo milites, sed vicinos quoq. Senatores, quorum copiam habere poterat, imprimis autem Solikovium, Archiepisc. Leopold. Dolucium Episc. Camenecens. & Pal. Russiæ, Nic. Herbortum adhibuisset, cū is, quæ supra commemorata sunt, demonstratis, tum Regio etiā mandato prolato vicit sententia ea, quæ aleā faciendā statuebat. In eodē consilio statutum, ut ad Sinanum quoq. literæ darentur, quib., ne fines Valachiæ ingrederetur, ei denuntiaretur. Scriptæ aliorū Senatorū nomine fuerunt, qui præter Zam. in exercitu erant. Ostensum, quā vetus inter domū Ottom. & Reges Pol. amicitia fuerit, inter aliquot etiā injurias à domo Ottom. nuper Regno illatas, diligentiss. tamē in hunc diem conservata: ei pro ea prudētia & autoritate, qua esset, ipsum quoq. studere debere, ita autē eam tutaturum: si licium atq. injuriar. causam omnē tollat, eam sententiam pactorum esse, ut in formam provinciæ redigi Valachia non posset: sed Valach. generis Principē habere debeat. Prudentiss. à majorib. comparatum fuisse, ut inter utriusq. Principis ditionis Valachus Christi. nominis Palatin. interjectus esset. Ex vicinitate ut plurimum injurias oriri. Injuriis amicitia tolli, raroq. ullā vicinitatē pacis & cōcord. patientē esse. Rozuano etiā, q. sub id tēp. ipse quoq. nūtiū apud Zam. habebat, ex eorūde Senator. autoritate nūtiatū, contra Tart. in fines Valach. se ingressurū, ne, quē adm. superiore anno, in Poloniam inde irrumperent: cum Turcis pacem rescindere non sui arbitrii esse, vires suas ipse secum metiretur: si ita paratus esset, ut contra

opes

opes Turcicas tueri p. viciā posset, nihil prius faceret: sin sec., ne & p. viciā & se p. dītū iret, sed poti' cū aliis Christianis, q. aperte bellū cū Turca gererēt, vires suas cōjungeret. Reb. omnib. ad iter cōparatis, die 27. Aug. q. idē Dominicus erat, Zamoisci' cū parte exercit' Tirā, nūc Nestrū vulgo dictū, q. Valachiā à Polonia dividit, & ipse vado trajicit, & reliquū exercitū, quē secum habebat, duob. aliis vadis traduxit. Quod raro n. alias accidere solet, ad eā humilitatē flumē p. venerat, ut vado etiā transiri posset. Dici o potest, quāta o modo alacritas in trajiciēdo. Sed letitia apprehēse Valachiæ in exercitu fuerit, partim ingressū in novā Provinciam sibi gratulātū, partim faustis omnib. inliturū prosequentiū. Zamoisciū triduo post Stan. Zolkievius, Cast. Leopold. cāpestis militæ Præf. cū reliqua parte copiarū, cui præerat, subsecutus. Eadem die, quo Zolkievius trajecit, Martis is erat proxim' post diē domin. quo Zamoisci' transiit. Rozuan', uxore, omnibusq. reb., quas cōpilarat, Transilv. versus, antea p. missis, ipse etiā mox movit, cūq. Mich. Mult. Palat. suppetias laturū se ire ex itinere Zamoisc. scripsisset, recta tamē vers' Trans. fines se recepit. Reliquū Chocimi præsidium Ungaric. ducetorū solorū, peditū erat. Id in ea vicinitate finitū Polon. vix jactū n. lapidis à finib. castrum id distat, nō modo Cameneciā, verū in vicinā etiā Podoliā atq. Russ. allicere Turcas poterat, sustinere impetum eorum non poterat. Cum Provincia, les, discessu Rozuani cognito, partim injuriis levitatq. ejus irritati, partim metu Turcici periculi adducti, concursu facto, ut præsidium quoque excederet, minis & obsidione adegerant: dataque fide salvos ad fines Transilvaniæ perduxerant. Itaq. quinto die post ingressum exercitus nostri, quod reliquum erat, Transilvanorum excessit, vacuumq. provinciam reliquit. Certatim inde à Valachis ad Zamoisciū concursum, partim in fidem Regis Regniq. se tradentibus, partim Palatinum petentibus. Ostendere illis Zamoiscus, non sui, sed regii arbitrii id esse: ut autem comiteatu interim exercitum juvarent, ab iis postulare: demonstrare illi, ne eum quidem sine certo imperio expediri posse. Ambiebat Principatum Græcus quidam, qui filiam Alexandri, Bogdani ejus, qui ad Sigismundum Augustum se contulerat, sororem Germanam in matrimonio habebat: Provinciales, ab aliquot jam sæculis, fortunæ ealudibria expertos, petasum cum Tyrannorum, tum maxime externi Imperii erat. Primum Matthias Rex cum ob æmulationes Casimiri Regis Valachiam à Polonia abstraxisset, atque in suam tutelam recepisset, intentiq. quo magis & Poloniam turbare, & Austriæ, in qua Viennam tum obsidebat, gravior esse posset, pacem cum Turca fecisset, Kiliam, Techinam, & Bialogrodum, quæ in ora maritima, Constantinopolim versus, Valachiæ præsidia erant, fœdere non comprehendere. Cujus rei culpam etsi in negligentia Scribæ, qui fœderi scribendo præfuerat, postea contulisset, præsidia tamen illa in potestate Turcarum

manserunt, & Provincia munimentis istis contra Turcas exarmata, jam ab eo tempore obnoxia, & tributaria illis esse cœpit. Regibus Poloniæ jus suum, in pace cum Ottomanis renovanda, magis verbo excipientibus, quam contra tam potentes Tyrannos re usurpantibus. Ad Alexandrum tamen usque, filiumq. ejus Bogdanum, quasi certæ stirpis Principes, illis præesse. Post eos, ut quisque genus Principum Valachiæ ementitus, quam maximum tributum Turcis obtulisset, ita Provinciam præfici, & quoties collibisset, rursus dejici. Qui nuper adeo Aaron Provinciam præfuerat, incerti generis homo ex agasone in locum eum p. vectus fuerat. Cumq. ipsi extrema pars Servitū Turcici essent, multo graviore tamen servitute, Provinciales premere. Quæ cum ita Provinciam à tot sæculis exhaustissent, & vix ossibus jam hæreret, sui generis & corporis aliquem malebant. Erant cum Zamoiscio duo indigenæ Valachi, unus Lucas Stroicz, alter Hieremias Mokila, uterque apud Petrum, qui aliquot ante annos metu Turcæ in Cæsareas ditiones profugerat, ille Questor, hic Marsalcus fuerat: Petrumque imperium relinquentem, in Poloniam ipsi quoque secuti fuerant: quodque, cum eo loco apud Petrum essent, non pauca Regi Regnoq. officia præstitissent, ex omnium Ordinum autoritate, jus Nobilitatis Polonicæ, in comitiis, publice illis datum. Hieremias vero non modo cognitionibus, & affinitatibus, verum possessionibus etiam, facile primus inter Valachos esse. Eum igitur, cum Provinciales maxime peterent, tutius vilius, hunc in Palatinatu collocare. Constitutus hisce potissimum conditionibus fuit, primum, ut ipse ad Regem mitteret, beneficiumq. id à Rege peteret: si Rex ratum haberet, imprimis, penes Græci ritus, Catholica quoq. Romana religio in Provincia propagaretur: si societas cum Christianis Principibus bellumq. cum Turcis succederet, agro aliquo, quem privatim Rex ei assignaret, contentus esset, provincia ipsa regni esset, ipsoq. nullo alio jure, quam quo in Polonia Palatini nobilitati præeunt, provinciam præesset: uno verbo & Provinciam & se omniaque sua Regis potestati permitteret: si pax cum Turca confirmaretur, aliterq. convenire non posset, Provinciam quidem ea formula maneret, quæ antea fuisset: Majestatem nihilominus Regis & Regni coleret, fidemq. ei præstaret. In hasce conditiones juramētū ab eo præstitū, legatq. sine mora ad Regem missi, à Rege ad comitia dilatus fuit. Venerat Chocimū à Principe Transilvaniæ Ambrosius Vasquida. Hic cū à Valachis eo tempore, quo ad præsidium Chocimense expetendū cōcurrerāt, odio crudelitatis Rozuaniæ, ipse quoq. arrept' ad Zamoisciū, ad quē literas haberet, provocasset, sub id tempus adductus Chocimo fuit: summa literarum Transilvanicarum hæc erat: Ut cum Moldaviam sui juris factam, jam ante significasset, non modo à Provincia ea exercitus hominesq. regii abstinere, verum potius, necessitate id postulante, ope auxilioq. suis adessent: D. d. 3 Sina.



Sinanum Bassam, qui Ferate Bassa per Capucios Constantinopolim abducto in locum ejus suffectus fuisset, cum copiis non exiguis, haud ita pridem, ad Danubium venisse: ibidem pontibus super Danubium extruendis occupatum, occasionem utriusque Valachiae occupandae captare: exercitum etiam Tartarorum numerosissimum Boristinem jam trajecisse afferri; verendum ut sit, ne ex composito Tartari ab una parte Moldaviam, Sinanus trajecto Danubio ex alia parte Valachiam eodem tempore adorirentur, viresque suas inde conjungerent: itaque petere, ut noister exercitus Tartaro opponeretur. Respondit Zamoiscius, cum Turcas versus Galatiam, Valachiae oppidum, Danubium transmittere, & Tartarorum omnes copias altera ex parte huc adventare, & jam ad Bialogrodum chanum esse, cum Rozuanus, tum Nadibaico Valachus, qui Tartaros ibi observasset, nuntiascent: quae eadem fere illius quoque literis confirmarentur, contra Tartaros potissimum, qui superiore etiam anno Ilkao in Regnum irrupissent, Valachiam se ingressurum: quamprimum Tasso movisse, ultroque provincia excessisse: Valachos mox ab eo secessionem fecisse: praesidiarios Chocimi obsedisse: maxime saevitiam ejus accusare: qui cum Aaronem cepisset, multos necasset, bonis omnibus exuisset: intolerabilia tributa injunxisset: multos naribus, auribus, aliisque membris, truncasset: quam ob causam ne in exercitum quidem cogere eos potuisset: cum vitam reliquasque spes suas latebris, quam fidei ejus, committere malissent. Itaque alium Palatinum ipsos sibi delegisse, legatosque ad Regem de eo jam designasse, quem in statum re adducta, facile ipsum judicare posse, nihil minus quam suae potestatis rem esse: sed cum rege atque Ordinibus de ea agendum: Rozuani quidem praesidium impetum Tartarorum non laturum fuisse, ac multo minus cum Turcis conjungendum: incendium autem id, nisi exercitum promovisset, in tanta Chocimi cum Camenecia vicinitate, ad Podoliam fines, deferri potuisse. Inde cum & Turcam & Tartaros expectandos sibi sciret, imprimis de loco castris idoneo capiendum intentus, inter confluentem Bruti & Tassi fluminum, more Polonico, curribus & impedimentis, quam maxime poterat, iis communitis, castra ponit, ita, ut non modo duorum fluminum objectu castra ipsa tutiora essent: verum commeatus etiam facilius subvehi iis posset. Ipse privato habitu incognitus Tassiu accessit, cum loci ipsius cognoscendi causa, tum an muniri posset, quo minore milite teneri Provincia posset. Sedes Principum Valachiae cum Soczavia antea fuisset, ab Alexandro primum, quod a Despota Turcicis auxiliis Soczava pulsus fuisset, postea restituta tanquam infaustum locum eum deestante, Tassium translata fuerat, oppidumque aedificiis aliquot, cum publicis, tum privatis, exornatum. Oppidum ipsum, quemadmodum ostensum est, a Cosacis nuper exustum,

incendiusque ac ruinis plane deformatum fuerat. Regia, quae ex muro erat, relicta fuit: tum Templum tria circiter Graecis ritus, Armenorum unum, ex lapide omnia: Catholicum ex materia unum: super omnia Balneum Asiatici operis ex lapide pro capiti loci satis elegans. Natura loci non tam inepta ad muniendum visa, quam magno & sumptu & opere egere: quae in Provincia omnibus rebus exhausta, & ad extremam egestatem redacta utraque difficilia essent. Tassium, caput provinciae, Hieremias publice ingressus, ibidem a Graecis ritus Episcopo inauguratus fuit. Aliquot ei turmas equitum, quae honoris causa eum deducerent, Zamoiscius attribuerat. Ad ingressum ejus reliquos totius fere Provinciae populus ex latebris: in quas se abdiderat, progressus, racemosque uvarum & manipulos frumenti, cujus alioquin satis ferax Provincia est, more suo in eum spargentes, faustis acclamationibus impetum ejus prolequebantur. Descendit ad Templum majus, quod sub ipsa regia est, ubi Vladicam aliosque Sacerdotes ritus sui cum crucibus ornamentisque sacris obvios habuit. Templum ingressus a Vladica inaditum, in quod ritu ipsorum nulli, praeterquam ipsi Vladica, ingredi fas, solus introductus, postea in sede Principum, quae in templo est, publice collocatus fuit, omnibus summa laetitia ingressum illius celebrantibus. Mortuus Amurates, Princeps Turcarum, fuerat. In locum ejus Machomet, aliquot Fratribus Principibusque Bassarum interfectis, partimque ferro, partim veneno necatis, suffectus. Eodem anno nonagesimo quinto, die nono mensis Junii, qui dies Veneris erat, hora meridiana, Vladislavus Princeps, magna spes regni hujus, Lobzoviae praedio sive suburbanis Cracoviensibus natus fuit. Festivitates die 9. mensis Julii, per universum regnum, magnae habitae fuere: Baptismo sequente die dominico initiatus, reginaque Anna senior Varavia ad eum venit, celebravitque. Jam antequam primum ingressus Valachiam Zamoiscius fuerat, cum ad Regem, tum ad Senatores plerosque, in Polonia literas dederat, quibus de consilio suo certiores eos fecerat, & quo in statu res essent, significarat. Varie res accepta, alii factum, ut plenum periculi omnino improbare. Imprimis Archiepiscopus Gnesnensis non modo sententiam suam, sed conventuum etiam quorundam majoris Poloniae postulata hac de re ad Regem deferre, novi mali exempli rem esse, sine auctoritate comitiorum, pacis bellique arbitrium privatum quenquam sibi sumere: inque foederatam Provinciam cum exercitu ingredi, postulare, ut exercitus quamprimum revocaretur: De pace autem renovanda legatio mora nulla interposita ad Turcam mitteretur. Non deesse alii, qui pristinarum partium studio, periculo illi quo minime explicaturum sese eum existimabant, objectum Zamoiscium ultro latarentur. Literis etiam ad externos missis jactare non dubitent, eo tandem progressum, unde auxilium, quae

frustra imploraret, nullis ei latis, nunquam recepturus sese esset: Ne in ipsa quidem aula omnes consilio huic favere. Cumque sub idem tempus mater reginae, Archiducissa Austriae, ab alterius filiae Mariae cum Principe Transilvaniae nuptiis ad Regem divertisset, animum materno affectu sua sponte sollicitum, nonnulli ultro etiam tentare, & cum ipsam tum per illam Regem succendere conabantur: plerisque tamen eventum fere expectantibus, ut casura res esset, vel probaturis eam, vel damnaturis. Rex solus fere factum non improbat: in omnes tamen partes magna cautione opus esse ostendebat: ne vel cum Turca Regnum committeretur, vel domi nonnullis turbandi causa praeretur: cum ut a provincia ea abstinere, plerisque Senatoribus visum esset: in praesentia duo maxime praecipere: Imprimis, ne pax cum Turca aliqua in parte turbaretur: cum in desperatione fere hac societatis cum Principibus Christianis, cum praeterea etiam domi tot essent, qui partim urgerent legationem eam, partim tributa recusarent, turbarentque, in eoque jam esset, ut legatum ad Turcam mitteret, tum ne flos iste militiae manifestus alicui periculo minus necessario objicere: simul ad Senatores relaturum se ea de re significabat: Interim, quod maxime ex re & dignitate publica esse statueret, facere eum debere. Dum haec aguntur, Sinan Bassa, Michael ex Moltania ejecto, artificibus omnis generis adductis, non modo Bucharestum, caput Provinciae, sed Tarchovestum etiam, magno opere munire, cum ab exploratoribus, tum a Molranis ipsis nuntiabatur. Ad ipsum autem Danubium Saban Bassa Aegypti, qui cum trimis aliquot missis fuerat, Bractovum similiter munebat. Nihil magis autem Zamoiscius vereri, quam, cum Tartarorum etiam adventus expectaretur, ne, si Tartari cum Turcis se conjunxissent, non modo procellam illam tam parvis copiis sustinere non posset, verum in Provincia etiam ab hoste munita, & in qua, ob maris ipsiusque imperii Turcici vicinitatem, omnia hosti suppeterent: sibi tam longe a finibus regni progressio, sine certa sede, sineque ullis munimentis, omnia deessent, difficilior belli administratio accideret. Tartarus an Borysthem transgrederetur, non tam deliberabat, quam cum & a Sinano diligenter accerseretur, & non modo exercitum Polonicum, sed cum eo Zamoiscium etiam in Valachia esse cognovisset, eo majores copias, ex Nohajensibus usque Hordis, contrahendas sibi existimabat, dum illas expectat, tardabat, in quam sententiam a Senatoribus, qui ad castra convenerant, cum ad Sinanum Bassam, tum ad Sendziakum Fechinensem literarum datae fuerint, supra ostensum est. Bassa dum Constantinopoli, quo confestim literas miserat, responsum expectat, nihil rescripsit: Sendziakus primum, quod interpretis, qui literas ei legeret, facultatem se non habere, diceret, ad literas ipsas nihil quidem rescripsit, omnia tamen pacata, & polliceri se,

& expectare. Postea aliquoties Nuntiis cum a Valacho ad illum, tum ab ipso ad Valachum, atque ipsum etiam Zamoiscium, ultro citroque missis, ut Principatus Hieremiae confirmaretur, non modo omnem operam se daturum, sed bonam etiam spem se habere ostendere: cum Chano tamen maxime ea de re agendum esse, cujus potestati Provincia fere ea & pars ista belli a Soltano credita esset. Ultra Sendziakum Saban Bassa, cum jam ante Petri Petri tempore Hieremiam novisset: hominemque ad eam rem idoneum, utrique notum, Damianum Valachum, nactus fuisset, tum per illum, tum per literas ipse quoque Hieremiam confirmabat: ut Principatus ei confirmaretur, cum apud Soltanum, tum Sinanum, tanquam supremum Bassam, auctoritatem suam interpositurum pollicebatur, a Chano tamen, ut cave-ret, utque aliqua ratione illum placaret, monebat. In prioribus aliquot ad Sendziakum literis, quas Senatores alii ultro citroque ad illum dederant, Zamoiscius non subscripserat: Id cum suspectum Sendziako esse minister ejus Valacho dixisset, tandem alteris literis, quibus Senatores illi respondebant, ipse quoque subscripsit. Simulatio haec tamdiu mansit, quoad Chanum omnibus rebus instructum adventare constabat, cujus adventu cognito, literis ad Zamoiscium datis, aperte jam Bassam Valachiae se ferre, quod imperium Provinciae ejus ab Imperatore Turcarum commissum sibi esset, ut de Provincia & ipse decederet, & Hieremiam deduceret, postulare: De Chano autem ostendere, quot aliquot annorum donativa ex Polonia soluta ei non essent, ipsum repetitum ea adventare, in Poloniaque hyemare constituisse. Praeter illas, edicta publice Provincialibus proponere, quibus vitae omniumque fortunarum periculo proposito ad Hieremiam deferendum, Turcicumque Imperium accipiendum, eos hortabatur, hominesque ad possessionem oppidorum, aliorumque locorum, accipiendam passim dimittebat, ex quibus duo ab ipsis oppidanis capti, deditique Zamoiscio fuerunt. Cum primum Valachiam ingressus Zamoiscius fuerat, antequam de adventu Tartarorum certi aliquid constaret, Cosaci praedae spe inducti ad fines Valachiae, cum ante invitati detrectassent, tum ultro accesserant. Zamoiscius, quod & praedam tantum sequi eos intelligeret, & diserte mandatum a Rege ei esset, ut ita omnibus rebus moderaretur, ne pacem cum Turcis turbaret, quod Tchizam nuper adeo partim diripuisse, partim obsedisse, eos constaret, ne, si exercitu reciperentur, publica auctoritate factum eorum comprobati apud Turcas existimaretur, pro hostibus se eos habiturum, si progredierentur, eis denuntiare. Ita rejecti, cum de adventu Tartarorum ipsi antea nuntios sparsissent, Borystene tamen relicto, versus Sarogrodum oppidum, a Zamoiscio contra fines Turcicos constitutum, se receperunt, oraque ea fere pervastata, postea per Podoliam & Volhyniam latrociniiis grassati. Ad Aslankorodum,



quæ transitum Borysthenis observarent, unæ solæ Bractavienſium excubiæ erant, quibus facile à Tartaro reſectis, partim exercitus ad Oslanchorodum, partim ad Bialogrodum, aliam aliis locis Borysthenem. Neſtrum ad Techninam trajecit. Quod magnam partem æſtatis, Sinanus eos exſpectaſſet, jamque vertente Octobre miles Turcicus, eadem, quæ ſuperiore anno, in Ungaria, ab injuriis aeris, maxime incommoda acceperat, metuens, ægerrime ſub pellibus contineri, ſe pateretur, ut, quamprimum ſecum ſe conjungerent, quo ſociatis viribus Tranſilvaniam ingrederentur, diligentiffime eum urgebat. Neſcripſerat illi Chanus prius Valachiam fidei ſuæ ab Imperatore commiſſam ſe conſtituturum, Zamoſciumque, quem dono Imperatori duceret, captum illi adducturum. Ita adventu ejus deſperato, cum & à milite urgeretur Giurgovum, atque inde in hyberna exercitum reduxit. Sendziakus, cum parte exercitus Turcici ad Bikium, cum Tartariſ ſe conjunxit, idem & ſororis filius Chani erat, & ſororem ejus Germanam Amitam ſuam inſtituto Turcarum minus jura ſanguinis reverentium in matrimonio habebat, ita autem ab Imperatore Turcarum comparatum inter eos fuerat, ut Techninam, Kiliam, Silſitriam, maritimamque omnem oram Valachiz, Tartarus ſeu filius ejus poſſideret, reliquam, quæ Poloniam ſpectaret, Sendziakus pro Baſſa adminiſtraret. Quamprimum de adventu ejus Zamoſcius cognoviſſet, caſtra, quæ inter duo flumina, Prutum & Jaſſum, hucusque habuerat, per pontem, qui in militari via, quæ à Taſſio ducit, erat, in alteram Pruti ripam, qua Tartarus venturus erat, traduxit. Patentiffima ab ea parte planicies eſt, quod autem Prutus ambitu ſuo angulum quaſi quendam ibi faciat, duo fere latera, obſectu ſuo, tuta præſtat, reliqua duo, ſoſſis & aggeribus obſectis, communia à Zamoſcio fuerunt, quatuorque portis, quibus ſinguli cum præſidio præſecti, diſtincta; ſimul vero cum per pontem tum flumine & comineatus facilius pervenire, ad exercitum, poterat. Cum primum fama de adventu Chani allata fuiſſet, aliquot exploratores Zamoſcius miſerat, qui & de adventu & copiis ejus certi aliquid afferent. Qui cum in Turcicos exploratores, qui eadem de cauſa progreſſi fuerant, numero fere pares, inciſiſſent, velitareque cum illis cepiſſent, Turcæ in caſam quandam ruſticam compulſi, quod explorandi cauſa veniſſe eos ſcirent, vix audito antehac in militia exemplo, ut ultro illis captivum darent, paſſi ſorte miſſa, in quem ea ceciderat, dederunt. Quo deinde facta pace dimiſſo in reliquos capitali ſupplicio animadverſum fuiſſe, cognitum fuit. Chanus ipſe, captivo ad Zamoſcium miſſo, ut ad diem proximum Jovis ſummo mane certo ſe exſpectaret, ei denuntiavit. Poſtquam nihil certius, quam pugnandum eſſe, conſtabat. Zamoſcius, militari conſilio omnium Præſectorum & plerorumque Contubernaliū habito, cum maxime de tempore ratio-

neque pugna retuliſſet, ne primo ſtatim die, priuſquam & virium hoſtis periculum factum eſſet, & noſtrorum animi confirmari, copia pugnæ fieret, convenit. Succediſſet ſub caſtra, quemadmodum denuntiavit, die Jovis, in menſe Octobre, mane, omnem barbariem, Scythicam ſecum trahens, ſub adventantis jam ad caſtra famam Georgium Vlaniecium, cum turma equitum, Zamoſcius velitatum miſerat, ex cujus turma cum Tarocius quidam captus à Tartariſ fuiſſet, quod in conſilio ipſe fuiſſet, ex eo prælio, rem Zamoſcium commiſſurum, cognoverat: neque tamen primo die pugnaturum. Subibant caſtra non modo agminibus diverſis, ſed ipſi etiam ſinguli ſparſi, qui eorum pugnandi mos eſt. Noſtri, quemadmodum conſtitutum fuerat, non ad juſtam pugnam, ſed ſuas hoſtiumque vires atque animos periclitandos emiſſi, pari ratione ſparſi, & ipſi cum illis pugnabant, ita, ut diverſis locis aliis ſinguli cum ſingulis, aliis plures inter ſe congrederentur. Habebat Sendziakus ad quingentos Janiczaros ſecum, hi ſclopets maxime rem gerebant, quodque longiſſimis uterentur, ad ipſa fere caſtra pertingebant, cumque ante portam unam caſtrorum Zamoſcius ipſe in equo curreret, forte evenit, ut ſub ipſo equus ex ſclopeto vulneraretur. Cum omnibus tamen locis ſuperiores noſtri eſſent, multique ex Tartariſ, atque in iis inſigniores aliquot aulici Czarii, paſſim caderent, plures vulnerarentur, fratrem Fede Cherejum ab inferiore parte fluminis Pruti cum duabus confertiſſimis aciebus miſit. Proceſſere contra eos aliquot noſtræ turmæ: Chanus mox ipſe alias aliquot acies ab altera parte promovebat, ut à latere in noſtros inveſti in Prutum eos proturbarent: eſſi pugnandi copiam eo die non facturum Zamoſcius uſerat, ad omnia tamen belli ſubita univerſum exercitum in caſtris inſtructum habebat. Itaque, cum contra ea agmina, quæ cum Chano veniebant, tribus caſtrorum portis turmæ aliquot emiſſiſſet, quæ in illorum itidem latera inveherentur, gradum Tartari primum ſtitere. Fedet Cherejus multis ſuorum amiſſis trepide ſe recepit, Sendziakus autem, ſignificatione militari facta, colloquium petere. Miſſi viſum, quid vellet, Joannes Felix Herbutus, Joannes Golſcius, & Temruk pro interprete, qui ex Tartariſ Petiorienſibus Chriſtianus, jam à Si-giſmundi Auguſti temporibus regibus Poloniz in omnibus bellis meruit, utilemque ſemper operam navavit. Cum colloquium cum Zamoſcio Sendziakus peteret, quæſere juſſu Zamoſcii Herbutus, quod, omnibus fere promiſſis, antea ſefelliſſet, quam fidem colloquii aut conditionum eſſe poſſet? Ille cum, ut Principatu Hieremiz confirmato Valachia pacaretur, laboraturum ſe quidem promiſſiſſe, obtinere autem non potuiſſe, oſtenderet; de adventu autem Chani, deque Valachia ſibi à Chano attributa, jam ante ipſum ſe ſignificaviſſe; tandem, ne colloquium recuſaretur, inſtare: primum, ut, Herbuto pro obſide ad Chanum dedu-

deducto, ſibi ipſi ad Zamoſcium accedere: deinde vero vel ſolius Herbuti fide liceret petere. Ad Zamoſcium reſectus, tandem literas ipſe ad Zamoſcium ea de re miſit, quod nox jam eſſet, eo die nihil ei reſponſum: poſtridie, ſummo mane, Chanus cum Sendziako, vel ut fiduciam ſui oſtenderent, vel etiam, ut ipſi poſtea excuſabant, pabuli inopia preſſi locum mutare cogerentur, univerſum exercitum præter caſtra ducere. Nullum unquam majorem exercitum viſum à ſe fuiſſe, facile inter omnes, qui in exercitu noſtro erant, conſtabat. Zamoſcius, quod & fraudem ſubeſſe videretur, & contra fidem petiti colloquii id fieri exiſtimaret, quam creberrimis tormentorum ictibus prætergredientes inſeſtabat. Maxime, ne trajecto àlicubi flumine vel à tergo noſtros adorirentur, vel Taſſum hybernis occuparent, verebatur. Itaque in utramque rem intentus, partim, ſi flumine tranſmiſſo circumvenire caſtra vellent, qui illis occurrerent, paratos eſſe juſſerat, & ſi Taſſum verſus progreſſi fuiſſent, qui mox illud incenderent tormentis, quæ directæ in illos fuerant, aliquot ex illis periere. Sendziakus nihilominus in medium procedere, colloquiumque clamare. Miſſi iidem ad illum, qui pridie, ab utraque parte expoſtulatum, & à Sendziako, quod, colloquio à ſe poſtulato, tormentis nihilominus petiti eſſent: & à noſtris, quod conditione colloquii ab illis lata, cum integra omnia interim eſſe debuſſent, caſtra promovſſent. Sendziakus colloquium iterum urgere. Anceps Zamoſcium deliberatio tenebat, quod neque ſe atque exercitum incolumi Valachiam relinquere, vicinosque Turcas accipere poſſe ſtatuebat: neque, ut Turcæ, maxime autem Chanus de Valachia decederet, exercitumque ex tam longinquis, præſertim Hordis, accitum, ſine præda, ex qua ſola fere victitant, magna cum infamia & invidia ſua, domum abduceret, nunquam in animum inducere poterat. Ab altera parte non pauca etiam illum urgebant: primum enim, quod patentiffimi undique campi eſſent, & pugna & belli ducendi arbitrium in hoſtis fere poteſtate futurum videbat: qui, quemadmodum quandocumque ei viſum fuiſſet, ſe proripere poſſet: ita nec propter ejus celeritatem gravitatemque ſuam miles noſter cum aſſequi, nec in patentiffimam planitiem ductus cum tanta hoſtium multitudine ipſe firmior, quam numeroſior, commode rem gerere potuiſſet: accedebant eo alia incommoda. Præter paucitatem ejus locus, in quo res gerebatur, tam remotus à finibus noſtris: in propinquo præſidia munimentave, quo, graviore aliquo caſu, recipere ſe exercitus poſſet, plane nulla, Turcarum, qui Brachilovii in præſidio erant, propinquitas, qui ab altera parte intercludere noſtros potuiſſent. Ad extremum etiam inopia comineatus, quæ in provincia, diverſis Turcarum, Tartarorum, Koſacorum exercitibus per tot annos vaſtata, & ſumma erat, & multo major poſtea expectabatur: præter hæc & mandata regia, de pace cum

Turca non turbanda, ex conſilio Senatus ad ſe miſſa, Zamoſcius recordabatur, & non modo acta conventuum quorundam, verum legationes etiam ea de re ad Regem ex conventibus miſſas: tum privatorum domi ſtudia & partes, ex quibus omnibus rebus & nihil temere committendum ſibi videbat, quo per ipſum ſteriſſe diceretur, quo minus pax Turcica rata maneret; neque, ſi quid vel gravius exercitui accidisset, vel longius progreſſus fuiſſet, quicquam Reipublicæ adjumenti eo tempore ſperandum intelligebat, maxime vero, ne provinciam, cujus ſalute Podoliæ fere ac Ruſſiæ etiam ſalus contineretur, in incerto ſtatu relinqueret,angebatur. Quemadmodum autem Zamoſcium in diverſas curas hæc diſtrahebant, ita Chanus etiam omnino jam deſperarat. Quod enim ſatis firmum exercitum eſſe, & numero etiam majorem, quam erat, exiſtimabat, caſtra autem, præter morem illorum, ſoſſis & aggeribus munita videret, neque ipſe magnam ſpem potiundorum eorum habebat: & vulgus Tartarorum, qui ad prælium, excuſionesque, non ad oppugnationes exire ſolent: Cum caſtellum id, non exercitum eſſe dicerent, oppugnationem vulgo recuſabant: ut niſi aulico ſuo milite caſtrorum oppugnationem tentare ſe poſſe exiſtimaret, quo concifo vel detrimento affecto nervos virium potentiaque ſuæ inciſum iri; non paucos etiam heſterno prælio amiſſos, fame etiam, ſi ad deditiorem perducere eos vellet, prius ſibi tanto majore cum exercitu in provincia ab omni comineatu exhausta pereundum videbat. Cum autem ne à Turcis quidem, qui eo anni tempore ipſi jam miſſionem partim flagitabant, partim dilabebantur, auxilii aliquid exſpectare poſſet, ne in Poloniam quidem ſe convertere, exercitum tam firmum in Valachia poſt ſe relicto, eum præſertim Poloniam quoque à copiis non plane imparatam relictam eſſe ſuſpicaretur, non ſatis tutum ei videri. Itaque, cum ipſius quoque non parum intereſſet, ne in provincia tam vicina, ex qua maritima etiam ora ejus à Coſacis pleurumque incurſari, & mare ipſum inſectum haberi ſoleret, hoſtile aliquid relinqueret, & Sendziako, ut, quibuscumque conditionibus, pacem componeret, mandarat: & Sendziakus inſtantiffime colloquium poſtulabat. Datum ex conſilii ſententia colloquium: miſſique ad Chanum pro obſidibus, Joannes Golſcius, Tribunus Tremboulentiſ, Joannes Zamoſcius, Excubitor, ad Zamoſcium Sendziakus ipſe, primusque Chani Conſiliarius, ſummæque apud eum autoritatis, Achmet Aga, ad colloquium venerunt. Conſilium Zamoſcius ex iis, qui ſenatorii ordinis aut Magiſtratu aliquo in exercitu erant, habere ſolebat. Erant autem hi fere, Stanislaus Zolkievius, Caſtellanus Leopoliſis, idemque campeſtris militiæ Præſectus, Stanislaus Golſcius, Caſtellanus Haliciſis, Præſectus Barenſis, Joannes Thomas Drojovius, Præſectus Przemiſliſis, & Referendarius. Quod neque de exitu colloquii ſpem aliquam habebat,



bat, & mox soluto colloquio pugne copiam facere constituerat, Zolkievium omnem exercitum sub signis instructum in castris habere visum fuit: reliquos ad colloquium adhibuit. Conditiones illis Zamoiscius tulit: ut Sendziakus Bassarum se abdicaret: Hieremias, quem Provinciales sibi deposcissent, principatum obtineret: exercitus Turcarum & Tartarorum ea, qua venissent, via, sine maleficio, se reciperent, triduo adeo de finibus Valachiae decederent: Dum de conditionibus hisce cum Sendziako tractat, Achmet Chani Consiliarius Valachiae tantum, nullam sui Principis mentionem fieri questus, quid ipsi etiam à Rege expectandum esset, definiri necesse esse ostendere: Respondit ei Zamoiscius, ex iis, quae in Regem atque regnum ab illo profecta essent, quo animo vicissim Rex erga illum esse deberet, facile statuere eum secum posse: ut qui praeter superiorum temporum injurias, & ante, cum Revaliam Rex ivisset, in fines regni incurrisset, & superiore anno similiter per regni fines in Ungariam irrupisset: utroque tempore praeter fidem de pace ab aula Turcica interpositam. Ille more eorum in Cosacos culpam conferre. Ostendere Zamoiscius tantum abesse, ut cum Cosacis quicquam commune regnum haberet: ut potius ipsi Cosaci gravissime intra fines regni latrocinentur: magisque Tartari favere illis viderentur, qui cum Constantinus Ostergius, Palatinus Kioviensis, manum aliquam Cosacorum non ita dudum profligasset, cecidissetque, haud multo post Tartari ipsi, ad comitia illo profecto, agros illius incurfionibus vexassent: tandem querere: sub quibus signis ad Techinam accesserant: quae, quemadmodum supra ostensum est, à Chlopicio delata ad illos fuerat. Agnoscere haec omnia ille: tandem dicere, Chano quidem suo Principis in Valachia dandi, ipsiusque adeo provinciae constituendae potestatem à Principe Turcarum factam: illum sororis suae filium affinemque Sendziakum beneficio hoc afficere voluisse: in gratiam tamen Regis & Chanum & Sendziakum beneficio hoc decessuros, Hieremiamque in principatu non turbaturos: Principem etiam Turcarum ratum id habiturum, vexilloque missio principatum ei confirmaturum spondere: intra praescriptam propterea diem Valachiam se excessuros, neque quicquam omnino, praeter commeatum, sumturos. Interim, ut Zamoiscius quoque, cum iis, qui cum illo essent, Regem veteribus injuriis oblitteratis iis, quibus superiores Reges amicitiam cum illo coluissent, conditionibus, ipsum quoque amicum ei futurum sponderet, postulare. Respondit nihil de aliena voluntate, eorum praesertim, in quorum potestate ipsi essent, promittere se posse: intercessuros se ad Regem & Ordines polliceri: legatus etiam, quem de amicitia ad Regem Chanus missurus esset, ut tuto & honeste deduceretur, se praestituros. Acceptae utrinque conditiones haec: de captivis etiam, ut qui expeditione ea capti essent,

utrinque redderentur, convenit: utque scripto utrinque conditiones confirmarentur. Nihil minus omnes expectabant, quam ut huiusmodi conditionibus discederetur, sed debebatur hoc fati, seu pietati potius Sigismundi Tertii Regis, ut & primus Regum Poloniae esset, à quo & pacem Tartari Turcaeque peterent, primus pacis leges, & eas quidem contra tot annorum possessionem, illis daret: Primo Chan Tartarorum & Dux Turcarum excedere Provincia iussi, dicto audientes fuerunt. Re eum ad modum transacta, more militari, iis, qui obsides, aut in colloquio fuerunt, utrinque munera data. Zamoiscius Sendziako vestem sericeam: Achmeti pateram inauratam dedit: Chanus postmodum iis, qui obsides apud eum fuerant, auratas vestes dono misit. Movit postmodum summo mane noctem, quae intercessit, & sequentes aliquot, metu insidiarum, totus exercitus insomnem in armis egit. Misit inde postmodum Zamoiscius Joannem Felicem Herburtum ad eum cum scripto conditionum, in quas convenerat. Simul ab Hieremia salutatam eum legati ivere. Jam moverat, ita, ut in itinere eum adirent. Herburtum satis benigne accepit: in Valachos inductus: qui exercitum Polonicum adduxissent: quem tamen ipsum equis conculcatum se fuisse diceret, nisi fossae atque aggeres eum defendissent. Apparuit, poenituisse eum asperioris sermonis: cum enim mox postea ipse suum quoque scriptum misisset, & de fide sua in servandis pactis prolixè multa pollicitus fuit: & reliquo sermone, si quid offensionis intercessisset, mitigare conatus fuit. Sub idem fere tempus, quo Tartari ad fines Valachiae accessere, Sigismundus Princeps Transilvaniae, exercitu coacto, in fines Moldaviae, quae à Sinano Bassa occupataestate fuerat, ingressus fuit. Jam supra ostensum est, exercitum Turcicum propter anni tempus missionem flagitare jam coepisse. Itaque Sinanus etiam, cum continere eum diutius non posset, in hyberna jam se receperat. Targovesii Haly, Anatoliae Bassa, cum aliquot milibus Turcarum, relictus in praesidio à Sinano fuerat. Castro, quod ligneum erat, globis candentibus, quibus Molcovitica pleraque praesidia Stephanus Rex exusserat, per Kirallum incenso, praesidiarii, cum ex arce se ejecissent, omnes fere concisi fuerunt: Bassa unus atque alter insigniores capti: Tormenta quoque, aliaque impedimenta complura, in potestatem venerunt. Bucharestum Turcae ipsi cum exussissent, deseruerunt. Simili fere eventu Giurgovum etiam captum. In reditu jam de adventu Tartarorum, obsessoque ab illis exercitu Polonico, nuntius allatus tanto terrore exercitum Transilvanicum implevit, ut, cum fugae potius, quam agminis specie, domum se reciperet, multi in trajectu fluminum pontiumque se ipsos implicarent, non pauci caderentur: aut in flumen praecipitati mergerentur: satisque constat, nisi exercitus Polonicus primo moratus Tartaros, deinde de reditu cum illis ea, qua venissent,

ent, via pactus fuisset, vel Transilvaniam, ab omni fere milite vacuum, antequam à Giurgova domum recipere se potuissent, pervastare, vel exercitum Transilvanicum, antequam domum pervenisset, in ipso itinere, circumfundere potuisset. Missus à Chano legatus simul ad Regem fuerat, ei Joannem Felicem Herburtum Zamoiscius adjunxerat, qui & omnium rerum Spectator, quomodo gesta, quaeque essent, renuntiaret: & ut Tartarus tuto ad Regem perveniret, curaret. Postulabat, ut pax iis, quibus sub superioribus regibus fuerat, conditionibus confirmaretur: eademque de re Rex quoque legatum suum ad Chanum mitteret: responsum, prius cum Turca more majorum de pace constituendum: cujus foederis Tartarus appendix esset. Non satis aequo animo acceptum, ut qui cum Turcis non modo exequarent se jam gloria, verum iis etiam se praefecerent. Nihilominus dilatus: praeterquam enim, quod cum Turca prius constituendum esset, & comitia etiam interim habiturus Rex erat, & quas conditiones foederis Principes Christiani proposituri essent, perspecturum se existimabat: Et si Valachia Tartarus jam excesserat: nondum tamen omni vel metu vel suspicione armorum Scythicorum liberata videbatur. Chanus ipse quidem cum majore exercitus parte domum se receperat: major natu frater ejus Feder Cherejus: Galgam vulgo vocant: quod & dignitate & successione proximum à Chano nomen est: cum duodecim milibus in ulteriore Danubii ripa Turcae ditionis in hybernis erat: & quamvis in Transilvaniam, & Ungariam maxime, intentus esse videbatur, ut apud barbaros, tamen omnia infida esse. Accedebant huc Transilvanorum & ipsius maxime Rozuani in Valachiam minae, qui & Giurgovianae expeditionis successu elati, & incurfionis Tartaricae metu liberati, non satis habebant, si Transilvania, & Ungaria, ab incurfionibus Tartarorum intacta eo anno servata fuisset, nisi Valachiae quoque, per fraudem & prodicionem, à Rozuano primum occupatae, deinde ultro desertae, arma insidiasque intentarent: Itaque, cum & Hieremias ipse securitatis suae causa praesidium peteret, ac vero regnum etiam parte aliqua hybernorum & stipendiorum exonerare Zamoiscius vellent, aliquot turmas equitum, qui Hieremiae stipendiis mererent, apud illum reliquerat. Ei per absentiam Zolkievii, Praefecti militiae campestris, Joannem Potocium, Praefectum maxime Valachiae vicinum Camenecensem, praefecerat. Hic Stanislaus Chansium legatum habebat. Et si frequentes minae Rozuani Transilvanorumque ad illos deferrentur, vix tamen inducere in animum poterant, ut tempore tam alieno, non modo inter Christianos, verum affines etiam, Principes vi atque armis turbare aliquid vellent. Itaque & pauci omnino circa Hieremiam erant, & ipsi negligentius agebant: partim à signis aberant: inter alios Potocius, cui summa cura potestasque partis ejus exercitus

credita. Cum subito crebris nuntiis adfessur, Rozuani summa celeritate recta cum exercitu ad Sozcavam accedere. Chansium, quem suo loco copiosis, quae Soczava tum erant, Potocius praefecerat, nuntiis ad Potocium & vicinas turmas dimissis, quo loco res esset, utque, quantum possent, accelerarent, nuntiare. Habebat Rozuanus, quemadmodum ex captivis cognitum fuit, peditum circiter quatuor millia, partim veteranorum suorum, quos ab Aarone abduxerat, partim, quos novis stipendiis adjunxerat: partim Sicularum, qui jussu Transilvani secuti eum fuerant: equitum itidem à Transilvano hastatorum circiter mille. Potocius, vix duabus ante pugnam horis, cum summa celeritate contendisset, occurrit: quod autem oppidum sine ullis munimentis apertum plane esset, neque, ob loci, quem complectebatur, amplitudinem, muniri posset, ne duci quidem aut sustineri aliquandiu hostis poterat. Cum exiguum tamen omnino spatium, & de tota re consulendi, & locum cognoscendi, aciemque instruendi, haberet, quae ad concordiam pertinere, omnia tamen experienda prius ratus. Mittit ad Rozuanum, qui, ut arma in infideles rectius stringenda, à Christianis abstineat, eum hortatur: ac si quid controversiae sit, duorum vicinorum affiniumque Principum disceprationi potius permitteret. Tanta victoriae fiducia profecti domo fuerant, ut satis constet, & ante praelium non modo literas, victoriam de Polonis & Valachis nuntiantes, ad externos aliquot Principes eos dimisisse: verum alicubi supplicationes etiam eam ob rem indictas habitasque fuisse. Itaque tantum aberat, ut legatione hac moveri se pateretur: ut potius multis in Regem, gentemque Polonicam, tum nominatim Zamoiscium, probis conjectis eam irrideret, nullaque mora interposita agmen versus Soczavam, ad quam nostri constituerant, raperet: Aciem unam instruxerat, ita, ut in fronte quingenti equites essent: hosce peditum dena aliquot signa sequebantur: hos reliquos equitatus: equitatum autem, quod reliquum erat, peditum clauderebat: Signa Transilvanica fere omnes praeferebant: maxime equitatus vexillum, quo imperium Valachiae Rozuano Princeps Transilvaniae confirmabat, praeter ornatum expandebat. Alio loco per montes ducebat, cum humiliore loco contra nostris consistendum fuisset, quo fiebat, ut eo magis etiam exercitus ejus in oculos nostrorum incurreret. Sinistram latus curribus & impedimentis tegebat: dextrum tam illorum quam nostrorum vallis quaedam ad fossas usque in justam longitudinem ab ea parte excurrerebat. Nostrorum, cum diversa in loca dispersi fuissent, neque in tanta celeritate tam cito convenire potuissent, pauci admodum erant: mille circiter equites: pedites quadringenti. Quidquid tamen copiarum erat, in diversas acies, qua una re victoria stetit, dispersitum. Loco velutum centum circiter Valachi equites ante aciem erant. Post hos frons duabus tur-



mis, quarum unam Stanislaus Manfcius, alteram Nicolaus Zebrzydovius ducebant, attributa fuerat: sed, partim commodioris loci capiendi causa, partim venti declinandi, ad dextram aliquantum flexerant; ita, ut, quæ in sinistra ala erant, Tvorziansky & Milevsky singulæ turmæ anteriore aliquanto ante illas loco confisterent: hasce vero etiam Zachorovii turma, cum vallis prospectum eis eriperet, antecederet. Turma una sclopetariorum Joannis Poricii cum sinistra etiâ ala attributa ei esset, hac mutatione aciei plane in ipsam frontem pervenit: In subsidiis ipsius Præfecti Camenecensis Potocii, fratrisque ejus Stephani, in sinistra autem parte tertii fratris Jacobi singulæ turmæ erant, Joannis Thomæ Drohojovii, Præfecti Przemisliensis, & Referendarii, sclopetariorum turma, in media acie, pro robore erat, circa illam peditatus, quem Albertus Vitoslavius & Andreas Klopocius ducebant. Ad sinistram, circa vallem, de qua supra ostensum est, aliquot tormenta majora & campestria collocata, dextrum Rozuani latus petebant. Hæc, quod peditatus Valachici & Cosacorum erat, curabant. Priusquam ad teli jactum perveniretur, bis in hostem tormenta emissâ, ex quibus inter alios Valentinus Gege, unus ex Præfectis peditum, interfectus. Postquam ad manus perventum, Valachi mox prælio excesserunt. Zebrzydovius cum turma sua, cum Chantiana autem, quod Chancius penes Potocium curabat, Christophorus Bronievius, à dextro latere in hostem inVecti. Zebrzydovius, strenue pugnans, in facie & manu vulnus accepit. Cumque imperum hostis, qui confertus erat, vix sustinerent, Præfecti Camenecensis & fratris ejus, Stephani Potocii, turmæ subsidio iis venerunt: simul sclopetarii Poricianii à Vierzbovio, turmæ Vicario, in mediam eorum aciem inducti, supra Zebrzydovianam turmam à dextris Tvorzianscii & Milevscii singulæ turmæ sub valle, de qua dictum est, confisterant: quæ, cum ipsæ etiam progressæ essent, in ipsâ castra hostium inciderunt, opinionemque celerius, ea partim disjecerunt, partim ceperunt. Equitatus fuga peditatum quoque traxit. Cum peditatu Rozuanus ipse erat: quod satis equitatu suo & castris à fronte rectum se existimaret. Interim à tergo equitatus sui ad occupanda tormenta se convertit. Cum Rozuanus ipse complures sua manu interfecisset, & reliquos ad pugnam incitaret, qui circa tormenta erant, fuga tormenta deseruerunt. Mox atque equitatum castrum, castra capta vidit, ipse quoque, re desperata cum peditatu in fugam se dedit. Drohojovii turmæ & peditatus, propter dubia belli, eo, quo confisterant, loco retenti: reliquæ turmæ omnes hostem fugientem secutæ: Rozuanum à peditatu in fuga ea distrahere; qui, aliquot solis secum assumptis, sinistram versus à reliquo peditatu digressus, in pagum quendam evaserat, ubi, cum vestem & ipse, & qui cum eo erant, mutasset, illi, qui vestem ei præbuerant, à vicinis territi,

quod hostem recto recepissent, juvissentque, cum deinde, ut nocte potius, periculum effugerent, eis pervasissent, domibusque abditos conclusissent, indicium ipsi ultro fecerunt, iisque, qui ad persequendos ab Hieremia missi fuerant, illos dederunt. Capti cum illo, frater ipsius, tum plerique Magistratus ejus, ut Calaur: quidam Visternik, & Logofeta, nonnullique alii, fuerunt: ex Ungaris Matthias Sekiel, qui quadringentos equites duxerat, Elias Kakoci, qui mille equitibus ab Aarone abductis præfuerat, in prælio periere, reliqui etiam omnes vel à Valachis ad fugam hostium concurrentibus, per montes sylvasque errantes, excepti cælique fuerunt, vel capti. Tormenta aliquot campestria, signa omnia fere capta: præda major etiam cujusquam opinionem fuit: quod enim ad certam spem Principatus profectus fuisset, & suppellectilem omnem Aaronis, & quicquid deinde ex provincia compilarat, nonnihil etiam Targovestanæ & Giurgovianæ prædæ secum habebat. Rozuanus & Valachi captivi, Hieremiam, Valachisque petentibus, maxime autem Aaronem perfidia captum sevitiamque in se eorum accusantibus, negari non poterant. Rozuanus ipse, qui, alii proditoris in Aaronem, crudelitatisque in alios, auctores vel adjuutores esse putabantur, palis suffixi: supplicio Valachis familiari, & vel à Turcis usurpato, vel ex romana crucium quarundam figendarum consuetudine retento: nostris crudelitatem supplicii magis detestantibus, quam dissuadere valentibus: alii nonnulli, inter quos frater Rozuani, capite truncati, Rozuano ipso spectante, atque ad fratris supplicium ex dolore etiam in palo se commovente. Ungari, Siculique, partim mox, partim aliquo intervallo post, sine pretio, omnes dimissi. Jam mox, quamprimum, Hieremiam Principatu tradito, pacata Valachia fuisset, Transilvani cum reliquam Christianitatem fere omnem querelis implere, tum maxime ad summum Pontificem & Cæsarem gravissimè Regem Regnumque accusarunt: quibus de rebus cum uterque litteras ad eum accurate scriptas dedisset, litteras quoque ad utrumque datæ: quibus, quomodo ista acta essent, ostenderetur, tum ad summum Pontificem Laurentium Gembicius etiam, major tum regni Secretarius, Archiepiscopus nunc Gnesnensis, sed & tum magnæ in republica expectationis, missus. Demonstratum, etiam & suo jure, quod vetustissimum Reges Poloniæ in Valachia haberent, uti regnum hoc posset: neque, si vel regnum hoc ipsum sine ejusque injuria repentino periculo liberatum fuisset, nemo æquus reprehendere id vel posset, vel deberet, quod patriæ, cui omnes omnia deberent, quies seu salus potius aliorum commodis prælata esset. Et si denique provincia ea ab illis, qui contra fidem eam occupant, ultro deserta fuisset: ita tamen potius acta hæc esse, ut non minus vicinæ Christianitatis, & non postremo loco illorum fortassis ipsorum, qui hanc ipsam ob causam regnum crimina-


ren-

rentur, commodis consuleretur. Retardatos imperus Bassæ Sinani, qui dum vereretur, ne à nostro exercitu Valachiam jam ingresso, in angustiis intercluderetur: dum Tartarica auxilia idem expectat, totam fere reliquam ætatem, inermem atque otiosam traduxisset. Tartarum ipsum à cervicibus christianitatis aversum non modo, quod pectoribus nostris arma furorcmque ipsius excepissemus: sed in conditionibus disertè etiam exceptum fuisset ut & brevissimo temporis spatio præfinito se reciperet, & sine maleficio, non aliâ viâ se reciperet, quam qua venisset, qua sola certè rectum, ne quemadmodum superiore ætate, ad hunc usque diem, arma Tartarorum hoc anno christianitas adhuc senserit: Transilvaniam autem, Ungariæque, cum à tergo noster exercitus tutam eam præstaret, curaque illa non modo citiorem, sed & ulteriorem Valachiam ac Transilvaniam ab ea parte defendendi levaret, & arma viresque contra hostem contrahenda, aliisque locis ei opponenda, quantum spatij ac facultatis datum: ista enim causa moræ, nisi primum Turcis, deinde Tartaris objecta fuisset, ut de Turcis taceretur, Tartaros certè eo ipso tempore, quo in ulteriorem Valachiam exercitus Transilvanicus progressus fuerat: vel Transilvaniam, priusquam ille domum revenisset, invadere, vel si ad exercitum, illum rectè iter convertissent, extra Transilvaniam facillimè occurrere, iis potuisset, Valachiam quidem citiorem, quæ una cum memoria nominis Christiani, quæ in illa reliqua est, funditus alioquin periisset, manifestissimè exercitus nostri adventu servatam fuisse, quæ quem exitum habitura fuisset, si hosti, quemadmodum in ulteriore illa grassari licuisset: vel hodie fumantis adhuc illi acerbissima vestigia impressa, facile ostendere: ut ex qua plura capitum Christianorum millia in teterimam servitutem abducta constaret, quam miseris hæc bellis, ex ulla alia fere Provincia abducta sint. Quæ tamen ipsa & si non minus è re universæ Christianitatis, quam regni hujus acta sint: ita tamen acta esse, ut omnia in hunc usque diem integra relictâ sint: hodieque omnino vel ad societatem cum reliquis Christianis Principibus accedere regnum hoc posset, vel si illa certis, & æquis conditionibus coire non posset, hæc cum nullius injuria, aut incommodo, cum magnæ autem partis christianitatis salute conjuncta rata habere. Deus modo faceret, ut serio Principes Christiani & de locietate hac, contra communem hostem cogitarent: & non tam rumoribus obrectationibusque aliorum, quam armis cum hoste certarent: jugulum denique potius, quam pedes hostis peterent.

Neque enim in Poloniæ finibus bellum constituendum; ubi & pacata potius omnia à tergo illis esse, illorum ipsorum interesset, & non minore cum sumptu, apparatuque, quam si sedem hostes peterent, sine ullo autem fere opere pretio, tanquam in provincia planè & aperta, & nuda, quæ potentioris occupantis semper futura esset, bellum administraretur. Apud prudentissimos Principes tam Pontificem quam Cæsarem, plus ratio, atque æquitas quam invidia valuit. Sub idem fere tempus octo circiter Vladicæ seu Episcopi Russicæ religionis, cum Metropolita five Archiepiscopo suo, consilio inter se habito, secundum concordiam in concilio Florentino, inter Græcos, & Latinos, olim constitutam ad obedientiam summi Pontificis, universalisque ecclesiæ Catholicæ accesserant: Legationeq; Gembiciana cujus supra mentio facta est, ab ipso Rege summo Pontifici commendata, & à Gembicio eidem, sanctæque Sedi Apostolicæ reconciliari fuere, duobus ex corpore suo, legatis unâ Romam missis, Adamo Tocieia Vlodzimiriense, Cirilo Firleo Luceorientis Episcopis, Patriarcha tamen suo Constantinopolitano præterito. Venerat Vilnam Legatus Cælareus, Nicolaus Varkocius Silesius, è Moscovia, cum eodemque Legatus simul Moscoviticus. Michael Joannis, septuagintaque circiter Kari, diversarum pellium pretiosarum, in auxilium contra Turcam, contra quem legatus etiam Pontificius Alexander Comuleus, de fœdere Moscum appellaret, diligenter id apud eum procurarat: Cum satis humanè Moiscus se ad commue fœdus obtulisset, sine Rege tamen Poloniæ quicquam se suscipiturum negarat: ita Comuleus re infectâ dimissus, in Lituania postea non modicum tempus hæsit. Sub idem etiam fere tempus, diversæ religionis homines Thorunij conventum habuere: Primarios aliquot è suis, partim Senatores, partim equestris ordinis, legatos ad Regem misere. Gravamina illorum potissima hæc erant, Synagogarum violationes: quod in judicijs tribunalium ad testimonia non admitterentur: in honoribus præterirentur. Cadavera eorum ejicerentur, & alia nonnulla. Publicè non auditi. Quemadmodum Conventus à Rege indictus illis non fuisset, ita legatos ex eo agnoscere, necesse non habere: Si quis privatim apud Regem ex illis negotij aliquid haberet, aditum ei ad Regem patere. In aulam Turcicam Adrianus Rembovius missus in speciem fidei publicæ in Legatum petendæ causâ, maxime ut quo animo in Regnum essent, cognosceret.

325





# REINHOLDI HEIDEN- STEINII SECRETARII REGII

Rerum Polonicarum ab excessu Sigismundi  
Augusti

## LIBER XI.



Uemadmodum ante ostensum est, Cosaci Nizovij graves regno esse coeperant, de quo genere hominum etsi superioribus etiam libris huiusce mentio facta est, non alienum tamen fortassis fuerit, vel repetere ea, vel accuratius commemorare. Cosacorum nomen à Persis seu Turcis oriundum est; qui sua lingua publicarum viarum latrones deprædatoresve Cosacos vulgo vocant. Etsi autem patrum etiam avorumque memoria plerique vel rerum capitalium damnati, vel alia causa exules, ad inferiora loca illa Borysthenis ex diversis nationibus confluere soliti fuissent, vel Tartaros vel mercatores præsertim Turcicos infestare: maximè tamen post pacem inter Divæ memoriæ Stephanum Regem, & Joannem Basilidem magnum Moscoviæ ducem, factam aucti fuere, exercitu enim dimisso, cum ut fieri solet, non pauci ex rapto in hostico vivere sueti, laboris partim impatientes, partim insueti, iis se adunxere: Ita numero & viribus aucti incursiones in vicinas ditiones confederatas, etsi antea etiam aliquando infestare ea soliti, frequentius tamen in eas facere, prædasque ex iis agere coeperant, quemadmodum dimisso mox exercitu manu facta præsidia Turcica ex hac parte Borysthenis, versus Techinam excitata Orlikum & Parcan, oppugnatione capta diruunt, villas vicinas Turcicas & Tartaricas incendunt, diripiuntque: homines alios occidunt, alios in servitutem abducunt, Borysthenem Techinam versus trajecto, oppidum diripiunt incenduntque, castrum quamvis veteris, firmi tamen operis, ex muro Sendziakus facile tutatus fuit, longè lateque tamen vicina ditione Turcica igni ferroque vastata, non paucis damnis datis acceptisque per Borysthenem se recipiunt. Etsi Princeps Turcarum ægerrimè id ferret, damnaque sarciri postularet, virtute tamen Stephani Regis fama; rerum maxime post Mo-

scoviticum bellum motus, levibus conditionibus acquiescere refusionemque damnorum urgere postea desistere necesse habuit. Eo tandem licentia eorum erupit, ut imperium Majestatemque Regiam ac Respubl. planè contemnerent, pro libitu quotiescunque eis videretur, in vicinas ditiones Turcicas & Tartaricas cum quibus fœdera Regno intercedebant, excursions facere. Officij à Rege Stephano admoniti nuntium à Rege missum. Glembozium quendam interficiunt; Borysthenemque mergunt, licentiam tantam Respubl. etiam periculofam futuram, Stephanus Rex non diutius ferendam, gravissimeque vindicandam ratus, morte oppressus fuit; in Augusto enim cum id accidisset, Decembre sequente mortuus Rex fuit. Morte ejus cum majores etiam spiritus sumpsissent, præsidium Turcicum Oczakovienfem, in ostio Borysthenis situm invadunt. Locum & natura & opere satis munitum, scals tamen noctu adorti capiunt: Turcas plerosque vel interficiunt, vel in servitutem abducunt, arcem incendunt, diripiuntque: Sub autumnum postea Moldaviam ingrediuntur. Palatinus Valachia Petrus erat, cui alium pro arbitrio commodoque suo sufficere cogitabant. Petrus primo impetui eorum cessit: postea auxiliis Turcicis confirmatus aliquot cum iis prælia habuit: ita tamen ut maleficiis non paucis in Valachia editis incolumes in stativa sua circa Sniatinum, se reciperent. Unde quemadmodum supra ostensum est, per aliquot annos maximè quo tempore sine exercitu Respubl. erat, variè tam in præfecturas Regias, quam possessiones privatorum, maxime Palatini Kioviensis cæterorumque ab iis sævitum: diversique generis vis edita, & à ducibus Ostrogia prælio in quo non pauci, quemadmodum ostensum est, occubuerant, superati, in Alexandrum Visnovicium Præfectum Circasiensem, aliosque ac ditiones eorum hostiliter se gerebant: atque universum fere tractum Kioviensem, oramque limita-

limitaneam sui juris fecerant: fide jure jurandoque omnia fere oppida tam Regia quam nobilitaria sibi obstrinxerant, vim, cædes, rapinas pro libitu in quoscunque edebant: vicinis ditionibus formidabiles plerisque esse. Quam insolentiam illorum non parum Cæsaris Rudolphi ad eos legatio auxerat; qui ad belli Turcici societatem eos invitans, pecuniam in id vexilla aliquot tympana tubasque argenteas, aliaque Imperij insignia ad eos miserat. Quibus animati numero ad duodecim millium coacto Moldaviam invadunt, locoque Turcarum Valachos populantur. Eo primum anno ad duo millia militum publicis stipendiis haberi coepta. Sed quod Sinan Bassa in Ungariam cum exercitu ingressus fuisset, unaque cum Chano Tartarico bellum ibi gereret, exercitus is eum ab Ungaria parietem, observare coactus fuit. Cosaci interim impune, quemadmodum supra ostensum est, per finitimam Russiæ oram grassandi campum se nactos rati, passim per eam in homines sæviebāt, sub initium hyemis Turcæ Tartarique in hyberna, Zamoiscius Cracoviam ad Comitata se receperant. Stanislaus Zolkievius campestris militiæ dux, Palatinus nunc Kioviensis eum exercitu eo quem tum Respubl. habebat, Podoliam versus, & finitimam oram progressus fuit. Cosaci facinorum suorum sibi conscij illo non expectato ulterius Braclaviam cedunt, neque ibi diu subsistentes eum Aaronem in gratiam redeunt, pecuniaque aliqua ab illo accepta, contraque Turcam in auxilium evocati, à quo sub id fere tempus aperte defecerat, Techinam præsidium Turcicum irritum conatu cum eo tentant. Duo præcipui colluviei illius hominum duces erant. Archorij Loboda & Simon Nalevaiko, Loboda apud majorem partem & maxime antiquiores Nizovios in pretio erat. Nalevaiko apud fugitivos plerosque qui vel scelere aliquo perpetrato, vel minorum Imperio relicto tantquam ad asylum eo confugerant, audacia potissimum & scelere magnam virtutis opinionem, sibi conciliarat. Unde æmulationes & similitates ed extremum apertæ inimicitia inter Lobodam & Nalevaikum existeret. Nalevaiko imparem sese Lobodæ videns, ut quem major pars Cosacorum sequeretur, sequacium suorum ad mille circiter, & aliquot centenis delectis, metu militis qui per Podoliam in stationibus milliariis, in singulos dies incitatis per montes Cosoviam in Transilvaniam, inde ad Archiducem Maximilianum in Ungariam se proripit: sed ne ibi quidem diu commoratus aliquot post mensibus, prædiis possessionibusque nobilium more suo deprædatis, aliisque maleficiis editis. Mukacio per Samborienfem agrum Luckum transit. Exercitus Regius in Moldavia tum erat. Nalevaiko, Lucko, in ditiones, magni ducatus Lituaniæ mox progreditur, ibique primum maxime grassari incipit, inter alia Mohilam oppidum emporiumque satis celebre diripit incenditque: ad aliquot cen-

tenorum millia damna partim prædâ partim incendio in eo edit, alias arces non paucas partim Regias, partim nobilitares, diripit, tormenta, pulverem aliaque instrumenta bellica quæ ei viderentur, ex arcibus aufert, indeque cum præda ea in fines regni extremo Augusti, in Voliniam redijt: aliaque manus Lobodiana per integram æstatem, per quam Zamoiscius cum exercitu regio partim transitum Tartarorum observabat, partim Valachiam ab impietate Machometana, ad quam redigere eam cogitabant vindicabat, in Kioviense tractu fere more suo in nobilitatem grassabatur. Cogitaverat in Moldaviam jamque non procul aberant: Sed Zamoiscij imperio absteriti in Kioviensem agrum retrocesserant, animadvertentesque tot hominum numerum unum id solum alere non posse, in duas partes se dividunt: Una in Kioviense agro cum Loboda, Salcioque subsistit: altera cum Maslo Sauula in Magnum Ducatum Lituaniæ se transfert. Quemadmodum supra ostensum est, Inimicitia tum inter Nalevaikum, & reliquos Cosacos erant: Adventu igitur Sauulæ cognito eo celerius à Lituania ne à Sauula in ea offenderetur, discedit: In eo tamen utriusque potius conveniebant ut à quocunque passim prædas agerent: Vim rapinasque exercebant: aliquid negantes recusantesve pro hoste haberent. Cum nulla jam spes globi ejus servilis bonis seu pacatis rationibus dissolvendi appareret, indiesque ex omnibus partibus servitis ad eos confluentibus numerus augeretur, maximè autem multorum querelis imprimisque magni Ducatus Lituaniæ, in quem præ cæteris vis illa incubuerat, urgeretur. Zamoiscio tanquam supremo regni copiarum Duci, Stanislaoque Zolkievio campestris militiæ præfecto literis Rex mandat, ne quid Respublica detrimenti caperet viderent: nominatim autem ut partem exercitus contra eos moverent. Zolkievius etsi in Moldavia ad exitum fere Novembriis, penes Zamoiscium Respubl. operam navasset: miles etiam ex laboribus Moldavicis nondum se recolligisset, valetudinisque curandæ causa vix domum revenisset, anni etiam tempus incommodissimum esset: menle enim Feb. literæ Regis ad illum pervenerant, non solum de dignitate tamen sed periculo etiam Regis & Respubl. agi judicabat: Præter alias enim indignissimas voces, quæ ab illis jactabantur, Cracoviam etiam regni minari non dubitabant, ut quorum in potestate esset, quis in Polonia imperaret. Cum igitur & servitia indies plura tanquam ad Pileum ad eos concurrerent, priusquam magis se confirmarent, præveniendū eos ratus, ad turmas quas in eum usum Zamoiscius designarat, ut quamprimum sub clementiam cōvenirent, sine mora literas dat: ipseque 22. mensis Febr. Anni 96. ibi se sistit. Nalevaiko à Lituania nuper admodum sub finem Januarij in Voliniam venerat. Prædæ ab eo partæ fama exciti non pauci illi accesserant: maxime famulitia quæ ab heris profugerant, cumque Luckum se ire ab initio



simulasset, postquam de turmarum adventu cognovisset, consilio mutato, ad limitaneam orā convertere se constituit, lentius tamen aliquanto properabat. Quod enim stationes Turmarum distitis inter se locis esse sciebat, minus cito adventum earum expectabat: Interim Zabuni oppido aliquantum subsistere inde Braclaviam progredi constituerat. Zolkievius eo illum spectare, facile ipse conjecturā assequeretur. Præterquam enim quod ipsos Braclavienses juratos illis fratres esse sciebat, ab alia etiam plebe maximè limitanea adventum ejus expectari, seu optari potius non ignorabat. Ut enim hominum illorum ibi ingenia sunt, prædam ab eo sibi promittebant. Zolkievius igitur etsi integros mille equites nondum habebat, quod ob diversitatem locorum in quibus erant, tardius turmæ convenirent, quantum tamē in eo positum esset, ne in limitaneam oram admitteretur, non ignorabat, ut in qua & numero hominum se confirmare: oppida munitiora occupare magnamque facultatem se muniendi tuendiq; habere posset. Et si exiguo igitur numero, præoccupandum tamen ratus, famamque adventus sui celeritate præveniendam, Zabuniam insequi institit. Vix tribus à Zabunio miliaribus aberat, cum Nalevaico Ostropolim versus inde se movere: de adventu ejus, quemadmodum postea cognitum fuit, præmonitus non tam vicinum tamen esse ratus lentius incedebat: Aliquot centenos equites à fronte aliquot à tergo nonnullos etiam à latere habebat: tormenta apparatusque bellicum & reliquum exercitum ipse in medio curabat: Postridie quam Zabunio discessisset secunda mentis Martij quæ prima quadragesimæ erat, in villa Macieiovia aliquot centenos equites, quos posteriorum excubiarum loco habebat: Zolkievius assecutus fuit incautos & plerosque ebrios. Sub primum tumultum in prætorium villæ quod satis densa sepe ex asseribus tamen munitum erat perculsi confugiunt. Cum ad clementiam invitati experiri eam nolissent, internuntium potius à Zolkievio missum, vix non interfecissent, vicina ædificia incendi jussit, quo incendio prætorium etiam conflagravit, qui in villa per domos rusticas reliqui erant, omnes vel capti vel interfecti: Duo inter tumultum elapsi claudis nuntij, Nalevaiconi, qui duobus inde miliaribus præcesserat, fuere. Rebus igitur quamprimum convalsatis quam celeritè progreditur, Zolkievius eum insecutus, vix non eo die ante Ostropolim adhuc assecutus cum fuisset: Sed ex itinere tria circiter vexilla ad Cierniavam villam animadversa fuere. Quæ cum Nalevaiko à latere pro excubiis haberet, in summa autem festinatione, de fuga sua admonere oblitus fuisset, ipsi etiam rerum omnium ignari essent, neq; venientem militē agnoscerent ante villam in acie contra eum constitere: Zolkievius etiam trecentos cir-

citer equites contra eos mittit: utrinque tantumquam ad prælium concursum: Sed à Nalevaicanis paucis initum: alij mox à milite concisi, plerique versus villam terga vertere ubi vel à milite, vel ab ipsis rusticis rapinis injuriisq; eorum exacerbatis occasionemque ulciscendarum earum nactis, interfecti fuere. Ita ut ex omni numero quemadmodum postea cognitum fuit, duodecim saltem celerioribus equis adjuti Lubartovum evaserint. Nalevaico interim summa celeritate progressus fuit, eoq; adhuc die Ostropolim prætergressus per integram noctem nulla requie, vel pabulo jumentis dato, ut qui recentes equos haberet, Pykovam contendit. Zolkievius qui assiduo itinere, ejusque diei labore defatigatos equos habebat, ante Ostropolim adhuc reficiendum equorum causā pernoctare, necesse habebat.

Postridie summo mane, vestigijs Nalevaicanis Pikovam eum insequitur, quo tertia hora noctis pervenit, cum Nalevaiko quinque circiter horis ante inde equis refectis discessisset rectaq; inde Braclaviam tendens, flumenq; palustre quod ponte stratum erat, transgressus duobus à Pikova miliaribus pernoctat, pontemq; disjecit, qui cum non modicus esset, priusquam postridie reficeretur, non parum Zolkievium moratus fuit. Pikovæ è transfigis quibusdam Nalevaicanis Zolkievius cognoverat. Braclaviam eum iri in animo habere, quo diligentius celeriusq; insequendum vestigijsq; ejus insistendum judicabat: Præterquam enim, quod jam ante juratam inter se fraternitatem eos habere sciebat, Pikovia etiam literas illum ad eos dedisse, quibus ad societatem illos invitaret, fraternitatisq; admoneret, cognoverat. Itaque ut & ipsum in itinere eo præveniret, vel ab illo eum averteret, Braclavienses etiam adveniens exercitus metu in officio contineret, curribus aliisque impedimentis minus necessariis infirmioribus etiam qui assequi non possent, à tergo relictis, summa celeritate insecutus fuit. Braclavia enim & loci naturā & hominum numero munita occupata, difficilem oppugnationem ejus, alienissimo præsertim anni tempore futuram facile intelligebat. Præter veteres autem conjurationes, recens nihil accessisse, integraq; omnia se habiturum cognoverat. Cum neque ad literas ejus rescriptissent, & quemadmodum ostensum est, famā etiam adventantis exercitus terrentur, consecutus eum in proximo querceto supra flumen Olsankam sub noctem Zolkievius fuerat: Sed quod nox prælium diremisset, aut facultatem ejus omnem denegaret, equos etiam hominesque defatigatissimos omnes haberet. Nalevaiko per integram noctem continuato itinere jam non Braclaviam versus, quorum dubiæ fidei responso nullo ad literas suas accepto, credere se non audebat: Sed in solitudinem ultra flumē Sob properantissimè pergit.

pergit. Sine comiteatu per solitudinem Zolkievium, qui præsertim sine ullis impedimentis, cum expeditis tantum secutus cum hæcenus fuisset, ulterius insequi non posse facile intelligens. Zolkievius igitur per villas quæ ipsi solitudini imminet, reficiendis equis, quorum præsertim multi, ex solo illi temporibus adhuc congelato claudicabant, operam dabat: rumorem interim in vulgus spargebat, quamprimum se recolligisset, intruxissetque, in solitudinem eum secuturum. Ille ea de re admonitus: multos enim qui ei favebant, habebat, in sylvam Humensem per amnem, quem nigram aquam vulgo vocant, se recipit. Ibiq; dum cum Cosacis in gratiam rediret aliquot septimanas durat, equos herba seipsos equis tolerans: ira ut tormenta, quorum aliquot & viginti habebat, quod vehere ea secum non posset, majora quatuor, amne Tatrani mergeret, pulveres globos non procul inde defoderet, quæ jussu Zolkievij eruta postea fuere. Sub id ferè tempus quo Zolkievius Nalevaicum persequeretur, Loboda septingentis circiter equis ex toto agmine delectis, Barum versus excurrit: maximè quidem Oborciz femina nobilis quæ sub Baro habitabat, cuiq; insensus erat, subito capiendæ simul tractum Barensem deprædandi causa. Excursione ea vix non in Zolkievium incidit. In Prochorza adventu Zolkievij quidq; cum Nalevaiko ageretur cognitum, properè Bialocercium se recepit: Ubi Sasio alijsq; sodalibus ad quatuor millia collectis, consilium de summa rei capiunt. Literas Zolkievius ad eos dederat, quibus ut ab ulteriori conjuratione abstinerent discederentq; hortatus eos fuerat. Nominatim autem cum Nalevaikone multorum scelerum reo nihil commune haberent, partim eos terrendo: partim clementiæ regiz spem aliquam illis faciendo. Per Georgium enim Strussium præfectum Braclaviensem gratia veniaque à Nalevaiko quæ sita, quod non satis ingrato cum responso dimissus Nalevaikone fuisset, facilius inter ipsos facinorosos conventurum putabat: quemadmodum & accidit, manus enim ea quæ Bialocerqui erat, in transactionem seu societatem cum Nalevaikone mox assensu fuit, utque ad se veniret castraq; cum suis conjungeret hortata fuit: Sagittarium à Zolkievio missum vix non vita privavit: à Loboda tamen clanculum sine responso dimissus fuit. Cumq; Bialocerqui non satis tutò versari se existimarent, universi cum agmine Kioviam profisciscuntur, Sauulæ qui ex Lithuania tum redibat, occurrunt: ibique cum illo se conjuncturi: Majoris terroris eosque disjungendorum causā quingentos equites totidem pedites, qui nuper admodum advenerant cum Kniazio Rozinscio Pavolociam Zolkievius mittit, ne sine ulteriore mandato se commoverent, Pavolocique ipsius Rozinscij oppido loco inter aquas satis commodo se continerent, eis mandat: Ipse partim milite defatigato re-

colligendo, partim alios qui adventabant expectando Pikoviam subsistit. Rozinscius injurijs Cosacorum quas una cum reliquis incolis maximas experiebatur, exacerbatus, nullam occasionem ulciscendorum eorum negligebat. Itaque cum variorum negotiorum causa eo venissent, capiendos mox curabat, excipiebatque: & ad aliquot denos supplicio affecerat: qua re Kioviam ad Cosacos perlata, Duces Cosacorum stipendiarij militis, qui cum Rozinscio erat ignati, cumq; sua tantum turma agere ibi illum existimantes, Sasium cum tribus millibus circiter mittunt: ut si ipsum Rozinscium opprimere non possent, possessiones tamen ejus quas non parvas ibi habet, depopularentur, ferroq; & igni vastarent: In Chwastovo quæ sex tantum miliaribus à Pavolocia abest, de more militum numero quem Kioviam acceperant, cognito, Chwastoviam interim Sasko subsistit, certioraque exploratum mittit, Rozinscium etiam adventu ejus cognito, occasionemq; delendæ partis ejus Cosacorum oblatam sibi ratus. Zolkievioq; consulendo, qui Pikoviam denis & aliquot miliaribus à Pavolocia aberat, moram sibi objectum iri, militem simul quem secum habebat, promptum videns, noctu versus Saskonem movet. Sasko primarum excubiarum trecentos habebat, quos in oppido Trusio magna ex parte incautos, somnoq; deducit: Nonnulli tamen nocturno tumultu equis arreptis Chwastovam evadunt. Sasko ne diluculo quidem expectato, cum iis quas circa se habebat, copiis Kioviam regreditur: quo Sauula etiam ex Lithuania jam pervenerat: cumq; reliquis Lobodinianis copiis jam se conjunxerat. Rozinscius aliquot horis post, cum Chwastovam venisset, vacuumque locum reperisset, minusque honestum regredi domum Pavolociam judicasset, fortassis etiam graviora nonnihil, hyberna militum, quos circa se habebat, possessionibus suis judicasset, Bialocercum cum milite quem secum habebat, rectā inde se confert, quamprimum Zolkievius de itinere Rozinscij Bialocerquiense cognovisset, etsi diuturniore quiete miles opus habuisset, alias etiam turmas, adhuc expectabat: ne quid tamen gravius Rozinscio militiq; qui cum illo erat, accideret, casumq; aliquem veritus, Pikova movet, incitatisque itineribus, ut quamprimum cum iis se conjungeret, ad eos contendit. Tokielniæ in literas Sauuli sociorumq; quas per Priorem conventus Dominicanorum Kioviensium, Bialocercum ad Rozinscium miserat, incidit. In literis iis, meritis suis in Regem rempublicamque commemoratis, in posterum etiam ulterius delatis, de Rozinscio queruntur, & an Zolkievij jussu socij eorum cæsi essent, quærun.

Interim consilia opprimendi Rozinscij tractant, ad eamq; rem se parant. Ad Nalevaikum qui è solitudine Corsunū exhaustus attritusq; venerat, ut secū se conjungeret, literas mittit.



Ipsi Kiowia Tripolim propius versus, Bialocercum se movent. Nondum omnes convenerunt: nam & Loboda qui ultra Borysthenem Pereslaviam conquistandorum hominum causa se contulerat, nondum advenerat: alij item Kaniowia Cerkasia, quibus in locis non pauci ejus sectæ erant, adhuc aberant. Quod tamen cum Rozinscio non ultra mille milites esse cognovissent, multitudine sua freti, quæ postquam Nalevaiko cum illis se conjunxisset, ultra octo millia erant. Imprimis tamen in ipsis Circasis magnam spem habentes, quos omnes ferè secum facere sciebant, Bialocercum progrediuntur. Bialocercum oppidum ad flumen Rossiam situm in latitudinem quidem ad duos aut tres jactus sagittæ, in longitudinē ad dimidium fere milliæ supra flumen protenditur. Sepimentum circa oppidum est: primum enim hoc oppidum Tartaris nigro itinere venientibus objectum est: ita intra sepimentum id quaecunque quamvis exiguum, obsistere tamen cives Tartaricis copiis quamvis maximis solent. Arx oppidi ejus summa in rupe conspicitur, in qua in omnes partes conspectus est. Venere eo Cosaci cum exercitu secunda Aprilis Sauula Duce; media nocte, Kniazius Rozinscius contemnendis quam cavendis hostibus melior, eo audaciæ Cosacos progressuros, in animum inducere non poterat, itaque minùs fortassis, quàm necesse erat, in conatus eorum intentus fuerat. Paulo antequàm in conspectum venissent, Rozinscius de eis cognoverat. Rectissime sibi consuluisse, si arce se continuisset, Zolkieviumq; qui quatuor saltem milliariis inde aberat, de adventu illorum certior fecisset. Sed res repentina inexpectataque consilium exclusit, fretus igitur viribus suis militumq; promptitudine extra oppidum progreditur. Cosaci ambitu capto, cum Nalevaiko ne ad tria millia hominum per remotam portam præmittunt, nostros in oppido incautos dormientesque, oppressuros se sperantes. Sed quemadmodum ostensum est, jam oppido progressi, non proculque à castris Cosacorum erant, in quibus Sauula cum reliqua multitudine Cosacorum remanserat: Sed quod nox maximè intempesta obscuraque erat, alteri alteros conspiciere non poterant, ex mutuo tantum sonitu, excubæ incensisq; funibus sclopetorum se agnoscebant cavebantque. Itaque ex opinione tormenta aliosq; sclopetos in se displodere cœperunt; quibus emissis milites in Cosacos mox irruunt. Qui re inopinatè perculsi: nihilominus enim cogitare poterant: quàm manum tam exiguam se adorturam, in fugam mox vertuntur. Nostri in castra Cosacorum mox irruunt, fugientesq; levâ, viâ Camenecense per quartum fere milliariis cedunt, non paucosq; interficiunt: Jamque victoriam obtinuisse sperabant ignari eorum, quæ agebantur: obscurissimâ nocte conspectum eripiente. Sauula enim cum parte Cosacorum versus Rudkam flumen cesserat.

Quamprimum è castris nostri rursus excederant, castra iterum occupat. Nalevaiko etiâ qui diverbria militum per oppidum deprædabatur, onitu tormentorum sclopetorumq; audito, quæ agerentur, conjecturâ intelligens, auxilio suis ex oppido accurrit, cum Sauulaq; se conjungit. Equites nostri à persequendis Cosacis: reversi in castris jam instructos Cosacos reperiunt. Cum peditatu nostro qui ante oppidum instructus constiterat, pugnantes, sclopetisq; mutuo se petentes. Denuo in Cosacos qui è castris progressi fuerant, quamvis confertos irruunt: non paucos cedunt, inq; castra repellunt: Ipsi cum peditatu in oppidum tandem in castrum se subducunt. Cosaci etiam ulterius eos non impetunt. Dum diluculum Zolkievius exspectat. Trilestæ quatuor tantum inde milliariis aberat. Et si nullo adhuc nuntio à Rozinscio habebat, ex boatu tamen tormentorum, qui aliquantum exaudiebatur, quæ agerentur colligens, exercitum movet, cum in via jam esset, qui in primo agmine erât, Cosacos aliquos capiunt, qui ex fuga varias in partes dispersi palabant. Ex quibus re omni cognita eo celerius exercitum incitat. Dimidio circiter à Bialocercum milliari in literas à nostris incidit, quibus auxilium, subsidiumque petunt. Canipi iis in locis patentes sunt, diversisq; in locis colles imminentes, è quibus omnes in partes prospectus patet, Cosaci qui ad Bialocercum erant, de expugnatione nostrorum, inter se consulentes, quamprimum exercitum accedere animadvertunt, morâ nullâ interpositâ retro Tripolim se recipiunt. Cum ad Tripolim Zolkievius accessisset, frequentia cadavera pleraq; etiam adhuc spirantia, offendit, è quibus et si manum illam non magnam militum, satis fortiter se gessisse animadvertetur, quod tamen hujusmodi in prælio accidere necesse erat, nostros etiam sine damno non erant: maximè peditatus: è quingentis ultra centum ceciderant: ex omni numero non pauci vulnerati. E consilij sententia insequi mox Cosacos visum, perculsis profligatisque occasionem aliquam rei gerendæ offerri sibi posse. Maximè autem quod longius præcedere non possent. Bialocercum enim sine ulla ferè pabulatione properantes, & ipsos & jumenta defatigarissima esse, cum iter Zolkievius quamprimum ingressus fuisset, à prima excubia ab antecursoribus ei significatur, milliari à Bialocercum Cosacos pabulatos progredi. Exercitu quemadmodum res postulabat, pro tempore instructo, non diu assecutus eos fuit, acie instructa incedebat, carrorum sedecim ordinibus, inter carros pedites omnes: Soli qui alicui regi præfecti inter eos curabant, equis in sedebant: Tormenta campestris diversa quorum ad viginti quatuor circiter habebat, ex omnibus partibus à fronte, tergo latere disposuerat. Inq; cochleis instructa habebant, ut quocunque opus postularet, dirigi possent. Itaq; campo patente lente incedendo, non rato etiam subsistentes, ordinem ubique aciei conservantes pro-

progrediebantur. Cum Zolkievio ad id tempus stipendiarij militis mille, quingenti & quinquaginta equites erant, limitaneorum ex Barensi Braclaviensi Chmielniecense tractu aliquot centeni. Ex numero eo aliquos illos antecedere, aliquos à latere ingredi, cum nonnullis etiam à tergo illos sequebatur, ita ut medius inter nostrum Cosacorum exercitus incederet. Et si autem longe plures numero essent, ea tamen alacritas militis nostri erat, ut subinde partim turmarum præfecti, partim alij, ad Zolkievium accederent, nè occasionem eam negligeret, sinemq; tandè laborum iis faceret petentes, quod enim perculsi perterritiq; essent, si ex omnibus partibus miles in eos irruisset, facile dissipari posse existimabant. Nam & duo Cosaci qui in conspectu utriusque exercitus unus post alterum abiis profugerant de magna trepidatione illorum confirmabant, Zolkievius rei difficultate perpensâ, anceps non parum eade re deliberabat. Exercitum enim hominum desperatorum, & in sola virtute spem omnem salutisponentium atque ita instructum, non tam facile profligari esse, facile judicabat. Re cum peritis locorum communicata aliqua, ne ulterius impeditiora loca essent, quæ necessitatem aciei solvendæ rumpendæve eis afferrent deliberabat, omnes Tripolim usque eandem camporum æquitatem ubiq; esse confirmabant. Et si enim Paludes alicubi essent, quod hyeme tamen omnes congelatæ essent, sine ulla difficultate transiri. Re diligenter utrinq; perpendit, etsi non parvam difficultatem ejus Zolkievius perspiciebat, ab altera tamen parte, non pauca etiam, quæ illum moverent, erant: Præter indignitatem enim si è potestate quasi exercitus Regij impunè dimissi essent, quantos etiam spiritus generi hominum alias pertinacissimo perduelliq; additura ea res fuisset, facile unusquisq; judicare poterat: Satiussq; visum cum parte potius perterritorum perculsorūq; fortunam experiri, quam integros dimissos, cum aliis integris conjungere se pati: animisq; etiam auctos Borysthenem, in quo classem instructam habebant, pervenire pertingereve: quem si transegissent: sine maxima mole, licentiam illorum comprimi coercerique vix posse. Accedebat huc summa militum prælium deposcentium alacritas: nonnulla etiam famæ atq; existimationis cura, nè illis indultū ultroq; è potestate dimissi jactarentur. Sed pluris superior ratio, cujus paulò ante mentio facta fuit, non minima etiam hæc quod prælio sine magno periculo jacturave decerni posset: Si fortuna favisset, de summa rei alea jacta esset, obtinereturque. Itaque minoris damni periculo, summi emolumenti spe aleam jaciendam esse ratus, prælio fortunam permittit. Commoditatem tamen loci aliquam expectans, ad sex aut septem horas se sustinet, unaque ita uterque exercitus incedunt. Sub occasum ferè solis cum ad paludem quandam

vulgo Acutum lapidem dictum, perventum fuisset, Zolkievius ita milite à latere constituto inductove ut è superiore loco, quam minime à tormentis lædi posset, alacriter omnibus è partibus eos adorti: aliquotq; turmarum in acie castrisve jam erant. Cosaci & tormentis & manu fortissimè se defendunt, sub Carris sclopetis nostros impetebant, equi etiam per carros cadebant, ita difficile omnino eos dissipare disjungereque fuit, triginta & quatuor inter quos Joannes Viernek, Præfectus turmarum è nostris cecidit. Vulnerati non pauci fuere, à Cosacis longè majora damna accepta. In nocturno enim Bialocerquense & hoc prælio amplius quam duo millia & quingenti desiderati fuere, Sasko potissimus eorum consiliarius interfectus, Duces uterque Nalevaiko & Sauula gravissimè lauciati, alij complures vulnerati. Nox prælium diremit, Zolkievius in loco prælii pernoctavit, Cosaci per integrâ noctem iter faciendo Tripolim pervenire. Moxque postridiè Cymbis lintribusq; Borysthenem transire equos quamvis glacies, crustæve ejus per flumen adhuc irent, tranando trajicere Peroslavizque sedem cœpere. Non sine admiratione fortitudinem impetumque militum regionum, inter se commemorabant, eoq; celerius, ultra Borysthenem properabant, jam in tuto in altera ripa fore se existimantes, quod exercitui Regio Borysthenem trajicere vix possibile esset, existimarent, Zolkievius Bialocerqui curandis vulneribus aliorumq; qui expectabantur adventui temporis aliquid tribuendum videbatur. Inde Castellani Chalciensem ad Regem ad comitia mittit, omnibus de rebus certiorum Regem facit. Cumq; Cosacorum vires indies auferentur, ipse etiam nova subsidia petit. Mandato itaq; regio cum reliquis copiis cum quibus in Moldavia remanserat, Potocius præfectus Camenecensis ad Zolkievium conferre jussus. Per omne id tempus quo Bialocerqui Zolkievius hærebat per oppida quæ supra Borysthenem sita erant, militem dimittebat; qui Cosacos interciperent, Cosacisque qui in hac ripa se ostendebant excipiendis littorūq; huic ab illis per purgando, operam Zolkievius dabat: quemadmodum non pauci intercepti, castris supplicioq; affecti fuere, maximè Kaniowia Trechtimirovia & alibi, salis subvectione iis adimebat, quæ res quemadmodum postea apparuit, non parum incommodi illis attulit. Ad Nizovios litteris datis, quod cum seditionis se non conjungerent laudabat, speque clementiæ Regiæ Reipubl. q; iis facta, an ab aliorum societate avertere eos posset tentabat. Sed frustra suos enim sequi malebant, nuntiosq; Zolkievij in vinculis apud se habebant. Cosacis Borysthenem transgressis, maximè cura trajetibus sollicitum Zolkievium habebat: Cujus facultatem ipsi ferè præripuerant, ex Lithuania enim redeuntes à Capite fere Borysthenis omnia



navigia quæ usui illis esse poterant, secum abduxerant: alia vel incenderant, vel miserant, vel alio modo corruperant; Ita ut nulum omnino navigium haberet, quod facultati nihilominus deesset, curâ supplens, ad flumina Przepecium, Teterovum, aliaque quæ transverſa in Boryſthenem illabuntur mittit; navigia ſingula quibus in trajectu uterentur, vel frumenta deportarent conquirens. Maxime cura diligentiaque Civium Kioviensium adjutus fuit, qui & nova navigia non pauca parant, & vetera reſecerant. Non latebat id Coſacos itaque vindictam meditantes, civitatem exſpoliare, & urbem arcemque incendere diripereque conſtituerant. Quæ de re quamprimum certior Zolkievius factus eſſet, aliquot centenos homines præmiſit, ipſeque Bialocerro Vaſilonicam movit, quinque à Kiovia miliaribus, ubi dum ſeſqui alteram ſeptimanam hæret, & Potocius Præfectus Camenecensis advenit, quæque ad trajectum neceſſaria erant, diligentius parata fuere, cujus quidem operis maturandi cauſa ipſe Zolkievius Kioviæ excurrebat, quo intellecto eo diligentius de diripiendâ Kiovia Coſaci cogitabant: ut ſimul trajiciendū modum Zolkievio eriperent, itaque perſpeciem colloquiorum, quæ cum Zolkievio habituros præſerebant; Univerſo cum exercitu, tam terra quam flumine, Kioviæ verſus ſe movent, quod certos inter ipſos Coſacos exploratores Zolkievius habebat, de conſilio illorum admonitus fuit. Itaque ipſe quoque cum exercitu Kioviæ tendit, aliquotque horis eos antevertit. Caſtra ad Boryſthenem communis, quartam circiter partem miliaris ſub Kiovia ad Monasterium Pieczarienſe Divæ Preciſti, civitatem ob ſubitos caſus quantum uſus poſtulare videbatur, præſidiis munit: Coſaci in adverſa ripa è regione Zolkievij caſtra locant, Lobodam Ducem habebant. Saulæ enim tanquam minus felici, Pereslaviæ jam imperium abrogant. Simul claſſis eorum advenit, quæ linternum diverſorum, quibus in mari etiam pyriticam exercere ſolent, ultra centum habebat; Præfectus ejus Caſpar quidam Podviſocius erat, quod ventum commodum non haberent, Cymbas iſtas ſuas, remis verſus flumen agebant: non ſatis ſanè commodo ſuo. Locis enim opportunis in ripa, è quibus proſpectus in flumen erat, Tormenta Zolkievius diſpoſuerat; quibus cum claſſis illorum vexillis Tubis, Tympanis inſtructa adveniret, frons ejus petra ordinesque ejus turbati mixtique fuere. Imprimisque ipſe præfectus non extra periculum fuit; ut cujus prætorium ab initio mox duobus globis trajectum fuit. Ita ut non recta ad urbem quemadmodum conſtituerant, ſed projectum quendam è littore locum, qui non procul inde erat, appellere, tegereque eo ſe, damno aliquo accepto neceſſe haberent; Cum famoſæ magis quam nunc frequentis aut habitæ urbis mentio fiat, non alienum for-

tassis fuerit, de ſitu antiquitatibusque ejus nonnulla hic commemorare. Ante aliquot centum annos, Duces Kiovienses univerſæ Ruſſiæ partim quæ Moſcovia nunc dicitur, partimque Ruſſiæ nomen retinet, ad mare Euxinum Danubiumque imperaſſe, ſedemque univerſæ Ruſſiæ Kioviæ fuiſſe, ſatis conſtat, à quo tempore coeperit & an Colchia etiam Æneæque Trojanaque imperia attigerit, & à quo deleta fuerit, longanè ætas negligentiaſque Scriptorum condiderit, incertum. Priſcæ ſanè magnificentiæ monumenta non pauca, extari, Valli intra quos civitas olim fuerat altissimi, in quibus veteris operis, una adhuc porta reliqua eſt, fornicesque ejus magno ſumptu inaurati, ita alti ut ſi quis duas haſtas unam ſupra alteram per eas inferret, faſtigium ejus non attingat. Intra vallos eos ruinas templorum murarum non paucas videre eſt: ædes omnes Græci ritus fuere, una reliqua adhuc eſt, Divæ Sophiæ, non planè deſolata vaſtataque ſacrum tamen in ea non habetur, magno ſumptu ædem eam ædificatam fuiſſe apparet: neque nunc exigua eſt, opere Moſaico tota ſtrata, Conſtantinopolitanæ Venetæque ejus generis, quemadmodum qui utramque viderunt, conſirmant; ſtructura elegantiaque operis nulla in re cedens inferiorve. Porticus columnarumque Porphyriæ marmoreæ, ex Alabaſtro; negligentia tam præclarum opus ut quod teſto careat, indies magis corrumpitur, quicunque enim urbem eam deleverit, ea ſive clementia, ſive prudentiâ fuiſſe apparet, ut operi tam præclaro pepercerit. Eſt & aliud templum Divi Michaelis Aureæ faſtigio vulgo à Rutenis à Tumba aurea, quæ non parva ad ſimilitudinem Sacelli ab Anna Regina proximè deſuncta Cracoviæ conſtituta fuit, in illo eſt, appellatur. Sed templum id eorum ſolum Moſaico, opere ſtratum habet, atque ad magnificentiam ſtructuræ D. Sophiæ non accedit. Corpus templi Græco ritum pictum: hodieque Monachi Græci ritus Græcoque cultu ſacra celebrantes penes templum id ſunt. Alia non pauca ruinarum monumenta ſunt: Vallorumque & collium quæ ſine magna manu fodi non potuerunt, frequentia magnitudinemque, ſi quis inſpiciat, habitatiſſimâ olim oram eam fuiſſe facile judicabit: ſolum ubere, coelumque clementius tere quam circa Leopolum aut Cracoviâ, hortensiumque omni generi maturius, quam hiſce in locis, anninè ejus maturitate an verſus Orientem magis ſpectet, incertum, hodierna urbs Kiovia, non intra priſtina valla, ſed inferius ſita eſt, ad ipſum Boryſthenem nullam priſtinæ magnificentiaſque ſimilitudinem præſerens. Mercatores tamen non paucos habet, Moſcoviticis negotiis maxime deditos, opportunitatē habet, tam fluminis Boryſthenis quam Dzienſij quæ è Moſcovia deſcendit, ibique ubi in Boryſtheam illabitur miliari infra Kioviæ vix non tantum aquarum quantum ipſe Boryſthenes, ſecum vehit; ita ut iacolæ dimidium Boryſthenem eum vocent. Supra oppidum arx eſt, vix eo nomine digna,

digna, ab initio non parvo ſumptu ex materia ædificatam apparet. Negligentia incuriaque computruit: nè ſuſta transactionem jaſtaſſe, putarentur, literis nunciisque in viciniâ ea conſtituti de concordia Zolkievium Coſaci appellant: ſed ut facile apparebat, ſimulare fere & irritum conatu. Zolkievium maxime angebat, quod eam ripam in quam excendendū eſſet, Coſaci inſediſſent. Præterque eum locum nullus alius acceſſus ad ripam eſſet. Impeditiſſimas enim ripas Boryſthenes habet, vel ad montium ſimilitudinem altas elatasque vel lacubus paludinoſis impeditas; ita ut ſi in mentem locum eum quem inſederant tenere munireque eis veniſſet, facile trajectu prohibere Zolkievium potuiſſent, verum ille re diſſimulata, alias rationes trajiciendi ſe habere publicè jaſtabat. Interim ut ab illo littore Coſacos abduceret, operam dabat. Sciens Coſacos expeditos ſub Kioviæ veniſſe uxores & liberos cæteraque impedimenta Pereslaviæ in viciniâ reliquiſſe, Potocio præfecto Camenecensi, Tripolim cum iis quos circa ſe habebat, hominibus ut iret mandat, Sita Tripolis eſt ſex miliaribus infra Kioviæ, ad Boryſthenem. Septem à Pereslaviæ, ſed Boryſthenes intra oppida ea medius eſt: Rumorem in vulgus edit, eo conſilio Potocium, Tripolim à ſe miſſum ut vel Kanoviz vel Trechtmiroviz contra Pereslaviæ trajiceret, quoque rei fides eſſet, viginti & aliquot currus bobus jungi variaque navigia illis imponi primoque per urbem inde exercitum publicè clara luce traduci, verſusque Tripolim vehi curat: cum alioquin nullam ne minimam quidem Cymbam Potocium habere; Coſaci ſcirent, eo autem vel per exploratores vel alia ratione cognito metu rerum ſuarum, nè à tergo circumvenirentur, littore eo ſibi ceſſuros ſperaret. Conſilium fortuna adjuvat, tranſugæ duo ab exercitu Regio, linte per Boryſthenem vedti in utrumque; excubiarum conſpectu ad Coſacos tranſugunt, quæ apud Coſacos agebatur, ex littore eo, in quo Zolkievius caſtra metabatur, omnia proſpici poterant, Ruſſicum enim illud quod vulgo vocant, in ipſam Pontum Euxinum, longè eminentius exiit, altero in quo Coſaci erant Tartarico vulgo ab illis appellato. Tranſugis igitur in diverſas partes mox traductis, cum ab utroque ſimiliter de navibus miſſis conſirmatum, illis fuiſſet, non ſolum fidem eis habuere, ſed pro indicio etiam eos donarunt: ſineque mora equos qui per herbam paſcebantur, conquirunt, itinereque ſe parant. Inter Coſacos antea fuerant, & licet non parum fugâ iſtâ Zolkievio commoda fuiſſet, quod tamen perfido ſceleratoque animo acta ea ab illis fuiſſent, unus in prælio quod ſub Lubniano, poſtea fuit interfectus, alter finito tumultu juſſu Zolkievij ſupplicio affectus, inque quatuor partes diſſectus fuit. Zolkievius fugâ illa tranſugarum commotum ſe ſimulans, literis ad Coſacos datis tranſugas, qui per tempus induciarum, aut tractatum tranſu-

giſſent, dedi ſibi poſtulat. Reſcribunt tranſugas ſe non dedere: æquumque non eſſe, colloqui eos hic detinere, à tergoque copias ſubmittere, illosque circumvenire, quod magis in opinione ea illos confirmaret, ita colloquia ea ſuſcepta, Zolkievius reſpondet ut ſuas res una quæque pars agere curareve deberet; præterea nullo promiſſo quo minus quocunque opus eſſet, exercitus Regius dimitteretur obligatū illis eſſe, magis iter acceleraret, quod mox ingrediuntur. Zolkievius etiam, locis omnibus inſidiarum prius exploratis exercitum ſine ullo impedimento, die noctaque trajicit, intraque ſeſqui tertium diem, ſine ullo damno, in adverſa ripa cum exercitu conſiſtit, Coſaci quamprimum Subkiovia ſe moviſſent, veriti nè Potocius eos præveniret, uno impetu Pereslaviæ eo die adhuc perveniunt, Excubias tamen aliquas relinquunt, quæ in Zolkievij conatus, & an Boryſthenem trajecturus eſſet, intentæ eſſent. Poſtquam exercitum traduci nunciatum eis eſſet, an Pereslavia ſe includere, an ulterius progredi deberent; conſilium inter ſe habent. Pereslavia celeberrima aliquando urbs ipſa etiam fuit: ducumque Kioviensium ditionis, à quo & quando deleta fuerit, ſimiliter in obſcuro: Perque aliquot ſæcula deſerta jacuit.

Ante aliquot annos Regis Stephani tempore Palatinus Kioviensium Dux Oſtrogiæ, vetera valla ſepe munita, ad libertatem ſeu oppidi juſ, quemadmodum moris eſt, incolas convocavit, ſita eſt pereslavia in oſtio fluminis Trubies, alteriusque illic dicti: Trubies fluvius non exiguus, illic minor, æquè tamen tranſitu difficilis Paludinoſus illiginoſusque. Vallum jaſtum ibi eſt, antiqui operis, rotundum in ſpeciem coronæ ſatis altum, ut cujus ambitus ad integrum miliare ſit, iterum non procul à confluente fluminum illorum, aliud vallum circuli imagine eſt, ut arcem ab oppido diſtinctam ibi fuiſſe facile appareat. Itaque nunc etiam, à Palatino Kioviensium locus is relictus duobus à Pereslavia miliaribus, in Boryſthenem flumina illa influunt. Non viſum Coſaci fuit, Pereslavia ſe includere, partim quod tantum, urbis ambitum propugnare, non facile illis videbatur: partim quod ultra decem milia equorum tam militarium, quam curulium ſecum haberent: Jumentorum aliorum non parvum numerum, quæ omnia in oppido illo paſci poſſe non veriſimile, illis videbatur. Conſultiſſimum illis viſum in ſolitudinem quàm longiſſimè diſcedere non parva ſpe quemadmodum Nalevaiconem nigrâ aqua exercitus longius inſequi non potuiſſet, ipſos quoque ob longinquitatem viarum, difficultatemque trajectuum in ſolitudinem non perſecuturum, obque alias difficultates & uſus Reipublicæ diu exercitum iis in locis hædere non poſſe: quo diſcedente ad ſolita ſtativa ſua redire ſe poſſe, proque arbitrio moreque ſuo agere, reſque miſcere. Cum uxoribus, liberis, omnibusque impedimentis Pereslavia movent Lubnianum



nianum versus, classisq; eodem Caspare duce in qua ad mille aliquotq; centenos erant, secundo flumine per Borysthinem progreditur: ibique in insula quadam non procul ab ostio fluminis Julij in Borysthinem, eventum expectabat. Zolkievius eos insecutus, Potocio ut navigia ad trajectum necessaria Kiovia dimitteret mandat: ad id enim tempus in consilia Cosacorum intentus erat, ne forte altera ripa Borysthinis à Zolkievio apprehensa, illo quod in tanto numero navigiorum non difficile illis esset, in adversam Russiam rursus se transferent. Postquam tamen longius flumine abcessissent, eà curâ solutus non parum altera, sollicitum eum habebat, consilium nimirum Cosacorum in solitudinem, quàm longissime discedendi, quod illi commeatum aliaque necessaria in eos usus pro commodo paraissent, exercitus regius omnia imparata haberet. Siq; Lubniano longius progressi fuissent, difficilem sine dubio rationem ulterius eos insequendi habuisset, Lubniæ arx penesq; eam oppidum, ante septem circiter annos, à defuncto Alexandro Vsiniovicchio, Præfecto Circasienſe constitutum supra flumen Sulam Pons sub oppido est, in flumine per quem in solitudinesitur. Transitus per illum longissimus, per aliquot jugera est; flumen ipsum in alveo non ita latum est, nisi quod restagnet: Paludes, lacus & stagna ubique circa illum sunt, ob quæ tam longo ponte opus illis est, ubique autem ab ipso fonte oritur à finibus Moscoviæ, ad ostium usque quo in Borysthinem fluit, vix uno atque altero loco transiri potest ob paludes stagnaque, sylvas frequentes quæ per littora fluvij illius sunt. Zolkievius cum exercitu Tachotiniam jam venerat, oppidum id est denuo constitutum supra Soporem paludem quinque à Peteslavia miliaribus, Lubnianum viginti circiter miliaribus Polonicis adhuc erat, iis enim in locis, minus numerant, sed quemadmodum in solitudine, miliaria valde longa sunt. Zolkievius exercitum ibi constituto de Cosacis eo loco retinendis sollicitus unumq; id quomodo, ibi eos moraretur, cogitans. Consilio cum præfectis militaribus habito, eo in loco se moraturum aliquotq; centenos tantum homines missurum, qui de Cosacis consilioq; eorum cognoscerent, neque prius inde moturum, quam certi aliquid de illis retulissent, publice pronuntiat. Ad id literas Castellani Chalcienſis ad eos mittit, qui tanquam vetus illorum familiaris, amicusve operam studiumque suum, æquis conditionibus cum Zolkievio in gratiam eos reducendi, illis offert, spemque faciebat, non paucos enim inter eos ejus rei cupidos esse sciebat: maximè eos quibus cum uxoribus & liberis, per solitudinem vagari, aque domibus suis abesse grave esset. Spe igitur concordie cujus spes facta illis erat, quodque longius exercitum Zolkievius constituisset, Lubniano non movent. Nam & hominem eum qui cum literis Castellani Chalcienſis, ad

illos missus erat, tormentis subjecerant, qui Tachotini à Zolkievio se discessisse, quæque ex fama de mora ejus Tachotini cognoverat, eis confirmat. Lubniani igitur hæc institunt. Viâ tamen qua ipsi venerant, quæ & commodior & brevior est, decem fere miliarium intervallo excubias ante se habebat, quæ si exercitus se moveret, quamprimum illis significarent: Ipsiq; Sulam trajicere, pontemq; eum, cujus mentio facta est, funditus corrumpere rescindereq; in animo habebat, quod maximè à Zolkievio metuebatur: priusquam enim eum restituisset, non parvam facultatem ulterius progrediendi habuissent, & à locorum peritis cognito alium trajectum per flumē Sulam, infra Lubnianum quinque miliaribus esse, Chorossinum locum eum vulgo vocant, qui trajectus inter omnes qui per Sulam sunt: aliquot autem quemadmodum ostensum est tantum sunt, hic commodissimus est, Vitoldus Magnus Dux Lituaniæ eo exercitum suum, qui postquam Vorskliæ, ab exercitu Tamerlanis fusus fuisset, traduxerat, hodieq; adhuc Tartari cum oras trans Borysthianas infestare instituunt, ea plerumq; ire solent. Ad eum igitur trajectum partem exercitus mittere Zolkievio visum. Duo enim commoda ea in re perspiciebat, primum si animadversa à Cosacis res non fuisset, Lubnianiq; tam diu hæsisset, homines Regij eos antevertentes, prius pontem eum discedissent, itaq; ab hac parte, Sulæ eos retinuisset, si & Sulam trajecissent, versusq; Borysthinem ad classem suam se recepissent, eo facilius in adventum Zolkievij eos distingere morariq; possent. Rem eam Georgio Strussio præfecto Braclav. committit, Ducemq; itineris ei attribuit. In exercitu paucis exceptis gnatis ejus rei erant, ipsi qui mittebantur quod irent ignorabant, omnium opinio erat, ex proximo decreto quod vulgatum erat Lubnianum versus Cosacos eos duci. Sed mediocri miliari Tachotino progressi, eâ viâ quâ Cosaci venerat, relicta ad dextram versus Chorossinam trajectumq; eum se convertunt. Ita ut excubias Cosacis quæ aliquot inde miliaribus à Lubniano via scire de illis non possent, maximè præter spem eorum nostris eo conversis, quemadmodum postea, cognitum fuit. Præter omnem opinionem eorum accidit, ut miles Polonicus, quem pro gravi illi habebant, eâ viâ pervadere erumpereve posset; quod minus intenti in illâ erant, nostriq; sine ullo impedimento more Tartarico ex arundinibus ruguriolis sibi stratis, piscatoriisq; aliquot cymbis, conquisitis equis tranatis, exercitus traductus. Zolkievius quod temporis ei reliquum erat, Tachotini morabatur, ad diem sub Lubniano se sistendi, 25. nimirum Maji. Interim Potocium Præfectum Camenec. expectabat, qui 6. à Lubniano miliaribus affecutus eum fuit. Eodemq; die Kniaz Bogdanus Oginskus, Succamerarius Trocenus cum copiis ex magno Ducatu Lituaniæ, quatum ad mille circiter equites erant; quamprimum cum iis se conjunxisset etiam

etiam noctu properare instituit; Cosaci enim adventu exercitus ab excubias suis cognito sine mora per Pontem trajicere experunt; de iis qui circummissi erant, nihil adhuc sentientes. Nondum Cosaci omnes transierant, cum primum agmen, cui Bieliecus præerat, supervenit, quod quamprimum à Cosacis animadversum fuit, per Pontem trajicere incipiunt, cumque nox adhuc esset, Bieliecus insidias veritus frequentes enim ibi sylvas montesque, fugientibus, non valde infestis. Quamprimum diluxerat ad Pontem equis versus illos prosilit, quem Cosaci jam discindere cœperant. Sed telis nostrorum prohibiti absteritiq; mox à reliquo scindendo fuere: partemque recisam vix non intra horæ spatium nostri rescindunt, sineque mora exercitum eum transire, Zolkievius mandat. Cosaci ad flumen Soloniciam dimidio à Lubniano miliari, locum castris cepertant, de exercitu qui insecutus eos fuerat, jam cognoverant, de iis qui à fronte illis occurrebant, nullam adhuc notitiam habebant. Ab initioque cum sub diluculum excubias eos observassent, Tartaros esse existimabant: cum eos agnovissent, à tergo exercitum esse scientes à fronte alios illis occurrentes, ut in re subita vehementer trepidari ab iis cœptum. Mox duo ab illis ad Strussium transugere qui omnibus de rebus quæ inter illos agebantur, consilioq; illorum certiorum eum faciebant. Consilium illorum diversum erat. Alij dum exercitus omnis non traduceretur, quàm citissime longissimèq; in solitudinem armati instructiq; pergerent censebant. Alij contra tempus ejus rei jam præterisse ostendebant; cum exercitus in cervicibus jam hæreret, quem transitus non diu morari posset, illo relicto in quo constituerant, locum enim commodum supra flumen paludemque elatum cœperant, quam spem si exercitus in campo alicubi eos affecutus fuisset, reliquam illis esse. Nihil aliud incommodi si esset, quam a quatione prohiberet, & sibi & equis internectione, moriendum esse: castris etiam sine alio commodo, aut adminiculo se tueri periculose alæ rem esse. Acutus lapis in quanto ab exigua hominum manu periculo fuissent: quantumque damni accepissent, documento illis erat.

Quid nunc cum longè major exercitus esset: peditatus etiam qui tum non fuisset, in eo nunc esset, utilis igitur visum, eo loco se non movere castra potius fossis, quod mox ab iis factum, munire, ex iisque se defendere Strussius etſi ex globo pulveris qui ab adventante exercitu excitabatur, disſplosione tormentorum, quæ ad adventum suum significandum ex instituto Zolkievius quamprimum Lubnianum venerat, in signum, disſpodi jussit, quod certior tamen de adventu ejus esset, alacres duos juvenes celerrimis equis illis attributis mittit, qui de adventu ejus illi significarent, utve colloquiis seu conditio-

nibus illos interim distineret, dum ipse adveniret, neve ad ullum prælium interim descenderet ei mandarent. Qui à Zolkievio missi erant, præter castra Cosacorum aut non longe ab iis ire coacti, animadversi, ab iis fuere, qui summo studio eos perſecuti fuere. Integri tamen evadere mandataq; Zolkievij ad Strussium, perſulere. Sub idem tempus Loboda cum Strussium hominibus illis præesse cognovisset, etiam ulus cum illo ei intercessisset, colloquium cum eo petit; quod à Strussio non negatum ei fuit, tempusque quemadmodum à Zolkievio mandatum ei fuerat, trahens colloquiis tractatibusq; cum eo sedat. Interim Zolkievius exercitu traducto advenit, locumque castris in capite ejusdem Solonicæ capit, ad quam Cosaci sua castra metabant. Strussiusq; aliquantum ulterius à latere castrorum Cosacorum se collocarat. Separatim ad alium fluviolum: Ita nihilominus ut & in castra Cosacorum, & in se ipsos cum patentes ubique campi essent, prospectus utrisque præteret, quodque separatim à Strussio Zolkievius castra metaret, ea causa fuit, ut pabulo equos Cosacicos utraq; ex parte castrorum illorum eò facilius prohiberent. Per quatuordecim dies per quos Cosaci, in obſidione erant, diversa cum iis prælia velitationesque fuere, nullusq; fere dies sine velitatione intercessit, quibusdam etiam vicibus cum iis pugnatum. Quam frequentissimeque equorum causa, quos illi pascere satagebant, Zolkievius omni studio prohibebat, facile intelligens, si equos illis fame enecuiſſet, eò facilius in potestate eos se habiturum, velitationesq; præliaque secunda semper nostris fuere, ignominiaq; & detrimentum Cosacorum: etſi enim longè impar numerus militum illis occurrisset, vix unquam tamen illis resistere animus suppetebat, ut plurimumq; ad castra recurrebant, ita ut in contemptu jam apud milites essent, aliquando non contenti eo quod in campo eos fudiſſent, eodem impetu incensis, in castra fossasque eos insecuti fuere, ubi Tassitus præclarus juvenis tresq; alij cum eo juvenes ſclopætis ad ipsas fossas, ab illis trajecti fuere. Eodem omnino modo præfectus Sitomiriensis Simon Dinisko perit, qui quidem uterq; casus cautiore mulites fecit, mandatisque Ducis obſequentiores esse docuit. Alia damna pauca omnino fuere, majus onus continuarum excubiarum erat, ut per omne tempus universus fere exercitus arma vix poneret, equiq; similiter per omne id tempus sub sellis instructi paratiq; esse cogentur: Commeatus item nō facile advehebatur, ut quem è limitancis oppidis usq; exercitui subvehi Zolkievius jussit, quodq; longius ab oppidis discessisset, non facile subveſtio ejus erat: Calonesq; qui non magna copia eum subvehebant, magno pretio vendebant: pretio etiam constituto nemo eum subveſſet. Labor igitur affiduus commeatusq; inopia nō parum exercitum premebat; quæ patienter tamen à nostris fere-



ferebatur. Longè majoribus difficultatibus Cosaci conflictabant.

In obsidione sine ulla auxilij subsidijve spe erant. Vulnerati casique non pauci, equi qui unica spes illorum erant, fame fere enecti ad internecionemque redacti: Commeatus eos deficere incipiebat, salis nihil habebant: transfugia frequentissima, ferè quotidiana: diffidentia, ex ea dissidia eos incesserant. Ad quæ Zolkievius ex instituto materiam illis præbuerat cum Loboda, primariisq; communicata consilia se habere simulans. Ex qua suspitione ut homines temerarij nullo certo consilio quicquam agentes Lobodam capitis supplicio afficiunt, Crempsciumq; quendam in locum ejus deligunt. Verùm semina dissidiorum altius quam ut mox extinguì possent egerant, quique viventi Lobodæ faverant, indignè necem ejus ferebant. Ad hæc Zolkievius diversis in locis circa castra tormenta, circaq; ea corbes è transverso ut ex omnibus partibus per castra jacularentur disposuerat, complures homines & plures adhuc equi ex jaculationibus iis interficiebantur. Ex quorum cadaveribus ut anni tempore jam adulto, inter maximos jam calores noxius gravisque fætor eos fere exanimabat: terraq; condere quantum ex tormentis suaq; sponte interibāt non poterant. Præterea majoris terroris causa ut equis dimissis, pedites ad oppugnationem ire parati essent, exercitum Zolkievius induxerat, certa objectamenta parari curarat, quæ rotis adjecta à tormentis illorum tueri defendereq; militem possent. Tot incommodis fracti etsi ante etiam aliquoties, nunquam tamen sincere conditiones à Zolkievio petierant, tum extremum exitum imminere sibi videntes, conditiones à Zolkievio propositas accipiunt, non deerant sanè qui exempli causa, & ab hujusmodi facinoribus alios in posterum deterrendi extrema internecione finiendam rem suadebant; ab altera parte, non paucæ rationes in mentem ei veniebant. Etsi enim magna spes verisimilitudinq; ad victoriam se ostendebat, casum fortunamque tamen omnibus in negotiis etiam optimè consultis, plurimum valere cogitabat, cujus regi acutus lapis recens exemplum esset. Itaq; etsi victoria penes nostros fuisset: cum hominibus tamen desperatis non unus capitis periculo paratam iri, omnes igitur nostros integros conservatos malebat, quam periculo alicui rem committere. In tantoque numero Cosacorum ultra octo millia enim, præter fœminas uxoresve & liberos prælio apta reliqua, adhuc erant, non paucos ad usus reipublicæ si disciplina accessisset, transferri posse existimabat. Conditiones à Zolkievio illis propositæ hæ erant: Primum ut à globo illo multitudineve quamprimum discederent: in posterumq; sine permissu Regio nunquam convenire auderent. Postea primarios seu capita turbatarum qui ab illo nomi-

nabantur dederent, vexilla aliaque insignia maxime quæ ab externis principibus essent traderent. Tormenta instrumentumque bellicum omne, pulveres etiam globosq; similiter redderent: Gazam thesaurumque omnem quem ærarium exercitus illi vocabant, exercitui Regio omnem darent. Ad extremum quicquid militi Bialocerquæ ademptum reperiretur, redderent. Conditionibus iis mox satisfactum: In instanti diversas in partes discessere: Ex numero quos dedere, debebant. Lobodam ipsi supplicio affecerant, tres in prælio perierant. Crempscium ut multitudinem dissociaret, seu deduceret, Zolkievius liberum mox dimisit, reliqui qui alij extabant dediti fuere: Vexilla duo cum insignibus Romani Imperij quæ à Cæsare & Archiduce Maximiliano habebant, Tertium à Principe Transilvaniæ cum ejus insignibus aliaque præterea insignia ut clavam rubasq; argenteas, quas à Cæsare habebant, tradunt. Tormenta integra viginti & unum, diruptorum aliquot erant, è classe tradiderunt tormenta tredecim, campestriumque sclopetorum aliquantum. Gazæ non multum erat: maxima pars Turcicæ suppellectilis aliquantum erat. Postquam inter se exercitus partitus fuisset, omne ærarium, æstimatum vix quatuor millium florenorum fuit. Ultima conditio, ut militi ablata restituerent, vix non turbatarum causa fuit; cum militi restitutione eâ non satisfieri videretur; Ita ut proprias res Cosacorum illis eriperent, ut ad tumultum res veniret, in quoad denos aliquot interfecti, vixque à Zolkievio sedatus fuerit. Ita gravissimum servile bellum non virtute solum sed ingenio etiam Ducis sub Lubliano extinctum fuit, aliquot diebus ante explorator, Zolkievij ab iis Cosacis, qui ad inferiorem partem Borysthenis erant, Zolkievio nunciavit, ministros aliquot ejus, quos cum literis ad eos miserat, in vinculis ab illis haberi, ipsiq; auxilio Lubnians ex inferiore parte Borysthenis se movisset, idem explorator consilia illorum Zolkievio aperit, primò operam dare, ut auxilio obfessis adesse possent, sed cum à Casparo Podvisocio, qui classi quemadmodum supra ostensum est, præerat, ita accepissent, sine certo periculo pervenire ad obfessos se non posse, cujus regi ipse periculum fecisset: vixque ipse in manus non venerat, cum excubiæ Regiæ ea diligentia essent, ut non modò manus aliqua hominum, sed ne nuntij quidem cum literis pervenire ad eos possent, ita ut vel retrocedere, vel in manus incidere necesse haberent, quod aliquoties accidit, aliud igitur consilium cœperant, ut arces oppidaque omnia limitanea incenderent, si fortè defendendo ora limitanea ab obsidione ora Cosacos eriperent, avertereque nostros possent. Nuntios eos secretissime in exercitu habuerat, ita ut nullus eorum conscius esset. Interim in Cosacos incumberebat, ut quàm

citissi-

citissime exitū cū illis haberet: negotio finito, quæadm. ad alios finitimos, ita Vicecapitaneū etiā Circasiēsē, literas de eo dat; qb<sup>o</sup> ppria manu scriptis, q̄ gesta essēt, ei significat. Ut & ipse tota de re sciret; iisq; qui subsidio Cosacis venirent, de ea significaret: simulq; nomine ejus illū certiorē faceret, q̄ machinaretur, Zolkievij jās scire: si vel minimū in ora finitima damnū dedisset, etiā inferiore Borysthenis loco eos se indagaturū, Vicecapitan. Circasiēsē lit. eas Zolkievij ad illos mittit; jās 7. tātū milliariis, à Circasio in eos inciderūt. Ubi mox substituerūt, cōsiliū inter se, quomodo cū Zolk. in gratiā reditēt, habuerūt. Ministros illos Zolk. ad se accertitos viculis solverūt, donatos placarūt, ne apud Zolkiev. de se quererētur: lit. satis humilib. ad Zolkievij datis, captivū Tart. muneris loco ad eū mittit, in literis, quæadm. & legatione, p̄ nuntios in alios delicti sui culpā cōferūt, veniāq; ej<sup>o</sup> petebāt: fidelē postea Regi & Reip. operā se navaturos p̄mittentes: Nuntij ii nō p̄cul à Kiovia jam revertentem Zolkievium offendunt. Etsi indigna illi visa, dissimulanda tamen ei res fuit; cum vindicandæ ejus difficilis ratio esset: maxime, si ad inferiores partes Borysthenis retrocessissent. Exercitus laboribus, incommodis longinquitateq; viæ attritus: classis parata nulla erat. Supraq; omnia ex exitu comitiorum, alibi exercitu eo, quem secum habebat, opus futurum sciebat: Benigne igitur iis dimissis exercitum diversa in stativa reficiendi sui causa illis assignata disponit, ipse domum versus discedit. Sub Leopoli captivi, tormenta que, signa, insigniaque alia, Cosacis adempta, Zamoiscio, tanquam supremo copiarum Regni Duci, tradita, exhibitæque, ab eoq; ad regem missa, Nalevaikoque & alij dediti: Varšaviæ postea pro hostibus habiti fuere. Dum hæc, quæ supra commemorata sunt, contra Cosacos aguntur, Tractatio de fœdere Turcico, quod summus Pontifex summo studio urgebat, ad futura comitia rejecta erat. Cum igitur & bellum Turcicum in vicinia, Ungaria maxime, jam arderet, & Cosaci domi turbarent, periculum regnum vacare non videretur, in diem vicesimum sextum mensis Martii Varšaviam comitia rex indixerat. Ante comitia Nicolao Zebrzydovio, Palatino tum Lublinensi, nunc Cracoviensi, per Joannem Tarnovium, Vicecancellarium, Martalcatum Rex contulit, moxque, octavo mensis Martii, Cracovia Varšaviam ad comitia profectus Rex fuit, relatio à Joanne Tarnovio facta de fœdere, de Valachia, licentia Cosacica. Sequenti die Benedictus, Episcopus Causpanus, orationem de fœdere habet. Præcepti divini autoritate, populo suo commercia cum alienigenis prohibentis, Trapefuntiorumque exemplo, imperium suum integrum conservantium, quoad cum Turcis se non miscuissent, fœdus svadens. Zamoiscio pro operam Valachia præstita gratiæ actæ: in Cosacos pœnæ decretæ. In fœdus certis conditionibus in plerisq; Senatorum sententiis consensum Nuntij, extra relationem, alias res inferre, maxime de cessione asservationeq; Estoniæ: Sed

cum de fœdere maxime agendum esset, Cæsar etiam pro rei gravitate, ex primariis Senatoribus suis, Andream, Episcopum Vratislaviensem, & Adamum Gallum Poppel, Baronem à Lobkovitz, ad comitia miserat. Designati, qui cum illis agerent, Stanislaus Karnicovius, Archiepiscopus Gnesnensis, Georgius Radivilus, Cardinalis, Gostomscius Palatinus Posnaniensis, Christophorus Radivilus, Palatinus Vilnensis, Joannes Zamoiscius, Leo Sapieha, Cancellarius Lithvaniæ, & ex nuntiis nonnulli, in ædibus Legatorum Pontificiorum conventum. Initium factum ab Archiepiscopo Gnesnense, adq; conditiones superiorum comitiorum, Cracoviensium potissimum, responsum, è quibus excussæ maxime quinque portiores, quatuor aut quinque congressibus colloquium solum; cum Cæsarei Legati, ut sine scitu aut rati habitatione Cæsaris quicquam constituerent, mandatum se non habere faterentur. De Archiduce tamen Maximiliano, si iis, quæ Transactioni Bendzinensi adhuc deessent, satisfactum iri, subsidium etiam pecuniarum pro facultatibus suis, ita bellis, aliis etiam districtum, Cæsarem tamen in confederationem eam nobis præstiturum, mandatis ante exitum acceptis, ita confirmarent, ut, nisi ista præstarentur, totum negotium societatis ejus seu confederationis irritum esset. De Moldavia etiam seu Valachia à nostris actum, ut in eo, quo nunc statu esset, permaneret, neve turbaretur, maxime Principe Transilvaniæ, à quo Hieremias etiam, quamvis nobilis, & indigena Polonus, literis tentatus sollicitatusq; dicebatur, tam à Legatis Cæsareis, quam Pontificiis, sine dubitatione pax promissa. Maxime autem Regem sollicitum habere ulteriorem Valachiam, qua in re duo maxime metuat, idem nimirum, quod in altera Valachia ne, quod ante moliti hostes fuerint, nunc perficiant, ut istam quoq; provinciam munitionibus & colonis occupent. Alterum, ne illac potissimum Tartari transeant. Cupere Regem utriusque rei occursum, sed pro prudentia sua, quid fieri in utraq; re posset, facile ipsos perpicere. Difficilius fere etiam de Tartaro superiore anno occasionem in ordinem eum cogendi singularem fuisse, si Kilia aliaque maritima loca occupata fuissent. Nunc hoc etiam accedere, quod remotissima provincia sit. Itaq; optare hoc quidem se posse, alterum autem fortassis etiam præstare, si ex communi consensu fiduciaris aliquis Palatinus interim ibi collocaretur: Totā tamē rē Cæsari & ipsorum arbitrio p̄mitti ipsi viderent, mentione ab Episc. S. Severi injecta. De Moldavia istā etiā dubitationē esse, fieri quid debeat, cū imaginario isto ad tēp<sup>o</sup> jās ibi collocato Turcæ deinde discesserint. Ad ulteriorem definitionē toti<sup>o</sup> negotij, quæadm. & alia pleraque, dilata res fuit: eo utrinq; cauto. Regē quidē ad barbaros missurū, pacē tamē nullā cū iis iniri debere. Ante exitū cōmissionis futuræ, cui dies D. Jacobi mēse Julio dicta, cū ō solū ex Senatu complures, sed ex plerisq; etiam Palatinatibus nuntij ei interfuturi essent, qui ex di-



versis locis tam cito convenire non possent: de loco ad Cæsarem relatum, ejusque arbitrio permittum: Locus postea Cracoviæ à Cæsare delectus, sed lente ab utrisque conventum, ad medium fere Augustum. Septima igitur mensis Augusti, cum non modo legatus summi Pontificis de latere, Henricus Cardinalis Cajeranus, jam ab aliquo tempore Cracoviæ fuisset, verum Cæsaris etiam Commissarii jam advenissent: tum plerique ex nostris delegatis partim præsentibus jam adessent, partim indies adventarent, visum legato fuit, ut initium negotii huic à publico solenni; sacro Spiritus sancti fieret. Habitum id fuit, in æde majore Divæ Mariæ in foro, ab ipso legato, cum Cæsareis, tum nostris commissariis, plerisque id frequentibus: Eodem die nostri commissarii in ædes Cardinalis Radivili, Episcopi Cracoviensis, tanquam Principis commissionis, à Marsalco Regni convocati fuerunt: qui locus postea etiam semper nostris consiliis atque conventibus obitus fuit. Cæsarei commissarii, Joannes Kuitassi, electus Archiepiscopus Colocensis, Episcopus Jauriensis, & Comes Regni Ungariæ, Cancellarius, Andreas Episcopus Vratislaviensis, supremus Silesiæ Capitaneus, Joannes Christophorus ab Horstein, Adamus Gallus Poppel, Baro à Lobkovicz in Duxa, & Srechenstein, Joannes Baro ab Haym in Reichenstein, Consiliarii Cæsarei, Joannes Joo, personalis præsentis locum tenens. Ex nostris etiam Karinkovius, Archiepiscopus Gnesnensis, & alii complures designati fuerant, hi tamen fere tantum fuerunt: Georgius Radivilus, Cardinalis, Princeps legationis, Laurentius Goslicius, Episcopus Przemisliensis, Janusius Dux Ostrogia, Castellanus Cracoviensis, Hieronymus Gostomscius, Palatinus Posnaniensis, Stanislaus Minscius, Palatinus Lanciciensis, Leszczynski Palatinus Brestensis, Nicolaus Zebrzydovius, Marsalcus Regni, Leo Saphia, magni Ducatus Lithuanie Cancellarius, Demetrius Chalecius, ejusdem Ducatus Thesaurarius. Cum ab initio mox orationis suæ legatus ostendisset, nonnullos rumores ad summum Pontificem de Rege & Ordinibus delatos fuisse, quasi nihil omnino serio, sed simulate omnia in negotio hoc ab iis agerentur. Non habuisse tamen illis fidem summum Pontificem ostendisset, necessitatem sibi impositam nostri existimarent, ostendendi per quemvis potius, quam per Regem & Ordines, stetisse aut stare, quo minus in negotio hoc: quicquam statutum adhuc esset, sed plus ab illis hætenus præstitum fuisse, quam expectari potuerit, aut debuerit. Hortatus eadem oratione Cardinalis nostros fuerat, ut, de quibus agendum esset, ipsi proponerent. Quod ad Cæsareos Legatos potius pertinere nostros judicabant; ut qui ad societatem eam nostros invitarent: Et qui cum antea certa mandata se non habere excusarent, soliti fuissent, nunc saltem aliquid certi afferre deberent. Quo magis tamen studium Ordinum in societatem testarentur, dederunt

hoc cum summi Pontificis, tum legati auctoritati, ut ex præscripto superiorum comitiorum Cracoviensium aliqua proponerent: eo modo, ut potius cognoscerent, quid de qua; re haberent, quam ipsi quicquam definirent, ostenderentque, ea; requirerent, jam anteferre pleraque, & à Legatis Cæsareis, & Nuntiis Apostolicis, partim oblata, partim promissa fuisse: eoque minus vel difficultia aliqua, vel iniqui quicquam postulari: quo testatius etiam studium suum facerent. Ipsius legati arbitrio permiserunt, ut, à qua ei conditione videretur, tractandi initium faceret: Cæsarei Legati de duobus tantum capitibus responderunt: De sociis belli, & de viribus seu nervo: neque de iis quidquam fere diserte, aut explicate reliqua quæ sita nostrorum & eam partem scripti, qua invidiam rumorum eorum à Rege & Ordinibus exonerarent, silentio plane præterierunt: & partem quidem illam scripti, quasi à legato secum non communicatam. Ne vel audire ea necesse haberent, quæ defendere non possent, vel defendere, quæ negari nequirent. Non parum ad existimationem publicam pertinere nostri existimabant, ne ista res suppressa quasi videretur, ut igitur integrum scriptum communicare cum iis non gravaretur, à Cardinale petierunt, vel etiam se ipsos tradituros illis obtulerunt. Inter conditiones deinde conditionem de sociis belli, ne, si ab initio in ea, quam illi difficillimam conditionem putabant, stitissent, inficiendi negotii causa, id fieri interpretarentur, in suspensio relinquendam existimarent: alias, quemadmodum antea fecerant, urserunt: nominatim quidem, præter nervum belli; generalatum etiam Maximilianum, qui destinari ei putabatur Transactionem Bendzinensem: inducias inter Valachiam, & Transilvaniam, ipsumque adeo jus Valachicum. Omnibus fere hisce dissimulatis iterum de duabus tantum conditionibus Legati Cæsarei scripto responderunt, de sociis nimirum belli, & nervo ejus: incertiusque fere, quam antea: atque ita, ut rationem istam nostrorum, interrogandi, querendique, in reprehensionem aliquam vocare viderentur. Petiit legatus, ut scriptis, & interrogationibus, posthac relictis, & coram potius congregarentur, & expresse, quid, si foedus coire vellent, ab iis requirerent, ostenderent. Ita responderunt, ut reprehensionem, quæ in illos conferretur, à se amoverent, & non satis aperte à Legatis Cæsareis secum agi ostenderent. Ut tamen legato gratificarentur, viva voce aliquot congressibus inde actum. Ita inter nostros convenerat, ut ante omnia de perfectione Transactionis Bendz. agerent: neque tam de præstatione ejus, quâ tempore & loco, tã juramenti Archid. Max. quâ Ordinibus Ungariæ; frustra. cum Ordinibus actum iri videbatur, nisi iis, quâ tãto ante præstari debuissent, prius satisfactum fuisset, ex iisque spes esse posset, futura etiam rata ac firma fore. Legati Cæs. nō tã rē ipsā recusare, quâ de tempore nullū se mandatū habere, ostendere. & ultro citroque diu acta movit, nostros tandem auctoritas legati, ut, ea re suspensa, ad alias

con-

conditiones accederent. Ita autem suspensa fuit, ut intra sex septimanas certiorum Regem Cæsar faceret, an ante comitia satisfactum Transactioni Bendzinensi futurum esset, si mulque locus & tempus ei rei præfiniretur. Si ante comitia satis ei fieret, nihilominus Regi & regni Ordinibus integrum esset, de societate hac, quod visum eis foret, statuere: si etiam non satisficeret, jus nihilominus Regis & regni ipsaque Transactione integra manerent. In omni autem actione ea testati fuere, nulla se mandata statuendi aliquid habere: integrumque omnium rerum arbitrium rei relinquere, ulterius deinde in negotio progressum. Verba faciebat Firlejus Palatinus Cracoviensis, ostendebat ab illis potius conditiones nostros expectasse, quam ipsos proponere aliquid debuisset. Cum enim à tam optabili bono nescire quidem quam diuturno, sed tamen optatissimo pacis abduceremur, invitaremurque, ad bellum cum hoste potentissimo, necesse utique esse scire nos conditiones, quibus adduci eo debeamus. Dari tamen hoc Serenissimi Domini nostri, dari legati auctoritati, dari studio nostro, in tam pio negotio, ut non quidem in vim alicujus obligationis: nulla enim quicquam statuendi mandata se habere, sed ostendendi potius, quid negotium hoc requirere existimaremus, conditiones aliquas proponeremus: Ac primum quidem, quodque maxime contra tam potentem hostem invitare Ordines posset, numerum sociorum fuisse. In gratiam legati, ipsiusque adeo causæ tam pie, illam conditionem in suspensio nunc relicturos: De viribus ac nervo belli visuros: quæ si tanta, & hujusmodi, tamque certa demonstrarentur, ut etiam sine nominibus istis sociorum, si non sine periculo, tamen sine certissimo periculo, in aciem cum hoste illo descendi posset, fieri fortassis posset. Ut re ipsa Rex atque Ordines contenti essent, eam rationem belli hujus instituendam semper Regem atque Ordines judicasse, quæ quam minime bellum duceretur, & omnibus viribus sociorum coactis, quamprimum debellari posset: primum propter regni hujus rationes, quæ ut quam citissime de summa rerum decerneretur, neque diu bellum duceretur, maxime exposcerent: deinde è re universæ Christianitatis: quod hac ratione quam minimo periculo, quam minimeque attritis viribus Christianorum, maxime debilitari hostem sperarent. Cum ex aliorum autem summorum Ducum, tum maxime prudentissimi quondam & Turcicarum rerum peritissimi & egipti Stephani sententia existimare, ad minimum centum viginti millium exercitus opus esse; cujus major vel dimidia pars equitatus esset: cum equitatu maxime hostis is valeat. Ita igitur nos existimare: neque enim ex certis mandatis aliquid proponere: si socii belli octuaginta millium exercitum habere possent, fortassis regnum hoc posse suscipere curam & rationes quadraginta millium conficiendorum, triginta millium nimirum equitum, partim hastatorum, quibus maxime res contra hostem eum gerenda, par-

tim levioris armaturæ, quorum non minor usus esset: reliquorum decem millium peditum. Inter illos autem, qui à Cæsare & sociis sint præstandi, ad minus tringinta milia equitum esse debere, & maximam partem sclopetariorum, peditum autem quinquaginta milia. Hæc si ita acciperentur, cum, quemadmodum sæpius declaratum esset, regnum hoc hominibus magis, quam pecunia, abundaret, requiri, ut ad minimum in tertiam partem militiæ ejus stipendia suppeditarentur: ita tamen, ut nihilominus ea quoque pars atque integer exercitus Polonicus sub ductu & auspiciis Regis & Ducum Regni maneret. Ante omnia autem providendum, ut hujusmodi exercitus, & copiarumque alendarum & sustentandarum ratio, ita à principio jam constituerentur, compararenturque, ut per totum cursum belli, quod finire in nostra potestate esse non posset, duraret, ne forte in medio deinde cursu nervus iste belli nos deficeret, aut alio conversus nos destitueret. Non minus vero necessarium maxime nobis esset, si hostis ille contra nos vires suas converteret, ut ad hujus Regni defensionem, si id exposceretur, totius etiam societatis vires transferrentur. Ne illud quidem prætereundum, si in unum vires conferendæ essent, ab alia parte expositos nos fore alii hosti non contemnendo Tartaro: ut de parte aliqua exercitus, quæ contra illum relinquenda, cogitandum fortassis esset. Eodem pertinere instrumentum bellicum, rationem commeatus, jurisdictionis, & Imperii militaris, & similia: Cum legati Cæsarei diem ad deliberandum sumpissent, interim à nostris etiam protestatio de Transactione Bendzinense parata fuit: cumque iterum congressum fuisset, ante omnia legato tradita. Recusare legatus claufulam eam, quæ tum in illa erat: Nisi ante comitia satisfactum transactioni illi fuerit, nihil de societate hac Rex cum Ordinibus amplius ageret, diligenterque legato, ut mutaretur, urgente, in dubio quasi ad sequentem confesum res relictæ. De aliis rebus propositis respondit deinde Episcopus Vratislaviensis, ut conjunctis copiis bellum administraretur, vix fieri posse Cæsarem judicare. Nam aut in ditionibus Turcicis exercitus conjungendo, aut in Ungaria: Si in Ungaria, maxima eam re incommoda, maxima pericula, imprimis quidem ob commeatus difficultatem: Deinde vero, cum hostis mense Augusto aut Septembri primum copias suas contrahere, atque in campum prodire cum illis soleat, prælium posse paucorum dierum aut horarum spatio finiri, cui usui interim exercitus Polonicum futurum, qui equitatu maxima ex parte conficit, ad oppugnationem minus idoneo, præterea vero, ne assecuturos quidem eum finem, qui spectaretur, ut conjunctis copiis res gereretur. Si enim totus exercitus noster cum Cæsareo conjungeretur, præsidio contra Turcas & Tartaros nos nudaturos, & nihilominus necesse fore, ut exercitus dividerentur. Si in ditionibus Turcicis copiarum contraheren-



tur, inevitabile incommodum id securum, ut tot arces, praesidiaque munitissima, à tergo relinquerentur, in quibus omnibus vix non ad triginta millia hominum ut plurimum esse solerent: maxime autem, ne & à comœatu & receptu exercitus intercluderetur, verendum, inter praesidia à tergo relicta, & exercitus hostiles, à fronte oppositos, periculumque esset, ne forte totus exercitus deleteretur. Utrobivis autem conjungerentur, ex diversitate nationum, morum, lingvæ, æmulationibus Ducum, & exercituum dissensionibus, quæ existeret inter eos possent, similibusque aliis rebus, non leviora incommoda metuenda esse: existimare igitur Cæsarem, si nostri exercitus ab ea parte, qua aditus illis in ditiones Turcicas patet, Turcæ obviā irent. Si major vis in nos ingrueret, partem exercitus Cæsarei subsidio nobis mitti posse, eademque ratione vicissim illi à nobis. Quod si ita exercitus dividerentur, consecuturum, ut Turca suum quoque dividere necesse haberet. Nam neque in Ungariam cum omnibus copiis eum accessurum, nisi simul omnes ditiones suas, & vel Constantinopolim ipsam, alioquin non munitissimam, nudare contra nos vellet. Si in Poloniam etiam omnes vires suas transferre vellet, æque metuendum illi à Cæsare fore, ne interim universam Ungariam occuparet. Atque hæc quidem de primo capite. De viribus belli ostendit, optare Cæsarem, ut multa centena millia in aciem producere contra hostem posset: non plus autem polliceri velle, quam præstare posset: quinquaginta millia nimirum à se, decem à Transilvano, qui & ante conjunctus cum Cæsare esset, quemque nunc etiam foedere comprehensum omnino vellet, ita, ut universus exercitus sexaginta millium futurus esset. De genere militum mandati certi nihil habere: sed si præteritum tempus spectetur, tertiam plerumque partem equitum fuisse, ita, ut, secundum eam rationem, viginti millia equitum futura essent, reliqui pedites, Cæsareum exercitum ex ditionibus Cæsaris exhibitum iri. Si quid deesset, ex ærario suo suppleturum. De subsidio pecuniario nobis præstando cupere Cæsarem intelligere, qualem exercitum & quo loco habituri essemus: ut postea mentem suam de subsidio, ad quod, quamvis gravissimis expensis pressus, pronus tamen semper fuerit, uberius explicare posset. Ad tempus foederis quod pertineret, posse nunc foedus in biennium vel triennium sanciri. Ad bellum offensivum gerendum intra hoc tempus posse continuari, vel renovari, imo vel nunc etiam dispici, quomodo defensivum foedus in complures annos constituendum. De cautionibus respondit, Cæsarem habere à Regnis & Provinciis suis mandatum & plenipotentias, vigore quarum foedus iniri, & necessariis diplomatibus juramenti loco stabiliri posset. De Ducibus ac Præminentibus, comœatu irem, instrumento bellico & similibus, non es-

se necesse verba facere, cum separatim exercitus haberi deberent. Cum postmodum deliberationis causa, quid Cæsareis Legatis respondendum esset, nostri convenissent, legatus ipse cum altero Nuntio in confessum nostrorum venit: ut clausula illa in protestatione nostra mutaretur, iterum diligentissime petiit causas hasce afferere, quotiescunque ad serenissimum Dominum nostrum per scriptum hac de re fuisset, nunquam significatum ei fuisse, non posse hoc foedus tractari, nisi prius Transactioni Bendzinensi satisfactum fuisset. Nam si id factum fuisset, relaturum prius summum Pontificem ad Cæsarem fuisse, & secundum ea, quæ inde reportasset, negotium directurum fuisse: deinde vero nihil aliud hoc esse, quam portam negotio huic claudere. De re ipsa vix non inter nostros conveniebat, ut nihil mutaretur, ne tamen, cum eo se dimisisset, ut ipse ejus rei causa ad nos veniret, cum repulsa dimissus videretur, responsum dilatum: causa allata minus frequentis confessus: Postea tamen, ne nihil autoritas ejus valuisse videretur, ita clausula ea mutata: ut, nisi ante comitia satisfactum Transactioni illi fuerit, excusari Rex atque Ordines sint, si ad ulteriores tractatus non descenderint, neque à quoquam illis imputeretur, si tam salutare negotium effectum suum eam ob causam sortitum non fuerit. Cum etiam sex septimanarum tempus, in priore formula, præstitutum Cæsari fuisset, intra quod significaret, ad D. Martini id prorogatum: Ita emendata, postea illi tradita: Legatus probavit: satisfactum sibi professus fuit: gratiasque egit. Petiit inde Cardinalis Radivilus, ut sub sigillo suo exemplum ejus ederet: promisit: postea incertum, qua de causa, & non satis probare rem videbatur: Nam & quod de edenda sub sigillo suo protestatione promiserat, mox revocavit, posteaque etiam, frustra aliquoties nostris appellatibus & conatibus, in eo perstitit, ita, ut exprimi ab eo non potuerit: & in aliquibus rursus controversiam movit, imprimis de Ordinibus Ungariæ. De Maximiliano enim non ita fortassis difficile esse, ut ante comitia satisfaceret: Ordines autem Ungariæ, quomodo possent, cum & comitia illorum ad eam rem necessaria essent, & bellum in visceribus eorum maxime nunc hæreret. In scripto aliquid de iis mutare nostris non visum: privatim spes facta, si Maximilianus satisfaceret, impetrari fortassis à Rege atque Ordinibus posse, ut Ordines Ungariæ in primum quodque commodissimum tempus differrentur. Ad extremum, quod in fine scriptum erat, ut ita convenisse fidem nobis faceret: non convenisse, sed à nobis propositum disputabat, utcumque tamen esset, hac quoque in re mos illi gestus, atque illa quoque verba postea mutata, tantum tamen abest: ut sub sigillo suo eam ederet, ut potius vix nostros non subaccusaret. Duo dies mensis Augusti, quo circumscripta com-

commisio erat, reliqui erant: Actum tamen maxime cum Cardinali & de ratione belli conjunctim gerendi, quod maxime à nostris urgebatur, & de subsidio pecuniario, & de sociis belli, inter quos & Principes Imperii, & magnus Moscoviæ Dux, propositi à Cæsareis antea fuerant, & cautionibus eorum, & tempore foederis, quod Cæsarei in biennium tantum volebant, & induciis cum Moldavia, Principeve Transilvaniæ, & de aliis conditionibus, ulterius adhuc fuit, quarum vel in conventu Cracoviensi & Varšaviensi mentio ante facta fuerat, & vel, Cardinale petente, hæcenus dilata: Si quid forte amplius elici ab illis posset, quod Ordines in spem negotii hujus magis erigerent. Ac de tempore quidem foederis ostendebant nostri. Optandum quidem, ut vel uno anno debellaretur. Sed cum per quatuor jam annos bellum hoc dureret, & tantum tamen, à fine adhuc absit, miraculi potius loco habendum, si accidat, quam animo aut spe concipiendum. Verendumque adeo esse, si ad Ordines hoc referatur, ut vel hoc ipsum non modo spem omnis negotii hujus amputet, verum etiam, ne curiosiores aliqui ita interpretari id velint, quasi hoc solum agatur, ut in arenam tantum cum hoste hoc deduceremur, & postquam illum in nos converterimus, in medio quasi periculo relinquamur: Offensivi etiam & defensivi belli discrimen, quod à Cæsareis in hac causa fieret, intelligere se assequi non posse. De subsidio etiam pecuniario, vix tandem, ut nominaretur expresso, vereri, ne minus expectatione Ordinum esset. Si mille enim equites Germanicis stipendiis Cæsari habendi essent, vix non tantum in eos illi impendendum, quantum nobis ejus nomine offerretur. Et si enim illi non expresserant, vel ex ipso tantum legato ante constabat, ducenta tantum millia ejus nomine offerri, reliquum à Pontifice, eaque ratione tam florentis regni societatem, non pluris fere, quam mille equitum, auxilium fieri. Cum autem inter conditiones eas de præmiis etiam belli esset, nostrique, quemadmodum antea Cracoviæ Varšaviæque, ita nunc quoque, utramque Moldaviam, locaque regno & Ponto Euxino vicina, præmium belli hujus maxime sibi proponerent, navigationem etiam liberam & immunem per Pontum Euxinum. Venetias sibi paciscerentur, non sine admiratione acceptum à nostris fuit, cum in eventum benignitatis divini, victoriæque, Constantinopoli ipsa, universoque Imperio Turcico, diserte Cæsari cederent, cetera autem pace relicta, non modo tantum sumptum, sed sanguinem etiam atque vitam in bellum id impendere deberent, illos ne de alieno quidem satis vel liberaliter polliceri, vel tanquam de suo jam licitari. Cum igitur & tempus præstitum jam effluxisset, & Legati Cæsarei de plerisque ambigue dubie respondere, pleraque etiam antea promissa quasi revocarent, à lega-

to ipso etiam, quorum per priores legationes spes facta esset, oratorie magis & ad præparandos animos proposita esse, elevaretur, conventus sine ullo fere fructu solutus fuit. De summo quidem Pontifice, maximæ curæ negotium id ei fuisse, satis constat: de Cæsare, an eorū ei fuerit, dubitatur. Nam & in primis comitiis Cracoviensibus, in quibus per Episcopum Olomucensem & Bercamentem de foedere appellatus rex fuerat, Cæsar nulla solida mandata legatis suis dederat, verum etiam, cum illi, autore Malaspina, Episcopo S. Severi, Legato Pontificio, ad capita quædam, à nostris proposita, atque inter alia de subsidio pecuniario, liberalius respondissent, literis eos accusarat, quod progressi eo fuissent: neque rata ea se habiturum ostenderat, neve ulterius progredierentur, mandaratum, eamque ob causam Episcopus Olomucensis nondum restitutus gratiæ Cæsaris fuerat: apparatus præterea contra Turcam nullum facere per tempus hoc putabatur, magisque pacem spectare, quam bellum. Itaque cum summus Pontifex diligentissime ante comitia Varšaviensia de foedere hoc, ut ad regem referret, cum Gembicio egisset: Gembicius autem, quæ de cessatione ista Cæsaris vulgo jactarentur, mentionem fecisset, decipiet, inquit, & me & seipsum, si nihil ager. Magisque à summo Pontifice adductum, quam sua sponte de foedere eo laborare: cum summus Pontifex nihil omnino subsidii præstare ei vellet, nisi foedus hoc vel perficeret, vel per ipsum quo minus perficeretur, non stare appareret. Mox post Conventum Cracoviensem, nono nimirum Septembris, regina senior Anna Varšaviæ obiit. Quæ et si ea ætate jam esset, ut non immatura mors ejus videretur: quod tamen regis Sigismundi primi filia, Augusti soror, Stephani uxor, præsentis Sigismundi amita, ultimaque Jagelloniæ Stirpis, ipsaque singularis exempli femina fuisset, universi fere regni luctu extincta fuit. Eodem mense conventus Vladicarum, seu Episcoporum rufficorum, Brzeſcie ad hominum religionis ejus unionem indictus à rege fuerat, Legati in eo à summo Pontifice fuere, Demetrius Solikovius, Archiepiscopus Leopoliensis, Bernardus Macievius Luceorienſis, Stanislaus Gomolinſcius Chelmenſis, à rege Nicolaus Christophorus Radivilus, Palatinus Trocensis, Leo Saphieka, Cancellarius magni Ducatus Lithuaniæ, Demetrius Chaliecius, ejusdem Ducatus Thesaurarius, venerat eo Dux Ostrogia, Palatinus Kioviensis, non contemnendo cum numero, qui religionis ejus hominum quasi caput erat: quique ritus Græci ab Episcopis dissentiebant, peculiarem ibi conventum instituerant. Ex eo legatos expostulatum cum Episcopis mittunt, duosque ex Episcopis, Przemisliensem & Leopoliensem, in partes suas traducunt, mandatum à rege fuerat, armatus ne ad comitia Palatinus Kioviensis veniret: ipse contra



petierat, ut diversæ sectæ homines habere se-  
cum sibi liceret : suæ autem religionis Nice-  
phorum, quorum utrumque ei negatum. De  
hæreticis, quod ad Conventus Catholicorum  
non pertinerent : De Nicephoro, ut qui Ro-  
zuanum in Valachiam adduxisset, cum Turcis  
consilia haberet, ideoque Chocimi à Palatino  
Valachiae in vinculis habitus fuisset : simulque,  
ut dissentientes ad comitia rejicerentur, à Re-  
ge postularat : quod & ipsum negatum ei fue-  
rat, Nicephorum nihilominus conventus, ejus  
dissentientis caput fecerant. Post disputatio-  
nem cum dissentientibus, inter quos multi  
hæretici, Synodus coepta, petacta consensu  
oleulationeque Episcoporum nostrorum in æde  
Divi Nicolai : Indeque, quibus induti erant ve-  
stimentis, ad Divæ Mariæ romani ritus tem-  
plum se contulerunt, ibique hymnum solennem  
decantarunt. Postridie Episcopi nostri cum  
Legatis Regiis in æde Divi Nicolai, Græci ri-  
tus, Liturgiam seu Sacrum Græcum, quod  
paucis omnino à nostris differt, audierunt, Pe-  
tro Skarga, devotissimo Societatis Jesu Pres-  
bytero, Concionatore Regio, quantum in  
concordia boni esset, concionante. Diversa  
pars scripto contra protestata fuit : Metropolita-  
nusque, sive Archiepiscopus Episcoposque ex-  
communicat. Quam excommunicationem  
Nicephorus à Patriarcha Carogradense artu-  
lisse dicebatur, Sacerdotibusque omnibus ritus  
sui commercio obedientiaque illorum interdi-  
xit. Ingressus Varlaviam legatus vicesima se-  
cunda Novembris fuit : obviam illi extra subur-  
bium, à Rege processum, satis magna frequen-  
tia, & Senatorum aliquot, qui convenerant, &  
aulæ. Sub eodem tempus, die vigesima sexta ni-  
mirum Novembris, filiola Regina nata fuit,  
salva tum adhuc puerpera. Sub finem anni,  
Chatfano ab Archiduce Maximiliano antea  
capto, Machometes Princeps Turcarum ma-  
gno cum exercitu in Ungariam venerat, A-  
gram obsederat, eperatque, Maximiliano Si-  
gismundoque Principe Transilvaniae ad præli-  
um contra eum progressis, inaudito fere ex-  
emplo, terrore quasi pannico uterque exercitus  
in fugam conversus : primo quidem Turcicus,  
deinde Christianus, in castra Turcica jam in-  
gressus, prædæque quam pugnae intentionibus,  
utraq; castra per biduum deserta. Qui quidem  
casus varios in nostrorum animis sensus exci-  
tavit, alii enim timore perculsi pacem cum  
Turca spectabant, alii & numero plures cor-  
diores, non ultro differendum agebant sed,  
antequam Turca Cassovia potirentur, & fines  
cum Polonis haberent, commune bellum iis  
inferendum, & fœdus, quod offercebatur, am-  
plectendum, sed jam omnes fere dubitabant :  
neque tam, ut coiret id, quam penes quem invi-  
dia ejus infecti, inanem laborare videbantur.  
Ordines quidem Regni per se non steterunt, quo-  
minus id coivisset, pro certo habebant, ut, qui  
& pacem gratuitam, nec parvis conditionibus,  
ultro à Turca sibi oblatam, per biennium fœ-  
deris expectatione hæcenus non suscepissent :

multa in Valachia & alibi vel dissimulassent, vel  
tulissent : Impletionem Transactionis Bendzi-  
nensis omni jure sibi debitam, tamdiu frustra  
expectassent : tot conventus tandem ejus cau-  
sa habuissent : cum superioribus Regibus quo-  
ties de fœdere appellati fuissent : ut prius cum  
aliis Principibus de eo constitueretur, sine ulla  
vel ulteriore tractatione ejus vel spe res rejecta  
fuisset : A Cæsare econtra nonnulla à nostris  
postulata, quamvis æquissima putabantur, quæ  
in potestate tamen sua non essent : Cardinalis  
solus spes ejus non deposuerat. Itaque, cum  
Regem ad exequias Annæ Reginae Cracoviam  
secutus fuisset, & cum Rege, ut comitia ejus rei  
causa quamprimum rursus indiceret, & de ex-  
ecutione Transactionis Bendzinensis post co-  
mitia differenda diligentissime egerat : neque,  
ut apud Ordines ea de re laboraret, dummodo  
spes aliqua fœderis esset, non alienum se Rex  
ostenderat, & Cæsarem, ut de successu negotii  
nondum desperaret : legatosque adhuc ad co-  
mitia futura mitteret, frequentissime appella-  
rat : Varlaviamque rursus ipse ad comitia vene-  
rat : Indixerat autem Rex comitia Varlaviam in  
diem vicesimum sextum mensis Martii, maxi-  
me quidem, de fœdere certi jam aliquid in al-  
terutram partem constituendi causa : sed ta-  
men & ob Svecicas difficultates, Carolo ex Gu-  
bernatore ad Regnum aperte jam aspirante.  
In comitiis iis, exemplo Tribunalis, legati dis-  
sentientes, maxime Russici, domum remissi.  
Nova res ea visa, neque periculo carere, in co-  
mitiorum quasi potestate legatos esse. A Cæsa-  
re vel difficultate rerum animadversa, vel,  
quod, quæ à se, quamvis rectissime, postula-  
rentur, vel gravia sibi esse, in suave potestate  
non esse, ut imprimis Principum Imperii socie-  
tas, cautioque : ratio gerendi belli, tempus fœ-  
deris quoad bellum duraret. Et alia nonnulla  
similia statueret, nulli legati missi. Quibus ab-  
sentibus, etsi frustra quicquam agi Cardinalis  
ipse agnosceret : quatuor tamen Senatores, bi-  
ni Ecclesiastici, bini Palatini, qui ulterius cum  
illo agerent, ad eum ablegati, quibus etsi per-  
suadere conatus fuisset, ut, etiam absentibus le-  
gatis Cæsareis, quid constituerent. Frustra id  
fieri, ab Ordinibus existimari, responsum fuit.  
Invitatus ad Baptismum Infantis, cujus supe-  
rius mentio facta, Rex Hispaniarum fuerat,  
quod tanto locorum intervallo serius ad eum  
literæ pervenerant. Franciscus de Mendoza,  
Marchio de Gvadaleste, Admiralus de Ara-  
gon, supremus aulæ ejus Præfectus, sub finem  
fere comitiorum primum ab eo venerat. Præ-  
ter officiosam orationem in Belgas perduelles  
& Regiam Angliæ, eos foventem, postulata  
habebat, maxime ad usus commerciorum in  
hoc regno iis prohibendos pertinentia : Rex  
cum præterea auctoritatem suam apud utro-  
que interponendam judicasset, Paulum Dzia-  
linium, Præfectum Radzinensem, ad eos mise-  
rat. Legatio à Belgis æquo animo, ab Angliæ  
Regina, operam suam in fœdere etiam Tur-  
cico Constantinopoli olim navatam expro-  
bran-

brante, alienius accepta. Fœdere autem ab  
omnibus jam desperato in Aulam Turcicam,  
qui pacem constitueret, mittere visum, ante  
comitia jam Petrus Ostrovins ad sustinendas  
res missus fuerat. E comitiis hisce Stanislaus  
Golscius, Castellanus Chalicienensis, pro majore  
legato missus fuit : Zamoiscus tamen, ne ami-  
citæ Turcicæ semper incertæ fideretur, sed  
exercitus haberetur, cum ad pacem æquio-  
rem constituendam, tum à finibus longius ho-  
stium retinendum suadebat. In tanta tamen co-  
mitiorum dissensione frustra. In comitiis iis-  
dem erat Nicephorus, & Palatinus Kioviensis,  
vas quasi ejus, illiusque nomine citatus. Magno  
conatu, tam in Senatu, quam apud Nuntios,  
pro eo intercesserat. Ad extremum iratus dis-  
cedit, Nicephoro & statuto & relicto, qui Ma-  
riæburgum postea relegatus, ibi diem suum  
clausit. Erat in comitiis iis & Tartaricus Lega-  
tus, qui, quod ob detrectatam militiam Un-  
garicam Galgam Principi Tartarorum Turca  
sufficere velle dicebatur, deditionem offere-  
bat. Sub finem comitiorum Rex necessitates  
suas Svecicas proponit : à Caroli, quem admo-  
dum supra ostensum est, ex Administratore  
Regnum Sveciæ invadentis, injuria profici-  
scentes. Missus antea in Sveciam fuerat Jo-  
annes Borcius, Succamerarius Mariæburgensis,  
Præfectus Kioviensis. In hisce comitis alia  
legatio in Sveciam decreta fuit, si animus Ca-  
roli omnia jura Regni, conventu etiam Suder-  
koviæ habito, jam fere perverrentem, & ad se  
transferentem, sanare forte posset. Misi fuere  
Stanislaus Dziacivius, Castellanus tum Elbin-  
gensis, Palatinus nunc Culmenis, Stanislaus  
Cicovius, Succamerarius Cracoviensis, Nico-  
laus Saphia. Bernardus Macieovius, Episco-  
pus Luceorientis, cum Radivilus Cardinalis  
tot annos jam Episcopus Cracoviensis esset,  
post tot comitiorum contentiones, juris poti-  
us usurpandi causa, tum quoque invitus repu-  
gnantibusque Ordinibus, Lithuaniae Episco-  
pus, Vilnensis nominatus fuit. Gedanenses eti-  
am, quod ex superiore decreto Cracoviense  
Templo Episcopo non celsissent, proscripti.  
Infectis rebus ex comitiis disceditur. Zamo-  
iscio imprimis fortunam Reipublicæ & mise-  
rante & deplorante, ad tabularia etiam publica  
Magistratumve suum Reipublicæ non deesse :  
sed Rempublicam à se ipsa deleri protestan-  
te. Die secunda mensis Junii filia minor nati,  
Catharina, mortua Regina fuit. Sub finem fe-  
re Julii Varlaviam Cracoviam cum Rex, excu-  
risset, vicinis Senatoribus convocatis, è The-  
sauro Clenodia quædam consilio illorum de-  
promptis : quorum pignoribus pecunia con-  
quisita, militi, qui ad quinque millia Leopolum  
confluxerat, & ad possessiones regias inva-  
dendas conspiraret, jamque Samboriensem Præ-  
fecturam invaserat, solveret. Quo citius Sobe-  
stianum Lubomiricum, Castellatum Malo-  
gostensem, & Petrum Miskovium, Præfectum  
Olivicimensem, cum pignoribus iis ad eos  
ablegat, moxque Cracovia discedit, cautione

Theaurario de acceptis pignoribus relicta.  
Anno Domini supra millesimum quingentesi-  
mum nonagesimo octavo, Varlaviam in diem  
2. mensis Martii comitia à Rege indicta. Ma-  
xime quidem discessus in paternum Regnum  
Sveciæ, quod plane jam à Carolo occupaba-  
tur, causa. Sed tamen & aliæ cum finitimis dif-  
ficultates, curam Regis & Reipublicæ requi-  
rebant. Imprimis quidem Joannis Batilidis fi-  
lio mortuo magnus Moscoviæ Ducatus vaca-  
bat : induciæ autem in exitu jam erant. Quem-  
admodum antea aurem ostensum est, prima  
de itinere Svecico deliberatio erat : dum autem  
in apparatu eo & cogitatione Rex esset, Anna  
Austriaca, Regina Poloniæ & Sveciæ, lectissi-  
ma matrona, & de cujus laudibus longum esset  
dicere, viginti quatuor annis nondum exple-  
tis, quinta idus Febr. inter duodecimam & pri-  
mam horam meridianam, in partu Varlavie  
moritur : necessitate urgente, uterus cæsus, fili-  
usque vivus adhuc exemptus, sacroque Baptismo  
initatus, Christophori nomen secum ferens,  
paulo post Baptismum matrem secutus fuit :  
Etsi autem in luctu & moerore Rex atque uni-  
versum fere regnum erat, comitia tamen jam  
ante indicta, habita nihilominus fuere, ac pri-  
ma quidem maximaque cura de Moscovia erat.  
Missus in eam, initio mox comitiorum, Stanis-  
laus Radziejewius, Præfectus Sochacevianus,  
fuit : qui, in mutatione ista rerum, non solum de  
statu earum cognosceret, verum per occasio-  
nem etiam animos hominum tentaret. Cum  
Orissam venisset, Borissovum, Chodononum,  
Calendis Martii jam, in magnam Moscoviæ  
Ducem electum cognovit, non sine factione  
plurimis Bojarorum in Regem propensis. Re-  
bus igitur pro tempore constitutis, subsidioque  
in iter hoc ægium ab Ordinibus in comitiis  
iis decreto, qui circa funus etiam ex aulicis es-  
sent, designatis, itinere se Rex parabat. Prius  
autem de morte Reginae per Joannem Go-  
stomsciu, Palatinum Polniamensem, Vale-  
centem Gembiniensemque Præfectum, Archi-  
ducissæ viduæ fratrique mox significatum : con-  
solatioque, quæ ab ipso molestissimo Rege ad-  
hiberi potuit, adhibita : Simul vero ad sum-  
mum Pontificem, Cæsarem, Principes Impe-  
rii, literas dat, quibus & suam benevolentiam  
in vicinia hac per absentiam suam in Sveciam  
illis defererebat : & quid de illorum, subdito-  
rumque ipsorum, polliceri sibi Regnumque hoc  
deberet, quærebat : eoque magis, quod non so-  
lum Transactioni Bendzinensi, imprimisque ju-  
ramento Archiducis Maximiliani, frustra Re-  
ge Ordinibusque tam diu id postulantis, satis-  
factum non esset, verum Sigismundo, Principe  
Transilvaniae, divortium cum uxore sua, Ma-  
ria Austriaca, defunctæ Reginae sorore, apud  
summum Pontificem & Cæsarem agitante, no-  
va etiam consilia, tum de Transilvania, quam  
Nuntius etiam Apostolicus, Germanicus Ma-  
laspina, Episcopus sancti Severi, qui per aliquot  
annos in aula Polonica prudenter res tractarat,



à summo Pontifice revocaretur : à Rege tamen, benevolentiae summi Pontificis fiducia, ad exitum usque comitiorum retentus fuit. Per idem comitiorum tempus, summo Reipublicae Christianae bono, magna quoque omnium laetitia, praeter omnium fere spem, Taurinum receptum. Negorium Caesar dederat Adolpho Schvvarzenbergio, Baroni Germano, in Belgicis expeditionibus versato, & Nicolao Palfio, claro in militia Ungarica Ductori, ut, ex vicinis praesidiis milite coacto, rem tentarent. Cum hyemis ejus tempestate lentius negotium procederet, Schvvarzenbergius tamen instrumendo bellico, in Gallia nuper excogitato, (Petardam vulgo vocant) intempesta nocte, in oppidum prius aditum sibi patefacit. Cum animadversa res à Turcis fuisset, inque interiorum arcem, in quo arma instrumentumque omne bellicum asservabatur, concurrissent, per quatuor horas & ultra certatum. Turcae mille sexcenti & Bassa caesi, civitas, arx integra cum omni instrumento bellico, in potestatem redacta. Sub finem comitiorum Joanne Tarnovio, qui in Archiepiscopatu Gnesnense mortuus postea fuit, à Vicecancellariatu in Episcopatum Posnaniensem translato, Petrus Tilicius, Episcopus tum Culmenis, qui per omnes honores gradus ad Episcopatum Cracoviensem evectus, nuper diem suum in eo clausit, summæ virtutis vir ad Vicecancellariatum promotus à Rege, in eoque illum in Sveciam comitatus fuit. Jus etiam Prussicum, quod correcturam vulgo vocant, à prima usque accessione ad regnum, semper postulatam, nunquam perfectum, tum Reinoldo Heidensteino, & Nicolao Nieviescinscio, Secretariis regis, ab Ordinibus adhibitis, perfectum, in iisdem comitiis exhibitum, omniumque Ordinum auctoritate confirmatum fuit. Ante id tempus, sub juris Culmenis nomine, nullum quasi jus erat, quod enim Culmenis jus vocabatur, Civile potius quam Terrestre fuit, idque ipsum imperfectum. Itaque Palatini & pro arbitrio suo judicia, in quodcumque tempus & quemcumque eis locum videretur, ut plurimumque in aulam vel comitatus suos indicebant, & alia pleraque pro arbitrio suo administrabant, in tanta pro judicio suo, quorumcumque sententiarum diversitate, omnibus satisfacere difficile sane fuit, in quibus tamen libertas equestri maxime deposita videretur, ut fieri potuit, constituta: tamdiu valitura, quamdiu nova appetere homines desierint. Sub tempus discessus regis in Sveciam Stanislaus Golscius, Castellanus Chalcienis, qui foederis causa in aulam Turcicam missus fuerat, cum foedere redierat, unaque cum eo Piralis Causius Turcicus. Sed & in foedere novata aliqua fuerant, maxime ad commercia mercatoresque pertinentia: & literis, quas Piralis secum attulerat, non pauca à narratione responsoque, quod Golscius secum attulerat, diversa reperta fuerant. Ipsius igitur Piralis consilio alium nuntium mittere visum. Missus autem fuit à Rege Mariæburgi jam exi-

stente Joannes Felix Herburtus: maxime quidem, cum in Hungariam exercitus Turcicus tum mitteretur. Chanus etiam Tartarorum cum illo iret, ne per ditiones regias aut illis vicinum exercitum duceret, omninoque maleficio aliquo vel in finibus vel extra fines versaretur. Aliasque contra Socoriensem amicitiam nuper restitutam non modo donativum illi non expectandum: sed, quod ab Ordinibus maxime urgeretur, rationes ulciscendæ ejus injuriæ quaesitum iri, intraque ipsos fines ipsius persecutum eum iri. De itinere Svetico significaret: maxime tamen de Palatino Valachiae à Rege Poloniæ integro tributo Turcico, Christiano quoque, qui pacem utrinque tueretur, constituendo: similiter in Transilvania, si in potestatem Turcae veniret; Chussio itidem, Mukacio Sepusio, ut quæ in finibus regni sua essent, in quaque jus aliquod Regnum haberet, & pacis cum Turcis servandæ causa à vi Turcica tenendis servandisque & tributis à mercatoribus partem ipsis, partem Talieris, quæ importarent, praeter morem exigerentur: Quæ pleraque, in foedere Golsiano, in dubium vocata videbantur. Herburtus post sub mensem Februarium Anno subsequente, cum ex Svecia Rex jam rediisset, commodioribus aliquanto conditionibus foedus retulit. Dum in Sveciam Rex proficiscens in Monasterio Olivense aliquandiu haereret, juramenti instrumenta Archiducis Maximiliani in Transactionem Bendzinensem praestiti ei asseruntur, tradunturque: facile ut appareret, quod summa necessitudo, assiduaque Ordinum flagitatio, ipsiusque rei vi, elicere haecenus non potuisset, mutationem Transilvaniae, quæ expectabatur, agitabaturque, demum elcuisse. Rex interim decima Augusti Calmariam satis feliciter pervenit, profectus autem fuerat, Georgio Farensbecio Duce, quem universis copiis praefecerat, ultra quatuor aut ad summum quinque Germani scoti, militis milia secum non habebat, cujus majori parti Hilbrandus Craicius Prussus praerarat, praeterea ordinariam saltem cohortem suam peditum contra perfidiam praesidii, utique aliquid vel ad integrum regnum occupandum oppugnandumve, quod Carolus totum in potestatem suam jam redegerat, exiguum omnino apparatus: Et si autem Calmariae etiam Praefectum praesidiumque Carolus immutaret, in fidemque suam jam redegerat: arcem tamen etiam, atque oppidum, à praesidiariis praesentia & metu nominis regis teritis in deditionem accepit. Prima ac potissima deliberatio de ratione itineris fuit, Sveticis Consiliariis omnino studio, ut navibus iretur, incumbens: Farensbecio rursus omni ratione ab eo instituto illos deterrente, & cum alia incommoda, quæ intervenerunt, tum maxime tempestatis periculum, praedicente. Cumque illi omnem spem in studiis atque auxiliis popularium haberent, ne ad illa quidem colligenda satis aptum maritimum iter demonstrante. Cum ut maxime adungere aliqui se ad partes vellent, nisi terra

tamen iretur, concursus nullus fieri posset. Vicit tamen Sveticorum Consiliarios sententia, siue Vere, ne, si terra iretur, licentia forte militis animi regnicolarum alienarentur motuentium, siue cum non solum impedimenta multa, sed aliqui uxores & liberos secum haberent, commoditati suæ consulendum. Ita vicefima quarta Augusti, navibus conscensis, die III. mensis Septembris cum solis viginti sex circiter navibus Stecburgum, non magnum aut munitum castrum, in quo Sors regia jam erat, Rex pervenit: reliquæ naves, tempestate subito exorta, diversas in partes disjectæ, portum tenere non potuerunt: quod primum incommodum oblatum successum Regi non mediocriter impedivit. Et si autem in universum vix ostingenti cum Rege essent, castra tamen, quemadmodum è re nata fieri potuit, metata. Quod auxilia Livonum & Finnonum adventare Regi Carolus intellexisset, & ante, ut iis occurreret, Calmaria discesserat, & classe, contra eos missa, non nihil se exarmarat: Quamprimum tamen de adventu regis Stecburgum intellexisset, duobus circiter milliariibus castra inde posuit: interim naves pleraque Regis, in quibus peditatus fere erat, redierant. Carolus decima octava Septembris, spem subito opprimendarum copiarum regiarum nactus, repente adortus eas fuit. Cum tamen in tempore occursum ei fuisset, non modo rejectus, sed aliquot centenis suorum amissis in iniquum etiam locum compellus fuit, tandemque praelium eorundem Sveticorum Consiliarios, ne florem Regni sui ipse perditum iret, Regem obstantium precibus diremptum, clamante testanteque Farensbecio, in manibus eo die Regem Victoriam habere: verum, dum illi hosti omnibus rebus parant, se ipsos, quemadmodum exitus postea docuit, in perniciem praecipitant. Post die sub ipsum Stecburgum, in alteram partem fluminis, quod Stecburgum à continente dividit, castra traduxit. Itaque communit, ut & exitus, aditusque maritimos, ipse in potestate haberet, & castrum ipsum tormentorum ictibus maxime expositum esset: ipsi autem, quod praesertim à tormentis & apparatu bellico instructissimus esset, nulla re noceri posset. Tractabatur interim à legatis nonnullis Electoris, & Marchionum Brandeburgensium, Ducisque Megaloburgensis, de pace: sed & Svetici Consiliarii certam in spem venerant, itaque Regi persvaserant, modo spatium Caroli hominibus daretur, omnes eo deserto ad Regem se converturos, non minoremque de ipsa classe spem haberant: & Carolus, ad quem indices plures concupiebat, tum classem maxime ipse etiam expectabat: quare ita, quemadmodum exitus docuit, conditiones utrinque propositæ & acceptæ, quemadmodum ab iis, quibus ducirem expediret: verum Svericos Consiliarios tantum spes fefellit, ut non modo non accederent ulli ad Regem, verum homines illorum

ad classarios & pagos quosdam sollicitandos missi ab iis, ad quos missi erant, comprehensi, arboribusque alligati, sclopetorum ictibus confingerentur: Carolus etiam variis artibus in odium suspicionemve Provincialium adducere Regem conabatur: ita, ut inter alia non nativum Joannis Regis filium eum esse, sed à nostris subjectum persuadere iis non dubitaret, aliquotque pagi, cum ad inspiciendum eum mississent, vanitatem Caroli ultro perspexerunt. Trigesima Septembris classis ad Carolum rediit, navesque aliquot, partim in anchoris in ostio fluminis constitutæ, omnes tam exitus maritimos, quam aditus Stokolmiam terrestres, Regi percluserat, optimum è re nata consilium visum, ut Calmariam Rex, unde venerat, se reciperet. Itaque Calendis Octobr. Stecburgio movit, Linkopiamque septeno à Stecburgio milliari venit: nondum tantum vel virium, vel animi, Carolo adhuc habente, ut adoriri proficiscentem auderet. Et si autem eo consilio Rex profectus fuerat, ut Calmariam recta se conferret, maximeque Farensbecius à Rege id contenderet, Sveticis tamen Consiliariis instantibus colloquia Carolo offerente tempus tractum: interim, castris utrinque communitis, cum in aciem jam copias utrinque eduxissent, Carolo iterum colloquium offerente, ab iisdem Consiliariis Sveticis, ut in castra exercitus reduceretur, obtentum: qui, postquam reduci coepisset, signum pugnae, è castris Regis, in certum à quo datum fuit: ad cujus auditum, Carolus cum copiis suis iterum accurrit, equitatum omnem è Svecis Rex habebat. Quorum, ad Carolum insultum, nullus se commovit: Reliquæ copiae, jam reduci coepere, facile perturbatae. Inter ipsum deinde praelium strepitumque armorum condiciones à Carolo editæ. Inter quos praecipuae: ut Stokolmiam Rex se conferret, comitia ibi indicerentur, eorum judicio potestati se submitteret: Carolum in suo Principatu interim abfuturum, ad comitia iterum se stitutum, actorumque suorum rationem redditurum, Consiliarios interim omnes, quos circa se haberet, dederet, in custodiisque interim essent: Quod nihil aliud erat, quam ut non modo Consiliarios certæ morti exitioque Rex traderet: verum se ipsum etiam incertæ fidei & potestati Caroli permitteret, verum, cum utrinque ita discessum, in diversaque Carolus profectus esset. Rex consilio salutis suæ capto, aliis è comitatu suo praemissis, aliis sublequi iussis, itinere Stokolmense relicto, mense Octobr. Gedanum venit. Qui ex comitatu ministrisque regis post discessum regium deprehensi fuere, inter quos Stanislaus Konarscius, Cast. nunc Ged. Praef. Mariæb. excubiarum in exercitu Dux, omnes à Carolo capti, in vinculisque habiti. Per id, quod reliquum erat anni sequentis, Varaviae, Cracoviaeque, cum aliis negotiis & reipubl. vacabat, tum exequiis etiam reginae occupatus fuit: Indictum autem funus reginae fuerat in diem 13. Oct. Cracoviam solennem funerum regionum locum,



ad idq; matrem & fratrem invitandum Græci-  
um Andreas Opalienus de Bnino, Præpositus  
Plocensis, Pragæ ad Cæsarem Joannes Go-  
stomscius, Palatinus Posnaniensis, & Aulicus  
æ regius, missus fuit: iisdemque, maxime autem  
Gostomscio de aliis etiam nonnullis rebus, ut  
Valachicis, Sveticis, Brunsvicensi negotio, ali-  
isque ejus generis, de quibus paulo post etiam  
Adriano Rembovio, Secretario regio, man-  
data data. Non parvum autem omnibus rebus  
impedimentum erat pestis, quæ plerisque in lo-  
cis per Poloniam tum grassabatur. Cum Sigis-  
mundus Princeps Transilvaniæ inter Cæsa-  
rem Christianorum & Principem Turcarum,  
utrumq; potentem, maxime etiam Nobilita-  
tem Transilvanicam non ita pridem tot Pro-  
ceribus sublatis offensam, consiliaq; de divo-  
tio & relinquenda Transilvania, fluctuaret,  
conventumque iis de rebus haberet, Andreas  
Batorius, Cardinalis, Episcopus tum Varmien-  
sis, Præpositus Miechoviensis, jam ante qui-  
dem supplicio fratris aliorumque Procerum  
gravissime à Sigismundo exacerbatus, quem-  
admodum ipse tamen præ se ferebat, ut laben-  
ti domui patriæq; consilio subveniret, superio-  
ribus offensis omnibus ei condonatis, Rege  
Senatuq; prius non consulto, in Transilvaniam  
supervenit, à Sigismundo discessum jam medi-  
tante persuasus Principatum ipse suscipit, ad  
conventum, ab eo partim invitatus, partim  
precibus coactus, accedit, ab universiq; con-  
ventu Princeps Transilvaniæ creatur. Qua de  
re cum ad utrumque Imperatorem, tam Chri-  
stianorum, quam Turcarum, tum imprimis ad  
Regem literas dat, utque pro se ad eos interce-  
dat, quo voluntate eorum in Principatu eo to-  
leraretur, petit. Cum ad Cæsarem Rex scriberet,  
ostendit, quemadmodum à Cardinale si-  
gnificatum ei erat, ne cogitanti quidem illi  
principatum delatum esse, preces populari-  
um, pericula Patriæ, necessitatem quasi, ultro  
ejus accipiendi, illi imposuisse, Petere, ut, quod  
accidisset, præsentis Christianitatis statui con-  
donaret, quodque casu & fortuito accidisset,  
consilio & clementia sua corrigeret, salvaq; di-  
gnitate sua, communis status Reipublicæ Chri-  
stianæ rationem haberet, ostendit Cæsar, re-  
sponso suo, jura, quibus Transilvania diversis  
fœderibus, ab antiquo devincta, Ungariæ es-  
set: Cardinalem in ipsa conversione rerum ad  
se quoq; generatim scripsisse, se etiam genera-  
tim ei respondisse: prout studium ejus in com-  
munem Rempublicam Christianam & in se  
quoq; observantia futura esset, suum quoq; erga  
eum animum futurum: Interim, ut non so-  
lum ipse Cardinalis, clientela Turcica relicta,  
Christianitati hæreat, sed etiam, ut ne quis è  
Polonia illius partes, si illis adversentur, foveat.  
Quod non minus in ditiones æ regias, quam  
ipsius, varia rerum momenta inferret: verum  
sequente anno nonagesimo nono, sub initium  
ferè Autumni, in Transilvania insignis mutatio  
subsecuta, quemadmodum paulo ante osten-  
sum est, Andreas Cardinalis Batorius ab Ordini-  
bus Transilvanicis in Principem electus, seu

potius, ut eligeretur, persuaderi sibi passus, ibi  
inter utrumque Cæsarem, tam Christianum,  
quam Principem Turcarum, aliasq; difficulta-  
tes, infidasq; societates, anceps versabatur: ne-  
que vero tam, quas partes sequeretur, delibe-  
rabit, quam, ut utriusque partis gratia salva à  
bello ipse abesset, laborabat: cum uterque, ut  
in amicitia sua alterius partis hostis esset, po-  
stularer. Ut supra ostensum est, Germanicum  
Malaspinam, Episcopum sancti Severi, qui per  
complures annos legationem in Polonia obie-  
rat, summus Pontifex revocarat, quem, ut  
conditiones inter Cæsarem & Cardinalem tra-  
daret, miserat. Albx Julix autem sub id tem-  
pus comitia à Cardinale indicta fuerant. Mi-  
chael interim, Moldaviæ citerioris Palatinus,  
qui & antea in chentela Sigismundi Principis  
Transilvaniæ fuerat, & Cardinali etiam jura-  
mento se obstrinxerat, quod satis certo con-  
stat, pecunia Cæsarea exercitum pararat, &  
quasi contra Turcam eum circa se habebat.  
Nuntius interim affertur, primum à Brasovi-  
ensibus Michaellem, quem ultra Danubium  
contra Turcas moturum confirmarant, Tran-  
silvaniam versus appropinquare. Quibus cum  
à Caspare Cornisio, Præfecto militiæ Tran-  
silvaniæ, aliisq; Senatoribus, fides non habere-  
tur, aut non haberi simularetur: pluribus post-  
ea Nuntiis Transilvaniam jam ingressum, om-  
nem vastare diversis ex partibus confirman-  
tibus. Cardinalis sub oppidum Sansehrs mo-  
vet, indeq; universum exercitum, quindecim  
circiter millium, in castra contra Michaellem  
contrahit, quæ ad Ciebinum, oppidum Saxo-  
nicum, posita. Habebat circa se Malaspinam  
Nuntium Apostolicum, aliosq; nonnullos, vix  
duobus jam milliariis cum exercitu suo Mi-  
chael aberat, quem ex diversis nationibus, ad  
viginti quinque millia circiter, habebat. E Polo-  
nis, quorum magna pars, cum antea Cardinali  
operam suam addixissent, per aliquotq; tem-  
pus cum illo versati fuerant, ab illo ad Michae-  
lem transierant, duo millia quingentos: Mol-  
daviarum tria millia: Ungarorum totidem, Si-  
culorum sex: Valachorum Serbiorum, Ratcia-  
norum, ad decem millia. Episcopus sancti Se-  
veri negotium pacificationis inter eos susci-  
pit. Ad Michaellem in castra profectus, ex iis-  
dem reversus, Cardinali, ut ex loco, in quo  
constiterat, satisque commodum cuperat, ob  
pacem majore commodò postmodum tractan-  
dam se reciperet, persuadet. Idem Michaellem  
facturum, commeatu interim exercitui à Car-  
dinale permissio, non parva pars dilapsa, non  
multo post Cardinali nuntiatur, Michaellem,  
qui retrogredi debebat, in locum, quem Car-  
dinalis reliquerat, cum exercitu successisse.  
Episcopus S. Severi ad appropinq. Mich. iterum  
profectus, paulo post reversus, nullâ sp̄e pacis  
esse Cardinali ostēdit, Michaelēq; præliū cō-  
mittere decrevisse, indeq; in oppidū Ciebinum  
mox digreditur, Cardinalis Ducibus, ut exer-  
citū instruerent, negotio dato, brevē orationē  
ad exercitū habet: Qua & perfidiā Mich. con-  
tra jusjur. ab eo datū, q̄ tū lectū fuit, beneficia-  
que

que in eum Transilvanica ostendit. Primo  
prælio Caspar Cornis, copiarum Transilvani-  
carum Dux, captus fuit, qui humane à Mi-  
chaele acceptus, veste, qua ipse indutus fuit,  
donatus ab eo fuit. Ab aliis exercitus ejus vix  
non fufus recipere se jam Michael cogitabat.  
Cum à Polonis, qui cum illo erant, confirma-  
tus, animatusque, ipsis fortiter pugnantibus,  
Transilvanosque cædentibus, pugna restituta,  
moxq; inclinata fuit. Princeps cum duodecim  
circiter ex prælio excedit, consilioque Miko  
Mikluffa, Præfecti arcis Kduarkelæ, versus Si-  
culus montes se recipit, inde in Valachiam  
pervadere se posse sperans. Kduarkela versus  
Valachiam cum septem circiter comitibus,  
inter quos ex Sicula Nobilitate aliqui erant,  
postquam ad Cikum, oppidum Siculum, per-  
venisset, multitudine agrestium à Michaelle  
jam admonitorum, & alijs, ad cædem Domi-  
norum, à Michaelle incitatorum, vi conclama-  
ta, comites omnes, duobus nobilibus Siculis  
exceptis, cæsi fuere, cum quibus Cardinalis in  
montes vicinos summa fuga è conspectu eo-  
rum se eripuisset. Defatigatus cum aliquantum  
somnia se dedisset, à Siculis rusticis, ubiq; eum  
pervestigantibus, tandem repertus, & ut fer-  
tur inter eos, à proprio quodam familiari suo,  
cum duobus, quos circa se habebat, comiti-  
bus, fortiter se defendens, interfectus fuit, ca-  
putq; abscissum, ad Michaellem delatum, quod  
Michael, Alba Julia jam occupata, ibidem per  
integrum diem, quemadmodum & aliorum  
quorundam Procerum, in cubiculo suo apud  
se habuit, Ungaris Transilvanisq; Proceribus  
ostentui spectaculo ve. Postea ad Davidem  
Ungadem, Legatum Cæsareum, qui paulo  
post prælium cum pecunia ad Michaellem ve-  
nerat, missum, indeque ad diversos circumla-  
tum fuit. Tandem Templo Patrum Societatis  
illatum, corpusq; à Siculis jussu Michaelis ad-  
vectum, posteaq; oculis à Michaelle perlustra-  
tum, ejusdem jussu ad sepulturam purgatum  
lotumve fuit, 23. Novembris, in ipsis comitijs,  
quæ Michael tum peragebat, sepultura man-  
datum fuit, Senatoribus Transilvanicis, cor-  
pus ferentibus, Michaelleque ipso, candelam  
manu gestante, id comitante, inque majore  
Templo circa Janusum, Joannis Regis filium,  
conditum: Hic exitus Cardinalis Batorii fuit:  
Jussu Cæsaris, an Michaelis perfidia, incertum:  
diversa enim de utraq; re fama. Ipse Epi-  
scopus sancti Severi non sine gravi suspitione  
fuit, in gratiam Cæsaris in cladem eam Cardi-  
nalem impulisse, non solum, quod, cum apud  
Cardinalem esset, multis in rebus, consilio Mi-  
chaeli favisse, visus fuisset: sed post mortem eti-  
am ejus ultra decem dies cum Michaelle versa-  
tus adhuc fuisset. Mihi sane summi Pontificis  
Nuntium, ejusdem autoritate ad cædem ne-  
cemq; hominis Ecclesiastici, maxime Cardi-  
nalis, abuti ausum fuisse: imprimis autem, cum  
per tempus legationis Polonicæ summus cum  
Cardinale usus ei intercessisset, autorem cædis  
ejus esse potuisse, verisimile fieri non potest, à

summo etiam postea Pontifice, qui autores,  
adjutores consiliq; cædis ejus fuissent, consili-  
umque, auxilium consensumq; in eam præsti-  
tissent, gravi anathemate percussu fuere. Cæsar  
quidem, literis mox ea de re ad Regem datis,  
partem esse Transilvaniam Ungariæ Regni, &  
tanquam membrum corpori adherere, sed su-  
periorum annorum, quibus impia Machometi  
barbaries in Ungariam longius latiusq; pene-  
trasset, injuria ab illegitimis detentoribus, &  
injustis, ope Turcarum, divulsam, & inique  
possessam fuisse; in publico ac solenni totius  
Provinciæ conventu, Sigismundum ipsum Ba-  
toreum, cum primo illam Cæsari restituendam  
decrevisset, coram legatis suis diserte falsum  
fuisse: Quam vero ipse, qui nulla ambitione  
moveretur, ægre ad illius possessionem, quæ  
varijs etiam minis illi propositis offerretur, ca-  
pessendam adductus fuisset, optime summum  
Pontificem novisse: à quo obnixè, ut autorita-  
te, & hortatu suo, accessionis ejus & divortii  
consilio suo Sigismundum abduceret, petiis-  
set. Meminisse ipsum Sigismundum quam di-  
ligenter ac serio, cum illo non solum per literas  
ac legatos, sed coram etiam Cæsare ipse, ut in  
Provincia maneret, cum eo egisset, sed cum  
obstinatè in sententia perstrisset, secessumq;  
in ditionem Cæsaream urfisset, nihil magis cu-  
ræ sibi fuisse, quam, ut, quæ promissa illi essent,  
integre ac sincere præstarentur. Præstita vero  
ei fuisse, jam antea omnia, etiam ante diem ali-  
qua repræsentata, solas literas mercatorum,  
qui censum annuum numerare ei deberent,  
desideratas fuisse. Quas in primo numeratio-  
nis termino, quemadmodum pollicitus fuis-  
set, missurus ei fuerat. Cum interim temerita-  
te sine dubio in Transilvaniam rediisset, pacta  
conventa omnia sustulisset, nihil pensi habens,  
quod solennibus verbis, literis, signis, ad ea se  
obstrinxisset: mox rursus, siue pœnitundine du-  
ctum, tanquam nauseante stomacho, siue per-  
nitiosa consilia, quæ cum Cardinale Batorio  
machinaretur, occultare volentem, legatos ad  
se amplissima cum facultate ac præscripto ma-  
nu sua in multa capita redacta ad se misisse.  
Juxta quæ simul atq; secum transegiissent, jam-  
que in reditu essent, Cardinalem Batorium ali-  
ud in ingressu ostentantem, ab illo Transilva-  
niæ Principem suffectum sibi allatum, quem  
varia deinde simulatione dum cum Turcis  
Tartarisque ageret, literulis ad se in speciem  
scriptis, legationem sese missurum, ut suam sibi  
observantiam probaret, pollicitum fuisse: su-  
pervenisse multo post tempore Episcopum  
sancti Severi, à summo Pontifice iis mandatis  
missum, ut, ubi mentem Cæsaris cognovisset,  
Cardinalis animum, quoad ejus fieri posset,  
eodem duceret, illum à sententia ipsius, ei si-  
gnificata, longe discedentem, eas cum Cardi-  
nale tractandi conditiones, quæ Cæsari & no-  
væ viderentur, & graves inivisset, quibus nihilo-  
minus reverentia in summum Pontificem cer-  
tis modis & conditionibus assensum se fuisse, si  
numirum convenienti ipsius, qui læsus fuisset,  
ratio-



ratione habita, nihil cum Turcis de pace statueret: sed iis omni conatu potius se opposuisset: Zolnocium aut alia loca obsideret, copias suas cum Cæsareis conjungeret. Quæ tantum abesset, ut ab illo observata fuissent, ut ne minimo quidem signo voluntatem id præstandi ostenderit, quin potius adversus eos, qui Cæsareas partes sequerentur, tanquam apertum hostem se gessisset: Hustum occupasset: Stephanum Boczikajum, inter Transilvanos primarium, qui ipsius permisso ad se, ut sese juramenti illi præstiti, religione exsolveret, ob solâ suspicionem, tanquam de contrariis consiliis contra se cum Cæsare communicasset, possessionibus amplissimis exuisset: Clientelæ Turcicæ insignia, vexillum, clavam, aliaque dona, quæ à Valacho intercepta, acceptanda duxerit. In Moldaniæ Vaivodam, quem sibi conjunctum non ignorabat, & Turcas, & Tartaros, aliosque concitare, ipsumque ditione pellere atque dejicere conatus fuisset. Quo Palatinus comperto, quæ Cardinalis in illum strueret, mature præveniendâ ducens, jussu suum non expectasse: Quod singulari præpotentis & perfidiam vindicantis Dei permisso factum se interpretari: ut non solum Transilvani, sed & alii populi discerent, non temnere Numen divinum. Daturum hoc sibi Regem, ut de Cardinali, qui minime tanquam Cardinalis se gessisset, quique loco Galeri Diadema regium propria auctoritate invadere ausus fuisset, quæ comperta haberet, diceret, non jam se dicturum, quam virulentam in se orationem, etsi minime ab eo lesus lacessitusque fuisset, sed omnem potius benevolentiam expertus fuisset, apud Sigismundum Batorium, ut ejus erga se animum alienaret, & à partibus suis abstraheret, investus fuisset: graviora nuper inter Imbram Bassæ scripta, quæ profugii duo juvenes, volentibus sine dubio ita Superis, tulissent, detecta fuerint, ut nimirum Turcarum Principi se commendasset, totumque subjecisset, ut Bassarum auxilia implorasset: id manu, id signo ejus probari posse, hominum, non Dei cuncta cernentis, iudicia ex iis, quæ specie quadam externa simulantur, falli, & à vero abduci posse: esse autem acrem insimulationem, qua populis perniciem, justitiæ ac fidei temeratio afferretur, divinâ vindictam; quam si Cardinalis: dum in Turcicam clientelam se dedisset, aliudque sibi speciose persuadere conatus fuisset, ultro sibi accersivisset. Neminem fore existimare, tam iniquum rerum centorem modo prosperis rei Christianæ contra Turcas successibus lætaretur, quin pio animi affectu gratulaturus illi esset: Si Cardinalis inde pulsus fuisset, sibi met ipsi id eum imputare debere: qui aliena invasisset, qui populos illos ad perjurium ac perfidiam à devotione, qua sibi devincti fuissent, vi metuque coegisset flagitium id flagro dignum fuisse; ne impune jurejurando, quod omnibus ubique gentibus sanctissimum habitum, ludi existimeretur. Nulla quidem major calamitas esse potest, quam si non solum ini-

que innocentia opprimatur, sed post mortem etiam indefensa sceleris ultro arguatur. Juste ne Cardinalis Batorius post mortem accusatus fuerit, difficile iudicium est: Inter tam potentes enim vicinos interjectum, pacemque sibi & provinciæ desiderantem, cum Turcis etiam eam agitasse, negari non potest, sed ea conditione, si ab omni bello consiliisque contra Christianitatem abstinere ei permissum fuisset, aliter ad Imperatorem Christianosque transire constitutum habuisse, quod non tantum ex literis ejus ad diversos scriptis, verum conditionibus etiam, quas cum Turca tractabat, quæque adhuc extant, perspicui potuit, post mortem autem nemo vel tractat, vel scriptitat. In eandem etiam sententiam à Rege ad Cæsarem responsum. Fieri posse, ut ad Turcam quoque, militarit, sed magis destinendi ejus causa, quam societatis alicujus ineundæ. In ea autem mutatione rerum Valachiæ securitati & Hieremiæ à Michaele cavet. Varlaviz deinde sub initium mensis Februarii comitia à Rege habita, in quibus, etsi gravissima pericula, tam à Michaele, quam Carolo, & aliunde, præ foribus imminere viderentur, nihil tamen ad defensionem propugnationemque Regni constitutum. Superioribus comitis commissio in Livoniam, Joanne Demetrio Solukovio, Archiepiscopo Leopoliense, à Principe missa fuerat, ad constituendas ibi res, imprimis iudicia, quæstionemque de iis, qui contra Rempublicam superioribus mutationibus Livoniæ aliquid fecisse, fidemque aliqua re violasse dicerentur. Cum auctoritate publica Ordinum confirmari non possent, Senatus consulto interim pleraque rata habita, maximeque quæstioni ne amplius haberetur, finis impositus, & ad futura comitia reiecta fuere. Estoniæ etiam cum reliqua Livonia conjunctio incorporatioque hæcenus ab Ordinibus à Rege petita, tandem in iis comitiis perfecta editaque à Rege fuit. Joannes Firtlejus etiam, Regni Thesaurarius, ex comitiis iis missus, & maxime quidem ad Nuptias Archiducis Ferdinandi, ad Cæsarem tamen etiam descendere jussus fuerat, publice quidem iis, quæ Transactioni Bendzinensi adhuc deerant, ut Titulo Livoniæ, Juramento Ungariæ, Debito Brunsvicensi, sed Valachicis etiam, Moldanicisque, & aliis similibus rebus: privatim tamen secretiora mandata de Matrimonio Archiducis Ferdinandi filiz, quæ præfenti Cæsari nunc nupta est, habere putabatur, ad summum etiam Pontificem, eodemque fere exemplo ad Electores Imperii literæ datæ. Juramentum quidem ab Archiduce Maximiliano in Transactionem Bendzinensem jam præstitum & ad se missum esse, sed primum non eo fortassis modo, quo præstari debuerit: cum neque denuntiaturum antea sibi fuisset, ut mittere aliquem potuisset, qui suo Ordinumque regni nomine illud exigeret, præstationive ejus interesset, neque quisquam omnino ex parte sua vel testis interfuisset.

Verum

Verum minus hoc esse, neque sanè tantopere id à se requiri; fidem se habere instrumentis, quæ ad se missa essent, habere testimonio Cæsareo: ipsius denique Archiducis Maximiliani Chirographis, & signo; graviora hæc esse: Primum quod præter præscriptum Transactionis ejus Livoniæ titulus in juramento, & instrumentis illis ex instituto, ut appareret omisus esset; quæ res non solum ratione Imperij Germanici, suspecta Ordinibus esset, sed non minus, ob magnum Moscoviæ Ducem, cum quo varia, pacta & consilia agitari dicerentur. Præter hæc cum ut alij Ordines ditionum Cæsarearum, ita imprimis Ungariæ Regni Ordines, in eandem Transactionem intra definitum tempus, solenne juramentum ipsi etiam præstare debuissent. Sacramentum id, & in Transactione acceptum, & toties promissum, in hunc usque diem, nullum adhuc ab illis præstitum. Eam autem rationem Ungariæ esse, ut in nullam partem ditionum Cæsarearum, magis quam in eam intentos Ordines Regni esse oportere, quod & vicina ditionibus Regni esset, & exercitus magni instructi, paratique assidue in ea versarentur. Non minus grave, quod cum in Transactione ea Bendzinense, ex hac parte Sigismundus Princeps domus Battorea ac Transilvania, adeo ipsa diserte excepta, fœdereque pacis ejus inter se tum constitutæ comprehensa fuerit,

haud ita dudum Transilvaniam statu ejus omnino immutato, hominem ante hac fere ignotum occupasse. Qui postquam Principatum eum invasisset, armatum cum armato exercitu omnis generis hominum copiis succinctum, in finibus regni vagari, Et cujus voces non paucæ ad homines suos deferrentur, partim Valachiæ Regni hujus juris Provinciæ minitantes, partim non satis pacatum animum aut consilia præferentes. Quæ quidem omnia cum non parum dubios animos ordinum Regni sui haberent, ut in omnes partes intenti essent, facere. Tanquam communi Principum Christianorum parenti, peculiariter vero tanquam amicitiz inter se regnumque suum & Cæsarem sequestro, petit pro loco eo quem summum in Christianitate teneret, iis in rebus auctoritatem suam interponeret, provideretque, cum Cæsaris non minus autem summi Pontificis fidem potissimum hisce in rebus, ipse Ordinesque regni sui sequebantur; nè si præter expectationem opinionemque suam aliquid accideret, quemadmodum multa hujusmodi tempora hæc ferrent, merito fidem cujusquam accusare possent: regnumque hoc quod magnam partem periculorum Christianitati impendentium cervicibus suis semper exceperat, avertissetque periculo alicui objiceretur.



Gg


REIN:



# REINHOLDI HEIDEN- STEINII SECRETARII REGII

Rerum Polonicarum ab excessu Sigismundi  
Augusti

## LIBER XII.



Alus Cardinalis Bathorij tam insperatus præsertim & repentinus, nonnullos ad commiserationem, plerosque maxime autem Regem Ordinesque Regni ad curam sui commovit: Superioribus enim Comitibus, etiam in vicino metu, turbantibus tamen iis, qui communi omnium Rerum publicarum peste privata studia & commoda publicis Patriæ anteponunt, nihil omnino subsidij constitutum in iis fuerat, id solum decretum, quibus exercitus curæ essent, ne quid Respublicæ detrimenti caperet, viderent, Cæsar etiam quemadmodum ante ostensum est, & ipse pacata omnia promiserat, Michaelēque in officio futurum quasi sponderat, idem Michael receperat. Rex etiam si quæ controversiæ illi cum Hieremia Palatino Moldaviæ intercederent, vel ius de eo illi administraturum vel controversias eas inter ipsos compositurum obtulerat. Verum difficile felicitati est, eundem temper blandientis fortunæ vultum sibi promittenti suo se loco tenere præsentibusque non majora appetere. Suis enim ut ipse putabat prosperis elatus, ad ampliora quam ejus erat conditio animum adjecit: Regna cepit & imperia spirare. Propositi sui tenendi hanc viam inibat. Romanorum Imperatori se, suaque omnia dicabat, quidquid Marte quæsiisset, illi à se quæsitum esse: rursus Othomanno Turcarum, ita suppliciter, ut illi uni, fortunas suas acceptas referret; ad hæc suis coloribus exornanda homini Græco & versuto ingenium non deerat. Majore etiam vanitatis genere, apud Tartarorum Chamum Tauricæ Chersonesi Principem, auctoritatem sibi, scriptis ad eum literis conciliat. Infimam quidem plebem extincta nobilitate, ad spem liberioris, beatorisque vitæ vocabat; Militum animos & voluntates, summam rerum omni licentia sibi devinciebat: vanaque munificentia specie deliniebat: postremo eam militaris laudis, apud plerosque opinionem cum reliquis rebus quas contra Tarcas Scythasque,

ex sententia gesserat, tum Andrea Cardinale casu, erat assecutus, ut Imperator uterque, sibi amicum quam hostem esse mallet, uterque suo Imperio subiectum, existimaret. Vulgus eum Alexandri Magni nomine dignaretur. Transilvaniam igitur, quam Cæsar virtute sua recuperatam jactabat, & tradentis eam, imperio ejus picturam circumferebat, sibi met vendicabat, neque dum sumptus seu pretium sibi restitueretur, cedere se ea teneri jactabat. Pulchrum fore visum illi est, adeo nobilem Provinciam, Transalpinæ suæ continuam quam emptam ab Othomanno obtinebat, suam effici; eo si accederet citior etiam Valachia, tum verò patefactum iri aditum sibi ad proxima, quæ veller Regna invadenda, Victoris spem in una celeritate ponebat. Magnum Moscoviæ Ducem eodem religionis ichilmate conjunctum, rebus suis favere: incitior Valachia præsidia modica: provincialium animos in se propensiores: in Regno Poloniæ nihil parati: factionibus Comitibus soluta, nullum justum exercitum, ad sua conata infringenda, præterquam qui sufficeret pro regni limitibus excubiis agendis; se viris, armis equisque & omni instrumento bellico instructum sciebat. Virtutem Ducis exercitusque Polonici qua superiore anno ad Socoram maxime Tartarorum Turcarumque copiæ rejectæ Hieremiasque vix non contra voluntatem Turcarum Imperatoris Provinciæ impositus fuisset, Rozuanique exitum socordiae potius eorum, qui victi essent, quam virtuti potentiaque victorum tribuebat, sibi cum exercitu suo victore, longè aliam fortunam promittere. Jam in Poloniæ regno habebat, qui eum à virtute, munificentia, humanitate & literis & sermonibus celebrarent, Regi & regno summè amicum prædicarent. Prorsus multis involucris consilia texerat: quæ ut ficta omnia citò patuerunt, suspecta mox cupiditas ejus. Novarumque rerum studium Regi: monitusque Hieremias Palatinus Moldaviæ fuerat; etsi numerosiores copias Polonicas habere vellet, commeatum illis pararet. Quod cum recusasset, admoni-

tus

tus est, ut arces Socaviam & Chocimum præsidis, ac apparatus bellico & commeatu quam diligentissime instrueret: Ipse vero commeatu proviso locum commodum caperet, ac eo se tueretur, donec auxilium illi à Polonia ferretur. Et hoc quamvis de periculis suis ipse ante Regem & Zamoiscium sollicitus appellasset, neglexit. Affinitatis ineundæ cum Michaelē spe objecta quod filio ejus filiam suam in matrimonium collocaret, legatione missa ab illo postulasset. Incommodè etiam evenerat, quod Stanislaus Chancius Polonorum quos in aula sua habebat, Hieremias, Præfectus, iisdem diebus extremum diem obierat. Superato itaque Michael, magnis itineribus, Alpium illorum jugo, in agrum Socaviensem erupit. Hieremias Moldaviæ Palatinus ne opinato quidem ejus adventu perturbatus cum ea suorum manu, quæ præsto erat 200. Polonis hosti, obviam prodit. Levia Valachorum ingenia & crebra dominorum permutatione gaudencia jactis in sublimē pileis deditionis insigni, transitionem ad hostem faciunt: censebantur ad quindecim millia hominum, manus ad hostem distingendum præcipitis præsertim itineris, labore confectum, satis valida, si fides, si animus, si erga Principem suum amor fuisset. Polonos quos præsidij sui causa, 200. Hieremias habebat paulatim hostem sustinuerunt: & primò impetu irruentem, acriter propulerunt: ubi se desertos, & tantæ multitudinis solos esse obiectos vident, pedem retulerunt. Gidinius multis hostium interfectis, summa cum gloria dimicans. Saucius ex equo exanimatus decidit: delatus Cameneciam, honorifica sepultura afficitur, Hieremias arci Soczavienfi, diffidens Chocimum recta contendit. Hærebatur in tergo hostis, & ad flumen Prutum extremum agmen consecutus carpsit, ad volatèodem vestigio temporis, Chocimum quos Hieremias receperat: oppidum incendit, ac diripit: arcis expugnandæ difficultate animadversâ, obsidionem instituit. Ei negotio præfuit, Udrum copiarum suarum præfectum adjungit Delimarcum & Babam novacum ipse Socavam repetit. Et civitatem quidem nullo impediēte ingressus est. Arcem jam antea præfectus præcluserat, & firmo præsidio tenebat, abundabat omnis generis commeatu vel ad diuturnam obsidionem tolerandam. Ipse præfectus Trzaska ad omnem perferendum casum animi magnitudinem præsefererat: Verum sapius ab arce hostem fortissime repulsum exigua mercede officio deductus, in arcem recepit, seque illi & omnia dedit: per speciem religionis in ædem sacram quos impedimento facinori suo futuros credebat ablegatis. Oblitus virtutis Constantiæque Poloniæ nullam rem æquè atque fraudis, & perfidiæ infamiam reformidantis. Cum neque ab hoste quidquam gravius esset. Illi metuendum: nulla muralia Tormenta

habente, ac assiduè literis de celeri subsidio fieret certior. Causam occupatæ Moldaviæ, cum ad Regem ipsum, tum Cæsarem aliosque Principes, quemadmodum de Cardinale Bathorio sibi sinxerat; Eam excogitavit. Quod Valachiam invasisset, maluisse prævenire quam præveniri summum inimicum suum Hieremiam & percussores & veneficia in se in aula sua aluisse: auxiliis Polonicis & Turcicis, se tenuisse: eâ fide publica accepta in proximis comitiis se demonstraturum inimicos suos, Sigism. Bathorium & Simeonem fratrem, in id servasse; ut alterum in Transilv. alterum in Moltaniam auxilium Turcicis & Tartaricis induceret, contra ipsum Hieremiam jure militari processisse: petiit ne ante comitia moveretur aut turbaretur: omnia se ex provincia ea præstiturum quæ Rex mandaret aut alius præstaret. Ne Zamoiscium quidem cum ipse tum fautores ipsius, insimulare verebantur, consilia cum Cardinale Bathorio tractasse, Cardinaleque casu integrum scrinium literarum ejus ad Cardinalem reperisse, quas in Comitibus exhibiturus esset: Temporis nimirum eximendi causa, ad Comitibus rem trahere volens. Quæ cum vanissima Zamoiscius esse sciret; ut qui nullas literas ad Cardinalem inconsulto Rege quemadmodum & alios, quæ alicujus momenti essent, dedisse se conscius sibi esset, ut non expectatis Comitibus, quo in ipsis Comitibus quamprimum actio institui posset, sub fide publica eas mitteret, detegeretque instabat; cum alias jure publico, altera Comitibus ad actionem eam instituendam, expectanda instigator essent, qua in re cum hæreret, facile vanitas ejus apparebat: Reveraque non tam suspicio aliqua insidiarum ab Hieremia, quam eæ de quibus ostensum est furæ, cupiditas nimirum ejus eum agitabant. Frequens à Michaelē ad Regem Tarnovius Pocillator Chalicensis commeabat: & Internuntius quasi inter eos erat. Quamvis in ipsis comitiis, Legatus etiam quidam ejus, cujus postea mentio fiet, venerat.

Per utrumque igitur responsum sincere gratiam Regiam ambiret: antea commemoratæ propositæ causæ inimicitiarum cum Hieremia refutatæ, aut certe minus sufficientes ad vim fuisse ostensæ: ad Potocium quidem Præfectum Camenecensem, Turcarum Imperatoris beneficio, à quo Hieremia etiam Moldaviam obtinere sciret, eam quoque se obtinuisse, ipse literis professus fuerat. Cæsar hac de re appellatus injussu inscioque se ea administrata affirmabat. Ex ijs qui in consilio cum illo fuerant, satis constabat, eum in Poloniam exercitum mox ducere constitutum habuisse, sed duas res eum tardasse; unam quòd aliquot mensum stipendia exercitui deberet: ideoque minus obsequentem haberet: alteram quòd nimia in Hieremiam Moldaviæque celeritate, equitatum offendisset, recol-

Gg 2

ligen-



ligendusque ulli esset. Tum verò ipsius Michaelis voces nunciabantur: quod Transilvania accidisset, idem in Polonia etiam, non difficile esse efficere. Nonnulli etiam quemadmodum, in Moldavia Diploma vexillumque ex porta Turcica se impetrasse, ultro gloriatus fuerat. Ita in Polonia quoque Diploma aureis literis, eum habere confirmarent. Indignitas ejus rei vel maxime animos hominum movebat, quid enim indignius esse poterat, quam Moltanum mancipium, Turcicum vel cogitare tale aliquid ausum fuisse. Sed quemadmodum ostensum est, nè in Regno quidem fautores illi deerant, quos si in ulla republica in hac certe tam libera etiam pessimus quisque reperit, qui partim conventibus turbandis, partim quibus poterant rebus nè quid contra eum decerneretur impediabant, cum Austriacarum partium tam religionis Græcæ quæ communis illi cum ipsis esset studia. Non in Valachia incolumitatem regni consistere: separata hæc esse. Quod si Hieremias defendendus sit, is eum tueretur, cui esset bono, vereri se nè quis bellandi cupidus, hanc propugnationem suadeat: ea oratione Zamoiscium & Potocios designabant. Postremo utiliore Michaeli Reipublicæ futurum, quam Hieremiam dicere, modo tributum regno penderet. Hieremiasne an Michael Moldaviam teneret, parum interesset. Jam non contentus Moldavia fines Regni ingressus, Michaelis miles, Duce Baba Novaco Pocutiam igni ferroque vastabat: bona trans-Nestrana Regis nobiliumque populabatur, omnia flammis incendiisque ibi collucebant, quæque ab impietate? ab licentia prædas agentium, comitti poterant, in omnes sexus homines, infantes, etiam edebantur. Zamoiscius igitur re cum Rege communicata Stanislaum Zolkievium Castellatum Leopoliensem campestris militiæ Ducem cum limitaneo qui repente, parari poterat exercitu ad Nestrum qui fines Regni prælabitur præmittit: qui & fines regni, dum ipse cum majoribus copiis subsisteret, tueretur, & in conatus Michaelis intentus esset. Interim cum Rege frequentibus literis, ad bellum apparatusque ejus excitabat, tum de ratione ejus gerendi, cum Zolkievio diligentissime communicabat. Regi non solum de dignitate, sed salute etiam ejus, totiusque regni agi ostendebat, præter periculum autem quod si imparatos offenderet, gravissimum incumbere posse, ad existimationem etiam ad exterarum nationes pertinere, non facile cuiusvis injuriæ opportunum regnum esse ostendere: neque solum ad Polonicarum rerum auctoritatem opinionemque hominum de viribus ejus confirmandam, plurimum valiturum: Sed Sueticarum etiam, non modò injurias propulsa. Sed tantum contemptum Privilegij in regnum Poloniæ tanquam Satriam aliquam impetrati, non inultum fuisse:

Priusquam autem auxilium à Turca illi præstaretur, copiarque Turcicæ minus alias expeditæ Danubium trajicerent, Transigi posse. Itaque, ut & semestre stipendium in militem præsertim equitem indiceretur, cum ad trimestre cunctatior, plerique essent, quartanaque pecunia omnis, quæ ex tributo cogi posset, in usus eos conferretur suadebat. Magnum impedimentum, delectui judicium Tribunalis Regni, quæ sub id tempus Lublini exercebantur afferebant; quoniam nomina maxime ex Palatinatibus, Russiæ daturi putabantur, judicium observare cogebantur, neque deferere illa poterant, ut justitiam, igitur quamprimum ediceretur, cum Rege tum Joannem Ostrogium, Castellatum, nunc Palatinum Posnaniensem, qui Marsalcus tum Tribunalis Regni erat, diligenter appellabat, ipse delectum studiosissime curabat: ad turmas ducendas, quos poterat excitabat, hortabaturque pecunias ipse etiam representabat: Hieremiam Palatinum Moldaviæ de ejus periculo saluteque maxime ageretur, idem ut faceret, quasque maximas posset, in eandem rem pecunias conferret, sedulo hortabatur. Cosacos Zaporovienses, quos à Michaeli etiam sollicitatos, cognoverat, per Orissoviem veteranum Ducem illorum centenisque aliquot florenis eis objectis, sex millium autem florenorum donativo, quamprimum ad castra venissent, eis promisso adjunxerat: Cumque ex tumultu Nalevaikano nondum satis confirmati essent, Magistratibusque & Reipublicæ fiderent, literis fidei publicæ cum Regis, tum suis ad Præfectos oppidaque eis datis, securitati eorum prospexit, fiduciamque confirmavit. Zolkievius castra sua hostium castris opponit. Iyras est fluvius Nestrum accolæ vocant, qui supra Chalciam defluens, Pocutiam Regni Poloniæ Provinciam à dextris scindens, inferius ad Chocimum & Cameneciam, Moldaviamque & Regnum Poloniæ dividit. Depressa fertur valle, quam efficiunt, ab infima rupe leniter acclives, quarum altera Polonici littoris contra arcem mollius est devexa & habet patulum. Altera sub ipsa arce præruptior, ut in hanc flumen procumbit.

Tota saxosa in ejus petra Chocimum arx admodum crasso muro, collibus humilior, qui circum sunt, condita, assurgit fossa præardua & circumcisa, unde in terram si despiciant, caligant oculi, in eis collibus munitiones suas habebant hostes. Ex altera ripa Zolkievij erat castra. Cum indies certamina singulorum, interdum plurium sererentur, nostrique semper essent superiores, & irrumpere vado fluminis in hostem multoties flagitarent lenitatemque Ducis vocibus carperent. Zolkievius an si occasio data ei esset, illo vel exercitu alio non expectato decerneret, Zamoiscium consulit. Rescribit illi ut quæcunque ageret, ex securitate Reipublicæ ageret, se annorum gloriæque saturum, non tam

cupi-

cupidum ejus esse ut eam illi invideret, potius tanquam juveni, quo diutius illum patriæ operam navare cuperet, eo majorem famam, auctoritatemque quo utiliore afferre posset, optare: Itaque arbitrio ipsius permittere. Unum rogare, ne rumores ante salutem poneret, & quæcunque susciperet, non nisi explorata securitate Reipublicæ ageret: neque in discrimen partem eam copiarum mitteret, qua quod Deus averteret amissâ, vix ullam reparandarum virium spem reliquam futuram: tributis, stipendiis, hominibus exhaustis, Zolkievius igitur observata opportunitate cum singulis diei momenti quid gereretur, apud hostes in munitionibus ex superiore loco nosceret, libratibus tormentis cum languidiores esse videret, simul ab arce eruptione facta, compluribus interfectis, reliquis in terrore conjectis aneo tormento disiectos, ex munitionibus hostem fugavit. Milliæ inde castra fugati posuerunt. Liberior deinde utrinque commendi facultas. Hieremias uxore cum liberis, Cameneciam missâ, ipse in castris Zolkievij cum mille equitibus & peditibus quingentis restitit. Zolkievium cum exercitu esse Michael cognito, ad Zolkievium mittit, quo animo cum exercitu ad Nestrum hæret, pacemne an bellum expectare ab eo deberet. Respondit Zolkievius cum exercitum vicinum esse cognovisset, se quoque ad tuendos fines Regni securitatis publicæ causa copias habere pacem aut bellum non sui sed Regij arbitrij esse: ex cujus imperio agenda omnia, sibi essent. Quæ in Moldavia acta essent, Regi se significasse ejus, mandatum se expectare. Temporis deinde eximendi causa, occasionisque dum securos imparatosque opprimeret, ad Regem etiam legatum mittit: qui ad Comitiam ad Regem venit, quod via autem publica non quæ externi legati ab iis finibus, custodibus additis dici tolerent: Venisset, non satis Zamoiscio præsertim probatum, ne partim vires Regni exploraret: partim cum fautoribus, partim occultè consilia communicaret. Quod etiam non tam auctoritatem legati, quam Nuntij, quos Goncios vulgo vocant, habere videretur, ne ad ipsum Regem admitteretur, ad dignitatem Regiam pertinere visum, eumque quemadmodum ante ostensum est, amicitiam benevolentiamque peteret, deferretque ipse quoque anticipi cum responso dimissus fuit, non parvis sanè injuriis Regem ab eo offensum, Provinciam regni Poloniæ, nullo indito bello aut causa belli ab eo occupatam sanguinis, etiam Equestris Polonici. Non parum fuscum, intra ipsius regni, fines, Pocutiam invasam, hostiliterque vastatam direptamque, aliaque damna complura maximaque data: illa tamen si decederet, hæcque sarciret reditum ad clementiam Regiam, ei non præcludi. Ad hoc triginta dierum spatium ei dari, quo elapso, quæ hac de re sententia ejus esset: ostend-

deret, quæque ratione Regi ac Regno satisfaceret: ex ejus responso Regem etiam consilium capturum: Zamoiscius sciens, magnam partem victoriæ seu spem ejus in hujusmodi tractationibus, esse solere, & ipse libens occasionem hanc arripuit: & Zolkievio nè ex manibus eas dimitteret, sed dum exercitus iustus pararetur parataque & instructa omnia haberent, eas quantum posset, foveret, sustineretque mandabat.

Tandem mense Julio Belzam ipse movit, inde Leopoli Turmis ut Glinianum convenirent, ante diem vicesimam quartam Julij indicto, quo profectio illius cognita, eo magis accelerarent, citiusque ad eum copiarum convenirent. Sed quemadmodum ante ostensum difficilis delectus fuerat, ita ut quod facilius illas cogerent, de suo non parum quod rogare præfecti cogerentur, itaque duas tantum Turmas, Gliniani offendit. Unam Nicolai Ostrogij ducentorum equitum gravis armaturæ, alteram Snopkovij levis seu Cosacorum equitum: quo omnes autem facilius consequerentur, cum lentius aliquanto progressus fuit, Vreblaviæ etiam in itinere diem unum atque alterum subtitit. Ad Comitiam Cauzij, cum literis de Transilvanicis, & Moldavicis rebus duo etiam ex aula Turcica missi fuerant, qui partim de Moldavia expostularent, partim de Cosacis perpetua, querelarum causa more suo quererentur. Responsum fuit, ob occupationes Comitiorum, per suum Regem responsurum ad eam rem. Ex Secretariis Adrianus Rembovius Brussus designatus qui dum itineri se parat, tertius etiam Dziater iisdem cum mandatis supervenit. Justum igitur ut properaret, moram excusaret, partim Comitiorum occupationibus, partim quod jam iter ingressus, de occupata repentino impetu à Michaeli Valachia, quam Bogdaniam Turcæ vocant cognovisset, ac ita neque satis tuto per Valachiam Constantinopolim pervenire potuisset, atque ad Regem de turbata à Michaeli Valachia referendum prius fuisse, novaque ea de re mandata, sibi expectanda, tandem tamen jussu Regio ambitu alio tutiore capto Constantinopolim properasse. Mirum autem imprimis Regi ac contra morem majorum actum videri, quod se invito cum Christianorum Cæsare pacem fecisset, Michaeli vexillo muneribusque missis Transilvaniam confirmasset: & quemadmodum Michael literis ad Præfectum Camenecensem scriptis, ipse profiteretur etiam Valachiam seu Bogdaniam. Hæc an mori majorum recentique & pristinis foederibus consentanea essent, quibus ut communes amicos & inimicos haberent, sancitum esset, facile ipsum judicare posse. Majores utrinque ipsorum inconsulto altero nullum unquam foedus iniisse: Inito Reges Poloniæ, primo loco comprehensos fuisse: adhuc gloriari, Michaeli ad Regem deferri in regnum etiam Poloniæ. Quemadmodum Valachiam ex



aula Turcica Diploma se habere. Regnum Ordinesque, nullum alium quam liberis suffragiis à se electum Regem, illo præterquam Deum superiorem nullum agnoscere. Regem tum ob eas tum alias injurias illius, nullo modo Michaelē terre, decretum habere. Itaque quamvis in paterno regno Sueciæ non parvæ illi difficultates objicerentur, Zamoiscium tamen cum exercitu mittere, qui quocumque locorum reperisset, Michaelē persequeretur, prout per Castellā Chaliciensem Golsciū, & Joannē Felicē Herburtum ostensum antea fuisset, optimo jure Valachiam ad regnum pertinere, bellis quidem Prussicis Moscoviticisq; Regis Poloniæ nonnunquam impeditos, ut duorum millium aureorū tributum, & quod vulgò Aracz vocantq; Principibus Turcicis penderent, Palatinis Valachiæ subditis suis permisisset, de jure suo nihil præterea diminuisse, aut eo decessisse, quin potius, quoties res Provinciæ turbaretur, exercitibus suis illi subvenisse: Sumptus non parvos in illam fecisse; Meritò igitur per eosdem petiisse, nè in jure usque nostro interpellaremur, sed nihil certi responsi retulisse, itaque majores indices sumptus fecisse: tantoq; minus decedere ea posse; rogare ne eo offenderetur, si in formulam certā Rex eam redigeret, frequentissimè ab Ordinibus regni, quo cum fructu, tantæ impensæ fierent, quæri: nè molestè ferret; jure suo Regem regnumque, uti Rembovio secretò mandatū, ut si integrum jus teneri non posset; ad minimum tributum Haracz vulgò ab illis dictum, idq; si non perpetuum, quadraginta tamen vel triginta, vel quod obtineri posset annorum, pro tantis impensis impetraret, operam daret. De Transilvania Moltaniaq; recordari. Cæsarem posse, non semel ipsum hortatum Reges fuisse, quo indigenæ, Palatini, quique mutua amicitia inter utrasque ditiones studerent, iis præficerentur, operam darent, si spei successus responderet summoto Michaelē nunc fieri id posse, non alios tamen quam Christianos eis præficiendos, nè ex diversitate ob eamq; odio religionis turbæ aliqua inter subditos oriri, ex iisq; amicitia etiam inter Principes ipsos turbati fortè possent; quàm Rex constantem perpetuamq; esse cuperet, idemq; de Turcarū etiam Imperatore sibi persuaderet. Interim existimare rectè Cæsarem facturū, si Temesfarum copias suas promoveri juberet, quæ vel infuga in partes Germanicas si in eas forte percurrere vellent, vel ab auxiliis inde ei ferendis Michaelē excluderent. De Tartaris mandatū, ut ostenderet, superiore anno aliquot tantum milliariis à finibus Regni, cum exercitū habuisse dum copia Regiæ in illa vicina intentæ in illum fuissent Michaelē in Transilvaniam interim perripisse: Rogaret tam Tartaricam quam Turcicam etiam copias, non modo noxam Vallam finibus regni afferrent: sed ob suspicionem, qua nulla vicinitas armorum carere potest, quàm longissimè potius ab illis abstineretur. De Cosacis si mentio ali-

qua fieret mandatū ut ostenderet colluviem illam nullius in Imperio esse: in Regiis ditionibus ipsis, & dare illos damna & accipere: nuperq; adeo exercitu misso, partem aliquam illorum in potestatem venisse, omnes comprehendere vel radicitus extinguere difficile esse ex diversis ditionibus confluere: in diversis maximè autem fluviis, paludibus locisque reconditis & difficilibus degere, nuper ad Ducē exercitus misisse, à Michaelē se invitatos: male tamen regi quàm ipsi operam navare: studium id illorum repudiare, nō satis tutum visum, nè vel ad Michaelē transirent, vel exercitu regio promoti, ditiones Regias vacuas, vel Tartaricas Turcicas ipsas invaderent. Itaque contra communem potius hostem opera eorum utendum existimasse, cum de Tartaris etiā in partes traductis Michaelē gloriari diceretur, quid animi illi haberet, ut exploraret, & mandatū: maximè Bialogrodi: quo ob infesta itinera in Valachia divertendū illi esset, ex Sendziaco quid cognosceret quamprimum Regi, Zamoiscioq; nuntiaret. Cumq; Bassa cum exercitu citra Danubium esse diceretur, eundem quoq; ut cōveniret, quæq; mandata de Temesfare ad Cæsarem haberet, illi quoq; & Sendziaco, Bialogrod. ostenderet, ut quæ ipsi quoq; & vias in Germanicas partes Michaeli præcluderent, & Tartarorum Hamum cum pristinatorū foederum nuper adeo ab eo renovatorū, tum officij sui, ipsi quoq; admonerent, ab ipsis peteret, ut maximè enim Turca vexillum Michaeli misisset, hostē tamen ejus esse pro hosteq; ab illo haberi nemini dubium esse, remq; ipsam satis testari. Quemadmodū jussus fuerat, Zamoiscium Leopoli jam progressum, Rembovius cōvenit. Ut si quid in illa temporum varietate novi incidisset, ejus consilio omnia ageret. Operæ pretium autē hic fuerit, barbarorum fidē cognoscere. Cum Jaser Czarus ad Regem venisset, literis, legationeq; Michaelē Regi commendabat, qua exposita, privatā audientiam petit, delegati Petrus Tilicius Episc. Culm. qui Vicecancell. munere tumungebatur, & Leo Sapieha Cancell. Lih. Summa hæc fuit. Mirari Cæsare Turcar. cum permisisset Regi ut ipse, Palat. Transilv. & Moldaviæ daret, id non faceret, multò magis quod cum Andr. Bathorem Principē Transilv. dedisset, tolli eum à Michaelē passus fuisset, Michaelē exercitu, & tormentis instructum esse, cogitare eum omnino Poloniæ: Incommodare: Cæsarem Turcarum cum in promptu, copias tam citò non haberet, vexillum quidem illi misisse, omnino autem ferre eum nolle, quid Rex cogitare scire cupere. Demonstrantibus diversam orationem, ejus à literis esse respondit cum per Transilvaniam eundem sibi esset, periculi vitandi causa, aliter literas scriptas, aliter coram sibi mandatū, ut quæ certi aliquid de voluntate Regis sibi significaretur, petere. Interitus Cardinalis Batorei variis causis excusatus, in varia intentum esse coactum, Regem fuisse, Et Germanorum copias: quæ non procul inde in Un-

in Ungaria fuissent, & exercitum Tartarorum, qui superiore anno in finibus regni fuisset, aliaque complura: à Michaelē Regem a regnumque Dei beneficio non metuere, qui animus Regis esset, per suum significaturum. Ulterius urgente, ad Regem relatum. A quo eodem cum responso dimissus. Postea etiam literæ Turcicæ in Moldavia interceptæ, quibus si Michael filium in Aulam Turcicam obsidem mitteret, reditus ad gratiam spes ei fiebat: facile ut appareret quo fortuna fuisset, eodem favorem eorum propensurū. Sub idem autem tempus, quo Rembovius in Aulam Turcicam mittebatur ad Carium etiam Tauricanum Principem Goncius missus. Freto & pristinis & proximo foedere, Socorienfe majorem, legatum Succamerarium Braclaviensem designatum jam à se ad illum fuisse, cum Michael qui Valachiam præter opinionem repente occupasset, ejus fiducia se id fecisse gloriaretur. Goncium igitur prius se mittere, per quem declararet, stare nè foederibus vellet, anve amicus, aut hostis esset. Zamoiscius Gliniano Reboviam progressus, plerasque turmas ibi cogit, cum si quæ ultiores, essent, ut ibi convenirent, denuntiasset, inde Proboziam, tandem Skalam proficiscitur, ibi audito etiam Paulo Volucio Episcopo Camenecense, quibus cum mandatis à nobilitate ad Regem proficisceretur, cum in ea civitate aliquantum temporis mansisset, tardiusq; milites convenirent: maturaturos existimans, si inde versus hostem se progredi ex fama, & literis circummissis intellexissent, lentis itineribus, ante diem tertium Calendis Septemb. supra villam Philippinam consedit. Conjungit eodem die Zolkievius sua cum illius castris: Convenit pleraq; multitudo militum, in his Senatorij Ordinis non pauci, tum ex omnibus regni Provinciis, flos juventutis, cæteri indices expectabantur. Postera die consilio advocato oratione confirmandos Zamoiscius existimans: Si cum externis, inquit agendum mihi esset, longiori fortassis, oratione utendum mihi foret, nunc autem quis vestrum est? qui vel de injuriis Michaelis, vel nefariis ipsius in regnum consiliis vel cognitum non habeat, vel auditione sermonibusq; hominum non acceperit, quæq; necessitates belli hujus non tam inferendi, quam propulsandi defendendique, Serenissimo Regi ac Reipublicæ sint, perspiciat? De Valachia etsi ab homine præsertim levissimo, cum genere contemptus, tum audaciæ scelerisque magnitudine, qua Provinciam regni, nullā injuriā lacessitus, nullo prius indicto, invadere occupareq; ausus fuit. Nulla ferè gravior injuria esse possit. Præ aliorum tamen sceletum consiliorumq; nefariorum, magnitudine, minus tamen querendum videri posset, sed cum initium quasi sit injuriarum ipsius, aliquid tamen dicendum videtur. Neminem tam peregrinum in Patria esse puto, qui quo jure Provincia ea ad regnū pertineat nesciat. Quod in omnium enim recenti memoria est ut virtute laboribusq; vestris, superiore anno

parta fuerit, sanguine vestro acquisita, maximis Turcicis Scythicisq; copiis amoris adjuncta: quo consilio constituta Hieremiasq; ei impositus, quem omnino vestrum latet? neq; tamen inde primum jus id ortum, sed vetustissimum solidumque, perpetuoque usu usurpatum & omnes scitis, & Cracoviensia regni tabularia testantur: In quibus plenæ arcæ feudorum. Valachicorum omnium una cum universa annorum serie descriptorum extant. Quæ quidem series nunquam interrupta fuit. Sed aliquantulum turbata, quo tempore Matthias Bohemiæ & Hungariæ Rex cum Friderico Imperatore, in contentionem discordiasq; venisset, foedusq; cum Solimano Rege Turcarum fecisset, ei tamen rei à majoribus nostris subventū fuit. Miserunt Constantinopolim, docuerunt Solimanum Imper. Valachiam citeriorē juris esse regni Polon. meminisset, quibus verbis inter ipsum & Regem regnūq; Poloniæ pax esset sancita, cum quidē ille sibi præficiens, de jure eo regni se non magnopere laborare, dum stipendiū ex ea Provincia sibi pendatur, respondit: Quod quidē stipendium neminem op' est eo errore duci, ut existimet, jure aliquo belli esse huic provinciæ impositum: sed cum Palat. Valachiæ, tantas opes Turcarū, tam eorum vigilantem, atq; adeo fortunatum ducem esse cerneret, occupatisq; magnam partē finitimis Provinciis eum sibi, jam videret, imminere, nec tanti se esse, ut eum impetum arcere posset petiit à rege & regno suppetias. Extorserunt hoc, difficultia illa tum regni tempora dū uno tempore duo gravissima bella in Russia & Moscovia gereretur, ut Rex illi in eā sententiā responderet, quoniā in præsentia, propriis non posset, illū armis defendere, bellis cum potentibus inimicis distractus, permitteretur, quam minimo stipendio, pacē Tiranni redimere. Paruit regi. Redemit. Bella interea ex bellis in universa Europa serebantur, sed nulla unquam legatio Constantinop. missa: nulla reintegratio pacis facta, quin huic juri regis & regni in hanc Provinciam exceptione caveretur: semperq; nov' Valachiæ Princeps in verba regis & regni jurabat. Coepit deinde is Principatus Constant. esse venalis: Accessit quod Augustus Rex, ad togæ magis, quàm ad armorum consilia natus non tantopere id curaret: Illud tamē nemo unquā inficiabitur, quoties Turc. Imper. aut ejus Duces voluissent, superstitionis suæ huic Provinciæ dominū imponere semper esse Polon. armis, fortiter repulso, & eum Valachiæ præfecisse, quæ Rex Pol. præfesse animum induxisset: Quid Tarnovius, quid Sieniavins, quid Laficius, aut Mielecius egerint. Postremo nuper duce me regis & regni exercitus ad Socoram quid egit? quæ quidē de re quid Clemens VIII. Pont. max. censuerit quantopere ad occupandā firmo præsidio arcem Chocimensem, unicum hujus Provinciæ propugnaculū me hortari jussit. Habeo nuntij ipsius Germanici Malaſpinae literas, quid tum Regis & Reipubl. exercitus perfecerit, quanta animi celsitate, in



reprimendis prope innumerabilibus Tartarorum copiis ulus sit: Bassam de spe certa obtinendi Principatus deiecit: hunc Hieremiam constitutum à Rege & Regno Palatinum confirmavit, omnes novistis. Cum igitur hoc certum sit, quod indubium vocari non potest. Valachiam citeriorem ad Regem & Rempublicam nostram pertinere. Hanc Michaelis armis per fraudem esse oppressam quis non doleat? cædes omnis generis hominum facta, Divina & humana jura violata: rapiuntur ferunturque omnia: prostrata matronarum pudicitia: violata innocens virginitas, res ad dicendum audiendumque horribilis: non à pusionibus, non ab infantibus, pueris temperat libido eruantur, exanimantur, necantur. Ea denique fiunt, à quorum commemoratione, refugit oratio, gravissima hæc esse, nemo est qui non videat, graviora tamen multò, quod his non contentus, ipsum Regnum à quo nullam unquam injuriam accepit invaserit. In Pocutiam impetum fecerit, bonis publicis Regis privatisque Nobilium direptis, summam ei vastitatem intulerit, adhuc in oculis vestris, recta villarum collucent, fumant oppida conflagrata: vestigia barbaræ crudelitatis compluribus locis cernuntur.

Itaque non Valachorum exercitum, sed Polonorum fudisse prædicat, literisque suis, ad Scythas datis triumphat. Turcarum Imperatoris clientem se esse: ab eodem sibi Regnum Poloniæ aureis literis desponsum ostentat: quod vel sperare vel in mentem admittere, hominem vilissimum ausum, quis non indignetur magis doleatque quam miretur: quoscunque huic pulcherrimo Regno, vel æmulo vel hostes esse putat, eos omnes nuntiis, & literis spe præmiorum partitione Provinciarum, bonorum, fortunarum donatione sollicitat: & tanquam ad prædam aliquam dividendam convocat, Austriacis Christianis quidem Principibus, & Regno multis nominibus conjunctis, sed Interregnum magis pertæsis, quàm oblitis, Cracoviam ut fertur offerre dicitur: Mosco Lithuaniam: Carolo Livoniam infimam plebem & agricolas ad pileum vocat: ad eadem dominorum suorum incitat: Postremo hoc impuro ore suo jactare non dubitare eum fertur, plures esse in Polonia proceres qui se Regem quam Sigismundum esse malint: eorum se literas promissa cohortatione haberet. Neminem sane tam degenerem qui modo in Poloniam natus sit esse, in animum inducere possum: ipsum suas potius spes scelestas cogitataque prodere puto. Quod justius igitur bellum, quam pro Patria pro aris, & focis esse potest: sed bellum cum justis hostibus esse solet: Hoc non cum Archiduce Maximiliano, Turca, Tartaro vel Mosco, sed cum uno perfidissimo latrone est, neque illud sane est, quod movere quenkam debeat, quod turbatis infectisque rebus ex

Comitiis discesserimus. Nulla unquam maxime libera Respublica, tam foelix fuit, quæ non seditiosos, turbulentosque cives aliquot habuerit: propterea tamen non à Rege à magistratibus, à bonis viris, quorum per Dei gratiam, major adhuc apud nos numerus est, deferenda.

Maximas igitur agere Deo gratias, quod pro amore suo erga Regem, & regnum eam mentem viris militaribus dedisset, ut ad furentis hostis impetum concurrerent, & suo ad Nestrum adventu eum reprimerent, præclare fecisse Zolkievium campestem Ducem præclare Strussium Castellatum Chaliciensem, præclare Potocios & nobilitatem cum fortissimis militibus: qui tam necessariam operam, adeo necessario tempore Regi & reipubl. navavissent: Iis quoque se pro eo, atque meriti sunt gratias agere, neque apud Regem atque rempub. tantam illorum virtutem, pietatemque silentio prætermisurum. Divinæ animi magnitudinis inquit fuit, paucos contra magnas hostium copias stetisse: hoc est Patriæ omniumque salutem sua vita duxisse cariorum, vobis vero, inquit quod genus tantum gratiarum reperiam, qui huc partim amore, patriæ sponte vestra confluxistis, & quas opes quasque fortunas virtute aut felicitate vestra majorumve vestrorum partas habetis cum in rempubl. defendendam contulistis partim stipendia merenda vobis duxistis: nulla posteritas pij animi obliviscetur, nullæ literæ studium hoc vestrum reipubl. formidoloso tempore oblatum tacebunt. Ad preces deinde ad Deum conversus, ut justissimæ causæ, contra injuriam: rationi contra libidinem & audaciam: pietati contra nefaria scelera faveret, precatus fuit. Sermonem ejus excepit, militaris approbatio in eandem sententiam favorem cælestis numinis implorantium. Miserat quemadmodum ante ostensum fuit Michael in Pocutiam partem copiarum: quæ maxime Stephani Potocij, aliorumque vicinorum possessiones diripiebant, omnia rapinis cædibusque miscebant: illis Nisicchio cum mille circiter, & centum partim equitibus, partim peditibus, opposito mox se recipiunt. Priusquam deinde Nestrum trajiceret, legibus edictisque militibus disciplina sancita: Postea cum Nizovij advenissent: Duobus ipsi agminibus in quorum singulis novena signa, equites ipsi etiam incedebant: Illos tormenta quæ ad sedecim secum ducebant sequebantur. Cum Tormentis cohors Regia peditatu Cosacorum suffulta, eos aliud agmen equitum in quo ad octo signa militaria erant, cladebant. Peditatus omnis ultra 5000. erat. Castrorum idoneo loco rectè & ordine ponendorum præfuit Stanislaus Gorscium. Hostes omnes oram quæ circa Chocimū est littori continua, custodiis dispositis tenebant: eo Zamoiscium venturi arbitrabantur, quod & arx Chocimensis in qua obsidendo excubabant, hoc postulare, & castra

Zolkie-

Zolkievij eodem hærentia loco id ipsum præferre videbantur, & ita vulgo ferebatur. Ipse situs loci cum illis faciebat, quod ex superiori in qua constituerant, prærupta directaque ripa, in alteram ripam in planiciem, porrectum omnis generis tela conjici possent, si qui transire conatentur. Itaque Luca Sernio accersito docet, quale vadum clam hoste ad traducendum exercitum inventum ab eo esse vellet.

Quarto igitur Septembr. ad Tropolam exercitum trajicit, quod si ex sua ripa impedire tractum vellet, facile ex citiore summo: veri possent, priusquam trajiceret, literas ad Regem dat, quibus & quæ agantur, illi significat, tum simul valedicit, & cum de Republica tum maxime de institutione filij quæ sequenda illi putaret. Salutaria aliqua consilia ei subijcit: Moldaviam ingressus, ad dextram deflectit: maxime Taginæ sylvæ, Alexandrina clade nobilis & tum latrocinii famosæ, vitandi causa, ea igitur exercitum ducebat, quæ quam rarissima sylva esset, vixque quatuor tractus arcus patebat: Priusque in agrum hostilem venit quam hostes omnino Valachiam ingressum sensissent. Sub idem tempus, Sigismundus Bathorius ad Zamoiscium in castra venit, eumque sequens, Tyrannidem autem Michaelis fugiens, Siculus Moyses qui summus militiæ Transilvanicæ apud Michaellem, Dux & summæ autoritatis erat, cum nongentis circiter equitibus ad eum transfugit: hosce tam opportunè se offerentes, non rejiciendos ratus non in trimestre sed singulos menses stipendium illis condidit. Bathorio spem principatus, per hanc occasionem repetenti, sine mandato Regio, non modo promittere, se quicquam, sed ne spem quidem ullam facere posse, negat. Significabant autem Transilvanos contra Michaellem publicè conjurasse, excutere, quæ decrevisset, ita in periculo illum constitutum copias omnes in Transilvaniam revocasse.

Zamoiscius quocunque in loco hostem reperisset, persequi certus, si Deus fortunasset, quid de Transilvania Moltaniaque, constituendum esse deliberabat. Putabant autem si in potestatem venissent, & Moltaniæ exemplo Valachiæ, ex sententia Regia imponi, aliquem posse. Et Transilvanos ut conventu indicto legatos ad Regem mitterent, exque ejus autoritate, statum Provincie, constituerent, sacramento adigi posse: ejusque rei quin omnis in se invidia à Rege derivaretur, non reculare. Quemadmodum enim Cæsar, in Valachia perpetratorum causam in Michaellem, qui in jussu suo illaturbasset: conferret poenam tamen nullam ab eo exigeret: ita se quoque invidiam nullam detrectare: deditioem seu poenam ita de Rege & Republica meritum deprecari. Eaque de re ad Nuntium etiam Apostolicum

literas dat, quo non solum summo Pontifici, verum universæ etiam Christianitati, perfidia injuriæque Michaelis innotescerent. Non parvo autem in metu versabatur, quod exercitum & Turcicum, ultra Danubium, & Tartaricum in vicinia esse cognoverat, quorum hic Transilvaniam: ille Moldaviam seu Valachiam invasurus putabatur, ac in itinere quidem eo, à tractu duo eum Chauzij convenerant, qui ad Regem ibant. Reddiderunt illi Machmetis Bassæ, ad ipsum seorsim scriptas literas: eas Zamoiscius signatas, ad Regem mittit. Is mos ejus erat, quascunque vel barbarorum, vel earum partium Principum literas accepisset, ut nullas unquam aperiret, singulas ad Regem perferendas curaret. Nuntij copias Regias mirari: lectam & apprimè instructam juventutem suspicari ejusmodi exercitum, non contra Michaellem, sed contra Principem suum comparatum. De incolumitate Hieremiæ querere: extinctum à Michaelle Constantinopolim perlatum, re uti erat ex Zamoiscio intellecta, & Hieremia visio ad Regem perrexerunt, uno ex suis qui pocillatorem Turcarum se esse dicebat, qui vivere Hieremiam nuntiaret. Constantinopolim remisso, Tartarus etiam opem suam contra Michaellem ultro Moldavo detulerat, & tum ad Zamoiscium ipsum Nuntium literasque miserat. Ex Senatorum qui in castris erant, sententia respondit: Regis maximis Michaelis injuriis provocati jussu ad illum persequendum, poenasque ab eo sumendas, cum exercitu venisse: quocunque loco nancisci eum posset, persequuturum: opem auxiliave ejus tanquam contra communem hostem non respuere: sed exercitum non parvum se habere, ut provincia torbellis exhausta utrumque exercitum tam copiosum ferre possit.

Veteri rectius igitur facturum, si circa Bialogrodum potius eum observaret, inque conatus ejus intentus esset: se quoque, quo conversurus se hostis esset, diligenter cogniturum, & quo opus illo, aut exercitu ejus esset, ei significaturum. Ne ipsius quidem Hieremiæ Palatini Moldaviæ fidei satis credebatur, qui & Juramentum à Zamoiscio illi fratrique ejus delatum recusarat, cuique apud Joannem Felicem Herburtum exciderat, de fratrem suo in Moltaniam spem à Tartaro sibi factam, itaque ne se deserto, ad illius opem se conferret, verebatur, uxoremque ac liberos ipsius, quos Camenecijs ad Capitaneum Camenecensem ob periculum Michaelicum translatos deposuerat, obsidum loco diligenter observari mandabat.

Voluntarij ad hæc non pauci dilabebantur. Cosaco nondum venerant, inter hæc Rex Sueticis, etiam Livonicisque Rebus pressus Senatores, ita Zamoiscium quoque, & eos qui in castris erant, de tempore locoque Comitiorum consult. Erant in exercitu

tres



tres Palatini, Castellani aliquot; nobilitatis Rufficæ, Magnapars, Unanimiter petunt, ut exitum operæ ejus, quam Regi rei; publicæ nunc navarent; expectarent. Inique secum actum iri. Si in ministerio publico conventibus, communique comitiorum consilio excluderentur. Sub finem Septembr. Jam Cosaci, etiam ad exercitum veniunt, cum autem in proscriptione adhuc versarentur, eo magis verebantur, ne ad exercitum pellecti, circumvenirentur, graviusque aliquid in eo statueretur.

Legatos igitur prius ad Zamoiscium mittebant. Per quos & abolitionem proscriptionis & stipendium pannosque, & restitutionem Terecktimiroviæ à Rege petebant: quæ postulata eorum diligentissime Regi Zamoiscius commendabat, quæ in præsentia concedi non possent, ut stipendium & Joanni, ut ad Comitiam rejicerentur suadebat: Interim donativo aliquo retinerentur. Cum autem non sine maleficio quæ iter fecissent, trāsisse dicebantur, in calones lixasque qui castra sequerentur, si quid damni datum esset, conferebant. Cumque Samuelem Kostkam consulto tardasse in itinere, ad exercitum suspicarentur, illo dejecto Chaurielem Kazimierzem, qui una cum Sierakovio cubiculario Regio, legationem apud Regem obierat, sibi præferebant: Duces Michaelis ubi allatum ad eos est exercitum trāsisse, faginos saltus Regionemque Chocimensem, castrorumque suorum Zamoiscium superasse, primo non credere: Potocium villarum suarum, conflagratione irritatum coacta suorum manu venisse existimare: Postea vero cum Zamoiscium esse, cum exercitu Regio compererunt, inopinata re exterriti & ne circumvenirentur veriti, sublati signis Soczavam contenderunt, ibi quid faciendum sit consultant: copias Regias esse magnas; augeri indies: voluntati tamen Provincialium erga Michaellem confidere. Nam is ad novos Transilvaniæ motus sedandos, recepta Soczavienſi arce in Transilvaniam redierat. Constituunt ad eum proficisci: ad arcem tuendam cum trecentorum militum, præsidio Joannem Kapturi, & Nicolaum Forgas relinquunt: eodem insigniores matronas, cum liberis recipiunt, maritis exclusis: hortantur, ad fidem Michaeli conservandam: diuturno spatio decem, aut ipsum, ad futurum aut auxilia firma missurum: Virtuti felicitæque ejus quam scirent invictam, cōsiderent. Atque ita, siue etiam à Michaelle ipso ob motus Transilvanicos evocati Provincia excedunt. Multas occasiones rei bene cum illis gerendæ fortuna dabat, cum alias Udra, alias Marcus Deli, sapius Baba Novak, proximos saltus quæ ducebatur, exercitus Regius explorandæ rei causâ, ut sit insiderent, & identidem vagarentur: neque deessent, qui eos adoriendi potestatem à Zamoiscio dari, sibi vehementer flagitarent, sed ille animo ipsorum collaudato,

eum exercitum, maxime hosti, formidabilem videri respondit, ejus nullæ partes disjungerentur; tum in persequendo fugaci hoste, nil profici; viros equosque defatigari multorum dierum spatio refici defatigaros. Integras maximè recentesque vires ad hostem adferendas. Multis tamen locis & à Niscicio & à Zborovio, & à Cosacis Sarogrodienſibus, hostes passim cædebantur, adducebanturque vivi: Præcisum ostentabatur, Sabbati, Scerbi, caput: quingentis militibus præerat, ab ineunte ætate, in perpetua militia secundo semper statu fortunæ versatus hunc exitum habuit. Ab hostibus nullus è Regio exercitu exceptus est, nisi qui vel comæatu competito vel perperam petito, vel spe evocatus prædæ quod Caloni-bus accidebat cæcus, in hostes ipsemer incurreret. Incendia testorum deinde, quæ increbrescebant capitis pœna prohibita multitudo provincialium universa, ex omnibus pagis, agris, oppidis, civitatibusque in arcta sylvarum, & in montium avia, abrupta cum omni tuppellestili, domestica armentisque & gregibus concesserat, siue terrore præsentis exercitus, siue conscientia defectionis ab Hieremia, siue quod in Michaellem inanibus ejus pollicitationibus magis animi propenderent: Ex illis latibulis nemo quisquam nobilium, aut infimæ plebis ad dedendum se aut ad restandam fidem erga Principem suum prodibat, exercitus comæatu abundabat. Frumenti magnus numerus in agris, & in specubus arte excavatis erat, eximia specie, & magnitudine boves gregatim agi videres. Castra mox inde ad Socaviam flumen mover; Zamoiscius non frustra terendum, tempus ratus, ac penes quem summa rerum futura esset, in ejus potestatem præsidium etiam, id sua sponte venturum statuebat: itaque caput belli potius ipsum Michaellem petendum ratus, cum præsertim tormentis, ad oppugnationem minus, instructus esset, non modò non tentandam eam existimavit: Sed præsidianis decem dierum inducias petentibus, intra quos nisi Michael, opem illis ferret, præsidio decederent: libens eas, illis dedit mille tamen circiter ex Valachis in custodia ejus reliquit, qui ingressus exitusque omnes ejus per id tempus observarent.

Præter Valachos Georgium Snicium cum Prussicis vicesimariis, Cosacorum Xiascij turma relinquit. Puteus in arce non satis commodus minusque aquæ habebat: Ille autem aquatione ex flumine diligenter eos prohibebat. Zamoiscius ipse Bakoviam à Socavia movit, cognoscit ibi quæ in Transilvania acta fuerant. Qui ex nobilitate Transilvanica relictis fuerant, Duce Czakio Bialogrodum, ubi ipse cum exercitu erat, versus eum moverant.

Id cum ipse præsensisset; in aciem cum exercitu decem circiter millium, progressus versus eos fuerat. Ibi que sylva

vici-

vicina tectus, castra collocarat. Incerti animis, exercitusnè Regij, accessissent auxilia, quæ ultorem Valachia citerioris, jam Soczavâ pervenisse audierat, an Cæsarei cui præerat, Georgius Basta, in eam occasionem intentus, si quo pacto perjurij in Cæsarem à Michaelle pœnas repetere posset, quod is pecunia, Cæsarea milite conducto vacuum, Imperio Batoreorum Transilvaniam, cum fecisset, ad suum tamen eam dominatum, potentiamque transtulisset. Anxius erat eo Nuntio Zamoiscius quod ea commutatione rerum, consilium quoque rei gerendæ commutandum sibi esse intelligeret. De consilij sententia eundem in Transilvaniam statuit: Transilvaniam altissimi undique cingunt montes: aditus ad eam rarijque difficiles & angusti; Ad explorandam itaque loci naturam atque ad occupandos angustias, Tatrufana via Jacobum Potocium, cum Moise Sekiel, præmittit: etsi res facultatem daret, & Transilvani eorum auxilio uti vellent, te cum illis conjungerent, quæ agerentur cognoscerent, exiisq; sibi nuntiarentur, consilium deinceps capturus. Itinere ulteriori pronuntiato, adeo quorundam animi labescere cœperunt, ut ex voluntariis multi quacunq; causâ excogitata, comæatum à Duce peterent, pars comæatu vel non petito vel non impetrato, præter verecundiam disciplinamque militarem, dilaberentur. Pars avaritia præceps, cum armentis & gregibus, omnis junientorum pecorumque generis, tanquam prædatum non militatum venissent, veluti cum hostilibus spoliis in Poloniam contenderent. Quos etsi tales oneri magis futuros fuisse exercitui si restitissent, quam ului existimaret: disciplina tamen neglecta: Sollicitus erat, rapinas etiam sub turcæ pœna interdixit. Bistriciam inde contendit. Redduntur illi à Botocio & à Sekielmoise literæ. Cognoscit Transilvanos advocato Georgio Basta, signa cum Michaelle, secundo Marte moræ impatientes contulisse, Michaellem in ipso puncto initij prælij ab Ungaris desertum, accepto, detrimento Forgassum refugisse, eoque in loco matrem simul uxorem & liberos universamque Gazam suam deposuisse, confixerat autem Michael numero, adversariis impar nondum coactis, in unum locum suis copiis felicitati quæ sibi aspirare videbatur confusus, doli militum suorum ignarus, sed è vestigio conveniunt, ad eum ex utraque Valachia, filius & Udra & Delimarus duces, cum exercitibus quisque suis: confluunt. Siculi asperum & montanum hominum genus. Conficitur numerum quinquaginta milia militum. Permoti eare Transilvani, & Georgius Basta, ad certas conditiones compositionemque Michaellem admittunt. Nam Michael percepto in Transilvaniam Potocij adventu, Zamoiscium cum omnibus copiis venisse existimans, eludendi ejus causâ, in Transalpinam Valachiam Brazovum versus proficisci-

tur. At Zamoiscius simul atque Michaellem malè pugnassee cum Transilvanis cognovit. Omisso Tatrufano itinere, Brazovum contendit, Potociumque revocat, forte id quod accidit conjectans ut in hostem; via Brazoviana inciderit, aut patientiore itinere; quam est Tatrufanum, ingressus Transilvaniam, eundem deprehenderet. Iter facienti Kosacovius & Kosilnicus nobiles Poloni, cum quingentis equitibus occurrunt. Rebus tranquillis ad Michaellem profectos, nullum adhuc perlata lege, quo minus pacato Regni tempore, cui quisque vellet, militarem, navaret operam. Subitum contra patriam bellum Michaelis oppresserat. Narrant se ex prælio salvos duodecimo Calendis Octobris ad Albam Juliam commissio venire de exercitu Regio nihil sensisse: tantopere id apud Michaellem, arcanum haberi: inscios obviam, Zamoiscio esse & magnopere lætari: Zamoiscius pro tempore paucis respondet, ac in exercitu Regio si vellent, potestatem remanendi facit, quatuordecimis à Socava castris Foxanum perventum est, qui pagus Transalpinam Valachiam à Citeriore dividit: Foxano tertiis castris Ventum Brazovum: Tertiis idus Octobr. à Brazovo castra movit, versus hostem. Nuntiabant exploratores in proximis montibus eum latere: ex eo judicat, hostem superiora loca secuturum neque ullo modo discessurum, à montibus qui perpetuo dorso utramque Valachiam à Transilvania se parant. Non alienum fortassis hic fuerit, utramque Valachiam hoc in ingressu ulteriori, paucis describi. Valachia recens nomen est, antiquis pars erat Thomorum & Daciæ velut alij centent Messia, Getarum sedes Romani Imperij versus Septentrionis fines, quorum defendendorum causâ junctus fuit, à Trajano Imperatore ingenti ponte Danubius: demersi reliquæ cernuntur, & continua ibidem Italici generis præsidia habita. Continetur à meridie Danubio flumine, à Septentrione Tira seu Nestro, ab Oriente sole Ponto Euxino, ab Occidente perpetuo Montium jugo. In planitiem paulatim de vexo contermina sibi Transilvania terminatur. Divisa in partes duas est. Quarum Poloniæ Regno conjuncta citerior appellatur Moldavia. Capit initium à Nestro, pertinet ad pagum Foxanum: Altera ulterior à media Foxani parte oritur, pertinet ad Danubium nobilem Europæ amnem vocaturque Valachia. Interdum, additur illi Transalpinæ nomen, utriusque Moldaviæ flumina nobiliora hæc habentur Nestro seu Tyras, qui supra Chaliciam Cassoviæ montibus exortus Podoliam à Moldavia secernens in Paludem Ovidianam Ponto Euxino restagnantem influit, Plutus, fretum Dieza, Szocava cum ignobilibus fluvii Danubio illapsa ad Pontum Euxinum feruntur.

Valachiæ amnes in signiores numerantur: Bistri-



Bistritia Boża, Tellazin, Olitas, Talonicz, omnes è Transilvania montibus promanant & diversis locis Danubio miscuntur, ambæ Provinciæ suum habent principem: cujus Imperium sequuntur, Moldavia in decem octo territoria partitur. Urbes præcipuas ubi domicilia sua principes habere solent hæc habet, Chocimium, Szocavam, Tassium totius Provinciæ firmissimum propugnaculum, ad sustinendas tamē nostri temporis oppugnationes majorumq; tormentorum fulmina perferenda, perimbecillum. Nobiliora territoriorum Moldaviæ oppida hæc sunt, Stephanestum, Orcheus, Siroca, Lipustinū, Gilhecum, Cernevecium, Borizanum, Romanovium, Bakovium, Ticutium, Burlatæ. Valachia quoque Transilpina, in territorio, 24. divisa est. Primariarum urbium hæc sunt nomina, Targovestum vetus Regia Principum, Recentiores Bukorestum, vocant & Georgiza, Territoriorū insigniora oppida hæc sunt, Boza, Ramecium, Rusdenum, Cralovium cum septem territoriis Duci militiæ attributa, Tilocium & Braclum, Turcicis præfidiis tenentur. Sed hæc quæ enumeravi, quondam floruerunt, nunc accuratius vix ullum restum videas, jacent prostrata bellorum cladibus omnia: visuntur terræ in altum tumuli præliorum ingentium testes. Solo utraque est fertilitatis eximia, campis & sylvis amœna: Vineis & pomariis melitonibusque ad voluptatem & copiam ferta, cælo temperato: agrum Picenum. Italiæ dicas, armentis & gregibus jumentorum pecorumq; omnis generis vix ullam provinciam Europæ affluentiorē esse credideris, eodem propter apricum atque Estuaria ingens advenarum ex gelidis locis avium multitudo convolat. Hinc aucupia: Saltus etiam apti sunt, ad venandum. Vario differt genere ferarum; Bubalimiciores quàm usquam, piscatio rara est, Itinerum mensuras non habent, dierum spatio illa definiunt, ipsa gens bellicosa & ingenio solerti: Si accederent literæ magnarum artium capax. Itala Slavica confusa illi oratio, mores instituta religio, ex præceptis haulta disciplinæ, Græci schismatis. Si rament ab assiduis partim Turcicis, Tartaricisque, partim ab intestinis bellicis vacare liceret, dives opum, auriq; & argento Regio ad omnem humanitatis cultum & splendorem brevi traduci posse videtur. Zamoiscius Transilvania relicta in Moltaniā se convertit, Longomajorum duobus à Bakovia milliaribus castra movet, ubi dum itinera resque Michaelis diligentius exploraret, unum atque alterum diem subsistit. Michael post rebellionē Transilvanorum quemadmodum ostensum est, Brassoviam secesserat, ibique copiis omnibus coactis tam iis quæ ex Moltaniæ, quàm Valachia convenerant, siculis etiam qui in partibus ejus perstabant receptis quinquaginta circiter millium exercitu confecto in spem retinendæ Transilva-

niæ venerat. Sed adventu Jacobi Potocij quem cum parte copiarum Zamoiscius in Transilvaniam præmiserat, itinere ejus via Bistriticēse ulteriusq; quasi versus se via quæ supra Cik est cognito veritus ne exercitus reliquus omnis Regius sequeretur, Tetrusium versus se contulit; è Transilvania in Moltaniā Zamoiscius itineris ejus adhuc ignarus, cum tantum latiorē viam eam esse cognovisset, eadem exercitum ducit. Quamprimum de itinere exercitus Regis accepisset Babam novacum primarium è ductoribus suis versus eum mittit qui è latere quo iter exercitui erat in angustiis montium ad villam Nageonia se collocavit. Michael sub opposito monte castra habebat, die Dominico cum versus locum cum progrediretur, Baba Novak velitandi causa obvius nonnullos misit cōtra quos ex nostris etiam studiosè divertisse proripuerunt, feliciterq; velitari cum illis fuerunt. Zolkievius significat. Zamoiscio, petere Cosacos, ipsis quoq; ire versus eos permetteretur: ex nobilitate alios non paucos. Visum Zamoiscio fuit, ut turmas aliquot una ad eos mitteret à Sobiescio Palatino Lublinense maxime animatus qui locis situ perspecto periculo vacare rem confirmabat. Zaporienſium interim pars imperio etiam non expectato versus hostem progreditur ex reliquo etiam exercitu non pauci alacres eò tendunt: Imprimis Chodkievicius Capitaneus Samogitiæ, Petrus Lasse, Bekiesius, alijq; complures conficiuntq; in loco hostem pellunt, non paucos occidunt, vivos captivos advehunt. Non parvum momentum ad eam rem Zbarasij fratres Palatini dæ Braclavienses cum sclopetariis quos pater miserat attulerunt. In altero monte è castris hostium nonnulli se etiam ostenderunt; ad quos parte Cosacorum conversa cum ab illis premerentur turmæ excubitoris, & Vaclavi Zamoisciorum. Davidicaque subsidio illis missa fuerunt, eodemq; quo hostes loco dejecti aliarum turmarum adventu fuerant, ad ipsa castra Michaelis impetu nostri delati. Solum Valachiæ molle & cretosum est, amnibus non adeo frequentibus, quo fit: ut ineunte Vere cum multa glacie & plurima nive rigidi montes solvantur, & liqueſcant, præcipiti diluviei & ruentibus ingenti impetu, torrentib; cedat, & in altissimas fossas præruptis utrinq; ripis intuitu horribile deprimatur, propter graminū herbescentium altitudinem priusquam ad ipsos ventum sit. Non animadvertatur, è loci natura coepit consilium, & partem militum in radicibus montis arbutis vineis convestitis recondidit. Michael postmodum ulterius progressus supra viam, fossasq; quæ sub ea ex frequentibus fluviis erant, ad villam Sekatim castra metatus fugit. Cum nostri accederent velitatum aliquot obviam eis misit, è nostris non minus alacriter obviam aliqui illi progressi, è Cosacisque nonnulli, atque ira per dimidium fere milliare, velitatione ducta, hostes

hostes interim cessare, donec sub colle inter vineas ad villam Kapturi exercitum constituit, peditatq; & tormentis eo firmato plures ad velitandum contra nostros suis submittit. Nostri ab initio adventu à tergo turmarum aliquot Valachicarum quas incitis Zamoiscio & Zolkievio dum exercitus adveniret Palatinus Valachiæ, auxilio illis miserat, Multanicasigna existimantes, perturbati non nihil fuerat. Exercitu postea superveniente, vires animosq; recipiunt, cum tormenta etiam advecta fuissent, aliquot jussu Zamoiscij non sine noxa explosa contra hostem fuerunt. Contra exercitum ipsum, cum loco tuto constitisset, cumque nox interim supervenisset, eodem loco Zamoiscius etiam castra metatus fuit. Michael sub montes se subducens eo loco pernoctarat. Summo mane inde quemadmodum pridie fecerat, per ultiores montes exercitum ducit, Zamoiscius ad Krikow flumen diem cum integrum cum exercitu substitit, cum recolligendi ejus, tum commeatus maxime autem aquisitionis causa, quam per triduum fere valde exiguum habuerat, solum enim satis aliquot fertile feraxq; aqua fere caret, postmodum inde Plestrum movet. Ubi Michael moribus suæ convenientibus, deliciis vacare solitus fuerat curiamq; constituerat, inde in montes in quos hostis post prælium se receperat, Targovestumq; sedem provinciæ convertere se Zamoiscius cogitabat, per exploratores interim cognoscit, occasione invadendi exercitus nostri Michaelē intentum esse. Ex illo igitur loco cladibus Turcarum insigni Michaelē in latebris suis, antequam ex illis in se erumperet, præveniendum Zamoiscius ratus, post mediam noctem summo silentio ex castris cum delectissimo milite egreditur, relicto ad defensionem castrorum omni Calonum famulitij vectorumq; turba, constitutoq; ira præsidio, per medium Plovesti oppidi progreditur, per mediamq; sylvam quæ ad ostium fuit, montium quibus Michael septus erat. Primo jam sole illucescente, nebula obscurissima prospectum exercitus nostri hosti præripuit, cujus interventu quasi perpetua nox visa. In ipso conspectu exercitus Michaelis discussa fuit. Zamoiscius montem vicinum occupat, prospectus ex eo in castra hostium totamque aciem erat, animadvertit, locum in quo hostis erat, imprimis tutum difficilemque aditu esse, ex tribus partibus montes, prærupti sylvis confiti, illum circumdabant. Quartum latus per quod ingressus erat, fluvius Telazin ob divortium bis transeundus, & limosa fossa sylvaq; densissima, peditatus præterea hostium cum Tormentis in insidiis conspiciebatur. Tormentis igitur in montem eum quem occuparat, subductis, aliquoties ea in cohortes eas explosa. Ab hostibus interim unus Ungarus, alter Valachus, transfugientes quo quisque loco ex hostibus constitisset ostendunt. Cosaci etiam Zaporienſes, quid mandaret querunt: Ostendit prælium se commissurum, in-

sidias saltem, quæ in sylva positæ essent, se veneri: recipiunt se illas ejectiones. Zamoiscius etiam subsidia illis pollicetur. In castris Michaelis interim tentoria curus & omnia impedimenta raptim correpta, in fugam vertuntur: Ad quæ diripienda Zamoiscius exercitum mittere noluit, ne prædæ inhians, noster exhaustus miles, expositus esset cædi: Michael enim post sylvam quæ loco clauſtri illi erat, ita exercitum remote à castris disposuerat, ut in primo ingressu obviam castra noster miles diripiens, à tergo & à latere opprimi posset. Postquam duarum fere horarum spatio acies Michaelis terribili & crebra tormentorum explosione, summa cum multorum cæde turbarentur, jamque rapina illa castrorum in fugam esset versa, immittit exercitum Zamoiscius ab uno & altero monte, à fronte pedites, à dextro latere Cosacos, à sinistro delectissimos equites hos subsequerantur, acies hastaræ, omnibus difficillimū erat ad hostem accessus, nam cum pedites primo præcederent. Pedes Polonus brachio tenus, per aquas fluvij, & limosam, sublequentem paludem ægre ad hostem evadebat, pixidibus interim iter sibi ulterius aperiendo. Pedes Cosacus per sylvam arbutis, rubetisq; confertissimis plenam, difficulter se ad hostem, totis viribus trahebat. Pedites nostri cum hoste fortiter, quoq; instante, sed tunc bene impetito & turbato tormentis confugebant: Jam & delecta cohors, trajectis arduis anfractibus, id ipsum peditum latus, strenue invalerat jam & acies remotiores hostium post sylvam: in insidiis latentes, tam equitum quam peditum, suis in succursum advolabant. Jam & Michaelis subsidiaria cohortes, terga nostrorum cursim circumire ceperant. Cum Cosaci postquam se ex rubetis in planiciem extraxissent, hostes à dextro monte, planeq; à tergo summo cum clamore cædunt. Tunc illi videntes suas insidias à Cosacis esse perturbatas: quasi jam nihil aliud restaret, in sinistram, alij in dextrum montem: alij recta post præcurrentes curus, abicientes loricas galeas: hastas arma denique ipsa, ne celeritati obstarent; præcipientes per invia loca fugiunt: insequuntur nostri, & summa hostium cæde omnes valles, omnes montes, omniaque circum loca acerrime complent: hostium ad quinquaginta millia fuisse constat. Militem enim omnem qui post cladem, Transilvanicam, reliquis illi fuerat, ex omnibus partibus congregaverat, nostrorum vix viginti millia fuerant. Et tamen Dei beneficio vix quinque in prælio perierant. Magna sane res, omniumque opinione major acta, non solum victoria tam clara, sed quod perniciosissimi hominis, sine dubio interitum Poloniæ meditantis conatus à cervicibus, quasi ejus remotus videretur. Vespere fere imminente receptui Dux canere jussit: ad castra cum victore exercitu revertenti, cum supplicationibus solitis, obviam, sacerdotes progressi: Ipseque quæ pietas ejus erat, in faciem mox pro-



cidit. Deoque gratias agens, prius se non sustulit, quam hymnus solennis finitus fuisset. Zamoiscius Karncovium Castellanidem Lencicensem Archiepiscopi Gnesni fratris filium, cum aliquot turmis, gravis & levis armaturæ, ad insequendos hostes mittit. Exercitum etiā ulterius promovet. Si fortè subsidii opus illi esset eo die ad quatuor circiter millaria Michael evasit. Tripartito autem fere fugerunt. Uni cum ipso Michael Kralovam versus, alij per montes disiecti: tertij recto itinere Skalā. Curribus tormentisq; relictis, pretiosiores res equis imposuerat. Kralovaq; Caram Seben, ad copias Cæsareas pervasit. Ad Zamoiscium nonaginta & quinque signa militaria relata fuerunt. Ultra ea quæ non comparuerunt: Ex quibus in vestimenta à gregariis militibus, non pauca direpta fuerant. Quæ quidem in potestatem venerant, in memoriam Divi Adalberti, & Patroni Poloniæ cujus translationis die pugnatum prælium fuerat, ad ecclesiā Gnesnensem transmissa fuerunt, in quam ab Archiepiscopo Karncovio illata, summaq; solennitate, frequentiaq; nobilitatis dedicata fuerunt. Tormenta etiam non pauca in potestatem venerunt, quorum Cosaci ipsi ad quinque nacti fuerant. Non parvus autem scrupulus relictus visus quod Michael evasisset, & quidē in Cæsareas partes, ut vel ipsum vel supplicium ejus à Cæsare peteret, diligenter regi Zamoiscius consulebat. Id enim nisi fieret non cessaturum, eum turbare & sine dubio Sueticiis Estonicisq; rebus ineunte Vere, non parvum impedimentum allaturum. Ipse etiam suo Senatusque, qui cum illo erant, & exercitus nomine Vozoscincium ad præfectos Cæsareas, maxime autem Georgium Bafstam, qui copias Cæsareas, cum Imperio illis in partibus præerat, legatum mittit. Permissum autem illi à Rege fuerat, ut remotioribus ex locis, ex quibus mandatum, ipsius non semper haberi posset, ad exteros pro rei necessitate ex consilio Senatorum qui in exercitu futuri essent, etiam non consulto se scribere posset. Studio Regis erga communem Christianitatem, & pacem testificato quæ cum Michael acta essent, significat: ut hominem cum in partibus Cæsareis versari diceretur, vel dederent vel supplicium de eo sumerent, petit. Hominem nullius fidei, totum ex fraudibus compositum esse, modo Cæsareum, modo Turcicum: Vassallum se profiteri. Illo incolumi nullam certā pacem sperari posse. De Transilvania consulit, ut Principis eligendi arbitrium ipsis potius Transilvanis, ad tempus permittatur, qui sub universæ quasi christianitatis, patrocinio Majestatem Turcæ potius interim agnoscat, quam arma ejus provocet, totq; incommodis hæctenus afflicta vel exigui temporis, otio se colligeret. A Siculo Moise ad Michaellem Czakium, qui quinque ab eo miliaribus in statione erat, indeq; ad Bafstam deductus, die 26. mensis Octobr. apud eundem, Davidemque Ugnadum, & Michaelē præsentē qui cum

illo erat, legationem exposuit. Non satis grata fuit, ad primam studij Regis testificationem interrupta: ex hostili in Moltaniam Provinciam juris Cæsarei irruptione ita parere: Si Michael quid peccasset, jus petendum fuisse, victoriam contra Michaellem facilem fuisse: ante à se profligatum. De Transilvania consilio se non egere: satis ipsos consilij habere, ter jam Transilvanos potestati Cæsaris se permisisse, semel cum Sigismundo Batorius Provincia ea Cæsari cessisset: Commissario Cæsareo, fidem iurandumq; dedisse: Iterum cum Andream Batorium auspiciis Cæsaris armis Michael superasset, Cæsari in cujus fidem recepta fuerat, iterum iurandum præstitisse: Tertio nunc cum contra Michaellem auxilio illis adfuisset, sacramenta repetiisse. De Moltania respondit, cujus juris esset, non ejus temporis esse, ut disceptaretur: neque se quicquam ea de re in mandatis habere. De Michaelē, denuntiatione apud Cæsarem injuriarum ipsius, satis jus petendum fuisse. Cumq; postea Cæsar etiam delegatione ea, maxime autem literis ad Transilvanos tanquam sollicitatione questus fuisset, excusata nomine regis fuit, quod Zamoiscius Senatoresque alij charitate patriæ etiam inconsulto Rege sua sponte fecissent, factum id esse, ad animos milicum placandos, qui majorem in modum repetebant primo matrem, uxorem, filiumq; Michaelis cum præda sibi debita. Michael postquam à fuga evaserat, in finibus Transilvaniæ, Ribnici & Vargilli: in Moltania aliquandiu hærebat, consilio ut putabatur, Cæsareorum ut speciem possessionis Moltaniæ retineret, & si premeretur, vel gravius quid ingrueret, inditiones Cæsareas, mox se reciperet, præstove illi auxilio essent: Interim tam Moltanorum, quam Moldavorum, animos tentaret: quorum non pauci in illum quam Mogillas propensiores esse dicebantur. Novæ autem provinciæ Simeonem Hieremiæ fratrem Palatini Valachiæ ex consilij sententia, Zamoiscius interim præficit, commendatus illi ante à plerisque Demetrius fuerat. Petri Circellæ Palatini Valachiæ filius, qui aliquot annis in Polonia fuerat: ipse autem natu maximus duos præterea fratres vivos habebat, unum apud Michaellem alterum, Joannem ipsum, tanquam majorem natu Moltani petere videbantur: Ex quibus complures propinquitate, ei conjuncti venerant: interque eos Udra exercitus Michaelis præfectus sumptum, in exercitum ob pacatam provinciam, annuumq; tributum promittebant, qua de re cum ad Regem Zamoiscius retulisset, ut ex re consilium caperet, Rex ei mandarāt. Simeone igitur ex consilij sententia provinciæ præfecto Turci Radulam in Moltaniam jam designarant: Vix alius igitur opponi illi poterat, præter Simeonem, ab Imperatore Turcarum jam ante propositum: Bekicius qui & ipse à nonnullis Zamoiscio commendatus, neque ingratus ei erat, ob religionem à Moltanis repu-

repudiatus fuit, præsidio præterea, aliquo opus habuisset. Demetrazko non satis mature innotuerat, ratio etiam in officio illum continendi si discedere ab eo voluisset, non satis facilis videbatur, Simeoni igitur Provinciæ præfecto tributum nullum certum impositum: Juramentum saltem, ab utroque præstitum, quod Rex Senatusq; in illos decrevisset, illo staturos, cum autem ad sustinendas res exercitum sine dubio continue alendum. Zamoiscius existimaret, ad minimum quartæ tributum in subsidium sumptus constituendum Zamoiscius censebat. Vix autem tradita Simeoni provincia fuerat, cum Causus Turcicus venit, qui Radulam filium Michnæ quondam Palatini à Turcis Palatinum Multaniæ designatum esse, nuntiaret, & ad sedem regni à Turcis duci. Responsum est illi Simeonem fratrem Hieremiæ post victoriam ex Michaelē Principem Multaniæ jam esse creatum, neque in consilio sanè Imperatore Turcarum cujus consilio voluntateque in eam sententiam itum.

Eodem igitur die Targovestum in principatum suum Simeon profectus deducens eum præfecto Camenecense, aliisque Potociis cum pluribusq; aliis primis ex nobilitate imperium militis, qui in provincia penes Simeonem permaneret, Tarnovio mandatum. Turcæ enim qui ut plurimum alienæ victoriæ fructum, interciperesolent, hac etiam victoria uti voluerunt. Machmet Gruzeldi Bassa qui ad Danubium cum exercitu confederat, negotium dedit, Bassæ Grudæ, ut Targovestum caput ejus Provinciæ occuparet, & præsidio teneret, ac Radulam Michnæ filium qui antea Principatum hujus provinciæ tenuerat & Machometicæ impietati se addixerat præficeret. Joannes Potocius Capitaneus Camenecensis quem Zamoiscius id reliquias belli persequendas Provinciamq; pacandam cum præsidio reliquerat eum rursus ejecit. Simeonemq; qui consilio probatus fuerat religionique Christianæ in provincia ea fovendaidoneus judicatus fuerat, Targovestum induxerat, publicèque designarat. Cum autem quemadmodum ante ostensum est, non solum Siculo Moises cum Sigismundo Bathorio apud Zamoiscium fuissent, verum aliorum etiam Transilvanorum non pauci & Bathorem in Principatum & Zamoiscium in auxilium vocasset, vel mutata postea sententia, vel à Bassa occupati ad Cæsareas partes postea se transfulerant, Michaelēque profligato jam Cæsari se tradidisse arces oppidaque omnia in potestate eum jam habere, neque sine maximo motu novarum rerum tentari aliquid ibi posse. Sigismundo Bathorio significarent pro qua voluntate gratias ei agentes ut à Provincia abstinerent, petierant: Si in Silesiacis proventibus recuperandis: adjumento aliquo & esse possent. Opera sua ei non defuturos.

In eandem sententiam ad Zamoiscium scripserant. Verum cum magis ex præscripto Germanorum, quam suo animo scripsisse, à plerisque putarentur, constitutum Zamoiscium habuisse plerique existimabant, rebus Moldavicis constitutis, cum exercitu in Transilvaniam ire, sed primum anni tempore, exercitusque constantissime, post victoriam domum properantis, missionemque flagrantis, obstinatione, tum Regis etiam literis, ne Transilvaniam ingrederetur prohibentibus, retentum fuisse: Ipse etiam Bassa priusquam Vozoscincius ad eum pervenisset, arrogantius non nihil & de victoria contra Michaellem significarat, utque ab utraque Valachia post pœnas ab ipso Michaelē sumptas, tanquam juris Cæsarei abstineretur, sub pœna violatorum fœderum flagitarat. Per Vozoscincium rescripserat, quemadmodum à nostris responsum antea illi fuerat, controversas eas non vicariorum sed ipsorum Principum esse utque tam deditio Michaelis, quam Transilvanicæ res, ad ipsum Cæsarem Regemq; remitterentur, postularat.

Præter innatum autem omnibus hominibus studium, quo sibi quisque suæq; Reipublicæ quàm alienæ mavult, ut rerum Transilvanicarum satageret, publicæ etiam nonnullæ causæ Zamoiscium movebant: maxime nē provincia tam exhausta viribusque impar in Turcæ potestatem veniret, eaque ex re & universa Christianitas, maximum incommodum acciperet: & imprimis vicina Polonia iisdem periculis involveretur. Verum literis Regiis, ante ostendimus acceptis, in Poloniam exercitum reduxit, diverso sane itinere. Ipse Zamoiscius per Tikicz, Berlot, Jassi, Stephanovic Chocimum Cameneciam, primam urbem Poloniæ, à loco victoriæ sexaginta miliaribus Germanicis distantem. Decima nona Decembr. redijt.

Cogitavit, ab initio ob ditiones Regias, exonerandas in Moltania exercitum in hybernis relinquere: Sed ob summam in Provincia devastata, commearus inopiam, in Moldaviam seu Valachiam recolligendi ejus causa, posteaque in fines regni reduxit, subsidiumq; ingruenti bello Livonico, in hyberna distribuit. Quemadmodum ante ostensum fuit, suspecta non nihil fides Valachi esse, eo magis de eo hæsitatum, quod cum majorem natu filium in Regiam minorem & puellam, Zamoiscium in scholam gynæceumq; disciplinæ causa se missurum ultro ante obrulisset, sententiam eam vel mutarat, vel differebat. Uxoribus igitur sine impedimento aliquo, illis remissis liberi ad mandatum Regium invitati sane illis, & quærentibus Camenecis jussu Zamoiscij retenti, postea tamen jussu regio dimissi, restitutiq; ei fuerunt.

Interim Rembovius etiam ex aula Turcica redierat, & ante etiam quomodo à Bassa acceptus fuisset, significarat, de Michaelē facile



assensum omnia in fraudes ejus conferenti. De Valachia negatum sine periculo summo, referre se ad Cæsarem de ea posse. Michael aliquantulum in finibus hærens, exercitum interrim non contemnendum novem circiter millium coegerat. Cum quo Moltaniam iterum invadere conatus. Die 25. Novembr. ad Argistam à Simeone novo Palatino Polonicisq; copiis quæ cum illo erant, fufus, fugatus & ad internecionem cæsus fuit. Ipse tamen Provinciæ tenendæ sine ulteriore auxilij spe abjecta Pragam ad Cæsarem cum paucis evasit, ubi etsi nulli vita facinoræ ejus ignota essent, spei tamen vel ante Principibus Austriacis factæ, vel futuræ condonata fuerunt, objecta autem illi publice, maxime ab Episcopo quodam Transilvaniæ etiam judicium illi intentatum fuit, quod cum Turcis communia consilia haberet, vexillum etiam, aliaque insignia Imperij accepisset: fidem suam illis addidisset: Cæsaris fidelium persecutio: quod bona Principis à Sigismundo in dotem illi obligata: Clenodia à nobilitate etiam alicubi deposita invasisset: exactiones extraordinariæ & intolerabiles: in nobilitatem Tyrannus ejusq; omnis extinguendæ consilium: com meatus in partes Cæsareas, subvectio. Sub capitis poena interdicta, quod Moldaviæ sine jussu permissuque Cæsaris invasisset, quæ res præsentium omnium malorum causa esset, Provinciam Cæsarei juris & Cæsaris auspiciis occupatam intervertere noluerit, absolutum cum imperio usurpasset. Ideoque Bastæ aliisq; Commissariis Cæsareis, tradere eam noluisse, & jocularis quidem res: Sed ex qua animus ejus in Cæsarem Germanosq; facile perspicere posset, quod histrionem Germanice indutum, qui in Germanos luderet, in deliciis ad mensam, semper habuisset, neque quieturum se profiteri ausus fuisset: priusquam Germanos omnes quos nigrorum canum nomine appellare solitus fuisset, ab iis locis removisset, aliaque complura. Quæ etsi gravissima essent, ipse tamen summo in honore habitus fuit. Lautia illi præbita ab externis legatis frequentatur. Rheda Cæsarea vectus, aliisque honoribus comitatus fuit. Ante prælium quidem initum, sed Valachia Michael jam intento Joannes Fisleius Thefaurarius regni ad nuptias Ferdinandi Archiducis Austriæ missus, ad Cæsarem simul, de Moldavicis & aliis rebus nonnullis descendente jussus fuerat.

Valachia autem jam occupata & Zamoiscio à Rege contra Michaellem missis Paulo Volucio Episcopo Cameracensi Romam proficiscenti, ad summum Pontificem etiam mandata eade re data fuerant. Michael postea fuso rejectoq; ex instituto ad summum Pontificem Henricus Fisleius Scholasticus tum Cracoviensis, nunc regni Vicecancellarius Episcopus Plocensis Thefaurarij frater. Ad Cæsarem Andreas Opalenius de Bnino Præposi-

tus Plocensis nunc Episcopus Posnaniensis, missi fuere. Cum utroque de tribus potissimum rebus actum. Cum summo Pontifice quidem, ut autor earum Cæsari esset: Cum ipso autem Cæsare de ditione Michaelis, de Moltania seu Valachia Transalpina, ut in eo, in quo nunc statu esset, permanere permitteretur: ipsius id christianitatis interesse, quæ ad Danubium sita, cum ipsum Danubium, tum oram omnem Constantinopolitanam ut quæ planissima esset, in potestate fere haberet, & in qua si melioribus temporibus pro christianitate gerendum aliquid esset, exercitus prius convenire posset, quàm quid ageretur, Constantinopoli sciri: nomine denique maleficiorum à Michael daturum sumptuumque ea causa factorum, obnoxia quali regno esset. Quamvis, quo jure quomodo, & à quo nactus eam Michael fuisset, non ignoraretur, legatio Vozicinscij, tum literæ ad Transilvanos à summo militæ duce datæ excusant, ut quæ non sollicitationis alicujus quæ clandestinæ plerumque fieri solent, sed aperte factæ consilij animo datæ vimque habuissent: quod vel acceptare, vel repudiare in cujusq; potestate esset.

Ad utrumq; Confederationis mentio facta non per Regem Ordinesq; regni, quo minùs coivisset, stitisse, sed per ipsos Consiliarios Cæsareos, qui triennio eam circumscribi voluissent, cum nostra ex parte exitus belli necessario requisitus fuisset à summo Pontifice ad mutuum amorem inter se utrinq; conservandum invitati, à Cæsare ad legationem Opalenianam responsum fuit, de mentione belli sacri foederis non videri sibi utri parti quod non coivisset, imputandum esset, diligentius inquirere: Zelum suum non verbis sed ipsa re factisque dum Ottomannicam potentiam tot annis indefesse fatigaret, satis superque illustrem esse. De Michaelle in quem adventus Opalienij sub id tempus Pragam inciderat responsum, ea conditione in gratiam Michaellem receptum, ut ab omni maleficio in Moldaviam Poloniamq; abstineret, neve ullam injuriæ querelamq; causam daret, & propterea, quasi illi parci non obscurè causatum, ne ad alios transfugiens, majori forte incommodo, cum ipsi Cæsari, tum Regi, tum universæ Christianitati esset. Reverta: ad varios bellorum usus, maxime contra Sigismundum Bathorium tum Turcam quamvis fides ejus suspecta jam esse ceperat, tanquam instrumentum quoddam recondebatur, militeque pecunia, armis iterum instruebatur. Quamvis quo fortunæ ludibrio non multo post succubuerit, paulò inferius dicitur. Ut in plerisque autem proximis legationibus ad Cæsarem ut in primis Joannis Gostomscij Palatini dæ Posnaniensis qui ad funus Cæsarem invitatum ex aulicis Regiis missus fuerat, Adriani Rembovij, qui aliquanto post ad extremumque Joannis Fisleji regni Thefaurarij, ita in hac

hac etiam Opaleniana, cum de injuriis quibusdam, quæ ex Silesia Ungariaque cum privatis quibusdam intercesserant, tum de negotio Brunsvicensi, quod post mortem Zophiæ Infantis Poloniæ stertiter defunctæ, de dote ejus ad hoc usque tempus variè à Duce ductum fuerat: tum maxime de injuriis Caroli in regno Sueciæ actum: quemadmodum & milite contra eum in imperio scribendo: ne in ejus militiam quisquam nomen daret editis prohibendo, similiter commerciis in imperio per duellum Suecorum, iisdemq; in sequestre retinendis Lubecensium injuriis: in fœdusq; contra Carolum cum Rege regnoque descendere, vel jubendis vel permittendis. De plerisque tamen fere frustra. De injuriis causaq; Brunsvicensi, partim ad jus, partim ad arbitros res revocata. De milite contra Carolum scribendo sequestro: fœdere Lubecensium & quæ ejus generis essent, partim in transactionem opera oblata: partim leges imperij oppositæ quæ postulatis iis obstarent: A conjunctissimis consanguineis fratribusque Rege Hispaniarum: Albertoq; Archiduce, similibus de rebus appellatum, per leges tamen eas imperij gratificari in iis se non potuisse. Verùm dum hæc in Moltania geruntur Carolus patruus Regius Tutorq; regno antea relictus, primum ipso rege, ad Patrium regnum veniente exacto: Senatoribus deinde primariis ad Lincopiam à Rege dedi coactis, per summam crudelitatem supplicio affectis, Calmaria in qua Bekiesium, cum præsidio rex reliquerat, post longam obsidionem capta, contraque fidem datam aliquandiu retento, postea tamen dimisso, nulla cum regno Poloniæ injuria ei intercedente hostilitateq; ei indicta, ut ante regnum Sueciæ ita tum Livoniam invaderet. Jam ante plerisque Livonibus per literas sollicitatis, atq; ad libertatem religionis, quo unico seditionum prætextu Sueciam etiam in partes traduxerat, vocatis, Exercitum, quam maximum poterat, confecerat, partim ab Holsatiæ Duce affine, aliquot millibus illi adductis partim ex Estonibus Livonibus, partim Regis: maxima tamen parte, ex rusticis Sueticis invitatis ab aratro ad arma compulsis. Ad eos Wilhelmum Nasovium, quo pro legato uteretur, miserat, qui ea conditione Gubernatoris, partes suscepisse dicebatur, si Rigam potestatis suæ fecisset, cumque reliqua Livonia ei tradidisset. Exercitu hoc instructus, primo Revaliam suæ ditionis post discessum Regis ex Suecia factam trajicit, inde ad Parnaviam obsidendam pergit, plerisque tanquam in altissima pace, vel planè securis, nihilq; metuentibus, vel ultro ad eum accedentibus.

Georgius quidem Farensbecius, Palatinus Vendenis, & ante consilia ea persenserat, & in præteritis maxime comitiis cum Regem, tum Ordines, ut intenti, in Carolum resque Livonicas essent, admoverat: sed in tot alia-

rum rerum maxime Moltanici periculi cura, minor Livonicis adhiberi potuerat. Ad primos tamen motus Christophorus Radivilus Palatinus Vilnensis, militæ magni Ducatus Lithuanicæ Dux, aliq; nonnulli Senatores Lithuanicæ maxime Dorostaiscius magni Lithuanicæ Ducatus Marsaleus cum aliquot turmis stipendiariis, voluntariisq; non paucis Kokenhaufum præfecturam Radivili progrediuntur, ubi de copiis Caroli cognitis, ultra viginti quatuor millium exercitum habere, nihil temere agendum rati, dum majores copias contraherent, subsistunt, interim Dembinium Palatinum Parnaviensem, Lenekum Castellanum Dorpatensem, cum iis quæ paratæ erant, copiis in Livoniam præmittit. Carolus in tres partes exercitum diviserat, majorem cum tormentis apparatuque bellico, ipse versus, Dorpatum ducebat. Vendam versus Mauritium Frangel cum selecto peditatu, equitatuque misit, reliquam partem Carolo filio naturali, ad reliquas arces occupandas, terrorq; nutantibus adhuc dubitantibusque, circumferendum attribuerat. Farensbecius reliquis plerisque ad Carolum transfugio jam dilapsis, centenos aliquot Germanici nominis milites in fide constantes, penes se habebat. Illi Dembinus & Lenek se conjungunt, sub arce Carculensi in Carolum nothum incidunt, prælioque cum ea commisso in fugam mox vertunt, multis caelis captisque. Non multo tamen post proditione nonnullorum præfidiariorum quos partim Polonos partim Germanos in ea reliquerat, ab hostibus arx capta. Prædaque non parva in ea reperta. Dembinus Vendam tanquam sedem Livoniæ cum ad oppidum muniendum tum Suecos inde arcendos cum selectiore milite mox se confert. Ibi dum per aliquot dies moratur, primò Volmaria à præposito Vendenis de conspectis ignibus castrorum hostilium, nuntio accepto, cum milites ut diligenter excubias haberentur, inque campo potius quam intra mœnia hostis expectaretur, ultro postulasset. Media nocte quadraginta iterum Cosaci Marsalciani ad explorandum hostium adventum missi fuerant. Qui etsi ex conspectis ignibus castrorum de adventu hostium, qui Mugianum pernoctabant, idem confirmassent. Neutri tamen Nuntio fides à Dembinio adhibita fuisset, miles intra mœnia revocatus fuit.

Non multo igitur post, die Dominico quæ septima erat mensis Januarij, circa horam primam Suetica signa Mugiana via descendente conspiciuntur, repentino adventu eorum plerique territi, ad arma confugiunt, sed alij somno, alij cibo vacabant. Tuba igitur signo dato tumultuatur, Mauritius Frangelius interim sub ipsa mœnia accedit, Tormenta ad ædem suburbanam collocat, prius Ludovicus Veiherus, qui turmam ducebat, ex urbe prorumpit, cum eoq; Lucas Ligovius, turmæ



Marfalcana, quam suo sumptu subsidio Dorohostaiscius Vendam miserat. Dum alij conveniunt, impetum hostis sustinent, ab oppido aliquantum remonent. Sub Veihero duo equi occiduntur: tertio incolumi consensu, pugnam redintegrat, sub Ligovio uno equo intorempo, ipse globo in femore trajicitur, ex quo vulnere non multo post Rigæ obiit. Ex Lithuanis tantum duo sunt occisi aliquot globis icti, ex Suecis præter vulneratos viginti interiere: sed paucitate, conspecta Sueci gravius instare ceperunt, propiusque accedentes tormenta explodunt, interim sine ordine conveniunt, prout quisque poterat, reliqui oppido proficientes, numerum suorum augebāt. Sic autem acies Suecorum instructa erat, septem millia planitiem campi occupabant, latus sinistrum equites tenebant, in dextro à dimidia parte, peditum tormenta ducebantur. Reliqui pedites potissimum sclopetarij medio agmine singuli acie instructissima progrediebantur, nostri ab initio perturbatiores non nihil erant, fugam tamen susteabant: Dembinus inter milites seversans, acies instaurat, interim Vincentius Voia Ducis Janusij Radivili Pocillatoris Lithuanici militum Præfectus suos quoque milites in ordinem redigit Georgius Tiskievic turmæ itidem præfectus similiter ex suis quos colligere poterat aciem subsidariam instruit: Ludovicus Vejerus ut cepit excursionis è latere faciebat. Equites Marfalciani seu Dorohostaisciani etsi Præfecto suo orbat, trajectory enim in oppidum relatus fuerat, ad signum nihilominus suum convolantes in ordinem se colligunt, similiter Laurentius Rudomina Secretarius Regius cum sua quam ducebat Turma, idem Licivinius tacit, itidem Dembiniani equites ut quisque quam celerrime potest in ordinem se redigunt. Acie quocunque modo instructa Vincentius Voia cum suis equitum latus sinistrum hostile aggreditur, sequitur, hunc Tiskievicius Marfalciani tormenta peditatumque invadunt. Rudomina & qui reliqui erant, in medium Suecorum agmen irrumpunt, pugna acriter commissa Sueci in fugam vertuntur, ad Goviam usque caduntur: quosque ensis non absumperat, eos fluxius alioquin rapacissimus absorbit. Ex septem millibus vix trecenti fuga evaserunt, castra tormenta campestria duodecim, instrumentum bellicum omne in potestatem nostrorum venire. Farenbecius Palatinus Vendenis vix duabus horis ante prælium minime tum speratum, in iter ad Regem Vartaviam se dederat, vixque uno milliari progressus fuerat, certior de pugna factus, sine ulla mora ad reliquias victoriæ rediit.

Fugientes adhuc Suecos insequitur, capti sunt ultra mille, ex Lithuanis decem solum interempti, sexaginta vulnerati, vexilla Suecorum undecim capta. Cum residuis exercitus eorum præfectus Mauritius Frangelfuga evasit. Carolus interim Dorpatop

proditionem capto cum octodecim millium exercitu Volmariam castrum movet, tormentis majoribus muralibus omniq; apparatu bellico instructus. Lithuani virium suarum sibi consilij Vendæ interim in occasiones omnes intenti sunt. Quarta Februarij Dux Carolus obsidione cingit Volmariam, aggeribus tormenta muralia locat. Missi primum à Dembinio exploratum Cosaci aliquot cum nihil certi referrent Stanislaus Bialosor cum octoginta equitibus mittitur, hic prima Vigilia circumventos duos ex iis vivos capit, aliquos interficit, reliquos ad castra persequitur, quibus tantum terrorem infert, ut aciem instruerent, totamque noctem in armis essent. Cum sub crepusculum Bialosor rediisset, de numero exercitus hostium ex captivis cognoscit. Consilio habito, cum Dembinus nihilominus contra hostem ducendum fortunamque tentandam contenderet, obstitunt. Ludovicus Vejerus Stanislaus Bialosor, qui tum Dorohostaisciana turmæ legatus erat, Vincentius Voia primo quod ob nivium eo tempore magnitudinem vix ipsa via equi incedere possent, multo minus si avia descedendum esset, è nivibus emergere: peditatus præterea nullus esset: sine quo difficile aliquid contra hostem tam numerosum suscipere esset: Si quod Deus averteret clades aliqua acciperetur, milite alio nullo parato aut propinquo, de tota Livonia actum fore. Non modo igitur cum hoste non congregiendum sed ne in nivibus iis ex quibus si hostis ingrueret, non facile eluctari illis esset, illum expectandum ac in tempore potius cedendum rati. Kokenhausium se conferre, ibique auxilia expectare constituunt. Sicque octava Februarij Venda movent: Dembinio cum paucis ad eludendum hostem Vendæ subsistente, quam tumultuosissime omnia agendo speciem copiarum, aliquantum hosti obijcitur. Quare per exploratores cognita per totam iterum noctem metu irruptionis nostrorum in excubiis & armis Carolus esse, verum interim intra biduum Volmaria capitur. Postea omnibusque discedentibus Bebaliam in præfecturam suam se confert, in eaque vix cum centum equitibus se includit. In ipso fere digressu, literæ à Dorohostaiscio Bialosoro redduntur: quibus ut in tanto Livoniæ periculo primam sui præsidij Dunemundensis curam habeat, ei mandat: illud ut omni ratione dum alia auxilia à Rege ac Republica submitterentur, quacunq; ratione tuerentur, equites omnes, obtestatur. Ad trecentos igitur equites alacres eo se conferunt, ibique minus necessariis equis ablegatis cum ducentis circiter & quinquaginta peditibus juramento militari omnes se obstringunt. Idem Vincentio Voia de Kokenhausio paterna præfectura Janusij Radivilus pocillator mandabat. Interim non procul à Bobalia Hilem Anglum cum Medone & aliquot millibus equitum explorandi gratia à Duce Carolo missi, per proditionem rusticorum quiescentes

tes equites Rudominianos, noctu invadunt, plerosque interficiunt, acrius se in ædibus defendentes flammis exurunt, nonnulli fuga sibi consulunt, intra paucos dies Dembinus à vicino quodam Livone ad prandium invitatur: qui cum & familiarissimus ei esset, nihilque ab hoste cujus omnia per exploratores cognita haberet, metuendum, jurejurando confirmaret, ut fidem ei haberet, persuasit. Sed quam primum prandere cœpisset, perfida hostibus signum dat, qui irrumpentes defendentes interficiunt, Dembinium vivum capiunt. Ut in re subita Ludovicus Vejerus à milite Regio in locum ejus eligitur, qui cum vix ultra quingentos equites haberet, & sufficienter arces illas munitas milite videret, versus Dzuinam deflexit: ibique Sicinio se conjunxit. Eo consilio ut recollecto majori militum numero obsessis, si res postulare auxilium ferrent, Rumburgum arx capitur, una cum Vesolovio, præfecto Regio, similiter Cremuna & Zigult Traidunum arces. Residua adhuc erant liberæ arces Kokenhausium & Dunemundum veterano milite præfidiario & omni munitione tum instructæ. Arcem Rigenensem Senatus Rigenis in tutelam receperat, stipendiarios suos milites ibi locarat, tormenta, globos, pulverem & omnem commectum abunde suppeditans. Paulo post obsidet Carolus Kokenhausium eoque die factæ sunt velitationes campestris. Tertio ab hinc die Carolus cum Kokenhausium obsidere instituisse, Medonem Livonem cum quingentis circiter equitibus & Hilen Anglum ad occupandam arcem Novemolensem, transitumque Rigenis & Dunemundensis prohibendum viasque infestandas mittit. Verum Medone ultra Goviam subsistente, Hilen à paucis peditibus Dunemundanis qui ad viam publicam tuendam inter Dunemundam & Novam Molam commebant, à Vicepræfecto Novemolensi rejectus fuit. Non multo post molle ducentos pedites centum circiter equites tormenta majora sex ad occupandam arcem iterum mittunt. Arcem scalis aggressi denuo repelluntur. Dunemundenses aliquot, qui in excursionem missi fuerant, ejus rei ignari cum sonitum bombardarum audivissent, Dunemundum obsideri existimantes, mox etiam per hostes Dunemundam se recipiunt, re cognita nocte in præsidium evadunt. Ostrovius, Vicetapitanus Dunemundensis, vir militaris, equitibus omnibus assumptis ad liberandam Novammolam proficiscitur, non tam arcis causa, quæ vetus ruinosaque erat, quam obsessorum, ne in manus hostium venirent: cum Suecis congressus obsidionem solvit: qui in arce erant liberat, quæque in illa erant, secum aufert, arcem ipsam, seu portas potius incendit. Salvusque cum suis ex ea Suecorum multitudine se recipit. Interfecti sunt Sueci 30. ex Dunemundensibus nullus, vulnerati aliquot. Post horum discessum, Sueci Novam molam occupant, proque tempore com-

muniunt, Dorohostaiscius centum pedites recentes: illi submittit. Medo etiam cum quingentis peditibus Suecis Novemolensibus se adjungit, postridieque sub ipsam arcem Dunemundensem cum non paucis equitibus excurrit, illis ex arce Dunemundensi triginta circiter equites occurrentes velitatione commissa aliquot ex Medonianis interficiunt, Livonem unum vivum capiunt. Medo refarcire damnum cogitans, sequenti die insidiis per colles vicinos collocatis, sub ipsam arcem cum numero non parvo equitum excurrit, præfidiariosque ad velitationem provocat, illi alacres occurrunt, vertit, terga Medon, versus insidias, illi instant, nec revocari se patiuntur. Quare cognita Ostrovius suis in subsidium cum 100. equitibus advolat, peditum pari numero in insidiis locans. Dumque suos ab hostilibus insidiis retrocedentes comperit, in tempore succurrit, sitque instar prælij: dum & ille Suecos ad insidias suas ad ductos egregie profligat, 32. occidit: duos vivos capit: plurimos vulneribus afficit: ipse cum comilitonibus, tribus saltem interemptis, duobus globo sclopeti ictis incolumis rediit. Postridie Sueci Rigam veniunt, suburbia spoliunt, rursusque Novammolam redeunt, quod & in posterum sæpius factitarunt. 29. Martij sub crepusculum diei Sueci in tres turmas divisi, equites una cum peditibus ad obsidendum Dunemundum veniunt, primum excursiones faciunt, ad certamen provocat, sed egredi vetebatur. Interim turma unaverfus ostium Dzuinæ ad Villam Sancta distam progreditur: Altera turma Rigam versus: Tertia intra colles latirabat. Cumque paululum essent immorati subsistentes ad villam Sanctam in unum conglobati, improvidi tormento majore ab arce exploso uno ictu, (quarta enim parte milliaris villa illa ab arce distat,) novem interficiuntur magister quoque tympani interiit. Mox universi per fines Curlandiæ sub Rigam defleunt, à proposito obsidionis remonentur. Nec ultro sub Dunemunda se ostendunt. Casu accidit, ut & Rigam nuntium de induciis Moscoviticis in viginti annos perferretur, & Dunemundam viginti pedites jussu Regio à Dorohostaiscio missi eodem tempore venirent. Quare cum & à Rigenis obsperatam pacem & Dunemundanis adventum comilitonum explosione tormentorum, quemadmodum fieri solet lætitiæ signum daretur, Sueci invadendi sui signum datū, consiliumque caprum suspicantes, sine mora omnes se in fugam vertunt: ferrea tormenta, curtus, frumenta relinquunt, rusticos omnes vinciunt, ne Dunemund. de fuga ipsorum constare posset. Dum hæc circa Rigam aguntur, Dux Carolus vi capta urbe Kokenhaus. arcem bene munita fluxio Dzuina alluente aggeribus tormentisq; majoribus, ex tribus partibus conqussat, diebus pluribus ac ruptis muris sex vicibus ad irruptionem expedito milite missis, toties à præfidiariis, cum maxima clade suorum rejicitur, rebusque



desperatis parte equitum & parte peditum stipatus, Vendam se contulit, ad comitia Livonica celebranda. Per occasionem hanc discessus cum exercitu Cardinalis Radivilus subsidia in arcem Kokenhausenem, sine mora inferenda ratus cum iis quæ in promptu erant, copiis, Sicinium Dzuinam transire jubet, ad Novam Rigam oppidum Ducis Curlandæ cum trajectu impediretur, conferta cum Suecis manu utramque ripam obtinet. Sineque insigni damno suorum flumen trajicit, Tisenhausenque cum aliquo milite, hostilibus præfidiariis oppidanis stipendia omnis generis commeatum pulverem inferenti, inperato occurrit. Prælio commisso profligat: curribus cum commeatu & pulvere potitur. Conjungit se mox cum eo Tanusius Radivilus pocillator, cum quingentis circiter equitibus ac peditatu aliquo à patre missus oppidumque duorum millium præsidio, à Carolo munitum obsidere incipiens, ut properaret primò significat. Interim Dorohostaiscius etiam cum trecentis equitibus, eisdemque peditibus, suppetias Kokenhausenio laturus Rigam venit, & eos præfidiarios Dunemundenses ut abscessu hostis minus necessarios evocatos, Dzuinam transire imperat. Quo pacto versus Kokenhausenem per Curoniam Stanislaum Bialosor Succamerarium Upitensem cum istis suis copiis præmittit: Ipse proviso Dunemundo absque ulla mora suos insequitur, vix Dorohostaiscianæ copię cum aliis se junxerant, cum Carolus nothus sex millium exercitu omnique generis commeatu instructus auxilio Kokenhausenibus à patre missus venit. Eodem die & Palatinus Vilnen. cum reliqua manu militum, ad Dzuinam pervenerat, sed fluvium ob paucitatem navium trajicere, tam cito non poterat, illi igitur, qui ultra flumen erant, hostem alacriter excipiunt, & primum cum Cosaci viri duo militares Kopec Palatini Vilnensis & Coclina Marsalci, fronti inimicorum per densissima sylvarum loca transeunti se opponunt, sed impares & numero & armis recedere coguntur. Iis Eustachius Tiskienie cum gravis armaturæ equitibus subsidio venit: huic Tanusius Radivilus cum Sicinio, at cum densitate arborum hastati impares sclopetariis viderentur, Pedites Marsalciani minus impediti à tergo Suecis instare jubentur, quare perterriti terga vertunt, ac à Lithuanis profligantur amissis centum quinquaginta suis, ex Lithuanis saltem quatuordecim & desideratis. Acies Suecorum erat sic instructa, frontem obtinebant pedites, utramque alam equites subsequebantur, Carolus nothus agmine integro equitum, currus cum commeatu sequebatur, interea missi sunt, Rigam pedites quoque cum Othone Denovio: à Nicolao etiam Christophoro Radivilo Palatino Trocense pedites ducenti, à Georgio Radivilo Castellano Trocense, centum, quo numero peditum Dux exercitu auctus urbem undique aggeribus circumdat, tormentaque

bellicalocat. Post fugam hanc Kokenhausenem à supremo Duce hostem insequendi causa missi sunt, equites nongenti, pedites 200. tum Sicinio & Stanislaio Bialosor, qui militibus Marsalci præerat. Eo die tribus milliaribus confectis Caroli Nothum cum copiis Suecorum sub arce Erle reperiunt, tantoque fervore milites Lithuani eos aggrediebantur, ut potius in rabiem versos, quam ordine militari procedentes videres. Pedites Marsalci præbant, Cosaci & hastati insequiebantur, cum suo præfecto Sicinius cum Lucivinio equitum magister & cæteri subsequebantur, hostis infesto animo expectabat advenientes, fretus & viribus suorum, & stratagematibus. Hæc arx Erle in planitie collis sita in modum quadrati constructa est: à latere sinistro fluvio munita, à dextra & circacircum naturali fossa. Cum igitur Lithuanis à parte sinistra ad dextram deflectendum esset, ubi arbitrabantur hostem contraventurum, hostis aliam rationem inijt. Copias suas sinistram in partem arcis collocat, castrorum circumductione ex alia parte munens, quæ ad ipsam fossam usque disponit, unicam portam accessus relinquit, qua vix bini aut terni transire possent, ad os portæ in domo lignea 200. pedites sclopetarios collocat, quorum ictibus singuli transeuntes expositi essent. Equites suos ad portam prodire jubet, tormenta ex altera parte statuit castris. Peditum numerus tutandis relictus erat. Nocte adventante præeuntibus, militibus Marsalci unitis viribus per castrorum portam in equitatum hostilem impetum faciunt, viriliter dimicantes: hostem ad ipsam portam arcis propellant.

Interim cum ob difficultatem transitus, non tam prompta à suis consilia habere possent, multitudo autem Suecorum tam pedestrium quam equestrium ipsis undique acior videretur, subitaneo consilio amissis aliquot suis castris distumpunt, ac in planitiem se conferunt, iterumque cum Suecis confidunt: ubi his reliquæ copię opem tulere, denuo hostem sub ipsa mœnia profligant: pedites vero castra expugnant, solique strenue possessa tutantur. Domum illam ligneam incendunt, quæ plurimum oberat, in qua Suecorum 200. interiere: tormenta hostilia biua capiuntur, tertio demum viribus relictis, in Lithuanos impetum faciunt, quibus inter reliquos Lucivinius cum Jundzile equitum unius turmæ Palat. Viln. magistro se fortiter opponunt, ac hostem infugam iterum convertunt, reliquum prælij nox diremit, nostri in vicinum montem se subducunt. Aciem instaurant, totam noctem in armis sunt: Castra hostium à Cosacis diripiuntur. Sequentem in diem conatus aliquis hostium expectabatur: Verum præter locum cadaveribus plenum nemo conspiciebatur: pauci peditum in arcem se incluserant. Pedites Lithuani obsecrabant, ut illis liceret impetum in arcem facere, sed quia tormenta majora deerant, ne clade accepta turpiter repelerentur, tutius visum est

est abstinere. In tam celebri clade de Suecis 600. sunt interfecti: multi læsi & aliquot primarij nobiles Livones perduelles: Ex Lithuanis 24. soli periere multi læsi majori ex parte ex militibus Marsalci Lithuanici, tam equitibus quam peditibus, si quidem frontem tenuerunt: Sub ipso quoque Bialosor duo equi interempti: filius ejus Gabriel occiso equo capius erat, sed opera peditum recuperatus: Exerno inde ab obsessis Kokenhausenibus remota, in qua Dorohostaiscius ipse multis spectantibus prope ipsa mœnia, equitem hostilem manu contexit, Chotkievicius etiam præfectus Samogitiæ cum octingentis circiter militibus, partim suis, partim voluntariis, ex diversis antiqui Senatorum Lithuanicorum comitatibus Stabroviusque Castellanus Patnavienensis, in castra venientes, numerum militum augent.

Sub id tempus Carolus nothus fortunam denovo tentandam, si forte suos obsidione liberare posset, ratas. Quare nuntiata Radivilus, Chotkievicius præfectum Samogitiæ, ultro se offerentem, cum iusta equitum peditumque manu obviam hosti mittit: Ei filium Janusium adjungit, cum distinendi hostis causa tum si à tergo forte circumvenire eum possent, carpendi. Militem circiter progressi ducentos Cosacos exploratum præmittunt, capiunt Livonem quendam Treidem, pro certo iis ille confirmat tribus saltem milliaribus hostem abesse, & vel mox vel postredie adfuturum. Chotkievicius igitur & filium in castra Radivilus revocat, novosque exploratores: qui verti aliquid referrent, in conspectum castrorum hostilium mittit. Ex quibus certa recognita acies dimidio circiter milliare à castris ad desertam quandam Villam præpositi Kokenhausenensis pridie D. Joannis Baptistæ summo mane infruitur. Interim Polonus quidam ante Laifij ab hostibus captus, tunc vero è vinculis elapsus venit, qui hostem adesse nunciabat, atque ad impetum equitum nostrorum sustinendos, peditem equiti immixtum, præustos sudas seu acutos palos, currusque quos equiti objiciant, secum ducere. Exercitus Lithuanicus, in quinque acies partitus erat, quarum primæ voluntarij erant: Joannes Carolus Chotkievicius & Janusius filius Radivili Palatini Vilnensis, fronte præerant, alæ dextræ Marsalcus Lith. Regis veteranis stipatus equitibus præerat: Sinistræ autem Stabrovius Castellanus Barnaviensis aureibat, hunc manus peditum sclopetariorum aliquot tormenta campestria secum ducens. Hoste Palatinus Vilnensis, exercitij Lithuanici Dux cum acie equitum sequebatur. A tergo peditatus pars & longiora campestria tormenta locata fuerant, in colle quodam eminentiore, ex quo in omnes partes versus hostes rectius tormenta, ictusque dirigi possent. In exercitu ultro tria millia non erant. De offium enim cum quingentis peditibus in obsidione

circa tormenta & mœnia vineis agendis Radivilus reliquerat. Centum etiam ut quinquaginta Tartaros ad custodiam castrorum Carolus Carolides celeritate commemorata Villæ ruinas occupat. In quibus Tormenta campestria cum peditatu locat, illis dimidium equitum suorum per turmas à sinistris constituit, reliquos post pedites instar semicirculi agmine denso ad sylvas disponit, idque eam ob causam ut si frontem ipsius nostri distumperent, à tergo illos adoriri posset, pedites autem omnes tum tormenta densitate palorum munit. Exercitus illius totus quatuor millibus peditum & duobus millibus equitum constabat. Chotkievicius cum pocillatore Radivilo sinistro eorum lateri se opponunt: nam hæc ala concitatis equis in eos primum impetum fecerat. Ac simul tormenta campestria explodi cepta, parva admodum utriusque clade: ob velocitatem equorum concitatorum, hattatorum impetum Suecicus equitatus explosis bombardis non ferens, primo tumultuari, postea terga vertere lento gradu cepit. Dehinc Marsaleus Lithuanicus densissimo agmine in fronte constituto, ubi & Carolus Caroli ipse cum præcipuo equitatu Livonico aderat, relicto à sinistris peditatu ac tormenta palis septa, se cum veterano milite Regio objecit, cujus impetum Sueci non ferentes, in fugam mox vertuntur. Post Stabrovius de xtrum cornu invadit, fortiter utrinque pugnat: cum agmen ipsum equitum Radivilo relictis, ad extremum nonnullos Suecos fudit: magnam stragem peditibus infert, inde omnes terga vertunt, plurimi vulneribus affecti in sylvarum densitates profugerunt, sed nec hi manibus rusticorum evasere. Direptis castris tormenta capta 33. vexilla majora 12. ex nobilitate Livonica inter primarios 60. interempti, capti 9. ex Lithuanis, saltem 80. cæsi, circiter 20. postea ex vulneribus mortui. Ex præcipuis filius Sokolnij præfecti Uliatensis interijt, omnium autem in prælio eo, maxime tamen Dorohostaiscij Marsalci magna virtus fuit, tribus glandibus plumbeis petitis duabus in ferreo thorace inhaerentibus, tertia in brachio dextro læsus est, constanter tamen quamvis & equo vulnerato usque ad finem victoriæ permansit, qui in urbe erant, & commeatu penuria maxima laborabant, & lumina aquationis.

Itaque fame & siti fere enecti canumque jam & aliarum foederum rerum esu non abstinentes, post prælium mox ad Radivilum mittunt, salutem supplices petunt, his conditionibus convenit primarij aliqui dederentur, Livones perduelles supplicio afficerentur, arma & res in urbe relinquerentur, juramento in universum omnes se obstringerent. Contra Regem regnumque Poloniæ & magnum Ducatum Lithuanicæ arma non laturos. Ita dimissis duo equitum Colacicorum magistri cum turmis suis præsidio iis adjunguntur, sub vespere peditum



pedites nonnulli & ex viliori plebe non pauci, Radivilo omnium rerum ignaro conspiratione inter se facta, custodibus per vim remotis dimissos fraudulenter invadunt, intra dimidium horae antequam ad Radivilum perferri res posset, ad sexcentos ex dediticiis istis Suecis obtruncant: hi tamen qui se in castra receperant, & feminae omnes incolumes evasere. Facinus & Regi imprimis improbatum & ab hoste maxime autem Nasovio, aliquoties nostris obiectum. Radivilus tamen cum indignissime rem ferret, auctores ejus nactus supplicio afficiendos curavit. Kokenhausio capto voluntarii plerique Lithuanici, domos abeunt, quorum discessu exercitu non parum imminuto diversas praeterea in partes nonnulli discedunt. Dorostaiscius Dunemundam cum venisset, classem Sueticam, jam ostium Dunae occupasse reperit, quibus in mare rursus propulsis, aliquot etiam navibus tormentorum ictu fractis, Cremonam praeterea non valde distantem arcem occupat, Chotkievicius Treidanum & Zigvolum progressus eadem in potestatem recipit: Cum vix sexaginta hominum praesidio munita essent. Ipse exercitus Dux Radivilus Vendam versus se confert, quo per biddum obsessa, per deditionem in potestatem eam recipit, Sueci quorum ad quingentos erant, incolumes dimittuntur; Simulque ignobiliora, aliquot castra occupat, interim Chotkievicius Radivilo iterum ad Vendam se conjungit, ad Runeburgumque obsidendum proficiscuntur. Ad quam Fridericus etiam Curlandiae Dux, cum suis aliquot centenariis, in castra Regia venit, cum praesidiarii obsidionem non modo exciperent, verum excursionem etiam facta, satis animose sustinerent: Chotkievicius Praefectus Samogitiae Fridericusque Curlandiae Dux, Radivilo inconsulto, privata auctoritate tubicinem ad praesidium, qui deditionem eis persuaderet mittunt, qui cum a praesidiariis retentus fuisset, Radivilus autem contra morem militarem: praecones de pace praesertim, tractantes capi per literas cum praesidiariis explobasset, obligatis linteis oculis, postmodum ex arce remissus fuit. Cum autem non satis Majestatem Imperii militaris ea in te illos observasse, quod inconsulto se Tubicinem misissent, Radivilus interpretaretur simultates, quae alioquin inter Radivilum & Chotkievicium juvenem laudis cupidum, intercedere putabantur, auctae non nihil existimabantur. Cum vero Runeburgenses & nostrorum discessu & ipsius Caroli adventantis spe se tolerarent, Carolumque cum exercitu decemseptem milium pro certo jam advenire, Joannemque Nasovium Ducem ejus Lemsaliam jam pervenisse, per exploratores cognitum fuit, in ea igitur nostrorum paucitate, maxime autem peditatus penuria ex consilii sententia soluta obsidio fuit, Radivilusque Vendam se recepit, literis inde regis de adventante jam Rege

cum exercitu acceptis Rigam versus iter convertunt. Scripserat quidem antea Radivilus ad Palatinum Vendensem Farensbecium qui cum mille ducentis pedibus Rigae erat, itidem ad Zolkievium Castellatum Leopoliensem militiae campestris regni praefectum, qui a Zamoiscio praemissus Selburgum jam pervenerat, si suppetias sibi ferrent, configere se cum hoste paratum esse. Uterque rescripserat. Cum exercituum Regni Generalis cujus praesentis caeteris majus imperium esset, ipse jam adventaret, sine mandato ejus se movere sibi non licere. Rex etiam ne ante suum majorisque exercitus adventum, quicquam contra hostem tentaretur, sed secum potius exercitumque Polonico, qui ad Selburgum jam conveniret, copias omnes Radivilus conjungeret, literis ad eum mandarat. Discedentem Venda 29. Augusti hostis secutus fuit, velitationibusque per iter id carpsit: Ipso die quo profectus fuit 10. Sueci a Cosacis in ipsis castris capti, viginti interfecti fuerunt. Etsi autem & ob viae difficultatem & curruum, carrorumque qui sequebantur, multitudinem lentius agmen nostrorum incedebat: maxime tamen mercatores tantum qui impeditius progrediebantur, & rustica plebs, quae cum impedimentis sequebatur intercepti ab hoste fuerunt, quotiesque copiae aliquae & ut plurimum quidem Cosacorum oppositae illis fuerant, in fugam vertebantur. Nuntio classis hostilis, cujus 64. nares in ostium Dunae jam pervenisse nuntiabantur, adventus accepto, Dorostaiscium Radivilus mittit, qui una cum Rigensibus adventantem hostem arceret. Dux Curlandiae quoque Fridericus in Curoniam eodem die properavit. Post quorum discessum qui notus ne hosti fuerit, incertum. Sequenti die quae erat prima Septemb. equites hastati Marsalci excubias nocturnas agunt, ignes hostiles in oculis habentes, Generalis autem cum reliquo exercitu, sub arce Rodumpes pernoctabat, quem sub crepusculum milites, uno circiter milliari inde in custodia relictis, assequuntur. Per loca uliginosa tormenta traducuntibus impeditisque Sueci eo acrius instant, ac in curru irruentes diripiunt. Generalis suis conflictu abstinere jubet, interim vigiles Strabrovij invaduntur, quibus a cohorte Marsalci suppetiae feruntur, & primo Sueci repelluntur demum in copias universi equitatus hostilis adducti impetum ferre non poterant, in quo conflictu nonnulli interfecti, ex veteranis Matias Chlopovius, vir acris & militaris, & Gronscius aulicus Regius. Chotkievicius Rigam contendebat quem & caeteri secuti & sic universi. Eadem die sub Riga noctu castra metati sunt, intra id spatium Farensbecius Palatinus Vendenis in suburbio Rigense aggeres impetui hostili opponit, post mediam noctem irruptione in munitiones Farensbecij ipsemet Carolus facit, cum decem millibus, praecipui peditatus, tribus pugnatu horis, Sueci interficiuntur

untur, mille ducenti; nostri etsi impares numero viribusque suorum sexaginta amissis, reliqui incolumes in arcem Rigensem se receperunt, Carolus etiam tali clade accepta ad sua castra quae erant intra Novammollam Dunemundam & Rigam omnibus suburbiis & hortis Rigensium, igne & terro pervastatis regreditur, ob pabuli inopiam in loco arenoso Dzuinam trajicere nostris visum ac Regijs se conjungere copiis. At primum Chotkievici cum militibus Ducis Curlandiae Dzuinam trajiciunt hoc subsequuntur, alius ipse Chotkievicius cum aliquot suis Rigae adhuc remanserat, expectando rei eventum. 1. Sept. Dux Carolus cum aliquot centenariis profectus ad lustrandum situm Dunemundae. Erumpunt Dunemundenses, Suecos totaliter interficiunt, duos equites vivos capiunt, inde ad ipsam Rigam obsidendam castra Carolus collocat, Dunemundae vicinias ad Insulam Dzuinam agit, Tormenta quoque aliqua campestris in iis collocat quibus moenia Rigensia impetit, non sine risu aliquo plerorumque. Cum & ob loci intervallum pertingere ad moenia non possent & nullum omnino damnum iis inferret. Interim Zamoiscius Zelborgum venit. Comitiam enim sub finem mensis in Januario Anni sexcentissimi primihabita a Rege fuerant. Sub quorum tempus 1. Idus Februarii sub quod etiam ante biennium mater mortua fuerat. Anna Maria primogenita filia Regis etsi septennio nondum plane expleto magnae tamen expectacionis puella obiit. Sub finem etiam Comitiorum Philippus III. Hispaniarum Rex fama virtutum Regiarum commotus, per Comitiam de Ligne, Principem de Spinoes societatem clarissimi velleris aurei, insignemque ejus vellus aureum ipsum: Quemadmodum inter Principes foederis ejus moris est, ordinis ejus Aroaldo seu Faeciali ad actum eum simul misso adhibitoque detulit. Millesimo sexcentissimo primo die 25. mensis Feb. in ecclesia collegiata D. Joannis ante sacrum solenne Rex eum accepit, quatuor receptis inter Principes conditionibus, reliquis conditionibus exemplo Avi sui materni, Sigismundi Primi, cui ab Avo etiam hujus Hispaniarum Regis Carolo Quinto insigne velleris aurei missum fuerat, ob rationes regnorum ordinumque ab eodem de Ligne mandato, Hispaniarum Regis prolata, qui a summo Pontifice prius facultatem in eam rem acceperat, solenniter solutus fuit. In iisdem comitiis de Feudo Prussico celebris legatio fuit, cum ipsorum Electorum Marchionumque Brandenburg. tum Regis Daniae omnium fere Principum Imperij secularium. Rex Galliciarum non per legatos quidem sed literis diligentissime eadem de re intercedebat. De quo quidem negotio suo loco plenius dicetur, hoc fortassis loco non praeterendum. Legatus Regis Daniae Crajus erat elegantis alioquin doctrinae vir, hic cum studiose in causam an incogitantius, Potentia domus Brandeb. commemoranda, in minas quas quidam, in orati-

one sua profectus fuisse videretur, ostensum collegis ejus maxime Brandenburgicis fuit, beneficia non minis quibus Regnum hoc non moveretur, sed precibus obsequioque parari solere, qui appellatum eum a se referentes, responsum ab illo ostenderunt, a moribus & instituto suo alienissimum esse, quoniam nedum Regem amplissimumque senatum verbo aliquo offendere, quaeque dicta a se essent, existimare se, ita interpretari posse ut merito unicuique a quo satisfacere possent, qua excusatione ipsius accepta, ulterius sibi progrediendum non existimasse, neque acerbiora aliqua, inquisitione utendum, aut vero cum antequam oratio ea pronuntiaretur, a se visa non fuisset, contra feudalis Vassalli officium Principem suum impigisse. Etsi autem non solum bellum verum sumptus etiam in bellum decretus fuerat, & ad tributa tamen decreta exigenda, non parvo tempore opus erat: & apparatus maxime autem tormenta bellica, ex universo fere regno, maxime Cracovia Margeburgo. Tikocino Vidua, etiam aliis, ex locis magno studio laboreque convehantur: pecunia in arma pannum, aliaque necessaria militi, maxime autem peditatum pulverem, globos, ipsaque haec non minore opera parabantur, conquiebanturque, & per complures quidem, haec quam diligentissime curabantur, ut Joannem Sorcium Succamer. Margeburg. Capitaneum Kissof. qui illi parti rerum bellicarum praefectus fuerat, Stanislaum Zaricinum Vice Capitaneum Margeburgensem. Paulum Piaskovium familiarem Zamoiscij, aliosque nonnullos: ob rerum tamen difficultatem locorumque intervalla, minus facile explicabantur. Etsi enim Lithuanica quoque militiae Dux in exercitu erat, futurisque putabatur, omnium tamen rerum earum curam Zamoiscius, vix non unus sustinebat. Tormenta enim apparatusque bellicum nunquam in ductorum Lithuaniae, sed Polonicorum potestate fuisse. Cum Tarnovius Starodubum oppugnasset, tormentis omnibus ipsum praefuisse Georgium Radivilum qui tum Lithuanicis copiis praefectus fuisset, campum saltem aciemque curasse: eum morem semper observatum fuisse, nec minus in pecunia conquirenda laborabat: Cumque summa ejus difficultas esset, a sorore sua praefecta Brodnicensis, Dzalinij pocillatoris vidua triginta milia ab aliis etiam propinquis in diem in usus eos conquirit. Cumque miles de confederatione aliqua Leopoli agere diceretur, quae eo magis metuenda videbatur, quod prior impunita mansisset, per Zolkievium tamen in summa inopia mercibus aliquot a civibus Leopoli. in diem sumptis sedata fuit. Cosacis etiam in bellum Carolinum stipendia indicta, per Stanislaum Sierakovium Cubicular. Regium ipsum etiam Regem, quamvis sua sponte satis incitatus quotidianis tamen literis accendere in id non intermittebat. Bello eo agi, non solum de fama, verum Livonia etiam Prussiaeque periculo, commoditatibusque Gedanensibus, si mare navigationesque hostis impediatur, neque sumptui parceret:

Nullum



Nullum Monarcham, sine ære alieno, bella gessisse, neque leviter quicquam ducendum. Ex parvis enim initiis contemptus Principum fere nasci. Ex contemptu vicinorum omnium fere spes conatusque & audacia ad extremum exitium. Plerisque tamen rebus paratis, cum Zolkievium in expeditionem Livonicam secum sumpturus esset, ejus loco Marcum Sobiescium Palatinum Lublinensem, limitaneis rebus quartanoque militi, ex consilio Zamoisij Rex præficit, eique Turcicarum Valachicarum vicinarumque à Russia minoreque Polonia finium negotiorumque, contra Michaellem potissimum curam commendat. Jam ante etiam præsidium ad arcem urbemque Cracoviensem in omnes casus tuendam Zebzidovio Palatino Cracoviensi decretum fuerat. Finitimis rebus ita constitutis quo citius exercitus conveniret, qui ex iis qui in Moltania militabant, magna ex parte conscriptus erat, primo Knislinum Zolkievio alio itinere interim præmissum inde Vilnam Regis maxime qui ante præcesserat, videndi consiliaque cum eo communicandi causa, se contulit. Vilna etiam ultra biduum non moratus, versus hostem mox tendit, tandemque quemadmodum ostensum est Zolborgum venit, eumque Rex cum amico comitatu secutus fuit. Ubi universus exercitus, tam qui cum Rege, quam cum Zamoiscio erat, per Pontem à navibus factum Dzinam transit, postridieque ab ipso Rege recensetur. Equitum censa fuisse quatuordecim milia, peditum sex milia præter eos qui in itinere adhuc erant, quotidieque adventabant. Radivilus cui in tribunali grandis pecuniæ lis ut putabatur æmulatorum operatione peremptorie obiecta fuerat, majore etiam ut nonnulli suspicabantur regni militæ Ducis imperio cedens, Rege salutato benignoque comitatu, ab eo accepto, exercituque Lithuanico Zamoiscio tradito, cum filio Janulio in Lithuaniam discedit. Chodkievicius cum suis copiis, itidem Fridericus Curlandiæ Dux in exercitum Regium concedunt, in quo Dorostaiscius etiam officio suo fungi, comitatuque Regio præesse cepit. Nihil magis curæ Regi erat quam ut à mari navibusque Carolum abduceret, itaque & ante jam ad Rigenles Zamoiscius scripserat, illisque ut vel deditionem simularent, vel Carolo promitterent, si in penitiorum Livoniam vel Kochenhauisium, vel ulterius penetrasset, & quacunque ratione possent, hostem fallerent, atque à mari abducerent hortatus eos fuerat. Neque vero vel à quoquam communionem eam illis obiectum iri, vel fraudi apud quenquam, futurum iis sponderat, vel religioni sibi ducerent, si tali hosti, qui omnia jura divina humanaque violasset, & prædonis potius loco quam hostis habendus esset, fidem non præstarent, & tum ad ipsum Carolum literas quibus & ab illo contra fidem jusque gentium, nulla hostilitate prius indicta, bellum Livoniæ illatum, illi exprobrat, & ipsi legitimum bellum indicit, atque si vir sit. Ma-

nus confertum vocat, neve quemadmodum prædones solerent, in naves se conjiceret, hostemque fugeret, eum hortatur. Verum Carolus 26. Septembr. cum universo exercitu suo obsidione Rigense Dunemundenque relicta in fugam se dat, turpissime arma, currus, equos & reliqua impedimenta quæ celeritatem tardabant, relinquit. Hos equites nonnulli Dunemundenf. sex milliaribus infecuti, quos assequi poterant, interficiunt, & præda onusti Dunemundum revertuntur: Carolus ipse primo Lemziam inde in Sueciam se receperat, Volmaria Carolidem, Gardianumque cum parte aliqua exercitus reliquerat: alias arces plerasque præfidiis distributis munierat: Nassovius cum alia exercitus parte Dorpatum se receperat. Rex, ex ejusve mandato Zamoiscius, Volmariam mox obsidere constituerat. Zolkievius ut Volmaria potius relicta, Nassovium sequeretur, improvisoque Dorpatum adoriretur suadebat: potius tamen consilium Volmaria obsidendæ visum: verum Tormenta Zamoiscius expectabat, maxime Cracoviensia, interim asperiora tempora jam ingruiebant, milesque sub pellibus vix tolerare se poterat. Legati itidem Mosci adventare jam nuntiabantur. Qui neque sine maximo sumptu discedere poterant, & ne alibi quam Vilna ut se de magni Ducatus Lithuaniae audirentur, in mandatis se habere dicebant. Cum ad subsidia igitur aliaque necessaria paranda, tum maxime Legatorum eorum Moscoviticorum causa. Die quinto Decemb. Vilnam Rex profectus iterum fuit, interim tormenta advenire: Zamoisciusque ad obsidionem mox se convertit, obsideri. Volmaria cepit. Die mensis Dec. interceptæ literæ fuisse quibus Carolides animabatur Ducisque Holsatiæ & Francisci Ducis Sax. adventus auxiliaque illi promittebatur. Desideria militum per quatuor septimanas in maximis frigoribus & incommoditatibus, sub ipsam oppugnationem Volmar. ad Regem à Zamoiscio relata. Constituerant, præfectos aliquos & turmas de iis ad Regem mittere, sed cum Cracov. tormentis interim advectis, oppugnatione adorienda esset, qui designati erant discedere ab ea noluerunt. Interim per Zamoiscium de solutione stipendiorum in illis frigoribus, summaque omnium rerum inopia maxime familiarum imprimis necessariorum aliisque plerisque actum. Postridie quum ad Volmariam exercitus admotus fuit, vineæ mox actæ, Muri Tormentis diligenter quassati, binæ ruinæ magnæ factæ, unæ in muris oppidanis, alteræ arcis. Summo mane cum irruptio tentanda esset, foramen quod supra Castrenses ruinas factum erat, subito omne concidens ruinas replevit. Missus eo à Zamoiscio cum omnis generis ignibus, materiaque signata, si forte incendere exurereque lignameta ea possent, Scoticus aliusque externus miles fuit. Sed frigoribus summaque illorum temporum penuria ex qua non pauci obierant: attriti, ut minus alacriter rem administrarent tardati fuerunt, frustra que tentata ab illis

res

res fuit. Ratfan, Cap. illor. vir imprimis strenuus & fortis, maximo in conatu occubuit. Oppidanor. muror. foramen felici tetrat. Lesniov. cū Pol. & Ung. peditatu mox pge. irrupitque. Interi ex eqtib. etiā o pauci. Jac. Potocio, autore & ductore, clamore facto, in muros mox evadunt, duasque oppidi portas occupant, simul turre nonnullas, & replū. Pro magnitudine & difficultate oppugnationis o nimis multi, tamē desiderati, Bieganovi, q una cū Lesniov. irruerat, globo trajecit occubuit, Iffin, qui Ung. peditatui præfectus à Rege fuerat, laucius, restitutus sanitati fuit, peditatui maximis clamoribus ante irruptionem donativum flagitanti mille floreni donati à Zamoiscio fuerant, summe inopiae difficultatisque eorum ratione habitata, si feliciter successisset, augmentum id à Rege iri promissum. Oppido capto Carolides, Jacobus & de la Gardia in arcem se recipiunt, ex ea Gardianus cum duobus Præfectis de deditione agunt, obsidum loco in arcem remissi, Snopkovius, Korfus, Blankius, maxime, repentinos aliquos impetus militis ut prohiberent. Conditiones proposuit, ut Carolides & Gardianus in potestatem custodiamve se traderent. Durior conditio hæc visa, ostensum alia deditione transigi non posse: minus necessarius, fortassis sumptus, alendorum illorum: sed ad permutationem captivorum existimationemque publicam pertinere id visum. Aliorum præfidiariorum saluti & incolumitati cautum, Romburgum & Mojanum iisdem conditionibus includi cupiebant, non denegandum illis visum. Nimis enim superbam & crudelem victoriam ut raro vel Deo, cujus beneficio victoriarum obtinentur, vel hominibus gratam esse tollere: Arcem præterea, quemadmodum & oppidum, egregie munitam, sine sanguine vix emi posse. Carolides cum Gardiano egressi, copias Zolkievius ipse ultra Burticum pacate deduxit. De Mojano quatruidi deliberatio petita, Ermessum Chenelio ut mitteret mandatum, qui de Volmarienfis obsidionis exitu præfidiariorum nuntiaret, atque ad deditionem eos hortaretur. Rumburgum Chelchienenis missus, quæ præfidia si in potestatem venirent, ad universam Livoniam sine dubio porta aperiretur. Summam autem operam per Præfectos Zamoiscius dabat, ut exercitum retineret, maxime peditatus dilabebatur, significabantque nonnulli Præfecti cohortium, vix aliquos sub signis suis reliquos esse: Cosaci etiam per Kostkam, Præfectum suum, instantissime missionem flagitabant. Zamoiscius igitur, quidquid torquium Portugalenisium aliudque auri domo in eos usus secum attulerat, oppignoratum mittit, vixque magno studio & cura septem milia aureorum summam conquistam militi prorogat, Regique, ut diligentissimam ejus reicuram suscipiat, summo studio svadet. Carolides, qui non magna cura à patre haberi videbatur, ita, ut ne vestimentis quidem necessariis instructus esset, ne ultra Rigam duceretur, petebat, negatum, inque Regis arbitrium relatum. Fames erat, frigus, inopia. Regi Zamo-

scius significabat, supplementa tam equitum quam peditum imprimis necessaria esse, stipendia itidem & apparatus. Multos jam dilapsos, maxime peditum, nisi per hyemem exercitus retineretur, verendum, ne omnia in potestatem hostium redirent, graviusque aliquod periculum Reipublicæ crearetur, gravius id bellum esse, quam vel cum Mosco vel ipso Turca ob portuum, in quibus omnes reditus regni & nobilitatis essent, securitatem aut turbationem. Itaque classem etiam habendam, portusque, maxime Gedanensem, Regiomontanum, Rigensem, tuendos, in quibus maxime Regno & magno Ducatui Lithuaniae positum, comitia quam celerrime habenda. Volmaria capta, postulatisque militum ad Regem delatis, captivisque, Carolo, Notho, Gardiano, aliisque nonnullis, traditis. Responsum ad eadem à Rege: merita gratissimo animo accipi, ad perseverantiam in iisdem servitiis hortari, stipendium promittitur, exæquatio stipendiorum eorum: qui tardius se stiterunt, cum iis, qui in tempore tanquam onus, cui Respublica satisfacere non posset, recufatur. Caduca, quæ nunc distribui possent, promittuntur, privilegiaque in ea eduntur, cætera in aliud tempus differuntur. Sub idem fere tempus Moscovitica etiam legatio dimissa à Rege fuit. Missi in eam legationem fuerant, Leo Saphia, Cancellarius Lithuaniae, Stanislaus Varlicius, Castellanus Varfaviensis, Thesaurarius postea Regni, Elias Pielogrimovius. Mirari quis possit, quam diversis longinquisque locis religio communisque hostis homines conjungat, diu in custodia, ad sex fere septimanas, habiti: postea per speciem colloquiorum congressus aliqui habiti, per quos tamen nihil quam tituli & Livonia repetita, facile ut appareret, temporis ducendi causa ista tantum interponi; dum, quis cum Michaelle exitus futurus esset, cognosceretur: Legatique Caroli advenirent. Nuntius interim à Rege advenit, qui cladem Michaelis nuntiavit, quod etsi prius Moschi cognovissent; cum tamen postridie publice mox à nostris significatum illis esset, dissimularunt, cum Legatis interim Sveticis agi ceptum, qui publice, tanquam in pompa, præter hospitia nostrorum traducti. Aliquoties cum illis congressi, quid egerint, non satis constabat, subintellexerant tamen, causas belli à Rege Carolo datas per suadere conatos fuisse: ad societatem belli, tanquam occasionem non negligendam, Moscum invitasse: utque ex Finlandia per ditiones Moscoviticas exercitum ducere ei liceret, pecuniamque mutuum petiisse, pignori arces nunc in Livonia captas obtulisse. Quæ conditiones cum non satis certæ aut solidæ visæ fortassis illis fuissent, ad tractationem demum cum nostris vicefima demum septimana accesserant, inducias viginti annorum constituerunt, iis conditionibus, quibus priores ab exitu etiam priorum numerandas. Interim de perpetua pace agendum. Veteres familiarum omnes vel interierant, vel extinctæ erant: omnia Chodonovii ad gubernationem minime apti gubernabant.

I i

Vil-



Vilnam etiam legati cum venissent, non parva cum impenia thesauri studiose tempus ducebant: de unione perpetua acturos se simulant, nihil tamen sincere, titulum deinde Czarii obstinate urgebant. In quem cum aliorum Principum Christianorum, tum imprimis Maximiliani primiliteras, cumque Basilio anni quingentesimi decimi quarti foedus: illo Livoniam & Prussiam Maximiliano, hoc Kioviam & Lithuaniam Mosco cedente: In quibus titulus is tributus sibi esset, allegabant: Sveciae deinde, quemadmodum sui foederis literas in Moscovia antea legatis invitis proestantibusque obtruserant, ita, ne in Regis quidem ullo modo eum admittebant; gravissime, ne aliter facerent, interdictum sibi esse: res non sine indignitate erat, ut protestatione tamen cum Regis, tum Regni, magnique Ducatus Lithuaniae, interposita, qua, si quid contra Regnum Sveciae à quoquam tentaretur, Ordines injurias ejus salvo foedere non neglecturos, cavebatur, res finiretur, temporibus tributum fuit. Convivio igitur prius, quemadmodum moris est, excepti. Sub finem Januarii anni sexcentissimi secundi, jurato cum foedere, dimissi fuere. Interim Laurentius etiam Piascecius, Succemeratius Braclaviensis, ex Tartarica legatione redierat, antea Nicodemum Cosacovium Aulicum ad renovandum solenne foedus Rex miserat: sed cum ante adventum adhuc ipsius & postea aliquoties in fines Regni non sine damno Tartari incurrissent, neque illis munera solita data, neque foedus renovatum fuerat. Ad Sorcoram cum Zamoiscio cum exercitu Valachicas res componentis pristinam cum Regno pacem obtulisset, denuo de foedere utrinque tractatum fuit, missusque tandem Laurentius Piascecius, qui illud finiret: Nonnullis tamen de rebus controversum fuit, imprimis quidem de finibus regni, quos Rex ad Pontum Euxinum, quem nigrum mare illi hodie vocant, definiebat, illi, quod non tam sui quam Turcici juris Pontus Euxinus esset, de alieno quicquam cedere, integrum sibi esse negabant, solitudinibusque & campis interjectis eos terminabant. De loco, in quem donativa illis mitterentur, non nihil etiam disceptatum: Rege, ut Cameneciam illis deferrentur, inde per suos ea peteret, volente. Missum non satis ex sententia per illum foedus fuit: Exemplo tamen Stephani regis in Moscovia occupati, quasi per oblivionem quid omisissum esset, ac fidei ejus aliud postea plenius missurum crederetur, acceptum dissimulatumque fuit. Antequam etiam de foedere conveniret, ad filiorum suorum more Turcico circumcidendorum solennitatem cum Regem, tum Zamoiscium etiam invitavit. Ne contemptus videretur: cum quinque filios circumcidendos haberet, denos nummos aureos, quinos effigie regis, quinos sua, Zamoiscius illi miserat. A Rege etiam, in usus suos necessarios, summam aliquam mutu-

am petierat, missa illi duo millia aureorum: quodque majore ei non subveniretur, praesentium bellorum sumptibus excusatum: Praeter legationes autem, de quibus supra ostensum est, Firlejanam & Opalienianam ad Caesarem, ex superioribus etiam comitiis, cum Michael Konarscius, Praefectus Hammersteinensis & Palatinus postea Pomeraniae, ad Daniae Regem, tum Samuel Lascius ad Joannem Georgium, Electorem Brandenburgensem, Ducem Megapolitanum, Lubecenses missi fuerant: Konarscius maxime, quod in negotio Prussico pro Brandenburgensibus, una cum aliis Principibus intercedenti, nondum, tum negotium confici potuisset, non satis magnam petitionis suae rationem habitam existimaret, à Rege quidem auditus; per Consiliarios autem sine scripto responso dimissus. Quod tamen & auxilia Carolo negata, neutralitasque promissa, & Regi, si vel ipse vel homines ejus in oras Danicas exsensionem facerent, vel casu in eas apulsi essent, salvus receptus promissus fuit. Lascius ab Electore Brandenburgense, sine spe pecuniae, quam certis pignoribus mutuam petebat, dimissus, ne literae quidem, quod titulus Prussiae illis abesset, resignatae. Cum Lubecensibus egit, quod minus contra Carolum hactenus actum fuisset, eam causam esse, quod Rex non hostili animo, sed regio, pacate in paternum regnum venisset, partim, quod ab Ordinibus regni Poloniae nondum decretum bellum fuisset, nunc sine ulla causa, non indicto bello Livoniam adorto, non solum bellum decretum, sed societatem etiam ejus, cum ipsis ineundam, ad quam eos Rex invitaret: ut vel per se conditiones ejus proponerent, vel legatos de ea ad Regem mitterent, hortatur. Naves regias & Sveticas, ante ad eos delatas, arestat: sed neutrarum ipsi quoque partium futuros se ostenderunt. Ne à Megapolitano quidem, ut militem classemque Lubeci conducendi, tanquam tractus ejus Princeps, facultatem permitteret, quicquam magnopere impetratum: Cum in auiam quoque Turcicam post Rembovium de Multanicis praecipue rebus alium legatum mittendum Rex statuisset, Vesolovium Structorem magni Ducatus Lithuaniae mittere constituerat: à Zamoiscio monitus, novum omnino futurum, si ex magno Ducatu Lithuaniae in eas partes quis mitteretur, Georgius Kochanovius missus fuit, non dissimili tamen fere exitu legationis à Rembovia. Cum exercitum Zamoiscius abduxisset, non pauca, tam in Transilvania, quam Multania, novata fuerant. Ab initio jam, cum Principatum Transilvaniae Cardinalis Batorius à Sigismundo accepisset, ut privatam vitam in Prussia, maxime Episcopatu Varmienfensi, agere ei liceret, à Rege petierat, memoriam non solum Stephani regis in universum regnum, sed ipsius etiam Sigismundi sub praelium Bicinenfem in ipsum Regem meritorum renovans.

Rescri-

rescripserat Rex, ut, dum in tutela esset, praeclare meritis de regno esset, ita postquam sui juris factus fuisset, quae in Moltania, Valachia alibi; gesta tentataque ab eo fuissent, ut memoria obliterari possent, rectius tamen facturum, si, quo consilio in regnum venisse se professus fuisset, ad exteras nationes se conferret. Idem Zamoiscii consilium erat, & quamvis Joannis Ungariae olim regis à Lasko hospitio excepti, per eundemque Solimanno reconciliati, aliorumque exemplis non alienum à dignitate regia supplicum misereri: sine offensione etiam utriusque Caesaris, tam Christiani, quam Turcici, futurum id duceret: cum tamen suas causas ejus non fovendi Regem habere existimaret, locum exilii aliquot in locis ei quaesierat: maxime quidem in Dania & Anglia, de qua Dano Marchionem etiam Electorem appellaverat, Danus saluum per ditiones suas transitum ei promitterat, ut in iis degeret, ne Caesarem ea re offenderet, recularat: ut tamen Caesarem ei reconciliaret, operam se daturum promitterat. Anglus exili locum non negarat: literas tamen fidei publicae eam in rem nullas miserat. Cum exercitu Polonico abducto Transilvania Baste tradita, nullam magnopere spem Transilvaniae potundae habere se existimaret, in Poloniam se receperat. Non multo post à Transilvanis mutatis animis iterum vocatus, in scio Rege omnibusque adeo discessit. Jussu Regis, ut vel in finibus vel Valachia retineretur, qua de re Golkovio mandata dederat, in villa quadam Valachica obsessus fuit, àque militibus aliquot Transilvanicis, qui, adventu ejus cognito, obviam illi processerant, liberatus deductusque fuit. Literasque inde ad Valachum dedit, quibus mandata de retinendo se data fuisse miratur, versatum enim se ultra annum in Polonia, nullius in se vim, sed omnium potius in se benevolentiam expertum fuisse: si inconsulto Rege ex Regno nunc discessisset, tanquam libero Principi, integrum sibi fuisse: neque consilia sua unicuique aperire necesse judicasse. Quemadmodum supra ostensum est, Michael, Transilpinae Palatinus, summo in honore Praeae habebatur, adque novum bellum contra Sigismundum iterum instruebatur, Caesari, etsi de Transilvania & Transilpina permissum ei esse agnoscebat, de Valachia citiore negabat, eaque conditione in gratiam eum receptum confirmabat, ne de Valachia citiore Poloniae quicquam moliretur, aut incommodi quid eis afferret, neque tamen de eo cavebat, potiusque, ut Regnum ab eo sibi caveret. Ipse Basta Ducem Ostrogium Janusium, Castellatum Cracoviensem, monuerat: qui, locum eum gratiamque apud Caesarem ei non invidens, decedere de provincia paratus erat: sed, dum ne Michaelis quidem fidei satis crederetur, in locum Bastae Ferdinandus Gonsaga destinatur: qui dum tardat, cum supplementis Michael ad Balam venit. Sigismundus, qui summa Provincialium voluntate in principatum receptus

fuerat, auxiliis partim Turcicis, partim nostris aliquot conquiritis exoratisque, justum exercitum paraverat: Cum Basta congressus, ultra tres dies velitationes inter eos commissa, in quibus tamen aliquot centena hominum utrinque occubuerunt. Cum ad praelium ventum fuisset, primo agmine Turcae Tartarique cum Michael, qui ab altera parte in prima acie erat, congressi fuere, à quo rejecti nostri illis succedere, Michael etiam fortiter repulerunt, quod Basta animadvertens, Ungaros hastatos subsidio illis mittit: cui tamen non magno usui fuerunt, similiter enim à Polono equite in fugam versi fuere. In eorum igitur locum Ducem Techinensem cum mille ducentis sclopetariis, Vekenhausiumque cum mille octingentis atratis equitibus, submittit, simul Michael cum peditatu suo se colligit. Sigismundani cum fatigati in recentes ac sine hastis fere incidissent, vim eorum sustinere non potuerunt. Turcae Tartarique in fugam mox versi, à Polono equitatu pauci evaserunt. Etsi enim Transilvanii auxilio illis venissent, contra tamen à Basta etiam, auxiliis aliis Germanicis submissis, fusi fugatique omnes fuere. Peditatus Transilvanicus omnis periit, tormenta triginta, minorum campetrium ad centum, signa militaria centum septuaginta capta fuere. Praelium id secunda mensis Augusti anni sexcentissimi primi pugnatum fuit. Sigismundus ipse cum Czakio, aliisque primariis, in Moldaviam per montes se recepit, jamque Constantinopolim cogitabat, vel etiam Regno Poloniae certis conditionibus se dedere. Cum mirabili interim casu, post pugnam Michael ab ipso Basta interficeretur, vel quod ad imperium Transilvaniae iterum eum aspirare intellexisset, vel quod Tormenta Transilvanica, victoria ea parta, ad oppugnandum Fogarascium, ubi uxor filiusque ejus detinebantur, occupare voluisset. Ad proprium tentorium ipsius, Germanis Vallonicisque cohortibus aliquot missis, interficiendum eum curavit, vel, ut quidam confirmant, in suum tentorium ad se vocatum, cum de tormentis iis pertinacius secum egisset, clava in pectus impulit, prolapsusque confici iussit. Ex hominibus ejus trecenti simul caesi, reliqui, ad duo millia, fuga dilapsi fuere: ac tandem perfidia suae exitum reperit. Habitu corporis sicco fuit: ambidexter, barba longa: intuitu turpi religione vel nulla, vel, quae par illi est, paganica. Uxorem filiamve per vim alicui auferre, pro nihilo illi erat, militem licentia crudelitatisque sua maxime sibi devinciebat: quo consilio, si vidua intra annum alteri non nupisset, ut possessionibus fortunisque suis cederet, constituerat, stipendia tamen eidem raro solvebat, ac si quis ea flagitasset, in eum maxime saeviebat. Valachos maxime innisos habebat, inque venationibus adeo loco canum opera eorum utebatur, neque suis solum hominibus, verum universae etiam fere Ungariae terrorem incusserat.



Cædes ejus etiam summo Pontifici improbatam non fuit: partim, quod res novas in Transilvania molientem meruisse eam illum putabat, partim, quod causam dissidii cum nunquam eum quierurum fuisse, certum fuisset, inter Cæsarem & Poloniam sublatum fuisse existimabat; quam sententiam suam cum sub ipsum discessum Roma Henrici Firleji nuntium ejus Romam allatum fuisset, coram Firleo declaraverat, cum de Sigismundo profligato acceptum fuisset, cæde Michaelis nondum cognita, cum ad alios Senatores primarios, imprimisq; Castellani & Palatini Cracoviensem, Marcum Sobiescium, Palatinum Lublinensem, qui limitaneis rebus præerat, & de nobilitate, vasallis, scultetisque, ut parati essent monendis, ne tam facile injuriæ cujusquam Poloniam opportunam esse, omnibus constaret, literæ datæ. Michael interempto, Sigismundus, ut ingenio, ita fortuna varia à popularibus vocatus, tanquam ultimos conatus suos experturus, copiis partim Turcicis, partim Tartaricis, per Czakium conquestis, in Transilvaniam rediit: & licet satis commode contra Băstam, res Transilvanicas tum adhuc curantem, se sustentaret, difficultatibus tamen rerum adactus, autore potissimum Czakio, ut in societatem Regni Poloniæ acciperetur, operam dabat. Itaq; primum per Petri, Cubiculatum suum, per quem, quod, inscio Rege, ex Polonia discessisset, excusabat, ut in clientelam suam Rex eum reciperet, petebat: per Scucium deinde militem, & alios, conditiones societatis proponebat, ut juxta reditus hic in Polonia primum ipsi, deinde Czakio assignarentur, inque ipsum Mariæburgi, inque Czakium Czuchoviar, locus item in Senatu, cum ipsi Principi, tum Czakio, & Episcopo, petitus. Res cum primariis Senatoribus à Rege communicata, maxime ab Archiepiscopo Karnovio dissuasa fuit, imprimis, quod, ne cum utroque Cæsare, tam Christiano, quam Turcico, Regnum bello implicaretur, verendum esset, ad comitia igitur rejecti. Cum Băsta igitur rebus compositis, qui ultro ad eum ad gratiam Cæsaris illi patefacturum receperat, ad Cæsarem Sigismundus se confert, à quo Popellianis possessionibus, ante publicatis, acceptis, exilii in Boemia locum delegit. Moltania plane fluctuabat, variisq; casibus agitabatur, obnoxiaq; erat: Post discessum Zamoisicii cum exercitu Simeoni provincia tradita, Radula, qui Gorgovio à Turcis fugerat, interq; Ungaricas & Turcicas ditiones, in finibus Moltaniæ, ex Sabatinis Heidonibusque, à Băsta dimissis, septem millium circiter exercitu coacto, vi occupare provinciam conatus fuerat, illo ad Cralonam fusio fugatoque; postea Buzovii, Bojarici generis, extrema pars antea servitii Michaelis, aliis etiam Provincialibus, in partes traductis, primum ob servitiā, quasi Simeonis, in aula Turcica Radulam petere cœperunt. Cum prius salutem omniaq; sua in periculum adducturos,

se ostenderent, quam Simeonem paterentur: itaque ipse Imperator Turcarum literas ad Simeonem dedit, quibus eum hortatur, ut bona gratia, ad tempus potius, ultro Provincia cederet, & vel ad se in aulam turcicam, vel ad fratrem Hieremiam, in Moldaviā, se reciperet. Rescripserat Simeon ex utriusq; Principis, tam ipsius nimirum Imperatoris turcarum, quam regis Poloniæ, autoritate ac voluntate provinciam ei se præfectum, itaque sine alterius etiam mandato ea cedere integrum sibi non esse. Et videbatur sane gravior non nihil in Provinciales Simeon esse; cui si alius sufficiens esset, vix quisquam præter Michaelē Vîsnioviicum repenebatur, qui, affinitate cum Buzovscis contracta, provinciam pacaret, & quamvis vexillum à turca acciperet, quemadmodum tartari, tamen, cum ab externis Principibus donativa stipendiaq; accipiunt, dicere soleant, dextram manum Principi suo integram servare, levam illi, à quo beneficium acciperent, locare posset. Verum, cum Simeonem minime in animo habere, Provincia cedere, intellexissent, exercitu coacto armis Radulam imponere ei cogitabant. Dum castra metantur, Johannes Tarnovius, qui Polonico militi præerat, cum duabus circiter turmis equitum, an forte reconciliare eos cum Simeone posset, ad eos proficiscitur, humaniter ab illis in finibus primum acceptus, ad certum locum usq; sub spe colloquiorum perducere patitur. Ubi vel recum Băsta Cæsareanisq; communicata, ex illorum mandato, vel voluntariæ multitudinis concursu, in nostros mox irruunt: perierunt in eo concursu nostrorum ad triginta, reliqui dilapsi. Tarnovius & Snopkovius, qui cum illo erat, in arcem in custodiam sumpti: reliquorum cædes, in furorē multitudinis collata: Ipsi satis humaniter habentur: non satis amico tamen animo consiliove, vel ad Băstam eos mittendi, vel interficiendi, cui tamen rei ipsi Buzovii obstitunt. Potocius, Capitaneus Camenecensis, Simeoni, armis illorum cedenti, subvenire conatus fuerat, exercitumque non contemnendum, ad novem circiter millium, habere potuerat, sed qui Simeoni merebant, ob unius trimestris stipendia non soluta, ulterius mereri nullo modo volebant, atq; ad duo millia ex primariis discesserant, itaque tota res relicta. Interim Chanus Tartarorum maximo cum exercitu adveniens, Radulam Buzoviosque profligat, castrisq; exiit. Sabatus unus, qui Hieremiæ antea servierat, in occasionem eam intentus, dum prælium committitur, ex conflictu eo cum aliquot equis advolat, Tarnoviumque & Snopkovium ex monasterio eripit, Potociusq; integros restituit. Prælio eo maxima pars exercitus Buzoviorum cæsa, multi capti, interq; eos Constantinus, Michaelis quondam delicia, quo autore consultoreq; maxime Buzovii excitati putabantur. Simeonem provinciam Tartarus restituit. Potocius multis literis cum ipse, tum militiæ Præfectus ejus invitate-

taverant, summam securitatem ipsi copiisque ejus promittentes. Verum ille non satis tutum existimans, tantæ multitudini barbarorum se credere, à Rege ad Sobiescium se revocatum rescribit, res non sine consilio Nobiliorum, ut Tartaro potius quam Regi deberent, acta existimata. Ante pugnam cum Tartaris, literas ad Regem Cæsar dederat, quibus Radulam Moltaniæ, tanquam sui juris provinciam, Præfectum significabat, utque à Rege Poloniaque pacata omnia experiretur, postulabat. Rescribere ante Rex de Moltania solebat, pro suo libitu Cæsare de ea statueret, tum mutato rerum statu scire se dudum illam Turcæ tributariam fuisse, in eaq; Vaivodas pro ipsius libidine constitui destituiq; solitos, proximeq; adeo Michaelē ab ipso constitutum fuisse, qui qualis in ipsum Cæsarem fuerit, eum meminisse, Simeonem postea à se constitutum, commodo, ut putaret, Christianitatis, cui Radulam sufficiens, se præsertim inconsulto, & dum juris temperamentum, cujus ipse facta sibi fuerat, expectat, quam erga se amice fecisset, ac non solum in universum Christianitati, verum suis etiam rebus, quam bene consuluisse, ipse videret. Ad se enim deferri magnam partem copiarum Radulæ, Tartaris concisam, Simeonem ab ipso Chano magnis copiis in provinciam reductum, in cujus ob id fortassis autoritate futurus esset, aut omnino postea à barbaris provinciam occupatum iri: Verum, ut ad Livonica redeamus, Volmaria capta, rebusq; ibi constitutis, viciniora castella nonnulla in potestatem recipiuntur, ac primum quidem Chelmetum Chilchueni Vendenis Notarii, solius fere indultia, qui fidei Præfecti se credens, arcemq; non sine periculo ingressus, cum ipsum tamen Præfectum, tum prælidium ad deditionem faciendam induxit, Syndicus hic antea Rigenis, exq; Syndico Notarius terrestris Vendenis invidia factioneq; popularium, quod Godomanum tum Syndicum ex curia pullasset, exilio locum mutare coactus fuerat, primo in prætorium vocatum, capitis supplicium post die de eo sumere cogitavit: verum à Farensebecio, Palatino Vendenis, ex prætorio & postea urbe eductum proscribunt, in quo exilio à Zamoiscio receptus, utilem multis in rebus operam illi navabat, Chelmetoq; recepto, Hermetum etiam vix non ejusdem opera in potestatem venit. Post Chelmetum & Hermetum receptum, Kierempecio deserto præsidarii excesserunt, Novogrodenienses de deditione tractare cœperunt, Kierempecium magnus gradus ad Dorpatum, de cujus obsidione Zamoiscius cogitabat. Dum autem apud Zamoiscium Nuntii Novogrodenienses sunt, Scotus quidam res turbat: postea tamen promissis stant, atq; ita Mariæburgum & Zelium, Romburgum intereisa à tergo relinquuntur. Utne literas quidem eo hostes mittere possent, exercitum inde Auxam Moissam mover, sub Moscoviā, ibiq; per tres septimanas hybernare constituit, commeatus causa, si quid forte ex-

Moscovia, cujus tamen ibi quoque exigua copia, nancisci posset. Literas interim ad Archiepiscopum aliosque Senatores Zamoiscius dat, quæ gesta hæcenus fuerint, quæque porro necessaria sint, significat, tam supplementa quam apparatus bellici, & supra omnia stipendia. In periculo non solum reliquam Livoniam, verum Rigam etiam, Curlandiam, Lithuaniam, Prussiam futuram esse, si hostis, quod facile illi futurum esset, exercitu dilapso, desertas & imparatas arces iterum invadat, ac recipiat. Ostendit, quæ ex majore Polonia turmæ fuerint, omnes discessisse, peditatum itidem fere omnem, Cosacos ægre ad id tempus se retinuisse, fecisse se, quæ potuerit: unum eivem omnium vicem præstare non posse; Rogat loco suo senatorio, una cum aliis Senatoribus Regem juvent, Remque publicam sustineant. Interceptæ sub id tempus Našovii literæ fuerant, quibus de subsidio sollicitabat, vix per tres septimanas sustinere se posse; idem sibi futurum Regi significat, exercitum omnem fere dilapsum, aliquos fortassis Ermetium, Mojanum, Rumburgum distributos: Lithuanos fortassis etiam aliquot penes se habere, mandaret eis, ut, quæ possint, auxilia mittant; itidem ad Rigenes, Curlandiæ Duces. Diem criticam futuram, quamprimum navigatio apertura se hosti esset: ultra duos menses esse. Ex quo filius ad illum scripserit: silere, nihil respondere: ex quo non de tractatibus, sed bello totum eum cogitare satis appareret: paratissima ex Lithuania vicina supplementa auxiliaq; futura. Caduca Livonica possessionum, quæ publicari possent, ab ipsis militibus indagaturum, indicem Zamoiscius ad regem miserat, ut, quæ, exemplo Stephani regis, cum militibus, tum aulicorum, Livonumque etiam fidelium beneq; meritorum, tum Svecorum etiam nonnullorum rationem haberet, ab eo peterat. In caducis plerisq; conferendis ecclesiastici juris per oblivionem, mentionem fieri præteritum fuerat: ut tamen in diplomatum ipsorum cuiq; traditione coram iis caveret, Zamoiscio rex mandarat, ostendit regi, satius fuisse, vel aliquo generali privilegio, vel ante, vel nunc, circumducta data, id sanciri, vel in ipsis literis donatariorum facturum, tamen, quod rex mandaret, & penes traditiones privilegiorum id exceptum. Pensiones binas Novogrodenensibus ex pacto deditionis assignarat: de quibus cum rex deliberaret, optabat, ut eo sumptu alias arces, maxime ipsam & evaliam, habere posset. Mandarat rex, ut, qui ex satellitibus desertoribus inter hostes caperentur, proditorum loco, quemadmodum erant, haberentur, si præsidio aliqui se adjungerent, illudq; impunitatem sibi pacisceretur, alterq; deditionem facere noller, an ea includi deberent, aut possent, quærit. Cum post captam Volmariam magnus in exercitu tumultus esset, obque inopiam omnium rerum omnes domum spectarent, multi insalutato Zamoiscio discederent, peditatus omnis dilaberetur. Consilio cum



Palatino Vendenſe, Caſtellano Leopoliene, qui ſoli ex Senatoribus in exercitu reliqui erant, habito Carolidæ, quomodo primum de induciis, ſi nimirum omni Livonia, quæ in poſſeſſione Regni & magni Ducatus Lithuaniae fuisset, ſtatim cederet, & comitiis interim indictis, ſi ad ea legatos mitteret, Reipublicæ ſatisfaceret, de honeſta pace, per Ordines cum Rege, concilianda ad Patrem ſcriberet, ſalva dignitate publica præſcriptum fuerat. Perque ipſum Palatinum Vendenſem, per occaſionem mentionis, ab ipſa Carolide antea factæ, traditum fuerat, primum ad Naſovium eaſ literas dederat: poſtea homini externo gratiſ bel- lum, quam pacem, eſſe ratus, per aliam occaſionem Riga ſcribit: miſſæ poſtea literæ Caroli, ex Albo Lapide, ad Zamoſcium; quibus ſignificat, ad priores literas Zamoſcii jam ante ſe reſponſiſſe: de quibus nihil Zamoſcio conſtabat: quærit, an de induciis, aut pace, quid mandati haberet, quo de tempore & loco communicare inter ſe poſſent, quid ad eaſ literas reſpondere deberet, Regem Zamoſcius conſulit: ſuum etiam conſilium ſignificat, non repudiandam tractationem, ſalva dignitate publica: Conditiones etiam, quæ proponi poſſent, oſtendit. Nuntii ad Carolidem Rigam venerant, iis Rigenſes, ut ad exercitum irent, ſuaſerant. Zamoſcius, ut porius recta in aulam, ex eorum mandatis rectius ſtatuturum. Rex, cui notum ingenium Caroli erat, mentionem pacis, à Zamoſcio ei injectam, non ſatis quidem probabat; ut quem majores ex ea re ſpiritus ſumpturum ſciebat: verum, cum ex dignitate publica factam eam cognoviſſet, & totam nihilominus in ſua poteſtate futuram intelligeret, ut in ea pergeretur, permittebat. Deliberabat Zamoſcius, Dorpatumne an Felinum exercitum duceret. Sed circa Dorpatum, per aliquot millia, omnia vaſtata exuſtaque: in ipſo Dorpato præter aliquot centenos equites & tria milia peditum: apud nos peditatus fere nullus erat: Felinum itaque, quamvis non minores fere difficultates ibi quoque eſſent, ducendum tamen ſtatuit: quo dum tendit, naves circa Parnaviam aliquas eſſe, à Rigenſibus nuntiatur. Designantur ad eas incendendas Colaci, exercitu ad vicinum Felinum jam progrediente, ſed cum non ſatis conſtaret, Sveti- cæne an Lubecenſes eſſent, quid de Lubecenſibus ſtatuum, dubitabat, verum res non levi ſtudio à Zamoſcio ſuſcepta, vel non ſucceſſit, vel diſcuſſa tamen fuit. Per omne id tempus belli maxime cum claſſe Carolus vagaretur, atq; ad ipſam Rigam eam oſtentaret, ut propugnaculum, exemplo Gedanenſium, portus muniendi cauſa, locare in eos ſibi liceret, Regem appellaverat, jam ante à Stephano ei rei cautum fuerat, & tum à Zamoſcio omnino diſſuaſa, ne forte Laterna Gedanenſis ex eo fieret; quam ex parva contemptaque turricula creviſſe in hanc magnitudinem, quæ nunc cerneretur, conſtaret. A diſceſſu Volmarienſis Colaci ſecuti exercitum ſemper fuerant. Ante

Iberpolum aliquot milliaribus percedere eum coeperant, cognitoq; Naſovium exiguis cum copiis Iberpoli eſſe, repentino adventu opprimi eum poſſe, rati, cum exercitu eo præcur- runt. Die Mercurii, antequam venirent, diſceſſerat: Illi die Jovis ſummo diluculo perve- niunt, ducentos circiter equites, qui in præſidio erant, in arcem compellunt, ipſi portam arcis non ſatis jam conſulto invadunt. Præſectus illorum Koſtka globo à ſuis aliquibus, ut putabatur, à tergo trajicitur. In locum ejus Gabrielem Krupnievicem, qui ſuperiore anno in Moltania illis præſecerat, præſiciunt. Colaci cum longius exercitu Felinum proficiſcente diſceſſiſſent, parsq; eorum moram faceret, interim centeni aliquot equites, quos Dorpatum verſus Naſavius mittebat, è Dorpato aliqui egreſſi illos adoriuntur, impedimenta q; & caros diſperere incipiunt. Illi ſe recolligentes aliquos ex illis interficiunt, inter quos Ben- gam quendam ſatellitem, olim deſertorem ægium, fratremq; ejus una cum aliis capiunt. Dorpato interim ad ſeptuaginta circiter equites & trecenti pedites, excuſſione facta, Anſelmoſiam, unaq; cum ea Krzivczikum Præſectum, qui locum eum curabat, ſatis alioquin fortiter ſe & locum defendentem, capiunt. Non multum ſane in loco eo poſitum fuerat, neque enim munitionis fere quicquam habebat, ſed quod commodus ad ſtaiones in ea habendas videbatur, ab illis tenebatur. In exercitu diſſolutio magna, nonnullæ turmæ non ſatis dicto audientes, cum à Duce, ut una cum exercitu irent, mandatum illis eſſet, circa Mariæburgum & alibi arbitrato ſuo palantes vagabantur, prædiſque, tanquam in hoſtico, intenti erant, difficultatem viarum, quo minus ad exercitum aut Kieripeſſium, quo deinde mandatum illis fuerat, pervenire poſſent, cauſantes: Eſſi non ſolum exercitus, ſed tormenta etiam ea via ducta fuerant, inter ea incommoda frequentes montes erant, non ſolum famulitii, ſed ipſorum etiam turmalium. Riga, cui hoſtis maxime immineret, Felinum verius longius exercitum progreſſum, quod flumina, lacus, paludesq; frequentiffimæ, intercederent, explorationibus, excubiis contra hoſtem frequentibus exercitus diſtrahendus erat, Felinum, Magiſtrorum olim Ordinis Theutonicæ in Livonia ſedes, arx muniſſima à campo, montibus, collibus, præruptis vallibusq; ab oppido, duplici area, muro, foſſisque, nuper etiam vallo à campo à Carolo, poſtquam eam occupaviſſet, munita, oppidum à Colaciſ captum Ductore Matthæo Leſniovio, qui primus etiam murum conſcendit. Arx inde oppugnabatur, difficillima autem oppugnatio ejus erat, ob locorum difficultatem: montes collesq; ardui: neq; continui, ſed interrupti atq; inæquales, difficillioſiſſimam oppugnationem ejus faciebant. Verum Finlandi, qui in præſidio erant, quique ea conditione Volmaria dimiſſi fuerant, ut in Sveciam recta irent, ſi in poteſtatem venirent, ſupplicium metuebant. Livones itidem non-

nonnulli & Poloni, qui, Carcuſii relictæ, præſidium dederant. Cum tormenta in civitatem traducta eſſent, & primum antemurale, firmiſſimus murus, ingenioſiſſime ab hoſte recentibus, & novis munitionibus, foſſis, aggere, ceſpiti- bus, atque corribus terrave fertis, bene ſufful- tus, vi tormentorum dejectus eſſet, captum antemurale eſt, illud primum, cui hoſtis vel maxime fidebat. Diſtrahendi hoſtis cauſa, aliis à tergo arcem urgentibus, aliis à fronte in turres & mœnia fortiſſime atque audaciſſime contendentibus, aliis patefacta ruina irrum- pentibus, eques ad pedes deſcendit, peditatusque officio flagrantiffimo & ſtudio fungebatur. Ne tum quidem magna jaſtura militum facta eſt, hoſtibus acerrime propulſantibus & creberrima fulmina tormentorum jaculantibus, altiffima foſſa plana viſa eſt. Reſtabat alterum antemurale, prærupta admodum & profunda foſſa, muro aggere firmatum foſſa, interius recens ducta, libratis tormentis diſpoſitis per murorum crepidines nihil, quod aut in arte eſſet, aut in robore poſitum, hoſte omittente, ardor militaris juvenutis, dum hæc omnia excello animo ſuperare contendit, ipſos inter ſe impedit, dum primi in arduum evadentes poſteriores poſt ſe traherent, neque tamen eodem illo die ſecundo antemurali longe firmiſſimo poſiti. Periere his irruptionibus ad viginti, ſauciati complures, omnibus autem damnis major Georgii Farensbecii, Palatini Vendenſis, mors fuit, qui ardore militari Palatini etiam partes tranſgreſſus, militis officio fungens, atq; deſertoribus proditoribusq; priſtinis ſuis ictibus globorum ſtudioſe appetitus, per alvum trajeſtus fuit, intraq; tertium diem magno totius cum exercitu dolore ex vulnere obiit. Poſtridie, cum vi tormentorum omnia ruere, collapſa ædificia, labefactata propugnacula hoſtis videret, neq; ullo modo ſe poſſe ſuſtinere, de deditioſe agere cœpit. Uſus lenitate Zamoſcius fuit, ſit colloquium: à fraude tamen non diſcedit hoſtis: ſupponit pulveres, qua noſtris erat ad ipſos aſcenſus: ſeipſum circumvenit. Incenduntur pulveres, & cum aliquos repentina vi corripuiſſent, Præſectum arcis elatum ad noſtros ejiciunt, interpoſita colloquio fides nihilominus ſervata, & ad ſuos redire ſemiſtus permiſſus. Deditis nihil gravius factum: Germanis, Svecis, Scotis, cum ſingulis veſtimentis, data libertas, quo vellent, diſcedendi. Livones judicio ægio reſervati. Dum Felinum itur capiturque, literis, quemadmodum ſupra oſtenſum eſt, Carolidæ ad Patrem antea datis, de pace ſeu induciis, partim à Naſovio, partim à Carolo ipſo, agi cœptum, primumq; Naſovius ad Zamoſcium de induciis literas dedit, quibus ad Regem mox miſſis, Zamoſcius eas non diſſuadere, ob lumnam omnium rerum in exercitu inopiam & difficultatem. Serione an fallendi cauſa peterentur, incertum; ſed tamen & caute agendum, & ſeipſum omni ſtudio operam daturum, ut licitando cum hoſte quamplurimum obtineri

poſſet: interim comitia haberi poſſe: ſtipendia ſupplementa apparatus parari. In iſtis difficultatibus fieri quidem inducias poſſe, ſed ad exiguum tempus. Si forte ex quartana pecunia, cujus dimidia pars in eas neceſſitates exercitus Livonici erogari interim poſſet, poſtea q; ex tributis ruſum ſuppleri, contributionibusque majoris Poloniae, cujus ad quinquaginta millia parata erant, aliisq; ſubſidiis, difficultatibus iſtis mederi poſſet: ſi minus deinde prorogari. Dum comitia interim haberentur, quæq; ad bellum ſummis viribus ulterius proſequendum neceſſaria eſſent, pararentur: per quam occaſionem tractationis de pace tractaretur, cujus alias vix ulla ſpes eſſe poſſet; Carolus enim Revalam Eſtoniamq; ſine bello dimiſſurum, Poloniaeque Regno ceſſurum, vix credibile eſſe: Induciarum interim negotium cum Naſovio Zamoſcius ducebat, neq; rejiciendo eas, neq; acceptando, certi nihil ſtatuiſſe, niſi literas mandatumq; ægium ea de re prius accepiſſet: quod in iis intervallis locorum non cito expectari poterat, niſi forte neceſſitas caſusq; belli, qui & varii, intervenire ſolent, & plerumque nullam moram patiuntur, aliud cogerent. Obtulerant etiam Curlandiæ Duces cum Carolo tractandi operam: neq; Zamoſcius eam reſpuebat: ad Regem ſaltem rejiciebat; Animam enim belli tractatus eſſe dicere ſolebat. Hac tamen in re ſi quid faciendum eſſet, præpropere faciendum eſſe, neque procul ab exercitu, ut omnibus de rebus certi fieri poſſet. Verum inter tractatus eos, partim quidem cum Naſovio, maxime tamen cum Carolo, ad contumeliouſas etiam literas ventum. Quas primas ad Zamoſcium literas dederat, Germanice ſcriptas, poſtea Sveticas, interpretatione tamen Latina adjecta: ac primis quidem ad eas, quas hoſtilitatem ei denuntiantes, ad Rigam Zamoſcius ad eum literas dederat. Jam tum ſe reſponſiſſe ſignificabat. Cum Zamoſcius nullas ſe viſiſſe reſcripiſſet. Exemplum quoddam earum, quas tum dediſſet, Zamoſcio poſtea miſit, ex quibus ex more & jure duellorum: primum ad negationes, inde provocaciones perventum. Verum ipſarum potius epistoliarum mutuarum exempla ſubjicere placet. (*Littera Caroli.*) Salutem noſtram pro ratione temporis. Eſſi dubitandum nobis eſſe exiſtimaviſſimus, ad te, Joannes Zamoſcie, quicquam literarum dare: ſi quidem tu per literas, quæ nobis, cum in procinctu eſſemus ad Rigam, redditæ ſunt, nos injurioſis verbis adortus es: de quo tamen nunquam in mentem nobis venerat, quandoquidem longe aliam de te opinionem conceperamus, tum quod à Deo ſingularibus prudentiæ donis exornatus vulgo prædiceris, tum quod à DEO jam ingraveſcens ætas tibi conceſſa ſit, dum nobis, ægio oriundis ſanguine, illud adſcribis, quod nulla unquam ratione comprobari poſſit, & res ipſa longe aliter loquatur. Quod ipſum neq; te lateret: & nos tum temporis ad iſtas literas tuas ſatis tibi decenter reſpondimus;



dimus; ut hic ea repetere necesse non habeamus. Verum enim vero, cum nunquam ullius hominis interitum approbaverimus, animi nostri sensa tibi exponenda esse existimavimus. Cum itaque ipse non ignores Carolum, & Jacobum de la Gardia, olim Volmariae Praefectos, denuo nobis per literas significasse, te, nomine regni Poloniae nobiscum, & cum regno Sveciae, ad aequas pacis condiciones constituendas primum esse & proclivem, intermittere non volumus, quin tibi ad illud responderemus, non ignorantes, facileque intelligentes, captivis illis sine consensu & mandato tuo literas ad nos mittere non licuisse. Proinde tibi hoc responsi dare volumus, nos quemadmodum belli hujus autores non exitimus, itaque aequas pacis condiciones unquam recusaturos esse: dummodo illae nobis, ut par est, offerantur; ut, citra ullam conscientiae laesionem, & DEO ipsi & toti mundo excusati simus; Si igitur a Rege tuo, Ordinibusque Regni, hunc consensum & potestatem nobiscum tractandi habere poteris, nos ab aequis conditionibus non alieni erimus. Tu itaque nobis significes, quousque tibi in hoc negotio, nobiscum procedere, a Rege Ordinibusque Regni concessum sit: Quod si tu nos docueris, de loco tecum constituemus, ubi utriusque Regni designati Commissarii ad aequas pacis condiciones inendas convenient. Et nos ex nostris hominibus ordinabimus, qui huic negotio adsint. Interim a te certiores fieri cupimus, si pro more militari captivos dimittere volueris, unum nempe pro altero commutando, vel etiam omnes dimittendo, quocumque appellentur nomine. Quod ipsum & nos faciemus, & interea captivos honeste beneque tractabimus: quod & te decet, dummodo miles bonus audire cupias. Si itaque, captivos illos dimittere, tibi certum est, quod utrinque sine aliqua obligatione fieri addebet: volumus, ut, qui nostri apud te sunt, in Ossiam mittantur, quo ut & vestri veniant, quotquot hic in Finlandia derinentur, curabimus: qui vero in Svecia sunt, quamprimum per hyemem licebit, nostrique ad nos appellent, sine dolo sub Principis dignitate Gedanum transmittemus. Quid tibi hac in re agendum censeas, de illa per literas, aut quacumque alia oblata occasione, nos certiores reddideris, interea fortunam tuam experire, ut, quae e re tua fore videbuntur, ne intermitteres, nos interim ad vindictam & justam defensionem, ad quam satis superque coacti sumus, & irritati, nos pro necessitate parabimus. Datum Stokolmi, 17. Februarii, anno Domini 1602. Carolus. (*Litera Zamofscii.*) Illustrissime Dux: Accepi tuas literas, quibus significas, te initio deliberasse, an tibi ad me esset scribendum, propterea, quod te laesum a me existimares literis, quas ad te per tibi cinem, cum ad Rigam esses, misissem. Scribis secundo loco, te a tractatione pacis componenda, inter Regna Poloniae & Sveciae, animum habere non abhorrentem: postremo adjungis de liberatione

mutua captivorum. Quod attinet ad meas literas, scripsi more & instituto Majorum, qui hostibus suis, quibus cum bella, ab ipsis laesi, gererent, arma contra ipsos jure a se sumpta semper clare & aperte denuntiarent. Cujus rei exemplum in hac ipsa Livoniae provincia reperitur, cum ad certamen armorum ventum esset: & quicumque hactenus militaria imperia in Republica nostra administrarunt, hac sunt perpetua consuetudine usi: a qua ne mihi quidem ipsi discedendum fuit. Scripsi igitur ad te, ut ad hostem. Scribis eis literis te respondisse. Nullas tuas literas ea de re, ac ne tibi cinem quidem, etiam dum vidi: neque, quale id responsum fuerit, scio: simul nec, quid continerit in se, ignoro. Si quid honestati meae in ea adversabitur, talem me tibi praestabo, qualem aequissimum est esse eum, qui & quid ad honorem suum pertineat, norit, & vel cum profusione vitae tueri certum habeat. Regis filium te scribis, nec ego nego, addo fratrem & patrum Regium, & sanguinem tuum cum Regis mei sanguine communem magnifico: Velis & tu palam testatum orbi facere, eundem tibi carum esse: ac vero noli Nobilem Polonum, vetusto genere atque in libera Republica natum, & in ea praecipuis magistratibus praeditum, contemnere, ab eo ego me contemptu vel leni mea dextra, instituto militari, vindicarem. Neque tu estimare debes Nobilitatem Poloniam ad modum nobilium aliarum nonnullarum Provinciarum, in quibus servitutem serviunt, ubi pro libitu ad necem trahuntur, in vincula rapiuntur, bonis mulcantur, a Regibus & Senatu, causa inaudita. Sunt quidem antiquae gentes nobilium, tot seculorum intervallo, jam inde a Paganismo, in familias ac stirpes complures diductae, & ideo quidem tenuiores: campus tamen virtutis exercendae omnibus patet, & virtuti praemia a majoribus proposita sunt, ut non aegre quivis dignus ad opes perveniat. In bonis quisque suis subditorum suorum pleno jure est Dominus. Sunt vero & tales etiam, qui & oppidorum & pagorum numero, & latitudine finium, & ubertate agrorum, & magnitudine fructuum, Ducibus multis externis non cedant. Quanquam ego magnitudinem & claritatem virtute, non pecuniis & agris metior. Nobilium Polonorum & Reges & Principes etiam exteri affinitatem expectivere, atque cum iis junxere: Itaque, ut tu me habebis, ita ego etiam tibi respondebo. Humanitate me vinci salva fide erga Regem & Rempublicam non patiar, nihil, quod ad honorem meum spectat, omittam. Dico igitur te Rempublicam nostram injuria affecisse: dico Regem nostrum Regno patrio carere: te illo, cum ejus Patruus sis, potiri. Venio ad ea, quae ad tractandum de pace spectant. Scribis existimare te, quae de tractatione Carolus filius & Jacobus de la Gardia tibi scripserunt, me sciente, cum in potestate mea essent, scripsisse. Equidem non is sum, qui negem optatam mihi esse inter omnes Principes Christiani nominis,

nis, ac maxime tam arcta sanguinis conjunctione, pacem. Itaque fateor, cum quidam familiae vestrae deditus & obstrictus mentionem pacis fecisset, doluissetque, quod familia vestra tam se ipsam ad hunc modum oppugnaret, cum vel maxime florere posset: tanta generis vestri gloria regno Poloniae amplissimo ac nobilissimo, fratris tui filio, liberis suffragiis, ante alios tantosque competitores delato: cumque hoc libenter Carolus filium audivisset, delatum ad me esset, fateor, inquam, me illum non prohibuisse, sed cohortari jussisse, ut hoc etiam suis literis complecteretur, id quod placere tibi scribis. Qua de te ad sacram Regiam Majestatem per dispositos equos retuli. Non homo, sed belua essem, si pacem cum dignitate sacrae Regiae Majestatis & Reipublicae ac aequitate conjunctionem rejicerem. Si clarius de rebus iis ad me scripsisses, quomodo Regiae Majestati & Reipublicae satisfacere velles, quid de voluntate Regiae sperarem, facilius tibi praescribere potuissem. Quidquid tamen ejus Majestas rescribat, quamprimum scies. Humanum est, longius interdum primo illo animorum motu digredi, prudentiae vero, & ingenii impetum sustinere, & in viam redire. Magnam ingenii laudem omnes tibi, quibus spectata est vitae tuae consuetudo, tribuunt. Nihil autem ad conjunctionem, cum propinquis & cum alienis tuendam, praestantius, quam suis se finibus tenere, alienum non apperere, suum cuique tribuere, laesi satisfacere. Gravitas, amplitudo Regiae vestrae familiae a te postulat, tua vero stirpis liberis tam parvis salus hoc uno continetur, ut in concordiae portum, ex hisce procellis, aditum tibi quaeras. Sed quorsum progredior, non est meum tibi de his consulere. Utere tu ipse tuo judicio. Nunc de captivis. Hic quomodo sint liberandi, arbitror te intellexisse, a Carolo filio & Jacobo de Gardia, si qua conditione incolumes conservati sunt, tibi perscripserunt: existimo autem perscripsisse, tractantur autem & habentur bene. Nihil minus naturae meae est, quam in eos, qui in potestatem meam venerunt, saevire, nisi si qui sunt, ob crudelitatem, misericordia indigni, Svecici & Finnonici generis militibus, qui in arcium praesidiis fuerunt, quam humanitatem declaraverim, existimo te ex ipsis intellexisse, quos incolumes a me dimissos, neque ulla ignominia notatos, non dubito ad te pervenisse, nec solum ex arcibus, sed & aliis diversis locis captos dimisi. Referam ad sacram Regiam Majestatem de loco & tempore liberationis utrorumque: ex parte Regiae omnium Polonorum, Lithuanorum & Livonum, qui fidem Regiae Majestati & Reipublicae servarunt, status secularis ac spiritualis, mulierumque ac puerorum: ex parte tua Caroli filii, Jacobi Gardiae & omnium, qui erunt Svecorum ac Finnonum, Livonum tuorum ea est causa, ut non solum captivitate, sed perduellionis crimine obstricti

sint. Ad tractationem igitur pacis, ut ab initio Carolo filio declaravi, differenda est. Si deinceps voles scribere, velim, Latine scribas, facilius & melius animi tui sensa intelligam, & tibi plenius rescribam. Qua lingua ad me scripsisti, est mihi ignota. Latina utriusque nostrum, ut opinor, cognita, interea, dum haec inter nos aguntur, ego non cessabo, sed, quidquid in rem Serenissimi Regis & Reipublicae futurum existimabo, agam. Hoc tibi clare significo. Datum in Moisa circa Felinum, die 13. mensis Aprilis, anno Domini 1602.

Scribo ad te singulari numero, te compellando, pro Latinae Linguae consuetudine, qua Imperatores etiam ac Magistratus ita compellabantur. Nec ego Latine me a te aliter compelli cupio: Germanicum Quod Nobilibus Polonis & Senatoribus ac Magistratibus non convenit. Inferiori ordini hominum illud relinquo. Tuae literae ad me perlatae sunt X. Aprilis anni correcti.

(*Litera Zamofscii.*)

Illustrissime Dux, jam ad te dederam literas meas, quemadmodum promiseram, accepto responso a sacra Regia Majestate de induciis & de pace tecum tractanda, easque Revaliam miseram, quas se recte accepisse, & ad te misisse, rescripsit ad me Comes Mauritius, cum mihi redditae sunt tuae literae, quibus prioribus meis literis respondes, itaque non habeo, quod hisce literis tecum agam, cum plene & dilucide, tam de induciis paciscendis, quam de pace post tractanda, sententiam & formam, ex missis literis, quas jam perlatas esse arbitror, perspexisti. Nam quod scribis, ut demonstratur a me locus, in quo convenient Commissarii, non video, in tractandis induciis hisce eorum magnum usum fore, si id tamen vel ad honorem putas pertinere, vel ad devitandam tuorum invidiam, mittas licet aliquos. Qui Revalia de adventu suo certiores faciant: licebit, ut obsidibus, & fide publica datis & acceptis, ad pontem inter Vaifesteinum & Revaliam convenient, modo tu mihi literis tuis, de conditionibus induciarum, ad meas diserte respondeas, & eo, quo scripsi, modo animos Ordinum Reipublicae nostrae graviter a te laesos lenias. Scripseram jam ad te antea, ut, quid esset tibi scribendum ad me, Latine scriberes, scripsisti Sveca, tua lingua, interpretatione Latina, sine chirographo, adjuncta. Quasi difficile mihi foret, ad te Polonice, aut Poloni Slavi cum sint, Slavicis characteribus scribere, & interpretationem simul addere.

Quid juvat: bis idem agere, inanis opera & superfluous labor. Nam neque mea quidquam interest, scire Svecice, neque tu Polonice discere. In seriis rebus serio est agendum, & necesse est,

K k

ut



ut ea, quæ promittes, lingua cōmuni Christianorum scribantur, & ab utroque subscribantur: propter certitudinem & firmitatem rerum, quæ constituentur. Quod ad liberationem captivorum attinet, ea fieri debet, ut & Carolus filius tibi denuntiare debuit, & tu post scripsisti, & ego tibi rescripsi, dimissis omnibus utrinque, præter Livones, qui sunt sacræ regis Majestati & Reipublicæ perduellione obstricti. De locis, in quibus id fiat, jam ante perscripsi: commodius vero id post pactas & constitutas inducias peragetur. Datum ex castris ad Meimōsam, die 11. mensis Julii, anno Domini 1602. Adjunxisti literis tuis exemplum sine subscriptione, quas ad me dedisse te dicis, ego quidem eas non acceperam, quibus & te nil in Regem commississe ais, meque, quod scripserim Regno à te illum exutum, contumeliose reprehendis, & à me cum aliis bellum Svecicum Rege persvaso conflatum affirmas. Cum ea res ad alios etiam pertineat, nunc tibi nil rescribo, scribam post è sententia communi, nunc, cum de pace agatur, sejungo ego causam meam à publica, parcam sanguini innocentium hominum, si tu quoque inducis eo, quo scripsi, modo factis hoc idem vis. Non fundatur sanguis propter me vel in summo populo utrinque otio, possumus nos duo tantum, more & instituto militari, si non detrectabis, licet inter nos definire. Misisti ad me exemplum Latinum literarum, quas ad me jam dudum scripseris, quæ ad me non pervenerunt. Nimis ignavos & tardos habes tabellarios. Meæ ad te delatæ sunt in castra ad Rigam, quas ad te ex castris ad Kokenhausen 24. Septembris dederam, tuum vero responsum ad me perlatum est 8. Julii, potuit statim cum eo redire, qui meas attulerat, tubicen, quem tu contra jus gentium detinuisti, neque ad me apparet. Quod me ignominiosis tuis dictis conaris perstringere, non est, quod tibi respondeam. Nemo est, qui mihi quidquam probri obicere possit, nisi si qui sit ipse totus mendosus & mendax. Terrarum orbis de me deque meis rebus gestis iudicium, tum omnes ætatis meæ partes, in hominum luce clarissima peractæ, atque in præsens, facile orationem tuam refellent. Hæc, quæ mihi vitio vertis, in literis denuntiationis armorum tibi scripsi, teque ad iudicium Dei, ut cum exercitu regio decerneret, provocaveram: cur id refugisti? Falso me ais scribere & impudenter, quod Regi tuo fratrisque filio regnum eripuisti, & serenissimus rex hoc queritur, ut tu ipse iisdem literis agnoscas, & tu spolia ejus regnumque possides. Præterdis in literis, ad ipsum serenissimum Regem, ejus rei causam. An non est hoc fateri, quam justam vero, judicent prudentes & æqui, culpæ summam in me nostratesque confers, Regi, ut scribis, innocentem possessionem Regni adimis. Tutorem filii regii, vivente Rege, agis: illum tibi mittamus: Quaspefere infantem ad ini-

micum, & æmulum? Cœcum orbem terrarum existimas, qui hæc, qualia sint, non animadvertat. O virginali pudorem & modestiam, en, qui alteri impudentiam obijciat. Hæc etsi vel luce meridiana clariora sint, tamen vel dextra mea senili probabo. Responde, utrum velis? De loco & tempore constituamus, & genere armorum. In exemplo vero literarum ad illius Majestatem, à te ad me transmissis, quæ verborum contumeliæ & quæ seditas, si recte judicas, non solum regia Majestate, sed vel te ipso indigna. Illud vero impudentissime mentiris, harum perturbationum me causam extitisse. Quid ad me Svecica? Polonus Senator sum, Polonica curo, vestra neque cognita habeo, neque ulla unquam ex parte attingi: Polonia regi, natione Svecico, libere ab Ordinibus electo, fidem debeo, Sveciæ nihil debeo, nec illa mihi: In ultima ego tum Valachia, adversum alterum hostem Reipublicæ, Deo propitio, injuriarum ultore, prospere rem gerebam, cum tu, ne minima quidem injuria à Republica provocatus, in ejus possessiones cum exercitu derepente, cum nihil à te hostile expectaret, irrupisti. Cum etiam eodem literas tuas ad me Generosus Vladislaus Bekiesius attulisset, quibus vel mihi ipse privatim studium tuum deferebas. Itaque concutias, licet, totam ingenii tui intelligentiam: verses in omnes partes animum tuum, nunquam à te injustissimi hujus belli, nunquam atrociter profusi sanguinis, causam & originem removebis. Quod summum, quod carissimum, quod amplissimum, regni Ordines habuerunt, id vestra regis familiæ detulerunt, ornarunt, primo affinitate, deinde sceptris regni. Hæcine est injuria? Hoc cur arma inopinata inferres? Considera facta tua, & cogitationem feriam suscipe, & etiam atque etiam vide, quid facturus sis, quidque, ut facias, conveniat. Ego, quidquid ad honorem meum pertinet, nihil in me desiderari patiar.

(*Litera Caroli.*) Posteaquam jam literæ nostræ essent conscriptæ, tuas accepimus, quibus inclusa erat schedula; qua respondes ad exemplar literarum nostrarum, superiore anno ex castris ad pagum Sernicum tibi transmissarum, & inter cætera nobis duellum offers, scias autem, si nobis & genere & dignitate par esses, hoc tibi nullo modo denegatum iri, qua in re nullis aliis uti vellemus armis, quam solo baculo, quo te ita egregie unctum & depexum daremus, ut illius diei & loci nostrique semper memor esses. Consultius est, ut te contineas intra limites tuæ vocationis, & cum scriba sis, arma deponas, & calamum recipias, illoque cum tuis æqualibus manus conferas. Et profecto pudor te prohibere debuisset, quominus nobis regio sanguine prognatis duellum offerres, qui nec genere nec conditione tecum comparandi sumus.

(*Litera Zamoiscii.*) Accepi tuas literas, Carole

role Sudermanne, plenas tumoris, rerum inanes. Confers conflati belli ac effusi Christiani sanguinis causam in Serenissimum Regem meum & tuum: miror id de eo, ad te scribi, quod DEO, quod terrarum orbi notissimum est, & pugnantia te affirmare, cum iis, quæ antea ad me scripseras. Meministi ejus Majestatem hac culpa liberans, & in alios eam referens. Ab induciis & pace justa & honesta non sum alienus. Cum tractandarum induciarum causa miseris tuos Commissarios, tum etiam ego mittam, ad locum, de quo antea scripsi. De die cum nihil scribas, neque ego quidquam volo scribere. Neque enim ulla alia de causa ea tractari vellem, quam quod nolim me esse causam effusionis sanguinis Christiani, si Commissarii tui justas condiciones, & à rationibus sacræ Regis Majestatis & Reipublicæ Regni Poloniæ ac Magni Ducatus Lithuanicæ ac institutis non alienas, adferrent, poterunt coire induciæ, sin minus re infecta discedent. Ad pacis tractationem quid requiratur, ex literis meis jam perspexisti. In captivis commutandis, stare eo debes, quod ante perscripsisti: ego etiam stabo eo, quod ad te perscripsi: neque enim mutare soleo, quod scripsi, aut quod effatus sum. Familiares tui quid de te sentiant, mitto exemplum literarum: ut cognoscas autographum, cum ipsarum chiographum penes me est: non credebam iis, quæ de te scribunt, nunc jam credo. Quod Latine non scripseris, puto te id facere, aut quod ignoras eam linguam, aut quia ineptias. Utrumque non invideo tibi. Dat. ex castris ad Meimōsam die 22. mensis Augusti, anno Domini 1602. Scheda. Audiebam te hominem cerebrosum & intemperantis lingvæ ac vitæ esse. Ingenii tamen in te aliquid inesse putabam. Sed ostendisti verum illud esse, quod de te tui intimi familiares sentiunt: totum est freno impetu animi ferri, non iudicio regi. Scripsisti ad me schedam, qua mirari te dicis, me tibi offerre duellum, cum sim tibi impar genere & dignitate, cum tu Regio genere sis: etsi tibi par essem, te non aliis armis, quam fistibus, mecum decertaturum. Sudericæ hoc prudentiæ, cum superbias Regio genere, non militarium hominum, sed baculorum more certamen baculorum proponere: quasi vero desint, fustes in Polonia & valentes lictores, qui iis cæcos palis, majoris quam baculus amplitudinis & fastigii, suffigant, eos præsertim, qui se perduellione fadarunt: & si non sunt proditores per Dei gratiam in Polonia; in Sudermannicæ aula quærendi sunt. Jam vero, quod scribis de genere: eo par omnibus sum nobilibus, vel ex quibus Reges sunt prognati: & ita honestissime natus, ut quivis Regum honestissime: Titulos Ducum nec appetivi, nec oblatos accepi: contentus sum Nobilitatis Poloniæ libertate. Tibi sordet nobilis Carolus V. augustissimæ memoriæ, & summi animi Imperator, cum aliquid affirma-

ret, id fide nobilis viri se affirmare aiebat. In te hoc solum, quod respiciam, habeo, quod eadem familia cum Serenissimo Rege meo natus sis, quod tu si curares, aliter cum eo ageres, cætera tuo ingenio tuisque moribus digna flocci facio. Dicis me scribam esse, & debere arma sinere. Sum Cancellarius, quod munus non impedit. Electores Imperii, qui illud gerunt, quominus priorem locum, quam alii Electores & Duces, (ac tanti Duces) teneant. Sum certe Cancellarius in patria mea, amplissimoque Regno, eo jure eaque dignitate, qua ubivis vel maxima sunt. Tu fortasse Cancellarii Sudermannicæ modo me metiebare, quos majores & excellentiores nobiles Poloni vel privati habent. Nec vero Cancellarius solum, sed etiam Generalis exercituum præfectus sum: Armagero pro patria, exercitusque duco supra viginti aliquot annos. Nomen meum notum est orbi terrarum: actiones meæ honestissimæ: labores, sumptus, pericula, pro Republica suscepta, tum nomen notum paucis fuisset, nisi alieni Regni dominatum invasisses, & quidem patruus fratris filii, vel fortasse putas, mei loco tironem aliquem tibi cum exercitu objectum iri: ego sum ætate senili, & magna ex parte exacta. Rempublicam nostram Regni Poloniæ, magnique Ducatus Lithuanicæ, Deus optimus, maximus, divino suo Numine & legitimo Imperio regit, firmam ac stabilem constituit, laudique & cultui suo dicavit: Habet illa multos Senatores & Nobiles magnitudine animi, usu belli ac prudentia præstantissimos. Patriam tuam à me turbatam quod scripseras, dico te mentiri, & quidquid aliud contumeliosum in me scripseris, aut dixeris, prorsus te mentiri dico, dicamque & scribam. Hæc contra meam consuetudinem, honoris mei tuendi causa provocatus, & necessitate à te mihi imposita, & quod tibi promissum, ita, ut tu mecum ages, me tibi responsum. Jam desino: satis est.

(*Litera Caroli.*) Redditæ sunt nobis, Zamoiscie, literæ tuæ, ex castris ad Meimōsam, 22. Augusti, styli novi, datæ, quibus adjuncta fuit schedula, in qua, uti impudens & perfidus homo, nos mendacii arguis, variisque convitiis exagitas, verum sit tibi dictum, nos Deo volente ostensuros, quod etiam toti mundo jam innouit, te mentitum fuisse, nos autem vera loquutos: confidimusque nostram justissimam causam, & veritatem ipsam, cum tuo tuorumque excidio, DEO adjuvante, manifestam fore: & licet non oporteat nos tuis impudentissimis contumeliosissimisque literis ulterius respondere: attamen, quia scribis te sanguinis humani effusionem minime cupere: quod utinam ex animo vereque diceret, & re ipsa comprobaret, quam tamen labem Tiberis conjunctus cum Rheno vix eluet. Ideo admonet nos conscientia nostra, quæ semper abhorruit à profusione innocentis humani sanguinis, ut tibi ad caput causæ respondeamus.



Quare, si animum pacis cupidum habeas, atque nobiscum inducias pacisci velis, id Comiti Mauritio, vicem nostram Revaliae gerenti, cui id negotii dedimus, significare poteris. Tecum ulterius literas commutare instituti nostri non est: per alios tamen sententia nostra tibi innotescet. Datae pridie nonas Sept. anno Domini 1602.

(*Litterae Zamoisii.*) Accepit tuas literas, Carole Sudermanne, denuo de induciis scripras; Quare licet, si vis Commissariis tuis convenire cum iis Commissariis, quos ad paciscendas tecum ex autoritate sacrae regiae Majestatis inducias delegi. Ad quam diem & quo in loco debeant, invicem convenire significent, tuas literas non desidero, & ne meas quidem ad te mittere. Satis mihi est, quod terrarum orbis, maxime quoque Principes & Imperatores & Reges ac Duces longe honorificentissimas soleant eas ad me dare, tu, quid jus militare & honor praescribat, ignoras, id tibi est discendum, ut scias, quomodo tu te gerere debeas, cum ex jure militaris honoris manum confertum vocaris, & qui locus ac jus sit, depulsive, negative, inter viros militares, satis te jam ipsa tua stoliditas & impudentia refutat, quid amplius verbis opus est, ex castris ad aedem Divi Petri, 10. Octobris, anno Domini 1602. Verum tractationum earum is exitus tandem fuit, ut, cum Zamoiscius Regno ante omnia satisfieri ablatumque restitui vellet, Carolus autem eorum, quae in potestate haberet, quicquam cedere se posse negaret, utrinque intermitteretur. Non multo post etiam Nassovius navi Revaliae conscensa solvit. Quos terra aliquot ex comitibus suis cum literis ad novercam aliosque diversos in Germaniam miserat, Gedano profecti à Joanne Vejero, Praefecto Pucense, nunc Palatino Mariaeburgense, tanquam limitaneo Praefecto, exemplo prioris, qui Cursbachium tempore interregni perniciosam consilia Poloniae inferentem interceperat, detenti, litteraeque ad Regem missae fuerunt. Ex quibus ne ipsi quidem Nassovio à Carolo, de quo querebatur, satis fieri apparebat. Per idem fere tempus Daniae regis frater filiae magni Moscoviae Ducis relictae Fedorae nuptias ambiebat, ab aliquot primariis consiliariis hominibus, nonnullis doctis ministrisque, in religione fortassis aliquid novandi causa, per Ivanogrodum, primum inde ulterius in Moscoviam deductus fuit, à comitatu ejus Secretarius Danicus, commeatus petendi causa, ad Zamoiscium excurrerat, si vera causa ea, siue, quae gererentur, cognoscendi: Humanissime à Zamoiscio exceptus, habitusque, & cum commeatu dimissus fuit. Verum amores à morte à Principe Daniae empti fuere, qui in Moscovia ibi obiit. Cum autem viduus eo tempore rex esset, Zamoiscius vel ipsi regi matrimonium id imprimis perficere conabatur, commoda maxima ostendebat, tam dotis, quam adjungendi paterni regni Sveciae & vel ipso Duce magno defuncto ipsius Moscoviae contra Turcam, etiam Christiani-

nitatis utilitatem, quae ex ea affinitate sperari posset. Posse se ex Palatino Plescoviae & de educatione formaeque puellae, & de dote cognoscere, effigiemque ejus fortassis ipsam habere; Duo enim è stirpe magnorum Moscoviae Ducum reliqui erant: Filius unus, in cuius locum Pseudo-Demetrius primus postea se subdidit, sed & infirmæ valetudinis & rudis & mente fere captus, filiaque Fedora, tum annis matura, ad quam, si fratri humani quid accidisset, successio spectare videbatur. Verum conjugium id Constantiae Austriacae, defunctae reginae sorori, quae nunc felici sydere regina nostra est, fata jam destinarent. Eodem autem fere tempore, quo in Livonia ista agebantur, in Polonia Bernardus Maciejovius, Episcopus Cracoviensis, in Cardinalium collegium à summo Pontifice allectus fuit, quod cum agi Zamoiscius cognovisset, cum ad Nuntium Pontificium pro Archiepiscopo simul Gnesnensi Carnovio partes suas interponebat, ob dignitatem Maciejovio se favere vix non rectius tamen futurum existimare, si Archiepiscopo Gnesnensi honoris etiam communicaretur; qui & primae sententiae jus post regem haberet, & cum ex Cazimiri lege sine consensu Senatus honoris accipi non posset, tanquam Princeps Senatus, minus invidiae habiturus esset. In Radivilo enim, tanquam Lithuanici nominis, alteriusque quasi Reipublicae, Batorio etiam, tanquam Ungaro ac regis fratris filio, minus offensum, in aliis primum locum ante Archiepiscopum, quod ex dignitate Sedis Apostolicae esset, vix evicturos. Verum hunc in locum cum incidimus, aliorum etiam hujus temporis Episcoporum mentionem facere non alienum fortassis fuerit. Aliquanto igitur ante Georgio Radivilo, Cardinali, Episcopo Cracoviense, & Hieronymo Rozrazevio, Cujavienae religiosissimo Antistite, eodem fere tempore Romae mortuis, quemadmodum ostensum est, in Episcopatu Cracoviense Bernardus Maciejovius, elegantissimus Senator, ex Episcopatu Luceorienfese successit. Ut autem ab Archiepiscopatu initium fiat, quemadmodum ostensum est, Carnovius tum in eo erat. Sed non multo post Carnovio ipso etiam mortuo Maciejovius in Archiepiscopatu Gnesnensi etiam ei successit, unaque cum Episcopatu Cracoviense Archiepiscopatum etiam Gnesnensem obtinuit. Ac natura quidem ita comparatum est, ut sine vitiis nemo nascatur. Itaque in Carnovio etiam constantiam consiliorum plerique requirebant: humana tamen virtutibus si quis pendisset, magnus Senator & amans Reipublicae fuit. Sed Maciejovio etiam è vivis non multo post sublato, in Archiepiscopatu Joannes Tarnovius ex Episcopatu Vladislaviensi successit, vixque in Archiepiscopatu fere eum ostendebat, ei deinde ex Episcopatu Vladislaviense Albertus Baranovius, insignis Senator, successit, ei que hoc tempore Laurentius Gembicius. non minus & ipse insignis magnique in Republica consilii Senator: qui cum apud eundem

in Vicecancellariatu, temporibus Stephani Regis, & imprimis hujus Secretarius, postea major Secretarius, Episcopus deinde Culmensis, ex eoque, post Pstroconsium, Cancellarius fuisset, postea in Episcopatu Vladislaviensi, ad extremum in Archiepiscopatu iisdem fere vestigiis Baranovium subsecutus fuit: nuncque non minus omnium votis, quam beneficio regio, sanctaeque Sedis Apostolicae, Archiepiscopatu praestit. In Episcopatu Cracoviense Petro Miskovio, ex Episcopatu Vilnense Georgius Radivilus, postea Cardinalis, proximus fuit: longo tamen intervallo, ex Episcopatu enim Plocenfe initio Regni à Stephano Rege ad Episcopatum Cracoviensem promotus, per omne id tempus Stephani Regis, perque aliquot annos in Episcopatu eo fuit: cumque solida doctrina esset, Graecarumque ac Latinarum literarum peritissimus, ad eam etiam aetatem pervenit, ut, raro hisce temporibus exemplo, non aegilimum etiam aetatis annum superaret. Huic, quemadmodum ostensum est, Radivilus, postea Maciejovius, inde Tilicius successere: eoque nuper admodum mortuo, ecclesiae ei Siscovius, singulari prudentia Senator, ex Episcopatu Plocenfe praestit. In Episcopatu Vladislaviense Rozrazevium, qui initio Regiminis Stephani Regis Carnovio successerat, Tarnovius, inde Petrus Tilicius, postea Baranovius, post Baranovium Matthias Pstroconsius subsecutus fuit, cuius Vicecancellariatus, cum in proximam secessionem, Rokos vulgo vocant, incidisset, prudentia, consilio, vigilantia, non parvo uti Regi Reipublicaeque fuit, Pstrocontem Gembicius, eo non dudum ad Archiepiscopatum translato Paulus Volucius, cuius antea mentio facta, successit. In Episcopatu Polnaniense post Laurentium Koscielicium, quem Stephanus Rex in Episcopatu eo repererat, Joannes Tarnovius ex Vicecancellariatu, Laurentius Goslicius, Augustanorum adhuc temporum Secretarius, ex Episcopatu Przemisliense successerat: Goslicio Andreas Opaliniensis de Bnino, qui nunc Episcopatu ei praestit. In Plocenfe Episcopatu post Miskovium, cuius supra mentio facta fuit, Nicolaus Dunin Volscius à Stephano Rege ex Vicecancellariatu promotus fuerat: cui postea Albertus Baranovius ex Vicecancellariatu & Episcopatu Przemisliense, Baranovio Siskovius, qui nunc in Cracoviense est, huic Henricus Fitlejus è Vicecancellariatu: prius tamen Episcopatu Luceorienfese, parvo intervallo ei collato, successit. In Episcopatu Varmienfese post Stanislaum Hofium & Martinum Cromerum, Augustanorum adhuc temporum Episcopos, alterumque Cardinalem, Conciliumque Tridentini Principem, utrosque autem clarissimos Scriptores, Andreas Cardinalis Batorius, huic Petrus Tilicius, veteranus multarumque rerum usu praedatus Senator, ut qui Stephani Regis tempore Secretarius major jam fuerat, eum Simon Rudnicus, in Palatinatu Sradienfese nobili claroque imprimis loco natus, ex Secretaria-

tu majore, subsecutus fuit, invitis sane & repugnantibus Prussis. Quod Prussus non esset, quos solos pro indigenis habent, jura sua violari in eo putabant; sed ea virtute Senator cum sit, ut, si cujusquam gratia jus violandum sit, ejus potissimum gratia violari id mereatur: summa non solum virtute apud omnes, sed gratia etiam & autoritate apud Prussos locum eum tuetur. Quod autem ad futuri temporis memoriam & exemplum maxime pertinet, non praetereundum, cum Episcopus nullus praesto esset, qui in juramentum, quod in Senatum Prussicum à Senatoribus praestari solet, ei praeretur, David Konarscius, Abbas Olivenfis, Senatus Prussici nomine juramentum ei detulit, ab eoque accepit. In Episcopatu Luceorienfese post Maciejovium Paulus Volucius, eoque in Vladislaviensem Henricus Fitlejus successerat. Nunc Andreas Lipsius, juris rerumque Cancellariae & Reipublicae peritissimus Secretarius, in locum ejus à Rege nominatus est. Episcopatum Culmensensem Henrici Regis beneficio Petrus Kostka, vir & ipse doctissimus, inque Graecis & Latinis literis versatus, sub adventum Stephani regis obtinuerat. Ei Petrus Tilicius postea successerat, quem Laurentius Gembicius subsecutus: hunc Matthaeus Konopacius è Palatinatu Culmensi, praefecturaque Graudentinense relicta, singulari virtute Senator: post quem Joannes Kuczborscius, loco regentis in Cancellaria regiae complures annos versatus, multoque rerum usu nunc praestit. Atque his quidem in Poloniae & Prussiae partibus. In Archiepiscopatu Leopoliense Demetrium Solikovium, à Stephano Rege ad Archiepiscopatum adhuc promotum, Joannes Zamoiscius Grimalius, Secretarius adhuc Stephanus, multisque legationibus, tam ad summum Pontificem, quam Caesarem, inque aulam Turcicam, maxime autem pace in aula Turcica post Uchanscium constituta clarus, substitutus fuit. In Episcopatu Przemisliense post Baranovium, qui Stephani regis tempore Borcovio successerat, Laurentius Goslicius, cuius supra mentio facta, successit, quem in Episcopatum Polnaniensem postea translato Matthaeus Pstroconsius, regni tum Vicecancellarius, hunc jam Sicinius subsecutus fuit. Chelmenfem Episcopatum, post Gomolnium, Georgius Zamoiscius, Joannis Zamoiscii, militiae Regni Ducis, agnatus, ab aliquot adhuc ante mortem ejus annis obtinet. In Camenecenfe Episcopatu post Paulum Volucium primum, in Episcopatum Luceorienfem, inde Vladislaviensem jam translato, Andreas Prucknicus, ex legatione Neapolitana ad eum praevectus, jam praestit. Episcopatu Kioviensi Christophorus Casimirscius non parvo cum Episcopatus ejus cura augmentoque. In magno Ducatu Lithuaniae post Georgium Radivilum, Cardinalem, contentioneque eam Ordinum de Maciejovio, Benedictus Voyna, nunc Eustachius Volonicus Ecclesiae illi praestit. Episcopatu Samogitiae Pacz Lithuanus. In Livonia,



nia, in Episcopatu Vendenſi, Stephani Regis ſtudio, à ſummo Pontifice conſtituto, Andream Patricium S. Alexander Mielinski, Abbas Trejeſnenſis, hunc Georgius Senking mox ſubſecutus, in varia temporum diverſitate Livoniaq; fortuna ad hoc uſq; tempus verſatur. Quorum quidem nonnulla, etſi aliquanto poſt hæc tempora, quæ nunc perfequimur, intervernerint, præcipuas tamen noſtri temporis Episcoporum ſucceſſiones uno loco commemorare rectius viſum. Felino capto præſidium Iſterpolenſem mox exceſſit, iis autem in locis vix non ſex ſeptimanas Zamoſcius ſubſtitit, commeatum enim ex Eſtonia ipſaq; Moſcovia petere neceſſe habebat: quæ enim communis omnium exercituum lues eſſe ſolet, penuria omnium rerum, maxime autem pecuniaria, laborabat. Peditatus omnis, tam ſtipendiarius, quam viceſimarius, dilapſus fere erat, eques vix retineri poterat, ac ſi retineretur, vix in triemeſtre reliquum, meritum ſe profitebatur, eaque conditione, ſi quinquageni menſtrui eis promitterentur. Cum illius nulla ſpes retinendi eſſet, de quartano milite in Livoniam transferendo cogitatum, ſed cum Palatinus Lublinenſis Sobieſcius diligentiffime in eam rem incubuiſſet, nullis conditionibus, etiam ſi ſtipendia ſolverentur, ad Livonicam militiam perducere poterant; Etſi autem ante etiam ex tributis, à theſaurario, pecuniæ aliquæ miſſæ fuerant, ſub id tamen tempus Tarzina etiam cum quinquaginta milibus à Rege ad exercitum venit, pauloq; poſt Matthæum Niemojevium etiam, alterum ex familiaribus aulicis, nunc Præſectum Starogardienſem Kovaloviſemque, Rex miſit, qui, poſtquam Vilna in Poloniam ſe recepiſſet, ſummo ſtudio neceſſaria belli procurabat. Habita ab utroq; nomine Regis oratio ad militem fuit, qua ad conſtantiam eum hortarentur, itaque etſi vix ſine ſeditione aliqua, à quinquagenis tamen florenis ad trecentos menſtruos deventum; qui, ut certo illis non promiſſi, ita negati etiam non fuerunt: iis etiam, qui in Livonia poſtea remaſerunt, præſtiti: Non ſolum autem de milite agebatur, verum de ſucceſſore etiam Zamoſcio ſufficiendo, præſidiisq; conſtituendis: Zamoſcius enim, cum biennium fere inter ſummas difficultates Rempublicam geſſiſſet, & cum aliis rebus omnibus, tum valetudine maxime, exhaustus eſſet, jam antea ſucceſſorem à Rege petierat, cui exemplo Tarnovii, Mielecium ſibi delegantis, ad eum actum ſolum, ſeu pro ea vice, tantum non modo Imperium militare, ſed provinciam etiam adminiſtrandam, maximeq; inter diverſæ nationis homines juſtuendum traderet, ac nullum quidem Radivilo Palatino Vilnenſe, qui Imperio magni Ducatus Lithuanie, ſumma cum poteſtate, præerat, ſi ſuſcipere rem voluiſſet, præferri poſſe, ſatis conſtabat. Si quid tamen ei obſtiſſet: cum præſertim Zolkievius etiam, regni militie Dux campeſtris, magnis negotiis impeditus, remanere in Livonia non poſſet, in ejus locum Joan-

nes Carolus Kotkievicius, Præſectus Samogitiæ, magnæ ſpei Senator, & à Zamoſcio imprimis commendabatur, & ipſi Regi maxime placebat. Itaq; ad utrumq; Niemojevius à Rege literas habebat, imprimis quidem ad Radivilum Palatinum Vilnenſem: tum, ſi ille rem non ſuſcepiſſet, ad Præſectum Samogitiæ; illis Zamoſcius ſuas addiderat. Sed cum Radivilus in Albam Ruſſiam longius diſceſſiſſet, ad Kotkievium recta proſectus Niemojevius fuit. Ad Radivilum literas nihilominus Zamoſcius dedit, quibus, ſi in æſtatem ſuſcipere rem vellet, ſummuſ ejus ſemper imperium futurum oſtenderet. De tormentis militæque in præſidia diſtribuendo non minus cogitatum, quoad exercitus in Livonia futurus eſſet, tormenta etiam apparatusq; bellicum in tuto futura eſſent, in hoſtium poteſtatem ventura. Ejus igitur primam curam habendam Azeliuſ potiora aliqua tormenta præmiſſa, miſſusque Leſniovius cum peditatu, qui, ut potiri ejus poſſet, operam daret. Kokenchauſii, Dunemundæ, aliquem etiam peditatum habendum. Kokenchauſii non magno præſidio opus eſſe: aliquot denis, qui portas obſervarent, Dunemundio, viribus hoſtilibus à mari expoſito, juſtum præſidium neceſſarium eſſe. Itidẽ Romburgo, qui commodiſſ. locus ad tormeta apparatusque bellicum deponendum eſſet. Sub Velino, ob commeatus inopiam, difficulter heretur, cujus cauſa in Eſtoniam mitti neceſſe fuit. Caſtellanus Leopoliſenſis cum parte copiarum miſſus, Veſenburghum interceperat, peditatum Livonicum & Eſtonicum ad ipſa mœnia Revalienſia aliquoties propulerat. Velitationes aliquot habitæ fuerant, aliud fieri non potuerat. Cum hoſtis copiam pugnandi non faceret: peditatum Zamoſcius expectabat, qui quidem jam venire dicebatur, ſed valde lente. In ſumma peditatus penuria Jugoslovius & Voïna ſingulas turmas ad exercitum ducebant. Cum Jugoslovii cohorte de pecoribus quibusdam Rigenſes pedites rixæ aliquid contraxerunt. Voïniana cohors nihil cum illis commune habuerat: ſed ad Novam mollam præceſſerat, ibiq; Jugoslovium aut cohortem ejus expectabat. Jugoslovius apud Caſtellanum Dorpatenſem Rigæ interim eſt, à quo digreſſus uno cum puero in itinere interficitur, tota interim civitas, Duce Ekio, Conſulis, vel fratre, vel filio, cum tormentis alioque inſtrumento bellico effuta, utramque cohortem opprimat. Voïna periculoſiſſime vulneratus, à viginti & aliquot annis vix tantum cladis tam temere acceptum. In ſummo dolore, temporis cauſa, facinus diſſimulatum. Interim, cum peditatus ad exercitum veniſſet, Album Lapidem oppugnare viſum, quod quamvis difficillima oppugnatio videretur, ſi tamen præſidium illud à tergo relinqueretur, quæcunq; aliz arces ulterius captæ fuiſſent, non ſolum exercitui, ſed ne literis quidem tutus, ad eas aditus pollicitus fuiſſet: Cogitarat quidem Laiſum

exerc-

exercitum convertere; ſed vel recens exemplum, quam minime ſecurum eſſet; Album Lapidem à tergo relinquere eum docuit. Ad pontem Navoiſciæ, quamvis ſub exercitu perculſa fuerat, Turma Coſacica in excubiis ibi relicta. Vicarius, abſente Præſecto, ſine commeatu Ducis cum aliquot turmalibus ab ea diſceſſerat, per id tempus, pecuniæ cauſa, ad exercitum, quam per turmalem aliquem petere potuiſſet. Non magnam tamen inde voluptatem hoſtis cepit. Kopcioviuſ enim cum turma Przilencii, quam, per valetudinem Przilencii Præſecti, Rex ei mandaverat, ei ſuccurrens, quidquid damni acceptum fuerat, egregie reſarcivit, hoſtem perculit, pontem locumque, in quo non parum poſitum, recuperavit, hoſtem eiecit: initium mox non contemnendum factum: via per paludes, etſi non commodiſſima, verſus arcem tamen reperta, per quem peditatus tormenta q; ducerentur, tormentisq; in ſolido loco mox conſtitutis, vineæ ducentis ſaltem à mœnibus arceque paſſibus ſine ullo graviore incommodo ad æ conſtitutæque. Eo, ſubſequenti nocte, tormenta etiam promota: quamvis non ſatis magnam eorum copiam pro magnitudine oppugnationis habere ſe Zamoſcius putabat: idque etiam incommodi acceſſerat, quod id, quæ virgo vulgo nuncupabatur, cujusque globus, quemadmodum alios, ita præſidii etiam ejus muros totos penetrabat, rupta per id tempus fuerat; non tam pulveris vitio, quam ſive occulte aliæ ſiſſuræ ſive tormentarii, cujus fides non nihil ſuſpecta ea in arte erat. Curavinearum & oppugnationis, per abſentiam Leſniovii, Paulo Piaskovio demandata. Egregie in ea verſatus. Difficillimum ſane præſidium oppugnatum erat: copiis etiam omniſque generis apparatu inſtructiſſimum fuiſſe antea cognoverat. Pluviz præterea continuæ fuerant, ſine peditatu fruſtra etiam tentari res poterat: in Auguſto poſtea ceſſare pluviz ceperant, interim peditatus etiam aliquantum, ad mille nimirum, advenit. Cum re ipſa à tergo arcem eam relinquere minime tutum fore deprehendiſſet, de oppugnanda ea cogitare ceperat. Præſidarii, vel ob commeatus paſſimoniam, vel quod, oppugnationem tentare non auſuros noſtros fuiſſe, exiſtimarent, ultro copias minuerant: commeatus etiam fortaiſſis non ſatis paraverant. Venerant ducenti ad eos circiter milites, eos dimiſerant: centenis aliquot in præſidio retentis: poſtea aliquoties & ſubſidium & commeatum importare tentaverant, ſed fruſtra. Re enim animadverſa aliquoties intercepti fuſique fuerant, à qua parte propugnacula duo munitiſſima vallumque terræ aliquantum ſolida, ſed difficillima oppugnatio. Captivi ab altera parte minus firmos muros eſſe ſignificabant, ſed paludes continuas ad ipſa uſq; mœnia. Cum tamen peditatus aliquid interim ſuperveniſſet, eo converſus tormenta magno labore per paludem inter continuas fere pluvias deducta, ſubq; ipſis mœnibus conſtituta, in lo-

co quidem paluſtri, ſed à quo alius haberi non poterat, vix non ſeptimana integra in vineis tormentisq; ducendis, aggeribus pontibusq; adeo jaciendis, inſumpta fuit. Die Jovis muri ex ea parte, de qua dictum, quati cepti, moxq; foramen ſatis amplum patefactum. Zamoſcius, etſi vi præſidium eo ſtatu non difficulter capi poſſe, animadvertebat: cum tamen non ſine ſanguine multorumq; cæde fieri id poſſe judicaret, ſimul in hujusmodi arcis occupandæ ſpe nihil moræ interponendum ratus, ſimulq; hominibus regiis, quorum ſummam ſuper rationem habebat, parcendum, literas ad Præſectos præſidii mittit, quibus periculum præſens eis indicat, ſalutem, ſi mox deditionem faciant, offerens, omnem deinceps ſalutis aut tractationis ſpem procidit. Reſcribunt mox, ut quæ uniſ tantum horæ ſpatio, qua deliberare poſſent, à tormentis oppugnationeq; ceſſetur, petunt. Zamoſcius, quam minimum temporis eximi, ſpatiivæ eis concedendum putans, in munitionibus ſe eſſe diſſimulat, Leſniovio, qui interim advenerat, ut, tanquam Capitaneus, reſcribat, mandat: Ducem ipſum non in munitionibus, ſed caſtris eſſe, priusquam literæ illorum ad eum mitterentur, tempus horæ exiturum, noctem in propinquo eſſe: literas quidem ad illum miſſurum: ut ab oppugnatione interim abſtineret, cum mandatum ejus nullum haberet, integrum ſibi non eſſe. Incertum, quid interim fieri poſſet, ſvadere, ut, quid agendum ſibi eſſet, mox ſtatuerent. Interim Zamoſcius tormenta continuo diſplodi, peditatui, tanquam ad irruptionem mox ituro, clamorem in munitionibus tollere, ſigna manibus tenere mandat. Mittunt denuo, petunt, ut vel dimidiæ horæ ſpatium ejus tribueretur: reſponderetur, nullo modo id fieri, & ita vix peditem retineri poſſe: ab exercitu etiam equites & Coſacos confluere, vereri, ut contineri poſſent: quid conſilii caperent, mox ſtatuerent. Mittunt inde petitum, ut ad conditiones tractandas duos ex arce mittere poſſent, obſidesque, eorum loco, eis mitterentur: reſponderetur, ut tres mittant, opus eſſe, Frangelium, Præſectum arcis, Alphoſum Hiſpanum, qui primus ibi Capitaneus eſſet, & præter illos tertium aliquem, certi que eſſent, quæ nomine Ducis eis promitterentur, inviolabiliter ſervatum illis iri: progreſſi inde ex arce fuerunt, Frangelius & Alphoſus Hiſpanus, quatuorq; alii: cumque nox jam eſſet, ut peditatus in officio ſe contineret, mandatum. Secretario duobusq; familiaribus cura illorum demandata. Egregie in ea oppugnatione Jacobus Potocius ſe geſſerat, neq; ſolum Præſecti equitum, ſed gregarii etiam militis, officio functus: In primis vineis ad arcem Piaskovii & Vozucincii inſignis opera fuerat: in ſubſequentibus Charlinſcii & Leſniovii, omnes alii etiam fortiter ſe geſſerant. Quemadmodum in ludo eo fieri amat, complures in lecto eo honoris occubuerant: non pauci vulnerati. Præſecturam arcis, quemadmodum Rex juſſerat, Potocio Zamoſcius

com-



commiserat, si in Polonia ei provideretur, illa cessurum; Privilegium interim petit. Inter mortuos in primis vineis Sulaticius, in secundis Domatovius, Otrebovius senex graviter vulneratus, Chorodiscius, Jankovius, Klanicius, iidem senex: in tertii operis vineis expeditatu etiam nonnulli occubuerunt: vulnerati ultra centum; ita fieri necesse fuit, ob promotionem tormentorum, quæ propter paludes interjectas ad ipsa moenia sistenda fuerunt. Non dubitabat Zamoiscius, si recentem peditatum habere potuisset, non solum Livonia, sed Estonia etiam ejici hostem posse. Cor enim Estoniæ eam arcem se existimare, caput Revaliam, ventrem Narvam, sub quam si recens exercitus veniret, vix obsidionem sustentaturam, simulque Revaliam etiam tracturam. Albo Lapide capto, quasi aggeribus ruptis, exercitus dilapsus, initio à Colacis Zaporovientibus facto, veritusque Zamoiscius, ne Lithuanicæ graves essent, literas mox ad Regem dedit, quibus, ut si ne mora edicta ad eos mitti juberet, ei suggerebat. Imperium militare, ubi stipendia non mox solvantur, parum valere: Jam ab aliquo tempore stipendia illis non soluta, potestatem præterea militarem & constitutione & exemplis non parum imminutam, permissu divino, incommodo Reip. id fieri, ut contra eos, qui disciplinam, Imperium militare, auctoritatemque Magistratus, tueantur, fontes semper patronos suos reperiant, qui incommodo Reipublicæ, ut ægre Magistratibus, faciant; suum inde commodum & voluptatem captent. Biduo post, utcumque potuit, præsidia Zamoiscius constituit. Jacobi Potocii potissimum svasu aliquot Præfecti remanere: remanisset ipse, nisi repulsa præfecturæ ex eaque ignominia metus dubium eum habuisset. Literis Regis hortandus, ut rediret, vel ex Polonia ad capitaneatum revertetur, Zamoiscius svaðebat, nondum tum Capitaneum Samogitiæ viderat, ut, an in hyemem, aut ulterius tempus, Imperium susceptrus esset, sciret, ut maxime futurus ibi esset. Potocii tamen etiam præsentiam imprimis ibi utilem futuram, Zamoiscius judicabat, Virum esse totum militarem, multum opera illius sub Albo Lapide se usum, ut alteram partem militiæ egregie caleret. Si sufficiens equitatus esse posset, sperare se, ea hyeme, ex Livonia & Estonia, summo veri hostem posse: excursiones ejus prohibendo, Narvam infestando: unde Revaliæ etiam gravis futurus esset, & in Finlandiam gradus patefieri posset, cui rei nisi prospiceretur, verendum, ne Carolus interim se confirmaret, Mosci etiam & Dani consilio ne præveniendos nos putarent: operam igitur dandam, ut, quicumque ibi milites retineri possent, iis denuo stipendia indicerentur. In Polonia etiam milites scriberentur, hucque expedirentur: sine exercitu enim vereri se, ne omnia ex manibus rursus dilaberentur. Cum, Albo La-

pide proviso, ad exercitum Zamoiscius iret, legati à præsidio Leisense eum adeunt, qui deditionem præsidii illius facerent. Mittit eo Lucivinium, & Præfectis Lithuanicis, virum gravem militarem, eumque, ut penes curam præfecturamque loci ejus Rex relinqueret, petit. Leisio dedito, in spem ipsius Dorpati Zamoiscius veniebat. Ob ipsum vicinum metum, sed exercitum nullo modo perducere eo poterat, qui, cum in summa difficultate incommodisque versaretur, maxime duorum fluminum, Embecce, & alterius cujusdam, trajectus metuebat. Velsenburgum pro Lesniovio petit. Peditatus, tam vicesimarius, quam stipendiarius, nullis pœnis aut suppliciis, quo minus diffugeret, retineri poterat. Præsidia tamen arcium, ut poterat, providebat, sua etiam pecunia, quæ allata ei erat, in eos usus erogata. Interim Kortkievicius advenit, curam provinciæ prompto animo suscipit: à milite imparatior erat. Ultra centum equites fratremque Alexandrum secum non habebat. In Albo Lapide etiam Goslavius cum turma remanebat, Felini Dambrova, Leisii Lucivinius: sed cum turma valde attrita, quid aliæ turmæ Lithuanicæ facturæ essent, nondum satis Zamoiscio constabat. Cum ipsum tamen Kortkievicius, tum rem provinciæ diligentissime Regi commendabat, omnem operam dandam, ut exercitus retineretur, stipendiaque in eum necessaria curarentur, quemadmodum & supplementa. Lithuanicos Tartaros utilem operam, si cogantur, præstare posse: peditatus etiam, etsi vehementer dilaberetur, in Albo Lapide tamen octingentos se reliquisse: Felini sexcentos: per alias arces, pro ratione munitionum, copiaque militum, distributos: modo eæ adhuc, quæ reliquæ essent, constanter permanere vellent, sperare se, ea hyeme, hostem à Livonia pelli posse. Aliquot munitionum muros, & mare eum adhuc aspicere: terram omnem fere in Regis potestate esse. Si per hyemem frequentibus excursionibus infestetur, sine dubio grave hosti futurum. Præfectum Samogitiæ de Narva oppugnanda cogitare, sineque dubio, modo copiarum tantum ei suppetat, utilem operam Reipublicæ navaturum, tantam virtutem crescentem hujusmodi, præsertim Senatoris, omni studio alendam esse. Quodcumque pecuniæ sub Albo Lapide ad se missum esset, ad decem novem millia, ad priora debita, in militem se erogasse, à Thesaurario etiam quinquaginta millia nunc missa, ea quoque omnia erogata. De pecunia supplementisque etiam atque etiam cogitandum. Ad eum autem modum, qui ostensus est, & publica gesta. Sub festa natalitia in Poloniam rediit. Provincia Joanni Carolo Kortkievicio, Præfecto Samogitiæ, tradita: qui & feliciter ad hoc usque tempus eam administravit, & præclaris aliquot victoriis Imperium illustravit.



K.B.



